


Lataiqui' loya'apa
ite al c'a
lixpic'epa EanDios



New Testament in Chontal, Highland Oaxaca (MX:chd:Chontal,
Highland Oaxaca)

Lataiqui' loya'apa ile al c'a lixic'epa LanDios
New Testament in Chontal, Highland Oaxaca (MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 30 Dec 2021
6400fb6e-80e3-5cbe-8b37-1a879c9db6c6

Contents

San Mateo	1
San Marcos	56
San Lucas	88
San Juan	145
Los Hechos	189
Romanos	244
1 Corintios	270
2 Corintios	294
Gálatas	310
Efesios	319
Filipenses	328
Colosenses	334
1 Tesalonicenses	340
2 Tesalonicenses	345
1 Timoteo	348
2 Timoteo	355
Tito	360
Filemón	363
Hebreos	365
Santiago	384
1 Pedro	390
2 Pedro	397
1 Juan	402
2 Juan	408
3 Juan	409
Judas	410
Apocalipsis	413

Ti'hua toxhuj'metsola', topangococonla' David, cocuaiya petsi loya'apa: "... ilecom'mola' cal rey Jeconías jouc'a lixanuc', icuai'entsola' lamats' Babilonia". Jilpe joupa oxhuj'mepola' ocuenaye imbamaj malujxi litatahueló cal Cristo.

Tijoula' topangococonla' petsi linihiya: "... ilecom'mola'... icuai'entsola' lamats' Babilonia", ti'hua toxhuj'metsola', cocuaiya linihiya loya'apa: "... María lipo'nopa Jesús, ilque cuftine cal Cristo", jilpiya joupa oxhuj'mepola' ocuenaye imbamaj malujxi litatahueló cal Cristo.

¹⁸ Itsiya cu'i'molhuo' li'ipa licuai'ma Jesucristo fa'a li'a lamats'.

María ti'i'ma qui'máma' Jesús. Ilquiya joupa epi'ipa cataiqui' José. Ihniya aiquejonliyotsi. María ma' ahuats', iximpoxi innay. Tofta'a li'e'epa cal Espíritu Santo. ¹⁹ José liximpa innay María, ¿te co'eya? Ilque José tihuequi lataiqui' locuxepa LanDios. He lataiqui' ticua: "Ihniya lan xujc'a cacal'no' tocufstola". José ixim'ma cuanuc' María, aimicua micufya. Ticua: "Ai cacufya. Aicuya'aya. Ma le'a aicalecoya."

²⁰ Micua tofta'a lipicuejma' José ipaiyo'ma. Imaxcaitsi anuli lepaluc LanDios. Ilque lepaluc timi:

—José, ima' otatahuelo cal rey David. Itsiya camihuo': Aimoxhuelmot'le'ma. Tapenufla' María copeno. Ai xans hitai'ipa María. Ma cal Espíritu Santo itai'ipa. ²¹ Tipo'no'ma hi'hua amijcano. Ima' tacui'i'ma Jesús. Ilque tuntu'e'mola' lixanuc'. LanDios aimecani'eyacola'. He lipuftine lofmecui'ya tuhualquemma: Lonlu'eyale.

²² He li'ipa María enanlpa lataiqui' linespa cal profeta luya'apa linespa LanDios, tuya'e':

²³ ¡Toftcuejle! Lahuats' ti'i'ma quinnay, tipo'no'ma qui'hua.

Ilque hi'hua tecui'im'me Emanuel.

Lipuftine lacui'inyacu tuhualquemma: Fa'a tipa'a LanDios, almana' anuli.

²⁴ José imaf'i'ma, itsahuemma, i'e'ma ma to limipa lepaluc LanDios. Epenuf'ma María. Ileco'ma lejut'l. ²⁵ Mi'huaijma tipajntsi cal te'a qui'hua María, tama imajm'me anuli lajut'l, aiqui'eyotsi anuli. Lipajntsi lamijcano, José ecui'i'ma lipuftine Jesús.

2

¹ Ihniya litiné, micuxe cal rey Herodes, Jesús ipajnyotsi liya' cuftine Belén, lopa'a al distrito Judea.

Malniya litiné lan xanuc' linxingufale icuaita al distrito Judea, al cuecaj quilya' Jerusalén. (Ihniya tecui'innila' lam Mago.) Quiyoyomma hilemats' pe liyuf'maj 'ora. ² Icuitsuf'me. Timinnila' lan xanuc' nomana' Jerusalén:

—Imanc' unc'ijudío, ¿pe copa'a lamijcano ilque lotrey? Alsimpá liyuf'ma hixamna loya'apa joupa ipajnta ilque cal rey. Alcuai'me laxc'onlingolai'me.

³ Licuej'ma ille lataiqui' cal rey ixhuelconni. Jouc'a ixhuelconca jahuay lan xanuc' nomana' jilpe liya' Jerusalén. ⁴ Cal rey ijoc'i'mola' lixanuc' cal cuecaj ca'ailli' jouc'a lomxiye nomuc'iyalepá locuxepa LanDios. Icuis'e'mola', timila':

—Al Paxi Linilingiya, ¿te quicuapa? ¿Pe copajnyoya cal Cristo?

⁵ Ihniya timiyi:

—Cal Cristo tipajnyota liya' Belén, lopa'a al distrito Judea. Tofta'a licuapa cal profeta linilpa linespa LanDios, tuya'e': ⁶ Ima' Belén, miya' lofpa'a al distrito Judea,

aimetets'i'mo' ilne nocuxempola' lan xanuc' nomana' lamats' Judá.

Ima' ti'i'mo' quipilya' anuli cal cuecaj nocuxeya.

Ilque ac'a ticuxe'mola' laixanuc', ihniya lixanuc' Israel.

⁷ Herodes i'e'moxi ch'ix. Ijoc'i'mola' ilne linxingufale, ilne lam Mago, timila':

—¿Te quitine limaxcaita cal xamna? Lu'ila'.

⁸ Ihiya u'i'me. Cal rey Herodes umme'mola' tiyele liya' Belén. Timila':

—Tonlele, jilpe liya' tolahuetsa lamijcano. Litine tolsintsa, alu'i'ma. Iya' jouc'a ca'hua'ma. Caxc'onlingaita.

⁹ Lam Mago iquimf'e'me cal rey limipola', iye'me.

Milmana' hilemats' ilne iximpá limaxcaita cal xamna. Itsiya maque cal xamna i'huaj'me'mola'. Licuaitsi lajut'í pe lopa'a lamijcano, imaxcaiconno, ecaxemma al toncay.

¹⁰ Ixoconni quileta lam Mago lixim'me cal xamna. ¹¹ Itsulfo'ai'me lajut'í, ixim'me lamijcano jouc'a María, ilque i'máma'. Exc'onlingo'ai'me lamijcano. Exi'e'me lihcaxax, icuf'i'me lamijcano liitaic'. Tipa'a al 'oro, tipa'a al 'incienso, tipa'a laceite ipitali juaiconapa, tujuej c'a, lipuftine mirra.

¹² Lam Mago ipaiyo'me. LanDios timila':

—Aimoluyalaiconata pe lopa'a cal rey Herodes.

Licuej'me tohta'a, ocuena cane iyena'me, icuainatsa lipiya'.

¹³ Liyena'me lam Mago, José ipaiyocona'ma. Ixim'ma anuli lepaluc LanDios. Lapaluc timi:

—Totsahuenni. Tolecotsola' lamijcano jouc'a qui'máma'. Ilque cal rey Herodes tumme'mola' lixanuc' tehue'me lamijcano tima'ante. Aimicol'molhuo' tonlele lamats' Egipto. Tolmajntsa jilpiya. Iya' cu'ito' te quitine tolpailinacu.

¹⁴ José itsahuenni ile lipuqui', ileco'mola' lacamijcano jouc'a qui'máma'. Iye'me, icuaitsa lamats' Egipto. ¹⁵ Jilpe imajnhuo'me. Timanla' cal rey Herodes ilne tipailinacu, ticuainata hilemats'. Ile lo'iya tenant'ma luya'apa cal profeta, ilque uya'apa locuapa LanDios, ticua: “Aijoc'ipa lai'hua, tipanni jilpe lamats' Egipto”.

¹⁶ Lixim'ma cal rey Herodes lam Mago lifel'mipa, ixtunni juaiconapa. Inujuaitsi lu'i'me lam Mago. Ilne ines'me: “Itsiya joupa uyaipa to oquej camats' laksimpa limaxcaita cal xamna”.

Cal rey umme'mola' lixanuc' tima'antsola' lan tsocay camijcanó limajnyota liya' Belén jouc'a hilelo'ya' lomana' huejnca. Tima'antsola' jahuay laicami-jcanó, ja'ni lixhuaitola' oquej camats', o ja'ni aikuixhuaiyila', ma' anuli tima'antsola'. ¹⁷ Tohta'a enant'ma linespa cal profeta Jeremías, tuya'e':

¹⁸ Jilpe lamats' Ramá ticuequinni anuli laca'no' tijoqui, tija'e'.

Ilquiya Raquel, tijoqui, tixhue'ma li'ipola' linaxque'.

Aimicua milonc'e'enyacu lipixhuejma', linaxque' joupa ima'ampola'.

¹⁹ José mipa'a lamats' Egipto imana'ma Herodes. Ipaiyocona'ma, ixim'ma anuli lepaluc LanDios. ²⁰ Lapaluc timi:

—Totsahuenni. Tolecotsola' lamijcano jouc'a qui'máma'. To'lpailinanca, tonlele lolamats' Israel. Joupa imanapola' ilne nehuepá tima'ante lamijcano.

²¹ José itsahuenni, ileco'mola' lamijcano jouc'a qui'máma'. Ipailinanca, ticuainata hilemats' Israel. ²² Licuaitsa jilpe José icuej'ma: “Arquelao, li'hua Herodes, ticuxe al distrito Judea”. Ixpaiconni. Ticua: “Jilpe al distrito Judea, aimi'iya ma'eyacu”.

Ipaiyocona'ma. LanDios u'i'ma lo'eya. Iye'me, ticuainata al distrito Galilea.

²³ Icuaitsa, iye'me liya' Nazaret, jilpe imanenca. Tohta'a enant'co'ma linespa lam profeta, ilne uya'apá loyaicoya Jesús. Icuapá: “Ilque tecui'im'me las Nazaret”.

3

¹ Ihiya litiné Juan Bautista icuaitsi al distrito Judea, ipajm'ma pe ailopa'a quilya'. Jilpe tuya'e', ² tu'ila' lan xanuc':

—Imanc' tołsuej'menanca, ŁanDios cal Rey icuaico'ma, timajm'me anuli lixanuc'.

³ Cal profeta Isaías inesco'ma Juan Bautista łocuaicoya, tuya'e':
Petsi ailopa'a quilya' tuya'e' anuli cal xans, tu'ila' lan xanuc':
“Tołanc'ete lipene łalPoujna. Toł'e'ete ahijca lane pe loyaicoya.”

⁴ Lipijahua' Juan ipuficoya ipimij camello. Lifi'ecoyoxi ixmi. Łitejua' axa'mut'ł, acujua c'ec. ⁵ Axpela' lan xanuc' itsehuo'me pe lopa'a Juan. Iłniya lan xanuc' quiyoyomma liłya' Jerusalén, jouc'a quiyoyomma locuenaye quilełoıya' al distrito Judea, jouc'a quiyoyomma jilpe lihuojma' al cuecaj pana' Jordán. Icuaitsa pe lopa'a Juan. ⁶ Luya'a'me liłjunac', Juan epo'i'mola' al pana' Jordán. ⁷ Axpela' lan xanuc' fariseo jouc'a lan saduceo icuaitsa pe lapo'iyaleyopa Juan. Lixim'mola' Juan timila':

—Imanc' ti'onłcospolhuo' to łacalpo', a'ijc'a loł'ejma'. ¿Te ja'ni u'impolhuo': “Tolapoliłe. Tołta'a aimołtełcoyacu al cueca' catełcoya locuaicoya”? ⁸ Iya' camilhuo': A'i tołta'a molunłulyacu. Ticuicomma tonł'ete al c'a, ma to mi'eyi iłniya nixhuej'menammanca.

⁹ 'Imanc' tołcuayi: “Abraham ałtatahuelo. Iłlanc' ixanuc' ŁanDios. Iłquiya aimalacani'eyaconga'.” Iya' camilhuo': ŁanDios aimehue'eyacola' quixanuc'. Iłna'a lopic' nipajnya ti'e'e'mola' quinaxque' Abraham. ¹⁰ ŁanDios ti'onłcolhuo' to al 'ec. Joupa ipo'nompacal hacha huejnca łime al 'ec. Ja'ni ti'atsi a'ijc'a li'as, tetequinam'me, tixanc'onnata łunga.

¹¹ 'Ja'ni joupa ołsuej'menammanca lixcay lonł'epa, iya' capo'ico'molhuo', capaxneco'molhuo' aja'. Ticuaihuo ocuenaj cal xans, iłque xonca acueca'. Iya' aimal'onłspa iłque, ni aimi'iya catac'ueya lic'ej'. Iłque tepo'iyaleco'ma cal Espiritu Santo jouc'a łunga. ¹² Iłque ticuaiyunnı ti'onłcospa to cal xans tifus'ma łitriego. Ti'noł'ma lofuscoya, tequeyof'ma łitriego, tiłojm'ma łipifuc cal trigo. Cal c'a trigo ti'huejnata lihua. Łipifuc tipi'enghua petsi łunga aimipica.

¹³ Jesús lipanni al distrito Galilea icuaitsi al pana' Jordán, jilpe copa'a Juan Bautista. Timi:

—Lapo'ila'.

Juan aimicua. Ticua aimi'iya. ¹⁴ Timi Jesús:

—Ticuicomma ima' lapo'ila' iya'. ¿Te co'iya caifnepo'icoyaco' ima'?

¹⁵ Jesús italai'e'e'ma, timi:

—Itsiya' to'ela' laifxahue'epo'. Jahuay al c'a łalcuxe'eponga' ŁanDios lał'eyacu ticuicomma lanant'lıle.

Juan i'e'ma lixahue'e'ma Jesús. Epo'i'ma.

¹⁶ Lijoupa lepopa Jesús aiquicoł'ma, ipanni laja'. Małpe 'hora itsalquenni lema'a. Ixim'ma cal Espiritu Santo ti'onłcospa to anuli cal ja'mu', icuaico'ma timumma tihuoxaf'caita. ¹⁷ Tipalay jipu'hua lema'a, łamats' icuequim'me, ticua:

—Iłca'a ai'Hua, ca'ay capic'a juaiconapa. Latenłma lipicuejma' jouc'a li'ejma'.

4

¹ Cal Espiritu Santo i'hua'a'ma Jesús, icuai'etsi pe ailopa'a quilya', ailopa'a xanuc'. Jilpiya łonta'a Satanás ehuaitsi. ² Micołi oquej nuxans quitine, oquej nuxans quipuqui', aimitesma, ixnet'ł'ma. Lixhuaitsi iłne łitiné, unle'enni juaiconapa. ³ Licuaitsi łonta'a, iłque łinahuaiyalepa, timi:

—Ima' ja'ni i'Hua ŁanDios tocuxe'etsola' iłna'a lopic'. Tomitsola': “Ti'itsolhuo' ca'i”.

⁴ Jesús italai'e'e'ma, timi:

—Al Paxi Linilingiya ticua: “Łoteja cal xans aimites'miya lipitine. Ticuicomma jouc'a Lıtaiqui' ŁanDios, jahuay lonespa itque.”

⁵ Łonta'a ileco'ma al Paxi Quiłya' Jerusalén. Icuai'etsi pe lopa'a al cuecaj xoute', xonca al toncay. Jiłpe ecaxu'ma. ⁶ Timi:

—Ima' ja'ni i'Hua ŁanDios, taiyuła' al 'ocay. Al Paxi Linilingiya ticua: ŁanDios tumme'mola' lepaluc' titoc'i'mo'. Tipulnuf'mo' liłmane, tołta'a lapic' cane ailopa'a co'eyaco'. Aimixcai'eyaco'.

⁷ Jesús timi:

—Al Paxi Linilingiya jouc'a ticua: “Aimahuai'ma ŁanDios itque omenDios”.

⁸ Łonta'a ehuaicona'ma. I'hua'a'ma al toncay anuli hıjuala xonca i'nof'quiya. Imuc'i'ma jahuay lan nación jouc'a hił'huexi. ⁹ Timi Jesús:

—Łaxc'onłingaila'. Iya' capi'ina'mo' comane. Tocuxena'ma jahuay itiya.

¹⁰ Jesús timi:

—Ima' monta'a to'huanła'. Alpo'noła' caituca'. Al Paxi Linilingiya ticua: “Łaxc'onłingaila' ŁanDios itque omenDios. Ma le'a itque tomi'ma: Ima' un-Cueca'.”

¹¹ Łonta'a i'huana'ma. Ipanenni quituca' Jesús. Icuaiyunca lapaluc' quema'a. Itoc'i'me, ites'mi'me.

¹² Licuej'ma Jesús: “Juan Bautista itats'ıya”, itsecona'ma Galilea.

¹³ Ux'maspa lipiıya' Nazaret, i'hua'ma ipajntsi jiłpe liıya' cuftine Capernaum. Iıe liıya' copa'a łema al cuecaj quin'nuhua', jiłpe hilemats' Zabulón y Neftalí.

¹⁴ Tołta'a enanıpa linespa cal profeta Isaías. ¹⁵ Itque inescopa lo'ıya jiłpiya “... hilemats' Zabulón y Neftalí, lane lotsepa łema caja, łamats' locuena quiıju' al pana' Jordán, Galilea pe lomana' lan xanuc', iıne pe aimimetsaicoyi ŁanDios”.

¹⁶ Jouc'a ticua:

Lan xanuc' nomana' jiłpiya tocomma tiyelocoyi al muf, iıne ixim'me al cueca' quepalc'o'.

Jiłpe łamats' ti'hua lamaya, tunxamu'ela', tixpaic'ela'.

Itsiya iıic'enapa, epalc'onapola'.

¹⁷ Licuaitsi jiłpiya al distrito Galilea, Jesús ipango'ma uya'a'ma Lıtaiqui' loya'apa iıe al c'a liıpic'epa ŁanDios. Timila' lan xanuc':

—ıTołsuej'menanca! Itsiya icuai'ma cal Cuecaj Rey Nopa'a lema'a. Ticuxela' lixanuc'.

¹⁸ Anuli litine Jesús ti'hua łema al cuecaj quin'nuhua' Galilea. Ixim'mola' loquexi' lapimaye, Simón y Andrés. Itque Simón łecui'ımpa Pedro. Iıne in'nołpa catuye. Tecajm'miyi liłxami lin'nuhua'. ¹⁹ Jesús timila':

—ıLihuejla! Itsiya toł'noıyi catuye. Iya' capi'i'molhuo' ocuena cołpenic'. Tolahuetola' lan xanuc', iıniya lihuejla'.

²⁰ Pedro y Andrés aikuicoł'mola'. Ipo'no'me liłxami, ihuej'me Jesús.

²¹ Jesús uyai'ma nihuata, ixim'mola' ocuenaye oquexi' lapimaye, iıniya inaxque' Zebedeo. Liłpuftine Jacobo y Juan. Iıniya quił'ailli' Zebedeo tıusc'ołanna al barco. Tenaj'mot'ııyi liłxami ti'nołcota latuye. Jesús ijoc'i'mola', timila':

—ıLihuejla'!

²² Aikuicoł'mola'. Ipo'no'me al barco jouc'a quił'ailli'. Ihuej'me Jesús.

²³ Jesús ti'huaf'cay jahuay al distrito Galilea. Ti'hua timuc'ıyale jiłpiya łajut'lı pe lafoıyomma. Tuya'e' te ts'i'ic' liıpic'epa ŁanDios, iıe lıtaiqui' loya'apa al c'a. Tıxał'mela' lan xanuc' jahuay liłpumla, jahuay liłcuana. Iıe lıtaiqui' loya'apa ticua: “Icuai'ma ŁanDios cal Rey. Tımajm'me anuli lixanuc'.”

²⁴ Jahuay łamats' Siria lan xanuc' icuej'me lo'epa Jesús. Icuai'enca jahuay

lilefcuallay, jout'a noxingufcopá hípumla, jout'a litsufilai'ila' contahue, jout'a lan mac'ojay, jout'a luhualqueya. Jesús ixal'mena'mola'.

²⁵ Ihuej'me axpela' lan xanuc' lun Galilea, jout'a lan xanuc' hípitelotya' cuftine lan Decápolis, jout'a lun Jerusalén, jout'a lan xanuc' nomana' ni petsi al distrito Judea, jout'a nomana' locuena quiju' el cuecaj pana' Jordán.

5

¹ Jesús ixim'mola' axpela' lan xanuc' tihuejyi, if'aj'ma hjuala. Jípiya icutshuai'ma. Hoc'olai'me ts'ilihuequi. ² Ipango'ma imuc'i'mola', timila':

³ —Lan xanuc' ts'isina' tehue'ela' juaiconapa, ihne hınca tuyalaicoyi al c'a. Mañiya timajm'me anuli LanDios hñRey.

⁴ 'Lan xanuc' nohuotsopá, ihne hınca tuyalaicoyi al c'a. Mañiya tihonc'e'em'mola' hípixhuejma'.

⁵ 'Lan xanuc' pe aimi'e'eyot'si tsila', ihne hınca tuyalaicoyi al c'a. Mañiya ixanuc' LanDios, ihque tepi'i'mola' quihmane ticuxe'me fa'a li'a lamats'.

⁶ 'Lan xanuc' nojanajpá latentocopa LanDios, nocuapá: “LanDios al'e'etsonga' hñca lalpicuejma'”, ihne hınca tuyalaicoyi al c'a. Mañiya ti'e'em'mola' hñca hípucuejma'.

⁷ 'Lan xanuc' noximpá cuanuc' hípimaye, ihne hınca tuyalaicoyi al c'a. Mañiya tixinim'mola' acuanuc'la.

⁸ 'Lan xanuc' ts'anuli hípucuejma', ihne hınca tuyalaicoyi al c'a. Mañiya tixim'me LanDios.

⁹ 'Lan xanuc' nocuapá: “Catoc'i'ma hñpima. Tuyaila' al c'a ihque”, ihne hınca tuyalaicoyi al c'a. Mañiya timetsaicom'mola' inaxque' LanDios.

¹⁰ 'Lan xanuc' notecopá mihuejyi al hñca cane, ihne hınca tuyalaicoyi al c'a. Mañiya timajm'me anuli LanDios hñRey.

¹¹ 'Imanc' ts'alihuequi, ja'ni lan xanuc' titaletsolhuo', ja'ni timilojtsolhuo' cataiqui', ja'ni titeh'mitsolhuo', ja'ni tinesc'etsolhuo' ma mifel'miyaleyi, imanc' hınca tuluyalaicoyi al c'a. ¹² Tohta'a imanc' ti'oncocolhuo' to lam profeta. Luyaipa quitine ma tohiya litecopa ihniya. ¡Toliyuc'tsele tixojla' cunlata! Jipu'hua lema'a tipa'a al cueca' lapi'inyacolhuo'.

¹³ 'Imanc' ma molmana' li'a lamats' ti'oncospolhuo' to lo'hue. ¡Tole tipajnlal! Aimi'i'molhuo' to lo'hue huyaipa lic'a. Ihque lo'hue aimi'ia milajn-naya. Lan xanuc' tejuajaispá luna, ti'huailequinna.

¹⁴ 'Molmana' fa'a li'a lamats' imanc' ti'oncospolhuo' to lepalc'o', ti'oncospolhuo' to liya' lilajmpa al toncay hjuala, aikuemiya. ¹⁵ Munai'im'me lepalc'o' aivic'ommumiquinni anuli c'ec. Tipo'nonni pe lopiyo. Tohta'a tepalc'o'ila' jahuay nomana' lajut'. ¹⁶ Ma tohta'a ti'ila' lohejma' imanc'. Tolapalc'o'itsola' lohe'as xanuc'. Tonhe'etsola' al c'a. Tohta'a ticua'me: “Acueca' con'Ailli' Nopa'a lema'a. Ac'a ihque.”

¹⁷ '¿Te aga tohesyi: “Jesús icuaicoco'ma fa'a li'a lamats' tetella' locuxepa LanDios, ihne lataiqui' lilihjmpa Moisés, jout'a lilihjmpa lam profeta”? A'i. Aicuaicoco'ma canant'hila' locuxepa LanDios, aicatela. ¹⁸ Iya' camilhuo' al hınca: Ma mipa'a lema'a li'a lamats', aimehue'eya ni anuli hñnila' xonca hñca'hua, ni tohta'a anuli hñcumi. Ihne litaiqui' LanDios jahuay tipanehuo. Ma' mi'hua menanti lixpicepa LanDios, jout'a ti'hua tipanehuo litaiqui'. ¹⁹ Anuli cal xans ja'ni aimihuejma' ihniya litaiqui' LanDios locuxepa, tama lataiqui' xonca aca'hua, ja'ni timuc'itsola' tohta'a lif'as xanuc', ihque cal xans tixinim'me xonca aca'hua pe lomana' lan xanuc' naihuejcopá cal Rey Nopa'a lema'a. Locuena cal xans naihuejcopa LanDios, timuc'itsola' lan xanuc' tihuejcole, ihque tixinim'me acuecaj xans pe lomana' lan xanuc' naihuejcopá LanDios cal Rey Nopa'a lema'a.

²⁰ 'Iya' camilhuo': Aimof'ontico'moltsi to lam fariseo ni lomxiye no-muc'iyalepá locuxepa ËanDios. Ton'ele xonca al c'a. Ti'íta' xonca al hijca lo'ejma'. Ja'ni a'i, aimof'suflaiyacu pe lomana' naihuejcopá ËanDios, itque cal Rey Nopa'a lema'a.

²¹ 'Imanc' ołsina' lataiqui' lu'impola' lan xanuc' itniya nimajmpá luyaipa quitine. U'impola': "Aimof'ma'ahuale'me. Naitsi noma'ahualepa titai'ma lijunac'. Tecani'em'me." ²² Iya' camilhuo': Cal xans ja'ni ti'hua tixtuc'o lipima, titai'ma lijunac'. Cal xans ja'ni timilojla' cataiqui' lipima, tilecom'me pe lafołyomma lan xanuc' noxpipjá lataiqui'. Cal xans ja'ni tetets'íta' lipima, timiła': "Ima' uncue camac'ta", itque titełcota łunga pe lopa'a al muf.

²³ 'Tocuaitsi pe lotsufcoyompa ËanDios, ma mopa'a jilpiya pe loftsufcoyoya, ja'ni to'nujuaitsi łopima tixtuc'ohuo', ²⁴ topo'noła' jilpiya łoftsufcoya, to'huała' toxintsi łopima. Topac'etsi lipoyac' łopima, tołmajnle al c'a, tołpac'enatsoltsi. Tijouła' topainanni, tocuainata pe loftsufcoyoya, totsufcoła' ËanDios.

²⁵ 'Itque naixtuc'opo' ja'ni ti'hua'atso' cal juez, aimicoł'mo', topac'ela'. Topalaic'ola' ma monłeyi lane. Ja'ni a'i, itque ticufo' cal juez, cal juez ticuto', lapaluc' titats'e'mo'. ²⁶ Iya' camihuo' al linca: Ma mi'hua cotaiyinge, tama tutani le'a, jilpiya topajnta, aimaipaya.

²⁷ 'Imanc' ołsina' lu'impola' lan xanuc' nimajmpá luyaipa quitine. U'impola': "Aimoxhuico'ma lipeno łof'as xans". ²⁸ Iya' camilhuo': Cal xans mehuelonge anuli łaca'no', ja'ni ticua lipicuejma': "Caxhuicoła'", itque cal xans joupa itaipa lajunac'. Tocomma to joupa ixhuicopa.

²⁹ 'Camihuo': Ja'ni ite lofmehuelojmpa timenac'ihuo', topulcufla' lo'u, taca'niła' aculi', tama itiya lo'u al c'a camane. Tołta'a ma le'a anuli lo'u tejac'ma aimimef'minyaco' łunga. ³⁰ Ja'ni lomane timenac'ihuo', tama itiya al c'a comane, tatejla', taca'niła' aculi'. Tołta'a ma le'a anuli lomane tejac'ma, aimimef'minyaco' łunga.

³¹ 'Luyaipa quitine uya'ampá: "Cal xans nixpic'epa tux'masla' lipeno, tepi'íta' lije'e, tijouła' tux'masnała'". ³² Iya' camilhuo': Ai. Cal xans aimi'iya mux'masya lipeno. Ja'ni łaca'no' joupa ihuejpa ocuenaj xans, lipe'ailli' nipajnya tux'masla'. Ja'ni a'i aimi'iya. Itque łaca'no' joupa łux'masquimpa ja'ni tihuejla' ocuenaj xans, titai'ma lajunac'. Naitsi nolecuya łaca'no' jouc'a titai'ma lajunac'.

³³ 'Jouc'a ołsina' lu'impola' lan xanuc' nimajmpá fa'a luyaipa quitine, ticuayi: "Ja'ni o'epa jurar, aimopai'i'ma jiliya lotaiqui'. Lotaiqui' joupa o'epa jurar ËanDios, tanant'li'ma. Ja'ni aimanant'li, totai'ma lajunac'." ³⁴ Iya' camilhuo': Aimoe'ma jurar. Aimocua'ma: "Por lema'a". Jilpiya ticutsu ËanDios cal Cuecaj Juez. ³⁵ Aimocua'ma: "Por li'a łamats'". Li'a łamats' tocomma to lipitas ËanDios lacaxaf'i'ipa li'mitsi'. Aimocua'ma: "Por al cuecaj quilya' Jerusalén". Jilpiya ipilya' ËanDios cal Rey. ³⁶ Jouc'a aimocua'ma: "Por łaijuac". Ima' cotuca' aimi'iya mocuxe'eya łujuac. Anuli lajuac lumi aimi'iya mo'eya fujca. Jouc'a lajuac al fujca aimi'iya mo'eya umi. ³⁷ Aimoe'ma jurar. Ma le'a tocua'ma: "Tołta'a ca'e'ma", o "A'i, aica'eya". Aimof'of'i'ma cataiqui'. Ja'ni tołof'i cataiqui' a'i ËanDios micuxe'ehuo' itiya lofnepa. Ma le'a łonta'a ticuxe'ehuo'.

³⁸ 'Ołsina' luya'ampá luyaipa quitine, ticuayi: "Anuli cal xans ja'ni joupa ipa'empá anuli li'u, itque mipai'iconghua, tipa'econa'ma ma le'a anuli li'u. Ja'ni anuli cal xans tipa'em'me anuli li'ay, itque mipai'iconghua, tipa'econa'ma ma le'a anuli li'ay." ³⁹ Iya' camilhuo': Ja'ni a'ijc'a lo'epo', aimocuanaj'moxi. Ja'ni tuntafhuo' lopeque al c'a camane, tocufla' lopeque loxa camane tuntafcontso'. ⁴⁰ Ja'ni ticuxecotso', texic'e'mo' lotsamalo,

tommi'ila' lotsamalo jouc'a tommi'ila' lopuquiya. ⁴¹ Ja'ni ts'ipenic' ticuxe'etso' timitso': "Lacantumf'eta cane oquej kilometro. Altoc'ila' hainitay", ima' tacantumf'eta amalpu kilometro. ⁴² Naitsi noxahue'epo', tapi'ila'. Ja'ni tixahue'etso', timitso': "Lapi'ila', tijoula' cacuai'enaco", aimocuanaj'ma.

⁴³ 'Imanc' oksina' luya'ampá luyaipa quitine, ticuayi: "To'e'ma capic'a lopima. Aimo'e'ma capic'a naixtuc'opo'. Itque to'e'ma laic'." ⁴⁴ Iya' camilhuo': Tonl'e'mola' capic'a naixtuc'opolhuo'. Tohsahue'ele LanDios titoc'itsola' ihniya notel'mipolhuo'. ⁴⁵ Ja'ni tole lo'ejma' atinca ti'i'molhuo' inaxque' LanDios, itque co'Ailli' Nopa'a lema'a. Itque ticuxe'e hi'ora tepalc'o'itsola' jahuay lan xanuc'. Ja'ni lan c'a xanuc', ja'ni lixcay xanuc' tepalc'o'ila'. Jouc'a ticuxe'e ticuila' ni petsi lomana' lan xanuc', petsi no'epá al c'a, jouc'a petsi no'epá lixcay, ma' anuli ticui'e. ⁴⁶ Ja'ni to'etsola' capic'a ma le'a ihne no'epolhuo' capic'a, ¿te cululijpa? Ma tohta'a mi'eyi lin'najts'i'iyale. ⁴⁷ Ja'ni ma le'a tohnonnila' lohpimaye, ¿te ma tonl'eyi xonca al c'a? Ai. Lan xanuc' pe aimimetsaicoyi LanDios tole mi'eyi. ⁴⁸ Co'Ailli' Nopa'a lema'a ti'ay pangay al c'a. Imanc' jouc'a tonl'ele pangay al c'a.

6

¹ Ja'ni imanc' tolapi'i'mola' lan xanuc' quitomí, aimotcua'me: "Ahsintsonga' lan xanuc'. Limetsaico'monga' ninc'ic'a xanuc'." Ja'ni tole tolcuayi ailopa'a capi'iyacolhuo' co'Ailli' Nopa'a lema'a. ² Monlapi'ila' quitomí lan xanuc' pe aiquil'hueca, aimol'e'me to mi'eyi lan xanuc' ihne no'e'epoltsi to joupa ixanghwaitola' lihpicuejma'. Ihne micu'me al tomí tifus'miyi litrompeta, ticuayi: "¡Ahsinla'! Iya' capi'i'ma quitomí itca'a cal xans, itque aiqui'hueca." Tohta'a mi'eyi mimana' lajut'hi pe lafolyomma lan xanuc' o miyeyi lexpats'qui cane, tohta'a mi'eyi. Ihniya ticuayi: "Alimetsaicontsonga' xonca ac'a lahpicuejma', la'ejma'". Iya' camilhuo': Ne', itole timetsaicontsola'! Ailopa'a capi'iyacola' LanDios. ³ Ima' tohta'a aimo'e'ma. Ja'ni tapi'itsola' quitomí lan xanuc' pe aiquil'hueca, to'ela' ch'ixca. Aimoya'a'ma lof'eya. Ni ima' cotuca' aimo'njuais'ma locupa. Ni loxa camane mixim'ma lo'epa al c'a camane. ⁴ Tohta'a aimixininnyaco' motoc'ila' ihne lan cuanuc'la. Co'Ailli' Nopa'a lema'a itque linca tehuelojnhuo' ile lof'epa jilpe petsi aimehuelojnhuo' lan xanuc'. Itque tepi'i'mo' lofmulijya.

⁵ Ma' molpalaic'oyi LanDios, aimol'e'e'moltsi to ihniya lan xanuc' no'e'epoltsi to joupa ixanghwaitola' lihpicuejma'. Ihniya mipalaic'oyi LanDios tecaxolanna jilpiya lajut'hi pe lafolyomma lan xanuc'. Jouc'a tipalaic'oyi LanDios mecaxingolaiyi pe latenuficipa laneya. Ma tohta'a ilpic'a. Ticuayi: "¡Ahsintsonga' lan xanuc' malpalaic'oyi LanDios!" Iya' camilhuo': Ne'. Joupa ixinimpola'. Joupa tipa'a lolijyacu. Ailopa'a xonca. ⁶ Ima' aimo'e'ma to ihniya. Ja'ni topalaic'o'ma LanDios totsufai'ma lomejut'í, tati'i'ma lopuerta. Jilpiya cotuca' topalaic'o'ma co'Ailli', itque Nopa'a petsi lan xanuc' aimi'iya mixinyacu. Itque co'Ailli' linca tehuelojnhuo' lof'epa, ile to'ay petsi aimehuelojnhuo' lan xanuc'. Ma' itque tepi'i'mo' lofmulijya.

⁷ 'Imanc' molpalaic'oyi LanDios aimol'e'me to mi'eyi lan xanuc' pe aimimetsaicoyi LanDios. Ihne mixahue'eyi lilendiosla' timiyi axpe' cataiqui'. Aiquilsina' te locupa. Ticuayi: "Ahsintola' axpe' cataiqui', tohta'a lalandiosla' alquimf'e'monga'". ⁸ Imanc' aimol'onlico'moltsi to li'ejma' ihnu'hua. Co'Ailli' ixina' ile lahue'epolhuo' ai'a tohsahue'e'me. ⁹ Molpalaic'oyi LanDios tohmife: Ima' al'Ailli' cofpa'a lema'a, timetsaicontso' apaxi lopuftine.

¹⁰ Ticuaitsi litine petsi jahuay lan xanuc' timetsaicotso' ima' itRey.

Pu'hua lema'a jahuay tihuejcohuo', tolt'a'a tihuejcotso' fa'a li'a lamats'.

¹¹ Lattepa itine itine, lapi'itsonga' itsiya.

¹² Illanc' joup'a limenc'e'ecopola' ilne ts'altaiyinc'enga'.

Ima' jouc'a limenc'e'ecotsonga' ile laltaiyinc'ehuo'.

¹³ Aimañeco'monga' petsi lalahuaiyonyacong'a'.

Ja'ni tiloc'huai'ma pe lamana' fixcay xans, jima' lunlu'etsonga'!

¹⁴ 'Imanc', ja'ni tolimenc'e'ecotsola' loñ'as xanuc' ile lo'epolhuo', jouc'a coñ'Ailli' Nopa'a lema'a timenc'e'eco'molhuo' ile lixcay lonñ'epa. ¹⁵ Ja'ni imanc' aimolimenc'e'ecola' loñ'as xanuc' lo'epolhuo', coñ'Ailli' Nopa'a lema'a jouc'a aimimenc'e'ecoyacolhuo' lixcay lonñ'epa.

¹⁶ 'Imanc' moñsnet'lyi aimoñtetsoyi, aimonñ'e'me to lan xanuc' ilne no'e'epoñtsi to joup'a ixanghuaitola' liñpicuejma'. Ilne mixnet'lyi aimitetsoyi, ti'e'eyoñtsi to nohuotsopá. Tupaxc'eyoñtsi liñ'a, tixinintsola' lan xanuc' tixnet'lyi ilniya. Iya' camilhuo': Ne'. Joup'a ixinimpola' toñiya. Joup'a tipa'a lolijyacu. Ailopa'a xonca. ¹⁷ Ima' moxnet'lqui, to'huañcufla' al c'a lojuac, to'ot'ñila' laceite, tapajla' lo'a. ¹⁸ Toñta'a tixinim'mo' to aimoxnet'lqui, tocomma ma totesma. Ma le'a coñ'Ailli' tixina, ilque Nopa'a pe lan xanuc' aimi'iya mixinyacu. Ilque linca tehuelojnhuo' loñ'epa jilpe petsi aimixinghuo' lan xanuc'. Ma' ilque' tepi'i'mo' lofmulijya.

¹⁹ 'Imanc' aimolafot'le'me coñ'huexi fa'a li'a lamats'. Jifa'a ile loñ'huexi tijauna'ma. Lan huoxmi tite'me o tunxilai'ma, o lan namats' titsuflai'me lomejut'l, tinantsej'mo'. ²⁰ Ma moñmana' fa'a li'a lamats' xonca tonñ'ete ti'ñila' loñ'huexi jipu'hua lema'a. Jilpe aimiteji lan huoxmi, ailopa'a. Aimunxilaiya. Ni lan namats' aimitsuflaiyacu lomejut'l minantsejyaco'. Jilpiya ailopa'a. ²¹ Pe lopa'a loñ'huexi mañpiya copa'a loñpioxjma cata.

²² 'Lo'u tepalc'o'ihuo'. Ja'ni ac'a lo'u toxim'ma pe loñ'huaya, toxim'ma ile loñ'epa. ²³ Ja'ni a'ijc'a lo'u topanehuo al muf. Ma' anuli ja'ni to'ehuale laic', joup'a i'ipa a'ijc'a lopticuejma', aimepalc'o'ihuo'. Ja'ni joup'a imufc'opa lopticuejma', jacueca' juaiconapa ile al muf!

²⁴ 'Cal xans ticuicomma ma le'a anuli lipoujna. Ja'ni oquexi' tixtuc'o'ma anuli, locuena ti'e'ma capic'a. O tixinc'ne'ma anuli, tetets'i'ma locuena. Imanc' jouc'a ticuicomma ma le'a anuli loñ'poujna, ilque LanDios. Aimi'iya molihuejcoyacu al tomí jouc'a.

²⁵ 'Iya' camilhuo': Aimoñsueñmot'le'me lonluyalaicoyacu lapajnya fa'a li'a lamats', ja'ni ti'i'ma o aimi'iya. Aimoñcua'me: "¿Te cañejacu? ¿Te cañnayacu? ¿Te cañju'ecoyacoñtsi?" Loñcuerpo linca xonca acueca' lipitali, loñju'ecoyacoñtsi aijtine. Jouc'a loñ'alma xonca acueca' lipitali, loñtejacu aijtine. ²⁶ Toñsinñe lacañhui naiyulpá lema'a. Ilniya aimifayi, aimefot'leyi, ailopa'a quañ'huecoñma mi'huejyacu loñtejacu. Coñ'Ailli' Nopa'a lema'a tites'mila'. Ilque, ¿ja'ni aimi'nujuaitsilhuo' imanc'? Linca, xonca ti'nujuaitsilhuo', tixinnilhuo' xonca acueca' loñpitali. ²⁷ Imanc' tama toñsueñmecoyi juaiconapa, ¿te aga ti'i'ma tonñ'e'e'moñtsi xonca unc'itoñqui? A'i. Aimi'iya ni huata.

²⁸ ¿Te coñsueñcocopa? Toñcuayi: "¿Te quijahua' cañpo'noyacu?" Toñsinñe laiquitamqui lotojpa cal 'ec'. Tipa'a laiquipipa'. Ilne laiquitamqui aimucuiyi, aimi'eyi canic'. ²⁹ Ma LanDios tiju'ecojma laiquipipa'. Iya' camilhuo': Cal cuecaj rey Salomón, lipo'nopa al c'a lipijahua', tama i'huáqui juaiconapa acueca' quincuxepa, ilquiya aiqui'onñi to laiquipipa' laiquitamqui. ³⁰ LanDios tiju'e'ela' juaiconapa ac'a laiquitamqui cal 'ec'. Ilne laiquitamqui aimicoñila'. Anuli litine titoquila' ac'a, locuena quitine tiyaxquemma, tipi'enni lapa. Imanc', ¿te LanDios aimiju'eyacolhuo'? Ah imanc', huata toñ'huaiyijnyi LanDios.

31 'Aimołsuełco'me. Aimołnes'me: “¿Petsi calsi'neyacu caltejacu, calsnayacu? ¿Petsi calsi'neyacu calpijahua?” 32 Lan xanuc' pe aimimetsaicoyi ŁanDios tuyalaicoyi lapajnya tehueyi iħna'a. Col'Ailli' Nopa'a lema'a ixina' te ts'i'ic' lahue'epolhuo'. Iħque tepi'i'molhuo'. 33 Tołpo'nołe lołpicuejma' tolihuejcołe ŁanDios cal Cuecaj Rey, ton'lele al c'a ma to locuxe'epolhuo'. Tijouła' tepi'i'molhuo' jahuay. Aimehue'eyacolhuo', ni tołta'a.

34 'Aimołsuełmot'le'me. Aimołcua'me: “¿Te caluyalaicoyacu mouqui?” Mouqui tołsim'me lo'iyacolhuo'. Ma' itsiya tipa'a lołtełcopa. Ja'ni tołsuełcoyi lo'iya mouqui xonca ipime tołsim'me itsiya.

7

1 'Imanc' aimołnesc'e'mola' lołf'as xanuc', tołta'a aiminesc'econayacolhuo'. 2 Ma to imanc' tołpalaicola' lołf'as xanuc' ma tołta'a tipalaicom'molhuo'. Ma to mołspif'caleyi, ma tołta'a tixpif'quim'molhuo'. 3 Ima', ¿te cofmehuelojncopa łopima mipa'a anuli ĩaquifuc li'u? Ima' aicoxina' to jipu'hua anuli laxma tipa'a lo'u. 4 Mipa'a laxma jilpe lo'u, ¿te cofmicoya łopima: “Lapi'ila' lane quipa'e'e'mo' ĩaquifuc łopa'a lo'u”? 5 Ma le'a to'e'eyoxi xonca unc'a. Ate'a taipa'ala' laxma łopa'a lo'u. Tijouła' ja'ni joupa mipa'apa, ti'i'ma toxim'ma ĩaquipifuc łopa'a li'u łopima, taipa'e'ena'ma.

6 'Aimolapi'i'mola' lan tsilqui ĩ'huexi ŁanDios. Lajune' lilanc'ecompa aperla, ĩniya acueca' lipitali, aimolacani'i'mola' lijna'. ĩniya ti'huailej'me lam perla, tijouła' tits'aletsuftolhuo' imanc'.

7 'Ti'hua tołsa'huele, tijouła' tepi'im'molhuo'. Ti'hua tolahuele, tijouła' tołsim'me. Ti'hua tołumf'asle al puerta, tijouła' texi'em'molhuo'. 8 Lan xanuc' noxa'huepa', tepi'im'me. Jouc'a nahuepa', tixim'me. Jouc'a nomf'axpa', texi'em'me.

9 'Imanc' unc'ixanuc', ja'ni tixahue'etsolhuo' ĩa'i lołnaxque', ¿te tołapi'i'mola' łapic? 10 Ja'ni tixahue'etsolhuo' ĩatu, ¿te tołapi'i'mola' ĩainofał? ĩnca ailopa'a no'eya tołta'a. 11 Imanc', tama tipa'a lołjunac', tipa'a lołpicuejma', ton-lapi'i'mola' al c'a lołnaxque'. Conł'Ailli' Nopa'a lema'a, xonca acueca' ĩque lipicuejma'. Tołta'a tepi'i'molhuo' al c'a ja'ni tołsahue'ele.

12 'Ja'ni aimetenłcocolhuo' lo'e'epolhuo' lołf'as xanuc', aimoł'e'me jouc'a imanc' tołiya. Ma tołta'a loya'apa locuxepa ŁanDios, jouc'a lomuc'iyalepa lam profeta.

13 'Tołtsulfołaitsa ĩle al tansca al puerta. Tipa'a ocuena al puerta, jiliya expats'qui, jilpiya copa'a lotsufaicopa lexpats'qui cane. Jile lane lotsepa pe lajac'eyacola'. ĩle al puerta lexpats'qui axpela' noximpá. 14 Ma le'a oquexi' afantsi noximpá locuenaj al puerta, ĩiya atansca, lotsufaicopa al tansca cane. Jile lane lotsepa pe lolijyacu al ts'e ĩilpitine aimijouya.

15 '¿Toł'e'etsoltsi cuenna! Ticuaicu pe lołmana' lam profeta nofelaiquepa'. ĩniya ti'onłcospola' to lam mot'ł. Tocomma ailopa'a co'epa ĩniya. A'ij ĩnca. Ituca' ĩl'ejma'. ĩniya oyac'la to lan lobo, ĩne linneja notepá lam mot'ł. 16 ĩne ĩl'ejma' timuc'i'molhuo' te ts'i'ic' ĩlipicuejma'. Al 'ec ĩ'as timuc'i'molhuo' jale c'ec ĩłta'a. ¿Te litac cantsinni ti'as'ma a'uva? ¿Te litac al xumi ti'as'ma a'higo? A'i, aimi'iya. 17 Jahuay al c'a c'ec mi'atsi, ac'a ĩ'as. Lixcay c'ec mi'atsi, ixcay ĩ'as. 18 Al c'a c'ec aimi'iya mi'asya ĩxcay qui'as. Lixcay c'ec aimi'iya mi'asya cal c'a qui'as. 19 Al 'ec, ja'ni a'ijc'a ĩ'as, tetequim'me, tixanc'onna ĩunga, tipi'enna. 20 Iya' camilhuo': Tolahuelojntsola' ĩne lam profeta te ts'i'ic' ĩl'ejma'. Tołta'a tolimetsaicona'mola' ĩfel'miyale.

21 'Lan xanuc' tama ałmıla': “¿MaiPoujna, maiPoujna!”, a'i jahuay ĩniya mitsuflaiyacu pe locuxeyopa ŁanDios, ĩque Nopa'a lema'a. Pe naihuejcopá

lixpic'epa cai'Ailli' Nopa'a lema'a, ilne linca titsufflita. Locuenaye aimit-sufflaiyacu. ²² Ticuaitsi ile al Cuecaj Quitine axpela' ałmi'ma: “iMałPoujna, małPoujna! Illanc' oxanuc', tołta'a aluya'apá lonespa ŁanDios, jouc'a lipa'apola' lontahue, jouc'a ał'epá axpe' acueca'.” ²³ Iya' catalai'e'e'mola', cami'mola': “Iya' aicainimetsaicolhuo'. iTonłete! iTonłolijnle! Imanc' aimonł'eyi locuxepa ŁanDios.”

²⁴ Cal xans łatquimf'epa laitaiqui' jouc'a lihuejma, ilque ipicuejma' cal xans. Ca'onłico'ma to cal xans nolanc'epa lejutł. Ipucufpa qui'huajcopa łapic, jilpiya itsahue'emma lejutł. ²⁵ Lijoupa lilanc'epa lejutł icui'ma juaiconapa. Ixpe'ma laja' cal panay, ipac'o'ma. I'hua'ma łahua'. I'hua'ma ujfxi, unajm'ma lajutł. Iłe lajutł aits'ifentsi, aiquecangenni. Joupa ilajmpa pe litsahueyomma apic. Ailopa'a qui'ipa.

²⁶ Cal xans łatquimf'epa laitaiqui', ja'ni aimalihuejma, ilque a'i quipicuejma' cal xans. Ca'onłico'ma to cal xans nilanc'epa lejutł litsahueyomma acuixa. ²⁷ Icuim'a juaiconapa. Ixpe'ma laja' cal panay, ipac'o'ma. I'hua'ma ujfxi łahua', unajm'ma lajutł. Etełquemma. Ecanipa nulemma.

²⁸ Lijou'ne'ma Jesús ilna'a hitaiquí lan xanuc' ticuayi:
—Linca acueca' ile litaiqui' lałmuc'iponga'. ²⁹ Lomxiye nomuc'iyalepá locuxepa ŁanDios a'i mimuc'iyaleyi to lomuc'iyalepa Jesús. Iłque linca joupa epi'impa limane timuc'iyaleysi, ilniya a'i.

8

¹ Limunanni łijuala Jesús ihuej'me axpela' lan xanuc'. ² Icuaiyunni anuli cal xans iteca cahui. Iłe al cuana cuftine lepra. Exc'onłingai'ma Jesús, timi:

—Maipoujna, ima' nipajnya latufc'enła', caxinxoxi ał'inła' limpio. iJa'ni to'e'ma?

³ Jesús i'nij'ma limane, ilaf'ma łafcuana, timi:
—Ca'e'ma. Ti'intso' limpio.

Aiquicoł'ma, ilojn-na'ma lehui. I'ina'ma limpio. ⁴ Jesús timi:
—Aimoya'a'ma ile lai'e'epo'. iTo'huanła'! Jilpe al cuecaj xoute' tomujtoxi ła'ailli'. Totsufcota ma to licuxepa Moisés. Tołta'a ałsim'monga' illanc' lihuejcoyi ile lataiqui'.

⁵ Jesús itsufai'ma liłya' Capernaum, icuaiyunni anuli nocuxepola' amaxnu lisoldado. Tixa'hue Jesús titoc'ila'. ⁶ Timi:

—Maipoujna, łaimozo textafque, tunouya lainejutł. Joupa uhuaquemma. Tixina acueca' cumla.

⁷ Jesús timi:
—Ai'huapa, caxał'menna.

⁸ Iłque nocuxepola' lisoldado timi:
—Maipoujna, aimo'e'ma tołta'a. A'i caxa'huehuo' mo'huaya motsufaiya lainejutł. Iya' caxinyoxi juaiconapa na'hua xans. Ma le'a tocuła': “Tixałconala' łomozo”, tijouła' ma tixałcona'ma. Tołta'a aixina'. ⁹ Iya' jouc'a quihuejma łacuxepa, cacuxela' laisoldado. Cami'ma anuli: “To'huła'”, ilque ti'hua'ma. Locuena cami'ma: “To'huanni”, ilque ti'huamma. Cami'ma łaimozo: “To'eł'”, ilque ti'e'ma.

¹⁰ Licuejpa Jesús tołta'a linespa łincuxepa, etenłcoco'ma juaiconapa. Timila' ilne ts'ilenc'e:

—Imanc' ixanuc' Israel olimetsaijma ŁanDios. Iłca'a cal xans lixanuc' aimimetsaicoyi ŁanDios. Camilhuo' al linca: Ni anuli imanc' caixina to ilca'a cal xans. Iłca'a linca xonca ti'huaiyinge ŁanDios. ¹¹ Camilhuo': Ticuaita locuenaye lan xanuc', ilniya nomana' pe liyuf'ma cal 'ora, jouc'a lan xanuc' nomana' pe lof'acaiyopa cal 'ora. Jouc'a lołtatahueló Abraham, Isaac, y Jacob, ticutsołaita

anuli pe locuxeyopa ËanDios, itque cal Cuecaj Rey. ¹² Ituca' lo'iyacola' ihniya nocuapá: “Ma' illanc' inaxque' ËanDios cal Rey”. Itne tihuescufinnola' luna, jilpiya al muf. Małpe tijolijta, ti'ilc'ta lił'ay.

¹³ Timi nocuxepola' lisoldado:

—Ima' al'huaiyijmpa, tonesqui: “Tixałcona'ma łaimozo”. To'huala'. Ma to lonespa, tołta'a ti'ila'.

Małe 'hora ixałcona'ma łimozo itque nocuxepola' lisoldado.

¹⁴ Jesús icuaitsi lejut'ł Pedro, jilpe ixim'ma hi'maco Pedro tunouya textafque, tepi'i quinu'. ¹⁵ Jesús i'noł'e'e'ma limane. Hojn-na'ma łipinu'. Itque łaca'no' itsahuenanni, ites'mi'mola'.

¹⁶ Lummuhuaitsi i'hua'am'mola' pe lopa'a Jesús axpela' lan xanuc' lit-suflai'ila' contahue. Jesús ma le'a icuxe'e'mola' lontahue tipalunca, ihniya ipalumma. Jouc'a ixał'mena'mola' jahuay lafcualłay. ¹⁷ Tołta'a enanłcopa linespa cal profeta Isaías luya'apa: “Ma itque ałsał'meponga' lałtafc'eponga', liłonc'e'naponga' lałcuana”.

¹⁸ Lixim'mola' axpela' lan xanuc' ts'ilenc'e, Jesús timila' ts'ilihuequi:

—Łepá, alquiepá al cueca' quin'nuhua'.

¹⁹ Ai'a tiye'me icuaitsi anuli łomxi nomuc'iyalepa locuxepa ËanDios, timi Jesús:

—Momxi, ni petsi loftseya, iya' jouc'a quihuej'mo'.

²⁰ Jesús timi:

—Lan t'łeya tipa'a liłpunts'ejay. Lacał'hui naiyulpá lema'a tipa'a liłpuxil'na. Iya' itque cal Xans Łiximpa cal profeta pu'hua lema'a, iya' ailopa'a caifx-mai'eya.

²¹ Ocuena cal xans mihuequi Jesús timi:

—Momxi, lapi'ila' lane ca'hua'ma. Quimaf'i cai'ailli' capajnta jilpe laine-jut'ł. Tijouła timanła', caminna, quihuej'cona'mo'.

²² Jesús timi:

—Lihuejla' itsiya. Lomapola' ti'i'ma temitsa lił'as lomapola'.

²³ Itsufai'ma al barco. Ts'ilihuequi itsuflai'me jouc'a. ²⁴ Muyałaicoyi ipanni ujfxi łahua'. Łaja titsahuemma, tuyanc'ne al barco. Tixc'uaf'caispa caja'. Jesús tixmay. ²⁵ Ts'ilihuequi Jesús icuaiyunca, ummef'me, timiyi:

—Małpoujna, jłunłu'etsonga'! jAlma'monga'!

²⁶ Jesús timila':

—Ah imanc', łte coxpailijcopolhuo'? Ma' ahuata al'huaiyinge.

Itsahuenni, itale'mola' łahua', łaja. Jahuay i-ch'ixco'mola'. ²⁷ Ts'ilihuequi ixim'me acueca' ite li'epa Jesús. Timiyotłsi:

—łNaitsi itca'a cal xans? Ticuxe'ela' łahua', łaja, tihuejcoyi.

²⁸ Icuaitsa locuena quiju' al cueca' quin'nuhua'. Jilpiya ilemats' itne lan xanuc' gadareno. Oquexi' ipalunca pe lamu'empola' lomapola', icuai'me pe lopa'a Jesús. Lontahue joupa itsuflaipá itne loquexi'. I'ipola oyac'la. Lan xanuc' aimi'iya muyalaicoyacu jile lane. ²⁹ Ihniya loquexi' tija'ayi, timiyi Jesús:

—Ima' i'Hua ËanDios, łte cocuaiyoco'ma fa'a lałmana'? łTe ts'opic'a? Itsiya aimalłeł'miyaconga' ËanDios. Aiquicuaiya litine, tehue'e. łTe itsiya ima' alłeł'mi'monga'?

³⁰ A'ij culi' jilpiya timana' axpela' lijná titeji quilpitamqui. ³¹ Lontahue ixa'hue'me Jesús, timiyi:

—Ja'ni lipa'a'monga' ihniya lan xanuc', lapi'itsonga' lane alłsuflaita itne lijná.

³² Jesús timila':

—Ne', tonłełe.

Lontahue ipalunca lan xanuc', itsuflai'me lijná. Jahuay ihniya lijná inul'me liculhuo, i'nijmolaitsa laja', unxalac'mola'.

³³ Nohuic'ipola' lijná inul'me. Iyena'me, icuaitsa liŷya', uya'atsa jahuay li'ipa, iŷe li'ipola' loquexi' lan xanuc' litsuflai'ila' contahue. ³⁴ Licuej'me jiliya, ipalunca jahuay lan xanuc' nomana' liŷya', italefcuftsá Jesús. Lixim'me, ixa'hue'me ti'huanla', tipananni hilemats'.

9

¹ Jesús if'aj'ma al barco, uyaicona'ma al cueca' quin'nuhua'. Icuaitsi lipiŷya'.
² Jiŷpiya icuai'entsa anuli cal xans textafque, uhuaquemma licuerpo. Tunafya cal huijm-ma'. Jesús ixim'mola' ihne lan xanuc' ti'huaaijny, timi luhuaqueya:

—Mai'hua, aimoxhuelmot'le'ma. Joupa iŷojn-napa lojunac'.

³ Licuej'me toŷta'a lonespa Jesús oquexi' afantsi lomxiye nomuc'iyalepá locuxepa LanDios timiyolŷsi: “Iŷque cal xans Jesús ti'e'eyoxi to LanDios”.

⁴ Jesús ixina' locuapa jiŷpe liŷpicuejma' ihne lan xanuc', timila':

—Imanc', ¿te colcuacopa quixcay jiŷpe loŷpicuejma'? ⁵ ¿Ja'ni toŷsinyi ipime iliya laimipa cal xans: “Lojunac' joupa iŷojn-napa”? Ja'ni camila': “Totsahuenni, to'huala'”, ¿te toŷsim'me a'i quipime iŷe lataiqui'? ⁶ Itsiya camuc'i'molhuo' icueya laimane. Iya' iŷque cal Xans Liximpa cal profeta pu'hua lema'a. Ma capa'a fa'a li'a lamats' nipajnya quiŷonc'e'e'mola' lan xanuc' liŷjunac'.

Timi luhuaqueya:

—Totsahuenni, tonif'la' lohuijm-ma'. To'huanla' lomejut'ŷ.

⁷ Cal xans itsahuenni. I'hua'ma lejut'ŷ. ⁸ Lan xanuc' ixim'me acueca' iŷe li'epa Jesús. Tix'najtsi'iyi LanDios, ticuayi:

—Linca, LanDios epi'ipa toŷta'a limane iŷque cal xans.

⁹ Jesús tuyaipa jiŷpiya. Mi'hua lane ixim'ma anuli cal xans lipuftine Mateo. Ticutsu pe lo'najtsi'iyaleyompa. Jesús timi:

—¡Lihuejla'!

Mateo itsahuenni, ihuej'ma Jesús.

¹⁰ Jesús jouc'a ts'ilihuequi icuai'me lejut'ŷ Mateo. Jiŷpiya titetsoyi anuli axpela' lan xanuc', ihniya in'najtsi'iyale jouc'a ocuenaye xanuc' pe aimihuejcoyi locuxepa LanDios. ¹¹ Lan xanuc' fariseo ixim'me Jesús ticutsu jiŷpe. Icuis'e'me, timinnila' ts'ilihuequi Jesús:

—Imanc' loŷpomxi, ¿te cotetsocopa anuli ihniya lan xanuc'? Ihne in'najtsi'iyale jouc'a ocuenaye xanuc' pe aimihuejcoyi locuxepa LanDios.

¹² Jesús icuej'mola' ihne laicuitsufpa, timila':

—Lan xanuc' pe ailopa'a quiŷcuana aimicuicomma no'eyacola' cafxi. Laxtafpola' linca ticuicomma no'eyacola' cafxi. ¹³ Imanc' tonŷente, tolihuic'itsa lohualquemma iŷe lataiqui' liniliya loya'apa lonespa LanDios, ticua: Imanc' ti'hua alŷsufma loŷpinneja loŷma'apola'.

Iya' xonca latentŷcoco'ma toŷtsintsola' cuanuc'la ihne loŷf'as xanuc'.

Iya' aicuaicoco'ma fa'a li'a lamats' cajoc'itsola' pe ts'iltaic' quiŷjunac', tixhuej'menanca. Aicajoc'ila' pe ailopa'a quiŷjunac'.

¹⁴ Ts'ilihuequi Juan Bautista icuaitsa pe lopa'a Jesús, timiyi:

—Illanc' alŷnet'ŷyi, aimatŷetsoyi. Ma' anuli liŷ'ejma' lan xanuc' fariseo. Ihniya lihuejhuo', ¿te cotetsocopa, aimixnet'ŷyi?

¹⁵ Jesús italai'e'e'mola', timila':

—Mipa'a lamijcano lijuic lipemaná, ihniya lijoc'impola', ¿te tihuotso'me? Ticuaitsi litine texic'e'entsola' lamijcano namaneya, iŷe litine linca tihuotso'me, aimitetsoyacu, tixnet'ŷme.

¹⁶ 'Ja'ni tanajmot'hla' anuli lafane quijahua', aimi'iya moxhuicoya al ts'e quijahua'. Lafane quijahua' aimi'ommaiya. Tits'alquemma xonca. ¹⁷ Al ts'ej vino aimoc'ej'miya lafane pontalay quixmi. Ja'ni tohta'a lof'epa tits'al'mola' lam pontalay quixmi, tic'ejaiquehuo al vino, timinsco'mola' lixmi. Al ts'ej vino toc'ej'mi'ma al ts'e punta quixmi. Tohta'a aimecaniyacola' al vino ni al punta quixmi.

¹⁸ Jesús mipalay tohta'a icuaitsi anuli cal xans, itque nocuxepa lajut'l pe lafoiyomma lan xanuc'. Exc'onhngai'ma pe lopa'a Jesús, timi:

—Lai'hua caca'no' ji'hua imanapa. Lepá. Toxpayaf'ta lomane, timaf'inna.

¹⁹ Jesús itsahuenni, iyejmale'me cal xans jouc'a ts'ilihuequi. ²⁰ Miyeyi lane icuaiyunni anuli haca'no' textafque. I'ipa imbama' coque' camats' ti'hua cajuats' licu'u. Hoc'huai'ma lixpula' Jesús. Itafc'e'e'ma laquiju' lipijahua'.

²¹ Ticua: “Ja'ni cafac'e'e'la' Jesús, ma le'a laquiju' lipijahua', atsalcona'ma”.

²² Jesús ipai'e'moxi, ehuelojm'ma haca'no', timi:

—Mai'hua, aimoxhuelmot'le'ma. Af'huaiyinge, tohta'a ixalconapo'.

Mahe 'hora haca'no' ixalconapa.

²³ Jesús icuaitsi lejut'hincuxepa. Ixim'mola' lo'epa lan xanuc' nomana' jilpiya lajut'l. Tunayi, tijolijyi, tixingufcoyi al cueca' quixhuejma', tija'ayi. ²⁴ Timila':

—Tolipalunca imanc', lahuats' aiqumac'. Ma le'a tixmay.

Lan xanuc' ixoco'me. ²⁵ Jesús ipa'a'mola' lan xanuc'. Itsufai'ma pe lopa'a lahuats'. I'no'e'e'ma limane. Lahuats' itsahuenanni, imaf'ina'ma. ²⁶ Ni petsi jilpe lamats' lan xanuc' icuej'me li'epa Jesús.

²⁷ Jesús jilpiya ipayomma, ti'hua lane. Ihuej'me oquexi' lan fohue. Tija'ayi, timiyi:

—Ima', lacui'impo' i'Hua David, alsintsonga' ninc'icuanuc'la.

²⁸ Jesús itsufai'ma lajut'l. Lan fohue ihuej'me, itsufai'me jouc'a. Jesús icuis'e'mola', timila':

—¿Te imanc' af'huaiyinge? ¿Ja'ni tolcuayi: “Linca Jesús altoc'i'monga', alsal'me'monga' la'u”?

Ihniya italai'e'e'me, timiyi:

—Maipoujna, af'huaiyijnhuo'. Ti'i'ma to'e'ma.

²⁹ Jesús itafc'e'e'mola' li'u', timila':

—Imanc' af'huaiyinge. Ma to tolcuapa tohta'a ti'itsolhuo'.

³⁰ Ixal'me'mola' li'u'. Jesús ixc'ai'i'mola' juaiconapa, timila':

—Aimoluyout'le'me ile lai'e'epolhuo'. Aimicuej'me lan xanuc'.

³¹ Ihniya ipalunca, ni petsi jilpe lamats' tuya'ayi li'e'epola' Jesús.

³² Mipalumma ihniya, icuai'entsa pe lopa'a Jesús anuli cal xans hitsufaipa anuli liponta'a Satanás. Itque cal xans aimi'i mipalay. ³³ Lijoupa lipa'apa Jesús liponta'a Satanás cal xans tipalay. Lan xanuc' etenlcoco'mola', ticuayi:

—¡Xinla! Acueca' lo'epa Jesús. Fa'a hlamats' illanc' ixanuc' Israel, a'i calsina' tohta'a, ni anulemma.

³⁴ Lan xanuc' fariseo a'i metenlcocola' lo'epa Jesús, timiyot'si:

—Itque Jesús tipa'ala' lontahue. Ma lincuxepa contahue lepi'ipa limane ti'ela' tohta'a.

³⁵ Jesús ti'huaf'cay jahuay hileloya' al distrito Galilea, lan tsila' quiteloya' jouc'a lan tsocay quiteloya'. Timuc'iyale jilpe lajut'li pe lafoiyomma lan xanuc'. Tuya'e' lixpice'epa LanDios. Ihe lataiqui' loya'apa al c'a, tuya'e' te ts'i'ic' micuxe LanDios cal Rey. Ixal'me'mola' lan xanuc', jahuay lihcuaana, jahuay lipumla.

³⁶ Ixim'mola' juaiconapa axpela' lan xanuc' ihuej'me. Tixinnila' acuanuc'la. Ixim'mola' tihuotsoyi, titafquemmola'. Ti'onlcospola' to lam mot'l, ihne lam

mot'lahue'epola' quipoujna, ailopa'a. Ailopa'a no'eyacola' cuenna. ³⁷ Timila' ts'ilihuequi:

—Linca acueca' lafoya. Tehue'ela' nafot'leyacu. ³⁸ Camilhuo': Tolsa'huele hiPoujna caifa. Tołmife: “Ima' tommetsola' no'eyacu canic' jilpe łomemats”.

10

¹ Jesús ijoc'i'mola' limbamaj coquexi' ts'ilihuequi ticuaiyunca pe lopa'a. Epi'i'mola' liłmane tipa'antsola' lontahue, jouc'a tixał'mentsola' lafcualłay, jahuay liłcuana, jahuay liłpumla. ² İhniya limbamaj coquexi' lecui'impola' lan Apóstole. Jifa'a iniliya liłpuftine:

Cal te'a Simón, iłque łecui'impa Pedro, jouc'a Andrés iłque ipima Simón.

Jacobo i'hua Zebedeo, jouc'a Juan, iłque ipima Jacobo.

³ Felipe, jouc'a Bartolomé,

Tomás, jouc'a Mateo iłque in'najtsi'iyalepa.

Jacobo i'hua Alfeo, jouc'a Tadeo.

⁴ Łocuena Simón, ai'a tihuej'ma Jesús iłque anuli liłpicuejma' lan xanuc' nocuapá: “Lunłu'e'me łalamats”, jouc'a Judas İscariote, iłque nocuya Jesús.

⁵ Jesús umme'mola' ihniya limbama' coquexi'. U'i'mola' lo'eyacu. Timila':

—Aimonłe'me petsi aimimetsaicoyi ŁanDios. Aimołtsuflai'me liłpilełoıya' lun Samaria. ⁶ Tonłełe pe lomana' lixanuc' İsrail, ihniya lałpimaye ti'onłcospola' to lam mot'ł lejac'pola'. ⁷ Tulu'itola': “ŁanDios cal Cuecaj Rey Nopa'a lema'a itsiya ti'hua tijoc'ila' lixanuc'. Tolapenufle.” ⁸ İmanc' tolsał'metola' lafcualłay, tołmaf'i'itola' limanapola'. Tolsał'metola' litejpola' cahui lepra, timanenca limpio. Tolipa'atola' lontahue iłne litsuflaipá lan xanuc'. İya' nepi'ipolhuo' lołmane. Ai' cai'najtsi'ihuo'. İmanc' jouc'a aimoł'najtsi'i'mola' lan xanuc', ma le'a tolsał'metola'.

⁹ 'Jilpe lołfi'ejma' lołxinidoł, aimołtai'me tomí, ni axpe', ni huata.

¹⁰ Aimołtai'me ponta lane. Aimołtai'me oque' lołtsamalo. Aimołtai'me cołc'ejí'. Aimołtai'me colummejcofcoyacu. Ticuanni: “No'epa canic' tepi'im'me łoteja”. Jouc'a imanc' aimehue'eyacolhuo'.

¹¹ 'Ni petsi quııya' lołtsuflaiyacu, ja'ni al cueca' quııya' o ja'ni a'hua quııya', tolahueta lejut'ł anuli cal c'a xans. Mołmana' jilpe liıya' ma le'a jilpe lajut'ł tołmajnta. ¹² Mołtsuflai'me lajut'ł tołnontsola' lan xanuc' nomana' jilpiya. Tołmitsola': “ŁanDios tipaxnetsolhuo’”. ¹³ Ja'ni jilpe timana' lan c'a xanuc' ŁanDios tipaxne'mola'. Ja'ni a'i, ŁanDios tipaxne'molhuo' ma le'a imanc'. ¹⁴ Ni petsi liıya' o ni petsi lajut'ł ja'ni aimepenufinnilhuo', aimiquimf'ennilhuo', tolıpalunca jilpiya. Tolunafle loł'mitsi', aimitalijm'molhuo' loł'mitsi' ni tołta'a łepi camats'. ¹⁵ İya' camilhuo' al linca: Ticuaihuo al Cuecaj Quitine titeł'mim'mola' lan xanuc' nimajmpá Sodoma y Gomorra, ihniya lixcay quıılełoıya'. İłe Litine xonca titeł'mim'mola' lan xanuc' nomana' liłlełoıya' petsi aimepenufinnilhuo' imanc'.

¹⁶ 'İmanc' laixanuc' ti'onłcospolhuo' to lam mot'ł, iłne aimi'ıya mipa'neyacołtsi. İya' cummelhuo' tonłe'me pe lomana' lan xanuc' lo'onłcospola' to lan lobo, iłne oyac'la quinnejá. Tołta'a ticuicomma ti'ııa' acueca' lołpicuejma' to łainofał. Linca aimi'onłcotołhuo' loł'ejma' to łainofat'ł lił'ejma'. İmanc' xonca ti'onłcotsolhuo' to lam paloma, ihniya aimi'eyi quııxcay.

¹⁷ 'Tonł'e'etsołtsi cuenna. Aimoł'huaiyijm'mola' loł'as xanuc'. İłne ticu'molhuo' ticuaita quııłmane lan xanuc' noxpııpá lataiqui'. Tileco'molhuo' lajut'łi petsi lafoıyomma. Jilpe titeł'mitolhuo', titajncotołhuo' ixmi. ¹⁸ İmanc' ts'alihuequi, tileconnolhuo', ticuai'ennolhuo' pe lomana' nocuxepá, jouc'a pe lomana' lan tsila' quııncuxepá. İmanc' tolu'itola' naitsi ıya'. Tołta'a

tolu'itola' locuenaye xanuc' pe aimimetsaicoyi LanDios. ¹⁹ Ja'ni ticutsolhuo' aimoʂsueʂmot'le'me, aimoʂcua'me: “¿Te caʂmiyacola' ihniya? ¿Te caʂtalai'ecoyacu?” Ticuaitsi al 'hora loʂpalaiyacu, maʂpe 'hora, toʂapenuf'me coʂtaiqui'. ²⁰ He lataiqui' loʂpalaiyacu a'i coʂtaiqui' imanc', toʂpalai'me lataiqui' lomiyacolhuo' hi'Espíritu Santo coʂ'Ailli'.

²¹ 'Lapima ticu'ma lipima tima'anʂe. Cal xans ticu'ma hi'hua. Lanaxque' titsolicu ti'e'me laic' quiʂ'ailli' quiʂ'máma', ticu'me, lan xanuc' tima'antsola'. ²² Ni petsi loʂmanc'eyacu ti'e'molhuo' laic', imanc' ts'alihuequi. Toʂ'ommoʂaitsa lo'iyacolhuo', ti'hua toʂ'ommoʂaitsa, tijouʂa' toʂunʂul'me. ²³ Ja'ni jiʂpe anuli liʂya' tihuetsoguinnilhuo', ti'ennilhuo' lixcay, aimicoʂ'molhuo' tunʂete locuena quiʂya'. Iya' iʂque cal Xans Liximpa cal profeta pu'hua lema'a. Camilhuo' al linca: Aimoʂ'ommaiayacu moʂcuaiyacu jahuary lipiʂelotya' ʂamats' Israel, ma mehue'e cacuaiconanni.

²⁴ 'Cal xans mihuequi lipomxi, ja'ni iʂque loʂmxi titeʂcoʂa', cal xans jouc'a titeʂco'ma. Jouc'a ʂapoujna y limozo ma' anuli tuyalaico'me. ²⁵ Ja'ni tuyaicoʂa' ma to muyaicojma lipomxi, tixoj'ma queta iʂque cal xans. Jouc'a cal mozo, tixoj'ma queta ja'ni tuyaicoʂa' ma to muyaicojma lipoujna. Ja'ni timinʂe ʂapoujna cajut'i: “Ima' monta'a Beelzebú”, linca xonca lixcay tinesc'e'em'mola' lixanuc'.

²⁶ 'Aimoʂsueʂmot'le'me. Aimoʂcua'me: “Lan xanuc', ¿te caʂ'eyaconga?” Ticuaita litine texiquim'me letamuyiya, tixim'me jahuary lemiya. ²⁷ He laifmipolhuo' lipuqui' imanc' toʂluya'aʂe litine. He loʂquim'epa mixolai'innilhuo', imanc' toʂluya'aʂe ujfxi al toncay ʂajut'hi. ²⁸ Aimoʂsueʂmot'le'me. Aimoʂcua'me: “¿Te caʂ'eyaconga' lan xanuc', ilne noma'ahualepá?” Ihniya ma le'a tima'ayi al cuerpo. Loʂ'alma aimi'iya mima'ayacu. Toʂpaic'ete iʂque ʂacani'eyacola' lan xanuc' jipu'hua ʂunga. Jiʂpe timajnta, liʂcuerpo jouc'a hiʂ'alma.

²⁹ 'Oquexi' lan gorrión ticuquinnila' ma le'a to oquej centavo. Tama ahuata liʂpitali iʂne lacaʂ'hui coʂ'Ailli' aimetets'ila'. Ja'ni anuli tecangemma ʂamats' coʂ'Ailli' ixina' iʂe li'ipa. ³⁰ Xonca ti'nujuaitsilhuo' imanc'. Joupa ixhuej'meya tojua mipa'a ʂajuac quitefque loʂjuac, ixina' ja'ni tecangemma anuli. ³¹ Aimoʂsueʂmot'le'me, aimixpailij'molhuo' lo'iyacolhuo'. LanDios tixinnilhuo' acueca' loʂpitali. Tama axpela' lacaʂ'hui aimi'iya mulijyacolhuo'.

³² 'Ja'ni anuli cal xans timitsola' lif'as xanuc': “Iya' nimetsaijma Jesús”, iya' ninJesús jouc'a quimetsaico'ma iʂque cal xans. Camita cai'Ailli', iʂque Nopa'a lema'a: “Iʂque lihuequi iya”. ³³ Ja'ni anuli cal xans timitsola' lif'as xanuc': “Iya' aicainimetsaijma Jesús”, iya' jouc'a aiquimetsaicoya iʂque cal xans. Camita cai'Ailli', iʂque Nopa'a lema'a: “Iʂque aicalihuequi iya”.

³⁴ 'Aimoʂcua'me: “Iʂque Jesús icuaicoco'ma fa'a li'a ʂamats' ti'e'e'mola' anuli lan xanuc’”. Ai. Aicuaicoco'ma tifuli'i'moʂtsi. ³⁵ Aicuaicoco'ma tenajtsoʂtsi. Cal xans tixtuc'o'ma qui'ailli'. Lahuats' tixtuc'o'ma qui'máma'. Lahuahua tixtuc'o'ma hihuahua. ³⁶ Cal xans, ma lipimaye tixtuc'o'me, ti'e'me laic'.

³⁷ 'Cal xans xonca no'epola' capic'a qui'ailli', qui'máma', iʂque aimi'iya malihuejya. Jouc'a ja'ni xonca no'epola' capic'a hi'hua camijcano o hi'hua cahuats' aimi'iya malihuejya. ³⁸ Iya' linca cateʂco'ma. Cal xans noxpicepa aimiteʂco'ma, iʂque nocuapa: “Aicapenufya lainencruz”, iʂque aimi'iya malihuejya. ³⁹ Cal xans ts'ipic'a tixinʂa' al c'a capajnya iʂque tejac'ma lipitine. Cal xans ʂalihuequi tama tima'anʂe, iʂque tulij'ma lipitine.

⁴⁰ 'Cal xans ʂapenufpolhuo' lapenufinga' iya'. Iʂque ʂalapenufpa lapenufinga' iʂque Lalummepe. ⁴¹ Lapi'inyacu anuli cal profeta, ma' anuli tepi'im'me cal xans ʂapenufpa cal profeta, ticua: “Iʂque tuya'e' lonespa LanDios”. Lapi'inyacu cal xans naihuejpa lataiqui' locuxepa LanDios ma' anuli tepi'im'me iʂque

tepenufpa. ⁴² Cal xans nopalaicopola' ihna'a lan tsocay, nocuapa: “Ihna'a ilihuequi Jesús”, tijoula' tuhui'i al c'a caja' tixnala' anuli ihniya, itque nocupa caja' linca ti'najtsem'me. Al linca ita'a laifmipolhuo'.

11

¹ Jesús ixc'ai'i'mola' limbamaj coquexi' ts'ilihuequi ipanni jilpiya. Ti'huaf'caita locuenaye quitelolya' Galilea. Timuc'itola' lan xanuc', tuya'ata te ts'i'ic' lixpic'epa LanDios, ite lataiqui' ac'a loya'apa.

² Ihne hitiné Juan Bautista itats'iya. Icuej'ma lo'epa cal Cristo. Umme'mola' oquexi' ts'ilihuequi, timila':

—Tonlete. ³ Tolicuis'etsa Jesús, tolmitsa: “Itsiya al'huaicoyi locuaiya anuli Lommeya LanDios. ¿Te ma' ima'? o ¿te ti'hua al'huaico'me locuaiya?”

⁴ Tohta'a icuis'e'me Jesús. Itque italai'e'e'mola', timila':

—Ne'. Tonlete, tolcuaita pe lopa'a Juan tolu'itsa lo'cuejpa, lo'simpa. Tolmitsa:

⁵ Tehuetsaleyi lan fohue, tiyenayi lan coxo, tixaconnala' ts'ilehui lepra, ti'inala' limpio, ticuejnayi lan talpe, timaf'inayi limanapola', lan xanuc' pe aiquil'hueca tu'innila' Lataiqui', ite loya'apa al c'a lixpic'epa LanDios.

⁶ Jouc'a tolmitsa Juan: “Cal xans natenlcocopa lai'ejma', itque linca ac'a loy-aicoya”.

⁷ Iyena'me loquexi' ts'ilihuequi Juan. Jesús ipango'ma ipalaico'ma itquiya. Timila':

—¿Te coltsecohuo'me jipu'hua pe ailopa'a quilya'? ¿Te colsinhuo'me jilpiya? ¿Te olnespá olninhuo'me anuli al jaxa tife'ne lahua'? ⁸ Ja'ni a'i, ¿te coltsecohuo'me? ¿Naiti colsinhuo'me jilpiya? ¿Te olninhuo'me anuli cal xans nopo'nopa al c'a lipijahua', acueca' lipitali? A'i. Lan xanuc' nopo'nopá lipijahua' acueca' al c'a timajnyi hilejut'hi lan rey.

⁹ ¿Te coltsecohuo'me? ¿Naiti colsinhuo'me? ¿Te olninhuo'me anuli cal profeta? Alinca olninhuo'me anuli cal profeta, itque Juan. Itque tuliquila' lam profeta, xonca acuecaj xans. ¹⁰ Al Paxi Linilingiya joupa ipalaicopa Juan ticuaihuo.

Ticua: ¡Atquimf'ela'! Cumme'ma lainepaluc.

Itque ti'huaj'me'mo', tuya'a'ma ima' tocuaihuo.

Tilanc'e'e'mo' lopene, pe lofmuyaicoya.

¹¹ Camilhuo' al linca: Itque Juan acueca' xans. Ailopa'a caca'no' quipo'nopa hi'hua to itquiya. Tama aimi'iya mi'onlyacola' to Juan, ja'ni joupa itsufaipa petsi locuxeyopa LanDios Nopa'a lema'a, tama xonca aca'hua xans, itque cal xans joupa ulijnapa Juan.

¹² Lan xanuc' niquimf'epá loya'apa Juan Bautista ehue'me te co'iya mepen-ufyacola' LanDios cal Rey Nopa'a lema'a. Itsiya ma' anuli tehueyi, itpic'a tepenuftsola'. ¹³ Li'huamma Juan enanlcopa lataiqui' loya'apa lo'iya, ite linilijmpa Moisés jouc'a linilijmpa lam profeta. ¹⁴ Inilijmpá: “Ticuaicohuo cal profeta Elías”. Joupa enanlpa ite lataiqui'. Juan Bautista ma' itque Elías. Ja'ni tolapenuf'me laifmipolhuo' tolsim'me tohta'a. ¹⁵ Naiti nocuejpa atquimf'ela' iya' laitaiqui'.

¹⁶ ¿Te caif'onficyacolhuo' imanc' molmana' itsiya'? ¿Te ts'i'ic' lo'ejma'? Ca'onfico'molhuo' to jipu'hua laica'uhuy nocutshuolanna pe locucaleyompa. Tijoc'iyi, timinnila' lif'as ca'uhuy: ¹⁷ “Illanc' alfus'mipá la'jaxa, alpic'a tolsoule. Aicolshua'. Lunac'lipá ihuotsoqueya, aicoljoliqi'.”

¹⁸ Ma tohta'a imanc' lo'ejma'. Ailopa'a catenlcocoyacolhuo'. Juan Bautista aimitesma to moltetsoyi, aimixnay vino. To'cuayi: “Itque itsufaipa liponta'a

Satanás”. ¹⁹ Iya' itque cal Xans Liximpa cal profeta pu'hua lema'a. Iya' aicuai'ma fa'a li'a lamats' catesma to mohtetsoyi imanc', caxnay al vino. Imanc' añesc'e'e, tolcuayi: “¡Tolsinte! Itca'a cal xans intetsopa, in-xnatsaipa. Lilejmale in'najtsi'iyale jouc'a locuenaye lan xanuc' pe aimihuejcoyi locuxepa ÑanDios.”

‘Linca ÑanDios acueca' ac'a lipicuejma', tohta'a timujiyi itne pe naihuejcopá, jouc'a acueca' ac'a lipicuejma'.

²⁰ Jesús ipango'ma inesco'mola' itne hileloña' petsi li'ehuo'ma axpe' acueca'. Ipalaico'mola' itne lan xanuc' pe aiquisuej'meya. Ines'ma te ts'i'ic' loyalaicoy-acu. Ticua:

²¹ —Ima' miña' Corazín, jacueca' loftełcoya! Jouc'a ima' miña' Betsaida, jacueca loftełcoya! Jiłpiya lołxanuc' ixim'me al cueca' lo'epa ÑanDios, aiquisuej'meya. Luyaipa quitine lan xanuc' nomana' hileloña' Tiro y Sidón ja'ni coła' ixim'me tohta'a itniya coła' tixhuej'menacu, tipo'no'me lipijahua' ayolca, timet'li'me capi' li'a, timujco'mołtsi ixhuej'menamma liłjunac'. ²² Al Cuecaj Quitine Locuaicoya ÑanDios titeł'mi'mola' itne hileloña' Tiro y Sidón jouc'a liłxanuc', xonca titeł'mi'molhuo' imanc' mifełoña' Corazín y Betsaida.

²³ ‘Ima' miña' Capernaum, ¿te to'nof'e'moxi xonca al toncay? ¿Te ti'onłcoto' to ÑanDios? A'i. Ti'oc'em'mo'. Toxinnoxi jiłpe al muf. Jiłpe liña' lołxanuc' ixim'me al cueca' lo'epa ÑanDios, aiquisuej'meya. Luyaipa quitine lan xanuc' nimajm'me liña' Sodoma, ja'ni coła' ixim'me tohta'a itniya tixhuej'menacu, coła' a'i mecaniya liłpiña'. ²⁴ Iya' camilhuo': Al Cuecaj Quitine Locuaicoya, ÑanDios titeł'mi'mola' liña' Sodoma jouc'a liłxanuc', jouc'a titeł'mi'molhuo' ima' miña' Capernaum jouc'a lołxanuc', xonca titeł'mi'molhuo'.

²⁵ Itniya litiné Jesús ipalaic'opa qui'Ailli', timi:

—Mai'Ailli', ima' itPoujna lema'a y li'a lamats'. Cax'najtsi'ihuo' lof'epa. Tomuc'ila' laixanuc', itne lo'onłcospola' to la'uhuy. Mepi'ipola' lipicuejma', ticuec'ete laitaiqui'. Lan xanuc' ts'itina', xonca nixhuepá, aicomepi'ila' tohta'a lipicuejma'. Itniya iximpá ipime laitaiqui', to emiya. Aimi'i muhuałcufyi.

²⁶ Atinca mai'Ailli', tohta'a lołpic'epa, toliya latentłcoco'po'.

²⁷ ‘Cai'Ailli' jahuay lapi'ipa cacuxe'etsola'. Iya' i'Hua ÑanDios lan xanuc' aimi'iya masingufya iya' laipicuejma'. Ma le'a cai'Ailli' ałsingufi. Lan xanuc' jouc'a aimi'iya mixingufyacu cai'Ailli' te ts'i'ic' lipicuejma'. Ma le'a iya' hi'Hua aixingufi. Iya' caxpic'e naiłne laifmuc'iyacola', itne camuc'ila' te ts'i'ic' lipicuejma' cai'Ailli'. Itne linca timetsaicoyi cai'Ailli'.

²⁸ ‘Imanc', ja'ni joupa ixojtolhuo', ja'ni tołsinyi ipime lapajnya, tonłouyunca, capenuf'molhuo'. Iya' cunxac'i'molhuo'. Tuyai'ma tołpixoqui. Cunxoc'i'molhuo' cunlata. ²⁹ Lihuejcoła', iya' camuc'i'molhuo'. Iya' a'i noyac'. Iya' nin manxu. Catinu'ena'molhuo' tołunxajma'. Aimołsinconayacu ipime ni acumta lapajnya. ³⁰ Itne laitaiqui' laifcuxe'eyacolhuo' a'ij cumta, jouc'a laifmuc'iyacolhuo' a'i quipime lanantłcoya.

12

¹ Itniya litiné, anuli litine conxajya, Jesús jouc'a ts'ilihuequi tuyalaicoyi jiłpe lifayiya cal trigo. Ts'ilihuequi tunle'eyi. Ipango'me ipa'a'me lixpaj trigo, titeji.

² Lan xanuc' fariseo ixim'me, timiyi Jesús:

—¡Toxinła' lo'epa ts'ihuejhuo'! ¿Nai lepi'ipola' lane ti'e'me tohta'a? Itsiya litine conxajya.

³ Jesús timila':

—Imanc', ¿te a'i cołsuec' li'epa cal rey David, munle'eyi juaiconapa itque jouc'a liyejmalepá? ⁴ David itsufai'ma lejut'ł ÑanDios, itepa lam paxi ca'í topa'a jiłpe, epi'i'mola' ita'i lilejmale, itepá jouc'a. Itque ita'i ma' i'huexi ÑanDios. Aimi'iya mitejnyacu. Ma le'a la'aillí notepá.

⁵ 'Al Paxi Linilingiya tuya'e' lo'eyacu la'aillí litine conxajya. Imanc', ¿te aicołsuec' iŕe lataiqui'? Itine conxajya iŕniya ti'eyi canic'. Tama itine conxajya ailopa'a quijunac', małpe al cuecaj xoute' ti'eyi canic'. ⁶ Iya' camilhuo': Fa'a tipa'a anuli xonca acueca'. Iŕque tuliqui al cuecaj xoute'.

⁷ 'Imanc' aicołcueca litaiqui' LanDios lonespa:

Imanc' tama tołma'ala' linneja, ałsufco'ma, aimalatenłcocojma iŕe lonł'epa.

Xonca aipic'a tołsintsola' cuanuc'la loł'as xanuc'.

Coła' ołcuej'me jiiya lataiqui' aimołcufyacola' lalihuequi, iŕniya ailopa'a tołta'a quijunac'. ⁸ Iya' iŕque cal Xans Liximpa cal profeta pu'hua lema'a. Ma iya' cacuxe litine conxajya. Ti'hua laimane cu'itsola' laixanuc' lo'eyacu iŕe litine.

⁹ Jesús uyaico'ma jiiłpiya. Icuaitsi lajut'łpe lafołyomma lan xanuc', itsufai'ma.

¹⁰ Jiłpe tipa'a anuli cal xans ijułpa limane. Jouc'a timana' lan xanuc' tehueyi te co'iya micufyacu Jesús. Iŕne icuis'e'me, timiyi:

—Litine conxajya, ¿te LanDios ticu lane tixał'mentsola' lan xanuc'?

¹¹ Jesús timila':

—Anuli imanc', ja'ni iłmoł timefmaitsi al pu'hua litine conxajya, ¿te a'i mipa'aya? Linca tipa'a'ma. Tama itine conxajya ailopa'a nonesya, aimiminyacu: "Aimi'iya". ¹² Cal xans aimi'onłspa to cal moł, xonca ipitali iŕque. Litine conxajya linca tipa'a lane ał'ełe al c'a.

¹³ Lijoupa linespa tołta'a, timi cal xans:

—To'nijla' lomane.

Cal xans i'nij'ma limane. Ixałcona'ma. Ilajn-na'ma limane, ma to locuena limane.

¹⁴ Lan xanuc' fariseo ipalunca jiłpe lajut'ł. Efot'le'mołtsi, tixpic'eyi lo'eyacu tima'anłe Jesús.

¹⁵ Jesús ixina' lonespa iŕne lam fariseo, i'hua'na'ma. Axpela' lan xanuc' ihuej'me. Ixał'mena'mola' jahuay lafcualłay. ¹⁶ Ixc'ai'i'mola', timila':

—Aimoluyout'le'me lai'e'epolhuo'.

¹⁷ Iŕe li'ejma' Jesús tenanłi lataiqui' loya'apa cal profeta Isaías, iŕe lataiqui' tuya'e' lonespa LanDios, ticua: ¹⁸ Jifa'a łai'huij'epa, iłca'a lo'epa laipenic'.

Ma iłca'a ca'ay capic'a, latenłcocojma lipicuejma'.

Capi'i'ma łai'Espíritu Santo.

Tuya'a'ma pe lomana' locuenaye lan xanuc', iŕne aicalimetsaijma, tu'i'mola' pe lopa'a al łijca cane. ¹⁹ Aimifulecoya cataiqui' ni aimipalaiya ujfxi.

Aimicaxhuaiya lane mija'aya ujfxi. ²⁰ Iŕque juaiconapa amanxu, aimunłajyacola' nulemma iŕniya lo'onłcospola' to lix'meya jaxa.

Jouc'a aimipic'eyacola' liłpepalc'o' tama timufqui.

Ma muliquila' no'epá laic', timuj'ma nulemma te ts'i'ic' al c'a cane.

²¹ Itsiya timana' lan xanuc' a'i calimetsaijma,

iŕniya ti'huaiyijm'me iłca'a łai'huij'epa,

tines'me: "Iłca'a linca lunłu'e'monga".

Tołta'a luya'apa cal profeta Isaías.

²² Ilec'mentsa Jesús anuli cal xans łitsufaipa anuli liponta'a Satanás. Lonta'a i'e'epa cal xans afo', jouc'a aimipalay. Jesús ixał'mena'ma cal xans. Ipalaina'ma, ehuetzalena'ma. ²³ Lan xanuc' ixoconni quileta. Ticuayi:

—¿Xinla'! Iŕque Jesús ti'ay al cueca'. ¿Te aga iŕque łacui'impa łi'Hua David?

²⁴ Lan fariseo icuej'me iŕe lonespa lan xanuc', ticuayi:

—Iŕque cal xans, epi'ipa limane nocuxepola' lontahue cuftine Beelzebú, tołta'a tipa'ala' lontahue.

²⁵ Jesús ixina' locuapa liłpicuejma', timila':

—Anuli al cuecaj nación, ja'ni tenajtsołtsi lixanuc', ihiya al nación tejac'ma. Jouc'a anuli liłya', o anuli lajut'ł, ja'ni tenajtsołtsi liłsanuc', ihiya liłya' o jilniya lan xanuc' aimipajnya quipufxi, tijou'mola'.

²⁶ 'Ma' anuli Satanás ja'ni ilque tipa'ala' lipontahue joupa enajpołtsi ilniya. Cola' aimipajnya quipufxi. Ja'ni tołta'a li'ipa, ¿tej co'huacopa limane itsiya?

²⁷ 'Iya' ja'ni ilque Beelzebú nalapi'ipa laimane, ja'ni tołta'a quipa'ala' lontahue, ¿naitsi nepi'ipola' liłmane ilne lołxanuc' naipa'apá lontahue? Ma ilniya lołxanuc' timuc'i'molhuo' imanc' imenajpolhuo'. ²⁸ O ¿te ja'ni LanDios nalapi'ipa hi'Espíritu quipa'atsola' lontahue? Ja'ni tołta'a laimane, ti'ila' cołsina' jifa'a tipa'a LanDios cal Cuecaj Rey. Ilque ticuxe.

²⁹ 'Nij naitsi mi'iya mitsufaiya lejut'ł cal xans ts'ipufxi, miłonc'e'eya hi'hueca. Ate'a tifi'e'mola' limane', li'mitsi' ilque cal xans ts'ipufxi. Tijouł', linca nipajnya titsufai'ma lejut'ł, tiłonc'e'e'ma hi'hueca.

³⁰ 'Naitsi aicalihuequi, ilque al'ay laic'. Naitsi aimefot'ela' lan xanuc' to laif'epa, ilque tica'nennala'.

³¹ 'Iya' camilhuo': Jahuay lixcay li'epa, jahuay linesc'epołtsi lan xanuc', ti'i'ma timenc'e'ecom'mola'. Le'a nonesc'epá cataiqui' cal Espíritu Santo aimi'ya mimenc'e'econyacola'. ³² Cal xans nałnesc'e'epa cataiqui', ti'i'ma timenc'e'ecom'me. Cal xans nonesc'epa cataiqui' cal Espíritu Santo, ilque aimimenc'e'econyacu. Mipa'a fa'a li'a łamats' o jipu'hua locuenaj quitine, ilquiya titai'ma lijunac'.

³³ 'Ja'ni tolimetsaicoyi ac'a hi'as, jouc'a tolimetsaicole ac'a al 'ec. O ja'ni tolimetsaicoyi a'ijc'a hi'as, jouc'a tolimetsaicole a'ijc'a al 'ec. Al 'ec hi'as timuj'ma te ts'i'ic' ilne al 'ec, ja'ni ac'a c'ec o a'ijc'a. ³⁴ Imanc' lołpicuejma' ti'ontcospa to lipicuejma' łacapo'. Imanc' unc'ixcay xanuc'. ¿Te co'iya mołpalaiyacu al c'a cataiqui'? Ma to lipicuejma' cal xans, ja'ni al c'a o ixcay, ma tołta'a lopalaicoya. ³⁵ Cal c'a xans tipalaijma al c'a litaiqui', ma to mipa'a lipicuejma'. Cal xans ts'ixcay quipicuejma' tipalaijma ixcay litaiqui' ma to mipa'a lipicuejma'.

³⁶ 'Iya' camilhuo': ¡Tołpo'nołe cuenna te ts'i'ic' lołnesyacu! Ticuaitsi al Cuecaj Quitine LanDios cal Juez ticuis'etolhuo' anuli anuli, timitolhuo': “¿Te cołnescopa tołta'a?” ³⁷ Ja'ni ołnes'me al c'a, LanDios tepenuftolhuo', tixinnolhuo' unc'ic'a xanuc'. Ja'ni ołnes'me lixcay, LanDios aimepenufyacolhuo', tixinnolhuo' a'ijc'a.

³⁸ Oquexi' afantsi lan xanuc' fariseo, oquexi' afantsi lomxiye nomuc'iyalepá locuxepa LanDios, italai'e'e'me Jesús, timiyi:

—Momxi, alpic'a alsinłe ja'ni alinca lepi'ipo' lomane LanDios. Almihuo': To'ela' al cueca'.

³⁹ Jesús italai'e'e'mola', timila':

—Lixcay xanuc' pe necanujpá LanDios, pe aimihuejyi, ma le'a ilpic'a alsinła' ca'ela' al cueca'. Ma tołta'a imanc' loł'ejma'. Ailopa'a caifmuc'iyacolhuo'. To li'ipa cal profeta Jonás luyaipa quitine, ma tołta'a al'i'ma iya'. Ilne linca tołsim'me. ⁴⁰ Jonás icol'ma afane quitine afane quipuqui' jilpe licu'u cal cueca' catu linuc'ma. Iya' ilque cal Xans Liximpa cal profeta pu'hua lema'a. Alcolta afane quitine afane quipuqui' licu'u łamats'.

⁴¹ 'Ticuaitsi al Cuecaj Quitine imanc' tołacaxingolaita LanDios cal Cuecaj Juez. Jouc'a tecaxingolaita lan xanuc' nimajmpá liłya' Níneve, jilpiya Jonás luya'ahuo'ma litaiqui' LanDios. Ilniya lun Níneve ticuftolhuo'. Ilne iquimf'e'me lu'i'mola' Jonás, ixhuej'menanca. Itsiya imanc' tołquimf'eyi anuli xonca cal cueca', aimołsuej'memma.

⁴² Jilpe al Cuecaj Quitine lan xanuc' tecaxingolaita LanDios cal Cuecaj Juez. Imanc' tolacaxingolaita. Jouc'a tecaxhuaita łaca'no' nicuxepa anuli łamats' juaiconapa aculi' al 'ocay. Iłque łaca'no' ticutfolhuo'. Xonca al c'a li'ejma' iłque. I'hua'ma juaiconapa itoqui lane. Icuaitsi icuej'ma locuapa cal rey Salomón. Iłque acueca' lipicuejma'. Itsiya, imanc' tama tołquimf'eyi anuli cal cueca' xonca, tolatets'iyi.

⁴³ Anuli łixcay conta'a, lipanni licuerpo cal xans, ti'hualeco'ma pe ailopa'a caja'. Tehue petsi conxac'eya, aimixina. ⁴⁴ Ticua: "Aipainamma. Ai'huanapa lainejut'ł pe lainipayomma." Licuaitsi jilpiya tixim'ma ixcuajma', itaf'uyiya, i'huáqui al c'a. ⁴⁵ Tixinła' tołta'a ti'hua'ma, tilecotola' ocuenaye acaitsi lontanahue xonca ixcay. Titsuflai'me jilpiya licuerpo cal xans, timajm'me. Tołta'a xonca acueca' loyaicoya iłque cal xans. Al te'a le'a anuli łonta'a i'hueca, tijouła' ti'i'mola' apaico lontanahue. Tołta'a loluyalaicoyacu imanc' mołmana' itsiya. A'ij łijca lołpicuejma'.

⁴⁶ Jesús mipalaic'ola' lan xanuc', icuaiyunca qui'máma' jouc'a lipimaye. Ecaxoł'me łuna. Iłpic'a tipalaic'ole.

⁴⁷ U'im'me Jesús, imim'me:
—Icuai'me co'máma' jouc'a lopimaye. Tecaxołanna łuna. Iłpic'a tipalaic'otso'.

⁴⁸ Jesús italai'e'e'ma, timi:
—Fa'a, ¿ja'ni ailopa'a cai'máma', ailomana' laipimaye?

⁴⁹ Tenats'ila' ts'ilihuequi, ticua:
—Jifa'a comana' cai'máma' jouc'a laipimaye. ⁵⁰ Iłque naihuejcopa Cai'Ailli' Nopa'a lema'a, ma jilque aipima o ai'máma'.

13

¹ Małpiya litine Jesús ipanni jilpe lajut'ł, icutshuai'ma łema al cueca' quin'nuhua'. ² Axpela' lan xanuc' icuaitsa pe lopa'a Jesús. Iłque if'aj'ma anuli al barco, icutsmal'ma jilpiya. Iłe al barco tecaxc'o jilpe laja', jahuay lan xanuc' tecaxołanna łema al cueca' quin'nuhua'. ³ Jesús axpe' i'onfico'ma lo'epa LanDios fa'a li'a łamats'. Timila':

—Cal xans ipanni ica'nehuo'ma lam fanuj trigo. ⁴ Mica'ne lam fanu' hualca ecangolaita lane. Lacał'hui naiyulpá lema'a icuaitsa, itejn-na'me.

⁵ Hualca lam fanu' i'nif'colaita jilpiya łixmi capic, tejuaf'ya huata łacamats'. Ma axolof łacamats' aiquicoł'ma, lam fanu' ila'ma. ⁶ Lif'aj'ma cal 'ora, epatsi łinu', lam fanu' lilapa ipi'e'mola'. Huata ilanc'epoxi łaiquime, ijułna'ma.

⁷ Hualca lam fanu' itsuc'huita pe lopa'a łitac'. Iłque łitac' itoj'ma, ejec'ona'ma łilapa cal trigo.

⁸ Hualca lam fanu' etojmołaita cal c'a camats'. Iłne łınca ila'ma, itoj'mola', ipanni łixpa. Anuli ipammaitsi amaxnu, ocuena ipammaitsi afanej nuxans, łocuena ipammaitsi anuxans quimbama'.

⁹ Naitsi nocuejpa, ałquimf'ela' iya' laitaiqui'.

¹⁰ Ts'ilihuequi Jesús iłoc'olai'me. Icuis'e'me, timiyi:
—Ima', ¿te cofmuc'icopola' tołiya? Aimo'ila' acujajmaica cataiqui'.

¹¹ Jesús italai'e'e'mola', timila':
—Imanc' LanDios epalc'o'ipolhuo' lołpicuejma'. Ołcueca lipime cataiqui'. Ołcueca lo'iya jilpiya petsi lan xanuc' tihuejcoyi LanDios, iłque cal Cuecaj Rey Nopa'a lema'a. Locuenaye lan xanuc' aiqulłcueca. ¹² Cal xans ja'ni ticueca, xonca ticuej'ma, tuyaf'ma lipicuejma'. Cal xans ja'ni aiquicueca, tejac'e'ma iłe łixina'. ¹³ Iłne: "Tama tehuelojnyi, aimixinyi; tama tiquimf'eyi,

aimicuejyi.” Toŋiya laifpalaic'opola' iŋniya a'ij cuajmaica cataiqui'. ¹⁴ Jiŋne lo'ipola' enanŋcopa luya'apa cal profeta Isaías, ticua:

Toŋquimf'e'me, ti'hua toŋquimf'eyi, aimoŋcuc'eyacu.

Tolahuelojm'me, ti'hua tolahuelojnyi, aimoŋsinyacu.

¹⁵ Al ŋinca liŋpicuejma' iŋne lan xanuc' i'ipa ta.

Tama tipa'a liŋs'mats'i', afule micuec'eyi.

Ixpof'mipá liŋ'u'.

Ja'ni coŋa' aimi'e'me toŋta'a tixingo'me liŋ'u', tiquimf'eco'me liŋs'mats'i',

lataiqui' titsufai'ma liŋpicuejma', aŋcuc'e'ma,

tipailinacu, titsuflaina'me al c'a cane,

toŋta'a caxaŋ'mena'mola', quiŋonc'e'ena'mola' liŋjunac'.

¹⁶ 'Imanc' ŋinca tuluyalaicoyi al c'a. Toŋsinyi, toŋquimf'eyi. ¹⁷ Iya' camilhuo' al ŋinca: Luyaipa quitine axpela' lan xanuc' tijanajyi coŋa' tixinŋe iŋe loŋsimpa itsiya imanc'. Iŋniya lam profeta jouc'a locuenaye lan xanuc' naihuejpa locuxepa ŋanDios, aiqixim'me. Tijanajyi coŋa' tiquimf'ete iŋe loŋquimf'epa itsiya imanc'. Aicu'innila' iŋiya lataiqui'.

¹⁸ 'Aŋquimf'eta'. Cuhuaŋc'e'e'molhuo' lataiqui' loya'apa te ts'i'ic' li'ipa jiŋpiya leca'nimpa cal trigo. ¹⁹ Itsiya ŋanDios cal Rey Nopa'a lema'a tijoc'ila' lan xanuc' tihuejcoŋe. Cal xans noquimf'epa iŋe lataiqui' ja'ni aimicueca ti'i'ma to li'ipa jiŋpiya ŋecangemma lane lam fanu'. Ticuaihuo ŋonta'a, tipa'ena'ma lataiqui', iŋiya lifapa lipicuejma' cal xans.

²⁰ 'Iŋe huata ŋacamats' lifaf'impa jiŋpe ŋixmi capic ti'onŋcospa to cal xans micuej'ma lataiqui' loya'apa iŋe al c'a lixp'ic'epa ŋanDios, tepenuf'ma, tixojco'ma queta. ²¹ Iŋque tihuequi le'a oque' fane' quitine, lataiqui' aimif'acay ŋime jiŋpe lipicuejma'. Ticuaitsi lixhuejma', o lan xanuc' tixtuc'oyi mihuequi iŋe lataiqui', iŋque aimihuejcoya, tenaj'moxi.

²² 'ŋamats' lifampa jiŋpiya litojpa ŋitac' ti'onŋcospa to ŋocuena cal xans. Iŋque tiquimf'e lataiqui' loya'apa al c'a lixp'ic'epa ŋanDios. Tijouŋa' tixhueŋma juaiconapa, ticua: “¿Te caifnuyaicoya laipitine?” O tifel'mi'moxi quituca', tijanaca tulijla' axpe' qui'huexi. Iŋe lataiqui' lopa'a lipicuejma' ejec'opa, aiqipammaic'.

²³ 'Cal c'a camats' lifampa ti'onŋcospa to ŋocuena cal xans, iŋque tiquimf'e lataiqui' loya'apa iŋe al c'a lixp'ic'epa ŋanDios, ticueca. Iŋe lataiqui' ipammaita. Iŋque cal xans lo'iya ti'onŋcospa to li'ipa cal fanuj trigo ŋipammaita amaxnu, o ŋipammaita afanej nuxans, o ŋipammaita anuxans quimbama'.

²⁴ Jesús i'onŋiconapa lo'epa ŋanDios fa'a li'a ŋamats', timila':

—Anuli cal xans eca'ni'ma lan c'a fanuj trigo ŋemats', li'ipa jiŋpe ti'onŋcospa to lo'iya petsi ŋanDios tijoc'ila' lan xanuc' tihuejcoŋe. Iŋque cal Cuecaj Rey Nopa'a lema'a. ²⁵ Jounpa eca'nipa lan c'a fanuj trigo, mixmaiŋi lan xanuc', icuaitsi no'epa laic' iŋque cal xans, eca'ni'ma ocuenaj fanu'. Iŋque ŋixcay fanu' eca'ni'ma maŋpe pe leca'nimpa lan c'a fanuj trigo. I'huana'ma.

²⁶ 'Itoj'mola' cal trigo jouc'a ŋixcay quitamqui. Lipanni ŋixpa imetsaicom'me uhuantsi ŋixcay quitamqui. ²⁷ Icuaitsa limozó ŋipoujna camats'. Icuis'e'me ŋipoujna, timiyi: “Maŋpoujna, ¿te aicomeca'ni cal c'a fanuj trigo ŋomemats'? ¿Pe qui'huayomma iŋquiŋa ŋixcay quitamqui?” ²⁸ ŋapoujna italai'enni, timila': “Toŋta'a li'epa naŋ'epa laic'”. Limozó icuis'e'me, timiyi: “¿Te caŋ'eyacu? ¿Te aŋyaxta iŋque ŋixcay quitamqui?” ²⁹ ŋipoujna timila': “A'i, aimi'iya. Ja'ni toŋyaxtsa, jouc'a tiyaxc'ehuo cal trigo. ³⁰ Ma toŋe tipanenni. Titojtsola' ma' anuli cal trigo jouc'a ŋixcay quitamqui. Ticuaitsi litine tefot'lenŋe, iya' cami'mola' no'eyacu canic': Tonŋeŋe, ate'a toŋyaxtsa jiŋe ŋixcay quitamqui, toŋfi'ot'letsa atotsa atotsa tipi'em'me. Tijouŋa', tolafot'letsa cal trigo, toŋ'hua'anca fa'a lainejut'ŋ.”

³¹ Jesús ti'hua ti'onhcongghua lo'epa ÆanDios fa'a li'a Æamats'. Timila':

—Anuli cal xans itai'ma anuli Æajfanu' juaiconapa aca'hua cuftine sinapí, ifatsi Æemats'. Li'i'ma Æique cal fanu' ti'onhcosa to lo'iya petsi ÆanDios cal Cuecaj Rey tijoc'ila' lan xanuc' tihuejcofe. ³² Æique cal fanu' xonca aca'hua, titoj'ma tulij'ma jahuay lofampa jilpe Æaqueya. Æique xonca titoqui. Ti'i'ma to al 'ec. Laca' hui naiyulpá lema'a jilpe al 'ec tilanc'e'me lihpuxi'na, timajm'me.

³³ Jesús ti'hua ti'onhcongghua lo'epa ÆanDios fa'a li'a Æamats'. Timila':

—Anuli Æaca'no' ilai'i'ma Æilevadura axpe' li'harina. Li'i'ma cal harina Æilai'ipa cal levadura ti'onhcosa to lo'iya petsi ÆanDios cal Cuecaj Rey Nopa'a lema'a tijoc'ila' lan xanuc' tihuejcofe. Æe cal levadura ti'hua tilai'i cal harina. Lijou'ma umfunni jahuay Æax'e.

³⁴ Tohta'a limuc'iyalepa Jesús. Ma le'a i'onhcopa lo'epa ÆanDios. Aimimuc'ila' acuajmaica cataiqui'. ³⁵ Tohta'a enanhcopa linespa cal profeta. Æique uya'a'ma linespa cal'Ailli', ticua:

Capalaic'o'mola' lan xanuc', ca'onhico'ma lo'epa ÆanDios.

Lilajnyopa li'a Æamats', emiya Æi'ya lataiqui'.

Itsiya cu'i'mola' lan xanuc'.

³⁶ Jesús ipo'no'mola' lan xanuc' nomana' jilpiya. Ts'ilihuequi Æhoc'otai'me, timiyi:

—Lu'itsonga', luhualc'etsonga' lataiqui', Æe loya'apa te ts'i'ic' li'ipa jilpe Æemats' cal xans pe litojyopa Æixcay quitamqui.

³⁷ Jesús timila':

—Iya' Æique cal Xans Æiximpa cal profeta pu'hua lema'a. Iya' al'onhcosa to Æique cal xans neca'nipa lan c'a fanu'. ³⁸ To Æemats' lifapa cal xans tofe ti'onhcosa Æica'a li'a Æamats'. Naihuejcopá ÆanDios, Æique cal Cuecaj Rey, Æne ti'onhospola' to lan c'a fanu'. Naihuejcopá Æonta'a, Æne ti'onhospola' to Æixcay quitamqui, Æe Æitamqui lifapa Æique Æin'ehuale laic' cal xans. ³⁹ Æonta'a Satanás, Æique Æin'ehuale laic'. Li'i'ma litine lafot'leya ti'onhcosa to lo'iya Lijoujma Quitine. Nefot'lepá trigo, Æne ti'onhospola' to lapaluc' quema'a, mañiya tefot'Æem'mola' lan xanuc'.

⁴⁰ 'Ma to miyaxquim'me Æixcay quitamqui, tipi'em'me, ma tohta'a lo'iya Lijoujma Quitine. ⁴¹ Iya' Æique cal Xans Æiximpa cal profeta pu'hua lema'a. Iya' cumme'mola' lainepaluc' quema'a. Ma to miyaxquim'me Æixcay quitamqui, tohta'a tepa'am'mola' lomints'eyalepá lihpucuejma' lan xanuc'. Jouc'a tipa'am'mola' pe aimihuejcoyi locuxepa ÆanDios. Æniya aimimajnyacu anuli naihuejcopá ÆanDios, Æique cal Cuecaj Rey. ⁴² Æne Æixcay xanuc' ti'nij'mim'mola' al cuecaj capa lonajpa Æunga. Jilpiya lan xanuc' tijolijta, ti'Ælc'ta li'ay, tixinna acuecaj cumla. ⁴³ Lan xanuc' naihuejcopá locuxepa ÆanDios, ma Æniya timanecu pe locuxeyopa ÆanDios Æique qui'Æailli'. Jilpiya ti'huájtola' to mi'huájta cal 'ora tuyaila' Æummahuay.

'Naitsi nocuejpa, alquim'Æela' iya' laitaiqui'.

⁴⁴ 'To li'epa anuli cal xans liximpa axpe' al tomí lemuyiya Æamats', tohta'a ti'onhcosa to lo'eyacu lan xanuc' noquimf'epá, naihuejcopá ÆanDios lojoc'ipola', Æique cal Cuecaj Rey. Cal xans liximpa Æe al tomí emucona'ma. Tixoqui queta i'hua'ma icujtsi jahuay Æi'huexi. Æe lulij'ma i'naco'ma Æamats' jilpe lamuya al tomí.

⁴⁵ 'To li'epa anuli cal xans Æincucale mehuay lam perla, Æniya acueca' lihpitali, tohta'a ti'onhcosa to lo'eyacu lan xanuc' noquimf'epá, naihuejcopá ÆanDios lojoc'ipola', Æique cal Cuecaj Rey. ⁴⁶ Cal xans iximpa anuli cal perla acueca' lipitali, i'hua'ma icujtsi jahuay Æi'huexi. Æe lulij'ma i'naco'ma Æique cal perla.

⁴⁷ 'To li'ipa petsi lin'nołpá catuye lecajm'mi'me liłxami al cuecaj quin'nuhua', tołta'a ti'onłcospa to lo'iyacola' lan xanuc' noquimf'epá, naihuejcopá ŁanDios lojoc'ipola', iłque cal Cuecaj Rey. Iłque cal xami i'nołpola' jahuay latuye, iłne lotempola' jouc'a pe aimitejn-ńila'. ⁴⁸ Namma i'i'ma cal xami, lin'nołpá catuye ipa'a'me laja'. Icuscołenca, i'huijf'e'me lan c'a catuye, ti'ńij'miyi liłtsiquihuit'ł. Locuenaye latuye, iłne pe aimitejn-ńila', eca'ńi'me. ⁴⁹ Tołta'a ti'i'ma Lijoujma Quitine. Ticuaicu lapaluc' quema'a, tenaj'mola' lan xanuc'. Ti'huijf'e'mola' lan xanuc' naihuejcopá locuxepa ŁanDios. Lixcay xanuc' tipa'am'mola'. ⁵⁰ Tecajm-mim'mola' lapa petsi lonajpa łunga. Jiłpe lan xanuc' tijolijta, ti'ılc'ta lił'ay.

⁵¹ Jesús icuis'e'mola', timila':

—¿Te oluhuałpá lainu'ipolhuo'?

Iłne italai'e'e'me, timiyi:

—Ma luhuałpá.

⁵² Timila':

—Imanc' unc'omxiye, joupa olihuic'ipá te ts'i'ic' lo'iya petsi ŁanDios timu-jyoxi, iłque cal Cuecaj Rey Nopa'a lema'a. Tołiya ti'onłcospolhuo' to lapoujnalá cajut'łi. Iłque łapoujna cajut'ł tipa'e, timuqui li'huexi. Tipa'e łafane li'huexi, jouc'a tipa'e cal ts'e, timuc'ıla' lan xanuc'.

⁵³ Lijoupa limuc'iyalepa iłne łataiquí, ipanni jiłpiya. ⁵⁴ Icuaitsi lipiłya' pe litojyopa. Ipango'ma imuc'i'mola' lan xanuc' jiłpe lajut'ł pe lafołyomma. Iłne lan xanuc' ticuayi:

—¡Xinła! Acueca' juaiconapa lonespa jouc'a lo'epa. Iłque cal xans, ¿naitsi nimuc'ipa? Juaiconapa ixina'. ¿Naitsi nepi'ipa limane ti'eła' tołta'a? Iłque ti'ay acueca' to lo'epa ŁanDios. ⁵⁵ Iłque i'hua cal xans łinc'alhuałpa, María i'máma'. Jacobo, José, Simón y Judas ipimaye. ⁵⁶ Lipimaye cacal'no' jouc'a timana' fa'a. ¿Naitsi nimuc'ipa lonespa? ¿Naitsi nepi'ipa limane?

⁵⁷ Iłne ixim'me Jesús to jipu'hua ni naitsi xans. Ixtulencia. Aimicuayi mepenufyacu. Jesús timila':

—Cal profeta mipa'a lipiłya' o lejut'ł, jiłpiya aimepenufyacu. Ja'ni ti'hua'ma ocuena quiłya', jiłpe linca tepenufta.

⁵⁸ Ma' ahuata al cueca' li'e'ma Jesús jiłpe lipiłya'. Lan xanuc' aiqUIL'huaiyinge.

14

¹ Iłniya łitiné Herodes icuejpa lo'epa Jesús. Jiłque Herodes ticuxe jiłpe łamats' Galilea. ² Timila' lixanuc':

—Iłque aJuan Bautista. Imaf'inapa, ipanamma pe lomana' lamizhua. Tołiya tipa'a limane, ti'ay al cueca'.

³⁻⁴ Tołta'a licuapa Herodes i'nujuaitsi li'e'epa Juan.

Iłque Herodes ilecopa li'maxi cuftine Herodías, exic'e'epa lipima Felipe. Juan Bautista italepa Herodes. Timi: “Ima' o'epa lixcay. Aimołmajncona'me anuli ima' łaca'no'.” Herodes aits'etenłcoco'ma iłiya lines'ma Juan Bautista. Ixtuc'opa, i'nołpa, ifi'ecopa acadena, i'nicopa lacarza. ⁵ Ticua: “Cama'a'ma”. Aiquima'e. Tixpaic'ela' lan xanuc' aga tixtulecu. Jahuay ticuayi: “Juan aprofeta. ŁanDios ummepa.”

⁶ Ixhuaitsi łemats' Herodes i'e'ma juic. Jiłpe efołyomma Herodes lijc'ipola'. Ixou'ma li'hua caca'no' Herodías. Juaiconapa icuaitsi quipic'a Herodes. ⁷ Icuaj'mipa ŁanDios, epi'ipa cataiqui', timi łahuats': “Itsiya, ¿te caifnepi'iyaco? Ałsahue'eła'.” ⁸ Łahuats' ihuejco'ma qui'máma' lixc'ai'i'ma, timi: “Ałtai'etsi lijuac Juan Bautista. Tipo'nof'intsa laxpef' pime.”

⁹ Herodes ixhuelconni. ¿Te co'eya? Joupa icuaj'mipa ŁanDios, icupa cataiqui'. Lijoc'ipola' jouc'a icuejco'me licuaj'mipa. Aimi'iya micuanac'eya

lahuats'. Icuixe'ma ti'enle to lixahue'epa lahuats'. ¹⁰Umme'ma anuli cal soldado pu'hua lacarza tetec'entsa lejoc' Juan. ¹¹Ipo'nof'intsa hijuac laxpef' pime, i'hua'anni, uhui'itsi lahuats'. Ique itai'ma, uhui'itsi qui'mama'. ¹²Icuaiyunca ts'ilihuequi Juan. Itaina'me licuerpo emunatsa. Iye'me u'itsa Jesús.

¹³Jesús, licuej'ma li'ipa Juan, if'aj'ma al barco, i'hua'ma petsi ailopa'a quiya' ni cajut'. Aicu'ila' lan xanuc'.

Li'i'ma quilsina' lan xanuc', ihe ipalunca ihipitelotya', iye'me li'mis. Ticuaitsa pe licuaita Jesús. ¹⁴Jesús iquie'ma al cueca' quin'nuhua', icuaitsi locuena liju'. Lipanni al barco ixim'mola' axpela' lan xanuc' joupa icuaita jilpiya. Ixim'mola' acuanuc'la. Ixa'mena'mola' lilefcualtay.

¹⁵Joupa ummuhuita, ts'ilihuequi Jesús ihoc'otai'me. Timiyi:

—Jifa'a ailopa'a quiya', ailopa'a cajut'. Joupa ummuhuita. Toxc'ai'itsola' lan xanuc'. Tomitsola' tiyente laiquitelotya', ti'natsa lotejacu.

¹⁶Jesús timila':

—¿Te coyecoyacu? Imanc' totes'mitsola'.

¹⁷Ihiya timiyi:

—Jifa'a tipa'a ma le'a amaque' la'í y oquexi' latuye.

¹⁸Timila':

—Toh'hua'anca fa'a.

I'hua'a'me.

¹⁹Jesús icuxe'e'mola' lan xanuc' ticutso'laite laiquitamqui. Epef'mola' lam maque' la'í, loquexi' latuye. Ehuelojm'ma al toncay lema'a, ix'najtsi'i'ma LanDios. Ixquenuf'mola' la'í, epi'i'mola' ts'ilihuequi. Ts'ilihuequi eca'nem'mola' lan xanuc'. ²⁰Jahuay itetso'me ixhuaitsole'. Ts'ilihuequi Jesús efot'le'me laijhualcay hipanecomma. Ima'ni'me imbama' coque' lan tsiquihuit'. ²¹Ihiya litetso'me tixhuaispola' oquej nuxans quimbama' maxnu lan xanuc'. Jouc'a itetso'me laca'no' jouc'a la'uhuay.

²²Aiquicol'ma. Jesús icuxe'e'mola' ts'ilihuequi, timila':

—Tof'ajlite al barco. To'quiele al cuecaj lin'nuhua'.

Ique tipanenni tixc'ai'ila' lan xanuc' tiyente hilejut'li. ²³Lijoupa lixc'ai'ipola' lan xanuc' Jesús if'aj'ma quituca' hijualay, tipalaic'otsi LanDios. I'ipa quipuqui', tipa'a quituca' jilpiya. ²⁴Ts'ilihuequi noyecopá al barco joupa icuaita aculi'. Lamats' canujnca ailopa'a. Afule mi'hua al barco. Laha' ti'hua titalecufi. Itsahuemma laja', ujfxi tipange al barco.

²⁵Lilic'ejma icuainatsi jilpiya Jesús, ti'huailsaf'que laja'. ²⁶Ts'ilihuequi ixim'me mi'huayaf'que laja'. Juaiconapa ixpailij'mola'. Tija'ayi, ticuayi:

—Icuai'co'ma cal cueca' quinxpaic'ale.

Tija'ayi caxpaiqui'.

²⁷Aiquicol'ma. Jesús ipalaic'o'mola', timila':

—Aimixpailij'molhuo'. Ma' iya'. Aimotsuetmot'le'me. Ailopa'a tintsi.

²⁸Pedro timi:

—Maipoujna, ja'ni atinca ima', a'mila': “To'huanni”. Iya' ca'hua'ma, ca'huailsaf'la' laja', cacuaitsi pe lofpa'a.

²⁹Jesús timi:

—To'huanni.

Pedro emunni al barco, i'huailsaf'tsi laja' ticuaitsi pe lopa'a Jesús.

³⁰Lixim'ma lahua' ti'hua juaiconapa ipujfxi, ixpaiconni. Ipango'ma if'acaina'ma laja'. Ija'a'ma, timi Jesús:

—Maipoujna, jlunku'eta'!

³¹Aiquicol'ma. Jesús i'nij'ma limane, i'noh'ma Pedro, timi:

—Ima' le'a ahuata a'huaiyinge. ¿Te qui'ico'po' a'ij nuli lopicuejma'?

³² Jesús jouc'a Pedro if'ajli'me al barco. Ipanenanni lahua'. ³³ Ihe nomana' al barco exc'onlingolai'me Jesús, timiyi:

—Ima' ma' i'Hua LanDios.

³⁴ Ti'hua tiquieyi al cueca' lin'nuhua'. Icuaitsa lamats' Genesaret. ³⁵ Ihe lun Genesaret imetsaico'me Jesús, ummem'mola' lilepaluc' tiyele ni petsi jilpiya lamats', tuya'atsa joupa icuai'ma Jesús. Licuej'me tohta'a lan xanuc' icuai'enca jahuary lilefcualtay. ³⁶ Ixa'hue'me ma le'a tilafc'ete lema lipijahua' lafcualtay. Jahuary nilafc'e'me ixatona'mola'.

15

¹ Lan xanuc' fariseo jouc'a lomxiye nomuc'iyalepá locuxepa LanDios, quiyoyomma Jerusalén, icuaitsa pe lopa'a Jesús. Icuais'e'me, timiyi:

² —Ihniya lahtatahueló tipa'a li'ejma' tulouyi lihmane ai'a titetso'me. Ts'ihuejhuo', ¿te aimulouyi lihmane? ¿Te co'ecopa tohta'a? ¿Te aimihuejcoyi li'ejma' lahtatahueló?

³ Jesús italai'e'e'mola', timila':

—Imanc' xonca tolihuejyi li'ejma' lohtatahueló, ołpic'a. Tohta'a tolatets'iyi locuxepa LanDios. ¿Te con'ecopa tohta'a? ⁴ LanDios ticuxe, ticua: “Taihuejco'mola' co'ailli', co'máma'. Totoc'i'mola'.” Jouc'a ticua: “Cal xans nomipola' cataiqui' qui'ailli' qui'máma' tipa'a lijunac'. Tima'anle.”

⁵⁻⁶ 'Ituca' lołcuapa imanc'. Tołcuayi: “Cal xans a'i mitoc'i'mola' qui'ailli' qui'máma'. Ma le'a timitsola': Aimi'iya catoc'iyacolhuo'. Ihe lai'hueca cola' catoc'icotsolhuo' joupa nenajpa, catsufcota LanDios.” Linca tolihuejyi li'ejma' lohtatahueló. Litaiqui' LanDios locuxepa aimolanant'iyi. Toł'e'eyi to ni naitsi cataiqui'.

⁷ Imanc' aijc'a loł'ejma'. Ma le'a toł'e'eyołtsi, imanc' a'i cunc'ic'a xanuc'. Cal profeta Isaías inescopolhuo'. Ihe litaiqui' tuya'e' lonespa LanDios, ticua:

⁸ Ihniya lan xanuc' ałmi: “Ima' alanDios, ima' unCueca”.

Jilpe lilunxajma' latets'i, aimalihuequi.

⁹ Lataiqui' lomuc'iyalepa ihniya, a'i laitaiqui'.

Timuc'iyaleyi ihniya locuxepa lan xanuc'.

Tama alaxc'onlingaila', aimalatenłma ihe li'ejma'.

¹⁰ Jesús ijoc'i'mola' lan xanuc' ticuaiyunca, timila':

—¡Ałquimf'eł! ¡Ałcuc'eł! ihe laifmipolhuo'! ¹¹ Cal xans lo'nicoya lico, ihe aimi'iya mixis'meya. Laipayomma lico, ihe litaiqui' locuapa, ja'ni ixcay cataiqui', ihe linca tixis'me'ma cal xans.

¹² Ts'ilihuequi icuaiyunca pe lopa'a Jesús, timiyi:

—¿Te conescopa tohta'a? Lan xanuc' fariseo juaiconapa ixtuc'opo'.

¹³ Jesús italai'e'e'mola', timila':

—Al 'ec pe aiquifac' cai'Ailli', iłque Nopa'a lema'a, ihe al 'ec tiyaxquim'me.

¹⁴ Timajnle. Aimołquimf'e'mola'. Ihe afohue, ti'huaj'me'eyi lił'as fohue. Ja'ni cal fo' ti'huaj'me'eł' lił'as fo', loquexi' timefmołaita lina.

¹⁵ Pedro timi:

—Luhualc'e'etsonga' ihe lataiqui'.

¹⁶ Jesús timila':

—Imanc' jouc'a, ¿te ailopa'a cołpicuejma'? ¹⁷ Cal xans lo'nicopa lico, ihe aimitsufaiya lipicuejma', titsufay licu'u, tijoula' tipanamma. ¿Te aicołsina' tohta'a? ¹⁸ Laipayomma lico cal xans, ihe lataiqui' qui'huayomma lipicuejma', ihe linca tixis'me'ma iłque cal xans.

19 'Jahuay lonespa, lo'epa cal xans tipayomma lipicuejma'. Małpiya qui'huayomma jahuay lixcay. Jiłpe liłpicuejma' lan xanuc' tixpic'eyi ti'ete lixcay. Tixpic'eyi tima'ahuale'me. Tixpic'eyi tif'ıltsaicołe lipeno liłf'as xans. Tixpic'eyi tixhuico'mola' locuenaye cacał'no' a'i liłpeno. Tixpic'eyi tinantse'me. Tixpic'eyi tifellaique'me. Tixpic'eyi tixahuale'me.

20 'Jahuay iłna'a ti'e'e'mola' xujc'a, tołta'a tixis'me'mola'. Cal xans ja'ni aimulouhuo limane to lił'ejma' litatahueló, ma le'a titetso'ma, a'i tołta'a mixis'meya.

21 Jesús ipanni jiłpiya. I'hua'ma lilemats' iłne liłelołya' Tiro y Sidón.
22 Icuaiyunni pe lopa'a Jesús anuli łaca'no' qui'huayomma jiłpe łamats'. Iłque a'ij judía. Litatahueló cuftine lan cananeo. Lan xanuc' judío tetets'innila' iłne lan cananeo. Ticuayi: "Atsiłqui iłniya".

Łaca'no' tija'e', timi Jesús:

—Maipoujna, ima' tecui'inghuo' i'Hua David, jałsınła' nincuanuc'! Łai'hua caca'no' titełma juaiconapa. Itsufaipa anuli liponta'a Satanás.

23 Jesús aiquitalai'e'. Ts'ilihuequi iłoc'olai'me, timiyi:

—Iłca'a łaca'no' ti'hua tija'e' lihuequina'. Tocuxe'eł'a' ti'huanła'.

24 Jesús italai'e'ma, timi łaca'no':

—ŁanDios lummepa catoc'itsola' lixanuc' Israel, iłne lo'onłcospola' to lam mot'ł lejac'pola'. Aimi'ıya catoc'ıyacola' locuenaye lan xanuc'.

25 Łaca'no' iłoc'huai'ma exc'onłngai'ma, timi:

—Maipoujna, jałtoc'ıł'a'!

26 Jesús italai'e'e'ma, timi:

—Aimi'ıya miłonc'e'enyacola' iłe'i la'uhuay, meca'ni'enyacola' lan tsiłqui.

27 Łaca'no' timi:

—Maipoujna, al łınca lotaiqui'. Iya' cacua: Iłniya lan tsiłqui, tama atsiłqui, iłne titeji laiłhualcay ca'i lacangemma limesa liłpoujna.

28 Licuej'ma jiłiya lataiqui' Jesús timi:

—Maca'no', acueca' ał'huaiyijmpa. Ma to lałsahue'epa, tołe ti'ıł'a'.

Małe 'hora ixałcona'ma li'hua łaca'no'.

29 Jesús ipanni jiłpiya. Ti'hua łema al cuecaj quin'nuhua' Galilea. If'aj'ma hijualay, licuaitsi icutshuai'ma jiłpiya. 30 Icuaiyunca axpela' lan xanuc'. Icuai'etsa axpela' lilefcualłay, iłne lan coxo, latumane, lan fohue, jouc'a ocuenaye lan xanuc' iłne aimi'ı mipalaiyi, jouc'a ocuenaye lafcualłay. Ipo'nom'mola' huejnca li'mitsi' Jesús. Iłque ixał'mena'mola'. 31 Lan xanuc' ixim'me iłe li'ipola' lafcualłay. Iłne pe aimipalaiyi ipalaina'me. Iłne latumane joup'a ixałconapola'. Lan coxo tiyenayi. Lan fohue tixinalenayi. Lixim'me tołta'a lan xanuc' timiyoltsi:

—ıXınła' ja'a! Iłque Jesús ti'ay al cueca'.

Ix'najtsi'ı'me ŁanDios, iłenDios iłne lan xanuc' Israel.

32 Jesús ijoc'ı'mola' ts'ilihuequi, ticuainanca. Timila':

—Iya' caxinnila' cuanuc'la iłna'a lan xanuc'. Ixhuaita afane' quitine małmana' anuli fa'a. Ailopa'a cotejacu. Aimi'ıya cummeyacola' tołta'a. Aimi'ıya miyeyacu liłpiłelołya'. Titafquecola' lane.

33 Ts'ilihuequi timiyi Jesús:

—Jifa'a ailopa'a quıya'. ¿Petsi całsi'neyacu ł'a'i łotejacu iłna'a axpela' lan xanuc'?

34 Jesús icuis'e'mola' ts'ilihuequi, timila':

—¿Tojua mipa'a łola'ı'?

Timiyi:

—Acaıtsi la'ı, oquexi' afantsi latuye.

35 Jesús timila' lan xanuc':

—Tołcutsolaiłe łamats'.

³⁶ Epef'mola' lan caitsi la'í jouc'a latuye. Ix'najtsi'i'ma ÑanDios. Ixquenuf'mola', epi'i'mola' ts'ilihuequi. Ts'ilihuequi eca'neyale'me. ³⁷ Jahuay itetso'me, ixhuaitola'. Ts'ilihuequi efot'le'me lan hualcay lipanecomma. Imantsi acaitsi cal tuc'pay. ³⁸ Lan xanuc' nitetsopá tixhuaispola' oquej nuxans maxnu. Laca'no', la'uhuy itetsopá jouc'a, aikuixhuej'mem'mola' ihniya. ³⁹ Jesús ixc'ai'ina'mola' lan xanuc' tiyenle hípílelo'ya'. If'aj'ma al barco, i'hua'ma lamats' pe lopa'a li'ya' cuftine Magdala.

16

¹ Lam fariseo jouc'a lan saduceo icuaitsa pe lopa'a Jesús. Ehuai'me. Timiyi: —To'ela' al cueca' to lo'eya ÑanDios, itque Nopa'a lema'a. To'ta'a a'huaiyjm'mo'.

² Jesús italai'e'e'mola', timila':

—Mif'acai'ma cal 'ora, ja'ni tunxalc'o lema'a, to'cuayi: “Mouqui ti'i'ma ac'a quitine”. ³ Mi'i'ma quitine to'cuayi: “Xinla', tunxalc'o lema'a, unxamuhua, ti'hua'ma lahua', ticui'ma”. Imanc' a'i cunc'ic'a xanuc', ma le'a tonf'e'eyo'tsi. To'suef'yi lema'a, tijoula', aimi'ya col'sina' te ts'i'ic' lomuc'ipolhuo' ÑanDios itsiya litine.

⁴ 'Lan xanuc' nomana' itsiya ux'maspá lipene ÑanDios. Mi'eyi al xujc'a timiyi: “Amuc'itsonga' al cueca'”. A'i mimuc'inyacola'. Linca ti'i'ma to li'ipa cal profeta Jonás mipa'a luyaipa quitine. Ihiya lo'ya tixim'me.

Ipo'no'mola' i'huana'ma.

⁵ Iquiecona'me al cueca' quin'nuhua' Jesús jouc'a ts'ilihuequi. Jihniya ts'ilihuequi aikuítaic' quile'i, imenc'ecopá. ⁶ Jesús timila':

—To'po'note cuenna. Aimolapenuf'me li'hevadura lam fariseo, ni aimolapenuf'me li'hevadura lan saduceo.

⁷ Ihniya timiyot'si:

—¿Te calmicoponga' to'ta'a? O ¿itque inescopa aicaitaic' cala'i'?

⁸ Jesús ixina' locuapa ihniya, timila':

—¿Te colmicopotsi: “Illanc' aicaitaic' cala'i. ¿Te cal'eyacu?”? Imanc' huata a'huaiyinge. ⁹ ¿Te olimenc'ecopá lam maque' la'í litempa loquej nuxans quimbama' maxnu lan xanuc'? ¿Te olimenc'ecopá tojua lan tsiquihuit'l lo'ma'ne'mola' cal hualcay ca'i lipanecomma? ¹⁰ ¿Te jouc'a olimenc'ecopá lacaitsi la'í litempa lam malpuj mil lan xanuc'? ¿Te olimenc'ecopá tojua lan tuc'pay lo'ma'ne'mola' cal hualcay ca'i lipanecomma? ¹¹ ¿Te aimolcuejcoyi laitaiqui' laimipolhuo'? He laitaiqui' laimipolhuo': “To'po'note cuenna. Aimolapenuf'me li'hevadura lam fariseo. Ni aimolapenuf'me li'hevadura lan saduceo”, iya' aicapalajma la'i.

¹² Itsiya ts'ilihuequi Jesús itcueca itque limipola'. Jesús tipalaicola' lam fariseo jouc'a lan saduceo lomuc'iyalepa. Aimipalajma cal levadura ite lolai'impa cal harina milanc'em'me la'i.

¹³ Jesús jouc'a ts'ilihuequi icuaitsa lamats' ite li'ya' cuftine Cesarea de Filipino. Jilpe Jesús icuis'e'mola' ts'ilihuequi, timila':

—Iya' itque cal Xans Liximpa cal profeta pu'hua lema'a, ¿te limetsajma lan xanuc'? ¿Te cocuapa ihniya? ¿Naitsi iya'?

¹⁴ Ihniya timiyi:

—Timana' itne nocuapá ima' unJuan Bautista. Ocuenaye ticuayi ima' umprofeta Elías. Locuenaye ticuayi ima' umprofeta Jeremías o mocuenaj profeta.

¹⁵ Jesús timila':

—Imanc', ¿te colcuapa? ¿Naitsi iya'?

¹⁶ Pedro italai'e'e'ma, timi:

—Ima' unCristo, lumme'po' ÑanDios. Ima' i'Hua ÑanDios Ñimaf'i'.

¹⁷ Jesús timi:

—CunSimón, i'hua Jonás, ima' ipaxnepo' ÑanDios. A'ij xans ñimuc'ipo' to'ña'a. Ma le'a cai'Ailli' Nopa'a lema'a, ñque ñinca imuc'ipo'. ¹⁸ Iya' camihuo': Ima' umPedro. Ñe lopusine ja'ni tuhua'cufin'le, tecui'im'me Apic. Itsiya omujpoxi to ñapic petsi laifpo'nof'iya ñainejut'ñ, ñe lolanc'ecoya axanuc' pe laifnefot'leyacola'. Ñniya ni lamaya aimulijyacola' nulemma. ¹⁹ Capi'i'mo' lomane tomuc'itsola' lan xanuc' ti'ña' quíñsina' pe lo'ñsufñaiyacu, tiyene lipene ÑanDios, ticuaitsa pe locuxeyopa ÑanDios, ñque Nopa'a lema'a. Pu'hua lema'a ja'ni ticuanni: “Ailopa'a ñane, aimi'e'me”, to'ña'a ima' jouc'a tomi'mola' lof'as xanuc': “Aimo'e'ma. Ailopa'a ñane. Aimi'iya mo'eya to'ña'a.” Pu'hua lema'a ja'ni ticuanni: “Ñe', ti'i'ma ti'e'me”, ima' jouc'a tomi'mola' lof'as xanuc': “Ti'i'ma to'e'ma, tipa'a ñane. Ñe', to'e'ña'.”

²⁰ Ixc'ai'i'mola' ts'ilihuequi, timila':

—Aimonluya'a'me ñaitsi iya', iya' ninCristo.

²¹ Ipangocopa ñe litine Jesús tu'ila' ts'ilihuequi te ts'i'ic' lo'iya. Tu'ila' ticuicomma titel'co'ma, ti'hua'ña'ma Jerusalén. Jilpiya ñniya lan xanuc' noxpil'jpá lataiqui', lixanuc' cal cuecaj ca'ailli' jouc'a lomxiye nomuc'iyalepá locuxepa ÑanDios, titel'mita juaiconapa. Tima'ata. Afane' quitine timaf'ina'ma.

²² Pedro aiqueten'coco'ma ñe lines'ma Jesús. Ñeco'ma lijuqueya, itale'ma, timi:

—Maipoujna, aimocua'ma to'ña'a. Aimi'iya mi'iyaco' to'ña'a.

²³ Jesús ipai'e'moxi, timi Pedro:

—¡To'huan'ña! ¡Tanajxoxi fa'a! Ima' monta'a. Ima' opic'a a'ñnic'e'eta laipene. Ima' toxpic'e to mixpic'eyi lan xanuc'. Ituca' tixpic'e ÑanDios.

²⁴ Jesús tipalaic'ola' ts'ilihuequi, timila':

—Cal xans, ja'ni lihuejla', aimicuxeyacoxi quituca'. Iya' lapalts'inginna lancruz. Ñaitsi nalihuejya titañña' lenacruz jouc'a. Tixpic'e'ña' tixnet'ña' late'coya. To'ña'a lihuejla'. ²⁵ Ñaitsi no'epoxi cuenna juaiconapa, ja'ni aimicua mite'coya, ñque cal xans tecani'e'moxi. Ñaitsi nocuyacoxi late'coya, nalihuejya, tama tima'an'le, ñque tulij'ma lipitine, ñe al ts'e lipitine aimijouya. ²⁶ Cal xans nulijpa jahuay lopa'a fa'a li'a ñamats', ja'ni tecani'exoxi ¿te tixhuico'ma ñe lulijpa? A'i, aimi'iya. ¿Te ti'i'ma ti'ñajtse'ma, ti'e'econa'moxi ac'a lipicuejma? A'i. Aimi'iya.

²⁷ 'Iya' ñque cal Xans Ñiximpa cal profeta pu'hua lema'a. Cacuaiconanni jifa'a li'a ñamats', a'ñmalecu ñainepaluc' quemaa. To'ña'a a'ñsim'ma iya' ñincueca', a'ñon'cota to ÑanDios cai'Ailli'. Ñe litine iya' ca'ñajtse'mola' lan xanuc'. Anuli anuli tepenuf'me lolijpa, ja'ni al c'a o lixcay. To li'epa jifa'a li'a ñamats' ma to'ña'a ca'ñajtse'mola'. ²⁸ Iya' camihuo' al ñinca: Iya' ñque cal Xans Ñiximpa cal profeta pu'hua lema'a, cacuxe'mola' lan xanuc'. Hualca imanc' nolacaxhuo'ñanna fa'a itsiya, ai'a timana'molhuo' to'ñsim'me to'ña'a laif'epa.

17

¹ Uyai'ma acamts'us quitine Jesús ñeco'mola' Pedro jouc'a loquexi' capimaye Jacobo jouc'a Juan. If'ajli'me quíñtuca' hi'nof'quiya hijuala. ² Licuaitsa jilpe ipaico'ma lixans Jesús. Ñne ts'ilihuequi ixim'me li'a tunts'ifi to cal 'ora. Lipijahua' i'i'ma afujca, ti'on'ncospa to lipepalc'o' litine. ³ Ixim'me imaxcaitsola' Moisés y Elías. Ts'ilihuequi ixim'me mipalaic'oyi Jesús. ⁴ Pedro timi Jesús:

—Maipoujna, ma jifa'a a'ñmanecu. To'ña'a luyalaico'me al c'a. Ja'ni opic'a calanc'e'ma afane' lihuoxqui, anuli ima', anuli Moisés, anuli Elías.

⁵ Mipalay Pedro, imunni lumahuay, ummaf'cai'mola'. Lumahuay tunts'ifi. Ts'ilihuequi Jesús icuej'me tipalay nolojmay cummahuay, timila':

—Itca'a ai'Hua, ca'ay capic'a juaiconapa, latenlma lipicuejma'. ¡Tołquimf'ete!

⁶ Licuej'me ihiya lataiqui', ts'ilihuequi Jesús ixpailij'mola' juaiconapa. Ix-pats'huołai'me lamats'. ⁷ Jesús icuaitsi pe loxpats'huołanna, itaf'mola', timila':

—Tołtsolinanca. Aimixpailij'molhuo'.

⁸ Ihiya ehuelojm'me. Ixim'me ma le'a quituca' Jesús. Moisés y Elías ailomana'.

⁹ Mimulnamma hijuala, Jesús ixc'ai'i'mola', timila':

—Itsiya aimoluyout'le'me lołsimpa. Nij naitsi nocuejya. Iya' itque cal Xans Liximpa cal profeta pu'hua lema'a. Ticuaitsi litine camaf'inla', quipayonahuo pe lomana' lamizhua, ite litine tolu'i'mola' lan xanuc' lołsimpa.

¹⁰ Ts'ilihuequi icuis'e'me, timiyi:

—Lomxiye nomuc'iyalepá locuxepa LanDios tinesyi: “Elías ticuaiconahuo ate'a, tijoula' ticuaihuo cal Cristo”. ¿Te conescopa tołta'a?

¹¹ Jesús italai'e'e'mola', timila':

—Al linca lonespa ihiya: “Elías ticuaiconahuo ate'a”. Itque tixanu'ma jahuay. ¹² Iya' camilhuo': Elías joupa icuai'ma. Ihiya aiqulimetsaijma. Iteł'mipá, i'e'epá ma to ts'ilpic'a. Ma tołta'a to ts'ilpic'a, atteł'mi'ma iya' jouc'a. Iya itque cal Xans Liximpa cal profeta pu'hua lema'a.

¹³ Ts'ilihuequi Jesús icuec'e'me tipalaijma Juan Bautista, itque ti'onłcospa to Elías.

¹⁴ Icuainatsa pe lomana' axpela' lan xanuc' lafołyomma. Anuli cal xans icuaitsi pe lopa'a Jesús, exc'onłingai'ma, timi:

¹⁵ —Maipoujna, toxinla' cuanuc' lai'hua. I'huajcopa mac'ojay. Titełma juaiconapa. Camna tecajm-maispa lungu, o camna tecajm-maispa laja'.

¹⁶ Aicuai'e'ma pe lomana' ts'ihuejhuo'. Itne aimi'i mixał'meyi.

¹⁷ Jesús italai'e'ma, ticua:

—¡Ah imanc'! Aimol'huaiyijnyi LanDios, a'ij hijca lołpicuejma'. ¡Coła' aicapajncona'ma pe lołmana'! ¿Te iya' ti'hua caxnet'łma xonca?

Timi cal xans:

—Attec'metsi lo'hua.

¹⁸ Jesús itale'ma liponta'a Satanás, itque litsufaipa lamijcano. Ipanni. Aiquicoł'ma, ixala'cona'ma hi'hua cal xans.

¹⁹ Ts'ilihuequi icuaitsa quituca' pe lopa'a Jesús, timiyi:

—Illanc', ¿te aiqui'ic' calipa'e lonta'a?

²⁰ Jesús timila':

—Imanc' aicoł'huaiyinge LanDios. Tołta'a aiqui'ic' colipa'e lonta'a. Iya' camilhuo' al linca: Tama ajhuata ite loł'huaiyijncopa LanDios, tama ti'onłcospa to anuli cal fanu' xonca aca'hua, ja'ni toł'huaiyijnyi ti'i'ma toł'e'me al cueca'. Tołcuxe'e'me itque hijuala, tołmi'me: “Aimopajm'ma xonca fa'a. To'huanta' pu'huanni.” Ma tołta'a ti'i'ma. ²¹ Jouc'a camilhuo': Lontahue to itcu'hua afule mipalumma. Ticuicomma tołsnet'He, tołsa'huełe LanDios, tołta'a tołipa'e'mola'.

²² Miyelocoyi al distrito Galilea, Jesús jouc'a ts'ilihuequi, itque timila':

—Iya' itque cal Xans Liximpa cal profeta pu'hua lema'a, alcunna. Lan xanuc' ał'e'eta to mixpic'eyi lipicuejma'. ²³ Alma'ata. Afane' quitine camaf'ina'ma, quipayohuo pe lomana' lamizhua.

Licuej'me ihiya lataiqui' ts'ilihuequi Jesús ixhuełconca juaiconapa.

²⁴ Icuaitsa liya' Capernaum. Jiłpe iyoyunca lin'najtsi'iyalepá al cuecaj xoute'. Icuais'e'me Pedro, timiyi:

—Łopomxi, ¿te ti'najtse'e loxa'huempa al cuecaj xoute' o a'i?

²⁵ Pedro italai'e'e'mola', timila':

—Ti'najtse'e.

Icuaitsi lajut'í. Jesús ixina' licuis'epa iñe lin'najtsi'iyale. Ipalaic'o'ma Pedro, timi:

—Simón, ¿naitsi iñe no'najtsepá impuesto? He al tomí lapenufyacu lincuxepá nomana' fa'a li'a lamats', ¿te liñaxque' lincuxepá ti'najtseyi? o ¿locuenaye lan xanuc'?

²⁶ Pedro timi:

—Locuenaye lan xanuc' no'najtsepá, liñaxque' a'i.

Jesús timi:

—Al linca lofcuapa. Liñaxque' aimi'najtseyi. ²⁷ Iya' i'Hua LanDios, iñe aimi'iya mañmiya: “To'najtseña' lejut'í LanDios”, iñe ejut'í cai'Ailli'. Tama al linca iñe laifcuapa, itsiya camihuo': Al'najtse'me. Ja'ni a'i ticua'me latets'ila'. To'huaña' al cuecaj quin'nuhua', tacajm'mitsi ñomecuxa. Cal te'a catú tinuc'la' lacuxa, to'noña'. Tacuaf'etsi lico, taipa'atsi al tomí lopa'a jilpe lico latu. Totaitsi, to'najtse'etsola' iñe lañsahue'emponga'.

18

¹ Iñe hitiné ts'ilihuequi Jesús icuaitsa, icuis'e'me Jesús, timiyi:

—Jilpiya pe lomana' iñiya naihuejcopá cal Rey Nopa'a lema'a, ¿naitsi xonca cal cueca'?

² Jesús ijoc'i'ma anuli ñahuac'hua. Ecxau'e'mola' ts'ilihuequi, ³ timila':

—Iya' camilhuo' al linca: Ticuicomma toñsuej'menca, to'etsotñsi to jilca'a ñacahuac'hua. Ja'ni a'i, aimoñsuflaiyacu pe lomana' naihuejcopá LanDios, cal Rey Nopa'a lema'a. ⁴ Ja'ni cal xans ti'oc'exoxi, ti'onñicoxoxi to iñca'a ñacahuac'hua, iñque cal xans ti'i'ma xonca cal cueca' pe lomana' naihuejcopá cal Rey Nopa'a lema'a. ⁵ Cal xans nocuapa: “Jesús ti'ela' capic'a la'uhuañ”, tijouña' tepenufi anuli iñna'a, iñque cal xans lapenufinga' iya'.

⁶ Cal xans naimenac'iya anuli iñna'a laica'uhuañ nañ'huaiyijmpa, acueca' titeñ'mim'me. Iñque coña' ifi'em'me ñejoc', coña' ifinc'im'me cal cuecaj capic, ecajm'mintsa lin'nuhua' coña' unxañac'ma, ima'ma. Toña'a ticuicomma lo'iya iñque cal xans. ⁷ Micoñi li'a lamats' ti'hua timajm'me lan xanuc' naimenac'iyacu liñ'as xanuc', toña'a aimunñuya li'a lamats', titeñ'mim'me. Ma' anuli cal xans naimenac'iya liñ'as xans a'ijc'a loyaicoya, jouc'a aimunñuya.

⁸ Ja'ni lomane o lo'mis timenac'ihuo' najmay tateñla', taca'niña'. Ja'ni tecajm'minno' petsi aimipica ñunga, ¿te cof'ecoyacola' oque' lomane, oque' lo'mitsi'? Najmay totsufaitsi jilpiya pe lotsuflaiyacu iñe nepenufpá al ts'e liñpitine aimijouya, tama le'a anuli lomane o anuli lo'mis. ⁹ Ja'ni anuli lo'u timenac'ihuo', taipa'aña', taca'niña' aculi'. Ja'ni tecajm'minno' al muf pe lonajpa ñunga, ¿te cof'ecoyacola' oque' lo'u'? Najmay totsufaitsi jilpiya pe lotsuflaiyacu iñe nepenufpá al ts'e liñpitine aimijouya, tama le'a anuli lo'u.

¹⁰ Imanc' toñpo'noñe cuenna. Aimonlatets'i'mola' iñna'a laica'uhuañ. Iya' camilhuo', jilpe lema'a timana' lilepaluc' iñna'a laica'uhuañ. Iñe lapaluc' quema'a itine itine timana' anujñca cai'Ailli', iñque Nopa'a lema'a. ¹¹ Iya' iñque cal Xans Liximpa cal profeta pu'hua lema'a. Aicuaicoco'ma fa'a li'a lamats' cunñu'e'mola' lan xanuc' leñac'pola'. He ma' aipenic'.

¹² ¿Te coñcuapa? Anuli cal xans timana' amaxnu limot'í, ja'ni anuli teñac'la', ¿te co'eya? Iñque tipo'no'mola' lam malpuj nuxans quimbamaj peña jilpiya ñimuc'o, ti'hua'ma tehueta ñeñac'pa. ¹³ Linca lam malpuj nuxans quimbamaj peña limot'í, iñe pe aiqueñac'ila', iñiya tixoc'iyi queta cal xans. Tixinnatsi ñimoñ ñeñac'pa, xonca tixoc'i'ma queta. ¹⁴ Toña'a lipicueñma' coñ'Ailli', iñque Nopa'a lema'a. Iñque ticua: Aimeñac'mola' laitsocay ca'uhuañ, ni anuli.

15 'Ja'ni a'ijc'a li'epo' lopima, to'huala' ima' cotuca' pe lopa'a itque. Tomitsi: “¿Te ca'ecopa to'ta'a?” Ja'ni ticueca joupa oxanu'epa. To'palaic'ona'mo'tsi, ailopa'a tintsí. 16 Ja'ni aimicueca, topo'no'la', to'huala', tahuetsola' anuli o oquexi' lapimaye. Tolecotsola' pe lopa'a lopima. To'ta'a to'e'ma ma to loya'apa al Paxi Linilingiya, ticua: “Ticuicomma oquexi' afantsi lan xanuc' ticuejcota lotalai'ecoya anuli cal xans”. 17 Ja'ni itque lopima aimicueca, ja'ni aimiquimf'ela' ihniya, to'hua'ma, to'itola' lapimaye jilpiya pe lafot'leyopoktsi. Ja'ni ti'hua aimicueca, aimiquimf'ela', ima' aimaimetsaico'ma xonca, jilque cal xans a'i copima. Ima' aimontejmaleyacu lan xanuc' pe aimimetsaicoyi LanDios, jouc'a pe aimihuejcoyi locuxepa LanDios aimontejmaleyacu. Ma to'ta'a aimontejmalecona'me itque cal xans.

18 'Iya' camilhuo' al linca: Pu'hua lema'a ja'ni ticuanni: “Ailopa'a lane, aimi'e'me”, to'ta'a imanc' jouc'a to'mi'mola' lo'f'as xanuc': “Aimo'e'ma. Ailopa'a lane. Aimi'iya mo'eya to'ta'a.” Pu'hua lema'a ja'ni ticuanni: “Ne', ti'i'ma ti'e'me”, imanc' jouc'a to'mi'mola' lo'f'as xanuc': “Ti'i'ma to'e'ma, tipa'a lane. Ne', to'e'la'.”

19 'Jouc'a camilhuo': Mo'mana' fa'a li'a lamats', ja'ni oquexi' imanc' ti'ila' anuli lo'picuejma', ja'ni to'sahue'ete cai'Ailli' Nopa'a lema'a tepi'itsolhuo', itque tepi'i'molhuo' ihe lo'sahue'epa. 20 Pesti lafot'yomma oquexi' afantsi lan xanuc' na'huaiyijmpa, iya' jouc'a capa'a.

21 Pedro i'hua'ma pe lopa'a Jesús, icuis'e'ma, timi:

—Maipoujna, ¿tojua quimenc'e'eco'ma lijunac' laipima, itque a'ijca' la'e'epa? Iya' cacua tixhuaitsi acaitsi.

22 Jesús timi Pedro:

—Iya' camihuo': A'i nica acaitsi taimenc'e'eco'ma li'e'epo' lixcay lopima. Cojouya lan caitsi ti'hua taimenc'e'eco'ma afanej nuxans quimbama', tijoula' ti'hua taimenc'e'eco'ma, aimi'iya moxhuej'meya.

23 'Micuxe LanDios cal Cuecaj Rey Nopa'a lema'a, itque li'ejma' ti'on'cospa to li'ejma' anuli cal cuecaj quincuxepa. Itque ixpic'epa ti'najtsi'itsola' limozó. 24 Lipangopa li'najtsi'ipola' limozó, ate'a icuai'entsa anuli cal mozo xonca itaiyinge acueca'. 25 Itque cal mozo aimi'iya mi'najtseya. Lipoujna, itque cal cuecaj quincuxepa, icuxe'ma ticuquintsa limozo. Jouc'a ticuquintsole' lipeno, linaxque', jahuay li'huexi. To'ta'a ti'najtseco'ma litaiyinc'e. 26 Cal mozo exc'on'lingai'ma, ixa'hue'ma lipoujna, timi: “Ti'ila' c'a lomunxajma'. A'huaico'la'. Ca'najtse'ena'mo' jahuay litaiyinc'ehuo'.” 27 Lapoujna ixim'ma acuanuc' limozo. Imenc'e'ecopa litaiyinc'enni. Ux'mas'ma.

28 'Ipanni cal mozo limenc'e'ecompa litaiyinge. Italecuf'ma anuli lif'as mozo. Itque itaiyinc'e huata. Cal mozo limenc'e'ecompa litaiyinge i'no'la' lif'as mozo. Ipango'ma ummit'le'e'ma lejoc', tija'e', timi: “¡A'najts'e'ela' la'taiyinc'e!” 29 Lif'as mozo exc'on'lingai'ma, tixahue'e, timi: “Ti'ila' c'a lomunxajma'. A'huaico'la'. Ca'najtse'ena'mo' jahuay litaiyinc'ehuo'.” 30 Itque cal mozo ai'quicuac'. I'hua'ma icuxe'ma titats'entsa, tipajntsi lacarza. Ticua: “Ma ca'taiyinc'e tipajnla' jilpiya”.

31 'Locuenaye lam mozó ixim'me li'i'ma. Ixhuelco'me. Iye'me u'itsa lipoujna jahuay li'i'ma. 32 Lapoujna, itque cal cuecaj quincuxepa, ijoc'i'ma cal mozo, itque limenc'e'ecompa litaiyinge, itale'ma, timi: “Ima' mixcay mozo. Ima' a'lsa'huepa, iya' nimenc'e'ecopo' lotaiyinge jahuay. 33 Iya' aiximpo' uncuanuc'. Ima', ¿te aicoxina' cuanuc' lo'f'as mozo?” 34 Lapoujna ixtuc'o'ma juaiconapa itque limozo. Icuxe'mola' ti'hua'an'le pe lomana' lin'no'la'le ti'no'la', tite'l'minna. Ma mi'hua mitaiyinge, ti'hua tite'l'minna. ¡Ti'najtse'ela' jahuay litaiyinc'e!

³⁵ 'Imanc' jouc'a ja'ni aimolimenc'e'ecoyacola' nulemma lołpimaye li'e'epolhuo', tołiya titeł'mi'molhuo' cai'Ailli' Nopa'a lema'a.

19

¹ Lijoupa lu'ipola' iłiya lataiqui', Jesús ipanni jilpe al distrito Galilea, i'hua'ma łamats' lopa'a locuenaj liju' al pana' Jordán. ² Axpela' lan xanuc' tihuejyi, jilpe ixal'me'mola'.

³ Icuaitsa lan xanuc' fariseo tehuaile. Icuis'e'me, timiyi:

—Cal xans, ja'ni lipeno tipa'a li'epa, łte tipa'a lane tecanai'ma ilque łaca'no'? O łaimi'iya?

⁴ Jesús italai'e'e'mola', timila':

—Łte aicołsuec' ile li'epa ŁanDios lilanc'epa li'a łamats'? Ilanc'epola' oquexi', anuli cal xans anuli łaca'no'. ⁵ Lijoupa lilanc'epola' ilne loquexi', ŁanDios uya'a'ma: “Cal xans tipo'no'mola' quilituca' qui'ailli' qui'máma', tileco'ma lipeno. Ti'e'e'mołtsi anuli.” ⁶ Ai'a tileco'mołtsi timana' oquexi'. Lijou'ma i'i'mola' anuli. ŁanDios tołta'a ejonłipola'. Imanc' unc'ixanuc', aimonlanaj'mola'.

⁷ Lan xanuc' fariseo icuis'e'me, timiyi:

—Moisés inesco'ma: “Cal xans tinił'ma al je'e lacanaicoya lipeno, tijoułta' ti'i'ma tecanai'ma”. Ja'ni cal xans aimi'iya mecanaiya lipeno, łte quinescopa tołta'a Moisés?

⁸ Jesús italai'e'e'mola', timila':

—Moisés iximpolhuo' imanc' lołpicuejma'. Imanc' unc'incuejlocale. Tołta'a epi'ipa lane cal xans tecanaiłta' lipeno. Al te'a a'i tołta'a licuxepola' ŁanDios.

⁹ 'Iya' camilhuo', cal xans aimi'iya mecanaiya lipeno. Tipa'a lane tecanaiłta' ma le'a ja'ni łaca'no' ihuejpa ocuena' cal xans. Ja'ni a'i, aimi'iya mecanaiya. Cal xans necanaipa lipeno, ja'ni ilecopa ocuenaj caca'no', ilque cal xans i'epa lixcay, titai'ma lijunac'.

¹⁰ Ts'ilihuequi Jesús timiyi:

—Ja'ni tołta'a cal xans aimi'iya mecanaiya lipeno, xonca ac'a loyaicoya cal xans ja'ni aimilecoya caca'no'.

¹¹ Jesús timila':

—Ai' jahuay lan xanuc' mi'iya mepenufyacu ile lataiqui' lołnescopa. Tepenuf'me ilne lan xanuc' joupa lepi'ipola' tołta'a liłpicuejma' ŁanDios.

¹² 'Timana' ilne aimilecoyi caca'no', tołta'a liłsans. Ocuenaye, liłf'as xanuc' i'e'empola', tołta'a aimi'iya milecoyacu caca'no'. Jouc'a timana' ilniya quilituca' ixpic'epá aimileco'me caca'no', inespá: “Capajm'ma caituca'. Tołta'a xonca ca'e'ma lipenic' ŁanDios cal Cuecaj Rey Nopa'a lema'a.”

'Naiti ti'i'ma tepenuf'ma ilta'a lataiqui', ne', tepenufla'.

¹³ Icuai'entsola' la'uhuyay pe lopa'a Jesús. Ticuayi tixpayaf'tsola' Jesús limane liłjuac la'uhuyay, tixa'huela' ŁanDios titoc'itsola'. Ts'ilihuequi ixtulencia, italem'mola' ilniya nocuai'espá liłnaxque'. ¹⁴ Jesús timila':

—Tolapi'itsola' lane tiyouyunca la'uhuyay pe laifpa'a. Aimołcuanac'e'mola'. Pe lo'onłcospola' to ilna'a la'uhuyay, ilne linca titsuflai'me pe locuxeyopa cal Cuecaj Rey Nopa'a lema'a.

¹⁵ Ixpayaf'mola' limane. Lijou'ma ti'hua tuyaipa.

¹⁶ Anuli cal xans icuaiti pe lopa'a Jesús, icuis'e'ma, timi:

—Momxi, aipic'a culijla' al ts'e laipitine pe aimijouya. ŁTej c'a caif'eya?

¹⁷ Jesús italai'e'e'ma, timi:

—Ima', łte calicuis'ecopa te ts'i'ic' al c'a? Anuli ma le'a cal C'a, ilque ŁanDios. Ja'ni totsufai'ma pe lofmepenufya al ts'e lopitine aimijouya, taihuejcołta' locuxepa ŁanDios.

18 Cal xans icuis'e'ma, timi:

—Iñe lataiquí loya'apa locuxepa ËanDios, ¿jale iñe caifnihuejcoya?

Jesús timi:

—“Aimoma'ahuale'ma. Aimoxhuico'ma lipeno lof'as xans, ma le'a quituca' loopeno toxhuico'ma. Aimonantse'ma. Ja'ni topalaicotsola' lof'as xanuc' tonesla' al linca, aimofel'miyale'ma. 19 Taihuejco'mola' co'ailli', co'máma', totoc'i'mola'. Ima' to'eyoxi capic'a, ma to'ta'a to'e'la' capic'a lof'as xans, naitsi loftalecufya.”

20 Ëamijcano timi:

—La'tojyomma iñe lataiqui' canant'hi, ti'hua canant'hi. ¿Te calahue'epa?

21 Jesús timi:

—Ja'ni ma tanant'hi'ma locuxepa ËanDios, to'huan'la', tocu'jtsi lo'huexi, iñiya al tomí lofmulijya tapi'itsola' lan xanuc' pe ailopa'a quiñ'hueca. To'ta'a ti'i'ma acueca' lo'huexi jipu'hua lema'a. To'e'la' ma to laifmipo', tijou'la' topaiconanni, lihuejla'.

22 Licuej'ma jiliya lataiqui', Ëamijcano ihuotsonni, i'hueca juaiconapa ki'huexi. I'hua'na'ma.

23 Jesús timila' ts'ilihuequi:

—Iya' camilhuo' al linca: Cal xans ts'i'hueca acueca' tixim'ma ipime mitsufaiya pe locuxeyopa ËanDios cal Cuecaj Rey Nopa'a lema'a.

24 'Ticuanni: “Cal camello, iñque inneja juaiconapa acueca', jil'quiya aimi'iyá muaicoya laquipihuo lacuxa”. Iya' camilhuo' ocuenaj cataiqui': Xonca ipime cal xans ts'i'hueca acueca' mitsufaiya pe locuxeyopa ËanDios.

25 Licuej'me iñiya lataiqui' ts'ilihuequi Jesús juaiconapa ixpailij'mola'. Timiyot'si, icuis'e'moltsi:

—¿Te calmicoponga' to'ta'a? Aicacueca. ¿Te ailopa'a con'uya?

26 Jesús ehuelojm'mola', timila':

—Lan xanuc' quiñtuca' aimi'iyá mun'ueyaco'tsi. ËanDios linca nipajnya tun'ue'mola'. Nipajnya ti'e'ma jahuay.

27 Pedro italai'e'e'ma, timi Jesús:

—¡Toxin'la! Illanc' a'po'nopá jahuay la'huexi, lihuejnahuo'. ¿Te calapi'inyaconga'?

28 Jesús timila':

—Iya' camilhuo' al linca. Ticuaihuo litine jahuay tipaico'ma, ti'i'ma al ts'e. Iya' iñque cal Xans Ëiximpa cal profeta pu'hua lema'a. Cacutsai'ma laicuecaj asiento, cacuxena'ma to ËanDios. Jilpe ti'i'mola' locuenaye limbamaj coque' lan cuecaj asiento. Jilpe to'cutso'la'ita imanc' ts'alihuequi. To'spi'jta cataiqui', to'cuxe'mola' lo'pimaye iñe jouc'a li'xanuc' limbamaj coquexi' linaxque' Israel.

29 'Cal xans ninespa: “Iya' quihuej'ma Jesús”, ja'ni ux'maspola' lejut' o lipimaye, o qui'ailli' o qui'máma', o linaxque' o ñemats', iñque cal xans tulij'ma xonca axpela' iñna'a, jouc'a tulij'ma al ts'e lipitine aimijouya.

30 'Itsiya timana' lan xanuc' tocomma xonca lan tet'la. Locuaicoya quitine axpela' iñniya ti'i'mola' lijoucola'. Jouc'a itsiya timana' iñne tocomma lijoucola'. Locuaicoya quitine axpela' iñniya ti'i'mola' lan tet'la.

20

1 'To'ta'a micuxe ËanDios, iñque cal Cuecaj Rey Nopa'a lema'a. Iñque li'ejma' ti'on'cospa to li'ejma' anuli cal xans ehue'mola' no'eyacu canic'. Iñque cal xans apoujna, tipa'a ñemats', ifapa cal 'uva. Li'i'ma quitine ipanni, ixim'mola' lan xanuc' tehueyi quiñpenic'. 2 Imi'mola': “Ca'najtse'molhuo' to muliqui anuli litine cal xans no'epa canic’”. Umme'mola' ti'etsa canic' jilpiya pe lifaiya hi'uva.

³ 'Joupa uyaipa ma to afanej 'hora ipaiconanni. Ixim'mola' ocue-naye tecaxoŀanna locucaleyompa. Tecaxoŀanna le'a, ailopa'a quipenic'.

⁴ Timila': "Imanc' jouc'a tonŀeŀe, tonŀ'etsa canic' jilpiya pe laifapa lai'uva. Iya' ca'najtse'molhuo' to mi'najtsenni." Iye'me.

⁵ 'Al menac'o ipaiconanni lapoujna, jouc'a ipaiconanni mexailma cal 'ora. Ixim'mola' no'eyacu canic', imipola' jouc'a: "Ca'najtse'molhuo' to mi'najtsenni".

⁶ 'Tehue'e anulij hora tif'acai'ma cal 'ora. Ipaiconanni. Ixim'mola' ocue-naye tecaxoŀanna. Icuise'mola', timila': "Imanc' tunlacaxoŀanna fa'a jahuay litine. ¿Ailopa'a coŀpenic'?" ⁷ Italai'e'e'me, timiyi: "Nij naitsi naŀmiponga': Toŀ'eta canic'." Lapoujna timila': "Jouc'a imanc' tonŀeŀe, tonŀ'etsa canic' jilpiya lifafiya lai'uva. Ca'najtse'molhuo' to mi'najtsenni."

⁸ 'Joupa if'acolaipa. Lapoujna camats' petsi lifafiya li'uva, ijoc'i'ma nocuxepola' lam mozó, timi: "Tojoc'itsola' no'epá canic'. Aŀ'najtse'mola', lapi'i'mola' quitoŀmí. Lijoucola' aŀ'najtse'mola' ate'a, lan tet'la aŀ'najtse'mola' tijouco'ma."

⁹ 'Icuaiyunca ilne nitsuflaipá lanic' ma mehue'e anulij hora tif'acai'ma cal 'ora, i'epá canic' le'a anulij hora. I'najtse'mola', epi'i'mola' to lo'najtsempa no'epá canic' anuli litine.

¹⁰ 'Lijou'ma icuaiyunca lan tet'la. Iŀniya ticuayi: "Xonca aŀ'najtse'monga". I'najtse'mola' to lepi'ipola' lijoucola'. ¹¹ Lepenuf'me liŀtomí ai-quetenŀcoco'mola'. Timiyi lapoujna: ¹² "Illanc' xonca lulijle. Aŀ'epá canic' jahuay litine. Aŀsnet'lpá linu'. Iŀniya lijoucola' i'epá canic' ma le'a anulij hora, o'najtsepola' ma to lalulijpa illanc'." ¹³ Lapoujna italai'e'e'ma anuli jilne lan tet'la, timi: "Maipima, aicafel'mihuo'. Aimipo': To'huaŀa', to'etsi canic'. Ca'najtse'mo' to muliqui anuli litine cal xans no'epa canic'. Ima' aŀmipa: Ne', ai'huapa. Ca'eta canic'. ¹⁴ Tapenufla' lotomí, to'huanŀa' lomejut'ŀ. Joupa ai'epa ilne laixpic'epa. Ai'najtsepa lijoujma ma to lai'najtsepo' ima'. ¹⁵ ¿Te iya' aimi'ya caxpic'eya te ts'i'ic' caxhuicoya laitomí? O, ilne laif'epa al c'a, ¿te ima' aŀ'e'e'laic'?"

¹⁶ 'Toŀta'a lo'iya. Lijoucola' ti'i'mola' lan tet'la, lan tet'la ti'i'mola' lijoucola'.

¹⁷ Jesús tiyeyi lane jouc'a ts'ilihuequi, ticuaita al cuecaj quilya' Jerusalén. Miyeyi lane Jesús ileco'mola' limbamaj coquexi' ts'ilihuequi, ipalaic'o'mola' quiltuca', timila':

¹⁸ —Itsiya aŀ'ajlijyi liŀya' Jerusalén. Iya' ilque cal Xans ŀiximpa cal profeta pu'hua lema'a. Jilpiya liŀya' Jerusalén aŀcunna. Ilne lixanuc' cal cuecaj ca'ailli', jouc'a lomxiye nomuc'iyalepá locuxepa ŀanDios, aŀ'eta to mixpic'e liŀpicuejma', aŀcuxecota aŀma'anŀa'. ¹⁹ Aŀcunna, aŀtaluntseta, luntafquinna quixmi laixpula' ilne lan xanuc' pe aimimetsaicoyi ŀanDios. Tijouŀa' lapaŀts'ijnta lancruz, aŀma'ata. Afane' quitine camaf'ina'ma, quipayonahuo pe lomana' lamizhua.

²⁰ Icuaitsi quil'máma' Jacobo y Juan, ilne inaxque' Zebedeo. Quil'máma' ilecola' loquexi', exc'onŀingai'ma Jesús, tixa'hue'ma. ²¹ Jesús timi ŀaca'no':

—¿Te ts'opic'a?

ŀaca'no' timi:

—Aipic'a tapi'itsola' lainaxque' quipenic'. Ima' tocuxe'ma to cal Cuecaj Rey. Ticuxeŀe jouc'a ilna'a. Anuli ticutsai'ma al c'a camane, locuena ticutsai'ma loxa camane.

²² Jesús ipalaic'o'mola' loquexi' lapimaye, timila':

—Imanc' aimoŀcuejyi te ts'i'ic' ilne laŀsahue'epa. ¿Te nipajnya toŀteŀco'me ma to iya' cateŀco'ma? ¿Te nipajnya toŀsnet'ŀ'me lateŀcoya?

Timiyi:

—Nipajnya.

²³ Jesús timila':

—Ma to iya' laiftełcoya, ma tołta'a imanc' tołtełco'me. Iya' aimi'iya camiyacolhuo': "Ałcutsingaila', ima' al c'a camane, łopima loxa camane". Aimi'iya caxpic'eya tołta'a. Cai'Ailli' joupa ixpic'epa naitsi iłne nocutsołaiyacu jilpe. Tołta'a tepi'i'mola' iłniya.

²⁴ Locuenaye limbamaj ts'ilihuequi Jesús iłsina' iłe loxahue'epa Jacobo y Juan. Ixtuc'om'mola' iłne loquexi' lapimaye. ²⁵ Jesús ijoc'i'mola' jahuyay iłniya ts'ilihuequi, timila':

—Imanc' ołsina' lo'ipa jilpiya petsi lan xanuc' aimimetsaicoyi ŁanDios. Liłpincuxepá ti'e'eyołtsi to jipu'hua quiłpoujnalá, lan tsila' quiłpenic' ticuxenai'ennila' juaiconapa. ²⁶ Imanc', aimont'e'me tołta'a. Ja'ni anuli imanc' tixpic'e ti'e'exoxi cal cueca', iłque titoc'itsola' lipimaye. ²⁷ Ja'ni anuli imanc' tixpic'e ti'e'exoxi cal te'a, iłque ti'e'exoxi to cal mozo. ²⁸ Iya' iłque cal Xans Łiximpa cal profeta pu'hua lema'a. Imanc' tonł'ete to laif'epa. Iya' aicuaicoco'ma jifa'a li'a łamats' catoc'itsola' lan xanuc'. Aicainesqui: Ałtoc'ila' iya'. Aicuaicoco'ma cacula' laipitine, ca'najtseta' liłjunac' axpela' lan xanuc', cunłu'etsola'.

²⁹ Jesús jouc'a ts'ilihuequi ipalunca jilpe liłya' Jericó. Ihuej'me axpela' lan xanuc'. ³⁰ Jilpe liju' cane ticutsołanna oquexi' lam fohue. Icuej'me tuyaipa Jesús. Ija'a'me, timiyi:

—¡Mał'ailli', ima' łacui'impo' i'Hua cal rey David, ałsintsonga' ninc'icuanuc'la!

³¹ Lan xanuc' ixtulencia. Timinnila' lam fohue:

—¡Ti-ch'ixcotsolhuo'!

Iłniya ti'hua tija'ayi, timiyi:

—¡Mał'ailli', ima' łacui'impo' i'Hua cal rey David, ałsintsonga' ninc'icuanuc'la!

³² Jesús ecaxhuenni, ijoc'i'mola' lam fohue, timila':

—¿Te ts'ołpic'a? ¿Te caif'e'eyacolhuo'?

³³ Timiyi:

—Mał'ailli', ¡alaxi'enatsonga' lał'u'! ¡Alahuetsalete!

³⁴ Jesús ixim'mola' acuanuc'la juaiconapa. Iłafc'e'mola' lił'u'. Aiquicoł'ma, ehuetzalena'me. Ihuej'me Jesús.

21

¹ Icuaitsa liłya' Betfage jilpiya liłjuala cuftine Liłjuala Olivo. Jerusalén ahuejnca. Jesús umme'mola' oquexi' ts'ilihuequi. ² Timila':

—Tonłete liłya' lehuoc'ocojma. Tołtsuflaitsa, tołsinna tifijnaya anuli łacaca'no' burro, jouc'a hi'hua tecaxijnaya liju'. Toluhualta łaca'no' burro, ałlec'me'etsi jouc'a hi'hua. ³ Ja'ni tinanc'ontsolhuo', tołtalai'eta, tołmita: "Liłpoujna ipicuicoya. Tijoułta' tixhuicotsi ticuai'enacola', aimicołya."

⁴ Ti'ila' tołta'a tenanł'ma locuapa cal profeta, iłque luya'apa linespa ŁanDios, ticua:

⁵ Tomitsola' lan xanuc' nomana' liłya' Sión:

“¡Tolsinłe! Icuai'ma fa'a łolRey.

Iłque amanxu, enaf'caic' cal burro,
i'hua linneja hintaipa caitay.”

⁶ Iye'me ts'ilihuequi. I'e'me to lixc'ai'i'mola' Jesús. ⁷ Iłecotsa łaca'no' burro jouc'a hi'hua. Ixpel'i'me liłpuquiya łaca'hua burro. Jesús enaf'cai'ma. ⁸ Axpela' lan xanuc' ixpou'me lane liłpuquiya. Ocuenaye etej'me limane' cal 'ec' ixpou'me lane jilpe pe loyaicoya Jesús. ⁹ Lanxpela' ts'ilejme, jouc'a lanxpela' ts'ilenc'e tija'ayi ma' anuli timiyi:

—¡Hosana! ¡ŁanDios tunłu'enatso'! Ima' łacui'impo' i'Hua cal rey David. Joupa lu'iponga' tocuaihuo ima', ałminga' ma ŁanDios łalPoujna tummeto'. Itsiya

ocuai'ma. ¡Aks'najtsi'ihuo' juaiconapa! Ihe nomana' lema'a xonca al toncay tinesle: ¡Hosana! ¡ŁanDios tunhu'ematso'!

¹⁰ Jesús itsufai'ma Jerusalén. Jiłpiya jahuay lan xanuc' tipailoyi, ticuitsufyi: —¿Naitsi ilca'a?

¹¹ Liłejmale Jesús italai'enca, timinnila':

—Ilca'a cal profeta Jesús, qui'huayomma liłya' Nazaret, jiłpe al distrito Galilea.

¹² Jesús itsufai'ma pe lopa'a al cuecaj xoute'. Ihuescuf'mola' jahuay ihniya no'najualepá jouc'a nocucalepá nomana' jiłpe. Ejualaif'e'e'mola' liłmesa pe nopai'ipaj tomí, jouc'a liłbanco nocujpá paloma. ¹³ Timila':

—Al Paxi Linilngiya tuya'e': "Lainejut'ł tecui'im'me: Lajut'ł petsi lan xanuc' tipalaic'oyo'me ŁanDios", itsiya imanc' toł'onhicoyi ilta'a lajut'ł to jipu'hua lafołyomma lan namats'.

¹⁴ Mipa'a Jesús jiłpe pe lopa'a al cuecaj xoute' icuaitsa lam fohue, jouc'a lan coxo, ixal'mena'mola'. ¹⁵ Jiłpe timana' la'uhuy tija'ayi, timiyi Jesús: "¡Hosana! ¡ŁanDios tunhu'ematso'! Ima' łacui'impo' i'Hua cal rey David."

Lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios ixim'me acueca' lo'epa Jesús, iquimf'e'me la'uhuy noja'apá, ixtulencia.

¹⁶ Itale'me Jesús, timiyi:

—¿Te ima' aimocueca locuapa jiłnu'hua la'uhuy?

Jesús italai'e'e'mola', timila':

—Cacueca. Imanc', ¿te aicolšuec' al Paxi Linilngiya loya'apa? Ticua: Iłniya la'uhuy jouc'a lan tsocay notupá, ima' ManDios ocuxe'epola' tunac'cotso'.

¹⁷ Jesús ipo'no'mola' quiltuca'. Ipanni jiłpe liłya'. I'hua'ma liłya' Betania. Jiłpe ipanenni lipuqui'.

¹⁸ Liłic'ejma ipaiconanni, i'huacona'ma Jerusalén. Mi'hua lane tunle'e.

¹⁹ Ixim'ma anuli al 'ec icux jiłpe liju' cane. Iłoc'huai'ma. Ixim'ma alilopa'a qui'as, pangay quipela. Timi al 'ec icux:

—Aimi'ascona'mo'.

Aiquicoł'ma, al 'ec icux ijułna'ma. ²⁰ Ts'ilihuequi Jesús lixim'me jiłe al 'ec icux, timiyi:

—¡Xinła'! Jiłiya al 'ec icux aiquicołi, joupa ijułnapa. ¿Te qui'ipa?

²¹ Jesús timila':

—Iya' camilhuo' al linca: Imanc' ja'ni aimolšnesyi: "¿Te ti'i'ma o aimi'iya?", ja'ni toł'huaiyijnle ŁanDios, jouc'a nipajnya tonł'e'me to lai'e'epa al 'ec icux. Xonca al cueca' tonł'e'me. Ja'ni tołmi'me ilca'a lijuala: "To'huantł'a, to'nij'mixoxi łaja", ma tołta'a ti'i'ma. ²² Moljoc'iyi ŁanDios ja'ni toł'huaiyijnle, jahuay lołxahue'epa tepi'im'molhuo'.

²³ Jesús itsufaicona'ma pe lopa'a al cuecaj xoute'. Mimuc'ila' lan xanuc' icuaitsa lixanuc' cal cuecaj ca'ailli' jouc'a lan tsilaj xanuc' noxpipjá lataiqui'. Icuis'e'me, timiyi:

—¿Naitsi nepi'ipo' lomane tołta'a to'e'ma? ¿Naitsi nummepo'?

²⁴ Jesús italai'e'e'mola', timila':

—Iya' jouc'a tipa'a laifnicuis'e'eyacolhuo'. Ałtalai'eł'a, tijouł'a cu'i'molhuo' naitsi nalapi'ipa laimane ca'eł'a tołta'a laif'epa. ²⁵ ¿Naitsi nummepa Juan tepo'itsola' lan xanuc'? ¿Te ŁanDios o cal xans nummepa?

Ihe ipalaic'o'molštsi quiltuca', timiyolštsi:

—¿Te calmiyacu? Ja'ni ałmife: "ŁanDios ummepa", ilque alicuis'e'monga', ałmi'monga': "Imanc' ¿te aicolapenufi?" ²⁶ Ja'ni ałmife: "Cal xans nummepa", tixtulecu lan xanuc'. Jahuay ticuayi Juan aprofeta, ŁanDios ummepa.

²⁷ Timiyi Jesús:

—Illanc' aicałsina'.

Jesús timila':

—Iya' jouc'a aicu'iyacolhuo' naitsi nalapi'ipa laimane ca'eła' tołta'a.

²⁸ 'Imanc' alquimf'eła' laifnu'iyacolhuo'. Tijouła' alu'ila' te cołcuayacu.

'Anuli cal xans timana' oquexi' linaxque'. I'hua'ma pe lopa'a cal te'a qui'hua, timi: “Mai'hua, itsiya to'huała' to'etsi canic' jilpe lainemats' pe laifapa lai'uva”. ²⁹ “Ai, aica'huaya”, timi. Lijou'ma lixhuej'menni, i'hua'ma i'etsi canic'.

³⁰ 'Qui'ailli' i'hua'ma pe lopa'a łocuena qui'hua, ma' anuli lataiqui' imitsi. Italai'e'ma: “Ne', mai'ailli', ai'huapa”. Aiqui'huac'.

³¹ 'Itsiya lu'ila', iłne loquexi' linaxque' cal xans, łnaitsi ni'e'ma licuxe'epola' quił'ailli'?

Italai'e'e'me, timiyi:

—Cal te'a.

Jesús timila':

—Iya' camilhuo' al linca. Itsiya timana' lan xanuc' jouc'a lacał'no' tuliquilhuo' imanc'. Iłniya lan xanuc' lin'najtsi'iyale jouc'a lacał'no' notepá liłcuerpo, małniya tihuejconayi LanDios, titsuflaiyi petsi locuxeyopa cal Cuecaj Rey Nopa'a lema'a.

³² 'Icuai'ma Juan Bautista imuc'i'molhuo' al c'a lane, aicolapenufi imanc'. Lin'najtsi'iyale jouc'a lacał'no' notepá liłcuerpo, iłniya linca epenufpá. Imanc' ołsimpola' iłnu'hua iłsuej'menamma, aimołsuej'memma, aicolapenufi Juan.

³³ 'Alquimf'eła'. Ca'onlıcocona'ma lo'epa LanDios fa'a li'a lamats'.

'Anuli cal xans lipoujna camats', ifapa cal 'uva. Eti'icopa apic. Ipupa pe lot-suj'miyacu, loxoc'eyonyacu lan 'uva, tipa'a'me laquija'. Lijou'ma ilanc'e'ma anuli litoqui cajut'ł, jilpe tipajm'ma no'epa cuenna łamats'. Lijou'ma icu'ma łemats', epi'i'mola' lan xanuc' ti'ełe canic'. Łaipammaiya tepi'im'me onłca. Lijou'ma i'hua'ma aculi' camats'.

³⁴ 'Joupa tixpinaf'quiya litine timaj'ma lan 'uva. Łapoujna umme'mola' limozó pe lomana' no'epá canic', titaita ło'iya onłca. ³⁵ Iłniya no'epá canic' i'noł'e'e'me lummebola'. Untaf'me anuli, ocuena ima'a'me, łocuena ipa'me capic, ima'a'me.

³⁶ 'Lijou'ma łapoujna ummecona'mola' ocuenaye xonca axpela'. Iye'me pe lomana' no'epá canic', i'econa'me ma' anuli.

³⁷ 'Lijouco'ma umme'ma li'hua. Ticua: “Iłca'a ai'hua. Linca tixpaic'eta.”

³⁸ 'No'epá canic' lixim'me icuaico'ma li'hua łapoujna camats' timiyolołtsi: “Iłca'a tulij'ma jahuay łemats' qui'ailli', iłque łapoujna camats'. ¡Łepá! ¡Alma'ata! Itque łamats' tipaneno, alulijna'me illanc'.” ³⁹ I'noł'me, eca'ni'me lixpula' leti'icoya łamats' pe lifaiyiya 'uva, ima'a'me.

⁴⁰ 'Ticuaiyunni lipoujna camats' petsi lifaiyiya 'uva, łte co'e'eyacola' iłne no'epá canic'?

⁴¹ Timiyi:

—Tima'atola', tijou'netola' nulemma iłniya lixcay xanuc'. Łemats' joupa ifaiyiya cal 'uva, tepi'i'mola' ocuenaye xanuc', tixhuico'me łamats', tepi'i'me ło'iya onłca łaipammaiya.

⁴² Jesús timila':

—Imanc', łte aicołsuec' te loya'apa al Paxi Linilingiya? It tuya'e':

Łapic łetets'ipa nolanc'epá lajut'ł joupa i'ipa xonca łaicuicoya.

Itque łapic xonca tilanc'e łaitał, aimecangeya lajut'ł.

LanDios łalPoujna iłta'a łecuej'micopa.

Illanc' ałsinyi acueca' ite li'ipa.

43 Camilhuo': Linca LanDios joupa epi'ipolhuo' loþpenic', icuxe'epolhuo' toluya'ale: "Maþque LanDios cal Cuecaj Rey ticuxela' lan xanuc'". Itsiya texic'e'molhuo' iþe loþpenic'. Aimoltsuflaiyacu pe locuxeyopa LanDios, iþque Nopa'a lema'a. Iþe loþpenic' tepi'i'mola' locuenaye. Iniya linca tenant'li'me iþe lataiqui' locuxe'eyacola'.

44 'Cal xans ja'ni tixc'uaþaf'caitsi, tecanaf'caitsi cal Cuecaj Capic, iþque cal xans tixquelequehuo. Ja'ni Laptic tecangenni tetof'caitsi cal xans, iþque cal xans tuxpats'i'ma nulemma.

45 Toþta'a i'onþico'ma Jesús lo'epa LanDios. Licuej'me iþiya litaiqui' lixanuc' cal cuecaj ca'ailli' jouc'a lan xanuc' fariseo i'i'ma quilsina' Jesús ma tinescola'.

46 Ehuepá te co'iya mi'noþyacu. Aiquil'noþi. Tixpaic'ennila' lan xanuc', iþne ticuayi: "Jesús aprofeta. LanDios ummepa".

22

1 Jesús ti'hua ti'onþijma. Timila':

2 —LanDios cal Cuecaj Rey Nopa'a lema'a, licuxejma ti'onþicospa to li'ejma' anuli cal cuecaj quincuxepa nopa'a fa'a li'a lamats'.

'Litine lemane'ma hi'hua, hincuxepa icuxe'ma imac'ot'þem'me þotejacu al juic.

3 Umme'mola' limozó iye'me tilecontsola' lijoc'ipola'. Iniya lijoc'ipola' aiquilcuac', aiquicuaiyunca al juic.

4 'Ummecona'mola' locuenaye limozó. Timila': "Tonþete, toþecotsola' laijoc'ipola'. Tolu'itsola': Joupa ima'ampola' laiþuacax jouc'a locuenaye linneja lifujmpola'. Aimag'epa þaþejacu. Ailopa'a cahue'epa. Tonþouyunca al juic temane'ma þai'hua."

5 'Iniya lijoc'ipola' aiquilcuca. Iyena'me ocuena cane. Anuli i'hua'ma ixintsi þemats'. Locuena i'hua'ma petsi locucaleyopa. 6 Locuenaye i'noþ'e'e'me limozó hincuxepa, ixcai'em'mola', ima'am'mola'.

7 'Lincuxepa ixtuc'o'mola'. Umme'mola' lisoldado tima'antsola' iþne linma'ahuale, tipi'entsa liþcuecaj quilya'. 8 Timila' limozó: "Joupa imacoþpa þaþejacu lijuic þamaneya þai'hua. Laijoc'ipola' joupa imujpoþtsi a'ijc'a xanuc'. Etets'ipá þaþejua'. Aiquilcuaiya. 9 Itsiya tonþete lotalejmaleyopa þaneya. Jahuay lan xanuc' loþsinyacola' toþjoc'itsola', toþmitsola': Lepad lejut'þ hincuxepa, ti'i juic, temane'ma hi'hua."

10 'Lam mozó ipalunca ipa'netþa þaneya. Eþot'þem'mola' iþne lixinim'mola', ja'ni lan c'a xanuc', ja'ni lixcay xanuc', ma' anuli eþot'þem'mola'. Lajut'þ imantsi xanuc'.

11 'Itsufai'ma hincuxepa tixinguþtsola' iþne notetsopá jilþiya. Ixim'ma anuli cal xans a'i quetejyoxi, aiquipo'nohuo al ts'e lipijahua' to liþpo'nohuo iþne nomana' jilþe al juic þamanepa. 12 Icuis'e'ma, timi: "Maipima, aicopo'nohuo al ts'e lopijahua' to liþpo'nohuo iþne nomana' fa'a al juic. ¿Te qui'ipa lotsufaiyumma fa'a?" Cal xans aiquitalai'e. Ailopa'a quitaiqui'. 13 Lincuxepa ijoc'i'mola' limozó no'huapá pime maþpe al juic. Timila': "Iþque cal xans toþfi'eþe limane li'mitsi'. Tolaca'nitsa jipu'hua al muf. Jilþe lan xanuc' tijolijta, ti'ile'ta liþ'ay."

14 'Linca, axpela' lijoc'impola', ahuata li'huij'empola'.

15 Iye'me lam fariseo. Ixpice'me te co'iya mi'noþyacu Jesús. Timiyoþtsi:

—Licuis'e'me, aþtalai'e'monga', toþta'a aþcufta.

16 Ummem'mola' liyejmalepá. Jouc'a iye'me lixanuc' cal rey Herodes. Icuaitþa pe lopa'a Jesús, timiyi:

—Momxi, aþsina' ima' tocuá al linca, a'i ma le'a metentþoyacola' lan xanuc'. Tomuc'iyale lipene LanDios. Ma' anuli topalaic'ola' jahuay. Aimahuelongila' ja'ni ts'it'hueca o aiquil'hueca. 17 Itsiya lu'itsonga'. ¿Te cofcuapa? ¿Te

al'najtse'me cal cuecaj quincuxepa César? ¿Ałcu'me al tomí lałsahue'eponga'? o ¿aimałcuyacu? ¿Nipajnya o aimi'iyá?

¹⁸ Jesús imetsaico'mola' ixcay liłpicuejma', timila':

—¿Imanc' cunc'infel'miyale! ¿Te calmicuapa tołta'a? Aixina' le'a lahuaijma.

¹⁹ Ałmuc'ıta' anuli al tomí lołcuyacu.

Imuc'i'me al tomí. ²⁰ Icuis'e'mola', timila':

—¿Naitsi ıłca'a ts'i'a? ¿Naitsi ıłta'a ts'ıpuftine?

²¹ ıhniya italai'e'e'me, timiyi:

—Li'a César, lipuftine César.

Timila':

—Ja'ni i'huexi César, tonlapi'ıle César; ja'ni i'huexi ŁanDios, tonlapi'ıle ŁanDios.

²² Licuej'me tołta'a ıhniya icuapá:

—¿Xinla'! ıłque Jesús acueca' lipicuejma'.

Ipo'no'me quituca', iyena'me.

²³ Małe litine lan xanuc' saduceo icuaitsa pe lopa'a Jesús. ıhniya lan xanuc' saduceo ticuayi: “Lan xanuc' timala' anulemma, aimimaf'iconayacu”. ıhniya tehuaiyi Jesús, ticuis'eyi, ²⁴ timiyi:

—Momxi, Moisés uya'apa: “Timala' cal xans ja'ni ailopa'a qui'hua, limanapa ılipima tileco'ma hi'maxi. Tipajntsi cal te'a quił'hua, ıłque tecui'i'me to lipuftyne ılimapa. Ti'i'ma ma to qui'hua ılimapa, hi'huexi ılimapa tulij'ma.”

²⁵ ıllanc' alimetsaicola' acaitsi lapimaye. Cal te'a emanepa, imapa, aiqixina' qui'hua. ılimapa ılipima ileco'ma hi'maxi. ²⁶ Ma to li'ipa cal te'a, ma tołta'a li'ipa ılipima, jouc'a tołta'a li'ipa ločuena. Ma' anuli li'i'mola' lan caitsi.

²⁷ Lijou'ma imana'ma łaca'no'.

²⁸ 'Lan caitsi capimaye ilecopá anuli łaca'no'. Ticuaitsi litine timaf'iconłe limanapola', ¿naitsi co'iyá ıipe'ailli' łaca'no'?

²⁹ Jesús italai'e'e'mola', timila':

—Imanc' timenaquilhuo'. Aicołsina' loya'apa al Paxi Linılingiya, aicolimet-saijma al cueca' lo'epa ŁanDios.

³⁰ ıjıpe litine timaf'inłe limanapola', aimemalliyacu, ni lan xanuc' ni lacał'no'. Ti'onłcotola' to lapaluc' quema'a. ³¹ Imanc' tołcuayi aimimaf'iyacu limanapola'. ¿Te aicołsuec' lomipolhuo' ŁanDios ıjıpe Lipaxı Linılingiya? ıjıpe tuya'e': ³² “ıya' NanDios, ılenDios Abraham, Isaac, Jacob”. Ja'ni anulemma imanapola' Abraham, Isaac, Jacob, ŁanDios aiminesya: “ıya' ılenDios ıhniya”. ŁanDios ılenDios ts'ıłmaf'i', a'i limanapola' nulemma.

³³ Licuej'me ıjıhiya licua'ma Jesús, lan xanuc' ticuayi:

—¿Xinla'! Acueca' litaiqui' lomuc'iyalepa ıłque Jesús.

³⁴ Lan xanuc' fariseo icuej'me Jesús i-ch'ixc'epola' lan xanuc' saduceo. Lijou'ma, lam fariseo efot'łe'mołtsi, iye'me pe lopa'a Jesús. ³⁵ Anuli ıhniya, ıłque łomxi nomuc'iyalepa locuxepa ŁanDios, ehui'ma Jesús, icuis'e'ma, timi:

³⁶ —Momxi, ıjıpe litaiqui' locuxepa ŁanDios, ¿te t'łe cataiqui' xonca al cueca'?

³⁷ Jesús italai'e'e'ma, timi:

—“To'nujuaisla' ŁanDios łoPoujna, ıłque omenDios. Taihuejla' jahuay łomunxajma', jahuay ło'alma, jahuay lopicuejma'.” ³⁸ Tołta'a loya'apa al te'a litaiqui', ıhiya xonca al cueca' cataiqui' locuxepa ŁanDios. ³⁹ Locuena lataiqui' lihuequi ma' anuli ti'onłspa, ticua: “ıma' to'eyoxi capic'a. Ma tołta'a to'ela' capic'a łof'as xans, naitsi łoftalecufya.” ⁴⁰ Ja'ni tolihuejcoyi ıjıłta'a loque' łataiqui', ıınca tolanant'hiyi jahuay locuxepa ŁanDios, jahuay linespa lam profeta.

⁴¹ Mefot'łeyołtsi ıjıpe lan xanuc' fariseo, ⁴² Jesús icuis'e'mola', timila':

—Imanc', ¿te cołcuapa? Cal Cristo, ¿naitsi ılitatahuelo?

Ihniya italai'e'e'me, timiyi:

—David itatahuelo cal Cristo.

⁴³ Jesús timila':

—Maŕque David inescopa cal Cristo, ticua "... łaiPoujna". Ja'ni David itatahuelo cal Cristo, ¿te quinescopa tołta'a? Cal Espíritu Santo icuxe'epa tołta'a licuapa, luya'apa, ticua:

⁴⁴ ŁanDios tipalaic'o łaiPoujna, timi:

"Tocutsaiłta' jifa'a al c'a camane.

Topanehuo jifa'a, iya' mi'hua culiquila' lo'epo' laic'.

Tijoułta', ima' tocuxena'mola'."

⁴⁵ Ja'ni David itatahuelo cal Cristo, ¿te quinescopa, ticua "... łaiPoujna"?

⁴⁶ Ailopa'a cotalai'ecoyacu, ni anuli lataiqui'. Lipangopa jite litine aimicuis'mot'leconayacu. Ihsina' tulijna'mola' Jesús.

23

¹ Jesús ipalaic'o'mola' lan xanuc' jouc'a ts'ilihuequi. ² Timila':

—Lomxiye nomuc'iyalepá locuxepa ŁanDios, jouc'a lan xanuc' fariseo, tipa'a liłmane timuc'iyale'me licuxepa Moisés. ³ Imanc' tolihuejcołe jahuay locuxe'epolhuo'. Lił'ejma' ihniya aimolihuej'me. Ihniya ma le'a tinesyi, aimi'eyi.

⁴ 'Tetonc'iyi lataiqui' locuxepa ŁanDios. Ticuxennila' lan xanuc' tenant'łile jahuay iłta'a liłtaiqui'. Lan xanuc' tixinyi ipime jiliya liłtaiqui'. Ti'onłcospa to cal cumta caitay lipo'no'impola' liłspula'. Afule mixnet'łyi. Małniya lomxiye jouc'a lan xanuc' fariseo aimentant'łiyi lataiqui' locuxepa tenant'łile lił'as xanuc'. Tixinyołtsi to ailopa'a nocuxeyacola'. Ticuxeyołtsi quilluca'.

⁵ 'Jahuay lo'epa ihniya ti'eyi ma le'a tehuelojnle lan xanuc', tixinintsola' lan c'a xanuc'. Iłpic'a tixinintsola' menant'łiyi locuxepa ŁanDios. Ihniya lomxiye jouc'a lam fariseo tilanc'eyi xonca lexpats'qui iłe laca'hua caxax loł'ecopa liłmane o łilepali. Jiłpe lacaxax ti'nico hualca al Paxi Linilingiya. Ti'e'eyi itoqui łocuits' łema liłpijahua'. Ticuayi liłpicuejma': "Łan xanuc' ałsintsonga' ninc'itsila' comxiye".

⁶ 'Mixmucota ticutołaita jiłpe petsi locutołaiyacu lan tsilaj xanuc'. Tołta'a iłpic'a. Łajut'łi pe lafołyomma lan xanuc', iłne ticutołaita lan tet'ła asiento.

⁷ Miyelocoyi locucaleyompa iłpic'a lan xanuc' tinonintsola', timintsola': "ıRabı, Rabı!" (Iłe lataiqui' lohualcuf'ipa ticua: Nomuc'iyalepa.)

⁸ 'Imanc' aimecui'im'molhuo' "Rabı." Tipa'a ma le'a anuli Nomuc'ipolhuo', imanc' unc'apimaye. ⁹ Fa'a li'a łamats', ja'ni anuli cal xans a'i coł'ailli', aimołmi'me "Mai'ailli". Tipa'a ma le'a anuli coł'Ailli', iłque Nopa'a lema'a.

¹⁰ Aimecui'im'molhuo' imanc' "Momxi". Imanc' a'i cunc'omxiye. Ma le'a iya' lołpomxi, iya' ninCristo. ¹¹ Imanc', naitsi xonca cal cueca' ti'ıla' to cal mozo, titoc'itsola' lipimaye. ¹² Cal xans no'e'epoxi acueca', iłquiya ti'oc'em'me. Naitsi no'e'epoxi aca'hua, ti'e'em'me xonca acueca'.

¹³ 'A'ijc'a lo'iyacolhuo' cunc'omxiye, imanc' nołmuc'iyalepá locuxepa ŁanDios, jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Miquimf'ennilhuo' lołmuc'iyalepa, lan xanuc' tixinyi to joup'a eti'ıya al puerta. Tixinyi aimi'ıya mitsuflaiyacu jiłpe pe locuxeyopa ŁanDios cal Cuecaj Rey Nopa'a lema'a. Linca imanc' aimołtsuflaiyi, jouc'a aimolapi'ıla' lane lan xanuc'. Iłne ts'iłpic'a titsuflaiłe, imanc' tołpa'nela'.

¹⁴ 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios, jouc'a imanc' unc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Imanc' tołaxic'ela' hił'huexi lam potsateya cacal'no'. Moł'eyi tołta'a ticołilhuo' mołpalaic'oyi ŁanDios. Tołcuayi: "Ałsinintsonga' illanc' lihuejcoyi ŁanDios". Imanc' xonca acueca' lotelminiyacolhuo'.

15 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios, jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Imanc' tolahuela' lan xanuc' tihuequintsolhuo'. Tonłeyi ni petsi li'a łamats', tołqueyi łaja. Tołsintsa ma le'a anuli cal xans naihuejyacolhuo' tolixoc'i mołtsi conlata. Tijoułta' ilque tulij'molhuo'. Imanc' lołpicuicoya tonłe'me pu'hua al cuecaj capa. Ilque xonca lołpicuicoya ti'huałta' pu'hua.

16 'A'ijc'a lo'iyacolhuo' imanc' unc'ifohue. Imanc' aimi'iya mołmuc'iyacola' lan xanuc' al c'a cane. Imanc' tołcuayi: “Cal xans nocuaj'mipa al cuecaj xoute' ja'ni aimentant'hi litaiqui' ailopa'a tintsi. Łocuenaj cal xans nocuaj'mipa al oro lopa'a jilpe al cuecaj xoute', linca tenant'łila' litaiqui', ja'ni a'i titai'ma lijunac'.”

17 'Imanc' unc'ifohue! Tocomma ailopa'a cołpicuejma'. ¿Te jale xonca al cueca', ja'ni al oro o al cuecaj xoute'? A linca xonca acueca' al xoute'. Ite al oro ja'ni ailopa'a jilpe al cuecaj xoute' aimi'iya qui'huexi ŁanDios. 18 Jouc'a tołcuayi: “Cal xans nocuaj'mipa cal altar, ja'ni aimentant'hi litaiqui' ailopa'a tintsi. Łocuena cal xans nocuaj'mipa lotsufcompa jilpe cal altar, linca tenant'łila' litaiqui', ja'ni a'i titai'ma lijunac'.” 19 'Imanc' unc'ifohue! ¿Te jale xonca al cueca', lotsufcompa o cal altar? Linca xonca acueca' cal altar. Ja'ni lotsufcompa ailopa'a jilpe cal altar aimi'iya qui'huexi ŁanDios. 20 Cal xans nocuaj'mipa cal altar jouc'a tipalaijma jahuay lopa'a jilpiya cal altar. 21 Ja'ni icuaj'mipa al cuecaj xoute', jouc'a tipalaijma ŁanDios ilque Nopa'a jilpiya. 22 Ja'ni nocuaj'mipa lema'a tipalaijma lema'a pe locutsaf'ya ŁanDios jouc'a tipalaijma ŁanDios ilque Nocutsaf'ya jilpiya.

23 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios jouc'a imanc' cunc'ixanuc' fariseo. Ma le'a tonł'e'eyołtsi, imanc' a'i cunc'ic'a xanuc'. Imanc' jahuay ts'oł'hueca tipa'a lołtsufcoyacu ŁanDios. Ja'ni ti'łila' amaxnu, tołtsufcoyi imbama', ja'ni ti'łila' imbama' tołtsufcoyi anuli. Tołta'a monł'eyi, tama łaiquitamqui xonca atsocay, ja'ni al xaimu, ja'ni al anís, ja'ni al comino, tołtsufcoyi anuli ŁanDios. Lataiqui' locuxepa ŁanDios ticuxe'elhuo' tonł'ełe al c'a xonca al cueca'. Ticuxe'elhuo' tonł'ełe al łija, tołsintsula' cuanuc'la lołpimaye, tonlanant'łile lołnesyacu. Ite lataiqui' aimonlihuejyi. Linca ac'a lonł'epa mołtsufcoyi łaiquitamqui. Ticuicomma tolanant'łile jahuay locuxe'epolhuo' ŁanDios, tonł'ełe al c'a xonca. 24 Imanc' aimi'iya mołmuc'iyacola' lan xanuc' al c'a cane. ¡Unc'ifohue! Tipa'a lataiqui' loya'apa: “Tołtsaic'oyi al vino aimołnuc'me calxc'huił. Tijoułta' aimołsinyi cal cuecaj quinnejá, ilque cal camello, tołnuc'yi.” Tołta'a ma ti'onłcospolhuo' to loł'ejma' imanc'.

25 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios, jouc'a imanc' cunc'ixanuc' fariseo. Ma le'a toł'e'eyołtsi, imanc' a'i cunc'ic'a xanuc'. A'ijc'a lołpicuejma'. Ti'hua tołjanajyi tepi'intsolhuo' xonca. Tonłaxic'ela' liłtomí loł'as xanuc', tołta'a tołma'neyi lołtaza, lołpime. Tijoułta', ma to moł'eyi, tołapajyi liłspula' lołtaza, lołpime. 26 Ima' umfo' fariseo, ate'a taipa'ala' al xujc'a lopa'a jilpe licu'u lotaza, lopime. Tijoułta' liłspula' ti'i'ma limpio jouc'a.

27 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios, jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Ti'onłcospolhuo' to cal puł'hua li'e'empa afujca juaiconapa. Licu'u al pu'hua imanna quecala camizhua, imanna axisca. 28 Ma' anuli imanc'. Tocomma to tolihuejcoyi locuxepa ŁanDios. A'ij linca. Ma le'a ixcay lołpicuejma'. Jilpe tołspic'eyi toł'e'eyołtsi, imanc' a'i cunc'ic'a xanuc', aimolihuejcoyi locuxepa ŁanDios.

29 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a

xanuc'. Imanc' toñanc'e'ela' liñpu'hua limanapola' iñe lam profeta jouc'a lan xanuc' naihuejcopá locuxepa ñanDios. ³⁰ Imanc' toñcuayi: “Lañtatahueló ima'a'me lam profeta. Ja'ni cola' illanc' añmana' jilpe litine, aimañeyacu toñta'a.” ³¹ Moñnesyi “Lañtatahueló...”, le'a toñcufyoñtsi, tonlimetsaicoyoñtsi imanc' iñnaxque' iñniya nima'a'me iñe lam profeta. ³² Ne'. ¡Ti'hua moñ'eyi jiliya lixcay to li'epá loñtatahueló! ¡Toñjou'neñe nulemma!

³³ 'Imanc' ti'onñcospolhuo' to lacañpo'. Imanc' loñpicuejma' ti'onñcospa to lipicuejma' ñainofañ. Linca tejac'ennolhuo', tecajm'minnolhuo' ñunga ñopa'a al muf. O ¿te ti'i'ma toñunñulta? A'i. Aimi'iya. ³⁴ Cumme'elhuo' lam profeta, iñe noya'apá loñpic'epa ñanDios. Cumme'elhuo' lan xanuc' acueca' liñpicuejma'. Cumme'elhuo' lomxiye. Imanc' toñma'a'mola' hualca iñniya lan xanuc', to-lapañts'ijm'mola' lancruz. Locuenaye toñheco'mola' ñajut'ñi pe lafoñyomma lan xanuc', jilpe toñunñaf'e'e'mola'. Toñhuetso'mola' iñya' iñya'. ³⁵ Toñta'a imanc' toñtai'me liñjunac' iñe loñxanuc' nima'a'me naihuejcopá locuxepa ñanDios. Cal te'a ñima'ampa iñque cal c'a xans Abel, hijoujma Zacarías hi'hua Berequías, ñima'ayompa jilpe al cuecaj xoute' lixpula' cal altar, jilpe lotsuflaiyacu al Paxi Lugar. ³⁶ Iya' camilhuo' al ñinca: Jahuay iñe lajunac' toñtai'me imanc' noñmana' fa'a itsiya litine.

³⁷ ¡Miñya' Jerusalén! ¡Miñya' Jerusalén! Loxanuc' inma'ahuale, ima'a'me lam profeta, tipannila' capic', tima'ayi lixanuc' ñanDios, iñniya lummepola' jilpiya. Iya' axpe' canesqui: Cafot'le'mola' jahuay loxanuc' ma to mi'ay cal tsana mefot'le'mola' laiquipuyu, mipuxc'i'mola' lixañ. Ima' aicocuac'. ³⁸ Miñya', ¡tahuelojñla' locuecaj xoute'! ñanDios ipo'nopa quituca'. Tocomma joupa eteñquemma. ³⁹ Iya' camilhuo' lo'iya. Ticuaitsi litine añmiñta': “Ima' unC'a. ñanDios ñañPoujna linca ummepo”, iñe litine añsingona'ma. Ai'a ticuaita iñe litine aimañsingonaya.

24

¹ Jesús ipayonni jilpe al cuecaj xoute', icuaitsa ts'ilihuequi. Iñniya ts'ilihuequi ipalaico'me ñajut'ñi al cuecaj xoute'. Timiyi:

—Toxintsola' ilangila' juaiconapa iñna'a ñajut'ñi.

² Jesús italai'e'mola', timila':

—Itsiya toñahuelojñyi ñajut'ñi iñniya ilangila'. Iya' camilhuo' al ñinca: Ticuaitso litine jahuay teteñquehuo. Ni anuli ñapic mi'nif'queya lipima capic.

³ Micutsuya Jesús hijuala Olivo, icuaitsa quituca' ts'ilihuequi, icuis'e'me, timiyi:

—Lu'itsonga', ¿tej hora mi'iya toñta'a? ¿Te co'iya mañsinyacu ja'ni ima' tocaiconahuo? ¿Te co'iya mañsinyacu ja'ni tijou'ma li'a ñamats'?

⁴ Jesús italai'e'mola', timila':

—Toñpo'noñe cuenna. Ja'ni aimoñpo'noyi cuenna tifel'mim'molhuo'.

⁵ Ticuaicu axpela' linfel'miyale. Anuli anuli tines'ma: “Iya' ñinca cunñu'e'molhuo'. Iya' ninCristo. ñanDios alummepe.” Iñniya tifel'miyale'me axpela'. ⁶ Litine toñcuejle: “Pu'hua tifulenni”, o “Lu'hua tifulem'me”, aimixpailij'molhuo'. Toñta'a lo'iya. Ticoñma locuaicoya Lijoujma Quitine.

⁷ Lan xanuc' anulij nación tixtuc'om'moñtsi locuenaj nación, tifule'me. Lan tsilaj quincuxepá tixtuc'om'moñtsi, tifule'me. Ni petsi tixim'me cumemma, tinu'ma ñunanto. ⁸ Iñe lateñcoya ti'onñcota to ñaca'no' ñinnay lipumla. Tumlej'ma ate'a, tijouñla' tipajñta cal ts'e qui'hua. Fa'a li'a ñamats' ate'a tipango'ma lateñcoya, tijouñla' ti'i'ma al ts'e lema'a, ti'i'ma al ts'e li'a ñamats'.

⁹ 'Imanc', ticum'molhuo', ticuaita quitmane lan xanuc', iñe titeñmi'molhuo', tima'a'molhuo'. Imanc' ts'alihuequi, toñiya ni petsi loñmanc'eyacu fa'a

li'a lamats' lan xanuc' tixtuc'o'molhuo'. ¹⁰ Axpela' ts'alihuequi tipai'i'me lihpicuejma', ti'e'moltsi laic' lihpimaye ts'alihuequi. Ticuf'me. ¹¹ Ticuaicu axpela' lam profeta nofel'aiqueyacu, tifel'miyale'me axpela' lan xanuc'. ¹² Lan xanuc' xonca tenaj'moltsi, aimihuej'me lataiqui' locuxepa LanDios. Ti'e'me ma le'a lixcay. Aimipalaic'oyacołtsi to li'ipa, aimi'eyołtsi capic'a. ¹³ Cal xans ja'ni tixnet'Ha' latełcoya, ja'ni ti'hua tihuejla', iłque linca tunhu'ma. ¹⁴ Jahuay li'a lamats' tuya'ata lataiqui' loya'apa iłe al c'a lixplic'epa LanDios. Ni petsi lomana' lan xanuc' tuya'ata te co'iya mitsufilaiyacu pe lopa'a LanDios, iłque cal Cuecaj Rey Nopa'a lema'a. Tijoula' ticuaihuo Lijoujma Quitine.

¹⁵ 'Ma to luya'apa cal profeta Daniel luyaipa quitine tołta'a tołsim'me lo'iya. Iłe pe LanDios tilaiqui topo'nom'me al cuecaj xoute'. Tijoula' LanDios tipo'no'ma quituca' iłe al cuecaj xoute'. Naitsi noxhuef'iyacola' lipimaye jilta'a lataiqui' ticuec'ela'.

¹⁶ 'Iłniya litiné ja'ni tołmana' al distrito Judea tolinul—le, tołf'ajlıte hijualay. ¹⁷ Ja'ni cof'nif'ya al toncay lomejut'ł, aimicoł'mo'. Aimaipa'a'ma iłe lopa'a lomejut'ł, le'a taimunni, tainuła'. ¹⁸ Ja'ni to'ay canic' jilpe limuc'o', aimopaiconahuo mommaiya lopuquiya, ma tainuła'.

¹⁹ 'Iłniya litiné juaiconapa titełco'me linnaila cacal'no', jouc'a lacal'no' notu'ipá lihaxque'. Iłniya afule minulyacu. ²⁰ Tołsahue'ete LanDios ticuaitsi latełcoya aimi'i'ma litiné caxita, ni litine conxajya. Jilpiya aimi'iya molinulyacu. ²¹ Lan xanuc' nomana' fa'a li'a lamats' aiqũsingufma latełcoya to loxinyacu jilpiya litine. Tijoula' jilta'a latełcoya aimixinconayacu latełcoya to jilta'a. ²² LanDios tixinnila' cuanuc'la lixanuc', jilne li'huijf'epola', tołiya ixpic'epa aimicołya jile latełcoya, tetec'oyehuo. Ja'ni coła' ticoł'ma iłe latełcoya, ailopa'a conłuya, coła' jahuay tima'mola'. Aimicołya latełcoya.

²³ 'Iłniya litiné ja'ni timintsolhuo': "¡Tołsinle! Jifa'a icuai'ma cal Cristo", o "Jilpe icuaita", aimolapenuf'me iłiya lataiqui'. ²⁴ Ticuaicu linfel'miyale. Tecui'i'moltsi: "Iya' ninCristo", o "Iya' ninprofeta, cuya'e' lixplic'epa LanDios". Iłniya ti'e'me al cueca', axpe' timuj'me. Tines'me: "Lan xanuc' limetsaicot-songa' LanDios lummeponga". Ma le'a tifel'miyaleyi. Coła' tifel'mintsola' jouc'a li'huijf'epola' LanDios. Aimi'iya mifel'minyacola'.

²⁵ 'Joupa aimipolhuo' iłe lo'iya. Aimolimenc'eco'me iłe laimipolhuo'. Ma to lo'iya, tołta'a nu'ipolhuo'. ²⁶ Ja'ni timintsolhuo': "Icuaita cal Cristo pu'hua. Tipa'a petsi ailopa'a quıłya", aimonle'me pu'hua. O ja'ni ticuanni: "Icuai'ma fa'a, itsufaipa lajut'ł", imanc' aimolihuejco'mola'.

²⁷ 'Iya' iłque cal Xans Liximpa cal profeta pu'hua lema'a. Cacuaiyoconanni jahuay ałsim'ma ma to mołsinyi lixcuaflay mixcuaf'ma jilpiya liyuf'maj 'ora. Lixcuafly tepalc'o'i a'i ma le'a jilpe liyuf'maj 'ora. Lepalc'o' ticuaita pe lof'acaiyopa cal 'ora. ²⁸ Pe lopa'a limac' jilpiya tefot'le'moltsi lapote. ²⁹ 'Tuyaila' iłniya litiné latełcoya:

Timufco'ma cal 'ora, cal mut'ła aimepalc'o'iya,
lan xamna nomana' lema'a tecangolecu lamats',
jahuay lopa'a jilpe lema'a tife'nem'mola'.

³⁰ Iya' iłque Cal Xans Liximpa cal profeta pu'hua lema'a. Iłe litine jipu'hua lema'a lan xanuc' tixim'me iłe lomuc'iyacola' joupa aicuaicocona'ma. Ni petsi li'a lamats' lan xanuc' tijolij'me, ałsim'ma cacuaiconno cacutsafya lummahuay quimumma. Ałsim'ma iya' ninCuecaj Rey, ał'onłcospa to LanDios. Iya' iłque cal Xans Liximpa cal profeta pu'hua lema'a. ³¹ Iłe litine tifus'mi'me al cuecaj trompeta, iya' cumme'mola' lainepaluc' tiyele tefot'łentsola' laixanuc' lai'huijf'epola'. Ni petsi lomana' tileconnola': Iłniya nomana' layuf'maj 'ora, iłniya nomana' lof'acaiyopa cal 'ora, iłniya nomana' pe lo'huayomma łahua',

ihniya nomana' pe lotsepa lahua', ni petsi canumicay li'a lamats' tileconnola' laixanuc'.

³²⁻³³ Ja'ni tołpo'nołe cuenna ike lo'ipa al 'icux ti'i'ma colšina' icuaico'ma linu'. Tołta'a timuc'i'molhuo' al 'icux tuxcuaf'ełá' limane', tilála' laxhuaica lipela. Ma' anuli ja'ni tołpo'nołe cuenna ike lo'iya fa'a li'a lamats' ti'i'ma colšina' joupa cacuaiconno. Ti'ila' ma to laimipolhuo', joupa aicuai'ma al puerta. ³⁴ Iya' camilhuo' al linca: Litine ti'ila' to laimipolhuo', lan xanuc' nomajnyacu fa'a li'a lamats' ti'i'ma li'ejma' to li'ejma' lan xanuc' nomana' fa'a itsiya litine. ³⁵ Lema'a y li'a lamats' tipaico'mola'. Laitaiqui' aimipaiya, tipanehuo.

³⁶ Nij naitsi ts'ixina' litine ni al 'hora cacuaicoconanni li'a lamats'. Jouc'a lapaluc' quema'a aiquilšina'. Jouc'a iya' i'Hua LanDios, aicaixina'. Ma le'a cai'Ailli', iłque linca ixina'.

³⁷ Ma to li'ipa luyaipa quitine mipa'a Noé fa'a li'a lamats', tołta'a lo'iya litine cacuaicohuananni li'a lamats'. ³⁸ Milanc'e Noé al arca, lan xanuc' tuyalaicoyi liłpepajnya ma to mi'eyi. Titetsoyi, tixnayi, temalliyyi, ticuyi liłnaxque' temallike. Litine Noé litsufai'ma al barco tołta'a ti'eyi. ³⁹ Ihe aiquilšina' lo'iyacola', ticui'ma. Ma' icui'ma laxpaiqui' cacui. Łacui ileco'mola', ima'a'mola'.

Ihe li'ipa ti'onłcospa to lo'iya cacuaiconanni iya'. Lan xanuc' aimi'iya quilšina' lo'iyacola'. ⁴⁰ Oquexi' lan xanuc' timajm'me limuc'o'. Anuli tilecom'me, locuena tipanehuo. ⁴¹ Oquexi' lacał'no' tutsi'me anuli. Anuli tilecom'me, locuena tipanehuo.

⁴² Imanc' toł'huaicołe, tołpo'nołe cuenna. Aicołšina' te quitine ticuaihuo lołPoujna. ⁴³ Lipoujna cajut'ł ja'ni ixina' tej hora ticuaihuo cal namas, iłque łapoujna aimixmaiya, tipo'no'ma cuenna, ticuanajco'ma lejut'ł, cal namas aimi'iya mitsufaiya. ⁴⁴ Imanc' tołpo'nołe cuenna. Ticuaisi al 'hora aimoł'huaicoyi, tołnesyi: "Aimicuaiya", małpe al 'hora cacuaihuo. Iya' iłque cal Xans Łiximpa cal profeta pu'hua lema'a.

⁴⁵ Łapoujna ti'huałá' aculi', tepi'i'ma quipenic' limozo. ¿Te co'eya iłque cal mozo? Ja'ni cal c'a mozo, ja'ni tipa'a lipicuejma', tenant'h'i'ma lipenic', ike lipo'no'ipa lipoujna. Ti'e'mola' cuenna locuenaye lam mozó nomana' jilpe lajut'ł. Ti'huałcołá' al 'hora, tites'mi'mola'. ⁴⁶ Ticuinatsi lipoujna, tixim'ma limozo ti'ay to licuxe'epa. Iłque cal mozo loyaicoya al c'a. ⁴⁷ Camilhuo' al linca: Lipoujna tepi'i'ma xonca al cueca' lanic'. Tepi'i'ma quimane ticuxela' jahuay li'huexi. ⁴⁸ Ja'ni ixcaj xans, cal mozo timi'moxi: "Łaipoujna ticoli, aimicuaiya". ⁴⁹ Tipango'ma tifule'ma, tuntaf'mola' lif'as mozó. Titetsoyi, tixnayi anuli lif'as quisnaye. ¿Te co'iya iłque cal mozo? ⁵⁰ Anuli litine, jilpe litine aimi'huaijma lipoujna, jile al 'hora aimixhuełma, ticuinahuo lipoujna. ⁵¹ Tetetsuf'ma, tecajm'mita pe lomana' linfel'miyale, jilpe tijolijta, ti'ile'ta lił'ay.

25

¹ Licuaisi litine ticuaihuo cal Cuecaj Rey Nopa'a lema'a, tepenuftšola' lixanuc', ihe naihuejcopá, ti'i'ma to li'ipa litine lipalunca imbama' lahuats'la. Ihe litine titalecufta, tecanna łamaneya, ticuai'ecu jilpiya lo'iyoya lijuic łamaneyoya. Anuli anuli iłtaic' liłpepalc'o'. ² Amajxi lahuats'la ts'ilpicuejma', locuenaye amajxi lahuats'la ailopa'a quilpicuejma'. ³ Lamac'ta lahuats'la, litai'me liłpepalc'o' aiquilšaic' quileceite timanumf'eta liłpepalc'o'. ⁴ Lahuats'la ts'ilpicuejma' itai'me liłpepalc'o' jouc'a iłtaic' lileceite. ⁵ Ticoli łamaneya, aiquicuaiyunni. Jahuay lahuats'la icuinni quilehui, ixmai'me.

⁶ Nolojmay quipuqui' icuej'me tija'anni, ticuayi: "Icuaico'ma fa'a łamaneya. Tuntouyunca, ałtalecufta." ⁷ Jahuay lahuats'la imaf'i'me. Etuf'me liłpepalc'o',

inai'i'me. ⁸ Lamac'ta lahuats'la ipalaic'om'mola' ts'itpicuejma', timinnila': "¡Tolsinte! Iha'a lapepalc'o' joupá tipica. Alc'i'itsonga' tutani calaceite." ⁹ Lahuats'la ts'itpicuejma' italai'e'me, timinnila': "A'i. Aimi'iya. Ja'ni alc'i'itsolhuo' illanc' lahue'e'monga'. Tonlete petsi locuquimpá, tolnatsa colaceite." ¹⁰ Miyeyi ti'nata quileceite, icuaiyunki lamaneya. Lahuats'la ts'itpicuejma' iyejmale'me lamaneya. Itsufai'me jouc'a lamaneyoya. Ix'nifcom'me al puerta. ¹¹ Icuaitsa locueneya lahuats'la. Ija'a'me, timiyi: "Maipoujna, maipoujna, laxi'e'etsonga' lopera". ¹² Lamaneya timila': "Iya' camilhuo' al finca: Aicainimetsaicolhuo'."

¹³ Jesús timila' ts'ilihuequi:

—Imanc' ti'hua tolo'note cuenna. Aicoisina' ni litine ni al 'hora cacuaiconanni.

¹⁴ Lo'iya ti'onlcospa to li'ipa ti'hualecotsi aculi' anuli cal xans. Ai'a ti'hua'ma ijoc'i'mola' limozó ticuaiyunca. Epi'i'mola' quih'huexi, ihne tixinte lo'e'eyacu. ¹⁵ Anuli epi'i'ma amaquej tomí, locuena epi'i'ma oquej tomí, locuena epi'i'ma ma le'a anuli, ma to mipa'a itpicuejma'. Lijou'ma ipanni, i'hua'ma aculi'.

¹⁶ Cal mozo lepenufpa amaquej tomí ixhuico'ma al tomí, ulij'ma i'nif'caitsi amaquej tomí. ¹⁷ Cal mozo lepenufpa oquej tomí jouc'a i'nif'caitsi oquej tomí. ¹⁸ Cal mozo lepenufpa anuli al tomí itai'ma, i'hua'ma, ipu'ma lamats', emu'ma ite al tomí lepi'ipa lipoujna.

¹⁹ 'Axpe' quitine icolhuo'ma lipoujna lam mozó. Lijou'ma icuainanni. Icuise'mola', timila': "¿Te conlcopa al tomí lainepi'ipolhuo'?" ²⁰ Cal mozo lepenufpa amaquej tomí itaic' imbamaj tomí. Timi lipoujna: "Maipoujna, alapi'ipa amaque' al tomí. ¡Toxinta! Nulijpa amaque', i'ipa imbama'." ²¹ Lipoujna timi: "Ac'a lo'epa. Ima' unc'a mozo. Latencocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxela' xonca axpe'. Iya' tixoqui neta juaiconapa. To'huanni. Jifa'a almajm'me anuli. Tixoj'ma calata."

²² 'Icuaitsi cal mozo lepenufpa oquej tomí. Timi lipoujna: "Maipoujna, alapi'ipa oquej tomí. ¡Toxinta! Nulijpa oque', i'ipa amalpu'." ²³ Lipoujna timi: "Ac'a lo'epa. Ima' unc'a mozo. Latencocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxela' xonca axpe'. Iya' tixoqui neta juaiconapa. To'huanni. Jifa'a almajm'me anuli. Tixoj'ma calata."

²⁴ 'Lijoujma icuaitsi cal xans lepenufpa anuli al tomí. Timi lipoujna: "Maipoujna, ima' aiximhuo' te ts'i'ic' lopicuejma'. Aiximhuo' ima' untá xans. Aimoxina' cuanuc'. Ima' aimofaya, tijoula' tapenuf'ma jahuay laipa'ampa. Aimaca'neya cal trigo, tijoula' jahuay lafot'leya tapenuf'ma. ²⁵ Lai'nujuaitsi tohta'a lo'ejma', iya' alspaicunni, ai'hua'ma nemutsi lamats' al tomí, ite lalapi'ipa. ¡Toxinta! Ihta'a ja'a lotomí. Tapenufna'." ²⁶ Lipoujna timi limozo: "Ima' mixcay mozo. Mahui. ¿Te alinca oxina' aicafaya, tijoula' capenuf'ma jahuay laipa'ampa? ¿Te oxina' aicaca'neya cal trigo, tijoula' jahuay lafot'leya capenuf'ma? ²⁷ Ne', ne'. ¿Te comemucopa laitomí? Najmay mecantsi al banco. Tohta'a capainanni, capenufna'ma jouc'a lulijpa laitomí. ²⁸ ¡Texic'enale al tomí! Tepi'inale itque ts'i'hueca imbama' al tomí. ²⁹ Pe ts'i'hueca ite lulijpa, xonca tepi'im'me. Itque ti'huej'ma xonca. Pe aici'hueca, aiculiqui, texic'em'me ite lepi'impa. ³⁰ Ihta'a cal mozo pe aici'aic' canic', tolacanguf'me pe lopa'a al muf. Jitpe tijolijta, ti'itc'ta lit'ay."

³¹ 'Iya' itque cal Xans Liximpa cal profeta, cacuaiconanni alsim'ma al'onlcota to LanDios. Jahuay lainepaluc' alejmalecu. Cacutshuai'ma laicuecaj asiento, iya' ninCuecaj Juez. ³² Jitpiya tefot'lena'moltsi lan xanuc' quiyouyomma ni

petsi li'a lamats', jahuay lan nación. Ma to lapoujna mot'l tenaquila' lipinneja, ihe ihuantseyoltsi lam mot'l jouc'a lan chivo, ma tofta'a iya' canaj'mola' lan xanuc'. ³³ Al c'a camane capo'no'mola' lam mot'l. Loxa camane capo'no'mola' lan chivo.

³⁴ Tijoula' iya' ninRey capalaic'o'mola' ihniya nomana' al c'a camane, cami'mola': "Imanc', cai'Ailli' joupa ipaxnepolhuo'. Tunloyunca. Tolapen-ufle lapi'iyacolhuo' LanDios. Tepi'i'molhuo' lohmane tofcuxele. Lilanc'epa li'a lamats' tofta'a joupa ixpic'epa LanDios. Itsiya tepi'i'molhuo'. ³⁵ Luyaipa quitine altoc'ipa, itsiya lo'iyacolhuo' al c'a. Iya' ma cunle'e, imanc' artes'mipa. Iya' micui caija', imanc' aluhui'ipa caija', aixnapa. Iya' nipayomma aculi', laicuita lofpiya' imanc' lapi'ipa cainejut'l. ³⁶ Iya' ma lahue'e' caipijahua', imanc' alummi'ipa caipijahua', aipo'nopa. Iya' lalaxtafpa, imanc' al'epa cuenna. Iya' ma capa'a lacarza, imanc' alahuejnhuo'ma."

³⁷ 'Ihe lan xanuc' naihuejcopá locuxepa LanDios almi'ma: "Malpoujna, ¿te quitine lahsimpoltsi ima' tonle'e, artes'mipo'? ¿Te quitine lahsimpoltsi ima' ticui coja', luhui'ipo', oxnapa coja'? ³⁸ ¿Te quitine lahsimpoltsi ima' mipayomma aculi', locuaita lofpiya' lapi'ipo' comejut'l? ¿Te quitine lahsimpoltsi ima' ailopa'a copijahua', lummi'ipo' copijahua' opo'nopa? ³⁹ ¿Te quitine lahsimpoltsi ima' textafhuo' o topa'a lacarza lahuejnhuo'mo'?" ⁴⁰ Iya' ninRey catalai'e'e'mola', cami'mola': "Iya' camilhuo' al linca: Imanc' loftoc'ipola' ihna'a laipimaye, tama anuli xonca aca'hua ilque loftoc'ipa, linca altoc'iponga' iya'."

⁴¹ 'Tijoula' iya' capalaic'o'mola' ihe nomana' loxa camane, cami'mola': "Imanc' joupa ecanipolhuo'. Tonfolijle pe laifpa'a. Tonlele petsi lunga aimipica. Ti'hua tunaqui. Ilque lunga LanDios ipo'nopa titef'mitsola' lonta'a Satanás jouc'a lepaluc'. ⁴² Imanc' aicaltoc'i, itsiya ixcay lo'iyacolhuo'. Iya' ma cunle'e, imanc' aicaltes'mi. Iya' micui caija', imanc' aicaluhui'i. ⁴³ Iya' nipayomma aculi', laicuita lofpiya' aicalapi'i cainejut'l. Lahue'e' caipijahua', imanc' aicalummi'i. Iya' ma laxtafpa, ma capa'a lacarza, imanc' aicalahuenge."

⁴⁴ 'Ihe lan xanuc' titalai'e'me, almi'ma: "Malpoujna, ¿te quitine lahsimpoltsi ima' tonle'e, o ticui coja'? ¿Te quitine lahsimpoltsi ima' o'huayomma aculi', ocuaita lofpiya', o ailopa'a copijahua', o textafhuo', o topa'a lacarza, y aicaltoc'ihuo'?" ⁴⁵ Iya' catalai'e'e'mola', cami'mola': "Iya' camilhuo' al linca: Imanc' olatets'ipola' ihna'a laipimaye, aicaltoc'ila', tofta'a latets'iponga' iya'. Tama xonca aca'hua ilque lolatets'ipa, ma latets'iponga' iya'." ⁴⁶ Ihniya tiyena'me petsi latecoya aimijouya. Lan xanuc' naihuejcopá locuxepa LanDios, ituca' loyalaicoyacu ihniya. Jihe titsuflai'me petsi lipitine aimijouya.

26

¹ Jesús lijoupa limipola' ts'ilihuequi ihniya lataiquí, ipalaic'ocona'mola', timila':

² —Joupa olsina' tehue'e' oquej quitine ti'i'ma al juic Pascua. Iya' ilque cal Xans Liximpa cal profeta pu'hua lema'a. Alcu'ma, lapalts'inginna lancruz.

³ Lixanuc' cal cuecaj ca'ailli' jouc'a lan tsilaj xanuc' noxpijpá lataiqui' efot'le'moltsi lejut'l cal cuecaj ca'ailli' cuftine Caifás. ⁴ Jihe ixpic'e'me lataiqui' tifel'mi'me Jesús, ti'nohe, tima'anle. ⁵ Ticuayi:

—Mi'i juic aimal'nofyacu, tixtulecu lan xanuc', titsolhuicu.

⁶ Jesús tipa'a liya' Betania, lejut'l Simón, ilque hixalconapa lehui lepra. ⁷ Jihe anuli laca'no' icuaiti pe lopa'a Jesús. Itaic' lipulu ilajncopa apic cuftine alabastro. Ihe lipulu tinango laceite tujuej c'a, acueca' lipitali. Micutsuya Jesús titesma laca'no' iloc'huai'ma, ic'ef'i'i'ma hijuac ile laceite.

⁸ Lixim'me tofta'a lo'epa laca'no', ts'ilihuequi Jesús ixtulencia. Ticuayi:

—¿Te quecani'ecopa laceite? Acueca' lipitali. ⁹ Coła' icule'ma. Jiłe al tomí lolijya tepi'im'mola' lan xanuc' pe aiquil'hueca.

¹⁰ Jesús ixina' lonespa. Timila':

—¿Te cołsueł'micopa łaca'no'? Ac'a iłta'a li'epa. Latenłma. ¹¹ Jahuay hitiné ma fa'a timana' lan xanuc' pe aiquil'hueca. Iya' aicapajnconaya. Aimałmajnconayacu anuli. ¹² Lalc'if'ipa iłta'a laceite lojuepa ac'a, joupa enanłpa iłe lał'e'nya ai'a laminna. ¹³ Iya' camilhuo' al linca: Aimimenc'ecoyacu li'epa iłca'a łaca'no'. Ni petsi li'a łamats' loya'anyacu Lataiqui' loya'apa iłe al c'a lixpicepa ŁanDios, tuya'am'me jouc'a iłe li'epa iłca'a łaca'no'. Lan xanuc' ti'nujuaisnata.

¹⁴ Anuli iłniya limbamaj coquexi' ts'ilihuequi Jesús, iłque cuftine Judas Iscariote, i'hua'ma, icuaitsi pe lomana' lixanuc' cal cuecaj ca'ailli'. ¹⁵ Timila':

—¿Tojua lapi'i'ma ja'ni cacu'ma Jesús? Imanc' toł'nołta.

Iłniya inefo'me ti'najtse'e'me anuxans quimbamaj tomí aplata. ¹⁶ Małpe 'hora Judas ipango'ma ehue'me te co'eya micuya Jesús.

¹⁷ Joupa icuai'ma litine titem'me łai aiquilajncojma levadura. (Tołta'a mi'i al juic Pascua.) Ts'ilihuequi icuaitsa pe lopa'a Jesús, icuis'e'me, timiyi:

—¿Petsi całłanc'eyoyacu całsmocoyoyacu al juic Pascua? ¿Te cofcuapa?

¹⁸ Timila':

—Tonłełe liłya' Jerusalén, lejut'ł anuli cal xans, tołmitsa: “Łałpomxi timihuo': Joupa icuaico'ma laiftełcoya. Lomejut'ł ałsmocoyo'me al juic Pascua, iya' jouc'a ts'alihuequi.”

¹⁹ Ts'ilihuequi i'ehuo'me to licuxe'e'mola' Jesús. Ilanc'ehuo'me calxmocojma al juic Pascua. ²⁰ Joupa ummuhuita, Jesús tixmocoyi jouc'a limbamaj coquexi' ts'ilihuequi. ²¹ Mitetsoyi, Jesús timila':

—Iya' camilhuo' al linca: Anuli imanc' ałcu'ma.

²² Iłniya ixhuełconca juaiconapa, ihuotsonca. Anuli anuli timiyi:

—Maipoujna, ¿te iya'? Iya' a'i.

²³ Jesús italai'e'e'mola', timila':

—Ma małtetsoyi nalacajm'miyacu lałmane al pime anuli, iłque łalcuya. ²⁴ Iya' iłque cal Xans Liximpa cal profeta pu'hua lema'a. Tama ca'hua'ma laipene ma to loya'apa al Paxi Linilngiya, iłque cal xans łalcuya, a'ijc'a loyaicoya. Juaiconapa acueca' titełco'ma iłque, ticuaj'moxi, ticua'ma: “Coła' aicaipajntsi iya”.

²⁵ Judas, iłque łocuya Jesús timi:

—Momxi, ¿te iya'?

Jesús italai'e'e'ma, timi:

—Al linca lofcuapa.

²⁶ Mitetsoyi Jesús epef'ma łai, ix'najtsi'i'ma ŁanDios, ixquetsuf'ma, epi'i'mola' ts'ilihuequi, timila':

—Tolapenufle. Tołtełe. Iłta'a aicuerpo.

²⁷ Uhuaf'ma al vaso, ix'najtsi'icona'ma, uhui'i'mola' ts'ilihuequi, timila':

—Tołsnale jahuay imanc'. ²⁸ Iłta'a aijuats' tilinc'i'ma al ts'e cataiqui' ŁanDios lopo'no'ipola' lixanuc'. Caxcuajai'ma laijuats' tołta'a cunđu'e'mola' axpela' lan xanuc', tilonc'e'em'mola' liłjunac'. ²⁹ Iya' camilhuo', jifa'a li'a łamats' aicaxnacnaya al vino. Litine tixinłe cai'Ailli' ŁanDios ticuxe, iłe litine caxnacnaya. Iłniya al ts'e vino ałsnata anuli.

³⁰ Unac'li'me anuli al salmo, ipalunca. Iye'me lijuala Olivo. ³¹ Jesús timila' ts'ilihuequi:

—Iłta'a lipuqui' imanc' tonlanaj'mołtsi. Ałpo'no'ma caituca'. Ti'i'ma to muya'e' al Paxi Linilngiya, ticua: “Caxcai'e'ma liłpoujna lam mot'ł, iłque

tima'ma. Lam mot'l tica'ne'mo'tsi.” ³² Camaf'ina'ma. Tijoula' ti'ila' to'ta'a ca'hua'ma al distrito Galilea. Ji'pe ca'huaicotolhuo'.

³³ Pedro timi Jesús:

—Tama tixtuc'otso' jahuay laipimaye, tenajtso'tsi, iya' a'i. Iya' ma qui-huej'mo'.

³⁴ Jesús italai'e'e'ma, timi:

—Iya' camihuo' al linca: I'ta'a lipuqui', ai'a tija'a'ma langiti, ima' tones'ma afanemma: “Aicainimetsaijma Jesús”.

³⁵ Pedro timi:

—Tama alma'atsonga' anuli, aicanesya: “Aicainimetsaijma Jesús”.

Ma' anuli licua'me jahuay locuenaye ts'ilihuequi Jesús.

³⁶ Jesús jouc'a ts'ilihuequi icuaitsa ji'pe cuftine Getsemani. Jesús timila':

—Imanc' to'cutso'laile jifa'a. Iya' ai'huapa lu'hua, capalaic'ota cai'Ailli'.

³⁷ Ileo'mola' Pedro jouc'a loquexi' linaxque' Zebedeo. Ipango'ma ihuotso'ma. Tixina ipime jile lo'iya. ³⁸ Timila':

—Juaiconapa cahuosma, tocomma alma'a'ma lixhuejma'. To'lananca fa'a. Ji'pe capalaic'ota LanDios. Imanc' altoc'i'ma. Ma fa'a to'palaic'o'me LanDios jouc'a. Aimol'smai'me.

³⁹ Uyai'ma nihuata, ixpats'huai'ma lamats', tixa'hue LanDios, timi:

—Mai'Ailli', ja'ni nipajnya ti'i'ma li'onc'e'ela' i'ta'a laifte'copa. Ja'ni aimi'iya, ne', ti'ila' lo'xpica'epa, a'i to'iya' lalaten'cocopa.

⁴⁰ Ipainanni, icuai'ma pe lomana' ts'ilihuequi. Ixim'mola' tixmai'yi. Timi Pedro:

—¿Te ailopa'a co'pujfxi? ¿Ni' anulij hora aimi'iya mo'maf'iyacu? ¿Te aimi'iya ma'toc'iya? ⁴¹ To'maf'ile. Aimol'smai'me. To'sahue'ete LanDios titoc'itsolhuo', aimehuaiyim'molhuo'. Imanc' to'cuayi: “A'snet'l'me”. A'i, lo'cuerpo aimi-toc'ilhuo'. Aimi'iya mijucuya.

⁴² I'huacona'ma, ixa'huecona'ma LanDios, timi:

—Mai'Ailli', ja'ni aimi'iya mal'onc'e'eya laifte'copa, ja'ni jounpa oxpic'epa cate'co'ma, ma to'ta'a ti'ila'. Ne', tixhuaitsi laifte'copa.

⁴³ Ipaiconamma pe lomana' ts'ilihuequi. Ixingona'mola' tixmaiconayi. Tixinyi timufquemma li'u'. Ticui quilehui. ⁴⁴ Ipo'nocona'mola' quituca'. Jounpa i'ipa afanemma mipalaic'o LanDios. Ma' anuli tixa'hue. ⁴⁵ Icuai'conanni pe lomana' ts'ilihuequi. Timila':

—¿Te ti'hua to'smai'yi? ¿Te ti'hua tulunxajyi? ¡To'sinte! Jounpa icuai'ma lai'hora. Iya' i'tque cal Xans Liximpa cal profeta pu'hua lema'a, jounpa a'cumpa. Icuaita quitmane lan xanuc' pe aimihuejcoyi LanDios. ⁴⁶ ¡To'solinca! ¡Lenapá! To'sinte jilcu'hua icuaico'ma la'cuya.

⁴⁷ Mipalay Jesús icuaitsi Judas, i'tque anuli i'niya limbamaj coquexi' ts'ilihuequi Jesús. Ileo'la' axpela' lan xanuc', i'taic' li'espada, li'ec. Ummem-pola' lixanuc' cal cuecaj ca'ailli' jouc'a lan tsilaj xanuc' noxpijpá lataiqui'.

⁴⁸ I'tque nocuya Jesús jounpa imipola' i'ne lan xanuc': “Iya' camuc'itolhuo' naitsi Jesús. I'tque laiftuc'oya ma'tque Jesús. ¡To'no'he!” ⁴⁹ Aiquicol'ma. Judas icuaitsi pe lopa'a Jesús, inom'ma, timi:

—¡Momxi!

Ituc'o'ma.

⁵⁰ Jesús timi:

—Maipima, i'te lof'eya, jto'ela'!

Lan xanuc' icuaitsa, i'no'l'me Jesús. ⁵¹ Anuli i'tejmale Jesús ipa'a'ma li'espada, ixcai'e'ma limozo cal cuecaj ca'ailli', etec'e'e'ma lix'mas. ⁵² Jesús timi:

—Tamuf'minla' lo'espada licubierta. Jahuay noma'ahualecopá a'espada, i'ne tima'acom'mola' jouc'a a'espada. ⁵³ Iya' nipajnya cajoc'i'ma cai'Ailli', i'tque

aimicoŷya, tumme'mola' lepaluc' quema'a, ticuaicu pe laifpa'a. Juaiconapa axpela' tumme'mola', tixhuaispola' to imbamaj coquexi' lincuxepa jouc'a lanxpela' lilepaluc', o xonca. Lunŷu'ena'ma. ¿Te aicoŷsina' toŷta'a? ⁵⁴ Iya' aicajoc'iya cai'Ailli'. Ja'ni cajoc'ila', ¿te co'iya menanŷya al Paxi Lininŷingiya loya'apa? He lataiqui' tuya'e' toŷta'a laŷ'iya.

⁵⁵ Jesús ipalaic'o'mola' lanxpela' xanuc' licuaiyunca ti'noŷhe. Timila':

—¿Te coŷcuaiyoco'me fa'a oŷtaic' loŷ'espada, loŷ'ec aŷ'noŷta'? ¿Te toŷcuayi iya' ninma'ahuale, nin-namas? Itine itine cacutsay pe lopa'a al cuecaj xoute', camuc'ila' lan xanuc', a'i caŷ'noŷi. ⁵⁶ Ne'. Tenanŷta' liŷtaiqui' luya'apa lam profeta. Iniya joupa uya'apá laŷ'iya toŷta'a.

Lixanuc' Jesús inulai'me, ipo'no'me Jesús quituca'.

⁵⁷ Lan xanuc' li'noŷ'me Jesús ileco'me pe lopa'a cal cuecaj ca'ailli' cuftine Caifás. Jiŷpe joupa efot'ŷeyoŷtsi lomxiye nomuc'iyalepá locuxepa LanDios, jouc'a lan tsilaj xanuc' noxpijpá lataiqui'. ⁵⁸ Pedro ihuej'ma aculi'. Licuaitsi lejut'ŷ cal cuecaj ca'ailli' itsufai'ma lipuna quejut'ŷ, icutsingai'mola' lepaluc' al cuecaj xoute'. Ti'huaico'ma lo'iya.

⁵⁹ Lixanuc' cal cuecaj ca'ailli' jouc'a lan tsilaj xanuc' noxpijpá lataiqui' iŷpic'a tixpic'ente tima'ante Jesús. Tehuennila' nofelŷaiquepá ticufle, tinesle: “Toŷta'a, toŷta'a lo'epa”. ⁶⁰ Axpela' linfel'miyale icuf'me Jesús. Iniya aici'ic' quilecani'e. Icuaitsa oquexi' linfel'miyale. ⁶¹ Iniya icuf'me Jesús, ines'me:

—Iŷca'a cal xans icuapa: “Iya' cateŷ'ma lejut'ŷ LanDios. Ti'ila' afane' quitine, iya' joupa ailanc'enapa.”

⁶² Ecax'ma cal cuecaj ca'ailli', timi Jesús:

—Iŷne lan xanuc' ticufhuo'. ¿Te aimotalai'eyacola'?

⁶³ Jesús i-ch'ixco'ma. Cal cuecaj ca'ailli' timi:

—LanDios Limaf'i' joupa lapi'ipa laimane cacuxe'e'mo', lu'itsonga'. Aŷmifa' ¿te ima' unCristo i'Hua LanDios?

⁶⁴ Jesús timi:

—Al linca loŷcuapa. Iya' camilhuo' jahuy imanc', ticuaihuo litine imanc' aŷsim'ma ma cacutsu al c'a camane cal Cuecaj CanDios. Iya' iŷque cal Xans Liximpa cal profeta pu'hua lema'a. Imanc' aŷsim'ma quimuhuo lema'a, cacuaiyoconno lamats' nolojmay cummahuay lema'a.

⁶⁵ Licuej'ma jiŷiya licuapa Jesús, cal cuecaj ca'ailli' its'aŷ'ma lipijahua'. Toŷta'a imujpa lipoyac'. Aiquetenŷcoco'ma licuapa Jesús. Ipalaic'o'mola' lixanuc', iŷne nomana' jiŷpe, timila':

—Iŷque cal xans tetets'i LanDios. Ixcay linespa. ¿Te calahuecoyacola' ocuenaye xanuc' ticufle? Joupa oŷcuejpá imanc' linespa, etets'ipa LanDios.

⁶⁶ Imanc', ¿te coŷcuapá?

Iŷne italai'e'e'me timiyi:

—Tipa'a lijunac'. ¡Tima'ante!

⁶⁷ Ipango'me itsuŷco'me li'a, untaf'me, ete'me. ⁶⁸ Timiyi:

—Ima' unCristo, tocu'aŷa' naitsi luntafpo'. Ima' lu'itsonga'.

⁶⁹ Pedro ticutsu luna. Iŷoc'huai'ma anuli ŷahuats', timi:

—Ima' jouc'a unŷejmale Jesús ŷas Galilea.

⁷⁰ Pedro icuanaj'ma, timi:

—Aicaicueca loŷnespa.

Lan xanuc' nomana' jiŷpiya icuej'me locuapa.

⁷¹ Pedro enaj'moxi, i'hua'ma jiŷpiya lotsufaicompa lane. Jiŷpe ocuena ŷahuats' ixim'ma. Iŷque ipalaic'o'mola' lan xanuc' nacaxoŷanna, timila':

—Iŷque cal xans iyejmalepa Jesús ŷas Nazaret.

⁷² Pedro inescona'ma, icuanajcona'ma. I'e'ma jurar, timi:

—Aicainimetsaijma itque cal xans.

⁷³ Uyai'ma nihuata. Ihe nacaxolanna itoc'huai'me maŕpe lacaxu Pedro. Timiyi:

—Ma' aŕinca ima' onŕejmale Jesús. Ma to mipalaiyi lun Galilea, jouc'a ima' topalay. Ima' mas Galilea.

⁷⁴ Pedro i'econa'ma jurar, timila':

—Iya' camilhuo' al linca. Ja'ni a'i, aŕma'aŕa' LanDios. Aicainimetsaijma itque cal xans.

Aiquicoŕ'ma. Ija'a'ma langiti. ⁷⁵ Pedro i'nujuaitsi ite lu'i'ma Jesús, limi'ma: “Ai'a tija'a'ma langiti, ima' tones'ma afanemma: Aicainimetsaijma Jesús.” Ipanni, ijojpa talay lunxajma'.

27

¹ Li'ipa quitine, lixanuc' cal cuecaj ca'ailli' jouc'a lan tsilaj xanuc' noxpijpa lataiqui' efot'lecona'moŕtsi. Ixpice'me tima'anŕe Jesús. ² Ifi'e'me Jesús, ileco'me jilpiya pe lopa'a cal gobernador romano cuftine Pilato.

³ Licupa Jesús, cuftine Judas, lixim'me tima'anna Jesús, ixhuej'menni li'epa. Itai'ma al nuxans quimbama' tomij plata, icuaitsi pe lomana' lixanuc' cal cuecaj ca'ailli' jouc'a lan tsilaj xanuc'. Icuftintola' liŕtomí. ⁴ Timila':

—Aiximpa ixcay lai'epa. Aicupa itque cal xans tima'anŕe. Ailopa'a qui-junac'.

Ihe italai'e'e'me, timiyi:

—Illanc', ¿te caŕ'eyacu? Ima' cotuca' o'epa. ¡Toxinŕa' ima'!

⁵ Judas eca'nipa al tomí al cuecaj xoute'. Ipanni, i'hua'ma ijujnyoxi.

⁶ Lixanuc' cal cuecaj ca'ailli' epef'napá liŕtomí. Timiyotŕtsi:

—¿Te caŕ'e'eyacu ita'a al tomí? Ita'a aŕ'najtse'ecopá Judas ticuŕa' Jesús tima'anŕe. Aimi'iya maŕ'huantsiyacu al tomí li'huexi al cuecaj xoute'.

⁷ I'e'moŕtsi anuli liŕpicuejma'. Timiyotŕtsi:

—Ita'a al tomí aŕ'naco'me ŕemats' lintalhuaŕpa capixu. Jilpe lamutola' lan xanuc' noyouyomma ocuenaye nación.

⁸ Jilpe ŕemats' ecui'impá ocuena quipuŕtine, ecui'ipá: Amats' cajuats'. Itsiya litine toŕta'a tecui'inni. ⁹ Toŕta'a enanŕpa licuapa cal profeta Jeremías luya'apa: “Epef'na'me al nuxans quimbama' tomij plata. Jilpiya pe lomana' lan xanuc' Israel itiya al tomí ti'ommaita lo'nacompa anuli cal xans. ¹⁰ Lijou'ma maŕe al tomí i'nacopá ŕemats' lintalhuaŕpa capixu. Toŕe laŕcuxe'epa laŕPoujna LanDios.”

¹¹ Jesús tecaxu pe lopa'a Pilato, cal gobernador romano. Itque icuis'e'ma, timi:

—¿Te ima' unrey? ¿Te ima' tocuxe'mola' lan xanuc' judío?

Jesús italai'enni, timi:

—Al linca loŕcuapa.

¹² Lixanuc' cal cuecaj ca'ailli' jouc'a lan tsilaj xanuc' noxpijpa lataiqui' icuf'me Jesús. Itquiya aiquipalaic', aiquitalai'e. ¹³ Pilato icuis'e'ma, timi:

—¿Te aimocueca locuapa itniya? Juaiconapa ticufhuo'.

¹⁴ Jesús aiquitalai'e. Ailopa'a quitaiqui'. Pilato ixhueŕco'ma. Icuapa lipicuejma': “Itca'a Jesús, ¿te qui'icopa aimitalai'e?”

¹⁵ Ajuic ajuic Pascua cal gobernador romano tux'masqui anuli hitats'iya, to mixahue'eyi lan xanuc'. ¹⁶ Ihe litine tipa'a anuli cal xans hitats'iya cuftine Barrabás. Itque jahuay imetsaiconni.

¹⁷ Lijoupa lefoŕnni, Pilato icuis'e'mola', timila':

—¿Naitŕi caifnux'masya? ¿Naitŕi ts'oŕpic'a? ¿Oŕpic'a Barrabás? O ¿oŕpic'a Jesús, itque ŕacui'impá cal Cristo? ¿Te coŕcuapa?

18 Toŋta'a licuapa Pilato, timetsaicola' ihniya lan xanuc' liŋpicuejma', iŋne nicuai'eta Jesús. Ixina' ma ti'eyi laic'.

19 Micutsu Pilato ti'ay lipenic' to cal juez, hipeno umme'ma cataiqui', ticua: “Ima' topo'noxoxi cuenna. Iŋque cal xans ailopa'a quijunac', aimo'e'e'ma ni tintsí. Lipuqui' aipaiyocopa iŋquiya. Aŋspaijpa juaiconapa.”

20 Lixanuc' cal cuecaj ca'ailli' jouc'a lan tsilaj xanuc', joupa ixc'ai'impola' lan xanuc', imimpola':

—Toŋsahue'eŋa' Pilato, toŋmiŋe: “Tox'masla' Barrabás, tocuxeŋa' tima'anŋe Jesús”.

21 Pilato icuis'e'mola', timila':

—Iŋna'a loquexi' litats'ila', ¿naitsi caifnux'masya? ¿Nai ts'oŋpic'a?

Italai'enca, timiyi:

—¡Barrabás!

22 Pilato icuis'econa'mola', timila':

—¿Te caif'e'eya Jesús, iŋque ŋacui'impá cal Cristo?

Jahuay italai'enca, timiyi:

—¡Tapaŋts'ijnla' lancruz!

23 Pilato icuis'econa'mola', timila':

—¿Te qui'epa? ¿Te caifnepaŋts'ijncoya lancruz?

Lan xanuc' xonca ujfxi ija'a'me, timiyi:

—¡Tapaŋts'ijnla' lancruz!

24 Pilato ixina' aimulijya. Ixim'mola' ixtulencia, epaŋt'ŋ-tola' liŋpicuejma'. Icuxe'ma ti'hua'anca quija' tulouco'ma, tixinŋe lan xanuc' iŋe lo'eya. Timila':

—Ja'ni imanc' toŋspic'eyi tima'anŋe iŋca'a cal ŋjca xans, iya' aicataiyinge lajunac'. Imanc' linca toŋtaiyijm'me loŋjunac'.

25 Jahuay italai'enca, timiyi:

—Ne'. Aŋtaŋe laŋjunac' illanc' jouc'a laŋnaxque'. ¡Tima'anŋe!

26 Pilato ux'masna'ma Barrabás, ma to lixahue'e'me lan xanuc'. Icuxe'ma tipaŋe Jesús. Lijou'ma icu'ma Jesús tileco'me lan soldado, tepaŋts'ijnŋa lancruz.

27 Ihniya lisoldado cal gobernador ileco'me Jesús, itsufai'e'me lejut'ŋ Pilato. Jiŋpiya efot'ŋe'moŋtsi jahuay liŋf'as soldado. 28 Ipa'e'me lipijahua', ipo'no'i'me anuli litoqui lijahua' unxali, to lopo'nopa lan rey. 29 Ipuŋf'me anuli al corona quitac, ic'ommof'i'i'me ŋjuac. Al c'a camane i'noŋf'i'i'me anuli al jaxa. Exc'onŋingai'me, ixoco'me, timiyi:

—Aŋnonghuo', ima' unrey. Ima' tocuxe'mola' lan xanuc' judío.

30 Itsuŋco'me. Exic'e'ena'me al jaxa, ipango'me untaŋf'e'eco'me al jaxa ŋjuac. 31 Lijoupa lixocopa, ipa'ana'me lijahua', ipo'no'icona'me ma lipijahua'. Iŋeco'me petsi lapaŋts'ijnnyoyacu lancruz.

32 Lipalunca, licuaitsa lane, italecuf'me anuli cal xans cuftine aSimón. Iŋque cal xans a'i quipiŋya' jiŋpe Jerusalén. Lipiŋya' lipuŋftine Cirene. Iŋque icuxe'e'me titaiŋa' lencruz Jesús.

33 Icuaitsa petsi cuftine Gólgota, iŋta'a lataiqui' lohuaŋquemma: Pe lopa'a ŋecoye. 34 Jiŋpiya icufim'me Jesús al vino uhuantsi acuaj c'ec. Tixnaŋa' iŋe al vino aijtine mixingufcoya ŋumla. Jesús ixnac'opa, lijoupa aiqixnaic'.

35 Epaŋts'ingim'me lencruz.

Ihniya lan soldado no'epaj cuenna Jesús if'ilco'me, ixim'me naitsi nolijya lipijahua'. 36 Icutsoŋai'me, i'e'me cuenna.

37 Al toncay ŋjuac Jesús epaŋts'ingimpa lacaxma, jijiya iniiŋya licufcopa. Tuya'e': “Iŋca'a Jesús, ŋiŋrey lan xanuc' judío”.

³⁸ Jout'a Jesús epalts'ingila' oquexi' lan namats'. Anuli tipa'a al c'a camane, locuena loxa camane. ³⁹ Lan xanuc' luyalaico'me jilpiya imiloj'me cataiqui', ife'ne'me hiljuac, ⁴⁰ timiyi:

—Ima' nofmetelya al cuecaj xoute', tuyaila' afane' quitine joupa olanc'enapa, jitsiya tonlu'exoxi! Ja'ni ima' i'Hua LanDios, j'taimunni lancruz!

⁴¹ Toliya ixoco'me jout'a lixanuc' cal cuecaj ca'ailli', jout'a lomxiye no-muc'iyalepá locuxepa LanDios, jout'a lan tsilaj xanuc' noxpijpá lataiqui', tinesyi:

⁴² —Ihquiya unlu'e'mola' locuenaye. Itsiya aimi'i munlu'eyoxi. Illanc' ixanuc' Israel, ja'ni ihque ahrey, j'timunni lancruz! Tole hınca lapenuf'me. ⁴³ Ihquiya ti'huaiyinge LanDios. Ticua: “Iya' i'Hua LanDios”. Ne'. Ja'ni LanDios timetsaicojma, tunlu'ela'.

⁴⁴ Loquexi' lan namats' lepaalts'ingila' jout'a, ihniya ixoco'me.

⁴⁵ Al menac'o imufc'o'ma lema'a. Ni petsi jilpiya lamats' tocomma ipuqui'. Afanej hora icołpa al muf. ⁴⁶ Ixhuaitsi to al fanej hora, Jesús ija'a'ma ujfxi, ticua:

—Elí, Elí, ¿lama sabactani?

Ihiya lataiqui' luhualquemma: Ima' mainenDios, ¿te calacanjcopa?

⁴⁷ Lan xanuc' nacaxhuolanna jilpiya, oquexi' afantsi ihniya icuej'me lines'ma Jesús, ines'me:

—Tijoc'i' cal profeta Elías.

⁴⁸ Anuli ihniya aiqicoł'ma, inu'ma, itaitsi anuli al esponja, ijac'eco'ma al cuxac vino, icants'i'ma lupa al jaxa, i'nof'e'ma, icuai'etsi lico Jesús, titsif'la'.

⁴⁹ Ocuenaye ticuayi:

—¡Tole! Ałsim'me ja'ni ticuaihuo Elías tunlu'e'ma.

⁵⁰ Jesús ija'acona'ma ujfxi. Ummena'ma ti'huanta' hi'espíritu, imana'ma. ⁵¹ Jilpe al cuecaj xoute' al paxi lajut'ł lotsufaicompa etemf'icoya anuli lijahua'. Limana'ma Jesús, ihle lijahua' its'ahuf'i'ma, ijof'ico'ma al toncay, xejmay i'i'ma. Inu'ma lunanto, ixquetsuf'i'ma lapic'. ⁵² Ihna'a liłpu'hua limanapola' exinni. Axpela' limapola' imaf'ina'me, ihne ma li'huijf'epola' LanDios. ⁵³ Ihne ipalunca liłpu'hua. Limaf'ina'ma Jesús ihniya itsuflaipá Jerusalén, ihle al paxi quilya'. Axpela' lan xanuc' ixinim'mola' ihniya nimaf'inapá.

⁵⁴ Liłpincuxepa lan soldado, jout'a lan soldado ihne no'epá cuenna Jesús, lixingufco'me lunanto, jout'a jahuay li'i'ma, tixpailiquila' juaiconapa, timiyoltsi:

—Ma ahınca ihca'a cal xans i'Hua LanDios.

⁵⁵ Jilpe timana' axpela' lacał'no'. Huata caj culi' tecaxolanna, tehuelojnyi lo'ipa. Ihne lacał'no' itoc'ipá Jesús. Ipalunca al distrito Galilea, ihuej'me Jesús, icuaitsa Jerusalén. ⁵⁶ Anuli ihniya lipuftine María łas Magdala, locuena cuftine María, ihque ih'máma' Jacobo y José. Jout'a tipa'a quił'máma' Jacobo y Juan, ihniya loquexi' quił'ailli' Zebedeo.

⁵⁷ If'acolaiapa. Icuaitsi anuli cal xans łas Arimatea, cuftine aJosé. Ihque cal xans acueca' qui'huexi. Ihuequi Jesús. ⁵⁸ I'hua'ma pe lopa'a Pilato. Ix-ahue'etsi tepi'inle licuerpo Jesús. Pilato icuxe'ma tepi'inałe. ⁵⁹ José epenuf'ma licuerpo Jesús, iju'e'ma anuli al ts'e lijahua' ipuficoya alino. ⁶⁰ I'hua'a'me lamu'enyacu Jesús, ihle unts'eja', ats'e. Małque José ipuc'opa lapic, ilanc'epa łunts'eja'. Jilpiya i'nicotsi Jesús. Imelfai'etsi anuli cal cuecaj capic teti'ico'ma lico cunts'eja'. I'huana'ma. ⁶¹ Jilpe ticutsołanna María łas Magdala y locuena María, tehuelojnyi al pu'hua cunts'eja'.

⁶² Jiŕpe litine avispera. Lihuequi litine ti'i'ma itine conxajya. He litine conxajya lixanuc' cal cuecaj ca'ailli' jouc'a lam fariseo iyehuo'me, ixintsa Pilato. ⁶³ Timiyi:

—Maŕpoujna, aŕnujuaisyi linespa iŕque iñfel'miyale. Mipa'a iŕque ines'ma: “Tuyaila' afane' quitine camaf'ina'ma, quipayonno pe lomana' lamizhua”.

⁶⁴ Itsiya aŕsahue'ehuo' tocuxela' tiyeŕe hunts'aja', ti'entsa cuenna afane' quitine. Ja'ni a'i, aga tiye'me lipuqui' ts'ilihuequi tinantsenna, tipa'anna. Tijoula' tu'innola' lan xanuc': “Iŕque imaf'inapa, ipanamma pe lomana' lamizhua”.

⁶⁵ Pilato timila':

—Ne'. Tonŕente. Toŕsinna loŕeyacu. Toŕhecole coŕsoldado. Ti'etsa cuenna jiŕpiya.

⁶⁶ Iye'me. Jiŕpe ŕapic ŕopa'a lico cunts'aja' ipa'ninc'itsa hiŕello cal gobernador romano. Imanenca lan soldado i'e'me cuenna. Ticuayi:

—Aimexi'em'me.

28

¹ Joupa uyaipa litine conxajya. I'ipa quitine al te'a quitine al xamano. María ŕas Magdala jouc'a ŕocuenaj María iye'me ixintsa hunts'aja'. ² Licuaitsa nungay hunts'aja' iximpá joupá inupa acuecaj cunanto.

Li'ipa ŕiya imunni lema'a anuli ŕepaluc ŕaŕPoujna LanDios. Iŕque ŕapaluc quema'a joupá icuaita pe lopa'a hunts'aja', iŕonc'epa ŕapic ŕeti'icompá lico cunts'aja', icutsafcaic'. ³ Li'a tunts'ifi to lixcuaflay. Lipijahua' ma afujca to cal nieve. ⁴ Lixim'me lan soldado ixpailij'mola', iyu'mola', imanenca to limac'la.

⁵ Licuaitsa jiŕpe lacaŕ'no', ŕapaluc quema'a ipalaic'o'mola', timila':

—Aimixpailij'molhuo'. Aixina' naitsi conlahuepa. Tolahueyi Jesús, iŕque ŕepaŕts'ingimpa lancruz. ⁶ Fa'a ailopa'a. Ma to luya'apa joupá imaf'inapa. Tonŕouyunca. Toŕsinna pe lipo'no'empa. ⁷ Tijoula' aimicoŕ'molhuo' tonŕeŕe pe lomana' ts'ilihuequi. Toŕmitsola': “Jesús imaf'inapa. Ipayonamma pe lomana' lamizhua. I'huanapa Galilea. Imanc' tonŕeŕe jiŕpiya. Toŕsinnata.” Toŕta'a laitaiqui', joupá nu'ipolhuo'.

⁸ Lacaŕ'no' aits'icoŕ'mola' jiŕpiya hunts'aja', ipailinanca. Iye'me tinulyi tu'innola' ts'ilihuequi Jesús. Tama tixpailiquila' tixoqui quileta. ⁹ Miyeyi lane italecuf'mola' Jesús. Iŕque inom'mola' ma to mi'ay. Lacaŕ'no' iŕoc'oŕai'me, exc'onŕingolai'me, i'noŕ'e'e'me li'mitsi'. ¹⁰ Jesús timila':

—Aimixpailij'molhuo'. Tonŕeŕe. Toŕmitsola' laipimaye tiyeŕe Galilea. Jiŕpiya aŕsinnoŕtsi.

¹¹ Lan soldado, iŕne ni'epá cuenna hunts'aja', joupá iyenapá. Miyeyi lacaŕ'no' hualca iŕniya lan soldado icuainatsa ate'a Jerusalén. Jiŕniya ipalaic'om'mola' lixanuc' cal cuecaj ca'ailli', uya'a'me jahuay liximpa. ¹² Lixanuc' cal cuecaj ca'ailli' jouc'a lan tsilaj xanuc' noxpijpá lataiqui' efot'ŕepoŕtsi. Ixplic'e'me lo'eyacu. Epi'im'mola' lan soldado acuecaj tomí. ¹³ Icuxe'em'mola', timinila':

—Toluya'a'me: “Li'ipa lipuqui' icuaita ts'ilihuequi Jesús, ipa'ahuona'me. Illanc' aŕsmaipá.” ¹⁴ Cal gobernador romano, ja'ni ticuejla' imanc' oŕsmaipá, illanc' aŕpalaic'ota. Imanc' ailopa'a co'e'eyacolhuo'.

¹⁵ Lan soldado epenuf'me al tomí, uya'a'me ma licuxe'empola'. Itsiya litine ma' anuli tinesyi lan xanuc' judío.

¹⁶ Limbamaj nuli ts'ilihuequi Jesús iye'me Galilea, icuaitsa hijuala petsi iŕque limipola' tiyeŕe. ¹⁷ Jiŕpiya ixim'me Jesús. Jahuay exc'onŕingolai'me. Hualca ixhuelco'me, ticuayi: “¿Te maŕque Jesús o ocuena?”

¹⁸ Jesús iŕoc'ai'mola', timila':

—Joupá lapi'impá laimane, cacuxe jahuay lopa'a lema'a, jahuay lopa'a li'a ŕamats'. ¹⁹ Itsiya camilhuo': Tonŕeŕe jahuay li'a ŕamats'. Ni petsi lomanc'eyacu

lan xanuc' tolu'itsola' laitaiqui', lihuejla'. Tolapo'itsola' ti'itsola' ixanuc' cai'Ailli' LanDios, jouc'a aixanuc', iya' i'Hua LanDios, jouc'a ixanuc' cal Espiritu Santo. Tohiya tolcuaj'mi'me lam fane' laftine. ²⁰Tohmuc'itsola' tihuejcole jahuary laitaiquí laicuxe'epolhuo'. Aicapo'noyacolhuo' coltuca'. Itine itine ałmajm'me anuli. Ticuaitsi Lijoujma Quitine ma tołta'a ałmajm'me.

LATAIQUI' LINIŁPA SAN MARCOS LOYA'APA İLE AL C'A LIXPIC'EPA ŁANDIOS

¹ Fa'a tipa'a linihiya lixic'epa ŁanDios. İhe lataiqui' ac'a loya'apa, tipalaijma Jesucristo, iłque İi'Hua ŁanDios. Cu'i'molhuo' te ts'i'ic' lipangopa luya'ampá iıe lataiqui'. ² Jiłpe lije'e cal profeta Isaías inihjmpa lo'ıya. İhe liniłpa tuya'e' te ts'i'ic' linespa ŁanDios, ticua:

¡Aıquimf'ela'! İya' cumme'ma łainepaluc, iłque ticuaita ate'a, tilanc'e'eto' lopene.

³ Pe ailopa'a quiıya' iłque tuya'ata, tu'itola' lan xanuc' lafot'leyacołtsi, tu'itola': "Tołłanc'e'e'e lipene łalPoujna. Toł'e'e'e ałıjca lane pe loyaicoya."

⁴ Licuaiyunni Juan Bautista enanłpa iıe lataiqui'. Małque Juan epaluc ŁanDios hipalaicopa Isaías.

Icuaitsi Juan al pana' Jordán pe ailopa'a quiıya'. Jiłpe tepo'iyale. Tu'ıla' tixhuej'menanca lo'epa lixcay. Tepoliıe. ŁanDios tiłonc'e'e'mola' liłjunac'. ⁵ Lan xanuc' ni petsi lomana' al distrito Judea, jouc'a jahuay lan xanuc' nomana' liıya' Jerusalén, ipalunca hiłpileloıya', iye'me, icuaitsa pe lopa'a Juan. Uya'a'me li'epa lixcay. Ticuayi: "Aııuej'menamma". Juan epo'i'mola' al pana' Jordán.

⁶ İłque Juan lipijahua' ipufcompa ipimij camello. Lifi'ejma ixmi. Litejua' łotepa axa'muł y acujua c'ec. ⁷ Tuya'e', tu'ıla':

—İya' aicuai'ma ate'a. Tijouła' ticuaihuo ocuena xonca acueca'. İya' aimal'onspa to iłque, caxina alaic'ata, aimi'ıya cuhuałc'eya lic'ejı'. ⁸ İya' capo'icolhuo' aja', iłque ticuaiyunni tepo'ico'molhuo' cal Espıritu Santo.

⁹ İhe łitiné Jesús ipanni al distrito Galilea, jiłpe liıya' Nazaret. Icuaitsi al pana' Jordán jiłpe Juan epo'i'ma. ¹⁰ Lipanni Jesús laja', ixim'ma eximma lema'a, ixim'ma cal Espıritu Santo ti'onłcospa to cal fujca ja'mu', imunni, icuaitsi pe lacaxu, ihuoxaf'caitsi. ¹¹ Jesús icuej'ma jiłpe lema'a tipalay, timi:

—İma' mai'Hua, ca'ehuo' capic'a juaiconapa. Latenłma lopticuejma' jouc'a lo'ejma'.

¹² Lijou'ma aikuicoł'ma, cal Espıritu Santo i'hua'a'ma Jesús, icuaitsi pe ailopa'a quiıya'. ¹³ Jiłpiya ipajntsi oquej nuxans quitine pe lomana' lan ximalo quinnejı. Łonta'a Satanás ehuaı'ma. Icuaitsa lapaluc' quema'a, itoc'i'me.

¹⁴ Lijoupa litats'empa Juan Bautista, Jesús ipanni al distrito Judea. I'hua'ma al distrito Galilea. Jiłpe tuya'e' lixic'epa ŁanDios, iıe lataiqui' ac'a loya'apa.

¹⁵ Tu'ıla' lan xanuc':

—Fa'a li'a łamats' ŁanDios cal Cuecaj Rey ticuxela' lixanuc'. Tołıuej'menca. Tolapenufle Lataiqui' loya'apa iıe al c'a lixic'epa ŁanDios.

¹⁶ Anuli litine Jesús ti'hua łema al cuecaj quin'nuhua' cuftine Galilea. İxim'mola' Simón jouc'a Andrés, iłque ipima Simón. İhe lapimaye in'nołpá catuye, tecajm'miyi liłxami łaja. ¹⁷ Jesús timila':

—¡Lihuejla'! Capi'i'molhuo' ocuena cołpenic'. Aimolahueconayacola' latuye. Tolahuetola' lan xanuc' lihuejla'.

¹⁸ Aits'icoł'mola'. Simón jouc'a Andrés ipo'no'me liłxami. İhuej'me Jesús.

¹⁹ İye'me nihuata, Jesús ixim'mola' Jacobo i'hua Zebedeo, jouc'a Juan, iłque ipima Jacobo. İhe tusc'olanna al barco, tipufmot'leyi liłxami. ²⁰ Aıquicoł'ma, Jesús ijoc'i'mola'. İniya ipo'nom'mola' Zebedeo quił'ailli' jouc'a no'epá canic' imanenca al barco. İhuej'me Jesús.

²¹ Iye'me liya' Capernaum. Litine conxajya i'hua'ma Jesús lajut'ł pe lafołyomma. Jiłpiya imuc'i'mola' lan xanuc'. ²² Ihe lan xanuc' ixim'me ac'a lomuc'iyalepa Jesús, ixim'me icueya limane. Ticuayi:

—Acueca' ilque litaiqui'. Lałpomxiye nomuc'iyalepá locuxepa LanDios, ilhe aimi'onłspola' to Jesús.

²³ Jiłpiya pe lafołyomma tipa'a anuli cal xans litsufaipa conta'a. Cal xans ija'a'ma ujfxi. ²⁴ Timi:

—Ima' conJesús mas Nazaret, ¿te cof'epa? ¿Te cotsufaicomma ima' fa'a pe lałmana'? ¿Te aga ocuai'ma fa'a ma le'a aljou'ne'monga'? Iya' nimetsaicohuo'. Ima' umPaxi, o'huayomma LanDios.

²⁵ Jesús itale'ma, timi:

—¡Ti-ch'ixcotso'! ¡Taipanni ilca'a cal xans!

²⁶ Lonta'a ife'ne'ma ujfxi cal xans, ija'a'ma ujfxi, ipananni. ²⁷ Lan xanuc' nomana' jiłpe lajut'ł ixim'me acueca' li'ipa. Icuis'e'moltsi, timiyoltsi:

—¿Te jale ilta'a lataiqui'? Ilca'a Jesús ituca' lomuc'iyalepa. Icueya limane, jouc'a lontahue ticuxela', ilhe ticuec'eyi.

²⁸ Aiquicoł'ma. Ixpehuaitsi lataiqui' loya'apa li'epa Jesús. Ni petsi al distrito Galilea icuej'me li'ipa.

²⁹ Jesús jouc'a ts'ilihuequi, ilniya Simón, Andrés, Jacobo y Juan, ipalunca lajut'ł pe lafołyomma, iye'me lilejut'ł Simón y Andrés. ³⁰ Li'maco Simón tunouya textafque. Tepi'i quipinu'. Aiquicoł'ma, u'i'me Jesús textafque łaca'no'.

³¹ Jesús iloc'huai'ma pe lopa'a łaxtafpa. I'noł'e'ma limane. Icutsu'ma łafcuana. Ihojn-na'ma lipinu'. Ixałcona'ma. Itsahuenanni, ites'mi'mola'.

³² Ihe litine joupá if'acolaipa i'ipa ipuqui', lan xanuc' iltaic' lilefcuallay, jouc'a litsufłaiyila' contahue. ³³ Jahuay lan xanuc' nomana' liya' icuaiyunca, efołunni lico lajut'ł. ³⁴ Jesús ixał'mena'mola' axpela' lan xanuc', axpej cuana. Jouc'a icuxe'mola' lontahue tipalnanca lan xanuc'. Lontahue imetsaico'me Jesús. Ilque ticua: “Lontahue aimuya'acona'me”. Tołiya i-ch'ixc'e'mola'.

³⁵ Icuaitsi lihic'ejma ma' aquipuqui', Jesús itsahuenni, ipanni liya', i'hua'ma petsi ailopa'a quilya'. Jiłpe ipalaic'o'ma LanDios. ³⁶ Simón jouc'a liłejmale ehue'me Jesús. ³⁷ Ixim'me, timiyi:

—Lan xanuc' tehuehuo'.

³⁸ Jesús timila':

—Lepá. Lepá łaiquifelołya' lan huejnca lomana'. Ticuicomma cu'itsola' jouc'a ilniya Lataiqui' loya'apa ilhe al c'a lixplic'epa LanDios.

³⁹ Ti'huaf'cay jahuay al distrito Galilea, lajut'łi pe lafołyomma lan xanuc', jiłpe tu'iyale ilhe Lataiqui'. Tipa'e'ela' lan xanuc' liłpontahue.

⁴⁰ Anuli litine icuaitsi pe lopa'a Jesús anuli cal xans iteca cahuí, ilhe al cuana cuftine al lepra. Ilque exc'onłingai'ma. Tixahue'e, timi:

—Ja'ni ima' opic'a, nipajnya ałsał'mena'ma laicuana. Al'inla' limpio.

⁴¹ Jesús ixim'ma acuanuc' łafcuana. I'nij'ma limane. Ixpayaf'ma, timi:

—Ne', aipic'a. Iya' caxał'me'mo'. ¡Tixałcontso'! ¡Ti'intso' limpio!

⁴² Aiquicoł'ma, ilhojn-na'ma lehui, ixałcona'ma. ⁴³ Aiquicoł'ma, Jesús ixc'ai'i'ma, ⁴⁴ timi:

—Aimo'itola' lan xanuc' ilhe lai'e'epo'. Aimoyout'le'ma. Nij naitsi nocuejya. To'huanał', tomujxoxi pu'hua ł'ailli'. Totsufcota LanDios to Moisés licuxe'epola' ts'ihhepra, ilhe joupá i'inałola' limpio. Tołta'a ałsim'monga' lihuejcoyi ilhe litaiqui' Moisés.

⁴⁵ Ilque lixałconapa i'hua'ma, ipango'ma uya'a'ma li'e'epa Jesús. Tołta'a Jesús aimi'iya mitsufaiya liłelołya'. Tipanemma petsi ailopa'a quilya'. Lan xanuc' quiyoyomma ni petsi liłelołya', tiłcuaiyumma pe lopa'a Jesús.

2

¹ Lijoupa luyaipa oquej fanej quitine, Jesús ipainanni, itsufaicona'ma liya' Capernaum. Lan xanuc' icuej'me Jesús tipa'a lajut'l. ² Aiquico'l'ma icuaiyunca axpela' lan xanuc', efot'le'mo'tsi. Imantsi lajut'l jouc'a lico cajut'l. Jesús tu'ila' Lataiqui' loya'apa ile al c'a lixpice'epa LanDios. ³ Ocuenaye lan xanuc' icuaiyunca jilpe luna. Amalujxi ihniya itaic' anuli luhuaqueya xans. ⁴ Ipa'ne'mola' lefo'ya, aimi'ya muyalaicoyacu, micuaiyacu pe lopa'a Jesús. If'ajli'me lajut'l, enai'e'me luhua'e lajut'l jilpe al toncay pe lacaxu Jesús. Ma'piya ecajm'mi'me cal xans lonafya hihuijm-ma', ipo'ningaitsi li'mitsi' Jesús. ⁵ Jesús ixim'mola' ihniya ti'huaiyijnyi, ticuayi: "Tixa'l'mena'ma". Timi luhuaqueya:

—Mai'hua, joupa ihojn-napa lojunac'.

⁶ Ticutshuolanna jilpiya hualca lomxiye nomuc'iyalepá locuxepa LanDios. Ihniya ticuayi lipicuejma': ⁷ "Ihque cal xans, ¿te conescopa to'ta'a? Ma le'a quituca' LanDios nipajnya tilonc'e'e'mola' li'junac' lan xanuc'. Ihque ti'on'icoyoxi to LanDios."

⁸ Jesús aiquico'l'ma i'i'ma quixina' te lonespa lan xanuc'. Timila':

—Imanc', ¿te conescopa to'ta'a lo'picuejma'? ⁹ ¿Pe copa'a xonca lipime? ¿Te cataiqui' caifmiya lafcuana? ¿Camila': "Lojunac' joupa ihojn-napa", o camila': "Totsahuenanni, tonif'na'ta' lohuijm-ma', to'huanla'?" ¹⁰ Itsiya camuc'i'molhuo' icueya laimane. Iya' ihque cal Xans Liximpa cal profeta pu'hua lema'a. Ma capa'a fa'a li'a lamats' ti'i'ma quimenc'e'eco'mola' li'junac' lan xanuc'.

Ipalaic'o'ma luhuaqueya, timi:

¹¹ —Iya' camihuo', totsahuenanni, tonif'na'ta' lohuijm-ma', to'huanla' lomejut'l.

¹² Luhuaqueya aiquico'l'ma itsahuenanni, inif'ma hihuijm-ma'. Mehuelojnyi lan xanuc', ixim'me ipanni, i'huana'ma. Ixpailij'mola', tinesyi:

—Acueca' juaiconapa li'epa LanDios. To'ta'a li'ipa aica'sina', ni anulemma.

¹³ I'huacona'ma Jesús lema al cuecaj quin'nuhua'. Jahuay lan xanuc' iye'me pe lopa'a. Timuc'ila'. ¹⁴ Lijoupa limuc'iyalepa, ti'hua tuyaipa, ixim'ma anuli cal xans cuftine Leví, i'hua Alfeo. Ihque Leví ticutsu petsi lo'najts'i'iyaleyompa. Jesús timi:

—Lihuejla'.

Leví itsahuenni, ihuej'ma Jesús.

¹⁵ Jesús jouc'a ts'ilihuequi icuaitsa lejut'l Leví, ticutshuolanna, titetsoyi. Titetsoyi jouc'a axpela' lin'najts'i'iyale jouc'a ocuenaye lan xanuc'. Jahuay ihniya a'i mihuejyi locuxepa LanDios. Axpela' ihniya tihuejyi Jesús. ¹⁶ Lomxiye nomuc'iyalepá locuxepa LanDios jouc'a lan xanuc' fariseo ehuelojm'me Jesús titetsoyi anuli lin'najts'i'iyale y locuenaye lan xanuc'. Imetsaiconna' ihne aimihuejyi locuxepa LanDios. Timinnila' ts'ilihuequi Jesús:

—Tolsinte, lo'pomxi titetsoyi anuli lin'najts'i'iyale y locuenaye lan xanuc'. Jahuay ihniya aimihuejyi locuxepa LanDios.

¹⁷ Jesús icuej'ma lonespa ihniya. Timila':

—Lan xanuc' ja'ni a'i mextafquila' aimicuicomma mi'e'enyacola' cafxi. Lafcuallay hınca ticuicomma no'eyacola' cafxi. Iya' aicuaicoco'ma cajoc'i'mola' ts'iljunac'. Aicajoc'iyacola' petsi ailopa'a quijunac'.

¹⁸ Anuli litine tixnet'lyi aimitetsoyi ts'ilihuequi Juan Bautista jouc'a lan xanuc' fariseo. Icuaitsa lan xanuc' pe lopa'a Jesús, timiyi:

—Ts'ilihuequi Juan jouc'a lan fariseo tixnet'lyi, aimitetsoyi. Ihne lihuejhuo', ¿te aimixnet'lyi?

¹⁹ Jesús italai'e'e'mola', timila':

—Ma mipa'a lamijcano lamaneya, ¿te tixnet'f'me, aimitetsoyacu ts'ilejmale? A'i. Anuli milmana' lamaneya, aimi'iya mixnet'lyacu. ²⁰ Ticuaihuo litine aimimajnconayacu anuli, ile litine linca tixnet'f'me.

²¹ 'Al ts'e quijahua' aimi'iya manajmot'licoya lafane quijahua'. Ja'ni to'ta'a to'ela', al ts'e quijahua' tetehuo, tijoula' lafane quijahua' tits'alquehuo xonca.

²² Aimoc'ej'miya al ts'e vino petsi lafanej ponta quixmi. Ja'ni to'etsi to'ta'a, al ponta quixmi tits'alquehuo, timinsco'ma al vino, timinsco'ma jouc'a al ponta quixmi. Al ts'e vino tic'ej'minni al ts'e ponta quixmi.

²³ Anuli litine conxajya, Jesús jouc'a ts'ilihuequi tuyalaicoyi nolojmay cal trigo. Muyalaicoyi, ts'ilihuequi ipango'me ipa'a'me lixpaj trigo.

²⁴ Lam fariseo timiyi Jesús:

—¡Toxintola' lihuejhuo! Itsiya itine conxajya. Ailopa'a lane mi'eyacu to'ta'a.

²⁵ Jesús timila':

—Imanc', ¿te a'i co'suec' liniliya loya'apa li'epa cal rey David? Icuaiti litine unle'enca ilque jouc'a lifejmale, ailopa'a cotejacu. ²⁶ David itsufai'ma lejut'f' LanDios. Jilpe tipa'a lam paxi ca'í. Ilne la'í tipa'a lane tite'me ma le'a la'ailli', a'i lan xanuc'. David ite'ma jouc'a epi'i'mola' lifejmale, ite'me. To'ta'a i'ipa mipa'a Abiatar cal cuecaj ca'ailli'.

²⁷ Jesús ti'hua tipalaic'ola' lan xanuc', timila':

—LanDios ate'a ilanc'epa cal xans, lijou'ma enaj'ma litine tunxajla' cal xans. A'i quenaqui litine ate'a. ²⁸ Iya' ilque cal Xans Liximpa cal profeta pu'hua lema'a. Iya' cacuxe'ela' laixanuc' te lo'eyacu ile litine conxajya.

3

¹ Ocuena quitine conxajya, Jesús itsufaicona'ma lajut'f' petsi lafolyomma lan xanuc'. Jilpe tipa'a anuli cal xans iju'pa limane. ² Lam fariseo tehuelojnyi Jesús. Ti'huilaic'oyi ja'ni tixa'f'me'ma cal xans ile litine conxajya. Tehueyi te co'iya micuxecoyacu. ³ Jesús ipalaic'o'ma cal xans, ilque ts'iju'f' quimane. Timi:

—To'huanni fa'a. Tacaxla', tahuoc'ocotsola' lan xanuc'.

⁴ Icuise'e'mola' lam fariseo, timila':

—Lu'ila', litine conxajya, ¿te lapi'inga' lane al'ete al c'a? O ¿alcuxe'enga' al'ete lixcay? ¿Nipajnya lunhu'e'me lipitine cal xans o a'ama'a'me?

Ilhiya aiquiltalai'e. Ch'ix le'a. ⁵ Jesús ehuelojm'mola' ilne lam fariseo. Tixtuc'ola'. Tixhuelma, ixina' ilhiya joupa ipo'nopá lipicuejma', aiquiltcueca.

Jesús timi cal xans:

—To'nijla' lomane.

Cal xans i'nij'ma limane. Ixa'cona'ma. ⁶ Lam fariseo aiquido'f'mola', ipalunca, iye'me ipalaic'otsa lixanuc' cal rey Herodes. Tehueyi te co'iya mima'ayacu Jesús.

⁷ Jesús i'huana'ma. Ilque jouc'a ts'ilihuequi iye'me al cuecaj quin'nuhua'. Iyenc'e'me axpela' lan xanuc' quiyouyomma al distrito Galilea. ⁸ Lan xanuc' ni petsi lomana' icuej'me al cueca' lo'epa Jesús. Icuej'me ilne nomana' al distrito Judea jouc'a nomana' al cuecaj quilya' Jerusalén, jouc'a nomana' lamats' Idumea, jouc'a nomana' lu'hua quiyay al pana' Jordán, jouc'a nomana' hilemats' hilelo'ya' Tiro y Sidón. Axpela' ilhiya icuaiyunca pe lopa'a Jesús. ⁹ Lixim'mola' axpela' quefo'ya Jesús icuxe'e'mola' ts'ilihuequi ti'hua'anca anuli al barco, tipo'note fema al cuecaj quin'nuhua'. Ja'ni lan xanuc' tipango'me titantsi'me Jesús, ilque titsufai'ma al barco. ¹⁰ Joupa axpela' ixa'f'mepola', to'hiya itsiya jahuay lafcuallay, axpej cuana, tummetsaiyo'ltsi, tiyete ahuejnca Jesús, tilafle. ¹¹ Lan xanuc' pe litsufaiyila' contahue, lixim'me Jesús, ecanghuo'laitsa li'mitsi'. Lontahue tija'ayi, timiyi:

—Ima' i'Hua ŁanDios.

¹² Jesús itale'mola' ujfxi. Timila':

—Aimunlu'itola' lan xanuc' tołta'a.

¹³ Lijou'ma if'aj'ma hijuala. Joupa ixpic'epa nailniya ts'ilihuequi tiyouyunca. Ijoc'i'mola'. Icuaitsa pe lopa'a. ¹⁴ I'huijf'e'mola' imbamaj coquexi' timajnle anuli. Tumme'mola' tuya'ata Lataiqui' loya'apa ile al c'a lixic'epa ŁanDios. ¹⁵ Epi'i'mola' liłmane tipa'ata lontahue litsufaiyila' lan xanuc'.

¹⁶ Jifa'a tipa'a liłpuftine ilniya limbamaj coquexi':

Simón, łecui'impa Pedro,

¹⁷ Jacobo y Juan, inaxque' Zebedeo. Ilne loquexi' Jesús łecui'ipola' Boanerges. Ilne laftine locuajmaispa: Ilne noquimf'epá, nocuec'epá lonespa ŁanDios.

¹⁸ Andrés y Felipe,

Bartolomé y Mateo,

Tomás y łocuena Jacobo, ilque i'hua Alfeo,

Tadeo y łocuena Simón, ilque łecui'impa cal cananeo,

¹⁹ jouc'a Judas Iscariote, ilque nocuya Jesús.

²⁰ Jesús itsufaipa anuli lajut'ł. Efot'łecona'mołtsi axpela' lan xanuc'. Jesús jouc'a ts'ilihuequi aiqui'i'ma quitetso'me. ²¹ Licuejpá lipimaye Jesús tołta'a li'ipa, ines'me: Jesús iminscopa lipicuejma'. Ipalunca, iye'me, tileconna Jesús.

²² Jiłpe pe lopa'a Jesús timana' hualca lomxiye nomuc'iyalepá locuxepa ŁanDios, quiyouyomma liłya' Jerusalén. Ilniya ticuayi:

—Jesús itsufaipa łonta'a cuftine Beelzebú. Ilque nocuxepola' contahue epi'ipa limane Jesús tipa'atsola' lontahue.

²³ Jesús ijoc'i'mola' ilniya lomxiye, timila':

—¿Te całtalai'e'eya imanc'? ¿Te aga łonta'a Satanás tihuescuf'ma liłpima conta'a?

Ti'hua tipalaic'ola'. I'onłicopa to lo'ipa. Timila':

²⁴ —Ja'ni tenajtsołtsi lan xanuc' anuli al nación, ja'ni ti'etsoltsi oque', ile al nación tijou'ma lipujfxi. ²⁵ Ja'ni lan xanuc' nomana' anuli lajut'ł tenajtsołtsi, ja'ni ti'etsoltsi oque', aimimajnconayacu anuli, jiłpe teca'nena'mołtsi, ailopa'a co'eyacu. ²⁶ Łonta'a Satanás ja'ni joupa ehuc'huaipola' lif'as contahue, itsiya cola' aimi'hua limane.

²⁷ Ja'ni anuli cal xans ixpic'epa titsufaila' lejut'ł ocuena cal xans juaiconapa ipujfxi, ja'ni ixpic'epa tiłonc'e'eta' li'huexi, ilque notsufaiya, ate'a tifi'eta' ilque cal xans ts'ipujfxi, tijoula' nipajnya titsufai'ma, tiłonc'e'eta' li'huexi. Ja'ni aimifi'e, aimi'ya mitsufaiya lajut'ł, miłonc'e'eya li'huexi.

²⁸ 'Iya' camilhuo' al linca: Jahuay lo'epa o lonespa cal xans, ti'i'ma timenc'e'ecom'me. ²⁹ Ma le'a ja'ni aimimetsaicoyi lo'epa cal Espíritu Santo, ilniya aimiłonc'e'enyacola' liłjunac'. Titai'me nulemma.

³⁰ Tołta'a Jesús limipola' ilniya nonespá: “Jesús itsufaipa conta'a”.

³¹ Icuaiyunca qui'máma' jouc'a lipimaye Jesús. Ecaxol'me łuna. Iljif'i'me anuli cal xans tijoc'itsi Jesús. ³² Jesús ticusc'o nolojmay cajut'ł, timuc'iyale. Jiłpiya timana' axpela' lan xanuc' ticutshuołanna tiquimf'eyi lomuc'ipola' Jesús. Timiyi:

—Co'máma' jouc'a lopimaye timana' łuna tehuehuo'.

³³ Jesús timila':

—¿Naiłtsi cai'máma'? ¿Naiłne caiłpimaye?

³⁴ Ehuelojm'mola' lan xanuc' nocutshuołanna, ticua:

—iTołcuejle! Jifa'a ticutshuołanna cai'máma' jouc'a laipimaye. ³⁵ Pe naihuejcopa ŁanDios, ilquiya aipima xans, o aipima caca'no', o ai'máma'.

4

¹ Mipa'a Jesús łema al cuecaj quin'nuhua', ipango'ma imuc'icona'mola' lan xanuc'. Efołunni juaiconapa axpela'. Jesús if'aj'ma anuli al barco. Icutshuai'ma jilpiya. Al barco texpef'que. Lan xanuc' efołumma łema caja.

² Juaiconapa imuc'i'mola' lan xanuc'. Ipalaico'ma lo'epa ŁanDios fa'a li'a łamats'. I'onlıco'ma. Timila':

³—Ałquimf'eła' imanc':

'Icuai'ma litine cafaya, i'hua'ma cal xans tifata. Eca'nitsi lam fanuj trigo.

⁴ Meca'ni lam fanuj trigo, oquej afane' lam fanu' ecangenni lane. Icuaiyunca lacał'hui naiyulpá, itejn-na'me.

⁵ 'Oquej afane' lam fanu' i'nif'cołaitsa lixmi capic, tipa'a ahuata łacamats'. Lam fanu' aikuicoł'mola' ila'mola'. ⁶ Lijou'ma ipammaiyunni cal 'ora, linu' ipi'epola' lilapola' lam fanu'. Ijułnapola'. Aiquif'acaic' łime.

⁷ 'Hualca lam fanu' itsuc'huita jilpe łitac'. Litoj'ma łitac', ejec'opola' laifa'. Aiquixpaj'ma.

⁸ 'Ocuenaye lam fanu' etojmołaitsa cal c'a camats'. Ila'mola', itoj'mola', i'ipola' quixpa. Anuli łajfanu' ipammaitsi anuxans quimbama', ocuena cal fanu' ipammaitsi afanej nuxans, ocuena'ya ipammaitsi amaxnu.

⁹ Lijoupa luya'apa iłe litaiqui', Jesús timila':

—Naitsi nocuejpa, ałquimf'eła' iya' laitaiqui'.

¹⁰ Lijoupa liyeyołnapá lan xanuc', imanenca Jesús jouc'a limbamaj coquexi' y locuenaye ts'ilihuequi. Iłniya ixa'hue'me Jesús, timiyi:

—Lu'itsonga', luhuałc'e'etsonga' iłe lotaiqui'.

¹¹ Jesús timila':

—ŁanDios epalc'o'ipolhuo' imanc' lołpicuejma', tołta'a tołcuc'eyi lipime cataiqui'. Iłe lataiqui' tuya'e' lo'ipa petsi lan xanuc' tihuejcoyi ŁanDios, iłque cal Cuecaj Rey. Ocuenaye lan xanuc' petsi aimihuejcoyi ŁanDios, iłne ma le'a tiquimf'eyi. Iłe lataiqui' lo'onlıcopa lo'epa ŁanDios iłne lan xanuc' aimi'iya mihuałc'eyacu. ¹² Tołta'a ti'ila' to loya'apa al Paxi Linilıngiya, ticua:

Ti'hua tehuelojnle, tijouła' aimixinyacu.

Ti'hua tiquimf'ełe, tijouła' aimicuejyacu.

Ja'ni a'i tołta'a lił'ejma' tixhuej'menacu, ŁanDios timenc'e'eco'mola' lixcay li'epá.

¹³ Jesús ti'hua tipalaic'ola', timila':

—Ja'ni aicołcueca iłe laitaiqui' lai'onlıcopa lo'epa ŁanDios fa'a li'a łamats', ¿te co'iya mołcuc'eyacu ja'ni ca'onlıco'ma xonca lo'epa ŁanDios?

¹⁴ 'Cal xans nofapa ti'onlıcospa to iłquiya noya'apa litaiqui' ŁanDios.

¹⁵ Łamats' lane pe lechangeyonni lam fanu' ti'onlıcospa to lan xanuc' iłniya ma le'a tiquimf'eyi litaiqui' ŁanDios. Aimicołya łonta'a Satanás. Ticuaihuo, tiłonc'e'e'mola' lataiqui' lifayipa liłpicuejma'.

¹⁶ 'Łaj huata łacamats' łopa'a lixmi capic ti'onlıcospa to locuenaye lan xanuc' miquimf'eyi litaiqui' ŁanDios tixoquei quileta tepenufyi. ¹⁷ Iłe Lataiqui' aimi-fayiya liłpicuejma', oquej fanej quitine tihuejcoyi. Ticuaitsi lixhuejma', o liłf'as xanuc' tixtuc'ontsola' iłniya naihuejpa litaiqui' ŁanDios, iłne aimicołyacola', tenajna'mołtsi, aimihuejconayacu.

¹⁸ 'Łamats' pe łopa'a łitac' litsuc'huita lam fanu' ti'onlıcospa to locuenaye lan xanuc' noquimf'epá litaiqui' ŁanDios. ¹⁹ Iłne xonca tixhuej'mecoyi te co'iya muyalayıacu lapajnya. Tifel'miyołtsi, ticuayi: "Lulijle acuecaj całtomi. Tołta'a luyalaico'me al c'a." O tixhuej'mecoyi te co'iya mulijyacu xonca quil'huexi. Ma to łitac' ejec'opola' laifa', a'i quixpaj'ma, ma tołe iłne lan xanuc' li'ipola'.

Tama joupá ifapa lihpicejma' litaiqui' LanDios, tilmanemma tohta'a, tocomma a'i quilepenufi ile litaiqui'.

²⁰ 'Cal c'a camats' pe lifampa ti'onlcospa to locuenaye lan xanuc' no-quimf'epá litaiqui' LanDios. Ine tepenufyi ile litaiqui', tipammolaispa lipepajnya. Hualca ti'onlcospa to lamats' petsi cal fanu' lipammaita anuxans quimbama', locuenaye petsi lipammaita afanej nuxans, locuenaye petsi lipammaita amaxnu.

²¹ Jouc'a timila':

—Imanc' molunai'i'me lohpelalc'o', aimolc'ommumijyacu alxpicołma c'ec, ni aimol'nicoyacu licu'u hualfa. Toł'nof'e'me pe lołxu'epa. ²² Ticuaihuo litine ti'huájta lemiya, jouc'a ti'huájnta letemiquiya, tixinim'me.

²³ 'Naitsi nocuejpa, alquimf'ela' iya' litaiqui'.

²⁴ Ti'hua timuc'iyale, tu'ila':

—Tołpo'note cuenna laifmipolhuo': Imanc' ile lołpic'ecopola' locuenaye, tohta'a ihniya tepi'icona'molhuo'. Xonca axpe' tepi'im'molhuo'. ²⁵ Cal xans ts'i'hueca, xonca tepi'im'me. Locuena, ja'ni aiq'ui'hueca, texic'ena'me.

²⁶ Jouc'a tu'ila':

—Ile li'ipa anuli cal xans leca'nipa lam fanuj trigo lamats', ti'onlcospa to lo'ipa petsi LanDios cal Cuecaj Rey tijoc'ila' lan xanuc' tihuejle. ²⁷ Lijoupa leca'nipa litrigo, cal xans ti'hua tuyaijma lapajnya. Lipuqui' tixmay, litine tit-sahuemma, lam fanu' tilá, titoqui laifa'. Cal xans aiq'ui'xina' te co'ipa mitoj'ma laifa'. ²⁸ Lamats' quituca' timaf'i'i' laifa'. Ate'a titoqui, tijoula' tixpaqui, tijoula' tumfumma lixpa, titoqui lifanu'. ²⁹ Lunta'amma lixpa cal xans ixina' joupa icuai'ma litine tefot'leta cal trigo. Aimicołya, tetejta.

³⁰ Jouc'a tu'ila':

—¿Te cal'onlicoyacu lo'ipa petsi LanDios tijoc'ila' lan xanuc' timetsaicołe, tihuejle ilque cal Cuecaj Rey? ¿Te ts'i'ic' mał'onlicoyacu?

³¹ 'Lo'ipa jilpe ti'onlcospa to lo'ipa cal fanu' sinapí. Mifam'me, i'huáqui tuquini lajfanu'. Petsi jahuay cal fanu' lofampa lamats', ailopa'a xonca caca'hua.

³² Lijoupa lifampa tila'ma, titoj'ma acueca' laifa'. Ailopa'a quitamqui mitoqui to ita'a lifampa. Limané itoqui, atsila'. Lacał'hui naiyulpá tunxajyoyi jilpe lipunxahua.

³³ Ma to ihna'a litaiquí tohta'a juaiconapa i'onlico'ma lo'epa fa'a li'a lamats' LanDios cal Cuecaj Rey. Lo'huajcocoyacola' lihpicejma' tohta'a timuc'ila' Jesús. ³⁴ Ti'hua ti'onlijma ile lo'epa LanDios. Aimipalay acujajmaica. Jesús y ts'ilihuequi limanenca quituca', ilque tuhuał'e'ela' litaiqui'.

³⁵ Małe litine joupa if'acolaipa timila' ts'ilihuequi:

—Alquełe al cuecaj quin'nuhua'.

³⁶ Jesús joupa icutshuaipa al barco. Ts'ilihuequi Jesús ipo'nom'mola' lan xanuc' lefołya jilpiya, if'ajli'me jouc'a al barco. Ipango'me iquie'me al cuecaj quin'nuhua'. Ocuenaye lam barco jouc'a tiquieyi. ³⁷ Aiquicoł'ma, i'hua'ma ujfxi lahua'. Itsahuenni laja', ic'ejmaitsi caja', imantsi al barco. ³⁸ Jesús tunouya lipo al barco. Tixmay, unaf'caipa al punta quijahua'. Ts'ilihuequi ummef'me, timiyi:

—Momxi, alma'a'monga' laja'. ¿Te aimalsuełcoconga'?

³⁹ Jesús itsahuenni, itale'ma lahua', timi laja':

—Ch'ixca. Aimofe'necona'ma.

I-ch'ixco'ma lahua'. Ipanenni. ⁴⁰ Jesús timila' ts'ilihuequi:

—¿Te coxpailijcopolhuo'? ¿Te qui'ipolhuo'? ¿Te aimal'huaiyinge?

⁴¹ Ixpailijpola' juaiconapa ihniya ts'ilihuequi. Timiyoltsi:

—¿Naitsi xans ilca'a? ¡Jouc'a lahua', laja ticuec'eyi ilque locuxe'epola'!

5

¹ Icuaitsa locuena lema caja jilpe hilemats' lan xanuc' gadareno. ² Ipanni Jesús al barco. Aiquicoł'ma, icuaico'ma anuli cal xans qui'huayomma jilpiya lamuhuołanna lomanapola'. Iłque cal xans litsufaipa conta'a. ³ Lipanga jilpe lamu'empola' lomanapola'. Aimi'iya mifi'enyacu ni cadena catejma'. ⁴ Tifi'econni acadena, inic'e'econni atejma' limane li'mitsi'. Iłque tits'ałquinghua lan cadena, tixquetsufinghua latejma'. Ailopa'a cal xans ts'ipujfxi xonca. Ailopa'a nolijya. ⁵ Ipuqui' itine tipa'a pe lamu'empola' lomanapola', jouc'a pe hijualay, tija'e', tits'ałyoxi capic, tixcai'eyoxi. ⁶ Cal xans ixim'ma icuaico'ma Jesús aculi'. Aiquicoł'ma, i'hua'ma italecuftsi, exc'onłingai'ma li'mitsi' Jesús. ⁷ Ija'a'ma ujfxi, timi:

—Jesús, ima' i'Hua cal Cuecaj ŁanDios Nopa'a lema'a, ¿te cocuaiyoco'ma? ¿Te ts'opic'a fa'a? Iya' cacuaj'mi'ma lipuftine ŁanDios, caxa'huehuo' aimalteł'mi'ma.

⁸ Tołta'a linespa łonta'a. Jesús joupa imipa:

—¡Ima' monta'a, taipanni iłca'a cal xans!

⁹ Jesús icuis'e'ma, timi:

—¿Te muftine?

Italai'e'e'ma, timi:

—Laipuftine Legión. Illanc' ninc'xpela'.

(Lataiqui' "legión" tuya'e', ticua: Axpela'.)

¹⁰ Juaiconapa tixa'hue Jesús, timi:

—Aimalipa'a'monga' jifa'a.

¹¹ Jilpe łaquemala timana' juaiconapa axpela' lijná tehueyi quıltejua'.

¹² Lontahue ixahue'me Jesús, timiyi:

—Lummetsonga' pe lomana' ilne lijná. Jilpe ałtsuflaita lijná.

¹³ Jesús epi'i'mola' lane. Lontahue ipalunca iłque cal xans, itsuflai'me lijná. Iłniya lijná timana' to oquej mil. Inul'me, imul'me al'ocay. If'alcolai'me laja'. Unxalac'mola'.

¹⁴ Lan xanuc' linhuic'ipola' quijná inul'me. Jilpe liłpiłya' jouc'a calx'huiyałma' uya'atsa il'e' li'ipa. Lan xanuc' ipalunca tehuelojnta. ¹⁵ Icuaitsa pe lopa'a Jesús, ixim'me cal xans, iłque colta litsufaipa axpela' contahue, ticutu, ipo'nohuo lipijahua', i'ınapa lipicuejma'. Lan xanuc' ixpailij'mola'.

¹⁶ Ilne niximpá li'ipa uya'a'me te qui'ipa lixalconapa cal xans, iłque litsufaipa contahue. Uya'a'me te qui'ipola' lijná.

¹⁷ Lan xanuc' ipango'me ixa'hue'me Jesús tipanni hilemats', ti'huanła'.

¹⁸ Jesús if'ajna'ma al barco, ti'hua'na'ma. Cal xans li'ipa litsufaipa contahue tixa'hue, timi:

—Ałłecolai' jouc'a.

¹⁹ Jesús aiquepi'i' lane. Timi:

—To'huanła' łomejut'ł, jilpe lomana' lopimaye. To'itsola' al cueca' li'e'epo' ŁanDios. Tomitsola' te ts'i'ic' liximpo' cuanuc'.

²⁰ Cal xans i'hua'na'ma, itsehuc'ma petsi lecu'i'impá: Limbamaj Quıltełołya'. Jilpiya u'i'mola' lan xanuc' li'e'epa Jesús. Lan xanuc' ixim'me acueca' li'epa Jesús, ixpailij'mola'.

²¹ Jesús iquiecona'ma al cuecaj quin'nuhua'. Licuaiyocontsi al barco locuena lema, icuaitsa axpela' lan xanuc', efot'le'mołtsi anuli Jesús lema caja.

²² Jilpiya icuaitsi anuli cal xans ipenic' lajut'ł pe lafołyomma lan xanuc'. Cuftine Jairo. Lixim'ma Jesús, exc'onłingai'ma li'mitsi', ²³ tixa'hue juaiconapa, timi:

—Łai'hua cahuats' juaiconapa textafque. Timana'ma. Łepá. Ma le'a toxpayał'ta lomane, toxał'menna, ti'hua tipajnlá'. ²⁴ Iye'me Jesús jouc'a Jairo. Axpela' lan xanuc' ihuej'me. I'i'mola' atansca, titantsinni Jesús. ²⁵ Jilpe

tipa'a anuli łaca'no' textafque. Imbamaj coque' camats' ti'hua cajuats' licu'u. ²⁶ Itełcopa juaiconapa. Axpela' lin'e'ehuale cafxi iteł'mipá. I'najtsepola' iłniya, joupa ijou'nenapa li'hueca. Aiquixałma. Ti'hua titsípa licuana. Iłque łaca'no' icuejpa lo'epa Jesús. ²⁷ Nolojmay xanuc' iłoc'huaipa lixpula' Jesús. Iłafc'e'e'ma lipijahua'. ²⁸ Iłque tinesqui lipicuejma': "Ma le'a lipijahua' całafła', tołe ałsałcona'ma". Tot'liya iłafc'e'epa lipijahua' Jesús. ²⁹ Aiquicoł'ma, ipanenni licu'u. Ixim'moxi ixałconapa. Aimatełcoconaya. ³⁰ Aiquicoł'ma, Jesús ixingufco'ma lipaxi ixałmeyalepa. Ipai'e'moxi nolojmay xanuc', icuis'e'mola', timila':

—¿Naitsi łal—lafpa?

³¹ Ts'ilihuequi italai'e'e'me, timiyi:

—Ima' oxina' jifa'a axpela' lan xanuc' titantsihuo', ¿te cofmicuitsufcopa: "¿Naitsi łal—lafpa?"?

³² Jesús ti'hua tehuetsale lijuihuay. Tehuay naitsi iłque iłafpa. ³³ Łaca'no' tixpaiqui juaiconapa, tiyu, iximpoxi ailopa'a quicuana. Iłoc'huai'ma, exc'onłingai'ma li'mitsi' Jesús. Imi'ma Jesús al łınca. Tuya'e' te ts'i'ic' lixałconapa, timi:

—Aıłafpo' lo pijahua'.

³⁴ Jesús timi:

—Mai'hua, ał'huaiyijmpa, toliya ixałconapo'. Aimoxhuełmot'le'ma. Ite al cuana aimateł'miconayaco'.

³⁵ Ma mipalaic'o łaca'no', icuaiyunca lan xanuc' quiyouyomma lejut'ł Jairo, iłque ts'ipenic' lajut'ł pe lafołyomma lan xanuc'. Timiyi Jairo:

—Joupa imanapa ło'hua. ¿Te ti'hua cofxoc'icoya łomxi?

³⁶ Jesús icuej'ma lu'impá Jairo. Timi:

—Aimixpaij'mo'. Ma le'a ał'huaiyijnla'.

³⁷ Jesús ileco'mola' Pedro, Jacobo, jouc'a Juan, iłque ipima Jacobo. Timila' locuenaye xanuc' aimiyocu. ³⁸ Icuaitsa lejut'ł cal xans, iłque ts'ipenic' lajut'ł pe lafołyomma lan xanuc', Jesús ehuelojm'mola' lo'epa lan xanuc', tijolijyi, tija'ayi. ³⁹ Itsufai'ma lajut'ł, timila':

—¿Te colja'acopa? ¿Te coljolijcopa? Łahuats' aiquimac', ma le'a tixmay.

⁴⁰ Aiquil'aic' łınca. Ma le'a ixoco'me. Jesús timila':

—Jahuay imanc' tolipalunca.

Ileco'mola' qui'ailli', qui'máma' łahuats', jouc'a lam fantsi ts'ilihuequi. Itsuflai'me pe lonouya łahuats'. ⁴¹ Jesús i'noł'e'e'ma limane łahuats', timi:

—Talitá kumi.

(Ite lataiqui' lohuałquemma ticua: Macahuats', camihuo', totsahuenni.)

⁴² Aiquicoł'ma, łahuats' itsahuenanni, ipango'ma i'hua'ma. Ixhuaita imbamaj coquej łemats'. Iłne lan xanuc' lixim'me li'ipa ixpailij'mola' juaiconapa.

⁴³ Jesús juaiconapa ixc'ai'i'mola', timila':

—Aimoluya'ata lai'e'epa łahuats'. Nij naitsi nocuejya.

Lijoupa limipola' tołta'a, icuxe'e'mola', timila':

—Tołtes'mife łahuats'.

6

¹ Jesús ipanni jilpiya, icuaitsi lipiıya'. Jouc'a ts'ilihuequi iye'me. ² Licuaitsi litine conxajya itsufai'ma lajut'ł pe lafołyomma lan xanuc'. Jilpe ipango'ma imuc'iyale'ma. Licuej'me iłe litaiqui', axpela' lan xanuc' etenłcoco'mola', timiyoltsi:

—Iłque cal xans, ¿naitsi lepi'ipa lipicuejma'? ³ ¿Te małque łinc'alhuałpa? O ¿a'i iłque? ¿Te iłque i'hua María? ¿Te a'i iłquiya iłpima Jacobo, José, Judas y Simón? Fa'a jouc'a timana' lipimaye cacal'no'.

Ihniya lan xanuc' aiqicuaitsi quipic'a lo'epa Jesús, etets'i'me.

⁴ Jesús timila':

—Anuli cal xans lummepe LanDios, mipa'a ocuena quilya' pe lomana' locuenaye lan xanuc', ihniya ticuaispa quipic'a lo'epa itque. Tipainanni, ticuaitsi lipilya' pe lomana' lixanuc', lopa'a lejut'í, jilpe linca tetets'ita.

⁵ Mipa'a Jesús lipilya' aiqiu'aic' cueca' jilpe. Ma le'a ixpayaf'mola' oquexi' afantsi lafcualtay, ixat'me'mola'. ⁶ Ixim'mola' ihne lipilya' xanuc' aiqiu'huaiyinge. Ixhueico'ma juaiconapa.

I'hua'ma ehuentsole' laiquitelolya' anujnca. Jilpe imuc'itsola' lan xanuc'.

⁷ Ihne litiné ijoc'i'mola' limbamaj coquexi' ts'ilihuequi. Ihne icuaiyunca, ipango'ma umme'mola' tiyete oquexi' oquexi'. Epi'i'mola' lihmane tipa'atsa lontahue. ⁸ Tixc'ai'ila', timila':

—Tonlete, toltai'me ma le'a lo'paluc. Aimoltai'me cumla'i. Aimol'nij'mi'me tomí jilpe lofi'ejma lo'cu'u. ⁹ To'c'uaicole lo'c'ejí. Aimolpo'no'me oque' lo'lsamalo, ma le'a anuli. ¹⁰ Lajut'í petsi tepenuftsolhuo', molmana' jilpiya lilya', malpe tolmajntsa. ¹¹ Ja'ni to'cuaitsa petsi aimepenuffinnilhuo', ni aim-iqumf'ennilhuo', imanc' tulunafle lo'mitsi', tipanni itque lamats' hitahijmpa lo'c'ejí'. Tolta'a ti'ila' quilsina' ma ihne quiltuca' ti'najtse'me li'junac'.

¹² Ts'ilihuequi ipalunca, uya'a'me Lataiqui' loya'apa ite al c'a lixpica'epa LanDios. U'iyale'me tixhuj'menanca lixcay lo'epa. ¹³ Ipa'a'me axpela' lontahue. I'ot'hi'me laceite axpela' lafcualtay. Ihniya ixat'cona'mola'.

¹⁴ Ni petsi lomana' lan xanuc' tipalaicoyi lo'epa Jesús. Cal rey Herodes jouc'a icuej'ma lo'epa. Timana' lan xanuc' nocuapá:

—Jesús itquiya aJuan Bautista, jouna imaf'inapa ipanamma pe lomana' limanapola'. Tolta'a juaiconapa apaxi itque, ti'ay acueca'.

¹⁵ Ocuenaye ticuayi:

—Itque aElías, icuaiyocona'ma fa'a li'a lamats'.

Ocuenaye ticuayi:

—Itque aprofeta lummepe LanDios, ti'on'cospa to lam profeta limajmpá fa'a luyaipa quitine.

¹⁶ Li'i'ma quixina' Herodes ite lonespa lan xanuc', itque ines'ma:

—Itque ma Juan Bautista. Linca aicuxe'ma etec'em'me lejoc', jouna imaf'inapa.

¹⁷⁻¹⁸ Herodes jouna exic'e'epa lipeno lipima Felipe. Itquiya laca'no' cuftine Herodías. Ilecopa. Juan timi Herodes: “O'epa quixcay. ¿Te comexic'e'ecopa lipeno lopima? ¿Te colecocopa? Itque a'i copeno. Ipeno lopima.” Juan limi'ma toltai'ixtunni Herodes. Ixuxepa i'no'intsá, ifi'entsá, itats'entsá. ¹⁹ Laca'no' Herodías ti'ay quipilaic' Juan. Ijanaj'ma tima'anle. Aiqui'ic'. ²⁰ Cal rey Herodes tixpaic'e Juan. Imetsaico'ma ac'a xans. I'epa cuenna. Ti'hua tiquimf'e lonespa Juan. Tama aiqicueta, ticuaispa quipic'a litaiqui' Juan.

²¹ Herodías jouna iximpa lo'eya tima'anle Juan.

Herodes lixhuaita lemats' i'e'ma juic. Ihya lipuqui' titetsoyi anuli lijoc'ipola', ihne lan tsila' quipenic', jouc'a lincuxepá soldado, jouc'a lan tsila' xanuc' nomana' al distrito Galilea. ²² Jilpiya lefo'ya itsufai'ma li'hua caca'no' Herodías. Ixau'ma. Icuaitsi quipic'a Herodes jouc'a lijoc'ipola', ihne nocutshuolanna jilpiya. Cal rey timi lahuats': “Ahsahue'eta' jale ts'opic'a, capi'i'mo”. ²³ I'e'ma jurar, icuaj'moxi: “Ite lahsahue'eya, tama ti'ila' on'ca laifcuxepa, capi'i'mo”.

²⁴ Ipanni lahuats'. I'hua'ma, icuaitsi pe lopa'a qui'máma', timi: “¿Te caifxahue'eya?” Qui'máma' timi: “Toxahue'etsi tepi'intso' lijuac Juan, tetoj'minte al cuecaj pime”. ²⁵ Aiquicol'ma, lahuats' ipanni, i'huacona'ma ixintsi cal rey. Ixahue'e'ma, timi: “Lapi'ila' lijuac Juan Bautista, to'nij'mila' anuli al pime”.

26 Cal rey ixhuełconni juaiconapa. ¿Te co'eya? Aimi'iya micuanac'eya lox-ahue'epa łahuats'. Lan xanuc' nocutshuołanna jilpiya joupa icuejpá licuajpoxi.

27 Aiquicol'ma, umme'ma anuli łisoldado, icuxe'ma, timi: “Totaitsi lijuac Juan”. Cal soldado i'hua'ma, icuaitsi la carza, etec'etsi łejoc' Juan, 28 i'nij'mitsi al pime lijuac, uhui'i'ma łahuats'. Łahuats' i'hua'ma pe lopa'a qui'máma', uhui'itsi.

29 Ts'ilihuequi Juan icuej'me tołta'a li'ipa. Icuaitsa pe lima'ayompa Juan, itaina'me licuerpo, emunatsa.

30 Ts'ilihuequi Jesús icuainanca pe lopa'a Jesús, efot'łecona'mołtsi. Joupa iyehuo'me uya'a'huo'me Lataiqui' loya'apa iłe al c'a lixpıc'epa ŁanDios. U'i'me jahuay li'ehuo'me, jahuay limuc'iyalehuo'me. 31 Jesús timila':

—Łepá illanc' całtuca'. Łepá pu'huanni pe ailopa'a quiłya'. Lunxajta.

Jilpe pe lomana' Jesús jouc'a ts'ilihuequi, lan xanuc' tiłcuaispa, tiyenayi. Aimi'iya mitetsoyacu, ni Jesús ni ts'ilihuequi. 32 If'ajli'me anuli al barco, iye'me quiłtuca' ticuaitsa pe ailopa'a quiłya'.

33 Axpela' lan xanuc' quiyoyomma jahuay liłelołya' ixinim'mola' lif'ajli'me al barco. Imetsaico'mola'. Iłne lan xanuc' iye'me, inul'me, icuaitsa ate'a pe lotseyacu Jesús jouc'a ts'ilihuequi.

34 Jesús jouc'a ts'ilihuequi icuaitsa łocuena quema caja, ipalunca al barco. Jesús lixim'mola' iłne axpela' lan xanuc' efot'łeyołtsi jilpiya, ixim'mola' acuanuc'la. Ixim'mola' to lam mot'ł, iłne lam mot'ł lahue'epola' quiłpoujna. Ailopa'a nohuic'iyacola'. Ipango'ma imuc'i'mola'. Axpe' łataiqui' imuc'i'mola'.

35 Joupa if'acołaipá, ts'ilihuequi Jesús iłoc'olai'me, timiyi:

—Jif'a'a ailopa'a quiłya'. Joupa if'acołaipá. 36 Tommetsola' lan xanuc' tiyełe. Pu'huanni calx'uiyałma' o liłelołya' ti'nata łotejacu.

37 Jesús timila':

—Imanc' tołtes'mitsola'.

Italai'e'e'me, timiyi:

—Ticuicomma axpe' łá'i, lipitali to lolijya cal xans no'eya canic' apaicoj mut'ła. ¿Te tipa'a całtomí al'nacota tołta'a łá'i? Aimi'iya małtes'miyacola'.

38 Jesús icuis'e'mola', timila':

—¿Tojua tipa'a łá'i? Tonłełe, tołsintsa.

Iye'me, ixintsa. U'icona'me, timiyi:

—Tipa'a amaque' la'í, jouc'a oquexi' latuye.

39 Jesús icuxe'e'mola' ts'ilihuequi ticuxe'entsola' lan xanuc' ticutsołaiłe jahuay jilpe calxhuaica pajac. 40 Enaj'mołtsi lan xanuc' amaxnu amaxnu, jouc'a oquej oquej nuxans quimbama', icutshuołai'me.

41 Jesús epef'ma lan maquej la'í jouc'a loquexi' latuye, ehuenaf'ma lema'a, ix'najtsi'i'ma ŁanDios. Ixquenuf'ma łá'i, epi'i'mola' ts'ilihuequi, iłne eca'nem'mola' lan xanuc'. Jouc'a loquexi' latuye ixquenuf'mola', epi'i'mola' lan xanuc'. 42 Jahuay itetso'me, ixhuaitsołá'.

43 Ts'ilihuequi efot'łena'me lipanecomma łá'i jouc'a latuye. Imantsi im-bamaj coque' lan tsiquihuit'ł. 44 Lan xanuc' litetso'me tixhuaispola' oquej nuxans quimbamaj maxnu. Jouc'a timana' laca'no', la'uhuay.

45 Aiquicol'ma, Jesús icuxe'e'mola' ts'ilihuequi tif'ajliłe al barco, tiquiełe al cuecaj quin'nuhua', ticuaitsa pe lopa'a liłya' Betsaida. 46 Iłque icx'ai'ina'mola' lan xanuc', if'aj'ma lijuala, tipalaic'ota ŁanDios.

47 Muyalaicoyi ts'ilihuequi icuaitsa nolojmay quin'nuhua' imufc'o'ma. Jesús tipa'a łamats' quituca'. 48 Jilpe ehuelojm'mola' ts'ilihuequi nomana' al barco. Ixim'mola' juaiconapa tipa'ayi całxi tiquiełe, aimi'i miquieyi. Italecuf'me łujfxi cahua'. Al fanej hora lipuqui' joupa uyaipa, tehue'e' micuaiya al camts'us 'hora. Icuaiico'ma Jesús ti'huayaf'que laja'. Icuaitsi pe

lopa'a al barco, ti'hua mi'hua, tocomma tuyaicota. ⁴⁹ Ts'ilihuequi ixim'me, ticuayi: “Acuecaj quinxpaic'ale”. Ija'a'me. ⁵⁰ Jahuay ixim'me. Ixpailij'mola' juaiconapa. Jesús aiqicoł'ma, ipalaic'o'mola', timila':

—Aimixpailij'molhuo'. Toł'etsoltsi acueca' łolunxajma'. Ma iya'.

⁵¹ If'aj'ma al barco pe lomana' ts'ilihuequi. I-ch'ixcona'ma łahua'. Ixim'me acueca' łe li'epa Jesús. Aiquilcueca. ⁵² Tama jounpa iximpá al cuecaj li'epa Jesús łe litine lites'mi'mola' lan xanuc', ite'me łai, łne ts'ilihuequi aimicuec'eyi. Amuf łilpicuejma'.

⁵³ Lijou'ma liquie'me al cuecaj quin'nuhua', icuaitsa łamats' Genesaret. Jilpiya ifijm'me al barco. ⁵⁴ Ipalnanca. Aiquicoł'ma, lan xanuc' imetsaico'me Jesús. ⁵⁵ Ni petsi jilpe łamats' icuej'me lan xanuc': “Icuai'ma Jesús, pu'hua o lu'hua tipa'a”. Iyec'olaitsa tehueyi Jesús, łtaic' lilefcualłay tunaf'colanna łilpuxcuif'que. ⁵⁶ Jilpiya lan tsocay quitelolıya', o lan tsila' quitelolıya', o calx'huiyałma', ni petsi licuaitsi Jesús, lan xanuc' łtaic' lilefcualłay jilpe pe lafolıya. Tixahue'eyi Jesús tepi'itsola' lane lilefcualłay tıafle, tama ma le'a lipijahua'. Jahuay niłafpá, tixałconala'.

7

¹ Lam fariseo icuaitsa pe lopa'a Jesús, jouc'a icuaitsa lomxiye no-muc'iyalepá locuxepa ŁanDios. Łne quiyouyomma al cuecaj quılıya' Jerusalén.

² Ti'huilaic'oyi lo'epa ts'ilihuequi Jesús. Ticuayi: “Łne titetsoyi aiquilulahua al c'a łılmane'. Aimepenufyacola' ŁanDios.”

³ Lan xanuc' fariseo tihuejyi łıtatahueló łil'ejma'. Tepajyi łılmane' ticuaispa łılłuxluc.

⁴ Miye'me laplaza, miyelocota, micuainacu lilejut'ł ate'a tepo'me, tijouła' titetso'me. Tihuejyi axpe' quıl'ejma'. Tipa'a łil'ejma' mepaj'me łilpime, łılcatsitu, łilepixú, lolanc'ecompa atejma' cuftine acobre, jouc'a łılłualfa. Ticuayi: “Tołta'a ipic'a ŁanDios”.

⁵ Łne icuis'e'me Jesús, timiyi:

—Łne lihuejhuo', ¿te co'ecopa aimihuejyi lał'ejma' łe lałmuc'iponga' lałtatahueló? Mane titetsoyi, aimepajyi al c'a łılmane'.

⁶ Jesús italai'e'e'mola', timila':

—Imanc' ma le'a tonł'e'eyoltsi to unc'ic'a xanuc'. Luyaipa quitine cal profeta Isaías uya'a'ma linespa ŁanDios te ts'i'ic' lołpicuejma'. Ticua:

Łne lan xanuc' ałmi: “Ima' malanDios”, ma le'a tipalolıayi.

Łniya aimalcuec'e, ma ti'eyi quılıtuca' ts'ilpic'a.

⁷ Tama laxc'onłingaila' aicapenufila',

łne timuc'iyaleyı ma le'a locuxepa lan xanuc', a'i laıfcuxepa.

⁸ 'Tołe lołpicuejma' imanc', tolatets'iyi ŁanDios, tolıhuequila' lan xanuc' łil'ejma'.

⁹ Jouc'a timila':

—Imanc' xonca tolıhuequila' lołtatahueló łil'ejma', tołta'a tolatets'iyi łitaiqui' ŁanDios.

¹⁰ 'Moises icuxepa: “Taihuejco'mola' co'ailli', co'máma', totoc'i'mola'”. Jouc'a icuxepa: “Cal xans nomipola' cataiqui' qui'ailli' qui'máma', tipa'a lijunac'. ¡Tima'ante!”

¹¹ 'Imanc' ituca' lołmuc'iyalepa. Ja'ni anuli cal xans timitsola' qui'ailli', qui'máma': “Aimi'ıya catoc'iyacolhuo'. Jahuay łai'huexi jounpa nenajpa, łe catsufco'ma ŁanDios.” ¹² Imanc' tołcuayi: “Ne', łque aimitoc'i'mola' qui'ailli' qui'máma'”.

¹³ 'He lataiqui' lolihuejpa ma le'a lihtaiqui' lohtatahueló limuc'ipolhuo', ihiya colmuc'ipola' lan xanuc'. Ma' anuli tohta'a axpe' tont'eyi. Litaiqui' locuxepa LanDios tohsinyi to nij naitsi cataiqui'.

¹⁴ U'icona'mola' lan xanuc' lefot'lepótsi jilpiya, timila':

—¡Atquimf'ela' anuli anuli imanc'! ¡Atcuc'ela'! ¹⁵ Fa'a li'a lamats' tipa'a ihe pe imanc' lolacui'ipa axujc'a. Iya' cacua a'i. Ja'ni anuli cal xans titela', ti'nicola' lico, tinuc'la', ailopa'a co'iyá, aimixis'meyacoxi. Al xujc'a laipa'aya lipicuejma' cal xans, ihe linca tixis'me'ma. ¹⁶ Naitsi nocuejpa, atquimf'ela' iya' laitaiqui'.

¹⁷ Jesús ipo'no'mola' quiltuca' lan xanuc', itsufai'ma lajut'l. Ts'ilihuequi ixa'hue'me tuhualc'e'etsola' ihe lataiqui'.

¹⁸ Timila':

—¿Te imanc' jouc'a ailopa'a colpicuejma'? Cal xans no'nicopa lico al xujc'a, tinuc'a, aimixis'meyacoxi tohta'a. ¿Te aicolcuc'eca? ¹⁹ He loyaicopa lico, aimitsu-faiya lipicuejma'. Ticuaispa licu'u, tijoula' tipanamma.

Minesqui tohta'a Jesús ipalaicopa lotempa fa'a li'a lamats'. Ticua jahuay ihe ac'a. Aimi'iyá minesyacu: "He axujc'a, aimi'iyá catec'oya". ²⁰ Ti'hua timila':

—Al xujc'a laipa'apa lipicuejma', ihe linca tixis'me'ma cal xans. ²¹ Jilpe lihpicuejma', lan xanuc' tixpic'eyi ti'ele al xujc'a. Tihuennaiquila' cacal'no', tinantseyi, tima'ahualeyi, tixhuicoyi lihpénoye lihf'as xanuc', ²² tijanajyi ti'huejle xonca, ti'eyi al xujc'a lihf'as xanuc', tifel'miyaleyi, tipalaiyi o ti'eyi petsi aimetenlcocojma, ti'e'ehualeyí laic', tinescoyi lihf'as xanuc', tetets'iyaleyi, tixinyo'tsi xonca lan tsila' xanuc', ti'eyi pangay camac'ta. ²³ Jahuay ihna'a tipa'a lihpicuejma'. Ja'ni tipa'ale, ti'ele tohta'a, tixis'me'mo'tsi, ti'e'e'mo'tsi xujc'a.

²⁴ Jesús ipanni jilpiya. I'hua'ma icuaitsi lamats' huejnca liya' cuftine Tiro. Itsufai'ma anuli lajut'l. Ticua: Nij naitsi nocuejya. ²⁵ Anuli laca'no' icuej'ma jilpe tipa'a Jesús. Icuaitsi, exc'onlingai'ma li'mitsi' Jesús. Ique laca'no' tipa'a hi'hua cahuats' hitsufaipa conta'a. ²⁶ Laca'no' a'i judía, qui'huayomma malpiya lamats' cuftine Sirofenicia. (Lan xanuc' judío tetets'innila' ihniya lun Sirofenicia. Tecui'innila' atsilqui.)

Laca'no' tixahue'e tipa'ala' lonta'a, tixal'mela' hi'hua. ²⁷ Jesús timi:

—Ate'a altes'mi'mola' lahnaxque'. Altoc'itsola' lahxanuc'. ¿Te ja'ni ac'a laheyacu laxic'e'mola' hile'i la'uhuy, tijoula' laca'ni'i'mola' lan tsilqui?

²⁸ Laca'no' titalai'e'e, timi:

—Mapoujna, tama al linca lofnespa, iya' cacua lan tsilqui titeji laiquepi' ca'i lopa'a licu'uj mesa, loc'aip'a la'uhuy.

²⁹ Jesús timi laca'no':

—Ita'a lahmipa icuaicota caipic'a. Ma to'huanla'. Lonta'a joupa ipanamma lo'hua.

³⁰ Laca'no' i'huana'ma, icuainatsi lejut'l ixim'ma hi'hua tunouya. Lonta'a joupa ipanamma.

³¹ Jesús ipanni pe lopa'a liya' Tiro, uyaicotsi liya' Sidón, jouc'a pe lopa'a Limbama' Quihelolya'. Icuaicontsi al cuecaj quin'nuhua' Galilea. ³² Jilpiya i'hua'a'me anuli cal xans atape, afule mipalay, ata'ay. Ixa'hue'me Jesús tixpayaf'la' ique cal xans. ³³ Jesús ileco'ma lijuqueya jilpe pe ailopa'a xans. Ecajm'mi'ma lidedó anuli anuli lix'mats'i' cal xans. Itsufofi'ma hipal cal xans.

³⁴ Ehuena'f'ma lema'a, ixnalif'ma acueca' timi:

—¡Efata!

Ihe lataiqui' locuajmaispa ticua: ¡Texinanni!

³⁵ Aiquicol'ma. Cal xans iximpoxi exinamma lix'mats'i', ux'masquenanni hipal. Ipango'ma ipalai'ma ac'a. ³⁶ Jesús icuxe'e'mola' lan xanuc' aimuy-out'le'me. Nij naitsi nocuejya. Ihniya aimicuec'eyi. Tama Jesús timila':

“Aimuluyout'le'me, nij naitsi locuejya”, iñe lan xanuc' xonca tuya'ayi lo'epa.
³⁷ Imetsaico'me acueca' juaiconapa lo'epa Jesús. Ticuayi:

—¡Tolsinle! Tixał'menala' lan tałpe iñe ticuejnayi. Tixał'menala' jouc'a lan ta'ay, iñe tipalainayi ac'a. Jahuay lo'epa juaiconapa ac'a.

8

¹ Jiñe litiné lan xanuc' efołconanni pe lopa'a Jesús. Ailopa'a cotejacu. Jesús ijoc'i'mola' ts'ilihuequi, timila':

² —Iya' caxinnila' cuanuc'la iñe lan xanuc'. Joupa ixhuaita afane' quitine małmana' fa'a, iya' jouc'a iñiya. ³ Timana' quiyoyomma aculi'. Aiquiltesma. Aimi'iya miyeyacu. A'i cummeyacola'. Ticuaitsa nolojmay cane timatola' cumemma.

⁴ Ts'ilihuequi italai'e'e'me, timiyi:

—Jifa'a ailopa'a quilya'. ¿Petsi całtac'ueyacu ła'i tinajntsola' iñiya lan xanuc'?

⁵ Jesús icuis'e'mola', timila':

—Imanc', ¿tojua mimana' lola'í?

Iñe italai'enca, timiyi:

—Tipa'a acaitsi lala'í.

⁶ Jesús icuxe'e'mola' lan xanuc' ticutshuolaike łamats'. Epenuf'ma lan caitsi la'í, ix'najtsi'i'ma ŁanDios, ixquenuf'ma ła'i, epi'i'mola' ts'ilihuequi. Iñiya eca'nem'mola' lan xanuc'. ⁷ Timana' jouc'a oquexi' afantsi laicatuye. Jesús ix'najtsi'icona'ma ŁanDios, timila' ts'ilihuequi:

—Tolaca'netsola' lan xanuc'.

⁸ Jahuay itetso'me. Inajntsola' al c'a. Lefot'le'me lipanecomma, imantsi acaitsi lan tsangay. ⁹ Iñe lan xanuc' litetso'me tixhuaispola' to oquej nuxans maxnu.

Jesús ixc'ai'ina'mola'.

¹⁰ Aiquicoł'ma, if'ajli'me al barco jouc'a ts'ilihuequi. Iye'me icuaitsa łemats' liłya' cuftine Dalmanuta.

¹¹ Icuaiiconanca lan xanuc' fariseo. Ipango'me icuis'mot'lecona'me Jesús. Ixa'hue'me ti'eła' al cueca', iñe to lo'eya ŁanDios. Tehuaiyi. ¹² Jesús ixnalif'ma acueca', ticua:

—Lan xanuc' nomana' itsiya, ¿te całsa'huecopa ca'eła' al cueca'? Iya' cacua: Łinca aicamuc'iyacola', ni tołta'a.

¹³ Ipo'no'mola' quiltuca', if'ajcona'ma al barco. Iye'me, iquie'me al cuecaj quin'nuhua'.

¹⁴ Ts'ilihuequi aiquiltaic' ca'i. Imenc'ecopá. ¹⁵ Jesús ixc'ai'i'mola' iñiya, timila':

—Tołpo'note cuenna. Aimolapenuf'me hilevadura lan xanuc' fariseo, ni hilevadura cal rey Herodes.

¹⁶ Iñe aiquilcueca iñe limipola' Jesús. Timiyoltsi:

—¿Te całmicoponga' tołta'a? O ¿ałminga': “Imanc' olimenc'ecopá, aicołtaic' ca'i”?

¹⁷ Jesús ixina' lonespa, timila':

—Imanc', ¿te cołnescopa: “Ailopa'a cala'i”? ¿Teaicolcueca laimipolhuo'? ¿Te aicolapaic' cuenna lai'epa? O ¿i'ipolhuo' muf lołpicuejma'? ¹⁸ ¿Te unc'ifohue? ¿Te aimolșinyi loł'u'? ¿Te unc'italpe? ¿Te aimolcuejyi lołs'mats'i'? ¿Te olimenc'ecopá lai'epa? ¹⁹ Lu'ıła': Jiłpe litine laixquenuf'ma lam maque' la'í lolaca'nepola' iñe lam maquej mil lan xanuc', ¿tojua lan tsiquihuit'ł lołma'ne'me lipaneconni?

Italai'e'e'me, timiyi:

—Imbamaj coque'.

20 —Laixquenuf'ma lan caitsi la'í lolaca'nepola' lam malpuj mil lan xanuc', ¿tojua lan tsangay lołma'ne'me lipaneconni?

Italai'e'e'me:

—Acaitsi.

21 Timila':

—Itsiya, ¿te aimi'iya mołcuc'eyacu?

22 Icuaitsa liłya' Betsaida. Icuai'e'entsa Jesús anuli cal fo'. Ixa'hue'me tixpayaf'la' li'u' cal fo'. 23 Jesús exał'ma cal fo', iye'me lema quıłya'. I'otłi'ma hitsulu li'u', ixpayaf'ma limane, icuis'e'ma, timi:

—Itsiya, ¿te nipajnya tahuetsale? ¿Toxina?

24 Cal xans ipango'ma ehuetale'ma, timi:

—Caxinnila' lan xanuc', tiyelocoyi. Ti'onłcospola' to lan 'ec'.

25 Jesús ixpayaf'cona'ma li'u' cal xans. Iłque ixim'moxi exilina'ma li'u'. Ehuetsale'ma. Tehuelonge jahuay. 26 Jesús umme'ma ti'huanła' lejutł, timi:

—Aimotsufai'ma liłya'. Aimo'itola' lan xanuc'. Nij naitsi nocuejya li'ipo'.

27 Jesús jouc'a ts'ilihuequi iye'me, ticuaitsa łaiquilełya' lomana' jilpe al distrito cuftine Cesarea de Filipino. Miyeyi lane Jesús ticuis'ela', timila':

—¿Te conespa lan xanuc'? ¿Naitsi iya'?

28 Italai'e'e'me:

—Timana' nocuapá ima' umJuan Bautista. Ocuenaye ticuayi ima' umprofeta Elías. Ocuenaye tinesyi ima' mocuenaj profeta.

29 Icuis'e'cona'mola':

—Imanc', ¿te cołnespa? ¿Te cołcuapa? ¿Naitsi iya'?

Pedro italai'e'e'ma, timi:

—Ima' unCristo. ŁanDios ummepo'.

30 Jesús u'i'mola':

—Aimolu'i'mola' lan xanuc'. Nij naitsi nocuejya.

31 Ipango'ma imuc'i'mola' loyaicoya. Timila':

—Iya' iłque cal Xans Łiximpa cal profeta pu'hua lema'a. Catełco'ma juaiconapa. Lan tsila' xanuc' noxpıjpa łataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa ŁanDios, iłniya łatets'i'ma, ałcu'ma ałma'anła'. Afanej quitine camaf'ina'ma, catsahueno.

32 Acuajmaica u'ipola': “Ałma'a'ma”. Pedro aikuicuaitsi quipic'a iłe lines'ma Jesús. Ixoulai'ipa, itale'ma, timi:

—¿Te cofnescopa tołta'a?

33 Jesús ipai'e'moxi, ehuelojm'mola' ts'ilihuequi, itale'ma Pedro, timi:

—To'huanła'. Tanajxoxi fa'a. Ima' topalay ma to minesqui łonta'a Satanás. Ima' toxpıc'e to mixpic'eyi lan xanuc'. Ituca' tıxpıc'e ŁanDios.

34 Ijoc'i'mola' lan xanuc' jouc'a ts'ilihuequi tiquimf'ełe, timila':

—Cal xans ja'ni ipic'a lihuejla', aimicuxe'moxi quituca'. Iya' lapalts'inginna lancruz. Naitsi nalihuejya titaiła' lencruz jouc'a. Tıxpıc'eła' ticuxoxi titełcoła'. Tołta'a lihuejla'. 35 Cal xans ja'ni ti'exoxi cuenna juaiconapa, ja'ni aimicua mitełcoya, iłque cal xans tecani'e'moxi. Cal xans ts'ipic'a tihuejla' Łataiqui' loya'apa iłe al c'a lixpıc'epa ŁanDios, tołta'a lihuej'ma iya', iłque łınca ticu'moxi latełcoya. Tama tima'anłe, iłque tulij'ma lipitine aimijouya. 36 Cal xans nolijpa jahuay lopa'a fa'a li'a łamats', tijouła' tecani'exoxi, ¿te tıxhuico'ma iłe lulijpa?

37 ¿Nıjajnya ti'najtse'ma tunłu'eła' łi'almalı? A'i, aimi'iya.

38 'Itsiya litine lan xanuc' enajpołtsi ŁanDios, ti'eyi al xujc'a. Cal xans noximpa calaic'ata, ja'ni tinesla': “Iłne laif'as xanuc' lahuelonge, aikuıhıuejya Jesús, aıcapenufya łıtaıquı', aımi'iya”; litine cacuaıconanni fa'a li'a łamats', iya' jouc'a aıcapenufya iłque cal xans. Iya' iłque cal Xans Łiximpa cal profeta

pu'hua lema'a'. Cacuaiyoconno. Alcauaiconacu iya' jouc'a lam paxi capaluc' quema'a. Jilpe litine alsim'ma ninCueca' ma to LanDios cai'Ailli'.

9

¹ Ti'hua timila':

—Iya' camilhuo' al linca: Jifa'a timana' lan xanuc' tixim'me, timetsaico'me lo'eya LanDios micuxe fa'a li'a lamats'. Tohta'a tixim'me ai'a tima'mola'.

² Luyaipa acamts'us quitine Jesús ileco'mola' Pedro, Jacobo jouc'a Juan. Tiyeyi ma quituca'. If'ajli'me li'nof'quiya hjuala. Mehuelojnyi Jesús itque ipaicomma lixans. ³ Lipijahua' i'i'ma afujca juaiconapa, tunts'iflay. Fa'a li'a lamats' tama tepajle lijahua' aimi'ya mi'onhiyacu tohta'a. ⁴ Ts'ilihuequi Jesús ixim'me imaxcaitsola' lam profeta Moisés jouc'a Elías. Tiplalaic'oyi Jesús.

⁵ Pedro timi Jesús:

—Momxi, jac'a fa'a małmana! Ahanc'e'me afanej lihuoxqui, anuli ima', anuli Moisés, locuena Elías.

⁶ Pedro aikuixina' te ts'i'ic' ite licuapa, ma le'a tipalay. Ine lam fanti ts'ilihuequi Jesús ixpailij'mola' juaiconapa. ⁷ Ixim'me ipoxc'i'mola' cummahuay. Icuej'me tipalay małpe lumahuay, timila':

—Itca'a ai'Hua, ca'ay capic'a juaiconapa. Tołquimf'ete itque lonespa.

⁸ Ehuelojncona'me Jesús, itque tecaxu quituca'. Moisés y Elías ailomana'. Ma ejac'na'mola'.

⁹ Mimulnamma hjuala Jesús ipalaic'ocona'mola', timila':

—Iya' itque cal Xans Liximpa cal profeta pu'hua lema'a, ma capa'a fa'a li'a lamats' aimoluya'ata lołsimpa jilpe hjuala. Nij naiti nocuejya. Alma'a'ma, catsahuenahuo quipayonahuo pe lomana' limapola', tijoula' ti'itla' tohta'a tolu'i'mola' lan xanuc'.

¹⁰ Ine ts'ilihuequi Jesús ma quituca' tipalaic'oyołtsi, i'nujuaista ite lix-inghuo'me hjuala. Ticuis'eyołtsi:

—¿Te cataiqui' lonespa Jesús? Ticua: “Catsahuenahuo, quipano pe lomana' limapola”.

¹¹ Icuis'e'me Jesús, timiyi:

—Lomxiye nomuc'iyalepá locuxepa LanDios ticuayi: “Ate'a Elías ticuaiyoconno fa'a li'a lamats'. Tijoula' ticuaihuo cal Cristo.” ¿Te conescopa tohta'a?

¹² Jesús timila':

—Al linca lonespa iniya lomxiye ine nocuapá: “Ate'a ticuaihuo Elías. Itque tixanu'ma jahuary.” Jouc'a tipa'a liniliya loya'apa te ts'i'ic' laifnuyaicoya iya'. Iya' itque cal Xans Liximpa cal profeta pu'hua lema'a. Tuya'e' iya' catełco'ma juaiconapa, lan xanuc' latets'i'ma.

¹³ Iya' camilhuo', jupa i'huamma Elías. Lan xanuc' ma to lixplic'epa tohta'a i'e'epá itque. I'e'epá ma to muya'e' jilpe al Paxi Cataiqui' Linilingiya.

¹⁴ Icuaita pe lomana' locuenaye ts'ilihuequi Jesús, jilpe ixim'me juaiconapa axpela' lan xanuc' efot'eyołtsi canumicay. Jouc'a timana' lomxiye nomuc'iyalepá locuxepa LanDios. Ine lomxiye tifuli'iyi cataiqui' ts'ilihuequi Jesús. ¹⁵ Lixim'me Jesús lan xanuc' ixoconni quileta. Aiquicoł'mola', iyoyunca, inontsa.

¹⁶ Jesús icuis'e'mola' lomxiye nomuc'iyalepá locuxepa LanDios, timila':

—Imanc', ¿te colicuis'epola' ine lalihuequi?

¹⁷ Jilpiya lefołya anuli cal xans ipalai'ma, timi Jesús:

—Momxi, ailec'mehuo' łai'hua. Itsufaipa conta'a. Itque łonta'a i'e'epa ata'ay.

¹⁸ Łonta'a mulij'ma łai'hua tecanghuaispa. Tijoula' łai'hua ti'i quipehuoxco lico, ti'ılca' li'ay, tuhuaquemma. Aixa'hue'mola' lihuejhuo' tipa'ate łonta'a. Aiqui'ic' quilipa'e.

¹⁹ Jesús italai'e'ma, ticua:

—Itsiya litine imanc' nołmana' fa'a li'a łamats' aimoł'huaiyijnyi ŁanDios, olanajpołtsi. Iya' cacua, coła' aicapajncona'ma pe lołmana'. ¿Te iya' ti'hua caxnet'i'ma? Allec'metsi lo'hua.

²⁰ Ilecotsa łamijcano. Aiquicoł'ma, lixim'ma łonta'a Jesús, ife'ne'ma ujfxi łamijcano. Iłque ecanghuaitsi, ti'huałtsay, ipa'a'ma ipehuoxco lico. ²¹ Jesús icuis'e'ma qui'ailli' łamijcano, timi:

—¿Tojua camats' tołta'a mi'i lo'hua?

Italai'e'e'ma timi:

—Caca'hua. ²² Łonta'a tummetsay, tecajm-maispa laja' jouc'a titanc'aispa łunga. Tehuay te co'iya mima'aya. Itsiya ja'ni nipajnya, įaltoc'itsonga! įAłsintsonga' ninc'icuanuc'la!

²³ Jesús timi cal xans:

—¿Te całmicopa: “Ja'ni nipajnya”? Ja'ni ima' ał'huaiyijnla', ti'i'ma. Naitne lał'huaiyijmpa ałsim'ma iya' nipajnya, ałsim'ma jahuay ti'i'ma ca'e'ma.

²⁴ Aiquicoł'ma, qui'ailli' łamijcano ija'a'ma ujfxi, timi Jesús:

—Ca'huaiyijnhuo', įaltoc'ila' ca'huaiyijntso' xonca!

²⁵ Ixim'mola' Jesús tiłoc'olaiyumma xonca lan xanuc', itale'ma łonta'a, timi:

—Ima' monta'a, ima' o'e'epa atape y ata'ay ilca'a łamijcano. Iya' cacuxe'ehuo', įtaipanni ilca'a łamijcano! Aimotsufaicona'ma.

²⁶ Łonta'a ija'a'ma. Ife'ne'ma ujfxi łamijcano. Ipananni. Łamijcano i'i'ma to łomapa. Axpela' lan xanuc' ticuayi: “Joupa imanapa”. ²⁷ Jesús i'noł'e'ma limane icutsu'ma łamijcano, ilque ecaxna'ma.

²⁸ Lijou'ma litsufłai'me lajut'ł Jesús jouc'a ts'ilihuequi, mimana' quiltuca' ilne icuis'e'me, timiyi:

—Illanc', ¿te cał'icoponga' aicalipa'e łonta'a?

²⁹ Italai'e'e'mola', timila':

—Ticuicomma tołsa'huele ŁanDios, aimołtetso'me, tołsnet'He. Ja'ni a'i, aimi'ya molipa'ayacola' ilniya lontahue.

³⁰ Ipalunca įilpiya. Tuyalaicoyi al distrito Galilea. Jesús ticua: “Aim-icuej'me lan xanuc' pe laifpa'a”. Ipic'a timajnle quiltuca' ilque y ts'ilihuequi.

³¹ Mimuc'ila' timila':

—Iya' ilque cal Xans Łiximpa cal profeta pu'hua lema'a. Ałcu'ma, ał'noł'ma lan xanuc', ałma'a'ma. Afane' quitine, camaf'ina'ma.

³² Ilne aiquiltcueca ilne lonespa Jesús. Aiquilicuis'e. Tixpailiquila'.

³³ Icuaiyocontsa liłya' Capernaum. Mimana' lajut'ł, Jesús icuis'e'mola' ts'ilihuequi, timila':

—¿Te cataiqui' colfuli'icopołtsi małeyi lane?

³⁴ Ilniya aiquiltalai'e. Miyeyi lane tifuli'iyołtsi cataiqui' naitsi ilque xonca cal te'a. ³⁵ Jesús icutshuai'ma, ijoc'i'mola' limbamaj coquexi', timila':

—Cal xans ts'ipic'a ti'ila' cal te'a, ti'e'exoxi łaquijoujma, ti'e'exoxi to łaquintahuaicopa lif'as xanuc'.

³⁶ Exał'u'ma anuli łahuac'hua. Ecaxu'e'mola' ts'ilihuequi. Ipulc'o'ma, timila' ts'ilihuequi:

³⁷ —Naitsi napenufya anuli łahuac'hua to ilca'a, ja'ni tinesla': “Jesús ti'ay capic'a ilca'a łahuac'hua, iya' jouc'a capenuf'ma”, ilque linca lapenufi iya'. Naitsi nalapenufpa iya' a'i ma le'a iya' lapenufi, lapenufinga' jouc'a Łalummepa.

³⁸ Juan timi Jesús:

—Momxi, ałsimpá anuli cal xans tipa'ala' lontahue. Iłque ticuaj'mi lop-uftine. Illanc' ałcuanac'epá. Iłque a'i całejmale.

³⁹ Jesús timila':

—Aimolcuanac'e'me. Anuli cal xans no'epa acueca' micuaj'mi laipuftine, ilque cal xans aimalnesc'eya cataiqui'. ⁴⁰ Ilne lan xanuc' ja'ni aimal'enga' laic' tama a'i malejmaleyi, ilne linca altoc'inga'.

⁴¹ 'Iya' camilhuo' al linca: Cal xans naimetsaicopolhuo' imanc' alihuequi iya', ja'ni tinesla': "Ilne ilihuequi cal Cristo. Cuhui'i'mola' quilja'", ilque cal xans tipa'a lolijya, LanDios tipaxne'ma.

⁴² 'A'ijc'a loyaicoya cal xans naimenac'iya anuli ilna'a la'uhuay, ilne al'huaiyinge iya'. Cola' ifinc'im'me lejoc' anuli cal cuecaj capic molino, cola' ecajm'mim'me laja. Cola' ima'ma ate'a ai'a ti'e'ma iliya lixcay.

⁴³ 'Ja'ni lomane ti'e'ma lixcay, itatejla' nulemma! Ja'ni tocuaiti al muf petsi lunga aimipica, ¿te cof'ecoya oque' lomane'? Tama le'a anuli lomane, ja'ni ti'i'ma totsufaita petsi lopitine aimijouya, xonca al c'a toyaicota.

⁴⁴⁻⁴⁶ 'Ja'ni lo'mis ti'hua'a'mo' petsi to'e'ma lixcay, itatejla' nulemma! Ja'ni tecajm-mitso' al muf, ¿te cof'ecoya oque' lo'mitsi'? Tama le'a anuli lo'mis, ja'ni ti'i'ma totsufaita petsi lopitine aimijouya, xonca al c'a toyaicota.

⁴⁷⁻⁴⁸ 'Ja'ni lo'u timenac'ihuo', itaipa'ala! Ja'ni tecajm-mitso' al muf petsi lapimí aimimala', ti'hua titeji, petsi aimijaf'que lateicoya, aimipica lunga, ¿te cof'ecoya oque' lo'u'? Tama ma le'a anuli lo'u, ja'ni ti'i'ma totsufaita petsi tihuejcoyi LanDios, ilque cal Cuecaj Rey, xonca al c'a toyaicota.

⁴⁹ 'Jahuay lotsufconyacu LanDios ticuicomma tetentinte, toliya ti'em'me co'hue, tole LanDios tepenuf'ma. Jouc'a lan xanuc' ilpicuejma' ticuicomma tetentintsola', ticuicomma titeico'me, tole LanDios tepenufna'mola'. ⁵⁰ Lo'hue ipenic'. Ja'ni tejac'la' lic'a, ¿te conf'ecoyacu lo'hue? Imanc' aimi'i'molhuo' to ilque lo'hue lejac'pa lic'a. Aimolfuli'i'moltsi cataiqui'. Tolnanc'otsohti.

10

¹ Jesús ipanni al distrito Galilea, icuaiti al distrito Judea. Il lamats' locuena liju' al cuecaj panaj Jordán. Icuaiyocona'me axpela' lan xanuc' jilpe pe lopa'a Jesús. Ilque ma to mi'ay timuc'iyale. ² Icuaiyunca jouc'a lam fariseo. Ehuaicona'me, icuis'e'me:

—¿Te cal xans nipajnya tecanai'ma lipeno, o aimi'iyá?

³ Jesús italai'e'e'mola', timila':

—¿Te quiniipa Moisés? ¿Te coya'apa lonleyacu?

⁴ Italai'e'e'me, timiyi:

—Moisés inilpa: "Cal xans tiniha' anuli lije'e lacanaicoya lipeno. Tijoula' tecanai'ma."

⁵ Jesús timila':

—Moisés ixina' ata lopicuejma' imanc', tohta'a quiniicopa. ⁶ Al te'a a'i tohta'a licuxeyalepa LanDios. Lilanc'epa li'a lamats' LanDios ilanc'e'mola' "... cal xans y laca'no". ⁷ Icuama: "Cal xans tipo'no'mola' qui'ailli' qui'máma', tileco'ma lipeno. Tejonli'moltsi. ⁸ Loquexi' ti'e'e'moltsi to anuli le'a." Tohta'a i'ipola' anuli, a'i oquexi'. ⁹ LanDios ixpic'epa tohta'a tejonli'mola', tohta'a ti'e'e'mola' anuli. Lan xanuc' aimi'iyá menajyacola'.

¹⁰ Licuaita lajut'it' ilihuequi Jesús icuis'e'me to joupa licuis'epa lan xanuc' fariseo. ¹¹ Jesús timila':

—Tama cal xans tecanaila' lipeno, ma' ipeno. Ja'ni tilecola' ocuena caca'no', ixcay ille lo'eya. Ma' anuli lo'eya to ilne nahuepá quileca'no'. ¹² Jouc'a laca'no'. Tama tecanaila' lipe'ailli', ma' ipe'ailli'. Ja'ni tihuejla' ocuenaj xans ixcay ille lo'eya. Ma' anuli lo'eya to laca'no' nahuepá quilxanuc'.

¹³ Jilpiya pe lopa'a Jesús ticuai'enspola' la'uhuay. Tixa'hueyi tixpayaf'tsola', tipaxnetsola'. Ts'ilihuequi Jesús italem'mola' ilniya ts'itejma quilnaxque'.

14 Jesús lixim'mola' ts'ilihuequi tołta'a lo'epa aiqutenłcocojma, ixtuc'o'mola'. Timila':

—Aimołpa'ne'mola' la'uhuy. Tiyoyunca pe laifpa'a. Lan xanuc' not-suflaiyacu pe locuxeyopa ŁanDios ti'onłcospola' to iłna'a la'uhuy. 15 Iya' camilhuo' al linca: Cal xans ja'ni jahuay łunxajma' tihuequi litaiqui' ŁanDios locuxepa, ma to laihuejpa la'uhuy, iłque cal xans titsufai'ma pe lopa'a ŁanDios. Ja'ni a'i, aimitsufaiya.

16 Jesús ipulc'o'mola' la'uhuy, ixpayaf'mola', ipaxne'mola'.

17 Ipango'ma ti'hua'ma Jesús, icuaico'ma anuli cal xans tinu. Exc'onłngai'ma Jesús, icuis'e'ma:

—Cunc'a comxi, ¿te caif'eya culijla' laipitine aimijouya?

18 Jesús timi cal xans:

—¿Te calmicopa iya' ninc'a? Le'a ŁanDios copa'a cal C'a. Ailopa'a cocuena.

19 Ima' oxina' locuxepa ŁanDios. Iłe lataiqui' tuya'e': “Aimoxhuico'ma ocuena caca'no', ma le'a łopeno. Aimoma'ahuale'ma. Aimonantse'ma. Ja'ni topalaicotsola' lof'as xanuc' tonesla' al linca, aimofel'miyale'ma. Taihuejco'mola', tołoc'i'mola', co'ailli', co'máma'.”

20 Cal xans timi Jesús:

—Momxi, caltojomma ca'ay tołta'a, jahuay iłiya.

21 Jesús ehuelojm'ma cal xans, etenłcoco'ma lipicuejma', timi:

—Linca, tipa'a lahue'epo'. To'huanła', tocułtsi jahuay ło'hueca. Al tomı' lofmulijya tapi'itsola' pe lahue'epola'. Tołta'a ti'i'ma co'huexi jipu'hua lema'a. Tijouła' tocuaiococono pe laifpa'a, lihuej'ma.

22 Licuej'ma jıle lataiqui' ic'ommai'ma. Acueca' juaiconapa ił'huexi. I'huana'ma tixhuełma.

23 Jesús ehuelojm'mola' ts'ilihuequi, timila':

—Lan xanuc' ts'ił'hueca juaiconapa afule mitsuflaiyacu pe locuxeyopa ŁanDios.

24 Ts'ilihuequi aiqıłcueca jıle lines'ma Jesús. Ticuayi: “¿Te conescopa tołta'a?” Jesús timiconala':

—Cunc'ainaxque', lan xanuc' no'huaiyijmpá ił'huexi afule mitsuflaiyacu pe locuxeyopa ŁanDios. 25 ¿Te aga cal camello tuyaico'ma laquipihuo łacuxa? Iya' camilhuo': Cal xans ts'ił'hueca juaiconapa tixim'ma xonca lipime mitsu-faiya pe locuxeyopa ŁanDios.

26 Licuej'me tołta'a ts'ilihuequi Jesús ixim'me ipime juaiconapa iłe lataiqui'. Imiconam'olłtsi:

—Aicalcueca iłe lataiqui'. ¿Te ailopa'a conłuya?

27 Jesús ehuelojm'mola', timila':

—Lan xanuc' quıłtuca' aimi'ıya monłueyacołtsi. ŁanDios linca nipajnya tunłue'mola'. Iłquiya jahuay nipajnya ti'e'ma, aimixina quipime.

28 Pedro timi Jesús:

—Illanc' ałpo'nonapá jahuay, lihuejhuo'.

29 Jesús italai'e'e'mola' ts'ilihuequi, timila':

—Iya' camilhuo' al linca: Cal xans nocuapa: “Quihuequi Jesús, jouc'a quihuequi Lataiqui' loya'apa lixic'epa ŁanDios”, ja'ni joupa ipo'nopa lejut'ł, ipo'nopola' lipimaye o qui'máma' qui'ailli' o linaxque' o łemats', 30 iłque cal xans mipa'a fa'a li'a łamats' tulij'ma amaxnu xonca. Tama tihuetsoquinłe tulij'mola' axpela' qui'máma', quipimaye, quinaxque', quejut'łi, quemats'. Ticuaitsi locuaicoya quitine tulij'ma lipitine aimijouya. 31 Axpela' lan tet'ła xanuc' ti'i'mola' lijoucola'. Jouc'a lijoucola', axpela' iłniya, ti'i'mola' lan tet'ła.

32 Miyeyi lane tif'ajliyi Jerusalén Jesús i'huaj'me'mola' ts'ilihuequi, iyenc'e'me iłniya. Tixhuełmot'łeyi, ticuayi liłpicuejma': “¿Te co'ıya Jesús?” Lan

xanuc' locuenaye tihuejyi tixpailiquila'. Jesús itojf'i'mola' limbamaj coquexi', u'i'mola' loyaicoya matque quituca'. ³³ Timila':

—Imanc' olsina' ałf'ajliyi al cueca' quilya' Jerusalén. Iya' itque cal Xans Liximpa cal profeta pu'hua lema'a. Jilpiya ałcunna. Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, alacani'eta ałma'anla' locuenaye xanuc', ilniya a'i judío. ³⁴ Ilniya ałtaluntseta, ałtsuc'ota lai'a, luntafquinna, ałma'ata. Afanej quitine camaf'ina'ma.

³⁵ Jacobo jouc'a Juan, ilne linaxque' Zebedeo, itoc'otai'me pe lopa'a Jesús, timiyi:

—Momxi, ałpic'a ima' lapi'itsonga' ma to lałsahue'eyaco'.

³⁶ Jesús timila':

—¿Te ts'otpic'a? ¿Te caifnepi'iyacolhuo'?

³⁷ Ilniya timiyi:

—Lapi'itsonga' lane ałcuxeta anuli ima'. Ałcutsingaito', anuli illanc' al c'a camane, locuena loxa camane.

³⁸ Jesus timila':

—Imanc' aicołsina', aicołcueca ilne lałsahue'epa. Ałmila': ¿Te imanc' nipajnya toluyalaico'me to iya' laifnuyaicoya? ¿Te nipajnya tołtelco'me to laiftełcoya?

³⁹ Ilniya timiyi:

—Nipajnya.

Jesús timila':

—Ma' ałinca imanc' toluyalaico'me to iya' laifnuyaicoya. Tołtelco'me to iya' laiftełcoya. ⁴⁰ Iya' aimi'iya camiyacolhuo': “Ałcutsingaita anuli al c'a camane, locuena loxa camane”. Ailopa'a tołta'a laimane. LanDios joupá ixpic'epa naiłne nocutsołaiyacu jilpiya. Ma' ilniya ticutsołaita.

⁴¹ Locuenaye limbama' ts'ilihuequi Jesús icuej'me loxahue'epa Jacobo y Juan. Ipango'me ixtulencia. ⁴² Jesús ijoc'i'mola', timila':

—Imanc' ołsina' lił'ejma' lan xanuc' pe aimimetsaicoyi LanDios. Ilne liłpincuxepá ti'e'eyołtsi to lapoujnalá. Ts'ilpenic' ticuxenaiyi juaiconapa.

⁴³ Imanc' aimonł'e'me tołta'a. Ja'ni anuli imanc' ipic'a ti'e'exoxi xonca acueca', itque titoc'itsola' lipimaye. ⁴⁴ Ja'ni anuli imanc' ipic'a ti'e'exoxi cal te'a, tixpic'ela' titoc'itsola' jahuay lif'as xanuc'. ⁴⁵ Iya' itque cal Xans Liximpa cal profeta pu'hua lema'a. Laicuai'ma fa'a li'a lamats' aicanesqui: “Lan xanuc' ałtoc'ila' iya”. Aicuaicoco'ma catoc'itsola', cacuła' laipitine. Ca'najcuf'mola' liłjunac' axpela' lan xanuc', cunłu'e'mola'.

⁴⁶ Icuaitsa liłya' Jericó. Uyalaico'me liłya', ipalunca. Axpela' lan xanuc' tihuejyi Jesús. Jilpe lema cane ticutsu anuli cal fo'. Tixa'hue quitomí. Itque cuftine Bartimeo, i'hua Timeo. ⁴⁷ Icuej'ma tinesyi lan xanuc': “Icuaiico'ma Jesús łas Nazaret”. Cal fo' ipango'ma ija'a'ma, timi:

—¡Jesús, ima' otatahuelo cal rey David! ¡Ałsinla' nincuanuc'!

⁴⁸ Axpela' lan xanuc' itale'me, timiyi:

—¡Ti-ch'ixcotso'!

Tija'e' xonca ujfxi, ticua:

—¡Ima', otatahuelo cal rey David! ¡Ałsinla' nincuanuc'!

⁴⁹ Jesús ecax'ma, icuxe'e'mola' lan xanuc', timila':

—Tołjoc'ile cal fo'.

Ijoc'i'me, timiyi:

—Aimixpaij'mo', aimoxhuełmot'le'ma. Totsahuenni. Tijoc'ihuo'.

⁵⁰ Cal fo' eca'ni'ma lipuquiya, iyuf'conni, ecax'ma. I'hua'ma icuaitsi pe lopa'a Jesús. ⁵¹ Jesús icuis'e'ma cal fo', timi:

—¿Te caif'e'eyaco'? ¿Te ts'opic'a?

Cal fo' timi:

—Momxi, aipic'a cahuetsalela'.

⁵² Jesús timi:

—To'huanla'. Joupa al'huaiyijmpa, ixatconapo'.

Aiquico!ma, exilinanni li'u'. Ipango'ma ihuej'ma Jesús pe lotsepa.

11

¹ Tiyeyi lane ticuaita Jerusalén. A'ij culi' ile liya'. Icuaita hijuala Olivo pe lopa'a lileloya' Betfagé jouc'a Betania. Jesús umme'mola' oquexi' ts'ilihuequi, ² timila':

—Tonlete liya' lehuoc'ocojma. Jiipe loitsuflaiyacu liya' tosinna tifijnya anujnca anuli la'hua burro. Hque cal burro aiquenafcaiyinni. Toluhua!tsa. To!hua'anca. ³ Ja'ni ticuis'entsolhuo', timintsolhuo': “¿Te culuhua!copa cal burro?”, imanc' to!talai'e'e'me, to!mi'me: “La!Poujna ipicuiya tixhuicota. Ti-joula' ticuai'enacu.”

⁴ Iye'me ts'ilihuequi. Ixintsa la'hua burro tifijnya lane pe lopa'a al puerta. Uhua!ma. ⁵ Oquexi' afantsi tecaxo!anna jilpiya icuis'e'me, timinnila':

—Imanc', ¿te culuhua!copa cal burro?

⁶ Ts'ilihuequi Jesús italai'enca ma to limipola'. Lan xanuc' icu'me lane, ileco'me.

⁷ Icuai'etsa la'hua burro pe lopa'a Jesús. Ixpefi'me li!pijehua' lixpula' cal burro. Jesús icutsafcai'ma. ⁸ Axpela' lan xanuc' ixpou'me lane li!pijehua', ocuenaye ixpou'me imane' c'ec joupa ixquejpá. ⁹ Lan xanuc' ilej'me jouc'a ts'ilenc'e tija'ayi, ticuayi:

—¡Hosana! ¡LanDios tun!u'eatso', tipaxnetso'! LanDios ummepo'. ¹⁰ ¡Ima' al!cuxe'monga' al c'a! ¡Al!cuxe'monga' to cal rey David licuxepola' la!tatahueló! ¡To!ta'a al!paxne'monga' LanDios! I!ne nomana' lema'a jouc'a tinesle: “¡LanDios tun!u'eatso'!”

¹¹ Jesús itsufai'ma liya' Jerusalén. I'hua'ma al cuecaj xoute'. Joupa if'acolaipa. Ehuelojm'mola' lan xanuc', te ts'i'ic' lo'epa jilpiya. Ipanni. Jouc'a limbamaj coquexi' ts'ilihuequi iye'me lane liya' Betania.

¹² Lihuequi litine ipalunca jiipe liya Betania ipailiconamma Jerusalén. Miyeyi lane Jesús tunle'e. ¹³ Tehuelonge aculi' ixim'ma anuli la'icux. Ixim'ma tipa'a lipela. I'hua'ma ixintsi al 'ec. Licuaitsi pe lopa'a al 'ec ixim'ma le'a ipela. Aiquicuaiya litine mimaqui li'as icux. ¹⁴ Jesús timi la'icux:

—Nij naitsi noteja lo'as icux. Aimi'ascona'mo'.

Ts'ilihuequi Jesús icuej'me lines'ma Jesús.

¹⁵ Licuaicontsa Jerusalén Jesús itsufaicona'ma pe lopa'a al cuecaj xoute'. Ji!piya ipango'ma ipa'a'mola' nocucalepá jouc'a no'najualepá. Ejualaif'e'e'mola' li!mesa i!ne nopai'ipaj tomí. Jouc'a nocujpá lan cucú ejualaif'e'e'mola' liletayats'. ¹⁶ I!ne li!taic' locujyacu aiquepi'ila' lane muyalaiyacu luna xoute'. ¹⁷ Timuc'ila' lan xanuc' nomana' jilpiya, timila':

—Lataiqui' loya'apa locuxepa LanDios ticua: “Ji!pe lainejut'l ticuaicu lan xanuc', i!ne tiyouyunca ni petsi li'a lamats', ji!pe al!palaic'o'ma”. LanDios ecuej'micopa i!ta'a lejut'l. Itsiya tocomma a'i quejut'l LanDios. Ti'on!cospa to hants'aja' pe lafo!yomma lan namats'. To!ta'a lon!epa imanc'.

¹⁸ Lixanuc' cal cuecaj ca'ailli' jouc'a lomxiye nomuc'iyalepá locuxepa LanDios icuej'me locuapa Jesús. Tixpaic'eyi Jesús, ticuayi:

—Jahuay lan xanuc' i!pic'a lomuc'iyalepa i!que.

Ehue'me te co'iyá mima'ayacu. ¹⁹ Lif'acola!jma Jesús jouc'a ts'ilihuequi ipalconanca liya'.

20 Lihuequi litine uyalaicocona'me male lane. Ixim'me la'icux joupa ijuhnapa jouc'a hime. 21 Pedro i'nujuaitsi lines'ma Jesús, timi:

—Momxi, jtoxinla' la'icux! Ima' omi'ma cataiqui', joupa ijuhnapa.

22 Jesús italai'enni, timila' ts'ilihuequi:

—Imanc', ti'hua to'huaiyijnle LanDios. 23 Iya' camilhuo': Cal xans no'huaiyijmpa LanDios nipajnya ticuxe'ma itca'a hijuala, timila': “To'huala', to'nij'mixoxi'aja”. Ja'ni ma ti'huaiyinge, ja'ni ailopa'a conesya, itque tixim'ma ti'i'ma ma to licuxe'epa. 24 Iya' camilhuo': Ja'ni to'huaiyijnyi LanDios, ja'ni to'cuayi: “Joupa lapi'iponga' lahsahue'epa”, ihiya linca tepi'i'molhuo'.

25 'Mo'palaic'oyi LanDios, ja'ni tolixuc'oyi anuli to'pima aimi'hua molix-tuc'ocona'me. Itque to'pima tolimenc'e'ecole lixcay li'e'epolhuo'. To'ta'a co'Ailli' Nopa'a lema'a timenc'e'eco'molhuo' jouc'a lixcay lo'epa. 26 Ja'ni aimolimenc'e'ecoyi, co'Ailli' Nopa'a lema'a jouc'a aimimenc'e'eyacolhuo'.

27 Icuaiyocontsa li'ya' Jerusalén Jesús ti'hua jipe luna al cuecaj xoute'. Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, jouc'a lan xanuc' noxpijpa' lataiqui', iloc'olai'me pe lopa'a Jesús, 28 timiyi:

—¿Naitsi nummepo' to'ela' to'ta'a? ¿Naitsi nepi'ipo' lane?

29 Jesús timila':

—Iya' quicuis'e'molhuo' jouc'a. Ahtalai'ela'. Tijoula' cami'molhuo' naitsi nalapi'ipa laimane ca'ela' to'ta'a. 30 Lu'ila': ¿Naitsi nepi'ipa limane Juan tepo'itsola' lan xanuc'? ¿Ja'ni LanDios nepi'ipa o ma le'a lan xanuc' epi'i'me?

31 Ihiya ticuis'eyo'tsi, timiyot'si:

—Ja'ni a'hmile: “LanDios epi'ipa limane”, Jesús a'hmimonga': “¿Te aicolapenufi itque?” 32 O ¿a'hmile: “Lan xanuc' epi'ipá limane”? A'i, aimi'ya ma'hmiyacu to'ta'a. Lixuc'o'monga' lan xanuc'.

Ihne lixanuc' cal cuecaj ca'ailli' jouc'a lomxiye nomuc'iyalepá locuxepa LanDios tixpailiquila'. Lan xanuc' ticuayi: “Juan Bautista aprofeta, LanDios ummepa”. 33 Italai'e'e'me Jesús, timiyi:

—Aicahsina'.

Jesús timila':

—Iya' jouc'a aicamiyacolhuo' naitsi nalapi'ipa laimane.

12

1 Jesús ipango'ma i'on'lico'ma lo'epa LanDios fa'a li'a lamats'. Timila':

—Anuli cal xans ifapa lamats' laifa' uva. Eti'ico'ma aita'. Ipupa pe lot-suj'miyacu loxoc'eyonyacu lan 'uva, tipa'a'me laquija'. Ilanc'e'ma anuli li'nof'quiya lajut'i, jilpiya tipajm'ma no'eya cuenna lan 'uva. Icu'ma lamats' lan xanuc' ti'etsa canic', tulij'me on'ca laipammaiya. Aculi' i'hua'ma. 2 Licuaitsi litine lipammaitsi lan 'uva umme'ma anuli himozo. Timitola' lin'epá canic': “Lapi'ila' hi'huexi laipoujna”. 3 Lin'epá canic' i'no'ime cal mozo. Ummena'me. Aiquilepi'i. 4 Lapoujna ummecona'ma ocuena quimozo. Licuaitsi jilpiya lin'epá canic' ixcai'e'me lijuac, imiloj'me cataiqui'. 5 Ummecona'ma ocue-naj mozo. Itque cal mozo ima'a'me. Ummecona'mola' axpela' ocuenaye. Untafem'mola' jouc'a ima'am'mola'.

6 'Ipanenni ma le'a anuli naitsi lommaya. Itque i'hua, ti'ay capic'a juaiconapa. Umme'ma. Icu'ma: “Tixpaic'eta lai'hua”. 7 Lin'epá canic' timiyot'si: “Itque i'hua lipoujna camats'. A'hma'ale. Tijoula' a'hma'ale illanc' ticuainata calmane cal 'huexi.” 8 Ihne i'no'ime lamijcano, lima'a'me, ipa'a'me ite lamats' pe lifapa laifa'.

⁹ 'Lipoujna camats', ¿te co'e'eyacola' iñe lin'epá canic'? Iya' camilhuo': Lapoujna ti'hua'ma pe lomana' iñiya lan xanuc', tima'atola'. Lemats' lifapa laifa' uva tepi'i'mola' ocuenaye lan xanuc'.

¹⁰ '¿Te a'i co'suec' al Paxi Linilingiya loya'apa te ts'i'ic' lo'iya? Ticua: Lapic letets'ipa nolanc'epá lajut'l, i'ipa xonca laicuicoya.

Itque lapic xonca tilanc'e laita' aimecangeya lajut'l.

¹¹ LanDios la'Poujna to'ta'a lecuej'micopa.

Illanc' alsinyi acueca' ile li'ipa.

¹² Lixanuc' cal cuecaj ca'ailli' jouc'a lomxiye nomuc'iyalepá locuxepa LanDios ixtuc'o'me Jesús, ticuayi: "Itque Jesús al'onhcongá to iñe lixcay lin'epá canic' jilpe lamats' lifampa cal 'uva". Ehue'me te co'iya mi'no'iyacu Jesús. Ailopa'a qui'e'epa. Tixpaic'ennila' lan xanuc'. Ipo'no'me jilpe. Iyena'me.

¹³ Ummem'mola' lan xanuc' fariseo jouc'a lixanuc' cal rey Herodes. Ticuis'mot'leta Jesús. Tehuaita. Ehue'me te co'iya micufyacu. ¹⁴ Icuaitsa, timiyi Jesús:

—Momxi, alsina' ima' tonesqui al linca. Aimahuay latentococopola' lan xanuc'. Ma' anuli topalaic'ola' jahuay. Aimahuelongila' ja'ni i'hueca o aici'hueca. Tomuc'iyale lipene LanDios. Itsiya licuis'ehuo', ¿te al'najtse'eta al tomí la'sahue'eyaconga' cal cuecaj quincuxepa, itque César? O ¿aima' najtse'eyacu? Alu'itsonga', ¿nipajnya o aimi'iya?

¹⁵ Jesús ixina' te ts'i'ic' lipicuejma' iñiya. Ilpic'a tifel'mite. Ma le'a ti'e'eyo'tsi to lan c'a xanuc'. Timila':

—¿Te calahuaicopa? A'tai'etsi anuli al tomí, caxinla'.

¹⁶ Itai'etsa. Jesús icuis'e'mola', timila':

—Ita'a al tomí, ¿naitsi ilca'a ts'i'a? ¿Naitsi ita'a ts'ipuftine?

¹⁷ Italai'e'e'me, timiyi:

—Li'a César, lipuftine César.

Jesús timila':

—Ja'ni i'huexi César, tolapi'ite César. Ja'ni i'huexi LanDios, tolapi'ite LanDios.

Licuej'me Jesús litalai'epola' icuapá:

—¡Xinla'! Acueca' lipicuejma' Jesús.

¹⁸ Lijou'ma icuaitsa pe lopa'a Jesús lan xanuc' saduceo. Iñe naihuejpa lataiqui' loya'apa: "Lan xanuc' tima'mola' nulemma, aimimaf'iyacu". Jouc'a tehuaiyi Jesús, icuis'e'me, timiyi:

¹⁹ —Momxi, pe lina'pa Moisés alcuxenga', tuya'e': "Cal xans tima'la', ma' imaf'i' lipeno ailopa'a qui'hua, lipima tileco'ma li'maxi. Tipajntsi qui'hua tecui'i'me lipuftine limanapa. Timetsaicom'me to qui'hua limanapa. Tepi'im'me li'huexi limanapa." ²⁰ Itsiya lu'i'mo' li'ipa.

'Timana' acaitsi lapimaye. Cal te'a ileco'ma lipeno. Ailopa'a qui'hua. Imanapa. ²¹ Lipima limanapa ileco'ma li'maxi. Ailopa'a qui'hua, jouc'a imana'ma. ²² Jouc'a locuena lipima ileco'ma li'maxi. Ma' anuli uyaico'ma. Locuenaye amalujxi lipimaye ma to'ta'a luyalaico'me. Jouc'a ileco'me li'maxi, anuli anuli imana'mola'. Aiquisina' qui'hua. Lijou'ma imana'ma la'ca'no' jouc'a. ²³ Lan caitsi joupa ilecopá la'ca'no'. Itsiya lu'itsonga': Ticuaitsi litine timaf'inate limanapola', ¿naitsi co'iya lipe'ailli'?

²⁴ Jesús timila':

—Imanc' timenaquilhuo'. Aico'sina' loya'apa al Paxi Linilingiya, aicolimet-saijma al cuecaj lo'epa LanDios. ²⁵ Timaf'inle lan xanuc' tipalnacu pe lomana' limanapola', iñiya aimemalliyacu, ni lacu'hue ni laca'no'. Ti'on'cotola' to lapaluc' quema'a.

26 'Imanc' tołcuayi: "Aimimaf'iyacu limanapola". ¿Te aicołsuec' liniłpa Moisés? Jiłpe tuya'e' li'ipa litine lonajpa lac'ec. He litine ŁanDios timi: "Iya' NanDios, ilenDios Abraham, Isaac y Jacob". 27 ŁanDios a'i quilenDios limanapola'. Itque ilenDios ts'ihmaf'i'. Imanc' juaiconapa timenaquilhuo'.

28 Jiłpe tipa'a anuli łomxi nomuc'iyalepa locuxepa ŁanDios. Tiquimf'e ihnu'hua laicuis'mot'lepa Jesús, ticueca Jesús titalai'e'ela' al c'a. Ipalaic'o'ma Jesús icuis'e'ma, timi:

—¿Te copa'a xonca al cueca' lataiqui' locuxepa ŁanDios?

29 Jesús italai'e'ma, timi:

—He lataiqui' xonca al cueca' tuya'e': "Ałquimf'ela', imanc' ixanuc' Israel. ŁanDios, łalanDios, ma' itque anDios. Ailopa'a cocuena. 30 Ima' to'nujuaitsi ŁanDios łoPoujna. Itque omenDios. Taihuejla' jahuay łomunxajma', jahuay ło'alma, jahuay lopicuejma', jahuay lopujfxi." 31 Locuena lataiqui' locuxepa ŁanDios tuya'e': "Ima' to'eyoxi capic'a. Ma tołta'a to'ela' capic'a łof'as xans, naitsi łoftalecufya." Iha'a atsila' cataiqui'. Xonca atsila' ailopa'a.

32 Łomxi timi:

—Momxi, ac'a lotaiqui' lonespa. Ma' al linca łofcuapa. Tipa'a anuli ŁanDios, ailopa'a cocuena. 33 Ał'nujuaisle ŁanDios, alihuejle jahuay łalunxajma', jahuay lałpicuejma', jahuay lałpujfxi. Ał'etsola' capic'a lał'as xanuc' ma to mał'eyołtsi capic'a. Ja'ni tołta'a ał'eyi, ticuaispa quipic'a ŁanDios. Ja'ni aimal'eyacola' capic'a lał'as xanuc', tama ałtsufcole lopi'epa jiłpe al altar, ite lał'ejma' aimicuaispa quipic'a ŁanDios.

34 Jesús ixim'ma łomxi ac'a lipicuejma'. Italai'e'e'ma, timi:

—Ahuata lahue'epo' motsufaiya pe locuxeyopa ŁanDios, itque cal Cuecaj Rey.

Lijou'ma ailopa'a quicuis'epa, ni anuli. Iłsina' tulijna'mola' Jesús.

35 Mipa'a Jesús pe lopa'a al cuecaj xoute' ti'hua timuc'ila' lan xanuc'. Timila':

—Łomxiye nomuc'iyalepá locuxepa ŁanDios ticuayi: "Cal rey David itatahuelo cal Cristo". ¿Te conescopa tołta'a? 36 Ituca' lonespa itque cal rey David. Muya'e' lataiqui' lu'ipa cal Espiritu Santo tuya'e':

ŁanDios ipalaic'o'ma łaiPoujna, timi:

"Tocutsaiłta' jifa'a al c'a camane.

Topanehuo fa'a, iya' mi'hua culiquila' lo'epo' laic'.

Tijoułta', ima' tocuxena'mola'."

37 Małque David inesco'ma cal Cristo, ticua "... łaiPoujna". Ja'ni David itatahuelo cal Cristo, ¿te conescopa tołta'a?

Axpela' lan xanuc' noquimf'epá lomuc'iyalepa Jesús icuaitsi quiliłpic'a juaiconapa litaiqui'.

38 Mimuc'iyale Jesús tu'ila':

—Tołpo'nołe cuenna, aimifel'mi'molhuo' lomxiye nomuc'iyalepá locuxepa ŁanDios. Iłniya iłpic'a tipo'nołe liłpijagua' axehuay, tiyelocota to lan tsilaj xanuc'. Miyelocota jipu'hua pe lomana' axpela' lan xanuc', iłpic'a tinonintsola'. 39 Łajut'łi pe lałołyomma lan xanuc' iłpic'a ticutsołaiłe xonca jipu'hua li'huáqui. Ja'ni tijoc'innila' tixmocota iłpic'a ticutsołaiłe petsi locutsołaiyacu lan tsilaj xanuc'. 40 Tijoutsaf'ennila' lił'huexi lacał'no' lam potsateya. Mi'eyi tołta'a ti'e'eyołtsi to lan c'a xanuc'. Ticołi tipalaic'oyi ŁanDios. Tijoułta', xonca titeł'mi'mola' ŁanDios.

41 Jesús ticutsu al cuecaj xoute' tehuelongila' lan xanuc' mi'nij'mi'me liłtomí jiłpe al caxax. Axpela' lan xanuc' ts'ih'hueca xonca ti'nij'miyi acueca'. 42 Icuaitsi jiłpiya anuli łaca'no' apotsate. Ailopa'a caquitomí. I'nij'mi'ma oque' al tomí acobre. Ailopa'a quipitali. 43 Jesús ijoc'i'mola' ts'ilihuequi, timila':

—Iya' camilhuo' al linca: Hque cal potsate, aici'hueca, ulijpola' locuenaye. Etoj'mipa xonca. ⁴⁴ Locuenaye ni'nij'mipá liltomí jilpe, ihniya aimehue'ela'. Tipanemma acueca' liltomí. Ihquiya laca'no' ailopa'a quipaneya, etoj'mipa jahuay, ailopa'a co'nacoya loteja.

13

¹ Mipalumma al cuecaj xoute' Jesús jout'a ts'ilihuequi, anuli ts'ihuequi timi Jesús:

—Momxi, ¡toxinta! ¡Atsila' ihne lopic' lilanc'ecompa al xoute! ¡Atsila' lujut'hi!

² Jesús timi:

—Itsiya toxina ihnu'hua atsila' lujut'hi. Ticuaihuo litine jahuay tetelquehuo. Ni anuli lopic mipo'nof'queya locuena capic.

³ Micutsu Jesús hijuala Olivo, al huenajmay al cuecaj xoute', Pedro, Jacobo, Juan jout'a Andrés iloc'olai'me pe lopa'a. Icuise'me, timiyi:

⁴ —Lu'itsonga', ¿te quitine mi'ya lofnepa? ¿Te co'ya mi'ya calsina' aimico'ya lo'ya ihya? ¿Te jale malsinyacu?

⁵ Jesús ipango'ma u'i'mola' timila':

—To'po'note cuenna. Ja'ni a'i tife'l'mi'molhuo'. ⁶ Ticuaicu axpela' lincel'miyale, tines'me anuli anuli: “Iya' ninCristo, LanDios alummepa”. Ihniya tife'l'miyale'me. Axpela' lan xanuc' tepenuf'me liltaiqui'.

⁷ Imanc' to'cuej'me tifulenni jout'a tifulen'me. Aimixpailij'molhuo'. Ma to'la'a ti'i'ma. Tico'l'ma locuaicoya Lijoujma Quitine. ⁸ Lan xanuc' nomana' anuli al nación tixtuc'o'me, tifulen'me lan xanuc' locuenaj nación. Lixanuc' anuli cal cuecaj quincuxepa tifulen'me lixanuc' locuena cal cuecaj quincuxepa. Ni petsi tinu'ma lunanto, ti'i'ma cumemma. Ma ti'on'cota to lipumla laca'no', to'la'a tipango'ma al cueca' late'coya.

⁹ To'po'note cuenna. Ticum'molhuo', ticuaita lilmene lan tsilaj xanuc' noxpijpa lataiqui'. Tilecom'molhuo' lujut'hi pe lafo'yomma lan xanuc'. Jilpe tipam'molhuo'. Imanc' ts'alihuequi, to'la'a lan xanuc' tixtuc'o'molhuo'. Tilecom'molhuo' pe lomana' lincuxepa jout'a pe lomana' lan rey. To'la'a ihne lan xanuc' ti'ila' quilsina' naitsi iya'. Imanc' tulu'i'mola'.

¹⁰ Ai'a ticuaihuo Lijoujma Quitine ni petsi li'a lamats' tuya'am'me te ts'i'ic' lixpicepa LanDios, ihne lataiqui' ac'a loya'apa. ¹¹ Litine ti'no'intsolhuo', tilecot-solhuo' pe lomana' lincuxepa, aimo'sue'mot'le'me. Aimocua'me lo'picuejma': “¿Te caitalai'ecoyacu?” Malpe al 'hora LanDios tepi'i'molhuo' lo'picuejma' to'la'ala'eco'me al c'a. Ihe lo'nesyacu a'i co'la'iqui' imanc', ma' itaiqui' cal Espiritu Santo. Hque tipo'no'i'molhuo' lo'picuejma'.

¹² Lapima ticu'ma lipima tima'anle. Cal xans ticu'ma hi'hua. La'uhuay titsolicu, tixtuc'o'me quil'ailli' quil'mama'. Ticu'moltsi, tima'antsola'. ¹³ Imanc' ts'alihuequi ni petsi lo'manc'eyacu lan xanuc' ti'e'jco'molhuo' laic'. Ja'ni to'lnet'l'me, ticuaitsi Lijoujma Quitine tolunul'me.

¹⁴ Ma to luya'apa cal profeta Daniel to'la'a lo'ya. Ihe pe LanDios tilaiqui' tipo'nom'me petsi ailopa'a lane mipo'nonyacu.

(Naitsi noxhuef'iyacola' ita'a lataiqui' ticuec'ela'.)

Ti'ila' to'la'a lo'ya, ja'ni to'lnana' al distrito Judea, tolinul—le, to'f'ajle hijalay. ¹⁵ Ja'ni topa'a al toncay lomejut'l aimaimuhuo motsufai'ma lomejut'l. Aimocua'ma: “Tipa'a laifpa'aya”. Aimicol'mo'. Ma tainula'. ¹⁶ Ja'ni topa'a pu'huanni cal 'ec, aimopaiconahuo mommaf'huo lopuquiya. Ma tainula'.

¹⁷ Acuanuc'la laca'no' linnaila' jout'a notoc'alepa. Ihe litine juaiconapa tite'co'me. ¹⁸ To'lsa'huele LanDios aimicuaihuo late'coya liti'ne caxita.

19 'Li'a lamats' tama joupa ixhuaita axpe' camats' mipa'a, lan xanuc' nomana' aiquitehma to lotelcoyacu ile locuaicoya quitine. Tijoula' aimitelcoconayacu tohta'a. 20 Ja'ni LanDios tixpic'ela' ticohtsola' ilne litiné ailopa'a conluya. Joupa ixpic'epa aimicoayacola' ilne litiné. Tixinnila' cuanuc'la lixanuc' jilne li'huijf'epola', ipic'a tunlul—le.

21 'Jilne litiné ja'ni timintsolhuo': "¡Tolsinte! Jifa'a icuai'ma cal Cristo", o "Jipu'hua icuaita", aimol'e'me linca litaiqui'. 22 Ticuaicu lan xanuc' nonespá: "Iya' ninCristo", o "Iya' ninprofeta. Iya' canesqui lalu'ipa LanDios." Iniya infel'miyale. Ti'e'me al cueca'. Ilpic'a tinesle lan xanuc': "Itque linca ummepa LanDios". Ma le'a tifel'miyaleyí. Coła' tifel'mintsola' jouc'a li'huijf'epola' LanDios. Aimi'iya mifel'minyacola'. 23 Tołpo'nołe cuenna. Joupa nu'ipolhuo' jahuay ile lo'iya.

24 'Tijoutsola' ilne litiné catełcuya ticuaihuo litine: "Timufc'o'ma cal 'ora, cal mut'la aimepalc'o'iya. 25 Lan xamna timefcoteacu lema'a, jahuay lopa'a jilpe lema'a tife'nem'mola'." 26 Tijoula' alsim'ma iya'. Iya' ilque cal Xans Liximpa cal profeta pu'hua lema'a. Caguaiconanni lummahuay quimuyohuo. Alsim'ma ninCuecaj Rey. Alsim'ma al'onłspa ma to LanDios. 27 Jile litine cumme'mola' lainepaluc' quema'a tiyele tefot'lentsola' laixanuc' lai'huijf'epola'. Tileconnola' ni petsi lomana', ilne nomana' lo'huayomma łahua', nomana' lotsepa łahua', nomana' pe liyuf'ma cal 'ora, nomana' pe lof'acaiyopa cal 'ora. Jahuay lipitoqui lipexpats'qui li'a lamats' tileconnola'.

28 'Lo'ipa al 'ec 'icux ti'onłcospa to lo'iya. ¡Tołcujle! Tolsinte tuxcuaf'ela' limane' al 'ec 'icux ti'i'ma colłsina' icuaico'ma linu'. 29 Jouc'a litine tołsinte lo'ipa ma to lainu'ipolhuo' ti'ila' colłsina' joupa aicuaico'ma. 30 Iya' camilhuo' al linca: Litiné ti'ila' to laifmipolhuo', lan xanuc' nomajnyacu fa'a li'a lamats' ti'onłtola' to lan xanuc' nomana' fa'a itsiya litine. Anuli ti'i'ma liłpicuejma'. 31 Lema'a jouc'a li'a lamats' tijou'mola'. Laitaiqui' aimijouya.

32 'Nij naitsi ts'ixina' litine ni al 'hora cacuaiconaya. Aiquilłsina' lapaluc' quema'a, ni iya' i'Hua LanDios aicaixina' jouc'a. Ma le'a cai'Ailli' linca ixina'.

33 'Imanc' tołpo'nołe cuenna. Ti'hua tołmaf'ile. Aimi'i'molhuo' to noxmaipá. Tipantsi cumlata. Ti'hua tołsa'huete LanDios. Aicołsina' te quitine cacuaiyoconno. 34 Itsiya lo'ipolhuo' imanc' ti'onłcospa to li'ipola' lam mozó mi'huana'ma liłpoujna. Itque łapoujna epi'ipola' liłmane ti'ete cuenna lajut'ł. Epi'ipola' liłpenic', anuli anuli. Anuli ixc'ai'ipa ti'ela' cuenna al puerta, timi: "Aimoxmai'ma". 35-36 Jouc'a imanc' aimołsmi'me. Tołpo'nołe cuenna. Ja'ni a'i cacuaiyunni ca'huajcoco'molhuo' tołsmi'yi. Aicołsina' te quitine cacuaiyoconno iya' ołpoujna. Aicołsina' te 'hora, ja'ni if'acołai'pa, ja'ni nolojmay quipuqui', ja'ni mija'a'ma łangiti, ja'ni liłic'ejma'.

37 'Ma to laifmipolhuo' imanc' jouc'a laifnu'ipola' jahuay, camila': "Tipantsi cumlata, aimołsmi'me".

14

1 Tehue'e ma le'a oquej quitine ti'i'ma al juic Pascua. Ilne litiné titem'me łai' petsi aiqilai'inni leবাদura. Lixanuc' cal cuecaj ca'ailli' jouc'a lomxiye nomuc'iyalepá locuxepa LanDios ixpic'e'me tifel'miyale'me. Tehueyi te co'iya mi'nołyacu Jesús, tima'ale. 2 Ticuayi:

—Tijoula' al juic. Itsiya efołumma axpela' lan xanuc', tixtulecu.

3 Jesús tipa'a liłya' Betania lejut'ł Simón, ilque lixałconapa licuana cuftine lahui lepra. Ticutsu Jesús titesma. Icuaitsi anuli łaca'no' itaic' al pulu capic alabastro. Al pulu tinango laceite tujuej c'a ilanc'ecompa anardo, acueca'

lipitali. Laca'no' ixquej'ma lejoc' al pulu. Ixcua'fi'ma laceite lijuac Jesús.
⁴ Oquexi' afantsi mimana' jilpe ixtulencia, timiyot'si:

—Joupa ejac'pa laceite. ¿Te qui'ecopa tołta'a laca'no'? ⁵ Acueca' lipitali, to mulij'ma cal xans no'epa canic' afane' maxnu quitine. Ja'ni coła' icuj'ma, coła' epi'i'mola' lan xanuc', ilne petsi aiquil'hueca.

Tipalaicoyi quixcay laca'no'.

⁶ Jesús timila':

—Tołe ti'ila'. ¿Te cołpo'nocopa quixhujma' laca'no'? Itque i'epa al c'a. Latencocopa li'epa. ⁷ Imanc' tilmana' lołpiya' xanuc' petsi aiquil'hueca. Aim-ijouyacola' ihniya. Jahuay litiné ti'i'ma tołspic'e'me te co'iya mołtoc'iyacola'. Iya' a'i. Iya' aimacołya capajncanaya fa'a li'a lamats'. ⁸ Itca'a laca'no' i'epa ma to li'ommaita. Ai'a ałma'ma ał'huaf'impa laceite laicuerpo. Joupa ałanc'epa ai'a laminna. ⁹ Iya' camilhuo' al linca: Ni petsi loya'anyacu Lataiqui' loya'apa ite al c'a lixpicepa LanDios, jouc'a tuya'acom'me li'epa itca'a laca'no'.

¹⁰ Judas Iscariote, itque anuli limbamaj coquexi' ts'ilihuequi Jesús, i'hua'ma pe lomana' lixanuc' cal cuecaj ca'ailli', ticuta Jesús. ¹¹ Ihniya la'ailli' licuej'me locuapa Judas ixoconni quileta juaiconapa. Epi'i'me cataiqui' ti'najtse'me. Judas ipango'ma ehue'ma te co'iya micuya Jesús, ticuaita quitmane la'ailli'.

¹² Icuait'si al te'a litine al juic. Ihiya al juic titem'me la'i aiquilai'inni levadura. Jite litine tite'me lam mot'ł loma'anyacola' jilpe al juic. Ts'ilihuequi Jesús timiyi:

—¿Pe ts'opic'a calsmocoyoyacu al juic Pascua? Ałanc'eta jahuay.

¹³ Jesús umme'mola' oquexi' ts'ilihuequi, timila':

—Tonlele al cueca' quilya' Jerusalén. Jilpiya tołtalecufta anuli cal xans itaic' lijuti caja'. Tolihuejtsa. ¹⁴ Itque titsufait'si anuli lajut'ł, imanc' jouc'a tołsufait'sa. Tołmita lipoujna cajut'ł: “ŁałPomxi ticuis'ehuo': ¿Pe copa'a lajcuarto pe lałsmocoyoyacu al juic Pascua, iya' jouc'a ts'alihuequi?” ¹⁵ Timuc'itolhuo' anuli al cuarto lopa'a al toncay, joupa ixhueya. Imanc' tołtaita lałtejacu, jilpiya ałsmocota.

¹⁶ Iye'me ts'ilihuequi, itsuflai'me al cuecaj quilya', ixim'me jahuay to limipola' Jesús. Ilanc'e'me łotejacu alxmocojma al juic.

¹⁷ Lif'acołai'pa icuaiyunca Jesús jouc'a limbamaj coquexi' ts'ilihuequi.
¹⁸ Micutsołanna, mixmocoyi, Jesús timila':

—Camilhuo' al linca: Anuli imanc' ałcuna'ma, anuli jifa'a loxmocopa.

¹⁹ Ts'ilihuequi ixhuełmot'le'me. Anuli anuli icuitsuf'ma, timiyi:

—¿Te aga iya'? Iya' a'i.

²⁰ Jesús timila':

—Unc'imbamaj coquexi' anuli imanc' ałcu'ma. Itque ałjac'eyi lala'i anuli al pime. ²¹ Iya' itque cal Xans Liximpa cal profeta pu'hua lema'a. Cuyaico'ma ma to micua al Paxi Linilingiya. Tama tołta'a laifnuyaicoya, cal xans lałcuya a'ijc'a loyaicoya itque. Juaiconapa acueca' titełco'ma, ticua'ma: “Coła' aicaipajnt'si iya”.

²² Mitetsoyi Jesús epef'ma anuli la'i, ix'najtsi'i'ma LanDios, ixquenuf'ma. Epi'i'mola' ts'ilihuequi, timila':

—Tołtele. Itta'a aicuerpo.

²³ Ihuof'ma al vaso. Lix'najtsi'i'ma LanDios, uhui'i'mola' ts'ilihuequi. Jahuay ixna'me. ²⁴ Timila':

—Itta'a aijuats', tilinc'i'ma al ts'e quitaiqui' LanDios lopo'no'ipola' lixanuc'. Iya' caxcuajai'ma laijuats' tuntul—le axpela'. ²⁵ Iya' camilhuo' al linca: Jifa'a li'a lamats' aicaxnaconaya vino. Ticuait'si litine lan xanuc' tixinle LanDios micuxe, jite litine caxnacona'ma al ts'e vino.

²⁶ Lijoupa lunac'copa ÆanDios ipalunca. Iye'me hijuala Olivo. ²⁷ Jesús timi ts'ilihuequi:

—Ita'a lipuqui' imanc' tolanaj'mo'tsi, a'po'no'ma caituca'. Ti'i'ma to muya'e' al Paxi Linilingiya, ticua: “Caxcai'e'ma ñipoujna lam mot'í, itque tima'ma. Lam mot'í teca'ne'mo'tsi.” ²⁸ Tijoula' camaf'ina'la' ca'hua'ma al distrito Galilea. Ca'huaicotolhuo' jilpiya.

²⁹ Pedro timi Jesús:

—Tixtuc'otso' jahuay laipimaye, tama tenajtsot'si, iya' a'i.

³⁰ Jesús timi Pedro:

—Cami'mo' al linca: Itsiya lipuqui' ai'a tija'a'ma langiti oquemma, ima' tones'ma afanemma: “Aicainimetsaijma Jesús”.

³¹ Pedro ti'hua tipalaic'o Jesús, ihui'ipa, timi:

—Tama a'ama'atsonga' iya' ima', aicanesya: Aicainimetsaijma Jesús. Ni anulemma canesya to'ta'a.

Ma' anuli ines'me jahuay locuenaye.

³² Icuaitsa al lugar cuftine Getsemaní. Jesús timila' ts'ilihuequi:

—Imanc' to'cutsolaite fa'a. Iya' capalaic'ota ÆanDios.

³³ Ileco'mola' Pedro, Jacobo jouc'a Juan. Ipango'ma tixina acueca' juaiconapa ite lo'iya, tixhue'la juaiconapa. ³⁴ Timila' lam fantsi:

—Juaiconapa cahuosma, ma tocomma a'ama'ma quixhuejma'. To'lananca jifa'a. Aimot'smai'me.

³⁵ Uyai'ma huata, ixpats'huai'ma lamats'. Tixa'hue ÆanDios ja'ni ti'i'ma tuyaicotsi jite al 'hora. ³⁶ Timi:

—Abba, mai'Ailli', ima' jahuay nipajnya to'e'ma. Lilonc'e'ela' ita'a laifte'copa. Ma caxa'huehuo' to'ta'a jouc'a camihuo': Ti'ila' lo'fxpic'epa ima', a'i laten'cocopa iya'.

³⁷ Ipaiconanni, icuait'si pe lomana' lam fantsi ts'ilihuequi. Ixim'mola' tixmai'yi. Timi Pedro:

—Simón, ¿ima toxmay? ¿Te aimi'ya momaf'ya ni anulij hora? ³⁸ To'maf'ite jahuay imanc'. To'sa'hue' ÆanDios titoc'itsolhuo' aimehuaiyim'mo'huo'. Imanc' to'cuayi: “A'snet'í'me”. A'i, aimi'ya. Lo'cuerpo ailopa'a quipujfxi.

³⁹ I'huacona'ma, tixa'hueconata ÆanDios. Ma' anuli ixahue'e'cona'ma.

⁴⁰ Ipaiconanni icuaiyocont'si pe lomana' lam fantsi, ixingona'mola' tixmaiconayi. Tixinyi timufquemma li't'u'. Ticui quilehui. Aiquil'sina' te cotalai'e'eyacu Jesús.

⁴¹ I'huacona'ma. Ipaiconanni. Joupa i'ipa afanemma. Icuaiyocont'si pe lomana' lam fantsi. Timila':

—Imanc', ¿ti'hua to'smai'yi? ¿Tolunxajyi? Ne', ti'ila'. Ixhuaita lai'hora. Iya' itque cal Xans Æiximpa cal profeta pu'hua lema'a. ¡To'sinte! A'cu'ma. A'i'no'í'ma lan xanuc', itne aimimetsaicoyi ÆanDios. ⁴² ¡To'solinca! ¡E'pá! Joupa icuaico'ma itquiya la'cuya.

⁴³ Mipalay Jesús icuait'si Judas, itque anuli limbamaj coquexi' ts'ilihuequi Jesús. Æecola' axpela' lan xanuc' ita'ic' li't'espada jouc'a li't'ec. Itne lan xanuc' ummempola' lixanuc' cal cuecaj ca'ailli' jouc'a lomxiye nomuc'iyalepá locuxepa ÆanDios, jouc'a lan tsilaj xanuc' noxpijpá lataiqui'. ⁴⁴ Itque locuya Jesús joupa u'ipola' te ts'i'ic' mimetsaicoyacu Jesús. Joupa imipola': “Cal xans laiftuc'oya jilque to'í'no'he. To'he'co'he. Aiminuc'e'molhuo'.”

⁴⁵ Licuait'si jilpiya Judas aiquico'í'ma itoc'huai'ma pe lopa'a Jesús, timi:

—¡Momxi!

Ituc'o'ma. ⁴⁶ Lan xanuc' i'no'í'me Jesús. Aicux'mas'me.

⁴⁷ Tipa'a anuli ts'ihuequi Jesús tecaxu jilpe. Ilque ipa'a'ma li'espada, ix-cai'e'ma limozo cal cuecaj ca'ailli', etec'e'e'ma lix'mas.

⁴⁸ Jesús ipalaic'o'mola' ihniya licuai'me ti'noHe, timila':

—¿Te colcuaiyoco'me fa'a oltaic' lo'espada jouc'a lonf'ec? ¿Ja'ni toña'a al'noña'? ¿Aga tolcuayi: “Ilque inma'ahuale”? ⁴⁹ Itine itine almajmpá anuli jilpe al cuecaj xoute', aical'nohi. Ne', ti'ita' ma to loya'apa al Paxi Linilingiya. Ticuicomma tenanña' jahuay ile lataiqui'.

⁵⁰ Lixanuc' Jesús inulai'me, ipo'no'me Jesús quituca'.

⁵¹ Jilpe tipa'a anuli lamijcano ihuequi Jesús. Ilque lamijcano iju'eyoxi ma le'a lisábana. Jouc'a i'nohim'me. ⁵² Lamijcano ipanenni lisábana, inu'ma amila.

⁵³ Ileco'me Jesús pe lopa'a cal cuecaj ca'ailli'. Jilpiya efot'le'moltsi lixanuc' cal cuecaj ca'ailli' jouc'a lan tsilaj xanuc' noxpijpá lataiqui', jouc'a lomxiye nomuc'iyalepá locuxepa LanDios. ⁵⁴ Pedro i'huanc'e'ma aculi'. Itsufai'ma lipuna quejut' cal cuecaj ca'ailli'. Jilpe icutsingai'mola' lepaluc' cal cuecaj ca'ailli'. Jilpe lunga tifununc'eyoltsi anuli.

⁵⁵ Lixanuc' cal cuecaj ca'ailli' jouc'a jahuay noxpijpá lataiqui' tehueyi naitsi nocufya Jesús. Toña'a ti'i'ma tima'anle. Aiqui'ic'. ⁵⁶ Axpela' lan xanuc' tuyout'lecoyi Jesús, ma le'a tifellaiqueyi. Anuli anuli, ituca' ituca' tinesqui. Aiqui'ic' anuli liltaiqui' lonespa. ⁵⁷ Oquexi' afantsi itsolinca uya'a'me ocuena lafellaiqueya, timiyi:

⁵⁸ —Illanc' alcuejpá ilque linespa, ticua: “Iya' nulemma catel'ma ita'a al cuecaj xoute' lilanc'epa lan xanuc'. Tuyaiña' afane' quitine iya' joupa ailanc'econapa ocuena. Ie a'i quillanc'e'e lan xanuc'.”

⁵⁹ Ni ilne nonespá aiqui'ic' anuli liltaiqui'.

⁶⁰ Itsahuenni cal cuecaj ca'ailli', icuis'e'ma Jesús, timi:

—¿Te ima' aimotalai'ecoyacoxi? ¿Te onepa ile lataiqui', o aiconesqui?

⁶¹ Aiquitalai'e. Ailopa'a quitaqui'. Cal cuecaj ca'ailli' icuis'econa'ma, timi:

—¿Te ima' unCristo? ¿Te ima' i'Hua cal Paxi CanDios?

⁶² Jesús timi:

—Ma' iya'. Iya' ilque cal Xans Liximpa cal profeta pu'hua lema'a. Imanc' alsim'ma cacutsuya al c'a camane cal Cuecaj Rey. Alsim'ma quimuyohuo lema'a, cacuaiyoconno lamats' nolojmay cummahuay lema'a.

⁶³ Cal cuecaj ca'ailli' its'a' ma lipijahua', imujpa lipoyac'. Aiquetenlcocojma locuapa Jesús. Timila' lixanuc':

—Itsiya, ¿te calahuecoyacola' ocuenaye lan xanuc' ticufle? ⁶⁴ Imanc' olcuejpá lonespa. Etets'ipa LanDios. ¿Te colcuapa imanc'?

Jahuay icuxeco'me Jesús, ticuayi:

—Tipa'a lijunac'. ¡Tima'anle!

⁶⁵ Oquexi' afantsi ipango'me itsulco'me, ifi'e'eco'me ijahua' li'u', untaf'me li'a, ipa'me, timiyi:

—Tocua'ala', ¿naitsi lipa'mo'?

Lepaluc' cal cuecaj ca'ailli' ipets'me camane jouc'a.

⁶⁶ Pedro ipanenni al 'ocay, ticutu luna. Uyai'ma anuli licriada cal cuecaj ca'ailli'. ⁶⁷ Ixim'ma Pedro tifununc'eyoxi jilpe lunga. Ehuelojm'ma, timi:

—Ima' jouc'a omihuequi cal xans las Nazaret, ilque Jesús.

⁶⁸ Pedro icuanajpa, timi:

—Aicaixina'. Aicaicueca lofnepa.

Ipanni, ecax'ma pe lopa'a al puerta. Ija'a'ma langiti.

⁶⁹ Lajcriada nopa'a jilpe ixim'ma Pedro. Ipalaic'o'mola' nacaxhuoñanna, timiconala':

—Itca'a anuli ihniya ts'ilihuequi Jesús.

⁷⁰ Pedro icuanajcona'ma. Uyai'ma ni huata, iñe nacaxhuołanna jilpiya timiyi Pedro:

—Ima' jouc'a mihuequi Jesús. Ima' mas Galilea.

⁷¹ Pedro ipango'ma i'e'ma jurar, timila':

—Iya' camilhuo' al linca. Ja'ni a'i, jałma'ala' LanDios! Iya' aicainimetsaijma ilque cal xans lołpalaicopa.

⁷² Aiquicol'ma, ija'acona'ma langiti. Pedro i'nujuaitsi limipa Jesús: “Ai'a tija'a'ma oquemma langiti, ima' tones'ma afanemma: Aicainimetsaijma Jesús.” Li'nujuaitsi iñe lataiqui' Pedro ijoj'ma.

15

¹ Liñic'ejma lixanuc' cal cuecaj ca'ailli', lan tsilaj xanuc', lomxiye no-muc'iyalepá locuxepa LanDios jouc'a jahuay noxpipá lataiqui' ixpic'e'me lo'e'eyacu Jesús. Aiquicol'ma, ifi'e'me, ileco'me pe lopa'a Pilato, ilque incuxepa romano. Jilpe icu'me. ² Pilato icuis'e'ma Jesús, timi:

—¿Ima' ilrey lan xanuc' judío?

Jesús italai'e'e'ma, timi:

—Al linca lołcuapa.

³ Lixanuc' cal cuecaj ca'ailli' icuf'me juaiconapa. ⁴ Pilato icuis'e'cona'ma, timi:

—¿Te ima' aimotalai'ecoyacoxi? Joupa ocuejpa. Ticufhuo' acueca' lo'epa.

⁵ Jesus aiquitalai'e. Pilato aiquixina' te cocuaya. Icuapa lipicuejma': “Iłca'a Jesús, ¿te aimitalai'e?”

⁶ Ajuic ajuic Pascua, Pilato tiku lane lan xanuc' tixahue'eñe anuli hitats'iya, tux'mas'ma. ⁷ Iłta'a al juic tipa'a anuli hitats'iya cuftine Barrabás. Iłquiya i'nołinc'innila' jouc'a liyejmalepá. Iñiya itsolimma ehuoc'huaipá cal gobierno romano. Ima'apá lan xanuc'. ⁸ Icuaitsa lan xanuc' pe lopa'a Pilato. Ixa'hue'me ti'eła' ma to mi'ay. ⁹ Pilato icuis'e'mola', timila':

—¿Nai ts'olpic'a? Imanc' unc'ijudío, ¿te cux'mas'ma lołrey?

¹⁰ Tołta'a licua'ma Pilato, imetsaicola' iñe lixanuc' cal cuecaj ca'ailli'. Ixina' te ts'i'ic' liłpicuejma'. Ixina' ti'eyi laic' Jesús, tołiya joupa icupá.

¹¹ Lixanuc' cal cuecaj ca'ailli' icuxe'me, imi'me lan xanuc' timiñe Pilato tux'masnała' Barrabás. ¹² Pilato icuis'e'cona'mola', timila':

—Iłque lołacui'ipa ołrey, ¿te caif'e'eya ilquiya?

¹³ Ija'acona'me, italai'e'me, timiyi:

—iTapalts'ijnla' lancruz!

¹⁴ Pilato icuis'e'mola', timila':

—¿Te caifnepalts'ijncoya lancruz? ¿Te quixcay qui'epa?

Ija'a'me ujfxi, timiyi:

—iTapalts'ijnla' lancruz!

¹⁵ Pilato ipic'a tetenłcocotsola' lan xanuc'. I'e'ma to lixa'hue'me. Ux'masna'ma Barrabás, icuxe'ma tipalojle Jesús. Epi'ipola' lan soldado tepalts'ijnla' lancruz.

¹⁶ Lan soldado ileco'me Jesús łuna lejut'ł cal gobernador. Jilpiya łuna cuftine al Pretorio. Jilpiya efot'le'moltsi jahuay lił'as soldado. ¹⁷ Itats'mi'me Jesús lunxali cumi quijahua', ma to liłpijahua' lan rey. Ipuł'me anuli al corona quitac, ic'ommof'i'i'me lijuac Jesús. ¹⁸ Ipango'me inom'me, ija'a'me:

—iAñonghuo', ima' ilrey lan xanuc' judío!

¹⁹ Tuntaf'e'eyi lijuac ajaxa, titsulc'oyi. Exc'onłngai'me. ²⁰ Lijoupa lixocopa, ipa'e'e'me lunxali cumi quijahua', itats'miconam'e ma lipijahua'. Ileo'me ipa'anca lema quilya', tepalts'ijnla' lancruz.

21 Miyeyi lane italecuf'me anuli cal xans cuftine Simón, las Cirene. Hque ih'ailli' Alejandro jouc'a Rufo. Icuai'co'ma qui'huayonamma cal 'ec. Icu'e'e'me titai'a' lencruz Jesús.

22 Icuai'etsa Jesús petsi cuftine Gólgota, luhualquemma: Lamats' Quecoye. 23 Jijpiya icufi'me al vino ihuantsi al mirra. Ja'ni tixna'a' aijtine mixingufcoya humla. Jesús aiqixnaic'. 24 Epa'ats'ingim'me lancruz. Lan soldado if'ilco'me lipijahua', naitsi nolijya. Anuli anuli tulij'ma locuaiya quimane.

25 Ixhuaita al pella 'hora lepats'ijm'me Jesús lencruz. 26 Ipo'nompá lacaxma loya'apa licuxecompa Jesús, ticua: "Hca'a ihrey lan xanuc' judío".

27 Jesús epats'ingimpola' oquexi' linma'ahuale. Anuli tipa'a al c'a camane, locuena loxa camane. 28 Ma to'ta'a enan'copa al Paxi Linilingiya loya'apa: "T'e'empá ma to lo'e'enyacola' lan xanuc' ni'epá lixcay".

29 Lan xanuc' noyalaicopá jijpiya imiloj'me cataiqui', ife'ne'me hijuac, timiyi:

—Ima' lofmetelya al cuecaj xoute', tijou'a' afane' quitine joupa olanc'econapa, 30 ne', taimunni lomencruz. ¡Ton'u'exoxi!

31 Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios ixoco'me, timiyot'si:

—Hque un'u'epola' locuenaye. Itsiya aimi'iya mun'u'eyacoxi. 32 Illanc' ixanuc' Israel, ja'ni ihque ahrey, ja'ni aCristo, ¡timunni lencruz! A'sinte illanc', tijou'a' lapenuf'me.

Hniya lepats'ingimpola' Jesús imiloj'me cataiqui'.

33 Li'i'ma menac'o imufc'o'ma jahuary lema'a. Ni petsi li'a lamats' tocomma ipuqui'. 34 Al fanej hora lummuhuijma' Jesús ija'a'ma ujfxi, ticua:

—Eloí, Eloí, ¿lana sabactani?

Hiya lohualquemma ticua: "Ima' mainenDios, ¿te calacanuycopa?"

35 Timana' lan xanuc' nacaxolanna jijpiya icuej'me lines'ma Jesús, ihniya lines'me:

—¡Xin'a'! Tijoc'i cal profeta Elías.

36 Anuli cal xans icuaiconni tinu, ijac'eco'ma al esponja acuxac vino. Icants'i'ma al jaxa, i'nof'e'ma lico Jesús, titsif'la'. Hque cal xans ticua:

—¡To'e! A'sim'me ja'ni ticuaihuo Elías, tipu'na'ma lencruz.

37 Jesús ija'a'ma ujfxi. Exnalif'ma, imana'ma. 38 Lijahua' lojuyña al cuecaj xoute' its'atquenni quituca', al toncay itejmay lamats'. He lijahua' lipa'ne jilpe Lajut'l Xonca al Paxi.

39 Nocuxepola' lan soldado tecaxu anujna lencruz Jesús, tehuelonge. Ixim'ma Jesús lima'ma ma mija'e' to'ta'a. Ticua:

—Ma' ahnca ihca'a cal xans i'Hua LanDios.

40 Timana' laca'no' tecaxolanna aculi', tehuelojnyi. Tipa'a María las Magdala, tipa'a María qui' máma' Jacobo y José. Hque Jacobo lecui'impá: Lijoujma. Jouc'a tipa'a laca'no' cuftine Salomé. 41 Mipa'a Jesús al distrito Galilea ihniya laca'no' ihuejpá Jesús, itoc'ipá, ites'mipá. Ma'piya tehuelojnyi Jesús mipa'a lencruz timana' locuenaye laca'no' jouc'a. Hne y Jesús anuli icuaiyunca Jerusalén.

42 He litine avispera. Lihuequi litine itine conxajya. Joupa if'acolaipa.

43 Anuli cal xans cuftine José, las Arimatea, i'hua'ma ixintsi cal gobernador Pilato. Hque José acuecaj xans, anuli pe ihniya nafot'lepotsi noxpijpá lataiqui'. Hque i'huaijma ticuait'si litine jahuary lan xanuc' tihuejcole LanDios hijCuecaj Rey. José i'e'e'moxi acueca' hunxajma'. Itsufai'ma pe lopa'a Pilato, ixahue'etsi tepi'ina'le licuerpo Jesús. 44 Pilato ticua: "Ma' imaf'i' Jesús, aiqumac". Ijoc'i'ma nocuxepola' lan soldado. Icu'is'e'ma ja'ni joupa imapa Jesús.

⁴⁵ Nocuxepola' lan soldado timi: “Linca, joupa imapa Jesús”. Pilato epi'i'ma lane José tilecotsi licuerpo Jesús.

⁴⁶ José ipuñna'ma licuerpo Jesús jilpe lencruz. Iju'eco'ma afujca qui-jahua' lilanc'ecompa alino, i'na'apa ats'e. I'nicohuo'ma anuli hunts'ēja', ipuc'o'iya lapic. Imef'ma anuli cal cueca' capic, ipa'neco'ma lico hunts'ēja'.

⁴⁷ María las Magdala, jouc'a María qui'máma' locuenaj José, ehuelojm'me pe lipo'no'enghuo'me licuerpo Jesús.

16

¹ Luyai'ma litine conxajya María las Magdala, María qui'máma' Jacobo, jouc'a łaca'no' Salomé, iye'me i'natsa laceite tujuej c'a ti'huof'ita licuerpo Jesús. ² I'i'ma quitine al te'a quitine al xamano. (Ihiya adomingo.) Tipam-maiyumma cal 'ora, icuaitsa hunts'ēja'. ³ Timiyoltsi:

—¿Naitsi lalilonc'e'eyaconga' lapic łeti'icoya lico cunts'ēja'?

⁴ Lixim'me lico cunts'ēja' ixim'me joupa ilonc'empa lapic, ipo'nompa jilpe anuli liju'. Iłque lapic juaiconapa acueca'. ⁵ Itsuflai'me hunts'ēja', ixim'me al c'a camane ticutsu anuli łamijcano. Afujca lipijahua', axehuay. Ixpailij'mola'.

⁶ Łamijcano timila':

—Aimixpailij'molhuo'. Tolahueyi Jesús las Nazaret, małque łepalts'ingimpa. Iłque ailopa'a fa'a. Joupa imaf'inapa. ¡Tolahuelongunca! Jifa'a lipo'no'empa licuerpo. ⁷ Imanc' tonłente, tolu'itsola' ts'ilihuequi Jesús, jouc'a Pedro, tołmitsola': “Jesús ti'hua'ma Galilea. Tołcuaitsa jilpiya tołtalecufta ma to limipolhuo'.”

⁸ Lacał'no' ipalunca hunts'ēja'. Inul'me. Juaiconapa tixpailiquila', tiyula'. Nij naitsi lu'ipa.

⁹ Jesús imaf'ina'ma lilic'ejma' al te'a quitine al xamano, ihiya adomingo. Imuj'moxi ate'a María las Magdala, iłque łaca'no' lipa'empa acaitsi lontahue.

¹⁰ Iłque i'hua'ma u'itsola' liyejmalepá Jesús. Iłniya tihuotsoyi, tijolijyi. ¹¹ María timila':

—Jesús imaf'i'. Iya' aiximpa.

Iłniya aiqul'aic' linca locuapa.

¹² Jesús imuj'cona'moxi pe lomana' oquexi' ts'ilihuequi. Jilniya tiyeyi lane ticuaita cal 'ec. Imuj'moxi tocomma ipaicomma. ¹³ Iłne loquexi' ipaili-conanca, licuaitsa pe lomana' liłpimaye, uya'a'me liximpa Jesús. Liłpimaye inescona'me: “A'ij linca”.

¹⁴ Lijou'ma Jesús imuj'moxi pe lomana' limbamaj nuli ts'ilihuequi. Iłniya titetsoyi. Itale'mola' iłniya nonespá: “A'ij linca iłe loya'apa lałpimaye. Aiquimaf'i' Jesús.” Ixim'mola' ata liłpicuejma'. ¹⁵ Jesús timila':

—Tonłente ni petsi li'a łamats'. Toluya'atsa Lataiqui' loya'apa iłe al c'a lixp-pic'epa ŁanDios. Tolu'itsola' jahuay lan xanuc'. ¹⁶ Iłne napenufyacu Lataiqui', tepolilē, iłniya tunłul'me. Naitsi aimepenufi Lataiqui', iłque tecani'ma.

¹⁷ 'Tixinim'me al cueca' lo'eyacu iłne napenufyacu Lataiqui'. Tipa'a'me lontahue litsuflaipá lan xanuc', tipalai'me ituca' liłtaiqui'. ¹⁸ Ja'ni ti'nołte lainofat'ł'o tixnałe cafxi cummaiya ailopa'a co'e'eyacola'. Tixpayaf'me liłmane lałcuallay, iłne tixałcona'mola'.

¹⁹ Lijoupa limipola' tołta'a cał'Ailli' Jesús if'ajna'ma lema'a. Jilpe icutsingaitsi al c'a camane ŁanDios.

²⁰ Ts'ilihuequi Jesús ipalunca. Ni petsi uya'atsa Lataiqui', iłe loya'apa al c'a lixp-pic'epa ŁanDios. ŁanDios liyejmalepa, i'e'ma acueca'. Tołta'a imuc'i'mola' lan xanuc' ałinca Lataiqui' loya'apa ts'ilihuequi Jesús.

LATAIQUI' LINIĒPA SAN LUCAS LOYA'APA IĒ AL C'A LIXPIC'EPA ĒANDIOS

¹⁻⁴ Ima' cumTeófilo, iya' ninLucas cumme'ehuo' coje'e. Ihta'a al je'e tuya'e' li'ipa fa'a lamats'. Laġpimaye nepenufpá liġpenic' tuya'ayi Lataiqui', iĒ loya'apa al c'a lixpíc'epa ĒanDios. Iġniya joupá lu'iponga' li'ipa, iximpá.

Axpela' lapimaye joupá iniġpá liġje'e loya'apa toġta'a li'ipa. Iya' jouc'a aixpic'epa quiniġ'ma laiġe'e. Cacua: Iġque Teófilo joupá imuc'impá litaiqui' Jesucristo. Jouc'a ipic'a quiġe'e loya'apa te ts'i'ic' li'ipa.

Iya' joupá aixhuepa ġiġe li'ipa, aipalaic'opola' lapimaye ts'iġsina' te ts'i'ic' li'ipa iġniya ġitiné. Aixpot'ġenapa lataiqui'. Cuya'e' te ts'i'ic' lipangopa, jouc'a cuya'e' te ts'i'ic' liġjoucopa. Ima' toxhueġa', toġta'a ti'i'ma coxina' te ts'i'ic' Lataiqui' limuc'impó', iĒ tuya'e' al ġinca.

⁵ Micuxe Herodes al distrito Judea tipa'a anuli ġa'ailli' cuġtine Zacarías. Iġque jouc'a lif'as ca'ailli' ti'e'me canic' al cuecaj xoute'. Mi'huajco'mola' munaitola' ti'e'me canic'. Iġniya ixanuc' Abías.

Zacarías ġipeno cuġtine Elisabet. Iġque Elisabet ġitatahuelo cuġtine Aarón.

⁶ Loquexi' ac'a xanuc', tihuejcoyi jahuary locuxepa ĒanDios, jahuary loya'apa litaiqui' ĒanDios. Aiquimenaquila'. ⁷ Tama etenġcocopa ĒanDios iġniya liġ'ejma' ailopa'a quiġ'hua. Elisabet iġuiqui caca'no'. Loquexi' joupá itsiloġnapola'.

⁸ Icuaitsi litine ti'eta canic' lixanuc' Abías, Zacarías i'hua'ma al cuecaj xoute', ti'eta canic' ma to locuxepa ĒanDios, iġque a'ailli'. ⁹ Zacarías ec'aillmaita lipenic' titsufai'ma al paxi cajut'ġ, tipi'eta ġipac'ec. Toġta'a mi'eyi la'ailli' ġiġpe al cuecaj xoute'. ¹⁰ Locuenaye lan xanuc' aimitsuġlaiyi al paxi cajut'ġ. Ailopa'a lane. Iġniya tiġmanemma ġuna. ġiġe litine mipi'e ġipac'ec Zacarías, axpela' lan xanuc' comana' ġuna ġiġpe al paxi cajut'ġ.

¹¹ Maġpiya laġut'ġ imaxcaitsi anuli ġapaluc quema'a ġummepa ca'Ailli' ĒanDios. ġapaluc quema'a ecax'ma al c'a camane al altar petsi lopi'eyompá ġipac'ec.

¹² Lixim'ma ġapaluc quema'a Zacarías ixhueġconni. Ticua: “¿Te iġca'a?” Ixim'ma axpaiqui' ġuaiconapa. ¹³ ġapaluc quema'a timi:

—CunZacarías, aimixpaiġ'mo'. ĒanDios joupá icueġpa loxahue'epa. Elisabet ġopeno tipo'no'e'mo' co'hua amijcano. Ima' tacui'i'ma Juan. ¹⁴ Iġque ġa'hua tetenġcoco'mo' ġuaiconapa, tixoc'i'mo' meta. Tipajntsi iġque tixoj'ma quileta axpela' lan xanuc'.

¹⁵ 'Titoġla' iġque ĒanDios timetsaico'ma acueca' xans. Aimixnaya al vino, jouc'a aimixnaya mimeyoġya. Iġque Juan, ma litine tipajntsi, joupá ticuxe lipicueġma' cal Espíritu Santo. ¹⁶ Tilanc'e'e'mola' liġpicueġma' axpela' lan xanuc', iġniya ixanuc' Israel. Toġta'a tihuejcona'me ġilenDios. ¹⁷ Ti'huaj'me'ma ca'Ailli' ĒanDios. Lipicueġma' ti'onġcota to lipicueġma' cal profeta Elías. ĒanDios tepi'i'ma quimane ma to lepi'ipa ġimane Elías. Tilanc'e'e'mola' liġpicueġma' lan xanuc' jouc'a liġmaxque', ti'itsola' anuli. Tilanc'e'e'mola' liġpicueġma' lin-cueġlocale, ti'i'ma aġġca liġpicueġma', tihuejcoġe ĒanDios. Toġta'a ca'Ailli' ĒanDios tixim'mola' ixanuc' joupá ixanghuaitola' liġpicueġma', timetsaico'mola'.

¹⁸ Zacarías icuis'e'ma, timi ġapaluc quema'a:

—¿Te ts'i'ic' mi'iya caixina' ġa'ni lo'iya to laġmipa? Iya' joupá aġtoġpa, jouc'a ġaipeno joupá itoġpa caca'no'.

¹⁹ ġapaluc quema'a italai'e'ma timi:

—Iya' ninGabriel. Itine itine cacaxu pe lopa'a ĒanDios. Iġque nalummepa capalaic'otso', cu'itso' ihta'a lataiqui', iĒ loya'apa al c'a lixpíc'epa ĒanDios.

20 Itsiya camimo' lo'iyaco'. Aimopalaiconaya. Tijoula' tipajntsi co'hua topalaina'ma. Tama ima' aimacuec'e laitaiqui', toxim'ma al finca ite laimipo'. Tixhuaitsi litine tenant'ma laitaiqui'.

21 Lan xanuc' nacaxhuolanna luna ih'huajma tipanni Zacarías ticuayi: “¿Te qui'ipa? ¿Te cococopa?” 22 Lipanni Zacarías aimipalay, aimi'i. Ipanenni ch'ix. Tohta'a i'ipa quilsina' te ts'i'ic' li'ipa jilpe al paxi cajut'í. Jilpe iximpa limucaipa LanDios. Itsiya Zacarías le'a timuc'icola' limane. Aimipalay.

23 Mi'ay lanic' Zacarías ipanenni jilpe al cuecaj xoute'. Lijou'neti lipenic' i'huana'ma lejut'í. 24 Lijou'ma ixim'me innay lipeno Elisabet. Amaquej mut'la emi'moxi, ipajm'ma lejut'í. 25 Ticua: “Ite la'ipa at'e'epa ca'Ailli' LanDios. Itque alsimpa nincuanuc', lilonc'e'epa laipelaic'ata. Lan xanuc' aimalatets'iconaya.”

26 Lixhuaitsi acamts'us mut'la LanDios icuxe'epa ti'huala' lapaluc quema'a cuftine Gabriel. Umme'ma liya' Nazaret lopa'a al distrito Galilea. 27 Jilpe Nazaret tipalaic'otsi anuli lahuats'. Joupa inanc'opotsi temalli'me anuli cal xans cuftine José. Cal rey David itatahuelo itque José. Lahuats' cuftine María.

28 Icuaiti lapaluc quema'a, itsufai'ma pe lopa'a María, timi:

—CumMaría, canonhuo'. Cu'ihuo' linespa LanDios. Itque titoc'i'mo' acueca', etenlocopa lopicuejma', aimecanujyaco'. Ima' xonca acueca' lipaxnepo'. Toiya aiquipaxnela' lof'as caca'no'.

29 Licuej'ma ite lataiqui' Maria ixhueico'ma juaiconapa. Timiyoxi: “¿Te canonacopa tohta'a?”

30 Lapaluc quema'a timi:

—María aimixpaij'mo'. Linca titoc'i'mo' LanDios. 31 Ima' toxim'moxi minnay. Tipajntsi co'hua tacui'i'ma Jesús. 32 Itque ti'i'ma acueca' xans. Tecui'im'me: Li'Hua LanDios, itque cal Cuecaj Xonca. LanDios tepi'i'ma quimane ticuxe'ma to licuxepa cal rey David, itque itatahuelo. 33 Lo'hua ticuxe'mola' lixanuc', ite ixanuc' Jacob. Nij naiti naipa'eya limane. Locuxeya aimijouya.

34 María icuis'e'ma lapaluc quema'a, timi:

—¿Tele co'iya? Iya' nahuats'. Ailopa'a caipe'ailli'.

35 Lapaluc quema'a italai'e'ma timi:

—Cal Espíritu Santo timuhuo pe lofpa'a. Toxinguf'moxi lipepaxi LanDios, itque cal Cuecaj Xonca. Lo'hua lopajnya ma' i'huexi LanDios. Tecui'im'me: Li'Hua LanDios. 36 Lopima Elisabet, tama itojpa caca'no', itsiya innay. Luyaipa quitine tinescoyi, timiyi: “Ima' mijuiqui”. Itsiya ixhuaita acamts'us mut'la' innay.

37 LanDios aimixina quipime. Jahuay nipajnya ti'e'ma.

38 María timi:

—Ne'. LanDios aiPoujna. Ma to lahmipa, tohta'a ti'ila'. Tohta'a cuyaico'la'.

Lapaluc quema'a ipanni pe lopa'a María, i'huanapa.

39 Iniya litiné ipanni María lipi'ya'. Aiquico'la'ma, i'hua'ma hijualay, ticuaita anuli liya' lopa'a al distrito Judea. 40 Icuaiti liya' itsufai'ma lejut'í Zacarías, inom'ma Elisabet. 41 Jilpe al 'hora licuej'ma Elisabet tinoninni, li'hua lo'nico licu'u iyuf'conni. Cal Espíritu Santo ticuxe lipicuejma' Elisabet. 42 Ipalai'ma ujfxi, timi María:

—Ima', xonca acueca' lipaxnepo' LanDios. Tohta'a aiquipaxnela' lof'as caca'no'. Joupa apaxi lo'hua lo'nico locu'u. 43 Itsiya aixina' acueca' la'ipa. Iya' ni naiti caca'no'. Ima' lotaic' laiPoujna, ti'i'mo' i'máma' itque. Itsiya ocuai'ma pe laifpa'a, lahuenge. 44 ¡Xinla'! Laicuejpa lahmopa, jilpe 'hora, lai'hua lo'nico laicu'u iyuf'comma. Juaiconapa ixocomma queta. 45 Al linca, ima' toyaijma al c'a. Mepenufpa linespa LanDios, ite limipo'. Onespa: “Ite lataiqui' tenant'ma”.

46 María ines'ma:

Iya' cax'najtsi'i ca'Ailli' LanDios.

47 Tixoqui neta ca'nujuaitsi LanDios, itque Lalunlu'eya.

48 Iya' tama ni naitsi cahuats' itque aicalatets'i', alpaxnepa.

Lan xanuc' ticua'me: "Itque María al c'a tuyaijma".

Tofta'a tines'me lan xanuc' nomana' itsiya, jouc'a nomajnyacu locuaicoya quitine.

49 Cal Cuecaj CanDios altoc'ipa juaiconapa alpaxnepa.

Ma' itque cal Paxi CanDios.

50 Itque tixinnila' acuanuc'la jahuay lixanuc', itne noxpai'epá.

Itne nomana' itsiya litine, jouc'a nomajnyacu locuaicoya quitine.

51 Itne lan xanuc' nonescopołtsi: "Illanc' ninc'tsilaj xanuc'",

LanDios joupa eca'nepola' ni petsi li'a łamats'.

Tofta'a imuc'ipola' acueca' lipujfxi, acueca' lo'epa.

52 Itonc'e'epola' liłmane lan tsilaj quincuxepá.

Lijoupa epi'ipola' liłmane lan xanuc' xonca a'ojca.

53 Pe nonle'epá ites'minapola' xonca ixhuaitola'.

Itne pe ts'it'hueca acueca' quił'huexi,

ummenapola' ixcuajma liłmane, ailopa'a quepi'ipola'.

54-55 LanDios łatPoujna altoc'iponga',

illanc' ixanuc' łatatahuelo Israel, itque inieto Abraham.

LanDios joupa inespa: "Caxim'mola' acuanuc'la, catoc'i'mola' itniya Abraham, li'hua jouc'a linaxque' li'hua.

Catoc'i'mola' jahuay lixanuc' Abraham, itque itatahuelo itniya."

LanDios aikuimenc'ejma itiya litaiqui' limipola' łatatahueló.

Ma to limipola', tofta'a li'epa.

56 María ipajnhuo'ma to afanej mut'ła lejut'ł Elisabet. Lijou'ma i'huana'ma ipainanni lejut'ł.

57 Lixhuaitsi al pelła mut'ła Elisabet ipo'no'ma li'hua. Ipajntsi amijcano.

58 Lan huejnca lan xanuc' jouc'a lipimaye Elisabet icuej'me li'epa łatPoujna

LanDios, itque iximpa cuanuc' Elisabet, acueca' litoc'ipa. 59 Lixhuaita al

paico quitine efot'łunni ti'e'me ma to li'ejma'. Coła' tecui'i'me Zacarías ma to lipuftine qui'ailli'. 60 Qui'máma' italai'e'e'mola' timila':

—A'i. Lacui'i'me Juan.

61 Italai'e'me, timiyi:

—¿Te colacui'icoyacu Juan? Łatpimaye, ailopa'a quecui'impá tofta'a.

62 Ipalaic'oco'me le'a liłmane qui'ailli' łahuac'hua. Icuis'e'me:

—¿Te cofcuapa? ¿Te caftine calacui'iyacu łamijcano?

63 Zacarías ixahue'e'ma tini'inłe anuli la'hua caxma tinił'ma. Ini'im'me. Itque inil'ma: "Lipuftine aJuan". Lan xanuc' aikuilcuc'e li'ipa. Ticuyi:

—¡Tolsinłe! ¡Inilpa: "Juan"!

64 Aiquicoł'ma, ixalna'ma lejoc' Zacarías, uhualquenamma lipal, tipalay.

Ix'najtsi'i'ma LanDios. 65 Lan huejnca lan xanuc' xpailij'mola'. Ixim'me

acueca' li'ipa. Lan xanuc' ni petsi lijualay al distrito Judea tuya'ayi li'ipola' Elisabet y Zacarías. 66 Licuej'me ticuis'eyołtsi, timiyołtsi:

—Itque łamijcano: ¿Te co'eya? y ¿te co'iya?

LanDios itoc'i'ma łamijcano, ipaxne'ma.

67 Cal Espiritu Santo icuxe'ma lipicuejma' Zacarías. Ma to Landios mimi, ma tofta'a Zacarías tuya'e'. Tuya'e':

68 ¡Ats'najtsi'i'me LanDios, itque łalanDios illanc' ixanuc' Israel!

Altoc'iponga', tocomma aluhualponga' petsi itne lał'e'eponga' laic'.

Itniya aimalulijyaconga' illanc' ixanuc' LanDios.

69 ŁalanDios, itque iPoujna cal rey David, lapi'iponga' Lalunlu'eyaconga'.

Maŕque cal rey David itatahuelo itque.

⁷⁰ Luyaipa quitine ËanDios u'ipola' lipaxij profeta toŕta'a lo'eya.

İhniya u'iyale'me, u'im'mola' laŕtatahueló.

⁷¹ İhe litaiqui' ËanDios tuya'e' te ts'i'ic' laŕtoc'iyaconga'.

Ticua: “Cunŕtu'e'molhuo'; ilne naixtuc'opolhuo' aimulijyacolhuo'.

Jouc'a no'epolhuo' laic' ailopa'a co'eyacolhuo'.”

⁷² Ticua: “Iya' aiquimenc'ecoyacola' laixanuc’”.

İhne lixanuc' ËanDios maŕniya aŕtatahueló illanc'.

ËanDios i'nujuaitsi lipaxi cataiqui', ilhe lipo'no'ipola' lixanuc'. q ⁷³⁻⁷⁵ Joupa inespa lunŕtu'e'monga', aimalulijyaconga' ihniya nalixtuc'oponga'.

ËanDios toŕta'a limipa laŕtatahuelo Abraham.

Joupa icuapa aŕpo'no'monga' pe ailopa'a caxpaiqui', jilpiya laxc'onŕingolai'me ŕalanDios.

Jahuay ŕalunxajma' lihuej'me ËanDios, aimaŕ'econayacu lixcay.

Maŕmana' fa'a li'a ŕamats', jahuay laŕpitine, luyalaico'me to luyalaicopa lixanuc' ËanDios, itque cal Paxi.

⁷⁶ İma' mai'hua Juan, tecui'im'mo' umprofeta.

Toya'a'ma litaiqui' ËanDios, itque cal Cuecaj Xonca.

İma' to'huaj'me'ma laŕPoujna, tolanc'e'ma lipene.

⁷⁷ Tomuc'i'mola' lixanuc' ËanDios.

Toŕta'a ti'i'ma quiŕsina' ËanDios tunŕtu'e'mola', timenc'e'eco'mola' li'epa.

⁷⁸ ËanDios aŕsimponga' ninc'icuanuc'la.

Tiyuf'tsi cal 'ora lapalc'o'i'monga'; ma toŕta'a lapalc'o'iponga' ËanDios, itque Nopa'a lema'a.

⁷⁹ Toŕta'a tulif'ena'mola' lan xanuc', maŕniya itsiya aiquepalc'o'ila'.

İhniya tocomma amuf liŕpicuejma', ti'huaicoyi ma le'a lamaya.

Aŕhecona'monga' al c'a cane, jilpe aimatsueŕmot'ŕeconayacu.

⁸⁰ Ëamijcano ti'hua titoqui. İ'i'ma acueca' lipicuejma'. Ai'a ti'e'ma lipenic' ËanDios, itque Juan aiquimujoyoxi. Tipa'a pe ailopa'a quiŕya'. ËanDios tu'i'ma te litine timuj'moxi. Tuya'a'ma litaiqui' ËanDios, tiquimf'eŕe lipimaye, ilne lixanuc' İsrail.

2

¹ İhniya litiné cal cuecaj quincuxepa cuftine César Augusto. Ni petsi lomana' lan xanuc' ticuxe'ela' tiyente liŕpitelolŕya' pe limajnliyota liŕtatahueló. Jilpiya tinilinginnola' liŕpuftine. ² Toŕta'a lipangopa lan censo fa'a li'a ŕamats'. Li'ipa aimi'eyi toŕta'a. İhniya litiné ĩncuxepa cuftine Cirenio ticuxe ŕamats' Siria.

³ Jahuay lan xanuc' itsehuo'me liŕpitelolŕya' liŕtatahueló, inilinginhuo'mola' liŕpuftine. ⁴⁻⁵ José y María ipalunca liŕpiŕya' Nazaret lopa'a al distrito Galilea. İye'me al distrito Judea, liŕya' Belén, tinilinginnola' jilpiya liŕpuftine. İhe liŕya' Belén ipiŕya' liŕtatahuelo José, itque cal rey David. İhniya José y María inonc'opoŕtsi temali'me. Aiquejonliyoŕtsi. María innay. ⁶ Mimana' liŕya' Belén, ixhuitŕsi litine tipajnta ĩ'hua María. ⁷ Jilpiya ipo'no'ma cal te'a ĩ'hua, itque amijcano. İju'e'ma quijahua', unaj'mi'ma pe lotetsoyopa linneja. José y María epi'impola' lajut'ŕ pe loxmaipa linneja. Locuena lajut'ŕ imanna xanuc', ailopa'a comanc'eyacu.

⁸ Maŕpiya liŕya' Belén, ma' ahuejnca, timana' nohuic'ipá mot'ŕ. İhe lipuqui' comana' ĩmuc'o', ti'eyi cuenna liŕmot'ŕ. ⁹ Pe lomana' ihniya nohuic'ipá mot'ŕ icuai'ma anuli ŕepaluc caŕ'Ailli' ËanDios. Epalc'o'i'mola' al cueca' al paxi lipepalc'o' ËanDios. Lixim'me, ixpailij'mola' juaiconapa. ¹⁰ Ëapaluc quema'a ipalaic'o'mola', timila':

—Aimixpailij'molhuo'. Cu'i'molhuo' al c'a li'ipa. Ni petsi lomana' lan xanuc' tixoj'ma quileta. ¹¹ Itsiya jilpe liya' pe lipajnyota cal rey David, małpiya ipajnta Lonlu'eyacolhuo'. Itque aCristo łalPoujna. ¹² Jilpe liya' tołsinna łaca'hua camijcano, iju'eya quijahua', tunouya pe lotetsoyopa linneja. Tołsintsa tołta'a ti'i'ma colšina' lainu'ipolhuo' al linca.

¹³ Aiquicol'ma ixim'me axpela' lapaluc' quema'a icuai'me jilpiya pe lopa'a łapaluc łummepa ŁanDios. Iłniya tix'najtsi'iyi ŁanDios ticuayi:

¹⁴ Jahuay nomana' xonca al toncay lema'a tix'najtsi'ile ŁanDios, timile: Ima' manDios, linca umCueca'.

Lan xanuc' nomana' li'a łamats', iłniya pe latentłocopa ŁanDios, aimix-huelmot'lecona'me.

¹⁵ Lapaluc' quema'a ipailinamma lema'a. Nohuic'ipá mot'ł ipalaic'o'mołtsi, timiyoltsi:

—jCuej! jŁepá liya' Belén! ŁalPoujna ŁanDios joupa ałmiponga' te ts'i'ic' li'ipa. jŁepá, ałsinna!

¹⁶ Aiquicol'mola' iye'me. Licuaitsa Belén ixintsa María jouc'a José jouc'a łacapími', itque tunouya petsi lotetsoyopa linneja. ¹⁷ Liximpá łapími' nohuic'ipá mot'ł uya'a'me limipola' łapaluc quema'a, itque ipalaicopa łacapími'.

¹⁸ Lan xanuc' licuej'me loya'apa nohuic'ipá mot'ł ticuayi: “jXinła! Acueca' li'ipa.”

¹⁹ María ailopa'a quicuapa. Jahuay ti'nujuaitsi. Itine itine ti'nujuaitsi, timiyoxi: “Tołta'a tołta'a li'ipa”. Aiquimenc'ejma.

²⁰ Nohuic'ipá mot'ł ipailinamma, ticuaita pe lomana' liłmot'ł. Miyeyi lane tix'najtsi'iyi ŁanDios. Tix'najtsi'iyi liximpa, tix'najtsi'iyi lataiqui' licuejpa. Ticuayi: “ManDios, acueca' ima', acueca' lof'epa”.

²¹ Lixhuaitsi al paico quitine i'e'me circuncidar łamijcano, ipo'no'i'me guiseña licuerpo. Ecuim'me Jesús. Tołta'a laftine łapaluc quema'a lu'ipa ma quinnay María. ²² María ihuejco'ma litaiqui' Moisés, i'huej'moxi. Lixhuaita iłniya litiné María y José ileco'me ła'hua Jesús, i'hua'a'me al cuecaj xoute' lopa'a Jerusalén. Timuc'ita ŁanDios łalPoujna, tipaxnela'. ²³ Ti'e'eta ma to licuxepa łalPoujna ŁanDios. Ite lataiqui' linilijmpa Moisés, tuya'e': “Cal te'a ło'hua łopajnya, itque i'huexi ŁanDios”. ²⁴ Jouc'a titsufcota ma to loya'apa lataiqui' petsi linilijmpa locuxepa ŁanDios. Jilpe ticua: “Totsufco'ma oquexi' laiycucú, o oquexi' lan jałmu”.

²⁵ Jilpe al cuecaj quilya' Jerusalén tipa'a anuli cal xans cuftine Simeón. Itque ałijca xans, ihuequi jahuay locuxepa ŁanDios. I'huaijma ticuaitsi litine ŁanDios acueca' titoc'iconatsola' lixanuc', iłniya ixanuc' Israel. Cal Espiritu Santo ticuxe lipicuejma'. ²⁶ Itque cal Espiritu Santo joupa lu'ipa: “Toxim'ma cal Cristo. Toxim'ma ai'a tima'mo'.”

²⁷ Cal Espiritu Santo umme'ma Simeón ti'huała' al cuecaj xoute'. Małpiya al 'hora icuaitsa José y María, itejma ła'hua Jesús. Ti'e'me ma to micua locuxepa ŁanDios. ²⁸ Simeón lixim'ma ła'hua Jesús ipulai'ma, ix'najtsi'i'ma ŁanDios, timi: ²⁹ ManDios maiPoujna: Itsiya lapi'ila' lane, iya' aicaxhuełcoconaya, ałmanła'. Joupa enanłpa lotaiqui' ima' lalul'ipa.

³⁰ Cahuelonge itca'a łomummepa, itca'a Łalunlu'eyaconga'.

³¹ Mummepa, icuai'ma fa'a li'a łamats'.

Ni petsi lomana' lan xanuc' ti'ila' quilsina' tołta'a li'ipa.

³² Itque Epalc'o', tepalc'o'i'mola' liłpicuejma' lan xanuc', itne aimimetsaicohuo' ima' manDios.

Illanc' oxanuc', ima' malanDios, itque lixoc'i'monga' acueca' calata.

Ałnes'me: “Illanc' ixanuc' Israel, itque ałpiya' xans”.

³³ José jouc'a qui'máma' Jesús ticuayi: “¿Te copalaicocopa tołta'a la'hua? Aicalcueca.”

³⁴⁻³⁵ Simeón ipaxne'mola', timi María qui'máma':

—ŁanDios jouna ixpic'epa lo'iya ilca'a lo'hua. Ummepa fa'a li'a łamats' ŁanDios tipa'a lomuc'iyacola' lan xanuc'. Ihe aimepenufyacu, tinesc'e'me. Ima' jouc'a tołco'ma acueca' cumla, toxim'ma to lix'ay al cutsilo titsufai'ma łomunxajma', tixcai'e'mo'.

'Hualca aimetenłcocyacola' lo'hua, ihe tejac'mola'. Hualca tetenłcoco'mola', ihe tualai'co'me al c'a. Jiłpe tixinim'me te ts'i'ic' liłpicuejma' axpela' lan xanuc', ihe ixanuc' Israel. Timuj'mołtsi ja'ni ac'a o ja'ni ixjay liłpicuejma'.

³⁶ Ihiya łitiné tipa'a jiłpiya al cuecaj xoute' anuli łaca'no' lipuftine Ana. Qui'ailli' cuftine Fanuel, jouna imanapa. Łitatahuelo cuftine Aser. Łaca'no' Ana aprofeta, tuya'e' lixp'ic'epa ŁanDios. Jouna itojnapa caca'no'. Iłque Ana apotsate, ilecopołtsi lipe'ailli' acaitsi camats', jouna imanapa. ³⁷ Itsiya ixhuaita amalpuj nuxans malpuj camats' apotsate. Aimipamma al cuecaj xoute'. Itine ipuqui' jiłpiya texc'onłu. Aimitesma, tipalaic'o ŁanDios. ³⁸ Mipalay tołta'a Simeón icuaiti jiłpiya Ana. Ixintsi łahuac'hua Jesús, ix'najtsi'i'ma ŁanDios.

Jiłpe al cuecaj xoute' timana' lan xanuc' ts'ił'huajma ŁanDios tunłu'ela' lipiłya' Jerusalén. Ticuayi: “Aimałcuxecona'monga' lał'eponga' laic'”. Ana ipalaic'o'mola' jahuay ihiya, ipalaico'ma Jesús.

³⁹ Jiłpe al cuecaj xoute' José y María i'e'me locuxepa ŁanDios, enant'lipá jahuay. Lijou'ma ipailinamma, icuaita Nazaret liłpiłya' lopa'a al distrito Galilea. ⁴⁰ Łamijcano ti'hua titoqui, jouc'a lipicuejma'. ŁanDios ti'hua tipaxne.

⁴¹ Amats' amats' micuaita al juic Pascua José jouc'a qui'máma' Jesús tiyeyi liłya' Jerusalén. ⁴² Ixhuaiti Jesús imbamaj coque' łemats' itse'me al juic ma to lił'ejma'. Iłeco'me Jesús. ⁴³ Lijou'ma al juic Jesús ipanenni Jerusalén. José y qui'máma' Jesús aiqiułsina'. Tiyeyi lane ticuainata liłpiłya'. ⁴⁴ Ticuayi: “Łałpimaye iłejmale Jesús”. Anuli litine tiyeyi lane. Lijou'ma ehue'me Jesús. Ehue'me pe loyepa liłpimaye, jouc'a limetsaicoyołtsi. ⁴⁵ Aiquixim'me. Ipailiconamma. Icuaiçntsa Jerusalén ehueti jiłpe. ⁴⁶ Ehuehuo'me afane' quitine.

Ixinghuona'me jiłpe al cuecaj xoute' pe lomana' lan tsilaj comxiye. Tiquimf'ela', ticuis'ela'. ⁴⁷ Jahuay noquimf'epá timiyolołtsi: “¡Xinła! Acueca' lipicuejma'. Ac'a juaiconapa titalai'e.” ⁴⁸ Lixim'me qui'máma' y José ticuayi: “¿Te qui'ipa? ¿Te co'ecopa tołta'a?” Quimáma' timi:

—Mai'hua, ¿te cał'ecoponga' tołta'a? Co'ailli' jouc'a iya' juaiconapa lahuehuo'. Ałsuełcoyi juaiconapa.

⁴⁹ Jesús timila':

—Imanc', ¿te calahuecopa? Ticuicomma iya' capajm'ma lejut'ł cai'Ailli'. ¿Te aga aicołsina' iłta'a?

⁵⁰ Ihiya aiqiułcuc'e lomipola'.

⁵¹ Lijou'ma, iyena'me jouc'a Jesús. Icuainatsa liłpiłya' Nazaret. Jesús ihuejco'mola'. Qui'máma' aiqumenc'ecojma li'ipa. Jahuay i'huejpa lipicuejma'.

⁵² Jesús ti'hua titoqui. Ti'hua ti'i xonca acueca' lipicuejma'. Etenłcoco'ma ŁanDios, lan xanuc' jouc'a etenłcoco'mola'.

3

¹⁻² Juan, i'hua Zacarías, mipa'a pe ailopa'a quiłya' ŁanDios ipalaic'o'ma, u'i'ma te ts'i'ic' lo'eya. Ihiya łitiné ixhuaiti imbamaj maque' camats' micuxe cal cuecaj quincuxepa cuftine Tiberias César. Poncio Pilato ticuxe al distrito Judea; Herodes ticuxe al distrito Galilea; Felipe ipima Herodes, ticuxela' lan distrito Iturea jouc'a Traconite. Lisanas ticuxe al distrito Abilinia.

Mimana' lan tsila' la'aillí Anás y Caifás ÆanDios ipalaic'opa Juan. ³ Juan ihuejcopa limipa ÆanDios, ipanamma pe lopa'a, ti'hua jahuay Æamats' Æemaj panaj Jordán. Tuya'e', tu'ila' lan xanuc':

—Toŕsuej'menanca loŕ'epa lixcay. Tijouŕa' capo'i'molhuo'. ÆanDios tiŕonc'e'ena'molhuo' loŕjunac'.

⁴ Luyaipa quitine cal profeta Isaías inescopa Juan, uya'a'ma te ts'i'ic' lo'eya iŕque. Toŕta'a tuya'e' litaiqui' lininŕingiya lije'e, ticua:

Petsi ailopa'a quiiya' tuya'e' anuli cal xans, tu'ila' lan xanuc':

“Toŕanc'eŕe lipene ÆaŕPoujna, toŕ'e'eŕe aŕijca lane pe loyaicoya.

⁵ Jahuay Æiculhuay tima'nim'me, jahuay hijualay ti'oquehuo,

lan juentsolay Æaneyá ti'ina'mola' hijca,

Æaneyá petsi juaiconapa capic, tilajn-na'mola'.

⁶ Jahuay lan xanuc' tixim'me ÆanDios munŕu'ela' lixanuc'.”

⁷ Icuaiyunca axpela' lan xanuc' iŕpic'a tepo'itsola' Juan. Juan timila':

—Imanc' ti'onŕcospolhuo' to lacaŕpo'. Aijc'a lonŕ'ejma'. ¿Naiŕsi limipolhuo' toŕcuaiyunca tolapoŕe? Imanc' toŕcuayi: “Lapo'itsonga'. Toŕta'a aimatŕco'me al cueca' cateŕcoya locuaicoya.”

⁸ 'Iya' camilhuo': Ja'ni oŕpic'a tolunŕul—le, tonŕ'eŕe al c'a ma to mi'eyi petsi al linca lixhuej'menammas. Aimohnescona'me: “Abraham aŕtatahuo. Iŕque aimalacani'eyaconga'.” Camilhuo': ÆanDios aimehue'e' lixanuc'. Iŕna'a lapiŕ nipajnya ti'e'e'mola' inaxquej Abraham. ⁹ ÆanDios ti'onŕicolhuo' to al 'ec. Joupa ipo'nompa Æateŕ'conyacu huejnca Æime al 'ec. Ja'ni ixcay hi'as, tixanc'onata Æunga.

¹⁰ Lan xanuc' icuis'e'me, timiyi:

—¿Te caŕ'eyacu illanc'?

¹¹ Juan italai'e'e'mola', timila':

—Ja'ni tipa'a oque' lotsamalo, anuli tommi'ila' petsi aiŕqui'hueca. Ja'ni tipa'a loŕteja, tapi'i'ma pe ailopa'a coteja.

¹² Jouc'a icuaiyunca lin'najts'i'iyale, iŕpic'a tepo'itsola' Juan. Icuis'e'me, timiyi:

—Momxi, illanc', ¿te caŕ'eyacu?

¹³ Juan timila':

—Toŕ'najts'i'iyaleŕe al hijca. Aimohfel'miyale'me.

¹⁴ Jouc'a lan soldado icuaiyunca, icuis'e'me, timiyi:

—Illanc', ¿te caŕ'eyacu?

Timila':

—Aimohnantsej'mola' lan xanuc'. Aimohcuŕf'mola' lan xanuc' petsi ailopa'a co'epa. Tetentocotsolhuo' lo'najtsempolhuo'.

¹⁵ Lan xanuc' timiyohŕsi:

—¿Te co'ia itsiya? ¿Naiŕsi xans iŕca'a Juan? ¿Te iŕca'a aCristo, iŕque Æommeja ÆanDios?

¹⁶ Juan timila':

—Iya capo'icolhuo' aja'. Ticuaihuo ocuena iŕque xonca acueca'. Iya' aimah'onŕspa to iŕque. Aimi'ia cuhuatŕ'e'eya lic'ejí'. Iŕque tepo'ico'molhuo' cal Espíritu Santo jouc'a hipaŕ cunga. ¹⁷ Iŕque ticuaiyunni ti'onŕcospa to cal xans nofusya hitrigo. Ti'noŕ'ma lofuscoya, tequeyaf'ma hitrigo, tiŕojm'ma lipifuc cal trigo. Cal c'a trigo ti'huejnata lihua. Lipifuc tipi'enghua petsi Æunga aimipica.

¹⁸ Toŕta'a Juan ixc'ai'i'mola' lan xanuc'. Ti'hua tixc'ai'ila'. Jouc'a tu'ila' Lataiqui' loya'apa iŕe al c'a lixpí'epa ÆanDios. ¹⁹ Juan jouc'a ixc'ai'i'ma Herodes. Iŕque Herodes exic'e'epa hipeno hipima. Æaca'no' cuŕtine Herodías. Juan itale'ma Herodes toŕta'a li'epa. Jouc'a titale jahuay nixpiya lo'epa.

²⁰ Herodes i'e'ma xonca acueca', itats'etsi Juan, i'nicotsi lacarza.

²¹ Ai'a titats'em'me Juan ilque tepo'ila' lan xanuc'. Mepo'iyale icuaitsi Jesús. Jouc'a epo'i'ma. Jesús mijoc'i LanDios eximma lema'a. ²² Cal Espíritu Santo imunni ihuoxaf'caitsi Jesús. Ilque cal Espíritu lixans to anuli cal ja'mu'. Lema'a tipalay, timinni Jesús:

—Ima' ai'Hua ca'ehuo' capic'a juaiconapa. Latenlma lopicuejma' jouc'a lo'ejma'.

²³ Lipango'ma Jesús lipenic' ixhuaita to anuxans quimbama' lemats'. Lan xanuc' ticuayi i'hua José. Li'ahuelo José cuftine Elí.

²⁴ Elí i'hua Matat,
Matat i'hua Leví,
Leví i'hua Melqui,
Melqui i'hua Jana,
Jana i'hua José,

²⁵ José i'hua Matatías,
Matatías i'hua Amós,
Amós i'hua Nahum,
Nahum i'hua Esli,
Esli i'hua Nagai,

²⁶ Nagai i'hua Maat,
Maat i'hua Matatías,
Matatías i'hua Semei,
Semei i'hua Josec,
Josec i'hua Judá,

²⁷ Judá i'hua Joanán,
Joanán i'hua Resa,
Resa i'hua Zorobabel,
Zorobabel i'hua Salatiel,
Salatiel i'hua Neri,

²⁸ Neri i'hua Melqui,
Melqui i'hua Adi,
Adi i'hua Cosam,
Cosam i'hua Elmodam,
Elmodam i'hua Er,

²⁹ Er i'hua Josué,
Josué i'hua Eliezer,
Eliezer i'hua Jorim,
Jorim i'hua Matat,

³⁰ Matat i'hua Leví,
Leví i'hua Simeón,
Simeón i'hua Judá,
Judá i'hua José,
José i'hua Jonam,

³¹ Eliaquim i'hua Melea,
Melea i'hua Mena,
Mena i'hua Matata,
Matata i'hua Natán,

³² Natán i'hua Davíd,
Davíd i'hua Isaí,
Isaí i'hua Obed,
Obed i'hua Booz,
Booz i'hua Sala,
Sala i'hua Naasón,

³³ Naasón i'hua Aminadab,
 Aminadab i'hua Admin,
 Admin i'hua Arni,
 Arni i'hua Esrom,
 Esrom i'hua Fares,
 Fares i'hua Judá,
³⁴ Judá i'hua Jacob,
 Jacob i'hua Isaac,
 Isaac i'hua Abraham,
 Abraham i'hua Taré,
 Taré i'hua Nacor,
³⁵ Nacor i'hua Serug,
 Serug i'hua Ragau,
 Ragau i'hua Peleg,
 Peleg i'hua Heber,
 Heber i'hua Sala,
³⁶ Sala i'hua Cainán,
 Cainán i'hua Arfaxad,
 Arfaxad i'hua Sem,
 Sem i'hua Noé,
 Noé i'hua Lamec,
³⁷ Lamec i'hua Matusalén,
 Matusalén i'hua Enoc,
 Enoc i'hua Jared,
 Jared i'hua Mahalaleel,
 Mahalaleel i'hua Cainán,
³⁸ Cainán i'hua Enós,
 Enós i'hua Set,
 Set i'hua Adán,
 Adán i'hua ŁanDios.
 Joupá icula'apa.

4

¹ Jesús ipainamma pe lopa'a al panaj Jordán, cal Espíritu Santo ticuxe lipicuejma'. Małque cal Espíritu i'hua'a'ma pe ailopa'a quiłya', ailopa'a xanuc'.

² Mipa'a jilpe łonta'a Satanás ehua'ima. Oquej nuxans quitine oquej nuxans quipuqui' icol'ma lehuaipa. Jahuay ilniya łitiné aiquitesma. Lixhuaitsi ilne łitiné unle'enni juaiconapa. ³ Łonta'a timi:

—Ima' ja'ni i'Hua ŁanDios tocuxe'etsi ilca'a łapic. Tomiła': “To'exoxi ca'i”.

⁴ Jesús italai'e'e'ma, timi:

—Al Paxi Linilíngiya ticua: “Łoteja cal xans aimites'miya lipitine. Ticuicomma jouc'a jahuay litaiqui' lonespa ŁanDios.”

⁵ Lijou'ma łonta'a ileco'ma anuli li'nof'quiya quijuala. Jilpe imuc'i'ma nulemma jahuay lan tsilaj nación lomana' li'a łamats'. ⁶ Timi:

—Capi'i'mo' comane, tocuxena'ma jahuay ilna'a. Timetsaicom'mo' umcuc-caj xonca. Itsiya iya' cacuxela', joupá lapi'impá laimane. Ja'ni caxpic'ela' ticuxela' ocuena iya' capi'i'ma quimane, ilque ticuxena'ma. ⁷ Ima' ma le'a laxc'onłingaila', tijouła' tocuxena'ma jahuay.

⁸ Jesús italai'e'e'ma, timi:

—Ima' monta'a to'huanła'. Al Paxi Linilíngiya ticua: “Taxc'onłingaila' ŁanDios, ilque omenDios. Ma le'a ilque tomi'ma: Ima' umCueca'.”

⁹ Lijou'ma łonta'a i'hua'a'ma liłya' Jerusalén. Icuai'etsi pe lopa'a al cuecaj xoute', xonca al toncay. Jilpe ecaxu'ma, timi:

—Ima', ja'ni i'Hua ŁanDios taiyuła' al 'ocay. ¹⁰ Al Paxi Linilingiya ticua: ŁanDios tumme'mola' lepaluc' quema'a, titoc'i'mo', ti'e'mo' cuenna.

¹¹ Tipulnuf'mo' liłmane, tołta'a lopic' cane ailopa'a co'eyaco'. Aimixcai'eyaco'.

¹² Jesús italai'e'e'ma, timi:

—Jouc'a ticua: “Aimahuai'ma ŁanDios; iłque omenDios.”

¹³ Łonta'a lijou'nepa lehuaipa Jesús ipo'nona'ma quituca'. Aimehuaiconaya.

¹⁴ Jesús ipainamma, icuaita al distrito Galilea. Jiłpe ixinguf'moxi acueca' lipaxnepa cal Espíritu Santo. Jiłpe łamats' ni petsi lomana' lan xanuc' iłniya icuej'me lo'epa, lonespa Jesús. ¹⁵ Łajut'li pe lafołyomma lan xanuc' judío, jiłpiya timuc'iyale. Jahuay ticuayi ac'a lipicuejma'.

¹⁶ Icuaitsi liłya' Nazaret pe litojyopa. Jiłpe i'e'ma ma to mi'ay. Litine conxajya itsufai'ma lajut'ł pe lafołyomma lan xanuc'. Ecax'ma tixhue'ma al Paxi Linilingiya. ¹⁷ Ini'im'me lijuisquiya je'e linilingiya litaiqui' cal profeta Isaías. Ux'malaif'ma al je'e, tixhuef'i'mola' linilingiya, ticua:

¹⁸ ŁanDios alapi'ipa li'Espíritu Santo.

Ał'huij'epa, ałfajpa cu'itsola' Lataiqui' loya'apa iłe al c'a lixpice'epa ŁanDios.

Tiquimf'ele lan xanuc' pe aiquil'hueca.

Lummepa camitsola' litats'ila': “Cuhuałna'molhuo”.

Jouc'a cu'itsola' lan fohue: “Caxał'mena'molhuo', tolahuetsalena'me”.

Pe noximpá ipime lapajnya quılonc'e'e'mola' cal cunta.

¹⁹ Alummepa camitsola' lan xanuc': “Itsiya linca ŁanDios titoc'i'molhuo', tepenuf'molhuo”.

²⁰ Lijoupa lu'ipola' iłiya, ijuitsaf'ina'ma al je'e, ini'ina'ma notoc'iyalepa jiłpe lajut'ł. Icutshuaina'ma. Jahuay nomana' jiłpe lajut'ł tehuelojnyi Jesús. ²¹ Iłque timila':

—Imanc' joupa ołcuejpá iłe laixhuepa. Itsiya enantcopa jiłe lataiqui' liniliya.

²² Jahuay etentcoco'mola' lonespa Jesús. Icuaitsi quılpic'a. Ticuis'eyołtsi, timiyołtsi:

—Iłque, ¿te ma ałinca i'hua José? o ¿a'í?

²³ Jesús timila':

—Imanc' ałmi'ma: “Ima' oxina' łafxı, jtoxał'mexoxi cotuca'!” Ałmi'ma: “Ałcuejpá lo'epa liłya' Capernaum. Jouc'a to'ela' tołta'a jifa'a lopılıya'.”

²⁴ Jouc'a timila':

—Iya' camilhuo' al linca: Ja'ni anuli cal profeta ticuaitsi ma lipılıya', aimepenufyacu.

²⁵ 'Litiné lipajmpa cal profeta Elías fa'a li'a łamats' uyaipa afane' camats' y onłca aiqicuic'. Jahuay łamats' i'ipa cumemma. Jiłpe łamats' Israel pe lopa'a Elías timana' axpela' lacał'no' lam potsateya. ²⁶ ŁanDios aicummaic' Elías pe lomana' iłniya lacał'no'. Umme'ma ti'huał' locuenaj nación, liłya' Sarepta, pu'hua titoc'ita anuli łaca'no' apotsate. Iłe liłya' Sarepta ahuejnca al cuecaj quılıya' cuftine Sidón.

²⁷ 'Litiné lipajmpa cal profeta Eliseo fa'a łamats' Israel, timana fa'a axpela' lan xanuc' titełcoyi al cuana lepra. Iłne lafcualłay ailopa'a quixałcopa. Anuli łafcuaana cuftine Naamán qui'huayomma ocuena camats' cuftine Siria, linca ixałcona'ma iłque.

²⁸ Liquimf'epa tołta'a locuapa Jesús lan xanuc' nomana' jiłpiya lajut'ł, jahuay ixtulencia juaiconapa. ²⁹ Itsolinanca, i'noł'me Jesús, ipa'a'me lema quılıya'. Liłya' copa'a letefcaic' quijuala. I'hua'a'me li'huesca hıjuala, teca'nita liculhuo. ³⁰ Jesús uyaico'ma nolojmay xanuc', i'huana'ma.

³¹ Icuaitsi liya' Capernaum, lopa'a al distrito Galilea. Litine conxajya imuc'i'mola' lan xanuc'. ³² Imetsaico'me acueca' comxi. Ixim'me tipa'a limane, al c'a timuc'iyale.

³³ Lajut'ɬ pe lafoiyomma lan xanuc' jilpe tipa'a anuli cal xans itsufaipa conta'a. Cal xans ija'a'ma ujfxi, timi Jesús:

³⁴ —Ima' cunJesús, mas Nazaret, ¿te cotsufaicomma pe laɬmana' illanc'? ¿Ja'ni ocuaiyoco'ma aljou'netsonga'? Alpo'notsonga' caɬuca'. Iya' nimetsaico-huo' naitsi ima'. Ima' umPaxi, co'huayomma LanDios.

³⁵ Jesús itale'ma lonta'a, timi:

—¡Ti-ch'ixcotso'! ¡Taipanni ilca'a cal xans!

Mehuelojnyi jahuay lan xanuc' lonta'a eca'ni'ma cal xans lamats', ipananni. Aiquixcai'e cal xans. ³⁶ Lan xanuc' ixpailij'mola', timiyotsti:

—¿Te cataiqui' jilta'a? Hque cal xans ti'hua limane ticuxe'ela' lontanue, ihniya tilipalnamma.

³⁷ Jahuay ile lamats' ni petsi lomana' lan xanuc' icuej'me lo'epa jouc'a lonespa Jesús.

³⁸ Jesús ipanni jilpe lajut'ɬ pe lafoiyomma lan xanuc'. I'hua'ma itsufai'ma lejut'ɬ Simón. Jilpe hi'maco Simón tunouya textafque, tepi'i linu' juaiconapa. Ixa'hue'me Jesús titoc'ila' jilque laca'no'. ³⁹ Jesús icuaitsi pe lopa'a laca'no' laxtafpa, ic'ommai'ma itale'ma lipinu'. Lipinu' ihojn-na'ma. Aiquicot'ma, laca'no' itsahuenanni, ites'mi'mola' lan xanuc'.

⁴⁰ Joupá if'acolaipa cal 'ora, lan xanuc' ilejma jahuay lilefcuallay pe lopa'a Jesús, ituca' ituca' liɬcuana. Jesús ixpayaf'mola' anuli anuli, ixal'mena'mola'.

⁴¹ Axpela' lontanue ipalumma lafcuallay. Ine lontanue tija'ayi timiyi:

—Ima' i'Hua LanDios.

Jesús itale'mola'. Timila':

—Aimoluya'acona'me toɬta'a.

Ihniya ilsina' naitsi Jesús, ilque cal Cristo.

⁴² Lihuequi litine lihic'ejma Jesús ipanni i'hua'ma petsi ailopa'a quiɬya'. Lan xanuc' tehueyi. Ixim'me, timiyi:

—Aimo'huana'ma, topajnlá fa'a laɬpiɬya'.

⁴³ Jesús timila':

—Iya' ai'huanapa cuyaicota ocuenaye quiɬeloɬya'. Jouc'a cu'itola' ihniya lan xanuc': “LanDios cal Rey tijoc'ila' lixanuc' tihuejcoɬe”. LanDios alummepa toɬta'a ca'ela'.

⁴⁴ Lijou'ma i'huana'ma. Jilpiya hlemats' lan xanuc' judío ni petsi lomana' lajut'ɬ pe lafoiyomma lan xanuc' ti'hua tuya'e' Lataiqui' loya'apa ile al c'a lixpicepa LanDios.

5

¹ Anuli litine Jesús tecaxu lema al cuecaj quin'nuhua' Genesaret, jouc'a lacui'impá lin'nuhua' Galilea. Axpela' lan xanuc' efoya jilpiya tiquimf'eyi mu'ila' litaiqui' LanDios. Titants'iyi Jesús. ² Jesús ixim'ma tipa'a oque' lam barco jilpe lema caja. Liɬpoujnalá ailomana', imulumma tipajyi liɬxami. ³ Jesús if'aj'ma anuli al barco, ile libarco Simón. Ixahue'epa Simón tiloc'ai'ela' nihuata libarco. Toɬta'a i'e'ma. Jesús micutsu jilpe al barco timuc'ila' lan xanuc' nomana' lema caja.

⁴ Lijoupa limuc'iyalepa, timi Simón:

—Ima' jouc'a lof'as lin'noɬpá catuye toɬ'hua'ale al barco. Toɬcuaitsa nolojmay caja tolacajm'mita loɬxami, ti'nijmolaita latuye.

⁵ Simón italai'e'e'ma, timi:

—Momxi, ał'epá canic' jahuay lipuqui'. Aical'nohi. Itsiya ima' ałminga': "Tolacajm'mita łoxami". Ne', ima' ałcuxe'enga', lihuejco'mo'. Cacuxe'etola' laipin'nołpá catuye tecajm'mita łixami.

⁶ Ecajm'mihuo'me łixami, imantsi catuye, coła' tits'ałquehuo. ⁷ Lił'as quin'nołpá catuye timana' locuenaj barco. Simón jouc'a liłejmale ijoc'i'me łniya ticuaiyunca titoc'im'mola'. Icuaitsa imantsola' catuye loquej lam barco. Juaiconapa icuntaj'mola' lam barco, coła' ti'nijmołecu laja'. ⁸ Lixim'ma tołta'a Simón Pedro exc'onłngai'ma li'mitsi' Jesús, timi:

—Maipoujna, ałpo'noła' caituca'. Iya' ninxans juaiconapa acueca' laijunac', catay calaic'ata małejmaleyacu.

⁹ Simón jouc'a liłejmale nomana' jilpe libarco ixpailij'mola' juaiconapa liximpá i'noł'me axpela' latuye. ¹⁰ Liłejmale Simón nomana' locuenaj barco, łne Jacobo y Juan inaxque' Zebedeo, jouc'a ixpailij'mola'. Jesús timi Simón:

—Aimixpaij'mo'. Capi'i'mo' locuena copenic'. Aimahueconayacola' latuye. Tahuetola' lan xanuc' lihuejla' iya'.

¹¹ I'hua'a'me liłbarco łema caja. Ipo'no'me jahuay, ihuej'me Jesús.

¹² Mipa'a Jesús anuli liłya' icuaiyunni anuli cal xans tipa'a licuana cuftine lepra. Jahuay licuerpo imanna cahuí. Ixim'ma Jesús ic'ommof'cai'ma łamats', tixahue'e titoc'ıla', timi:

—Maipoujna, ima' nipajnya latufc'entla', caxinxoxi ał'inla' limpio. ¿Ja'ni to'e'ma?

¹³ Jesús i'nij'ma limane, łlaf'ma łafcuana, timi:

—Ca'e'ma, ti'intso' limpio.

Aiquicoł'ma łojn-na'ma lehui. ¹⁴ Jesús ixc'ai'i'ma, timi:

—Aimo'itola' lan xanuc' te ts'i'ic' li'ipo'. Nij naitsi mi'iyá quixina'. To'huała', tomujxoxi ła'ailli'. Moisés joupa icuxepa te ts'i'ic' mitsufcoyacu łniya pe lixałconapola' liłcuana łe alepra, ima' totsufcotsi jouc'a. Tołta'a ałsim'monga' lihuejcoyi łe lataiqui'.

¹⁵ Tama Jesús timi: "Nij naitsi mi'iyá quixina'", lan xanuc' xonca icuej'me lo'epa. Icuaiyunca axpela' lan xanuc'. Iłpic'a tiquimf'efe Jesús lomuc'iyalepa, iłpic'a tixał'menatsola' liłcuana. ¹⁶ Camna, camna Jesús tijuc'iyoxi. Itsehuo'ma pe ailopa'a quıłya', pe ailopa'a xanuc', jilpe tipalaic'o qui'Ailli'.

¹⁷ Anuli litine timuc'ıla' lan xanuc'. Jilpe timana' lan xanuc' fariseo, jouc'a lomxiye nomuc'iyalepá locuxepa ŁanDios. Łniya quiyoyomma jahuay łilelołya' al distrito Galilea, jouc'a al distrito Judea, jouc'a al cuecaj quıłya' Jerusalén. Jilpiya ŁanDios timuqui lipepaxi, Jesús tixał'menala' lafcualłay.

¹⁸ Icuaiyunca hualca lan xanuc' łłtaic' anuli łuhuaqueya xans, tunaf'ya łihuijm-ma'. Ehue'me te co'iyá muyai'eyacu łilpefcuana ticuai'etsa pe lopa'a Jesús. ¹⁹ Jilpe efot'łeyołtsi axpela' lan xanuc' aimi'iyá mitsufai'eyacu. If'ajli'me al toncay lajut'ł, enai'e'me łuhua'e cajut'ł, jilpiya ecajnco'me łuhuaqueya xans. Ecajmpá to qui'ic' łihuijm-ma' nolojmay xanuc', małpe pe lopa'a Jesús. ²⁰ Jesús ixim'mola' ti'huaiyjnyı tixał'mena'ma cal xans, timi:

—Maipima, lojunac' joupa łojn-napa.

²¹ Lan xanuc' fariseo jouc'a lomxiye nomuc'iyalepá locuxepa ŁanDios ticuayi liłpicuejma': "¿Naitsi łca'a cal xans? Ti'e'eyoxi to ŁanDios. Ma le'a ŁanDios tiłonc'e lajunac', łca'a a'i." ²² Jesús ixina' tołta'a ticuayi liłpicuejma'. Icuıs'e'mola':

—Imanc', ¿te cołnescopa tołta'a lołpicuejma'? ²³ ¿Ja'ni tołsinyi ipime łiıya łaimipa cal xans: "Lojunac' joupa łojn-napa"? Ja'ni camıła': "Totsahuenni, to'huała'", ¿te tołsim'me a'i quipime łe lataiqui'? ²⁴ Itsiya camuc'i'molhuo' icueya łaimane. Iya' łłque cal Xans Łiximpa cal profeta pu'hua lema'a. Ma capa'a fa'a li'a łamats' ti'i'ma quıłonc'e'e'mola' liłjunac' lan xanuc'.

Timi luhuaqueya xans:

—Totsahuenni. Tonif'la' lohuijm-ma'. To'huanla' lomejut'l.

²⁵ Mehuelojnyi jahuay lan xanuc' aiqico'l'ma, cal xans itsahuenanni, ecaxna'ma. Inif'ma lihuijm-ma', i'hua'na'ma lejut'l, tix'najtsi'i LanDios.

²⁶ Jahuay nomana' jilpe lajut'l tocomma tipailo lihpicejma'. Ixim'me juaiconapa acueca' li'e'ma Jesús. Ix'najtsi'i'me LanDios. Ixpailij'mola', timiyotsti:

—Itsiya ałsimpá acueca' li'ipa.

²⁷ Jesús ipanni jilpe i'hua'ma, ixim'ma anuli lin'najtsi'iyale cuftine Levi, ticutsu pe lo'najtsi'iyaleyompa. Jesús timi:

—Lihuejla'.

²⁸ Levi itsahuenni, ipo'no'ma jahuay, ihuej'ma Jesús.

²⁹ Jilpe lejut'l Levi i'eyo'ma lijuic Jesús. Jilpe Jesús titetsoyi ts'ilihuequi jouc'a axpela' lin'najtsi'iyale jouc'a ocuenaye xanuc'. ³⁰ Jilpiya timana' lan xanuc' fariseo jouc'a lomxiye nomuc'iyalepá locuxepa LanDios, ihniya tihuejcoyi li'ejma' lam fariseo. Tixtuc'oyi Jesús. Timinnila' ts'ilihuequi:

—Imanc', ¿te coltetsocopa, te colsnacopa anuli lin'najtsi'iyale y locuenaye lan xanuc', ihne aimihuejcoyi locuxepa LanDios?

³¹ Jesús italai'e'e'mola', timila':

—Lan xanuc' pe ailopa'a quilcuana aimicuicomma no'eyacola' cafxi. Laxtafpola' linca ticuicomma no'eyacola' cafxi. ³² Iya' aicuaicoco'ma cajoc'itsola' ts'itai' quiljunac', tixhujmenanca. Aicajoc'ila' pe ailopa'a quiljunac'.

³³ Lijou'ma, timiyi Jesús:

—Ts'ilihuequi Juan itine itine tixnet'lyi, aimitetsoyi, tijoc'iyi LanDios. Ma' anuli lo'epa ts'ilihuequi lam fariseo. Ima' ts'ihuejhuo' aimixnet'lyi, titetsoyi, tixnayi, ma to lo'epa jahuay lan xanuc'.

³⁴ Jesús italai'e'e'mola', timila':

—Mipa'a namaneya, ¿te ticuxe'e'mola' lilejmale aimitetso'me? ³⁵ A'i. Ticuaitsi litine tilonc'e'enatsola' namaneya, ihne lilejmale timanecu quilcuca', ihniya litiné linca tixnet'l'me, aimitetsoyacu.

³⁶ Jesús ti'hua timuc'ila'. Ipango'ma i'onhico'ma lomuc'iyalepa. Timila':

—¿Te tolipa'a'me tutani anuli al ts'e lołpijahuá', tolanajmot'lico'me lafane lołpijahuá'? A'i. Ailopa'a no'eya tołta'a. Ja'ni tołta'a tonł'ele aimetenłcocoya lafane lijahuá'. Aimi'eya quipenic' ni lafane ni al ts'e.

³⁷ Jouc'a aimoł'ej'miyacu al ts'ej vino lafane' pontalay quixmi. Ja'ni tołta'a tonł'ele al ts'e vino tits'al'mola' lafane' pontalay quixmi, tic'ejaiquehuo al ts'ej vino, timinsco'mola' hixmi. ³⁸ Al ts'ej vino toł'ej'mi'me al ts'ej ponta quixmi.

³⁹ Jouc'a camilhuo': Pe noxnapa litojpa vino aiquipic'a al ts'ej vino. Ticua: “Xonca ac'a litojpa vino”.

6

¹ Anuli litine conxajya Jesús jouc'a ts'ilihuequi tuyalaicoyi nolojmay cal trigo. Ts'ilihuequi ipa'apá hixpaj cal trigo, untaijco'me liłmane, ite'me. ² Hualca lan xanuc' fariseo icuis'em'mola' ts'ilihuequi Jesús, timinnila':

—Imanc', ¿te col'ecopa tołta'a? Ailopa'a lane mi'enyacu tołta'a. Itsiya itine conxajya.

³ Jesús italai'e'e'mola', timila':

—¿Te aga aicol'suec' li'epa David anuli litine tunle'eyi jouc'a lilejmale?

⁴ Itsufai'ma lejut'l LanDios. Epenuf'ma lam paxi ca'i lopa'a jilpe, ilque łai i'huexi LanDios. Lan xanuc' aimi'iya mitejacu, ma le'a la'aillí tite'me. Linca

David ite'ma, epi'i'mola' liñejmale, jouc'a ite'me. ⁵ Iya' itque cal Xans Ìiximpa cal profeta pu'hua lema'a. Iya' naPoujna. Iya' caxpic'e te ts'i'ic' lo'eyacu laixanuc' litine conxajya.

⁶ Ocuena quitine conxajya Jesús timuc'iyale lajut' pe lafoiyomma lan xanuc'. Jiñpe tipa'a anuli cal xans ijuña al c'a quimane. ⁷ Jiñpe timana' lan xanuc' fariseo, jouc'a lomxiye nomuc'iyalepá locuxepa ÌanDios. Tehuelaifyi Jesús. Ticuayi: "Itsiya itine conxajya. Aga tixañ'meyale'ma. Ja'ni toña'a ti'eña', añafta." ⁸ Jesús ixina' locuapa itne liñpicuejma'. Timi cal xans hiñña quimane: —Totsahuenni. To'huanni. Tacaxla' jifa'a.

Cal xans itsahuenni, i'hua'ma, ecax'ma jiñpe limipa Jesús. ⁹ Jesús timila': —Añtai'e'ña' imanc'. Litine conxajya, ¿te ts'i'ic' cañ'eyacu? ¿Te ts'ipic'a ÌanDios? ¿Añ'e'me al c'a o añ'e'me lixcay? ¿Lunña'e'me anuli cal xans? O ñalacani'e'me?

¹⁰ Jesús ehuelojm'mola' lan xanuc' micutshuolanna jiñpiya. Timi cal xans: —To'niñla' lomane.

Cal xans i'niñ'ma limane, ixañcona'ma nulemma. ¹¹ Lan xanuc' fariseo jouc'a lomxiye nomuc'iyalepá locuxepa ÌanDios ixtulencia juaiconapa. Ipalaic'o'moltsi, timiyoltsi: "¿Te cañ'e'eyacu itque cal xans Jesús?"

¹² Iniya litiné Jesús if'aj'ma hiññalay tipalaic'ota ÌanDios. Inpe ipanenni jahuary lipuqui', tipalaic'o ÌanDios. ¹³ Jounpa epalc'opa ijoc'i'mola' ts'ilihuequi ticuayyunca pe lopa'a. I'huñf'e'mola' imbamaj coquexi'. Iniya ecui'i'mola' lan apóstole. Liñpuftine iniya:

¹⁴ Simón, Jesús ecui'i'ma locuena quipuftine, ite aPedro. Andrés, itque ipima Simón.

Jacobo jouc'a Juan, Felípe jouc'a Bartolomé,

¹⁵ Mateo jouc'a Tomás, Jacobo itque i'hua Alfeo, jouc'a locuena Simón. Ate'a itquiya Simón anuli liñpicuejma' lan xanuc' nocuapá: "Lunña'e'me ñalamats".

¹⁶ Judas, itque i'hua anuli cal xans cuftine Jacobo, jouc'a Judas Iscariote, itque nocuya Jesús.

¹⁷ Jesús jouc'a ts'ilihuequi imulnanca hiññala. Icuayyunca lihuojma, ecaxma jiñpiya Jesús. Jiñpe timana' axpela' ts'ilihuequi Jesús jouc'a axpela' lan xanuc', iniya quiyoyomma ni petsi al distrito Judea, jouc'a quiyoyomma al cuecaj quiña' Jerusalén, jouc'a ñamats' lema caja pe lopa'a liñelolña' Tiro y Sidón. Icuaic-oco'me tiquimf'ete litaiqui' Jesús, tixañ'menatsola' liñcuana. ¹⁸ Lotel'mipola' ñonta'a, ixañcona'mola'. ¹⁹ Lafcuallay noxpayaf'pá Jesús tixingufyi lipepaxi. Jahuary lafcuallay ixañcona'mola'. Toñiya jahuary lan xanuc' tehueyi tixpayaf'le Jesús.

²⁰ Mehuelongila' ts'ilihuequi Jesús timila':

—Imanc', ja'ni ailopa'a col'hueca, ñinca tuluyalaicoyi al c'a. Pe loñmana' tipa'a ÌanDios cal Rey, toñmana' anuli.

²¹ 'Ja'ni itsiya tulunle'eyi, ñinca tuluyalaicoyi al c'a. Ticuaihuo litine tinajñtolhuo'.

'Ja'ni itsiya toñjolijyi, ñinca tuluyalaicoyi al c'a. Ticuaihuo litine tixojna'ma cunlata.

²² 'Iya' itque cal Xans Ìiximpa cal profeta pu'hua lema'a. Ticuaitsi litine ti'entsolhuo' laic' imanc' ts'alihuequi, ja'ni tenajtsolhuo', aimepenufilhuo', ja'ni timintsolhuo' quixcay cataiqui', ja'ni tilaiquintsolhuo' jouc'a loñpuftine, ti'ña' colñina' tuluyalaicoyi al c'a. ²³ ¡Toliyuc'tsete tixojla' cunlata! Jipu'hua lema'a tipa'a al cueca' lapi'inyacolhuo'. Imanc' ti'onñcospolhuo' to lam profeta. Lolsanuc' ti'elhuo' laic'. Loñtatahueló ma' anuli li'epá, itel'mim'mola' lam profeta.

²⁴'Imanc' ja'ni ts'acueca' col'huexi, a'ijc'a muluyalaicoyi. Joupa olapenufpá.

²⁵'Imanc' ja'ni itsiya ixhuaiyilhuo', linca a'ijc'a muluyalaicoyi. Ticuaihuo litine tulunle'e'me.

'Imanc', ja'ni itsiya tixoqui cunlata, tunlixoyi, linca a'ijc'a muluyalaicoyi. Ticuaihuo litine toľhuotso'me, toľjolij'me.

²⁶'Ja'ni jahuay lan xanuc' tinescolhuo' ma le'a al c'a, linca a'ijc'a muluyalaicoyi. Ja'ni toľta'a lo'ipolhuo' imanc' ti'onłcospolhuo' to lam profeta nofelłaiquepá. Lan xanuc' nonescopolhuo' al c'a itsiya, liłtatahueló ihniya toľta'a linescopa. Aiquilimetsaijma ja'ni nofelłaiquepá profeta.

²⁷'Imanc' nałcuc'epa camilhuo': Toľ'etsola' capic'a laixtuc'opolhuo'. Toľ'etsola' al c'a ihne no'epolhuo' laic'. ²⁸Toľpaxnetsola' pe nomipolhuo' quixcay cataiqui'. Toľsahue'ete LanDios titoc'itsola' ihne no'epolhuo' lixcay. ²⁹Ja'ni tuntaftso' lopeque, tomuc'ila' locuena lopeque. Ja'ni texic'e'etso' lopusquiya, aimocuanaj'ma lotsamalo, tommi'ila' jouc'a. ³⁰Ja'ni tixahue'etso', tapi'itsola' jahuay ihniya. Ja'ni texic'e'etso' lo'huexi, aimomi'ma: "Ałpai'inla'". ³¹Ma to imanc' ołpic'a ti'entsolhuo' al c'a, toľta'a toľ'etsola' loľ'as xanuc'.

³²'Ja'ni toľ'etsola' capic'a ma le'a ihniya no'epolhuo' capic'a, łte LanDios tetenłcoco'ma loľ'ejma'? A'i. Ma toľta'a mi'eyi locuenaye lan xanuc', ihne pe aimihuejyi locuxepa LanDios. ³³Ja'ni toľtoc'itsola' ma le'a ihniya notoc'ipolhuo', łte LanDios tetenłcoco'ma loľ'ejma'? A'i. Ma toľta'a mi'eyi locuenaye lan xanuc', ihne pe aimihuejyi locuxepa LanDios. ³⁴Ja'ni tolapi'itsola' ma le'a ihniya nopai'iconayacolhuo', łte LanDios tetenłcoco'ma loľ'ejma'? A'i. Toľta'a mi'eyi locuenaye lan xanuc', ihne pe aimihuejyi locuxepa LanDios. Ihniya tepi'innila' quıłtomı petsi lopai'iconayacola'.

³⁵'Imanc' tonł'e'mola' capic'a pe no'epolhuo' laic'. Toľtoc'itsola' jahuay loľ'as xanuc'. Ja'ni tixahue'etsolhuo' tonłapi'i'mola'. Aimolnes'me: "Ne', lapi'iconala'". Imanc' ja'ni lihuejcola' ilta'a laitaiqui' tunlulij'me acueca'. Ti'onłcotolhuo' loľ'ejma' to li'ejma' col'Ailli', ilque Nopa'a lema'a xonca al toncay. Ilque tama aimix'najtsi'iyi, tama ixcay xanuc', ma ti'hua titoc'ila'.

³⁶'Col'Ailli' Nopa'a lema'a tixinnila' acuanuc'la jahuay lan xanuc'. Imanc' jouc'a toľsintsola' acuanuc'la loľ'as xanuc'.

³⁷'Imanc' aimolnesco'mola' loľ'as xanuc', toľta'a aiminescoyacolhuo'. Aimolacani'e'mola' locuenaye, toľta'a aimecani'enyacolhuo' imanc'. ³⁸Tolimenc'e'ecotsola' liłjunac' loľ'as xanuc', toľta'a timenc'e'ecom'molhuo' lołjunac' imanc'. Tolapi'itsola' locuenaye, toľta'a tepi'icona'molhuo'. Tepi'icom'molhuo' al c'a alxpijma', lixhueya tentenca ipijuala, ti'e'em'mo' titsujolaiquemma.

³⁹Jesús ti'hua tipalaic'ola', i'onłico'mola' lo'iyacola' lan xanuc' petsi amuf liłpicuejma', ticua:

—Anuli cal fo', łte ti'i'ma texal'ma liľ'as fo', timuc'i'ma lane? A'i. Loquexi' tecajm'molłaita lina.

⁴⁰'Cal xans naihuejpa lipomxi ma le'a tihuequi, a'i xonca acueca' xans. Aimicuxeya lipomxi. Tijoula' joupa ihuic'ipa ti'onłcota to lipomxi.

⁴¹'Ima', łte cofmehuelojncopa łopima lipifuc li'u? łTe aimahuelojnyoxi lo'nico laxma lo'u? ⁴²Mipa'a laxma jilpe lo'u, łte cofmicoya łopima: "Maipima, lapi'ila' lane quıłonc'e'e'mo' lipifuc lo'u"? Ma le'a to'e'eyoxi xonca. Ate'a taipa'ala' al cuecaj laxma lo'nico lo'u. Tijoula', tahuelojm'ma al c'a, nipajnya taipa'a'ma lipifuc łopa'a li'u łopima.

⁴³'Ja'ni ac'a al 'ec aimi'iya mi'asya lixcay qui'as. Ja'ni ixcay al 'ec aimi'iya mi'asya cal c'a qui'as. ⁴⁴Toxinla' hi'as, toľta'a taimetsaico'ma jale c'ec ilca'a. Petsi litac cantsinni aimoxinya lan higo. Petsi al xummi aimoxinya lan 'uva.

⁴⁵ Cal c'a xans tipa'e al c'a li'hueca jilpe lipicuejma'. Lixcay xans tipa'e lixcay li'hueca jilpe lipicuejma'. Ma to quimanna lipicuejma', ja'ni al c'a ja'ni ixcay, to'ta'a litaiqui' tipamma lico.

⁴⁶ 'Imanc', ¿te calmicopa: "MałPoujna, małPoujna", tijoula' aimon'eyi ma to laifmipolhuo'? ⁴⁷ Camuc'i'molhuo' lo'onłcoya cal xans nocuaiya pe laifpa'a, ałquimf'e laitaiqui', lihuejma. ⁴⁸ Ca'onłico'ma to cal xans nilanc'epa lejut'ł. Ipu'ma a'ojca, i'huajco'ma łixmi capic. Małpiya titsahue'ehuo quejut'ł. Litine lipanni axpe' al pana', lixpe'ma laja', unts'af'i'ma lajut'ł, iłe lajut'ł aiquifenna. Ailopa'a qui'ipa, joupa ilange juaiconapa.

⁴⁹ 'Cal xans ja'ni ma le'a ałquimf'epa laitaiqui', iłque ca'onłico'ma to cal xans ituca' li'ejma'. Iłque lilanc'epa lejut'ł aiquipucufi. Litsahue'eyomma pe łixałi camats'. Lipanni al pana', acueca' unts'af'i'ma laja', lajut'ł aiquicoł'ma, etełquemma. Ecanipa nulemma.

7

¹ Lijoupa lipalaic'opola' to'ta'a lan xanuc' nomana' jilpiya, Jesús i'hua'ma, it-sufai'ma liya' Capernaum. ² Jilpe tipa'a anuli cal mozo juaiconapa textafque, tima'ma. Łipoujna ticuxela' amaxnu lisoldado. Iłque nocuxepola' lan soldado ti'ay capic'a juaiconapa łimozo. ³ Licuej'ma tixał'menala' Jesús lafcualłay umme'mola' hualca lan tsilaj xanuc' judío, iłne noxpıjpa' lataiqui', tiyełe pe lopa'a Jesús. Tilecotsa, ticuaiyunni lejut'ł, tixał'me'ma łimozo. ⁴ Iłne lan tsilaj xanuc' judío icuaitsa pe lopa'a Jesús. Inonc'o'me, timiyi:

—To'huanni, totoc'ita jilque nocuxepola' lan soldado. Iłque ac'a xans. ⁵ Ał'enga' capic'a illanc' ixanuc' Israel. Ałanc'e'eponga' anuli lajut'ł pe lalafot'leyopołtsi. ⁶ Jesús iyejmale'me. Ai'a ticuaita lejut'ł nocuxepola' soldado italecuf'me locuenaye lummeconapola'. Timiyi Jesús:

—Nocuxepola' soldado timihuo': "Maipoujna, aimocuaicohuo. Aimoxoc'i'moxi. Iya' caxinyoxi juaiconapa na'hua xans. Aimi'iya motsufaiya lainejut'ł. ⁷ Iya' aimi'iya catalecufyaco'. Caxina calaic'ata. Ma le'a tonesla': Tixałconła' łomozo, tijoula' tixałcona'ma. ⁸ Iya' quihuejma nałcuxepa, jouc'a cacuxela' laisoldado. Cami'ma anuli: To'huala', iłque ti'hua'ma. Cami'ma łocuena: To'huanni, iłque ti'huamma. Cami'ma łaimozo: To'eła', ma ti'e'ma."

⁹ Licuej'ma Jesús to'ta'a linespa łincuxepa, etenłcoco'ma juaiconapa. Ipai'e'moxi ipalaic'o'mola' lan xanuc' liłenc'e, timila':

—Iłque cal xans lixanuc' aimimetsaicoyi ŁanDios. Imanc' ixanuc' Israel tolimetsaicoyi ŁanDios. Camilhuo': Ailopa'a caiximpa nij naitsi imanc' to iłque cal xans. Iłque łınca xonca ti'huaiyinge ŁanDios.

¹⁰ Ipailinamma lummeconapola', licuainata lejut'ł łincuxepa iximpá łafcuaana joupa ixałconapa.

¹¹ Lijou'ma Jesús i'hua'ma anuli liya' cuftine Naín. Iłejmale ts'ilihuequi jouc'a axpela' lan xanuc'. ¹² Jesús micuaispa huejnca pe lotsufaicompa liya' jilpiya tilipalumma lan xanuc' iłtaic' anuli łimanapa. Iłque łimanapa, łaca'no' anuli qui'hua. Qui'máma' apotsate. Axpela' lan xanuc' iłpe liya' liłejmale łaca'no'. ¹³ Jesús ehuelojm'ma łaca'no', ixim'ma cuanuc', timi:

—Aimojoj'ma.

¹⁴ Iłoc'huai'ma pe lopa'a łimanapa. Ixpayaf'ma lonaf'ya łimanapa. Iłne ts'ıłtaic' ecaxoł'me. Jesús timi:

—Mamijcano, camihuo': Totsahuenni.

¹⁵ Łimanapa icutsaina'ma, ipango'ma ipalai'ma. Jesús exat'łina'ma qui'máma'. ¹⁶ Jahuay lan xanuc' ixpailij'mola'. Ixim'me acueca' li'ipa. Ix'najtsi'i'me ŁanDios, ticuayi:

—Anuli cal cuecaj profeta icuai'ma pe lałmana'. ŁanDios icuai'ma, ałtoc'inga' illanc' ixanuc'.

¹⁷ Ni petsi al distrito Judea, jouc'a łamats' ahuejnca jilpiya, lan xanuc' icuej'me li'epa Jesús.

¹⁸ Jouc'a Juan Bautista icuej'ma jahuay ihna'a. Ts'ilihuequi u'ipá. Juan ijoc'i'mola' oquexi' ts'ilihuequi, ¹⁹ umme'mola' pe lopa'a Jesús, ticuis'etsa, timitsa: “Itsiya ał'huaicoyi łocuaicoya łommeya ŁanDios. ¿Te ima'? o ¿te ti'hua ał'huaico'me łocuaicoya?”

²⁰ Ihne icuaitsa pe lopa'a Jesús, timiyi:

—Juan Bautista alummeponga' licuis'e'mo', timi'mo': “Ał'huaicoyi łocuaicoya Łommeya ŁanDios, ¿te ima'? o ¿te ti'hua ał'huaico'me łocuaicoya?”

²¹ Małe litine Jesús tixał'mela' axpela' lafcualłay, ituca' ituca' liłcuana. Jouc'a ipa'apola' lontahue litsufłaipá lan xanuc'. Jouc'a axpela' lam fohue tehuetsalenayi, joupa ixał'menapola' Jesús. ²² Itque timila' lummepolaj Juan:

—Ne', tonłenłe. Tołcuaitsa pe lopa'a Juan tolu'itsa te ts'i'ic' lołsimpa, lołcuejpa. Tołmita:

Tehuetsalenayi lam fohue, tiyenayi lam coxo,

tixałconnala' ts'ilehui lepra, ti'inala' limpio,

ticuejnayi lan tałpe, timaf'inayi limanapola'.

Lan xanuc' pe aiquił'hueca tu'innila' Lataiqui' loya'apa ite al c'a lixpıc'epa ŁanDios.

²³ Jouc'a tołmitsa Juan: “Cal xans natenłcocopa lai'ejma' itque linca al c'a loyaicoya”.

²⁴ Iyena'me lummepolaj Juan. Jesús ipango'ma ipalaic'o'mola' lan xanuc' lefołya jilpiya. Tıpalajma Juan, timila':

—Imanc', ¿te cołtsecohuo'me jipu'hua pe ailopa'a quıłya'? ¿Te cołsinhuo'me jilpiya? ¿Te ołsinhuo'me anuli al jaxa tife'ne łahua'? ²⁵ Ja'ni a'i, ¿te cołtsecohuo'me? ¿Naitsi cołsinhuo'me jilpiya? ¿Te ołsinhuo'me anuli cal xans nopo'nopa al c'a lipijahua', acueca' lipitali? A'i. Lan xanuc' nopo'nopá liłpijahua' acueca' al c'a, notetsopá al c'a, ihniya timajnyi hilejut'hi lan rey.

²⁶ ¿Te cołtsecohuo'me? ¿Naitsi cołsinhuo'me jilpiya? ¿Te ołsinhuo'me anuli cal profeta? Ałınca ołsinhuo'me anuli cal profeta, itque Juan. Itque aimi'onłspola' to lam profeta, xonca acuecaj xans. ²⁷ Al Paxi Linilıngiya joupa ipalaicopa Juan ticuaihuo, ticua:

¡Ałquimf'eta'! Cumme'ma łainepaluc.

Itque ti'huajme'mo', tuya'a'ma ima' tocuaihuo.

Tilanc'e'e'mo' lopene pe lof'huaya.

²⁸ Iya' camilhuo': Itque Juan acuecaj xans. Ailopa'a caca'no' quipo'nohuo h'hua to itquiya. Tama aimi'ıya mi'onłyacola' to Juan, ja'ni joupa itsufaipa petsi locuxeyopa ŁanDios Nopa'a lema'a, tama xonca aca'hua xans, itque joupa ulijnapa Juan.

²⁹ Lan xanuc' jouc'a no'najtsi'ıyalepá iquimf'epá linespa Juan, ihne imet-saico'me ŁanDios ałıjca lo'epa, epo'i'mola' Juan. ³⁰ Lan xanuc' fariseo jouc'a lomxiye nomuc'ıyalepá locuxepa ŁanDios etets'i'me lołxpıc'epa ŁanDios, aiquilepoc', aimicuayi.

³¹ Jesús ti'hua tipalaic'ola' lan xanuc', timila':

—¿Te caif'onłıcoyacolhuo' imanc' nołmana' fa'a itsiya? ¿Te ts'i'ic' loł'ejma'?

³² Ca'onłıco'molhuo' to la'uhuay nocutshuołanna pe locucaleyompa, tijaic'oyołtsi. Anuli ihne timila' lif'as ca'uhuay: “Illanc' ałfus'mipá lałjaja, tołsoułe. Aicołtsahuo. Lunac'lipá ihuotsoqueya, aicołjoqui.”

³³ Tołta'a loł'ejma' imanc'. Ailopa'a catenłcocoyacolhuo'. Juan Bautista aimitesma to mołtetsoyi imanc', aimixnay vino. Imanc' tołcuayi: “Itque

itsufaipa conta'a". ³⁴ Iya' ilque cal Xans Liximpa cal profeta pu'hua lema'a. Iya' aicuai'ma fa'a li'a lamats' catesma to mohtetsoyi imanc', caxnay al vino. Imanc' añesc'e, tolcuayi: "Tohsinte, ilca'a cal xans intetsopa, in-xnatsaipa. Hejmale ilne lin'najtsi'iyalepá jouc'a locuenaye lan xanuc' pe aimihuejcoyi locuxepa LanDios."

³⁵ 'Iya' cacua: Linca LanDios acueca' ac'a lipicuejma', tohta'a timujiyi ilne naihuejcopá, jouc'a acueca' ac'a lipicuejma'.

³⁶ Anuli cal xans fariseo ijoc'i'ma Jesús titetsota. Jesús i'hua'ma, icuaitsi lejut'l cal xans fariseo, icutshuai'ma titetso'ma. ³⁷ Jiipe liya' tipa'a anuli laca'no' ixcay lo'epa. Ilque icuej'ma ijoc'impá Jesús lejut'l cal xans fariseo. Laca'no' i'hua'ma lejut'l cal xans. Itai'ma anuli al cuecaj pulu ilajncopa apic cuftine alabastro. Al pulu imanna caceite tujuej c'a. ³⁸ Laca'no' iloc'huai'ma li'mitsi' Jesús. Ipango'ma tijoqui. Lujuay ijac'eco'ma li'mitsi' Jesús, etufc'eco'ma lijuac. Ituc'o'ma li'mitsi' Jesús, ic'ef'i'i'ma laceite lojuepa c'a.

³⁹ Cal xans fariseo, ilque nijoc'ipa Jesús, ixim'ma lo'epa laca'no'. Ilque timiyoxi: "Ja'ni alinca aprofeta ilque cal xans Jesús, ti'i'ma quixina' te ts'i'ic' lipicuejma' ilca'a laca'no', ti'i'ma quixina' tipa'a acueca' lijunac'. Ticuanaj'moxi, ticua'ma: Aimał—laf'ma."

⁴⁰ Jesús ipalaic'o'ma cal xans fariseo, timi:

—CumSimón, tipa'a laifmiyaco'.

Timi:

—Ne', Momxi, ałmıla'.

Jesús timi:

⁴¹ —Timana' oquexi' lan xanuc' itaiyinc'e anuli cal xans. Anuli itaiyinc'e to lolijya anuli camats' y onłca. Locuena itaiyinc'e to lolijya anulij mut'la y onłca.

⁴² Ilne loquexi' lan xanuc' ailopa'a co'najtsecoyacu. Ilque lepi'ipola' quıltomí imenc'e'eco'mola' loquexi' litaiyinc'e. Itsiya ałmıla': ¿ilne loquexi' naitsi xonca co'eya capic'a ilque nimenc'e'ecopola' ts'itaiyinc'e?

⁴³ Simón timi:

—Iya' cacua: Ilque nitaiyinc'e xonca, xonca ti'e'ma capic'a.

Jesús timi:

—Otalai'epa ma' al linca.

⁴⁴ Ipai'e'moxi, ehuelojm'ma laca'no', timi Simón:

—Toxina lo'epa ilca'a laca'no'. Iya' aicuai'ma lomejut'l. Aicaluhui'i caija' capajcoya lai'mitsi'. Ilca'a laca'no' lapac'e'ecopa lujuay lai'mitsi', etufc'epa lijuac.

⁴⁵ Ima' aicaltuc'o'. Ilca'a laca'no' laicuai'ma fa'a ipangopa altuc'opa lai'mitsi', ti'hua altuc'o'. ⁴⁶ Ima' aicalc'ef'i'i caceite lijuac. Ilca'a laca'no' alc'ef'i'ipa caceite lojuepa c'a lai'mitsi'.

⁴⁷ 'Iya' camihuo': Ilca'a laca'no' joupa imenc'e'ecompa al cueca' li'epa, toliya al'epa capic'a juaiconapa. Cal xans aijtine li'epa, ja'ni timenc'e'ecom'me, aijtine ti'e'ma capic'a.

⁴⁸ Jesús ipalaic'opa laca'no', timi:

—Joupa imenc'e'ecompo' lo'epa.

⁴⁹ Locuenaye lijoc'impola' ipango'me imi'mołtsi:

—¿Naitsi ilca'a cal xans? Timi: "Joupa imenc'e'ecompo' lo'epa". Tohta'a aimi'iya.

⁵⁰ Jesús timi laca'no':

—Ima' al'huaiyijmpa, toliya joupa unłupo'. To'huanła' tixojla' meta. Aimox-huelmot'lecona'ma.

8

¹ Lijou'ma Jesús i'ya' i'ya' ti'huaf'cay, lan tsilaj quitelot'ya' jouc'a lan tsocay quitelot'ya'. Tuya'e' Lataiqui' loya'apa ite al c'a lixp'ic'epa LanDios. Tijoc'ila' lan xanuc' tihuejco'le LanDios cal Rey. Limbamaj coquexi' ts'ilihuequi itejmale. ² Jouc'a tiyeyi laca't'no'. Ine laca't'no' Jesús joupa ixa't'menapola'. Hualca ihniya ipa'epola' lontahue litsuf'laipá, locuenaye ituca' quít'cuana. Anuli ihniya aMaría las Magdala lipa'empa acaitsi lontahue. ³ Jouc'a tiyeyi axpela' laca't'no' ts'it'huca. Ihniya ixhuico'me lit'huexi, itoc'im'mola' Jesús jouc'a ts'ilihuequi. Anuli ihniya cuftine aJuana, ipeno anuli cal xans cuftine aChuzá, it'que ticuxe lit'huexi cal rey Herodes. Ocuena cuftine aSusana.

⁴ Axpela' lan xanuc' quipalyomma litelot'ya' iyouyunca pe lopa'a Jesús. Lijoupa lefot'lepotsi ihniya lan xanuc' Jesús i'on'lico'ma lo'epa LanDios fa'a li'a lamats'. Timila':

⁵—Cal xans ipanni ica'nehuo'ma lam fanuj trigo. Mica'ne lam fanu' hualca ecangolaitsa lane. Lan xanuc' i'huailtsuf'me. Laca't'hui naiyulpá lema'a icuaitsa, itejn-na'me.

⁶ Hualca lam fanu' i'nif'colaitsa lit'xi capic. Lila'mola' lam fanu' aiq'ico'la'ma iju'na'mola'. Aiquix'minuhua lamats'.

⁷ Hualca lam fanu' itsuc'aita pe lopa'a litac'. Ila'mola' laifa' trigo jouc'a litac'. Litac' ejec'o'ena'ma laifa' trigo.

⁸ Ocuenaye lam fanu' etojmolaitsa cal c'a camats'. Itoj'ma, ipaj'ma, ipam-maita. Anuli cal fanu' ipammaita amaxnu.

Lijou'ma luya'a'ma ita'a lataiqui' Jesús ipalai'ma ujfxi, timila' lan xanuc':
—Naitsi nocuejpa, at'quimf'ela' iya' laitaiqui'.

⁹ Ts'ilihuequi Jesús icuis'e'me te cohualquemma jile lataiqui' li'on'licopa lo'epa LanDios fa'a li'a lamats'. ¹⁰ Jesús timila':

—Imanc' epalc'o'ipolhuo' lo'picuejma'. To'c'uec'eyi lipime lataiqui' loya'apa lo'ipa petsi lan xanuc' tihuejcoyi LanDios lit'Rey. Ocuenaye a'i, aimicuec'eyi. Ine ma le'a at'quimf'e ca'on'licojma lo'epa LanDios, aimi'iya muhualyacu. Ti'ila' to loya'apa al Paxi Linil'ingiya ticua: “Mehuelojnyi aimixim'me, miq'umf'eyi aimicuej'me”.

¹¹ Itsiya cu'ilhuo' lohualquemma ite lataiqui'.

'Lam fanu', ite itaiqui' LanDios. ¹² He li'ipola' lam fanu' lecangolaita jilpe lane, ti'on'licospa to lo'ipola' lan xanuc' petsi ma le'a tiquimf'eyi litaiqui' LanDios. Ticuaiyunni lit'xay xans tit'onc'e'e'mola' lataiqui' lit'picuejma'. It'que lit'xay xans ticua: “Aimihuej'me ite litaiqui' LanDios. Aimun'ul'me.”

¹³ He li'ipola' lam fanu' li'nif'colaita lit'xi capic petsi ahuata lamats', ti'on'licospa to lo'ipola' lan xanuc' noquimf'epá lataiqui', tepenufyi tixoqui quileta. Lataiqui' aimif'acay lit'picuejma'. Oquej fanej quitine ihniya tihuejyi lataiqui'. Ticuaitsi late'coya tenajnayotsi.

¹⁴ He li'ipola' lam fanu' litsuc'aita nolojmay quitac', ti'on'licospa to lo'ipola' locuenaye xanuc' noquimf'epá lataiqui'. Ine muyalaicoyi lit'pitine tix-hue'lot'leyi juaiconapa, o tehueyi te co'iya mulijyacu acuecaj quiltomí, o tehueyi te co'iya mixojya quileta. To'ta'a lataiqui' licuaita lit'picuejma' ejec'opa, aimipammaiya.

¹⁵ He li'ipola' lam fanu' letojmolaita cal c'a camats' ti'on'licospa to lo'ipola' lan xanuc' ac'a lit'picuejma', aimifellaiqueyi. Ihniya ticuejyi litaiqui' LanDios, aimimenc'ecoyi. Itine itine tihuejyi. Tipammolaitspa al c'a.

16 'Munai'i'me anuli lepalc'o' aimic'ommumijcoyi al cutse ni aimi'nicoyi licu'u hualfa. Tipo'nof'iyi al toncay. Titsuflaiyinle lajut'ł tixim'me jile lepalc'o'. 17 Jahuay lic'ommuf'inya ti'huáj'nata, jahuay lemiya timetsaicom'me. Jahuay tepalc'o'im'me.

18 'Mołquimf'eyi jouc'a tołpo'note cuenna. Cal xans ja'ni i'hueca, xonca tepi'im'me. Ja'ni aici'hueca, texic'ena'me jahuay. Tołta'a timuc'im'me li'ipa ailopa'a qui'hueca. Ma le'a ines'ma: "Joupa ai'hueca". A'ij linca ile lonespa.

19 Icuaitsa qui'máma' jouc'a lipimaye Jesús. Iłpic'a tipalaic'o'me. Jiłpiya timana' axpela' lan xanuc'. Aimi'iya miłoc'ołaiyacu. 20 Lan xanuc' timiyi Jesús: —Tecaxołanna łuna co'máma' jouc'a lopimaye. Iłpic'a tipalaic'otso'.

21 Jesús italai'e'e'mola', timila':
—Cai'máma', laipimaye, comana' noquimf'epá naihuejcopá litaiqui' LanDios.

22 Anuli litine Jesús jouc'a ts'ilihuequi if'ajli'me al barco. Jesús timila':
—Ałquie'me locuenaj liju lin'nuhua'.

I'hua'a'me al barco, tuyalaico'me łaja. 23 Miquieyi Jesús ixmai'ma. Iłpiya lin'nuhua' aiquicoł'ma i'hua'ma ujfxi łahua', ixtunni łaja. El barco imantsi caja'. Ts'ilihuequi Jesús ixim'me acuecaj caxpaiqui'. 24 Iłne iłoc'ołai'me pe loxmai'epa Jesús. Ummef'me, timiyi:

—¡Momxi! ¡Momxi! ¡Ałma'monga!
Jesús itsahuenni. Itale'ma łahua' jouc'a łaja. Aiquicoł'ma i-ch'ixco'mola'. Jahuay ipanenanni ach'ixca. 25 Timila' ts'ilihuequi:

—Imanc', ¿te aimat'huaiyinge?
Iłne ixpailij'mola' juaiconapa, timiyotłsi:
—¿Te qui'ipa li-ch'ixc'epa? ¿Naitsi iłca'a cal xans? Ticuxela' łahua' łaja, tihuejcoyi.

26 Lijoupa luyalaipá al cuecaj quin'nuhua' icuaitsa łilemats' lan xanuc' cuftine lan gadareno. Jiłpiya łamats' lopa'a al huoc'ojmaica łemats' al distrito Galilea. 27 Lipanni Jesús jiłpe al barco ixim'ma icuaico'ma anuli cal xans malpe iłya' xans, itsuflaipá contahue. Ixpepa quitine aimipo'nohua lipijahua', aimipanga lejut'ł. Tipanga pe lemumpola' limanapola'.

28 Cal xans lixim'ma Jesús ija'a'ma eca'ni'moxi, ixpats'huai'ma huejnca li'mitsi' Jesús. Ipalai'ma ujfxi, timi Jesús:

—Ima' cumJesús, i'Hua cal Cuecaj CanDios Nopa'a lema'a xonca al toncay, ¿te cocuaiyoco'ma pe laifpa'a? ¿Te ts'opic'a fa'a? Iya' caxa'huehuo' aimat'el'mi'ma.

29 Tołta'a locuapa cal xans. Jesús joupa icuxepa łonta'a, imipa: "Taipanni iłque cal xans". Iłque łonta'a juaiconapa ti'noli cal xans. Lan xanuc' tifi'ecoyi cadena limane' li'mitsi', ticuayi: "Itsiya ailopa'a co'eya". Łonta'a tepi'i quipujfxi, cal xans tits'atłqui al cadena. Lijou'ma łonta'a tihuetsoqui cal xans, ti'hua'e pe ailopa'a quiłya'.

30 Jesús icuis'e'ma, timi:

—¿Tej muftine?
Italai'e'e'ma, timi:
—Iya' laipuftine Legión.

Iłe laftine ticua: Axpela'. Axpela' lontahue itsuflaipá iłque cal xans. 31 Iłne lontahue tixahue'eyi Jesús aimipa'a'mola'. Aimiye'me al muf, jiłpe al pu'hua liculhuo.

32 Jiłpe łemala timana' axpela' lijná titeji quilpitamqui. Lontahue ixahue'e'me Jesús tepi'itsola' lane titsuflaiłe iłne lijná. Jesús epi'i'mola' lane. 33 Lontahue ipalunca iłque cal xans, itsuflai'me lijná. Jahuay iłne lijná inul'me, if'alcołai'me al 'ocay, i'nijmołaitsa al cuecaj quin'nuhua', unxat'ac'mola', ima'mola'.

³⁴ Lixim'me li'ipa lan xanuc' nohuic'ipá lijna aikuicoł'mola', inul'me, iyena'me liŷya'. Jiłpe uya'atsa li'ipa. Jouc'a calx'huiyałma' uya'atsa. ³⁵ Lan xanuc' ipalunca iye'me ixintsa li'ipa. Icuaitsa pe lopa'a Jesús. Ixim'me cal xans ticutsijnya li'mitsi' Jesús. Joupa lontahue ipalnamma. I'napa lipicuejma'. I'po'nopa lipijahua'. Lixim'me li'ipa lan xanuc' ixpailij'mola' juaiconapa.

³⁶ Jiłpiya timana' lan xanuc' joupa iximpá jahuay li'ipa. Iłniya uya'a'me li'ipa lixałconapa iłque cal xans pe hitsuŷaic' containue. ³⁷ Jiłpe al distrito Gerasa lan xanuc' ixpailij'mola' juaiconapa. Jahuay iłniya ixahue'e'me Jesús ti'huanła', tipo'notsola' quiltuca'. Jesús if'aj'ma al barco, tipainahuo, ticuainata łocuena quema lin'nuhua'.

³⁸ Cal xans pe lipa'empa lontahue tixahue'e Jesús tilecoła' jouc'a. Jesús aikuicuac'. Ixc'ai'ina'ma, timi:

³⁹ —Topainanni lomejutł. To'itsola' loxanuc' al cueca' li'e'epo' LanDios.

Cal xans i'huana'ma, icuaitsi lipiŷya'. Ni petsi jiłpiya u'itsola' lan xanuc' al cueca' li'e'epa Jesús.

⁴⁰ Icuaitsi Jesús łocuenaj quema lin'nuhua', iłpe ił'huaijma axpela' lan xanuc'. Lixim'me ixoconni quileta. ⁴¹ Icuai'ma anuli cal xans lipuŷtine aJairo. Iłque ipenic' iłpe lajutł pe lafołyomma lan xanuc'. Iłoc'huai'ma exc'onłingai'ma li'mitsi' Jesús. Tixahue'e, timi:

—Łepá lainejutł.

⁴² Ipic'a tixinne'etsi ił'hua caca'no'. Iłque textafque, tima'ma. Łahuats' ixhuaita imbamaj coque' łemats', anuli qui'hua.

Jesús iyejmale'me Jairo. Miyeyi lane lanxpela' xanuc' titantsiyi Jesús.

⁴³ Nolojmay xanuc' ti'hua anuli łaca'no' textafque. Ixhuaita imbamaj coquej camats' mextafque. Ti'hua cajuats' licu'u. Jahuay li'hueca i'najtse'ecopola' lin'ehuale cafxi. Aiquixałma. ⁴⁴ Łaca'no' iłoc'huai'pa pe lopa'a Jesús. Icuaitsi lixpula', iłafc'e'e'ma łema lipijahua'. Aiquicoł'ma, ipanenni licuana, aimi'huaconghua cajuats'. ⁴⁵ Jesús icuis'e'mola', timila' lan xanuc':

—¿Naitsi nał—lafpa?

Jahuay italai'e'e'me, timiyi:

—Iłlanc' aicał—lafhuo'.

Pedro timi:

—Momxi, to'hua nolojmay xanuc', titantsihuo'.

⁴⁶ Jesús ihui'i'ma, timi:

—Iya' aixingufcopa joupa ał—lafquimpa. Iłquiya epenufpa laipaxi, ixałconapa.

⁴⁷ Łaca'no' ixim'ma aimi'iya memiyacoxi. Iłoc'huai'ma pe lopa'a Jesús, tixpaiqui tiyu licuerpo. Exc'onłingai'ma li'mitsi' Jesús. Jiłpe miquimf'eyi lan xanuc', uya'a'ma te quilałcopa, timi: “Aiquicoł'ma, ałsałconapa laicuana”.

⁴⁸ Jesús timi łaca'no':

—Mai'hua, ima' ał'huaiyijmpa caxał'mentso'. Joupa ixałconapo'. To'huanła'. Aimoxxhuełmot'łecona'ma.

⁴⁹ Mipalaic'o Jesús łaca'no' icuaiconni anuli cal xans titalecuf'ma Jairo. Iłque Jairo ipenic' lajutł pe lafołyumma lan xanuc'. Timi:

—Ło'hua joupa imanapa. ¿Te cofxoc'icoya Łomxi?

⁵⁰ Jesús icuej'ma locuapa cal xans, italai'e'e'ma, timi Jairo:

—Aimoxxhuełmot'łe'ma. Ma le'a ał'huaiyijnla'. Ło'hua tixałcona'ma.

⁵¹ Licuaitsa lejutł Jairo, Jesús i'huif'epola' Pedro, Jacobo y Juan, jouc'a qui'ailli' qui'máma' łahuats'. Itsuflai'me pe lopa'a łahuats'. Aiquepi'ila' lane ocuenaye xanuc' mitsuflaiyacú. ⁵² Jahuay lan xanuc' nomana' jiłpe lajutł tihuotsoyi, tijolijyi, tija'ayi, joupa imanapa łahuats'. Jesús timila':

—Aimoljoliijconame. Lahuats' aiqumac'. Ma le'a tixmay.

⁵³ Ilne ixoco'me, ilsina' jounpa imanapa lahuats'. ⁵⁴ Jesús i'no'e'e'ma limane lahuats', ijoc'i'ma, timi:

—Mahuats', totsahuenni.

⁵⁵ Imaf'ina'ma, aiqico' ma itsahuenni, ecax'ma. Jesús timila':

—To'tes'mile.

⁵⁶ Qui'ailli' qui'máma' tipailo li'picuejma', ticuayi: “¿Te a'lnca imaf'inapa la'hua?” Jesús ixc'ai'i'mola':

—Aimoluyout'le'me. Nij naitsi mi'iyá quixina'.

9

¹ Jesús ijoc'i'mola' limbamaj coquexi' ts'ilihuequi. Epi'i'mola' li'mane tipa'atsa lontahue, jouc'a tixa' metsa lafcual'ay. ² Umme'mola' li'elot'ya' tuya'atsa te ts'i'ic' micuxe LanDios i'que cal Rey. Jouc'a tixa' mentsola' lafcual'ay. ³ Timila':

—Ton'le. Nij tintsí mo'tai'me lane. Jouc'a lo'paluc, lo'ponta, lonla'i, lo'tomí, ocuena' co'tsamalo aimo'tai'me. ⁴ To'cuaitsa anuli li'ya' ja'ni tepi'intsolhuo' lajut'l' pe lo'manc'eyacu, mo'mana' li'ya' ji'piya lajut'l' to'majne. ⁵ Anuli li'ya' ja'ni lan xanuc' aimepenulhuo' to'lipalunca, to'lunafle lo'mitsi', aimo'tai'me lo'mitsi' ni lepi camats' ji'pe li'ya'. Ti'ila' qui'sina' ma' ilne qui'tuca' ti'najtse'me li'junac'.

⁶ Limbamaj coquexi' ts'ilihuequi ipalunca. I'huaf'co'lai'me i'ya' i'ya', tuya'ayi Lataiqui', ille loya'apa al c'a li'pic'epa LanDios. Jahuay li'elot'ya' ixa' mentsola' lafcual'ay.

⁷ Cal rey Herodes icuej'ma jahuay lo'epa Jesús ilpe lamats'. Ixhuel'co'ma. Ticua: “¿Naitsi lo'epa to'ta'a?” Timana lan xanuc' nocuapá: “Juan Bautista imaf'inapa, ipanamma pe lomana' limanapola”. ⁸ Ocuenaye ticuayi: “Imaxcainata cal profeta Elías”. Locuenaye ticuayi: “Anuli ilne lam profeta li'ipa lomana' fa'a li'a lamats', itsiya imaf'inapa, icuaina'ma”. ⁹ Herodes timiyoxi: “Iya' jounpa aicuxepa etec'empá lejoc' Juan. Itsiya cacueca tinesconni anuli cal xans acueca' lo'epa. ¿Naitsi i'que xans? ¿Te co'iyá caxinya?” Ehue'ma te co'iyá mixinya Jesús.

¹⁰ Limbamaj coquexi' lummepola' Jesús ipailinamma, icuainatsa pe lopa'a Jesús. U'i'me jahuay li'epa. Jesús ileco'mola' iye'me qui'tuca', ticuaita anuli li'ya' cuftine Betsaida. ¹¹ Lan xanuc' icuej'me pe lotseyacu, iyenc'ot'le'me, ihuej'me Jesús. Icuaitsa pe lopa'a Jesús. I'que epenuf'mola'. U'i'mola' te ts'i'ic' micuxe LanDios. Laxtafpola' nahuepá tixa' contsola', ixa' mena'mola'.

¹² If'acolaipa iloc'olai'me limbamaj coquexi', timiyi:

—Tometsola' lan xanuc'. Tiyen'le li'elot'ya', jouc'a calx'huiyal'ma' lomana' huejnca, tehueta lotejacu. Ma fa'a ailopa'a cotejacu.

¹³ Italai'e'e'mola', timila':

—Imanc' to'tes'mitsola'.

Ilniya italai'e'e'me, timiyi:

—Aical'hueca. Tipa'a le'a amaque' la'í y oquexi' latuye. ¿Te aga lepá illanc' al'nata lotejacu jahuay ilne lan xanuc'?

¹⁴ Ji'pe timana' to amaquej mil lan xanuc'. (Jouc'a timana' laca'no' la'uhuay.)

Jesús timila' ts'ilihuequi:

—To'mitsola' ticutsolai'le oque' oque' nuxans quimbama'.

¹⁵ To'ta'a li'epa to licuxe'empola'. Jahuay icutsolai'me. ¹⁶ Jesús epef'mola' lam maque' la'í, loquexi' latuye, ehuenaf'ma lema'a, ix'najtsi'i'ma LanDios, ixquenuf'mola'. Epi'i'mola' ts'ilihuequi tica'nentsola' lan xanuc'. ¹⁷ Jahuay

itetso'me, ixhualtsola'. Ts'ilihuequi efot'lepá lan hualcay ca'i lipanecomma. Imantsola' imbamaj coque' lan tsiquihuit'í.

¹⁸ Anuli litine Jesús tipalaic'o LanDios. Jilpiya timana' ts'ilihuequi quituca'. Timila':

—¿Te cocuapa lan xanuc'? ¿Naitsi iya'?

¹⁹ Italai'e'e'me, timiyi:

—Timana' nocuapá ima' umJuan Bautista. Ocuenaye ticuayi ima' un'Elías. Locuenaye ticuayi ima' umprofeta. Ticuayi li'ipa opajmpa, imanapo', itsiya omaf'inapa, ocuaina'ma.

²⁰ Timila':

—Imanc', ¿te colcuapa? ¿Naitsi iya'?

Pedro italai'e'e'ma, timi:

—Ima' unCristo, ma Li'huij'epo' LanDios, ummepo'.

²¹ Jesús ixc'ai'i'mola', timila':

—Aimoluyout'le'me. Nij naitsi mi'iya quixina'.

²² Timila':

—Iya' itque cal Xans Liximpa cal profeta pu'hua lema'a. Cateico'ma juaiconapa. Lan tsilaj xanuc' noxpijpá lataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, alatets'i'ma nulemma. Alma'a'ma. Afane' quitine camaf'ina'ma.

²³ Ipalaic'o'mola' jahuay lan xanuc', timila':

—Ja'ni anuli cal xans lihuej'ma, itque aimi'iya micuxeyacoxi quituca'. Iya' lapalts'inginna lancruz. Itque lalihuejya itine itine titaita' lencruz jouc'a. Tixpic'ela' titeico'ma. Tohta'a linca lihuej'ma. ²⁴ Naitsi aimicua mitelcoya, itque no'epoxi cuenna juaiconapa, tecani'e'moxi. Naitsi nocuyacoxi lateicoya, itque lalihuequi tama tima'anle, tunlu'e'moxi. ²⁵ Cal xans nolijya jahuay lopa'a fa'a li'a lamats', ja'ni tecani'e'moxi, ¿te quipenic' ite lulijpa?

²⁶ Iya' itque cal Xans Liximpa cal profeta pu'hua lema'a, cacuaicocono. It litine alsim'ma ninCueca', alsim'ma al'onlcota to LanDios cai'Ailli', lapalc'o'i'ma lam paxi lapaluc' quema'a. Anuli cal xans ja'ni titaita' calaic'ata, tohta'a aicalihuequi, ite litine cacuaicohuananni fa'a li'a lamats' iya' jouc'a aicapenufya itque cal xans. ²⁷ Iya' camilhuo' al linca: Fa'a timana' lan xanuc' tixim'me, timetsaico'me lo'eya LanDios micuxe li'a lamats'. Tohta'a tixim'me ai'a tima'mola'.

²⁸ Lijoupa luyaipa to apaico quitiné Jesús tipalaic'ota LanDios jilpe hijuala. Ileo'mola' Pedro, Juan, Jacobo, if'ajli'me. ²⁹ Mipalaic'o LanDios ipaico'ma li'a. Lipijahua' i'i'ma afujca afujca, tunts'iflay. ³⁰ Icuaitsa oquexi' lan xanuc' ipalaic'o'me Jesús. Anuli itne Moisés, locuena Elías. ³¹ Iniya tulif'ela' al cuecaj quipepalc'o' LanDios. Itne jouc'a Jesús tipalaicoyi lo'iya ticuaitsi Jesús Jerusalén. Jilpe tipo'no'ma li'a lamats'.

³² Pedro jouc'a lilejmale tama itafquengcola' cahuí, aiquiltsmaic'. Ehuelojm'me Jesús, ixim'me ipaicopa li'a, lipijahua' tunts'iflay. Ixim'me oquexi' lan xanuc' tecaxolanna pe lopa'a Jesús. ³³ Mitolijnayi loquexi' lan xanuc' Pedro ipalaic'o'ma Jesús, timi:

—Momxi, ma jifa'a almanecu. Tohta'a luyalaico'me al c'a. Illanc' alhanc'e'me afane' lihuoxqui, anuli ima', ocuena Moisés, locuena Elías.

Pedro ma le'a tipalay, aiquixina' lonespa. ³⁴ Mipalay Pedro imunni lummahuay. Ipoxc'i'mola'. Ixpailij'mola' juaiconapa. ³⁵ Jilpe lummahuay icuej'me tipalay, timila':

—Itca'a lai'Hua, lai'Huij'epa. ¡Toiquimf'ele!

³⁶ Lijoupa limipola' tohta'a, ts'ilihuequi Jesús ixim'me itque quituca'. Moisés y Elías ailomana'.

Ihniya litiné lam fantsi ts'ilihuequi Jesús i'ipola' ch'ix. Aiquiluya'e' ite liximpa jilpe hijuala.

³⁷ Lihuequi litine imulnanca hijuala. Axpela' lan xanuc' icuai'me tehueyi Jesús. ³⁸ Anuli ihniya ija'a'ma, ipalaic'o'ma Jesús, timi:

—Momxi, caxahue'ehuo' toxinla' lai'hua. Itque cal nuli cai'hua. ³⁹ Anuli lonta'a ti'noli. Lai'hua tija'e'. Lonta'a tife'ne ujfxi. Tipamma litsulu lico. Lonta'a tixcai'e lai'hua, afule mux'masya. ⁴⁰ Aixahue'epola' lihuejhuo' tipa'ate lonta'a, aiqui'ic' quilipa'e.

⁴¹ Jesús italai'e'e'ma, ticua:

—¡Ay imanc'! Aimo'l'huaiyijnyi LanDios, a'ij hijca lołpicuejma'. Coła' aicapajna' cona'ma pe lołmana'. ¿Te iya' ti'hua caxnet't'ma?

Timi cal xans:

—Añec'metsi lo'hua.

⁴² Ai'a ticuaita lamijcano lonta'a eca'ni'ma lamats', ife'ne'ma ujfxi. Jesús itale'ma lonta'a, ixal'mena'ma lamijcano, exat'lina'ma qui'ailli'. ⁴³ Nahuelojmpá tołta'a li'ipa jahuay tipailo liłpicuejma'. Iximpá acueca' lo'epa LanDios. Ixpailij'mola'.

Mi'nujuaisyi lan xanuc' jahuay lo'epa Jesús ti'hua tipailo liłpicuejma'. Jesús ipalaic'o'mola' ts'ilihuequi, timila':

⁴⁴ —Imanc' tołpo'note cuenna laifmipolhuo'. Iya' itque cal Xans Liximpa cal profeta pu'hua lema'a. Ałcum'ma ticuaita quitmane lan xanuc'.

⁴⁵ Ts'ilihuequi aiquitcueca limipola' Jesús. Aiquepalc'o'ila' liłpicuejma'. Aimi'iya mepenufyacu ite lataiqui'. Aiquilicuis'e Jesús. Ixpailij'mola'.

⁴⁶ Ipalaic'o'mołtsi, icuis'e'mołtsi: “¿Illanc', naitsi no'iya xonca cal cueca'?”

⁴⁷ Jesús imetsaicola' liłpicuejma', exat'lu'ma anuli łacamijcano, ecaxijm'moxi.

⁴⁸ Timila' ts'ilihuequi:

—Cal xans nocuapa: “Jesús ti'ela' capic'a la'uhuay”, tijoula' tepenufi łacamijcano, jouc'a iya' lapenufi. Cal xans pe łalapenufpa ma anuli lapenufinga' Łalummepa. Iya' camilhuo': Ja'ni anuli imanc' ti'exoxi xonca aca'hua, itque xonca acueca'.

⁴⁹ Juan ipalaic'o'ma Jesús, timi:

—Momxi, aksimpá anuli cal xans ticuaj'mi lopuftine, tipa'ala' lontanue. Illanc' ałmipá: “Ailopa'a lane. Aimo'e'ma tołta'a. Ima' a'i całejmale.”

⁵⁰ Jesús timila':

—Aimołcuanac'e'me. Ja'ni aimixtuc'olhuo' tocomma to onłejmale.

⁵¹ Licuaico'ma litine tepenufinnata Jesús pu'hua lema'a, ixpic'epa nulemma ti'huanla' Jerusalén. ⁵² Umme'mola' ts'ilihuequi tuya'atsa łitelołya', tu'iyaletsa Jesús ticuaihuo.

Ihne lummepola' icuaita liłpiłya' lun samaritano. Tehueyi lajut'ł pe lopanc'eya Jesús. ⁵³ Lan xanuc' jilpe liłya' ticuayi: “Itque Jesús ti'hua'ma Jerusalén. Aimalapenufyacu.” (Ihniya itpilaic' al cuecaj xoute' lopa'a Jerusalén.)

⁵⁴ Lixim'me lił'ejma' ihne lan xanuc' Jacobo y Juan icuis'e'me Jesús, timiyi:

—Małpoujna, ¿te ts'opic'a? ¿Te aga ałjoc'ite LanDios, tummeła' lunga, tipitsola' nulemma ihne lan xanuc'? Tołta'a li'epa cal profeta Elías.

⁵⁵ Jesús ipai'e'moxi, itale'mola', timila':

—Imanc' aicołsina' te ts'i'ic' lołcuapa. Tocomma tunlihuejyi ocuena, a'i iya'. Imanc' ituca' lołpicuejma'. ⁵⁶ Iya' itque cal Xans Liximpa cal profeta pu'hua lema'a. Aicuaicoco'ma fa'a li'a lamats' cunlu'etsola' lan xanuc', a'i cajac'eyacola'.

Lijou'ma iye'me ocuena quıłya'.

⁵⁷ Miyeyi lane icuaitsi anuli cal xans ipalaic'o'ma Jesús, timi:

—Ima' ni petsi loftseya iya' jouc'a quihuej'mo'.

⁵⁸ Jesús italai'e'e'ma, timi:

—Lant'leyá tipa'a lipunts'ejay, laca'l'hui naiyulpá lema'a tipa'a lipuxil'na'. Iya' itque cal Xans Liximpa cal profeta pu'hua lema'a. Iya' ailopa'a caifx-mai'eya.

⁵⁹ Jesús ipalaic'o'ma ocuena xans, timi:

—Ima' lihuejla'.

Cal xans timi:

—Maipoujna, lapi'ila' lane, ca'huata' lainejut'l. Mipa'a cai'ailli' capajnta jilpe. Tijoula timanla', caminna, quihuejna'mo'.

⁶⁰ Jesús timi:

—A'i. Lomapola' ti'i'ma temite lif'as lomapola'. Ima' to'huata', toya'atsi te ts'i'ic' micuxe LanDios cal Rey.

⁶¹ Ocuena xans ipalaic'o'ma Jesús, timi:

—Maipoujna, quihuej'mo'. Ate'a lapi'ila' lane ai'huanapa caxc'ai'itola' ilne nomana' lainejut'l, tijoula' capaiconahuo, quihuej'mo'.

⁶² Jesús timi:

—Cal xans lipangopa tepa'ma lemats' ja'ni tipaicof'ila' tehuelojnla' lixpula', aimi'iya mi'eya lipenic' LanDios, itque cal Cuecaj Rey.

10

¹ Lijou'ma laPoujna Jesús i'huijf'e'mola' ocuenaye ts'ilihuequi. Ihiya lam fanej nuxans quimbama'. Umme'mola' tiyete oquexi' oquexi' lilelo'ya'. Tiyef'colaita ate'a, tijoula' tuyaicota Jesús. ² Timila':

—Itsiya lixhuaita litine cafot'leya. Tipa'a acueca' lanic', ahuata lan xanuc' nafot'leyacu. To'sahue'ete laPoujna camats' tummetsola' no'eyacu canic' petsi lipammaita lemats'. ³ Imanc' laixanuc' ti'on'cospolhuo' to lam mot'l, ilne aimi'iya mipa'neyaco'tsi. Iya' cummelhuo' ton'ete pe lomana' lan xanuc' lo'on'cospola' to lam lobo, ilne oyac'la quinnejá. ⁴ Aimol'tai'me lo'ponta. Jouc'a aimol'tai'me lo'morral, ni lo'c'ejí. Aimol'palaic'otola' lan xanuc' lo'talecufyacola' lane. ⁵ Lajut'l pe lo'tsufilaiyacu to'mitsola': “LanDios tipaxnetsolhuo' imanc' no'mana' fa'a lajut'l”. ⁶ Ja'ni tipa'a anuli cal c'a xans jilpe lajut'l, LanDios tipaxne'ma. Ja'ni ailopa'a, LanDios tipaxne'molhuo' ma le'a imanc'. ⁷ Petsi lapenufynyacolhuo' ma'piya tolunxac'eta. Lapi'inyacolhuo' to'teta, to'snata. Aimol'cua'me: “Aimi'iya ma'tejacu. Ailopa'a caltomí.” Cal xans no'epa lanic' tipa'a lapi'inyacu. Imanc' to'eyi lipenic' LanDios, jouc'a tipa'a lapi'inyacolhuo'.

⁸ 'Lilelo'ya' pe lo'tsufilaiyacu, ja'ni lan xanuc' tepenuftsolhuo' to'tetsa lapi'inyacolhuo'. ⁹ To'xat'metsola' lafcual'ay. To'mitola' lan xanuc': “Ma fa'a pe lo'mana' icuai'ma LanDios cal Rey”.

¹⁰ 'Lilelo'ya' pe lo'tsufilaiyacu ja'ni aimepenuffinnilhuo', toluyalaicotsa laneya ilpe li'ya', mon'eyi toluya'ata: ¹¹ “Illanc' ni lepi camats' lotalijmpa la'l'mitsi' fa'a lo'pitya' aimal'taiyacu. To'sinte, lunafnayi, tipanenni fa'a. Tama aluyalai'me illanc', ti'ila' co'sina' imanc': LanDios cal Rey icuai'ma fa'a pe lo'mana'.”

¹² Iya' camilhuo': Al Cuecaj Quitine locuaicoya tama LanDios tite'l'mi'mola' lun Sodoma, xonca acueca' tite'l'mi'mola' lan xanuc' ilpe li'ya' petsi aimepenuffinnilhuo'.

¹³ 'Ima' mi'ya' Corazín, acueca' lofte'coya. Ima' mi'ya' Betsaida acueca' lofte'coya jouc'a. Ji'ne lo'xanuc' jounpa iximpá al cueca' lo'epa LanDios. Aiquil'suej'meya. Luyaipa quitine Tiro y Sidón cola' ixim'me to'ta'a, lan xanuc' limajmpá cola' tixhuej'menacu, cola' ticutshuol'ai'me tixhue'co'me, tipo'no'me lipijahua' ayolca, timets'hi'me capi' li'a, timujco'mol'tsi ixhuej'menamma li'junac'. ¹⁴ Al Cuecaj Quitine locuaicoya tama LanDios tite'l'mi'mola' lun Tiro

y lun Sidón, xonca acueca' titeł'mi'molhuo' imanc' unc'ilelołya' Corazín y Betsaida jouc'a lołxanuc'. ¹⁵ Ima' miłya' Capernaum, ¿te to'nof'e'moxi xonca al toncay? ¿Te ti'onłto' to ŁanDios? A'i. Ti'oc'em'mo'. Toxinnoxi jilpe al muf.

¹⁶ 'Imanc' ts'alihuequi, iya' camilhuo': Ja'ni anuli cal xans tiquimf'elhuo', ilque cal xans alquimf'enga' iya', imanc'. Ja'ni anuli cal xans tetets'ilhuo', ilque cal xans latets'inga' iya', imanc'. Ja'ni anuli cal xans latets'i iya', ilque cal xans latets'inga' iya' y ŁanDios Łalummepe.

¹⁷ Ipalunca lam fanej nuxans quimbamaj ts'ilihuequi Jesús, uya'ahuo'me. Lijou'ma ipailinamma. Licuainatsa pe lopa'a Jesús tixoqui quileta, timiyi:

—Mał'ailli', alcuaj'mihuo'me lopuftine tołta'a lontahue lihuejcoponga', ipalumma.

¹⁸ Jesús timila':

—Łonta'a Satanás itsiya ailopa'a pu'hua lema'a. Jounpa ecangimpa. Iya' aiximpa lecangemma to lixcuaflay. ¹⁹ Alcuac'ełta' imanc'. Iya' nepi'ipolhuo' lołmane, ti'i'ma toł'huailets'uf'mola' lainofat'ł jouc'a linnaispó. Tama icueya quimane Satanás aimi'iya mulijyacolhuo' imanc'. Ailopa'a co'eyacolhuo'.

²⁰ Imanc' tixoqui cunlata lipalunca lontahue lołcuxe'e'mola'. Itsiya camilhuo': Xonca tixołla' cunlata, ŁanDios timetsaicolhuo'. Łolpuftine inilingiya jilpe linilingiya ilpuftine lixanuc' ŁanDios.

²¹ Małpe al 'hora cal Espíritu Santo juaiconapa ixoc'i'ma queta Jesús. Ilque ipalaic'o'ma ŁanDios, timi:

—Mai'Ailli', ima' maPoujna lema'a y li'a łamats'. Cax'najtsi'ihuo' lof'epa. Tomuc'ila' laixanuc', ilne lo'onłcospola' to la'uhuy. Mepi'ipola' ilpicuejma' ticuec'ełe laitaiqui'. Lan xanuc' ts'ihina', xonca nixhuepá, aicomepi'ila' tołta'a ilpicuejma'. Ilne iximpá ipime laitaiqui', to emiya. Aimi'i muhuałcufyi. Alinca mai'Ailli', tołta'a lołpic'epa, tołiya latentłcoco' ima'.

²² Jesús ti'hua tipalay, ticua:

—Cai'Ailli' jahuay lapi'ipa cacuxe'etsola'. Iya' i'Hua ŁanDios, lan xanuc' aimi'iya małsingufya iya' laipicuejma'. Ma le'a cai'Ailli' alsingufi. Lan xanuc' jouc'a aimi'iya mixingufyacu cai'Ailli' lipicuejma'. Ma le'a iya' i'Hua, linca aixingufi.

'Iya' caxpic'e nailne laifmuc'iyacola', ilne camuc'ila' te ts'i'ic' lipicuejma' cai'Ailli'. Ilne linca timetsaicoyi cai'Ailli'.

²³ Lijou'ma, Jesús ipalaic'o'mola' ts'ilihuequi quiltuca', timila':

—Imanc' alinca tuluyalaicoyi al c'a, tolahuelojnyi lo'epa ŁanDios. ²⁴ Iya' camilhuo': Luyaipa quitine axpela' lan xanuc' tijanajyi coła' tixinłe lołsimpa itsiya imanc'. Iniya lam profeta jouc'a lan rey aikuixim'me. Ijanaj'me coła' tiquimf'ełe lołquimf'epa itsiya imanc'. Aicu'innila' jilıya lataiqui'.

²⁵ Lijou'ma itsahuenni anuli łomxi nomuc'iyalepa locuxepa ŁanDios, tehuai'ma Jesús. Icuis'e'ma, timi:

—Momxi, aipic'a culijla' al ts'e laipitine aimijouya. ¿Te caif'eya?

²⁶ Jesús timi:

—Lataiqui' Linilingiya loya'apa locuxepa ŁanDios, ¿te cocuapa?

²⁷ Łomxi italai'e'e'ma, timi:

—“To'nujuaisla' ŁanDios łoPoujna, ilque omenDios. Taihuejla' jahuay łomunxajma', jahuay ło'alma, jahuay lopujfxi, jahuay lopicuejma'. Ima' to'eyoxi capic'a, ma tołta'a to'ełta' capic'a loł'as xans, naitsi lołtalecufya.”

²⁸ Jesús timi:

—Al c'a altalai'e'epa. Tołta'a to'e'ma, tapenuf'ma lopitine.

²⁹ Łomxi timiyoxi: “Tixinłta' Jesús iya' aipicuejma'”. Icuis'econa'ma Jesús, timi:

—¿Naitsi xans caif'eya capic'a?

³⁰ Jesús italai'e'e'ma, timi:

—Anuli cal xans ipanni liya' Jerusalén, imunni lane Jericó. Mi'hua lane lan namats' linma'ahuale i'no' me, umets'ai' me, untaf' me, exic'e'e' me lipijahua', ipo'no' me tocomma joupa tima' ma. Inulna' me. ³¹ Jiŋpe al 'hora anuli la'ailli' ti'hua maŋpe lane. Lixim' ma lixcaiyoŋpa cal xans aikuicoŋ' ma, uyai' ma locuena liju' lane. ³² Ma' anuli i'e' ma locuena cal xans notoc'ipa ca'ailli'. Icuaitsi huejnca lixcaiyoŋpa cal xans. Lixim' ma aikuicoŋ' ma, uyai' ma locuena liju' lane.

³³ 'Anuli cal xans las Samaria jouc'a ti'hua maŋpe lane. Icuaitsi huejnca lixcaiyoŋpa cal xans. Lixim' ma, ixim' ma cuanuc'. ³⁴ Hoc'huai' ma pe lopa'a cal xans, ic'ef' i' ma laceite jouc'a al vino iŋe lehui. Ifi'e' ma lehui. Lijou' ma ipu-laf' ma enaf' i' ma liburro, ileco' ma anuli lajut' ŋ pe lonxac'eyoyacu. Jiŋpe i'e' ma cuenna. ³⁵ Lihuequi litine ai'a tuyai' ma, cal xans ipa'a' ma liponta oque' al tomí plata, (lolijpa cal xans oquej quitine), epi' i' ma lipoujna cajut' ŋ, timi: “Iŋca' a cal xans to'e' ma cuenna. Ja'ni aimixhuaicospa iŋta' a al tomí laifnepi'ipo', ima' taipa'a' ma lotomí, to'naco' ma lahue'eya. Aimoxhueŋmot'ŋe' ma. Cacuaiy-occonno, ca'najtse'ena'mo'.”

³⁶ 'Afantsi lan xanuc' niximpá iŋque lixcaiyoŋpa cal xans. ¿Naitsi nihuejcopa iŋe lataiqui' loya'apa: “To'eŋa' capic'a lof'as xans, naitsi loftalecufya”?

³⁷ Lomxi italai'e'e'ma, timi:

—Iŋque liximpa cuanuc'.

Jesús timi:

—Ne'. Ima' to'huaŋa', to'etsi ma to li'epa iŋque cal xans.

³⁸ Miyeyi lane Jerusalén Jesús jouc'a ts'ilihuequi icuaitsa anuli laca'hua quilya'. Jiŋpe tipa'a anuli laca'no' cuftine aMarta. Marta epenuf' ma lejut' ŋ. ³⁹ Tipa'a lipima caca'no' cuftine aMaría. María icutsingai' ma li'mitsi' Jesús. Tiquimf'e litaiqui'. ⁴⁰ Marta tipa'a acueca' lipenic'. Tihuejnyoxi. Tix-hueŋmot'ŋe juaiconapa. Hoc'huai' ma pe lopa'a Jesús. Ipalaic'o' ma, timi:

—Maipoujna, ¿te aicoxina' lo'ipa fa'a? Laipepo aŋpo'nohua. Iya' ca'ay jahuay lanic'. Tomiŋa': “Totoc'itsi lo'pima”.

⁴¹ LaŋPoujna Jesús italai'e'e'ma, timi:

—Ima' cumMarta, acueca' lof'epa. Toxhueŋma juaiconapa, taihuejnyoxi.

⁴² Ticuicomma ma le'a anuli lof'eya. María i' huij'epa xonca al c'a. Aimi'iya mixic'enyacu.

11

¹ Anuli litine Jesús mipalaic'o LanDios jiŋpe timana' ts'ilihuequi. Jesús lijou' ma lipalaic'o' ma LanDios anuli iŋe ts'ilihuequi ipalaic'o' ma, timi:

—Mai'ailli', Juan imuc'i'mola' ts'ilihuequi te ts'i'ic' mipalaic'oyacu LanDios. Ima' aŋmuc'itsonga' jouc'a.

² Jesús timila':

—Moŋpalaic'oyi LanDios toŋmi' me:

Ima' maŋ'Ailli' cofpa'a lema'a.

Timetsaicontso' apaxi loPuftine.

Ticuaiŋsi litine petŋsi jahuay lan xanuc' timetsaicotso' ima' iŋRey.

Pu'hua lema'a jahuay tihuejcohuo', toŋta'a tihuejcotso' fa'a li'a ŋamats'.

³ Laŋtepa itine itine, lapi'itsonga' itsiya.

⁴ Illanc' joupa limenc'e'ecopola' iŋe laŋe'e'ponga' lixcay. Ima' jouc'a ali-menc'e'ecotsonga' petŋsi lalimenajponga'.

Aimaŋheco'monga' lalahuaiyoyaconga'.

Ja'ni tiŋoc'huai' ma laŋmana' lixcay xans, ima' lunŋu'etsonga'.

⁵ Jouc'a timila':

—Anuli imanc' ja'ni nolojmay quipuqui' hñejmale ticuaitsi lejut'ł, timitsi: “Maipima, lapi'ila' afane' caine'í. ⁶ Anuli łalimetsaicoyotłsi icuai'ma lainejut'ł. Itque in'huaya xans. Iya' ailopa'a caifnepi'iyá.” ⁷ Itque łonanc'ompa nopa'a lejut'ł, łte timi'ma: “Amalapi'ima coyac'. Aimaltsa'huot'le'ma. Joupa aix'nifconapoxi. Lainaxque' joupa lunahuotłainapá. Aimi'iyá catsahueya. Aimi'iyá capi'iyaco'”? ⁸ Iya' camilhuo': Tama inespa: “łTe caif'eya? Łınca ałejmale. Aicatsahueya, aicapi'iyá”, ja'ni ti'hua tixahue'e, łınca titsahuehuo, tepi'i'ma jahuay loxahue'epa.

⁹ 'Iya' camilhuo': Ti'hua tołsa'huele, tijoula' tepi'im'molhuo'. Ti'hua tolahuele, tijoula' tołsim'me. Ti'hua toľumf'asle al puerta, tijoula' texi'em'molhuo'. ¹⁰ Lan xanuc' noxa'huepá tepi'inni, jouc'a nahuepá tixim'me, jouc'a nomf'axpá texi'em'me.

¹¹ 'Imanc' unc'a'aillí, ja'ni lołnaxque' tixahue'etsolhuo' quile'i, łte to-lapi'i'mola' łapic? A'í. O ja'ni tixahue'etsolhuo' łatu, łte tołapi'i'mola' łainofal? A'í. ¹² O ja'ni tixahue'etsolhuo' łapi'e, łte tołapi'i'mola' łinnaispo? A'í. Aimi'iyá monł'eyacu tołta'a.

¹³ 'Imanc' tama ołtaic' lołjunac', tipa'a lołpicuejma' tołapi'ila' al c'a lołnaxque'. Conł'Ailli' Nopa'a lema'a, xonca acueca' lipicuejma'. Itquiya łınca tepi'i'molhuo' cal Espíritu Santo ja'ni tołsahue'ele.

¹⁴ Jesús tipa'e łonta'a łitsufaipa cal xans. Łonta'a mi'nico, cal xans aimipalay. Lipanni łonta'a cal xans ipalaina'ma. Lan xanuc' lefot'łepołłsi jilpiya ticuayi:

—ıXinla'! Acueca' lo'epa Jesús.

¹⁵ Timana' nocuapá:

—A'í. Beelzebú, łincuxepa contahue, itque łepi'ipa limane, tołta'a tipa'ala' lontahue.

¹⁶ Ocuenaye ehuaime Jesús, ixa'hue'me timuc'itsola' al cueca', to lo'epa ŁanDios Nopa'a lema'a. ¹⁷ Jesús ixina' te ts'i'ic' minesyi jilpe liłpicuejma', timila':

—Ja'ni tenajtsołłsi lan xanuc' anuli al cuecaj nación, jilpiya al nación tejac'ma. Jouc'a ja'ni tenajtsołłsi lan xanuc' nomana' anuli lajut'ł, iłniya lan xanuc' aimipajnya liłpujfxi, tijou'mola'. ¹⁸ Imanc' tołcuayi Beelzebú, itque Satanás, lapi'ipa łaimane, tołta'a quipa'ala' lontahue. Iya' cacua: Ja'ni łonta'a Satanás tipa'ala' lipontahue joupa enajpoxi Satanás. Itque y ts'ilihuequi a'ij nuli liłpicuejma'. Ja'ni tołta'a li'ipa, łte ti'hua ticuxe Satanás? A'í. Aimi'iyá. ¹⁹ Iya', ja'ni Beelzebú łalapi'ipa łaimane, ja'ni tołta'a quipa'ala' lontahue, lołxanuc' naipa'apá contahue, łnaitsi nepi'ipola' liłmane iłniya? Małniya timuj'me imanc' timenaquilhuo'. ²⁰ O łte cołcuayacu ja'ni ŁanDios łalapi'ipa łaimane quipa'atsola' lontahue? Ja'ni tołta'a lo'ipa, łınca jifa'a tipa'a ŁanDios cal Rey. Itque ticuxe.

²¹ 'Anuli cal xans ts'ipujfxi, mipa'a loľulecopa ticuanajco'ma lejut'ł jouc'a h'hueca. Ailopa'a tintsí. ²² Ticua: “Tipa'a laľulecopa. Aimi'iyá malulijya.” Ticuaitsi łocuena xonca ts'ipujfxi, tiłonc'eta loľulecopa, tulijnata. Tica'neta h'huexi cal xans.

²³ 'Naitsi aicalihuequi ał'ay laic'. Naitsi aimefot'łela' lan xanuc' to laif'epa, itque tica'nennala'.

²⁴ 'Łonta'a lipanni licuerpo cal xans ti'hualeco'ma lijuł camats' pe ailopa'a caja'. Tehue petłi conxac'eya. Aimixina. Ticua: “Aipainamma. Ai'huanapa lainejut'ł pe łainipayomma.” ²⁵ Licuaitsi jilpiya tixim'ma itaf'uyiya, i'huáqui al c'a. ²⁶ Lixim'ma tołta'a ti'huacona'ma, tilecotola' acaitłi lontahue xonca ixcay. Titsuflai'me jilpiya licuerpo cal xans, timajm'me. Tołta'a itque cal xans xonca

acueca' a'ijc'a loyaicoya. Al te'a le'a anuli lont'a a i'hueca, tijoula' ti'i'mola' apaico lontahue.

²⁷ Mu'ila' tohta'a Jesús lan xanuc' lafoiyomma jilpiya, anuli laca'no' ipalai'ma ujfxi, timi:

—Joupa ipaxnempa co'máma', ilque ipo'nopo', itoc'epo'.

²⁸ Jesús italai'e'e'ma:

—Ja'ni tiquimf'eyi litaiqui' LanDios jouc'a tihuejcoyi, xonca ipaxnempá ihniya.

²⁹ Lan xanuc' efot'lepołtsi pe lopa'a Jesús. Ipango'ma u'i'mola', timila':

—Lan xanuc' nomana' itsiya litine ixgay lipicuejma'. Ipic'a LanDios timuc'itsola' al cueca'. Iya' cacua: Aimimuc'iyacola'. To li'ipa cal profeta Jonás luyaipa quitine ma tohta'a a'i'ma iya'. He linca tołsim'me, timuc'i'molhuo'.

³⁰ He li'ipa Jonás imuj'ma al cueca' lo'epa LanDios. Tohta'a ixim'me lan xanuc' nimajmpá liya' Nínive. He la'iya iya' ma' anuli timuc'i'mola' lan xanuc' nomana' itsiya al cueca' lo'epa LanDios. Iya' ilque cal Xans Liximpa cal profeta pu'hua lema'a.

³¹ 'Ticuaitsi al Cuecaj Quitine imanc' tolacaxingołaita LanDios cal Cuecaj Juez. Laca'no' nicuxepola' lan xanuc' nomana' anuli lamats' juaiconapa aculi' al 'ocay jouc'a tecaxhuaita. Ilque laca'no' xonca al c'a li'ejma', toliya ticuftolhuo'. I'hua'ma juaiconapa itoqui lane. Icuaiti pe lotseya. Jilpe icuej'ma locuapa cal rey Salomón, ilque acueca' lipicuejma'. Itsiya imanc' tama tołquimf'eyi anuli xonca acueca', tolatets'iyi.

³² 'Al Cuecaj Quitine tolacaxingołaita LanDios cal Cuecaj Juez. Jouc'a tecaxingołaita lun Nínive, jilpiya Jonás uya'ahuo'ma litaiqui' LanDios. Ihniya lun Nínive ticuftolhuo'. Ihe iquimf'e'me lu'i'mola' Jonás, ixhuj'menanca. Itsiya tama imanc' tołquimf'eyi anuli xonca acueca', aimołsuej'memma.

³³ 'Munai'im'me lepalc'o' aimeminyacu, aimic'ommumiquinyacu. Tipo'nonni pe lopiyoapa. Tohta'a titsufliite lan xanuc' jilpe lajut'ł tixim'me lepalc'o'. ³⁴ Lo'u' tepalc'o'ihuo'. Ja'ni ac'a lo'u' toxinna pe lof'huapa, te lof'epa. Ja'ni a'ijc'a lo'u' topanehuo al muf. ³⁵ Ma' anuli lo'e'eyaco' ja'ni to'ehuale laic', topanehuo al muf. Ti'i'mo' a'ijc'a lopicuejma', aimepalc'o'ihuo'. Topo'nołaj cuenna. Ja'ni timufc'otsi lopicuejma', acueca' juaiconapa ti'i'ma ile al muf. ³⁶ Ja'ni ac'a lopicuejma' aimopajnya al muf. Ti'i'mo' to lo'e'eyaco' lepalc'o'. Ja'ni tołoc'a'ila' lepalc'o' tepalc'o'i'mo' juaiconapa.

³⁷ Jesús lijoupa lipalaipa ile lataiqui' anuli cal xans fariseo ijoc'ihuo'ma tiyele lejut'ł titetsota. Jesús itsufai'ma ile lajut'ł icutsai'ma, titetso'ma. ³⁸ Cal xans fariseo ehuelojm'ma Jesús, ixim'ma aimi'ay to lif'as xanuc' fariseo. Aiculou'ma al c'a limane ai'a titetso'ma. Cal fariseo timiyoxi: "Ica'a cal xans Jesús, ¿te qui'ecopa tohta'a? Aiculouhuo al c'a limane to mał'eyi illanc'."

³⁹ LałPoujna Jesús timi:

—Imanc' unc'ifariseo tolapajyi pe li'huáqui. Tolapajyi liłspula' lołvaso, lołpime. Pe aici'huáqui, jilpe aimoł'eyi cuenna. Imanc' lołpicuejma' tipanemma a'ijc'a, imanna pangay quixcay. Jilpe lołpicuejma' tołjanajyi tepi'intsolhuo' xonca, tołspic'eyi toł'ele quixcay. ⁴⁰ Imanc', unc'itonno. Iłque Lolanc'epa li'huáqui, ¿ja'ni aiqulanc'e jouc'a ile pe aici'huáqui? ⁴¹ Imanc' ts'oł'hueca tołapi'itsola' pe ailopa'a quił'hueca. Tijoula' LanDios tetentcoco'ma loł'ejma', tixim'molhuo' unc'ilimpio, jouc'a lołpime, lołvaso.

⁴² 'A'ijc'a lo'iyacolhuo' imanc' unc'ifariseo. Lołxaimu, lołruda jahuy lołpitamqui, ja'ni oł'hueca imbama' tołtsufco'me anuli, tijoula' aimoł'nujuais'mola' loł'as xanuc'. Aimoł'ela' capic'a. Aimoł'ela' al c'a, aimoł'ela'

al hijca to locuxepa ÑanDios. ¡Ne! Aimonlimenc'eco'me toľsufco'me ÑanDios loľpitamqui, jouc'a tonť'ele jahuay locuxepa ÑanDios.

⁴³ 'A'ijc'a lo'iyacolhuo' imanc' unc'ifariseo. Jiľpiya lajut'hi pe lafoľyomma lan xanuc', imanc' oľpic'a toľcutsolaite pe locutsolaipa lan tsilaj xanuc'. Monťe'me la plazá locucaleyompa oľpic'a lan xanuc' tinontsolhuo'. ⁴⁴ A'ijc'a lo'iyacolhuo'. Ti'onťcospolhuo' to jiľpe lamu'empola' lamizhua. Lan xanuc' muyalaico'me jiľpiya aimixinyi te ts'i'ic' jiľpe. Toľe qui'ic' loľpicuejma'.

⁴⁵ Anuli iľne lomxiye nomuc'iyalepa locuxepa ÑanDios italai'e'e'ma, timi:

—Momxi, loľcuapa toľta'a jouc'a illanc' aľmiloquina' cataiqui'.

⁴⁶ Jesús italai'e'e'ma, timi:

—Imanc' unc'omxiye noľmuc'iyalepá locuxepa ÑanDios, a'ijc'a lo'iyacolhuo'. Imanc' toľatonc'iyi lataiqui' locuxepa ÑanDios. Toľcuxe'ela' lan xanuc' tenant'ile jahuay iľe loľtaiqui'. Iľniya tixinyi ipime loľcuxe'epola', afule mixnet'lyi. Jouc'a imanc' aimolanant'lyi. Toľsinyoľtsi uhuaľquelhuo'. Toľcuxeyoľtsi coľtuca'. ⁴⁷ Imanc' a'ijc'a lo'iyacolhuo'. Loľtatahueló inma'ahuale, ima'a'me lam profeta. Imanc' toľhanc'e'ela' hilejut'hi iľne lam profeta. ⁴⁸ Toľta'a toľmujyoľtsi tetentococolhuo' li'epa loľtatahueló. Iľne linma'ahuale ima'a'me lam profeta, imanc' toľhanc'e'ela' quilejut'hi pe lemu'empola' iľniya.

⁴⁹ 'ÑanDios acueca' lipicuejma'. Joupa iximpa te ts'i'ic' loľ'ejma'. Joupa ipalaicopolhuo', icuapa: “Cumme'e'mola' lam profeta, jouc'a lan apóstole, ticuaitsa pe lomana' iľniya lan xanuc'. Iľne tima'ata hualca, locuenaye ti'e'ennola' acueca'.”

⁵⁰ 'Imanc' ma toľta'a loľ'ejma'. Toľta'a jouc'a toľtai'me liľjunac' loľxanuc', iľne inma'ahuale, ima'a'me lam profeta. Ma lipangopa li'a lamats' maľpe ipangopa jouc'a li'epa lixcay. ÑanDios jahuay ti'najtsi'im'olhuo' imanc'. ⁵¹ Ti'najtsi'im'olhuo' limacopa Abel, ti'hua ti'najtsi'im'olhuo' lima'ampola' lam profeta, cocuaiya lima'ampa Zacarías. Iľque ima'ayom'me jiľpe al cuecaj xoute' lixpula' al altar, jiľpe lotsuflaiyacu al paxi lugar.

⁵² 'Imanc' unc'omxiye noľmuc'iyalepa locuxepa ÑanDios a'ijc'a lo'iyacolhuo'. Joupa oľcuapá: “Ma le'a illanc' aľsina'. Ma le'a illanc' aľmuc'iyale'me.” Joupa oľs'nifcopá al puerta, olamipá cal llave. Imanc' aicoľtsuflaic' pe locuxeyopa ÑanDios, jouc'a aicolapi'ila' lane lan xanuc'. Pe nocuapá: “Aľtsuľfoľaite”, imanc' oľpa'nela'.

⁵³ Lomxiye nomuc'iyalepá locuxepa ÑanDios jouc'a lam fariseo juaiconapa ixtulencia. Lipanni Jesús jiľpe lajut'ľ ipango'me icuis'mot'le'me juaiconapa.

⁵⁴ Tehueyi te co'iya mic'aiľqueya Jesús. Tinesla' cataiqui', tijouľa' ticuxecota, ticuaita quilmene ts'iľpenic'.

12

¹ Mipa'a Jesús lajut'ľ jiľpiya efoľunni axpela' lan xanuc', ti'huaľtsijnyoľtsi. Ate'a ipalaic'o'mola' ts'iľihuequi. Lipangopa lipalaic'opola' timila':

—Imanc', toľpo'noľe cuenna. Aimolapenuf'me jiľe liľevadura lan xanuc' fariseo. Capalaicola' liľ'ejma' iľniya. Iľne ma le'a ti'e'eyoľtsi ac'a xanuc'.

² Camilhuo': Letamuyiya tiľonc'e'em'me, ti'huájta. Tixim'me iľe lemiya. ³ Iľe loľpalaipa joupa imufc'opa, ticuaihuo litine tepalc'o'ina'me, ticuec'ena'me. Jiľe loľsoulai'ipoľtsi moľmana' letemiquiya lajut'ľ, maliya lataiqui' tuya'am'me al toncay lajut'ľ.

⁴ 'Imanc' laľejmalepa, iya' camilhuo': Aimoľspaic'e'mola' noma'ahualepá. Iľniya ma le'a tejac'eyi al cuerpo. Tijouľa' aimi'iya mi'eyacu xonca. ⁵ Iya' cu'illohuo' naitsi toľspaic'eyacu. Iľque icueya limane. Ti'i'ma tima'a'mola' lan xanuc', tijouľa' ti'nij'mi'mola' al muf, pe lopa'a ľunga. Iľque ľinca axpaiqui'. Tolihuejcoľe iľque.

6 'Joupa ołsina' tojua liłpitali lan gorrión. Ticujconnila' amajxi ma le'a oque' centavo. Tama ahuata liłpitali iłne lacał'hui, LanDios aimimenc'ejma ni anuli. 7 Xonca ti'nujuaitsilhuo' imanc'. Joupa ixhuej'miya tojua mipa'a ļajuac quitefque loļuac. Ixina' ja'ni tecangemma anuli. Aimołsuełmot'le'me. Aimixpailij'molhuo' lo'iyacolhuo'. LanDios tixinnilhuo' acueca' lołpitali. Tama axpela' lan gorrión aimi'iya mulijyacolhuo'.

8 'Iya' camilhuo': Anuli cal xans mipa'a fa'a li'a lamats', ja'ni alimetsaicoła', ja'ni timitsola' lif'as xanuc': "Iya' nihuequi Jesús", iya' jouc'a quimetsaico'ma. Iya' iłque cal Xans Liximpa cal profeta pu'hua lema'a. Pe lomana' lepaluc' LanDios cuya'ata: "Iłque cal xans lihuequi". 9 Anuli cal xans ja'ni tinesla': "Iya' aicainihuequi Jesús", iya' jouc'a aicainimetsaicoya iłque cal xans. Pe lomana' lepaluc' LanDios cuya'ata: "Iłque aicalihuequi".

10 'Iya' iłque cal Xans Liximpa cal profeta pu'hua lema'a. Cua naitsi ałnesc'e'ela' cataiqui', iłque cal xans ti'i'ma tiłojm'ma lijunac'. Cal xans nonesc'e'eya cataiqui' cal Espíritu Santo, iłque aimilonc'e'enyacu lijunac', aimi'iya. Iłta'a lapajnya jouc'a locuenaj quitine titai'ma lijunac'.

11 'Ticuaihuo litine ticufquinnolhuo', ti'hua'am'molhuo' ļajut'hi pe lafołyomma lan xanuc', tileconnolhuo' pe lomana' lan tsilaj quincuxepá, małe anuli tileconnolhuo' pe lomana' ts'iłpenic'. Ti'itsolhuo' tołta'a aimołsuełmot'le'me, aimołcua'me: "¿Te co'iya catalai'ecoyacoxi? ¿Te caifmiyacola?" 12 Małe al 'hora cal Espíritu Santo tu'i'molhuo' lołtalai'ecoyacu.

13 Jiłpe lefołya anuli cal xans ipalaic'o'ma Jesús, timi:

—Momxi, ļaipima joupa efot'łumijnapa li'huexi cał'ailli'. Tomita lapi'ila' onłca locuaiya caimane.

14 Jesús italai'e'e'ma, timi:

—Cunxans, ¿te aga alfaquimpa cacuxetsolhuo' tołta'a? A'i. Aimi'iya capit'liyacolhuo'.

15 Jesús ipalaic'o'mola' lan xanuc', timila':

—Imanc' toł'etsoltsi cuenna. Aimonlahue'me acueca' coł'huexi. Cal xans tama acueca' li'huexi, iłque li'huexi aimi'iya mepi'iya lipitine.

16 Jesús ti'hua tipalaic'ola'. I'onłico'ma to li'ipa anuli cal xans nulijpa acueca' qui'huexi. Timila':

—Anuli cal xans i'hueca acueca' lemats', ipammaita juaiconapa. 17 Iłque ipalaic'o'moxi, timiyoxi: "¿Te caif'eya? Ailopa'a caif'huec'e'eya lipammaita acueca' ļainemats'." 18 Lijou'ma timiyoxi: "Ne', joupa aixina' laif'eya. Cateł'ma ļainejut'hi pe laif'huec'eyopa ļai'huexi. Tijouła' calanc'eona'ma xonca atsila' ļainejut'hi. Jiłpe ca'huej'ma ļaitrigo jouc'a jahuay locuena ļai'huexi lipammaita ļainemats'. 19 Tijouła' cami'moxi: Cunxans, joupa' o'hueca acueca'. Tijuco'ma axpe' camats'. Itsiya linca tonxaj'ma, totetso'ma, toxna'ma, topajm'ma tixoj'ma meta." 20 LanDios ipalaic'o'ma timi: "Ima' cunxans umtonno. Iłta'a lipuqui' tiłonc'e'enam'mo' lopitine. Tijouła' jahuay łomefot'lepa, ¿naitsi ļapenufya iłna'a?"

21 'Iya' camilhuo': Tołta'a cal xans ja'ni tixhuej'mecoyoxi iłque quituca', lo'epa aimetenłcocojma LanDios. Iłque tama acueca' efot'lepa, LanDios tixina to aiqui'hueca, aimepenufi iłque cal xans.

22 Jesús lipangoconapa lipalaic'oconapola' ts'ilihuequi, timila':

—Aimołsuełmot'le'me te co'iya muluyalaicoyacu lapajnya fa'a li'a lamats'. Aimołcua'me: ¿Te całtejacu? ¿Te całju'ecoyacołtsi? 23 Lołpitine acueca' lipitali, lołtepa aijtine. Lołcuerno linca xonca acueca' lipitali, lołju'ecoyacołtsi aijtine.

24 'Tołsinłe lan cołpe'. Iłniya aimifayi, ni mefot'leyi. Ailopa'a quilejut'hi ni quil'huecołma pe lo'huejyoyacu łotejacu. Ma LanDios tites'mila'. Imanc'

aimi'onlyacolhuo' to ihniya laca'hui. Xonca acueca' lohpitali. ²⁵⁻²⁶ Imanc', ¿te aga ti'i'ma tof'e'e'moltsi xonca unc'itolqui? Ai. Aimi'iya, ni huata. Tama tolsuelcocoyi aimi'iya monf'eyacu ihe a'ij cueca'. Tijoula' ¿te coltsuelcocopa te co'iya muluyalaicoyacu lapajnya?

²⁷ 'Tolsinte te ts'i'ic' mitoqui ihna'a laic'ua' c'ec. Tama aimucui ni mipufi hipipa' tetejcoyoxi to quipijahua'. Cal cuecaj rey Salomón lipo'nopa ac'a lipijahua', tama i'huáqui juaiconapa acueca' quincuxepa, aiqui'onfcotsi to jilpe hipipa' c'ec. ²⁸ LanDios tiju'e'ela' juaiconapa ac'a laic'ua' c'ec. Ique laic'ua' c'ec aimijujma. Anuli quitine titoqui ac'a, lihuequi litine tiyaxquinni, tipi'enni pe lopa'a lapa. Imanc', ¿te LanDios aimiju'eyacolhuo'? Ah imanc', huata tof'huaijinyi LanDios.

²⁹ 'Muluyalaicoyi lapajnya aimolahue'me ma le'a coltejacu o colsnayacu. Aimolcua'me: "LanDios, ¿te lapi'i'monga', o aimalapi'iyaconga?" ³⁰ Tofta'a li'ejma' lan xanuc' pe aimimetsaicoyi LanDios. Col'Ailli' ixina' te laicuicom'molhuo'. ³¹ Imanc' tofpo'nofe lohpicejma', tolihuejcole LanDios cal Cuecaj Rey, tonf'ele al c'a ma to locuxepolhuo'. Tofta'a tepi'i'molhuo' jahuay, aimehue'eyacolhuo'.

³² 'Imanc' aixanuc' aimixpailij'molhuo', aimolsuelmot'le'me. Tama imanc' unc'ihuata tofcuxeta pe lopa'a LanDios cal Cuecaj Rey. Tofta'a lixpice'epa LanDios, ique ol'Ailli'. ³³ Tofcujle lof'hueca. Al tomí loluliyacu tolapi'itsola' lan xanuc' petsi aiqui'f'hueca. Ja'ni tofta'a tonf'ele ti'i'ma acueca' lof'huejyacu jipu'hua lema'a. Jifa'a li'a lamats' ti'hua tijaf'quila' lofpontalay tomí, tijou'ma loftomí. Pu'huanni a'i. Aimijouya. Jipu'hua nonantsepá aimiloc'huaiyacu. Lan huoxmi aimitejacu, ailopa'a. ³⁴ Imanc' pe lopa'a lof'huexi malpiya copa'a lofpixojma cata.

³⁵⁻³⁶ 'Imanc' ti'onfcospolhuo' to lam mozó ts'if'huaijma ticuaitsi hípoujna, ique joupa ipainamma lijuic lipemaná, ticuainata lejut'f. Ihe lam mozó joupa if'huaijma hípoujna ti'e'me lipenic'. Joupa unai'ipa hípepalc'o'. Ticuainatsi hípoujna malpe lejut'f tijoc'i'mola' limozó, ihe aimicoltyacola' texi'e'me. ³⁷ Ac'a juaiconapa loyalaicoyacu ihe lam mozó ts'if'huaijma hípoujna ticuaihuananni. Camilhuo' al linca: Ticuaitsi hípoujna ique tifi'e'moxi to cal mozo, timi'mola' ihniya limozó: "Imanc' tofcutsolaife, toftetso'me. Iya' cates'mi'molhuo'." ³⁸ Ticuaitsi hípoujna nolojmay quipuqui' o ticuaitsi ai'a tilic'e'ma, ja'ni tixintsola' limozó ts'if'huaijma, linca ac'a loyalaicoyacu ihniya.

³⁹ 'Tofcuec'ele ifta'a laifmipolhuo' jouc'a: Lipoujna cajut'f cola' ti'ifa' quixina' te 'hora ticuaihuo linnantsepa, cola' aimixmai'ma. Ti'huaico'ma lipuqui', ticuanajco'ma lejut'f. Tofta'a linnantsepa aimi'iya mitsufaiya. ⁴⁰ Imanc' tofpo'nofe cuenna. ¡Tofmaf'ife! Litine tofnesle: "Lapoujna aimicuaiya, ticolí", malpiya al 'hora cacuaiyoconno iya'. Iya' ique cal Xans Liximpa cal profeta pu'hua lema'a.

⁴¹ Pedro icuis'e'ma timi Jesús:

—Maipoujna, ihe lotaiqui' lof'onfcicopa tocuaiconanni, ¿te lu'inga' ma le'a illanc' o jouc'a to'ila' jahuay lan xanuc'?

⁴² Lafpoujna Jesús italai'e'e'ma, timi:

—Ima', ¿te cofcuapa? Ja'ni lapoujna tipahuo lejut'f, ¿naitsi co'huijf'eya ti'ela' cuenna? Ti'huijf'e'ma cal xans ts'ipicejma'. Ique tenant'hi'ma, ticuxe'e'mola' lif'as mozó, tites'mi'mola' lacuejmicoya al 'hora. ⁴³ Cal xans hipo'no'impaljut'f, ja'ni tofta'a lo'eya, ac'a juaiconapa loyaicoya. Ticuaitsi hípoujna tixim'ma ac'a lo'epa, tetentcoco'ma. ⁴⁴ Iya' camilhuo' al linca: Tepi'i'ma xonca al cueca' lipenic'. Jahuay hi'hueca hípoujna ticuxe'ma.

⁴⁵ 'Ihque cal xans lipo'no'impá lajut'ł ja'ni timixoxi: “Łaipoujna ticołi”, tijouła' tipango'ma tuntafej'mola' lif'as mozó, lan xanuc' jouc'a lacał'no', tuyaico'ma litine ma le'a titesma, tixnay, timeyoqui. ⁴⁶ Litine aimi'huaijma, al 'hora aimixhuejcocojma, małiya litine ticuaita lipoujna. Tetetsuf'ma, tihuescufinna tipajntsi pe aiqulihuejma.

⁴⁷ 'Cal mozo ts'ixina' lipic'a lipoujna, ihque ja'ni aimihuejnyoxi, ja'ni aimi'ay loxpíc'epa lipoujna, titeł'minna juaiconapa. ⁴⁸ Cal mozo pe aiquxina' lipic'a lipoujna, tama ti'eła' ixçay, ihque titeł'minna huata. Cal xans ja'ni joupa epi'impá axpe', jouc'a tipai'ntsi axpe'. Cal xans ja'ni joupa ixç'ai'impá acueca', ticuxe axpe', ticuicomma xonca tenanłıla'.

⁴⁹ 'Iya' aicuaicoco'ma cunai'ıla' łunga jifa'a li'a łamats'. Cacia: Coła' joupa unnaita. ⁵⁰ Tehue'e'. Catełco'ma xonca. Ma cai'huaijma ti'ıla' iłe laiftełcoya caxhuełma juaiconapa. Cacia: Aimicoł'ma. Ma ti'ıla'.

⁵¹ '¿Te aga imanc' tołcuayi: “Ihque Jesús icuaicoco'ma lan xanuc' aime-naj'mołtsi”? A'i. Iya' aicuaicoco'ma tixtulełe lan xanuc'. ⁵² Joupa i'ipá tołta'a, ti'hua ti'i'ma. Anuli lajut'ł ja'ni timana' amajxi, jilniya tenaj'mołtsi. Afantsi tixtuc'o'mola' oquexi', loquexi' tixtuc'o'mola' lam fantsi. ⁵³ Ła'ailli' tixtuc'o'ma li'hua camijcano. Łi'hua tixtuc'o'ma qui'ailli'. Ła'máma' tixtuc'o'ma li'hua cahuats'. Łahuats' tixtuc'o'ma qui'máma'. Cal fi'no tixtuc'o'ma lihuahua. Łahuahua tixtuc'o'ma cal fi'no cahuahua.

⁵⁴ Timila' lan xanuc':

—Ja'ni tołsinle łummahuay qui'huayomma pe lof'acaiyopa cal 'ora tołnes'me: “Ticui'ma”. Linca tołta'a ti'i'ma. ⁵⁵ Jouc'a ja'ni ti'hua linu' cahua' tołnes'me: “Ti'i'ma inu”. Linca tołta'a ti'i'ma. ⁵⁶ Imanc' a'i cunc'ic'a xanuc'. Ma le'a tonł'e'eyołtsi. Tołsuef'yi lema'a. Iłe ołsina'. ¿Te aimolimetsaicoyi lo'epa ŁanDios itsiya litine?

⁵⁷ 'Jouc'a camilhuo': ¿Te aimolahuelojnyołtsi cołtuca' lonł'epa, ja'ni tonł'eyi al łijca o a'i? ⁵⁸ Monłeyi lane ima' jouc'a łaixtuc'o'po', ihque no'hua'apo' cal juez, ima' tahue'ma te co'iyá mopac'eya lipoyac', tux'masnatso'. Ja'ni a'i, tileco'mo' pe lopa'a cal juez. Ihque ticuto', tepi'inna quimane łapaluc, ti'nicoto' lacarza. ⁵⁹ Iya' camilhuo': Ma cotaiyinge, tama ma le'a anuli al centavo, ti'nicoconno' jilpiya lacarza, aimaipaya.

13

¹ Iłniya łitiné lan xanuc' u'ipá Jesús te ts'i'ic' li'ipola' lan xanuc' quiyouy-omma al distrito Galilea. Iłniya icuaita Jerusalén titsufcota liłpinneja. Ma mitsufcoyi Pilato icuxe'ma tima'antsola' iłne lan xanuc'. Letequim'mola' lipanni liłjuats' iłne lun Galilea jouc'a ipanni liłjuats' liłpinneja, inu'ma anuli.

² Jesús timila':

—Jilniya lun Galilea li'empola' tołta'a, ¿te imanc' tołcuayi xonca acueca' liłjunac', lif'as xanuc' Galilea a'ij cueca' liłjunac'? ³ Iya' camilhuo': A'i xonca acueca' liłjunac'. Imanc' ja'ni aimołsuej'memma jouc'a tejac'molhuo', jahuay imanc'.

⁴ 'Lecangenni iłe li'nof'quiya lajut'ł lopa'a Siloé, ima'a'mola' imbamaj paico lan xanuc', uxpats'i'mola'. ¿Te cołcuapa? ¿Te xonca acueca' liłjunac' iłniya lima'mola'? Locuenaye xanuc' nimajmpá Jerusalén, ¿te ailopa'a acueca' quiliłjunac'? ⁵ Iya' camilhuo' a'i xonca acueca' liłjunac' iłne lima'a'mola' li'nof'quiya lajut'ł. Imanc' ja'ni aimołsuej'memma jouc'a tejac'molhuo', jahuay imanc'.

⁶ Imuc'icona'mola', i'onłicopola' anuli al 'ec icux, timila':

—Anuli cal xans petsi lifapa li'uva jouc'a ifapa li'icux. Litine lehuehuo'ma li'as li'icux ailopa'a qui'as. ⁷ Cal xans ipalaic'o'ma limozo no'epa cuenna

hi'uva, timi: “Joupa ixhuaita afane' camats' ca'huanetsomma, cahuyay hi'as icux. Ailopa'a qui'as. ¡Tatejla' nulemma! Ma le'a tixhuijma lamats', aimi'atsi.”

⁸ Ique no'epa cuenna cal 'uva italai'e'e'ma, timi: “Maipoujna, ¡tipajnlal! Tipanenni ocuena camats'. Capu'ma lamats' luxi al icux, cajuaj'mi'ma lumi'na.

⁹ Locuena camats' tocaiconamma toxim'ma ja'ni tipa'a hi'as. Ja'ni aimi'atsi, ne' tetequim'me.”

¹⁰ Anuli litine conxajya tipa'a Jesús anuli lajut'l pe lafoiyomma lan xanuc'. Timuc'iyale. ¹¹ Jiipe tipa'a anuli laca'no' litsufaipa conta'a. Ique lonta'a ixmec'e'epa lixpula'. Aimi'iya mecaxhuaya. Joupa ixhuaita imbamaj paico camats' tohta'a lonta'a titeh'mi laca'no'. ¹² Lixim'ma laca'no' Jesús ijoc'i'ma, timi:

—Maca'no', joupa uhualquenam'mo', ixalconapo'.

¹³ Jesús ixpayaf'ma limane. Aiquico'l'ma, laca'no' ecaxna'ma lic'. Ix'najtsi'i'ma LanDios.

¹⁴ Jesús lixal'mena'ma laca'no' itine conxajya, lincuxepa jiipe lajut'l ixtunni. Timila' lan xanuc':

—Cal xans ti'e'ma canic' acamts'us quitine, ixahuiya. Itsiya itine conxajya. Ja'ni olpic'a tixal'mentsolhuo' tolcuaiyunca ocuena quitine.

¹⁵ LaPoujna Jesús italai'e'e'ma, timi:

—Imanc' a'i cunc'ic'a xanuc'. Ma le'a tonh'e'eyohtsi. Ti'ila' litine conxajya, ¿te aimoluhualquila' lohuacax, lohurro? Linca toluhualyi, to'hua'ala' tixnatsa quilja'. ¹⁶ Ica'a laca'no' a'i quinnejá, inieto lohtatahuelo Abraham. Ixhuaita imbamaj paico camats' lonta'a Satanás ifi'e'. Itsiya itine conxajya, ¿te aimi'iya cuhualya?

¹⁷ Linespa tohta'a Jesús i-ch'ixco'mola' ilne no'epa laic'. Ihiya aiquiltalai'e. Ailopa'a cotalai'ecoyacu. Locuena ye lan xanuc' tixoqui quileta, ixim'me acueca' ac'a juaiconapa lo'epa Jesús.

¹⁸ Timila':

—Itsiya LanDios cal Cuecaj Rey tijoc'ila' lan xanuc' tihuejcole. ¿Te co'onlcospa ilne lo'ipa? ¿Te caif'onlcicoya? ¹⁹ Ti'i to li'ipa anuli laca'hua fanu'. Ique cal fanu' cuftine sinapí. Anuli cal xans itai'ma laca'hua fanu', ifatsi lequeya. Ila'ma, i'i'ma acueca' al 'ec. Laca'hui naiyulpá lema'a tlcuaispa tunxajyi jiipe, ti'huoxof'colaiyi limané jiite al 'ec.

²⁰ Timiconala':

—¿Te caif'onlcicoya lo'ipa pe LanDios cal Cuecaj Rey tijoc'ila' lan xanuc' tihuejcole? ²¹ Jiipe ti'i'ma to li'ipa lilai'ipa lilevadura laca'no' acueca' hi'harina. Ite cal levadura ti'hua tihuantisi cal 'harina. Lijou'ma umfunni jahuay lax'e.

²² Lijou'ma Jesús ti'hua lane, ticuaita liya' Jerusalén. Tehuengila' hileloya', lan tsila' jouc'a lan tsocay. Timuc'iyale jiipiya hileloya'. ²³ Anuli cal xans ipalaic'o'ma, icuis'e'ma, timi:

—Maipoujna, ¿te aga ahuata lan xanuc' tunhul'me?

Jesús ipalaic'o'mola' lan xanuc' noquimf'epa timila':

²⁴ —Tolahuele te co'iya mohtsufliayacu al tansca al puerta. Iya' camilhuo': Axpela' lan xanuc' tehue'me te co'iya mitsufliayacu, tijoula' aimi'iya.

²⁵ Titsahuenni liPoujna cajut'l tix'nifco'ma lejut'l. Ja'ni imanc' tohmanemma luna toljoc'i'me, tolsa'hue'me, tohmi'me: “MaPoujna, taxi'ela' lopera. Alpic'a ahtsufliate.” Ique timi'molhuo': “Aicaixina' pe confouyomma. Aicainimetsaicolhuo'.”

²⁶ Imanc' tohtalai'e'me, tohmi'me: “Illanc' ahejmalepá, ahtetsopá, ahtsnapá anuli ima'. Ima' o'hua'ma hapeneya, tomuc'iyale jiipiya lahpiya'.”

²⁷ LaPoujna timi'molhuo': “Iya' aicaixina' pe confouyomma. Aicainimetsaicolhuo'. Imanc' aimonh'eyi al hijca. Tonlipalunca pe laifpa'a. Tonhente.”

28 'Hniya hitiné imanc' tohsinnola' lohtatahueló, ihniya Abraham, Isaac y Jacob, jouc'a jahuary lam profeta. Ihe itsulfaipá petsi locuxeyopa LanDios cal Cuecaj Rey. Imanc' a'i. Tołmanecu łuna. Imanc' tołjolij'me, tołtetola' lonł'ay. Acueca' cunla lołtełcoyacu. 29 Lan xanuc' naihuejcopá LanDios tipalcu ni petsi li'a łamats', tipalcu pe laipammaiyomma cal 'ora, jouc'a pe loł'acaicopa cal 'ora, jouc'a pe łinu' camats', jouc'a pe lo'huayomma łujfxi cahua'. Ihniya ticuaita al juic. Titsuflaita, ticutsolaita, titetsota pe locuxeyopa LanDios, itque łilCuecaj Rey.

30 'Tołcuec'ełe, locuaicoya quitine tixin-nim'mola' lijoucola' joup'a i'ipola' lan tet'ła. Tixin-nim'mola' lan tet'ła joup'a i'ipola' lijoucola'.

31 Małe 'hora icuaiyunca hualca lam fariseo. Ihniya timiyi Jesús:

—To'huanł'a'. Taipanni fa'a. Cal rey Herodes tehuehuo' tima'atso'.

32 Jesús italai'e'e'ma, timila':

—Itque cal Herodes ti'onłcospa to cal t'łe, ma le'a infel'miyale. Tonłenłe. Tulu'itsa: "Jesús timihuo': Itsiya y mouqui quipa'ala' lontahue, caxal'menala' lan xanuc'. Pitsu cajou'ne'ma laipenic'." 33 Itsiya, mouqui y pitsu ca'hua'na'ma laipene. Cacuaitya Jerusalén. Jilpe łiłya' quima'ayompola' lam profeta. Iya' ninprofeta, małpiya Jerusalén ałma'ayonna, a'i ocuena quilıya'.

34 'iMıłya' Jerusalén! iMıłya' Jerusalén! Loxanuc' inma'ahuale tima'annila' lam profeta, tipangila' capic' tima'antsola' lixanuc' LanDios, ihe lummepola' jilpiya.

'Iya' axpe' canesqui: Cafot'łe'mola' jahuary loxanuc' ma to mi'ay cal tsana mefot'łe'mola' laiquipuyu, mipuxc'i'mola' łixala'. Ima' aicocuac'. 35 iMıłya'! iTahuelojnla' locuecaj xoute'! LanDios ipo'nopa quituca'. Tocomma to joup'a etełquemma. Iya' camilhuo' al łınca. Ticuaiti litine ałmıła': "Ima' unC'a. LanDios łalPoujna łınca ummepo'", iłe litine ałsingona'ma. Ai'a ticuaita iłe litine aimalasingonaya.

14

1 Anuli litine conxajya Jesús i'hua'ma titetsota lejut'ł anuli cal xans fariseo, itque nocuxepola' lif'as fariseo. Jilpe lajut'ł tehuelaiıfyi Jesús, łte co'eya? 2-3 Jouc'a ticutsuya anuli łafcuana, ifunapa jahuary licuerpo. Jesús tehuelongue, ipalaic'o'mola' lam fariseo jouc'a lomxiye nomuc'iyalepá locuxepa LanDios, ihniya nomana' jilpiya, icuis'e'mola', timila':

—Litine conxajya, łnipajnya tixal'meyale'ma anuli? o łaimi'ıya? łTe tipa'a lane? o łailopa'a?

4 Ihe i-ch'ixco'mola'. Jesús i'noł'ma łafcuana, ixal'mena'ma, ummena'ma ti'huanł'a' lejut'ł. 5 Ipalaic'o'mola' ihe lam fariseo jouc'a lomxiye nomuc'iyalepá locuxepa LanDios, timila':

—Imanc', ja'ni tecajm-maitsi al pu'hua łołburro o łołhuacax, tama itine conxajya, łte aimonlipa'ayacu? Ałınca tonlipa'a'me.

6 Ihe aiqıłtalai'e iłe limipola' Jesús, ailopa'a quıłtaiqui'.

7 Jilpiya timana' lijoc'impola' tehueyi te co'ıya micutsolaiıyacu pe locutsolaiıyacu lan tsilaj xanuc'. Lixim'mola' Jesús i'onłico'mola' lił'ejma', timila':

8 —Ja'ni tijoc'intso' anuli al juic lamaná, tocuaiti lajut'ł aimocutshuai'ma pe li'huáqui xonca al c'a. Aga ticuaita anuli xonca cal cuecaj xans. 9 Timi'mo' nijoc'ipolhuo': "Totsahuenni. Iłca'a ticutshuai'ma jilpe lołcutsuya ima'. Totsahuenni." Tijouł'a' toxim'ma calaic'ata. To'hua'ma, tocutshuai'ma pe li'huáqui a'ıjc'a.

¹⁰ 'Ja'ni tijoc'intso' anuli al juic tocutshuai'ma pe li'huáqui xonca a'ijc'a. Ticuaiyunni nijoc'ipo', itque timi'mo': "Maipima, to'huanni fa'a. Jifa'a tocutshuai'ma xonca al c'a." Tijoula' locuenaye lijoc'impola' tixim'mo' ima' uncuecaj xans.

¹¹ 'Iya' camilhuo': Naitsi cal xans no'e'epoxi acueca', itque ti'oc'em'me. Naitsi cal xans no'e'epoxi a'ojca, itque tif'ac'em'me.

¹² Jesús ipalaic'o'ma nijoc'ipa, timi:

—Litine lof'eya al juic aimojoc'i'mola' lonlejmalepá ni lopimaye. Ni aimojoc'i'mola' nomana' huejnca lomejut'í itne pe ts'it'hueca xonca hi'huexi. Itne linca ti'e'econa'mo', tijoc'icona'mo'.

¹³ 'Ja'ni to'e'ma juic tojoc'itsola' lan xanuc' pe aiquit'hueca. Tojoc'itsola' latumane, lan coxo, lan fohue. ¹⁴ Tohta'a, tama itniya aimi'ia mi'najtse'eyaco', toyaicona'ma al c'a. Ticuaihuo litine timaf'ina'me lan hijca xanuc', LanDios ti'najtse'mo' jouc'a.

¹⁵ Licuej'ma lonespa Jesús anuli jitpe titesma timi:

—LanDios cal Cuecaj Rey ti'eta juic jitpe pe locuxeyopa. Linca al c'a loyaicoya cal xans notsufaiya jitpe, titetsota.

¹⁶ Jesús italai'e'e'ma, timi:

—Anuli cal xans ti'e'ma al cuecaj juic. Ijoc'ipola' axpela' lan xanuc'. ¹⁷ Icuai'ma jitpe litine al cuecaj juic, umme'ma limozo, timitsola' lijoc'impola': "Tonloyunca. Joupa imacołpá. Tohtetsota."

¹⁸ 'Jahuay itniya lijoc'impola' ipango'me ines'me: "Aimi'ia ca'huaya". Cal te'a timi: "Joupa ai'napa lainemats'. Ai'huapa caxinna. Tomitsi lopoujna: Aimi'ia micuaicoya." ¹⁹ Locuena timi: "Iya' ai'napola' imbamaj lai huacax. Ai'huapa caxinnola', ja'ni ti'e'me canic' o ai'. Tomitsi lopoujna: Aimi'ia micuaicoya." ²⁰ Locuena timi: "Joupa nemanepa. Aimi'ia ca'huaya."

²¹ 'Ipainanni cal mozo. U'i'ma lipoujna linespa lijoc'impola'. Lipoujna cajut'í ixtunni. Ummecona'ma limozo, timi: "Aimicoł'mo'. To'huata' laneya liya', lan tsila', lan tsocay caneya. Tolecotsola', tocuai'ecola' fa'a lan xanuc' pe aiquit'hueca jouc'a latumane, lan coxo, lan fohue." ²² I'huacona'ma cal mozo. Ipaiconamma, ipalaic'ocona'ma lipoujna, timi: "Joupa ai'epa lałcuxe'epa. Tehue'ela' lan xanuc', ticuaiyunca xonca axpela'." ²³ Lapoujna timi limozo: "To'huata' liya'. To'huata' lan tsila' caneya, jouc'a lema cati'i. Tojoc'itsola' lejmaica, tiyoyunca fa'a. Aipic'a timantsi nulemma lainejut'í. ²⁴ Iya' camilhuo': Itne lan xanuc' laijoc'ipola' al te'a, nij naitsi itniya notec'oya laitejua'."

²⁵ Axpela' lan xanuc' ilihuequi Jesús lane. Lipai'e'moxi ipalaic'o'mola', timila':

²⁶ —Cal xans nocuaiyumma pe laifpa'a, nocuapa: "Quihuej'ma Jesús", itque xonca a'e'ma capic'a iya'; qui'ailli', qui'máma', lipeno, linaxque', lipimaye, lipitine, aijtine. Ja'ni a'i tohta'a li'ejma' aimi'ia malihuejya. ²⁷ Iya' linca catełco'ma. Cal xans noxpic'epa aimetełcoya, nocuapa: "Iya' aicataiya lainencruz", itque aimi'ia malihuejya.

²⁸ 'Ja'ni anuli imanc' tixpic'ela' tilanc'ela' li'nof'quiya lajut'í, ate'a ticutshuai'ma, tixim'ma tojua lipitali lolajncoya. Tixim'ma ja'ni ti'ommaicota litomí o ai'. ²⁹ Ja'ni aimi'ay tohta'a aga aimi'ommaicoya litomí. Tipu'ma tifa'mola' lapic', tijoula' aimi'ia mijou'neya lejut'í, ailopa'a quitomí. Lan xanuc' tixim'me li'ipa, jahuay itniya tixoco'me, ³⁰ ticua'me: "Itque cal xans ipangopa tilanc'e'ma lejut'í. Aiquijou'ne. Aiqui'ic'."

31 'O lan rey, cal nuli ja'ni timana' anuxans mil lisoldado, locuenaj timana' le'a imbamaj mil, tifule'me. Ique ts'ahuata quisoldado ticutshuai'ma, tixpic'e'ma lo'eya, ja'ni nipajnya ti'i'ma tulij'ma hif'as rey o aimi'iya. 32 Ti'ila' quixina' aimi'iya mulijya, mipa'a aculi' hif'as rey, tumme'mola' lixanuc', ticuis'eta, timita: "Łałpoujna ticua: Lu'ila', ¿te ts'opic'a? ¿Te capi'iyaco? ¿Te caif'eya?" Tołta'a aimifuleyacu. 33 Iya' camilhuo': Imanc' ticuicomma tolatets'ile jahuay łol'hueca, tołta'a lihuej'ma. Ja'ni anuli aimicua, ique aimi'iya malihuejya.

34 'Ło'hue ipenic'. Ja'ni ło'hue joupa iminscopa, ¿te co'iya? Aimi'iya milajn-naya to al te'a. 35 Ique ło'hue ħiminscopa aimi'iya mi'eya canic', ni jilpe łamats' ni pe lafot'leyompa ħumi'na. Aimi'iya mixhuiconyacu. Le'a teca'nim'me.

'Naitsi nocuejpa, ałquimf'ela' iya' laitaiqui'.

15

1 Jahuay lin'najtsi'iyale jouc'a locuenaye lan xanuc' pe aimihuejcoyi locuxepa ŁanDios tıloc'olaiyi pe lopa'a Jesús, tiquimf'e'me. 2 Lan xanuc' fariseo jouc'a lomxiye nomuc'iyalepá locuxepa ŁanDios ixtulencia. Ticuayi:

—Ique cal xans tepenufila' lan xanuc' pe aimihuejcoyi locuxepa ŁanDios. Titetsoyi anuli.

3 Jesús italai'e'e'mola', i'onłico'moxi li'ejma' to lo'epa cal xans łejac'pa ħimoł. Icuise'e'mola', timila':

4 —Anuli imanc' amaxnu limot'ł, ja'ni tejac'la' anuli, ¿te co'eya? Tipo'no'mola' locuenaye lam malpuj nuxans quimbamaj pelła, timanecu ħimuc'o', tehueta łejac'pa, aga tixinnata.

5 'Tixinnatsi ħimoł tipulaf'nata, tipo'nof'inna lixaya, tixoj'ma queta tipaino.

6 Ticuaitsi lejut'ł tijoc'i'mola' lipimaye jouc'a nomana' huejnca, timi'mola': "Tixoquinghua neta juaiconapa. Aixinhuona'ma łaimoł łejac'pa. Tonłouyunca. Ma' anuli tixoj'ma calata."

7 'Iya' camilhuo': Linca, ja'ni axpela' lan xanuc' aimicuicomma mixhuej'meyacu, nomana' lema'a tixoj'ma quileta. Ti'ila' ma le'a anuli cal xans pe aimihuejma, ja'ni tixhuej'menanni ique, xonca acueca' tixoj'ma quileta ħniya nomana' lema'a.

8 'Jouc'a anuli łaca'no' i'hueca imbamaj litomí aplata, ja'ni anuli ejac'pa, ¿te aimehueya? Linca tehue'ma. Tunai'i'ma lipepalc'o', titaf'u'ma lejut'ł, aga tixinna'ma litomí lejac'pa. 9 Tixinnał' litomí tijoc'i'mola' liyemalepa lacał'no' jouc'a nomana' huejnca lejut'ł, timi'mola': "Juaiconapa tixoquinghua neta, aixinnapa laitomí lejac'pa. Tunłouyunca. Ma' anuli tixoj'ma calata."

10 'Iya' camilhuo': Anuli cal xans pe aimihuejma ja'ni tixhuej'menanni, nomana' pu'hua pe lomana' lapaluc' quema'a tixoj'ma quileta.

11 Ti'hua timuc'iyale, timila':

—Anuli cal xans timana' oquexi' linaxque'. 12 Li'hua łapepo timi qui'ailli': "Mai'ailli', litine timantso' capenuf'ma łai'huexi. Cagua: Lapi'ila' itsiya." Quil'ailli' epi'it'łi'mola' loquexi' linaxque' ħi'huexi.

13 'Uyai'ma oque' fane' quitine ħi'hua łapepo icuj'ma ħi'huexi łepi'impá, ulij'ma litomí. I'hua'ma aculi', ocuenaj camats'. Ipe ipajntsi. Ipajnhuo'ma tixoj'ma queta ma mi'ay nixpiya. Ejac'ehuona'ma litomí. 14 Ijoutsaf'huana'ma, ipanenni ma le'a limane. Jilpe łamats' i'i'ma cumemma. Łamijcano juaiconapa unle'enni. 15 Ehue'ma quipoujna. Ixim'ma anuli cal xans jilpe łamats', i'e'ma quipoujna. Łapoujna tipa'a łemats', umme'ma łamijcano ti'etsola' cuenna lijná.

16 Łamijcano tunle'e juaiconapa, tijanaca titeł'a' łotecopa lijná. Aiquepi'inni, ni tołta'a.

¹⁷ 'Lijou'ma ixhuej'menanni juaiconapa, timiyoxi: "Cai'ailli' timana' axpela' limozó. Jahuay titetsoyi, tijoula' tipanemma lotecopa. Iya' capa'a fa'a alma cumemma. ¹⁸ Itsiya capainahuo, ca'huana'ma pe lopa'a cai'ailli'. Camita: Mai'ailli', aixina' acueca' lai'epa. Netets'ipa LanDios, netets'ipo' ima'. ¹⁹ Itsiya aima'onlico'ma to co'hua. Lapenufla' to comozo."

²⁰ 'Ipainanni, ti'hua lane ticuainata lejut'l qui'ailli'. Qui'ailli' tehuelonge, ixim'ma hi'hua icuaicona'ma aculi'. Ixinna'ma cuanuc'. Inu'ma tepenufnatsi. Litalectufts'i ipulc'o'ma, ituc'o'ma. ²¹ Li'hua timi: "Mai'ailli', aixina' acueca' lai'epa. Netets'ipa LanDios. Netets'ipo' ima'. Itsiya aima'onlico'ma to co'hua."

²² 'Qui'ailli' ijoc'i'mola' limozó, timila': "Tohtaitsa xonca al c'a lijahua', totpo'no'ile. Tótpo'no'ile anuli cal anillo limane. Tohc'uaic'ile hic'ejí. ²³ Tohtecotsa la'hua huacax lifujmpa, tohma'ale. Al'e'me juic. Atetso'me tixoj'ma calata. ²⁴ Hca'a lai'hua, iya' cacua: Joupa imanapa. Itsiya imaf'ina. Iya' cacua: Joupa ejac'pa. Itsiya imaxcainata." Ipango'ma al juic, tixoquei quileta.

²⁵ 'Cal te'a qui'hua ti'ay canic' pu'hua lemats' qui'ailli'. Icuaicona'ma lejut'l. Licuaitsi icuej'ma tunanni, tixahuinni. ²⁶ Ijoc'i'ma anuli cal mozo, icuis'e'ma, timi: "¿Te con'epa?" ²⁷ Cal mozo italai'e'ma timi: "Icuaina'ma lopima. Co'ailli' iximpa ailopa'a qui'ipa, aimextafque, toliya epenufpa tixoquei queta. Ixuepa ticua: Tohma'ale la'hua huacax lifujmpa." ²⁸ Cal te'a qui'hua ixtunni. Aiquitsufaic' lajut'l. Aimicua. Qui'ailli' ipanni. Tixa'hue titsufainala' lajut'l. ²⁹ Li'hua italai'e'ma, timi: "¡Toxinla! Axpe' camats' iya' ca'ay lopenic'. Quihuejcohuo' jahuay la'cuxe'epa. Ima' aicalapi'i ni tohta'a. Co'la' almi'ma: Tolecola' hca'a laca'hua chivo, ton'ete juic anuli lonfejmalepa. Aicalmic' tohta'a. ³⁰ Itsiya icuaina'ma lo'hua. Hquiya inonc'ohuo'mola' laca'no' notepá li'cuerpo. Lo'huexi lomepi'ipa joupa ijou'nehuo'ma. Ima', ¿te co'epa? ¡Oma'apa la'hua huacax lifujmpa, tite'la' i'quiya!" ³¹ Qui'ailli' timi: "Mai'hua, itine itine almana' anuli. Jahuay lai'huexi ima' o'huexi. ³² Itsiya tetentocola' tixoj'ma calata. Hque lopima iya' cacua: Joupa imanapa. Imaf'ina. Iya' cacua: Joupa ejac'pa. Itsiya imaxcainata."

16

¹ Jesús ipalaic'ocona'mola' ts'ilihuequi, timila':

—Anuli cal xans ts'i'hueca acueca', tipa'a limozo icueya limane, ti'ej cuenna hi'huexi hipoujna. Lan xanuc' tinesc'eyi cataiqui' cal mozo, ticuayi: "Hque, a'ijc'a mi'ay cuenna hi'huexi hipoujna". ² Cal xans ijoc'i'ma limozo. Licuaiyunni timi: "¿Te copalaicocopo' tohta'a ihu'hua lan xanuc'? ¿Te co'epa? Totaitsi loje'e. Aipic'a caxinla' te co'epa lai'huexi. Aimi'hua mo'eya cuenna lai'huexi." ³ Cal mozo timiyoxi: "¿Te caif'eya? Laipoujna li'onc'e'e'ma laipenic'. Aimi'iya capuya lamats'. Ailopa'a caipujfxi. Aimi'iya caxahue'eya al tomí. Catay calaic'ata." ⁴ Timiconayoxi: "Joupa aixpic'epa laif'eya. Tijoula', ticuaitsi litine ailopa'a caipenic' lan xanuc' lapenuf'ma hilejut'hi."

⁵ 'Ijoc'i'mola' jahuay ihne lan xanuc' ts'iltaiyinc'e hipoujna. Anuli anuli ipalaic'o'mola'. Cal te'a icuis'e'ma, timi: "¿Tojua otaiyinc'e laipoujna?" ⁶ Hque italai'e'e'ma: "Amaxnu lam tamboj laceite". Cal mozo timi: "Ja'a ilta'a loje'e. Tocutshuaila', topai'ila' lotaiyinge, ti'ila' oquej nuxans quimbama'. Nuya nuya taini'la'." ⁷ Locuena icuis'e'ma, timi: "Ima', ¿tojua otaiyinge?" Hque italai'e'e'ma: "Anuli maxnu cal cuxta' trigo". Cal mozo timi: "Ja'a ilta'a loje'e. Topai'ila' lotaiyinge, ti'ila' amalpuj nuxans."

⁸ 'Hque cal mozo tama infel'miyale, hipoujna imetsaico'ma acueca' lipicuejma'. Lan xanuc' naihuejpá quilituca' li'picuejma' xonca isina' te co'iya muyalaicoyacu al c'a. Lan xanuc' joupa lepalc'o'impola' li'picuejma' aijtine.

⁹ 'Iya' camilhuo': Ja'ni tipa'a lołtomí lolulijpa fa'a li'a łamats', tołtoc'itsola' lołf'as xanuc'. Tołta'a tonłejmale'me. Tijoułta' tijounala' lołtomí tepenufinna-tolhuo' pe lołmanc'eyacu nulemma. ¹⁰ Cal xans ts'ixina' tixhuico'ma li'hueca tama ahuata, ja'ni tixpełta' łoxhuicoya, jouc'a tixim'ma tixhuico'ma. Cal xans pe aikuixina' mixhuicoya li'hueca, tama ahuata, ja'ni tixpełta' łoxhuicoya jouc'a aimi'iya quixina' mixhuicoya. ¹¹ Imanc' ja'ni aicołsina' mołxhuicoyi al tomí lolulijpa fa'a li'a łamats', łte aga tepi'im'molhuo' al c'a xonca? ¹² Ja'ni aicołsina' cołxhuijma łocuena' huexi, łte aga tepi'im'molhuo' cołtuca' coł'huexi?

¹³ 'Cal mozo ticuicomma ma le'a anuli łipoujna. Ja'ni oquexi' tixtuc'o'ma anuli, łocuena ti'e'ma capic'a. O tixinc'ne'ma anuli, tetets'i'ma łocuena. Imanc' jouc'a ticuicomma ma le'a anuli łołpoujna, łłque ŁanDios. Aimi'iya molihuej-coyacu al tomí jouc'a.

¹⁴ Lan xanuc' fariseo, łłne ts'łłpic'a juaiconapa al tomí, tiquimf'eyi lonespa Jesús, ixoco'me. ¹⁵ Jesús timila':

—Lołf'as xanuc' mixinnilhuo' lonł'epa ticuayi: “Ac'a xanuc' lam fariseo”. ŁanDios imetsaicolhuo' te ts'i'ic' lołpicuejma'. Tipa'a latentłocopola' lan xanuc', łłne łınca aimentenłcocojma ŁanDios. Łłque tixina ixay.

¹⁶ 'Luyaipa quitine uya'ampá locuxepa ŁanDios jouc'a uya'ampá lonespa lam profeta. Icuaitsi Juan Bautista ipango'ma uya'a'ma te co'iya mitsuflaiy-acu pe lopa'a ŁanDios cal Cuecaj Rey. Itsiya ti'hua tuya'anni łłne lataiqui'. Lan xanuc' tipa'ayi łłłpujfxi titsuflaiłte jłłpiya pe locuxeyopa ŁanDios. ¹⁷ Łınca, tama tipaiconni lema'a jouc'a li'a łamats' aimi'iya mipai'inyacu locuxepa ŁanDios, ni łainila' aca'hua xonca.

¹⁸ 'Cal xans tecanaila' łipeno, ja'ni tilecołta' ocuena caca'no', łłque cal xans joupa i'epa quixcay, tipa'a lijunac'. Ma' anuli cal xans ja'ni tilecołta' łaca'no' łecanaiyimpa, łłque cal xans jouc'a i'epa quixcay, tipa'a lijunac'.

¹⁹ 'Anuli cal xans ts'i'hueca acueca' tipo'nohuo ac'a juaiconapa lipijahua', umanc'ecompa amorada, xonca acueca' lipitali. Itine itine titeja quitejua' xonca cal c'a. ²⁰ Jouc'a tipa'a anuli cal xans pe ailopa'a qui'hueca, cuftine aLázaro. Tunouya liju' lipuerta lejut'ł cal xans ts'i'hueca. Licuerpo titeja lahui. ²¹ Tunle'e. Ticua: “Łłque ts'i'hueca cołta' catełta' łacangemma limesa łotecopa”. Lan tsilqui łłcuaispa łipełc'e'eyi lehui. ²² Lijou'ma imana'ma Lázaro, łłque aiku'i'hueca. Lapaluc' quema'a łleconanca, icuai'etsa pe lopa'a Abraham, mane liju' łłque.

'Cal xans ts'i'hueca acueca', jouc'a imana'ma. Eminghuo'me. ²³ Icuaitsi pe lotelcoyopa locuena' limanapola', jouc'a itelco'ma juaiconapa. Ehuelojm'ma al toncay. Aculi' ixim'mola' Abraham jouc'a Lázaro. Łłque Lázaro ac'a mipa'a, mane liju' Abraham. ²⁴ Ijoc'i'ma Abraham, timi: “Mai'ailli' Abraham, ałsina' nincuanuc'. Tommełta' Lázaro, ti'huanni fa'a. Ti'nij'mita laja' lidedo, ałjac'e'e'ma łaipat. Tołta'a titinu'ma łumla catełma jifa'a łunga ałpi'e.” ²⁵ Abraham italai'e'e'ma, timi: “Mai'hua, to'nujuaitsi lomuyaicopa mopa'a jłłpe li'a łamats'. Ima' o'hueca jahuay al c'a, łłca'a Lázaro aiku'i'hueca, ma' itelcopa. Itsiya łłca'a tixoquinghua queta, ima' totełma. ²⁶ Jouc'a cami'mo': Tipa'a al cueca' lina latełnufinna. Nomana' fa'a, tama łłpic'a tualaiłte, ticuaitsa pe lołmana', aimi'iya muyalaiyacu. Jouc'a imanc' aimi'iya mołcuaiyacu fa'a pe lałmana'.” ²⁷ Italai'e'e'ma, timi: “Mai'ailli', caxahue'ehuo' tommelá' Lázaro ti'huala' lejut'ł cai'ailli'. ²⁸ Jilpiya timana' amajxi laipimaye. Timitsola' te ts'i'ic' laifnuyaicopa. Aimecuai'cu jouc'a fa'a pe laiftelcoyopa.” ²⁹ Abraham italai'e'e'ma, timi: “Tipa'a lije'e linilijmpa Moisés jouc'a lije'e linilijmpa lam profeta. Tiquimf'etsa lataiqui' jłłpe linilingiya.” ³⁰ Timi: “Ai, mai'ailli' Abraham. Ti'huala' anuli łicuai'ma fa'a pe lałmana' illanc' lałmanaponga', tołta'a

laipimaye tixhuej'mecu.” ³¹ Abraham timi: “Ja'ni aimihuejyi liłtaiqui' Moisés jouc'a lam profeta, tama anuli limanapa timaf'iconła', ti'huała' tipalaic'otsola', ihniya aimihuejyacu.”

17

¹ Jesús timila' ts'ilihuequi:

—Micołi li'a lamats' timajm'me lan xanuc' naimenac'iyalepa. A'ijc'a loy-alaicoyacu ihniya no'epá tołta'a. ² Cal xans naimenac'iyacola', tama ma le'a anuli ihna'a laica'uhuay, coła' ifinc'im'me lejoc' anuli cal cuecaj capic molino, coła' ecajm'mintsa łaja, tunxalač'la' nulemma, timatsi. ³ Imanc' toł'etsotši cuenna. Tołspic'ełe tonł'ełe ma le'a al c'a.

'Ja'ni a'ijca li'epo' łopima, ima' tomiła': “Tołta'a lał'epa aimał'econa'ma”. Tijouła', ja'ni tixhuej'menanni taimenc'e'ecola' ile li'epo'. ⁴ Ja'ni ti'hua ti'ehuo', tama anuli litine tixhuaitši acaitsi, ja'ni jouc'a ti'hua tixa'huehuo' acaitsi, timihuo': “Łinca aixhuej'menammas ile lai'epo', limenc'e'ecola'”, ima' taimenc'e'ecola'.

⁵ Ts'ilihuequi Jesús timiyi liłPoujna:

—Ałtoc'itsonga', xonca ał'huaiyjnle.

⁶ Timila':

—Imanc' ja'ni aimi'iyas moł'huaiyijnyacu acueca', tama ile loł'huaiyijmpa tocomma ahuata, ti'onłcospa to cal fanu' xonca aca'hua cuftine sinapí, ti'i'ma toł'e'me acueca'. Tołcuxe'e'me iłta'a al 'ec sicómoro, tołmi'me: “Toyax-xoxi, tofaxoxi pu'hua łaja”. Tijouła' ile al 'ec tihuejco'molhuo'.

⁷ Imanc', ticuainanni lajut'ł lołmozo, joupa i'ehuo'ma canic', epahuo'ma lamats', i'ehuo'ma cuenna lan huacax jilpe łolamats', ¿te cołmiyacu cal mozo? ¿Te tołmi'me: “Ne', tocutshuaiła', totetsoła'”? ⁸ A'i tołta'a mołmiyacu. Xonca tołmi'me: “Tomac'eła' łafteja. Toc'ejmot'łiła' cal pime. Catetso'ma, caxna'ma. Tijouco'ma ima' totetso'ma, toxna'ma.” ⁹ ¿Te tołs'najtsi'i'me lołmozo li'epa lołcuxe'epa? Iya' cacua: Amołs'najtsi'iyacu. ¹⁰ Imanc' ti'onłcospolhuo' to lam mozó. Tołihuejco'me jahuyay locuxe'epolhuo' ŁanDios. Tijouła' tołmi'me: “Iya' le'a ninmozo. Ai'epa ma le'a lałcuxe'epa.”

¹¹ Jesús ti'hua lane ticuaita Jerusalén. Tuyaijma pe loniquecomma al distrito Galilea jouc'a hilemats' lun Samaria. ¹² Ma micuaispa anuli liłya' italecuf'mola' imbamaj lan xanuc' textafquila', hıcuana ahui cuftine lepra.

¹³ Eaxoł'me aculi', tija'ayi, timiyi:

—CumJesús, momxi, ałsintsonga' ninc'icuanuc'la.

¹⁴ Jesús timila':

—Tonłenle. Tołmujsotłsi jipu'hua pe lomana' la'aillí.

Miyenayi lane ixałcona'mola'. I'ina'mola' limpio. ¹⁵ Anuli ihniya lixim'moxi ixałconapa ipaiconanni, tija'e', tipalay ujfxi, tix'najtsi'i ŁanDios, timi:

—ManDios, ał'epa acueca'.

¹⁶ Icuaitši pe lopa'a Jesús, ixpats'huai'ma li'mitsi', timi:

—X'najtseco'.

Iłque cal xans łas Samaria.

¹⁷ Jesús ticua:

—¿Te aiqixalačola' imbamaj lan xanuc'? Ma le'a anuli fa'a icuaicona'ma. ¿Pe comana' locuenaye lam pelła? ¹⁸ ¿Ma le'a iłca'a cal xans ipaiconamma tix'najtsi'i ŁanDios? Iłque ocuena quipılya', łas Samaria.

¹⁹ Timi cal xans:

—Totsahuenni, to'huanła'. Ał'huaiyijmpa, tołta'a joupa ixałconapo'.

²⁰ Lijou'ma lan xanuc' fariseo icuis'e'me, timiyi Jesús:

—¿Te 'hora ałsim'me ŁanDios cal cuecaj Rey ticuxe'mola' lixanuc'?

Jesús italai'e'e'mola', timila':

—Tama imanc' aimolsinyi, itsiya linca ËanDios ticuxela' lixanuc'. ²¹ Aimi'iyá molu'iyacola' lan xanuc': “¡Tolahuelojnle! Jifa'a ËanDios ticuxela' lixanuc'.” Jouc'a aimi'iyá molu'iyacola': “¡Tolahuelojnle! Ëu'hua ticuxela' ËanDios lixanuc'.” Jifa'a pe lołmana' ËanDios ti'hua ticuxela' lixanuc'.

²² Timila' ts'ilihuequi:

—Iya' itque cal Xans Ëiximpa cal profeta pu'hua lema'a. Ticuaihuo litine imanc' tołjanaj'me juaiconapa alsinla'. Tołnes'me: “Tama anuli litine almajnle anuli”. Aimalšinya. ²³ Lan xanuc' timi'molhuo': “Fa'a copa'a”, o “Pu'hua copa'a”. Tołmanenca. Aimalahue'ma. A'ij linca ita'a lominyacolhuo'. ²⁴ Mixcuaf'ma tepalc'o'i a'i ma le'a jilpe lo'huayomma. Ëe lepalc'o' tixinyi ni petsi li'a lamats'. Tołta'a ti'i'ma cacuaicohuananni iya'. Iya' itque cal Xans Ëiximpa cal profeta pu'hua lema'a. Ëe litine alsim'ma jahuay lan xanuc'.

²⁵ Ate'a catełco'ma juaiconapa. Lan xanuc' nomana' itsiya litine latets'i'ma.

²⁶ Ma to li'ipa ihniya litiné lipajmpa Noé jifa'a li'a lamats', ma tołta'a ti'i'ma litine cacuaiconanni iya'. Iya' itque cal Xans Ëiximpa cal profeta pu'hua lema'a. ²⁷ Milanc'e Noé al cuecaj barco lan xanuc' tuyalaicoyi lapajnya, titetsoyi, tixnayı, temalıyi, ticuyi lihnaxque' temalıte. Litine litsufai'ma Noé al cuecaj barco ma' anuli mi'eyi. Aiquicoł'ma. Icu'i'ma łaxpaiqui' cacui, ijou'ne'mola' jahuay lan xanuc', ima'mola'.

²⁸ Mipa'a Lot jifa'a li'a lamats' ËanDios itel'mi'mola' lan xanuc'. Ihniya tuyalaicoyi lapajnya, titetsoyi, tixnayı, ti'naji, ticujyi, tifayı, tilanc'eyi quilejut'hi. ²⁹ Litine Lot lipanni jilpe liłya' Sodoma, male litine, icui'ma cunga, icui'ma azufre. Ima'a'mola' jahuay, acueca' caxpaiqui' i'i'ma.

³⁰ Tołta'a ti'onłcospa to lo'iyá litine cacuaiconanni jifa'a li'a lamats'. Alsim'ma naitsi iya', iya' itque cal Xans Ëiximpa cal profeta pu'hua lema'a. ³¹ Ëe litine ja'ni anuli if'ajnapa al toncay lejutł, aimines'ma: “Quimuhuananni, quipa'ahuatsi łai'huexi”. Aimicoł'ma. Tinuła'. Jouc'a ja'ni anuli i'huapa ti'eta canic' łimuc'o', aimipaihuo, aimines'ma: “Capulał'nata laipo'nopa lu'hua”. ³² Tołnujuaisle li'ipa lipeno Lot.

³³ Cal xans no'epoxi cuenna, nocuapa: “Cuyaicoła' al c'a lapajnya”, itque tejac'e'moxi. Cal xans nocupoxi latełcoya, tama a'ijc'a loyaicopa lapajnya, itque tunłu'ma.

³⁴ Iya' camilhuo': Ëe lipuqui' ja'ni tunahuołanna oquexi', tixmaiıyi anuli al hualfa, tileconam'me anuli, łocuena tipanehuo. ³⁵ Jouc'a lacał'no', ja'ni oquexi' anuli mutsiyi, anuli tileconam'me, łocuena tipanehuo. ³⁶ Ja'ni oquexi' lan xanuc' tiłmana' łimuc'o' anuli tileconam'me, łocuena tipanehuo.

³⁷ Ts'ilihuequi icuis'e'me Jesús, timiyi:

—Małpoujna, łpe co'iyá tołta'a?

Italai'e'e'mola', timila':

—Pe łopa'a łimac', jilpiya lapote tefołyomma.

18

¹ Jesús ti'hua timuc'ila' ts'ilihuequi, tu'ila':

—Ti'hua tołjoc'ile ËanDios, tołta'a aimitafqueyacolhuo'.

I'onłicopa li'ejma' anuli łaca'no' apotsate. ² Timila':

—Anuli liłya' tipa'a anuli cal juez aimixpaic'e ËanDios ni aimixpaic'ela' lan xanuc'. ³ Małpe liłya' tipa'a anuli łaca'no' apotsate. Itine itine ticuaiyumma pe łopa'a cal juez. Tixa'hue, timi: “Alłoc'ila'. Toteł'miła' łalixtuc'opa.”

⁴ Muyaipa axpe' quitine cal juez aimicua mitoc'iyá. Lijou'ma timiyoxi: “Tama aicaxpaic'e ËanDios ni aicaxpaic'ela' lonespa lan xanuc', ⁵ catoc'i'ma

itca'a cal potsate caca'no' nocuaiyumma itine itine. Catef'mi'ma itque laixtuc'opa. Ja'ni a'i, ti'hua ticuaihuo, aicaxnet'lya.”

⁶ LaPoujna Jesús timila' ts'ilihuequi:

—Joupa otcuejpá ite litaiqui' locuapa cal juez. Itque tama a'ij hijca li'ejma' itsiya ticua: “Catoc'i'ma itca'a laca'no'”. ⁷⁻⁸ Jouc'a LanDios, ¿te aimitoc'iyacola' lixanuc', li'huijf'epola'? Iñiya tijoc'iyi itine ipuqui' tixa'hueyi titoc'itsola'. Linca LanDios aimixtuc'oyacola', ti'hua tixnet'iqui. Iya' camilhuo': Aimico'ya, titoc'i'mola'. Titef'mi'mola' laixtuc'opá lixanuc'.

“Tama atinca itta'a laimipolhuo', cacuaicohuananni li'a lamats', ¿te ti'i'mola' axpela' lan xanuc' nepenufpá ite litaiqui' laifnu'ipolhuo' itsiya? Iya' itque cal Xans Liximpa cal profeta pu'hua lema'a.

⁹ Jesús ti'hua timuc'iyale. I'on'ico'mola' lan xanuc' nocuapá: “Illanc' ma ninc'ic'a xanuc'”. Iñe tetets'iyi lif'as xanuc'. ¹⁰ Timila':

—Oquexi' lan xanuc' iye'me al cuecaj xoute', tipalaic'ota LanDios. Anuli afariseo, locuena in'najtsi'iyale. ¹¹ Cal fariseo tecaxuya tu'i LanDios jahuay lo'epa, timi: “ManDios, iya' cax'najtsi'ihuo' iya' aica'ay to lo'epa locuenaye lan xanuc'. Iñiya tinantseyi, ti'eyi a'ij hijca, texic'e'eyi lif'as xanuc' lipenoye. Iya' a'i to iñiya ni to itca'a lin'najtsi'iyale. ¹² Iya' oque' quitine al xamano caxnet'iqui, aicatesma. Laifnulijpa amaxnu capequi, capi'ihuo' imbama'.”

¹³ Lin'najtsi'iyale tixina calaic'ata, tecaxu lico al xoute'. Ni aiquehuelonge lema'a, tixhuehma juaiconapa, tuntafque lunxajma'. Timi LanDios: “Mainen-Dios, tama tipa'a acueca' laijunac', amalixtuc'o'ma. Alsintaj cuanuc'.”

¹⁴ Iya' camilhuo': Lipalnamma al cuecaj xoute' iñiya loquexi' lan xanuc', liyenapá hilejut'li, LanDios joupa iximpa lin'najtsi'iyale to ailopa'a quijunac', epenufpa. Locuena a'i.

“Cal xans no'e'epoxi acueca', ti'oc'enam'me. Ja'ni ti'oc'exoxi, tifof'em'me.

¹⁵ Lan xanuc' ticuai'emma linaxque' pe lopa'a Jesús. Ipic'a tixpayaf'tsola'. Liximpa tofta'a ts'ilihuequi Jesús aiqueten'coco'mola' lo'epa itne lan xanuc'. Italem'mola'. ¹⁶ Jesús ijoc'i'mola' ticuaiyunca la'uhuy. Timila' ts'ilihuequi:

—Tolapi'itsola' lane la'uhuy, tiyouyunca pe laifpa'a. Aimotcuanac'e'mola'. Lan xanuc' lo'on'icospola' to itna'a la'uhuy mañiya titsufilai'me pe locuxeyopa LanDios cal Cuecaj Rey. ¹⁷ Iya' camilhuo' al linca: Lan xanuc' notsulfo'layacu pe locuxeyopa LanDios cal Cuecaj Rey, ticuicomma ti'on'icotsola' to la'uhuy. Ja'ni a'i aimi'iyá mitsufliayacu.

¹⁸ Anuli lincuxepa ipalaic'o'ma Jesus, icuis'e'ma, timi:

—Momxi, ima' unc'a xans, lu'itá', ¿te caif'eya culijla' laipitine aimijouya?

¹⁹ Jesús italai'e'e'ma timi:

—Ima', ¿te calmicuapa: “Unc'a xans”? Le'a anuli copa'a cal C'a, itque LanDios. ²⁰ Ima' oxina' loya'apa locuxepa LanDios, ticua: “Aimoxhuico'ma hipeno lo'as xans. Aimoma'ahuale'ma. Aimonantse'ma. Aimonescoyale'ma. Taihuejco'mola' co'ailli', co'máma'. Totoc'i'mola'.”

²¹ Cal xans timi:

—Laltojyomma ite lataiqui' canant'li. Itsiya ixpic' ca'ay tofta'a.

²² Licuej'ma limi'ma cal xans, Jesús timi:

—Tehue'ehuo' huata. Jahuay lo'hueca tocujsi. Al tomí lofmulijya tapi'itsola' lan xanuc' pe aiqui'hueca. Tofta'a ti'i'ma acueca' co'huexi pu'hua lema'a. To'etsi to laifmipo', tijoula' tocuaiconamma lihuejna'ma.

²³ Licuej'ma jhiya lataiqui' cal xans ihuotsonni juaiconapa. I'hueca acueca' qui'huexi. ²⁴ Liximpa cal xans ihuotsonni, Jesús ticua:

—Lan xanuc' ts'il'hueca acueca' qui'huexi tixim'me ipime, afule mitsuflaiyacu pe locuxeyopa LanDios. ²⁵ Ticuanni: “Anuli cal camello, itque

hinneja juaiconapa acueca', aimi'iya muyaicoya laquipihuo łacuxa". Cal xans ts'i'hueca acueca', ti'i'ma xonca ipime, afule mitsufaiya pe locuxeyopa ŁanDios.

²⁶ Licuej'me ihiya lataiqui' ihniya timiyoltsi:

—Ja'ni tołta'a, ailopa'a conłuya.

²⁷ Jesús italai'e'e'mola', timila':

—Tama lan xanuc' aimi'iya mi'eyacu, ŁanDios linca nipajnya ti'i'ma ti'e'ma.

²⁸ Pedro timi:

—¿Toxinł! Illanc' joupa ałpo'nonapá jahuay łaf'huexi. Lihuejnahuo'.

²⁹⁻³⁰ Jesús timila':

—Iya' camilhuo' al linca: Cal xans naihuejcopa ŁanDios ja'ni tipo'noła' lejut'ł o hipeno, o tipo'no'mola' lipimaye, qui'ailli', qui'máma' o linaxque', mipa'a fa'a li'a łamats' tepi'im'me acuecaj xonca. Tijouł', ticuaitsi locuena quitine tulij'ma lipitine aimijouya.

³¹ Lijou'ma Jesús ileco'mola' quilituca' limbamaj coquexi' ts'ilihuequi, timila':

—Iya' ilque cal Xans Łiximpa cal profeta pu'hua lema'a. Luyaipa quitine lam profeta inilpá łaf'iya. Itsiya ałf'ajliyi, ałcuaitsa liłya' Jerusalén, pu'hua jahuay ilē lataiqui' tenanłta. ³² Ałcunna, ticuaita quilmāne lan xanuc' ocuena nación. Lilotsocota, ałmilojta cataiqui', ałtsułcota lai'a, ³³ luntafta f'ix'ec, ałma'ata. Al fane' quitine camaf'inna.

³⁴ Ts'ilihuequi aiquilcueca ilē lataiqui' limi'mola'. Aimuhuałyi, aimi'iya.

³⁵ Jesús joupa ticuaispa huejnca liłya' Jericó. Jilpe tipa'a anuli cal fo' ticutsu lema cane, tixa'hue tepi'inłe caquitomí. ³⁶ Icuej'ma tuyalałyi axpela' lan xanuc', icuis'e'mola', timila':

—¿Te co'ipa?

³⁷ Italai'e'e'me, timiyi:

—Icuai'ma Jesús łas Nazaret, joupa tuyaipa.

³⁸ Cal fo' ija'a'ma, timi:

—Jesús, ima' łacui'impo' i'Hua David, ¿Ałsinł' nincuanuc'!

³⁹ Lan xanuc' liłej'me timiyi:

—¿Ti-ch'ixcotsó'!

Xonca tija'e', timi:

—Mi'Hua David, ¿ałsinł' nincuanuc'!

⁴⁰ Jesús ecaxhuenni, icuxe'ma, timila':

—Ałłec'metsi.

Icuai'etsa pe lopa'a Jesús. Ilque icuis'e'ma, timi:

⁴¹ —¿Te caif'e'eyaco'? ¿Te ts'opic'a?

Timi:

—Maipoujna, cahuetsaleł'.

⁴² Jesús timi:

—¿Tahuetsaleł'! Ał'huaiyijmpa, joupa ixalconapo'.

⁴³ Aiquicol'ma, ehuetسالena'ma. Ipango'ma ihuej'ma Jesús. Tix'najtsi'i ŁanDios. Jahuay nomana' jilpiya, liximpa tołta'a jouc'a ix'najtsi'i'me ŁanDios. Ticuayi: "Acueca' lo'epa ŁanDios".

19

¹ Jesús itsufai'ma liłya' Jericó, uyaicohuo'ma. ² Jilpe liłya' tipa'a anuli cal xans cuftine aZaqueo. Ilque cal xans nocuxepola' lif'as xanuc' quin'najtsi'iyalepá. Acueca' qui'huexi i'hueca. ³ Tehuay te co'iya mixinya Jesús. Ipic'a timetsaicoł'. Jesús ti'hua nolojmay axpela' lan xanuc', Zaqueo

aca'hua xans. Tixina aimi'iyá mixinya. ⁴Inu'ma, i'huaj'me'ma. If'aj'ma anuli al 'ec sicómoro. Jilpiya tuyaico'ma Jesús. Tixim'ma.

⁵Jesús icuaitsi jilpiya, ehuelojm'ma al toncay al 'ec. Ipalaic'o'ma, timi:

—CumZaqueo, nuya taimunni. Itsiya ai'huapa lomejut'í, cunxac'eta.

⁶Zaqueo aikuico'l'ma, imunni. Ixoj'ma queta juaiconapa. Jilpe lejut'í epenuf'ma Jesús. ⁷Lan xanuc' lixim'me tolt'a a li'i'ma ixtulencia jahuay, títalaicoyi lo'epa Jesús, tinesyi:

—Ítque cal xans Zaqueo aimihuejma locuxepa LanDios, Jesús itsufaipa lejut'í.

⁸Zaqueo ecax'ma, ipalaic'o'ma ílPoujna Jesús, timi:

—Toxinla', maipoujna, itsiya onlca íai'hueca capi'ina'mola' lan xanuc' pe aikuil'hueca. Naitsi cal xans íaifel'mipa, nexic'epa litomí, capi'icona'ma amalpemma.

⁹Jesús mehuelonge Zaqueo ticua:

—Itsiya jifa'a lajut'í unlupa anuli cal xans, ítque jouc'a i'hua íoltatahuelo Abraham. ¹⁰Iya' ítque cal Xans Liximpa cal profeta pu'hua lema'a. Aicuaico'ma fa'a li'a íamats' cahue'mola', cunlu'e'mola' lan xanuc' lejac'pola'.

¹¹Miquimf'eyi lan xanuc', Jesús ti'hua timuc'iyale. Íniya lan xanuc' ticuayi: “Íliya' Jerusalén a'ij culi'. Ticuaitsi jilpiya Jesús tulijtola' ía'eponga' íaic'. Tijoula' íllanc' y LanDios al'cux'e'me anuli.” Jesús ípic'a ti'íla' quítsina' a'ij íinca íte lonespa. I'onlco'moxi lo'iyá, ¹²timila':

—Anuli cal xans ítque i'hua íincuxepa i'huapa aculi', ocuenaj nación. Jilpiya tepi'inna lipenic'. Tijoula' tipaino, ticuxena'mola' lixanuc'. ¹³Ai'a tipahuo íjoc'i'mola' limbamaj limozó. Anuli anuli epi'i'mola' quíltomí, lipítali to cal xans lolijpa no'eya canic' afanej mut'íla. Timila': “Íya' aicapajnya, ma cai'huayaic' aculi' imanc' toísuicoíe ílta'a al tomí”.

¹⁴Ílipílya' xanuc' íxtuc'o'me cal xans. Ummem'mola' lan xanuc' tiyete pe litsepa, tuya'ata: “Ítque cal xans aimalapenufyacu. Aimaí'cuxeyacongá' íllanc'.”

¹⁵'Cal xans, epi'ímpa lipenic' ticuxetsola' lixanuc', ípaiconanni. Licuaitsi íemats' ícuxe'ma tíjoc'íntola' limozó, íhne nepenufpá al tomí. Tixim'ma lulijpa.

¹⁶'Icuaiyunni cal te'a. Timi ílipoujna: “Maipoujna, lotomí lalapi'ípa joupa ulijpa ímbama”. ¹⁷Timi: “Íma' unc'a mozo. Ac'a lo'epa. Ahuata íainepi'ípo'. Oxhuicopa ac'a. Itsiya capi'i'mo' ímbamaj ílélolya', tocuxetola' lan xanuc' nomana' jilpe ílélolya'.”

¹⁸'Icuaiyunni locuena, timi ílipoujna: “Maipoujna, lotomí lalapi'ípa joupa ulijpa amaque”. ¹⁹Jouc'a epi'i'ma lipenic'. Timi: “Íma' jouc'a capi'i'mo' copíléolya'. Tocuxetola' lan xanuc' nomana' jilpe ílam maquej ílélolya'.”

²⁰'Lijou'ma icuaiyunni locuena. Timi ílipoujna: “Toxinla', maipoujna, jilta'a lotomí. Ai'huejpa. Aifi'ecopa íjahua'. ²¹Cai'ecopa caxpaic'ehuo'. Aixina' íma' unxans maíftsile. Ni tolt'a a aimocu, ma le'a tapenuf'ma. Aimofa, ma le'a tafot'íe'ma.” ²²Timi: “Íma' mixcay mozo. Maíta'a lonespa joupa mecani'epoxi. ¿Te íma' oxina' íya' nínxans naíftsile? ¿Te al íinca íya capenufi tama aicacu? Jouc'a, ¿te cafot'íe tama aicafa? ²³Joupa oxina' tolt'a'a. Itsiya ílta'a láitomí, ¿te aícomecana al banco? Tolt'a'a colá' capenufna'ma láitomí jouc'a lulijpa.”

²⁴Timila' lixanuc' nacaxhuolanna jilpiya: “Tolaxic'ete al tomí, tonlapi'íte ítque ts'i'hueca limbama”. ²⁵Íhne ítalai'e'e'me, timiyi: “Maípoujna, joupa i'hueca ímbama”. ²⁶Ítalai'e'e'mola', timila': “Íya' camílhua': Jahuay íhne nulijpá, tepi'im'mola' xonca. Lan xanuc' pe aikuiluliqui, texic'ena'mola' líl'hueca.

²⁷Itsiya, toí'hua'ancola' fa'a pe íaífpá'a lan xanuc' nalixtuc'opa íniya nocuapá: Ítque cal xans aimalapenufyacu, aimaí'cuxeyacongá'. Toíma'atsola'.”

²⁸ Lijoupa limipola' jile lataiqui', ti'hua tuyaipa. Tif'aqui lane Jerusalén. ²⁹ Icuaitsi hijuala cuftine Lijuala Olivo, ahuejnca hileloŷya' Betfagé jouc'a Betania. Jilpiya umme'mola' oquexi' ts'ilihuequi, ³⁰ timila':

—Tonŷete jilpe liŷya' lehuoc'ocojma. Jilpiya loŷtsuflaiyacu toŷsinna tifijnya anuli ŷaca'huaj burro. Nij naitsi xans ŷenafcaipa. Toluhuaŷtsa, toŷcuai'ecu fa'a. ³¹ Ja'ni ticuis'etsolhuo', timitsolhuo': “¿Te cunluhuaiŷcopá ŷa'huaj burro?”, toŷmitsa: “ŷipoujna tixhuicota”.

³² Iye'me iŷne loquexi' lummem'mola', ixintsa ŷaca'huaj burro ma to limipola' Jesús. ³³ Muhuaŷŷyi ŷaca'huaj burro lipoujnalá ipalaic'om'mola', timinnila':

—¿Te cunluhuaiŷcopá ŷala'huaj burro?

³⁴ Italai'e'e'me, timiyi:

—ŷipoujna ipicuicoya tixhuicota.

³⁵ Icuai'etsa ŷaca'huaj burro pe lopa'a Jesús. Ixpefi'me liŷpuquiya lixpula' ŷa'huaj burro. Jesús enafcai'ma. ³⁶ Pe loyaicoya, lan xanuc' ixpou'me liŷpuquiya. ³⁷ Icuaitsa huejnca jilpe laimuc' hijuala Olivo, lanxpela' ts'ilihuequi Jesús iŷejmale ixoj'ma quileta. Jahuay ipango'me ija'a'me, tix'najtsi'iyi ŷanDios. Joupa iximpá al cueca' li'ipa. ³⁸ Ticuayi:

—¡Itsiya ocuai'ma ima' aŷRey! Joupa lu'imponga' tocuaihuo, aŷminga' ŷanDios ŷaŷPoujna tumme'mo'. ¡Itsiya ocuai'ma! ¡Aŷs'najtsi'ihuo' juaiconapa! ¡ŷanDios Nopa'a lema'a aimalixtuc'oconayaconga', aŷpaxnenga'! ¡Nomana' lema'a xonca al toncay timiŷe: “Ima' xonca umCueca”!

³⁹ Jilpe pe lomana' lan xanuc' jouc'a timana' lam fariseo. Iŷniya timiyi Jesús: —Momxi, to-ch'ixc'etsola' iŷne ts'ihuejhuo'.

⁴⁰ Jesús italai'e'e'mola', timila':

—Iya' camilhuo': Ja'ni ti-ch'ixcotsola' lalihuequi', lapic' tija'a'me, tix'najtsi'i'me ŷanDios.

⁴¹ Iŷoc'oŷlai'me xonca Jerusalén. Lixim'ma liŷya' Jesús ijoj'ma, ⁴² timi:

—Iya' caxhueŷcocojma iŷe lo'iyaco', miŷya' Jerusalén. Itsiya ŷanDios ipic'a tipaxnetsola' loxanuc'. Ipic'a titoc'itsola', tualaiŷe al c'a. ¡Coŷa' ticuec'eŷe! Aimi'iyá micuec'eyacu. ⁴³ Ticuaita litine ticuaicu laixtuc'opo'. Tejuajmi'me camats' lixpula' ŷomitaŷ. Tilanc'e'me lof'ajcoyacu. Tipa'nem'me canumicay, loxanuc' ailopa'a caipalcoyacu. ⁴⁴ Laixtuc'opo' tif'ajli'me ŷomitaŷ, teca'not'hi'me ŷomitalot'ŷ, jouc'a loxanuc'. Laixtuc'opo' tijou'ne'mo' nulemma. Ni anuli lapic mipo'nof'queya ŷocuena capic. ŷanDios joupa icuai'ma coŷa' tipaxnetso'. Ima' aicoxingufi toŷta'a lo'eya, aicocuac'. Toŷŷiya titel'mi'mo' to laifmipo'.

⁴⁵ Lijou'ma Jesús itsufai'ma al cuecaj xoute' lopa'a Jerusalén. Jilpe ipa'a'mola' nocucalepá. ⁴⁶ Timila':

—El Paxi Liniŷingiya tuya'e': “Lainejut'ŷ lecui'impá: Lajut'ŷ petsi lan xanuc' tipalaic'oyo'me ŷanDios.” Itsiya imanc' tonŷ'onŷicoyi iŷta'a lajut'ŷ to ŷunts'ejá' lafoŷyomma lan namats'.

⁴⁷ Itine itine Jesús ti'hua al cuecaj xoute'. Timuc'ila' lan xanuc'. Lixanuc' cal cuecaj ca'ailli', lomxiye nomuc'iyalepá locuxepa ŷanDios jouc'a lan tsilaj xanuc' noxpijpá lataiqui', tehueyi te co'iyá mima'ayacu Jesús. ⁴⁸ Aiquiŷsina' te co'eyacu. Jahuay lan xanuc' icuaitsi quiŷpic'a litaiqui' Jesús, tipo'noyi cuenna lomuc'iyalepa.

20

¹ Anuli litine mipa'a Jesús al cuecaj xoute' timuc'ila' lan xanuc', tu'ila' Lataiqui' loya'apa iŷe al c'a loxplic'epa ŷanDios. Jilpiya icuaiyunca lixanuc'

cal cuecaj ca'ailli' jouc'a lomxiye nomuc'iyalepá locuxepa ËanDios, jouc'a lan tsilaj xanuc' noxpijpá lataiqui'. Icuaitsa pe lopa'a Jesús,² icuis'e'me, timiyi:

—¿Naitsi nepi'ipo' lomane tołta'a to'e'ma? ¿Naitsi nummepo'?

³ Jesús italai'e'e'mola', timila':

—Iya' jouc'a tipa'a laifnicuis'eyacolhuo'. Ałtalai'ełta'.⁴ ¿Naitsi nummepa Juan? ¿Naitsi nicuxe'epa tepo'itsola' lan xanuc'? ¿Ja'ni ËanDios? o ¿anuli cal xans?

⁵ Ihe ipalaic'o'mołtsi quıłtuca', timiyoltsi:

—¿Te calmiyacu? Ja'ni ałmiłe: “ËanDios ummepa”, alicuis'e'monga', ałmi'monga': “Imanc', ¿te aicolapenufi Juan?”⁶ Ja'ni ałmiłe: “Anuli cal xans nummepa”, lan xanuc' ałma'aco'monga' apic'. Ihe ticuayi Juan aprofeta. Ticuayi ËanDios ummepa.

⁷ Italai'e'e'me, timiyi:

—Illanc' aicalsina' naitsi nummepa.

⁸ Italai'e'e'mola' Jesús, timila':

—Iya' jouc'a aicu'iyacolhuo' naitsi nalapi'ipa laimane ca'ełta' tołta'a.

⁹ Ipango'ma ipalaic'ocona'mola' lan xanuc'. I'onłicopola' iłniya ts'iłpenic' lan judıo, timila':

—Anuli cal xans ifapaj 'uva łemats'. Hualca lan xanuc' epi'i'mola' lane ti'ełe canic'. Tijoułta' lanic', tijoułta' tefot'lele, tepi'ina'me onłca łipammaita.

'Łapoujna camats' i'hua'ma aculi'. Iłpe icolhuo'ma.¹⁰ Icuaitsi litine tefot'lele umme'ma anuli łimozo, ti'huałta' titaita łi'as 'uva, iłque łocuaiya quimane. Lin'epá canic' ailopa'a quilepi'i', ni tołta'a. Untaf'me cal mozo, icuxe'e'me ti'huanłta'.

¹¹ 'Ummecona'ma ocuenaj mozo. Iłque jouc'a untaf'me, i'e'me lixcay, etets'i'me. Ailopa'a quilepi'i', ni tołta'a. Icuxe'e'me ti'huanłta'.

¹² Ummecona'ma ocuenaj mozo, iłque ło'icoya afantsi. Iłque ixcai'e'me, exalçuf'me, ipa'apá łamats' pe lifaiyiya cal 'uva.

¹³ 'Lijou'ma łapoujna camats' pe lifaiyiya cal 'uva ticua: “¿Te caif'eya?” Ixpıc'e'ma, ticua: “Cumme'ma łai'hua, łai'epa capic'a juaiconapa. Aga aime-tets'iyacu iłque. Tepenufta.”¹⁴ Lin'epá canic' lixim'me icuaico'ma łi'hua łıłpoujna timiyoltsi: “Iłque tepenuf'ma łi'huexi qui'ailli'. Ałma'a'me. Tołta'a alulijna'me cal'huexi.”¹⁵ Exalçuf'me, ipa'apá łamats' pe lifaiyiya cal 'uva, ima'a'me.

Jesús icuis'e'mola', timila':

—Imanc', ¿te cołcuapa? Łıłpoujna camats' pe lifaiyiya cal 'uva, ¿te co'eyacola'?

¹⁶ Iya' cami'molhuo' lo'eya: Ti'hua'ma, ticuaitsi pe lomana' iłniya lin'epá canic', tima'acola'. Łemats' pe lifaiyiya 'uva, małe łamats' tepi'i'mola' ocuenaye xanuc'.

Licuej'me tołta'a litaiqui' Jesús lan xanuc' noquimf'epá ticuayi:

—¿ËanDios aimicu'ma lane mi'i'ma tołta'a!

¹⁷ Jesús ehuelonc'e'e'mola' lił'a, timila':

—Al Paxi Linilıngiya tuya'e':

Łapic łetets'ipa nolanc'epá lajutł, i'ipa xonca łaicuicoya.

Iłque łapic xonca tilanc'e łaitał aimecangeya lajutł.

Ja'ni a'i mi'iyaya to itsiya laifnu'ipolhuo', ¿te conescopa tołta'a al Paxi Linilıngiya?

¹⁸ Cal xans tıxc'uałaf'caitsi, tecanafcaitsi cal Cuecaj Capic, iłque tunłta'moxi. Ja'ni iłque Łapic tecangenni tetof'caitsi cal xans, iłque cal xans tuxpats'i'i'ma nulemma.

¹⁹ Lomxiye nomuc'iyalepá locuxepa ËanDios jouc'a lixanuc' cal cuecaj ca'ailli' ixtulenca. Iłsina' Jesús tipalaicola' iłniya lił'ejma'. Ehuepá te co'iyami'nołyacu Jesús. Małpe 'hora iłpic'a ti'nołte. Aiqui'ic'. Tıxpaic'eyi lan xanuc'.

²⁰ Ti'hua tehueyi te co'iyá mi'noñyacu Jesús. Umme'me liñxanuc' tiyele pe lopa'a Jesús, tehuelaipta. Ma le'a ti'e'eyoñtsi; iñe a'ijc'a xanuc'. Ticuis'eta Jesús. Ticuayi: “Tinesc'ela' cataiqui' cal gobernador. Tijouña' añcu'me, ticuaita quimane iñque ts'ipenic'.” ²¹ Icuís'e'me Jesús, timiyi:

—Momxi, aña'ina' ac'a lota'iqui', ac'a lofmuc'iyalepa. Ima' toxinnila' lan xanuc' ipacoya. Al ñinca tomuc'ila' lipene ÑanDios. ²² Itsiya licuis'e'mo', lu'itsonga': ¿Te añ'ñajtse'e'me cal cuecañ quincuxepa César? o ¿añmalapi'iyacu? ¿Te ti'i'ma o aini'iyá?

²³ Jesús ixina' ma le'a tehueyi tic'añquenni. Timila':

—¿Te calahuaicopa? ²⁴ Añmuc'ila' anuli al tomí. ¿Ñaitsi ñiñta'a ts'i'a? ¿Ñaitsi iñta'a ts'ipuñtine?

Timiyi:

—Li'a César, lipuñtine César.

²⁵ Timila':

—Ja'ni i'ñuexi César, ne', tonlapi'ñe César. Ja'ni i'ñuexi ÑanDios, ne', tonlapi'ñe ÑanDios.

²⁶ Toñta'a iñniya ailopa'a co'eyacu. Añquic'añqui Jesús. Ixim'me acueca' lipicueñma', i-ch'ixco'mola'.

²⁷ Lijou'ma hualca lan xanuc' saduceo icuaita pe lopa'a Jesús. Iñe tinesyi: Limanapola' aimimaf'iconayacu. Icuís'e'me Jesús, ²⁸ timiyi:

—Momxi, pe liniñpa Moisés alu'iponga': “Anuli cal xans timañta', jounpa ileñma ñaca'no', ja'ni ailopa'a quif'hua ñamizhua tipa'a lipima tileco'ma hi'maxi. Tipañtsi quif'hua tecui'i'me lipuñtine lipima limanapa, tepenuñ'ma hi'ñuexi.”

²⁹ 'Li'ipa timana' acañtsi lan xanuc' apimaye. Cal te'a ilecopa anuli ñaca'no', lijou'ma imana'ma. Ailopa'a quif'hua. ³⁰ Locuena lipima ilecopa hi'maxi, imana'ma jouc'a. Ailopa'a quif'hua. ³¹ Lijou'ma locuena lipima jouc'a ileco'ma hi'maxi, imana'ma jouc'a. Ailopa'a quif'hua. Ma' anuli li'i'mola' locuenañ lan maluxi' capimaye. Anuli anuli ileco'me ñaca'no', imana'mola'. Ailopa'a quif'hua. ³² Lijou'ma imana'ma ñaca'no' jouc'a.

³³ 'Itsiya, lu'itsonga': Ticuaitsi ñiñe litine timaf'inañe limanapola', ¿te co'iyá iñque ñaca'no'? Lan cañtsi capimaye ilecopá. ¿Ñaitsi co'iyá quipe'añlli'?

³⁴ Jesús timila':

—Mimana' fa'a li'a ñamats' lan xanuc' temañiyi, liñ'añlli' ticuyi liñnaxque'.

³⁵ Locuena Quitine a'i toñta'a mi'eyacu. Timana' lan xanuc' laca'no' ÑanDios tixinnila' ti'i'ma titsuñlita ñiñpe Locuena Capañña, tixinnila' ti'i'ma timaf'icona'me nulemma. Iñniya tipo'no'mola' locuenañ limanapola'. Iñniya aimemañiconayacu. ³⁶ Ti'onñcotola' to lapaluc' quema'a. Aimimayacola'. Iñniya ñinca inaxque' ÑanDios, timaf'i'ina'mola' nulemma.

³⁷ 'Mañque Moisés tuya'e': ÑanDios timaf'i'ina'mola' limanapola'. Toñta'a tuya'e' liñe'e. ñiñpe tuya'e' li'ipa litine lonajpa lac'ec. Iñe litine ÑanDios imipa: “Iya' ÑanDios; iñenDios Abraham, Isaac, Jacob.” ³⁸ Ja'ni nulemma imanapola' iñniya, ÑanDios aimimiyá: “Iya' iñenDios iñniya”. ÑanDios iñenDios ts'iñmaf'i', a'i limanapola'. ÑanDios jahuay tixinnila' to ts'iñmaf'i'.

³⁹ Hualca lomxiye nomuc'iyalepá locuxepa ÑanDios italai'e'me, timiyi Jesús:

—Momxi, ac'a lonspa.

⁴⁰ Lijou'ma, ailopa'a quilicuis'ot'ñeconghua. Tixpañliquila'.

⁴¹ Jesús timila':

—¿Te conescompa: “Cal rey David itatañuelo cal Cristo, ÑanDios Lommeya”?

⁴² Peksi liniñña al je'e lan Salmo, David tuya'e':

ÑanDios ipalaic'o'ma ñañPouñña, timi:

“Tocutshuañña' fa'a al c'a camane.

⁴³ Ima' topajnlá' fa'a al c'a camane, ma' iya' ti'hua culiquila' lo'epoj laic'. Tijoula' ima' tocuxena'mola'."

⁴⁴ 'David linesco'ma cal Cristo ticua: "... laipoujna". ¿Te conescopa "laipoujna", ja'ni ilque cal Cristo i'hua David?

⁴⁵ Miquimf'eyi lan xanuc', Jesús timila' ts'ilihuequi:

⁴⁶ —To'etsotsi cuenna lomxiye nomuc'iyalepá locuxepa LanDios. Ipic'a tiyelococo'me tipo'no'me li'pijajhua' itoqui. Tetenicocola' tixinintsola' to lan c'a xanuc', tinonintsola' miyelocoyi la plazá. Ni petsi locuaicoyacu, ja'ni lajut'li pe lafoiyomma lan xanuc', ja'ni anuli al juic, tehueyi te co'ya micutshuolaiyacu pe li'huáqui xonca al c'a. ⁴⁷ Ihiya ma mi'e'eyotsi to lan c'a xanuc' texic'e'eyi hi'huexi lam potsateya. Ticoli tipalaic'oyi LanDios. Linca xonca tite'li'mi'mola'.

21

¹ Lijou'ma Jesús ehuelojm'mola' lan xanuc' ts'il'hueca acueca' mecajm'miyi li'pimoxna al caxax lopa'a jilpiya al cuecaj xoute'. ² Ixim'ma jouc'a anuli la'a'no' apotsate, ailopa'a qui'hueca. Ilque ti'nij'mi oque' al tomí. Ailopa'a quipitali, toco'ma to oque' centavo. ³ Jesús timila' ts'ilihuequi:

—Iya' camilhuo' al linca: Xonca acueca' lipimoxna licupa la'a'no' cal potsate, ailopa'a qui'hueca. ⁴ Ihe lan xanuc' ts'il'hueca acueca', ma le'a i'nij'mipá loyaf'pa. Ilque la'a'no' tehue'e', i'nij'mipa jahuay li'hueca. Ailopa'a co'nacoya loteja.

⁵ Hualca ts'ilihuequi Jesús tehuelojnyi al cuecaj xoute'. Ticuayi juaiconapa i'huáqui al c'a. Ilajncopa lan c'a capic'. Lan xanuc' joupa icupá li'tomí, ilanc'empa xonca al c'a. Jesús timila':

⁶ —Itsiya i'huáqui juaiconapa al c'a. Aimipaneya to'ta'a. Ticuaita litine jahuay tete'quehuo. Ni anuli lapic mipo'nof'queya lipima capic. Jahuay tica'nico'ma.

⁷ Ihe icuis'e'me, timiyi:

—Momxi, ¿te quitine to'ta'a ti'i'ma? ¿Te calsinyacu ai'a ti'i'ma to'ta'a?

⁸ Timila':

—To'po'note cuenna. Aimifel'mim'molhuo'. Axpela' ticuaicu, ticua'me: "Iya' ninCristo. LanDios alummepa." Jouc'a ticua'me: "Joupa icuaico'ma al Cueca' Quitine". Imanc' aimonlihuej'mola' nocuapá to'ta'a. ⁹ To'cuj' me lan xanuc' tifuleyi o tifuliquemma. Aimixpailij'molhuo'. Ticuicomma ti'i'ma to'ta'a. Li'a lamats' ti'hua ticol'ma.

¹⁰ Jesús ti'hua tipalaic'ola' ts'ilihuequi, timila':

—Lan xanuc' nomana' anuli al nación tifule'me nomana' locuenaj nación. Lan xanuc' nomana anuli hilemats' tehuoc'ai'mot'si nomana' locuena camats', tifule'me. ¹¹ Ni petsi li'a lamats' tinu'ma acuecaj cunanto, tite'co'me lumemma, jouc'a al cuana lolecopola'. Jilpiya lema'a acueca' lo'ya. Lan xanuc' tixim'me, tixpailij'mola'.

¹² 'Ai'a ti'i'ma to'ta'a imanc' to'te'co'me. Lan xanuc' ti'no'li'molhuo', tihuetsoquim'molhuo', ticum'molhuo' ticuaita quilmene lan xanuc' nocuxepá lajut'li pe lafoiyomma lan xanuc', ti'nicom'molhuo' lacarza, tilecom'molhuo' pe lomana' lan rey jouc'a pe lomana' locuenaye quincuxepá. Imanc' al'huaiyijmpa iya', toliya to'te'co'me to'ta'a. ¹³ Ni petsi loleconyacolhuo' tulu'i'mola' lan xanuc': "Ilanc' lihuejyi Jesús".

¹⁴ 'Itsiya aimot'sue'li'me, aimot'sue'me: "¿Te calcuayacu? ¿Te caltalai'e'ecoyacola' lan xanuc'?" To'po'note lo'picuejma', to'tesle nulemma: "Aimot'sue'li'me". ¹⁵ Iya' cu'i'molhuo' lo'tesnyacu. Capi'i'molhuo' colpicuejma' acueca'. Naixtuc'opolhuo' aimi'ya mitalai'eyacolhuo'. Ni aimimiyacolhuo': "A'ij linca lo'tespa imanc'". Aimi'ya minesyacu to'ta'a.

16 'Loŧ'aillí, loŧpimaye jouc'a lonŧejmalepá ticuftolhuo', ticuaita quiŧmane lincuxepá. Tima'am'molhuo' hualca imanc'. 17 Imanc' ts'alihuequi, toŧiya ni petsi lomana' lan xanuc' tixtuc'o'molhuo'. 18 Imanc' aimejac'yacolhuo', ni anuli lijuac loŧjuac aimejac'ya. 19 Toŧsnet'He jahuay lo'iyacolhuo', toŧta'a tulunŧul'me.

20 'Litine moŧsinyacu lan soldado canumicay al cuecaj quiŧya' Jerusalén ti'ila' coŧsina' aimicoŧya liŧya', tijouna'ma. 21 He litine ja'ni toŧmana' jilpe al distrito Judea tolinul'me, tonŧe'me lijualay. Ja'ni toŧmana' al cuecaj quiŧya' tolipalcu. Ja'ni toŧmana' pu'hua ŧimuc'o', aimoŧsuf lai'me liŧya'. 22 Jiŧniya litiné fa'a al cueca' quiŧya' tixim'me lateŧcoya. Ma to muya'e' al Paxi Linilŧingiya ma toŧta'a tenanŧco'ma jahuay. 23 Acuanuc'la lacaŧ'no' linnaila', jouc'a lacaŧ'no' notu'ipá liŧnaxque'. Titeŧco'me acueca' juaiconapa jifa'a li'a ŧamats'. Lan xanuc' nomana' tixim'me al cueca' lipoyac' LanDios. 24 Lin'ehuale laic' tima'acom'mola' a'espada. Jouc'a tifi'em'mola' ts'ilmafi', tilecom'mola' ni petsi li'a ŧamats'. Lan xanuc' ocuena quiŧnación, iŧne aimimetsaicoyi LanDios, ticuxe'me fa'a liŧya' Jerusalén. LanDios tepi'i'mola' lane ti'hua ticuxe'me. Tijouŧa' texic'e'ena'mola' licueya quiŧmane, aimicuxeconayacu liŧya'.

25 'Cal 'ora timuj'ma lo'iya. Jouc'a cal mut'ŧa jouc'a lan xamna timuj'me. Lan xanuc' nomana' li'a ŧamats', jahuay lan nación, tixhueŧco'me. Aiquiŧsina' te co'eyacu. Łaja tife'ne'moxi juaiconapa, titsahuehuo. Tixtu'ma Łaja, ticuequehuo acueca'. 26 Titafquecola' lan xanuc', ailopa'a co'eyacu. Tixim'me lan xamna tipai'i'me liŧpene. Tixpailij'mola' juaiconapa, tixhueŧco'me, tines'me: "¿Te xonca caŧteŧcoyacu fa'a li'a ŧamats'?"

27 'Iya' iŧque cal Xans Łiximpa cal profeta pu'hua lema'a. Iŧne litiné aŧsim'ma cacuaiconahuo jilpe ŧummahuay. Aŧsim'ma acueca' laipepaxi, aŧsim'ma ma' anuli LanDios.

28 'Tipangoŧa' iŧe lo'iya aimixpailij'molhuo'. Tixojla' conlata. Aimicoŧya loŧteŧcoyacu, tulunŧul'me.

29 Lijou'ma Jesús ipangopa i'onŧicopa lo'ipa al 'icux, jouc'a jahuay cal 'ec'. Timila' ts'ilihuequi:

—Toŧpo'nole cuenna lo'ipola' al 'icux jouc'a jahuay locuenaye cal 'ec'. 30 Tuxcuaf'caitsi lipela imanc' oŧsina' joupa icuaico'ma ŧinu'. 31 Ma' anuli, litine ti'ila' to laimipolhuo', ti'i'ma coŧsina' joupa icuaico'ma LanDios cal Cuecaj Rey. Jahuay tihuejco'me. 32 Iya' camilhuo' al ŧinca: Ma to liŧ'ejma' lan xanuc' nomana' itsiya litine, ma toŧta'a ti'i'ma liŧ'ejma' lan xanuc' nomajnyacu iŧe litine lo'iya to laimipolhuo'. 33 Lema'a y li'a ŧamats' tejac'mola', aimoŧsingonayacu. Laitaiqui' aimejac'ya, tipanehuo.

34 'Imanc' toŧ'etsotŧsi cuenna. Aimoŧ'e'me nixpiya, aimimeyoj'molhuo', aimoŧsueŧmot'ŧe'me te co'iya moluyalaicoyacu jifa'a lapajnya. Tolihuejcoŧe LanDios. Ja'ni a'i, timufc'o'molhuo' loŧpicuejma', ticuaitŧi al Cuecaj Quitine tixpaic'e'molhuo'. 35 Ticuaiyunni al Cuecaj Quitine lan xanuc' ni petsi lomana' li'a ŧamats' tixingufco'me. 36 ¡Toŧmaf'ile! ¡Ti'hua toŧjoc'ife LanDios! Joupa nu'ipolhuo' iŧe al cueca' lo'iya. Toŧsa'hueŧe LanDios, toŧmi'me: "Aŧoc'itsonga', lunŧu'etsonga'". Tijouŧa' tixoj'ma cunlata tolacaxingoŧaita pe laifpa'a. Iya' iŧque cal Xans Łiximpa cal profeta pu'hua lema'a.

37 Iŧne litiné Jesús timuc'ila' lan xanuc' jilpe el cuecaj xoute'. Lipuqui' tipamma liŧya', ti'hua lijuala Olivo. Iŧpe tipajnsa lic'ayca lipuqui'. 38 Mi'i'ma quitine jahuay lan xanuc' tiyeyi al cuecaj xoute', tiquimf'eta litaiqui' Jesús.

22

¹ Tehue'e' huata ti'i'ma al juic cuftine al Pascua. Mi'eyi juic titeji la'i aiqualai'inni levadura. ² Lixanuc' cal cuecaj ca'ailli' jouc'a lomxiye no-nuc'iyalepá locuxepa LanDios tehueyi te co'iya mima'anyacu Jesús. Tix-pailiquila', ja'ni tixtulecu lan xanuc'.

³ Lonta'a Satanás itsufaipa lipicuejma' anuli ilne limbamaj coquexi' ts'ilihuequi Jesús, ilque cuftine Judas. Locuena lipuftine Iscariote. ⁴ I'hua'ma pe lomana' lixanuc' cal cuecaj ca'ailli' jouc'a lapaluc' no'epá cuenna al cuecaj xoute'. Ipalaic'o'mola'. Ixpice'ma te co'iya micuya Jesús, ticuaitsi quilmane. ⁵ Ixoj'ma quileta ilniya. U'i'me tojua mulijya al tomí. ⁶ Judas icupa cataiqui' ticu'ma Jesús. I'huana'ma, ehuepa te co'iya micuya ilque. Ticua: "Aimicuej'me lan xanuc'".

⁷ Icuaitsi al juic titem'me la'i aiqualai'inni levadura. I'huajcopa litine tima'am'mola' laicanaxque' mot'í, ilne lotejnyacola' jilpe al juic Pascua. ⁸ Jesús umme'mola' Pedro y Juan, timila':

—Tonlete. Tolafot'letsá laltejacu alsnocota al juic Pascua.

⁹ Icuise'me, timiyi:

—¿Petsi calsmocoyoyacu? ¿Te cofcuapa?

¹⁰ Timila':

—Tonlete lilya', ma moltsuflaiyi lilya' tolsinna anuli cal xans itaic' lijuti caja'. Tolihuejtsa. Ilque titsufaita anuli lajut'í. ¹¹ Tolpalaic'ota lapoujna, tołmita: "Lalpomxi alummeponga' pe lofpa'a, ticuis'ehuo', timihuo': ¿Pe copa'a lajut'í pe lalsmocoyoyacu al juic Pascua, iya' jouc'a lalihuequi?" ¹² Ilque tilecotołhuo' al toncay lajut'í. Timuc'itolhuo' anuli al cuecaj cajut'í. Jilpe tipa'a jahuary, joupá ixhueya. Malpiya tołpo'nota laltejacu.

¹³ Ilne loquexi' ts'ilihuequi iye'me. Ixim'me ma to limipola' Jesús. Jilpe lajut'í ilanc'e'me calxmocojma'. ¹⁴ Ticuaitsi al 'hora tixmocote Jesús jouc'a li'apóstole icutshuołai'me, titetso'me. ¹⁵ Jesús timila':

—Aijanajpa juaiconapa alsnocote anuli ilca'a litejua' al Pascua. Aixina' icuaico'ma laiftełcuya. Ate'a alsnoco'me anuli. ¹⁶ Iya' camilhuo': Jifa'a li'a lamats' aicatetsoconaya ilta'a al juic. Ticuaitsi litine lan xanuc' tihuejcole LanDios ilCuecaj Rey, ile litine ti'icona'ma ile al juic, ti'i'ma ituca'. Jilpe linca catetsoconna.

¹⁷ Lijou'ma uhuof'ma al taza, ix'najtsi'i'ma LanDios, timila' ts'ilihuequi:

—Tuluhuanuf'le ilta'a al taza. Tolnsate jahuary imanc'. ¹⁸ Jifa'a li'a lamats' aicaxnaconaya lija' uva. Ticuaitsi litine tixinle LanDios micuxe, ile litine, linca caxnaconna.

¹⁹ Epef'ma anuli la'i. Ix'najtsi'icona'ma LanDios. Ixquenuf'ma, epi'i'mola' ts'ilihuequi, timila':

—Jilca'a aicuerpo laifcuya cunlu'e'molhuo'. Tolihuej'me tołta'a, al'nujuaisco'ma iya' laif'eya.

²⁰ Lijoupa lixmocopa ix'najtsi'icona'ma LanDios, icufi'mola' al taza. Uhuof'ma timila':

—Ilta'a aijuats' laifxcuajaiya cunlu'e'molhuo'. Ma mixcuajaiquemma laijuats' calinc'i'ma al ts'e cataiqui', LanDios lopo'no'ipolhuo' imanc' ixanuc'.

²¹ 'Jahuary imanc' a'i ixanuc' LanDios. Jifa'a tipa'a ilque łalcuya. Alpo'nof'iyi łalmane al mesa anuli. ²² Iya' ilque cal Xans Liximpa cal profeta pu'hua lema'a. Itsiya ca'huana'ma laipene. Ma tołta'a la'iyá. Tijoułá' acueca' a'ijc'a juaiconapa tuyaico'ma cal xans łalcuya.

²³ Ts'ilihuequi ipango'me icuis'e'moltsi, timiyoltsi:

—¿Naitsi illanc' ti'e'ma tołta'a?

²⁴ Lijou'ma ipango'me ifuli'i'mołtsi cataiqui', naitsi xonca cal cueca'.
²⁵ Jesús timila':

—Lan xanuc' pe aimimetsaicoyi LanDios lan tsilaj quincuxepá ti'e'eyołtsi quipoujnalá. Ts'it'penic' ticuayi: “Illanc' linca ałtoc'ila' lałxanuc', ałcuxela' al c'a”.²⁶ Imanc' aimonł'e'me tołta'a. Toł'ełe ituca' loł'ejma'. Imanc', itque xonca ts'i'huaj'me ti'e'exoxi ti'onłcotsi to la'hua. Itque nocuxepa xonca, ti'e'exoxi ti'onłcotsi to cal mozo.²⁷ ¿Naitsi itque xonca cal cuecaj xans? ¿Ja'ni itque łocutsuya notetsopa? o ¿ja'ni cal mozo lo'hua'apa al pime? Itque łocutsuya linca xonca acuecaj xans. Lałmajmpa anuli iya' ał'onłcospa to cal mozo.

²⁸ 'Imanc' aixanuc' aicalpo'nohuo caituca'. Capa'a fa'a li'a lamats' ałtełcopá anuli.²⁹ Jouc'a ałcuxena'me anuli. Cai'Ailli' joupa lapi'ipa laimane cacuxe'ma. Jouc'a iya' capi'ilhuo' lołmane tołcuxe'me.³⁰ Ticuaitsi litine lihuejco'ma jahuay lan xanuc' iya' imanc' ałcutsolai'me anuli, ałtetso'me, ałsna'me. Imanc' tołcutsolai'me lołcuecaj asiento, tołspijta lataiqui', tołcuxe'mola' lołxanuc', ilne liłxanuc' limbamaj coquexi' linaxque' lołtatahuelo Israel.

³¹ Jesús ipalaic'opa Simón Pedro, timi:

—CumSimón, Satanás ixa'huepa lane tehuai'molhuo' imanc'. Cal xans nofusya litrigo tipa'a'ma lipifuc, tipanehuo pangay c'a. Tołta'a ti'i'molhuo' imanc' lahuaiyinyacolhuo'.³² Aixahue'epa LanDios titoc'itso' ima' cumSimón. Tołta'a ima' ti'hua ał'huaiyinge, aimalpo'nohuo nulemma. Tijoula' tehuaiyintso' ima' toxhuej'meconahuo, lihuejcona'ma. Iłniya litiné totoc'itsola' lopimaye, tapi'itsola' liłpujfxi jouc'a.

³³ Pedro timi:

—Maipoujna, joupa aipo'nopa laipicuejma'. Ni petsi lołtseya ca'hua'ma jouc'a. Ja'ni ti'nołintso' ti'hua'antso' lacarza, ja'ni tima'antso', jahuay ti'e'entso' iya' cacua: Ma ał'e'entsonga' anuli. Aicalpo'noyaco' cotuca'.

³⁴ Timi:

—CumPedro, camihuo': Iłta'a lipuqui', ai'a tija'a'ma łangiti, ima' tones'ma afanemma: “Aicainimetsaijma Jesús”.

³⁵ Icuise'mola' ts'ilihuequi, timila':

—Iłe litine lainumme'molhuo' aicołtai'me cołponta, ni cołmorrall, ni cołc'ejí, ¿te ehue'e'molhuo'?

Timiyi:

—Ailopa'a calahue'ehuo'monga'.

³⁶ Timila':

—Itsiya ituca' lo'iya. Camilhuo': Naitsi ts'i'hueca liponta tomí, titaila'. Naitsi ts'i'hueca łimorrall, titaila' jouc'a. Ja'ni ailopa'a qui'espada, ticujla' lipuquiya, ti'nacola'.³⁷ Al Paxi Liniligiya tuya'e': “Itque itel'mim'me to lotel'mimpola' ilne no'epá quixcay”. Iłe liniligiya ałnescopa iya' lał'iya. Camilhuo': Tenanł'ma.

³⁸ Timiyi:

—Mał'ailli', jifa'a tipa'a oquej lan 'espada.

Timila':

—Ne', tipajnla'.

³⁹ Jesús ipanni lajut'ł, ma to mi'ay i'hua'ma lijuaj Olivo. Ts'ilihuequi ihuej'me.⁴⁰ Icauicontsa petsi lotsepa. Jiłpiya timila' ts'ilihuequi:

—Tołjoc'ile LanDios. Tolsa'huele aimehuaiyim'molhuo'.

⁴¹ Ipo'no'mola' quilituca', i'hua'ma ni huata, itojf'e'moxi le'a lipiculi' to taca'nila' anuli łapic. Exc'onłhuai'ma, tijoc'i LanDios, timi:

⁴² —Mai'Ailli' liłonc'e'ela' ilca'a al cueca' laiftełcopa, ja'ni tołta'a oxpic'epa. Tama tołta'a laifmipo' jouc'a camihuo': To'ela' ma to lołf'pic'epa a'i to iya' laif'pic'epa.

⁴³ Iximpa icuaico'ma anuli lapaluc quema'a. Tepi'i' quipujfxi, ti'ommai'tsi.
⁴⁴ Lijou'ma ipango'ma ihuotsonni xonca, unlejma hunxajma'. Xonca ihui'i'ma
 ixa'hue'ma LanDios. Ijaftsi, titats'quemma lamats', tocomma ajuats'.

⁴⁵ Lijoupa lijoc'ipa LanDios itsahuenanni, i'hua'ma pe lomana' ts'ilihuequi.
 Ixim'mola' tixmai'yi. Lihuotsoqueya ulij'mola', i'no'l'mola' lahuí. ⁴⁶ Timila':

—¿Te colmaicopa? To'tsolinca, to'ljoc'ite LanDios. To'tsa'hue'te titoc'itsolhuo',
 aimehuaiyim'molhuo'.

⁴⁷ Ma mipalay Jesús icuaitsa axpela' lan xanuc'. Judas, itque anuli ihniya
 limbamaj coquexi' ts'ilihuequi Jesús, i'huaj'me'ela' lan xanuc'. Icuaitsi pe
 lopa'a Jesús, tituc'o'ma. ⁴⁸ Jesús timi:

—Judas, ¿te atuc'o'ma? Iya' itque cal Xans Liximpa cal profeta pu'hua lema'a.
 ¿Te atuc'o'ma, tijoula' atcu'ma?

⁴⁹ Niyejmalepá Jesús lixim'me lo'ipa timiyi:

—Ma'l'ailli', ¿atfuleco'me a'espada?

⁵⁰ Anuli ts'ilihuequi ixcai'e'ma limozo cal cuecaj ca'ailli'. Etec'e'e'ma lix'mas,
 al c'a camane. ⁵¹ Jesús timila' lan xanuc':

—Lapi'ila' lane.

Itafc'e'e'ma lix'mas itque cal xans. Ixa'l'mena'ma.

⁵² Ipalaic'o'mola' itne nicuaitsa ti'no'l'me. Ihniya ixanuc' cal cuecaj ca'ailli',
 jouc'a incuxepá lapaluc' no'epá cuenna al cuecaj xoute', jouc'a lan tsilaj
 xanuc' noxpijpá lataiqui'. Timila':

—Imanc', ¿te colcuaiyoco'me fa'a oltaic' lo'espada, lon'ec, al'no'la'? ¿Te
 al'on'cospa to linma'ahuale? ⁵³ Itine itine almana' anuli jilpe al cuecaj xoute'.
 Aimal'nohi. Itsiya linca ton'e'me ts'olpic'a. Itsiya ti'hua limane nocuxepa al
 muf.

⁵⁴ I'no'l'me Jesús, ileco'me lejut'l cal cuecaj ca'ailli'. Pedro ihuequi aculi'.

⁵⁵ Jilpiya lipuna quejut'l cal cuecaj ca'ailli' icue'empá lunga, icutsingolai'me.
 Pedro icutsingai'mola'. ⁵⁶ Lipal'cunga tulif'e' li'a Pedro. Anuli cal mozo aca'no'
 ehuelojm'ma, timila' lan xanuc' nomana' jilpiya:

—Itque cal xans jouc'a itejmale Jesús.

⁵⁷ Pedro icuanajpa, timi:

—Maca'no', aicainimetsaijma.

⁵⁸ Lijou'ma nihuata ocuena cal xans ixim'ma Pedro, timi:

—Ima' jouc'a unlejmale Jesús.

Pedro timi:

—Cunxans, a'i iya'.

⁵⁹ Uyai'ma to anulij hora. Ocuenaj cal xans ihui'i'ma, timila' locuenaye
 nomana' jilpe:

—Ma' al linca itca'a cal xans itejmale Jesús. Itca'a jouc'a las Galilea.

⁶⁰ Pedro timi:

—Cunxans, aicaixina' te cofnespa, ni aicaicueca.

Mipalay Pedro to'ta'a ija'a'ma langiti. ⁶¹ La'l'Poujna Jesús ipai'e'moxi,
 ehuelojm'ma Pedro. Pedro i'nujuaitsi lataiqui' limipa: “Ita'a lipuqui' ai'a
 tija'a'ma langiti ima' tones'ma afanemma: Aicainimetsaijma Jesús.” ⁶² Ipanni,
 ijojtsi talay.

⁶³ Lan xanuc' no'epá cuenna Jesús ipango'me ilotsoco'me. Untaf'me c'ec.

⁶⁴ Ifi'e'e'me li'u', ticuis'eyi, timiyi:

—¡Tocua'ala'! ¿Naitsi nuntafpo'?

⁶⁵ Jouc'a imiloj'me axpe' quixcay cataiqui'.

⁶⁶ Liñic'ejma' ileco'me Jesús pe lefoya lan tsilaj xanuc' noxpijpá lataiqui' jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa ÑanDios. ⁶⁷ Timiyi:

—Ja'ni ima' unCristo, ummepo' ÑanDios, lu'itsonga'.

Timila':

—Ja'ni cu'itsolhuo' imanc' aimoñeyacu ñinca laitaiqui'. ⁶⁸ Ja'ni quicuis'etsolhuo' aimatñalai'eya. ⁶⁹ Iya' ñique cal Xans Liximpa cal profeta pu'hua lema'a. Tuyaiña' itsiya cacutsainata al c'a camane ÑanDios. ñique jahuay nipajnya ti'e'ma.

⁷⁰ Licuejpá ñe linespa Jesús jahuay ñniya lan xanuc' timiyi:

—¿Te ima' i'Hua ÑanDios?

Timila':

—Ma to imanc' moñesyí, ma' iya'.

⁷¹ Ticuayi:

—Itsiya' ñinca aimalahueyacola' nocufyacu xonca. ñica'a quituca' ecani'epoxi. Joupa añcuejpá.

23

¹ Jiñpe lefoya jahuay ñniya itsolinamma, i'hua'a'me Jesús pe lopa'a Pilato, ñique cal gobernador. ² Ipango'me icuf'me, timiyi Pilato:

—Añquimf'epá ituca' lomuc'iyalepa ñique cal xans. Tipai'ila' liñpicuejma' lañxanuc'. Tu'ila' aimi'ñajtse'eyacu loxahue'epola' cal cuecaj quincuxepa César. Ticua: “Iya' ninCristo, ninRey”.

³ Pilato icuis'e'ma, timi:

—¿Te ima' ñrey lan xanuc' judío?

Italai'e'ma timi:

—Al ñinca lofcuapa.

⁴ Pilato ipalaic'o'mola' lixanuc' cal cuecaj ca'ailli' jouc'a locuenaye liyejmalepá, timila':

—Ñique cal xans iya' aiximpa ailopa'a qui'epa. Ailopa'a quijunac'.

⁵ Ihui'i'me, timiyi:

—Tipai'ila' liñpicuejma' lañ'as xanuc' judío. Ni petsi timuc'iyale. Ipangocopa imuc'iyalepa jiñpe al distrito Galilea, itsiya icuai'ma fa'a liya' Jerusalén.

⁶ Pilato licuej'ma tinesyi al distrito Galilea, icuis'e'ma ja'ni Jesús qui'huayomma Galilea. ⁷ Ticuayi: “Ñinca, qui'huayomma Galilea”. Jiñpe Galilea ticuxe cal rey Herodes, itsiya copa'a Jerusalén. Pilato aiquicoñ'ma, umme'ma Jesús jiñpe pe lopa'a Herodes. ⁸ Lixim'ma Jesús, Herodes ixoconni queta. Axpe' mut'ña tjanaca tixinña' Jesús. Joupa icuejpa acueca' lo'epa. Ticua: “Iya' jouc'a añmuc'i'ma al cueca”.

⁹ Licuaitsi Jesús juaiconapa icuis'mot'ñe'ma. ñique aiquitalai'e. ¹⁰ Jiñpe jouc'a tecaxolanna lixanuc' cal cuecaj ca'ailli' jouc'a lomxiye nomuc'iyalepá locuxepa ÑanDios. Ticufyi juaiconapa Jesús. ¹¹ Herodes jouc'a lisoldado etets'i'me Jesús, ilotsoco'me. Itats'mi'me al c'a lijahua', to lopo'noyacu lan rey. Ipai'econanca pe lopa'a Pilato. ¹² Li'ipa Herodes y Pilato ti'eyoñsi laic'. ñiya litine ipalaic'ona'moñsi.

¹³ Pilato efot'ñe'mola' lixanuc' cal cuecaj ca'ailli' jouc'a ts'ñpenic' lan xanuc' judío, jouc'a ocuenaye xanuc', ¹⁴ timila':

—Imanc' añcuai'e'ma ñica'a cal xans. Añmi: “Tipai'ila' liñpicuejma' lan xanuc”.

Imanc' joupa añcuejpá lainicuis'epa ñique. Iya' cacua: Ailopa'a toñña'a quijunac'. ¹⁵ Ma' anuli ticua Herodes. ñique ipai'enamma, ummeconapa jifa'a pe lañmana'. Ailopa'a qui'epa Jesús. Aimi'iya canesya: Tima'anñe. ¹⁶ Cacuxe'ma tipalojle, tijouña' cux'masna'ma.

17 He al juic Pascua ticuicomma Pilato tux'mas'ma anuli litats'ia.

18 Jahuay ija'a'me, timiyi:

—Itque cal xans, ¡Tocula'! ¡Tileconle! ¡Tima'antsa! Illanc' atpic'a Barrabás. Tox'masla' itque.

19 Itque Barrabás ehuoc'aipola' lan xanuc' nomana' liya' Jerusalén. Inma'ahuale. Totiya itats'ia.

20 Pilato ipic'a tux'masna' Jesús. Ipalaic'ocona'mola', timila':

—Cux'masna'ma Jesús.

21 Italai'e'e'me, ija'a'me timiyi:

—¡Tapafts'ijnla' lancruz! ¡Tapafts'ijnla' lancruz!

22 Ipalaic'ocona'mola'. I'ipa afanemma mipalaic'ola'. Timiconala':

—¿Te caifnepafts'ijncoya lancruz? ¿Te quixcay qui'epa? Ailopa'a qui'epa. Aimi'ia mima'anyacu. Cacuxe'ma tipalojle, tijoula' cux'masna'ma.

23 Ija'a'me juaiconapa. Ihui'i'me, timiyi:

—¡Tapafts'ijnla' lancruz!

Lijou'ma ulij'me ihniya lan xanuc'. 24 Pilato icuxe'ma ti'ila' ma to ts'itpic'a.

25 Ux'masna'ma litats'ia loxahue'epa, itque Barrabás, lehuoc'aipola' lan xanuc', inma'ahuale xans. Icu'ma Jesús, ti'e'ete ma to lan xanuc' lonespa ti'ila'.

26 Ileco'me Jesús. Miyeyi lane italecuf'me anuli cal xans i'ehuo'ma canic' himuc'o', ipainamma cotsenapa liya'. Itque cal xans cuftine Simón, las Cirene. I'nof'me, ipo'nof'i'me lixpula' lancruz Jesús, titaila', ti'huanc'otela'.

27 Henc'e axpela' lan xanuc' jouc'a laca'no', tijolijyi tihuotsoyi lo'e'enyacu Jesús. 28 Jesús ipai'e'moxi, ipalaic'o'mola', timila':

—Imanc' cunc'aca'no' Jerusalén, aimajojcumle'ma iya' la'ia. Totjojcumletsotsi lo'iyacolhuo' imanc', lo'iyacola' lo'naxque'. 29 Ticuaihuo hitiné tu'i'motsi: “Laca'no' lijuitqui xonca tixoqui quileta ihniya, aimixhuehmot'leyi. Ine pe aiquilsina' quihua, aiquiltu'i, jouc'a tixoqui quileta, aimixhuehmot'leyi.”

30 Ihniya hitiné lan xanuc' tixim'me acuecaj caxpaiqui'. Tipalaic'o'me cal tsilaj quijualay, timi'me: “Tacangenni lacanaf'caitsonga”. Lan tsocay quijualay timi'me: “Lamitsonga”. 31 Iya' al'onlcospa to lic'axhui c'ec. Ja'ni tola'a la'ipa iya', ¿te ts'i'ic' lo'iyacola' ihniya lo'onlcospola' to al 'ec joupa iju'pa? Acueca' xonca lotelcoyacu ihniya.

32 Jouc'a ilecom'mola' oquexi' lan xanuc', ihne i'epá quixcay. Tapafts'ingintsa Jesús jouc'a tepafts'inginnola' ihniya.

33 Icuaitsa jilpe cuftine Lecoye. Jilpiya epafts'ingintsa Jesús lancruz. Jouc'a epafts'ingim'mola' jilne loquexi' ni'epá quixcay. Anuli epafts'ingim'me al c'a camane Jesús, locuena loxa camane. 34 Jesús tixa'hue qui'Ailli', timi:

—Mai'Ailli', taimenc'e'ecotsola' lo'epa. Aiquilsina' lo'epa.

Lan soldado tif'ilcoyi lipijahua' Jesús, naitsi nolijya. 35 Lan xanuc' tecaxolanna jilpiya tehuelojnyi. Lincuxepá tipalaicoyi Jesús, tetets'iyi, ticuayi:

—Ocuenaye xanuc' unlu'e'mola'. Ja'ni ma'que aCristo, lummepa LanDios, hi'Huij'epa LanDios, itsiya tunlu'exoxi.

36 Ma' anuli lan soldado imiloj'me quixcay cataiqui'. Icuaitsa icufi'me al cuxac vino, 37 timiyi:

—Ima', ja'ni ima' itrey lan xanuc' judío, tonlu'exoxi.

38 Al toncay hijuac Jesús epafts'ijnja lancruz anuli laca'hua caxma, jilpe iniliya ticua: “Itca'a itrey lan xanuc' judío”.

39 Anuli ni'epa lixcay, jouc'a ilpe tepafts'ijnja lancruz, timiloqui quixcay cataiqui', timi:

—Ima', ja'ni umCristo, tonlu'exoxi jouc'a lunlu'etsonga' illanc'.

⁴⁰ Locuena itale'ma lif'as quixcay xans, timi:

—¿Te aimoxpaic'e LanDios? Ima' jouc'a ecani'empo', alma'a'monga'. ⁴¹ Illanc' lapi'imponga' al hijca. Al'epa quixcay, al'tel'minninga'. Itca'a cal xans ailopa'a qui'epa. ⁴² Timi Jesús:

—Maipoujna, ticuaiti litine tocuxetsola' lan xanuc', ja'l'nujuaisla' iya'!

⁴³ Jesús timi:

—Iya' camihuo': Itsiya linca alcuaita anuli jilpe al Paraíso.

⁴⁴ I'ipa to menac'o. Ni petsi jilpe lamats' imufc'o'ma. Al muf icot'ma afane' hora. ⁴⁵ Emi'moxi cal 'ora. Jilpe al cuecaj xoute' tipa'a lijahua' lojujnya ts'ipa'ne lajut'l' xonca al Paxi. Lixhuaita al fanej hora ile lijahua' its'alquenni tejmay lamats', i'i'ma oque'. ⁴⁶ Jesús ija'a'ma ujfxi, timi qui'Ailli':

—Mai'Ailli', capi'inahuo' lai'espíritu, tapenufnala'.

To'ta'a licua'ma exnalif'ma, imana'ma.

⁴⁷ Nocuxepola' lan soldado lixim'ma li'i'ma imetsaico'ma acueca' LanDios. Ipalaicopa Jesús, ticua:

—Itque cal xans linca ailopa'a qui'epa, alijca xans.

⁴⁸ Jilpiya timana' lan xanuc' icuaicoco'me tixinte lo'iya. Lehuelojmpá to'ta'a li'ipa, ihniya ixpailij'mola'. Tuntafyi hilunxajma', iyena'me tixhuekoyi.

⁴⁹ Lilejmale Jesús jouc'a laca'no' ilne quiyoyomma Galilea ilihuequi, jahuay ihniya tecaxolanna aculi'. Tehuelojnyi lo'iya.

⁵⁰ Jilpe liya' Jerusalén tipa'a anuli cal xans cuftine José. Itque anuli lan tsilaj xanuc' noxpijpá lataiqui'. Ac'a xans, ti'ay ma le'a al hijca. ⁵¹ Itque ai-quetencocojma quilspic'e lif'as xanuc' noxpijpá. Ilne ixpic'epá tima'ante Jesús, ima'apá. Lipi'ya' José cuftine Arimatea, lopa'a al distrito Judea. I'huaijma ticuaiti litine tihuejcole LanDios li'Rey jahuay lan xanuc'.

⁵² José i'hua'ma pe lopa'a Pilato. Ixahue'e'ma tepi'inte lane tipu'mata licuerpo Jesús, titaina'ma teminna. ⁵³ José ipu'huona'ma licuerpo Jesús, iju'eco'ma anuli al cuecaj quijahua' lilanc'ecompa alino, i'nicotsi anuli al pu'hua cunts'eja' lipupa lapic. Ailopa'a quemimpa jilpe lipu'hua capic. ⁵⁴ Ite litine aviernes, ai'a litine conxajya. Ni huata tehue'e' ticuaiti litine conxajya.

⁵⁵ Laca'no', ilne quiyoyomma Galilea liyejmalepá Jesús, ilenc'ot'le ilihuequi José. Ixim'me al pu'hua. Ixim'me jouc'a pe li'nicompa licuerpo Jesús.

⁵⁶ Lijou'ma iyena'me liya' Jerusalén. Tefot'leta hitamqui, tipo'no'i'me licuerpo Jesús. Jouc'a tilanc'eta laceite lojuepa c'a, ti'ot'hi'me licuerpo.

Licuaiti litine conxajya tunxajyi ma to loya'apa locuxepa LanDios.

24

¹ Lihuequi litine, al te'a litine al xamano, ile al domingo, ai'a ti'i'ma quitine, ipalunca laca'no', iye'me al pu'hua. Itai'me hitamqui lefot'lepa. ² Licuaitsa jilpiya ixim'me cal cuecaj capic leti'icompa lico cunts'eja' joupa ilonc'empa, imelfai'empa, tipo'noya liju'. ³ Itsuflai'me. Aiquixim'me licuerpo la'Poujna Jesús. ⁴ Aiquilcueca li'ipa. Aiquilsina' te co'eyacu. Aiquico'la' ixim'me oquexi' lan xanuc', ma'piya lileju' tecaxolanna. Lijpijahua' tunts'ifi to lepalc'o'. ⁵ Laca'no' ixpailij'mola' juaiconapa. Ic'ommo'laipá uhuenacopá lamats'. Ihniya lan xanuc' timinnila' laca'no':

—Fa'a tipo'nom'mola' lomanapola', ¿te colahuecopa itque himaf'i cal xans?

⁶ Itque lolahuepa fa'a ailopa'a. Imaf'inapa, itsahuenamma. To'nujuaitsa limipolhuo' ma mo'mana' anuli al distrito Galilea. ⁷ Imi'molhuo': “Iya' itque cal Xans liximpa cal profeta pu'hua lema'a. Alcu'ma lan xanuc', ilne pe aimihuejcoyi locuxepa LanDios. Alapa'ls'inginna lancruz. Afane' litine camaf'ina'ma, catsahueno.”

8 Licuej'me tołta'a, lacał'no' i'nujuaitsa limipola' Jesús. 9 Ipailinamma. Icuaitsa liłya' uya'a'me li'ipa. U'int sola' limbamaj nuli lan apóstole jouc'a locuenaye liyejmalepá Jesús. 10 Iñe lacał'no' anuli aMaría łas Magdala, locuena aJuana, locuena María iłque qui'máma' Jacobo. Jouc'a tiłmana' locuenaye lacał'no' liyejmalepá. Iñiya nuya'apá timinnila' lan apóstole.

11 Lan apóstole aimi'eyi łınca iłe liłtaiqui' lacał'no' luya'apa. Imi'mołtsi: “Ma le'a ticuayi”.

12 Pedro itsahuemma, inu'ma ticuaita pe lopa'a al pu'hua. Licuaitsi jilpiya ehuelojmhua'ma al c'a. Ixim'ma ma le'a lijuhua' liju'ecompa licuerpo Jesús. Ipainanni, i'huana'ma liłya'. Timiyoxi: “¿Te qui'ipa?”

13 Małe litine oquexi' liłejmale Jesús tiyeyi lane ticuaita liłya' cuftine Emaús. Lipiculi' Jerusalén to imbamaj nuli kilómetro. 14 Iñe tipalaic'oyołtsi, ti'nujuaisyi jahuay li'ipa. 15 Mipalaic'oyołtsi, micuis'eyołtsi, mu'iyolołtsi icuaitsi Jesús. Iyejmale'me anuli. 16 Iñe aimimetsaicoyi Jesús. Łan Dios aiquepi'ila' lane. 17 Jesús timila':

—Imanc' monłeyi lane, ¿te cołmipołtsi?

Ecaxołenca. Ixhuełconca. I'i'ma cafcuana liłxans. 18 Anuli iñiya, iłque lipuftine Cleofas, itala'i'e'e'ma, timi:

—Lan xanuc' nomana' Jerusalén, jahuay iñiya iłsina' li'ipa jilpiya iłna'a łitiné. Ja'ni ma lun Jerusalén, ja'ni locuenaye xanuc', jahuay iłsina'. ¿Te ma le'a ima' aicoxina'?

19 Timila':

—¿Te qui'ipa?

Iñe timiyi:

—Ał'nujuaisyi li'ipa Jesús łas Nazaret. Iłque aprofeta, acueca' łitaiqui', li'epa acueca' jouc'a. Łan Dios jouc'a lan xanuc' imetsaicopá. 20 Lixanuc' cal cuecaj ca'ailli' jouc'a lałxanuc', iñe lan tsilaj xanuc' noxpilpá łataiqui', icupá tima'anłe, epałts'ingimpá lancruz. 21 Illanc' ałcuapá iłque alunłu'e'monga' illanc' ixanuc' Israel, tulij'mola' lał'eponga' laic'.

Iłsiya ixhuaita afane' quitine quima'anni, joupa imanapa. 22 Hualca lacał'no' iñe lałejmalepá ałspaic'ehuo'monga'. Ai'a ti'i'ma quitine iñiya itsehua'me pe lopa'a al pu'hua. 23 Licuaitsa jilpiya aiquiłsina' licuerpo Jesús. Ipailinamma. Alu'iponga': “Ałsimpola' oquexi' lapaluc' quema'a. Iñiya ałmiponga' Jesús imaf'i.”

24 'Lijou'ma hualca lałejmale itsehua'me al pu'hua. Ixinghuo'me ailopa'a licuerpo ma to luya'apa lacał'no'. Małque Jesús aiquiłsina'.

25 Iłque timila':

—Imanc' tocomma ailopa'a cołpicuejma'. ¿Te aimi'iya molapenufyacu linespa lam profeta? 26 ¿Ja'ni aicołsina' joupa ixpic'empá titetcoła' cal Cristo y tijouła' tepenuf'ma limane ticuxe'ma jahuay?

27 Jesús ipango'ma uhuał'ma łataiqui' linilpa Moisés, lijou'ma uhuał'ma linespa lam profeta, ti'hua tuhuałque jahuay loya'apa al Paxi Linilngiya petsi lopalaicopa małque Jesús.

28 Icuaitsa liłya' pe loyepá, Jesús tocomma to tuyai'ma. 29 Loquexi' timiyi:

—Aimoyai'ma. Topanenni. Joupa if'acołai'pa cal 'ora. Ałmanenca.

Jesús itsuflaipá lajut'ł anuli iñe. Imanenca. 30 Icutsołai'me titetso'me. Jesús epef'ma łai'i, ix'najtsi'i'ma Łan Dios, ixquenuf'ma, epi'i'mola'.

31 Tocomma to exi'enni lił'u'. Imetsaico'me Jesús. Aiquicoł'ma, aits'ixim'me, tocomma to joupa i'huanapa. 32 I'nujuaitsa li'ipola' miyeyi lane, imi'mołtsi:

—Małeyi lane anuli, małpalaic'onga' iłque, muhualque al Paxi Linilngiya, łınca ałsingufcopá acuecaj mafca łalunxajma'.

³³ Maŕpe 'hora itsolinca, iye'me Jerusalén. Licuaitsa ixinim'mola' limbamaj nuli lan apóstole, jouc'a locuenaye liyejmalepá Jesús efoŕya, ³⁴ ticuayi:

—Al linca imaf'inapa Caŕ'ailli', joupa itsahuenamma, Simón iximpa.

³⁵ Loquexi' uya'a'me li'ipola' miyeyi lane. Timiyi:

—Lixquenuf'ma ła'i, jiŕpe limetsaicopá Jesús.

³⁶ Mipalaic'oyoŕtsi toŕta'a icuaitsi Jesús. Ecax'ma nolojmay. Timila':

—Aimoŕsueŕmot'le'me.

³⁷ Iŕniya ixpailij'mola' juaiconapa. Aiquiŕsingufi ja'ni Jesús. Ticuayi:

—Acue quinxpaic'ale.

³⁸ Jesús timila':

—¿Te coŕsueŕmot'ŕecopa? Jiŕpe loŕpicuejma' toŕcuayi: “¿Ja'ni Jesús o a'i?” ¿Te coŕnescocopa toŕta'a? ³⁹ Toŕsinŕe laimane', lai'mitsi'. Ma' iya'. Aŕ—lafla', toŕta'a ti'i'ma coŕsina' ma' al linca capa'a iya'. Lahuelojnla', tipa'a laipixic', laipecaŕ. Linxpaic'ale ailopa'a quipixic' quipecaŕ.

⁴⁰ Lijoupa limipola' toŕta'a imuc'i'mola' limane', li'mitsi'. ⁴¹ Iŕne ixoj'ma quileta juaiconapa. Afule micuec'eyi tipa'a Jesús. Ixim'me juaiconapa acueca' li'ipa.

Jesús timila':

—¿Te tipa'a łaifteja?

⁴² Epi'i'me łaj hualca łamixqui' catu. ⁴³ Epenuf'ma, mehuelojnyi iŕniya, ite'ma. ⁴⁴ Timila':

—Ma maŕmana' anuli iya' nu'ipolhuo' laŕ'iya. Nu'ipolhuo': “Jiŕpe litaiqui' Moisés, jouc'a litaiqui' lam profeta, jouc'a jiŕpe lan Salmo uya'a'me laŕ'iya iya'. Ticuicomma tenanŕa' jahuay.” Itsiya enanŕpa.

⁴⁵ Lijou'ma, epalc'o'i'mola' liŕpicuejma', ticuec'eŕe al Paxi Liniŕingiya.

⁴⁶ Timila':

—Al Paxi Liniŕingiya tuya'e': “Cal Cristo titeŕco'ma, tima'am'me. Afane' litine titsahueno, timaf'ina'ma, tipano pe lomana' limanapola'.” ⁴⁷ Jouc'a ticua: “Ni petsi li'a ła mats' tuya'am'me: Toŕsuej'menca, tolapenufle cal Cristo, toŕta'a ŁanDios timenc'e'eco'molhuo' loŕ'epa lixcay.”

'Jifa'a liŕya' Jerusalén tipangoŕa' iŕe loluya'ayacu. ⁴⁸ Imanc' joupa oŕsimpá jahuay laŕ'ipa, toluya'a'me. ⁴⁹ Cai'Ailli' joupa icupa cataiqui', icupa te ts'i'ic' lapi'iyacolhuo'. Toŕta'a iya' cumme'etolhuo'. Cai'Ailli' Nopa'a lema'a tepi'i'molhuo' coŕmane. Toŕmanenca fa'a Jerusalén, toŕ'huaicoŕe ti'ila' toŕta'a.

⁵⁰ Lijou'ma, Jesús ileco'mola', ipalyonca liŕya' Jerusalén. Icuaitsa liŕya' Betania. Jiŕpiya i'nof'e'ma limane, ipaxne'mola'. ⁵¹ Mipaxnela' enaj'moxi, ilecom'me al toncay. ⁵² Ts'ilihuequi exc'onŕcoŕinca.

Lijou'ma ipailinamma juaiconapa ixoj'ma quileta, iyena'me Jerusalén.

⁵³ Itine itine tiyeyi al cuecaj xoute'. Jiŕpe tix'najtsi'iyi ŁanDios.

Amén. Toŕta'a li'ipa.

LATAIQUI' LINIŁPA SAN JUAN LOYA'APA IŁE AL C'A LIXPIC'ĒPA ŁANDIOS

¹ Al te'a ai'a tipango'ma jahuay, tipa'a anuli łecui'impá Lataiqui'. Iłque łecui'impá Lataiqui' copa'a pe lopa'a ŁanDios. Iłque ma' anDios. ² Ai'a tipango'ma jahuay, iłne ŁanDios y Lataiqui', anuli tiłmana'. ³ Jiłquiya Lataiqui' ilanc'epa jahuay. Jahuay lopa'a lilanc'epa iłquiya. Ailopa'a cocuena nilanc'epa. Małquiya ilanc'epa jahuay. ⁴ Jiłquiya tipa'a lipitine. Nij naitsi lepi'ipa, ma iłquiya quituca' i'hueca lipitine. Iłque tepi'ila' liłpitine lan xanuc', tepalc'o'ila' liłpicuejma'. ⁵ Jifa'a li'a łamats' lan xanuc' juaiconapa amuf liłpicuejma'. Jiłquiya ti'hua tepalc'o'ila'. Jiłiya al cuecaj muf aimi'iya mipijya jiłque lipepalc'o'.

⁶ Tipa'a anuli cal xans cuftine Juan. ŁanDios epi'i'ma lipenic', ti'ela' ma to limipa. ⁷ Icuxe'epa tu'itsola' lan xanuc' naitsi iłque Łapalc'o'iyacola'. Jahuay ti'huaiyijnle jiłquiya Lepalc'o'. ⁸ Jiłque Juan a'i jiłquiya Lepalc'o'. Aimi'iya mepalc'o'iyacola' lan xanuc'. Le'a tipalaico'ma Łapalc'o'iyalepa. ⁹ Jiłquiya łopalaicopa Juan, iłque linca Epalc'o'. Icuai'ma fa'a li'a łamats', tepalc'o'ila' lan xanuc' ni petsi lomana'.

¹⁰ Łilanc'epa li'a łamats' icuai'ma fa'a, lan xanuc' aiqulimetsaijma. ¹¹ Petsi lomana' lipiłya' xanuc' małpiya icuaiyunni. Iłniya aiqulepenufi. ¹² Lan xanuc' nepenufpá, iłne no'huaiyijmpá, jiłquiya epi'i'mola' liłmane timetsaicontsola' inaxque' ŁanDios.

¹³ Iłne, ¿te ts'i'ic' li'ipola' inaxque' ŁanDios? ¿Te quił'ailli' acueca' xans? Ai. O, ¿te iłniya quiłtuca' liłpicuejma' ixpic'e'me ti'itsołtsi inaxque' ŁanDios? Ai. O, ¿te anuli cal cuecaj quincuxepa ixpic'epa, imipola': "Iya' cacua: Ti'itsola' inaxque' ŁanDios"? Ai. Ma ŁanDios ixpic'epa, tołta'a li'ipola' iłniya inaxque' ŁanDios.

¹⁴ Iłque łecui'impá Lataiqui' małque anDios, i'epoxi xans, icuaiyunni ma fa'a li'a łamats'. Ipajmpa pe lałmana', ałsimpá te ts'i'ic' lipicuejma' jiłquiya, małque cal Nuli qui'Hua ŁanDios. Ałsimpá ituca', ailopa'a xonca tołquiya. Iłque ma le'a ac'a lixpic'ejma'. Aimifellaique. Ałtoc'inga'. Lu'inga' al linca.

¹⁵ Juan Bautista tu'ila' lan xanuc':

—Ticuaihuo li'Hua ŁanDios.

Ujfxi ipalaic'o'mola', timila':

—Fa'a tipa'a iłque łaipalaicopa, aimipolhuo: "Iya' aicuai'ma ate'a. Tijouł'a ticuaihuo ocuena xonca cal cueca'. Jiłque linca cal te'a. Iya' ma ailaiłpa'a, jiłquiya tipa'a." Itsiya tołsinle, joupa icuai'ma. Ma fa'a tipa'a.

¹⁶ Iłquiya ixhuaiya lipicuejma'. Iłlanc' a'i quixhuaiya lałpicuejma', lahue'enga' axpe'. Iłquiya linca ixhuaiya lipicuejma'. Ałłanc'e'enga' lałpicuejma', ti'ila' al c'a. ŁanDios joupa ałtoc'iponga'. Itsiya' xonca ałtoc'inga'. ¹⁷ Lummepa Moisés, ałtoc'iponga'. Iłque uya'a'ma locuxepa ŁanDios. Itsiya xonca ałtoc'inga', ummepa Jesucristo. Małque ałtoc'inga', ałmuc'inga' jahuay al linca. ¹⁸ Nij naitsi niximpa ŁanDios. Cal Nuli qui'Hua ŁanDios tiłmana' anuli, ma' iłque ałmuc'iponga' li'ejma' ŁanDios.

¹⁹ Lan xanuc' judío, małniya nomana' liłya' Jerusalén, ummem'mola' la'aillí, jouc'a notoc'iyalepá la'aillí. Icuaiyunca pe lopa'a Juan Bautista, icuis'e'me, timiyi:

—¿Naitsi ima'?

²⁰ Juan u'i'mola' al linca, aiqumi'e'mola', timila':

—Iya' a'i ninCristo.

21 Icuis'econa'me, timiyi:

—Lu'itsonga', ¿naitsi ima'? ¿Te ima' unElías?

Timila':

—Iya' a'i.

Icuis'econa'me, timiyi:

—ŁanDios icuapa: “Cumme'e'molhuo' anuli łaiprofeta”. Itsiya illanc' licuis'ehuo', ¿te ima' ilque cal profeta?

Italai'e'e'mola', timila':

—Iya' a'i.

22 Icuis'econa'me, timiyi:

—Lu'itsonga', ¿naitsi ima'? Ticuicomma lu'itola' lalummeponga'. ¿Te cofnescoyacoxi? ¿Te ts'i'ic' lopenic'?

23 Juan italai'e'e'mola', ipalaico'moxi. U'i'mola' litaiqui' cal profeta Isaías, tuya'e':

Petsi ailopa'a quilya' tuya'e' anuli cal xans, tu'ila' lan xanuc':

“Tołłanc'e'ete lipene łalPoujna”.

Tołta'a ipalaico'moxi Juan Bautista.

24 Ihniya lummempola' nopalaic'opá Juan afariseo. 25 Ti'hua tipalaic'oyi Juan, timiyi:

—Ima' tocuá: “Ihniya cal Cristo, cal Elías, cal profeta łommeya ŁanDios, ilne ocuenaye, a'i iya’”. Ne'. Itsiya ¿te cofmepo'icopola' lan xanuc'?

26-27 Juan italai'e'e'mola', timila':

—Iya' capo'icola' aja'. Itsiya fa'a pe lołmana' tipa'a ocuena. Imanc' aicol-imetsaijma. Jilquiya xonca acueca' xans. Iya' ni aimi'iya cuhualc'e'eya lic'eji'. Tijouła' cajou'neła' iya' laipenic' ilque tipango'ma lipenic'.

28 Tołta'a li'ipa jilpe cuftine Betábara, lu'huaj quiyay al pana' Jordán, małpiya Juan tepo'iyale.

29 Lihuequi litine Juan ixim'ma Jesús icuaico'ma. Timila' lan xanuc':

—¿Tolsinte! Ilque liMoł ŁanDios. Tiłonc'e'e'mola' liłjunac' lan xanuc' no-mana' fa'a li'a łamats'. 30 Iya' joupa aipalaicopa ilquiya. Joupa nu'ipolhuo': “Cajou'neła' laipenic' ilque tipango'ma lipenic'. Ilque xonca acueca'. Iya' ma' ailaiŕpa'a jilque tipa'a.” 31 Iya' aicainimetsaijma. Iya' aicuaicoco'ma capo'itsolhuo' imanc' ixanuc' Israel, tolimetsaicole jilquiya.

32-34 Juan ma ti'hua tipalaijma Jesús. Tuya'e' li'ipa, ticua:

—Iya' aicainimetsaijma Jesús. Aicaixina' naitsi jilquiya. Aiximpa cal Espíritu Santo ti'onłcospa to anuli cal paloma, imumma ehuxaf'caipa lijuac Jesús. Małque ŁanDios łalummeŕpa capo'iyalełta' aja', ałmipa: “Toxim'ma timuy-ohuo lema'a cal Espíritu Santo. Tehuxaf'cai'ma lijuac anuli cal xans. Jilquiya aimepo'icoyacolhuo' aja'. Tepo'ico'molhuo' cal Espíritu Santo.” Tołta'a łalmipa ŁanDios. Itsiya camilhuo' jilquiya Jesús i'Hua ŁanDios.

35 Lihuequi litine tecaxhuołanna Juan jouc'a oquexi' ts'ilihuequi. 36 Juan ixim'ma Jesús ti'hua lane. Timila' ts'ilihuequi:

—¿Tolahuelojnle! Jilquiya iMoł ŁanDios.

37 Ihniya loquexi' ts'ilihuequi Juan icuej'me lonespa. Ihuejna'me Jesús.

38 Jesús ipai'e'moxi, ixim'mola' loquexi' ilenc'e, timila':

—¿Te colahuepá?

Ihniya italai'e'e'me Jesús, timiyi:

—Rabí, ¿pe copanc'epa?

(Lataiqui' “Rabí”, ilne ahebreo, ticuajmaispa: Omxi.)

39 Jesús timila':

—Tonłouyunca. Lepá. Tołsinna.

Iye'me, ixintsa jilpe pe lipanc'epa Jesús. Jounpa uyaipa nolojmay cum-muhuijma'. Imanequenca jile litine.

⁴⁰ Lijoupa licuejpa linesma Juan ilne loquexi' ihuejna'me Jesús, anuli cuftine Andrés, ilque ipima Simón Pedro. ⁴¹ Andrés ehueti lipima, ilque Simón, timi:

—Illanc' alsimpá cal Mesías.

Ile lataiqui' "Mesías" ticuajmaispa: Cal Cristo, ilque lommeya LanDios.

⁴² Andrés ilecohuona'ma Simón, icuaitsa pe lopa'a Jesús. Jesús ehuelojm'ma Simón, timi:

—Ima' unSimón, mi'hua Jonás. Ima' tecui'im'mo' unCefas.

"Cefas" ataiqui' hebreo. Mañe lataiqui' griego "aPedro", ticuajmaispa: Acueca' capic.

⁴³ Lihuequi litine Jesús ixpic'e'ma ti'hua'ma al distrito Galilea. Mi'hua lane italecuf'ma anuli cal xans cuftine Felipe. Timi:

—Lihuejnañá'.

⁴⁴ Jilquiya Felipe qui'huayomma Betsaida, ilpiya' Andrés y Pedro.

⁴⁵ Felipe ehuenta'ma anuli cal xans cuftine Natanael, timi:

—Moisés jout'a lam profeta ipalaicopa' anuli cal xans. Jounpa alsimpá ilque. Mañe Jesús las Nazaret, i'hua José.

⁴⁶ Natanael timi:

—Liya' Nazaret, ¿jilpiya tipa'a al c'a?

Felipe timi:

—Lepá. Toxinna.

⁴⁷ Jesús lixim'ma icuaico'ma Natanael. Inesco'ma, ticua:

—Jifa'a tipa'a anuli cal c'a xans. Ma' al finca i'hua Israel. Aimifellaique.

⁴⁸ Natanael icuis'e'ma, timi:

—¿Te li'ipa lalimetsaicopa? ¿Pe calsinyopolsi?

Jesús timi:

—Ai'a tijoc'i'mo' Felipe, aiximpo'. Cofpa'a lipunxahua la'icux.

⁴⁹ Natanael timi:

—Rabí, ima' i'Hua LanDios. Ima' mañe Rey illanc' ixanuc' Israel.

⁵⁰ Jesús timi:

—Ma le'a aimipo': "Aiximpo' cofpa'a lipunxahua la'icux", toñta'a al'huaijym'ma. Toxim'ma xonca' al cueca'.

⁵¹ Imiconama:

—Iya' camilhuo': Toñsim'me lema'a exiya. Alsím'ma al'onlcospa to al hualijm'ma petsi tif'ajliyi, tilimulumma lepaluc' LanDios. Iya' ilque cal Xans Liximpa cal profeta pu'hua lema'a.

2

¹ Uyaipa oquej quitine, lihuequi quitine i'i'ma juic camana jilpiya liya' Caná, al distrito Galilea. Jilpiya i'hua'ma qui'máma' Jesús. ² Ijoc'impola' Jesús jout'a ts'ilihuequi. Jilpiya icuaitsa al juic.

³ Ijouna'ma al vino. Qui'máma' Jesús u'i'ma, timi:

—Jounpa ijounapa al vino. Ailopa'a.

⁴ Jesús italai'e'e'ma qui'máma', timi:

—Momá, ¿te calmicopa toñta'a? Ai quixhuaiya lai'hora.

⁵ Qui'máma' timila' notoc'iyalepá:

—Ton'ete lomiyacolhuo' jilquiya.

⁶ Jilpiya timana' acamts'us lan tsila' capixú lilanc'ecompola' apic. Anuli anuli timangospa amalpu' nuxans o amaxnu litro laja'. Lan xanuc' ixhuico'me

laja' epajco'me lihpime o lihmane' o lih'mitsi', ma to lih'ejma'. ⁷ Jesús timila' notoc'iyalepá:

—Tohma'nile caja' ihne lapixú.

⁸ Timiconala':

—Itsiya tonlipa'ale tutani, tohmuc'itsa tixnac'otsi cal mayordomo.

Itai'me.

⁹ Notoc'iyalepá, ihniya nipa'apá al vino, ihina' petsi quipa'apa. Cal mayordomo aiqixina'. Ixnac'o'ma laja' joupa ipai'ipa, i'ipa avino. Ijoc'i'ma lamanepa, ¹⁰ timi:

—Ima', itsiya quite' luhua'inga' al c'a vino. A'i tohta'a mi'enni. Ate'a ticunni al c'a vino. Tijoula' tixnale axpe' vino lijoc'impola', tuhua'i'mola' a'ijc'a vino.

¹¹ Mipa'a Jesús lihya' Caná al distrito Galilea tohta'a ipango'ma imujpa lo'epa acueca'. Ts'ilihuequi imetsaico'me jilquiya ituca', xonca acueca', a'i to locuenaye lan xanuc'. I'huaiyijm'me.

¹² Imu'ma al 'ocay, icuaitsi lihya' Capernaum. Qui'máma' jouc'a lipimaye jouc'a ts'ilihuequi iyejmalena'me. Jilpe imanenca oque' afane' quitine.

¹³ Joupa icuaico'ma lijuic lan xanuc' judío. Jiliya al juic cuftine al Pascua. Jesús if'aj'ma al cueca' quihya' Jerusalén. ¹⁴ Jilpe linujnca al cuecaj xoute' ixim'mola' lincuale ticujyi huacax, mot'ł jouc'a paloma. Lan xanuc' ti'naji titsufco'me LanDios jilpe al cuecaj xoute'. Jouc'a ixim'mola' nopai'ipá tomí ticutsołanna jilpe lihmesá. ¹⁵ Uxcui'ma lixmi, ihuetsai'mola' lan mot'ł jouc'a lan huacax. Ihniya nopai'ipá tomí eca'ni'i'mola' lihtomí, ecanait'hi'mola' lihmesá.

¹⁶ Timila' nocujpá paloma:

—Tunlipa'antsola'. Jifa'a ejut'ł cai'Ailli'. Aimon'le'e'me to laplaza.

¹⁷ Ts'ilihuequi licuej'me lines'ma Jesús i'nujuaitsa loya'apa al Paxi Linilingiya, tuya'e':

Juaiconapa aipic'a lomejut'ł, aicaxnet'lya latets'icopa lan xanuc'.

Juaiconapa acueca' laipixhujma', tocomma ałma'a'ma.

¹⁸ Lan xanuc' judío icuis'e'me Jesús, timiyi:

—¿Te cof'ecopa tohiya? Ałmuc'itsonga' al cueca' lof'eya. Tohta'a ałcua'me al hınca epi'impo' lomane.

¹⁹ Jesús italai'e'e'mola', timila':

—Ne'. Tolatela'le ihca'a lejut'ł LanDios. Ti'ila' afane' quitine, iya' joupa aitsahue'enamma.

²⁰ Lan xanuc' judío italai'e'e'me, timiyi:

—Lilanc'empa jilta'a lejut'ł LanDios icołpa oquej nuxans camts'us camats'. Itsiya ima' tocua: “Ti'ila' afane' quitine joupa aitsahue'enamma”. Aimi'iya.

²¹ Jesús aimipalaijma al cuecaj xoute'. Lines'ma: “... ihca'a lejut'ł LanDios”, tinescoyoxi licuerpo. ²² Ts'ilihuequi Jesús lixim'me limaf'inapa, lipanamma pe lomana' limanapola', ihniya i'nujuaisnatsa ihya litaiqui' Jesús. Icuapá: “Al hınca linilingiya al Paxi Cataiqui'. Al hınca linespa Jesús.”

²³ Jilpe al cuecaj quihya' Jerusalén ti'eyi al juic Pascua. Małpiya tipa'a Jesús. Ti'ay al cueca'. Imuc'i'mola' lan xanuc' acueca' lipaxi. Lixim'me acueca' lo'epa, axpela' lan xanuc' ticuayi: “Lihuejna'me Jesús”. ²⁴ Jesús aimi'huaiyingila' ihniya. Ixinguf'mola' jahuay lan xanuc'. ²⁵ Aiquicuis'ela', ¿te ts'i'ic' cu'hua cal xans lipicuejma'? Imetsaicola' lan xanuc' te ts'i'ic' lihpicuejma', ja'ni ac'a o ja'ni a'ijc'a.

3

¹⁻² Anuli cal xans cuftine Nicodemo icuai'ma pe lopa'a Jesús. Iłque Nicodemo afariseo, ipenic' pe lomana' lif'as xanuc' fariseo. Icuaitsi joupa imufc'opa. Timi:

—Momxi, alsina' ima' xonca tomuc'iyale, LanDios ummepo'. Ima' to'ay al cueca'. LanDios epi'ipo' lomane, ja'ni a'i aimi'iya mo'eya to'ta'a.

³ Jesús italai'e'e'ma, timi Nicodemo:

—Iya' camihuo' al linca: Lan xanuc' tucuicomma timajnicontsa, ja'ni a'i aimi'iya mitsuflaiyacu pe locuxeyopa LanDios.

⁴ Nicodemo timi:

—Cal xans litojpa, ¿te co'iya mipajncnaya? ¿Te nipajnya titsufai'ma licu'u qui'máma', tijoula' tipajnconna?

⁵ Jesús italai'e'e'ma, timi:

—Iya' camihuo' al linca: Tucuicomma tuyaico'ta' laja' jouc'a tepenufla' cal Espíritu Santo. Itque cal xans linca ipajnconna. Ja'ni a'i, aimi'iya mitsufaiya pe locuxeyopa LanDios. ⁶ Lan xanuc' linaxque' laitepá ti'on'cospola' to ihniya, mane axanuc'. LanDios linaxque' ti'on'cospa to itque. Itne linaxque' LanDios tipa'a al ts'e li'pitine, joupa lepi'ipola' cal Espíritu Santo.

⁷ Aimoxhue'mot'le'ma laimipo': “Imanc' unc'ixanuc' tucuicomma to'majnicontsa”. ⁸ Lahua' ni petsi ti'hua. Tocueca lona'apa, aixoxina' pe lo'huayomma, ni petsi lotsepa. Ma toliya aimi'iya mocuejya li'ipa cal xans pe cal Espíritu Santo i'e'epa i'hua LanDios. Itque cal xans joupa ipajnconna. Ituca' li'ejma'.

⁹ Nicodemo italai'e'e'ma Jesús, timi:

—¿Te co'iya ita'a la'mipa?

¹⁰ Jesús italai'e'e'ma, timi:

—Ima', lof'as xanuc' Israel imetsaicohuo' uncueca' momxi. ¡Aimocueca' laifmipo'! ¹¹ Iya' camihuo' al linca: Illanc' alpalaicoyi ite la'sina', luya'ayi la'simpa. Imanc' aimolapenufyi laluya'apa. ¹² Nu'ipolhuo' lo'ipola' lan xanuc' mimana' fa'a li'a lamats', aimac'uec'e. Ja'ni cu'itsolhuo' loxp'ic'epa LanDios itque Nopa'a lema'a, ¿te co'iya ma'c'uec'eya?

¹³ 'Nij naitsi nif'ajpa lema'a. Ma le'a cal Xans li'ipa Liximpa cal profeta pu'hua lema'a, itque linca imuyommma lema'a.

¹⁴ 'Limajmpá petsi ailopa'a qui'ya' Moisés y lixanuc', lainofat'it ticala' lan xanuc', tima'annila'. Moisés ilanc'e'ma anuli lainofat' catejma', ipo'nopa al 'ec, i'nof'e'ma. Lan xanuc' lehuelojm'me itque lainofat' un'ul'me. Ma to'ta'a tucuicomma ti'nof'em'me cal Xans, itque li'ipa Liximpa cal profeta. ¹⁵ Lan xanuc' no'huaiyijmpá itque, jahuay ihniya, tepi'im'mola' al ts'e li'pitine aimijouya.

¹⁶ 'LanDios i'nujuais'mola' lan xanuc' nomana' li'a lamats', ixim'mola' acuanuc'la. Tipa'a ma le'a anuli hi'Hua. Icupa itque, aimejac'mola' ihniya no'huaiyijmpá hi'Hua LanDios, tepi'im'mola' al ts'e li'pitine aimijouya. ¹⁷ LanDios lummepe itque hi'Hua li'a lamats' a'i mecani'eyacola' lan xanuc'. Ummecopa tuntu'e'mola'. ¹⁸ Cal xans no'huaiyijmpa hi'Hua LanDios a'i mecani'eya. Ja'ni aimi'huaiyinge, joupa ecanipa. Aiqui'huaiyinge cal Nuli qui'Hua LanDios.

¹⁹ 'Lepalc'o' icuai'ma fa'a li'a lamats'. Lan xanuc' ti'eyi lixcay, toliya xonca ilpic'a al muf. ²⁰ Mi'eyi lixcay jahuay ihniya, ti'eyi laic' lepalc'o'. Aimiloc'olaiyummma. Ticuayi: “Aima'sim'monga' illanc' la'epa”. ²¹ Ihniya no'epá al c'a tehueyi lepalc'o'. Ticuayi: “Lan xanuc' ti'ita' quilsina' lihuejcoyi LanDios. Ma'que atcuxenga'.”

²² Jesús ipamma, i'hua'ma al distrito Judea. Ts'ilihuequi jouc'a iye'me. Icuaita imanequencia jilpiya. Itne ts'ilihuequi Jesús epo'iyale'me. ²³⁻²⁴ Ihniya hitiné Juan Bautista jouc'a tepo'iyale. Aiquitats'enni, ma ti'hua ti'ay lipenic'. Juan tipa'a petsi cuftine Enón, huejnca Salim. Jilpiya tipa'a axpe' caja'. Titcuaiyumma lan xanuc' tepo'ila'.

²⁵ Ts'ilihuequi Juan ipalaic'o'mołtsi lan judío, ifuli'i'mołtsi cataiqui', tipalaicoyi lo'eyacu ja'ni ŁanDios tixintsola' alimpio, tepenuftsola'.

²⁶ Ts'ilihuequi Juan icuaitsa pe lopa'a itque, timiyi:

—Momxi, tipa'a ocuena comxi tepo'iyale. Mołmana' lu'hua al panaj Jordán, imanc' onłejmale. Ima' lopalaic'opola' lan xanuc' onesco'ma itque. Itsiya jahuay lan xanuc' tiyeyi pe lopa'a.

²⁷ Juan italai'e'e'mola', timila':

—Ma ŁanDios tixpic'e te ts'i'ic' lałpenic' lał'epa. Ja'ni a'i, ailopa'a calpenic'.

²⁸ Imanc' joupa ołcuejpa laimipolhuo': Iya' a'i ninCristo. ŁanDios alummepa cacuaiyunni ate'a, cu'itsola' lan xanuc' ticuaihuo cal Cristo. ²⁹ Temaneła' łamijcano tipa'a łıejmale. Ma le'a łamijcano łamaneya tileco'ma łipeno. Łıejmale titoc'i'ma tiquimf'e, tixoqui queta ticueca lonespa. Itsiya iya' ał'onlıconno itque łıejmale. Iya' tixoqui neta nulemma. ³⁰ Itsiya ca'oc'ena'moxi. Tołta'a lan xanuc' tixim'me itque cal Cristo acuecaj xans.

³¹ 'Illanc' ninc'ixanuc' małmana' fa'a li'a łamats' ma le'a ałsina' te ts'i'ic' mipa'a fa'a łamats'. Małe całnescopa. Itque łimuyomma lema'a, itque łınca xonca ixina'. ³² Itque tuya'e' liximpa licuejpa mipa'a pu'hua. Itsiya aimentencocola', aimepenufyi. ³³ Naitsi napenufpa litaiqui' loya'apa nimuyomma lema'a, itque cal xans timuqui te ts'i'ic' ŁanDios lipicuejma'. ŁanDios aimifellaique.

³⁴ Itque łimuyomma lema'a ŁanDios ummepa, tuya'e' ma lonespa ŁanDios. ŁanDios epi'ipa cal Espıritu Santo ticuxela' jahuay lipicuejma'.

³⁵ 'ŁanDios qui'Ailli' Jesucristo ti'ay capic'a li'Hua. Epi'ipa limane ticuxela' jahuay. ³⁶ Cal xans nepenufpa li'Hua ŁanDios ma tipa'a al ts'e lipitine aimijouya. Naitsi natets'ipa li'Hua ŁanDios ailopa'a al ts'e lipitine. Ma mi'hua metets'i li'Hua ŁanDios, małque ŁanDios tixtu'hua, titeł'mi'ma.

4

¹ Lam fariseo icuej'me lonespa lan xanuc', itne tinesconni: “Jesús tepo'ila' axpela' lan xanuc'. Tixpela' ts'ilihuequi. Itsiya Juan Bautista tepo'ila' ahua-ata.” ² Jesús aiquepo'ila' lan xanuc'. Ma ts'ilihuequi tepo'iyaleyi. ³ Jesús li'ipa quixina' tołta'a tinescoyi ipayonni al distrito Judea. Jouc'a ts'ilihuequi iye'me al distrito Galilea.

⁴ Tuyaicota łamats' Samaria. ⁵ Icuaitsa anuli liłpıya' lun samaritano. Liłya' cuftine Sicar. It liłya' tipa'a huejnca anuli łamats' li'ipa i'huexi cal xans Jacob. Itque epi'ipa li'hua José. ⁶ Małpiya tipa'a al pu'hua caja' lipupa Jacob. Jesús i'huacopa cane joupa ixocaita, icutsafcai'ma lico al pu'hua caja', tunxaj'ma. I'ipa to menac'o.

⁷ Anuli łaca'no' asamaritana icuai'ma al pu'hua caja', tipa'a'ma quija'. Jesús timi:

—Luhui'ıła' caija', caxna'ma.

⁸ Ts'ilihuequi Jesús ailomana'. Iyepá liłya' ti'nata łotejacu.

⁹ Łaca'no' italai'e'e'ma Jesús, timi:

—Ima' umjudío, iya' naca'no' ninsamaritana. Ima', ¿te calpalaic'ocopa? ¿Te calsahue'ecopa caja'?

(Lun judío aimiyejmaleyi lun samaritano.)

¹⁰ Jesús timi:

—Ima' aicoxina' naitsi iya'. Jouc'a aicoxina' te ts'i'ic' ite lapi'iyacola' ŁanDios lan xanuc'. Ja'ni coła' oxina', ałsahue'e'ma iya' cuhui'itso' coja'. Iya' cuhui'i'mo' al c'a caja' lainupa.

¹¹ Łaca'no' timi:

—Mai'ailli', ita'a laja' a'ojca, ailopa'a cofmipa'acoya. ¿Petsi cofxi'ne'eya jiliya al c'a caja' lainupa? ¹² Ita'a al pu'hua atpo'no'eponga' lahtahuelo Jacob. Matque Jacob jifa'a ixnapa ita'a laja'. Jouc'a linaxque', lipinneja ixnapá.

¹³ Jesús italai'e'e'ma, timi:

—Cal xans noxnaya jita'a laja' ticuiconahuo quiija'. ¹⁴ Cal xans noxnaya laja' laifcupa aimicuiconaya quiija'. Ite laja' laifcupa tipanehuo lunxajma', ti'onlcospa to luxi caja', ti'hua tinu, ticu al ts'e lipitine aimijouya.

¹⁵ Laca'no' timi:

—Mai'ailli', jiliya laja' lofnescopa, luhui'ita'. Tijoula' aimicuiconaya caija', ni aicuyaiconaya liya' quipa'aconaya caija'.

¹⁶ Jesús timi:

—To'huala', tojoc'itsi lope'ailli'. To'cuaiyunca fa'a.

¹⁷ Laca'no' timi:

—Ailopa'a caipe'ailli'.

Jesús timi:

—Al linca lofnespa: “Ailopa'a caipe'ailli'”. ¹⁸ Joupa o'haitsufcopo'lti amajxi loxanuc'. Itsiya o'haitsufcoyo'lti anuli cal xans ma a'i cope'ailli'. Al linca lofnespa.

¹⁹ Laca'no' timi:

—Mai'aill', iya' cacua ima' umprofeta. ²⁰ Illanc' lahtatahueló jilca'a hijuala exc'on'lingolai'me ipalaic'o'me LanDios. Ma' anuli illanc' laxc'on'lingolaiyi fa'a. Imanc' unc'ijudío alminga': “Imanc' jouc'a jahuay lan xanuc' tonle'me Jerusalén”. To'cuayi, ma le'a jilpiya al cuecaj xoute' laxc'on'lingolaita, atpalaic'ota LanDios.

²¹ Jesús timi:

—Maca'no', camihuo' al linca. Icuai'co'ma litine imanc' aimo'nesyacu: “Jifa'a hijuala laxc'on'lingolai'me LanDios”. Ni lan xanuc' judío minesyacu: “Lepá Jerusalén. Jilpe laxc'on'lingolaita LanDios.” ²² Imanc' mo'nesyi: “Laxc'on'lingolaiyi LanDios”, aicolimetsaijma LanDios. Illanc' ninc'ijudío limet-saicoyi LanDios. Alinca laxc'on'lingolaiyi, atpalaic'oyi. Petsi lan xanuc' judío ti'huayohuo jilquiya Nonlu'eyacola' lan xanuc'.

²³ 'Ticuaitsi litine locuaicoya, iya' cacua joupa icuai'ma, lan xanuc' aimehueyacu anuli al lugar texc'on'lingolaita LanDios. Ma jilpe lipicuejma' ti'nujuaisnata LanDios, tihuejco'me locuxe'epola', timetsaico'me. Latenlcocopa LanDios texc'on'lingolaita to'la'a. ²⁴ LanDios a'Espíritu, ailopa'a quicuerpo, ma le'a ipicuejma'. Lan xanuc' tama ticuayi: “Laxc'on'lingolaiyi LanDios”, ja'ni jilpe lipicuejma' aimi'nujuaisyi itque, ja'ni aimihuejcoyi locuxe'epola', LanDios aimetenlcocoya laxc'on'lingolaita ipa' itne lan xanuc'.

²⁵ Laca'no' timi:

—Aixina' ticuaihuo cal Mesías, jilquiya lecu'i'impá “cal Cristo”, lommeya LanDios. Itsiya tehue'e' la'picuejma' aicalcueca. Ma ticuaiyunni jilquiya lu'ina'monga' jahuay.

²⁶ Jesús timi:

—Matque tipalaic'ohuo' itsiya. Iya' ninCristo.

²⁷ Matpe mipalaic'oyo'lti icuainanca ts'ilihuequi Jesús. Itne aiquilicuis'e: “¿Te cofpalaic'ocopa jilquiya laca'no'? ¿Te cahue'epo'?” Mane lipicuejma' ticuayi: “Xinla', Jesús tipalaic'o anuli laca'no'”.

²⁸ Laca'no' ipo'no'ma lijuti, ipainanni, i'hua'ma lipiya'. Timila' lan xanuc' jilpiya:

²⁹ —Tonlouyunca. Camuc'itolhuo' anuli cal xans nalu'ipa jahuay lai'epa. ¿Te ma jilquiya cal Cristo?

³⁰ Lan xanuc' ipalunca jilpe lipiya', iye'me pe lopa'a Jesús.

³¹ Ai'a ticuaicu lan xanuc', ts'ilihuequi Jesús ihui'i'me, timiyi:

—Momxi, totetsoła'.

³² Jesús timila':

—Imanc' aicołsina'. Tipa'a laifteja.

³³ Małne ts'ilihuequi Jesús ticuis'eyołtsi, timiyołtsi:

—¿Naitsi nepi'ipa łoteja?

³⁴ Jesús timila':

—A'i. Aicalapi'inno. Iya' ca'ay lipenic' ŁanDios, iŁe lixpıc'epa Łalummepa, cajou'ne'ma. Ma ca'ay lipenic' ŁanDios tocomma catesma, ti'hua ti'i caipujfxi.

³⁵ 'Imanc' tołcuayi: "Tehue'e' amalpuj mut'ła, tijouła' tetequim'me lan trigo". Iya' camilhuo': TołsinŁe jipu'hua pe lifaiyiya. Tocomma joupa unta'anamma, itojpa. I'huájta afujca. Iya' cacua joupa i'huajcopa litine tetequim'me.

³⁶ Ti'najtsem'me łatejpa trigo. ŁanDios jouc'a ti'najtse'ma iŁque łafot'łepola' lan xanuc', iŁne nolijyacu al ts'e liłpitine aimijouya. Anuli łifapa, łocuena tetequi, tefot'Łe, tijouła' loquexi' tixojna'ma quileta. ³⁷ Tołta'a ti'i'ma al linca lataiqui' loya'apa: "Tipa'a anuli nofapa, łocuena nafot'Łeya". ³⁸ Iya' nummepolhuo' imanc' tonlafot'Łeta petsi aicołfac'. Locuenaye ifapá, imanc' tonlafot'Łeta małpiya li'eyopa canic' iłniya.

³⁹ Jiłpe liłya' Sicar łaca'no' joupa uya'ahuo'ma: "IŁque ałminapa jahuay lai'epa". Licuej'me iŁe licuapa łaca'no' axpela' iłniya lun samaritano i'huaiyijmpá Jesús. ⁴⁰ Icuaiyunca pe lopa'a iŁque, timiyi:

—Łepá lałpiłya'. Jiłpiya topajnta.

Jesús i'hua'ma liłpiłya'. Ipajnhuo'ma oquej quitine. ⁴¹ Jiłpe liłya' lan xanuc' tiquimf'eyi Jesús lines'ma. Xonca axpela' i'huaiyijm'me. ⁴² IŁne timiyi łaca'no':

—Ate'a ima' opalaico'ma Jesús. Iłlanc' ałcuayi ma' al linca ima' lofnespa. Itsiya iłlanc' całtuca' ałcuejnápá linespa jiłquiya, tołta'a ałsina' ałinca iŁque lunŁu'e'monga' jouc'a tunŁu'e'mola' lan xanuc' ni petsi lomana' li'a łamats'.

⁴³ Luyaipa oquej quitine Jesús ipanni jiłpe liłya', i'hua'ma al distrito Galilea. ⁴⁴ Aiqui'huacona'ma al distrito Judea. Małquiya ines'ma: "Cal xans, tama aprofeta łummepa ŁanDios, mipa'a małpe lipiłya' aimipalaicoyacu c'a lan xanuc', tetets'iyacu". ⁴⁵ Ma licuaitsi Galilea lan xanuc' jiłpiya linca epenuf'me. Iłniya iyehuo'me al juic Jerusalén, joupa ixinghuo'me lo'epa jiłpiya.

⁴⁶ Mipa'a Jesús al distrito Galilea i'huacona'ma Caná, jiłpiya petsi li-pai'ihuo'ma laja', i'ipa vino. Jiłpe Caná tipa'a anuli cal xans, ts'ipenic' cal rey, hi'hua textafque. IŁque łafcuana tipa'a liłya' Capernaum, małpe al distrito Galilea. ⁴⁷ Ts'ipenic' icuejpa Jesús ailopa'a Judea, joupa icuaiconata Galilea, i'hua'ma, i'huajcotsi Jesús, ixahue'etsi ti'huala' liłya' Capernaum, tixał'meta hi'hua, iŁque tima'ma. ⁴⁸ Jesús timi:

—Imanc' tołcuayi: "IŁque Jesús ałmuc'itsonga' al cueca". Ja'ni aicamuc'ilhuo' tołta'a aimał'huaiyijnya.

⁴⁹ Ts'ipenic' cal rey timi:

—Mai'ailli', aimicoł'mo'. Łepá lajut'ł. Ja'ni a'i, timana'ma łai'hua.

⁵⁰ Jesús timi:

—To'huanła'. Lo'hua imaf'i'. Aimimaya.

Cal xans i'huaiyijmpa Jesús limipa, i'huana'ma.

⁵¹ Ma mi'huanghua lane Capernaum, iłniya notoc'ipá italecufunca, timiyi:

—Joupa ixałconapa lo'hua.

⁵² Icuıs'e'mola', timila':

—¿Tej hora lixałconapa?

Timiyi:

—Tsumjma lixhuaita anulij hora luyaipa menac'o iŁojn-na'ma liłpinu'.

⁵³ Cal xans i'nujuaitsi li'ipa. Tsumjma małpe 'hora Jesús limipa: “Ło'hua imaf'i'. Aimimaya.” Cal xans jouc'a lixanuc' nomana' lejut'ł, i'huaiyijmpá Jesús.

⁵⁴ Itsiya i'ipa oquemma li'epa al cueca' Jesús jilpe al distrito Galilea. İlque joupa itsehuo'ma Judea, icuaiconata Galilea.

5

¹ Lijou'ma jiliya i'huajcopa liłjuic lan xanuc' judío. Efołunni pu'hua Jerusalén. Jesús i'hua'ma, icuaitsi jilpe liłya'. ² Ahuejnca pe lotsuflaicoyacu lam mot'ł jilpe liłya' Jerusalén ipa'nempá laja' acueca' quin'nuhua' i'empa. Lipuftine ataiqui' hebreo aBetesda. Jilpe lin'nuhua' canumicay tipa'a amaque' linujnca. ³ Małpe linujnca timana' axpela' lafcualłay tunahuolanna. Timana' lan fohue, lan coxo, jouc'a luhualłqueya. Jahuay ilniya il'huaijma tifentsi laja'. ⁴ Camna camna anuli łapaluc quema'a timuyomma, tife'ne jiliya laja'. Tijouł'a tife'nela' laja' cal te'a ło'nijmaispa tixałma. Ni naitsi cuana tuyainapa.

⁵ Ma jilpiya tipa'a anuli cal xans ixhuaita anuxans quimbamaj paico camats' mextaf'ma. ⁶ Jesús ixim'ma ilque cal xans tunouya. Joupa ixina' axpe' camats' i'ipa licuana. Timi:

—¿Opic'a tixałcontso'?

⁷ Łafcuana italai'enni, timi:

—Mai'ailli', mifenna laja' ailopa'a nał'nij'miya. Ma ca'hua'ma ocuena ti'nij'miyoxi ate'a. İlque tixałconghua, iya' capanemma.

⁸ Jesús timi:

—¡Tacaxla'! ¡Tonif'la' łohuijm-ma'! ¡To'huanła'!

⁹ Ixałcona'ma nulemma ilque cal xans, inif'na'ma lihuijm-ma'. I'huana'ma. He litine lixałcona'ma małe itine conxajya.

¹⁰ Lan judío timiyi cal xans lixałcona'ma:

—Itsiya litine conxajya. Aimi'ya motaiya łohuijm-ma'.

¹¹ Cal xans timila':

—İłque łalsał'menapa ałmipa: “Tonif'la' łohuijm-ma', to'huanła'”.

¹² İlniya icuis'e'me, timiyi:

—¿Naitsi ilque limipo': “Tonif'la' łohuijm-ma', to'huanła'”?

¹³ Cal xans lixałcona'ma aiqixina' naitsi ilque limipa tołiya. Axpela' lan xanuc' jilpiya timana'. Jesús joupa itsufainapa pe lomana'. Cal xans aiqixina' petsi lo'huapa. ¹⁴ Lijou'ma italecufcona'moltsi pu'hua al cueca' xoute'. Jesús timi:

—¡Toxinxoxi! Joupa ixałconapo'. Aimo'econa'ma quixcay. Ja'ni to'econghua quixcay, ti'i'ma xonca acueca' loftełcoya.

¹⁵ Cal xans i'hua'ma, u'ihuo'mola' lan judío, timila':

—Łalsał'menapa małque Jesús.

¹⁶ Lan judío ilsina' Jesús tixał'mela' lafcualłay litine conxajya, ixtulencia, tihuetsojyi. ¹⁷ Jesús timila':

—Cai'Ailli' ti'hua ti'ay canic', iya' jouc'a ca'ay canic'.

¹⁸ Lan judío xonca ixtulencia tołta'a linesma Jesús. Icuame: “İłque Jesús ti'ay quixcay, ti'ay canic' litine conxajya. Ti'ay xonca lixcay, tinesqui: ŁanDios ai'Ailli'. Ma' ti'onłiyoxi ŁanDios.”

Xonca tehueyi te co'ya mima'ayacu.

¹⁹ Jesús timila':

—Iya' i'Hua ŁanDios, camilhuo' al linca: Iya' caituca' ailopa'a caif'eya. Aimi'ya. Iya' i'Hua ŁanDios, ate'a cahuelojm'ma lo'epa cai'Ailli', tijouł'a' ca'e'ma to lo'epa ilque. ²⁰ Iya' i'Hua ŁanDios, ilque cai'Ailli' ał'ay capic'a,

almuc'i jahuay lo'epa. Tijoula' almuc'i'ma xonca acueca', iya' ca'e'ma. Imanc' tolsim'me, tixpailij'molhuo'.

²¹ 'Cai'Ailli' ixina' timaf'i'ina'mola' limanapola'. Tepi'ina'mola' liipitine. Iya' i'Hua LanDios jouc'a aixina' camaf'i'ina'mola' limanapola'. Caxpic'e ja'ni capi'ina'mola' liipitine, jouc'a caxpic'e ja'ni aicapi'iyacola'.

²² 'Ticuaiyunni Lijoujma Quitine cai'Ailli' aimimu'iyacola' lan xanuc' te ts'i'ic' loyalaicoyacu ni'epá lixcay. Joupá lapi'inapa laimane, iya' cu'itsola' te ts'i'ic' loyalaicoyacu ihniya. Iya' ninJuez. ²³ Cai'Ailli' ixpic'epa lihuejcola' lan xanuc' ma to mihuejcoyi jitque cai'Ailli'. Cal xans pe aimalihuejma iya' i'Hua LanDios jouc'a aimalihuejcongá cai'Ailli'.

²⁴ 'Iya' camilhuo' al linca: Cal xans ja'ni ticueca laitaiqui', ja'ni ti'huaiyinge cai'Ailli', itque Lalummepa fa'a li'a lamats', itque cal xans joupá ulijpa al ts'e lipitine aimijouya, aimecaniya. Itque, ai'a ticuej'ma laitaiqui', LanDios tecani'e'ma, itsiya a'i. Aimijouya lipitine itque cal xans. ²⁵ Iya' camilhuo' al linca: Iya' i'Hua LanDios cajoc'i'mola' limanapola'. Ihniya nocuejyacu laitaiqui' timaf'ina'me. Litine ca'e'ma tohta'a ti'hua ticuaihuo. Iya' cacua: Joupá icuai'ma. ²⁶ Cai'Ailli' i'huca lipitine, nij naitsi nepi'ipa. Jouc'a iya' ai'huca laipitine, iya' i'Hua, tohta'a lixpíc'epa cai'Ailli'.

²⁷ 'Iya' itque cal Xans Liximpa cal profeta pu'hua lema'a. Tohta'a cai'Ailli' ahfajpa ninJuez, lapi'ipa laimane cu'i'mola' lan xanuc' ja'ni ac'a o ja'ni a'ijc'a li'epa. Cu'i'mola' te ts'i'ic' loyalaicoyacu. ²⁸ Aimixpailij'molhuo' ite laimipolhuo'. Aimolnes'me: "¿Te co'iya tohta'a? Aimi'iya." Iya' camilhuo': Limanapola' nomana' liipuhua, jahuay ihniya ticuej'me cajoc'itsola' iya'. Iya' itque cal Xans Liximpa cal profeta pu'hua lema'a. Ticuaihuo litine ti'i'ma tohta'a. ²⁹ Jahuay limanapola' tipalcu liipuhua. Ja'ni li'epa al c'a timaf'ina'me nulemma, tuyalaina'me al c'a. Ja'ni ixcay li'epa jouc'a timaf'ina'me, ite titeico'me, nulemma titai'me lijunac'.

³⁰ 'Iya' caituca' ailopa'a caif'eya. Aimi'iya. Cai'Ailli' alcuxe'e laifmiyacola' lan xanuc'. Iya' caituca' aicu'iya cal xans ja'ni ti'ay al c'a o ja'ni ti'ay lixcay. To maalcuxe'e cai'Ailli' tole laifmiya. Ma le'a ahjca laitaiqui'. Iya' aicahuay te co'iya ca'eya laifpic'epa. Ma to loxpíc'epa cai'Ailli', itque Lalummepa, tohta'a caxpic'e.

³¹ 'Ja'ni iya' caituca' canescoyoxi, aimi'ommaicoya ite laitaiqui'. ³² Linca tipa'a anuli noya'apa naitsi iya'. Iya' aixina' itque tuya'e al linca.

³³ 'Imanc' olummepola' loxanuc' tiyete pe lopa'a Juan Bautista. Jihnu'hua icuis'e'me naitsi iya'. Juan imi'mola' al linca. ³⁴ Iya' aicahuay canescoya tohta'a anuli cal xans. Le'a aipic'a tunlu'entsolhuo' imanc', tohta'a ca'nujuaitsi'ilhuo' linespa Juan. ³⁵ Juan Bautista ti'onlcospa to anuli lepalc'o'. Tepalc'o'ila' lan xanuc'. Micohi itque lipenic' imanc' tolihuejyi tixoqui conlata. Itque epalc'o'ipolhuo'. ³⁶ Itque u'i'mola' lan xanuc' naitsi iya'. Itsiya imanc' tolsinyi laif'epa. Ite xonca tuya'e naitsi iya', ma' anuli tuya'e naitsi Lalummepa, itque cai'Ailli'. Ite laif'epa, cai'Ailli' joupá alcuxe'epa ca'eta'. Lapi'ipa laipenic' cajou'nela'.

³⁷ 'Cai'Ailli' Lalummepa jouc'a u'ipolhuo' naitsi iya'. Itque lopalaipa aicoctueca ni aicoctina' te ts'i'ic' itque. ³⁸ LanDios cai'Ailli' lummepa, imanc' aimalapenufi. Litaiqui' aimipanemma jitpe lo'picuejma', tohta'a imanc' aimalapenufi.

³⁹ 'To'lsuefe al c'a al Paxi Linilingiya. To'cuayi: "Ite al Paxi Linilingiya lapi'inga' laipitine aimijouya". Ma'hiya lataiqui' alpalajma iya'. ⁴⁰ Imanc' tama to'lsueyi ite lataiqui' aimalihuejma. Aicoctucac'. ¿Te co'iya molulijyacu lo'pitine? A'i, aimi'iya.

⁴¹ 'Aicahuela' lan xanuc' calmiya: "Ima' uncuecaj xans". A'i. Ihta'a aicapenufi. ⁴² Iya' aixinnilhuo' imanc' te ts'i'ic' lo'picuejma'. Aixina' aimol'nujuaisyi

ŁanDios. ⁴³ Iya' ma cai'Ailli' lapi'ipa laipenic'. Tołta'a aicuai'ma fa'a li'a łamats'. Imanc' aimalapenufi. Anuli cal xans nocuxepoxi quituca', ja'ni ticuaiyunni, imanc' linca tolapenuf'me. ⁴⁴ Imanc', ¿te co'iya malapenufya? Tolahuela' loł'as xanuc' timetsaicontsolhuo'. Aimolahueyi te co'iya mimet-saicoyacolhuo' cal Nuli ŁanDios. ⁴⁵ Aimolnes'me: "Iłque Jesús alcuftonga'. Timita ŁanDios a'ijc'a la'epa." Ocuena tipa'a łocufyacolhuo'. Iłquiya aMoisés. Imanc' tołcuayi: "Moisés altoc'i'monga', altalai'ecotonga". Iya' cacua: Aimitoc'iyacolhuo'. Małque Moisés łocufyacolhuo'. ⁴⁶ Imanc' tołcuayi: "Lihuejcoyi licuapa Moisés". A'i molihuejcoyi Moisés. Ja'ni tolihuejcoyi Moisés jouc'a iya' lihuejco'ma. Ma' iya' alpalaicopa Moisés jilpe linilpa. ⁴⁷ Imanc' aimolihuejcoyi linilpa Moisés. Tołta'a, ¿te co'iya molihuejyacu laifmipolhuo'? Imanc' aimi'iya.

6

¹ Jesús iquie'ma al cuecaj quin'nuhua'. Ie lin'nuhua' tipa'a oque' lipuftine, aGalilea jouc'a aTiberias. ² Axpela' lan xanuc' ehuelojm'me axpe' al cueca' lo'epa Jesús, ehuelojm'me mixal'menala' lafcualłay. Iłne nehuelojmpá tołta'a tihuejnayi.

³ Jesús jouc'a ts'ilihuequi if'ajli'me łijuala, icutsolai'me jilpiya. ⁴ Tehue'e' oque' afane' quitine ti'i'ma liłjuic lan xanuc' judío. Iłiya al juic cuftine al Pascua. ⁵ Jesús ehuelojm'ma, ixim'mola' ticuaico'me axpela' lan xanuc'. Timi Felipe:

—¿Pe cał'na'eyacu axpe' la'i titele iłniya?

⁶ Jesús joupa ixina' lo'eya. Icuis'e'ma Felipe titalai'ela' iłque, timujxoxi te ts'i'ic' lipicuejma'.

⁷ Felipe italai'e'ma, timi:

—Ja'ni al'natsa axpe' la'i lipitali lolijya no'eya canic' oquej maxnu quitine, ni tołta'a aimi'ommaicoyacola', ni aimitec'oyacu anuli anuli iłniya.

⁸ Łocuena ts'ihuequi ipalaic'o'ma Jesús. Iłque Andrés, łipima Simón Pedro, timi:

⁹ —Toxinła', jifa'a tipa'a anuli łamijcano, itaic' amaque' la'í lilajncopa acébada, jouc'a oquexi' laicatuye. ¿Ja'ni iłe litaic' ti'ommaico'mola'? A'i. Aimi'iya. Timana' axpela'.

¹⁰ Jesús timila' ts'ilihuequi:

—Tołcuxe'etsola' lan xanuc' ticutsolaiłe łamats'.

Jilpiya tipa'a axpe' cal pajac. Lan xanuc' icutsolai'me. Tilmana' to amaquej mil lan xanuc', jouc'a timana' lacał'no', la'uhuay.

¹¹ Jesús epef'ma la'i, ix'najtsi'i'ma ŁanDios, epi'i'mola' nocutshuolanna jilpiya. Ma tołta'a i'e'ma jouc'a latuye. Aiquixpij'ma iłe łotejacu. ¹² Lan xanuc' itetso'me ixhuaitsoła'. Jesús timila' ts'ilihuequi:

—Tołafot'lele lan hualcay lipanecomma, aimica'nico'ma.

¹³ Ts'ilihuequi Jesús efot'lena'me lan hualcay ca'i lilajncopa acébada lipanecomma, imane'me imbamaj coque' lan tsiquihuit'ł. ¹⁴ Lan xanuc' ixim'me acueca' lipepaxi Jesús, acueca' li'epa, ticuayi:

—Iłca'a cal xans aprofeta. Iłca'a ma' iłque Łommeya ŁanDios, joupa icuai'ma.

¹⁵ Iłpic'a ti'nołle Jesús, ti'e'e'me quitrey. Jesús ixina' tołta'a lo'eyacu lan xanuc', enaj'moxi, i'hua'ma quituca' łijualay.

¹⁶ Lummuhuijma' ts'ilihuequi Jesús imulna'me, icuai'me al cuecaj quin'nuhua'. ¹⁷ Itsuflai'me al barco, ipango'me uyalaico'me laja'. Ticuaitsa locuena quiju' lin'nuhua' jilpe liłya' Capernaum. Imufaj'mola'. Ts'ilihuequi imanenca quituca'. Jesús ailopa'a. ¹⁸ Juaiconapa ti'hua' łahua'. Iłiya laja' tiyuf'comma acueca'.

19 I'hua'a'me al barco. Tixhuaispa to amaque' o acamts'us kilómetro li'hua'apa, ts'ilihuequi Jesús ixim'me itque icuaico'ma, ti'hua ti'huaf'que laja', tixpailiquila'. 20 Jesús timila':

—Aimixpailij'molhuo'. Ma' iya'.

21 Licuej'me tohta'a linespa Jesús tixoqui quileta tepenuf'me tif'ajla' al barco. Aiquicohi, icuainatsa lamats' pe lotsepa.

22 Lihuequi litine timana' lan xanuc' lefot'lepotsi tecaxolanna liju' al cuecaj quin'nuhua'. Ine ticuayi: “¿Te qui'ipa? Tsumjma tipa'a le'a anuli al barco. Iiya al barco i'hua'a'me ts'ilihuequi Jesús, ihniya quilituca'. Itsiya, ¿pe copa'a Jesús?” 23 Ixim'me icuai'me lam barco quiyouyumma liya' Tiberias, timanemma huejnca jilpe lamats' petsi lan xanuc' itepá la'i lepi'ipola' Jesús lijoupa lix'najtsi'ipa LanDios. 24 Lijoupa li'ipa quilsina' ailopa'a Jesús, ailomana' ts'ilihuequi, ine lan xanuc' if'ajli'me lam barco, iye'me Capernaum, tehueta Jesús.

25 Icuaitsa locuenaj liju' lin'nuhua' ixinna'me Jesús, timiyi:

—Momxi, ¿tej hora locuai'ma fa'a?

26 Jesús timila':

—Iya' camilhuo' al linca: Tama lašimpa ma ca'ay al cueca', aimuc'ipolhuo' laipepaxi, imanc' aicołcueca. Joupa oltepá la'i, inajncotolhuo', tohta'a lahuay.

27 Tonlipa'acoyi lołpujfxi tonlulijcole lołtejacu, ite lominscoya. Iya' camilhuo': Tonlipa'acole lołpujfxi, tonlulijcole locuena catetsoya, ite aimiminscoya, ti'hua ticohi, tepi'i'mola' lan xanuc' liłpitine aimijouya, tites'mi'ma ite liłpitine. Itque cal tejua' iya' nipajnya capi'i'mola' lan xanuc'. Iya' itque cal Xans Liximpa cal profeta pu'hua lema'a. LanDios cai'Ailli' joupa lacuej'micopa, lapi'ipa laimane ca'ela' tohta'a.

28 Lan xanuc' timiyi:

—Ja'ni al'e'me latenłcocoya LanDios, ¿te cal'eyacu?

29 Italai'e'e'mola' timila':

—Imanc' toł'huaiyijnle itque lummepe LanDios. Ja'ni tonl'e'me tohta'a ma tonl'eyi latenłcocopa LanDios.

30 Timiyi:

—To'ela' al cueca', tijoula' al'huaiyijm'mo'. Ne'. Itsiya al muc'itsonga' tohta'a lof'eya. 31 Lałtatahueló mimana' petsi ailopa'a quiya' iximpá al cueca' li'ipa. Ihniya ite'me ite cuftine “al maná”. Tohta'a loya'apa al Paxi Linilingiya, ticua: “Itque epi'i'mola' la'i qui'huayomma lema'a titele”.

32 Jesús timila':

—Iya' camilhuo' al linca: La'i qui'huayomma lema'a aiquepi'ilhuo' Moisés. Ma cai'Ailli' nicupa la'i qui'huayomma lema'a. Itque linca la'i. 33 La'i qui'huayomma lema'a itque le'i LanDios. Fa'a li'a lamats', ni petsi lomana' lan xanuc' itque la'i tepi'i'mola' liłpitine aimijouya.

34 Lan xanuc' timiyi:

—Mał'ailli', itsiya lapi'itsonga' itque la'i, ti'hua lapi'i'monga'.

35 Timila':

—Iya' ma Na'i. Naitsi lałapenufpa tulijta lipitine aimijouya. Naitsi lał'huaiyijmpa aimi'hua micui quija'.

36 'Iya' joupa nu'ipolhuo' te ts'i'ic' loł'ejma'. Tama joupa alšimpa, aimal'huaiyinge. 37 Timana' laixanuc', ihniya lalapi'ipa cai'Ailli'. Ine linca al'ejmale'me. Ihniya lałejmalepá almajm'me anuli, aicatets'iyacola'.

38 'Iya' nimuyomma lema'a aicuaicoco'ma fa'a li'a lamats' ca'ela' lixpicepa LanDios, itque Lalummepa. Ai caxpic'e caituca' laif'eya. 39 Itque Lalummepa lapi'inapa laixanuc'. Małque LanDios joupa ixpic'epa iya' ca'etsola' cuenna,

jahuay iñiya. Ni anuli mejac'ya. Ticuaiyunni Lijoujma Quitine iya' camaf'i'ina'mola'. ⁴⁰ Tołta'a lixic'epa cai'Ailli'. Ixic'epa te ts'i'ic' loyaicoya cal xans łalimetsaicopa iya' i'Hua ŁanDios. Itque cal xans łal'huaiyijmpa tulij'ma al ts'e lipitine aimijouya. Ticuaiyunni Lijoujma Quitine iya' camaf'i'ina'ma.

⁴¹ Lan xanuc' judío aikuicuaicocotsi quiłpic'a ite linespa Jesús licuapa: “Iya' Na'i nimuyomma lema'a”. ⁴² Tinesyi:

—Itque cal xans Jesús i'hua José, o ¿ja'ni ocuena? Limetsaicola' illanc' qui'ailli', qui'máma'. ¿Te calmicoponga', ticua: “Iya' nimuyomma lema'a”?

⁴³ Jesús italai'e'mola', timila':

—Imanc' ¿te colixtulecomma? ¿Te colpalaicopa tołta'a? ⁴⁴ Cai'Ailli' jítque Łalummepa, ja'ni tijoc'íta' anuli cal xans, itque tiłoc'huainahuo pe laifpa'a, ałejmalena'me. Ticuaitsi Lijoujma Quitine camaf'i'ina'ma. Ja'ni cai'Ailli' aimijoc'i aimi'iya miłoc'huaiya. ⁴⁵ Lam profeta ninilpá tuya'ayi: “ŁanDios timuc'ina'mola' jahuay iñiya”. Al linca ita'a lataiqui'. Lan xanuc' noquimf'epá locuapa cai'Ailli', itne tihuic'iyi lomuc'ipola', iñiya linca tiłoc'olainacu pe laifpa'a, ałejmalena'me.

⁴⁶ 'Nij naitsi niximpa cai'Ailli'. Ma' iya' cai'huayomma ŁanDios. Iya' linca aiximpa cai'Ailli'. ⁴⁷ Iya' camilhuo' ma' al linca: Cal xans łal'huaiyijmpa joupá ulijpa al ts'e lipitine aimijouya.

⁴⁸ 'Ma' iya' Na'i. Naitsi łalapenufpa tulijta lipitine aimijouya. ⁴⁹ Imanc' lołtatahueló mimana' pe ailopa'a quiłya', tama itepá łai' cuftine “al maná”, iñiya imanapola'. ⁵⁰ Jifa'a tipa'a ituca' ca'i. Itque imuyomma lema'a. Ja'ni lan xanuc' titele aimimayacola' nulemma. ⁵¹ Ła'i hitepa lołtatahueló, itque łai' a'i quimaf'i'. Iya' aimaf'i', iya' Na'i nimuyomma lema'a. Iya' cacu'moxi laicuerpo. Tołta'a lan xanuc' ni petsi nomajnyacu li'a łamats', ja'ni lapenufla' aimimayacola' nulemma, aimijouya liłpitine. Itca'a laicuerpo linca łai'.

⁵² Lan xanuc' judío ipango'me ifuli'i' mołtsi cataiqui'. Timiyoltsi:

—Itque cal xans, ¿te co'ya micuya licuerpo? ¿Małiya licuerpo ałte'me?

⁵³ Jesús timila':

—Iya' camilhuo' al linca: Ja'ni imanc' aimolteji laicuerpo, ja'ni aimolšnayi laijuats', ailopa'a colpitine. Iya' itque cal Xans Łiximpa cal profeta pu'hua lema'a. ⁵⁴ Naitsi notepa laicuerpo, noxnapa laijuats', itque linca tipa'a lipitine aimijouya. Ticuaiyunni Lijoujma Quitine iya' camaf'i'ina'ma. ⁵⁵ Laicuerpo linca atepua', laijuats' linca loxnayacu lan xanuc'. ⁵⁶ Naitsi notepa laicuerpo, noxnapa laijuats', ma lapenufi iya', iya' capenufi itquiya.

⁵⁷ 'Iya' ca'huaiyinge itque Łalummepa, małque cai'Ailli' ŁanDios Łimaf'i'. Tołta'a aimijouya laipitine. Ma' anuli aimijouya lipitine cal xans łaltepa iya', itque łal'huaiyijmpa. ⁵⁸ Capalaijma łai' imuyomma lema'a, ca'onłicojma laicuerpo. Ła'i hite'me lołtatahueló aimi'onłspa laicuerpo, ituca' ca'i. Tama iñiya itepá ite hile'i, imanapola'. Naitsi łaltepa iya' laicuerpo, itca'a łai', itque tepenufi al ts'e lipitine aimijouya.

⁵⁹ Tołta'a licuapa Jesús mipa'a liłya' Capernaum, mimuc'iyale jítpe lajut'ł pe lafołyomma lan xanuc'.

⁶⁰ Ite lines'ma Jesús aikuetenłcocola' axpela' ts'ilihuequi. Liquimf'e'me iñiya ticuayi:

—Ipime iłiya lataiqui'. ¿Naitsi nocuejya? Illanc' aimi'iya malapenufyacu.

⁶¹ Jesús ixina' iñiya ts'ilihuequi aikuetenłcocola' linespa. Timila':

—Ja'ni imanc' aikuetenłcolhuo' ite lainespa, ⁶² ¿te colcuayacu ja'ni ałsintł' caf'aquinghua, cacuaita pu'hua, petsi lai'huayomma? Iya' itque cal Xans Łiximpa cal profeta pu'hua lema'a. ⁶³ Laipalaic'opolhuo' a'i canescojma laipixic'. Lixic' ailopa'a co'eya. Al cuerpo ticuicomma hi'espíritu. Łaitaiquí

ti'onłcospa to cal espíritu. Ja'ni tolapenuf'me ihniya łaitaiquí, tolulij'me lołpitine aimijouya. ⁶⁴ Linca hualca imanc' aimai'huaiyinge.

Jesús tixinnila' naitsi ihniya aimi'huaiyijnyi. Jouc'a imetsaijma naitsi itque cal xans łocuya. Tołta'a ixina' al te'a.

⁶⁵ Timila' ts'ilihuequi:

—A'i jahuay imanc' ma'huaiyinge. Iya' joupa aimipolhuo': Ja'ni cai'Ailli' a'i mijoc'i anuli cal xans, itque aimi'ya miłoc'huaiya pe laifpa'a.

⁶⁶ Ts'ilihuequi licuej'me ite licuapa Jesús, axpela' ihniya ipailinanca. Aiquil-huejcongħua. ⁶⁷ Jesús timila' limbamaj coquexi' ts'ilihuequi:

—Imanc', łte conłeyacu? łJouc'a imanc' ałpo'no'ma caituca'?

⁶⁸ Simón Pedro italai'e'ma, timi:

—Mai'ailli', łpe całtseyacu? Ocuena comxi to ima' ailopa'a. Ailopa'a co'onłiyaco'. Ima' małpalaic'onga' lapenufyi lałpitine aimijouya. ⁶⁹ Illanc' joupa ał'huaiyijmpo'. Joupa i'ipa całsina', ima' unCristo, ima' i'Hua ŁanDios Łimał'i.

⁷⁰ Jesús timila':

—Unc'imbamaj coquexi' linca ai'huijf'epolhuo'. Tipa'a anuli imanc' onta'a.

⁷¹ Jesús ipalaicopa Judas, i'hua Simón Iscariote. Itque anuli ihniya limbamaj coquexi' ts'ilihuequi Jesús, ticuna'ma.

7

¹ Jesús ipanenni jilpiya al distrito Galilea. Aimicua mi'huaya al distrito Judea. Joupa icuejpa lixpicepa lan judío nomana' jilpiya. Ihniya tehueyi te co'ya mima'ayacu. ² Tehue'e' oque' afane' quitine ti'i'ma liłjuic lan xanuc' judío. Mi'i'ma ite liłjuic lan xanuc' tilanc'eyi liłpunxahualqui, timajm'me jilpe.

³ Lipimaye Jesús timiyi:

—Taipanni, to'huała' al distrito Judea petsi lo'iyoya al juic. Pu'hua to'etsi al cueca'. Tołta'a tixinno' lof'eya ihniya ts'ihuejhuo' nomana' jilpiya. ⁴ Anuli cal xans, ja'ni ipic'a timetsaicole lan xanuc', itque ti'e'ma al cueca' petsi lahuetsaleyompa, aimemiyacoxi. Ima', łte cofpanecoya fa'a petsi lan xanuc' aimixinyaco', aimehuelojnyaco' lof'epa al cueca'? Tomujtoxi jipu'hua pe lomana' axpela' lan xanuc'.

⁵ Tołta'a lonespa lipimaye Jesús, aimi'huaiyijnyi. ⁶ Jesús timila':

—Itsiya aica'eya to lałmipa. Aimi'ya. Iya' aiquicuaiya lai'hora. Imanc' linca jahuay łitiné ti'i'ma tonł'e'me ma cołtuca' lołspic'eyacu. ⁷ Lołf'as xanuc' nomana' fa'a li'a łamats' aimi'ya mi'eyacolhuo' laic'. Iya' linca ał'e'e laic'. Aiquilpic'a laifnu'ipola', camila': “Tonł'eyi lixcay”. ⁸ Imanc', ne', tołf'ajlıte al juic. Itsiya aica'huaya. Capanehuo. Aiquicuaiya lai'hora.

⁹ Lijoupa linespa tołta'a Jesús ipanenni Galilea.

¹⁰ Lipimaye iye'me al juic lo'ya Jerusalén. Lijou'ma Jesús i'hua'ma quituca' Jerusalén. Aicuya'e'. ¹¹ Jilpiya al juic lan xanuc' judío ehue'me Jesús. Icuis'e'mołtsi:

—Itque cal xans, łpe copa'a?

¹² Lan xanuc' nomana' jilpe al juic ixoulołai'me. Timana' nonespá ticuayi: “Itque ac'a xans”. Locuenaye ticuayi: “A'ijc'a xans. Ma tifel'miyale.” ¹³ Le'a tixoulołaiyi. Aiminesyi ułfxi. Tixpaic'ennila' ts'ilpenic' judío.

¹⁴ Li'ipa nolojmay juic Jesús if'aj'ma al cuecaj xoute'. Jilpe ipango'ma imuc'i'mola' lan xanuc'. ¹⁵ Licuej'me lan xanuc' judío ticuayi:

—ıXinła! Itque cal xans aiquimuxejma. łPetsi quihuic'iyohuo'ma ite łitaiqui' lomuc'iyalepa?

¹⁶ Jesús italai'e'mola', timila':

—Laifmuc'ipolhuo' a'i caituca' laipicuejma'. He lalupa LanDios, itque Lalummepa, ma'e laifmuc'ipolhuo'. ¹⁷ Cal xans nixpic'epa ti'ela' latentcocopa LanDios, itque cal xans timetsaico'ma laifmuc'ipolhuo'. Itque ti'i'ma quixina' ja'ni LanDios a' muc'i o ja'ni quipa'e iya' caituca' laipicuejma'. ¹⁸ Cal xans nahuepa te co'iya mimetsaiconyacu ja'ni ac'a xans, itque timuc'iyale'ma ma le'a lonespa quituca' lipicuejma'. A'i to'ta'a li'ejma' cal xans loya'apa al linca, ahijca lipicuejma'. Itque aimehuay latentcocoyacola' lan xanuc'. Tehuay te co'iya mimetsaiconyacu ac'a itque lumme'pa. To'ta'a lai'ejma' iya'.

¹⁹ 'Litaiqui' Moisés tu'ilhuo' locuxe'epolhuo' LanDios. To'tcuayi: "Linca Moisés lapi'iponga' illanc' litaiqui' LanDios. Ma ite litaiqui' la'cuxe'ponga'." Ma mo'nesyi to'ta'a imanc' aimolanant'hiyi locuxe'epolhuo' LanDios. Imanc' ailopa'a colanant'hipa. Itsiya, ¿te colahuecopa te co'iya ma'ma'aya?

²⁰ Lan xanuc' judío lefot'lepolti jilpiya timiyi:

—¿Naitsi noma'ayaco'? Ima' itsufaipo' conta'a. Ailopa'a noma'ayaco'.

²¹ Jesús italai'e'mola', timila':

—Le'a anuli cal xans aixal'menapa litine conxajya, imanc' o'suelcopá, to'tcuayi: "¡Xinla'! ¡Jesús ti'ay canic' litine conxajya!" ²² Imanc' to'tcuayi: "Moisés a'cuxe'eponga' a'ete circuncidar la'naxque' camijcanó. Tama ti'ila' litine conxajya to'ta'a a'e'me." Linca Moisés a'i itque copa'a cal te'a nicuxepa to'ta'a. A'i'a tipajnta Moisés to'ta'a lo'epa lan tatahueló. ²³ Imanc' tixoquei cunlata tonf'eyi circuncidar lo'naxque', tama ti'ila' litine conxajya. To'tcuayi: "Ma' a'eyi la'cuxe'eponga' Moisés". Imanc' tetentcocolhuo' tetec'ente lipixic' lamijcano. To'sinyi ilajmpa al c'a laqueca. Itsiya camilhuo': ¿Te calixtuc'ocopa imanc' iya' lai'epa litine conxajya? Aixal'menapa anuli cal xans. Ac'a ilajn-napa jahuay licuerpo. ²⁴ Imanc' aicolcueca, ma le'a to'tcuayi. Ate'a to'tspic'ete lo'nesyacu, tijoula' to'tpalai'e al linca.

²⁵⁻²⁶ Lan xanuc' lun Jerusalén ixim'me Jesús timuc'iyale. Ticuayi:

—¡Xinla'! Ticuanni: "A'ma'a'me itque Jesús". Itsiya ma'que timuc'iyale. Jahuay tehuelojnyi, ailopa'a co'empa. ¿Te cocuapa lan tsila' qui'penic'? ¿Te ticuayi ma'que Jesús copa'a cal Cristo? ²⁷ Illanc' a'cuayi: A'i itque cal Cristo. A'sina' lipi'ya li'huayomma. Ticuaiyunni cal Cristo aimi'iya ca'sina' to'ta'a.

²⁸ Jesús mimuc'iyale jilpe al cuecaj xoute', tipalay ujfxi, tiquimf'ete jahuay, timila':

—Imanc' to'tcuayi: "Limetsaicoyi Jesús". To'tcuayi: "A'sina' lipi'ya li'huayomma". A'i. Aicol'sina' pe cai'huayomma. Iya' a'i caituca' caixpic'e cacuaihuo' fa'a li'a lamats'. Tipa'a Lalummepa. Itque aimifellaique. Imanc' aicolimetsaijma. ²⁹ Iya' linca nimetsaijma. Iya' ma'que cai'huayomma. Itque alummepa.

³⁰ Lan judío ixtulencia licuapa Jesús. Ehue'me te co'iya mi'no'lyacu. Aiquil'noti. Aiquicuaiya li'hora, aimi'iya mima'ayacu.

³¹ Axpela' lan xanuc' i'huaiyijm'me Jesús. Tinesyi:

—Ticuaiyunni cal Cristo, ¿ja'ni xonca lo'eya? Acueca' lo'epa Jesús.

³² Lam fariseo iquimf'e'me ihniya lan xanuc' mixoulo'iai, tipalaicoyi Jesús. Lixanuc' cal cuecaj ca'ailli' jouc'a ihniya lam fariseo umme'me lapaluc' xoute' tityele, ti'notsa Jesús. ³³ Jesús ti'hua timuc'iyale, timila' lan xanuc':

—Ahuata capajncona'ma jifa'a pe lo'mana'. Tijoula' ca'huana'ma pe lopa'a Lalummepa. ³⁴ Imanc' lahue'ma, aimasingonaya. Pe laifpa'a imanc' aimi'iya mo'tcuaiyacu jilpiya.

³⁵ Lan judío tipalaic'oyo'tsi, tinesyi:

—Ja'ni aimasingonayacu itque cal xans, ¿pe cotseya? ¿Te ti'hua'ma hilemats' lan xanuc' griego pe lomana' la'pimaye? ¿Te timuc'itola' jilne lan xanuc'?

griego? ³⁶ Jitque Jesús ałminga': "Imanc' lahue'ma, aimalsingonaya. Pe laifpa'a jilpiya imanc' aimi'iya molcuaiyacu." ¿Te cohualquemma ihiya? ¿Te conescopa itquiya? Aicacueca.

³⁷⁻³⁸ Icuai'ma lijoujma quitine al juic. Ihiya litine xonca al cueca'. Ecax'ma Jesús. Tipalay ujfxi, tiquimf'ete jahuay, timila':

—Cal xans laicuipa quija' tiloc'huaiyunni pe laifpa'a. Tixnala' ita'a laja' laifcupa. Itque lat'huaiyjmpa.

"To muya'e' al Paxi Linilingiya tołta'a ti'i'ma. Tuya'e': "Jilpe lunxajma' tipahuo axpe' caja'. Ihiya laja' ti'hua tipahuo. Aimixnajya."

³⁹ Lines'ma tołta'a Jesús ipalaico'ma cal Espíritu Santo, itque lapenufyacu ihiya no'huaiyjmpá Jesús. Mipa'a Jesús li'a lamats' aicummaic' itque cal Espíritu Santo. Ticuainatsi lema'a tumme'etola'.

⁴⁰ Liquimf'epá ihiya licuapa Jesús timana' nonespá:

—Linca LanDios alumme'eponga' liprofeta, małque Jesús.

⁴¹ Timana' nonespá:

—Jitque linca cal Cristo.

Locuenaye tinesyi:

—Cal Cristo aimi'huayoya Galilea. ⁴² Tuya'e' al Paxi Linilingiya: "Cal rey David itatahuelo cal Cristo". Jouc'a tuya'e': "Cal Cristo co'huayoya liya' Belén. Małpe lipi'ya' cal rey David."

⁴³ Tołta'a ihiya lan xanuc' aiqui'ic' anuli lipicuejma'. Timana' nocuapá: "Małque cal Cristo". ⁴⁴ Timana nocuapá: "Ał'nołta". Ailopa'a no'nołya.

⁴⁵ Lepaluc' al cuecaj xoute' ipailinamma. Icuaita pe lomana' lixanuc' cal cuecaj ca'ailli' jouc'a lam fariseo. Ihiya icuis'e'me, timinnila' lilepaluc':

—¿Te qui'ipolhuo'? Aicolihuaic' cal xans.

⁴⁶ Italai'e'me:

—Illanc' alcuayi ac'a tipalay itque. Ocuena aimipalay to itque lopalaipa.

⁴⁷ Lan fariseo italai'e'me:

—¿Te ifel'mipolhuo' imanc' jouc'a? ⁴⁸ ¿Te ti'huaiyinge anuli nałcuxeponga'? O anuli lat'as fariseo, ¿te ti'huaiyinge? Ai. Le'a lan xanuc' aiquimuxejma, ma' ihiya ti'huaiyjnyi. ⁴⁹ Ihe ni aiquisina' lataiqui' locuxepa LanDios. Joupa ecanipola'.

⁵⁰ Jilpiya tipa'a anuli lat'as fariseo cuftine Nicodemo. Małque Nicodemo i'huahuo'ma anuli lipuqui', ipalaic'otsi Jesús. Itsiya timila':

⁵¹ —Litaiqui' LanDios lałcuxe'eponga', lu'inga': "Anuli cal xans titalai'e'ecotsi. Tołquimf'ete locuaya. Ja'ni aicolquimf'e aimi'iya molacani'eyacu."

⁵² Timiyi Nicodemo:

—¿Te ima' unGalilea jouc'a? Toxhueła' xonca al Paxi Linilingiya. Jilpe toxim'ma ailopa'a profeta co'huayoya Galilea.

⁵³ Jahuay iyena'me filejut'li.

8

¹ Jesús i'hua'ma lįjuala cuftine Lįjuala Olivo. ² Li'ipa quitine ipaiconanni, i'huacona'ma al cuecaj xoute'. Jilpiya jahuay lan xanuc' tefot'leyoltsi. Jesús icutshuai'ma timuc'iyale'ma. ³ Mimuc'iyale Jesús icuaita jilpiya lomxiye nomuc'iyalepá locuxepa LanDios jouc'a lam fariseo. Ihejma anuli łaca'no'. Iximpá łaca'no' tunahuolanna cal xans, itque a'i quipe'ailli'. Ecaxu'me łaca'no' nolojmay lan xanuc' noquimf'epá mimuc'iyale Jesús. ⁴ Timiyi Jesús:

—Momxi, joupa alsimpola' tunahuolanna. Cal xans a'i quipe'ailli'. ⁵ Litaiqui' Moisés, ite loya'apa locuxepa LanDios, małe lataiqui' alcuxe'enga' alma'acotsola' apic łaca'no' no'epá tołta'a. Ima', ¿te cofcuaya? ¿Te cal'e'eyacu itca'a łaca'no'?

⁶ Iñe tehuaiyi Jesús. Iñpic'a tinesla': "Aimont'e'me iñe locuxepa Moisés". Tijoula' ticuxeco'me.

Jesús ic'omai'ma. Inilco'ma lidedo lamats'.

⁷ Iñiya ihui'i'me, icuis'mot'le'me. Jesús ecaxna'ma hijca, timila':

—Anuli imanc' ja'ni ailopa'a quijunac', ne', ate'a teca'niña' lapic.

⁸ Lijou'ma ic'omaicona'ma, inilcona'ma lamats'.

⁹ Lan xanuc', iñe ts'iñejma ñaca'no', imetsaico'moltsi jouc'a iñtaic' liñjunac'. Anuli anuli iyena'me. Ate'a i'huana'ma xonca liñjpa xans, liñjou'ma ipalnanca anuli anuli, ijouco'ma ts'atesca quemats'. Jesús ñaca'no' imanenca quilituca'. Laca'no' ti'hua tecaxu jilpiya.

¹⁰ Jesús ecaxcona'ma hijca, ehuelojm'ma ñaca'no' tecaxu quituca'. Timi:

—Maca'no', ¿te qui'ipola' iñe lan xanuc'? Jounpa iyenapá. ¿Nij naitsi nitac'uipo' cajunac'? ¿Nij naitsi nicufpo' tima'antso'?

¹¹ Iñque timi:

—Mai'ailli', nij naitsi.

Jesús timi:

—Iya' jouc'a aicatac'uiyaco' cajunac'. Iya' aicacua: Tima'antso'. To'huanta'. Aimo'eonna quixcay.

¹² Jesús imuc'icona'mola' lan xanuc', timila':

—Fa'a li'a lamats' iya' Nepalco'. Capalc'o'ila' iñiya nalihuejpa, iñe tipa'a liñpitine aimijouya. Iñiya liñpicuejma' aimi'iconaya muf, ticuec'e'me, ti'e'me al c'a.

¹³ Lam fariseo timiyi:

—Ima' tonescoyoxi cotuca'. A'ij linca lofnepa.

¹⁴ Timila':

—Tama canescoyoxi ma canesqui al linca. Iya' aixina' pe lai'huayomma, aixina' pe laiftseya. Imanc' aicolsina' pe lai'huayomma, aicolsina' pe laiftseya.

¹⁵ Imanc' ma coñtuca' toñtac'uila' lajunac' loñ'as xanuc', toñpic'eyi ja'ni ac'a ja'ni a'ijc'a lo'epa. Iya' aicatac'uila' cajunac'. ¹⁶ Ja'ni catac'uila' lajunac' ma añijca iñe laif'eya. Iya' a'i caituca' caxpic'e. Illanc' ma' anuli añspic'eyi iya' cai'Ailli', iñque Lalummepa.

¹⁷ 'Litaiqui' LanDios locuxepa ticua: "Oquexi' lan xanuc', ja'ni ma' anuli lonespa, ne', tapenufla' iñe locuapa". ¹⁸ Iya' canescoyoxi. Jouc'a cai'Ailli' iñque Lalummepa, ma' anuli añnesma.

¹⁹ Timiyi:

—¿Pe copa'a co'ailli'?

Timila':

—Imanc' aicalimetsaijma naitsi iya'. Jouc'a aicolimetsaijma cai'Ailli'. Ja'ni limetsaijma iya', jouc'a cai'Ailli' tolimetsaico'me.

²⁰ Toñiya licuapa Jesús mipa'a al cuecaj xoute', mimuc'iyale. Ticutsuya liju' al caxax pe latoj'mimpá al tomí. Nij naitsi ni'noñpa Jesús. Aiquicuaiya li'hora.

²¹ U'icona'mola', timila':

—Ca'huana'ma. Imanc' lahue'ma. Timaco'molhuo' coñtaic' loñjunac'. Iya' caituca' ca'hua'ma, aimi'iya mañeyacu anuli.

²² Lan xanuc' judío ticuayi:

—¿Te conescopa: "Iya' caituca' ca'hua'ma, aimi'iya mañeyacu anuli"? ¿Ja'ni tima'a'moxi?

²³ Jesús ti'hua tipalaic'ola', timila':

—Iya' cai'huayomma al toncay. Imanc' conñouyomma al 'ocay. Loñpitine, fa'a li'a lamats' ipangoyopa. Iya' a'i. ²⁴ Jounpa aimipolhuo': Timaco'molhuo' coñtaic' loñjunac'. Jounpa aimipolhuo' naitsi iya'. Aimolapenufi iñe laifnescopoxi. Ma' aimolapenufi iñe laifpalaicopoxi, oñtaic' loñjunac', toñta'a timaco'molhuo'.

25 Icuise'e'me, timiyi:

—¿Naitsi ima'?

Jesús timila':

—Joupa aimipolhuo'. Joupa ołsina'. 26 Tipa'a axpe' laifpalaicoyacolhuo' imanc'. Aiximpolhuo' a'ijc'a lon'epa. Cai'Ailli', itque Łalummepa, aimifellaique, tinesqui mane al linca. Ite lalu'ipa iya' cu'iyale fa'a li'a łamats'.

27 Iñiya aiquilcueca Jesús lipalaicopa ŁanDios qui'Ailli'. 28 Jesús timila':

—Iya' itque cal Xans Łiximpa cal profeta pu'hua lema'a. Tijoula' al'nof'enala' imanc' limetsaico'ma naitsi iya'. Limetsaico'ma ma to joupa ainescopoxi iya'. Ti'i'ma cołsina' te ts'i'ic' laipicuejma'. Iya' caituca' aicaxpic'e laif'eya. Jihe lałmuc'ipa cai'Ailli', małe cu'ilhuo'. 29 Ałejmale anuli iya' y Łalummepa. Iya' ti'hua ca'ay latentocopa itque. Tołta'a aicalpo'nohuo caituca'.

30 Miquimf'eyi lan judío, axpela' iñiya ticuayi:

—Al linca locuapa itque. ¡Lihuej'me!

31 Jesús ipalaic'o'mola' itne lan xanuc' judío no'huaiyijmpá, timila':

—Ja'ni laitaqui' tipanenni lołpicuejma' imanc' lihuejna'ma al c'a.

32 Tołsim'me al linca laitaqui', tolıhuejco'me. Tołta'a imanc' cołtuca' tołcuxe'mołtsi al c'a.

33 Iñiya timiyi:

—Illanc' inaxque' lałtatahuelo Abraham. Aimi'iya małcuxeyacongá'. Ailopa'a calpoujna. Ima', ¿te calmicoponga': "Imanc' cołtuca' tołcuxe'mołtsi al c'a"?

34 Jesús italai'e'mola':

—Iya' camilhuo' al linca: Cal xans ja'ni ixçay lo'epa ite lixçay ticuxe. Itque cal xans ti'onłcospa to cal mozo. 35 Cal mozo aimipaneya lejut'ł lipoujna. Li'hua łapoujna, itque linca tipanehuo.

36 'Iya' i'Hua ŁanDios, ja'ni iya' cuhuałnatsolhuo' imanc' linca tołcuxena'mołtsi al c'a nulemma. 37 Imanc' tołcuayi: "Illanc' inaxque' lałtatahuelo Abraham". Ma' aixina' tołta'a. Itsiya tama imanc' inaxque' Abraham tolahueyi te co'iya małma'aya. Aimalapenufi iya' laitaqui'. 38 Iya' ma to lałmuc'ipa cai'Ailli', tołta'a cu'ilhuo'. Cu'ilhuo' ma laiximpa pu'hua pe lopa'a cai'Ailli'. Imanc' ocuena coł'ailli'. Tonł'eyi lomuc'ipolhuo' itque.

39 Iñiya timiyi:

—Abraham al'ailli'.

Jesús timila':

—Imanc' ja'ni inaxque' Abraham, tonł'e'me anuli to li'epa Abraham.

40 Ituca' loł'ejma' imanc'. Tołspic'eyi alma'ala', iya' ninxans cu'ilhuo' ma le'a al linca, ite lałmuc'ipa cai'Ailli'. Tołe a'i qui'aic' Abraham. 41 Lonł'epa imanc' ti'onłcospa to lo'epa coł'ailli'.

Iñiya timiyi:

—Illanc' a'i ninc'ahuaic'la. ŁanDios al'Ailli'.

42 Timila':

—Ja'ni ŁanDios ol'Ailli' imanc' al'e'ma capic'a. Iya' cai'huayomma ŁanDios, aicuai'ma fa'a li'a łamats'. A'i iya' caxpic'e caituca' cacuaiyunni. Cai'Ailli' lummepe. 43 Imanc' aimi'iya małquimf'eya iya' laitaqui', tołta'a aicołcueca ite laifpalaic'opolhuo'. 44 Lonta'a ol'ailli'. Imanc' inaxque'. Itque imanc' ma' anuli lołjanajpa. Lipangopa li'a łamats' itque inma'ahuale, aiquepenufi al linca. Ma to micua lipicuejma' tipalay pangay mifel'miyale. Ate'a itque ifel'miyalepa. Lijou'ma lan xanuc' tihuejyi li'ejma', jouc'a ti'hua tifel'miyaleyí.

45 'Iya' cu'ilhuo' al linca. Xonca ticuaispa cołpic'a lafellaiqueya cataiqui'. Aimalapenufi iya' laitaqui'. 46 Imanc', ¿te anuli ti'i'ma alłac'ui'ma cajunac'? A'i. Aimi'iya małmiya: "Ima' ałfel'minga". Ja'ni ołsina' camilhuo' al linca, ¿te aimalapenufi iya' laitaqui'?

⁴⁷ 'Cal xans ja'ni i'hua CanDios, itque tepenufi lonespa LanDios. Imanc' a'i quinaxque' LanDios, tohta'a aimi'ya molapenufyacu lonespa.

⁴⁸ Lan judío timiyi:

—Illanc' joupa ałnespá ima' unsamaritano. Itsufaipo' conta'a. Al linca ite lałnescopo'.

⁴⁹ Timila':

—Iya' a'i caltsufaic' conta'a. Iya' quihuejma cai'Ailli'. Imanc' latets'i'. ⁵⁰ Iya', ¿te aga cahuay te co'ya małnescoya al c'a? A'i tohta'a lai'ejma'. Linca tipa'a anuli tehuay te co'ya malimetsaicoya lan xanuc'. Itque ma cal Cuecaj Juez.

⁵¹ 'Iya' camilhuo' al linca: Cal xans nalihuejcopa iya' laitaiqui' itque aimimaya nulemma.

⁵² Lan judío timiyi:

—Itsiya linca ałsina' itsufaipo' conta'a. Joupa imanapa lałtatahuelo Abraham jouc'a imanapola' lam profeta. Ima' tonesqui: “Cal xans nalihuejcopa iya' laitaiqui', itque aimimaya nulemma”. ⁵³ Linca joupa imanapa Abraham. Ima', ¿ja'ni xonca uncueca'? Lam profeta imanapola' jouc'a. ¿Naitsi cof'onłicopoxi?

⁵⁴ Timila':

—Iya' ja'ni caituca' canescoyoxi nincueca', ite laifnescopoxi ailopa'a co'eya. Cai'Ailli' ałnescojma al c'a. Małque cai'Ailli' imanc' tołpalaicoyi tołcuayi: “Itque lałanDios”. ⁵⁵ Imanc' aicolimetsaijma. Iya' linca nimetsaijma. Aicacua aicainimetsaijma. Ja'ni canesla' tohta'a iya' ca'e'moxi acueca' ninfeloye, ca'onłico'moxi to imanc' unc'ifeloye. Iya' linca nimetsaijma, quihuejma litaiqui'. ⁵⁶ Lołtatahuelo Abraham ijanajpa juaiconapa ałsintsołtsi fa'a li'a lałmats'. Joupa ałsimpoltsi, ixojma queta Abraham.

⁵⁷ Lan xanuc' judío timiyi:

—Ima' aiqixhuaiya oquej nuxans quimbama' lomemats'. ¿Te qui'ipa lox-impá Abraham?

⁵⁸ Jesús timila':

—Iya' camilhuo' al linca: Ai'a tipajnta Abraham, iya' capa'a.

⁵⁹ Lan judío ipef'me lopic'. Tipame capic, tima'a'me Jesús. Jesús temiyoxi. Ipanni al cuecaj xoute'. Iłniya aiqixim'me pe quitsecopa.

9

¹ Jesús ti'hua lane, ixim'ma anuli cal fo'. Cal xans ma lipajnta afo'.

² Ts'ilihuequi Jesús icuis'e'me, timiyi:

—Momxi, ¿te qui'ipa lipajnta afo'? ¿Naitsi itque ts'ijunac'? ¿Te małque cal fo' o qui'ailli', qui'máma'?

³ Jesús italai'e'mola', timila':

—Nij naitsi ts'ijunac', ni cal fo' ni qui'ailli' qui'máma'. Ipajnta afo' cal xans, tohta'a LanDios timuc'i'mola' lan xanuc' al cueca' lipepaxi. Jitpe licuerpo cal fo' ti'i'ma al cueca'. ⁴ Micolitine al'e'me loxpicepa LanDios, itque Lalummepa. Tijoula' timufc'ola' aimi'ya mał'eyacu lanic'. ⁵ Ma capa'a fa'a li'a lałmats' iya' Nepalco'.

⁶ Lijoupa licuapa tohta'a Jesús, itsułof'ipa lałmats', ilanc'eco'ma litsulu' laquixitsqui. Itque lixitsqui imet'hi'ipa li'u' cal fo'. ⁷ Timi cal fo':

—To'huala' jipu'hua lin'nuhua' cuftine Siloé. Itpiya tapajtsi lo'u'.

It lipuftine Siloé tuhuałquemma: Ummempa.

Cal fo' i'hua'ma, epajtsi li'u'. Lipainamma, tehuetsalenghua. ⁸ Nomana' lan huejnca jouc'a locuenaye xanuc', itne li'ipa iximpá mixa'hue quitomí, itne tipalaic'oyoltsi, ticuayi:

—¿Te małca'a cal xans nocutshuaipa, noxa'huepa? ¿Te qui'ipa?

⁹ Hualca ticuayi:

—Małca'a cal xans.
Locuenaye ticuayi:

—A'i. A'i iłque, ma le'a ti'onłcospa.

Cal xans timila':

—Ma' iya'.

¹⁰ Timiyi:

—¿Te qui'e'empo'? ¡Ma' ixałconapo' lo'u'!

¹¹ Timila':

—Cal xans cuftine Jesús, i'epa łixitsqui. Iłque łixitsqui ałmet'łi'ipa lai'u'. Alummepa lin'nuhua' Siloé. Ałmipa: “Jiłpiya tapajtsi lo'u'”. Ai'hua'ma, nepajtsi lai'u', itsiya exilinamma lai'u', cahuetsalenghua.

¹² Icuis'e'me, timiyi:

—¿Pe copa'a iłque cal xans?

Timila':

—Aicaixina'.

¹³ Iłque cal fo' joupá ixałconapa ileco'me petsi lomana' lan xanuc' fariseo.

¹⁴ Litine Jesús li'e'ma łixitsqui, lixał'mena'ma li'u' cal fo', iłe litine conxajya.

¹⁵ Lam fariseo aiquietenłcocola' iłe li'epa Jesús litine conxajya. Icuis'e'me cal xans, timiyi:

—¿Te qui'ipo'? Itsiya tahuetsalenghua. ¿Te qui'e'empo' lo'u'?

Cal xans timila':

—Iłque ałmet'łi'ipa łixitsqui lai'u', ai'hua'ma nepajtsi lai'u', itsiya cahuetsalenghua, exilinamma lai'u'.

¹⁶ Hualca lam fariseo nomana' jıłnu'hua ines'me:

—ŁanDios a'i cummaic' iłque cal xans Jesús. Iłiya litine conxajya tetets'i, ti'ay canic'.

Locuenaye tinesyi:

—Ja'ni a'ijc'a xans, ¿te co'ıya mi'eya tołta'a al cueca'?

Enaj'mołtsi onłca, aiqıi'i'ma anuli iłpicuejma'. Timana' pe aiquietenłcocola' lo'epa Jesús, timana' locuenaye icuaitsi quiłpic'a lo'epa.

¹⁷ Icuis'e'cona'me cal xans lixałconapa li'u'. Timiyi:

—Iłque lixał'menapo' lo'u', ima', ¿te cofnesya iłque?

Cal xans timila':

—Iya' cacua aprofeta.

¹⁸ Lan xanuc' judıo ticuayi:

—A'ij łınca locuapa iłque cal xans lonespa: “Laipajnta ninfo”. Lipajnta ailopa'a quicuana, ac'a li'u', tołta'a tehuetsalenghua itsiya.

Ijoc'i'me ticuaiyunca qui'ailli' qui'máma' cal xans lixałconapa li'u'.

¹⁹ Icuis'em'mola', timila':

—¿Te ma' al łınca iłque oł'hua? ¿Ma ipajnta afo'? Itsiya tehuetsale. ¿Te qui'ipa?

²⁰ Qui'ailli' qui'máma' italai'enca, timinnila':

—Ałsina' iłque ał'hua. Ałsina' ipajnta afo'. ²¹ Itsiya tehuetsalenghua. A'i całsina' te qui'ipa. Ni aicałsina' naitsi nixał'menapa li'u'. Iłque joupá itojpa. Titalai'ełá' iłque quituca'.

²² Tołta'a linespa qui'ailli' qui'máma' cal xans. Timiyołtsi: “¿Te cał'eyaconga' lan xanuc' judıo?” Iłniya joupá inefopá, ixpic'epá, icuapá: “Cal xans, ja'ni tinesla': Jesús iłque aCristo, iłque cal xans lihuescuf'me petsi lalafot'leyopołtsi. Tijoułá' aimalapi'iconayacu lane mitsufaiconaya. Aimałmajnconayacu anuli.”

²³ Tołiya ticuayi: “Iłque joupá itojpa. Titalai'ełá' quituca'.”

²⁴ Lan xanuc' judıo ijoc'icona'me cal xans lixałconapa li'u'. Timiyi:

—ŁanDios tiquimf'ehuo'. Lu'itsonga' al łınca. Iłlanc' limetsaijma cal xans Jesús. Ałsina' titay cajunac'.

²⁵ Timila':

—Iya' aicaixina' ja'ni titay cajunac'. Aixina' iya' li'ipa ninfo', itsiya cahuet-salenghua. Ihiya hınca aixina'.

²⁶ Ihe icuis'e'me, timiyi:

—¿Te qui'e'epo'? ¿Te qui'ipa lixa' menapo' lo'u'?

²⁷ Cal xans italai'e'mola', timila':

—Joupa nu'ipolhuo', aico'cueca. ¿Te ts'o'pic'a cu'itsolhuo'? ¿Te aga imanc' o'pic'a tunlihuej'me?

²⁸ Ixtulencia. Imilojpá cataiqui'. Timiyi:

—Ima' hınca mihuequi itque cal xans Jesús. Illanc' a'i. Illanc' lihuejyi Moisés. ²⁹ Alsina' LanDios ipalaic'opa Moisés. Itque cal xans Jesús aicalsina' pe qui'huayomma.

³⁰ Italai'e'mola' cal xans timila':

—¡Xinla'! Itque cal xans alsal'menapa lai'u'. Itsiya imanc' to'cuayi: “Aicalsina' pe qui'huayomma”. ³¹ Alsina' LanDios aimiquimf'ela' petsi ixcay lo'epa. Aimitoc'iyacola'. Cal xans noxpaic'epa LanDios, ja'ni ti'e'la' loxpic'epa, itque cal xans hınca LanDios tiquimf'e, titoc'i. ³² Jifa'a li'a lamats' anuli cal xans ja'ni lipajnta afo', ni anulemma aicalsina' quixa'menni li'u'. ³³ Iya' cacua: LanDios ummepa itque Jesús. Ja'ni a'i, ailopa'a co'eya.

³⁴ Ihiya italai'e'me, timiyi cal xans:

—Litine lopajncota ima' otaic' lojunac'. ¡Itsiya opic'a a'muc'itsonga' illanc'! Ihuescufna'me pe lefot'leyo'tsi. Timiyi:

—To'huanla'. Aimotsufaiconno jifa'a lajut'.

³⁵ Jesús icuej'ma ihuescufimpa pe lefot'leyo'tsi. Ehuepa, ixinnapa, timi:

—Ima', ¿te ma to'huaiyinge itque cal Xans Liximpa cal profeta?

³⁶ Cal xans timi:

—Mai'ailli', lu'ila' naitsi itque. Tijoula' ca'huaiyijm'ma.

³⁷ Jesús timi:

—Joupa oximpa. Tipalaic'ohuo'. Ma' iya'. Iya' itque cal Xans Liximpa cal profeta.

³⁸ Cal xans timi:

—Mai'ailli', ca'huaiyijnhuo'.

Exc'onlingai'ma. ³⁹ Jesús timi:

—Aicuaicoco'ma fa'a li'a lamats' ti'i'ma tenaj'mo'tsi lan xanuc'. Lan fohue tehuetsalena'me. Ihe nahuetsalepá ti'e'e'mola' afohue.

⁴⁰ Lam fariseo nomana' jilpe pe lopa'a Jesús icuej'me lines'ma. Ihiya icuis'e'me, timiyi:

—¿Te ma illanc' jouc'a ninc'ifohue?

⁴¹ Timila':

—Ja'ni unc'ifohue aimitac'uim'molhuo' cajunac'. Ma mo'cuayi: “Alsinyi”, aimilonc'enyacolhuo' lo'junac'.

10

¹ Iya' camilhuo' al hınca: Cal xans notsufaiya petsi leti'ila' lam mot'ł, ja'ni ocuena lotsufaicoya, a'i pe lotsuflaicopa lam mot'ł, itque cal xans innantsepa, inma'ahuale. ² Notsufaicoya ma al puerta, hınca ti'e'mola' cuenna lam mot'ł. Itque ilpoujna, nohuic'iyacola'. ³ Ma ticuaiyunni nohuic'iyacola' lam mot'ł, no'epa cuenna al puerta texi'e'ma. Nohuic'iyacola' lam mot'ł titsufai'ma, tijoc'i'mola' lam mot'ł. Tijoc'i'mola' anuli anuli li'puftine. Tipa'a'mola'. Ihe lam mot'ł tiquimf'eyi litaiqui' nohuic'iyacola', ticuec'eyi. ⁴ Nohuic'iyacola' tipa'atsola' limot'ł ti'huaj'me'e'mola' ihniya. Limot'ł tihuejnayi, ilimetsaijma

litaiqui'. ⁵ Ja'ni tijoc'itsola' ocuena, lam mot'ł aimihuejyacu. Tinul'me, tipo'no'me quituca'. Aimimetsaicoyacu liłtaiqui' locuenaye xanuc'.

⁶ Tołta'a litaiqui' Jesús u'iyalepa. Ihe lan xanuc' aiquilcueca, aimi'iya muhualyacu lataiqui'.

⁷ Jesús ipalaic'oconamola', timila':

—Iya' camilhuo' al linca: Iya' ipuerta hileti'i' lam mot'ł. ⁸ Ocuenaye icuai'me ai'a cacuaihuo, ijoc'im'mola' lam mot'ł. Ihiya ma innantsepá, inma'ahuale. Lam mot'ł aiquilquimf'e liłtaiqui', aiquilcueca locuapa. ⁹ Iya' linca ipuerta hileti'i' lam mot'ł. Naitsi ts'alimetsaijma iya' ipuerta hileti'i' lam mot'ł, ja'ni titsufaila' tołta'a, ilque tunłu'ma. Titsufai'ma, tipahuo, tehueta quiltejua' lam mot'ł, tixinna.

¹⁰ Cal namas joupa ipo'nopa lipicuejma' tinantsetola', tilecotola' lam mot'ł, tima'atola', tejac'ematola'. Tołiya itsehuo'ma jilpe hileti'i' lam mot'ł. Iya' a'i. Aicuaicoco'ma cunłu'e'mola' laimot'ł, capi'i'mola' liłpitine, ile xonca al c'a. ¹¹ Liłpoujna lam mot'ł, ilque nohuic'iyacola', ja'ni ac'a xans ticu'ma lipitine, tunłu'etsola' limot'ł. Tołta'a lai'ejma'. Iya' ninC'a caPoujna, cunłu'e'mola' laimot'ł. ¹² Cal mozo, ituca' lipicuejma'. Ilque a'i quilpoujna lam mot'ł. Lam mot'ł a'i qui'huexi. Mixim'ma icuaico'ma cal lobo tinunghua cal mozo. Tipo'no'mola' quiltuca' lam mot'ł. Cal lobo tipango'ma ti'noł'mola', tica'niyołtsi lam mot'ł. ¹³ Cal mozo a'i quilpoujna lam mot'ł, ilhe a'i qui'huexi. Tołta'a tinuna'ma, aimixinnila' acuanuc'la.

¹⁴ 'Iya' linca ilpoujna lam mot'ł. Iya' ninC'a caPoujna. Quimetsaicola' laimot'ł. Jouc'a laimot'ł limetsaijma iya'. ¹⁵ Cai'Ailli' limetsaijma iya', jouc'a iya' quimetsaijma cai'Ailli'. Ma' anuli to ilta'a iya' quimetsaicola' laimot'ł. Iya' cacu'ma laipitine, cunłu'e'mola' laimot'ł.

¹⁶ 'Timana' ocuenaye laimot'ł. Ihiya tiyelocoyi, aiquiltsuflaic' hileti'i' liłf'as mot'ł. Ihiya jouc'a caleconatola', cajoc'itola', alquimf'e'ma iya' laitaiqui', alcuiec'e'ma. Tijoula' ti'i'ma le'a anuli łati'i', anuli liłPoujna, ma' iya'. ¹⁷ Iya' cacu'ma laipitine cunłu'e'mola' laimot'ł, tołiya cai'Ailli' al'ay capic'a. Tijoula' alma'ala' capenufna'ma laipitine, camaf'ina'ma. ¹⁸ Ailopa'a nalilonc'e'eya laipitine. Ma caituca' cacu'moxi. Tipa'a laimane cacu'ma laipitine. Tipa'a laimane capenufna'ma laipitine. Cai'Ailli' alcuexepa ca'ela' tołta'a.

¹⁹ Lan xanuc' judío noquimf'epá ile linespa Jesús tifuli'iconayi cataiqui'. Hualca etenłcoco'mola' ile linespa. Locuenaye a'i quetenłcocola'. ²⁰ Axpela' tinesyi:

—Itsufaipa conta'a. Imintse'epa lipicuejma'. ¿Te colquimf'ecopa?

²¹ Locuenaye tinesyi:

—Cal xans litsufaiya conta'a a'i tołe mipalaiya. Lixcay conta'a aimixał'meya cal fo'.

²² Ihe łitiné liłya' Jerusalén ti'eyi al juic cuftine “Lipaxneconapa al cueca' xoute”. Joupa uyaipa linu'. I'ipa axita quitine. ²³ Jesús ti'hualejma pe lopa'a al cuecaj xoute'. Ti'hua linujnca cuftine “Lipinujnca cal rey Salomón”. ²⁴ Lan xanuc' ituf'micolai'me Jesús, timiyi:

—Ima' almitsonga' naitsi ima'. ¿Te ticol'ma xonca axpe' quitine aimalminga' naitsi ima'? Ja'ni unCristo, lu'itsonga' nulemma.

²⁵ Jesús italai'e'mola', timila':

—Joupa nu'ipolhuo'. Imanc' aicalapenufi iya' laifmipolhuo'. Cai'Ailli' lapi'ipa laimane, tołe ca'ay al cueca'. Ihe al cueca' laif'epa tuya'e' naitsi iya'. ²⁶ Imanc' a'i caimot'ł, tołta'a aimalapenufi ile laifnuya'apa. ²⁷ Laimot'ł alquimf'e, timetsaicoyi laitaiqui'. Iya' quimetsaicola' laimot'ł. Ihiya lihuequi.

28 Iya' capi'ila' lihpitine aimijouya. Aimecaniyacola'. Iya' ca'e'mola' cuenna laimot'í. Ailopa'a nalaxic'e'eyoya iya' laimane.

29 'Cai'Ailli' jounpa lapi'ipa ihne laimot'í. Itque xonca cal Cueca', ailopa'a co'onkcoya itque. Ailopa'a naipa'ayacola' cai'Ailli' limane, aimi'iya. 30 Iya' cai'Ailli' at'onkcosponga'. Itque iya' ma' anuli.

31 Lan xanuc' judío epef'cona'me lopic'. Tipaco'me Jesús. Tima'a'me. 32 Itque timila':

—Imanc' jounpa ohsimpá axpe' ai'epa al c'a, ihiya lahmuc'ipa cai'Ailli'. Itsiya tohspic'eyi ahma'a'ma. Lu'íta': ¿Jale lai'epa aicohspic'a?

33 Lan xanuc' judío italai'e'me, timiyi:

—Aimama'acoyaco' capic lof'epa al c'a. Ima' metets'ipa LanDios, ite ca'e'ecoyaco'. Ima' unxans, to'onhicoyoxi LanDios.

34 Jesús timila':

—Lojje'e pe linihiya locuxepa LanDios ticua: “Iya' NanDios cacua: Imanc' unc'andiosla.” 35 Ihniya lan xanuc' nepenufpá litaiqui' LanDios, itque ecui'ipola' “... unc'andiosla”. Ite litaiqui' ma' al finca. Aimi'iya mohspai'iyacu. Jounpa inihjmpa. 36 Iya' ma' at'huij'epa LanDios, alummepa fa'a li'a lamats'. Iya' laifnescopoxi ja'ni cacua: “Iya' i'Hua LanDios”, ¿te calmicopa: “Tatets'i LanDios”? 37 Linca, ja'ni aica'ay to lo'epa LanDios cai'Ailli', aimalapenuf'ma. 38 Ja'ni ohsina' ca'ay ma to lo'epa LanDios, tama aimalapenufi, tonlimetsaicote laif'epa, ite ti'onhsa to lo'epa cai'Ailli'. Tohta'a ti'i'ma cohsina' te ts'i'ic' ma'mana' iya' cai'Ailli'. Ahmana' anuli. Pe laifpa'a iya' ma'pe tipa'a cai'Ailli'; pe lopa'a cai'Ailli', ma'pe caifpa'a iya'.

39 Ihniya noquimf'epá tohta'a linespa Jesús ticuayi: “At'nohe”. Ailopa'a qui'e'e'me. Itque unhsa. 40 I'huacona'ma locuenaj liju' al panaj Jordán. Ipanenni ma jihpiya petsi Juan lepo'iyaleyopa. 41 Axpela' lan xanuc' icuaitsa pe lopa'a Jesús. Tinesyi:

—Li'epa Juan a'ij cueca'. Ma le'a inescopa cal xans Jesús. Itsiya jounpa i'ipa cahsina' ma al finca jahuay ite linespa Juan.

42 Mihmana' jihpiya axpela' i'huaiyijm'me Jesús.

11

1 Lihya' Betania tipa'a anuli hancuana cuftine Lázaro. Itque timana' lipimaye cacal'no', lihpuftine María y Marta. Ihniya ihpiya' Betania.

2 Lipima hancuana, itque María, tixcuaf'i'ma laceite lojuepaj c'a li'mitsi' Jesús, tetufco'ma lijuac.

3 Ihniya loquexi' lipimaye Lázaro umme'me cataiqui', tu'inna Jesús:

—Ma'aili', lonfejmalepa, itque Lázaro, textafque.

4 Licuej'ma Jesús litaiqui' ticua:

—Itte licuana aimima'aya nulemma Lázaro. Lo'iya itque timuc'i'mola' lan xanuc' te ts'i'ic' laimane, iya' i'Hua LanDios. Tixinte acueca' LanDios.

5 Jesús ti'ela' capic'a juaiconapa lapimaye Marta, María jouc'a Lázaro.

6 Licuej'ma textafque Lázaro icol'ma, ai'qui'huac'. Jihpe pe lopa'a ipanemma oquej quitine. 7 Lijou'ma timila' ts'ilihuequi:

—Lepá, alecona'me al distrito Judea.

8 Ts'ilihuequi timiyi:

—Momxi, lan judío nomana' jihpiya ma quite' co'la' tipato' capic', tima'ato'. Itsiya, tocuca: “Ca'huacona'ma pu'hua”.

9 Jesús timila':

—Anuli litine tipa'a imbamaj coque' hora. Ja'ni to'huała' litine aimuc'uiyaco'. Cal 'ora tepalc'o'i'mo'. ¹⁰ Ja'ni to'huała' lipuqui', tuc'ui'mo'. Ailopa'a napalc'o'iyaco'. To'hua al muf.

¹¹ Lijou'ma timila':

—ŁaŁejmalepa Łázaro tixmay. Ai'huapa jilpe, cummef'nata. ¹² Ts'ilihuequi timiyi:

—Mał'ailli', ja'ni tixmay, tixałconna.

¹³ Jesús linespa: “Łázaro tixmay”, tuya'e': “Joupa imapa”. Ts'ilihuequi aikuilcueca. Ticuayi: “Łázaro ma le'a tixmay”.

¹⁴ Jesús ipalaic'o'mola' al cuajmaica cataiqui', timila':

—Łázaro joupa imapa. ¹⁵ Itsiya aicacua: “Coła' pu'hua caifpa'a”. Aicaxhuelcocojma. Aixina' iŁe li'ipa titoc'i'molhuo' imanc'. Xonca ał'huaiyijm'ma iya'. Itsiya łepá. Ałcuaita pe lopa'a ilque.

¹⁶ Tomás łacui'ipa cal Cuatsi, timila' liŁejmale:

—jŁepá! Ja'ni tima'antsa Jesús, illanc' jouc'a ałma'atsonga'. Ałma'monga' anuli.

¹⁷ Licuaitsi Jesús jilpe liŁya' joupa ixhuaita amalpuj quitine queminni Łázaro. ¹⁸ LiŁya' Betania ahuejnca Jerusalén. Laquipiculi' to afane' kilómetro.

¹⁹ Axpela' lan xanuc' judío quiyouyumma Jerusalén, icuaitsa lilejut'ł Marta y María, tiŁonc'e'entsola' liŁpixhuejma', joupa imapa liŁpima Łázaro. ²⁰ Marta icuej'ma icuaico'ma Jesús. Ipanni titalecuftsí. María ipanenni lajut'ł. ²¹ Marta timi Jesús:

—Mai'ailli', coła' topa'a fa'a, aimimaya łaipima. Joupa imanapa. ²² Tama imanapa łaipima, iya' ti'hua ca'huaiyijnhuo'. Aixina' ja'ni toxa'hue'ma ŁanDios ilque tepi'i'mo' lofxahue'eya.

²³ Jesús timi:

—Timaf'ina'ma łopima.

²⁴ Marta timi:

—Ne'. Ticuaitsi Lijoujma Quitine timaf'ina'ma. Tołta'a aixina'.

²⁵ Jesús timi:

—Ma' iya' camaf'i'ina'mola' limanapola'. Capi'ina'mola' liŁpitine. Naitsi łal'huaiyijmpa tama timanła' timaf'ina'ma. ²⁶ IŁne nał'huaiyijmpa ja'ni ts'iłmaf'i' aimimayacola' nulemma. Ima', ¿te cofcuapa? ¿Ja'ni canesqui al łınca?

²⁷ Marta timi:

—Mai'ailli', iya' cacua tonesqui al łınca. Aixina' ŁanDios tumme'ma li'Hua, ilque jifa'a ticuaihuo li'a łamats'. Iya' cacua: Ima' i'Hua ŁanDios, joupa ocuai'ma. Ima' unCristo.

²⁸ Lijoupa tołta'a linespa Marta, i'hua'ma ijoc'itsi liŁpima María. Ipalaic'o'mołtsi caquiltuca'. Marta lipalaic'opa liŁpima, timi:

—Icuai'ma Łomxi. Tijoc'ihuo'.

²⁹ Licuej'ma iŁe lataiqui', María aikuicołi, itsahuenni i'hua'ma titalecuftsí Jesús. ³⁰ Jesús ai'a titsufai'ma liŁya' ipanemma małpiya pe litalecufohuo'ma Marta.

³¹ Jilpe lejut'ł María timana' lan judío, icuaita tiŁonc'e'e'me lipixhuejma'. IŁne ixim'me María itsahuenni. Ixim'me aikuicołi, ipanni. Ticuayi:

—I'huapa al pu'hua. Jiłpiya tijoŁta.

Ihuej'me.

³² María icuaitsi pe lopa'a Jesús. Exc'onłingai'ma li'mitsi', timi:

—Mai'ailli', coła' topa'a fa'a, aimi'iya tołta'a. Łaipima aimimaya.

³³ Jesús ixim'mola' tijolijyi María jouc'a lan xanuc' judío lilihuequi María, ihuotsonni juaiconapa. Ixnalif'ma acueca'. ³⁴ Icuis'e'mola', timila':

—¿Petsi colamu'ehuo'me?

Italai'e'me, timiyi:

—Mai'ailli', lepa. AIsinna.

³⁵ Licuaitsa pe lamuya, Jesús ijoj'ma.

³⁶ Lan xanuc' judío tinesyi:

—¡Totsinté! Juaiconapa i'epa capic'a Lázaro.

³⁷ Locuenaye ticuayi:

—Hque ixal'me'e'ma li'u' cal fo'. ¿Te aikuixal'me Lázaro? ¿Te quipo'nocopa quimacopa?

³⁸ Jesús icuaitsi petsi lamuya Lázaro. Ihuotsoconamma juaiconapa. Ixnal-ifcona'ma. Lamuya Lázaro unts'eja'. Lico cunts'eja' eti'icoya acueca' capic.

³⁹ Jesús icuxe'e'mola' lan xanuc', timila':

—Tonlilonc'ele ilque lapic.

Marta ipima limapa timi Jesús:

—Mai'ailli', itsiya tujuelojma. Ixhuaita amalpuj quitine quimac'.

⁴⁰ Jesús timi:

—Joupa aimipo': "Ja'ni ima' al'huaiyinge, toxim'ma acueca' LanDios, acueca' lo'eya".

⁴¹ Honc'em'me lapic.

Jesús ehuelojm'ma al toncay lema'a, timi qui'Ailli':

—Mai'Ailli', cax'najtsi'ihuo' joupa alquimf'epa. ⁴² Tama aixina' itine itine alquimf'e, aimipo': "Cax'najtsi'ihuo' joupa alquimf'epa". Aipic'a alcuejla' ile laimipo' lan xanuc' nacaxhuolanna fa'a. Joupa ainu'ipola': "Cai'Ailli' lum-mepa fa'a li'a lamats'". Itsiya aipic'a ti'ele linca ile lainuya'apa.

⁴³ Lijoupa tola'a licuapa Jesús ija'a'ma, timi:

—¡Lázaro! ¡Taipanni!

⁴⁴ Limapa ipanni hunts'eja'. Limane' li'mitsi' ifiyicoya ijahua', li'a iju'ecopa apa'yu. Jesús timila' lan xanuc':

—Toluhuaite lijahua'. Ti'huanla'.

⁴⁵ Lan xanuc' judío ihne nahuejmpá María, axpela' ihniya lixim'me li'epa Jesús, tixpic'eyi tihuejle. ⁴⁶ Locuenaye iye'me pe lomana' lam fariseo, u'int sola' li'epa Jesús. ⁴⁷ Lixanuc' cal cuecaj ca'ailli' jouc'a lam fariseo ijoc'im'mola' lan tsilaj xanuc' ihne noxpijpá lataiqui'. Efo't'le'moltsi, timiyoltsi:

—¿Te ca'eyacu? Hque Jesús ti'ay al cueca'. ⁴⁸ Ticuicomma alpa'nele, ja'ni a'i jahuay lan xanuc' tihuej'me. Tijoula' tixtulecu lan romano, tetel'me la'cuecaj xoute', aljou'ne'monga' illanc' ninc'ijudío.

⁴⁹ Ma'pe lefot'leyopoltsi tipa'a anuli cal xans cuftine Caifás. Jihniya litiné ilque Caifás copa'a cal cuecaj ca'ailli'. Hque timila' lif'as xanuc':

—Imanc' ailopa'a col'sina'. ⁵⁰ Aimol'spic'eyi. Xonca al c'a luyalaico'me ja'ni timala' le'a anuli cal xans, tola'a tunlu'e'mola' jahuay la'xanuc'. Aimaljouyaconga' illanc' ninc'ixanuc' judío.

⁵¹ Caifás a'i quituca' lipicuejma' tola'a tipalay. Ihniya litiné ilque copa'a cal cuecaj ca'ailli', ma tuya'e' lixp'ic'epa LanDios. Ma'que LanDios joupa ixpic'epa tima'anle Jesús, tola'a tunlu'e'mola' lixanuc' LanDios, jihniya nomana' jihpiya lamats'. ⁵² A'i ma le'a lixanuc' LanDios nomana' jihpiya lamats', tunlu'e'mola' jouc'a jahuay lixanuc', ni petsi lomana', tefot'lena'mola' anuli. ⁵³ Ma jihniya litine ihniya lan judío ixpic'e'me tima'anle Jesús.

⁵⁴ Lijou'ma Jesús aimuyaicoconghua pe lomana' lan xanuc' judío. Ipanni jihpiya al distrito Judea. Icuaitsi anuli li'ya' cuftine Efraín. Hpe li'ya' tipa'a huejnca anuli lamats' petsi ailopa'a quilya'. Jilpe imanenca anuli, Jesús y ts'ilihuequi.

⁵⁵ Jounpa icuaico'ma al juic cuftine al Pascua. Axpela' lan xanuc' ipalunca hípíleloŷa', if'ajli'me al toncay, ticuaita al cuecaj quiŷa' Jerusalén. Ticuaita ai'a ti'i'ma al juic. Tenant'li'me lataiqui' loya'apa locuxepa LanDios. Toŷta'a ła'ailli' timi'mola': "Ima' unlimpio. Ti'i'ma tote'ma łotejacu jilpe al juic." ⁵⁶ Ihe lan xanuc' ehue'me Jesús, ecaxhuoŷai'me pe lopa'a al cuecaj xoute', timiyoltsi: —¿Te cołcuapa? ¿Te ticuaihuo Jesús fa'a al juic, o aimicuaiya?

⁵⁷ Lixanuc' cal cuecaj ca'ailli' jouc'a lam fariseo jounpa icuxepá, timinnila' lan xanuc':

—Anuli imanc' ja'ni ti'ila' quixina' pe lopa'a Jesús, lu'itsonga'.

Ihe tehueyi te co'iyá mi'noŷyacu Jesús.

12

¹ Tehue'e' acamts'us quitine ti'ila' al juic cuftine al Pascua. Jesús ipainanni liŷa' Efraín, icuainatsi liŷa' Betania, pe lopa'a Lázaro, iŷque limapa jounpa imaf'i'napa Jesús. ² Jilpiya ilanc'e'e'me hitejua' tixmoco'ma Jesús. Lázaro, Jesús jouc'a lan xanuc' lijoc'impola' icutshuoŷai'me anuli. Marta ites'mi'mola'. ³ María itaic' onłca litro laceite cuftine nardo. Ihe laceite tujuej c'a. Ic'ef'i'ma laceite li'mitsi' Jesús, etufco'ma lijuac. Imantsi lajut'ł łojuepaj c'a.

⁴ Anuli lihuequi Jesús cuftine Judas Iscariote, iŷque łocuya Jesús, ixtunni, ticua:

⁵—Ihe laceite acueca' lipitali, to mulij'ma anuli cal xans no'eya canic' afanej maxnu quitine. ¿Te aikuicuquinni tepi'inatsola' al tomí lan xanuc' pe ailopa'a quiltomí?

⁶ Judas aimixinnila' acuanuc'la ihe lan xanuc' pe aikuil'hueca quiltomí. Iŷque innaminnaipa. I'hueca al punta pe lo'nij'mimpa al tomí. Tinantse.

⁷ Jesús timila':

—Toŷe. Aimohuos'mi'ma. Łaca'no' jounpa ixpic'epa lo'e'eya laceite. Ticua: "Ca'huej'ma. Ai'a temim'me Jesús caxcuaf'ila' laceite."

(Lan judío ti'huaf'iyi toŷta'a liłcuerpo lomapola'.)

⁸ Jesús ti'hua timila':

—Petsi lołmana' aimicuaiya litine pe aimehue'eyacola' quiltomí lan xanuc'. Itine itine nipajnya tołtoc'i'mola'. Ticuaihuo litine iya' aicapajnconaya.

⁹ Axpela' lan xanuc' judío icuej'me tipa'a Jesús lejut'ł María. Icuaiyunca jilpiya. Iŷpic'a tixinłe Jesús. Xonca iŷpic'a tixinłe Lázaro, iŷque cal xans limaf'i'napa Jesús, itsahue'enammas, ipa'apa pe lomana' limanapola'.

¹⁰ Lixanuc' cal cuecaj ca'ailli' aimixoqui quileta, ixtulencia. Ticuayi: "Ałma'ale Lázaro jouc'a". ¹¹ Hsina' lo'epa lił'as xanuc' judío. Iŷniya liximpá Lázaro imaf'napa ihuej'me Jesús.

¹² Liŷa' Jerusalén timana' axpela' lan xanuc' icuaita al juic. Lihuequi litine iŷniya icuej'me: "Icuaiico'ma Jesús". ¹³ Etej'me limane' xanghue, ipalunca italecuftsa Jesús. Miyeyi lane iŷniya ija'a'me:

—¡Hosana! ¡Tunłu'eatso' LanDios! ¡Tipaxnetso' LanDios iŷque Łummepo'! ¡Ima' jounpa ocuai'ma! ¡Ima' małrey, illanc' ixanuc' Israél!

¹⁴ Jesús jounpa iximpa łaca'huaj burro, enafcai'ma. Toŷta'a li'ipa ma to loya'apa al Paxi Linilngiya, ticua:

¹⁵ Cunc'ixanuc' lołpiŷa' Sión: Aimixpailij'molhuo', aimołsuelmot'łe'me.

¡Tołsinłe! Icuaiico'ma tołrey łenafcaic' li'hua cal burro.

¹⁶ Ihe litine ts'ilihuequi Jesús aikuil'cueca li'ipa. Lijounpa lepenufinapa Jesús pu'hua lema'a, i'nujuaisnatsa linesma iŷe linilngiya. I'ipa quilsina' iŷe lataiqui' tinesqui lo'iyá Jesús.

¹⁷ Lan xanuc' nixinghuo'me Lázaro litine lipananni lipu'hua, iŷniya uya'ahuo'me Jerusalén. ¹⁸ Lan xanuc' nicuejpá iŷe al cueca' li'epa

Jesús ipalunca liłpiya' Jerusalén, italecufhuo'me Jesús. ¹⁹ Lam fariseo ipalaic'o'moltsi, timiyoltsi:

—¡Tolsinle! ¿Te ca'eyacu? Jahuay lan xanuc' tihuejnayi Jesús.

²⁰ Timana' hualca lan xanuc' griego jilpiya lilya' Jerusalén. Iñiya jouc'a icula'apá tixinna quiljuic, texc'onlingolaita LanDios. ²¹ Iñiya icuaita pe lopa'a Felipe. Felipe lipiyya' Betsaida lopa'a al distrito Galilea. Timiyi:

—Małpima, alpic'a alsinle Jesús.

²² Felipe i'hua'ma u'itsi Andrés. Iñe loquexi' iye'me u'itsa Jesús. ²³ Jesús timila':

—Iya' ilque cal Xans Liximpa cal profeta pu'hua lema'a. Joupa icuai'ma lai'hora. Alsim'ma naitsi iya'.

²⁴ 'Iya' camilhuo' al linca: Anulij łaj fanu' trigo ja'ni aimifanni, ja'ni aimemunni łamats', ilque tipanehuo quituca'. Aimi'asya. Ja'ni tifañe, ja'ni temunle łamats' ilque ti'as'ma, ticuef'ma axpe'. ²⁵ Cal xans noximpoxi cuanuc' lipitine, ilque tejac'ma lipitine. Petsi aimixinyoxi cuanuc' lipitine, petsi aimixhueł'mecoyoxi te coyaicoya fa'a li'a łamats', ilque linca tulijna'ma lipitine aimijouya. ²⁶ Nai ts'ipic'a ti'eła' laipenic', lihuejla'. Pe laifpa'a iya' jilpiya jouc'a tipajnta ilque łaltoc'ipa, almajnta anuli. Naitsi no'epa laipenic', cai'Ailli' timetsaiconama.

²⁷ 'Itsiya caxhuełma juaiconapa. ¿Te caifmiya cai'Ailli'? ¿Te cami'ma: “Mai'Ailli', joupa icuai'ma lai'hora, lunhu'eła'. Tołta'a aicatełcoya”? A'i. Aimi'iya camiya tołta'a. Iya' aicuaicoco'ma fa'a li'a łamats' catełco'ma.

²⁸ Jesús ti'hua tipalay, tipalaic'o' qui'Ailli', timi:

—Mai'Ailli', caxahue'ehuo' tomuc'itsola' lan xanuc' ima' linca unCuecaj CanDios.

Lan xanuc' icuej'me tipalaiyinni jipu'hua lema'a, timi Jesús:

—Iya' joupa aimuc'ipola' lan xanuc' iya' ninCuecaj CanDios. Ma tołta'a camuc'icona'mola'.

²⁹ Lan xanuc' nacaxhuołanna jilpiya iquimf'e'me. Iñe ticuayi:

—Una'apa.

Locuenaye ticuayi:

—A'i cuna'e'. Anuli łapaluc quema'a ipalaic'opa Jesús.

³⁰ Jesús timila':

—Joupa aixina' ile lataiqui' lałmipa. Ilque nipalaipa ipic'a imanc' jouc'a tołquimf'ełe, tołapenufle. ³¹ Itsiya LanDios tipango'ma timuc'i'molhuo' te ts'i'ic' lołpicuejma' imanc' nołmana' fa'a li'a łamats'. Timuc'i'molhuo' petsi al c'a, petsi a'ijc'a. Itsiya tuliquinam'me nocuxepola' lan xanuc', iñiya pe aimihuejyi LanDios. LanDios teca'nita. ³² Al'nof'e'ma jifa'a li'a łamats'. Tijouł' lapi'i'ma laimane, cajoc'i'mola' lan xanuc' ni petsi lomana', alcuec'e'ma.

³³ Locuapa Jesús: “Al'nof'e'ma”, ile linespa timuc'ila' lan xanuc' te ts'i'ic' mimaya.

³⁴ Lan xanuc' timiyi:

—Lałje'e liniyya locuxepa LanDios tuya'e': “Cal Cristo tipajm'ma, aimimaya”. Ja'ni cal Cristo aimimaya, ¿naitsi ilque cal Xans Liximpa cal profeta pu'hua lema'a? Ima' tocuca: Ti'nof'em'me.

³⁵ Jesús timila':

—Fa'a tipa'a łapalc'o'ipolhuo'. Ilque aimicołya fa'a li'a łamats'. Ma mipa'a lepalc'o' tonlihuejle ilque. Ticuaitsi lipuqui' timufaj'molhuo'. Naitsi no'huapa al muf aimixina pe cotseya. ³⁶ Mipa'a ilque Lepalc'o' tołapenufle Lepalc'o'. Tołta'a ti'onłcotolhuo' to Lepalc'o'. Jouc'a tonlapalc'o'i'mola' lołf'as xanuc'.

Lijoupa limipola' tołta'a Jesús aiquipalaic'oconala' iñiya. I'hua'ma petsi lan xanuc' aimixingonayacu.

³⁷ Tama axpe' ixim'me Jesús lo'epa al cueca, ihniya lan xanuc' aimepenufyi. Ticuayi: "A'ij linca lonespa". ³⁸ To'ta'a enantcopa ihe lataiqui' linespa cal profeta Isaías, tuya'e':

Mai'Ailli', ailopa'a nalapenufponga' illanc' la'taiqui'.

Ailopa'a nonesya: Iya' linca aiximpa al cueca' lo'epa LanDios.

³⁹⁻⁴⁰ Isaías inescopola' i'ne lan xanuc' pe aimepenufyi Jesús. Ticua ihniya aimi'ia mi'huaiyijnyacu, tuya'e':

I'e'empola' afohue, i'e'empola' ata li'picuejma'.

To'ta'a tama tipa'a li'u' aimixinyacu,

tama tipa'a li'picuejma' aimicuec'eyacu, aimipailiyacu, aimixhuej'meyacu.

To'ta'a aimi'ia caxa'meyacola'.

⁴¹ To'ta'a linespa Isaías mixina Jesús jipe lema'a, ai'a ticuaihuo li'a lamats'. Iximpa te ts'i'ic' itque lixans. Lijou'ma ipalaico'ma.

⁴² Tama al linca ihe licuapa Isaías timana' lan xanuc' i'huaiyijm'me Jesús, hualca ihniya i'penic'. I'ne i'e'moltsi ch'ix. Tixpaic'eyi lo'eyacu lam fariseo. Ihniya ticuayi: "Ja'ni lan xanuc' tepenufle Jesús la'taiqui' aimalapi'iconayacola' lane mitsuflaiconayacu lajut'l' pe lalafot'leyopo'tsi". ⁴³ Lan xanuc' no'epo'tsi ch'ix xonca i'pic'a tepenufintsola', i'pic'a tixinintsola' lan c'a xanuc'. Aimehueyi LanDios latencocopa. To'ta'a aimuya'ayi ja'ni ti'huaiyijnyi Jesús.

⁴⁴ Jesús uya'a'ma, timila':

—Cal xans lapenufpa iya', lapenufinga' illanc', iya' jouc'a itque Lalummepa, ai' iya' caituca'. ⁴⁵ Itque lalahuelojmpa iya', itque lahuelonginga' illanc', iya' jouc'a Lalummepa.

⁴⁶ 'Iya' aicuaicoco'ma li'a lamats' capalc'o'i'mola' lan xanuc'. Cua naitsi lapenufpa itque aimipaneya muf lipicuejma'. ⁴⁷ Cal xans ja'ni aimalihuejma, ja'ni ma le'a atquim'e iya' la'taiqui', iya' aicacani'e itque cal xans. Iya' ai' cacani'eyacola' lan xanuc' nomana' fa'a li'a lamats'. Ai' liya caicuaicoco'ma. Aicuaicoco'ma cunhu'e'mola'.

⁴⁸ 'Cal xans ja'ni aimalapenufi iya' la'taiqui', latets'ipa, tipa'a lacani'eya. Ticuaitsi Lijoujma Quitine ihe la'taiqui' lainespa, ma ihe la'taiqui' tecani'e'ma itque. ⁴⁹ Ihe la'taiqui' aiquipayoya laipicuejma' iya' caituca'. Cai'Ailli', itque Lalummepa, ma'quiya atsc'ai'ipa laifpalaicoya. ⁵⁰ Iya' jounpa nimetsaicopa ac'a ihe la'taiqui' la'sc'ai'ipa cai'Ailli'. Ihe la'taiqui' lapi'ipa cu'itsola' lan xanuc'. Aixina' ja'ni lapenufla' iya' la'taiqui', i'ne lan xanuc' tulij'me li'pitine aimijouya. Ma lamipa cai'Ailli', to'ta'a capalaic'ocola' lan xanuc'.

13

¹ Icuai'ico'ma al juic cuftine al Pascua. Jesús jounpa ixina' icuai'ma li'hora. Tipanno fa'a li'a lamats', ti'huana'ma, ticuainata pe lopa'a qui'Ailli'. Jesús ti'ela' capic'a ts'ilihuequi ihniya nomana' li'a lamats'. Itsiya timuc'i'mola' juaiconapa lo'epola' capic'a.

² Judas li'hua Simón Iscariote, Satanás jounpa icuxe'epa te ts'i'ic' lo'eya. Ticu'ma Jesús.

Jesús y ts'ilihuequi tixmocoyi anuli. ³ Ixina' qui'Ailli' epi'ipa limane ticuxe'ma jahuay. Ixina' qui'huayomma pe lopa'a LanDios. Ixina' ti'huana'ma, ticuainata ma'pe pe lopa'a LanDios.

⁴ Mixmocoyi ts'ilihuequi, Jesús itsahuenni, ipa'a'ma litsamalo, ipo'no'ma jipe liju', ixpejm'moxi al toalla. ⁵ Uhuaf'ma al cutse caja'. Ipango'ma epac'e'e'mola' li'mitsi' ts'ilihuequi, tetufc'e'ecola' al toalla. ⁶ Ti'hua tepac'e'ela' li'mitsi' ts'ilihuequi, icuaitsi pe locutsuya Simón Pedro. Pedro timi Jesús:

—Mai'ailli', ima' ai' malapac'e'e'ma lai'mitsi'.

⁷ Jesús timi:

—Itsiya ima' aicocueca laif'epa. Ticuaihuo litine tocuec'ena'ma.

⁸ Pedro timi:

—¡Ima' aimi'iyaya malapac'e'eya lai'mitsi'! Aicapi'iyaco' lane.

Jesús italai'e'ma, timi:

—Ja'ni aicapac'e'ehuo' lo'mitsi', aimi'iyaya małmajnyacu anuli.

⁹ Simón Pedro timi:

—Ne'. Mai'ailli', lapac'e'ełta' lai'mitsi', lulahuiłta' laimane', ałjuitsai'ıta' łaijuac.

¹⁰ Jesús timi:

—Ma le'a capac'e'e'mo' lo'mitsi'. Cal xans joupa łepopa, ıłque alimpio. Ma le'a li'mitsi' tixisma. Imanc' lalihuequi unc'ılimpio. Tama tołta'a laifmipolhuo', a'ij limpio jahuay imanc'.

¹¹ Jesús joupa ixina' naitsi łocuya. Tołta'a ticua: “A'ij limpio jahuay imanc’”.

¹² Lijoupa lepac'e'epola' lił'mitsi' ts'ılihuequi, ipo'nocona'ma litsamalo, icutsaiconama. Timila' ts'ılihuequi:

—¿Te ołcuec'epá ıte lai'e'epolhuo'? ¹³ Imanc' ałmi “Momxi”, “Mapoujna”; ma' al łınca ıta'a lołnespa. Iya' Nomxi, iya' naPoujna. ¹⁴ Iya' Nomxi, naPoujna, joupa nepac'e'epolhuo' loł'mitsi', imanc' ts'alihuequi. Itsiya camilhuo': Imanc' tolapac'e'e'mołtsi loł'mitsi'.

¹⁵ 'Iya' aimuc'ipolhuo' lonł'eyacu. To iya' lai'epa, imanc' jouc'a tonł'e'me.

¹⁶ Iya' camilhuo' al łınca: Łotoc'iyalepa aimi'iyaya mulijya łipoujna. ıłque łınca xonca acueca'. Ma' anuli łommempa aimi'iyaya mulijya łommeyalepa, ıłque xonca acueca', łocuena ma le'a apaluc. ¹⁷ Ja'ni imanc' joupa ołcueca ıhiya, ma tolihuejle. Tołta'a tuluyalaico'me al c'a.

¹⁸ 'A'i capalaicolhuo' tołta'a jahuay imanc'. Nimetsaicolhuo', aixina' naiłne lai'huiłf'epola'. Jouc'a aixina' tenanłco'ma al Paxi Linıłngiya. ıte łataiqui' tuya'e': “Petsi łatetsumlepa, małque łattepa łala'i anuli, ıłque ał'epa laic’”.

¹⁹ 'Itsiya cu'ıluo' laifnuyaicoya. Ticuaitsi litine ti'ıta' tołta'a toł'nujuais'me laifmipolhuo'. Tołcua'me: “Al łınca linespa Jesús. Ma to linescopoxi ma tołta'a ıłque.” ²⁰ Iya' camilhuo' al łınca: Cal xans napenufpa laifnummepa, lapenufinga' iya' jouc'a ıłque. Cal xans łalapenufpa, lapenufinga' iya' jouc'a Łalummeпа.

²¹ Lijoupa licuapa ııne łataiqui' Jesús ixhuełconanni juaiconapa. Timila' ts'ılihuequi:

—Iya' camilhuo' al łınca: Anuli imanc' ałcu'ma.

²² Ts'ılihuequi ixhuełconca. Ehuelojm'mołtsi, ticuayi liłpicuejma': “¿Naitsi copalaicopa Jesús? ¿Naitsi lo'eya tołta'a?”

²³ Małpe liju' Jesús ticutsu anuli ts'ıhuequi. Jesús ti'ay capic'a juaiconapa ıłque ts'ıhuequi. ²⁴ Simón Pedro tife'ne lijuac, i'e'ma seńna ıłque ts'ıhuequi Jesús. Icuxe'e'ma ticuis'ełta' Jesús: “¿Naitsi ıłque łocuyaco'?” ²⁵ ıłque ts'ıhuequi ıłoc'huai'ma xonca ahuejnca Jesús, icuis'e'ma, timi:

—Mai'ailli', ¿naitsi ıłque lo'e'eyaco' tołta'a?

²⁶ Jesús italai'e'ma, timi:

—Cajac'e'ma ıłca'a łahualca ca'i, capi'i'ma anuli łajejmale titela'. ıłque łınca łalcuaya.

Jesús ijac'e'ma łe'i, epi'i'ma Judas Iscariote li'hua cal xans cuftine Simón.

²⁷ Ma miteja łala' łonta'a titsufay ıłque cal xans. Jesús timi:

—Ima' oxina' lof'eya. Aimicoł'mo'. Tołe to'ełta'.

²⁸ Locuenaye ts'ılihuequi Jesús nocutshuołanna jıłpiya aiquıtsina' te quimicopa Jesús tołta'a Judas. ²⁹ Judas łitaic' al ponta pe lo'nij'mimpa al tomı'. Oquexi' afantsi ticuayi: “¿Ja'ni tipa'a lalahue'eponga' al juic? ¿Te Jesús ummepa ti'nata? O ¿ja'ni ummepa tepi'itola' quıłtomı' lan xanuc' pe aiquıł'hueca?”

³⁰ Lijoupa litepa łala' Judas aiquıcołi, ipanni. Joupa i'ıpa quıpuqui'.

³¹ Lijoupa lipanni Judas, Jesús ipalaic'o'mola' ts'ilihuequi, timila':

—Itsiya joupa i'ipa, aimehue'e'. Iya' ilque cal Xans Ëiximpa cal profeta pu'hua lema'a. ËanDios timuqui naitsi iya'. Toŋta'a iya' jouc'a camuqui te ts'i'ic' lipicuejma' ËanDios. ³² Ma camuqui te ts'i'ic' lipicuejma' ËanDios, ilque xonca timuj'ma naitsi iya'. Aimicoŋya. Timuj'ma nulemma naitsi iya'.

³³ 'Cunc'ainaxque', aimacoŋya jifa'a pe loŋmana'. Ca'hua'na'ma. Lahue'ma imanc'. Joupa aimipola' lan xanuc' judío: “Iya' ca'hua'ma caituca'. Aimi'iya maŋeyacu anuli.” Ma toŋta'a camilhuo' imanc'. ³⁴ Itsiya cacuxe'elhuo' lonŋeyacu. Ëe al ts'e cataiqui'. Cacuxe'elhuo': Tonŋ'e'etsotŋsi capic'a. Ma to iya' ca'elhuo' capic'a, toŋe imanc' tonŋ'e'etsotŋsi capic'a. ³⁵ Ja'ni tonŋ'e'etsotŋsi capic'a, jahuay lan xanuc' timetsaico'molhuo' imanc' alihuequi.

³⁶ Simón Pedro timi:

—Mai'ailli', ¿pe coftseya?

Jesús italai'e'ma, timi:

—Iya' ca'hua'ma laipene. Itsiya aimi'iya maŋeyacu anuli. Tijouŋa' ima' to'hua'ma lopene ti'onŋcota to laipene. Toŋta'a linca lihuej'ma.

³⁷ Pedro timi:

—Mai'ailli', ja'ni aimi'iya maŋeyacu anuli itsiya, ¿te co'iyaco'? Tama aŋma'aŋa' iya' cacu'ma laipitine cunŋu'eco'mo'.

³⁸ Jesús timi:

—¿Te aŋinca tocu'ma lopitine lunŋu'eco'ma? Iya camihuo' al linca: Iŋta'a lipuqui' ai'a tija'a'ma ŋangiti, ima' tones'ma afanemma: “Iya' aicainimetsaijma Jesús”.

14

¹ Jesús ti'hua tipalaic'ola' ts'ilihuequi, timila':

—Itsiya toŋsueŋcoyi. Iya' camilhuo': Aimosueŋmot'ŋe'me. Imanc' toŋ'huaiyijnyi ËanDios. Jouc'a iya' aŋ'huaiyijnla'. ² Cai'Ailli' acueca' lejut'ŋ. Tipa'a axpela' lejut'ŋi petŋi lomanc'eyacu laixanuc'. Ma' al linca Ëe laifnespa. Ja'ni a'i coŋa' aicu'iyacolhuo' toŋta'a. Iya' ca'hua'na'ma calanc'e'etolhuo' colmanc'eyacu. Aŋmajnta anuli. ³ Tijouŋa' calanc'etsi loŋmanc'eyacu capaiconno. Calaitsufconatolhuo'. Aŋmajnta anuli. ⁴ Imanc' joupa oŋsina' pe laiftseya, joupa oŋsina' lane.

⁵ Tomás timi:

—Mai'ailli', aicaŋsina' pe coftseya. ¿Te co'iya maŋsinyacu Ëe lane?

⁶ Jesús timi:

—Cal xans ts'ipic'a ticuaitŋi pe lopa'a cai'Ailli' ËanDios ticuicomma tixinŋa' lipene lo'huaya. Jouc'a ticuicomma tixinŋa' al linca cataiqui'. Jouc'a ticuicomma tepi'inŋe lipitine aimijouya. Imanc' ja'ni joupa lapenufpa, joupa oŋsimpá lane, tolihuejyi al linca, tipa'a loŋpitine aimijouya. Cal xans pe aimalapenufi ilque aimicuaiya pe lopa'a cai'Ailli'.

⁷ 'Imanc', ja'ni joupa alimetsaicopa, limetsaiconga' illanc', iya' y cai'Ailli'. Itsiya ilque cai'Ailli' tolimetsaicoyi, joupa oŋsimpá.

⁸ Felipe timi:

—Mai'ailli', aŋmuc'itsonga' ËanDios, ilque co'Ailli'. Tijouŋa' aimasahue'eyaco' xonca.

⁹ Jesús timi:

—Axpe' mut'ŋa i'ipa maŋmana' anuli. ¿Te aicalimetsaijma? Naitŋi ŋalahuelojmpa iya', ilque joupa lahuelojmponga' illanc', iya' y cai'Ailli'. ¿Te caŋmicopa: “Aŋmuc'itsonga' co'Ailli'”? ¹⁰ ¿Te ima' aicomenufi Ëe lainespa? Joupa nuya'apa: Pe lopa'a cai'Ailli' maŋpe capa'a iya'. Pe laifpa'a iya' maŋpe tipa'a cai'Ailli'. Ma' aŋmana' anuli.

'Laifnu'ipolhuo' iya' aicihuayoya laipicuejma' iya' caituca'. Imanc' alsimpa lai'epa acueca'. Maŕpe toŕsinyi lo'epa cai'Ailli', illanc' aŕmana' anuli. ¹¹ Tonŕ'eŕe linca laifnespa: Pe lopa'a cai'Ailli' maŕpe capa'a iya'. Pe laifpa'a iya' maŕpe tipa'a cai'Ailli'. Ma' aŕmana' anuli. O ja'ni aimi'iya monŕ'eyacu linca iŕe laifnespa, toŕ'nujuaitŕa lai'epa acueca'. Iŕe timuc'ilhuo' aŕinca laifnespa.

¹² 'Iya' camilhuo' al linca. Cal xans ŕalapenuŕpa ti'e'ma to laif'epa. Iya' ca'hua'ma pe lopa'a cai'Ailli'. Tijouŕa' ca'huanŕa' xonca acueca' ti'e'ma iŕque ŕalapenuŕpa. ¹³ Imanc' ja'ni toŕsinyi naitŕi iya', ja'ni limetsaijma, nipajnya toŕsa'hue'me LanDios cai'Ailli' titoc'itsolhuo'. Tijouŕa' ca'e'ma to loŕsahue'epa, catoc'i'molhuo'. Toŕta'a iya' i'Hua LanDios camuc'i'mola' lan xanuc' te ts'i'ic' lipicuejma' LanDios. ¹⁴ Camilhuo': Ja'ni i'ipa coŕsina' naitŕi iya', ja'ni limetsaijma, toŕsa'hueŕe. Tijouŕa' iya' ca'e'ma maŕe to loŕsahue'epa.

¹⁵ 'Imanc', ja'ni aŕ'ay capic'a tolanant'i'me laitaiqui', tonŕ'e'me laifcuxe'epolhuo'. ¹⁶ Caxahue'e'ma cai'Ailli' tepi'itsolhuo' ocuena Lotoc'iyacolhuo'. Iŕque ticuaihuo pe loŕmana', toŕmajm'me anuli. Aimipo'noyacolhuo' coŕtuca'. ¹⁷ Iŕque cal Espíritu tuya'a'ma al linca. Lan xanuc' nomana' fa'a li'a ŕamats' aimehuelojnyi iŕque, aiciuilimetsaijma. Toŕta'a aimi'iya mepenuŕfyacu. Imanc' linca olimetsaijma. Itsiya tipa'a pe loŕmana'. Ticuaihuo litine titsufai'molhuo' iŕque.

¹⁸ 'Iya' aicapo'noyacolhuo' quecaniya. Capaiconno, cacuaiconno pe loŕmana'. ¹⁹ Aimaŕcoŕya fa'a. Lan xanuc' nomana' fa'a, iŕne naihuejpá quiŕtuca' liŕpicuejma', iŕniya aimasingonaya. Imanc' linca ti'hua alsinna. Iya' tipa'a laipitine aimijouya. Imanc' jouc'a toŕsim'me loŕpitine aimijouya.

²⁰ 'Ticuaitsi iŕe litine ti'i'ma coŕsina' iya' y cai'Ailli' aŕmana' anuli. Ti'i'ma coŕsina' imanc' y iya' aŕmana' anuli, iya' y imanc' aŕmana' anuli. ²¹ Cal xans napenuŕpa laitaiqui' iŕe laifcuxepa, iŕque ŕalihuequi, linca aŕ'ay capic'a. Iŕque cal xans ŕaŕ'epa capic'a cai'Ailli' ti'e'ma capic'a. Iya' jouc'a ca'e'ma capic'a, camuc'i'ma naitŕi iya'.

²² Judas, iŕque locuena Judas, a'i Judas Iscariote, timi Jesús:

—Mai'ailli', ¿te calmuc'icoyaconga' ma le'a illanc'? Aimomuc'iyacola' naitŕi ima' locuenaye lan xanuc' nomana' li'a ŕamats'. ¿Te co'iya?

²³ Jesús italai'e'ma, timi:

—Naitŕi ŕaŕ'epa capic'a, iŕque naihuejcopa laitaiqui', cai'Ailli' ti'ena'ma capic'a jouc'a. Aŕcuainacu pe lopa'a. Aŕmajn-na'me anuli. ²⁴ Naitŕi aimaŕ'ay capic'a, iŕque aimihuequi laitaiqui'. Iŕe aŕtaiqui' illanc', iya' y cai'Ailli', iŕque Lalummepa.

²⁵ 'Ma maŕmana' anuli fa'a li'a ŕamats' iya' cu'ilhuo' laitaiqui'. ²⁶ Tijouŕa' ticuaiyunni Notoc'iyacolhuo', iŕque cal Espíritu Santo, iŕque timuc'i'molhuo' jahuay. Ti'nujuaitŕi'ina'molhuo' laifmipolhuo'. Iya' joupa aixahue'epa cai'Ailli' tummeŕa'. Iŕque tumme'e'molhuo'.

²⁷ 'Tolunxac'e'etsoŕtsi ŕolunxajma', ailopa'a tintŕi. Toŕta'a laitaiqui' laifpaxnepolhuo', laifnepi'ipolhuo'. Linca jifa'a li'a ŕamats' lan xanuc' naihuejpá quiŕtuca' liŕpicuejma' iŕne jouc'a timi'molhuo': "Ailopa'a tintŕi". Iŕne liŕtaiqui' aimi'onŕŕpa iya' laitaiqui' laifnu'ipolhuo' itsiya. ²⁸ Joupa oŕcujpá laimipolhuo'. Joupa nu'ipolhuo': "Ca'huana'ma. Tijouŕa' ca'huanŕa' capaiconno, cacuaicoconno." Ja'ni aŕ'ay capic'a ti'i'ma loŕpinoxjma cata. Ca'huana'ma pe lopa'a cai'Ailli'. Iŕque cai'Ailli' xonca acueca'. ²⁹ Itsiya nu'ipolhuo' lo'iya. Tijouŕa' ti'iŕa' toŕta'a toŕ'nujuaiŕta iŕiya laimipolhuo', toŕnes'me: "Linespa Jesús ma' al linca".

³⁰ 'Itsiya huata capalaic'o'molhuo'. Ticuaihuo iŕque nocuxepola' lan xanuc' nomana' fa'a li'a ŕamats', iŕne naihuejpá quiŕtuca' liŕpicuejma'. Iŕque aimaŕcuxe

iya'. ³¹ Ma to lafcuxe'epa cai'Ailli' ma tofta'a ca'ay, ca'e'ma. Ti'ita' quilsina' lan xanuc' iya' ca'ay capic'a cai'Ailli'.

'Toftsolinca. ¡Lepá!

15

¹ 'Iya' a'ontcospa to lujxi al 'ec 'uva. He al 'ec tipa'a limané. Iya' alinca capa'a ile lujxi al 'ec. Cai'Ailli' la'eponga' cuenna, iya' jouc'a laimané. ² He laimané, ja'ni anuli ailopa'a qui'as, cai'Ailli' tetejna'ma. Pe lo'aspa ti'huij'ma. Tofta'a ti'ita' limpio. Ti'asla' xonca. ³ Itsiya joupa olapenufpá laitaiqui', ile lainu'ipolhuo'. Tofta'a LanDios iximpolhuo' unc'ilimpio. ⁴ Aimolanaj'mo'ltsi iya'. Iya' jouc'a aicanajyacoxi imanc'. Anuli limane al 'ec ja'ni tenajxoxi petsi lipujxi c'ec, ile limane tipanehuo quituca', aimi'asya. Tofta'a imanc' ja'ni tolanajtso'ltsi, ti'onlcotolhuo' to limane al 'ec pe lipanemma quituca', aimi'asyacolhuo'. Ticuicomma ma'majm'me anuli. Ja'ni a'i ailopa'a con'eyacu al c'a.

⁵ 'Iya' Nujxi C'ec. Imanc' aimané. Ja'ni aimolanajyo'ltsi iya' jouc'a aicanajyacoxi, ma'majm'me anuli. Tofta'a ti'onlcotolhuo' to limané al 'ec no'aspa juaiconapa. ⁶ Ja'ni tolanajtso'ltsi imanc' ti'onlcotolhuo' to limané al 'ec leca'nimpa aculi'. Tijul'mola'. Tijoula' tiju'ltola' tefot'ena'me jouc'a lif'as quijulpa, tihuoxc'ona'me lonajpa lunga, tipi'em'me. ⁷ Ja'ni aimolanajyaco'ltsi, ja'ni aimolimenc'ecoyi laitaiqui', nipajnya to'sa'hue'me, tepi'im'molhuo' ile lo'sahue'epa. ⁸ Ja'ni ti'onlcospolhuo' to limané al 'ec no'aspa juaiconapa, anuli anuli ti'atsi, imanc' finca alihuequi. Tofta'a lan xanuc' tixim'me acueca' cai'Ailli'.

⁹ 'Ma to cai'Ailli' a'ay capic'a, tofta'a iya' ca'elhuo' capic'a. Aimolanaj'mo'ltsi. Ma'majm'me anuli, tofta'a ti'hua ca'elhuo' capic'a. ¹⁰ Imanc' ja'ni tolihuejcoyi laifcuxe'epolhuo', itine itine to'sim'me ca'elhuo' capic'a. Tofta'a iya' lai'ejma'. Iya' quihuejma lafcuxe'epa cai'Ailli', itine itine aixina' a'ay capic'a itque.

¹¹ 'Tolapenufle laitaiqui' laifnu'ipolhuo'. Tofta'a ti'i'ma acueca' lo'pixo'jma cata. Ma to iya' tixoqui neta, tofta'a imanc' tixo'jma cunlata. Aimi'iya mo'sue'mot'eyacu. ¹² Itsiya cacuxe'elhuo' lon'eyacu. Camilhuo': Ton'etso'ltsi capic'a. Ma to iya' ca'elhuo' capic'a, to'e imanc' ton'etso'ltsi capic'a. ¹³ Cal xans, ja'ni acueca' ti'ela' capic'a nonanc'opo'ltsi ticu'ma lipitine tuntu'e'mola' ihniya. Ailopa'a xonca acueca' co'eya. ¹⁴ Imanc' ahnanc'oyo'ltsi ja'ni ton'eyi laifcuxe'epolhuo'.

¹⁵ 'Itsiya capalaic'olhuo' a'i lopalaic'on'yacola' lam mozó. Cal mozo ai'quixina' lo'eya lipoujna. Itque lipoujna aimu'iya. Illanc' a'ejmaleyi. Camilhuo': Iya' ahnanc'oyo'ltsi. Ailopa'a cainemi'epolhuo'. Jahuay lalupa cai'Ailli' joupa nu'ipolhuo' imanc'. ¹⁶ Iya' ai'huij'epolhuo'. Imanc' a'i cal'huij'e iya'. Camilhuo': Nimetsaicopolhuo' aixanuc'. Caxpic'e ton'ete. To al c'a c'ec tipammaispa tofta'a tipammaitolhuo' imanc'. He al c'a lon'eyacu tipanehuo. Imanc' aixanuc'. Limetsaijma naitsi iya'. Tofta'a cai'Ailli' tepi'i'molhuo' lo'sahue'eyacu. ¹⁷ Ton'etso'ltsi capic'a. Tofta'a laifcuxe'epolhuo' imanc'.

¹⁸ 'Lan xanuc' naihuejpa' quiltuca' lipicuejma', ja'ni ti'elhuo' laic', a'nujuaisla' iya' la'epa. Ate'a a'epa laic' iya'. ¹⁹ Imanc' ja'ni cola' tolihuejyi coltuca' lo'picuejma' ihniya lan xanuc' ti'e'molhuo' capic'a. Timi'molhuo': "Ninc'apimaye". Imanc' aimolihuejyi coltuca' lo'picuejma'. Iya' ai'huij'epolhuo'. Tofta'a ocuena lo'ejma'. To'hiya ihniya ti'e'molhuo' laic'.

²⁰ 'A'nujuaisla' iya' laitaiqui'. Joupa aimipolhuo': "Notoc'iyalepa aimi'iya mulijya lipoujna. Itque lipoujna finca xonca acueca'." Ma to li'e'empa lipoujna, tofta'a lo'e'enyacu cal mozo. Iya' joupa lihuetsuquimpa jouc'a tihuetsuquim'molhuo'. Ihniya ja'ni cola' ihuej'me laitaiqui', jouc'a tihuej'me

lołtaiqui'. ²¹ Imanc' aixanuc', tołta'a ilne lan xanuc' ti'e'molhuo' laic', tihuet-soquim'molhuo'. Ilniya aiqulimetsaijma ilque Łalummepa.

²² 'Iya' ja'ni coła' aicaicuaiyunni fa'a li'a łamats', ja'ni coła' aicaipalaic'o'mola', ilniya ti'i'ma tines'me: "Ailopa'a całjunac'". Iya' aicuai'ma, aipalaic'o'mola'. Itsiya aimi'iya minesyacu: "Ailopa'a całjunac'". Ilne ailopa'a cotalai'ecoyacu. ²³ Ilque łalixtuc'opa jouc'a tixtuc'o cai'Ailli'. ²⁴ Iya' pe lomana' lan xanuc' joup'a ai'epa acueca'. Ailopa'a no'eya to ilta'a lai'epa iya'. Ja'ni coła' aicai'aic' tołta'a ilniya ti'i'ma tines'me: "Ailopa'a całjunac'". Itsiya aimi'iya minesyacu tołta'a. Joup'a ałsimpa acueca' lai'epa. Joup'a ał'eponga' laic', iya' y cai'Ailli'.

²⁵ 'He lał'e'epa ma tenant'hi al Paxi Linilingiya loya'apa: "Tama ailopa'a caif'e'epola' ilniya ał'epa laic'".

²⁶ 'Pe lopa'a cai'Ailli' jilpe tipa'a Notoc'iyacolhuo', ilque cal Espíritu Santo nonespa al linca. Ilque co'huayoya ma le'a ŁanDios. Iya' cumme'e'molhuo' pe lołmana'. Ticuaiyunni fa'a li'a łamats' ilque ałnesco'ma iya'. ²⁷ Imanc' jouc'a ałnesco'ma. Lipangopa laipenic' fa'a li'a łamats' ałejmalepá, iya' y imanc'. Imanc' ałsimpa acueca' lai'epa, limetsaicopa laipicuejma'. Tołta'a ałnesco'ma, tolu'i'mola' lan xanuc'.

16

¹ 'Joup'a nu'ipolhuo' te ts'i'ic' moluyalaicoyacu. Tolapenufle ilne laimipolhuo'. Tołta'a aimolanajyacołtsi. ² Itsiya camiconamolhuo' te ts'i'ic' moluyalaicoyacu: Tipa'am'molhuo' lajut'hi pe lafot'leyopołtsi. Ticuaihuo litine ilniya noma'ayacolhuo' tines'me: "Joup'a aima'apa ilque ilhuejpa Jesús. He lai'epa etenłcocopa ŁanDios." ³ Ilniya pe noma'ayacolhuo' aicalimetsaiconga' iya' ni cai'Ailli'. ⁴ Tołta'a laifnu'ipolhuo'. Ticuaitsi litine tołtelcołe tołnujuaisnata laimipolhuo'. Ma małmana' anuli aicainu'ilhuo' tołta'a. ⁵ Itsiya ai'huanapa, cacuainata pe lopa'a ilque Łalummepa. Imanc' aimalicuis'e: "¿Pe cołtseya?" Nij anuli nalicuis'epa tołta'a.

⁶ 'He laimipolhuo' epi'ipolhuo' acueca' quixhuejma'. ⁷ Iya' camilhuo' al linca: Ticuicomma ca'huana'ma. Ja'ni a'i, Notoc'iyacolhuo' aimicuaiya pe lołmana'. Ja'ni ca'huana' linca ticuaihuo. Iya' cumme'etolhuo' pe lołmana'. Tołta'a xonca al c'a loluyalaicoyacu.

⁸ 'Ilque cal Espíritu Santo ticuaiyunni li'a łamats' timuj'ma ailopa'a cotalai'ecoyacu ŁanDios ilne lan xanuc' naihuejpa' quiltuca' lipicuejma'. Timuj'ma te ts'i'ic' lajunac', timuj'ma te ts'i'ic' al c'a, timuj'ma alinca ŁanDios titeł'mi'mola' ilne ts'iltaic' quiljunac'.

⁹ 'Ilne aical'huaiyinge, tołta'a cal Espíritu Santo timuj'ma iltaic' liljunac'. ¹⁰ Iya' ca'huana'ma pe lopa'a cai'Ailli', imanc' aimalahuelojnconaya aicapanconaya fa'a li'a łamats', cai'Ailli' lapenufnata pu'huanni. Tołta'a cal Espíritu Santo timuj'ma ac'a lai'epa iya'.

¹¹ 'Ticuaiyunni cal Espíritu Santo ŁanDios joup'a ulijpa Satanás, iteł'mipa ilque nocuxepola' lan xanuc', ilne naihuejpa' quiltuca' lipicuejma'. Tołta'a cal Espíritu Santo timuj'ma alinca ŁanDios titeł'mi'mola' lan xanuc', ilne ts'iltaic' quiljunac'.

¹² 'Tipa'a xonca laifnu'iyacolhuo'. Itsiya aimi'iya cu'iyacolhuo'. Imanc' tołsim'me ipime ilne laitaiqui'. ¹³ Ticuaiyunni cal Espíritu Santo ilque noya'apa al linca, panca panca timuc'i'molhuo'. Tołta'a ti'i'ma cołsina' jahuay al linca cataiqui'. Cal Espíritu aimuya'aya quiltuca' lipicuejma'. Tu'i'molhuo' ma loquimf'epa, iliya lataiqui' lu'ipa ŁanDios. Tu'i'molhuo' lo'iya. ¹⁴ Ilque limetsaijma, ałnesco'ma. Aiminescoyacoxi. Ma le'a ałnesco'ma iya' lai'ejma', laipicuejma', laimane. ¹⁵ Ma to li'ejma', lipicuejma', limane cai'Ailli', ma' anuli iya' lai'ejma', laipicuejma', laimane. Tołiya joup'a aimipolhuo': "Ilque

cal Espíritu aiminescoyacoxi. Ma le'a ahesco'ma iya' lai'ejma', laipicuejma', laimane.”

¹⁶ 'Tuyaiła' nihuata aimasingonaya. Tuyaiconła' nihuata ahsingona'ma.

¹⁷ Hualca ts'ilihuequi ipalaic'opołtsi, timiyoltsi:

—¿Te calmicoponga' tołta'a? Ticua: “Tuyaiła' nihuata aimasingonaya. Tuyaiconła' nihuata ahsingona'ma.” Jouc'a ticua: “Ai'huanapa pe lopa'a cai'Ailli”.

¹⁸ Ti'hua tipalaic'oyoltsi, ticuayi:

—¿Te cocuajmaispa licuapa: “Tuyaiła' nihuata”? Aicalcueca ihe litaiqui'.

¹⁹ Jesús ixina' ihpic'a ticuis'ete te cocuapa ihiya lataiqui'. Timila':

—¿Te colicuis'ecopoltsi te cocuapa ihiya litaiqui': “Tuyaiła' nihuata aimasingonaya, tijouła' tuyaiconła' nihuata ahsingona'ma”? ²⁰ Iya' camilhuo' al linca. Imanc' tołhuotso'me, tołjolij'me. Lan xanuc' nomana' fa'a li'a łamats', ihe naihuejpá quiłtuca' ihpicuejma', ihniya tixoj'ma quileta. Imanc' tołhuotso'me juaiconapa. Tijouła' aimołhuotsoconayacu. Tifonc'e'em'molhuo' lołpixhuejma', tixoj'ma cunlata. ²¹ Łaca'no' titełco'ma tipajntsi hi'hua. Tixhuełma, ticua: “Joupa ixhuaita litine. Joupa ał'huajcopa łaipunla.” Tijouła' tipajntsi hi'hua, timence'co'ma łipunla. Tixoqui queta. Ticua: “Łacapími' joupa ipajnta, icuai'ma fa'a li'a łamats”.

²² 'Tołta'a loluyalaicoyacu imanc'. Itsiya tołhuotsoyi, tołsuełcoyi. Caxingona'molhuo'. Jiłpe litine tixoj'ma cunlata. Ailopa'a naiłonc'e'eyacolhuo' ihe lołpinoxjma cata.

²³ Jiłpiya litine aimalicuis'econaya. Iya' camilhuo' al linca: Imanc' ołsina' naitsi iya', limetsaijma, jahuay lołsahue'eyacu cai'Ailli' tepi'itsolhuo', iłque tepi'i'molhuo'. ²⁴ Aicołsahue'e tołta'a cai'Ailli'. Itsiya camilhuo': Imanc' ołsina' naitsi iya', limetsaijma, tołmıle tołta'a cai'Ailli', tołsahue'e'me. Tołta'a linca tepi'i'molhuo'. Tijouła' ti'i'ma xonca juaiconapa acueca' lołpinoxjma cata.

²⁵ 'Iya' laipalaic'opolhuo' a'ij cuajmaica cataiqui', ma le'a ai'onłicopa. Ticuaihuo litine aica'onłicoya. Cu'ina'molhuo' al cuajmaica. Cami'molhuo' te ts'i'ic' cai'Ailli'. ²⁶ Imanc' ołsina' naitsi iya', limetsaijma. Ticuaiyunni jiłpe litine imanc' tołmıle tołta'a cai'Ailli', tołsa'hue'me.

'Iya' a'i camilhuo': “Caxahue'e'ma cai'Ailli' tepi'itsolhuo”.

A'i. Aicamiya tołta'a. Małque cai'Ailli' ti'elhuo' capic'a. Małque tepi'i'molhuo' lołsahue'epa. ²⁷ Imanc' ał'epa capic'a, lapenufpa iya' lainespa, joupa nu'ipolhuo': “Iłque ŁanDios Łalummepa”. Tołiya małque ŁanDios ti'elhuo' capic'a. ²⁸ Iya' cai'huayomma cai'Ailli', aicuai'ma fa'a li'a łamats'. Itsiya ca'huana'ma, quipanahuo li'a łamats', cacuainata pe lopa'a cai'Ailli'.

²⁹ Ts'ilihuequi timiyi:

—Itsiya ałpalaic'onga' al cuajmaica, aimal'onłiconga' cataiqui'. ³⁰ Itsiya ałsina' ima' jahuay oxina', aimalicuis'econayaco'. Itsiya joupa i'ipa calsina' alinca o'huayomma ŁanDios.

³¹ Jesús timila':

—Itsiya, ¿te alinca limetsaijma naitsi iya'? ³² Ticuaihuo al 'hora, itsiya icuai'ma, imanc' tolinul'me. Tonłeyołna'me lołajut'hi, tołaca'ne'moltsi. Ałpo'no'ma caituca'. Tama tołta'a lał'e'eya aicapajnya caituca'. Cai'Ailli' tipa'a. ³³ Iya' cacua: Aimołsuełmot'le'me. Tołiya joupa nu'ipolhuo' lo'iyaya. Ma mołmana' fa'a li'a łamats' linca tołtełco'me. Aimixpailij'molhuo'. Tixojla' cunlata. Iya' joupa nulijpa.

17

¹ Tołe limipola' Jesús ts'ilihuequi. Lijou'ma ehuelojm'ma lema'a. Ipango'ma ipalaic'o'ma qui'Ailli', timi:

—Mai'Ailli', joupa icuai'ma lai'hora. Caxahue'ehuo' tomuc'itsola' laixanuc' naitsi iya'. Iya' o'Hua. Toŧta'a camuc'i'mola' naitsi ima', ima' ai'Ailli'.² Ima' joupa lapi'ipa laimane cacuxena'mola' jahuay lan xanuc'. Toŧta'a capi'i'mola' laixanuc' liŧpitine aimijouya. Iŧniya laixanuc' ima' lapi'ipa.³ Iŧne pe lepi'impola' liŧpitine aimijouya, ma' iŧniya timetsaicohuo' ima' manDios. Jouc'a limetsaijma iya' ninJesucristo, ima' alummepa.

⁴ Fa'a li'a ŧamats' aimuc'ipola' naitsi ima'. Iŧe laipenic' lalapi'ipa ima', joupa aijou'nepa.⁵ Ai'a tilajm'ma li'a ŧamats' aŧmana' anuli. Ailopa'a caŧ'onŧcosponga'. Itsiya' mai'Ailli', lapenufnaŧa' jiŧpiya pe lofpa'a. Jiŧpiya aŧmajnta anuli. Ti'ila' ma to li'ipa ai'a tilajm'ma li'a ŧamats'.

⁶ Ima' joupa lapi'ipa iŧne laixanuc'. Iya' aimuc'ipola' naitsi ima'. Iŧniya laixanuc' aimi'onŧspola' locuenaye lan xanuc' nomana' li'a ŧamats' pe naihuejpa' quilituca' liŧpicuejma'. Ima' joupa o'huijf'epola'. Iŧniya ihuejcopá lotaiqui'.⁷ Jahuay lapi'ipa ima'. Laixanuc' joupa iŧsina' pe qui'huayomma iŧe lalapi'ipa. Jahuay iŧe lalapi'ipa o'huexi ima'.⁸ Lataiqui' ima' lalu'ipa iya' nu'ipola' loxanuc'. Iŧniya epenufpa' iŧiya lotaiqui'. Iŧsina' cai'huayomma ma' ima'. Joupa i'huaiyijmpá li'ipa, ima' alummepa.

⁹ Iya' caxahue'ehuo' totoc'itsola' iŧne loxanuc'. Ai' camihuo' motoc'iyacola' locuenaye xanuc' nomana' li'a ŧamats'. Caxahue'ehuo' totoc'itsola' laixanuc', iŧniya lalapi'ipa. Jiŧne o'huexi.¹⁰ Jahuay lai'huexi jouc'a o'huexi. Jahuay lo'huexi jouc'a ai'huexi. Iŧniya laixanuc', iŧne aŧ'huexi, joupa alimetsaicopa, imuj'me naitsi iya'.

¹¹ Itsiya aicapajnconaya fa'a li'a ŧamats'. Laixanuc' linca timajm'me fa'a. Iya' joupa ca'huana'ma, cacuainata pe lofpa'a. Mai'Ailli', ima' umPaxi. Caxahue'ehuo' totoc'itsola' iŧne laixanuc', to'etsola' cuenna. Ti'hua lihuejla' iŧniya. Ima' lopuftine ma laipuftine jouc'a, toŧta'a lacui'ipa ima'. Laixanuc' ja'ni lihuejla' al c'a, iŧne ti'i'ma anuli ma to anuli iya' y ima'.¹² Ai'epola' cuenna laixanuc' maŧmana' fa'a li'a ŧamats'. Iŧne aiquicuanaj'me lopuftine, ima' hilenDios. Le'a anuli ŧejac'pa, iŧque tejac'eyoxi, toŧe lipicuejma'. Toŧta'a enanŧcopa al Paxi Linilingiya.

¹³ Itsiya aicuaiconna pe lofpa'a. Ma capa'a fa'a li'a ŧamats' caxahue'ehuo' totoc'itsola' laixanuc'. To iya' tixoqui neta, aipic'a tixojla' quileta jouc'a laixanuc'.¹⁴ Nu'ipola' lotaiqui'. Iŧniya epenufpa'. Locuenaye lan xanuc' nomana' fa'a li'a ŧamats' pe naihuejpa' quilituca' liŧpicuejma', iŧniya ti'eyi laic' laixanuc'. Tixinyi ituca' liŧ'ejma' ma to tixinyi ituca' lai'ejma'.¹⁵ Ai' caxa'huehuo' maipa'ayacola' laixanuc' fa'a li'a ŧamats'. Ma caxahue'ehuo' to'etsola' cuenna. Toŧta'a ailopa'a co'eyacola' hixcay xans.¹⁶ Iŧniya ituca' liŧ'ejma' ma to iya' ituca' lai'ejma'. Aimaŧ'onŧsponga' to lan xanuc' naihuejpa' quilituca' liŧpicuejma'.

¹⁷ Mai'Ailli', totoc'itsola' iŧniya laixanuc', ti'ila' o'huexi ima', ti'hua tihuejle al linca. Iŧe lotaiqui' al linca.¹⁸ Ima' alummepa fa'a li'a ŧamats'. Toliya iya' nummepola' laixanuc' tiyeŧe ni petsi li'a ŧamats'.¹⁹ Iya' ma' o'huexi. Cacu'moxi cunŧu'etsola' laixanuc', ti'e'etsola' o'huexi jouc'a. Tihuejle al linca.

²⁰ Iya' caxahue'ehuo' totoc'itsola' jahuay laixanuc'. Ai' camihuo': Totoc'itsola' ma le'a laixanuc' petsi joupa lapenufpa iya'. Iŧne tuya'a'me laitaiqui', tijouŧa' liŧ'as xanuc' jouc'a lapenuf'ma, lihuej'ma. Caxahue'ehuo' totoc'itsola' iŧniya jouc'a.²¹ Aipic'a ti'e'etsola' anuli iŧne laixanuc'. Mai'Ailli' illanc' aŧmana' anuli. Ima' iya' anuli, iya' ima' anuli. Toŧta'a aŧ'e'etsonga' anuli, iŧniya y illanc'. Ja'ni ti'ila' toŧta'a locuenaye lan xanuc' nomana' li'a ŧamats' tines'me: "A linca ma ŧanDios ummepa Jesús".

²² Ima' joupa aŧpaxnepa, limetsaicopa iya' o'Hua. Toŧta'a iya' aipaxnepola' iŧniya laixanuc', nimetsaicopola' onaxque'. Ma to illanc' aŧmana' anuli, iya' y

ima', tołta'a ti'e'etsola' ihniya. ²³ Iya' y ihniya ałmajm'me anuli. Ima' y iya' ałmana' anuli. Tołta'a ti'e'etsola' ma' anuli ihniya. Locuenaye lan xanuc' nomana' li'a łamats' ti'i'ma quilsina' naitsi ilque Łalummepa, ma' ima' mai'Ailli'. Jouc'a ti'i'ma quilsina' lof'epola' capic'a ilne laixanuc'. Ma to ima' ał'ay capic'a tołta'a to'ela' capic'a ihniya.

²⁴ 'Mai'Ailli', ai'a tilajm'ma li'a łamats', ima' ał'ay capic'a, ałpaxnepa, alimet-saicopa. Itsiya caxahue'ehuo' totoc'itsola' laixanuc', ilne lalapi'ipa. Camihuo': Aipic'a ticuaitsa jilpiya, timajnta pe laifpa'a. Ałsinł'a' ma to li'ipa. Ałsintsonga' anuli iya' cai'Ailli'.

²⁵ 'Mai'Ailli', ima' cotuca' ałjca lopicuejma'. Locuenaye lan xanuc' nomana' li'a łamats', ilne aiqumetsaicohuo'. Iya' łınca nimetsaicohuo'. Laixanuc' jouc'a timetsaicohuo'. Iłsina' ima' alummepa. ²⁶ Aimuc'ipola' laixanuc' naitsi ima'. Ti'hua camuc'i'mola', timetsaicotso' xonca, ti'etsołtsi capic'a ma to ima' ał'ay capic'a. Tołta'a ał'e'etsonga' anuli iya' y laixanuc'.

18

¹ Jesús lijoupa lipalaic'opa qui'Ailli' ipanni, ileco'mola' ts'ilihuequi. Iye'me laca'hua pana' cuftine Cedrón. Uyalaico'me locuena liju'. Jilpiya tipa'a anuli łaqueya. Itsuflai'me. ² Judas, ilque pe joupa icupa cataiqui' ticu'ma Jesús, imet-saijma jilpiya łaqueya. Itsenaihuo'me jilpe Jesús jouc'a ts'ilihuequi. ³ Małpiya icuaiconca Judas ilecola' lan soldado romano jouc'a lapaluc' lummempola' lixanuc' cal cuecaj ca'ailli', jouc'a lummempola' lam fariseo. Ihniya iltaic' lolif'ecopołtsi, jouc'a lılpepalc'o', jouc'a locuanajcoyacołtsi lofulecoyacu.

⁴ Jesús joupa ixina' jahuay lo'iya. Ipanni, timila':

—Imanc', ¿naitsi conlahuepa?

⁵ Timiyi:

—Lahueyi Jesús, łas Nazaret.

Jesús timila':

—Ma' iya'.

Małpe tipa'a Judas, ilque pe joupa icupa cataiqui' ticu'ma Jesús. Jilpe jouc'a tecaxhuołanna lan soldado jouc'a lapaluc'. ⁶ Licuej'me lines'ma Jesús: “Ma' iya’”, ihniya ipailiconca quılspula', enghuołaitsa łamats'. Ixpailij'mola' juaiconapa. ⁷ Jesús icuis'econa'mola', timila':

—Imanc', ¿naitsi conlahuepa?

Ihniya italai'e'econa'me, timiyi:

—Lahueyi Jesús, łas Nazaret.

⁸ Jesús timila':

—Joupa aimipolhuo': Ma' iya'. Ja'ni ma le'a iya' lahuay, tołapi'itsola' lane tiyente ilna'a ts'alihuequi.

⁹ Tołta'a enanłcopa limipa Jesús qui'Ailli', locuapa: “Iya' ai'epola' cuenna laixanuc', ilne lalapi'ipa ima'. Ailopa'a quejac'pa.”

¹⁰ Simón Pedro itaic' li'espada. Ipa'a'ma, ixcai'e'ma łimozo cal cuecaj ca'ailli'. Nulemma etec'e'e'ma lix'mas al c'a camane. Ilque cal mozo cuftine Malco.

¹¹ Jesús icuxe'e'ma Pedro, timi:

—To'huejnała' lo'espada. Cai'Ailli' joupa ixpic'epa tołta'a laifnuyaicoya. ¿Te ma iya' catets'i'ma ilque lixpicejma'? Ma catelco'ma.

¹² Lan soldado romano jouc'a nocuxepola', jouc'a lapaluc' lummempola' lan tsilaj judío, ihniya i'noł'me Jesús, ifi'e'me. ¹³ Iłeco'me pe lopa'a Anás. Ilque a'hua cunas cuftine aCaifás. Jilniya łitiné małque Caifás cal cuecaj ca'ailli'.

¹⁴ Joupa inespa: “Tima'anłe le'a anuli cal xans, tunłu'etsola' jahuay lałxanuc'”.

¹⁵ Milecoyi Jesús iyenc'e'me oquexi' ts'ilihuequi. Iñiya Simón Pedro jouc'a ñeje'male. Pedro ñeje'male imetsaijma cal cuecaj ca'ailli'. Icuaitsa lejut'ñ cal cuecaj ca'ailli'. Litsufai'e'me Jesús, Pedro ñeje'male jouc'a itsufai'ma ñipuna quejut'ñ ña'ailli'. ¹⁶ Pedro aiqutsufaic'. Ipanenni tecaxu lixpula' al puerta. Ts'ihuequi Jesús, ñique pe ñimetsaijma cal cuecaj ca'ailli', ipaiconanni icuaitsi pe lopa'a ñahuats' no'epa cuenna al puerta. Ipalaic'opa. Lijou'ma itsufai'e'ma Pedro. ¹⁷ Ñahuats' no'epa cuenna al puerta icuis'e'ma Pedro, timi:

—¿Te ma ima' jouc'a omihuequi cal xans Jesús?

Pedro timi:

—A'i iya'.

¹⁸ I'i'ma juaiconapa caxita. Jñpe lam mozó jouc'a lapaluc' icue'epá quipunga. Jñniya ecaxoñgoñai'me, epat'ñe'moñtsi. Pedro jouc'a ecaxingai'ma jñpiya, epat'ñe'moxi.

¹⁹ Cal cuecaj ca'ailli' Anás ticuis'e Jesús, timi:

—¿Naitsi ñniya ts'ihuejhuo'? ¿Te cofmuc'ipola'?

²⁰ Jesús italai'e'e'ma, timi:

—Iya' aipalaipa petsi jahuay añsimpa, añquim'epa. Camuc'ila' lan xanuc' mimana' jñpiya ñejejut'ñ pe lafoñyomma, jouc'a pe lopa'a al cuecaj xoute'. Camuc'ila' mañpiya pe lafoñyomma lan xanuc' judío. Ailopa'a caimuc'ipola' quemiya. ²¹ Itsiya, ¿te calicuis'ecopa te caimuc'ipola'? Taicuis'etsola' nañquim'epa. ñne ññsina' te ts'i'ic' laimipola'.

²² Licuejpa toñta'a linespa Jesús, una'ma camane li'a anuli ñapaluc' nacaxuya huejñca. Timi:

—Ima', ¿te cofñalai'ot'ñecopa toñta'a cal cuecaj ca'ailli'?

²³ Jesús timi:

—Ja'ni a'i canesqui al ñjca, lu'ila'. Ja'ni ainespa al ñjca, ¿te calunñafcopa camane?

²⁴ Ma to quifi'iya Jesús, Anás ummepa pe lopa'a cal cuecaj ca'ailli' Caifás.

²⁵ Pedro ipanenni ñipuna ña'ailli', ma mecaxu tepat'ñeyoxi. Icuais'e'me, timiyi:

—¿Te ma ima' jouc'a omihuequi ñique?

Pedro icuanajpa, timi:

—A'i iya'.

²⁶ Anuli ñimozo cal cuecaj ca'ailli' ipalaic'o'ma Pedro. ñique ma ñipima ñetec'epa quix'mas Pedro. Timi:

—Iya' cacua jounpa aiximpolhuo' jñpiya ñaqueya, ima' jouc'a Jesús.

²⁷ Icuanañcona'ma Pedro, timi:

—Iya' a'i.

Aiquicoli. Ija'a'ma ñangiti.

²⁸ Ipa'a'me Jesús lejut'ñ Caifás. Ileo'me pe lopa'a cal gobernador romano, ñique cuñtine Pilato. Jounpa i'ipa quitine. Lan judío aiqññtsuñlaic' lejut'ñ Pilato. Imanenca ñuna. Timiyonñtsi: “Aimi'iya mañtsuñlaiyacú. Añpic'a LanDios aññintsonga' ninc'ñlimpio. Toñta'a ñipañnya añteta lixic' lotejnyacu al juic Pascua.”

²⁹ Pilato ipanni pe lomana' ñniya, timila':

—¿Te ts'i'ic' loñcuxecocopa cal xans?

³⁰ Italai'e'e'me, timiyi:

—I'epa quixcay. Ja'ni ailopa'a qui'aic', ¿te cañcuai'ecoyacu fa'a ima'?

³¹ Pilato timila':

—Imanc' toññeconñe. Tññinc'ita loñjuez. Tixanuta ññta'a lataiqui'. Tonñ'e'ete to minesqui lataiqui', ññe locuxe'epolhuo'.

Lan judío italai'e'e'me, timiyi:

—Illanc' aimi'hua ñañmane, aimi'iya malacani'eyacu. Aimi'iya mañpic'eyacu tima'anñe.

³² Jesús joupá uya'apa te co'iya mima'ayacu. Itsiya tenant' ma linespa.

³³ Pilato ipainanni, itsufaicona' ma lejut'. Ijoc'i' ma Jesús ti'huanni. Icuise' ma, timi:

—¿Te ima' ìrey lan xanuc' judío?

³⁴ Jesús timi:

—¿Te ima' to'la' a topalay cotuca', o lan xanuc' a'nescopa to'la' a?

³⁵ Pilato italai'e'e' ma, timi:

—Iya', ¿te ninjudío? Loxanuc', ìniya ixanuc' cal cuecaj ca'ailli', icupo'. ¿Jale co'epa?

³⁶ Jesús italai'e'e' ma, timi:

—Iya' aicacuxela' lan xanuc' to micuxeyi lan rey nomana' fa' a li' a lamats'. Ituca' laifcuxepola' iya'. Ja'ni co'la' cacuxe to micuxeyi lan rey nomana' li' a lamats', ìniya ts'alihuequi joupá ifulepá, a'cuanajco' ma aima'cuya ticuaita qui' mane lan xanuc' judío. Itsiya aicacuxe fa' a li' a lamats'.

³⁷ Pilato timi:

—¿Te ima' unrey?

Jesús timi:

—Ma to lofnescopa iya' ninrey. Iya' aipajncota aicuaicoco' ma li' a lamats' cu'itsola' lan xanuc' al linca. Pe naihuejpá al linca cataiqui', ìniya a'cuc'e.

³⁸ Pilato timi:

—¿Te jale al linca?

Lijoupa linespa to'la' a Pilato ipaconanni pe lomana' lan xanuc' judío, timila':

—Iya' cacua, ìque cal xans ailopa' a quijunac'. ³⁹ Ajuic ajuic Pascua to'cuaikumma, a'sahue'e' cux'mas' ma anuli hitats' iya, to'le mo'eyi. Itsiya, ¿jale ts'olpic' a cux'masla'? ¿Ja'ni cux'masla' ìca' a to'rey imanc' unc' ijudío?

⁴⁰ Lan judío ija' acona' me, timiyi:

—Aimox'mas' ma ìque. Tox'masla' Barrabás.

Ìque Barrabás innantsepa, inma' ahuale.

19

¹ Pilato icuxe' ma tilecon' te Jesús tipatsa. ² Lijou' ma lan soldado ipuf' me anuli al corona quitac. Ipo' nof' i' me lijuac Jesús. Itats' mi' me lijahua' unxali cumi. ³ If' iltsaico' me. Ti'cuaikumma pe lacaxu to mi' e' enni cal cuecaj xans. Inom' me, timiyi:

—A'nom' mo' ima' ìrey lan xanuc' judío.

Ti'hua ti'econayi. Lijou' ma tuntafc'e' eyi li' a.

⁴ Pilato ipaconanni luna. Timila' lan judío:

—To' sin' le. Quipa' a' ma luna ìca' a Jesús. Ti' ìla' co' sina' joupá aiximpa ailopa' a quijunac'.

⁵ Ipa' a' ma luna. Lijuac itaic' licorona quitac. Titatsma lijahua' unxali cumi. Pilato timila' lan judío:

—To' sin' le. Jifa' a copa' a cal xans.

⁶ Lixim' me Jesús lixanuc' cal cuecaj ca'ailli' jouc' a lilepaluc', ìniya ija' a' me ujfxi, timiyi Pilato:

—¡Tapa' ts' ijnla' lancruz! ¡Tapa' ts' ijnla' lancruz!

Pilato timila':

—To' he' cole imanc' co' tuca'. Tolapa' ts' ijntsa lancruz. Iya' aiximpa ailopa' a quijunac'.

⁷ Lan judío timiyi:

—Ìque ticua: “Iya' i' Hua Lan Dios”. Tipa' a lataiqui' la'cuxeponga' illanc'. He' lataiqui' ticua: “Tima' antsola' ìne nocuapá to'la' a”.

8 Licuej'ma ihe lonespa, Pilato xonca ixpaij'ma. 9 Itsufaicona'ma lejut'ł, icuis'econa'ma Jesús, timi:

—Ima', ¿pe co'huayomma?

Jesús aiquitalai'e.

10 Pilato timi:

—¿Te aimaktalai'e? ¿Te aicoxina' ti'hua laimane? Nipajnya cux'masna'mo', nipajnya capałts'ijm'mo'.

11 Jesús italai'e'ma, timi:

—Tipa'a anuli xonca acueca'. Iłque łepi'ipo' comane. Ima' cotuca' ailopa'a cał'e'eya. Naitsi cal xans nałcupa, iłque xonca tipa'a lijunac'.

12 Licuej'ma ihiya lataiqui' Pilato xonca ehue'ma te co'iya mux'masya Jesús.

Lan xanuc' judío ti'hua tija'ayi, timiyi:

—Cal xans nonespa: “Iya' ninRey”, iłque ti'ay quipilaic' César cal cuecaj rey. Ja'Ni tox'masqui Jesús, jouc'a to'ay laic' łopoujna César.

13 Licuej'ma Pilato lonespa lan judío i'hua'a'ma Jesús łuna petsi cuftine “Łitat'łuyiya”. Liłtaiqui' lan judío cuftine Gabata. Jiłpe icutshuai'ma to cal juez.

14 Ihe litine avispera al juic cuftine al Pascua. Joupa ti'i'ma to menac'o. Pilato timila' lan xanuc' judío:

—Tołsinłe. Jifa'a copa'a łłrey.

15 Ihe ija'a'me ujfxi, timiyi:

—iTolecoła', tolecoła', tapałts'ijntsi lancruz!

Pilato timila':

—¿Te caifnepałts'ijncoya łłrey?

Lixanuc' cal cuecaj ca'ailli' italai'e'e'me, timiyi:

—Ma le'a César ałrey. Ailopa'a cocuena.

16 Lijou'ma Pilato icu'ma Jesús tepałts'ijntsa lancruz. Lan soldado ileco'me.

17 Jesús itai'ma lencruz. I'hua'ma lane ticuaita Łamats' Quecoye. Liłtaiqui' lan xanuc' judío cuftine Gólgota. 18 Jiłpiya epałts'ingim'me lencruz Jesús. Jouc'a epałts'ingim'mola' oquexi' lan xanuc', anuli al c'a camane Jesús, łocuena loxa camane. Jesús epałts'ingimpa nolojmay iłniya.

19 Pilato joupa inilijmpa anuli lacaxma. Epałts'ijm'me laquitoncay hijuac Jesús. Ihe liniliya tinesqui: “Iłca'a Jesús łas Nazaret, iłrey lan xanuc' judío”.

20 Jiłpe pe lapałts'ijnnya Jesús ahuejnca liłya' Jerusalén. Axpela' lan xanuc' judío uyalaico'me jiłpiya. Ixhue'me lainilá liniliingiya lacaxma. Iniliingiya afane' łataiqui', liłtaiqui' lan judío, liłtaiqui' lan romano, liłtaiqui' lan xanuc' griego. 21 Lixanuc' cal cuecaj ca'ailli' aiquicuaicotsi quiłpic'a linilpa Pilato, timiyi:

—¿Te cominilcopa: “Iłca'a iłrey lan xanuc' judío”? Topai'inła'. Tuya'ała': “Iłca'a Jesús, małque timiyoxi: Iya' iłrey lan xanuc' judío.”

22 Pilato italai'e'e'mola', timila':

—Joupa aininilpa. Tipanenni tołta'a.

23 Lam malujxi lan soldado, iłne lepałts'ijm'me lancruz Jesús, tumma'me lip-ijahua'. Anuli anuli tumma'me lipijahua'. Ipanenni anuli litoqui lipijahua'. Ihiya lipijahua' aiquenanc'iya. Apufi ipangocopa łejoc xejmay li'mitsi'. 24 Lan soldado timiyotłsi:

—Aimałts'ałyacu. Alf'ilcołe ałsim'me naitsi nolijya.

Tołta'a enałncopa al Paxi Liniliingiya tuya'e': “Anuli anuli ummana'me laipijahua'. If'ilco'me naitsi tulijla' litoqui laipijahua'.”

Tołta'a li'epa lan soldado.

25 Tecaxu María qui'máma' Jesús huejnca pe lepałts'ijnnyompa lencruz. Jouc'a tecaxhuołanna lipima qui'máma' cuftine María, iłque ipeno Cleofas, jouc'a

María las Magdala. ²⁶ Jesús ehuelojm'ma qui'máma' tecaxu jilpiya. Jouc'a ixim'ma anuli ts'ihuequi tecaxu liju' qui'máma'. Itque ts'ihuequi, Jesús xonca ti'ay capic'a juaiconapa. Jesús timi qui'máma':

—Momá, jilpe tipa'a lo'hua.

²⁷ Timi ts'ihuequi:

—Toxinla', jilquiya o'máma'.

It litine ts'ihuequi Jesús epenuf'ma qui'máma' Jesús. Itaitsufcotsi.

²⁸ Lijou'ma Jesús ipalaicona'ma. Joupa ixina' ixhuaita jahuay litecopa. Ticua:

—Ticui caija'.

Tohta'a loya'apa al Paxi Linilingiya. Itsiya iliya lataiqui' tenanli.

²⁹ Jilpe tipa'a anuli al catsitu imanna al cuxac vino. Ijac'ecom'me al vino anuli al esponja. Ifinc'i'me lupa limane c'ec cuftine hisopo, i'nof'e'me ti'huaico'a lico Jesús. ³⁰ Jesús lijoupa lixnapa ticua:

—Joupa ixhuaicota.

Ic'ommai'ma lijuac, ummena'ma li'espíritu ti'huanla'.

³¹ It litine avíspera. Lihuequi litine itine conxajya. It acuecaj quitine.

Lan judío ilpic'a tilonc'en-natsola' liltuerpo itne lepaits'ingimpola', aimico'l'mola' jilpiya lilencruz. Ticuayi: “Icuaiico'ma al cuecaj quitine. Jilne liltuerpo aimi'iya mimajnyacu jilpe lam fane' lancruz.” Ixahue'e'me Pilato tummetsola' lan soldado tepatsuf'entsola' li'l'mitsi' napats'ingolanna. Tijoula' tepatsuf'entsola' li'l'mitsi' itne, tilonc'enatsola' lilencruz.

³² Lan soldado icuaitsa petsi cal te'a lepaits'ingiya lencruz. Epatsuf'e'me li'l'mitsi', jouc'a epatsuf'e'me li'l'mitsi' locuena. ³³ Ipailiconanca, icuaitsa pe lopa'a Jesús. Ixim'me joupa imapa. Aiquepatsuf'e'me li'l'mitsi'.

³⁴ Anuli cal soldado i'nif'ma lianza, ena'ma lanza liju' Jesús. Aiquico'i, ipanni lajuats', ipanni laja'. ³⁵ Itque nainilpa ite lataiqui' iximpa tohta'a li'ipa. Ma' atinca ite linilijmpa. Tu'ilhuo' imanc' noisueyacu. Ipic'a imanc' jouc'a tonlapenufle ita'a lataiqui'.

³⁶ It li'ipa enantcopa al Paxi Linilingiya lonespa: “Aimepatsufiya ni anuli lipeca'”. ³⁷ Al Paxi Linilingiya jouc'a tinesqui: “Tehuelojncona'me itque tenampa liju'”.

³⁸ Lijou'ma anuli cal xans cuftine José las Arimatea i'huapa pe lopa'a Pilato. Itque José joupa epenufpa litaqui' Jesús. A'i cuya'e'. Tixpaic'ela' lan judío. Ixa'huehuona'ma Pilato tepi'ila' lane tileconna licuerpo Jesús. Pilato epi'i'ma lane. I'hua'ma itainatsi licuerpo Jesús. ³⁹ Jouc'a icuaiyunni Nicodemo, itque nehuejnhuo'ma lipuqui' ixinghuo'ma Jesús. Nicodemo itaic' cal pomada ilanc'ecompa itamqui lojuepaj c'a. Ita'a litamqui cuftine amirra, ihuomptsi a'áloes. Itque cal pomada lipicumta to oquej nuxans quimbamaj kilo. ⁴⁰ Loquexi' i'e'epá licuerpo Jesús ma to mi'eyi itne lan xanuc' judío ai'a teminnola' limanapola'. Iju'eco'me licuerpo ijahua' jouc'a cal pomada.

⁴¹ Pe lepaits'ijnyompa Jesús jilpiya tipa'a huejnca anuli laqueya. Jilpe laqueya tipa'a anuli hunts'aja' capic, ilanc'empa ti'huejyom'me lomaya. Jilpe hunts'aja' ailopa'a quemimpa. ⁴² Joupa avíspera litine conxajya. Jilpe litine aimi'iya miyeyacu aculi'. Lan xanuc' judío aimicuyi lane. Jilta'a hunts'aja' ma' ahuejnca pe lepaits'ijnyompa Jesús. Jilpiya i'huequintsa licuerpo Jesús.

20

¹ Icuaitsi al te'a quitine al xamano, ite al domingo, aquipuqui' María las Magdala i'hua'ma hunts'aja' pe li'nico'enghuo'me Jesús. Icuaitsi ixim'ma joupa itonc'empá cal cuecaj capic letemf'ecompa. ² María ipainanni hunts'aja', tinu.

Icuaitsi pe lomana' Simón Pedro y locuena ihuejpa Jesús. Jilque Jesús hi'epa capic'a. María timila':

—Joupa ipa'anapá Cał'ailli'. Jilpe hunts'aja' ailopa'a. Aicałsina' pe quipo'no'empa.

³ Pedro jouc'a hilejmale ipalunca, iye'me pe li'nico'enghuo'me Jesús. ⁴ Loquexi' inul'me. Eilejmale Pedro ulij'ma. Icuaitsi ate'a. ⁵ Ehuenac'o'ma licu'u hunts'aja'. Ixim'ma hijahuati tummac'o. Aiquitsufaic'.

⁶ Simón Pedro i'huanc'e'ma ilque hilejmale. Icuaitsi hunts'aja' itsufai'ma. Jouc'a ixim'ma hijahuati tummac'o. ⁷ Ixim'ma lijahua' lifi'ecompa li'a, hijuac Jesús. Ihe lijahua' iximpa ijuisquiya, a'i mipa'a anuli jilpe locuena hijahuati.

⁸ Lijoupa litsufaipa Pedro, itsufai'ma locuena ts'ihuequi Jesús, ilque licuaita ate'a, ixim'ma li'ipa. Ticua: “Jesús ma' imaf'inapa”. ⁹ Ihiya aiquilcuca al Paxi Linilingiya loya'apa ticua: “Timał'ina'ma tipayonno pe lomana' lamizhua”.

¹⁰ Loquexi' ts'ilihuequi Jesús iyena'me hilejut'li.

¹¹ María las Magdala icuaiyoconsi pe lopa'a hunts'aja'. Tecaxu huna, tijoqui. Mijoqui tehuenac'o licu'u hunts'aja'. ¹² Ixim'mola' oquexi' lapaluc' quema'a, afujca liłpijahuat'. Ticutsołanna pe lunahuai'epa licuerpo Jesús. Anuli ticutsu hijuac, locuena ticutsu li'mitsi'. ¹³ Ihiya timiyi María:

—Maca'no', ¿te cofjojcopa?

María timila':

—Ileconapá Cai'ailli' Jesús. Aicaixina' petsi quipo'no'empá.

¹⁴ Lijoupa linespa tołta'a ipai'e'ma li'a. Iximpa Jesús tecaxu jilpiya. Aiquimetsaico'ma Jesús. ¹⁵ Jesús timi:

—Maca'no', ¿te cofjojcopa? ¿Naitsi cofmehuepa?

María ticua lipicuejma': “Iłca'a no'epa cuenna laqueya”. Timi:

—Mai'ailli', ja'ni ima' olecopa, lu'ila' pe copo'no'ehuo'ma. Iya' ai'huapa caleconna.

¹⁶ Jesús timi:

—¡María!

María ipai'e'moxi, ipalaic'o'ma litaiqui' hebreo, timi:

—¡Raboni!

Ihe lataiqui' tuhualquemma “Momxi”.

¹⁷ Jesús timi:

—Aimał'noł'ma. Aicaicuaiya pe lopa'a cai'Ailli', ilque jouc'a oł'Ailli'. Iłque ainenDios, imanc' jouc'a olanDios.

¹⁸ María las Magdala i'hua'ma pe lomana' ts'ilihuequi Jesús, timila':

—Aiximpa Cał'ailli'.

U'i'mola' licuapa Jesús.

¹⁹ Joupa ummuhuita ihe litine, al te'a quitine al xamano. Ihe ts'ilihuequi Jesús tefot'leyołtsi anuli, ix'nif'miya lajut'ł. Tixpaic'ennila' lan judío. Jilpe icuaitsi Jesús. Ecax'ma małpe pe lomana', timila':

—Aimołhuotso'me. Toluyalaite al c'a.

²⁰ Imuc'i'mola' limane, liju'. Lixim'me cał'Ailli' ihiya ts'ilihuequi ixojna'ma quileta. ²¹ Jesús timiconala':

—Aimołhuotso'me. Ma to cai'Ailli' alummepa, tołta'a iya' cummelhuo'.

²² Lijoupa limipola' tołta'a, ifusco'mola', timila':

—Capi'ilhuo' cal Espíritu Santo. Tolapenufle. ²³ Ja'ni tołmite anuli cal xans: “Lojunac' iłojn-napa”, linca joupa iłojn-napa lijunac'. Ja'ni tołmite: “Aiquilongelojunac’”, linca aiquilongelijunac' cal xans.

²⁴ He lipuqui' licuai'ma Jesús, anuli ihniya limbamaj coquexi' ts'ilihuequi ailopa'a jilpiya. Ique cuftine Tomás, lacui'impá cal Cuatsi. ²⁵ Locuenaye ts'ilihuequi Jesús timiyi:

—Asinnapá Cal'ailli'.

Tomás timila':

—Ja'ni caxinla' limane petsi lepats'ijncompa lan clavo, ja'ni cacaj'mila' laidedo pe lecajm'micompa cal clavo, ja'ni cacanc'ola' laimane pe lixcai'empa liju', canes'ma: “Ma' imaf'inapa Jesús”. Ja'ni aicaxina tohta'a ti'hua canes'ma: “Aiquimaf'inghua Jesús. Ai ique licuai'ma.”

²⁶ Lijoupa luyaipa apaico quitine, efot'lecona'moitsi ts'ilihuequi Jesús. Ix'nif'miya lajut'l. Tomás jouc'a tipa'a. Icuaiti Jesús. Ecaxingai'mola'. Timila':

—Aimothuotso'me.

²⁷ Timi Tomás:

—Tacajm'mila' lodedo ihna'a laimane'. To'nijla' lomane tacanc'ola' lainiju'. Aimonescna'ma: “Jesús aiquimaf'inghua”. Al'huaiyijnla'. Joupa aimaf'inapa.

²⁸ Tomás italai'e'e'ma, timi:

—Ima' maiPoujna. Ima' mainenDios.

²⁹ Jesús timi:

—Ima' lahuelonge, tohta'a al'huaiyijmpa. Naiti la'huaiyijnya tama aicalahuelonge, ique linca xonca lipaxnepa LanDios.

³⁰ Mipa'a fa'a li'a lamats' Jesús imuc'i'mola' ts'ilihuequi al cueca' li'epa. Tohta'a imuc'i'mola' ma LanDios hummepa. Jifa'a aiquinihi jahuay ita'a li'epa Jesús, ma le'a huata. ³¹ Lataiquí linihiya fa'a timuc'ilhuo' naiti Jesús, ique cal Cristo, ma' i'Hua LanDios. Tolapenufle ita'a lataiqui', to'huaiyijm'me ique Jesús. Tohta'a tepi'im'molhuo' lo'pitine aimijouya.

21

¹ Lijou'ma imujcona'moxi Jesús. Icuaiyocontsi pe lomana' ts'ilihuequi. Ihniya joupa iyepá al cuecaj quin'nuhua' cuftine Tiberias. (Jouc'a tecui'inni Galilea.) Fa'a cuya'e' li'ipa.

² Jilpe efot'le'moitsi hualca ts'ilihuequi Jesús. Ihniya Simón Pedro, Tomás ique cal Cuatsi, Natanael ique lipi'ya' Caná lopa'a al distrito Galilea. Jouc'a timana' loquexi' linaxque Zebedeo, jouc'a ocuenaye loquexi' ts'ilihuequi Jesús. ³ Simón Pedro timila':

—Ai'huapa ca'nohta catú.

Locuenaye timiyi:

—Ne'. Jouc'a lepá illanc'.

Ipalunca, if'ajli'me al barco. He lipuqui' aiqui'no' me ni' anuli latu.

⁴ Li'ipa quitine tipa'a Jesús tecaxu lema caja. Ts'ilihuequi aiquilimetsaijma ja'ni Jesús. ⁵ Jesús ijoc'i'mola', timila':

—Imanc' cunc'ainaxque', ¿te ol'no'pá o a'i?

Italai'e'e'me, timiyi:

—A'i. Ni to'ca'a anuli aical'nohi.

⁶ Timila':

—Tolacajm'micontsa cal xami. Tolacajm'mitsa al c'a camane al barco. Jilpiya linca tululijtola' latuye.

Ecajm'mihuo'me hixami. Lijou'ma ixim'me acumta i'ipa cal xami, aimi'iyá mexacufyacu, mif'ac'eyacu, minij'miyacu al barco. Imanna catuye.

⁷ Anuli ts'ihuequi Jesús, ique li'epa capic'a juaiconapa, ipalaic'o'ma Pedro, timi:

—Ique al'Ailli' Jesús.

Simón Pedro joupa ipa'apa litsamalo. Licuej'ma icuai'ma Jesús aiqicoi, ijoicocona'ma litsamalo, ecajm'mi'moxi laja', ti'hua'ma lamats'. ⁸ Locuenaye ts'ilihuequi Jesús if'ajli'me al barco. A'ij culi' lema caja, tocomma amaxnu metro. Ihuej'me Pedro, equif'me cal xami imanna catuye. ⁹ Icuaitsa lema caja, ixim'me imac'o lunsuac'. Jilpiya tipa'a anuli latu, joupa tixanuya. Ixim'me tipa'a la'i jouc'a. ¹⁰ Jesús timila':

—To'l'hua'anca hualca latuye lo'l'no'pa.

¹¹ Pedro if'aj'ma al barco, exa'l'ma cal xami liju'l camats'. Itca'a cal xami imanna catuye. Ihe latuye ixhuej'me'mola' ixhuitsi anulij maxnu oquej nuxans quimbama' fane'. Axpe' catuye cal xami aiquits'alquenni. ¹² Jesús timila':

—Tonlouyunca. Atetso'me.

Ts'ilihuequi Jesús aiqilicuis'e: “¿Naitsi ima'?” Tixinyi calaic'ata. Itcina' ma'lque it'Ailli' Jesús. ¹³ Jesús itoc'hua'i'ma, epef'ma la'i, epi'i'mola'. Epi'i'mola' jouc'a latu.

¹⁴ Joupa i'ipa afanemma mimujyoxi Jesús. Ts'ilihuequi iximpá joupa imaf'inapa, ipanamma pe lomana' lamizhua.

¹⁵ Lijou'ma litetso'me Jesús timi Simón Pedro:

—Simón, ima' i'hua Jonás, lopimaye al'ay capic'a. ¿Te ima' xonca al'ay capic'a?

Pedro timi:

—Mai'ailli', ima' oxina' alejmalepá.

Jesús timi:

—Tohuic'itsola' lan tsocay laimot'ł.

¹⁶ Jesús icuis'econa'ma, timi:

—Simón, ima' i'hua Jonás, ¿te al'ay capic'a?

Pedro italai'e'e'ma, timi:

—Mai'ailli', ima' oxina' alejmalepá.

Timi:

—To'etsola' cuenna laimot'ł.

¹⁷ Jesús icuis'econa'ma, timi:

—Simón, ima' i'hua Jonás, ¿te ma' alejmalepá?

Pedro ixhueico'ma juaiconapa petsi limipa ita'a. Ticua: “¿Te calicuis'ecocopa: Te ma' alinca alejmalepá. Joupa afanemma alimipa to'ta'a.”

Timi:

—Mai'ailli', ima' oxina' jahuay. Oxina' alinca alejmalepá.

Jesús timi:

—Tohuic'itsola' laimot'ł. ¹⁸ Iya' camihuo' al linca: Ima' li'ipa mamijcano, ima' cotuca' tofi'e' lopi'j'ahua', o'hualecopa ni petsi lofjanajpa loftseya. Tito-jnatso' ti'i'ma ituca' lofmuyaicoya. Ima' to'nij'ma lomane, ocuena tifi'e'mo', tileco'mo' petsi aimeten'cocoyaco'.

¹⁹ Lines'ma to'ta'a Jesús u'i'ma te ts'i'ic' mimaya Pedro. Ma mima'ayi Pedro, lan xanuc' tixim'me acueca' LanDios, acueca' titoc'ila' lixanuc'.

Lijou'ma timi:

—Lihuejla'.

²⁰ Pedro ehuelojm'ma lixpula', ixim'ma locuena ts'ihuequi Jesús i'huanc'e. Itque ts'ihuequi Jesús li'epa capic'a juaiconapa. Ihe lipuqui' lixmoco'me itque itoc'huaipa Jesús, icuis'epa: “Mai'ailli', ¿naitsi nocuyaco'?” ²¹ Pedro lixim'ma itque ihuequi Jesús icuis'e'ma Jesús, timi:

—Mai'ailli', ¿te coyaicoya itque?

²² Jesús timi:

—Ja'ni iya' aipic'a tipanenni, ja'ni cacuaiconanni caxim'ma tipa'a, ¿te cofcuaya ima'? Ma' iya' caxpic'e te loyaicoya itque. Ima' lihuejla'.

²³ Lijou'ma lapimaye, itne naihuejpá Jesús, tinesyi: “Lapima pe Jesús lo'epa capic'a juaiconapa, itque aimimaya”. Jesús a'i tohta'a limipa Pedro. Imipa: “Ja'ni iya' aipic'a tipanenni itque, ja'ni cacuaiconanni caxim'ma tipa'a, ¿te cofcuaya ima'? Ma' iya' caxpic'e te loyaicoya itque.”

²⁴ Ts'ihuequi Jesús, itque pe Jesús hi'epa capic'a juaiconapa, ma' itque tu'ilhuo' te ts'i'ic' li'ipa, inilpa fa'a. Inilpa al linca, tohta'a alsina' illanc'.

²⁵ Jesús axpe' i'epa acueca'. Fa'a aiqunilingiya jahuay. Ja'ni tiniñe anuli anuli jahuay li'epa Jesús, axpe' je'e tilajm'ma. Fa'a li'a lamats' aimi'ommaicoya.

LI'EPA LAPIMAYE LAN APÓSTOLE

¹ Ima' Teófilo, quiniñ'ehuo' coje'e. Joupa niniñ'epo' anuli loje'e. Jiñe loje'e nu'ipo' acuajmaica te ts'i'ic' lipangopa li'epa Jesús, te ts'i'ic' limuc'iyalepa jouc'a te ts'i'ic' luyaicopa lipepajnya mipa'a li'a lamats'. ² Mipa'a Jesús fa'a li'a lamats', ai'a tepenufinnata al toncay lema'a, mañe litine iñque ixc'ai'ipola' li'apóstole, iñne li'huijñ'epola'. He litaiqui' lixc'ai'ipola' ma' itaiqui' cal Espíritu Santo. ³ Lixc'ai'ipola' toñta'a Jesús joupa iteñc'opa, imapa, imaf'ina'ma, imuj'moxi pe lomana' jiñne li'apóstole. Imuc'i'mola' ma' imaf'i'. Micoñi oquej nuxans quitine, li'apóstole tixinyi Jesús ti'hua timujyoxi. Tipalaic'ola', tu'ila' te ts'i'ic' locuxeyalepa ÑanDios cal Cuecaj Rey.

⁴ Mimana' anuli icuxe'e'mola' timanenca al cuecaj quiñya' Jerusalén. Aimiye'me. Ti'huaicoñe ti'ila' to linespa ÑanDios. Timila':

—Joupa aimipolhuo' lo'iya. ⁵ Juan epo'iyalec'opa aja'. Aimicoñya, tepo'icom'molhuo' cal Espíritu Santo.

⁶ Mefoñumma icuis'e'me Jesus, timiyi:

—MañPoujna, illanc' ixanuc' Israel, iñna'a litiné, ¿te ima' añtoc'i'monga', aimañcuxeconayaconga' locuenaye lan xanuc'?

⁷ Timila':

—Imanc' aimi'iya coñsina' lo'iya. ÑanDios tixpic'e'ma te quitine lo'iya toñta'a. Iñque ts'ixina' ja'ni ticoñ'ma o aimicoñya. ⁸ Iya' camilhuo': Cal Espíritu Santo timuyohuo lema'a. Tipaxne'molhuo' imanc'. Tepi'i'molhuo' loñmane añpalaico'ma iya'. Añpalaico'ma jiñfa'a liñya' Jerusalén, jouc'a añpalaicota jahuay al distrito Judea, jouc'a lamats' Samaria, jouc'a ni petsi li'a lamats', xonca al culi'.

⁹ Lijoupa limipola' toñta'a, mehuelojnyi li'apóstole, Jesús if'ajna'ma. Ileconama anuli ñummahuay. Aiquixingona'me. ¹⁰ Mif'aquinghua Jesús, tehuenaf'yi lema'a li'apóstole, icuaitsa oquexi' lan xanuc', afujca liñpijahuá'. Ecaxoñai'me huejnca. ¹¹ Timiyi:

—Imanc' ixanuc' Galilea, ¿te colahuenaf'c'opa lema'a? Joupa iñonc'e'enapolhuo' Jesús, ileconapa lema'a. To jiñta'a moñsinyi lif'ajnapa lema'a, ma toñta'a ticuaiyoconno mañque Jesús.

¹² Toñta'a li'ipa mimana' jiñpiya hijuala Olivo. Iñque hijuala ahuejnca Jerusalén, to anuli kilómetro. Tama litine conxajya ticunni lane to'hua'ma iñe lipiculi'. Lan apóstole ipailinanca, iye'me Jerusalén. ¹³ Icuaitsa Jerusalén itsuflai'me lajut'ñ. If'ajli'me al toncay. Jiñe lajut'ñ ixa'huepá, imajmpá iñne lan apóstole, Pedro, Juan, Jacobo, Andrés, Felipe, Tomás, Bartolomé, Mateo, Jacobo i'hua Alfeo, Simón jouc'a Judas, i'hua Jacobo. Iñque Simón ai'a tihuej'ma Jesús anuli liñpicuejma' lan xanuc' nocuapá: “Lunñu'e'me ñalamats'”. ¹⁴ I'i'ma anuli liñpicuejma' lan apóstole, itine itine ti'hua tijoc'iyi ÑanDios. Jouc'a efot'ñeyoñtsi lacañno', iñne liyejmalepá Jesús, jouc'a María qui'máma' Jesús, jouc'a lipimaye Jesús.

¹⁵ Iñne litiné Pedro ecañ'ma, ipalaic'o'mola' lipimaye. Timana' to amaxnuj nuxans lefot'ñeyoñtsi. Timila':

¹⁶ —Imanc' cunc'aipimaye, al Paxi Linñingiya tuya'e' linespa David, iñe itaiqui' cal Espíritu Santo. David uya'a'ma lo'eya Judas, iñque hi'huañ'me'mola' lan xanuc' li'noñ'me Jesús. Joupa enañña iñe loya'apa al Paxi Linñingiya, toñta'a ticuicomma. ¹⁷ Iñque Judas anuli illanc' ninc'apóstole, anuli lañpenic'. ¹⁸ Judas li'epa iñe lixcay i'najtsempa, epenuf'ma al tomí, i'naco'ma anuli lamats'. Jiñpe iñquiya ecanghuaitsi, untañ'ma licu'u, ipanni liñpucuiyale. ¹⁹ Jahuay nomana'

Jerusalén icuej'me li'ipa. Hque lamats' li'napa Judas ecui'im'me Aceldama. He lataiqui' itaiqui' iñe lan xanuc', tuhuaquemma cuftine: Lamats' cajuats'.

²⁰ Pedro ti'hua tipalaic'ola' liñemale, timila':

—Tuya'e' iñe al je'e lan Salmo linikingiya:

Tipanenni quituca' lejut'ñ iñque cal xans.

Nij naitsi nopajconaya.

Jouc'a tuya'e':

Hque, iñe lipenic', ti'ela' ocuena.

²¹ 'Fa'a timana' lañpimaye, iñe lañemale malihuejyi lañPoujna Jesús jifa'a li'a lamats'. ²² Mepo'iyale Juan, añemalepá iñe anuli. Litine lileconnapa lema'a lañPoujna Jesús, lañpo'noponga' cañuca', ti'hua añemale. Itsiya añ'huij'e'me anuli iñe. Ma' anuli luya'a'me: Imaf'inapa Jesús, añsimpá.

²³ Ifaquim'mola' oquexi' lan xanuc' naitsi lolijya iñe lanic'. Iñe loquexi' anuli cuftine José Barsabás, locuena cuftine Matías. Hque José lacui'impá Justo.

²⁴ Ijoc'i'me lañPoujna Jesús, timiyi:

—MañPoujna, ima' mimetsaicola' te ts'i'ic' liñpicuejma' jahuay lan xanuc'. Oxina' te ts'i'ic' lañpicuejma'. Jifa'a timana' oquexi' lañemalepá. Ima' joupá oñhuj'e'pa anuli. Añmuc'itsonga' naitsi iñque. ²⁵ Añ'e' anuli lañpenic' ninc'apóstole. Toñta'a lipenic' Judas. Ipo'nopa i'huapa pe lotsepá lif'as quixcay xanuc'.

²⁶ I'e'me naitsi coc'añmaiya. Ec'añmaita Matías. Limbamaj nuli lan apóstole epenuf'me.

2

¹ Icuaitsi litine al juic Pentecostés. Mañ litine lan apóstole jouc'a liñemale efot'le'moñsi anuli. ² Icuej'me tuna'e' lema'a, to mi'hua'ma ujfxi cahua'. Jiñpe lajut'ñ tocomma imanna lona'apa. ³ Ixim'me to hiñal cunga ixc'if'moxi, ipanenni anuli anuli liñjuac iñniya. ⁴ Cal Espíritu Santo icuxe'e'mola' liñpicuejma'. Tu'ila' te ts'i'ic' minesyacu. Ipango'me ipalai'me ituca' cataiqui'.

⁵ Iñe hiñiné liñya' Jerusalén timana' axpela' lan xanuc' judío tixantseyi quiñjuic. Iñe quiyoyomma ni petsi li'a lamats', tihuejcoyi LanDios. ⁶ Icuej'me tuna'e'. Icuaiyunca pe lomana' lan apóstole jouc'a liñemale. Aiquiñsina' te qui'ipa. Tama ocuena ocuena liñtaiqui' jahuay iñniya icuec'e'me lonespa lan apóstole. ⁷ Tocomma tipailo liñpicuejma', ixpailij'mola'. Ticuayi:

—Iñe nopalaipá quiyoyomma Galilea. ⁸ Illanc' añmajniyota ituca' ituca' lamats', ocuena ocuena lañtaiqui'. Itsiya, ¿te qui'ipa? Jahuay illanc' añcuc'ela' iñniya lonespa. ⁹ Fa'a ja'ni ninc'iPartia, ninc'iMedia, ninc'Elam, ja'ni cañuyomma lamats' Mesopotamia, o Judea, o Capadocia, o Ponto, o Asia, ¹⁰ o Frigia, Panfilia, Egipto, jouc'a lamats' Libia, iñe ahuejnca liñya' Cirene, ja'ni Roma añpiñya' añcuai'me al juic, ja'ni añmana' ma ninc'ijudío, o ja'ni ocuena lañraza, lihuejcoyi hilenDios lan judío, ¹¹ ja'ni añmana' ninc'iCreta, o añmana' ninc'Arabia, tama ituca' ituca' cañuyomma, ocuena ocuena lañtaiqui', itsiya jahuay añcuc'eyi iñe lopalaipa. Añcujyi tipalaiyi lañtaiquí. Tuya'ayi al cueca' lo'epa LanDios.

¹² Iñe lan xanuc' miquimf'eyi tocomma tipailo liñpicuejma'. Tixhuejcoyi juaiconapa. Ticuayi:

—¿Te qui'icopa toñta'a liñtaiqui' iñniya?

¹³ Ocuenaye ixoco'me, ticuayi:

—Iñe nopalaipá joupá imeyojpola'. Ixnapá juaiconapa al ts'ej vino.

¹⁴ Limbamaj nuli lan apóstole jouc'a Pedro enaj'moñsi locuenaye lapimaye nomana' jiñpe, ecaxoñai'me. Pedro ipalai'ma ujfxi, ipalaic'o'mola' lefoñya, timila':

—Capalaic'olhuo' jahuay imanc' olafot'leyo'tsi fa'a Jerusalén. Hualca imanc' nołmana' fa'a olamats' Judea, locuenaye imanc' ocuena colamats'. Itsiya cami'molhuo', cuhuatc'e'e'molhuo' ile li'ipa. ¡Atquimf'ela'!

¹⁵ 'Imanc' tołcuayi: İnu'hua lan xanuc' joupa imeyojpola'. A'ij linca lołnespa. Itsiya apuqui'ia. Le'a apella 'hora. ¹⁶ Itsiya i'ipa to luya'apa Joel cal profeta. İque uya'apa tołta'a ti'i'ma, inespa:

¹⁷ LanDios tuya'e':

İna'a litiné, ai'a tijou'ma li'a łamats', iya' cumme'ma łai'Espíritu.

Lan xanuc' ni petsi lomana' li'a łamats' tepenuf'me.

Lołmaxque' camijcanó jouc'a lołmaxque' cahuats'la, tuya'a'me laifnu'iyacola'.

Litine lolamijcanó tixim'me laifmuc'iyacola',

lipuqui' litojpola' xanuc' tipaiyo'me, iya' capi'i'mola' quılıpaiyo.

¹⁸ Lan xanuc' jouc'a lacał'no', pe nalimetsaicopa iya' iłPoujna,

ıniya tepenuf'me łai'Espíritu, tuya'a'me laifmiyacola'.

Ma' iya' cumme'ma łai'Espíritu, ticuaita pe lomana' ıniya.

¹⁹ Lan xanuc' tixim'me acueca' laifmuc'iyacola' fa'a li'a łamats'.

Tehuenaf'le al toncay lema'a tixim'me al cueca'.

Tixim'me to lajuats', jouc'a lunga, jouc'a juaiconapa quicuxis.

²⁰ Łalapalai'enga' timufc'o'ma. Cal mut'la ti'i'ma to lajuats'.

Tijoułta' ti'ıla' tołta'a ticuaihuc' jile Litine LanDios.

Jahuay tixim'me acueca' Litine ile; acueca' juaiconapa lo'eya LanDios.

²¹ Naitsi nojoc'ia LanDios, naitsi noxa'hueya titoc'ıla', ıque linca tunłu'ma.

²² 'Imanc' ixanuc' Israel, atquimf'ela' laifnu'iyacolhuo': Cal xans Jesús łas

Nazaret ma LanDios epi'ipa limane, tołta'a imuj'moxi ma' anDios. İque Jesús

li'huamma icuaiti pe lołmana', i'e'ma al cueca', i'e'ma ma to lo'eya LanDios.

Tołta'a imuc'ipolhuo' naitsi łummepa. Joupa ołsina' ile li'ipa. ²³ Lijou'ma i'i'ma

ma to quixina' LanDios lo'ia, ma to lixp'ic'e'ma. İque cal xans Jesús LanDios

icupa, epi'ipolhuo' imanc'. Imanc' ołcu'me icuaiti quılımane ts'ıłpenic'. Tołmila'

lan xanuc', ıne pe aimihuejcoyi LanDios: "Tonlapałts'ijntsa lancruz". Tołta'a

qui'ic' imanc' ołma'apá. ²⁴ Lijou'ma LanDios imaf'i'ina'ma. Aiquipo'nohuo

quimac'. Unłu'e'ma. Lamaya aiqui'ic' culiqui nulemma. ²⁵ Li'ipa to linespa

David mipalaicojma Jesús, tuya'e':

Iya' aiximpa lo'ia, łalPoujna aimalpo'noya caituca'.

İtine itine almajm'me anuli, ıque tipa'a al c'a camane, alıoc'i.

Ailopa'a calspaic'eya.

²⁶ Tołta'a caxina amaf'ca łainunxajma'.

Cuya'a'ma: Iya' tixoqui neta juaiconapa.

Aixina' cuyaico'ma al c'a jouc'a laicuerpo.

Tijoułta' laipitine fa'a li'a łamats' cunxaj'ma tixoj'ma neta.

²⁷ Iya' łai'alma aimalpo'noya pe lomana' lamizhua.

Iya' o'huexi, ima' aiPoujna, alıoc'i'ma, laicuerpo aimihuet'ıya.

²⁸ Iya' aixina' laif'eya, joupa alıuc'ipa, culij'ma laipitine.

Capajn-na'ma pe lołpa'a, ima' toxhuai'ni'ma laixojcoya neta.

²⁹ 'Cunc'aipimaye, lapi'ıla' lane capalaic'o'molhuo' al cuajmaica cataiqui'.

Imanc' joupa ołsina' li'ipa łatatahuelo David. İque imanapa, temuya. Lipu'hua

tipanenni fa'a liıya' Jerusalén. ³⁰⁻³¹ İque David aprofeta. LanDios u'i'ma lo'ia.

Joupa epi'ipa cataiqui' imipa:

İma' lołcuxeya aimijouya.

İma' ti'i'ma itatahuelo cal Cristo ıque laifnummeya ticuxela'.

David aiquimenc'ejma ile litaiqui' LanDios limipa. İxina' lo'eya LanDios,

ipalaico'ma lo'ia cal Cristo, ticua timaf'ina'ma. Tołta'a li'ipa. İque cal

Cristo hi'alma LanDios aiquipo'nohuo nulemma pe lomana' lamizhua, licuerpo aiqihuet'iqui. ³² Itque cal Cristo maŕque Jesús, LanDios imaf'i'ina'ma, it-sahue'enanni. Jahuay illanc' alsimpá imaf'inapa. ³³ LanDios qui'Ailli' cal Cristo imi'ma: “Capi'i'mo' cal Espíritu Santo. Tommeta pe lomana' laixanuc'.” Toŕta'a li'ipa. LanDios if'ac'enapa lema'a, epi'ipa toŕta'a limane. Itque Cristo joupa ummepa cal Espíritu Santo. Imanc' alquimf'enga' laŕpalaipa, lahue-longinga' la'ejma'. Toŕta'a maŕcuxenga' cal Espíritu. ³⁴ David a'i quif'aqui lema'a. Maŕque tuya'e':

LanDios tipalaic'o laiPoujna, timi: “Tocutshuai'ma jifa'a al c'a camane.

³⁵ Topanehuo fa'a, iya' mi'hua culiquila' lo'epo' laic'.

Tijouŕa' ima' tocuxena'mola'.”

³⁶ Imanc' ixanuc' Israel; itsiya jahuay imanc' toŕcuc'eŕe iŕe li'ipa. Itque Jesús imanc' olapaŕts'ijmpá lancruz, LanDios imetsaicopa aŕPoujna, imetsaicopa cal Cristo.

³⁷ Licuej'me iŕe lataiqui' ecajm-maitsi lataiqui' liŕpicuejma', icuaitsi hilunxajma'. Ixhueŕconca juaiconapa. Icuise'me, timinnila' Pedro jouc'a locuenaye apóstole:

—¿Te caŕeyacu? Imanc' cunc'aŕpimaye lu'itsonga'.

³⁸ Pedro timila':

—Toŕsuej'menca. Toŕnesle: “Al linca itque Jesús aCristo”. Tepo'intsolhuo' anuli anuli imanc'. LanDios tiŕonc'e'e'molhuo' loŕjunac'. Tepi'im'molhuo' cal Espíritu Santo. Joupa inespa toŕta'a LanDios. ³⁹ Itsiya toŕta'a timila' jahuay nojoc'ipola'. Timilhuo' imanc', timila' loŕnaxque', jouc'a timila' ihniya nomana' aculi'.

⁴⁰ Lijoupa limipola' toŕta'a, Pedro ti'hua tipalaic'ola' xonca. Ti'hua tixc'ai'ila', tixa'huela', timila':

—Aimolihuej'mola' lan xanuc' nomana' itsiya. Iŕne aimihuejyi al liŕca lipene LanDios.

⁴¹ Iŕe litine lan apóstole jouc'a liŕejmale epenufim'mola' to afanej mil lan ts'e capimaye, iŕne epenufpá litaiqui' Pedro epo'im'mola'. ⁴² Jahuay lapimaye tihuejyi lomuc'iyalepa lan apóstole. Tiyejmaleyi, titoc'iyotŕsi. Ti'eyi to Jesús lixc'ai'ipola' li'apóstole. Tefot'leyotŕsi, tixquec'iyotŕsi la'i, titeji. Tijoc'iyi LanDios.

⁴³ Ihniya hitiné jahuay lan xanuc' tixpaic'eyi LanDios. Ailopa'a natets'ipa LanDios. Lan apóstole ti'eyi al cueca'. Timuc'innila' lan xanuc' lipepaxi LanDios.

⁴⁴ Jahuay iŕne naihuejcopá Jesús i'e'e'motŕsi anuli. Timiyotŕsi:

—Maipima, lai'huexi iya' ima' o'huexi jouc'a.

⁴⁵ Ja'ni lamats', ja'ni ocuena quif'huexi, pe ts'ih'hueca ticujiyi. El tomí lolijpa teca'nennila' lapimaye pe ailopa'a quif'hueca. ⁴⁶ Itine itine tiyeyi al cuecaj xoute', tefot'leyotŕsi. I'ipa anuli liŕpicuejma'. Jouc'a tefot'leyotŕsi hilejut'hi. Jiŕpe titeji la'i lixquetsufiya. Linca tixoqui quileta titetsoyi anuli. ⁴⁷ Tix'najtsi'iyi LanDios. Locuenaye xanuc' tetenŕcocola' liŕ'ejma'. Itine itine laŕPoujna Jesucristo tunŕu'ela' lan xanuc'. Toŕta'a ixpepola' lapimaye, tefot'leyotŕsi anuli.

3

¹ Anuli litine iye'me al cuecaj xoute' Pedro jouc'a Juan. I'ipa al fanej hora. Maŕpe lan xanuc' tijoc'iyi LanDios. ² Jiŕpe ticutsu anuli cal coxo. Toŕta'a lipajnta. Itine itine tiŕcuai'emma hunaj xoute', pe lopa'a al puerta lacui'impa: Xonca Lilange. Jiŕpe cal coxo tixahue'ela' tepi'inni quitomí iŕne lan xanuc' mitsuflaiyi al xoute'. ³ Ixim'mola' Pedro jouc'a Juan mitsuflaiyi al xoute', ixahue'e'mola' tepi'iŕe quitomí. ⁴ Pedro jouc'a Juan ehuelonc'e'e'me li'a. Pedro timi:

—Ima' alahuelojntsonga'.

⁵ Cal xans i'e'ma to limi'ma. Ticua: “Lapi'i'ma caitomí”. ⁶ Pedro timi:

—Iya' ailopa'a caitomí, ni huata ni axpe'. Ëinca catoc'i'mo'. Cajoc'i'ma Jesús las Nazaret, ìtque tixa' metso'. Ima', ¡totsahuenni! ¡To'hua!'

⁷ Pedro i'no'le'e' ma al c'a quimane. Ecaxu'ma. Aiquico' ma i'ina' ma quipujfxi li'mitsi', jouc'a licoxac' qui'mitsi'. ⁸ Iyuf'conni, ecax'ma, ipango'ma i'hua'ma. Itsuflai'me al xoute' ìtque jouc'a Pedro y Juan. Ti'hua iyuf'conni, tix'najtsi'i ËanDios. ⁹ Jahuay lan xanuc' nomana' jilpiya ixim'me ti'hua, icuej'me tix'najtsi'i ËanDios. ¹⁰ Imetsaico'me, ticuayi: “Itca'a cal xans micutsu lunaj xoute' jilpe al puerta lacui' impa: Xonca Lilange, tixa'hue quitomí. Itsiya, ¿te qui'ipa? Itsiya ti'huanghua.”

¹¹ Jilpe al cuecaj xoute' lipinujnca Salomón efot'le'mo'tsi lan xanuc'. Iximpá cal coxo joupa ixal'conapa, tecaxc'o nolojmay Pedro y Juan, i'no'ila' ìniya. Ticuayi: “¿Te qui'ipa lixa'copa?” ¹² Pedro lixim'mola' lan xanuc' lefo'ya timila':

—Imanc' cunc'ixanuc', o'tatahuelo Israel, ¿te aico'cueca li'ipa? ¿Te calahuelo-jncoponga' illanc'? ¿Te aga illanc' ca'tuca' al'e'epa ti'hua!'

¿Te aga illanc' xonca lihuejcoyi ËanDios, to'ta'a lapi'iponga' la'mane a'sa' me'le jilca'a cal xans? Ai. ¹³ Ma ËanDios i'epa ìta'a al cueca' itsiya. Ìtque ìlenDios la'tatahueló Abraham, Isaac y Jacob jouc'a ìlenDios la'aillí, itsiya imuc'ipolhuo' joupa imetsaicopa Jesús i'Hua. Imuc'ipolhuo' joupa imetsaicopa ixhual'nipa lipenic', ìle lanic' lepi'ipa ti'e'la'. Ma'tque Jesús imanc' o'cupá icuaiti limane ìncuxepa Pilato. Pilato ipic'a tux'masna'la', imanc' aico'cuac', o'cuanac'epá. ¹⁴ Imanc' o'sa'hue'me Pilato tux'masna'la' locuena cal xans, ìtque cal cuej quinma'ahuale. Jesús, cal Paxi Xans, cal Ëijca Xans, imanc' aico'cuac', aicolapenufi. ¹⁵ Imanc' o'ma'a'me Jesús, ma'tque la'lapi'iponga' la'pitine. ËanDios imaf'i'inapa, ipa'apa pe lomana' lamizhua. Jahuay illanc' la'ejmalepá a'simpá imaf'inapa. ¹⁶ Al'huaiyijnyi Jesús. A'sina' ja'ni a'nesco'me lipuftine Jesús, ËanDios tixa' me'ma cal coxo. To'ta'a li'ipa. Ma'tque Jesús a'toc'iponga' al'huaiyijnye to'ta'a, to'liya imanc' to'sinyi ìca'a cal xans joupa ixal'conapa, ailopa'a quicuana.

¹⁷ 'Cunc'aipimaye, aixina' li'ipa. Litine lo'ma'apa Jesús imanc' aico'sina' naiti ìtque. Jouc'a aiqui'sina' ìne nicuxepolhuo'. ¹⁸ Ma ËanDios enant'lipa litaiqui', ìle loya'apa lam profeta. Jahuay ìniya uya'a'me tite'co'ma cal Cristo.

¹⁹ 'Itsiya to'suej'menca ìle lo'epa. To'pai'ìle lo'picuejma'. To'ta'a ËanDios ti'onc'e'ena'molhuo' lo'junac', tunxac'i'molhuo', tipaxne'molhuo'. ²⁰ ËanDios joupa u'ipolhuo' tumme'e'molhuo' cal Cristo. Ja'ni to'suej'menanca, ìnca tumme'e'ona'molhuo' Jesús, ma'tque cal Cristo. ²¹ Ìtque copa'a pu'hua lema'a, i'huaijma ticuaiti litine jahuay tilajnl' al c'a, ti'ila' al ts'e lema'a, al ts'e li'a lamats'. To'ta'a linespa ËanDios. Li'ipa lipaxi profeta uya'a'me ìle litaiqui' ËanDios. ²² Moisés inesco'ma cal Cristo locuaicoya fa'a li'a lamats'. U'ipola' la'tatahueló lo'iya, timila':

ËanDios lo'poujna tepi'i'molhuo' anuli cal profeta.

Ìtque al'oncota to iya', ti'i'ma anuli lo'pitya' xans.

Ìtque to'quimf'e'me, to'lihuejco'me jahuay lomiyacolhuo'.

²³ Naiti aimihuejma, ìtque tenaj'ma nulemma, aimi'econayacola' anuli lix-anuc' ËanDios.

²⁴ 'Ipangocopa Samuel jahuay lam profeta uya'a'me ma' anuli lo'iya. Itsiya enant'pa luya'apa. ²⁵ Imanc' inaxque' lam profeta, ti'i'ma tolapenuf'me ìle al c'a lonescopa ìniya. ËanDios litine lipalaic'opa Abraham timi: “Tipajnta anuli nopaxneyacola' lan xanuc' ni petsi lomana' li'a lamats'. Ima' ti'i'ma itatahuelo ìtquiya.” Ma'te litaiqui' ËanDios epi'ipola' lo'tatahueló jouc'a epi'ipolhuo' imanc' tolapenufle. ²⁶ ËanDios lijoupa lepi'ipa li'Hua lipenic', umme'ma ate'a pe

lołmana'. Umme'ma tipai'itsolhuo' lołpicuejma' anuli anuli imanc', tołta'a aimoł'econa'me lixcay, ŁanDios tipaxne'molhuo'.

4

¹ Mipalaic'ola' lan xanuc' Pedro y Juan jilpe icuaitsa lixanuc' cal cuecaj ca'ailli', jouc'a lincuxepa capaluc' xoute', jouc'a lan xanuc' saduceo. ² Ixinim'mola' Pedro y Juan timuc'iyaleyí, icuej'me ilne micuayi: “Al linca timaf'ina'me lamizhua; joupa imaf'inapa Jesús.” Aiquetentłcocola' ilne lonespa Pedro y Juan. ³ I'nohim'mola', i'nicontsola' lacarza, timajntsa jilpe ilne lipuqui'. Joupa if'acolaipa. Ticuayi: “Mouqui lipa'a'mola'. Ałcuxecotola'.” ⁴ Axpela' lan xanuc' noquimf'epá linespa Pedro y Juan i'huaiyijmpá Jesús. Ixpe'mola' lapimaye. Joupa i'i'ma to amaquej mil, ma le'a axanuc'. Timana' jouc'a lacał'no'.

⁵ Li'ipa quitine efot'le'mołtsi jilpe Jerusalén ilne lincuxepá lan xanuc' jouc'a lan tsilaj xanuc' noxpijpá lataiqui', jouc'a lomxiye nomuc'iyalepá locuxepa ŁanDios. ⁶ Jilpe icuaitsa cal cuecaj ca'ailli' Anás, jouc'a Caifás, Juan, Alejandro y locuenaye lixanuc' cal cuecaj ca'ailli'. ⁷ Icuxem'mola' lilepaluc' tilecontsola' Pedro y Juan. Icuai'entsola', ecaxum'mola' petsi lefot'leyołtsi. Timinnila':

—Imanc' ołsał'mepá cal coxo. ¿Naitsi lepi'ipolhuo' colmane? ¿Te cuftine ilque?

⁸ Pedro ixim'ma cal Espíritu Santo ticuxe lipicuejma'. Timila':

—Imanc' cunc'incuxepá jouc'a imanc' nołspijpá lataiqui', ⁹ itsiya licuis'enga', ałminga': ¿Te colłoc'icopa cal coxo? ¿Te qui'ipa joupa ixalconapa? ¹⁰ Cu'i'molhuo' li'ipa. Ti'ila' colšina' jahuay imanc' jouc'a jahuay lał'as xanuc' Israel. Illanc' ałjoc'i'me Jesucristo, łas Nazaret, ma' ilque Jesús imanc' olapałts'ijmpá lancruz, ŁanDios imaf'i'inapa ipa'anapa pe lomana' lamizhua. Cacia: Ałjoc'ipá ilque. Tołta'a ixalconapa ilca'a cal xans fa'a tecaxu. Tolahuelojnyi, ailopa'a quicuana. ¹¹ Małque Jesús copa'a “... łapic łetets'impa nolanc'epá lajut'ł”. Imanc' mołłanc'eyi lajut'ł aicolšhuico'me. Itsiya “... joupa i'ipa xonca łaicuicoya, ilque łapic xonca tilanc'e łaitał, aimecangeya lajut'ł”. ¹² Ailopa'a cocuena łalunł'eyaconga'. Jifa'a li'a łamats' ni petsi lomana' lan xanuc', ja'ni tijoc'ilne Jesús, tinescołe lipuftine, tunłul'me. Ocuena aimi'iya munł'eyacola'.

¹³ Ilne noquimf'epá lonespa Pedro y Juan ixinim'mola' aimixpailiquila', ticuayi: “Ilne ni naitsi xanuc'. Aiquilšuec'. Ilšina' ałtalai'e'enga'. ¿Te qui'ipola'?” Ticuayi: “Ilne iyejmalepá Jesús”. ¹⁴ Ailopa'a quimiconamola'. Ixim'me cal coxo jouc'a Pedro y Juan tecaxołanna. Ilque joupa ixalconapa. ¹⁵ Ummem'mola' łuna. Ipalaic'o'mołtsi ts'ilpenic'. ¹⁶ Ticuayi:

—¿Te cał'eyacu? ¿Te całmiyacola' ilne lan xanuc'? Jahuay nomana' fa'a liłya' Jerusalén joupa ilšina' juaiconapa acueca' li'epa. Aimi'iya małnesyacu: A'ij linca. ¹⁷ Ma le'a ałcuxe'e'mola', ałmi'mola': “Aimołpalaicocona'me Jesús. Aimołnesco'me lipuftine.” Tołta'a lan xanuc' nomana' ocuenaye quilelołya' aimicuejyacu li'epa ilniya.

¹⁸ Ijoc'im'mola' Pedro y Juan titsuflaiconanca. Timinnila':

—Aimołpalaicocona'me Jesús. Aimołmuc'iconayale'me litaiqui'. Aimołnescona'me lipuftine.

¹⁹ Pedro y Juan italai'e'me, timinnila':

—¿Te colcuayacu imanc'? ¿Te ts'ipic'a ŁanDios? ¿Ja'ni lihuejco'molhuo' imanc' o lihuejco'me ŁanDios? ²⁰ Illanc' aimi'iya małtał'eyacołtsi lałco. Ilne lałsimpa, lałcujpa, aluya'a'me, alu'i'mola' lan xanuc'.

²¹ Icuxe'econam'mola' Pedro y Juan. Timinnila':

—Ja'ni ti'hua tołpalaicoyi Jesús ałtel'mi'molhuo'. Tonłente.

Aimi'iya miteł'minyacola'. Jahuay lan xanuc' iximpá acueca' iŕe li'ipa, tix'najtsi'iyi ŁanDios. ²² Cal xans ƒixatconapa a'ij camijcano, joupa ixhuaita oquej nuxans y xonca łemats'.

²³ Joupa ux'masquinampola' Pedro y Juan ipailinanca, icuaita pe lomana' liłpimaye. Uya'a'me linespa lixanuc' cal cuecaj ca'ailli' jouc'a lan tsilaj xanuc' noxpijpá lataiqui'. ²⁴ Licuej'me tołta'a jahuay iłniya lapimaye ipango'me ijoc'i'me ŁanDios, timiyi:

—MałPoujna, illanc' oxanuc'. Ima' olanc'epa lema'a, olanc'epa li'a łamats', olanc'epa łaja, olanc'epola' jahuay lomana'. ²⁵ Łałtatahuelo David joupa lu'iponga' lofnespa ima' manDios. Micuxe cal Espıritu Santo lipicuejma' David, iłque ticua:

Lan xanuc', iłne pe aimimetsaicoyi ŁanDios, ixtuc'o'mołtsi, ixpic'epa ti'e'me nixpiya.

²⁶ Lan rey, iłne nocuxepá jifa'a li'a łamats', joupa itsolinamma, tixtuleyi.

Nocuxepola' lan xanuc' efot'łepołtsi anuli,

tifuli'i'me ŁanDios, tifuli'i'me cal Cristo, iłque łummepa ŁanDios.

²⁷ 'Ma' ałınca tołta'a li'ipa jifa'a liłya'. Efot'łepołtsi cal rey Herodes, jouc'a Poncio Pilato jouc'a lipiłya' xanuc', jouc'a lałxanuc' iłne ixanuc' Israel. Iłniya jahuay ixtuc'o'me cal Paxi ło'Hua Jesúś, iłque no'epa lopenic' lomepi'ipa, iłque ło'Huij'epa ima'. ²⁸ Iłniya naixtulepá tocomma to quıłtuca' tixpic'eyi lo'eyacu. A'i quıłtuca' mixpic'eyi, ma' ima' ocuxe'e'mola' lo'epa, ima' joupa oxpic'epa lo'iya.

²⁹ 'Ima' małPoujna, itsiya ałsa'huehuo' ałtoc'itsonga'. Toquimf'etsola' nalixtuc'o'ponga', iłne ałminga' cataiqui', illanc' oxanuc', ima' malanDios. MałPoujna, lapi'itsonga' całpujfxi aimałspailij'monga', ti'hua luya'a'me lotaiqui'.

³⁰ Illanc' ałnescocona'me Jesúś lipuftine, iłque cal Paxi ło'Hua ni'epa lopenic' lomepi'ipa. Ma' ałnescołe iłque lipuftine, ima' ti'huała' lomane, toxał'metsola' lałcuallay, tomuc'itsola' lan xanuc' al cueca' lof'epa, to'eła' to aimi'iya mi'eyacu lan xanuc'.

³¹ Lijoupa liıoc'ipa ŁanDios ixim'me tifenna lajut'ł pe lafołyomma. Lapimaye nomana' jıłpe cal Espıritu Santo icuxe'mola' liłpicuejma' jahuay iłniya. Lijou'ma aiquıłsina' caxpaiqui'. Ti'hua tu'iyaleyı lıtaiqui' ŁanDios.

³² Jahuay iłniya no'huaiyijmpá Jesúś ti'e'eyołtsi capic'a. Ailopa'a nonesya: "İe ai'huexi ma' iya' caituca". Jahuay ticuayi: "Maipima iłta'a łai'huexi jouc'a o'huexi". ³³ Lan apóstole ti'hua tuya'ayi: "Ałsimpá lałPoujna Jesúś joupa imaf'inapa, ipanamma pe lomana' lamizhua". A'i ma le'a micuayi, jouc'a ti'eyi al cueca'. ŁanDios juaiconapa itoc'i'mola' jahuay iłniya lapimaye.

³⁴ İne no'huaiyijmpá Jesúś aimehue'ela', ni' anuli. Lapimaye ts'ił'hueca, ja'ni amats' o ajut'ł, ticuji. Al tomı lolijpa ti'hua'ayi pe lomana' lan apóstole.

³⁵ Teto'ennila' jıłpe lił'mitsi' iłniya. İe al tomı teca'nennila' lapimaye pe aiquił'hueca.

³⁶ Tıpa'a jıłpe anuli łapima cuftine José. Lan apóstole ecui'i'me Bernabé. İe lałtine tuhuałquemma: Łaixoc'ipola' quileta lipimaye. İque qui'huayomma łamats' Chipre. Cal te'a qui'ahuelo aLeví. ³⁷ Bernabé icuj'ma anuli łemats', itaic' al tomı lulijpa. Eto'e'mola' lił'mitsi' lan apóstole.

5

¹ Jıłpe pe lomana' lapimaye tipa'a anuli cal xans cuftine Ananıas. Jouc'a łıpeno Safira icuj'me łamats'. ² Al tomı lulijpa Ananıas ipa'a'ma, lipanenni i'hua'a'ma, eto'etsola' lił'mitsi' lan apóstole. Ticuanłe jahuay itaıpa al tomı, a'ij łınca. Łıpeno ixina' li'epa łıpe'ailli'. ³ Pedro timı:

—Cum Ananías, ¿te comepi'icopa lane ñonta'a Satanás? Hque icuxepo' jilpe lopicuejma'. Oxpic'epa tofel'mi'ma cal Espíritu Santo. Omifonc'epa lomulijpa al tomí. ⁴ Hque ñomemats' ai'a tocuj'ma, ¿ja'ni ima' cotuca' aimoxpic'e te lof'e'eya? Lijoupa locujpa, al tomí lomulijpa, ¿te aico'huexi? Ima' cotuca' oxpic'epa aľfel'mitsonga'. Metets'ipa ñanDios, a'i malatets'inga' illanc' ninc'ixanuc'.

⁵ Licuej'ma iľe lataiqui' Ananías ecangenni ľamats', ima'ma. Licuej'me lan xanuc' toľta'a li'ipa jahuay ixpailij'mola' juaiconapa. ⁶ Lamijcanó itsolinca, iju'eco'me asábana licuerpo Ananías, itai'me emitsa.

⁷ Uyai'ma afanej hora. Icuaiyunni lipeno ľamizhua Ananías. Hque aikuixina' iľe li'ipa hpe'ailli'. ⁸ Pedro icuis'e'ma, timi:

—Alu'ila'. ¿Te aľnca toľta'a i'najtse'empolhuo' loľcujpa ľolamats'?

Timi:

—Toľta'a aľ'najtse'emponga'.

⁹ Pedro timi:

—Imanc' loquexi' oľnefopá olahuaipá cal Espíritu Santo. Toquimf'eľa'. Icuaicona'me lamijcanó nemihuo'me ľope'ailli'. Tisolof'que liľ'mitsi'. Joupa icuai'me ľunaj puerta. Tileco'mo' ima'.

¹⁰ Aiquicol'ma. Łaca'no' ecanghualtsi imac' jilpe li'mitsi' Pedro. Itsuflai'me lamijcanó ixim'me joupa imanapa. Itai'me emitsa jilpiya lemi'e'huo'me hpe'ailli'. ¹¹ Lapimaye, iľne ľefot'ľepola' ñanDios, jouc'a jahuay lan xanuc', licuej'me iľe li'ipa ixpailij'mola' juaiconapa.

¹² Lan xanuc' nomana' jilpiya ixim'me axpe' acueca' lo'epa lan apóstole, ixinim'mola' mi'eyi to lo'eya ñanDios. Jahuay iľne lan apóstole tefot'ľeyoľtsi pe lopa'a al cuecaj xoute', jilpe ľinujnca cuftine ľipinujnca Salomón. ¹³ Locuenaye aikuionhila' to iľniya lan apóstole, tixpailiquila'. Lan xanuc' ticuayi: “Acueca' lo'epa, acueca' ac'a liľpicuejma' iľniya”. ¹⁴ Toľta'a xonca axpela' i'huaiyijm'me ľalPoujna. Ixpe'mola' axanuc' aca'no'. ¹⁵ Ipa'a'me ľilefcualľay lonaf'coľanna liľhualfa o liľhuijm-ma'. Ipo'nom'mola' lema cane, iľ'huaijma tuyaila' Pedro. Ja'ni tixingufcoľe ma le'a lipunxahua tixaľcona'mola'. ¹⁶ Juaiconapa axpela' lan xanuc' quiyoyomma liľeloľya' lomana' huejnca Jerusalén tiľcuai'em'mola' ľilefcualľay. Jouc'a tiľcuai'em'mola' locuenaye laxtaľpola', tipa'antsola' lon-tahue litsuflaipá. Jahuay ixaľcona'mola'.

¹⁷ Ixtulencia cal cuecaj ca'ailli' jouc'a liľejmale, iľne lan saduceo. Juaiconapa ti'eyi laic'. ¹⁸ Umme'me ľilepaluc'. Iľne i'noľ'me lan apóstole, I'nico'me lacarza. ¹⁹ Iľe lipuqui' icuaiyunni lacarza anuli ľapaluc quema'a ľummepa ľalPoujna. Exi'e'ma ľipuertá lacarza, ipa'ana'mola'. ²⁰ Timila':

—Tonľeľe al cuecaj xoute'. Tolacaxoľtsa jilpiya. Toľpalaic'otola' lan xanuc'. Tolu'itola' te ts'i'ic' al ts'e capajnya, te ts'i'ic' mepenufyacu.

²¹ Lijoupa licuej'me toľta'a, iye'me. Icuaitsa al cuecaj xoute'. Joupa tiľic'e itsuflai'me jilpe. Ipango'me imuc'iyalecona'me lan xanuc'.

Cal cuecaj ca'ailli' jouc'a liľejmale icuaitsa pe loxpijyopa cataiqui'. Ijoc'im'mola' jahuay lan tsilaj xanuc' Israel, iľne noxpijpá lataiqui', tefot'ľetsoľtsi. Lijou'ma ummem'mola' ľapaluc' tiyeľe lacarza. Timinnila':

—Toľhecotola' ticuaiyunca fa'a pe ľalmana' iľne lan xanuc'.

²² Łapaluc' icuaitsa lacarza. Ailomana' jilpiya lan apóstole. Ipailinanca, uya'atsa. ²³ Timiyi:

—Łalcuaita illanc' lacarza eti'ya al c'a. No'epá cuenna tecaxoľanna ľunaj puerta. Alaxi'epá cal puertá nij naitsi nopa'a.

²⁴ Łincuxepa capaluc' al cuecaj xoute', jouc'a cal cuecaj ca'ailli', jouc'a lixanuc' cal cuecaj ca'ailli' iquimf'e'me ľonespa ľapaluc', icua'me:

—Itsiya ihe li'ipa, ¿te cocula'aya? ¿Te xonca co'iya?

²⁵ Minesyi tohta'a icuaitsi anuli cal xans, timila':

—¡Totsinte! Ihe lan xanuc' imanc' loñnicopola' lacarza, jipu'hua al xoute' tecaxoñanna, timuc'iyaleyi.

²⁶ Lincuxepa lapaluc' al cuecaj xoute' jouc'a lepaluc' iye'me tilecontsola' lan apóstole. Mane ilecontsola', ailopa'a qui'e'empola'. Ihe lin-naihuehuale tixpailiquila'. Ticuayi: “¿Te ca'e'eyaconga' lan xanuc'? Ja'ni lixtuc'o'monga', aña'aco'monga' apic.”

²⁷ Icuaiyocontsa pe lefoya petsi loxpijyopa cataiqui'. Ecaxum'mola' jilpiya. Cal cuecaj ca'ailli' ipango'ma icuis'e'mola'. ²⁸ Timila':

—Illanc' joupa añsc'ai'ipolhuo', añcuxe'epolhuo', añmipolhuo': “Aimoñpalaicocona'me Jesús. Aimoñnescocona'me lipuftine.” Itsiya, ¿te con'epa? Joupa oñnicopá loñtaiqui' liñpicuejma' jahuay lan xanuc' nomana' fa'a Jerusalén. Imanc' aña'huinga' cajunac'. Toñcuayi illanc' aña'apá iñque cal xans Jesús.

²⁹ Pedro jouc'a locuenaye lan apóstole italai'e'e'me, timinnila':

—Ja'ni ÑanDios jouc'a lan xanuc' añcuxenga', ticuicomma lihuejcoñe ÑanDios, a'i lan xanuc'. ³⁰ ÑanDios, hilenDios lañtatahueló, imaf'i'ina'pa Jesús, ipa'anapa pe lomana' lamizhua. Mañque Jesús imanc' olapañs'iñmpá al 'ec, oña'apá. ³¹ Imanc' ixanuc' Israel, mañque ÑanDios ipic'a tepi'itsolhuo' loñpicuejma' toñsuej'menanca, ipic'a timenc'e'eco'molhuo' loñjunac'. Toñiya i'epa al cueca'. Imaf'i'ina'pa Jesús, if'ac'enapa, i'e'epa lañpincuxepa, Ñalunñu'e'ponga'. ³² Illanc' añsina' al linca ihe lañmipolhuo'. Toñiya luya'ayi, lu'ilhuo'. Ma' anuli loya'apa cal Espiritu Santo. Iñque cal Espiritu ÑanDios tepi'ila' jahuay naihuejcopá.

³³ Ihe lan xanuc' noquimf'epá ixtulencia juaiconapa. Coñ'a tima'antsola' lan apóstole. ³⁴ Jilpiya lefoya tipa'a anuli cal xans fariseo cuftine Gamaliel. Iñque cal xans omxi, timuc'iyale locuxepa ÑanDios. Jahuay lan xanuc' ixim'me ac'a xans, ticuec'eyi. Iñque eca'x'ma, timila':

—Tolipa'atsola' ihe lan xanuc'. Illanc' añpalaic'o'moñtsi cañtuca'.

³⁵ (Ipa'am'mola' lan apóstole.) Gamaliel ipalaic'o'mola' ihe lan xanuc' lefoya, timila':

—Cunc'aipimaye, cunc'aif'as xanuc' Israel, tonñ'eñe cuenna. Toñspic'eñe al c'a lonñ'e'eyacola' ihe lan xanuc'. ³⁶ Li'ipa cal xans Teudas ehuoc'hua'i'mola' lincuxepá. Ticua: “Iya' nincuecaj xans. Lihuejla'.” To amalpuj maxnu lan xanuc' ihuej'me. Lijou'ma ima'am'me. Ts'ilihuequi inulai'me nulemma.

³⁷ 'Lijou'ma, iñniya litiné minihingaispola' liñpuftine lan xanuc', ocuenaj cal xans ehuoc'huaicona'mola' lincuxepá. Iñque cuftine Judas las Galilea. Iñque jouc'a efot'ñe'mola' axpela' lan xanuc'. Ifule'me. Judas jouc'a ima'am'me. Ts'ilihuequi inulai'me.

³⁸ 'Itsiya camilhuo': Tolanañtsoñtsi ihe lan xanuc'. Tolux'masnatsola' tiyene. Iñniya locuapa, lo'epa, ja'ni tipa'acoyi quñtuca' liñpicuejma', aimi'iya, tejac'mola'. ³⁹ Ja'ni ÑanDios ticuxela', imanc' aimi'iya munluliyacola', mane tolixtuc'o'me ÑanDios.

⁴⁰ Ihuejco'me limipola' Gamaliel. Ijoc'iconam'mola' lan apóstole titsuflaiconanca. Itsimaf'quim'mola' liñspula'. Timinnila':

—Aimoñnescona'me: “Jesús alapi'iponga' lañmane lu'i'molhuo' ihe li'ipa”.

Ux'masquinam'mola'. ⁴¹ Lan apóstole ipalunca jilpe lefoya. Tixoqui quileta. Ticuayi: “ÑanDios tetentcocojma mañnesco'me Jesús. Toñiya aña'coyi.” ⁴² Itine itine ti'hua timuc'iyaleyi jilpe al cuecaj xoute' jouc'a lañjut'ñi. Ti'hua tuya'ayi: “Iñque Jesús aCristo, hi'Huij'epa ÑanDios”. Aiquixoquila'.

6

¹ Iñe hitiné mixpela' ts'ilihuequi Jesús timana' lapimaye ixtuc'o'mołtsi. Iñe nopalaipá lı̄taiqui' griego ixtuc'om'mola' locuenaye lapimaye ahebreo, iñe ocuena lı̄taiqui' lopalaipa. Ticuayi:

—Imanc' lołpotsateya itine itine tepi'innila' łotejacu. Illanc' nałpalaicopá griego aimepi'innila' lałpotsateya.

² Limbamaj coquexi' lan apóstole ijoc'im'mola' tefot'łetsołtsi jahuay ts'ilihuequi Jesús. Timinnila':

—Illanc' ałmuc'iyaleyi, lu'iyaleyi lı̄taiqui' ŁanDios. ¿Te ałpo'no'me iłta'a lałpenic'? ¿Ałtes'mi'mola' lan xanuc'? A'i. Aimi'ıya. ³ Imanc' illanc' ninc'apimaye. Ticuicomma acaıtsi lapimaye, timetsaicontsola' lan c'a xanuc', ticuxetsola' cal Espıritu Santo liłpicuejma', ts'ıłsina' tıxpıe'me al c'a. Małniya toł'huij'etsola' imanc'. ⁴ Illanc' ti'hua ał'econa'me ma to mał'eyi. Ałjoc'i'me ŁanDios, ałmuc'iyale'me lı̄taiqui' ŁanDios.

⁵ Jahuay lefołya jıłpe etenłcoco'mola' iłe lı̄taiqui'. I'huij'ım'mola' Esteban, Felipe, Prócoro, Nicanor, Timón, Parmenas jouc'a Nicolás. Iłque Esteban jahuay łunxajma' ti'huaiyinge Jesús. Ma le'a cal Espıritu Santo ticuxe liłpicuejma'. Nicolás agriego, łas Antioquía, ihuejpa lı̄lhuequi lan xanuc' judıo. Itsiya ti'huaiyinge Jesús. ⁶ Iñe lan caıtsi ilecom'mola' pe lomana' lan apóstole. Lan apóstole ijoc'i'me ŁanDios, ipo'nof'i'me liłmane liłjuac lan caıtsi capimaye.

⁷ Lı̄jou'ma xonca aculi' i'hua'ma lı̄taiqui' ŁanDios. Liłya' Jerusalén xonca tıxpela' juaiconapa iñe ts'ilihuequi Jesús. Jıłpe axpela' la'aillı́ tıhıejcoyi lı̄taiqui' Jesús.

⁸ ŁanDios juaiconapa titoc'i Esteban, ipaxnepa, epi'ıpa limane ti'eł'a' al cueca' to aimi'ıya mi'eyacu lan xanuc'. I'e'ma to lo'eya ŁanDios. Tołta'a timuc'iyale.

⁹ Lan xanuc' judıo, iñe pe lafołyomma lajut'ł cuftine Lilejut'ł Lo'nampola' joupá Ux'masquinnapola', ixtuc'o'me Esteban. Iñe naıxtulepá quıyoyomma liłya' Cirene jouc'a liłya' Alejandría, jouc'a łamats' Cilicia jouc'a łamats' Asia. Iñe ipango'me ifuli'i'mołtsi cataıqui' Esteban. ¹⁰ Esteban imuj'moxi acueca' liłpicuejma'. Tıpalay ma le'a lomıpa cal Espıritu Santo. Ulił'mola'. Iñe ailopa'a cotalai'ecoyacu. ¹¹ Ixtulencia xonca. I'najtsem'mola' lan xanuc' ticufle Esteban. Tuya'atsa: “Iłca'a cal xans tetets'i' Moısés, jouc'a tetets'i' ŁanDios. Ałcuejpa lonespa.” ¹² Tołta'a tu'innila' lan xanuc' jouc'a lan tsilaj xanuc' noxpıjpa lı̄taiqui', jouc'a lomxiye nomuc'iyalepá locuxepa ŁanDios. Jahuay iłniya ixtuc'o'me Esteban. Icuaitsa pe lopa'a, i'noł'me, i'hua'a'me pe lafołyomma lan tsilaj xanuc' noxpıjpa lı̄taiqui'. ¹³ Jıłpiya lefołya icuai'entsola' nofelłaiquepá, iłniya icuf'me Esteban. Ticuayi:

—Iłca'a cal xans ti'hua tetets'i' iłe al Paxi Cajut'ł, jouc'a tetets'i' locuxepa ŁanDios. ¹⁴ Illanc' ałcuejpa lonespa. Ticua: “Jesús łas Nazaret tetel'ma iłe al xoute”. Jouc'a ticua: “Jesús tıpai'i'ma lał'ejma', aımał'econa'me to mał'eyi”. Ałcuayi: Illanc' aimi'ıya malapenufyacu tołta'a. Itsiya lihuejyi lı̄taiqui' Moısés, iłque ałcuxenga'.

¹⁵ Lan xanuc' nocutsołanna jıłpiya lefołya juaiconapa tehuelojnyi Esteban. Tıxinyi li'a ti'onłcospa to li'a anuli łapaluc quema'a.

7

¹ Cal cuecaj ca'aillı' icuis'e'ma, timi Esteban:

—¿Te al liıca locuapa iłniya?

² Esteban timila':

—Cunc'aıpımaye, imanc' ałtatá lałcuxenga', ałquım'f'ela' laıfmiyacolhuo'.

'Mipa'a lahtatahuelo Abraham lamats' Mesopotamia, ai'a ti'huana'ma lamats' Harán, cal Cuecaj CanDios, ilque Nopa'a lema'a, imuj'moxi. ³ Timi: "Topo'nola' lomemats', topo'notsola' loxanuc'. To'huanni. Camuc'ito' ocuena camats', jilpe topajnta." ⁴ Abraham ipanni lamats' Mesopotamia pe lomana' lan xanuc' cuftine lan caldeo. I'huana'ma ipajntsi lamats' cuftine Harán. Quimaf'i' qui'ailli' jilpe imanenca. Lijou'ma limana'ma qui'ailli' LanDios ummepa i'huanni jifa'a lamats' pe lamana' itsiya.

⁵ 'Fa'a LanDios aiquepi'i' quemats', qui'huexi ni mixpiqueya anuli li'mis. Icupa cataiqui', timi: "Capi'i'mo' ilca'a lamats'. Ti'i'mo' co'huexi. Tijoula' ti'i'ma qui'huexi lo'hua." Ihe litine Abraham ailopa'a qui'hua. ⁶ Jouc'a LanDios timi: "Timajnlita lonietó. Ihe loxanuc' tiye'me ocuena camats' a'i quilemats'. Jilpiya timajnta. Lan xanuc' ti'e'moltsi quipoujnalá. Ticuxem'mola' juaiconapa. Ti'e'em'mola' quixcay. Amalpuj maxnu camats' ti'e'em'mola' tohta'a. ⁷ Tijoula' lan malpuj maxnu camats' iya' cateh'mi'mola' lan xanuc', ihe li'epoltsi ilpoujnalá loxanuc'. Ilniya loxanuc' tipalnacu jilpiya. Tipailinacu fa'a. Ma fa'a alaxc'onfingaina'ma."

⁸ Lijou'ma LanDios ipo'no'ipa cataiqui' Abraham. Icuze'e'ma ti'exoxi circuncidar. Lijoupa li'epoxi circuncidar Abraham ilpa qui'hua Isaac. Ipajntsi Isaac, lixhuaitsi apaico quitine, Abraham i'e'ma circuncidar. Isaac i'i'ma qui'ailli' Jacob. Jacob i'i'ma qui'ailli' ihe limbamaj coquexi' lahtatahueló. ⁹ Ihe lahtatahueló i'e'me laic' laquilpepo cuftine José. Icuim'mola' José lan xanuc' cotsepa lamats' Egipto. Ihe ileco'me José. LanDios aiqueca'nicojma. ¹⁰ Unhu'e'ma jahuay latecoya. Titoc'i, epi'ipa acuecaj quipicuejma'. Tohta'a Faraón, ilque incuxepa jilpe lamats' Egipto, tetencocojma li'ejma' José. Ifac'e'ma, epi'ipa lipenic' ticuxetsola' lan xanuc' nomana' lamats' Egipto. Jouc'a ticuxela' jahuay nomana' lejut'l Faraón.

¹¹ 'Lijou'ma i'i'ma cumemma. Lan xanuc' ni petsi lamats' Egipto ixingufco'me lumemma. Jouc'a lan xanuc' nomana' lamats' Canaán itelco'me juaiconapa. Lahtatahueló nomana' lamats' Canaán aikuixim'me cotejacu. ¹² Jacob, ilque qui'ailli' lahtatahueló, icuej'ma tipa'a cal trigo lamats' Egipto. Ihe lahtatahueló ni anulemma aikuiltsic' Egipto. Qui'ailli' ummepola' tiyele. ¹³ Iyehuo'me, ipailinanca. Lijou'ma iyecona'me. Licuaiyocontsa lamats' Egipto José imuj'moxi lipimaye. Timila': "Iya' lacolpepo. Iya' ninJosé." Timi cal rey Faraón: "Ilniya aipimaye". ¹⁴ Timila' lipimaye: "Tonlele Canaán. Tohecotsola' cai'ailli' Jacob jouc'a lahxanuc'." Tixhuaispola' afanej nuxans quimbamaj maque' ihe lan xanuc'.

¹⁵ 'Jacob jouc'a linaxque', ihe lahtatahueló, imul'me lamats' Egipto. Jilpe imanenca. Jilpe imayo'mola'. ¹⁶ Lijou'ma ilpécal icuai'e'me lamats' Siquem. Emunatsa al pu'hua li'napa Abraham. Ihe al pu'hua lopa'a hilemats' lixanuc' cal xans Hamor. Abraham i'najtse'e'mola' atomí, i'napa.

¹⁷ 'Ti'hua tixhuaispola' litiné LanDios ti'e'ma ma to limipa Abraham, tepi'i'mola' lahtatahueló quilemats'. Mimana' ilniya lamats' Egipto ti'hua ticuef'quila'. ¹⁸ Jilpiya anuli cal ts'e quincuxepa ipango'ma icuze'ma. Ihe aikuimetsaijma José.

¹⁹ Ehuepa te co'iya mijou'neyacola' lahxanuc'. Icukenai'mola' juaiconapa. Icuze'e'mola' teca'nicole llnaxque' camijcanó, timatsola'.

²⁰ 'Ihe litiné ipajntsi Moisés. LanDios icuaicotsi quipic'a lacapími', etencoco'ma. Afanej mut'la itoc'empá lejut'l qui'ailli'. ²¹ Lijou'ma eca'nicom'me. Li'hua cahuats' cal rey Faraón ixim'ma, ipulaf'ma, i'hua'a'ma lejut'l. Itoc'e'ma to qui'hua. ²² Jilpe lamats' Egipto timana' lan xanuc'

acueca' quilsina'. Jahuay lihsina' ihniya imuc'i'me Moisés. Tohta'a Moisés jouc'a imuj'moxi acueca' lipicuejma', ac'a lopalaipa, lo'epa.

²³ 'Lixhuaitsi oquej nuxans lamats' ipic'a tixintsola' lipimaye, ihe ixanuc' Israel. ²⁴ I'hua'ma pe lomana' lipimaye. Jiŕpe ixim'ma anuli titeŕma. Anuli cal xans egipcio titeŕmi. Moisés i'hua'ma titoc'itsi. Icuanaico'ma lipima. Ima'a'ma cal xans egipcio. ²⁵ Ticua lipicuejma': "Cunŕu'e'mola' laipimaye. Ihe alimetsaico'ma tohta'a laipenic' lalapi'ipa LanDios." Lipimaye aiquilcueca.

²⁶ 'Lihuequi litine tifuleyi oquexi' lipimaye. Icuaitsi Moisés, ticua: "Cananc'otola' ihe laipimaye. Ti'inŕa' liŕpicuejma'. Canajna'mola'." Timila': "Cunc'ixanuc', imanc' unc'apimaye. Aimofulecona'me." ²⁷ Iŕque noxcai'epa lipima ixtuc'opa Moisés. Ummetsai'ma. Timi: "¿Naitsi ima'? ¿Naitsi nifajpo'? ¿Naitsi nepi'ipo' lopenic'? ¿Te ima' aŕcuxe'monga'? ¿Te ima' aŕjuez?" ²⁸ Tsumjma oma'a'ma cal xans egipcio. ¿Te itsiya aŕma'a'ma iya' jouc'a?" ²⁹ Licuej'ma iŕe lataiqui' Moisés inuna'ma, i'hua'ma lamats' Madián. Ipajntsi. Jiŕpe limajnlitsa oquexi' linaxque'.

³⁰ 'Uyai'ma oquej nuxans camats'. Anuli litine tipa'a Moisés limuc'o' ahuejnca lijuala cuftine Sinaí, petsi ailopa'a quilya' ni xanuc'. Jiŕpe tunaqui anuli luxi quitac. Maŕpiya lipaŕ cunga imaxcaitsi anuli lapaluc quema'a. ³¹ Moisés ixim'ma acueca' iŕe li'ipa. I'hua'ma ehuelojntsi xonca ahuejnca. Icuej'ma laŕPoujna LanDios tipalay. ³² Timi: "Iya' NanDios, ilenDios lotatahueló. Iya' ilenDios Abraham, Isaac, Jacob." Licuej'ma tohta'a Moisés ixpaiconni. Ipango'ma iyu'ma licuerpo. Aimi'iya mehuelojnconaya. ³³ LaŕPoujna LanDios timi: "Pe lofmecaxu, jiŕpe apaxi camats'. Taipa'ala' loc'ejí. ³⁴ Cahuelongila' laixanuc', ihe nomana' Egipto. Aiximpola' titeŕcoyi. Aiquimf'epola' tija'ayi. Iya' nimumma lema'a. Cunŕu'e'mola' laixanuc'. ¡Tot-sahuenni! ¡Lepá! Cumme'mo', topaiconno, to'huacona'ma lamats' Egipto."

³⁵ 'Maŕque Moisés joupa etets'impá, imimpá: "¿Naitsi ima'? ¿Naitsi nifajpo'? ¿Naitsi nepi'ipo' lopenic'? ¿Te ima' aŕcuxe'monga'? ¿Te ima' aŕjuez?" Ihe litine limaxcaitsi lapaluc quema'a jiŕpe munaqui luxi quitac, LanDios ifajpa Moisés, epi'ipa lipenic' ticuxetsola', tunŕu'etsola' lixanuc'. ³⁶ Maŕque Moisés i'e'ma to aimi'iya mi'eyacu lan xanuc'. Tixinŕe lan xanuc' al cueca' lo'epa LanDios. Lijou'ma ipa'ana'mola' lixanuc' lamats' Egipto. Licuaitsa Lunxali Caja jouc'a i'e'ma acueca', jouc'a pe ailopa'a quilya'. Laŕtatahueló icol'mola' oquej nuxans camats' muyalaicoyi jiŕpiya. ³⁷ Moisés u'i'mola' lixanuc', ihe lixanuc' Israel, timila': "LanDios laŕPoujna tepi'i'molhuo' anuli cal profeta aŕ'onŕcota to iya'. Iŕque olpiŕya' xans. Iŕque toŕquimf'e'me." ³⁸ Maŕque Moisés efot'ŕe'mola' laŕtatahueló mimana' pe ailopa'a quilya'. Jiŕpe lijuala Sinaí lapaluc quema'a ipalaic'opa Moisés. Moisés ipalaic'opola' laŕtatahueló. Moisés epenufpa limaf'i cataiqui', iŕe litaiqui' LanDios. Iniŕpa lapenufle illanc'.

³⁹ 'Laŕtatahueló etets'ipá Moisés. Aiquilihuejma limipola'. Tiŕ'nujuaispá lilendiosla' lun egipcio. ⁴⁰ Timiyi Aarón: "Aŕhanc'e'etsonga' calandiosla'. Ihe aŕ'huaj'me'e'monga'. Iŕque Moisés laŕlipa'ahuo'monga' lamats' Egipto itsiya ailopa'a. Aicaŕsina' pe quitsepa. Aicaŕsina' te qui'ipa." ⁴¹ Ihe litiné ilanc'e'me anuli la'hua huacax ilanc'eco'me a'oro. Ima'a'me linneja, itsufco'me cal ídolo. Tixoqui quileta. Etenŕcoco'mola' iŕe hilendios, iŕque hilanc'epa, i'e'ecopa quilituca' liŕmane'. ⁴² LanDios eca'nico'mola'. Ticua: "Najmay textc'onŕingolaile lopa'a lema'a, ihniya lan xamna, cal mut'ŕa, cal 'ora". Tohta'a tuya'e' al je'e' linitpa lam profeta. Jiŕpiya LanDios ticua:

Imanc' ixanuc' Israel, loquej nuxans camats' moŕmana' jiŕpe lamats' petsi ailopa'a quilya',
moŕtsufcola' linneja loŕma'am'mola' y locuenaye loŕtsufco'me,

¿te ma al linca ałtsufcopa iya'?

⁴³ A'i. Ołtaic' anuli łolandios cuftine Moloc, jouc'a ołtaic' lixamna łocuena łolandios cuftine Renfán. Iłniya łolandiosla' cołłanc'ecopola' tolaxc'onłingaitsola'. Iya' catel'mi'molhuo' tołta'a loł'epa, quipa'a'molhuo' łolamats', ca'hua'a'molhuo' łamats' Babilonia.

⁴⁴ 'Mimana' łamats' pe ailopa'a quııya' lałtatahueló ił'hueca lejut'ł ŁanDios lilanc'ecompa ijahua'. Jiłpe lajut'ł tipa'a oquej lapic' liłtaic' liniııya loya'apa locuxepa ŁanDios. Ma tołta'a ŁanDios icuxe'epa Moisés, timi: “Joupa aimuc'ipo' te ts'i'ic' lajut'ł, tołta'a tolanc'e'ma”. ⁴⁵ Liłmaxque' lałtatahueló epenuf'me lajut'ł, iłtaic' icuaiyunca jifa'a łalamats', itsuflai'enca. Iłniya litiné micuxela' Josué ulicale'me lan xanuc' limajmpá fa'a, iłne pe aiqulimetsaijma ŁanDios.

'Icuaitsi litine cal rey David epenuf'ma lipenic' ma tipa'a iłe lajut'ł.

⁴⁶ ŁanDios etenłcoco'ma li'ejma' David. Iłque ixa'hue'ma ŁanDios, enDios Jacob. Timi: “Calanc'e'etso' ocuena comejut'ł”. ⁴⁷ David aiqulanc'e lajut'ł. Salomón, iłque i'hua David, ilanc'epa lejut'ł ŁanDios.

⁴⁸ 'Tama tipa'a lejut'ł, ŁanDios Nopa'a lema'a aimipanga anuli lajut'ł lilanc'epa cal xans. Tołta'a licuapa cal profeta muya'e' lu'ipa ŁanDios, ticua:

⁴⁹ Lema'a ti'onłcospa to laicuecaj asiento, jiłpe cacutsuya.

Li'a łamats' ti'onłcospa to łainitas, jiłpe lunxajyopa lai'mitsi'.

Ticua ŁanDios łalPoujna:

¿Te całłanc'e'ecoya anuli lajut'ł? ¿Te ailopa'a caifnunxac'eya?

⁵⁰ ¿Te ma' iya' a'i cailanc'e jahuay?

Tołta'a timila' Esteban iłne naixtuc'opá. Lijou'ma timiconala':

⁵¹ —Linca imanc' aimalucuec'e. Lołpicuejma' ti'onłcospa to liłpicuejma' lan xanuc' pe aiqulimetsaijma ŁanDios. Imanc' aimolihuejcoyi cal Espíritu Santo, tecaxaispolhuo'. Ma to mi'eyi lołtatahueló tołta'a lonł'epa imanc'. ⁵² Iłniya lołtatahueló, ¿ja'ni tipa'a anuli cal profeta pe aiqulihuetsoqui? A'i. Ailopa'a. Lołtatahueló ima'a'me iłne nuya'apá łocuaicoya cal Łijca Xans. Imanc' xonca ixcay onł'epá. Li'huamma cal Łijca Xans imanc' ołcupá, ołma'apá. ⁵³ Lataiqui' loya'apa locuxepa ŁanDios, małe lataiqui' luya'apa lapaluc' quema'a, imanc' olapenufpá, tijoułta' aicolihuequi.

⁵⁴ Lan xanuc' noquimf'epá litaiqui' Esteban ixtulencia juaiconapa. Ticuayi: “Iłque ałcufquina”. I'ıl'c'ma lił'ay. ⁵⁵ Cal Espíritu Santo icuxe'ma lipicuejma' Esteban. Iłque ehuelojm'ma lema'a. Ixim'ma te ts'i'ic' jiłpe pe lopa'a ŁanDios. Jiłpe tipa'a Jesús tecaxu al c'a camane ŁanDios. ⁵⁶ Esteban ticua:

—ıTolsinłe! Caxina exiya lema'a. Jiłpe tipa'a cal Xans Łiximpa cal profeta pu'hua lema'a. Itsiya aiximpa tecaxu al c'a camane ŁanDios.

⁵⁷ Lan xanuc' ija'a'me ujfxi, um'mit'le'me liłmane' liłs'mats'i'. Ihuo'me, umentsu'me Esteban. ⁵⁸ I'noł'me, i'hua'a'me lema quııya'. Ipango'me ecanijm'me capic' tima'ale. Linfel'miyale nicufpá Esteban ipa'apá liłtsamalo, ipo'no'e'epá li'mitsi' anuli łamijcano cuftine Saulo. ⁵⁹ Mipayi capic' Esteban tijoc'i ŁanDios, timi:

—MaiPoujna Jesús, tapenufla' łai'espíritu.

⁶⁰ Exc'onłquenni, ipalai'ma ujfxi timi:

—MaiPoujna, tama ał'e'e quixcay, aimotac'ui'i'mola' lajunac'.

Lijou'ma lines'ma tołta'a imana'ma.

8

1-2 Saulo tipa'a tecaxu jiłpiya, ticua: “Ne', tima'anłe Esteban”.

Hualca lan xanuc' pe naihuejcopá locuxepa ŁanDios itaina'me licuerpo Esteban, emunatsa. Acueca' juaiconapa liłpihuotsoqueya.

Ihne litiné ihuetsoquim'mola' juaiconapa lapimaye nomana' Jerusalén, ihne lefot'lepola' ÆanDios. Jahuay ica'ne'mołtsi, iye'me ni petsi al distrito Judea jouc'a łamats' Samaria. Ma le'a lan apóstole imanenca Jerusalén.

³ Saulo tixtuc'ola' juaiconapa lapimaye. Ti'nołila', tequifila' lan xanuc' jouc'a lacał'no', ti'nicola' lacarza.

⁴ Ni petsi litsepa ihne lapimaye nica'nepołtsi uya'a'me Lataiqui' loya'apa iħe al c'a lixpıc'epa ÆanDios.

⁵ Felipe ipanni jıħpe Jerusalén, i'hua'ma anuli liħya' łamats' Samaria. Jıħpe uya'a'ma: “Jesús copa'a cal Cristo, ÆanDios hi'Huij'epa”. ⁶ Lan xanuc' efot'lepółtsi iquimf'e'me locuapa Felipe. Ixim'me Felipe mi'ay al cueca' to lo'epa ÆanDios. Jahuay iħniya ipo'no'me cuenna juaiconapa litaiqui' Felipe. ⁷ Jıħpe liħya' ixałcona'mola' axpela' lafcualłay, ihne litsufai'ıla' contahue. Mi-palcu lontahue tija'ayi ujfxi. Axpela' luhuałqueya lan xanuc' jouc'a lan coxo ixałcona'mola'. ⁸ Tołta'a juaiconapa ixoj'ma quileta lan xanuc' nomana' jıħpiya.

⁹ Małpe liħya' tipa'a anuli cal brujo cuftine Simón. I'epa al cueca'. Tifel'mila' jahuay lan xanuc' nomana' łamats' Samaria. Timila':

—Iya' a'i ni naıtsi xans. Iya' ninCueca'.

¹⁰ Jahuay iquimf'e'me, lan xanuc' ts'ih'hueca jouc'a lan xanuc' pe aiqııh'hueca. Ticuayi:

—Ma ÆanDios, iħque cal Cuecaj Candios, ĩnca ummepa iħca'a cal xans. Tołta'a ti'ay al cueca'.

¹¹ Joupa ixhuaıta axpe' mut'ła cal brujo ti'hua ti'ay lipıxcay xans. Lan xanuc' ixinc'nepá, joupa ifel'mipola', tihuejyi. ¹² Ihne nepenufpá litaiqui' Felipe epo'im'mola', lan xanuc' jouc'a lacał'no'. Felipe uya'a'ma Lataiqui' loya'apa iħe al c'a lixpıc'epa ÆanDios. Tu'ıla' te co'ıya mitsuflaiyacu pe locuxeyopa ÆanDios. Tu'ıla' naıtsi Jesús, iħque cal Cristo. ¹³ Simón jouc'a epenufpa litaiqui' Felipe, epo'im'me. Lijoupa lepo'ımpa iyejmale'me Felipe. Ixımpa al cueca' lo'epa Felipe, to lo'epa ÆanDios. Lıxımpa tołta'a, tocomma tipailo lipıcuejma'.

¹⁴ Lan apóstole nomana' Jerusalén icuej'me: “Lan xanuc' nomana' łamats' Samaria epenufpá litaiqui' ÆanDios”. Ummem'mola' liħ'as apóstole Pedro y Juan tiyełe jıħpiya. ¹⁵ Iye'me, icuaitsa pe lomana' lapimaye nepenufpá litaiqui' ÆanDios. Jıħpe ijoc'i'me ÆanDios, ixahue'e'me tepi'itsola' cal Espıritu Santo. ¹⁶ Ihne lun Samaria joupa inespá: “Jesús ałPoujna”. Joupa epo'ımpola'. Aıquılepenufı cal Espıritu Santo. Iħque aiqıımuya pe lomana'. ¹⁷ Lan apóstole lijoupa liıoc'ıpa ÆanDios ipo'nof'i'me liħmane liħjuac iħniya lun Samaria. Ihne epenuf'me cal Espıritu Santo.

¹⁸ Simón ixımpola' li'epa lan apóstole, ixımpola' lıpo'nof'ıpa liħmane liħjuac iħniya lapimaye, ixımpola' epenufpá cal Espıritu Santo. Lıxımpa tołta'a li'ıpa, icufı'mola' quıłtomı lan apóstole, ¹⁹ timila':

—Capi'i'molhuo' cołtomı. Aıpic'a ca'eła' ma to lon'epa imanc'. Lapi'ıla' caımane. Tijouła' ja'ni capo'nof'ıla' laımane anuli cal xans, iħque tepi'im'me cal Espıritu Santo.

²⁰ Pedro timi:

—İma' tecanıts'o' jouc'a lotomı. Tocua to'naco'ma iħe locuapa ÆanDios.

²¹ İma' aımi'ıya motsufaiya lałpenıc'. Aılopa'a capi'ıyaco' ÆanDios. Iħque timetsaıcohuo' a'ıj liħca loıpicuejma'. Aımetenłma. ²² İma' mıxcay xans. Toxhuej'menanni. Toıoc'ıla' ÆanDios. Toxa'hueła' ja'ni ti'i'ma tiłonc'e'e'mo' loıjunac', timenc'e'ecotso' loıfcuapa jıħpe loıpicuejma'. ²³ İya' quımetsaıcohuo' lo'ejma'. İma' pangay to'ehuale laıc'. Lıxcay loıpicuejma' joupa ifı'epo'. Aımi'ıya mo'eya al c'a.

24 Simón italai'e'ma, timi:

—Imanc' toľjoc'ile ľalPoujna, toľsahue'ele aimal'i'ma to ľalmipa.

25 Jiľpe liľya' lan apóstole uya'a'me te ts'i'ic' liximpa, te ts'i'ic' licuejpa mipa'a Jesús fa'a li'a ľamats'. Uya'a'me litaiqui' ľalPoujna. Lijou'ma ipailinamma, tiyeyi lane Jerusalén. Miyeyi lane titsulfoľaiyi axpela' hiľpifelolya' lun samaritano, tuya'ayi Lataiqui', ile loya'apa al c'a lixpíc'epa ŁanDios.

26 Pe lopa'a Felipe imaxcaitsi anuli ľepaluc ľalPoujna, timi:

—Totsahuenni. To'huaľa' al sur, ile lane co'huayomma Jerusalén lotsepa Gaza. Lane pangay quimuc'o'. Ailopa'a quilya'.

27 Felipe itsahuenni, ipanni. I'hua'ma ma to limipa ľapaluc quema'a. Maľe lane ti'hua anuli cal xans ľas Etiopía. Iľque ts'ipenic', ticuxe jahuay hi'huexi lipoujna. Iľque lipoujna ľincuxepa aca'no' cuftine Candace, ticuxe ľamats' Etiopía. Cal xans joupa itsehuc'oma al cueca' xoute' lopa'a Jerusalén, jiľpe exc'onľingaihuo'ma ŁanDios. Itsiya ipainamma cotsenapa, i'huanapa Etiopía.

28 Ticusc'o licarro, tixhue liniľpa lije'e cal profeta Isaías. 29 Cal Espíritu Santo ipalaic'o'ma Felipe, timi:

—To'huaľa' pe lo'huapa al carro. Aimanaj'moxi.

30 Felipe inu'ma, i'huajcotsi al carro. Icuej'ma cal xans tixhue liniľpa cal profeta Isaías. Timi:

—Iľe al je'e loľxhuepa, ¿te tocuec'e?

31 Timi:

—¿Te co'ya cacuec'eya? Ailopa'a naľmuc'iya.

Ixa'hue'ma Felipe tif'ajla' al carro, ticutsoľaiľe huejnca.

32 Al Paxi Liniľingiya loľxhuepa ticua:

Ma to milecom'me anuli ľa'hua moľ tima'anna, ma toľta'a ilecom'me iľque cal xans.

Metec'em'me ľipimi cal moľ, iľque aimija'e', iľque cal xans jouc'a aiquija'e'.

Ailopa'a quimipola' iľne liteľ'mi'me.

33 Etets'i'me, ailopa'a notoc'iya.

¿Ja'ni jifa'a li'a ľamats' tipa'a anuli qui'hua?

A'i, ailopa'a.

Nulemma etec'oyenni lipitine.

34 Ts'ipenic' icuis'e'ma Felipe, timi:

—Alu'ila'. ¿Naitsi conescopa cal profeta? ¿Te tipalaicoyoxi quituca' o tipalaijma ocuena?

35 Felipe italai'e'ma, uhuaľ'ma ile litaiqui'. Lijou'ma xonca u'i'ma Lataiqui' loya'apa ile al c'a lixpíc'epa ŁanDios. Inesco'ma Jesús. 36 Mipalaiyi ti'hua tinu al carro. Icuaitsa pe lopa'a laja'. Ts'ipenic' timi Felipe:

—Toxinľa'. Jifa'a tipa'a laja'. Aipic'a ima' lapo'ila'. ¿Te ti'i'ma?

37 Felipe timi:

—Ja'ni jahuay ľomunxajma' to'huaiyinge Jesús, ti'i'ma.

Ts'ipenic' italai'e'ma, timi:

—Iya' ľinca ca'huaiyinge Jesucristo. Iľque i'Hua ŁanDios.

38 Icxue'ma ecaxu'ma al carro. Imulunca loquexi'. Itsuľlai'me laja'. Felipe epo'i'ma ts'ipenic'. 39 Ipalnanca laja', if'ajlina'me ľamats', cal Espíritu Santo ileco'ma Felipe. Ts'ipenic' aiquixingona'ma. Uyaina'ma tixoqui queta.

40 Felipe iximpoxi icuaita jiľpe liľya' cuftine Azoto. I'hua'ma lane lotsepa liľya' Cesarea. Jahuay hiľelolya' pe loyaicopa tuya'e' Lataiqui' loya'apa ile al c'a lixpíc'epa ŁanDios. Icuaitsi Cesarea.

9

1 Saulo ti'hua tixtu'hua. Itine ipuqui' tehue te co'iya mima'ayacola' ts'ilihuequi Jesús. I'hua'ma ipalaic'otsi cal cuecaj ca'ailli'. 2 Ixahue'e'ma quije'e. Ti'hua'ma liya' Damasco, jilpiya lajut'li pe lafolyomma lan xanuc' judío timuc'itola' ts'ilpenic' ile lije'e. Timi cal cuecaj ca'ailli':

—Lapi'ila' caimane. Liya' Damasco timana' ihniya naihuejpa' al ts'e cane. Ja'ni caxintsola', axanuc' o aca'no', ca'noctola', cafijntola', ca'hua'acola' fa'a liya' Jerusalén.

(Cal cuecaj ca'ailli' epi'i'ma Saulo al je'e lixahue'epa.)

3 Mi'hua lane joupa ticuaita liya' Damasco epalc'o'i'ma anuli lepalc'o'. He lepalc'o' qui'huayomma lema'a. 4 Ecangenni ix'uat'lhuaitsi lamats'. Icuej'ma tipalaic'o, timi:

—Ima' cunSaulo, ¿te calihuetso'copa? ¿Te ca'tel'micopa?

5 Timi:

—Maipoujna, ¿naitsi ima'?

La'Poujna timi:

—Iya' ninJesús. Ima' a'tel'mi. Cal huacax ja'ni aimicuec'e lanacompa al puya ti'hua tite'lma, ma to'ta'a tote'lma ima', aimocuec'e.

6 Saulo tiyu tixpaiqui. Timi:

—Maipoujna, ¿te ts'opic'a ca'ela'?

La'Poujna timi:

—Totsahuenni, to'huala' totsufaitsi liya'. Jilpe tu'inno' lof'eya.

7 Lan xanuc' lilecola' Saulo e'axol'me jilpe. Ailopa'a conesyacu. Tix-pailiquila'. Icuej'me tipalay. Aiquixim'me. 8 Saulo itsahuenni. Lexi'e'ma li'u' joupa i'ipa afo'. Lilecola' exal'me limane. Icuai'etsa liya' Damasco. 9 Icol'ma afane' quitine aimehuetsale. Aimitesma, aimixnay.

10 Jilpe liya' Damasco tipa'a anuli cal xans lipuftine Ananías, ihuequi Jesús. Ma' imaf'i to'comma tipaima. Iximpa la'Poujna Jesús, tijoc'i, timi:

—¡CunAnanías!

Ananías timi:

—MaiPoujna, ma capa'a fa'a.

11 La'Poujna timi:

—Totsahuenni, to'huala' lane cuftine al Lijca Cane, tocuaita lejut'l Judas. Jilpe taicuitsufta ja'ni tipa'a Saulo las Tarso. Jilpe toxinna, tijoc'i LanDios.

12 LanDios joupa imuc'ipa lo'iya. Joupa iximpo' ocuaita ima', cunAnanías. Iximpo' otsufaipa lajut'l, iximpo' topo'nof'i lomane lijuac, iximpa joupa ixal'conapa li'u'.

13 Ananías italai'e'ma, timi:

—MaiPoujna, axpela' lan xanuc' tipalaicoyi ilque cal xans. Ticuayi mipa'a Jerusalén juaiconapa ti'e'ela' quixcay loxanuc', ilne lo'huij'epola'.

14 Lipamma pu'hua itaic' lije'e lini'ipa cal cuecaj ca'ailli'. Joupa epi'impalimane al'no'itsonga' jahuay illanc'. Al'no'l'monga' illanc' najoc'ipo' ima' ma'Poujna Jesús.

15 La'Poujna timi:

—To'huala'. Iya' ai'huij'epa ilque cal xans. Joupa aixpic'epa lo'eya. Tu'itola' lan xanuc' naitsi iya', iya' ninJesús. Tu'itola' lan xanuc' pe aimimetsaicoyi LanDios, tu'itola' ihniya li'rey. Jouc'a tu'itola' lopimaye, ilne ixanuc' Israel.

16 Ilque linca tite'lco'ma acueca' ma mu'ila' lan xanuc' naitsi iya'. To'ta'a camuc'i'ma, iya' ninJesús.

17 Ananías i'hua'ma. Icuaita lajut'l pe lopa'a Saulo. Itsufai'ma, ipo'nof'ipalimane lijuac, timi:

—CunSaulo maipima, ima' mo'hua lane fa'a oximpa łatPoujna Jesús. Itque imujpoxi. Małque Jesús alummepa fa'a. Ipic'a toxinalenta', ticuxetso' lopicuejma' cal Espiritu Santo.

¹⁸ Aiquicoł'ma. Saulo ixim'ma tecangemma tocomma to lipic'ala catú jilpe li'u'. Ixałcona'ma li'u', ehuetzalena'ma. Itsahuenni, epo'im'me. ¹⁹ Itetso'ma, icuainanni lipujfxi. Imajm'me anuli ts'ilihuequi Jesús jilpe liłya' Damasco, icoł'ma.

²⁰ Ihniya litiné itsehuo'ma łajut'hi pe lafołyomma lan xanuc' judío, tu'iyale naitsi Jesús. Timila':

—Itque i'Hua ŁanDios.

²¹ Ihne noquimf'epá ticuayi:

—¿Te qui'ipa? Itque cal xans mipa'a Jerusalén tijou'nela' lan xanuc' nojoc'ipá Jesús. Icuai'ma fa'a ti'nołtsola' ihniya, tifi'etsola', ti'hua'a'mola' Jerusalén, ticuai'etola' pe lomana' lixanuc' cal cuecaj ca'ailli'. Itsiya, łtołsinle lo'epa!

²² Saulo i'ipa xonca acueca' lipicuejma'. Timuqui alinca Jesús copa'a cal Cristo, lummepe ŁanDios. Ti-ch'ixc'ela' lan xanuc' judío nomana' jilpe liłya' Damasco. Ihne ma tiquimf'eyi, ailopa'a cotalai'ecoyacu.

²³ Jounpa uyaipa axpe' quitine lan xanuc' judío ixpic'e'me, ticuayi:

—Alma'a'me Saulo.

²⁴ Ipuqui' itine ti'huejyi cal puertá canumicay eti'icoya aitał jilpe liłya'. Saulo i'ipa quixina' lo'eyacu ihne lan xanuc'. ²⁵ Lijou'ma ts'ilihuequi Saulo unlu'e'me. Lipuqui' icus'mi'me anuli al cueca' tsiquihuił, panca panca ecajm'me lixpula caitał, ixehuaitsi al tsiquihuił jilpe łamats'.

²⁶ Saulo i'hua'ma, icuaitsi Jerusalén. Ipic'a tiłejmaletsa ts'ilihuequi Jesús. Ihne aiquiłcuac'. Tixpaic'eyi. Ticuayi:

—Itque Saulo a'i miłhuequi Jesús, ma le'a ticua.

²⁷ Bernabé i'e'ma linca limi'ma Saulo. Ileo'ma pe lomana' lan apóstole. U'i'mola' te ts'i'ic' li'ipa Saulo. Timila':

—Mi'hua lane Saulo ixim'ma łatPoujna Jesús. Itque ipalaic'o'ma. Mipa'a Damasco aimitay calaic'ata. Imuj'moxi ummepa Jesús, tuya'e' litaiqui'.

²⁸ Saulo imajmpá anuli lan apóstole. Ti'hualejma ni petsi Jerusalén. Ailopa'a tintsi. ²⁹ Tipalaic'ola' lan xanuc' judío, ihne nopalaipá liłtaiqui' griego. Timila':

—Imanc' timenaquilhuo'.

Ihne ixtulencia. Ehue'me te co'iyá mima'ayacu. ³⁰ Lapimaye i'ipa quilsina' lo'eyacu ihne lan xanuc' judío. Ileo'me Saulo liłya' Cesarea. Jilpiya ummepa ti'huał' lipiłya' Tarso.

³¹ Ihne litiné ailopa'a tintsi. Ti'hua efot'le'mołtsi lapimaye, ihne nomana' al distrito Judea jouc'a nomana' al distrito Galilea, jouc'a nomana' łamats' Samaria. Ifa'epola' liłpicuejma'. Xonca tixpaic'eyi łatPoujna, ti'eyi latentłcocopa. Cal Espiritu Santo ixoc'i'mola' quileta. Tołta'a ixpe'mola' lapimaye.

³² Pedro ti'hua iłya' iłya', icuaitsi liłya' Lida. I'hua'ma ehuejntsola' lapimaye nomana' jilpe, ihne i'huexi ŁanDios. ³³ Jilpe liłya' ixim'ma anuli cal xans cuftine Eneas. Ixhuaita apaico camats' tunouya. Uhuacquemma. ³⁴ Pedro timi:

—CumEneas, Jesucristo ixał'menapo'. Totsahuenni. Tonif'nał' lohualfa.

Aiquicoł'ma, itsahuenanni. ³⁵ Jahuay lan xanuc' nomana' jilpe liłya' Lida, jouc'a nomana' łamats' Sarón, icuej'me ixałconapa Eneas. Ixhuj'menca, ipai'i'me liłpicuejma'. Ipango'me ihuej'me łatPoujna Jesucristo.

³⁶ Liłya' Jope timana' ts'ilihuequi Jesús. Anuli ihniya aca'no' cuftine Tabita. Ihe laftine ja'ni tonesla' ataiqui' griego ticua: Dorcas. Itque łaca'no' linca ti'ay al c'a. Aimixospa. Itine itine titoc'ila' pe ailopa'a quil'hueca. ³⁷ Ihne litiné Dorcas

extaf'ma, imana'ma. Epo'im'me licuerpo. Ipo'nom'me anuli lajut'ł lopa'a al toncay. ³⁸ Ts'ilihuequi Jesús nomana' liŷya' Jope icuej'me a'ij culi' Pedro, tipa'a liŷya' Lida. Ummem'mola' oquexi' lan xanuc' tixahue'etsa, timitsa:

—To'huanni pe lałmana' liŷya' Jope. Aimicoł'mo'.

³⁹ Pedro jouc'a iye'me. Licuaitsa lajut'ł jilpe Jope, ileco'me Pedro al toncay pe lipo'no'empa łaca'no' łimanapa. Icuaiyunca lapimaye cacal'no' apotsateya. Ecaxingołai'me Pedro. Tijolijyi. Timuc'iyi lan tsamalo jouc'a łijahuai' łilanc'epa Dorcas miłmana' anuli iłniya. ⁴⁰ Pedro ipa'a'mola'. Exc'onłhuai'ma, ijoc'i'ma ŁanDios. Lijou'ma ecaxna'ma, ipai'e'moxi, ehuelojm'ma łimanapa, timi:

—ConTabita, totsahuenanni.

Tabita exi'e'ma li'u'. Ixim'ma Pedro, icutsai'ma. ⁴¹ Pedro i'noł'e'e'ma limane, ecaxu'ma. Ijoc'i'mola' titsulołaiiconanca lapimaye, iłne i'huexi ŁanDios, jouc'a lacal'no' lam potsateya. Timila':

—Jifa'a lołpima Dorcas, joupa imaf'inapa.

⁴² Ni petsi jilpe liŷya' Jope icuej'me li'ipa. Axpela' i'huaiyijm'me lałPoujna Jesús. ⁴³ Pedro ipanenni axpe' quitine liŷya' Jope. Ipajm'ma lejut'ł anuli cal xans nacof'ejpa quixmi, cuftine Simón.

10

¹ Jilpe liŷya' Cesarea tipa'a anuli cal xans aromano cuftine Cornelio. Iłque incuxepa. Locuxepola' amaxnu lisoldado. Iłne lan soldado, jouc'a liłf'as soldado, tecui'innila' Lan Italiano. ² Iłque Cornelio tenanł locuxepa ŁanDios. Acueca' titoc'ila' lan xanuc' judío pe aiquil'hueca. Itine itine tijoc'i ŁanDios. Jahuay nomana' lejut'ł jouc'a tixpaic'eyi ŁanDios.

³ Anuli litine, joupa uyaipa menac'o, icuaita to al fanej hora, ŁanDios imuc'i'ma lo'iya. Ixim'ma anuli łapaluc quema'a itsufai'ma lejut'ł. Łapaluc timi:

—ıCunCornelio!

⁴ Lehuelojm'ma łapaluc quema'a Cornelio ixpaij'ma juaiconapa. Timi:

—Maipoujna, łte ts'opic'a?

Timi:

—Lofxa'huepa if'ajpa lema'a pe lopa'a ŁanDios. Iłque iximpo' totoc'ila' lan xanuc'. Ti'nujuaishuo' ima'. ⁵ Timihuo': Tommetsola' loxanuc' tiyełe Jope. Tiyełe pe lopa'a anuli cal xans cuftine Simón, tecui'inni Pedro. Timitsa ti'huanni lomejut'ł. ⁶ Iłque Pedro ipanc'ale lejut'ł anuli cal xans łacof'ejpa quixmi, cuftine Simón. Simón lejut'ł copa'a lema quıŷya', lema caja. Pedro tu'i'mo' lof'eya.

⁷ Łapaluc quema'a nopalai'opa Cornelio i'huana'ma. Cornelio ijoc'i'mola' oquexi' limozó. Jouc'a ijoc'i'ma anuli cal soldado notoc'ipa. Iłque cal soldado tenanł locuxepa ŁanDios. ⁸ U'i'mola' iximpa anuli łapaluc quema'a. Jouc'a u'i'mola' linespa. Imi'mola' tiyełe liŷya' Jope. Iyepá.

⁹ Lihuequi litine lummepola' Cornelio joupa ticuaita liŷya' Jope. I'ipa to menac'o. Małe al 'hora Pedro if'ajma al toncay lajut'ł. Tipalaic'ota ŁanDios.

¹⁰ Mijoc'i ŁanDios unle'enni, ticui coteja. Tilanc'enni łoteja. Mi'huaijma titetso'ma i'huapa lipicuejma'. ¹¹ Ixim'ma exiya lema'a, iximpa to anuli al cuecaj cutse timumma. Iłe al cuecaj cutse ilanc'ecompa ijahua', ifi'iya lam malpu' lupahuay. ¹² Jilpe ti'nicołanna tocomma to tiłmana' jahuay linneja nomana' li'a łamats'. Timana' iłne noyecopá amalpu' lił'mitsi', jouc'a tiyeyi laquifpołtsi łamats', jouc'a naiyulpá lema'a. ¹³ Pedro icuej'ma tipalaic'onni, timinni:

—CumPedro, toma'ala' anuli iłne linneja, totela'.

¹⁴ Pedro timi:

—A'i maiPoujna, aimi'iyá cateja iĥna'a linneja. Caxinnila' axujc'a. Iya' aicaitec'o cal xujc'a.

¹⁵ Ti'hua tipalaic'onni, timinni:

—Pe ŁanDios liximpa alimpio, ima' aimocua'ma: “Axujc'a”.

¹⁶ Afanemma i'i'ma toĥta'a. Lijou'ma iĥe al cuecaj cutse if'ajna'ma lema'a.

¹⁷ Pedro timiyoxi: “¿Te caĥmuc'icompá iĥe laiximpa?”

Toĥta'a minesqui icuaitsa lam fantsi xanuc' lummepola' Cornelio. Iĥe joupa icuitsufpá, imuc'impola' lejut'ĥ Simón. Itsiya tecaxoĥanna al puerta.

¹⁸ Ticuitsufyi, tijoc'iyi:

—¿Ja'ni fa'a copa'a Simón ipanc'ale, iĥque ĥacui'impá Pedro?

¹⁹ Micoĥi Pedro al toncay lajut'ĥ ti'hua timiyoxi: “Iĥe laiximpa, ¿te cocuaj-maispa?” Cal Espíritu Santo timi:

—Timana' afantsi lan xanuc' tehuehuo'. ²⁰ Totsahuenni, taimuĥa'. Taihuej'mola'. Tonĥeĥe. Aimoxhueĥmot'ĥe'ma. Iya' nummepola'.

²¹ Pedro imunni. Ipalaic'o'mola' lam fantsi lan xanuc' lummepola' Cornelio. Timila':

—Iya' ninSimón. Imanc' lahuay. ¿Te coĥcuaiyoco'me? ¿Te ts'oĥpic'a?

²² Timiyi:

—Cornelio, iĥque incuxepa, locuxepola' amaxnu lan soldado, maĥque alum-meponga'. Iĥque aĥijca xans, tixpaic'e ŁanDios. Jahuay lan xanuc' judío ticuayi: “Iĥque ac'a xans”. Anuli cal paxi capaluc quema'a ixc'ai'ipa timi: “Tojoc'itsi Pedro ticuaiyunni lomejut'ĥ. Toquimf'e'ma litaiqui' lu'iyaco'.” ²³ Pedro itsufai'e'mola'. Epi'i'mola' pe loxmai'eyacu iĥe lipuqui'. Lihuequi litine itsahuenni, iyejmale'me. Hualca lapimaye lun Jope jouc'a iye'me.

²⁴ Lihuequi litine icuaitsa liĥya' Cesarea. Tipa'a Cornelio jiĥpe lejut'ĥ, i'huaicola'. Jouc'a tiĥmana' lijoc'impola', iĥne lipimaye jouc'a liyejmalepá xonca limetsaicola'.

²⁵ Licuaita Pedro, Cornelio italecufhuo'ma, exc'onĥingai'ma li'mitsi'.

²⁶ Pedro i'noĥ'e'e'ma limane, timi:

—Totsahuenni. Iya' jouc'a ninxans.

²⁷ Mipalaic'oyoĥtsi itsulfoĥai'me lajut'ĥ. Pedro ixim'mola' axpela' lan xanuc' efoĥya jiĥpiya. ²⁸ Timila':

—Illanc' ninc'ixanuc' judío, imanc' oĥsina' laĥejma'. Aimaĥejmaleyi imanc' unc'ocuenaye xanuc'. Aimaĥsulfoĥaiyi loĥajut'ĥi. Aĥcuayi: “ŁanDios aimepenufil-huo’”. Lacui'ilhuo': “Unc'ixujc'a xanuc’”. ŁanDios joupa aĥmuc'ipa alimenajpa. Aicanesconaya toĥta'a. ²⁹ Toĥta'a iya' aicaĥcoli. Nihuejcopa laĥmipa iĥna'a lummepola' Cornelio. Aicainesqui: “Aimi'iyá ca'huaya”. Aicuai'ma fa'a. Itsiya lu'ĥa': ¿Te caĥjoc'icopa?

³⁰ Cornelio timi:

—Ixhuaita amalpu' quitine, maĥta'a al fanej hora, capa'a fa'a lainejut'ĥ caxnet'ĥqui, cajoc'i ŁanDios, aixim'ma imaxcaita anuli cal xans, tunts'ifi lip-ijahua'. LacaxinGai'ma. ³¹ Aĥmi: “CunCornelio, loĥxa'huepa if'ajpa lema'a pe lopa'a ŁanDios. Iĥque iximpo' totoc'ila' lan xanuc'. Ti'nuhuaishuo' ima'.

³² Timihuo': Tommetsola' loxanuc' liĥya' Jope. Tiyete pe lopa'a anuli cal xans cuftine Simón, tecui'inni Pedro. Timitsa ti'huanni lomejut'ĥ. Iĥque ipanc'ale lejut'ĥ anuli cal xans ĥacof'eĥpa quixmi, cuftine jouc'a Simón. Iĥque Simón lejut'ĥ copa'a lema quiĥya', lema caja. Iĥque tu'i'mo' lof'eya.”

³³ 'Aicaĥcoli. Nummepola' laixanuc' tiyete pe lofpa'a. Ima' o'epa al c'a, ocuai'ma lainejut'ĥ. Itsiya, lu'itsonga' te quimipo' ŁanDios. Jahuay iĥe lixc'ai'ipo' lu'itsonga'. Totiya lafot'ĥeyoĥtsi, fa'a lahuelonginga' ŁanDios. Aĥquimf'e'mo'.

³⁴ Pedro ipango'ma ipalaic'o'mola', timila':

—Itsiya xonca aixina' te ts'i'ic' lipicuejma' LanDios. Ailopa'a catets'ipa.
³⁵ Anuli cal xans, ni petsi li'huayomma, ni petsi linación, ja'ni tixpaic'e LanDios, ja'ni alijca lo'epa, iñque cal xans LanDios tepenufi.

³⁶ 'Illanc' ixanuc' Israel, tołta'a alu'iponga' LanDios, lumme'eponga' Jesucristo. Iñque iñPoujna jahuay lan xanuc', uya'a'ma: “LanDios ipic'a tiyejmalele lan xanuc’”. ³⁷⁻³⁸ Ate'a Juan Bautista u'i'mola' lan xanuc' tepolile. Lijou'ma Jesús i'hualeco'ma łalamats' illanc' ninc'ijudío. Jiłpe al distrito Galilea ipango'ma uya'a'ma. LanDios joupa ipaxnepa, joupa epi'ipa cal Espíritu Santo, epi'ipa limane ti'eła' al cueca'. Ni petsi lo'huapa i'e'ma al c'a. Jahuay lan xanuc' loteł'mipola' Satanás, Jesús ixał'me'mola'. Iñque iñejmale LanDios, tołiya i'e'ma tołta'a. ³⁹ Illanc' ałsimpá li'e'ma mi'hualejma łamats' Judea, jouc'a mipa'a liłya' Jerusalén. Małque Jesús epałts'ijmpá anuli al 'ec. Ima'a'me. ⁴⁰ Licuaitsi al fane' quitine LanDios imaf'i'ina'ma, epi'ipa lane timujxoxi. Imuj'moxi. ⁴¹ Aimimujyoxi pe lomana' jahuay lan xanuc'. LanDios joupa ixpic'epa naitsi noxinyacu. Iñiya tuya'a'me: “Imaf'inapa Jesús, joupa ałsimpá”. Tołiya illanc' ał'huij'f'eponga' ałsinnapá joupa imaf'inapa. Lijoupa limaf'inapa ałtetsconapá anuli, ałsnaconapá anuli. ⁴² Ałcuxe'eponga' luya'ale, lu'itsola' lan xanuc': “LanDios epi'ipa limane Jesús. Iñque cal Cuecaj Juez. Quiłmaf'i' lan xanuc' jouc'a petsi limanapola', małque Jesús iñJuez.” ⁴³ Jahuay lam profeta inescopá Jesús, uya'a'me: “Cal xans lo'huaiyijmpa Jesús, LanDios timenc'e'eco'ma li'epa lixcay. Ma' iñque Nalunlu'eponga'.”

⁴⁴ Mipalay Pedro icuaiyunni cal Espíritu Santo. Jahuay lan xanuc' noquimf'epá iximpá cal Espíritu limunni lema'a, epenuf'me. ⁴⁵ Jiłpe timana' lapimaye judío no'huaiyijmpá Jesús, iñe iñejmale Pedro. Ticuayi:

—¿Te qui'ipa? Iñe ocuenaye lan xanuc', a'i judío. Xinła', LanDios tepi'ila' cal Espíritu Santo. Aimicuanac'ela'.

⁴⁶ Iñe locuenaye lan xanuc' mix'nats'i'iyi LanDios tipalaiyi ituca', a'i quitaiqui'. Tołta'a liñejmale Pedro ixim'me joupa epi'ipola' LanDios cal Espíritu Santo. ⁴⁷ Pedro timila' liñejmale:

—¿Ja'ni tipa'a nonesya: “Iñiya aimi'iyi mepoliyacu aja”? ¿Ja'ni aimalapi'iyacola' lane? Ma to lalapenufpa illanc' cal Espíritu Santo, iñiya jouc'a epenufpá. Aimałcuanac'eyacola'. ¡Tepolile!

⁴⁸ Pedro icuxe'e'mola' tepo'intsola', timetsaicom'mola' ilihuequi Jesucristo. Lijou'ma iñiya timiyi Pedro:

—Topanenni oquej fanej quitine, ałmajnle fa'a anuli.

11

¹ Lan apóstole jouc'a lapimaye nomana' al distrito Judea icuej'me: “Locuenaye lan xanuc', iñe a'ij judío, jouc'a epenufpá litaiqui' LanDios”. ² Icuaitsi Pedro Jerusalén. Jiłpe lapimaye, iñe axanuc' judío, tixtuc'oyi Pedro.

³ Ipalaic'o'me, timiyi:

—Ima' otsufaipa pe lomana' lan xanuc' a'ij judío. Ołtetsopá anuli.

⁴ Pedro ipango'ma u'i'mola' te ts'i'ic' li'ipa. Ate'a u'i'mola' li'ipa mipa'a liłya' Jope, lijou'ma u'i'mola' li'ipa liłya' Cesarea. Timila':

⁵ —Iya' capa'a liłya' Jope, cajoc'i LanDios, i'huapa laipicuejma'. Aiximpa to jipu'hua al paiyo. Aixim'ma timumma lema'a to anuli al cutse ilanc'ecompa ijahua', ifiyiya lam malpu' łupahuay. Icuaiyunni pe laifpa'a. ⁶ Nehuelojm'ma lo'nicolanna. Jiłpe aixim'mola' linneja pe noyecopá amalpu' lił'mitsi', lam manxu jouc'a lan ximalo. Aixim'mola' noyecopá laquifpołtsi łamats', jouc'a aixim'mola' iñe naiyulpá lema'a. ⁷ Aicuej'ma tipalay, ałpalaic'o, ałmi: “CumPedro, totsahuenni, toma'ala' anuli iñe linneja, toteła'”. ⁸ Iya' cami: “A'i

maiPoujna, aimi'iyá cateja ihna'a linneja. Aiximpa axujc'a. Hque cal xujc'a aicai'nico laico ni anulemma.”⁹ Aicuejcona'ma tipalay lema'a, aítalai'e, ałmi: “Pe LanDios liximpa alimpio, ima' aimocua'ma: Axujc'a.”¹⁰ Afanemma tołta'a i'ipa. Lijou'ma al cuecaj cutse jouc'a lipinneja if'ajna'ma lema'a.

¹¹ 'Malej hora icuaitsa afantsi lan xanuc'. Ecaxoł'me luna lajut'ł. Ihne lan xanuc' quiyouyomma Cesarea. Ummempola' pe laifpa'a. ¹² Cal Espíritu Santo almipa: “To'hua'ma tunłejmale'me. Aımoxhuelmot'le'ma.” Aıtsehuo'me jouc'a ihna'a lan camts'us lałpimaye. Ałcuaitsa liłya' Cesarea. Aıtšulfolaipá lejut'ł cal xans nałjoc'ipa. ¹³ Hque alu'iponga' liximpa. Almiponga': “Iya' aiximpa anuli lałpaluc quema'a tecaxu lainejut'ł. Almipa: Tommetsola' loxanuc' tiyele Jope. Tiyele pe lopa'a anuli cal xans cuftine Simón, tecui'inni Pedro. Timitša ti'huanni lomejut'ł. ¹⁴ Hque Pedro tipalaic'o'molhuo', tuya'a'ma. Tołta'a tonłu'ma ima', jouc'a tunłul'me jahuay nomana' lomejut'ł.”

¹⁵ 'Jilpe lejut'ł cal xans nałjoc'ipa aipango'ma aipalaic'o'mola'. Ma capalay, aikuicoł'ma, icuaiyunni cal Espíritu Santo imunni lema'a. Ma to licuaiyunni al te'a pe lałmana', ma tołta'a icuaiyunni pe lomana' ihniya. ¹⁶ Iya' ai'nujuaitš iłitaiqui' lałPoujna Jesús. Hque almiponga': “Juan lepo'ipola' lan xanuc' epo'icopola' aja'. LanDios tepo'ico'molhuo' cal Espíritu Santo.” ¹⁷ Ma to lalapi'iponga' LanDios cal Espíritu Santo, illanc' pe nał'huaiyijmpá lałPoujna Jesucristo, ma tołta'a epi'ipola' jouc'a ihniya. Iya' ma le'a ninxans. ¿Ja'ni ti'i'ma capa'ne'ma LanDios? A'i. Aimi'iyá.

¹⁸ Licuej'me tołta'a lan apóstole, ailopa'a quıłtalecongħua Pedro. Iximpá acueca' lo'epa LanDios. Timiyi LanDios:

—Aıs'najtsi'ihuo' joupá mepi'ipola' lane locuenaye xanuc', ihne a'ij judío, tepenufyi al ts'e liłpitine aimijouya. Ihne jouc'a ixhuej'menamma.

¹⁹ Lijoupa lima'ampá Esteban tiłmana' lapimaye niyepá aculi'. Ihniya ipalyomma Jerusalén ihne liłiné liłeł'mimpola'. Ni petsi liyepá uya'a'me liłitaiqui' Jesús. Icuaita lałmats' Fenicia, lałmats' Chipre, jouc'a liłya' Antioquía. Liłitaiqui' Jesús aicu'innila' locuenaye xanuc', uya'apá ma le'a pe lomana' lił'as xanuc' judío. ²⁰ Hualca ihniya lapimaye quiyouyomma lałmats' Chipre y liłya' Cirene. Ihne lipalunca Jerusalén icuaitša liłya' Antioquía, jilpe ipalaic'o'me jahuay lan xanuc', a'i ma le'a lan judío. Ipalaic'o'me jouc'a lan griego, tu'innila' liłitaiqui' Jesucristo. ²¹ Mipalaiyi ihniya, lałPoujna i'e'ma acueca'. Juaiconapa axpela' lan xanuc' epenuf'me lałitaiqui' loya'apa ihniya. Ipaiconni liłpicuejma'. Ipango'me ihuej'me lałPoujna Jesucristo.

²² Lapimaye lafot'leyopołtsi Jerusalén icuej'me li'ipa Antioquía. Ihne umme'me Bernabé ti'huala' jilpiya. ²³ Bernabé icuaitš jilpe liłya'. Ixim'ma LanDios titoc'ıla' lan xanuc' nomana' jilpiya. Tixoqui queta. Ixc'ai'i'mola' jahuay ihne lapimaye tipo'nołe liłpicuejma' tihuejle liłPoujna Jesús. Aime-naj'mołtsi. ²⁴ Hque Bernabé ma' ac'a xans. Cal Espíritu Santo ticuxe lipicuejma'. Jahuay lınxajma' ti'huaiyinge Jesús. Jilpe Antioquía juaiconapa ixpepola' ihne ts'ilihuequi Jesús.

²⁵ Lijou'ma Bernabé itsehuo'ma liłya' Tarso, ehuetš Saulo. ²⁶ Licuaitš ixim'ma, ilecotsi i'hua'a'ma liłya' Antioquía. Jilpe imajntša anuli camats'. Efoł'le'mołtsi anuli lapimaye. Imuc'i'mola' axpela' lan xanuc'. Liłya' Antioquía ipangocopa ecui'impola' ts'ilihuequi Jesús: “Imanc' unc'icristiano”.

²⁷ Ihne liłiné liłya' Antioquía icuaiyunca lam profeta quiyouyomma Jerusalén. ²⁸ Anuli ihniya cuftine Agabo. Ecax'ma pe lafołyomma lapimaye. Timila' lonespa cal Espíritu Santo. Timila':

—Ticuaihıo litine cumemma. Ni petsi lomanc'eyacu lan xanuc' tixim'me lumemma.

Litiné micuxe cal cueca' quincuxepa cuftine Claudio tołta'a lo'iya.

²⁹ Ts'ilihuequi Jesús jilpe Antioquía ixpic'e'me titoc'intsola' lipimaye nomana' lamats' Judea. Anuli anuli, ma to ts'i'hueca, tixpij'ma tojua tumme'e'mola' lipimaye. ³⁰ Tołta'a i'e'me. Bernabé jouc'a Saulo itai'me al tomí. Epi'intsola' lan tsilaj capimaye noxpipjá lataiqui'. Ihe teca'nem'mola' lapimaye.

12

¹ Iłna'a litiné cal rey Herodes i'noł'mola' hualca lapimaye pe lafołyomma Jerusalén. Ipic'a titeł'mitsola'. ² Icuixe'ma tetec'entsa łejoc' Jacobo, ilque ipimaj Juan. Etec'em'me. ³ Herodes ixim'ma ile li'epa icuaitsi quilpic'a lan xanuc' judío. Lijou'ma umme'mola' lixanuc' ti'nołtsa Pedro. Tołta'a i'i'ma ilniya litiné mi'eyi liłjuic lan xanuc' judío. Małe al juic titeji ła'i petsi aiquilai'inni levadura. ⁴ I'nołim'me Pedro. Herodes icuxe'ma i'nicontsa lacarza. Icuixe'e'mola' imbamaj camts'us lisoldado, timila':

—Toł'etsa cuenna ilque Pedro.

Mi'eyi cuenna tipai'iyoltsi amalujxi, amalujxi. Ticua Herodes: “Tijouła' al juic Pascua quipa'anata lacarza. Cacufta jilpiya pe lafołyomma lan xanuc'.” ⁵ Ma mipa'a lacarza Pedro, mi'eyi cuenna, lapimaye lafołyomma jilpe Jerusalén itine itine tijoc'iyi ŁanDios, tixa'hueyi titoc'ila' Pedro.

⁶ Cal Herodes joupá ixpic'epa, ticua: “Mouqui quipa'anata Pedro. Cacuf'ma.” Iłe lipuqui' Pedro tipa'a jilpe lacarza, tixmay nolojmay oquexi' lan soldado. Ifi'empa limane' uhuahuinc'impola' loquexi' lan soldado. Lixpula' al puerta timana' ocuenaye lan soldado ti'eyi cuenna lacarza. ⁷ Jilpe lacarza icuai'ma anuli łepaluc łalPoujna. Epalc'o'i'ma juaiconapa. Untaf'ma huata liju' Pedro, umef'ma, timi:

—¡Aimicol'mo', totsahuenni!

Lan cadena lifiyicoyi limane' Pedro uhuailquenanni. ⁸ Łapaluc quema'a ipalaic'ocona'ma, timi:

—Tofi'exoxi, toc'uaicoł'a łoc'ejí.

Lijoupa li'epa tołta'a ipalaic'ocona'ma, timi:

—Topoxla' lopusquiya. Alihuejla'.

⁹ Ipango'me ipalunca. Pedro ihuej'ma łapaluc quema'a. Ticua: “A'ij linca ile łal'ipa, ma' apaiyo”. ¹⁰ Uyalaico'me petsi lacaxuya cal te'a soldado no'epa cuenna lacarza. Lijou'ma uyalaico'me łocuena. Icuaitsa al cuecaj puerta catejma', ile lopa'a ma lane quilya'. Al puerta exinni quituca'. Ipalunca. Iyej-male'me lane. Lijou'ma ejac'na'ma łapaluc quema'a. ¹¹ Licuainanni lipicuejma' Pedro ticua: “Itsiya linca aixina' łaiPoujna ummepa łepaluc. Lunlu'epa limane Herodes. Tama lan xanuc' judío il'huaijma te co'iya małma'aya, itsiya ailopa'a cal'e'eya. Aimi'iya.”

¹² Micua tołta'a icuaitsi lejut'ł María, ilque i'máma' Juan łecui'impá Marcos. Jilpe axpela' lapimaye efołya. Tijoc'iyi ŁanDios. ¹³ Pedro umf'ax'ma luna puerta. Anuli cal criada cuftine Rode i'huapa tixinna naitsi ilque. Ipanni jilpe lajut'ł. ¹⁴ Imetsaico'ma litaiqui' Pedro. Juaiconapa ixoj'ma queta aiquexi'e al puerta. Aiquicol'ma, ipaiconanni. Itsufaiconama lajut'ł, u'itsola' lapimaye, timila':

—Icuaina'ma Pedro. Tecaxu lixpula' al puerta.

¹⁵ Ihe timiyi:

—¡Ima' mamac'ta!

Tihui'i, timiconala':

—Ałinca icuaina'ma Pedro.

Lapimaye ticuayi:

—A'ij linca lahmiponga'. A'i maŕque Pedro. Icuai'ma lepaluc quema'a.

¹⁶ Pedro ti'hua tumf'axqui. Exi'e'me al puerta, ixim'me. Ticuayi:

—¡Xinla'! Maŕca'a Pedro. ¿Te qui'ipa?

¹⁷ Pedro i-ch'ixc'eco'mola' limane. U'i'mola' li'ipa, timila':

—LaŕPoujna lipa'ahuona'ma lacarza. Tonlu'itsola' Jacobo jouc'a locuenaye lapimaye toŕta'a la'ipa.

I'huana'ma, ijuc'e'moxi.

¹⁸ Liŕic'e'ma lan soldado nomana' lacarza ixhueŕco'me juaiconapa. Ticuayi:

—¿Pe copa'a Pedro? Ailopa'a fa'a. ¿Te qui'ipa lipamma? ¿Pe quitsepa?

¹⁹ Cal rey Herodes umme'mola' lixanuc' tehuetsa Pedro. Ehuehuo'me, aikuilsina'. Herodes icuis'e'mola' lan soldado. Ihui'i'ma, timila':

—Lu'ila', ¿te qui'ipa?

Lijou'ma icuxe'ma tima'antsola'. Ipanni al distrito Judea, i'hua'ma liŕya' Cesarea. Jiŕpe ipajntsi.

²⁰ Herodes juaiconapa tixtuc'ola' lan xanuc' nomana' hŕelolŕya' Tiro y Sidón. Ine lan xanuc' inefo'me quiŕtuca'. Icuaitsa pe lopa'a Herodes. Ate'a ipalaic'opa nocuxepa li'huexi Herodes, iŕque cal xans lipuftine Blasto. Timiyi tixahue'eŕa' Herodes aimixtuc'ocona'mola', tixanghuaitsi, tipaneconni toŕta'a. Ine lan xanuc' tetenŕcocola' aimixtuc'ocona'mola' cal rey. Jiŕpe hilemats' tehue'e' ŕotejacu. Iŕpic'a Herodes tumme'econatsola'. ²¹ Herodes ixpic'e'ma litine. U'i'mola':

—Jiŕpe litine capalaic'o'molhuo'.

Licuaitsi iŕe litine Herodes etej'moxi, ipo'no'ma lipijahua' ajrey, icutsai'ma al cuecaj li'asiento li'nof'quiya. Ipalaic'o'mola', imuxi'ale'ma. ²² Lan xanuc' jiŕpe lefot'leyoŕtsi ija'a'me, ticuayi:

—Iŕque laŕquimf'epa, a'i xans. Iŕque andios.

²³ Aiquicol'ma. Iteŕ'mi'ma anuli lepaluc laŕPoujna LanDios. Lapimí ipango'ma ite'me. Lijou'ma ima'ma. Herodes i'e'e'moxi xonca cal cueca', etets'ipa LanDios, toŕiya li'ipa toŕta'a.

²⁴ Litaiqui' LanDios ti'hua ti'huajcola' xonca lan xanuc'. Ixpepola' juaiconapa ts'ilihuequi Jesús. ²⁵ Bernabé y Saulo joupa ecanghuo'me al tomí, epi'inghuo'mola'. Lapimaye nomana' Jerusalén. Lijou'ma ipailinanca icuaitsa liŕya' Antioquía. Iŕeco'me Juan ŕecui'impa Marcos.

13

¹ Jiŕpe liŕya' Antioquía petsi lafot'lepoŕtsi lapimaye timana' lam profeta jouc'a lomxiye nomuc'iyalepá litaiqui' Jesucristo. Iniya liŕpuftine Bernabé, Simón laŕcui'impa Łumi, Lucio laŕs Cirene, Manaén hitojyohuo'ma lejut'ŕ Herodes. Iŕque Herodes laŕcui'impa cal tetrarca. Jouc'a tipa'a Saulo. ² Iniya mixnet'ŕyi, aimitetsoyi, mix'najtsi'iyi LanDios, cal Espíritu Santo timila':

—Tolimetsaicotsola' Bernabé jouc'a Saulo. Iya' aijoc'icopola' ti'eŕe lanic' laifnepi'iyacola'.

³ Lijou'ma ixnet'ŕcona'me, ijoc'icona'me LanDios, ipo'nof'i'me liŕmane hiŕjuac iŕne Bernabé jouc'a Saulo. Ixc'ai'inam'mola', timinnila':

—Tonŕente, toŕ'etsa lanic' lepi'ipolhuo' laŕPoujna.

⁴ Lijou'ma cal Espíritu Santo icuxe'mola' tiyeŕe iŕne loquexi'. Iye'me liŕya' Se-leucia. Jiŕpiya itsulfoŕai'me anuli al barco lotseya laŕmats' Chipre. ⁵ Jiŕpe laŕmats' Chipre ipalunca al barco, icuaitsa liŕya' Salamina. Laŕjut'hi pe lafoŕyomma lan xanuc' judío uya'a'me litaiqui' LanDios. Tilecoyi Juan Marcos, iyejmale'me. Iŕque titoc'ila'. ⁶ Uyalaicotsa jahuay laŕmats' Chipre, icuaitsa liŕya' Pafos. Jiŕpiya ixim'me anuli cal xans judío cuftine Barjesús. Iŕque abrujo. Tifel'mila' lan xanuc', timila':

—Iya' ninprofeta. Cuya'e' lonespa ÆanDios.

Ihe lonespa a'ij linca. ⁷ Barjesús lipoujna cuftine Sergio Paulo. Ique incuxepa jilpe Chipre, ac'a lipicuejma'. Ijoc'i'mola' Bernabé jouc'a Saulo ticuaiyunca lejut'í. Ipic'a tiquimf'ela' litaiqui' ÆanDios. ⁸ Barjesús jouc'a cuftine Elimas. (Ihe laftine tuhualquemma “abrujo”). I'e'mola' quipilaic' Bernabé y Saulo. Ticua: “Æincuxepa aimihuejco'ma litaiqui' ÆanDios”. Ehue'ma te co'eya.

⁹ Cal Espíritu Santo icuxe'ma lipicuejma' Saulo. (Ique jouc'a cuftine aPablo.) Ehuelojm'ma juaiconapa Elimas. ¹⁰ Timi:

—Ima' ma le'a tofel'miyale. Aimi'iya monesya al linca. To'ay ma le'a lixcay. Ima' i'hua lont'a Satanás. Ihe no'epá al c'a ima' taixtuc'ola'. To'ay capilaic' lipene laPoujna ÆanDios, ihe al hijca cane. Tomuc'iyale ituca' cataiqui'. ¿Te quitine tatec'o'ma ihe lof'epa? ¹¹ Alquimf'ela': LaPoujna titef'mihuo'. Aimi'iya mahuetaleconaya. Micoli ihe lotef'miyaco' ni aimoxinya lipepalc'o' cal 'ora.

Aiquico'ima. Elimas ixim'ma tocomma to ummahuay, imufc'o'ma li'u'. Ipango'ma ixpailo'ma limane. Tehuay naitsi naxa'ya. ¹² Lixim'ma to'la'a li'i'ma Æincuxepa epenufpa lataiqui' limipa Pablo. Ticua:

—¡Acueca' litaiqui' laPoujna Jesús! ¡Acueca' lo'epa!

¹³ Jilpe li'ya' Pafos Pablo y li'ejmale itsulfo'laime ocuena barco. Licuaitsa li'ya' Perge lopa'a lamats' Panfilia, Juan, ique notoc'ipola', ipo'no'mola' quituca'. Ipainanni, i'hua'na'ma lipi'ya' Jerusalén. ¹⁴ Pablo y Bernabé ipalunca Perge, iye'me li'ya' Antioquía lopa'a lamats' Pisidia. Litine conxajya itsulfo'laime lajut'í pe lafo'lyomma lan xanuc' judío, icutso'laime. ¹⁵ Iquimf'e'me loxhuecofimpa al je'e linii'ya locuxepa ÆanDios, jouc'a al je'e inii'ya loya'apa lam profeta. Lijou'ma nocuxepá jilpiya lajut'í umme'me anuli lapaluc pe locutso'anna Pablo y li'ejmale. Timila':

—Cunc'apimaye, anuli imanc' ja'ni ipic'a tixc'ai'i'mola' lan xanuc' nomana' fa'a, ne', tipalaic'otsola'.

¹⁶ Pablo ecax'ma. I'nof'e'ma limane, ipango'ma ipalaic'o'mola', timila':

—Imanc' cunc'ixanuc' oltatahuelo Israel, jouc'a imanc' notspaic'epá ÆanDios, alquimf'ela'. ¹⁷ ÆanDios, ÆalanDios illanc' ixanuc' Israel, jounpa i'huij'epola' la'atahuelo. Mi'mana' ihe la'xanuc' lamats' Egipto ÆanDios i'e'e'mola' axpela'. Lijou'ma itoc'i'mola' juaiconapa, ipa'a'mola' jilpe lamats'. ¹⁸ Muyalaicoyi lamats' pe ailopa'a quii'ya' to oquej nuxans camats' ÆanDios ixnet'í'ma li'ejma', itoc'i'mola'. ¹⁹ Ma'que ÆanDios ecani'e'mola' lan xanuc' acaitsi lan nación lamats' Canaán. Ma'pe lamats' Canaán epi'i'mola' la'xanuc' quilemats'. ²⁰ Lijou'ma ÆanDios ifaj'mola' ihe lecu'i'impola' lan Juez. To amalpu maxnu oquej nuxans quimbama' camats' lan Juez icuxe'me. Lijou'ma cal profeta cuftine Samuel icuxe'mola' la'xanuc'.

²¹ Ihe hitiné la'xanuc' ixahue'e'me ÆanDios tepi'itsola' anuli cal rey, ticuxetsola'. Epi'i'mola' hitrey cuftine Saul, i'hua Cis. Ique Saul hitatahuelo cuftine Benjamín. ²² Lijou'ma ÆanDios ihonc'e'ena'ma Saul lipenic', epi'i'ma David. Ti'ila' i'que hitrey la'xanuc'. Ma'que cal rey David ÆanDios inescopa ticua:

David i'hua Isaí, ainimetsaijma te ts'i'ic' li'ejma'.

Ique lipicuejma' ti'on'cospa to iya' laipicuejma'.

Alinca ti'e'ma jahuay laifxp'ic'epa.

²³ Ma'que David ÆanDios i'e'epa itatahuelo Jesús, i'que Æalunlu'eponga'. To'la'a li'epa ÆanDios enan'í'ma litaiqui' li'ipa linespa. Ummepa Jesús pe la'mana' illanc' ixanuc' Israel. ²⁴ Ate'a icuai'ma Juan Bautista. Uya'a'ma, timila' lan xanuc': “Imanc' cunc'ixanuc', oltatahuelo Israel, to'suej'menca, tolapoli'e”.

²⁵ Juan jounpa tijou'ne'ma lipenic' ticuis'ela' lan xanuc', timila': “Imanc', ¿te co'cuapa? ¿Naitsi iya'? Iya' a'í to la'nescopa. Aicuai'ma ate'a, tijou'la' ticuaihuo

ilque pe ts'ot'huaijma locuaicoya. Ilque xonca acueca' xans. Iya' aimi'iya cuhuaic'e'eya lic'ejí."

²⁶ 'Cunc'aipimaye, imanc' nołspaic'epá LanDios, ja'ni Abraham ołtatahuelo o ja'ni ituca' lohnación, itsiya LanDios tipalaic'olhuo', tu'ilhuo' naiti ilque Lonku'eyacolhuo'. ²⁷ Lan xanuc' nomana' Jerusalén jouc'a liłpincuxepá aiqulimetsaijma ilque Łaluntu'eponga'. Iłniya icuxecopa Jesús. Tołta'a enant'lipá loya'apa lam profeta jilpe liłje'e, ilē al je'e tixhuenni itine itine conxajya. ²⁸ Tama aiqulsi'ne quijunac' ixa'hue'me Pilato ticuxela' tima'anle. ²⁹ Lenant'lipá jahuay lo'iya Jesús, ilē luya'apa lam profeta, ipułquinna'me petsi lepałts'ingiya jile al 'ec, ipo'nontsa łunts'eja'. ³⁰ Lijou'ma LanDios imaf'i'ınapa ilque Jesús, ipa'apa pe lomana' lamizhua. ³¹ Ts'ilihuequi Jesús, pe nipalyomma Galilea, iyejmale'me icuaitsa anuli Jerusalén, ilniya ixingona'me Jesús, tu'iyaleyi ilē liximpa.

³² 'Linca, mimana' lałtatahuelő LanDios imipola' ilē al c'a lo'iya. Imi'mola': "Tołe, tołe ca'e'ma". Itsiya lu'ilhuo': Joupa i'ipa. ³³ LanDios joupa imaf'i'ınapa Jesús. Enant'lipa ilē litaiqui' limipola' lałtatahuelő. Tołta'a ałmuc'iponga' illanc' ilniető ilne lałtatahuelő. Ma tołta'a loya'apa al salmo lacui'ımpa loque', tuya'e' lonespa LanDios, ticua:

Ima' ai'Hua,

Itsiya aimuc'ipola' lan xanuc' ałınca iya' o'Ailli'.

³⁴ 'Jouc'a tuya'e' timaf'i'ına'ma Jesús, tipa'anata pe lomana' lamizhua. Tuya'e' aimimaconaya, aimihuet'ıya licuerpo. LanDios timila' lixanuc': Joupa aipo'nopa lataiqui', nepi'ipa David.

Ilē laitaiqui' apaxi, canant'hi'ma.

Tołta'a tołsim'me imanc'.

³⁵ Ocuena al salmo jouc'a tuya'e':

To'e'ma cuenna lo'Hua, ilque o'Huexi.

Titoc'i'ma, aimihuet'ıya licuerpo.

³⁶ 'Ilē lataiqui' aiminescoyoxi David. Ilque mipa'a fa'a li'a łamats' i'e'ma lixpicepa LanDios, ticuxeyale. Imanapa, eminc'ına'me pe lomana' liłcuerpo litatahuelő. Lijou'ma ihuet'ına'ma licuerpo. ³⁷ Ilē lataiqui' tinescojma Jesús. Ma' ilque LanDios imaf'i'ına'ma. Licuerpo a'i quihuet'ı'ma.

³⁸ 'Cunc'aipimaye, ałquimf'ela'. Iya' cu'ilhuo': Ja'ni toł'huaiyijnle Jesús LanDios timenc'e'eco'molhuo' loł'epa lixcay. ³⁹ Tama tolıhuejcoyi locuxepa Moisés aimimenc'e'ecoyacolhuo' nulemma jahuay loł'epa lixcay. Ti'hua tołtai'me lajunac'. Ja'ni toł'huaiyijnle Jesús, aimitac'uinyacolhuo' cajunac', ni tołta'a. ⁴⁰ Iya' camilhuo' imanc' nałquimf'epa: Tołpo'nołe cuenna. Ja'ni a'i ti'i'molhuo' to loya'apa LanDios jilpe litaiqui' linilngiya liłje'e lam profeta, ticua:

⁴¹ Imanc' tolixocoyi, tolahuelojnle laif'epa, toł'huijle lołpicuejma'.

Itsiya, ma mołmana' imanc', ca'e'ma al cueca'.

Ja'ni tu'intsolhuo': Tołe, tołe lo'epa LanDios,

imanc' tołtalai'e'me: "Aij linca ilē lalul'iponga'."

⁴² Mipalumma lan xanuc' lafołyomma jilpe lajut'ı ixa'hue'me Pablo y Bernabé, timinnila':

—Locuena xamano, ticuaitsi litine conxajya, ałpalaic'ocona'monga', lu'i'monga' xonca ilne lałtaiquí.

⁴³ Lijoupa lipalunca jahuay lefołya, axpela' lan xanuc' judío jouc'a locue-naye xanuc' petsi ilihuequi lił'ejma' lan judío, iyejmale'me Pablo y Bernabé. Iłniya ixc'ai'im'mola' lan xanuc', timinnila':

—LanDios titoc'i'molhuo'. Aimolanaj'mołtsi ilque.

⁴⁴ Icuaiyoconsi litine conxajya tehue'ela' ma le'a anuli oquexi' lan xanuc'. Jahuay locuenaye nomana' jilpe liya' efołunni tiquimf'e'me litaiqui' ŁanDios.

⁴⁵ Lan xanuc' judío, lixim'me joupa efołumma axpela' lan xanuc' i'em'mola' laic' Pablo y Bernabé. Timinnila' lan xanuc':

—İniya ma le'a tifel'milhuo' imanc'. A'ij linca lonespa.

⁴⁶ Pablo y Bernabé aimixpailiquila'. Timinnila' ilne lan xanuc' naixtulepá:

—Ate'a alu'ipolhuo' imanc' litaiqui' ŁanDios. Tołta'a lixpice'epa. Imanc' aimetenłcocolhuo', aimolapenufyacu al ts'e lołpitine, tolacani'eyołtsi cołtuca'. Itsiya ałpo'no'molhuo'. Ate'me pe lomana' locuenaye xanuc' pe aimimetsaicoyi ŁanDios. Ałpalaic'otola' ilniya. ⁴⁷ Ma ŁanDios ałcuxe'eponga' ilne lałeyacu. Al Paxi Linilngiya tuya'e' tołta'a lonespa ŁanDios, ticua:

Iya' nepi'ipo' lopenic', tapalc'o'itola' liłpicuejma' pe aimimetsaicoyi ŁanDios.

Ti'i'ma quilsina' cunlu'e'mola' iya'.

İlne nomana' xonca aculi' to'itola' ilta'a laitaiqui'.

⁴⁸ Licuej'me lonespa Pablo y Bernabé locuenaye lan xanuc' pe a'ij judío, ilniya ixojma quileta. Ticuayi:

—Ac'a litaiqui' lonespa lałPoujna.

ŁanDios joupa ixpic'epa naitsi ilne lapenufyacu al ts'e liłpitine aimijouya. Ma' ilniya i'huaiyijmpá Jesús. ⁴⁹ Ni petsi jilpe lamats' lan xanuc' icuej'me litaiqui' ŁanDios.

⁵⁰ Lijou'ma lan xanuc' judío pe aimi'huaiyijnyi lałPoujna Jesús ipalaic'om'mola' lacał'no' pe ts'il'hueca, ilniya naihuejcopá locuxepa ŁanDios. İpalaic'om'mola' jouc'a lan tsilaj xanuc'. Tołta'a ixtuc'om'mola' Pablo y Bernabé, ipa'am'mola' jilpe hilemats'. ⁵¹ Pablo y Bernabé unaf'me lił'mitsi'. İpa'a'me łepi camats' litaijmpa hile'ejí. Tołta'a ilne lan apóstole imuc'im'mola' lan xanuc' ja'ni tejac'e'mołtsi ilne quilituca' iljunac'. İpalunca liłpiya' ilniya lan xanuc', iyepá lane lotsepa liya' Iconio. ⁵² Le'a cal Espíritu Santo ticuxela' liłpicuejma', tołta'a tixoqui quileta tiyeyi ilniya.

14

¹ Mimana' liya' Iconio Pablo y Bernabé itsehuc'ome lajut'ł pe lafołyomma lan xanuc' judío. Jilpe uya'a'me Lataiqui' loya'apa ilne al c'a lixpice'epa ŁanDios. Axpela' noquimf'epá epenuf'me luya'a'me Pablo y Bernabé. İlne nepenufpá ajudío jouc'a agriego. ² Lijou'ma lan xanuc' judío pe aikuilepenufi ilne litaiqui' Jesús ipalaic'o'me locuenaye xanuc' agriego. Etełc'e'e'me liłpicuejma'. Tołta'a ilne lan xanuc' ti'eyi laic' lapimaye. ³ Pablo y Bernabé icoł'mola', imanenca jilpe liya'. Aimixpailiquila'. Mi'huaiyijnyi ŁanDios ti'hua tuya'ayi litaiqui'. Tu'innila':

—Toł'huaiyijnle ŁanDios. Tołta'a tipaxne'molhuo', titoc'i'molhuo'.

Małque ŁanDios imujpa al linca lonespa Pablo y Bernabé. Epi'i'mola' liłmane ti'ele al cueca'. Tołta'a lan xanuc' iximpá te ts'i'ic' lo'epa ŁanDios.

⁴ Lan xanuc' jilpe liya' i'e'mołtsi onłca. Hualca ihuej'me lan xanuc' judío pe aikuilepenufi Jesús. Locuenaye ihuej'me Pablo y Bernabé. ⁵ Lan xanuc' griego jouc'a lan xanuc' judío pe aikuilihuequi Pablo ipalaic'om'mola' ts'ilpenic' jilpe liya'. Inefo'me, ticuayi: “Ateł'mi'mola' Pablo y Bernabé. Ałma'aco'mola' apic'.” ⁶⁻⁷ Pablo y Bernabé i'ipa quilsina' lo'e'enyacola'. İnul'me, iye'me lamats' cuftine Licaonia. Jilpiya uya'atsa Lataiqui' loya'apa ilne al c'a lixpice'epa ŁanDios. U'im'mola' lan xanuc' nomana' hilelołya' Listra y Derbe, jouc'a nomana' hilemats' ahuejnca.

⁸ Jilpe liya' Listra tipa'a anuli cal coxo. İtine itine ticutsu. Li'mitsi' ailopa'a quilpujxi. Ma tołe ipajncota. Ni anulemma qui'huac'. Aimi'i. ⁹ Anuli litine cal

coxo tiquimf'e mipalay Pablo. Pablo ehuelojm'ma. Ixim'ma cal xans ticua lipicuejma': "Linca atsaŕconama". ¹⁰ Pablo ipalaic'o'ma ujfxi, timi:

—¡Topo'notsola' lamats' lo'mitsi', tacaxla' lic!

Cal coxo iyuf'conni, ecax'ma lijca, ipango'ma i'hua'ma. ¹¹ Lan xanuc' nomana' jilpiya ehuelojm'me cal coxo joupa ixaŕconapa, ipango'me ija'a'me. Tiplalaiyi liŕtaiqui', iŕe lopalaipa lan xanuc' jilpe lamats' Licaonia. Ticuayi:

—¡Landiosla' i'epoŕtsi xanuc', imulumma pe laŕmana'!

¹² Ipalaicom'mola' Pablo y Bernabé, ticuayi:

—Bernabé iŕque andios Zeus. Locuena andios Hermes.

Pablo xonca tipalay, toŕiya ecui'im'me Hermes. (Iŕne lan xanuc' ticuayi xonca tipalay Hermes. Iŕque ilepaluc lif'as candiosla'.) ¹³ Iŕne lan xanuc' nomana' lamats' Licaonia ilendios cuftine "Zeus nopa'a pe lotsufaicompa liŕya". Ee'ailli' Zeus icuaiti al puerta lipuna cajut'i pe lomana' Pablo y Bernabé. Ilecola' lan huacax, itaic' lan arco lilanc'ecompa ipa'. Tima'a'mola' lihuacax, titsufco'mola' Pablo y Bernabé. Ma' anuli iŕpic'a lan xanuc'. ¹⁴ Loquexi' lan apóstole, iŕne Pablo y Bernabé, ixim'me lo'eyacu iŕne la'ailli' y lan xanuc'. Aiquicoŕ'mola'. Ipalunca lajut'i, itsulfoŕai'me nolojmay xanuc'. Tits'aŕyi liŕpijagua', timujiyi a'ij c'a iŕe lo'eyacu lan xanuc'. Tija'ayi, ¹⁵ timinnila':

—Cunc'ixanuc', ¿te conŕ'eyacu? Illanc' jouc'a ninc'ixanuc'. Jifa'a aluya'ayi Lataiqui' loya'apa iŕe al c'a lixpica'epa LanDios. Maŕe Lataiqui' tu'ilhuo': "Toŕpo'notsola' iŕna'a lolandiosla', aimolihuejconame". Lolandiosla' ailopa'a co'epa, aimi'ya mitoc'iyacolhuo'. Tolihuejle LanDios Limaf'i. Iŕque Nilanc'epa lema'a, li'a lamats', laja jouc'a jahuay lopa'a.

¹⁶ 'Luyaipa quitine, imanc' jouc'a locuenaye lan xanuc' pe a'ij judío toluyalaicoyi lapajnya tolihuejyi ma to moŕ'eyi. LanDios ixnet'ŕpa iŕe loŕ'ejma'. ¹⁷ Tama a'ij cuajmaica cu'ilhuo' te ts'i'ic' lipicuejma', LanDios imuc'ipolhuo' li'ejma'. Imuc'ipolhuo' ac'a lo'epa. Ma' iŕque ticuxe ticuiŕa', aŕcuic'inga' lacui lo'huayomma lema'a. Jouc'a ticuxe ti'ila' litiné cafot'leya. Toŕta'a atŕsinyi laŕtepa. Juaiconapa alixoc'inga' calata.

¹⁸ Tama toŕta'a limipola' Pablo lan xanuc' afule mihuejcoyi. Juaiconapa iŕpic'a titsufcoŕe. ¹⁹ Maŕej hora icuaita lan judío naixtulepá, iŕne quiyouyomma liŕeloŕya' Iconio y Antioquía. Ipalaic'om'mola' lan xanuc' jilpe lefoŕya. Inesc'em'mola' Pablo y Bernabé. Lan xanuc' ihuejco'me iŕne lan xanuc' judío, ipaf'me capic' Pablo. Lijou'ma ticuayi: "Joupa imapa". Ipa'a'me jilpe liŕya'. Ipo'no'me lema quiiŕya'. ²⁰ Ts'ilihuequi Pablo y Bernabé iŕoc'olai'me canumicay Pablo. Iŕque itsahuenanni, itsufaicona'ma liŕya'.

Lihuequi litine ipalunca Pablo y Bernabé, icuaita liŕya' cuftine Derbe. ²¹ Jilpe uya'aconame Lataiqui', iŕe loya'apa lixpica'epa LanDios. Axpela' lan xanuc' epenuf'me lataiqui', ihuej'me. Lijou'ma Pablo y Bernabé ipailiconanca, iyecona'me liŕeloŕya' Listra, Iconio y Antioquía. ²² Imuc'iyaleconsa ts'ilihuequi Lataiqui', ifa'empola' liŕpicuejma', ixc'ai'im'mola', timinnila':

—Ticuicomma atŕtecoŕe, tijouŕa' atŕsufŕlainata pe locuxeyopa LanDios.

²³ Iŕya' iŕya' ni petsi lafoŕyomma lapimaye Pablo y Bernabé ifaj'me lan tsilaj xanuc' noxpica'eyacu lataiqui'. Tixnet'ŕyi, aimitetsoyi, tijoc'iyi laŕPoujna, timiyi:

—MaŕPoujna, iŕna'a lan xanuc' ti'huaiyijnhuo'. Totoc'itsola'.

²⁴ Ipalunca liŕya' Antioquía. Uyalaico'me jahuay lamats' Pisidia. Icuaiyoconsta lamats' Panfilia. ²⁵ Iyecona'me liŕya' Perge. Jilpe uya'a'me Lataiqui'. Lijou'ma ipalunca, imul'me al 'ocay, icuaita liŕya' Atalia. ²⁶ Jilpiya itsulfoŕaicona'me anuli al barco lotseya locuena quiiŕya' cuftine Antioquía.

Pablo y Bernabé limajmpá jilpe Antioquía lapimaye ummempola' tiyenle, ti'etsa lanic' lapi'ipola' ÆanDios. Ixa'huepá titoc'itsola'. Itsiya joupa ix-huai'nipá lanic'. Ticuaiconata. ²⁷ Icuaitsa Antioquía. Ijoc'im'mola' lapimaye ilne nefot'lepolti jilpe lilya'. U'im'mola' jahuay li'ipola' lan xanuc' pe a'ij judío. ÆanDios joupa ilonc'epa lipa'nepola'. Ilniya jouc'a titsuflaiyi lane, ti'huaiyijnyi Jesucristo. ²⁸ Jilpiya lilya' Antioquía icot'mola'. Imanenca anuli ts'ilihuequi Jesús.

15

¹ Icuaitsa lilya' Antioquía hualca lapimaye ts'ilihuequi Jesús quiyouyomma al distrito Judea, ipango'me imuc'iyale'me. Tu'innila' lapimaye nomana' jilpe lilya':

—Tolanant'hile locuxepa Moisés, tonl'etsoltsi circuncidar. Ja'ni a'i, aimi'iya molunhlyacu.

² Pablo y Bernabé ifuli'imoltsi cataiqui' ilne lapimaye, aiquentencoccola' lomuc'iyalepa. Lijou'ma lapimaye ixpic'e'me tiyete Jerusalén Pablo y Bernabé jouc'a hualca lapimaye nomana' jilpe Antioquía. Pu'hua Jerusalén tipalaic'onnola' lan apóstole y lapimaye noxpijpá lataiqui'. Ticuis'ennola': “Imanc', ¿te colcuapa? Lałpimaye pe a'ij judío, ¿ja'ni ti'e'moltsi circuncidar o a'i?” ³ Ipalunca Pablo, Bernabé y lilejmale lun Antioquía. Locuenaye lapimaye lafołyomma jilpe Antioquía ecanumf'entsacane. Uyalaico'me lamats' Fenicia jouc'a lamats' Samaria. Jilpe hilelołya' ipalaicom'mola' lapimaye, uya'a'me ille li'ipola' lan xanuc' a'ij judío, ticuayi: “Ipai'ipá liłpicuejma', tihuejyi Jesús”. Licuej'me tołta'a li'ipa jahuay lapimaye ixoconni quileta juaiconapa.

⁴ Pablo, Bernabé y lilejmale icuaitsa lilya' Jerusalén. Lapimaye lafołyomma jilpe, lan apóstole jouc'a lapimaye noxpijpá lataiqui', epenufim'mola'. Pablo y Bernabé uya'a'me jahuay li'ipa, uya'a'me acueca' litoc'ipola' ÆanDios. ⁵ Jilpe Jerusalén timana' hualca lan xanuc' fariseo no'huaiyijmpá lałPoujna Jesucristo. Ilne ecaxoł'me, ticuayi:

—Lapimaye pe a'ij judío tenant'hile locuxepa Moisés. Ti'etsoltsi circuncidar.

⁶ Efoł'te'moltsi lan apóstole jouc'a lapimaye noxpijpá lataiqui'. Icuais'e'moltsi: “¿Te calspic'eyacu?” ⁷ Ipalaic'o'moltsi juaiconapa. Lijouco'ma ecał'ma Pedro. Timila':

—Cunc'aipimaye, joupa olšina' li'ipa. ÆanDios al muc'iponga' naitsi no'huaya pe lomana' locuenaye lan xanuc', ilne a'ij judío. Al'huij'epa ca'huala' iya', cuya'atsi Lataiqui' loya'apa ille al c'a lixpice'epa ÆanDios, ti'huaiyijnle Jesucristo. ⁸ Li'huaiyijm'me Jesucristo ÆanDios ipaxne'mola' to lałpaxneponga' illanc'. Epi'ipola' cal Espíritu Santo. Tołta'a imujpa alinca ti'huaiyijnyi Jesucristo. ÆanDios aimimenajya, timetsaicola' jahuay lan xanuc', te ts'i'ic' liłpicuejma'. ⁹ Ilniya, illanc', ma' anuli lapenufponga'. Lał'huaiyijmpá Jesucristo latufc'e'eponga' lałpicuejma'.

¹⁰ Itsiya, ¿te colahuaicopá ÆanDios? Imanc' tołcuayi: “Alcuxe'e'mola' lałpimaye tihuejcołe jahuay locuxepa Moisés”. Iya' cacua: Lałtatahueló aiquilenant'hi ille lataiqui', ni illanc' aicalanant'hi, aimi'iya. ¹¹ Joupa i'ipa calšina' ma le'a Jesucristo altoc'i'monga'. Ilque alsimponga' ninc'icuanuc'la, lunlu'e'monga'. Ma' anuli tunlu'e'mola' ilniya.

¹² Lapimaye lafołyomma jilpiya ailopa'a cotalai'ecoyacu. Iquimf'e'me loya'apa Pablo y Bernabé muya'ayi al cueca' li'epa ÆanDios pe lomana' locuenaye lan xanuc', ilne a'ij judío. Uya'a'me li'ipa ma mi'eyi lipenic' ÆanDios. Ilque joupa epi'ipola' liłmane, tołta'a i'e'me to aimi'iya mi'eyacu lan xanuc'.

¹³ Lijoupa luya'apa tołta'a Jacobo ipalaic'o'mola' lapimaye lefoł'tlepolti, timila':

—Cunc'aipimaye, ałquimf'ela'. ¹⁴ Simón Pedro alu'iponga' li'ipa litine ŁanDios imuj'moxi pe lomana' locuenaye lan xanuc', iħne a'ij judío. Īe litine ipango'ma ijoc'i'mola' tihuejcole, ti'ħa' quixanuc'. ¹⁵ Lam profeta joupa uya'apá tołta'a lo'eya ŁanDios. Jiłpe liłje'e iniłjimpá lonespa ŁanDios, ticua:

¹⁶ Tijouł'a catoc'icona'mola' laixanuc'.

Iya' capi'i'mola' laixanuc' ĩrey, cal rey David itatahuelo.

¹⁷ Tołta'a locuenaye lan xanuc' tehuenta'me ĩłPoujna, iħne a'ij judío pe joupa nimetsaicopola' aixanuc', małniya lahuena'ma.

¹⁸ Tołta'a linespa ŁanDios No'epa jahuay iħna'a.

Joupa imuc'ipola' lan xanuc' nomana' luyaipa quitine.

¹⁹ Jacobo ti'hua tipalaic'ola' lipimaye, timiconala':

—Iya' cacua: Īne lałpimaye a'ij judío pe joupa ixhuej'menamma, tihuecoyi ŁanDios, aimalpa'ne'mola'. ²⁰ Alumme'e'mola' quiłje'e, lu'i'mola': “Imanc' aimolte'me lixic' litsufcompola' landiosla'. Īque cal tejua' joupa i'ipa quixcay. Toł'etsoltsi cuenna. Aimoltsuico'mola' ocuenaye cacal'no', ma' le'a lołpenoye. Aimolte'me liłpixic' linneja lixnajmpola' cajuats', jouc'a aimolte'me lajuats'.”

²¹ '¿Te calcuxe'ecoyacola' xonca? Jiłpiya lajut'ħi pe lafołyomma lał'as xanuc' judío, itine itine conxajya tixhuef'yi locuxepa Moisés. Ixhuaita axpe' camats' tołta'a mi'eyi jahuay ĩlelołya'.

²² Lan apóstole jouc'a lapimaye noxpıjpa lataiqui', jouc'a jahuay lapimaye lafołyomma jiłpe Jerusalén i'e'e'moltsi anuli liłpicuejma'. Ticuayi:

—Ał'huij'f'e'mola' lałpimaye. Alumme'mola' tiyełe Antioquía. Tiyejmalełe Pablo y Bernabé.

I'huij'f'em'mola' Judas lałcui'impa Barsabás jouc'a Silas. Īne liłpimaye tixininila' ac'a liłpicuejma'. ²³ Ini'impola' al je'e, tini'innola' lapimaye a'ij judío. Īe al je'e tuya'e':

“Īllanc' ninc'apóstole, ninc'atsila' capimaye nałspic'epá lataiqui', ałnonilhuo' imanc' a'ij judío, nołmana' liłya' Antioquía, jouc'a nołmana' ni petsi lamats' Siria, jouc'a nołmana' lamats' Cilicia. Imanc' illanc' ninc'apimaye.

²⁴ 'Joupa ałmimponga' ĩe luya'apa hualca lapimaye lipalyomma fa'a. Īne imipolhuo': ‘Imanc' tolanant'ħi locuxepa Moisés. Tonł'etsoltsi circuncidar.' Tołta'a ixhueł'mipolhuo'. Tołcuayi: ¿Te cal'eyacu?

'Itsiya lu'ilhuo': Īllanc' aicalummela' iħniya. Aicalmila': Tołta'a tołmitsola'. ²⁵ Īllanc' nałmana' fa'a joupa ał'e'epoltsi anuli lałpicuejma'. Ałspic'epá alumme'elhuo' iħna'a lał'huij'f'epola', tiyejmalełe laicalpimaye Pablo y Bernabé. ²⁶ Īne colá' tima'mola' mi'eyi lipenic' lałPoujna Jesucristo, tocomma to aimunłulyacu. ²⁷ Loquexi' lałpimaye lalummepola', iħne Judas y Silas tu'itolhuo' lałspic'ejma', ĩe lalinıłpa iħta'a al je'e. ²⁸ Īllanc' y cal Espíritu Santo ałspic'eyi a'ij cueca' lałcuxe'eyacolhuo'. Fa'a lu'ilhuo' ma le'a oquej fane' loł'eyacu petsi xonca latentłcocopa ŁanDios. ²⁹ Lu'ilhuo':

'Aimolte'me lixic' litsufcompola' landiosla'. Aimolte'me lajuats'. Aimolte'me liłpixic' linneja lixnajmpola' cajuats'. Tonł'e'etsoltsi cuenna. Aimoltsuico'mola' ocuenaye cacal'no', ma le'a lołpenoye.

'Ja'ni toluyalaico'me tołta'a tonł'e'me al c'a. Itsiya icula'apa ĩe lałsc'ai'ipolhuo'.”

³⁰ Lapimaye nomana' Jerusalén ixc'ai'im'mola' Pablo, Bernabé y liłejmale. Īne iye'me. Icuaicontsa Antioquía. Jiłpiya ijoc'im'mola' lapimaye tefolunca. Ini'im'mola' al je'e. ³¹ Lapimaye ininuf'me ixhue'me. Īe loxc'ai'impola' ixoc'i'mola' quileta.

³² Iñe Judas y Silas aprofeta. Juaiconapa ixc'ai'im'mola' lapimaye, ifa'em'mola' lihpicejma'. ³³ Jiłpiya imanenca, icof'mola'. Icuaitsi litine tiyente lapimaye ixc'aitsona'me, timinnila':

—Tonłente al c'a. Tołpailinanca, tonłente pe lomana' iñe nummepolhuo'. Tołmitsola': "Ailopa'a tintsi".

³⁴ Silas ixpic'epa tipanehuo Antioquía. ³⁵ Pablo y Bernabé imanenca jiłpe liłya' tuya'ayi, timuc'iyaleyi Lataiqui'. Iñe litaiqui' łalPoujna. Ma' anuli lo'epa axpela' lapimaye.

³⁶ Ti'hua tuyaipa łitiné. Lijou'ma Pablo ipalaic'o'ma Bernabé, timi:

—Łepá, łeconapá jahuay łilelołya' petsi joupa laluya'apa litaiqui' łalPoujna. Ałsinna te ts'i'ic' mimana'.

³⁷ Bernabé ticua:

—Ałhecocona'me Juan Marcos, ałejmalecona'me.

³⁸ Pablo timi:

—A'i. Łalcuaitsa łamats' Panfilia iłque ałpo'noponga' całtuca'. Aiqui'e'ma canic' anuli illanc'. Aimałhecocona'me.

³⁹ Ipalaic'o'mołtsi juaiconapa. Ifuli'i'mołtsi cataiqui'. Lijouco'ma anuli anuli i'hua'ma lipene. Bernabé ileco'ma Marcos, itsulfołai'me anuli al barco, iye'me Chipre. ⁴⁰ Pablo i'huijf'e'ma Silas. Pablo y Silas y lapimaye efot'le'mołtsi. Ijoc'i'me ŁanDios. Ixa'hue'me titoc'itsola' Pablo y Silas. Lijou'ma ipalunca iłniya. ⁴¹ Iye'me łamats' Siria jouc'a łamats' Cilicia. Pablo ipalaic'o'mola' lapimaye ni petsi lafołyomma. Ifa'e'mola' lihpicejma'.

16

¹ Pablo y Silas icuaitsa liłya' Derbe, uyalaico'me, icuaitsa Listra. Jiłpe liłya' tipa'a anuli łamijcano cuftine Timoteo. Qui'máma' ajudía, ti'huaiyinge Jesucristo. Qui'ailli' agriego. Timoteo tihuequi Jesús. ² Lapimaye, iñe nomana' Listra, jouc'a nomana' Iconio ticuayi: "Ac'a xans Timoteo". ³ Pablo ixpic'epa tiyejmale'me. Ai'a tileco'ma i'e'ma circuncidar. Ticua: "Tołta'a aimixtulecu lan xanuc' judío nomana' fa'a łamats'". Jahuay iłniya iłsina' qui'ailli' Timoteo agriego. Toliya Timoteo aiqui'aic' circuncidar.

⁴ Lijou'ma Pablo, Silas y Timoteo iyehuo'me iłya' iłya', ehuengintsola' lapimaye nomana'. Imuc'im'mola' al je'e loya'apa locuxepa lan apóstole y lapimaye noxpipá lataiqui', iñe nomana' Jerusalén. Tixc'ai'innila', tu'innila' tenant'łile iłe lataiqui'. ⁵ Tołta'a lapimaye lafołyomma iłniya łilelołya' xonca ti'huaiyjnyi. Itine itine tixpela' lapimaye.

⁶ Lijou'ma, ehuengintsola' lapimaye nomana' ni petsi łamats' Frigia y łamats' Galacia. Aiquiłtsuflaic' łamats' Asia. Cal Espíritu Santo aiquepi'ila' lane muya'ayacu Lataiqui' jiłpe łamats'. ⁷ Icuaitsa łema łamats' Misia ixpic'epa titsulfołaitsa łamats' Bitinia. Cal Espíritu, iłque łi'Espíritu Jesús, aiquepi'ila' lane.

⁸ Ti'hua tiyeyi łema łamats' Misia. Imul'me liłya' Troas. ⁹ Lipuqui' Pablo ixim'ma al paiyo. ŁanDios timuc'i lo'eya. Ixim'ma tecaxu anuli cal xans łas Macedonia. Tixa'hue, timi: "To'huanni fa'a łainemats' Macedonia. Fa'a ałtoc'i'monga'." ¹⁰ Iñe liximpa Pablo alu'iponga' illanc' lałejmale. Ałspic'epá łe'me łamats' Macedonia. Ałcuayi: Ma ŁanDios ałjoc'iponga', alu'itsonga' lan xanuc' nomana' jiłpe łamats' Lataiqui' loya'apa iłe al c'a lixpice'epa ŁanDios.

¹¹ Jiłpe Troas ałtsulfołaipá anuli al barco. Ałepá łijca łamats' cuftine Samotracia. Lihuequi litine ałcuaitsa liłya' Neápolis. ¹² Lipalyonca al barco ałepá Filipos. Iñe liłya' xonca imetsaicoquiya jiłpe łamats' Macedonia, i'huexi cal cuecaj quincuxepa romano. Jiłpe ałcołponga'.

¹³ Litine conxajya lipalunca liłya', ałepá petsi tefot'łeyołtsi lan xanuc' mijoc'i'me ŁanDios, jiłpe al pana'. Ałcutsolanna, ałpalaic'opola' lacał'no' licuai'me.

¹⁴ Anuli jilne laca'no' lipuftine aLidia. Tihuequi locuxepa ÆanDios. Lipi'ya' cuftine Tiatira. Ticuqui quijahua' lumanc'ecompa amorada. Æa'Poujna epi'ipa lipicuejma' icuej'ma lonespa Pablo. ¹⁵ Æaca'no' Lidia jouc'a jahuay nomana' lejut'í epo'im'mola'. Lijou'ma Lidia a'lsa'hueponga', a'minga':

—Ja'ni imanc' a'simpa iya' nepenufpa Æa'Poujna lepá lainejut'í. Jilpe a'manc'aleta.

Ihui'i'ma. A'ehuo'me lejut'í.

¹⁶ Anuli litine ma'eyi petsi a'joc'ita ÆanDios a'talecuf'me anuli Æahuats'. Lipoujnalá joupa i'napá, ticuxeyi. Æahuats' ticua'e, ticuxe lipicuejma' anuli liponta'a Satanás. Timila' lan xanuc' lo'iyacola'. To'ta'a tuliqui juaiconapa acueca' tomí. Tepi'ila' lipoujnalá. ¹⁷ Illanc' a'ejmaleyi Pablo. Æahuats' alihuequinga'. Tija'e, ticua':

—To'sintsola' i'na'a lan xanuc'. Cal Cueca' CanDios i'Poujna i'na'a. Tu'ilhuo' te co'ia molun'lyacu.

¹⁸ Tuyaipa axpe' quitine mi'ay to'ta'a Æahuats'. Pablo aiqueten'cocojma lo'epa. Tixhue'mot'le juaiconapa. Lijouco'ma ipai'e'moxi, ehuelojm'ma Æahuats', ipalaic'o'ma lonta'a, timi':

—Cajoc'i Æa'Poujna, canesma lipuftine Jesucristo. To'ta'a cacuxe'ehuo': Taipananni lipicuejma' i'ca'a Æahuats'.

Aiquico'l'ma. Ipananni lonta'a. ¹⁹ Lipoujnalá Æahuats' iximpá ixa'conapa, ixtulencia. I'sina' aimi'ia mulijconayacu quiltomí. I'no'lim'mola' Pablo y Silas, exa'im'mola' jilpiya pe lomana' ts'i'penic'. ²⁰ I'hua'am'mola' pe lomana' lan juez romano. Timinnila':

—I'ne lan xanuc' ajudío, fa'a la'pi'ya' tehueyi cataiqui'. ²¹ A'muc'inga' a'pai'inga' la'ejma'. Illanc' ma lihuejcoyi cal cuecaj quincuxepa romano. Ma' i'que a'cuxenga'. Aimi'ia malapenufyacu ocuena cataiqui'.

²² Jahuay lefo'ya jilpiya ixtuc'om'mola' Pablo y Silas. Lan juez icuxe'me textisoquintsola' Pablo y Silas, titsimafquintsola' li'spula'. ²³ Itsimafquim'mola' juaiconapa. Ecanc'ontsola' lacarza. Icuxe'e'me cal xans no'epa cuenna lacarza, timiyi:

—To'etsola' cuenna i'na'a lan xanuc'. Aimipalcu.

²⁴ Licuejpa to'ta'a no'epa cuenna lacarza i'nicotsola' xonca licu'u cacarza. Icansc'om'mola' li'l'mitsi' laxma. Aimipalyacu, aimi'ia.

²⁵ Li'i'ma to nolojmay quipuqui' Pablo y Silas tijoc'iyi ÆanDios, tunac'liyi timiyi: “ManDios, ima' unCueca”. Locuenaye litats'ila' tiquim'f'eyi. ²⁶ Inu'ma hunanto. Tifenna lamats' petsi lifayiya laita' lacarza. Aiquico'l'ma, exinni jahuay lam puerta. Jahuay litats'ila' ixim'mo'tsi uhuai'quem'mola' latejmaj cadena.

²⁷ Cal xans no'epa cuenna lacarza tixmay. Imaf'i'ma ixim'ma lam puerta exiya. Ticua: “Itsiya, ¿te caif'eya? Joupa ipalnamma litats'ila’”. Ipa'a'ma li'espada. Ticua: “Cama'a'moxi”. ²⁸ Pablo ixim'ma lo'eya. Ija'a'ma ujfxi, timi':

—Aimo'e'e'moxi. Ma fa'a a'mana' jahuay illanc'.

²⁹ No'epa cuenna lacarza icuxe'e'ma tulif'en'e. Aiquico'l'ma, itsufai'ma pe lomana' litats'empola'. Eca'ni'moxi jilpe li'l'mitsi' Pablo y Silas. Tiyu tixpaiqui.

³⁰ Tipa'ala' luna. Ticuis'ela', timila':

—Cunc'ixanuc', ¿te co'ia cun'lu'eyacoxi? ¿Te caif'eya?

³¹ I'ne timiyi:

—Ima' to'huaiyijnla' Æa'Poujna Jesucristo, i'que tun'lu'e'mo'. To'ta'a ti'e'e i'ne nomana' lomejut'í. Jouc'a tun'lu'e'mola' jahuay i'niya.

³² U'i'me litaiqui' Æa'Poujna. U'im'mola' jouc'a nomana' lejut'í. ³³ Ma'pe 'hora lipuqui' no'epa cuenna lacarza ileco'mola' Pablo y Silas, epac'e'etsola' hilehui. Aiquico'l'mola', epo'im'mola' i'que y jahuay lixanuc'. ³⁴ Lijou'ma ileco'mola'

lejut'ł Pablo y Silas. Ites'mitsola'. Juaiconapa tixoqui queta ti'huaiyinge ÑanDios. A'i ma le'a itque jouc'a jahuay lixanuc' ti'huaiyijnyi.

³⁵ Iic'e'ma. Lan juez umme'me lilepaluc' tiyele lacarza. Licuaitsa ipalaic'o'me no'epa cuenna lacarza, timiyi:

—Tox'masnatsola' itne lan xanuc'. Tupalnanca, tiyente.

³⁶ No'epa cuenna lacarza u'i'ma Pablo, timi:

—Lan juez ummepá lilepaluc'. Itne ałmi: “Tox'masnatsola' itne lan xanuc', tupalnanca”. Itsiya tolipalnanca. Tonente al c'a. Ailopa'a tintsi.

³⁷ Pablo ipalaic'o'mola' lapaluc', timila':

—A'i. Aimi'iya małeyacu. Illanc' alimetsaiconinga' ixanuc' cal cuecaj quincuxepa romano. Imanc' lołjuez ni aiquitsina' ja'ni ałınca o a'ij linca lataiqui' lałcufponga'. Ma malahuelonginga' lan xanuc' ałtsimafquimponga'. Itsiya ałminga' ałente a-ch'ixca. A'i. Aimi'iya. Ticuaiyunca lan juez. Alipa'atsonga' itniya.

³⁸ Lapaluc' ipailinanca, iye'me pe lomana' lan juez. U'im'mola' limipola' Pablo. Licuej'me lan juez cal cuecaj quincuxepa romano imetsaicola' Pablo y Silas, tixpailiquila' juaiconapa. ³⁹ Iye'me lacarza. Ixa'hue'me aimixtulecu Pablo y Silas. Ipa'am'mola'. Timinnila':

—Tonente, tolipalnanca fa'a lałpiya'.

⁴⁰ Lipalunca lacarza Pablo y Silas iye'me lejut'ł Lidia. Jiłpe efot'le'mołtsi anuli lapimaye. Ixc'ai'im'mola', ixpai'im'mola' quileta. Lijou'ma iyena'me.

17

¹ Pablo y liłejmale ipalunca liłya' Filipos, iye'me lane loyaicopa liłelołya' Anfıpolis y Apolonia. Icuaitsa liłya' Tesalónica. Jiłpe tipa'a anuli lajut'ł pe lafołyomma lan xanuc' judıo. ² Licuaitsi litine conxajya Pablo, ma to mi'ay, i'hua'ma jiłpe lajut'ł. Afane' quitine conxajya i'e'ma tołta'a. Ipalaic'o'mola' lan xanuc' jiłpiya. Tu'ila' loya'apa al Paxi Linilingiya. ³ Tuhuałqui ite lataiqui', tu'ila':

—Małe al Paxi Linilingiya tıpalaijma cal Cristo. Tuya'e': “Titelco'ma, timana'ma. Tijoula' timaf'ina'ma, tıpano pe lomana' lamizhua.” Jesús, itque laıfpalaic'ocopolhuo', małque aCristo.

⁴ Hualca lan xanuc' judıo lafot'lepołtsi jiłpiya ticuayi: “Ma' al linca locuapa”. I'e'mołtsi anuli Pablo y Silas. Jouc'a juaiconapa axpela' lan xanuc' griego naihuejpa locuxepa ÑanDios, jouc'a axpela' lan tsila' cacal'no', epenuf'me lonespa Pablo.

⁵ Lan xanuc' judıo pe aimihuejyi Jesús ixtulencia, i'em'mola' laic' Pablo y Silas jouc'a ts'ilihuequi. Ipalaic'om'mola' hualca lixcay xanuc'. Itne nohuina-jpola', aimi'eyi canic', ma le'a tecaxołanna jiłpe locucaleyompa. Efot'lem'mola' axpela' lan xanuc', ixahuali'intsole' Pablo y Silas. Jahuay lan xanuc' jiłpe liłya' ic'of'ma liłjuats'. Ixtulencia juaiconapa. Aits'icoł'mola', iye'me, icuaitsa lejut'ł anuli cal xans cuftine Jasón. Tehuennila' Pablo y Silas. Timiyi Jasón:

—Laxat'hitsonga' Pablo y Silas. Al'hua'a'mola' jiłpiya lafołyomma lan xanuc'.

⁶ Aiquixinim'mola'. Exałim'mola' Jasón y hualca lapimaye. I'hua'ampola' pe lomana' lan juez. Tija'ayi coyac', ticuayi:

—Itniya lan xanuc' natelc'eyalepá liłpicuejma' lan xanuc' ni petsi li'a lamats' joupa icuai'me fa'a lałpiya'. ⁷ Itca'a Jasón epenufpola' jiłpe lejut'ł. Jahuay itniya aimihuejcoyi locuxepa cal cuecaj quincuxepa César. Ticuayi tipa'a ocuenaj rey ticuxela', cuftine Jesús.

⁸ Licuej'me tołta'a lan xanuc' y ts'itpenic' xonca ixtulencia. ⁹ Jasón y lapimaye i'najtse'me ts'itpenic', i'najcufi'me Pablo y Silas. Tołta'a ts'itpenic' ux'masquina'me itne Jasón y lapimaye.

¹⁰ Mañe lipuqui' lapimaye itoc'im'mola' Pablo y Silas tipalnanca jilpe liya' Tesalónica. Iye'me liya' Berea. Icuaitsa jilpe liya' itsulfoñai'me lajut'ł pe lafołyomma lan xanuc' judío. ¹¹ Ac'a xanuc' iñiya lan judío nomana' iñe liya' Berea, a'i to lan xanuc' nomana' Tesalónica. Ixojco'ma quileta epenuf'me litaiqui' Jesús. Itine itine tixhueyi al Paxi Linilingiya. Ticuayi: “Añsim'me ja'ni al linca o a'ij linca lonespa Pablo”. ¹² Axpela' lan xanuc' judío, jouc'a hualca lacal'no' griego pe ts'it'hueca, jouc'a axpela' lan xanuc' griego epenuf'me.

¹³ Lan xanuc' judío nomana' liya' Tesalónica icuej'me: “Pablo tipa'a liya' Berea, tuya'e' litaiqui' ÑanDios”. Iye'me Berea. Jilpiya ipalaic'om'mola' lan xanuc', i'e'em'mola' tixtuc'ole Pablo. ¹⁴ Lapimaye itoc'i'me Pablo tipanni liya' Berea, ti'huala' ñema caja. Silas jouc'a Timoteo imanenca Berea. ¹⁵ Lapimaye pe li'i'moñtsi anuli Pablo ileco'me liya' Atenas. Pablo timila':

—Toñmitsola' Silas y Timoteo aimicoñ'mola', ticuaiyunca fa'a.

Lijou'ma lapimaye ipailinanca, iye'me Berea.

¹⁶ Pablo ipanenni liya' Atenas. I'huaijma ticuaiyunca Silas y Timoteo. Ixim'ma iñe liya' imanna candiosla'. Ixhuelco'ma juaiconapa. ¹⁷ Litine conxajya itsehuc'oma lajut'ł pe lafołyomma lan xanuc' judío. Jilpe lajut'ł tipalaic'ola' lan xanuc', iñe lan xanuc' judío jouc'a lan xanuc' griego pe naihuejpá ÑanDios. Itine itine itsehuc'oma laplaza, tipalaic'ola' lotalecufpola' jilpe.

¹⁸ Jilpe laplaza tefot'leyoñtsi hualca lan xanuc' naihuejpá litaiqui' lan xanuc' lacui'impola' lan epicúreo. Jouc'a tefot'leyoñtsi pe naihuejpá litaiqui' lan xanuc' lacui'impola' lan estoico. Iñe ipango'me ifuli'i'moñtsi cataiqui' Pablo. Hualca ticuis'eyoñtsi:

—Iñque ñapalgo, ¿te cohualquemma lonespa?

Ocuenaye ticuayi:

—Tocomma to tinescola' ocuenaye candiosla'.

Icuejpá Pablo lipalaicopa Jesús, jouc'a lipalaicopa ñimaf'ina, ipayomma pe lomana' lamizhua. Toñta'a ticuayi: “Iñe oquexi' landiosla'”.

¹⁹ Timiyi Pablo:

—Ñepá.

Ileco'me pe lafołyomma ts'it'penic'. Jilpe lacui'impá al Areópago. Icuaitsa jilpe icuis'e'me, timiyi Pablo:

—Ima' loñmuc'iyalepa ats'e cataiqui'. Aluhualc'e'etsonga'. Añcujle te cocuajmaispa iñe lataiqui'. ²⁰ Añcujyi ima' tomuc'iyale ituca' cataiqui'. Ti'ila' cañsina' te cohualquemma iñe loñnespa.

²¹ Lan xanuc' limajmpá liya' Atenas, ja'ni ma' Atenas ilpiya', o ja'ni quiyoyomma ocuena quiya', jahuary iñiya aimi'eyi canic'. Muica litine tipalaic'oyoñtsi. Tu'iyoyñtsi, tiqumf'eyoyñtsi ituca' ituca' cataiqui'.

²² Pablo eacx'ma jilpe al Areópago. Tipalaic'ola' lefołya, timila':

—Cunc'ixanuc', Atenas oñpiya, caxinnilhuo' toñspaic'ela' jahuary landiosla'. Aimolatets'iyi ni' anuli. ²³ Cuyaijma ñaneya fa'a loñpiya' cahuelongila' loñaltar. Jouc'a cahuelonge anuli al altar inilingiya tuya'e': “Iñta'a i'altar anuli ñandios. Aicalimetsaijma nañtsi iñque, aicañsina' te quipuñtine.” Tama imanc' toñcuayi: “Iñque anuli ñalandios”, imanc' aicolimetsaijma. Itsiya iya' cu'i'molhuo' nañtsi iñque.

²⁴ Mañque ÑanDios ilanc'epa li'a ñamats' jouc'a jahuary lopa'a. Aimipanga al xoute' lilanc'epa lan xanuc'. Iñque ipoujna lema'a jouc'a li'a ñamats'. ²⁵ Illanc' ninc'ixanuc' aimi'iya mañnesyacu: “ÑanDios tehue'e', alapi'i'me”. Iñque aimehue'e'. Jahuary ts'it'maf'i fa'a li'a ñamats' ÑanDios tepi'ila' liñpitine, liñpehua', jouc'a jahuary liñpicuicoya.

²⁶ 'Lan xanuc' ni petsi quiyouyomma ma' anuli lijuats'. Toŧta'a lilanc'epola' LanDios. Maŧque LanDios ixpicufpa ŧilemats' anuli anuli lan nación. Ixplic'epa tojua ticoŧ'mola', te quitine tijou'ne'mola'. ²⁷ Lixpic'epa toŧta'a LanDios ticua: "Lahueŧa' lan xanuc'. Aga tinesle: ¿Pe copa'a? Aŧsinna'ma."

'Iŧque ŧinca a'ij culi', ma' ahuejnca anuli anuli illanc'. ²⁸ Maŧque aŧŧanc'eponga', lapi'iponga' laŧpitine. Maluyalaicoyi lapajnya altoc'inga'. Ja'ni tijuc'ixoxi aimi'iya maluyalaicoyacu, jahuay tijouna'ma. Imanc' loŧxanuc' ts'iŧpicuejma' jouc'a ipalaico'me LanDios, iniŧpá: "Illanc' ninc'ixanuc' inaxque' LanDios".

²⁹ 'Iŧque LanDios aŧ'Ailli'. Toŧiya aimi'iya maŧ'onlicoyacu to iŧne landiosla' lilanc'empola' a'oro o aplata o apic. Iŧna'a ipa'acopa lijuac cal xans, ilanc'ecopola' limane'. ³⁰ Luyaipa quitine lan xanuc' aiqulŧsina' te ts'i'ic' lipicuejma' LanDios. Aiquilimetsaijma. Iŧniya ŧitiné LanDios aiqumila', aiq-uitalela' ni toŧta'a. Itsiya ituca' li'ejma'. Ticuxe'ela' jahuay lan xanuc' ni petsi lomana', timila': "Imanc' toŧsuej'menanca". ³¹ LanDios joupá i'huij'epa, ifaquimpa cal Juez no'eya al ŧijca lipenic'. Ixplic'epa litine timujxoxi iŧque iŧJuez jahuay lan xanuc' ni petsi lomana'. Iŧque cal xans LanDios joupá imaf'i'ina, ipa'anapa pe lomana' lamizhua. Ti'ila' quilsina' lan xanuc' alinca toŧta'a lo'iya.

³² Licuej'me linespa Pablo: "LanDios imaf'i'ina, ipa'anapa pe lomana' lamizhua", hualca ixoco'me. Ocuenaye timiyi:

—Aŧquimf'econa'mo'. Alu'itsonga' xonca iŧe lataiqui'.

³³ Pablo ipanni jiŧpe lefoŧya. ³⁴ Hualca lan xanuc' ihuej'me Pablo. Ti'huaiyijnyi. Anuli iŧniya cuftine Dionisio, iŧque tilai'iyoxi jiŧpe al Areópagó. Ocuena no'huaiyijmpa iŧque aca'no', cuftine Dámaris. Jouc'a timana' ocue-naye ihuej'me.

18

¹ Pablo ipanni liŧya' Atenas icuaitŧi liŧya' Corinto. ² Jiŧpe liŧya' italecuf'ma anuli cal xans judío cuftine Aquila. Iŧque ipajnyota ŧamats' cuftine Ponto. Lipeno cuftine Priscila, imajmpá ŧamats' Italia, liŧya' Roma. Micuxe cal cuecaj quincuxepa romano cuftine Claudio iŧque icuxe'e'mola' lan xanuc' judío tipalunca iŧe liŧya'. Priscila y Aquila ajudío. Ipalunca liŧya' Roma, quite' miŧcuaiŧpá Corinto. Pablo i'hua'ma ixintsola' lilejut'ŧ. ³ Jiŧpe ipanenni. Pablo y Aquila in-natŧoŧpá quixmi. Ti'eyi canic' anuli. ⁴ Litine conxajya Pablo ti'hua lajut'ŧ pe lafoŧyomma lan xanuc' judío. Tipalaic'ola' lan xanuc' nomana' jiŧpe, iŧne ajudío jouc'a agriego. Tehue te co'iya micuejyacu, ti'huaiyijnle Jesucristo.

⁵ Silas y Timoteo ipalunca ŧamats' Macedonia. Licuaitŧa liŧya' Corinto Silas y Timoteo, Pablo joupá etec'opa lanic' lanatŧoŧya, ma le'a tuya'e' Lataiqui'. Tu'ila' lan xanuc' judío: "Jesús ma' aCristo". ⁶ Lan judío aiquirepenufi loya'apa Pablo, timilojyi quixcay cataiqui'. Pablo unaf'ma lipijahua'. Tixinŧe iŧe lo'epa aiqutenŧcocojma LanDios. Timila':

—Imanc' coŧtuca' toŧtai'me lajunac'. Toŧsim'me lo'iyacolhuo'. Iya' aicataiya cajunac'. Ca'hua'ma pe lomana' locuenaye lan xanuc' pe aimimetsaicoyi LanDios.

⁷ Ipanni jiŧpe lajut'ŧ pe lafoŧyomma lan xanuc' judío. I'huapa anuli lajut'ŧ aquiju', ejut'ŧ anuli cal xans agriego, cuftine Tito Justo. Iŧque tihuequi locuxepa LanDios. ⁸ Lajut'ŧ pe lafoŧyomma lan xanuc' judío ŧincuxepa cuftine Crispo. Iŧque Crispo jouc'a jahuay nomana' lejut'ŧ i'huaiyijmpá Jesucristo. Axpela' lun Corinto noquimf'epá i'huaiyijmpá, epo'im'mola'.

⁹ Anuli lipuqui' mixmay Pablo, ixim'ma to apaiyo, icuaitŧi ŧaŧPoujna Jesús, timi:

—Aimixpaij'mo'. Aimi-ch'ixco'mo'. Ti'hua topalaic'ocontsola' lan xanuc'.
¹⁰ Iya' afejmale. Fa'a liya' aimi'iya mixcai'enyaco'. Ma fa'a timana' axpela' laixanuc'.

¹¹ Pablo ipanenni liya' Corinto. Icof'ma anuli camats' y onlca. Timuc'iyale litaiqui' LanDios.

¹² Liya' Corinto copa'a jilpe lamats' Acaya. Micuxe Galión ite lamats' lan xanuc' judío tixtuleyi. I'nof'me Pablo, i'hua'a'me pe lo'eyopa canic' lan juez.

¹³ Timiyi Galión:

—Itca'a cal xans tu'ila' lan xanuc', timila': "Aimolanant'hi'me locuxepa Moisés. Tołpai'ite lof'ejma'. Ti'ila' ituca' molihuejyacu LanDios."

¹⁴ Pablo cola' joupa titalai'e'ma. Galión ipalaic'o'mola' lan xanuc' judío, timila':

—Itca'a cal xans, ja'ni aiqenant'hi locuxepa łacuecaj quincuxepa romano, o ja'ni i'epa quixcay, linca ca'ommaita lołnespa, caquimf'e'molhuo' imanc' unc'ijudío. ¹⁵ Itque aiqui'aic' tołta'a. Aiquetenłcolhuo' lonespa, ja'ni ataiqui' o aftine o lopalaicopa lataiqui' locuxepolhuo'. Ma le'a tołta'a tołixtuc'oyi. Ma imanc' tołxanghuai'itsołtsi. Iya' aicaxpic'eya.

¹⁶ Lijoupa limipola' tołta'a Galión icuxe'ma tihuescuftsola', tipalunca jilpe lejut'ł pe lo'eyopa lanic' lan juez. ¹⁷ Lan griego ixtuc'o'me anuli cal xans judío nacaxuya jilpe, cuftine Sóstenes, incuxepa lajut'ł pe lafołyomma. I'nof'me, untaf'me. Galión ma le'a ticutsu tehuelongila'. Ailopa'a quitaiqui'. Ni tintsi quimi'mola'.

¹⁸ Pablo ti'hua ticołi Corinto. Lijou'ma ixc'ai'i'mola' lapimaye, ti'hua'ma lamats' Siria. I'hua'ma al puerto cuftine Cencrea. Icuaitsi jilpe isuaf'moxi hijuac. Tołta'a imuj'ma joupa epi'ipa cataiqui' LanDios. Lijou'ma Pablo, Priscila y Aquila itsulfołai'me anuli al barco, iye'me. ¹⁹ Icuaitsa liya' Efeso. Jilpiya liya' ipo'no'mola' Priscila y Aquila. Pablo i'hua'ma lema quilya', itsufai'ma lajut'ł pe lafołyomma lan xanuc' judío. Jilpe ipalaic'o'mola' lan xanuc', ipalaic'o'mołtsi. ²⁰ Ixa'hue'me, timiyi:

—Topanenni.

Pablo timila':

—A'i. Aimi'iya małcołconaya fa'a. ²¹ Ja'ni ipic'a LanDios cacuaiyoconno, cahuejnconacolhuo'.

Ixc'ai'ina'mola'. Itsufai'ma anuli al barco. Ipamma Efeso.

²² Icuaitsa Cesarea. Jilpiya ipayonni al barco, if'aj'ma liya' Jerusalén tehuejntola' lapimaye lafołyomma jilpiya. Inom'mola'. Lijou'ma i'hua'ma liya' Antioquía. ²³ Jilpe icolhuo'ma. Lijou'ma ipaiconanni ehuejnconatsola' lapimaye nomana' lamats' Galacia y lamats' Frigia. Ifa'e'mola' liłpicuejma' jahuay lapimaye.

²⁴ Mi'hualejma Pablo imajm'me Efeso Priscila y Aquila. Jilpe liya' icuaitsi anuli cal xans judío cuftine Apolos, lipilya' Alejandría. Tipalay al c'a juaiconapa. Ixina' loya'apa al Paxi Linilngiya. ²⁵ Joupa imuc'impá litaiqui' łalPoujna, ixina' te ts'i'ic' lipene itque. Al c'a timuc'iyale, aimixospa. Tu'iyale li'epa Jesús. Epo'icompa lipuftine Juan Bautista a'i lipuftine Jesucristo. ²⁶ Aimixpaiqui. Itsehuc'ma lajut'ł pe lafołyomma lan xanuc' judío, jilpe tipalaic'ola' lan xanuc'. Priscila y Aquila icuej'me lonespa, ijoc'i'me timiyi:

—Łepá lajut'ł.

Jilpe u'i'me xonca te tsi'ic' mihuejya LanDios.

²⁷ Lijou'ma Apolos ipic'a ti'huala' lamats' Acaya. Lapimaye nomana' jilpe liya' Efeso inil'e'me liłpimaye nomana' lamats' Acaya, itne jouc'a ts'ilihuequi Jesús. Timinnila': "Tolapenufle itque Apolos". Icuaitsi jilpe lamats' Apolos acueca itoc'i'mola' lapimaye. Itne joupa ipaxnepola' LanDios tołta'a

ti'huaiyijnyi Jesús. ²⁸ Jilpe lefot'hepołtsi lan xanuc' judío Apolos italai'e'epola', ulij'mola'. Imuc'ipola' loya'apa al Paxi Linilingiya, tuya'e': "Jesús copa'a cal Cristo".

19

¹ Mipa'a Apolos łamats' Acaya, liłya' Corinto, Pablo ti'hualejma xonca al toncay łamats' icuaiti liłya' Efeso. Jilpe liłya' italecuf'mola' hualca ts'ilihuequi Jesús. ² Icuis'e'mola', timila':

—Imanc' litine loł'huaiyijmpa Jesucristo, ¿te olapenufpá cal Espíritu Santo? Iłne timiyi:

—A'i. Aicalpalaic'oconinga' cal Espíritu Santo. Aicalmuc'inga' naiti iłque, ja'ni tipa'a o a'i.

³ Icuis'e'mola':

—Litine lepo'impolhuo', ¿naiti colihuejcoyacu? ¿Te quipuftine?

Timiyi:

—Lipuftine Juan Bautista. Lihuejcoyi litaiqui' iłque, tołta'a lapo'imponga'.

⁴ Pablo timila':

—Lan xanuc' pe lixhuj'memma, Juan epo'i'mola', tu'ila': "Aimal'huaiyijm'ma iya'. Toł'huaiyijnle nocuaicoya." Iłque łacui'impá "Nocuaicoya", małque copa'a Jesús.

⁵ Licuej'me iłe limipola' Pablo, iłne lan xanuc' epo'iconam'mola'. Tołta'a i'ipola' ilihuequi Jesús. ⁶ Pablo ipo'nof'i'mola' limane' hiłjuac. Imunni lema'a cal Espíritu Santo, epenuf'me. Ipango'me ipalai'me ituca' ituca' cataiqui', jouc'a tuya'ayi lu'ipola' ŁanDios. ⁷ Tixhuaispola' to imbama' coquexi' lan xanuc'.

⁸ Litine conxajya Pablo itsehuc'ma lajut'ł pe lafołyomma lan xanuc' judío. Aimixpaiqui. Ipalaic'o'mola', ipalaic'o'mołtsi. Tu'ila' te co'iya mitsulfołaiyacu pe locuxeyopa ŁanDios. Afane' mut'ła ti'ay tołta'a. ⁹ Hualca aiquiłcueca, aiquilihuequi. Ipalaic'om'mola' locuenaye xanuc', u'im'mola':

—A'ijc'a lane lomuc'ipolhuo' Pablo.

Licuej'ma Pablo lonespa iłniya aiqui'huacon-na'ma iłe lajut'ł pe lafołyomma lan xanuc' judío. Ipa'a'mola' jilpiya no'huaiyijmpá Jesús. Iye'me, tefot'heyołtsi lejut'ł anuli łomxi cuftine Tirano. Itine itine Pablo ti'hua tipalaic'ola' lan xanuc' lafołyomma lajut'ł. ¹⁰ Muyaipa oque' camats' Pablo ti'hua timuc'ila', tołta'a jahuary lan xanuc' nomana' jilpe łamats' Asia icuej'me loya'apa Pablo, lan xanuc' judío jouc'a lan xanuc' griego. Icuej'me litaiqui' łalPoujna Jesús.

¹¹ ŁanDios timuc'ila' lan xanuc' al cueca' lo'epa. Epi'ipa limane Pablo ti'ełá' tołta'a al cueca', to aimi'ya mi'eyacu lan xanuc'. ¹² Lam pa'yu y lijahuali lihuengaicota Pablo itai'em'mola' lafcuallay. Iłne ixałcona'mola'. Lipontahue Satanás pe litsufłaipá liłcuerpo lan xanuc', ipalnanca.

¹³ Hualca lan xanuc' judío tiyec'ołaiyi iłya' iłya', timinnila' lipontahue Satanás:

—Iya' canesqui lipuftine Jesús, małque Jesús łopalaicopa Pablo. Cacuxe'ehuo': ¡Taipanni!

¹⁴ Tołta'a lo'epa lan caitsi linaxque' anuli cal xans judío cuftine a'Esceva, iłque anuli pe lixanuc' cal cuecaj ca'ailli'. ¹⁵ Liponta'a Satanás italai'e'ma, timila':

—Jesús nimetsaijma. Aixina' naiti iłque Pablo. ¿Naiti imanc'? Aicainimet-saicolhuo'.

¹⁶ Cal xans pe litsufaipa liponta'a Satanás iyuc'o'mola', ulij'mola', ix-cai'e'mola'. Aiquicol'mola'. Ipalunca lajut'ł, aimiłe inulna'me. ¹⁷ Jahuary nomana' Efeso, lan xanuc' judío jouc'a lan xanuc' griego, iłsina' li'ipa, ix-pailij'mola'. Imetsaico'me apaxi lipuftine łalPoujna.

¹⁸ Axpela' no'huaiyijmpá łapoujna Jesús icuaiyunca pe lomana' lapimaye, uya'a'me al xujc'a li'epa. ¹⁹ Jouc'a axpela' lam brujo efot'le'me liłlibro, itai'me, ipo'no'intsola' petsi lan xanuc' tixim'me lo'epa. Jiłpe ipi'em'mola'. Lijou'ma ixhuj'eme'me tojua lipitali iłne lan libro. Tixhuaispa oquej nuxans quimbamaj mil lan tomí aplata. ²⁰ Tołta'a lan xanuc' ixim'me acueca' lo'epa litaiqui' łapoujna. Ixim'pá a'i ni naitsi cataiqui'. I'i'mola' xonca axpela' no'epá linca.

²¹ Lijoupa li'ipa tołta'a Pablo ixpic'e'ma, ticua: “Ca'hua'ma Jerusalén. Ate'a cahuejntola' lapimaye nomana' łamats' Macedonia, jouc'a nomana' łamats' Acaya. Catseta Jerusalén, tijouł'a' ca'hua'ma quimetsaicota Roma.”

²² Umme'mola' oquexi' notoc'ipá, iłne Timoteo y Erasto, tiyełe łamats' Macedonia. Pablo icol'ma łamats' Asia, liłya' Efeso.

²³ Iłniya litiné lan xanuc' nomana' jiłpe liłya' epat'łtsi liłpicuejma'. Ixtuc'om'mola' naihuej'pá lipene łapoujna. ²⁴ Tipa'a anuli cal xans cuftine Demetrio, aplatero. Tilanc'ela' lan tsocay xoułte. Anuli anuli al xoute' tipa'a li'imagen Artemisa, iłque ilendios. Iłque Demetrio iłpoujna axpela' lan xanuc' no'epá iłta'a lanic'. Tulijyi acuecaj tomí. ²⁵ Małque Demetrio ixtunni, tijoc'ila' tefot'łetsolłtsi lixanuc' jouc'a locuenaye no'epá canic' tołniya. Timila':

—Cunc'ixanuc', ołsina' ma mał'eyi iłta'a lanic' alulijyi caltomí. ²⁶ Tołsinyi, tołcujyi li'ipa fa'a łalpiłya'. Linca a'i ma le'a fa'a, tocomma to jahuay łamats' Asia iłque Pablo imints'e'e'mola' liłpicuejma' axpela' lan xanuc'. Ticua: “Iłne ilanc'ecompola' amane a'i candiosla’”. ²⁷ Iłe lonespa Pablo aicalłoc'inga' illanc'. Aga lan xanuc' latets'i'monga' jouc'a łalpenic'. Tijouł'a' xonca acueca' ti'i'ma, tetets'i'me Artemisa cal cuecaj cal'máma'. Łamats' Asia, jouc'a ni petsi li'a łamats', texc'onłingolaiyi Artemisa. Ja'ni tihuejle lonespa Pablo aimexc'onłingolaiiconayacu.

²⁸ Lan xanuc' noquimf'epá iłe lataiqui' ixtulencia juaiconapa. Ija'a'me, ticuayi:

—iAcueca' iłque cal'máma' Artemisa illanc' ixanuc' Efeso!

²⁹ Jahuay lan xanuc' nomana' iłe liłya' epat'łtsi liłpicuejma'. Jahuay inul'me, ticuaitsa pe lafołyomma lan xanuc'. Minulyi i'nołim'mola' Gayo y Aristarco noyemalépá Pablo. Iłne quiyouyomma Macedonia. ³⁰ Pablo col'a' titsufai'ma jouc'a, ts'ilihuequi Jesús aiquepi'i'me lane. ³¹ Hualca ts'iłpenic' jiłpe łamats' Asia pe nimetsaicopola' Pablo ummem'mola' liłxanuc', timiyi Pablo:

—Aimotsufai'ma pe lefołya lan xanuc'. Aga tima'ato'.

³² Jiłpe lefołya nica tummulecola'. Anuli anuli ocuena ocuena litaiqui' loja'apa. Axpela' ni aiquiłsina' te quicuaicoco'me jiłpe. Aiquiłsina' te qui'ipa. ³³ Hualca lan xanuc' judío ummetsai'me anuli cal xans cuftine Alejandro. Timiyi:

—Tacaxhuaitsi pe li'huáqui. Topalaic'otsola' lan xanuc'.

Ecax'ma jiłpiya. Lan xanuc' ti'hua tija'ayi, tuya'ayi li'ipa. Alejandro ti-ch'ixc'eco'mola' limane. Titalai'e'mola'. ³⁴ Aiquihuejco'me. Imetsaico'me ajudío. Ipango'me ija'a'me, jahuay ticuayi ma' anuli:

—iıllanc' ixanuc' liłya' Efeso, acueca' cal'máma' Artemisa!

Lija'apa tołta'a icol'ma to oquej hora. ³⁵ Lijouco'ma, ts'ipenic' limpa'ningolpa jiłpe liłya' i-ch'ixc'e'mola' lan xanuc', timila':

—Imanc' cunc'aif'as xanuc' Efeso, jahuay lan xanuc' nomana' fa'a li'a łamats' iłsina' alfaquimponga' illanc' ixanuc' liłya' Efeso, ał'ele cuenna lixoute' cal cuecaj cal'máma' Artemisa. Jiłpe al xoute' tipa'a li'imagen lecangaiyomma lema'a. ³⁶ ¿Naitsi nonesya a'ij linca? Ailopa'a nonesya tołta'a. Ti-ch'ixcotsolhuo'. Tołspic'ele al c'a loł'eyacu. ³⁷ Iłna'a lan xanuc' lołcuai'e'mola'

fa'a, ¿te qui'epa? Ine aiqulnesc'e cataiqui' cał'máma' Artemisa. Aiquilnantseca lixoute'.

³⁸ 'Demetrio jouc'a loyejmalepá, ja'ni ticuxecom'mola' iné lan xanuc', ne', timana' lan juez. Tipa'a litiné mi'e'me canic'. Jiłpe tołcuxecotsola', titalai'e'ecotsoltsi. ³⁹ Ja'ni tipa'a ocuena o ituca' lolicuitsufyacu, ne', tipa'a litiné lafot'le'moltsi, ałspic'eta cataiqui'. Jiłpe tolicuitsufta. ⁴⁰ Itsiya a'ij c'a lafot'lepotsi juaiconapa ninc'xpela'. Ticuaiyunca lan tsilaj ts'ilpenic' romano, licuis'e'monga': "Imanc', ¿te con'epa? ¿Te conlafot'lecopotsi?"; illanc', ¿te całtalai'ecoyacola'? Ailopa'a całmiyacola'. Ine lixtuc'o'monga'.

⁴¹ Limpa'ningołpa lijou'ma limi'mola' tołta'a, icuxe'e'mola' tiyente.

20

¹ Lijoupa i-ch'ixcopola' lan xanuc' Pablo ijoc'i'mola' ts'ilihuequi ticuaiyunca. Ixc'ai'i'mola' tihuejle litaiqui' Jesús. Ipanni, i'hua'ma łamats' Macedonia. ² Jiłpe licuaitsi ehuejntsola' lapimaye ni petsi lomana'. Acueca' ixc'ai'i'mola'. Lijou'ma i'huana'ma, icuaitsi łamats' Grecia. ³ Jiłpe ipanenni afane' mut'ła. Lijou'ma ticua: "Ai'huapa łamats' Siria". Coła' titsufaila' anuli al barco. Icuej'ma jiłpe temiyoltsi lan xanuc' judío, tima'a'me. Ixhuej'meconanni, ticua: "Aica'huacoya abarco. Capaino, ca'huacona'ma łamats' Macedonia." ⁴ Tiyeyi jouc'a liłejmale, iné liłpuftine: Sopater łas Berea, Aristarco jouc'a Segundo lun Tesalónica, Gayo jouc'a Timoteo lun Derbe, Tíquico jouc'a Trófimo lun Asia.

⁵ Iniya iyej'me'me. Icuaitsa liłya' Troas. Jiłpiya ał'huaicotonga' ałcuaitsa. ⁶ Illanc' joupa ałcuaitsa łamats' Macedonia, liłya' Filipos. Jiłpe ałmanemma tuyaila' al juic Pascua. Lijou'ma ałsulfołai'me anuli al barco lotsepa liłya' Troas. Ałecopá amaque' quitine ałcuaitsa Troas. Lahuepola' lałejmalepá, iné liyej'me'me. Jiłpe liłya' ałcołponga' acaitsi quitine.

⁷ Al te'a quitine al xamano lafot'lepotsi anuli lapimaye. Ałsquenuf'me łai, ałte'me to licuxepa lałPoujna Jesús. Pablo imuc'i'mola' lapimaye. Joupa ixpic'epa lo'eya, lihuequi litine ti'huana'ma, tołiya ticołi mimuc'iyale. Icuaicotsi nolojmay quipuqui' ti'hua tipalay. ⁸ Jiłpiya lajut'ł petsi lefot'leyoltsi tipa'a axpe' candil tepalc'o'ila'. ⁹ Małpe al ventana ticutsafya anuli łamijcano cuftine Eutico. Pablo ticołi mipalay, łamijcano ticui quehuí, aiqixnet'łqui, i'noł'ma acueca' cahuí, tixmay. Pe locutsafya al fane' quixpef'a lajut'li, imefcaiyonni al toncay, icuaitsi łamats'. Ipulaf'me, ticuayi: "Joupa imanapa". ¹⁰ Pablo aiquicoł'ma, imunni, ixpatsaf'caipa łamijcano, ipulaf'ma, timila' lipimaye:

—Aimixpailij'molhuo'. Aimoltsuelmot'le'me. Ma' imaf'i'.

¹¹ If'ajcona'ma lajut'ł. Itetso'me, ixquenuf'me łai jouc'a lapimaye. Pablo ti'hua timuc'ila' jahuay lipuqui'. Li'i'ma quitine i'huana'ma. ¹² Lapimaye ilecona'me łamijcano, imaf'i'. Acueca' ixoc'i'mola' quileta jahuay iniya.

¹³ Pablo i'huapa li'mis cocuaiya liłya' Asón. Illanc' ałej'mepá, ałecopá abarco ałcuaitsa liłya' Asón. Jiłpe ał'huaicota ticuaitsi Pablo. ¹⁴ Iłque icuaitsi. Ałsulfołaipá anuli al barco, ałepá ałcuaitsa liłya' Mitilene.

¹⁵⁻¹⁶ Lihuequi litine ałeconapá, ałcuaitsa łamats' lehuoc'ocojma łamats' Quío. Lihuequi litine ałcuaitsa łamats' Samos. Lihuequi litine luyalaicopá pe lopa'a liłya' Efeso. Ałcuaitsa liłya' Mileto. Pablo joupa ixpic'epa aimi'huaya liłya' Efeso. Ipic'a ticuaitsi liłya' Jerusalén. Jiłpe tixinna al juic Pentecostés.

¹⁷ Mipa'a Mileto Pablo umme'mola' lixanuc' tiyełe Efeso tipalaic'ontsola' lapimaye noxpijpá lataiqui', tiyouyunca. ¹⁸ Icuaitsa. Pablo ipalaic'o'mola', timila':

—Iya' laicuaitsi łamats' Asia ałcołpa lołpiłya'. Imanc' joupa ołsimpá te ts'i'ic' laipepajnya ma capa'a jiłpe.

¹⁹ 'Iya' aicai'e'e'moxi to cal cuecaj xans. Camna aixhuełco'ma juaiconapa, cajoqui, camna aitełco'ma. Lan xanuc' judío ehue'me te la'e'eya. Tołta'a lainuyaicopa ma ca'ay lipenic' lałPoujna Jesús. ²⁰ Imanc' ołsina' aicainemi'elhuo' ni aicaicuanac'elhuo' Lataiqui' loya'apa ike al c'a lixic'epa ŁanDios. Nuhuałc'e'e'molhuo' Lataiqui', nu'i'molhuo' jahuay lotoc'iyacolhuo'. Aimuc'i'molhuo' jilpiya pe lafołyomma lołpimaye, jouc'a aimuc'i'molhuo' łolajut'hi. ²¹ Iya' aipalaic'o'mola' jahuay lan xanuc' nomana' lołpiya', lan xanuc' judío jouc'a lan xanuc' griego. Nu'i'mola': "Tołsuej'menanca, tolihuejcołe ŁanDios, toł'huaiyjnle lałPoujna Jesús".

²² 'Itsiya ca'huana'ma Jerusalén. Linca aimixoqui neta. Caxhuełma. Aicaixina' lałiya pu'hua. ²³ Ni petsi lałftseya, iya' iya' cal Espíritu Santo ałmi: "Jipu'hua Jerusalén titats'enno'. Totelcota." ²⁴ Itsiya, ¿te caif'eya? LałPoujna Jesús alapi'ipa laipenic'. Ałmipa: "Toya'ala' Lataiqui' loya'apa ike al c'a lixic'epa ŁanDios. To'itsola' lan xanuc' ŁanDios titoc'i'mola', ipic'a." Aicaxhuełcocojma laipitine, aicaxinyoxi cuanuc'. Xonca aipic'a caxhuai'niła' lanic' lalapi'ipa lałPoujna.

²⁵ 'Małmana' anuli nuya'a'ma te co'iya mołsulfołaiyacu pe locuxeyopa ŁanDios, iłque cal Rey. Itsiya camilhuo': Joupa aixina' aimalsingonayacołtsi. Aicaxingonayacolhuo' ni anuli imanc'. ²⁶⁻²⁷ Ja'ni imanc' o lołpimaye aimol-unłulyacu, iya' aicataiya lajunac'. Imanc' cołtuca' tołtel'mi'mołtsi. Iya' nu'i'molhuo' acuajmaica te ts'i'ic' lixic'ejma' ŁanDios. Aicainemi'elhuo' ni aicaicuanac'elhuo' Lataiqui' loya'apa ike al c'a lixic'epa ŁanDios. Nu'i'mola' jahuay nomana' lołpiya'.

²⁸ 'Imanc' tołsinle lołeyacu. Cal Espíritu Santo joupa ifajpolhuo', epi'ipolhuo' lołpenic'. Imanc' ti'onłcospolhuo' to liłpoujnalá lam motł, ike lam motł małniya lołpimaye lefot'lepola' ŁanDios. Toł'etsola' cuenna, ike i'huexi ŁanDios. Iłque joupa i'najcufpola' liłjunac', ixcuajaipa lijuats', tołta'a i'napola'. ²⁹ Iya' ca'huana'ma. Imanc' jouc'a lołpimaye tołmanecu cołtuca'. Aixina' lo'iyacolhuo' jilpe. Ticuaicu lan xanuc' ti'onłcospola' to lan lobo. Ike oyac'la quinnejaimixinnila' acuanuc'la lam motł. Tixcai'ennila', tijou'nem'mola'. Tołta'a lił'ejma' ike lan xanuc'. ³⁰ Jouc'a hualca lołpimaye tipai'i'me Lataiqui' loya'apa ike al c'a lixic'epa ŁanDios. Tifel'miyale'me. Lapimaye tihuejcona'me. ³¹ ¡Tołpo'nołe cuenna! Ałcołpa afane' camats' jilpiya lołpiya'. Ma capa'a itine ipuqui' cajoqui, anuli anuli aixc'ai'i'molhuo'. Afane' camats' tołta'a lai'ejma'. Aimolimenc'eco'me.

³² 'Cunc'aipimaye, itsiya capo'no'i'molhuo' limane ŁanDios. Caxa'hue ti'etsolhuo' cuenna. Joupa nu'ipolhuo' te ts'i'ic' lipicuejma' ŁanDios. Iłque titoc'ilhuo', tipaxnelhuo'. Aimolimenc'eco'me ike lainu'ipolhuo'. Iłque tepi'i'molhuo' cołpujfxi tolihuejle, tołta'a tołapenufta lapi'iyacolhuo' ŁanDios. Ma' anuli lał'iyaconga' jahuay illanc' i'huexi iłque.

³³ 'Iya' ma capa'a jilpe lołpiya' ailopa'a cai'epa. Aicaijanaca nij naitsi li'oro ni liplata ni lipijahua'. ³⁴ Imanc' joupa ołsina' ai'ecopa canic' iłna'a laimane'. Tołta'a nulijcopa lałpepajnya, iya' y laipimaye lałejmalepa. ³⁵ Aimuc'i'molhuo' imanc' tonł'ete canic' jouc'a. Tołtoc'itsola' lołpimaye petsi aimi'iya mulijyacu łotejacu. Aimuc'i'molhuo' toł'nujuaisle litaiqui' lałPoujna Jesús, ticua: "Ja'ni tepi'intso', linca tixoc'i'mo' meta. Xonca tixoj'ma meta ja'ni tocula'."

³⁶ Tołta'a lipalaic'opola' Pablo. Lijou'ma exc'onłhuołai'me anuli lapimaye. Ijoc'i'ma ŁanDios. ³⁷ Lapimaye ijolij'me juaiconapa. Ipulc'o'me Pablo, ituc'o'me. ³⁸ Ixhuełco'me juaiconapa ike limipola': "Aimalsingonayacołtsi". Ecanumf'etsa cane quicuaisa al barco.

21

¹ Alpo'nopola' quilituca' lałpimaye, altsulfołaiconapá al barco, ałepá lija łamats' Cos. Lihuequi litine ałepá łamats' Rodas, ti'hua ałeyi, alcuaitsa liłya' Pátara. ² Jiłpiya tipa'a anuli al barco cotseya łamats' Fenicia. Illanc' altsulfołaipá jiłe al barco, ałepá. ³ Lijou'ma alahuelojm'me loxa camane copa'a łamats' Chipre. Ma ti'hua ałeyi. Alcuaitsa łamats' Siria, liłya' Tiro. Jiłpe tipo'nota łaitay liłaic' al barco. Illanc' ałepá łamats'. ⁴ Alahuela' lapimaye iłne ts'ilihuequi Jesús, alsim'mola'. Iłne imi'me Pablo limipola' cal Espíritu Santo. Timiyi:

—Aimo'hua'ma liłya' Jerusalén.

Jiłpe Tiro alcolponga' acaitsi quitine. ⁵ Lijoupa lan caitsi quitine ałenapá, altsulfołaiconapá al barco. Lapimaye jouc'a liłpenoye jouc'a liłnaxque' alacantumf'ehuo'monga' cane. Lałcuaitsa lema quiliłya', lema caja, alaxc'onłhuołaipá, alłoc'iyi ŁanDios. ⁶ Lijoupa alsc'aitsonapá, altsulfołaiconapá al barco. Lałpimaye ipailinanca, iyena'me liłejut'li.

⁷ Alipalunca liłya' Tiro alcuaitsa liłya' Tolemaida. Alpo'nonapá al barco. Jiłpe Tolemaida alnontsola' lapimaye. Anuli litine almanenca pe lomana'. ⁸ Lihuequi litine alpalconanca, alcuaitsa liłya' Cesarea. Alłsehuo'me lejut'ł Felipe. Jiłpe almanc'aletsa. Iłque Felipe anuli lan caitsi quintoc'iyalepá lan apóstole mimana' iłniya Jerusalén. Itsiya, jiłpe Cesarea, tuya'e' Lataiqui' loya'apa iłe al c'a liłpic'epa ŁanDios. ⁹ Timana' amalujxi linaxque' cahuats'la a'i quilemane. Iłne aprofeta. Tuya'ayi lołpic'epa ŁanDios. ¹⁰ Jiłpiya almajm'me axpe' quitine. Anuli litine icuaitsi anuli cal profeta qui'huayomma łamats' Judea. Iłque cuftine Agabo. ¹¹ Iłoc'huaiyumma pe lałmana'. Iłonc'e'epa Pablo liłi'ecoyoxi. Iłi'eco'moxi quilituca' li'mitsi' limane', ticua:

—Cal Espíritu Santo tuya'e' lo'e'enyacu liłpoujna iłta'a xinidoł. Ticua: “Lan xanuc' judío nomana' liłya' Jerusalén pe aimi'huaiyijnyi lałPoujna Jesús ti'nołta, tifi'eta, titats'eta. Ticufta ticuaita liłmane locuenaye xanuc' iłne a'ij judío.”

¹² Lałcuejpá lonespa Agabo alsa'huepá Pablo, almiyi:

—¿Te cof'huacoya Jerusalén? Aimo'hua'ma.

¹³ Pablo alłalai'eponga', alminga':

—Imanc', ¿te colłolijcopa? Tonł'e'eyi aca'hua łainunxajma'. Alłcuanac'e ca-jou'neya laipenic'. Al'nołintsi, alłfi'entsi, alłtats'entsi, o alłma'antsi, iya' jounpa aixpic'epa laif'eya. Canant'li'ma laipenic' lalapi'ipa lałPoujna Jesucristo.

¹⁴ Tama liłhui'iyi, alłpalaic'oyi Pablo, iłque aimicua. Aiquipai'i lipicuejma'. Lijoupa al-ch'ixconaponga'. Almiyi:

—Ne', ti'ila' ma to liłpic'epa lałPoujna.

¹⁵ Lijoupa lałmajmpa jiłpiya alłcaj'menapá łalitay, alipalunca, ale'me lane Jerusalén. ¹⁶ Alejmale'me hualca lapimaye ts'ilihuequi Jesús, iłne lun Cesarea. Alłeco'monga' lejut'ł anuli łapima, jiłpe almanc'aleta. Iłque łapima cuftine Mnasón, łas Chipre. Litine lan xanuc' ipango'me ihuej'me Jesús, iłque Mnasón jouc'a tihuequi.

¹⁷ Lałcuaitsa Jerusalén tixoqui quileta lapenuf'monga' lapimaye. ¹⁸ Lihuequi litine illanc' jouc'a Pablo ale'me alahuejntsa lałpima Jacobo. Jiłpiya efołya locuenaye lapimaye iłne nołpijpá lataiqui'. ¹⁹ Pablo inom'mola'. Iłpalaic'o'mola', u'i'mola' li'epa jiłpe pe lomana' locuenaye xanuc' a'ij judío. Anuli anuli li'ipa u'i'mola'. U'i'mola' li'epa ŁanDios mipa'a Pablo pe lomana' iłne lan xanuc', muya'e' Lataiqui' loya'apa iłe al c'a liłpic'epa ŁanDios. ²⁰ Iquimf'e'me limipola' Pablo. Ix'najtsi'i'me ŁanDios, timiyi:

—Ima' oxina' timana' axpej mil laf'as xanuc' judío ti'huaiyijnyi laPoujna Jesucristo. Jahuay ihniya ti'hua tenant'hiyi licuxepa Moisés. ²¹ Ihne icuejpa lonescopo' ima'. Ticuanni: Ima' tahuengila' laf'as xanuc' judío nomana' hilemats' locuenaye xanuc', tomuc'ila' tipai'ite lihpicejma', aimihuejcona'me Moisés, aimi'econa'me circuncidar lihnaxque', aimihuejcona'me ihniya lahtatahueló li'ejma'.

²² 'Itsiya, ¿te ca'eyacu? Lan xanuc' ticuej'me ocuai'ma fa'a. Tixtulecu. ²³ Lu'i'mo' lof'eya. Tohta'a to'e'ma.

'Jifa'a pe laimana' timana' amalujxi lan xanuc' joupa epi'ipá cataiqui' LanDios. ²⁴ Toleco'mola'. Ihniya tenant'hita licuxepa Moisés, tixintsola' alimpio LanDios. Ima' jouc'a tanant'hita. To'najtse'etola' lotsufcoyacu, ihe lotsufcoyacu ai'a tisuaf'im'mola' lijuac. Tohta'a lan xanuc' ti'i'ma quilsina' a'ij linca ihe lataiqui' lonescopo'. Timetsaico'mo' ima' tanant'hi licuxepa Moisés.

²⁵ 'Lapimaye a'ij judío joupa ihsina' lo'eyacu. Joupa alumme'epola' quilje'e, almpola':

“Imanc' aimotte'me lixic' litsufcompola' landiosla'. Aimotte'me lajuats'. Aimotte'me lihpixic' ihe linneja lixnajmpola' cajuats'. To'etsotsi cuenna, aimotsuico'mola' ocuenaye cacal'no', ma le'a lo'penoye.”

²⁶ Icuaitsi lihuequi litine Pablo ileco'mola' lan malujxi lan xanuc'. Enant'hi'me to licuxepa Moisés, i'ipola' limpio. Lijou'ma Pablo itsufai'ma al cuecaj xoute', u'i'ma la'ailli' te quitine tixhuaita lataiqui' licupa. Tijoula' tixhuaiti, anuli anuli ihniya titsufcota LanDios.

²⁷ Tehue'e' ahuata tixhuaita lan caitsi quitine, Pablo i'hua'ma al xoute'. Hualca lan xanuc' judío quiyoyomma lamats' Asia ixim'me jilpiya. Ixtulencia. Ipalaic'om'mola' lan xanuc' nomana' jilpe al xoute'. Ihne jouc'a epat'itsi lihpicejma'. Lun Asia i'no' me Pablo. ²⁸ Tija'ayi, timinnila' lan xanuc' nomana' al xoute':

—Cunc'alpimaye, cunc'ixanuc' Israel ohtatahuelo, jaltoc'itsonga! Itca'a cal xans latets'inga' illanc' ninc'ijudío, tetets'i locuxepa Moisés, tetets'i itta'a al cueca' xoute'. Ni petsi lotsepa tohta'a lomuc'iyalepa. Itsiya xonca acueca' li'epa. Fa'a al xoute' itsufai'e'mola' lan xanuc' griego, ihe pe aimimetsaicoyi LanDios. Tohta'a ixismepa itta'a al paxi cajut'.

²⁹ Ihne nocuapá tohta'a joupa ixinimpola' tiyelocoyi jilpe liya' Pablo y Trófimo. Itque Trófimo agriego, qui'huayomma liya' Efeso. Tohya lan xanuc' ticuayi ihe itsehuo'me al cuecaj xoute'. Ticuayi: “Pablo itsufai'ehuo'ma Trófimo”. A'ij linca itta'a lonespa. ³⁰ Lan xanuc' ni petsi lomana' liya' epat'itsi lihpicejma'. Aits'ico'mola', efot'le'moltsi, i'no' me Pablo, exal'me, ipa'a'me luna xoute'. Eti'ina'me lipuerta al xoute'. ³¹ Lan xanuc' judío tehueyi te co'ia mima'ayacu Pablo. Jilpe tipa'a anuli lincuxepa aromano, ticuxela' imbamaj maxnu lisoldado. U'i'me, timiyi:

—Jahuay liya' Jerusalén tummule lihpicejma'.

³² Lincuxepa aiquico'ma. Efot'le'mola' lan soldado jouc'a lihcapián, ileco'mola' pe lopa'a Pablo. Lixim'me icuaitsa lincuxepa jouc'a lisoldado, ihe nontafpá Pablo etec'o'me ihe lo'epa, aimuntafconayacu. ³³ Lincuxepa iloc'huai'ma pe lopa'a Pablo, i'no' ma. Icuxe'e'mola' lisoldado tifi'ecole limane' acadena catejma', anuli anuli limane. Lijou'ma icuis'e'mola' lan xanuc' timila':

—¿Naitsi itca'a cal xans? ¿Te qui'epa?

³⁴ Lan xanuc' jilpe lefoya ipango'me ija'a'me. Ocuenta ocuenta locuapa. Juaiconapa tija'ayi. Lincuxepa aimicueca li'epa Pablo. Icuxe'e'mola' lisoldado tilecole al cuecaj cajut', ihe lilejut' lan soldado pe locuanajyoyaco'itsi.

35-36 Icuaitsa jilpe lof'ajyompa lajut'l lan soldado ipul'me Pablo, ipo'nof'i'me lihsaye. Tohta'a i'hua'a'me al toncay, unlu'e'me petsi ilne lanxpela' xanuc' lihuej'me, ilne naixtulepá tija'ayi, ticuayi:

—¡Tima'ante! ¡Tima'ante!

37 Icuaitsa al toncay. Titsufai'e'me Pablo jilpe lajut'l. Pablo ipalaic'o'ma hincuxepa, timi:

—¿Lapi'i'ma lane capalaic'o'mo'?

¿Lincuxepa italai'e'ma, timi:

—¿Te topalaijma agriego? 38 Ima', ¿ja'ni a'i unEgipto? Joupa ixhuaita axpe' quitine, ¿ja'ni ima' otsahue'e'mola' lan xanuc' afuli'itsonga' illanc' ninc'iromano? Ilne amalpuj mil inma'ahuale, ¿te ima' oleco'mola' pu'hua pe ailopa'a quilya'?

39 Pablo timi:

—Iya' a'i. Iya' ninxans judío. Aipajnyota liya' Tarso jilpe lamats' Cilicia. Ai ni naitsi quilya' ilne laipiliya'. Itsiya caxa'huehuo' lapi'ila' lane capalaic'o'mola' lan xanuc' fa'a.

40 Lincuxepa epi'ipa lane. Pablo ecax'ma al toncay al huajm'ma' lof'ajyompa lajut'l. I-ch'ixc'eco'mola' limane lan xanuc' tiquimf'ele. Ipango'ma ipalaic'o'mola' lihtaiqui' ilne lan xanuc', ilne a'hebreo. Timila':

22

1 —Cunc'ixanuc', cunc'aipimaye, jouc'a cunc'aitatá, atquimf'eta'. Cacuanajco'moxi, catalai'e'ma ilne lafcufcompa.

2 Licuej'me Pablo mipalaic'ola' lihtaiqui' lan xanuc' xonca i-ch'ixco'mola', xonca iquimf'e'me. Timila':

3 —Iya' ninxans judío. Aipajnyota liya' Tarso, lamats' Cilicia. Jifa'a liya' Jerusalén altojyopa. Gamaliel aipomxi, amuc'ipa licuxepa Moisés, ilne lataiqui' laihuejpá lahtatahueló. Iya' ai'e'mola' laic' ilne petsi naihuejpá ituca', ma to imanc' tonh'ela' laic' itsiya. 4 Aitel'mi'mola' ilne ts'ilihuequi lipene Jesús. Ilniya litiné cahuay te caif'eya mima'anyacola'. Ja'ni axanuc', ja'ni acat'no', ai'nof'mola', aitats'e'mola'. 5 Cal cuecaj ca'ailli' jouc'a lan tsilaj xanuc' noxpipjá lataiqui' ilsina' alinca ita'a laifmipolhuo'. Ilniya alni'ipa caije'e loya'apa alimetsaicocola' lafpimaye judío nomana' liya' Damasco. Ti'ila' quilsina' joupa alapi'ipa laimane ca'nohtsola' naihuejpá lipene Jesús, ilne nomana' jilpe liya'. Caf'etsola', ca'hua'ancola' titeh'mintsola' fa'a Jerusalén. Tohta'a nipamma Jerusalén, ai'huapa lane Damasco.

6 'Ma ca'hua lane to menac'o joupa cacuaita liya' Damasco, aixim'ma acueca' lepalc'o' qui'huayomma lema'a. Unts'if'ma jahuay jilpe laifnecaxu.

7 Laixim'ma ilne lepalc'o' necangenni, aixc'uat'lhuaitsi lamats', aicuej'ma alpalaic'o, almi: “Ima' cunSaulo, ¿te catel'micopa?” 8 Aitalai'e'ma, cami: “Maipoujna, ¿naitsi ima?” Almi: “Iya' ninJesús nas Nazaret. Ima' atel'mi.” 9 Latejmale lixim'me jouc'a lepalc'o' ixpailij'mola', aiquicueca ilque lafpalaic'opa. 10 Nicuis'e'ma, cami: “Maipoujna, lu'ila', ¿te caif'eya?” Latepoujna almi: “Totsahuenni, totsufaila' liya' Damasco. Joupa ixpic'empa lof'eya. Jilpe liya' tu'inno' jahuay ita'a.” 11 Ilne laxpaiqui' quepalc'o' al'e'epa ninfo'. Latejmale alaxatpa. Altsufai'e'ma liya' Damasco.

12 'Jilpe liya' tipa'a anuli cal xans cuftine Ananías. Ilque tihuequi al c'a LanDios, tenant'li licuxepa Moisés. Jahuay lan xanuc' judío nomana' jilpiya ticuayi ac'a xans. 13 Ilque Ananías icuaiyunni jilpe laifpa'a, almi: “Maip-ima Saulo, tahuetsalenta”. Aiquicoht'ma, nehuetsalena'ma. Aixim'ma ilque. 14 Almi: “LanDios, ilenDios lahtatahueló, i'huijf'epo' ti'ila' coxina' te ts'i'ic' lixp-ic'epa LanDios. Toliya oximpa ilque lacui'impacal Lijca, ocuejpa lipalaic'opo'.

15 Ima' topalaic'otola' lan xanuc' nomana' fa'a li'a lamats', cua naitsi lñnación topalaicota ñque, to'itola' ñe loximpa locuejpa. 16 Itsiya aimicołcona'mo'. ¡Totsahuenni! Tojoc'ila' lałPoujna Jesús. Tepo'intso'. Tołta'a ti'itso' limpio. Tetufqueno lojunac'."

17 'Aicuaicona'ma fa'a Jerusalén. Capa'a al cuecaj xoute', ma cajoc'i' LanDios i'huapa laipicuejma', 18 aiximpa lałPoujna, alpalaic'o, almi: "Aimicoł'mo'. Taipanni fa'a liya' Jerusalén. Jifa'a aimepenufnyaco'. Aimiquimf'eyaco' lañescoya." 19 Aitalai'e'ma, cami: "MaiPoujna, ¿te calatets'icoya? Lan xanuc' nomana' fa'a alimetsaijma. ñsina' iya' aitsehuo'ma lajut'li pe lafołyomma lałpimaye judío. Ai'noł'mola' ñne ts'ihuejhuo', aitats'e'mola', nuntafej'mola'. 20 Jiłpe litine mima'anni Esteban, ñque loya'apa lotaiqui', iya' cacaxu jiłpe, cahuelonge, ca'ay cuenna liłpijahuati ñne noma'apá. Ma' anuli lałpicuejma' iya' y laif'as xanuc', ñne noma'apá Esteban." 21 ñque lałpalaic'opa almi: "Taipanni fa'a. Cummehuo' to'huał' aculi'. To'hua'ma pe lomana' locuenaye lan xanuc', ñne a'ij judío."

22 Lan xanuc' liquimf'e'me Pablo linespa: "Almi: To'hua'ma pe lomana' locuenaye xanuc', ñne a'ij judío", ixtulencia nulemma. Ipango'me ija'a'me ujfxi, ticuayi:

—¡Tima'anle! ¡Tima'anle! Juaiconapa ixçay ñque cal xans. Aimipajncona'ma jifa'a li'a lamats'.

23 Ti'hua tija'ayi, teca'niyi liłpuquiya, tejuaf'yi lepi' camats', teca'naf'iyi al tonçay. 24 Lincuxepa icuxe'e'mola' lisoldado titsuflai'ete Pablo jiłpe lajut'ł al fortín. Icuxe'ma titsimafquinle, ticuis'ete, timiñe: "¿Te co'epa?" Ja'ni aimalai'e' titsimafconle. Ticua: "¿Te qui'epa ñque cal xans? Lan xanuc', ¿te caixtuc'ocopa?" 25 Ifi'e'me titsimafquinle. Pablo ipalaic'o'ma anuli cal capitán tecaxijnya jiłpe liju', timi:

—Imanc' aicołsina' ja'ni tipa'a laijunac' o a'i. ¿Te ti'hua lołmane altsimaf'ma iya'? Iya' ninciudadano romano.

26 Licuej'ma ñta'a linespa Pablo cal capitán i'hua'ma u'itsi lincuxepa, timi:

—Ñque cal xans aciudadano romano. ¿Te ma altsimaf'me?

27 Lincuxepa icuaitsi pe lopa'a Pablo, timi:

—Lu'ila', ¿te ima' unciudadano romano?

Timi:

—Iya' ninciudadano romano.

28 Timi:

—Iya' ai'najtsepa acueca', tołta'a lapi'impa caije'e loya'apa: "Ñca'a aciudadano romano".

Pablo timi:

—Iya' aipajncota ninciudadano romano.

29 ñne notsimafyacu Pablo ñlojim'me pe lopa'a. Lincuxepa ixpaijma, ticua: "Ñque cal xans aciudadano romano. Iya' aifi'ecopa acadena catejma'. ¿Te alçufta o aimalçufya?"

30 Lihuequi litine umme'mola' lapaluc' tipalaic'ontsola' lixanuc' cal cuecaj ca'ailli', jouc'a lan tsilaj xanuc' noxpipá lataiqui', timintsola' tefołunca. Uhuatc'e'ena'ma Pablo licadena catejma'. ñleco'ma pe lefołya ñne lan xanuc'. Ticua: "Pablo tu'itola' ñniya te ts'i'ic' li'epa. Tołta'a ti'i'ma caixina' nulemma te caixtuc'ocopa lif'as xanuc' judío, te cocufcopa."

23

1 Pablo ehuelojm'mola' al c'a ñne lan tsilaj xanuc' nocutshuołanna jiłpe lefołya, timila':

—Cunc'aipimaye, jahuay laipepajnya cacua: ¿Te ts'ipic'a ËanDios ca'etla'? Li'ipa toŧta'a ai'ejma', itsiya ti'hua ca'ay.

² Cal cuecaj ca'ailli' Ananías icuxe'e'mola' nacaxoŧanna jilpe pe lacaxu Pablo, timila':

—¡Tolunaf'e'ete lico!

³ Pablo timi:

—Ima' titeŧ'mi'mo' ËanDios. A'ijc'a lopicuejma'. Ti'onŧcospo' to ni naitsi caitaŧ ilanc'ecompa le'a amats', ma li'e'empa afujca. Jilpe tocutsu to cal juez. Ima' tipa'a lopenic' lu'ila' ja'ni nenant'lipa licuxepa Moisés o ai'epa quixcay. Itsiya ima' aimanant'hi licuxepa Moisés, tocuxe alunaf'e'enŧa'. Ai' toŧta'a licuxepa Moisés.

⁴ Jilpe nacaxoŧanna timiyi:

—Hque cal cuecaj ca'ailli'. ¿Te cofmicopa quixcay cataiqui'?

⁵ Pablo timila':

—Cunc'aipimaye, iya' aicaixina' ja'ni ilque cal cuecaj ca'ailli'. Linca aixina' al Paxi Linilngiya alu'inga': “Aimopalaico'ma quixcay nocuxepolhuo”.

⁶ Pablo imetsaico'mola' ilne lan xanuc', ixina' te ts'i'ic' liŧpicuejma'. Ixina' hualca asaduceo, locuenaye afariseo. Ipalaic'o'mola' ujfxi, ticuejle jahuay nomana' jilpe, timila':

—Cunc'aipimaye, iya' ninxans fariseo. Cai'ailli' jouc'a afariseo. Iya' laifnespa ma' anuli to lonespa laif'as fariseo. Iya' cacua: Timaf'ina'me limanapola'. Toliya laif'huaiyijncopa aŧcuxecopa.

⁷ Licuej'me toŧta'a licuapa Pablo, lan xanuc' fariseo jouc'a lan xanuc' saduceo ipango'me ifuli'i'moŧtsi cataiqui'. Ixtuc'o'moŧtsi. I'e'e'moŧtsi onŧca jilpe lefoŧya. ⁸ Linca ilne lan xanuc' a'ij nuli liŧpicuejma'. Ticuayi lan xanuc' saduceo: “Ai. Aimimaf'iconayacu limanapola', aimitsoliconayacu. Ailopa'a capaluc quema'a, jouc'a ailopa'a espíritu.” Lan xanuc' fariseo ticuayi: “Timaf'ina'me limanapola”. Jouc'a ticuayi: “Timana' lapaluc' quema'a jouc'a timana' lan espíritu”.

⁹ Lan xanuc' jilpe lefoŧya tummulecola'. Tija'ayi, tijaic'oyoŧtsi. It-solinca hualca lomxiye nomuc'iyalepá licuxepa Moisés, ilne axanuc' fariseo. Ehuaico'moŧtsi cataiqui' lan xanuc' saduceo, timinnila':

—Illanc' aŧcuayi ilque cal xans ailopa'a qui'epa. Te ja'ni anuli cal 'espíritu, o anuli lapaluc quema'a ipalaic'opa.

¹⁰ Epat'ŧconŧsi xonca liŧpicuejma' ilne lan xanuc'. Tixtuleyi juaiconapa. Ixpaij'ma lincuxepa. Ticua: “Ja'ni ti'noŧte Pablo, tits'aletsuf'me”. Umme'ma anuli lapaluc pe lomana' lisoldado, timitsola' ticuaiyunca pe lopa'a Pablo, tipa'ale liŧpujfxi texaŧ'me Pablo, tiŧonc'e'e'me pe lomana' ilne lan xanuc', tileco'me al fortín. Toŧta'a i'epá.

¹¹ Iŧe lipuqui' laŧPoujna Jesús icuaiyunni, ecaxingai'ma Pablo, timi:

—Aimixpaij'mo'. Aimoxhueŧmot'le'ma. Jifa'a Jerusalén omipola' lan xanuc' naitsi iya'. Ma' anuli toŧta'a tonesta tocuaitsi al cuecaj quiŧya' Roma.

¹² Liŧic'ejma hualca lan xanuc' judío efoŧunni. Inefo'me. Ticuayi:

—Aŧma'a'me Pablo. Ma quimaf'i' ilque, aimatetsoyacu, aimatŧnayacu. Alanant'hiŧe ilta'a laŧtaiqui'. Ja'ni a'i, jaŧma'atsonga' ËanDios!

¹³ Timana' to oquej nuxans lan xanuc' linefo'me toŧta'a. ¹⁴ Iye'me tipalaic'onŧnola' lixanuc' cal cuecaj ca'ailli', jouc'a lan tsilaj xanuc' noxpipjá lataiqui'. Timinnila':

—Illanc' joupa aŧ'epaj jurar aŧma'a'me Pablo. Ma quimaf'i' ilque illanc' aimatetsoyacu, aimatŧnayacu. Acueca' cataiqui' ilne laŧnespa. Aŧcuayi alanant'hiŧe ilta'a laŧtaiqui'. Ja'ni a'i, jaŧma'atsonga' ËanDios!

15 'Imanc' tolafot'letsotsi jouc'a locuenaye lonlejmale. Tohpalaic'otsa hincuxepa, tohmitsa: "Ahpic'a licuis'econa'me Pablo. Mouqui tolecota fa'a."

'Illanc' alami'moltsi jilpe lane. Alma'ata. Aimicuaiya pe imanc' lo-lafot'leyoyacołtsi. Joupa ałspic'epá lał'eyacu.

16 Li'hua lipima caca'no' Pablo icuej'ma lo'eyacu ihe lan xanuc'. I'hua'ma al fortín, itsufai'ma pe lopa'a Pablo, u'i'ma lo'e'enyacu. 17 Pablo ijoc'i'ma anuli cal capitán, timi:

—Tolecoła' iłca'a łamijcano pe lopa'a hincuxepa. Tipa'a lomiya.

18 Cal capitán ileco'ma łamijcano, itsufai'e'ma pe lopa'a hincuxepa, timi:

—Pablo łitats'iya fa'a, ałjoc'ipa, ałsahue'epa, ałmipa: "Tolecoła' iłca'a łamijcano pe lopa'a hincuxepa. Tipa'a lomiya."

19 Eincuxepa exat'le'epa limane łamijcano, ijuc'i'moltsi ipalaitsa quiltuca', timi:

—¿Te calmiya?

20 Eamijcano timi:

—Lan xanuc' judío inefopá. Ticuaicu, tixahue'e'mo', timi'mo': "Mouqui toleco'ma Pablo ti'huanni jilpe lafot'leyoyacołtsi. Ahpic'a licuis'econa'me."

21 Ima' aimoquimf'e'ma lomiyaco'. Aimaihuejco'ma loxahue'eyaco'. Hualca ihniya tipa'necota Pablo jilpe lane. Ihe tixhuaispola' to oquej nuxans lan xanuc' y xonca. Joupa inefopá timiyoltsi: "Alma'ata Pablo. Ma quimaf'i' aimatetsoyacu, aimatnayacu. Alanant'lıe lałtaiqui'. Ja'ni a'i alma'atsonga' LanDios." Ihe ma le'a ił'huaijma ima' tomitsola': "Ne', caleco'ma".

22 Eincuxepa ixc'ai'i'ma łamijcano, timi:

—Ihe lotaiqui' aimo'ita. Nij naitsi nocuejya.

23 Ijoc'i'mola' oquexi' licapitán, timila':

—Imanc' tolafot'le'mola' łolsoldado tonłente liłya' Cesarea. Tonłeco'mola' oquej maxnu noyeyacu lił'mis, oquej maxnu noniyacu liłhanza, afanej nuxans quimbama' nocutsafcaiyacu laihuale. Tolipalcu al pelła 'hora lipuqui'.

24 Tonłecotsola' ocuenaye laihuale, jouc'a Pablo tenafcaita laihuale. Tonł'etsa cuenna, nij tintsi lo'e'enyacu. Ticuaitsi al c'a pe lopa'a cal gobernador Félix.

25 Eincuxepa inił'e'e'ma quije'e cal gobernador, timi:

26 "Iya' ninClaudio Lisias, quinił'ehuo' ima' cun gobernador Félix, ima' umcuecaj xans. Canonhuo'.

27 'Cumme'ehuo' iłca'a cal xans li'nołpa lan xanuc' judío. Ihe coła' tima'a'me. Laicuejpa iya' iłque aciudadano romano ale'me iya' laisoldado, ałcuaitsa pe lopa'a. Iya' nexat'łupa, nunłu'epa. 28 Aipic'a cacuec'eła' te caixtuc'ocopa, te ts'i'ic' locuxecopa. Tołta'a aileco'ma petsi lif'as xanuc' judío, ihe noxpilpá lataiqui'. 29 Jilpe aiximpa iłque Pablo ailopa'a qui'epa, aimi'iya małma'ayacu, ni małtats'iconayacu. Lan xanuc' nocuxecopá ticuayi aiqenant'li lataiqui' lai huejpa ihe.

30 'Lijou'ma alu'i'ma, ałmi: Lan xanuc' judío tipa'necota Pablo jilpe lane, tima'ata. Laicuejpa tołta'a aicalcołi, numme'epo'. Ihe nocuxecopá joupa nu'ipola' tu'itso' te caixtuc'ocopa iłca'a cal xans. Ihe tu'ito'.

"Tołta'a laifmipo'. Icula'apa."

31 Lan soldado i'e'me ma to limipola' hincuxepa. Lipuqui' ileco'me Pablo. Icuaitsa liłya' cuftine Antípatris. 32 Icuaitsi lihuequi litine lan soldado noyepá lił'mis ipailinanca icuainatsa liłfortín lopa'a Jerusalén. Ts'iłhenafcaic' caihuale ileco'me Pablo. 33 Icuaitsa liłya' Cesarea. Ini'i'me lije'e cal gobernador. Jouc'a Pablo icupá, icuaitsi limane cal gobernador.

34 Cal gobernador ixhue'ma al je'e. Lijou'ma icuis'e'ma, timi Pablo:

—¿Pe co'huayomma? ¿Te cuftine łomemats'?

Pablo timi:

—Cai'huayomma lamats' Cilicia.

³⁵ Timi:

—Ne', ticuaiyunca lan xanuc' nocuxecopo' caquimf'e'ma lamia.

Icuxe'ma tileconte jilpe al cueca' cajut'í lilanc'epa cal rey Herodes. Jilpe tipajntsi, ti'ete cuenna.

24

¹ Uyai'ma amaque' quitine. Iye'me al toncay cal cuecaj ca'ailli' Ananías y lan tsilaj xanuc' noxpíjpa lataiqui'. Icuaitsa liya' Cesarea. Ileo'me anuli cal xans nopalaipa nomuxeyalepa, cuftine Tértulo. Ihe ipalaic'o'me cal gobernador Félix, icuf'me Pablo. ² Cal gobernador ijoc'i'ma titsufaiyunni Pablo. Tértulo ipango'ma icuf'ma Pablo. Timi cal gobernador:

—Ima' conFélix, uncuecaj xans. Alcuxenga' juaiconapa al c'a. Tixoqui calata luyalaiyi litine ac'a, ailopa'a tintsi. ³ Ni petsi lomana' laif'as xanuc' judío timetsaicohuo', ticuayi ima' to'ay al c'a. Tix'najtsi'ihuo' íte lof'epa.

⁴ Itsiya aicapalaiyołcoyaco'. Caxa'huehuo' alquimf'eta'. Capalaic'o'mo'oquej fane' lataiqui'. ⁵ Alcuai'me alpalaic'oco'mo' te ts'i'ic' ilca'a cal xans Pablo. Ique acuej quixcay xans. Timenac'ila' lan xanuc'. Ni petsi li'a lamats' pe lomana' laif'as xanuc' judío, ique tenaquila', ti'e'ela' tixtuc'otsołtsi, tifuli'itsołtsi. Ique ípincuxepa lan xanuc' naihuejpa ocuena quireligión. Ihe lacui'impola': Lan Nazareno.

⁶ Jouc'a tetets'i al cuecaj xoute'. Ipic'a ti'e'eta' to ni naitsi cajut'í. Illanc' al'nołpa, coła' altel'mi'me, al'e'e'me ma to licuxepa Moisés. ⁷ Małpe 'hora icuaitsi ique íncuxepa Lisias. Ilecola' lisoldado. Ihe acueca' lipujfxi, alaxic'eponga'. ⁸ Lijou'ma ticua: “Ihe nocuxecopa Pablo tiyele pe lopa'a cal gobernador. Jilpe tu'ita te qui'epa.” Ima' ja'ni taicuis'e'ma Pablo toxim'ma ma' alinca ita'a lalupo'.

⁹ Lan xanuc' judío nomana' jilpe jouc'a ticuxecoyi Pablo, ticuayi alinca lonespa Tértulo. ¹⁰ Cal gobernador ijoc'ico'ma limane Pablo tipalaíta'. Pablo ipango'ma italai'e'ma, timi:

—Aixina' ima' ixhuaita axpega camats' uncuecaj juez jifa'a lamats'. Tołta'a tixoqui neta catalai'e'ma, cacuanajco'moxi. ¹¹ Iya' cu'ihuo' al linca. Ihe laifmiyaco' ima' cotuca' ti'i'ma toxim'ma ja'ni tołta'a li'ipa o a'i.

'Joupa ixhuaita ma le'a imbamaj coque' quitine icuaitsi liya' Jerusalén. Ainexc'onlingaitsi LanDios. ¹² Ihe lałcufpa, ¿te ja'ni alsimpa cafulejma cataiqui'? O, ¿alimpa cafuli'icola' lan xanuc' nomana' jilpe al cuecaj xoute'? O, ¿jilpiya łajut'í pe lafołyomma laif'as xanuc' judío, o małpiya liya'? ¿Ja'ni alsimpa capalaic'ola' lan xanuc', capat'íla' lipicuejma'? A'i. Aica'ay tołta'a.

¹³ Ihiya lataiqui' lałcufcopa aimi'ia milinc'ia. ¹⁴ Ihiya ticuayi iya' quihuequi ituca' cataiqui'. Aimetentocola'. Alinca iya' quihuequi al ts'e cane. Tołta'a laifnihuejcopa LanDios, lilenDios lałtatahueló. Iya' ca'ay linca jahuy loya'apa al Paxi Linifingiya, íte loya'apa litaiqui' Moisés jouc'a loya'apa lam profeta. ¹⁵ Iya' ma' anuli íhe lałcuxecopa al'huaijinyi LanDios, al'huaiyoyi ticuaitsi litine timaf'ina'me limanapola', íhe li'epa al c'a jouc'a li'epa a'ijc'a. ¹⁶ Tołta'a iya' cahuy te caif'eya latentococoyá LanDios. Aica'eyacola' lixcay laif'as xanuc'.

¹⁷⁻¹⁸ 'Litine lałsimpa capa'a al cuecaj xoute', íte litine quite' icuaita jilpe Jerusalén. Joupa axpe' camats' aicaitsec' jilpe. Iya' aitsehuona'ma aitaic' lotoc'iyacola' laif'as xanuc' judío pe aiquil'hueca, catsufcota LanDios. Tołta'a laif'epa jilpe al cuecaj xoute', ainenant'ípa licuxepa Moisés, ai'epoxi limpio. Małe 'hora alsimpa íhe lan judío quiyoyomma lamats' Asia. Iya' nij tintsi caif'epa. Ailopa'a cai'ejma'. Aicafot'íela' lan xanuc'. Nij naitsi naixtupa.

¹⁹ 'Ihne lun Asia nonespá a'ijc'a laif'epa cola' icuai'me fa'a. Ihne quituca' ałcuf'ma. ²⁰ Ja'ni aiquilcuac' ihne, ałcufla' lan judío nomana' fa'a itsiya. Tu'itso' te jale lixcay lai'epa. Ihne joupa ałcuejpa, iłsina' te ts'i'ic' laitalai'e'epola' jilpe pe lafołyomma lan tsilaj xanuc' noxpipjá lataiqui'. ²¹ Linca tipa'a anuli lataiqui' lainespa aiquetenłcocola' ihniya. Ma capa'a cacaxu jilpe lefołya aipalaipa ujfxi, caja'e': "Iya' aixina' LanDios timaf'i'ina'mola' limanapola', tohiya ałcuxecopa imanc', ałcufque itsiya".

²² Cal gobernador Félix ixina' te ts'i'ic' ile lataiqui' lacui'impá Ihe Lane. Timila' ihniya lan xanuc' judío:

—Tipajnlá. Tonłente. Ticuaiyunni łincuxepa soldado, ilque Lisias, caquimf'econa'molhuo'. Caxpic'e'ma laif'eya.

²³ Icuze'e'ma nocuxepola' soldado, timi:

—To'ełá' cuenna Pablo. Tipajntsi lajut'ł. Topalaic'olá'. Aimaixtuc'o'ma. Tapi'itsola' lane ihne limetsaicola' titoc'ile, ja'ni ti'ila' lahue'epa tepi'inłe.

²⁴ Uyaipá łitiné, icuaicona'me Félix jouc'a lipeno cuftine Drusila. Ilque łaca'no' ajudía. Félix icuxe'ma ti'hua'anca Pablo. Icuaitsi. Félix iquimf'e'ma lonespa. Ilque u'i'ma te ts'i'ic' litaiqui' Jesucristo. Timi: "To'huaiyijnla'". ²⁵ Jouc'a timi te ts'i'ic' lo'eyacu lan xanuc' ja'ni LanDios tetenłcoco'ma lo'epa. Ixc'ai'i'ma, timi:

—Tocuxexoxi al c'a. Aimo'econa'ma nixpiya. Ticuaihuo al Cuecaj Quitine. Ihe litine LanDios titeł'mi'mola' lan xanuc' ni'epá lixcay.

Félix ixpaij'ma juaiconapa, timi Pablo:

—Tołe ti'ila'. To'huanłá'. Ticuaitsi ocuena quitine, ja'ni ailopa'a caif'eya, cajoc'iconno'. Tocuaiyoconno fa'a.

²⁶ Félix tipa'a oquej lipicuejma'. Ticua: "Ilque Pablo aga ałmi'ma: Lux'masna'ma, capi'i'mo' cotomí." Tohiya ti'hua tijoc'i', ti'hua tipalaic'o.

²⁷ Uyai'ma oquej camats'. Joupa titsufai'ma ocuena cal gobernador cuftine Porcio Festo. Félix aicux'masqui' Pablo. Ticua: "Ca'e'ma latentłcocola' lan xanuc' judío. Ałnescolá' ihniya, tinesle: Ilque Félix ac'a xans."

25

¹ Festo epenuf'ma lipenic', i'i'ma gobernador. Icol'ma afane' quitine liłya' Cesarea. Lijou'ma i'hua'ma Jerusalén. ² Mipa'a Festo jilpe Jerusalén lixanuc' cal cuecaj ca'ailli' jouc'a lan tsilaj xanuc' judío noxpipjá lataiqui' ipalaic'o'me. Ipalaico'me Pablo li'epa, u'i'me te ts'i'ic' locuxecopa. Ixahue'e'me ti'ełá' latentłcocola' ihniya. ³ Ilpic'a tejac'entsa nulemma Pablo. Timiyi:

—Tocuxetsi Cesarea ticuaiyunni Pablo fa'a Jerusalén.

Ihniya joupa ixpic'epa lo'eyacu. Hualca lan xanuc' temi'mołtsi jilpe lane, tuyaiconni Pablo tima'a'me. ⁴ Festo italai'e'e'mola', timila':

—A'i cacuxeya. Tipanenni Pablo Cesarea. Iya' aimalcolya fa'a. Capaino. ⁵ Hualca imanc' ts'olpenic' ale'me. Ja'ni ilque cal xans i'epa quixcay tołcuxecota pu'hua Cesarea.

⁶ Jilpe Jerusalén Festo icol'ma apaico o imbama' quitine. Lijou'ma i'hua'ma. Icuaitsi liłya' Cesarea. Lihuequi litine ti'ay canic' to cal juez. Icuze'ma tilecontsa Pablo. ⁷ Icuaitsi Pablo iloc'olai'me lan xanuc' judío quiyoyomma Jerusalén, ihne y Festo icuai'me anuli. Icu'f'me juaiconapa. Ticuaiyi:

—Ilca'a i'epa axpe' quixcay. Acueca' li'epa.

Aiqui'ic' quilinc'i' ile locuapa. A'ij linca liłtaiqui'. ⁸ Pablo italai'e'e'mola', timila':

—Aicai'aic' quixcay. Aicainetets'i' lataiqui' lałcuxeponga' illanc' ninc'ijudío. Aicainetets'i' al cuecaj xoute'. Jouc'a aicainetets'i' locuxepa cal cuecaj quincuxepa César. Ailopa'a cai'epa.

⁹ Jilpe lipicuejma' Festo ticua: “Ca'e'ma latentcocoayacola' lan xanuc' judío”. Timi Pablo:

—Ja'ni ima' opic'a tepá Jerusalén. Jilpe caxpic'eta ja'ni o'epa quixcay o a'i.

¹⁰ Pablo timi:

—A'i. Aica'huaya Jerusalén. Iya' ailopa'a cai'e'epola' lan xanuc' judío. Ima' oxina' ihiya. Jifa'a ima' to'ay lopenic' lepi'ipo' cal cuecaj quincuxepa César. Ima' umjuez. Ma fa'a tucuicomma ałcuxeco'ma. Jilpe Jerusalén a'i. ¹¹ Linca ja'ni nixpiya lai'epa, ja'ni joupa nulijpa lamaya, lapi'i'ma cajunac', aicacuanajyacoxi ałma'ala'. Ja'ni mane lafellaiqueya cataiqui' lonespa iłne nałcuxecopa, ailopa'a cał'e'eya iłniya. Cacua: ¡Cal cuecaj quincuxepa César tixanutsi lataiqui' lałcuxecopa lan xanuc' judío!

¹² Festo ipalaic'o'mola' lixanuc', iłniya noxpjipá lataiqui'. Lijou'ma timi Pablo:

—Ne'. Joupa ocuapa: “Cal cuecaj quincuxepa César tixanutsi lataiqui' lałcuxecopa”. Ne'. Cumme'mo', to'huala' pe lopa'a César.

¹³ Uyai'ma hualca litiné icuaiyunca liłya' Cesarea cal rey Agripa jouc'a lipima caca'no' cuftine Berenice. Iłniya ajudío. Ehuejntsa Festo lincuxepa romano.

¹⁴ Icol'mola' jilpiya Cesarea.

Anuli litine Festo ipalaic'o'ma Agripa, ipalaico'ma Pablo, timi:

—Fa'a tipa'a anuli cal xans itats'iya lipo'nopa Félix. ¹⁵ Iya' laitsehuo'ma Jerusalén ałpalaic'ohuo'ma lixanuc' cal cuecaj ca'ailli' jouc'a lan tsilaj xanuc' judío pe noxpjipá lataiqui'. Iłne lu'ipa te ts'i'ic li'epa iłque Pablo. Ałmpa iya' cacani'ełá', cacuxela' tima'anle. ¹⁶ Iya' aitalai'e'e'mola' aimi'mola': “Iłlanc' ninc'iromano aimal'eyi tołta'a. Iłlanc' ałcuayi: Iłque litats'iya jouc'a nocuxecopá ticuaiyunca. Iya' ninjuez. Iya' caxpic'e'ma ja'ni litats'iya i'epa quixcay o a'i, ja'ni tima'anle o lux'masna'me.”

¹⁷ Iłne lan judío icuaiyunca fa'a. Aicaicuejloj'mola'. Lihuequi litine ai'e'ma canic', iya' ninjuez. Aicuxe'e'mola' laisoldado tilecotsa iłque cal xans.

¹⁸ Cacua: “Pablo i'epa acueca' quixcay”. A'i tołta'a li'epa. Iłne nocuxecopá ituca' micufcoyi, a'i to laifcuapa iya'. ¹⁹ Tixtuleyi, ticuayi: “Iłque aiquihuequi lałreligión”. Ticuayi joupa imanapa cal xans Jesús, Pablo ticua imaf'i'. ²⁰ Iłe lofulecopa lataiqui' aicaicueca. Aicaixina' te quixcay li'epa Pablo. Tołta'a cami: “Ja'ni ima' opic'a tepá Jerusalén. Jilpiya caxpic'eta ja'ni o'epa quixcay o a'i.” ²¹ Pablo aiquicuac'. Ticua: “Cal cuecaj quincuxepa César tixanutsi iłe lałcuxecopa”. Toliya aicuxe'ma tipanenni fa'a. Tijoułá' cumme'ma, ti'huala' pe lopa'a César.

²² Agripa timi Festo:

—Iya' aipic'a caquimf'ełá' lonespa iłque cal xans.

Festo timi:

—Mouqui toquimf'e'ma.

²³ Lihuequi litine Agripa jouc'a Berenice etej'mołtsi juaiconapa al c'a. Icuaiyunca pe locutsuya Festo, ti'ay lipenic' ajuez. Iyejmale'me lincuxepá soldado romano jouc'a lan tsilaj xanuc' jilpe liłya' Cesarea. Festo icuxe'ma tilecontsa Pablo.

²⁴ Lijou'ma, Festo ipalaic'o'mola' iłniya lefołya jilpiya, timila':

—Ima' conrey Agripa, jouc'a jahuary imanc' cunc'ixanuc' nołmana' fa'a, camilhuo' li'ipa.

'Jahuary lan xanuc' judío nomana' fa'a jouc'a nomana' liłya' Jerusalén ałsahue'epa cacani'ełá' iłca'a cal xans Pablo. Małca'a lołahuelojmpa itsiya. Iłne lan judío mihui'iyi tija'ayi, ałmi: “Ima' tocuxela' tima'anle.” ²⁵ Iya' aiximpa ailopa'a qui'epa. Aimi'iya małma'ayacu. Małque quituca' ticua: “Cal cuecaj quincuxepa César tixanutsi lałcuxecopa”. Tołta'a aixpic'epa cumme'ma,

ti'huała' pe lopa'a César. ²⁶ Ticuicomma quinił'e'ma quije'e César, titai'ma Pablo. ¿Coła' ti'ila' caixina' iya' te ts'i'ic' laifninił'eya łaipoujna César! Itsiya aicuxepa tilecontsa fa'a. Aipic'a tołquimf'ele jahuay imanc'. Xonca' aipic'a toquimf'ela' ima' conrey Agripa. Ima' lu'i'ma te li'epa Pablo. Tołta'a ti'i'ma caixina' te ts'i'ic' laifnu'iya César, ti'i'ma quinił'e'ma quije'e.

²⁷ 'Iya' cacua: Ja'ni cumme'ma pu'hua ilca'a litats'iya ticuicomma cu'ila' te ts'i'ic' li'epa. Ja'ni a'i, aimi'iya cummeya. Añesco'ma iya' namac'ta xans.

26

¹ Agripa ipalaic'o'ma Pablo, timi:

—Capi'i'mo' lane. Ima' ałtalai'e'ma.

Pablo inij'ma limane. Ipango'ma italai'e'ma Agripa, timi:

² —Conrey Agripa, cax'najtsi'ihuo' juaiconapa ima' lapi'ipa lane catalai'e'mo'. Itsiya cacuanajco'moxi jahuay ilne lałcufpa lan xanuc' judío. ³ Tixoqui neta catalai'e'mo'. Aixina' ima' limetsaiconga' lał'ejma' illanc' ninc'ixanuc' judío, jouc'a taimetsaijma lañespa. Itsiya caxa'huehuo' ałquimf'ela'.

⁴ 'Iya' ma namijcano anuli laif'as xanuc' judío aluyalaicopá lapajnya liłya' Jerusalén. Jiłpe lai'ejma' jounpa ilsina' jahuay ilniya lan judío. ⁵ Ilne axpe' camats' alimetsaijma. Ti'i'ma tuya'a'me te ts'i'ic' lai'ejma', ja'ni ilpic'a tuya'ałe. Alimetsaijma iya' ninfariseo, nihuequila' ilne lan fariseo nocuapá: “İllanc' xonca lanant'iyi locuxepa Moisés”.

⁶ 'Lałtatahueló i'huaico'me LanDios ti'e'ma ma to limipola'. Iya' jouc'a ca'ay linca ilte lataiqui' lałmiponga' LanDios. Tołiya cacaxu fa'a ałcuxecompa. ⁷ Lał'as xanuc' judío, ilniya ixanuc' limbamaj coquexi' lałtatahueló, itine ipuqui' mix'najtsi'iyi jahuay ilunxajma', mexc'onlingołaiyi LanDios, jahuay ilniya ti'huaicoyi tenant'ila' ilte lataiqui'.

'Conrey Agripa, iya' jouc'a ca'ay linca linespa LanDios. Cacua: Jounpa enant'hipa ilte lataiqui'. ⁸ Camilhuo': ¿Te cołcuacoyacu LanDios aimi'iya mi-maf'i'inayacola' limanapola'?

⁹ 'Li'ipa iya' jouc'a cacua ticuicomma cateł'mitsola' juaiconapa ilne ts'ilihuequi Jesús łas Nazaret. ¹⁰ Tołta'a lai'epa capa'a liłya' Jerusalén. Lixanuc' cal cuecaj ca'ailli' lapi'ipa laimane. Axpela' ilne li'huexi LanDios ai'nico'mola' lacarza. Iya' jouc'a laif'as judío ałcuf'mola' ilne ts'ilihuequi Jesús. Lałspic'epá te lał'e'eyacola' iya' cacua: “Ne', ne', tima'antsola”.

¹¹ Iya' laitsehuo'ma jiłpe lajut'li pe lafołyomma laif'as xanuc' judío ja'ni aixim'mola' ilniya ts'ilihuequi Jesús aiteł'mi'mola'. Ma canaic'mila' camila': “Ne', tonesc'ela' cataiqui' ilque Jesús”. Ilne lapi'ipa acueca' coyac'. Quihuetsouquila' ni petsi lomana'. Ca'hua aculi' ilte lołya'.

¹² 'Icuaitsi litine ca'hua'ma liłya' Damasco. Cahuetola' ts'ilihuequi Jesús. Lixanuc' cal cuecaj ca'ailli' jounpa lapi'ipa laimane, ałni'ipa laije'e. Lapi'ipa lane iya' caxpic'e'ma laif'eyacola' ilniya. ¹³ Conrey, ałquimf'ela' ma cu'ilhuo' lał'ipa. Iya' ca'hua lane. To menac'o aixim'ma anuli lepalc'o' qui'huayomma lema'a. Nulemma alulif'epa. Tocomma to cal 'ora, xonca tunts'ifi. Jouc'a ulif'e'mola' lałejmale.

¹⁴ 'Jahuay lacangołenca łamats'. Iya' aicuej'ma ałpalaic'o. Tipalay lałtaiqui' illanc' ninc'ijudío. Ałmi: “ConSaulo, ¿te cateł'micopa, calihuetsoyopa? Ima' cotuca' toteł'miyoxi. To miteł'mi'moxi cal huacax ja'ni aimicueca lanacompa al puya, ma tołta'a toteł'miyoxi ima', aimałcueca.” ¹⁵ Iya' cami: “Maipoujna, ¿naitsi ima'?” Ilque ałmi: “Iya' ninJesús. Ima' aiteł'mi. ¹⁶ Itsiya tot-sahuenni, tacaxla'. Iya' aicuaicoco'ma pe lołpa'a capi'itso' copenic'. Ima'

to'e'ma laipenic'. To'itola' lan xanuc' itsiya ałsimpa. Tijoula' ałsingona'ma, xonca camuc'i'mo'. Ihiya jouc'a to'itola' lan xanuc'. ¹⁷ Iya' ca'e'mo' cuenna. Cunlu'e'mo' lo'e'eyaco' lof'as xanuc' judío. Cumme'mo' to'huala' pe lomana' locuenaye lan xanuc', iłne a'i judío. Jiłpe jouc'a cunlu'eto' lo'e'eyaco'. ¹⁸ Itsiya iłniya tocomma afohue, aiquiłsina' al c'a cane. Ima' taxi'etola' lił'u'. Itsiya tocomma amuf liłpicuejma'. Ima' tapalc'o'itola'. Tołta'a tipai'i'me liłpicuejma', aimicuxeconayacola' Satanás, ma ŁanDios ticuxe'mola'. Al'huaiyijm'ma iya'. Tołta'a ŁanDios timenc'e'eco'mola' li'epa a'ijc'a, tilaitsufcotola' anuli jahuay lixanuc', iłne pe limetsaicopola' i'huexi.”

¹⁹ 'Conrey Agripa, iłe laixim'ma lałmuc'ipa ŁanDios, iya' nihuejco'ma lałmi'ma. ²⁰ Ate'a jiłpe liłya' Damasco nu'i'mola' tixhuej'menanca, tipai'iłe liłpicuejma' tihuejcole ŁanDios, timujle ja'ni joupa ixhuej'memma. Lijou'ma ma' anuli lainu'iyalepa liłya' Jerusalén jouc'a locuenaye iłelolıya' pe lomana' lałf'as xanuc' judío.

'Lijou'ma nu'i'mola' locuenaye xanuc', iłne a'ij judío. ²¹ Iłe laif'epa ai-quetenłcocola' laif'as xanuc' judío. Ałixtuc'opa. Capa'a jiłpe al cuecaj xoute' ał'noi'ma, ehue'me te co'ıya małma'aya. ²² ŁanDios ałtoc'ipa, ałcuanajcopa. Tołta'a ti'hua cu'iyale litaiqui'. Ja'ni lan tsilaj xanuc' o a'ij tsila', ma' anuli cu'ila' iłe laiximpa. Laifnespa ma' iłtaiqui' Moisés y lam profeta. Ocuena o ituca' cataiqui' aicanesma. Małniya Moisés y lam profeta uya'apá lo'ıya, ticuayi: ²³ “Cal Cristo titełco'ma, tima'am'me. Tijoula' timaf'ina'ma, ti'ila' cal te'a pe aimimaconaya. Tołta'a tu'i'mola' lałf'as xanuc' judío, jouc'a tu'i'mola' locue- naye xanuc' a'ij judío, timi'mola': ŁanDios tepalc'o'i'molhuo' lołpicuejma'.”

²⁴ Pablo tołta'a ticuanajcoyoxi. Festo icuej'ma litaiqui'. Ipalaic'o'ma ujfxi, timi:

—Pablo, tocomma to mamac'ta. ¿Te copalaicopa tołta'a? Ima' acueca' oxhuepa, iminscopa lołpicuejma'.

²⁵ Pablo timi:

—ConFesto, ima' maigobernador, iya' a'i namac'ta. Jouc'a laifnespa a'i camac'ta cataiqui'. Laifnuya'apa ma le'a al linca. ²⁶ Cal rey Agripa ixina' te ts'i'ic' iłe lataiqui', małe laifnespa, tixoqui neta capalaic'o iłque. Ixina' jahuay li'ıpa. Acuajmaica li'ıpa iłe laifnescopa, a'ij ch'ixca.

²⁷ 'Conrey Agripa, ¿te ima' to'ay linca liłtaiqui' lam profeta? Iya' aixina' ima' to'ay linca iłe lataiqui'.

²⁸ Agripa timi:

—¿Te cofcuapa? ¿Te tocuca: “Nihuata, Agripa jouc'a tihuej'ma Jesús to illanc' ninc'icristiano”? Ima' tocuca aiquipime iłiya.

²⁹ Pablo timi:

—Ja'ni ipime o aiquipime aicaixina'. Cacula: A'i ma le'a iya' ima' conrey Agripa ti'ila' tołta'a anuli lałpicuejma', ¡ŁanDios titoc'itsolhuo' jahuay imanc' nałquimf'epa, ti'ila' anuli lałpicuejma', ał'onłtsonga'! Linca iłta'a lałfiyiya al cadena catejma' aimał'onłspa tołta'a.

³⁰ Itsolinca cal rey jouc'a cal gobernador, jouc'a Berenice, jouc'a iłniya nocutsingolanna jiłpe. ³¹ Ipalnanca. Tipalaic'oyolłsi, ticuayi:

—Iłque cal xans aiqui'aic' quixcay. Aimi'ıya malacani'eyacu, aimi'ıya małtats'econayacu. ¿Te cal'eyacu?

³² Agripa ipalaic'o'ma Festo, timi:

—Aimi'ıya malux'masyacu iłque cal xans, joupa icuapa: “Iłe lataiqui' lałcufpa tixanutsi cal cuecaj quincuxepa, iłque César”. Ja'ni a'i tołta'a linespa, lux'masna'me.

27

¹ Lijou'ma ixpic'em'me tumme'me Pablo ti'huała' łamats' Italia. (Jilpe liya' Roma tipa'a cal cuecaj quincuxepa César.) Ixpíc'em'me ałeco'me abarco. Icuxem'me ti'huała' anuli cal capitán lipuftine Julio, ti'etsola' cuenna Pablo y locuenaye litats'ila'. Iłque Julio łocuxepola' lan soldado lacui'impola': Lisoldado cal cuecaj quincuxepa César.

² Ałtsulfołai'me anuli al barco qui'huayomma liya' Adramitio. Ie al barco ipainamma ticuaita jilpe lipiła'. Tuyaicota łiteloła' łamats' Asia, łniya lomana' łema caja. Ałejmale anuli łapima cuftine Aristarco. Iłque łas Macedonia, lipiła' Tesalónica. Ałepá. ³ Lihuequi litine ałcuaita liya' Sidón. Cal capitán Julio ac'a lipicuejma'. Ixim'ma cuanuc' Pablo, epi'i'ma lane, timi:

—To'hua'ma tahuejntola' lopimaye. Ja'ni tehue'ehuo' łne tepi'ito'.

⁴ Lipanni al barco jilpe Sidón, łahua' ałtalecufponga'. Luyalaicopá liju' camats', jilpe loxa camane copa'a al isla łamats' Chipre. Jilpe aimalpa'nenga' łahua'. ⁵ Ałeyi łaja łema camats' Cilicia, jouc'a łema camats' Panfilia. Ałcuaita liya' cuftine Mira jilpe łamats' Licia.

⁶ Jilpiya cal capitán ixim'ma anuli al barco qui'huayomma liya' Alejandría, ti'hua'ma łamats' Italia. Cal capitán ałtsufai'eponga'. ⁷ Ie łalbarco ti'hua panca panca. Uyai'ma axpe' quitine. Afule małcuaiyacu huejnca liya' Gnido. Lijou'ma łalbarco aimi'hua łjca lipene. Aimi'iya. Juaiconapa ułfxi ti'hua łahua'. Aluyalaicopá huejnca łamats' isla Salmón. Jilpe liju' Creta aimi'hua ułfxi cahua'. ⁸ Ti'hua ałeyi huejnca łamats'. Afule małcuaiyacu pe lacui'impala lan C'a Puerto. Jilpe al puerto a'ij culi' liya' Lasea.

⁹ Juaiconapa ałcołponga' al puerto. Joupa uyaipa al cuecaj quitine. Ie litine lan judío tixnet'łyi, aimitetsoyi. Ałsina' ticuaihuo łoyac' cahua', al barco aimi'huaya al c'a. Pablo ipalaic'o'mola' nocuxepá al barco, ¹⁰ timila':

—Cunc'ixanuc', aimi'iya maluyalaayacu. Łaja tejac'e'ma łalbarco jouc'a łitay tejac'ma. Aga illanc' ninc'ixanuc' jouc'a ałma'monga'.

¹¹ Cal capitán aiquiquimf'e locuapa Pablo. Iquimf'e'mola' xonca locuapa cal piloto jouc'a łipoujna al barco. ¹² Axpela' locuenaye xanuc' noyepá jilpe al barco ticuayi:

—¡Ałena'me!

Ticuayi aimi'iya muyalaicoyacu łaxita quitine jilpe al puerto. Xonca łłpic'a tiyente, ticuaita liya' Fenice, jilpe timajnta mi'i'ma łaxita. Ie Fenice apuerto, jilpe łamats' isla Creta. Jilpe aimi'hua łoyac' cahua'. Ti'hua łahua' qui'huayomma loque' liju' lopo'nof'caispa cal 'ora.

¹³ Lixim'me ti'hua panca panca łahuaj sur, łne ts'łpic'a tiyente ticuayi: “Tsiya łınca ałlopa'a tintsı. Ałcuaita liya' Fenice.” If'ac'ena'me al cumta catejma' ancla. Ałepá. I'hua'a'me al barco huejnca łema caja, jilpe al isla Creta. ¹⁴ Aiquicołi icuaiyunnı łujfxi cahua'. Iłque łahua' cuftine: Li'huayomma liju' laipammaiyomma cal 'ora. Ułfxi, ułfxi luntafquina'. Ti'hua tocomma ucuiłna. ¹⁵ Iłque łahua' ummetsai'ma al barco. Aimi'i mi'hua łjca. Łałsim'me aimi'iya maluyalaiconayacu, ałcuayi:

—Ie al barco tixinła' pe cotseya. Łahua' tummetsay.

¹⁶ Luyalaico'me łema caja jilpe anuli łamats' isla cuftine Clauda. Jilpe aimi'hua cułfxi cahua'. Al barco exalı anuli laca'huaj canoa. (Ti'ıla' lo'iya al cuecaj barco ałtsulfołai'me al canoa, luntı'e'mołtsı.) Ie laca'huaj canoa afule mał'nołyi. ¹⁷ Exałaf'me, itsufai'enapá al cuecaj barco. Lijou'ma ifi'e'me al cuecaj barco. Ifi'eco'me ułfxi cocuis licu'u lixpula, xonca tixnet'łqui. Tixpailiquila', ticuayi: “Ti'hua ułfxi łahua', aga tummetsai'ma al barco, ałcuaita

jilpe lintuhuale cuixa cuftine Al Sirte”. Exaľna'me ijuisna'me al cuecaj lixal ilanc'ecompa jahua'. Al barco ti'hua mummetsay ľahua'.

¹⁸ Lihuequi litine ľahua' ľaja ujfxi titeľ'minni ľalbarco. Ticuayi: “Aľscua'ale al barco, aľ'e'ete huata lipicumta”. Ipango'me eca'ni'me ľitaic' al barco. ¹⁹ Joupa uyaipa oque' quitine, ilne no'epá canic' jilpe al barco eca'ni'me ľi'huexi al barco. ²⁰ Joupa ixhuaita axpe' quitine aiqui'huáqui cal 'ora, ni lipuqui' aiqui'huáquila' lan xamna. Ti'hua ujfxi ľahua'. Aľcuayi: “Aicalsina' ja'ni ľunľul'me o a'i.”

²¹ Ixhuaita axpe' quitine aimitetsoyi lam marinero. Pablo ecaxingaitsola', timila':

—Cunc'ixanuc', maľmana' ľamats' Creta joupa aimipolhuo': “Aimolipa'a'me al barco fa'a”. Aimipolhuo': “Aľmanenca”. Imanc' aicalcuec'e. Joupa aľteľcopá, joupa ľajac'epá acueca'.

²² 'Itsiya iya' cu'i'molhuo': Aimolľueľmot'ľe'me. Nij naitsi najac'ya lipitine. Al barco ľinca tejac'na'ma. ²³ Lipuqui' i'huamma pe ľaifpa'a anuli ľepaluc ŁanDios. Iľque ŁanDios aiPoujna, ainihuequi. Łapaluc quema'a lacaxingaipa ľainiju'. ²⁴ Aľmipa: “CumPablo, aimixpaij'mo'. Łinca tocuaita petsi cal cuecaj quincuxepa César. ŁanDios epi'ipo' loxahue'epa. Tuntľu'e'mo'. Jouc'a tuntľu'e'mola' jahuay lonľejmale nomana' al barco.”

²⁵ 'Camilhuo': Aimolľueľmot'ľe'me. Iya' ca'huaiyinge ŁanDios. Ma to ľaľmipa toľta'a ti'i'ma. ²⁶ Łinca ľaja alaca'ni'monga' anuli ľamats' isla.

²⁷ Joupa ixhuaita imbamaj malpu' quitine ma luyalaiyi ľaja Adria. Lipujfxi cahua' ľummetsaiyinga'. Li'i'ma to nolojmay quipuqui' lam marinero ticuayi:

—Tipa'a ľamats' ahuejnca.

²⁸ Ixpicuf'me lipitoqui ľaja. Ixpicuf'ma anuxans quimbama' acamts'us metro. Iyecona'me nihuata, ixpicuf'cona'me. Lipitoqui ľaja ixpicuf'ma anuxans caitsi metro. ²⁹ Ixpailij'mola', ticuayi:

—Ja'ni aľcuai'me pe lopa'a lan tsilaj capic' ilne ľapic' teteľ'me al barco.

Ecajm'mi'me amalpuj lan cumta catehuaijma' ancla ijungila' lixpulaj barco emuyi'mola' cuixa. Ipanenni jilpe al barco. Ticuayi: “Aimicoľ'ma tiľic'eľa”.

³⁰ Lijou'ma lam marinero ehue'me te co'iya mipalyacu al barco. Ticuayi: “Alunľu'e'moltsi illanc' caľtuca'. Aľcuaita ľamats'.” Tocomma tecajm'mi'me locuenaye lan cumta catehuaijma' ancla jilpe lopa'a ľijuac al barco. Ma le'a tifeľ'miyi. Tecajm'miyi ľaja laca'huaj canoa. ³¹ Pablo tixina lo'epa. Timila' cal capitán jouc'a ľisoldado:

—Timanenca iľniya pe ľaľmana', jifa'a al cuecaj barco. Ja'ni tiyeľe iľniya imanc' aimolunľulyacu.

³² Lan soldado etej'me ľocuits' pe ľifiyicoya laca'huaj canoa. Itai'ma ľaja. ³³ Ma ľiľic'ejma Pablo ipalaic'o'mola' jahuay nomana' jilpe al barco. Tixa'huela', timila':

—Joupa ixhuaita imbamaj malpuj quitine imanc' oľ'huaijma, toľcuayi: “¿Te caľ'iyaconga'?” Aicoľtesma. ³⁴ Itsiya caxa'huelhuo' toľtetsoľe. Ja'ni a'i tima'molhuo'. Aimolľueľmot'ľe'me. Aimejac'ya ni anuli ľijuac toľjuac.

³⁵ Lijou'ma lines'ma toľta'a Pablo epeľ'ma ľa'i. Miquimf'eyi jahuay lan xanuc' tix'najtsi'i ŁanDios. Ixquej'ma ľa'i, ipango'ma ite'ma. ³⁶ Lan xanuc' aim-ixhueľmot'ľe'cona'me, itetso'me. ³⁷ Jahuay illanc' ľaľmana' al barco aľsuaisponga' oquej maxnu afanej nuxans quimbama' camts'us. ³⁸ Lijou'ma ľinajntsola' lam marinero ecajm'mi'me ľaja ľaitaj trigo. I'i'ma xonca axnoica al barco.

³⁹ Joupa i'ipa quitine. Ixim'me huejnca ľamats'. Aiquilimetsaijma te jale camats' jilpiya. Jilpe ľema caja iximpá anuli lotsufaicompa. Ixpice'me lo'eyacu, ticuayi:

—Altsulfolai'me jilpe lotsufaicompa. Tipa'a pangay cuixa. Ailopa'a capic.

⁴⁰ Ux'mas'me lan cumta catehuaijma' ancla. Ine imanenca al 'ocay laja. Lixala' ine a'ec lopa'a loquej liju' al barco etec'e'me lifi'icoya, ti'ete canic', ti'hua'ma al hijca al barco. I'nof'e'me laca'hua quixał quijahua', ite lopa'a lijuac al barco. Tołta'a xonca ac'a ti'hua'ma. Ti'hua'ayi al barco jilpe lotsufaicompa, ticuaitsi lema caja. ⁴¹ Icuaitsi pe lopa'a oquej cal panay. Jilpe tipa'a axpe' cuixa. Al barco ipanenni. Ipa'ne'ma cal cuixa. Italijm'ma lijuac. Litsilo laja tuntafqui lixpula' al barco. Ipango'ma ixquetsuf'ma. ⁴² Lan soldado ticuayi: —¡Alma'a'mola' nulemma lan xanuc' litats'ila! Ja'ni a'i tiquie'me laja', ticuaitsa lamats' tinulnata.

⁴³ Cal capitán aimicua. Ipic'a tunłta' Pablo. Timila' lisoldado:

—A'i. Aimolma'a'mola'.

Alcuxe'eponga' lał'eyacu. Alminga' jahuay lałmana' al barco:

—Ja'ni oksina' mołcafołaiyi, imanc' ate'a tolacajm'mitsołtsi laja, tonlecole laja, tołcuaitsa lamats'. ⁴⁴ Ja'ni aicołsina' mołcafołaiyi, tonle'me ma to lo'iya. Tomile lałmale' o ni naitsi hualca caxma lopa'a al barco, tonlecole laja, tołcuaitsa lamats'.

Tołta'a lał'epa. Jahuay alunłulpá. Alcuaitsa lamats'.

28

¹ Lałcuaitsa lamats' i'i'ma calsina' ite a'isla cuftine Malta. ² Lan xanuc' nomana' jilpe imuj'mołtsi ac'a xanuc'. Lapenufponga'. Uncue'e'me lunga, alminga':

—Jifa'a tolapat'letsoltsi.

Ticui lacui, ti'i caxita juaiconapa. ³ Pablo efot'le'ma laiquijule c'ec', ix-anaf'i'mola' lunga. Jilpe lan 'ec' tipa'a anuli lainofal. Ixim'ma quinu' ipanni, icayai'e'e'ma limane Pablo. ⁴ Lixim'me lainofal tijujnya limane Pablo, lun Malta ticuayi:

—Iłque acuecaj inma'ahuale xans. Tama unłupa laja itsiya tima'ma. Tipa'a anuli No'eya al hijca. Iłque ummepa lainofal tima'ala' cal xans.

⁵ Pablo unaf'ma limane. Lainofal ecanc'aitsi lunga. Pablo ailopa'a qui'i'ma.

⁶ Lun Malta tehuelojnyi Pablo. Ił'huaijma te co'iya. Ticuayi:

—Iłque lica'apa lainofal tifu'ma o aimicołya tima'ma, tecangehuo.

Ti'hua tehuelojnyi. Lixim'me ailopa'a qui'i'ma, ipai'i'me liłpicuejma', ticuayi:

—¡Iłque a'ij xans, ma' andios!

⁷ Petsi lałcuaitsa jilpe emats' cal xans locuxepa al isla. Iłque cal xans aromano, cuftine Publio. Alapenufponga' lejutł. Jilpe almanenca afane' quitine.

⁸ Qui'ailli' Publio textafque. Tepi'i quinu', i'huajcopa oyaic' cajuats'. Pablo itsufai'ma jilpe lonouya lałcuana. Mijoc'i' LanDios ipo'nof'i'ma limane lałcuana, ixal'mena'ma. ⁹ Lijou'ma icuaitsa ocuenaye lałcuallay nomana' jilpe al isla. Pablo ixal'mena'mola' jouc'a.

¹⁰⁻¹¹ Ine alš'najtsi'inga'. Acueca' alapi'iponga'. Afane' mut'la ixhuaitsi małmana' jilpe. Małpe ipanenni anuli al barco qui'huayomma liłya' Alejandría. Ite al barco tipa'a laquiseña lilendiosla' lam marinero. Ine landiosla' lan cuatsi, tecui'innila' Cástor y Pólux. Ipanenni al barco mi'i lałxita quitine. I'huaijma ti'ila' ac'a quitine. Litine li'huana'ma illanc' altsulfolai'pá. Lan xanuc' Malta alapi'iponga' lałtaiyacu lałtejacu lane. Alé'pá. ¹² Alcuaitsa al puerto Siracusa. Jilpe alcolponga' afane' quitine.

¹³ Lijou'ma lipalconanca. Alé'pá huejnca lema camats'. Alcuaitsa liłya' Regio. Jilpe alcolponga' anuli quitine. Lihuequi litine ti'hua lałhua' sur. Aléconapá. Lihuequi litine alcuaitsa liłya' Puteoli. ¹⁴ Jilpiya alšimpola' lałpimaye. Iłniya

almiponga' almanenca anuli al xamano malpe pe lomana'. Ixhuaitsi lan caitsi quitine lipalunca, alepá lane lotsepa Roma. ¹⁵ Lapimaye nomana' liya' Roma icuej'me aleyi lane. Ipalunca jilpiya Roma altalecuftsonga'. Hualca altalecufponga' liya' cuftine Foro Apio. Locuenaye al'huaiconga' jilpe pe lacui'impá Lam Fane' Cajut'li Lainunc'empa. Jilpe altalecufpołtsi. Lixim'mola' lipimaye Pablo i'ina'ma xonca acueca' hunxajma', ix'najtsi'i'ma LanDios.

¹⁶ Lałcuaitsa al cuecaj quilya' Roma cal capitán ileco'mola' litats'ila' jilpe pe lopa'a nocuxepola' lan guardia. Ipe epenuf'mola'. Epi'i'me lane Pablo tipajnlá' quituca' anuli lajut'ł. Anuli cal soldado ti'e'ma cuenna.

¹⁷ Lixhuaitsi afane' quitine Pablo ijoc'i'mola' lan tsilaj xanuc' judío nomana' jilpe Roma, ticuaiyunca pe lopa'a. Icuaitsa. Timila':

—Cunc'aipimaye, ailopa'a cai'e'epola' laif'as xanuc' judío, aicainetets'ila' lałtatahueló li'ejma'. Tama tołta'a lai'ejma' lan judío al'nołpa jilpe Jerusalén. Alcupa icuaitsi liłmane lan xanuc' romano. Altats'iya. ¹⁸ Iłniya lan romano alicuis'mot'łepa te quixcay cai'epa. Icuej'me ailopa'a cai'epa. Iłpic'a lux'masnała'. Aimi'iya małma'aya. ¹⁹ Lan xanuc' judío ticuayi aimalux'masquim'ma. Tołta'a aicua'ma: “Caxahue'eta cal cuecaj quincuxepa César alsanu'etsonga' lataiqui’”. Linca ailopa'a caifcufyacola' laipimaye judío, ma le'a aipic'a alsanu'etsonga'. ²⁰ Tołiya aijoc'i'molhuo' imanc' unc'aipimaye judío tołcuaiyunca fa'a. Cagua: Limetsaicotsoltsi, alpalaic'o'moltsi. Linca illanc' ixanuc' Israel ma' anuli al'huaiyijnyi LanDios ti'e'ma ma to licuapa. Ma tołta'a ca'huaiyinge, tołiya al'nołimpa, itsiya capa'a alfiyiya iłta'a al cadena catejma'.

²¹ Iłne lan xanuc' judío timiyi:

—Lałpimaye judío nomana' lamats' Judea aicalinił'enga' całje'e, aicalu'inga' ja'ni ixcay lof'epa. Ni lałpimaye licuai'me fa'a aiquicufhuo'. Acalu'inninga' ja'ni ima' o'epa quixcay o'a'i. ²² Illanc' alpic'a alcuejtso' lofnesya. Lan xanuc' ni petsi nomana' tipalaicoyi iłiya lomihuequi. Ticuayi iłe ixcay.

²³ Iłne ixpic'epá te quitine ticuaiconacu. Tiquimf'econa'me lonesya Pablo.

Lixhuaitsi iłe litine icuaiyoconanca pe lopa'a Pablo axpela' lan xanuc' judío. Muica litine imanenca jilpiya. Icuaitsa al puqui'ya, iyena'me lummuhuijma'. Pablo tu'ila' te ts'i'ic' licuxejma LanDios, iłque cal Cuecaj Rey. Ti'nujuaitsi'ila' te ts'i'ic' litaiqui' Moisés, jouc'a ti'nujuaitsi'ila' te ts'i'ic' liłtaiqui' lam profeta. Imuc'i'mola', ipalaico'ma Jesús.

²⁴ Hualca epenuf'me limi'mola' Pablo. Locuenaye aiquilepenufi.

²⁵ Tifuli'iyoltsi cataiqui'. Hualca ticuayi:

—A'i, a'ij linca.

Ipango'me ipalanca. Pablo u'icona'mola' anuli lataiqui'. Timila':

—Al linca iłe lonespa cal Espíritu Santo, iłe limipa cal profeta Isaías. Iłque imi'mola' lałtatahueló, timila':

²⁶ To'huala' pe lomana' iłne lan xanuc', tomitsola':

Tołquimf'e'me, ti'hua tołquimf'eyi, aimołcuejyacu.

Tolahuelojm'me, ti'hua tolahuelojnyi, aimołsinyacu.

²⁷ Iłne lan xanuc' liłpicuejma' i'ipaj ta.

Tama tipa'a liłs'mats'i', afule micuejyi.

Ixpoł'mipa lił'u'.

Ja'ni cołá' aimi'e'me tołta'a tixingo'me lił'u', tiquimf'eco'me liłs'mats'i',

lataiqui' titsufai'ma liłpicuejma', alcuec'e'ma.

Tipailinacu, titsulfołaina'me al c'a cane,

tijoułá' caxał'mena'mola', quifonc'e'ena'mola' liłjunac'.

Toŋta'a loŋ'ejma' imanc', aicoŋcuc'e. ²⁸ Itsiya ti'ila' coŋsina' lo'ipa. Lataiqui' loya'apa te ts'i'ic' alunŋu'e'monga' LanDios, maŋe lataiqui' jounpa ummempa pe lomana' locuenaye xanuc', iŋne a'ij judío. Iŋniya linca tihuejco'me.

²⁹ Pablo ijou'ne'ma iŋe limipola' lan xanuc' judío. Iyena'me iŋniya. Juaiconapa tifuli'icoyoŋtsi cataiqui'.

³⁰ Pablo ipajm'ma oquej camats' jipe lajut'ŋ lo'najcufpa. Axpela' lan xanuc' tihcuaispá tehuejnyi. Epenuf'mola' jahuay. ³¹ Tu'ila' te ts'i'ic' licuxejma LanDios, iŋque cal Cuecaj Rey. Aimixpaiqui. Tipalaijma ŋaŋPoujna Jesucristo. Timuc'ila' lan xanuc' litaiqui'. Ailopa'a nocuanac'eya.

LIJE'E SAN PABLO LINIË'EPOLA' LAPIMAYE LEFOT'ËPOËTSI LIËYA' ROMA

¹ Iya' ninPablo ca'ay lipenic' ñaPoujna Jesucristo. ËanDios aÿjoc'ipa, aÿmi: "To'huaña' toya'atsi Lataiqui' loya'apa ñe al c'a lixpïc'epa ËanDios". Toña'a iya' nin'apóstol. Mañe laipenic' lalapi'ipa ËanDios. ² Luyaipa quitiné lam profeta uya'a'me ñe laifnuya'apa iya'. Jiñpe al Paxi Linihingiya jounpa inihijmpa linespa ñniya. ³ Lataiqui' loya'apa ñe al c'a lixpïc'epa ËanDios tipalajma hi'Hua ËanDios. Mañque ñaPoujna Jesucristo, ñque i'epoxi xans. Lipajnta fa'a li'a ñamats' cal rey David itatahuelo. ⁴ Jouc'a imujpoxi i'Hua ËanDios. Imujpoxi ituca' lipicuejma', ailopa'a quixcay. Toña'a ËanDios imetsaicopa i'Hua. Lijounpa limapa, ËanDios i'epa al cueca', imaf'i'ina. ⁵ Ma' ñque ñaPoujna aÿpaxneponga', alapi'iponga' laipenic', illanc' ninc'apóstole, epaluc' Jesucristo. Ni petsi lomana' lan xanuc' pe aimimetsaicoyi ËanDios illanc' aÿpalaic'ocola' Jesucristo, lu'ila': "Tolapenufle Lataiqui' loya'apa ñe al c'a lixpïc'epa ËanDios, tolihuejcoñe". ⁶ Jouc'a imanc' li'ipa aicolimetsajma ËanDios. Itsiya jounpa olimetsajma, Jesucristo jounpa ijoc'ipolhuo'.

⁷ Iya' ninPablo quiniñ'elhuo' imanc' noñmana' jiñpe al cuecaj quita' Roma. Imanc' ñinca ËanDios ti'elhuo' capic'a, ijoc'impolhuo' ti'itsolhuo' ma' i'huexi. ËanDios cañ'Ailli', y ñaPoujna Jesucristo, titoc'itsolhuo', tipaxnetsolhuo', tipac'e'etsolhuo' loñpicuejma'.

⁸ Ate'a' cax'nañtsi'i ËanDios, ñque ñainenDios. Ma ca'nujuaitsilhuo' jahuay imanc' cax'nañtsi'i li'e'epolhuo' Jesucristo, imanc' jounpa oñ'huaiyijmpá. Cax'nañtsi'i ni petsi li'a ñamats' tuya'anni, tipalaicolhuo' imanc' loñ'huaiyijmpa. ⁹ Itine itine ca'nujuaitsilhuo' imanc'. Ma capalaic'o ËanDios cami: "Totoc'itsola' ñne laipimaye nomana' Roma". ËanDios ixina' ma' al ñinca ñe laifmipolhuo'. Mañque ËanDios aiPoujna. Jahuay laipicuejma' ca'ay lanic' lalapi'ipa. Cuya'e' Lataiqui', loya'apa ñe al c'a lixpïc'epa ËanDios. Mañe Lataiqui' tipalajma hi'Hua ËanDios.

¹⁰ Ma capalaic'o ËanDios caxahue'e, cami: "Lapi'ila' lane cahuenñtsola' lapimaye nomana' Roma. Ja'ni mouqui, ja'ni mouqui pitsu, ma lapi'ila' lane, ca'huaña'. Añtoc'ila' cacuaitsi." ¹¹ Acueca' cajanaca caxintsolhuo', catoc'itsolhuo'. Aipic'a tolapenufle xonca loñpufxi, ñe lalapi'iponga' cal Espiritu Santo. Tifa'e'etsolhuo' nulemma loñpicuejma'. ¹² Iya' cacua: Imanc' y iya' añ'huaiyijnyi Jesucristo. Cacuaitsi jiñpe añmajnta anuli. Añtoc'itsoñtsi, añsc'ai'itsoñtsi, lixp'i'itoñtsi calata.

¹³ Cunc'aipimaye, ti'ila' coñsina' aipic'a ca'huaña' jiñpe pe loñmana', cahueñtsolhuo'. Axpe cacuanc'e, aimi'i. Ocuenaye quita'loña' pe lomana' lan xanuc' a'ij judío jounpa nu'ipola' Lataiqui' loya'apa ñe al c'a lixpïc'epa ËanDios. Aitoc'ipola'. Itsiya aipic'a catoc'itsolhuo' imanc' jouc'a. ¹⁴ Iya' aixina' ËanDios lummepa cu'itsola' Lataiqui' jahuay lan xanuc', ñniya a'ij judío. Ja'ni lun griego, ñne noñhuepá acueca' o ja'ni ocuenaye lan xanuc' pe aimixhueyi; petsi acueca' quita'picuejma', petsi a'ij cueca' quita'picuejma', jahuay cu'itola'. ¹⁵ Toñiya, juaiconapa cajanaca ca'huaña' jiñpe Roma, cu'itsolhuo' jouc'a imanc' ñe Lataiqui'.

¹⁶ Iya' aicatay calaic'ata. Ni petsi lomana' lan xanuc' cu'itola' ñe Lataiqui' loya'apa ñe al c'a lixpïc'epa ËanDios. Petsi no'huaiyijmpá Lataiqui' jahuay ñniya tixim'me acueca' lo'epa ËanDios, ñque tunñu'e'mola'. Toña'a iximpá ate'a lan xanuc' judío, itsiya jouc'a tixinyi lan xanuc' a'ij judío, ñne lun griego.

¹⁷ Jilpe Lataiqui' alsinyi te ts'it'ic' ilne petsi lapenufpola' LanDios, tixinnila' to ailopa'a quijunac'. LanDios tepenufila' ilniya no'epá linca linespa LanDios, ilne pe ti'hua ti'huaiyijnyi, ma to micua al Paxi Linilngiya loya'apa, ticua:

Cal xans no'huaiyijmpa tulijta lipitine,

LanDios iximpa to ailopa'a quijunac', tepenufi.

¹⁸ LanDios Nopa'a lema'a joupa almuc'iponga' tixtuc'ola' lixcay xanuc', ilne pe aimixpaic'eyi. Ilniya jilpe lipicuejma' ilsina' te ts'it'ic' al linca, ilsina' naitsi ilque LanDios. Tijoula' xonca ilpic'a ti'ete lixcay. Tofta'a tetets'iyi al linca, ti'eyoitsi to aiquilsina'. ¹⁹⁻²⁰ Ilne lan xanuc' ti'i'ma timetsaico'me LanDios te ts'it'ic' li'ejma'. Fa'a li'a lamats' i'huáqui tipa'a LanDios. Maŕque timujyoxi. Toŕiya ilniya no'epá quixcay aimi'iya minesyacu: "Aicaŕtaic' cajunac'. Aicaŕsina' naitsi LanDios." Linca aimi'iya malahuelojnyacu LanDios. Lahuelojnyi lilanc'epa lopa'a li'a lamats'. Tofta'a limetsaicoyi ilque ma' anDios. Ma' ilque ticuxe, aimijouya licuxejma'.

²¹ Ilne lan xanuc' lijoupa li'ipa quilsina' naitsi LanDios aiquilimetsaijma anDios, aiquilcuac'. Aiquils'najtsi'i. I'ipa muf lipicuejma', tihuejyi ituca' cataiqui', ilne a'ij linca. ²² Ticuayi: "Illanc' acueca' laŕpicuejma'". A'ij linca ilne lonespa. I'e'epoitsi camac'ta. ²³ Ipai'i'moŕtsi lipicuejma', ipo'no'me LanDios. Ilque ma' anDios, ilque ti'hua imaf'i, aimimaya. Ilne tilanc'eyi lilendiosla', ilna'a lo'onŕcospola' to liŕf'as xanuc' pe nomayacola'. Jouc'a tilanc'eyi lilendiosla' lo'onŕcospola' to lacaŕ'hui naiyulpá lema'a, jouc'a lo'onŕcospola' to linneja, jouc'a lo'onŕcospola' to lainofat'ŕ.

²⁴ Li'ipa tofta'a LanDios enajpoxi pe lomana' ilne lan xanuc'. Ipo'no'mola' quiltuca'. Ma tihuejle lojanajpa. Ti'ete nixpiya, tixhuicotsoltsi, tetets'itsoŕtsi. ²⁵ Ilne tifel'miyoltsi. Aimihuejyi LanDios, ma' ilque cal Nuli CanDios. Tihuejyi ocuenaye candiosla'. Texc'onŕingolaiyi pe lilanc'empa, ticuayi: "Ilne linca alandiosla'". Aimihuejyi ilque Lilanc'epa jahuary. Ma' ilque laxc'onŕingolai'me. Ocuena ailopa'a. Ni itsiya ni Locuena Quitine mi'iya. Ma tofta'a ti'ila'. Amén.

²⁶ Ilne ipo'nopá quituca' LanDios. Lijou'ma ilque jouc'a enajpoxi, ipo'nopola' quiltuca', tenant'ile liŕxujc'a. Lacaŕ'no' ipai'i'moŕtsi li'ejma'. Aimi'eyi to joupa lixp'epa LanDios. ²⁷ Jouc'a lan xanuc' ipai'i'moŕtsi li'ejma', aimixhuicocona'me lacaŕ'no'. Juaiconapa ijanaj'moŕtsi, ixhuico'moŕtsi liŕf'as xanuc'. Pangay nixpiya i'e'me. Ilne linca timenaquila'. Lijou'ma itel'mi'mola' al cuana. Ixingufco'me te ts'it'ic' lateŕcoya petsi no'epá tofta'a.

²⁸ Ilne ixpic'epá timenc'ecole LanDios, toŕiya etelquemma lipicuejma'. LanDios enajpoxi pe lomana' ilne lan xanuc'. Ipo'nopola' quiltuca', ti'ete lixcay, ti'ete nixpiya. ²⁹ Lipicuejma' i'ipa ma le'a a'ijc'a. Tixpic'eyi ti'ete al xujc'a. Lan xanuc' tehueyi quilecaŕ'no', jouc'a lacaŕ'no' tehueyi quixanuc'. Aime-tenŕcocola' hiŕ'hueca, ti'hua tehueyi xonca. Tixpic'eyi ti'ete lixcay. Ti'ehualeyi laic'. Tima'ahualeyi. Tifulecoyi cataiqui'. Tifellaiqueyi. Tehueyi lo'e'eñyacola' liŕf'as xanuc', ti'entsola' quixcay. Tixahualeyi. ³⁰ Tipalaicoyi quixcay cataiqui' liŕf'as xanuc'. LanDios tetets'ila' lo'epa ilna'a. Titalai'e'ecoyi quixcay liŕf'as xanuc'. Ti'e'eyoŕtsi tsila'. Tivalaiyi atsila' cataiqui'. Tehueyi te xonca co'eyacu, ti'ete quixcay xonca. Aimicuec'eyi quil'ailli', quil'máma'. ³¹ Aiquilsina' mixhuicoyi lipicuejma'. Aimentant'iyi liŕtaiqui' licupa. Aimi'nujuaisyi lipimaye. Aimixinnila' acuanuc'la. ³² Ilne ilsina' te ts'it'ic' al hijca lixp'epa LanDios. Ilsina' ilque tecani'e'mola' ilniya no'epá tofta'a. Tama ilsina' aimixpaic'eyi. Ma ti'hua ti'eyi nixpiya. Jouc'a tixojma quileta ja'ni locuenaye tihuej'me lixcay lo'epa.

2

¹ Ima' conxans nomecani'epola' lof'as xanuc', linca ima' jouc'a tipa'a lo-junac'. Aimi'iya mocuanajcoyacoxi. Ma macani'ela' locuenaye jouc'a ima' ma' anuli to'ay quixcay. Tocua: “Linca LanDios titef'mi'mola' ilne no'epá quixcay”, jilpe topalaicoyoxi ima' cotuca'. ² Jounpa alsina' LanDios alijca titef'mi'mola' lan xanuc' no'epá ilta'a lixcay, tecani'e'mola'. ³ Ima' tacani'ela' lof'as xanuc' ma mo'ay quixcay. ¿Te cofcuapa? ¿Ja'ni tocua: “LanDios aimaltef'miya”? ⁴ O ¿ja'ni tatets'i LanDios mipalaic'ohuo'? Ilque aimixtuc'ohuo', tixnet'iqui ilne lo'ejma'. ¿Te aicocueca ilne li'ejma' LanDios? Ilque ipic'a toxhuej'menni, aimo'econa'ma quixcay. Toliya aimixtuc'ohuo'.

⁵ Linca, ima' aicocueca. Axna lopicuejma'. Aimoxhuej'memma. Ma mi'hua tuyaf'que lof'epa quixcay, jouc'a tuyaf'que xonca lipoyac' LanDios. Ticuaitsi al Cuecaj Quitine toxim'ma acueca' lipoyac' LanDios. Imanc' nof'epá quixcay tofta'a toftsim'me. Ilque cal Cuecaj Juez ti'e'ma al hijca. ⁶ Ma to li'epa lan xanuc' ma tofta'a ti'i'ma ilne lapi'iyacola' LanDios. ⁷ Timana' ihniya nonespá: “Tilajnlá' lafpicuejma', ti'ila' to lipicuejma' LanDios. Alimetsaicotsonga' to ixanuc'. Lapenuftsonga', almajntsa anuli pu'hua, aimalmaconnonga'.” Petsi tofta'a nonespá ti'eyi al c'a, aimixospola'. LanDios tepi'i'mola' al ts'e lipitine, ilne aimijouya. ⁸ Ituca' lapenufyacu ilne naihuejpa' quituca' lojanajpa, ilne aimihuejyi al Linca Cataiqui'. LanDios tixtuc'o'mola', titef'mi'mola'. Acueca' lipoyac' LanDios tixim'me ihniya. ⁹ Jahuay ihniya no'epá lixcay titef'co'me acueca', acuecaj quixhuejma' tixinguf'me. Linca tofta'a lo'enyacola' lan xanuc' judío jouc'a locuenaye xanuc'. ¹⁰ Petsi no'epá al c'a, LanDios timetsaicotola' jounpa ilajmpa lipicuejma'. I'ipa to lipicuejma' LanDios. Timetsaicotola' ixanuc'. Aimixhuef'coconayacu. Tofta'a linca lo'iyacola' lan xanuc' judío jouc'a locuenaye xanuc'.

¹¹ LanDios tixinnila' anuli jahuay lan xanuc'. Ja'ni ajudío, ja'ni locuenaye xanuc' LanDios tixinnila' anuli. ¹² Timana' lan xanuc' ailopa'a quilje'e loya'apa locuxepa LanDios. Ilne tama aiquilsina' te loya'apa ilne al je'e, ja'ni ti'eyi quixcay LanDios tecani'e'mola'. Pe ts'isina' ilne al je'e, ja'ni ti'eyi quixcay LanDios timi'mola': “¿Te aicolihuejcojma ilne linihiya loya'apa laifcuxe'epolhuo'?” Ihniya jouc'a tecani'e'mola'. ¹³ LanDios aimepenufyacola' ilne petsi ma le'a tiquimf'eyi Litaiqui' locuxepa. Tepenuf'mola' ilne no'epá locuxepa. Ilne aimicuxecoyacola', tixim'mola' to lan c'a xanuc'. ¹⁴ Lan xanuc' pe a'ij judío, ilne petsi ailopa'a quilje'e loya'apa locuxepa LanDios, ja'ni ti'eyi locuxepa LanDios timujyoftsi jounpa ilsina' te ts'i'ic' al c'a. ¹⁵ Timujyoftsi ilsina' te ts'i'ic' locuxepa LanDios, jilpe lipicuejma' inilingiya. Quituca' ticuxeco'moftsi o ticuanajco'moftsi. Ilne quituca' ilsina' ja'ni a'ijc'a o ac'a lo'epa. ¹⁶ Itsiya lan xanuc' temiya lixcay lo'epa. LanDios jounpa epi'ipa limane Jesucristo, ilque cal Juez. Ticuaitsi al Cuecaj Quitine ilque ti'huac'ina'ma jahuay, ti'huájta. Tofta'a tuyae' Lataiqui' loya'apa ilne al c'a lixplic'epa LanDios, mafta lataiqui' laifmuc'iyalepa iya'.

¹⁷ Itsiya capalaic'o'mo' ima' lof'cuapa: “Iya' ninjudío. LanDios lapenuf'ma. Iya' linca aixina' locuxepa LanDios. Iya' linca quihuequi cal Linca CanDios.” ¹⁸ Tocua: “Aixina' lixplic'epa LanDios. Aixina' te ts'i'ic' al c'a xonca. Almuc'impá locuxepa LanDios, jounpa cacuec'e. ¹⁹ Ma' iya' nipajnya caxa'mola' lan fohue, ilne pe aiquilsina'. Al'onfcospa to anuli lepalc'o', nipajnya culif'e'mola' ihniya petsi amuf lipicuejma'. ²⁰ Nipajnya camuc'i'mola' lamac'ta xanuc'. Iya' linca nomxi. Nipajnya camuc'i'mola' la'úhuay. LanDios jounpa lu'ipa te ts'i'ic' locuxepa. Tofta'a acueca' laipicuejma'. Ma' iya' aixina' al Linca Cataiqui'.”

²¹ Ima' nofcuapa tołta'a, iya' quicuis'ehuo', camihuo': Ima' tomuc'ila' lof'as xanuc', ¿te ima tomuc'iyoxi cotuca'? ¿Te taihuic'i jouc'a ile lofmuc'iyalepa? Ima' toya'e', tocua: “Aimonantse'ma”. Ima', ¿ja'ni tonantse? ²² Ima' tocuxeyale, tocua: “Aimoxhuico'ma lipeno ocuena cal xans”. ¿Ja'ni ima' toxhuijma lipeno ocuena cal xans? Ima' taixtuc'ola' landiosla'. ¿Ja'ni taxic'e'ela' jilpe lihxoute'? ²³ Ima' tocua: “ŁanDios, linca alu'iponga' locuxepa illanc' ninc'ijudío”. ¿Ja'ni ima' taihuequi locuxepa ŁanDios? O ¿tatets'i ŁanDios, aimaihuequi ile Litaiqui'?

²⁴ Al Paxi Linilingiya tuya'e':
Imanc' unc'ijudío: Lan xanuc' petsi a'ij judío tixinnilhuo' ixgay lonł'epa, tołta'a aimixpaic'eyi łolanDios, tipalaicoyi quixcay.

²⁵ Ima' unjudío i'e'empo' circuncidar. Lopixic' itaic' liseña loya'apa ima' i'huexi ŁanDios. Ne', ja'ni ima' to'ay locuxe'epo' ŁanDios, ile loseña tuya'e' al linca, ima' ma' i'huexi ŁanDios. Ja'ni aimo'ay locuxepa ŁanDios, ilque tixim'mo' ma' anuli to locuenaye xanuc', ilne petsi liłpoxic' aiquiltaic' quılseña. ²⁶ Cal xans pe ailopa'a quiseña jilpe lipixic', ja'ni ilque no'epa al c'a to locuxepa ŁanDios, ¿te aimimetsaicoya? Linca, tama ailopa'a quiseña ŁanDios timetsaico'ma. ²⁷ Petsi aiquitaic' quiseña jilpe lipixic', ilque linca tulij'mo' ima'. Xonca ihuequi locuxepa ŁanDios. Ima' tixoqui meta otaic' loseña jilpe lopixic', ŁanDios joupa u'ipo' te ts'i'ic' locuxepa. Oxina' petsi linihiya, tijouł'a aimaihuejma. Ilque pe aiquitaic' quiseña tocomma tecani'e'mo' ima'.

²⁸ Lan xanuc' ja'ni ma le'a i'huáquila' ajudío ihniya a'i quixanuc' ŁanDios. Jouc'a tama i'empola' circuncidar, ja'ni ma le'a jilpe liłpoxic' iltaic' quılseña, ŁanDios aimimetsaicola'. ²⁹ Petsi alinca ixanuc' ŁanDios ihniya iltaic' liłseña ma jipu'hua hilunxajma', ituca' lił'ejma'. Ilne a'i ma le'a tenant'iyi ile laitaiqui' loya'apa: “Toł'e'etsotsi circuncidar”. A'i. Jahuay hilunxajma' tihuejcoyi jahuay locuxepa ŁanDios. Lan xanuc' no'epá tołta'a, tama aimimetsaiconnila', ŁanDios timetsaicola'. Ihniya alinca ixanuc' ŁanDios.

3

¹ Itsiya aga altalai'e'ma, almi'ma: “Ja'ni ŁanDios tepenufila' ilne lan xanuc' petsi aiquiltaic' quılseña jilpe liłpoxic', illanc' ninc'ijudío ¿te quipenic' ile lalseña? ¿Te xonca lapi'inga' ŁanDios?” ² Iya' camihuo': ŁanDios acueca' lapi'iponga' illanc' ninc'ijudío, xonca acueca' lałpaxneponga'. Ate'a ummenc'ipola' litaiqui' lałtatahueló ti'ełe cuenna. ³ Linca hualca ihniya ipai'i'mołtsi liłpicuejma', aiqulihuequi. ¿Te co'iyay? ¿Te ja'ni ŁanDios linespa: “Ilne aiqulihuequi, iya' jouc'a capai'i'ma ile laitaiqui' laicupa”? ⁴ A'i. Tołta'a aimi'iyay mi'iyay. Tama jahuay tipai'itsotsi liłpicuejma', tifellaiquełe, ŁanDios a'i tołta'a li'ejma'. Ilque aimipai'iyay litaiqui' licupa. Tołta'a loya'apa al Paxi Linilingiya tuya'e':

Tixinintso' ma ac'a lofcuapa.

Lan xanuc' nonespá: “A'ij hijca lo'epa ŁanDios”, tomuc'i'mola' ihniya a'ij hijca lo'epa, tolij'mola'.

⁵ O, ¿te almi'ma: “Illanc' ma mał'eyi al xujc'a, ja'ni tołta'a xonca i'húaqui ac'a li'ejma' ŁanDios, ¿te calixtuc'ocoyacongá ilque? ¿Te caltel'micoyacongá? A'ijc'a lipicuejma' ŁanDios. Aimi'ay al hijca”?

(Laifnespa tołta'a capalay ma to anuli naihuejpa quituca' lipicuejma'.)

⁶ A'i. Tołta'a aimi'iyay małnesyacu. Ja'ni coł'a a'ij hijca lo'epa ŁanDios coł'a aimi'iyay mu'iyacola' lan xanuc' ja'ni ac'a o a'ijc'a lo'epa ihniya. Coł'a aimi'iyay miteł'miyacola'.

⁷ O ima' tocua: “Iya' laifellaiqueya ti'ay canic'. Ma cafellaique tixim'me a'ij tołta'a lipicuejma' ŁanDios. Tixim'me ituca' ilque lipicuejma'. Ilque aimifellaique, tinesqui ma' al linca. Tijouł'a, ¿te co'icopa aimetenłma ile laif'epa

quixcay? ¿Te calacani'ecoya?" ⁸ Ja'ni tołta'a lañespa najmay jouc'a añesle: "Añe nixpiya, tołta'a tipammaispa al c'a". Linca hualca añescongá' ticuayi: "Pablo y liñemale tole tole lonespa". A'i tołta'a lañcuapa. Pe lañescoponga' tołta'a ñne quítuca' tecani'eyołtsi.

⁹ Itsiya, ¿te co'iya? ¿Te illanc' ninc'ijudío ñanDios xonca limetsaiconga' to ninc'ic'a xanuc'? A'i. Jounpa añcuapá: Ja'ni ninc'ijudío, ja'ni a'ij judío, jahuy ma' anuli añepá quixcay. Aimi'iya malunñu'eyacołtsi. ¹⁰ Tołta'a ticua al Paxi Linñingiya loya'apa:

¿Te tipa'a anuli cal xans añijca lipicuejma'?

A'i, ailopa'a ni' anuli.

¹¹ Ma' anuli aimicuec'eyi, ma' anuli aimehueyi ñanDios.

¹² Jahuy enajpołtsi, aimihuejyi ñanDios, ma' anuli ejac'pola'.

Ma' anuli ailopa'a cal c'a quipicuejma'.

¹³ Liñco ti'onñcospa to liñpu'hua camizhua lexiya, jilpe tipamma ma le'a al xujc'a. Tołta'a liñtaiqui' lopalaipa ñniya.

Liñpał tinescoyi lixcay liñf'as xanuc', tifeñtaiqueyi.

Mañpe liñco tocomma to emiya lipummaya ñanofał.

¹⁴ Juaiconapa cumla liñtaiqui' lopalaipa, ticuajyi liñf'as xanuc', tecanitsola'.

¹⁵ Aimixnet'ñyi, tixtuc'oyi liñf'as xanuc', ñpic'a tima'ahualele.

¹⁶ Ni petsi lotseyacu tifeñ'miyi liñf'as xanuc',

tipo'noyi cuanuc'la, ti'onñcospola' to lecaniya.

¹⁷ ñne ma le'a tixtuleyi, tifuloyi, aiquiñsina' ocuena cane, ñe al c'a.

¹⁸ Aimixpaic'eyi ñanDios ni tołta'a.

¹⁹ Tołta'a loya'apa litaiqui' ñanDios inñingiya al je'e pe linñiya locuxepa ñanDios. Jounpa añsina' naitsi ñne lopalaicopola' ñanDios, jilpe al je'e. Tipalaicola' ma ñniya pe lepi'ipola' ñta'a quilje'e. (Cacua: Illanc' ninc'ijudío añpalaiconga'.)

Ailopa'a notalai'e'eya ñanDios. Aimi'iya micuanajcoyacołtsi, ni' anuli. Aimi'iya mañcuajcoyacołtsi illanc' ninc'ijudío, jouc'a aimi'iya micuanajcoyacołtsi imanc' unc'ocuenaye xanuc'. Jahuy nañmana' jifa'a li'a ñamats' tipa'a lañjunac'. ²⁰ Aimi'iya mañesyacu: "Nenant'ñpa locuxepa ñanDios. ñque añsim'ma ninc'a xans, lapenuf'ma." A'i. Ailopa'a nonesya tołta'a. ñe lataiqui' loya'apa locuxepa ñanDios añmuc'inga' te ts'i'ic' al c'a lañeyacu. Limetsaicole tołta'a te ts'i'ic' lañepa, ñe aimi'onñspa to loya'apa locuxepa ñanDios.

²¹ Itsiya, ja'ni aimi'iya malanant'ñiyacu locuxepa ñanDios, ¿te co'iya? Ja'ni lapenuftsonga' ñanDios to ailopa'a cañjunac', ¿te cañeyacu? ñe lañeyacu jounpa uya'apa lataiqui' loya'apa locuxepa ñanDios. Jouc'a uya'a'me lam profeta. Itsiya ñanDios jounpa imujpa xonca al cuajmaica cataiqui'. ²² Pesti no'huaiyijmpá Jesucristo ñniya liximpola' ñanDios to ailopa'a quilñjunac', tepenufila' jahuy ñniya. Ja'ni ajudío, ja'ni a'ij judío, ma' anuli ticuicomma ti'huaiyijnle Jesucristo. ²³ Jahuy añepá quixcay. Ailopa'a cal xans le'a ac'a lipicuejma'. Lañpicuejma' aimi'onñspa to lipicuejma' ñanDios, ñque pangay ac'a lipicuejma'. Jahuy illanc' lahue'enga'. Toñya cacua: Ticuicomma jahuy ma' anuli añ'huaiyijnle Jesucristo.

²⁴ Illanc' cañuca' ailopa'a cañeyacu. Aimi'iya malunñu'eyacołtsi, coła' lacani'e'monga' ñanDios. Mañque ñanDios acueca' añtoc'iponga' jahuy illanc' nañ'huaiyijmpá Jesucristo. Lapenufponga' to ailopa'a cañjunac', lunñu'eponga'.

²⁵ ñque Jesucristo ma ñanDios ummepa li'a ñamats' titsufcoxoxi. Ixcuajaipa lijuats' tipac'ela' lipoyac' ñanDios. Tołta'a ñne no'huaiyijnycu Jesucristo ñanDios tixim'mola liñemale. ñe litine lixcuajaipa Cristo lijuats' ñanDios imuj'ma tifeñ'mi'mola' no'epá al xujc'a. Luyaipa quitine ñanDios ixnet'ñmola' lan xanuc' no'epá lixcay. Jilpe lancruz i'epa al ñijca, ñic'mipa lañjunac'. Jahuy liñjunac'

lan xanuc' i'najtsepa Cristo. ²⁶ Iya' cacua: Ite li'ipa jilpe lancruz ałmuc'inga' ałijca lo'epa ŁanDios. Iłque imuj'moxi to cal Juez nanaic'mipola' no'epá lixcay. Jouc'a imuj'moxi tepenuf'mola' jahuay no'huaiyijmpá Jesucristo. Tepenufla' to ailopa'a quijunac'. Cristo joupá i'najtsepa.

²⁷ Itsiya, ¿te co'iya? ¿Te ja'ni xonca ałsinyołtsi ninc'ic'a xanuc'? A'i. Aimi'iya. ¿Te ja'ni ate'a ał'epá al c'a, lijou'ma ŁanDios lapenufponga'? A'i. Ma le'a ał'huaiyijmpá Jesucristo, tołta'a lapenufinga' ŁanDios. ²⁸ Itsiya ałsina' te ts'i'ic' lo'epa ŁanDios. Iłque aimepenufyacola' lan xanuc' pe nanant'łipá locuxepa. Lan xanuc' aimi'iya menant'łiyacu. Tepenuf'mola' petsi no'huaiyijmpá Jesucristo.

²⁹ O ¿ja'ni ŁanDios ma le'a łilenDios lan judío? Iłne łsina' te ts'i'ic' locuxepa. ¿Ja'ni a'ı quilenDios locuenaye lan xanuc'? Iłne aiquıłsina' te ts'i'ic' łte lataiqui'. Ałınca, ŁanDios łilenDios locuenaye xanuc' jouc'a. ³⁰ Tipa'a ma le'a anuli ŁanDios. Lan judío, łne łtaic' łłseña jilpe łłpıxic', ja'ni ti'huaiyijnle Jesucristo, ŁanDios tepenuf'mola'. Ma' anuli locuenaye lan xanuc' pe ailopa'a quılseña, łne ja'ni ti'huaiyijnle Jesucristo, ŁanDios tepenuf'mola' jouc'a. ³¹ Lałcuapa tołta'a, ¿ja'ni latets'iyi locuxepa ŁanDios? A'i. Aimi'iya malatets'iyacu łte lataiqui'. Ite itaıqui' ŁanDios. Illanc' mał'huaiyijnıyı Jesucristo xonca ałmet-saicoyı ac'a locuxepa ŁanDios, xonca lanant'łiyı.

4

¹⁻³ ¿Te qui'ipa łaltatahuelo Abraham? ¿Te quıcuec'epa? ¿Te łłque quıtuca' i'epa al c'a, lijou'ma ŁanDios epenufpa to ailopa'a quıjunac'? Ja'ni cola' tołta'a li'ipa Abraham, łłque łines'ma: “Iya' joupá aı'epa al c'a, tołıya lapenuf'ma ŁanDios, ałsim'ma to ailopa'a caıjunac'”. ŁanDios łxına' Abraham aimi'iya łınescoyacoxı tołta'a. Al Paxı Lınlıngıya ¿te aga tuya'e': “ŁanDios łxımpa ac'a li'epa Abraham, tołıya epenuf'ma to ailopa'a quıjunac'”? A'i. Aımuya'e' tołta'a. Ma tuya'e': “Abraham i'huaiyijmpa ŁanDios, tołta'a ŁanDios łxımpa to ailopa'a quıjunac', epenuf'ma”.

⁴ Cal xans no'epa canic' tulij'ma lo'najtse'enyacu. Ja'ni ailopa'a qui'epa aıquıtayınc'enni. Ja'ni łłpic'a titoc'ıte, ti'najtse'ente, ti'najtse'e'me. Ja'ni a'ı ailopa'a łıntsi. ⁵ Tołta'a lo'ıya cal xans nocuapa: “Tama ca'ełta' acueca' canic' aimi'iya canant'łıya locuxepa ŁanDios. ¿Te caıf'eya? Le'a ca'huaiyijm'ma ŁanDios.” Lan xanuc' nocuapá tołta'a, łne no'huaiyijmpá, ŁanDios titoc'ıla', tepenufla' to ailopa'a quıjunac'.

⁶ Ma tołta'a łonespa cal rey David mıpalajma al c'a loyacıpa cal xans petsı ŁanDios titoc'ı, tepenufi to ailopa'a quıjunac'. ⁷ Tıcuca: Tıyalaıcoyı al c'a łne petsı ŁanDios łłonc'e'epola' łıłjunac', petsı letamu'epola' li'epa lixcay.

⁸ Ac'a loyacıpa cal xans petsı ŁanDios aımicuxecoya, aımımiya: “Tołe, tołe lixcay lo'epa”.

⁹ Nınc'ıxanuc' judío, łllanc' ałtaic' łłseña jilpe łłpıxic', ¿te ja'ni ma le'a łllanc' tołta'a łıyalaıcoyı al c'a? ¿Te aımı'ıya mıyalaıcoyacu al c'a locuenaye xanuc' jouc'a? Toł'nujuaisle te ts'i'ic' li'ipa Abraham. Joupá ałnespá: “Abraham i'huaiyijmpa ŁanDios, tołta'a ŁanDios łxımpa to ailopa'a quıjunac', epenuf'ma”. ¹⁰ Litıne ŁanDios łepenufpa Abraham, ¿te ts'i'ic' łłque? ¿Ja'ni itaic' łłseña jilpe łıpıxic'? O, ¿aıquıtaic'? Litıne ŁanDios łepenufpa Abraham łłque aıquıtaic' łłseña. Aıquetec'enni łıpıxic'. ¹¹ Ate'a i'huaiyijmpa ŁanDios, lijou'ma ŁanDios łcuxe'e'ma, łımi: “To'exoxı circuncıdar”. Iłque letec'e'em'me łıpıxic' imuj'moxi ti'huaiyinge ŁanDios. Iłque joupá epenufpa Abraham to ailopa'a quıjunac'. Tołta'a ŁanDios łmetsaıco'ma Abraham to łı'aıllı' lan xanuc' no'huaiyijmpá, tama aıquıtaic' quılseña jilpe łłpıxic'. Ja'ni ti'huaiyijnıyı to

li'huaiyijmpa Abraham, ËanDios timetsaicoyi inaxque' Abraham, tepenufila' to ailopa'a quiñjunac'. ¹² Jouc'a ñniya lo'empola' circuncidar ti'i'ma ti'itsola' inaxque' Abraham. Ñque ai'a ti'e'moxi circuncidar i'huaiyijmpa ËanDios. Ja'ni ti'huaiyijnyi ma ËanDios, ja'ni a'i mi'huaiyijm'me li'epoñsi circuncidar, ñniya jouc'a inaxque' ñatatahuelo Abraham.

¹³ ¿Te ja'ni ËanDios joupa iximpa Abraham lenant'ñipa locuxe'epa? ¿Te toñiya limipa te ts'i'ic' loyalaicoyacu ñniya, ñque y lixanuc'? A'i. Abraham le'a i'huaiyijmpa ËanDios, i'epa linca limipa. Toñta'a ËanDios epenuf'ma to ailopa'a quiñjunac', u'ipa: “Ima' ti'i'mo' to quiñ'ailli' ñne nocuxeyaleyacu fa'a li'a ñamats'. Toñta'a tonñ'e'me imanc', ima' y loxanuc'.” ¹⁴ ¿Naitsi ñne nocuxeyaleyacu jifa'a li'a ñamats'? ¿Te ja'ni ËanDios tipalaicola' ñaihuejpá lataiqui' loya'apa locuxepa? A'i. Ja'ni ËanDios tipalaicola' ñniya, Abraham coñta' ailopa'a colijya tama i'huaiyijmpa ËanDios. Litaiqui' ËanDios lepi'ipa Abraham coñta' aimentant'ñiya, coñta' ñiya ñfel'miyale lataiqui'. ¹⁵ Linca aimi'iya mañesyacu: “Lanant'ñi'me locuxepa ËanDios. Toñta'a lapi'i'monga' ma to limipa Abraham.” Ja'ni toñta'a mañesyacu ailopa'a calapi'iyaconga'. Litaiqui' locuxepa ËanDios añmuc'inga' a'ijc'a lañ'epa, ñipa'a lañjunac'. Ja'ni ailopa'a ñe Lataiqui' ËanDios aimi'iya mañcuxecoyaconga'.

¹⁶ Cagua: ËanDios icupa cataiqui' tipaxne'mola' ñne no'huaiyijmpá. A'i quicuac': “Ñniya i'epá al c'a ca'ñajtse'e'mola’”. Ma ticua: “Ñniya añ'huaiyijmpa, catoc'i'mola’”. Toñta'a jahuary lixanuc' Abraham ti'i'ma tepenuf'me ñe lopaxneyacola'. A'i ma le'a ñne petsi lepi'ipola' lataiqui' loya'apa te ts'i'ic' licuxepa ËanDios, jouc'a tepenuf'me locuenaye xanuc' ja'ni ti'huaiyijnyi ËanDios to li'huaiyijmpa Abraham. Mañque Abraham añ'ailli' jahuary illanc' nañ'huaiyijmpá ËanDios. ¹⁷ Toñta'a loya'apa al Paxi Linñingiya, tuya'e':

Ima', axpela' lan xanuc' timetsaico'mo' ñ'ailli', ñ'ahuelo;
 ñne ituca' ituca' ññnación.

Ñe litine tama quituca' Abraham, ailopa'a quiñ'hua, ËanDios liximpa ñ'ailli' axpela' lan xanuc'. Linca ËanDios ti'i'ma timañ'i'ina'mola' limanapola'. Ñque tipalaicola' lan xanuc' ai'a timaññlita, tinescola' to jipu'hua timana'. Ma toñta'a li'ejma' ËanDios ñ'huaiyijmpa Abraham. ¹⁸ Litine ËanDios lipvalaic'opa, Abraham tixinyoxi aimi'iya muyaicoya to limipa ËanDios. Tama toñta'a lixina' ma' i'huaiyijmpa ËanDios, ticua: “Ma ca'huaico'ma. ËanDios ñipajnya ti'e'ma to lañmipa.” Toñta'a li'ipa. Ixpe'mola' lixanuc' Abraham, ma to limipa ËanDios. I'ipola' axpela' lixanuc' Abraham, ituca' ituca' ññnación; ñque ñ'ailli'.

¹⁹ Abraham imetsaicoyoxi te ts'i'ic'. Ñque joupa ixhuaita to amaxnu ñemats'. Ti'onñcospa to cal xans joupa imapa. Jouc'a imetsaijma Sara te ts'i'ic'. Ñque ñipeno ijuiqui caca'no'. Tama ixina' jahuary ñta'a Abraham ti'hua ti'huaiyinge ËanDios. ²⁰ Aiquinesqui: “Aga a'ij linca ËanDios lañmipa. Aica'huaiyijnconaya.” Xonca ti'huaiyinge ËanDios. Imetsaicopa acueca'. ²¹ Ixina' añinca ËanDios ñipajnya ti'e'ma to limipa. Toñta'a ti'hua ti'huaiyinge. ²² ËanDios liximpa li'huaiyijmpa epenuf'ma to ailopa'a quiñjunac'.

²³ Ñe lataiqui': “ËanDios epenuf'ma to ailopa'a quiñjunac’”, tipalaicola' axpela', a'i ma le'a Abraham. ²⁴ Añpalaiconga' jouc'a illanc' nañ'huaiyijmpá ËanDios. Illanc' añcuayi: “Añinca ËanDios imañ'i'ina'pa ñañPoujna Jesús, ipa'anapa pe lomana' lamizhua”. Ja'ni toñta'a añ'huaiyijnyi ËanDios, ñque lapenufinga' jouc'a. Añsinninga' to ailopa'a cañjunac'.

²⁵ Illanc' linca aicañ'aic' locuxepa ËanDios. ËanDios icupa ñañPoujna Jesús tima'anñe, ti'ñajtse'ma lañjunac'. Jesús lijoupa li'ñajtsepa, imapa, ËanDios imañ'i'ina'pa. Toñiya ËanDios ti'i'ma lapenuf'monga' illanc', lapenuf'monga' to ailopa'a cañjunac'.

5

¹ Itsiya ał'huaiyijnyi Jesucristo, iłque łalPoujna. Tołta'a ŁanDios lapenufinga' to ailopa'a caljunac', aimalixtuc'oconayaconga'. ² Ma' iłque Jesús i'najtsepa łaljunac'. Tołiya ŁanDios ałtoc'inga', lapenufinga', aimalacani'eyaconga'. Tixoqui calata ałcuayi: "Ałłaitsufcotonga' jipu'hua, ałpai'itonga', ał'itonga' pangay c'a łalpicuejma', ma to ŁanDios lipicuejma'".

³ A'i ma le'a tixoqui calata ał'huaicoyi ałłaitsufcotonga' jipu'hua, ma małmana' fa'a li'a łamats' ja'ni ałtełcoyi ałs'najtsi'iyi ŁanDios, ałcuayi: "Ac'a luyalaicoyi". Ałsinyi ma małtełcoyi lihuic'i'me ałsnet'i'me. ⁴ Ja'ni ałsnet'iyi tetentcocojma ŁanDios iłe łal'ejma'. Ja'ni ałsina' joupā etentcocojma ŁanDios iłe łal'ejma' xonca ał'huaiyijm'me ŁanDios, ałcuame: "Linca ałłaitsufcotonga' jipu'hua". ⁵ Ałinca ti'i'ma ał'huaiyijm'me tołta'a. ŁanDios aimafel'miyaconga', ałłaitsufcotonga'. Iłque joupā ałmuc'iponga' ał'enga' capic'a. Tołta'a lu'inga' jilpe łalunxajma' cal Espiritu Santo łalapi'iponga' ŁanDios.

⁶ Illanc' aicalihuejma ŁanDios. Litine lixpicepa ŁanDios tima'anłe Cristo, ti'najtsela' iłe łaljunac', ma tołta'a li'ipa. Cristo aical'huaiconga' malunłu'eyacołtsi illanc' caltuca'. Iłque ixina' aimi'iya malunłu'eyacołtsi. ⁷ Ja'ni lunłu'e'me anuli łal'as xans, iłque ałijca lipicuejma', łte ałcu'me łalpitine lunłu'ełe iłquiya? Linca tama juaiconapa ac'a lipicuejma' łal'as xans, afule małcuyacu łalpitine. ⁸ ŁanDios ituca' li'ejma', aimaf'onłiyaconga' to illanc'. Illanc' ma mał'eyi quixcay Cristo icupoxi tima'anłe, i'najtsepa łaljunac'. Tołta'a ŁanDios ałmuc'inga' ałinca ał'enga' capic'a. ⁹ Jilpe lancruz, lixcuajaiyopa lijuats' Cristo i'najtsepa łaljunac'. Tołta'a ŁanDios lapenufinga' to ailopa'a caljunac'. Tijoułta', łte co'iya? łTe łapi'icona'monga' łaljunac' anuli locuenaye no'epā quixcay, iłne petsi aimi'huaiyijnyi Jesucristo? A'i. Lunłu'e'monga' nulemma. ¹⁰ Illanc' ałfuli'ipā ŁanDios, iłque jouc'a ałfuli'iponga'. Mi'i tołta'a li'Hua icupoxi tima'anłe, ał'etsonga' ałejmalete ŁanDios. Itsiya ma tołta'a i'ipa, illanc' ałejmale ŁanDios. Tijoułta', łte co'iya? łTe aimalunłu'eyaconga'? Cristo joupā imaf'inapa, joupā łapi'iponga' al ts'e łalpitine, linca lunłu'e'monga'. ¹¹ A'i ma le'a ał'huaicoyi Locuenaj Quitine lunłu'etsonga'. Ma' itsiya tixoqui calata ał'huaiyijnyi ŁanDios. ŁalPoujna Jesucristo joupā ipac'epa lipoyac', ma' itsiya ałejmale anuli.

¹² Al xujc'a łopa'a li'a łamats' icuai'e'ma fa'a anuli cal xans. Icuaitsi al xujc'a ipango'ma i'i'ma lamaya. Jahuay lan xanuc' i'e'me al xujc'a, tołta'a jahuay tixinyi lamaya. ¹³ Linca, iłniya litiné ŁanDios tama iximpola' lixcay lo'epa lan xanuc' aimicuxecola'. Aimi'iya. Iłniya litiné aicu'ila' litaiqui' locuxe'epola' lo'eyacu. Tołta'a aimi'iya micuxecoyacola' petsi aimentant'łiyi. ¹⁴ Litiné ai'a tepenuf'ma Moisés litaiqui' locuxepa ŁanDios, jahuay iłne litiné ti'hua lamaya. Ti'hua limane titeł'mi'mola' lan xanuc'. Tołta'a li'ipola', tama lixcay li'epa a'ij nuli to li'epa Adán, iłque aiquihuejma lixc'ai'ipa ŁanDios. Li'epa Adán acueca' li'e'epola' lan xanuc'. Tołta'a iłque Adán ti'onłcospa to łocuena cal xans łocuaicoya. Iłque acueca' al c'a lo'e'eyacola'.

¹⁵ Linca, tama acueca' a'ijc'a li'epa Adán aimi'iya mi'onłiyacu iłe łalpaxneponga' ŁanDios. Li'ipa, anuli cal xans, iłque Adán, aiquihuejma ŁanDios. Tołta'a acueca' li'ipola' lan xanuc'. Axpela' timanala'. Lijou'ma xonca acueca' iłe al c'a li'epa ŁanDios. Iłque ixpic'epa tipaxnetsola' lanxpela'. Ma' anuli lixpicepa Jesucristo. Tołta'a iłque ałtoci'iponga' ninc'xpela'. ¹⁶ Iya' cacua: Łalpaxneponga' ŁanDios tipammaispa al c'a juaiconapa. Lixcay li'epa Adán ipammaitsi jouc'a, iłe a'ijc'a. Tołta'a aimi'onłspola'. Adán anulemma aiquihuejma ŁanDios. Lijou'ma ŁanDios imetsaico'ma a'ijc'a li'epa Adán, ecani'epa, jouc'a ecani'epola' jahuay lan xanuc'. Illanc' axpe' aicalihuejma ŁanDios, iłque aicalacani'enga', lapenufinga' to ailopa'a caljunac'. ¹⁷ Li'ipa,

anuli cal xans i'epa lixcay, lijou'ma epi'impá quimane lamaya, i'hujaco'mola' jahuay. Itsiya acueca' juaiconapa altoc'iponga' ÆanDios, al'eponga' al cueca' al c'a, lapenufponga'. Tijoula', ¿te cal'iyaconga'? ¿Te ja'ni lamaya lulij'monga' jouc'a? A'i. Aimalulijyaconga' lamaya. Locuena cal xans, itque Jesucristo, joupa lapi'iponga' al ts'e lałpitine.

¹⁸ Anulemma ne'a Adán aiquihuejma lixc'ai'ipa ÆanDios, lijou'ma lan xanuc', jahuay ihniya, ecanipola'. Locuena cal xans ixhuai'nipa nulemma locuxepa ÆanDios, tołta'a jahuay nipajnya tepi'im'mola' al ts'e liłpitine. ÆanDios nipajnya tepenuf'mola' to ailopa'a quiłjunac'. ¹⁹ Anuli cal xans aiquihuejma lataiqui' lixc'ai'ipa ÆanDios, lijou'ma i'ipa ixcay liłpicuejma' axpela' lan xanuc'. Locuena cal xans ihuejcopa jahuay licuxe'epa ÆanDios, tołiya axpela' ti'i'mola' ac'a xanuc'.

²⁰ Ma mi'eyi lixcay lan xanuc' ÆanDios u'ipa Moisés te ts'i'ic' litaiqui' locuxepa. Tołta'a ti'ete xonca al cueca', xonca tihuejle lixcay. Lijou'ma petsi lan xanuc' xonca aimihuejcoyi, xonca itoc'i'mola' ÆanDios, xonca acueca' al c'a li'epola' itque. ²¹ Tołiya tama lixcay ti'hua tuliquila' lan xanuc', timala' joupa ecanipola', xonca acueca' altoc'inga' ÆanDios. Jesucristo, itque pangay ac'a li'epa, pangay ac'a lipicuejma', lapi'inga' lałpitine aimijouya. Tołta'a aimalulijyaconga' nulemma lamaya.

6

¹ Itsiya, ¿te calnesyacu? ¿Te aga ałnes'me: “ÆanDios altoc'iponga', joupa lapenufponga'. Najmay ti'hua al'ete lixcay. Tołta'a ti'hua altoc'iconatsonga', ti'ila' xonca acueca' lałtoc'iyaconga'”? ² A'i. Tołe aimi'iya małnesyacu. Li'ipa, ma mał'eyi lixcay, ¿te lulijyi lałpitine o a'i? Lał'epa lixcay ma lacani'eponga'. ¿Ja'ni ma' anuli al'econa'me? A'i. Aimi'iya.

³ Illanc' nał'huaijimpá, ja'ni joupa lapo'imponga' joupa al'epołtsi anuli Cristo, itque limayopa jilpe lancruz. O ¿ja'ni aicołsina' te ts'i'ic' ite li'ipolhuo'?

⁴ Limapa Cristo emumpa. Jilpiya laja' tocomma lamumponga' jouc'a, ałmaponga'. It lał'iponga' ti'onłcospa to li'ipa Cristo. Itque lijoupa limapa imaf'i'inapa qui'aili', itque cal Cuecaj CanDios. Illanc' jouc'a lapi'iponga' al ts'e lałpitine, ti'ila' ituca' lał'ejma'.

⁵ Ja'ni ałnca ałmaponga' anuli Cristo, anuli mipa'a lałpitine. Cristo aimijouya lipitine. Illanc' lałpitine jouc'a aimijouya, ite al ts'e lałpitine lalapi'iponga' ÆanDios. ⁶ Joupa ałsina' te ts'i'ic' lał'iponga'. Li'ipa, lihuejyi caltuca' lałpicuejma'. Ma to małmana' ihniya litiné, małtaiyi lałjunac', lapałts'ingimponga' anuli Cristo jilpe lancruz. Tołta'a aimi'iya małcuxeconyaconga', aimałminyaconga': “Tołe, tołe lo'epa lixcay, tecani'em'mo”. ⁷ Anuli himanapa aimicufquinyacu li'epa lixcay. Aimi'iya.

⁸ Ja'ni ałcuayi: “Ne', ałmaponga' anuli Cristo”, jouc'a ałnes'me: “Linca ałmaf'i'inaponga' anuli Cristo”. Cristo joupa imaf'inapa, aimimaconaya. Illanc' jouc'a tipa'a al ts'e lałpitine, ite aimijouya. Lamaya ailopa'a cal'e'econayaconga'. ⁹ Cristo lijoupa limapa, imaf'inapa, ipayonamma pe lo-mana' lamizhua. Aimimaconaya. Lamaya aimulijya. Ailopa'a co'e'econaya. Tołta'a ałsina'. ¹⁰ Cristo limapa jilpe lancruz al'najcufponga' lałjunac'. Tołta'a ÆanDios ecani'epa. Aimi'e'econaya tołta'a. Itsiya ma' imaf'i'. Małque ÆanDios imaf'i'ina'ma. ¹¹ Imanc' jouc'a tolimetsaicotsoltsi to joupa ima'ampolhuo' ma' anuli Cristo. It loł'epa lixcay ecani'epolhuo'. Jouc'a tolimetsaicotsoltsi ołmaf'i' ma' anuli Jesucristo. Toł'nujuaisle lepi'ipolhuo' al ts'e lołpitine ÆanDios.

¹² Itsiya lołcuerpo aimicuxecona'molhuo'. It linca tijanaca tixa'huelhuo' toł'ete nixpiya. Toł'nujuaisle, ite lołcuerpo aimijucoya, ti'hua tijaf'quinghua.

¹³ Toł'etsoltsi cuenna. Aimolapi'i'me lane lołmane', loł'mitsi', loł'u', jahuay

lopa'a lołcuerpo, aimi'e'me nixpiya. Tołnesle: “Lai'epa lixcay joupa lacani'epa. ŁanDios ałmaf'i'ina. Itsiya cacu'moxi ŁanDios, cami'ma: ManDios, ma' ima' ałcuxe'ma. Ihe laimane', lai'mitsi', lai'u', jahuay laicuerpo, toxhuico'ma ima'. Tołta'a canant'hi'ma lotaiqui' lołcuxepa.” ¹⁴ Iya' camilhuo': Aimulijacolhuo' lixcay. Litaqui' locuxepa ŁanDios aimi'ya micuxecoyacolhuo'. ŁanDios joupa itoc'ipolhuo', joupa epenufpolhuo'.

¹⁵ Itsiya, ¿te co'ya? Illanc' joupa ałsina' aimi'ya malanant'hiyacu locuxepa ŁanDios. Ałsina' aimi'ya malunłueyacołtsi illanc' całtuca'. Tijoułta', ¿te całnescoyacu? ¿Ja'ni ałnes'me: “Ma ŁanDios ałtoc'ipa, iłque lunłue'ma. Itsiya ailopa'a tintsi. Ca'e'ma nixpiya”? A'i. Aimi'ya małnesyacu tołta'a. ¹⁶ Jifa'a li'a łamats' ja'ni tolahuele cołpoujna, ¿te aicołsina' lo'iyacolhuo'? Tijoułta' ti'ila' ołpoujna iłque ticuxe'molhuo'. Imanc' tolihuejco'me to quimozó. Ja'ni lixcay ołpoujna tolihuej'me locuxe'epolhuo', tijoułta' tecani'em'molhuo'. Ja'ni ŁanDios ołpoujna, tolihuej'me iłque. Iłque tilanc'e'e'molhuo' lołpicuejma', te-penuf'molhuo'.

¹⁷ Li'ipa, imanc' tolihuejyi lixcay. Cax'najtsi'i ŁanDios joupa ołpai'ipołtsi lołpicuejma'. Joupa olapenufpá Lataqui' limuc'impolhuo', jahuay łolunxajma' tolihuejyi. ¹⁸ Itsiya joupa i'ipa ocuena lołPoujna. Lixcay aimi'ya micuxeconayacolhuo'. Itsiya al łijca cataiqui' ticuxelhuo'. ¹⁹ Iya' mane ca'onłicojma cataiqui'. Aixina' ja'ni ti'ila' xonca ipime cataiqui' imanc' aimi'ya mołhuałyacu. Camilhuo': Luyaipa quitine ołcu'mołtsi. I'ipa ołpoujna lixcay, aimolihuejyi locuxepa ŁanDios, nixpiya tonł'eyi. Itsiya aimoł'econa'me iłe li'ipa loł'epa. Itsiya tołcutsołtsi. Tołmiłe ŁanDios: “Fa'a tipa'a laicuerpo jahuay h'huexi. Mane ca'e'ma al c'a. Ałcuxela' al łijca cataiqui', quihuejco'ma.”

²⁰ Li'ipa, imanc' tołcuayi: “Illanc' lihuejcoyi całtuca' lołpicuejma'”. Iłniya łitiné łınca tonł'eyi nixpiya. Aimonł'eyi al c'a to locuxepa ŁanDios. Ihe litaqui' ŁanDios tocomma to aimicuxelhuo' imanc'. ²¹ Itsiya tołsinyi alaic'ata iłe lonł'epa. Ihe lixcay lonł'epa, ¿ja'ni i'e'epolhuo' al c'a? A'i. Ihe petsi no'epá tołta'a ma le'a tecani'eyołtsi.

²² Camiconamolhuo': Itsiya joupa i'ipa ocuena lołPoujna. Aimolihuejcoyi lixcay. Itsiya ma ŁanDios ołPoujna. Ti'hua ti'i'molhuo' pangay c'a lołpicuejma'. ŁanDios tilaıtsufcotolhuo' jıłpiya aimijouya lołpitine. ²³ Łınca lixcay ti'najtsela' ts'ılıhuequi. Petsi naihuejpa tecani'em'mola'. A'i tołta'a lalulijyaconga' ja'ni ŁanDios ałPoujna. Iłque ma' ałtoc'inga' illanc' nał'huaiyijmpá Jesucristo łalPoujna. Lapi'inga' al ts'e lołpitine, iłe litine aimijouya.

7

¹ Cunc'aipimaye, lataiqui' loya'apa locuxepa ŁanDios aimi'ya małcuxecoyaconga'. Imanc' joupa ołsina' te ts'i'ic' lał'iponga' ninc'ixanuc' ma małmana' fa'a li'a łamats'. Ma całmaf'i' tipa'a lataiqui' lałcuxeponga'. Ja'ni joupa ałmanaponga' iłe lataiqui' aimi'ya małcuxecoyaconga'. ² Tołta'a lo'ipola' lacał'no' iłniya namalłipá. Ma quimaf'i' łipe'aılli' łaca'no' aimi'ya mihuejya ocuenaj xans. Ja'ni timanłta' cal xans, tuhuałquenno łaca'no'. ³ Ma quimaf'i' łipe'aılli', ja'ni łipeno tihuejla' ocuenaj xans, iłque łaca'no' tecani'em'me, tinescom'me ixcay li'epa. Tołta'a loya'apa lataiqui' lałcuxeponga'. Łınca ja'ni joupa imanapa łipe'aılli', łaca'no' nipajnya tihuej'ma ocuenaj xans. Ailopa'a conesconyacu.

⁴ Cunc'aipimaye, iłe litine lima'ampa Cristo, lepałts'ingimpa licuerpo jıłpe lancruz imanc', ja'ni i'ipolhuo' anulı iłque, jouc'a ima'ampolhuo'. Tołta'a tama tolihuejle al ts'e cataiqui', aimi'ya micuxecoyacolhuo' lataiqui' locuxepa ŁanDios. Tonlihuejyi Cristo, iłque joupa imaf'ina. Małque ołPoujna o

ti'onłcospa to colpe'Ailli'. Ma monlihuejyi ilque tipammaispa lołpitine, tonł'e'me latentłcocopa ŁanDios.

⁵ Iñiya litiné ai'a lapenuf'me al ts'e lałpitine, aiqúi'ic' calihuequi locuxepa ŁanDios. Mał'nujuaisyi loya'apa ile lataiqui', ałspic'eyi ał'ete nixpiya. Tołta'a lacani'eyołtsi. ⁶ Iñiya litiné colá' ti'i'ma ałcuxecom'monga', aicalanant'li locuxepa ŁanDios. Itsiya aimi'iya małcuxeconyaconga'. Tocomma to joupa ałmanaponga'. Itsiya tipa'a al ts'e lałpitine. Tołta'a ti'i'ma lihuejco'me ŁanDios lałPoujna. Li'ipa ituca' lał'ejma', ałcuayi: “Iya' caituca' quihuejco'ma ile lataiqui' locuxepa ŁanDios”. Itsiya ałsina', ja'ni całtuca' aimi'iya.

⁷ Itsiya, łte calnesyacu? łJa'ni ixçay cataiqui' ile locuxepa ŁanDios? A'i. Aimi'iya małnesyacu tołta'a. Al colta aicalnimetsaijma lixçay laif'epa. Tołta'a ałmuc'ipa lataiqui' loya'apa locuxepa ŁanDios. Ile lataiqui' ticua: “Aimojanaj'ma li'hueca loł'as xans”. Ja'ni colá' aicaixina' ile lataiqui', colá' aimi'iya quimetsaicoya a'ijc'a laif'epa ma cajanaca. ⁸ Laicuejpa ile lataiqui', linca aiximpa ixçay laif'epa ma cajanaca. Lijou'ma lixçay lopa'a laipicuejma' xonca tijanaca. Xonca aipic'a colá' ca'huejla' li'hueca laif'as xans. Ja'ni colá' ailopa'a ile lataiqui' lałcuxeponga' ile lixçay colá' aiqúicueya quimane, aimi'iya malacani'eyaconga'. ⁹ Iñiya litiné ma aicaicueca locuxepa ŁanDios tixoqui neta cuyaijma lapajnya. Icuaitsi litine laicuej'ma nulemma ile lataiqui' loya'apa: “Aimojanaj'ma li'hueca loł'as xans”. Ile litine linca aiximpa imaf'i' ile lixçay lopa'a laipicuejma'. Aiximpoxi ma lacani'e. ¹⁰ Lataiqui' loya'apa: “Aimojanaj'ma li'hueca loł'as xans”, ac'a cataiqui' iłiya. Ja'ni lanant'łite, xonca al c'a luyalaico'me lapajnya. Iya' aiximpa ituca' lał'ipa. Aimi'iya canant'łiya. Ma le'a lacani'e. ¹¹ Ma cacueca ile lataiqui', lixçay caipicuejma' i'ipa xonca imaf'i', ałfel'mipa. Lijou'ma xonca aijanaj'ma. Tołta'a ile lataiqui' ma lacani'epa.

¹² Iya' cacua: A'i quixçay cataiqui' ile locuxepa ŁanDios. Jahuay locuxepa ŁanDios ma' apaxi, ma' i'huexi ŁanDios. Lataiqui' loya'apa: “Aimojanaj'ma li'hueca loł'as xans”, ile apaxi cataiqui'. Ałsc'ai'inga' ał'ete al łijca, ał'ete ma le'a al c'a. ¹³ Lijou'ma, łte qui'ipa? Ma cainihuequi ile al c'a cataiqui', łja'ni tołta'a cacani'eyoxi? A'i. Aimi'iya canescoyacoxi tołta'a. Ile al c'a cataiqui' ma' ałmuc'ipa te ts'i'ic' laipicuejma'. Ile acueca lixçay. Ma ile laif'epa lixçay lacani'epa. Ile al c'a cataiqui' ałmuc'ipa juaiconapa acueca' ixçay ile lai'epa.

¹⁴ Ałsina' pe qui'huayomma ile lataiqui' locuxepa ŁanDios. I'huayomma mane al tonçay, łłpe lipicuejma' ŁanDios. Iya' ituca' laipicuejma'. Iya' ma ninxans. Ile lixçay i'ipa to laipoujna, ałcuxe. ¹⁵ Iya' aicaxpic'e tołta'a lai'ejma'. Caxhuełma. Petsi lalatenłcocopa, ile aica'ay. Laif'epa capilaic', ile linca ca'ay.

¹⁶ Ja'ni ca'ela' lixçay, linca ile laif'epa aimalatenłma. Quimetsaijma ac'a litaiqui' ŁanDios locuxepa, tołta'a xonca aipic'a quihuejla' ŁanDios. ¹⁷ Tołiya cacua: A'i caituca' ca'ay iłiya pe aimalatenłma. Ile lixçay caipicuejma' ałcuxe ca'ela'.

¹⁸ Linca aixina' iya' caituca' aimi'iya ca'eya al c'a. Ti'i'ma caxpic'e'ma ca'ela' al c'a, łijoułá', łja'ni canant'łi'ma ile laifxpice'pa? A'i, aimi'iya. ¹⁹ Ile al c'a laifxpice'pa ca'ela', aica'ay. Lixçay, ile pe aimalatenłma, linca ca'ay. ²⁰ Iya' cacua: Ja'ni aimalatenłma ile lixçay laif'epa tocomma to a'i iya' caituca' ca'ay iłiya. Ile lixçay caipicuejma' ałcuxe ca'ela'.

²¹ Linca, lataiqui' loya'apa locuxepa ŁanDios ałcuxe. Ałsc'ai'i ca'ela' al c'a. Ile aipic'a. Cacua: Ca'e'ma. Tijoułá' aimi'i. Tipa'a lałpa'nepa. Ałpa'ne ile lixçay caipicuejma'. ²² Cacua: Juaiconapa ac'a lataiqui' loya'apa locuxepa ŁanDios. ²³ Ituca' lałsahue'epa laicuerpo. Tama cacua: “Quihuejco'ma locuxepa ŁanDios, ile al c'a”, laicuerpo aimicua. Tipa'a lipujfxi lujila', ca'ela' lałcuxe'epa nixpiya.

24 Iya' cacua: Acueca' caxhueh̄ma. ¿Naiti lahcuanajcoya? He laicuerpo ma le'a ipic'a lacani'e'ma. ¿Naiti lalunhu'eya? 25 Cax'najtsi'i LanDios. LaPoujna Jesucristo, itque h̄nca alunhu'e'ma. Iya' caituca' aimi'iya culijya. Caxpic'e ca'ela' al c'a. Ja'ni tohta'a quihuejla' h̄nca quihuejco'ma locuxepa LanDios. Ituca' loxahue'epa ite laicuerpo. Ja'ni tohta'a quihuejla' ca'e'ma nixpiya.

8

1 Itsiya LanDios aimalacani'eyaconga' illanc' nah̄huaiyijmpá Jesucristo, itque joupa lapenufponga'. Illanc' aimalihuejyi lahsahue'eponga' lahcuerpo, lihuejcoyi lahcuxe'eponga' cal Espíritu Santo. 2 Iya' joupa aiximpa aimi'iya canant'hiya locuxepa LanDios. Aimi'iya cunhu'eyacoxi. Lixcay laipicuejma' ma ma hcuxe lacani'e'ma. Itsiya ituca' laifnuyaicopa lapajnya. Ca'huaiyinge Jesucristo, tipa'a al ts'e laipitine, hcuxe cal Espíritu Santo.

3 He lataiqui' loya'apa locuxepa LanDios ailopa'a quipujfxi mulijya lixcay laipicuejma'. LanDios h̄nca ti'i'ma, joupa i'epa. Ummepa hi'Hua. Itquiya i'epoxi xans, ah̄onhcospanga' to illanc' ninc'ixanuc'. Ma le'a ailopa'a quixcay lipicuejma'. I'huamma fa'a li'a lamats' itsufcopoxi, ah̄najcufponga' lah̄junac', ecani'epa lixcay laipicuejma'. 4 Tohiya itsiya ti'i'ma lanant'hi'me ite al c'a lahcuxe'eponga' LanDios. Illanc' lihuejcopá cal Espíritu Santo a'i lahsahue'eponga' lahcuerpo.

5 Lan xanuc' naihuejpa' quihuejma' lihcuxe'eyi latentcocoyacola' itne quihuejma'. Lan xanuc' naihuejpa' cal Espíritu Santo, tixpic'eyi latentcocoya cal Espíritu Santo. 6 Pesti naihuejpa' quihuejma' tecani'em'mola'. Pesti naihuejpa' cal Espíritu Santo tipa'a al ts'e lihpitine, tuyalaicoyi al c'a. Aimixhuejcoyi, ailopa'a tintsi. 7 Pesti naihuejpa' quihuejma' itne tecaxaispola', mane tifuli'iyi LanDios. Aimihuejyi locuxepa itque. Aimi'iya mihuejyacu. 8 Cal xans, ja'ni ailopa'a al ts'e lipitine locupa cal Espíritu Santo, itque cal xans aimi'iya metentcocoya LanDios.

9 Imanc' aimi'onhcotolhuo' to ih̄niya. Ja'ni joupa olapenufpa' cal Espíritu Santo, ja'ni toh̄mana' anuli itque, ma tipa'a al ts'e lohpitine. H̄nca cal xans, ja'ni aiquepenufi hi'Espíritu Cristo, itque cal xans a'i qui'huexi Cristo. 10 Ja'ni joupa olapenufpa' Cristo LanDios epenufpolhuo' to ailopa'a cojh̄unac'. Tohta'a tipa'a al ts'e lohpitine, aimimayacolhuo' nulemma. H̄nca lonh̄'epa lixcay joupa ecani'epolhuo' lohcuerpo, ite tima. 11 Ja'ni joupa olapenufpa' cal Espíritu Santo, ja'ni joupa oh̄aitsufma, ni lohcuerpo mimaya nulemma. Lijoupa limapa Cristo, LanDios imaf'i'inapa. Imanc' ma' anuli timaf'i'ina'molhuo'. Tohta'a lo'eyacolhuo' cal Espíritu Santo, itque hi'Espíritu LanDios, imanc' oh̄aitsufma.

12 Itsiya cunc'aipimaye, ¿naiti cal'najtse'econayacu? ¿Naiti calihuejcoyacu? ¿Lah̄cuerpo ah̄taiyinc'e? ¿Ja'ni ite ah̄poujna? A'i. 13 Ja'ni tolihuejcoyi loxahue'epolhuo' lohcuerpo mane tecani'em'molhuo'. Ja'ni tolihuejcoyi cal Espíritu Santo tolatec'cona'me lonh̄'epa lixcay, ite loxahue'epolhuo' lohcuerpo. Aimonh̄'econayacu ita'a. Tijoula' timaf'i'ina'molhuo' LanDios.

14 Pesti naihuejpa' hi'Espíritu LanDios, ih̄niya inaxque' LanDios. 15 Luyaipa quitine micuxelhuo' lixcay, ite lataiqui' loya'apa locuxepa LanDios ticuxecolhuo'. Tohsuejcoyi, tohcuyi: "Ahtel'mi'monga' LanDios". Itsiya joupa olapenufpa' cal Espíritu Santo. Itque aimepi'iyacolhuo' tohta'a lohpixh̄uejma'. Lolapenufpa itque cal Espíritu LanDios epenufpolhuo' to quinaxque'. Ma h̄que cal Espíritu ah̄muc'inga' te ts'i'ic' lacui'i'me LanDios. Ah̄miyi: "Ima' mai'Ailli". 16 Ma h̄pe lah̄unxajma' ah̄singufyohtsi inaxque' LanDios. Ma' anuli lu'inga' cal Espíritu Santo. 17 Ma h̄mana' fa'a li'a lamats' ja'ni illanc' inaxque' LanDios h̄nca pu'hua LanDios lapi'itonga' ite lapi'iyacola' linaxque'. LanDios joupa imetsaicopa hi'Hua, itque

Cristo. Illanc' jouc'a limetsaicotonga'. Fa'a ja'ni laŧelcopa ti'onŧcospa to liteŧcopa Cristo, pu'hua jouc'a aŧ'onŧcotonga' to Cristo, aŧaŧŧufcotinga' LanDios.

¹⁸ Itsiya litine aicaŧŧina' te ts'i'ic' al c'a lalapi'iyaconga' LanDios. Linca, acueca' juaiconapa iŧe laŧ'iyaconga' pu'huanni. Ita'a laŧelcopa itsiya litine aimi'iya maŧ'onŧcoyacu al cueca' al c'a lalapi'inyaconga'. ¹⁹ Fa'a li'a lamats' jahuay lilanc'epa LanDios tocomma to ticutŧufyi, tinesyi: “¿Te quitine aŧŧim'mola' iŧniya linaxque' LanDios lolaiŧŧufcoyacola'? ¿Te quitine aŧŧim'mola' te ts'i'ic' iŧniya?” ²⁰ Linca, itsiya jahuay lilanc'epa LanDios i'huáqui eteŧquenamma. Iŧe litine LanDios liteŧ'mipa cal xans ni'epa quixcay jouc'a iteŧ'mipa jahuay lilanc'epa. Tama ailopa'a qui'epa, eteŧquenamma. A'i nulemma queteŧqueya. Aimipaneya toŧta'a. ²¹ Itsiya linca lamaya ti'huaŧcola' jahuay. Ailopa'a cunŧuya. Juaiconapa acueca' al c'a lo'e'eyacola' linaxque' LanDios. Tunŧu'e'mola'. Lamaya aimi'huaŧcoconayacola'. Lilanc'epa LanDios jouc'a tulij'ma lamaya, aimiminscoconaya.

²² Aŧŧina' aici'ic' toŧta'a. Itsiya jahuay lilanc'epa LanDios tocomma to titeŧma acueca' cumla. Lo'ipa ti'onŧcospa to loteŧcopa ŧaca'no' nocuaiya hi'hua. Iŧque acueca' cumla titeŧco'ma. ²³ Illanc' jouc'a lumlequina'. Aŧteŧcoyi jilpe ŧalunxajma' ma caŧ'huaŧjma LanDios lapenuŧŧonga' to inaxque', aŧaŧŧufcotinga'. Iŧiya litine aŧŧim'moŧŧi jounpa lunŧu'eponga' jouc'a laŧaŧcuerpo. LanDios jounpa lapi'iponga' cal Espíritu Santo, toŧiya aŧŧina' laŧ'iyaconga' toŧta'a.

²⁴ Linca, aimi'iya maŧnesyacu: “Jounpa i'ipa. Jounpa lunŧu'eponga' jouc'a laŧcuerpo.” Tehue'e'. Ja'ni lunŧu'etsonga' ticuticomma aŧ'huaicote, aŧnesle: “Al linca toŧta'a lo'iya”. Coŧa' jounpa aŧŧimpá li'ipa, ¿te caŧ'huaicocoyacu? A'i. Ailopa'a caŧ'huaicoyacu. ²⁵ Ja'ni aŧŧina' tehue'e', aŧŧina' aici'ic', ma' aŧŧnet'ŧ'me, aŧ'huaico'me lo'iya.

²⁶ Illanc' a'i caŧuca' aŧŧnet'ŧ'yi. Cal Espíritu Santo aŧtoc'inga'. Illanc' caŧuca' ailopa'a caŧ'eyacu. Aicaŧŧina' te caŧŧahue'eyacu LanDios. Aimi'iya maŧŧa'hueyacu. Aŧŧingufcoyi aŧteŧcoyi jilpe ŧalunxajma'. Ailopa'a caŧtaiqui'. Cal Espíritu Santo aŧtoc'inga'. Iŧque linca tixa'hue'ma LanDios titoc'itsola' lixanuc', iŧniya ma' i'huexi LanDios. ²⁷ LanDios lahuelonginga' xonca lemiya jilpe laŧpicuejma'. Iŧque ixina' te loxahue'epa cal Espíritu Santo. Imetsaijma ac'a lipicuejma'. Iŧque cal Espíritu tixahue'e'ma lateŧŧococoya LanDios.

²⁸ Illanc' naŧ'epá capic'a LanDios, iŧque aŧjoc'iponga'. Ma' iŧque LanDios jounpa ixpic'epa te ts'i'ic' al c'a laŧ'iyaconga'. Itsiya aŧŧina' jahuay aŧtoc'inga'. Ja'ni ac'a o ja'ni a'ijc'a laluyalaicoyacu, ma le'a al c'a aŧ'e'monga'. Ailopa'a caŧ'eyaconga' lixcay. ²⁹ A'i'a aŧmajnlita LanDios alimetsaicoponga'. Jounpa ixpic'epa te ts'i'ic' laŧ'iyaconga'. Ixplic'epa aŧanc'e'etsonga' laŧpicuejma'. Ti'ila' to lipicuejma' hi'Hua, aŧ'onŧcotonga'. Ti'ila' cal Cristo aŧpima; iŧque cal Te'a, illanc' ipepohue. Toŧta'a ti'i'mola' axpela' lipimaye. ³⁰ A'i ma le'a ixpic'epa te ts'i'ic' iŧe laŧ'iyaconga', jouc'a aŧjoc'iponga' lihuejle. A'i ma le'a aŧjoc'iponga', jouc'a lapenuŧponga' to ailopa'a caŧjunac'. A'i ma le'a lapenuŧponga' to ailopa'a caŧjunac', jouc'a limetsaicoponga' inaxque', aŧaŧŧufcotinga'. Jilpe litine linca aŧanc'e'etonga' laŧpicuejma', ti'ila' ma to lipicuejma' LanDios, pangay c'a.

³¹ Itsiya ¿te caŧnesyacu? Ja'ni toŧta'a aŧ'nujuaitŧinga' LanDios, iŧne petŧi naŧ'eponga' laic', ¿te caŧ'e'eyaconga'? ³² LanDios ni hi'Hua quixina' cuanuc'. Icupa tima'anŧe, ti'najŧŧeŧa' lixcay laŧ'epa jahuay illanc'. Ja'ni toŧta'a lapi'iponga' iŧque ŧalunŧu'eyaconga', ¿te aimalapi'iyaconga' jahuay lalahue'eponga'?

³³ Illanc' naŧ'huij'eponga' LanDios, ¿naitŧi naŧcufyaconga'? ¿Ja'ni LanDios? A'i. Ma LanDios alapenuŧponga' to ailopa'a caŧjunac'. ³⁴ ¿Naitŧi nalacani'eyaconga'? ¿Ja'ni Jesucristo iŧque nimapa? A'i. Iŧque imaf'inapa. Itsiya tipa'a pu'hua al c'a camane LanDios. Jilpe tixa'hue LanDios aŧtoc'itsonga'.

³⁵ Cristo al'enga' capic'a. ¿Ja'ni ti'i'ma lanaj'monga'? A'i, aimi'iya. Ni la'iyaconga' o la'iponga' mi'iya. Ja'ni aktel'cole, ja'ni lapajnya alsinte ipime, ja'ni aktel'mintsonga', ja'ni lumlejma, ja'ni lahue'etsonga' calpijahua', ja'ni ti'ila' caxpaiqui', ja'ni alma'antsonga', ailopa'a calanajyaconga' Cristo. ³⁶ To loya'apa al Paxi Linilingiya ma to'ta'a luyalaicoyi. He lataiqui' ticua: Illanc' lalihuejhuo' ima', alsinninga' to lam mot'í, ihe li'huijf'empola' tima'am'mola'.

³⁷ Ma al linca ihiya lataiqui'. ¿Te co'iya? Alsina' Cristo al'enga' capic'a. I'que altoc'inga'. To'ta'a jahuay la'iyaconga' lulij'me. Ailopa'a cal'eyaconga'.

³⁸ Iya' cacua: Joupa aixina' aimi'iya malanajyaconga' Jesucristo, ni lamaya, ni lapajnya, ni lapaluc' quema'a, ni lontahue i'pufxi acueca', ni lo'ipa itsiya, ni lo'iya locuaicoya, ³⁹ ni lopa'a al toncay lema'a, ni lopa'a al 'ocay lamats'. Petsi lilanc'epa LanDios ailopa'a calanajyaconga' Jesucristo latPoujna, i'que namuc'iponga' te ts'i'ic' mal'enga' capic'a LanDios.

9

¹⁻³ Iya' camilhuo' caxhue'mot'le juaiconapa. Itine itine tocomma to lumlequi jilpe lainunxajma'. Iya' ca'nujuaitsila' laipimaye, ihe laif'as xanuc' judío. To'ta'a laifnespa aicafellaique. To'e ixina' Cristo, i'que lainihuequi. Jouc'a cal Espíritu Santo al'palaic'o jilpe laipicuejma', almi: "Ma' al linca ihe lofcuapa". Iya' cacua: Co'ta' al'cuana'ela' Cristo ja'ni to'ta'a tuntu'l'me ihe laipimaye.

⁴ Ihe lun Israel acueca' lipaxnepola' LanDios. Imetsaicopola' inaxque'. Mal'que LanDios imuj'moxi pe lomana' ihniya. Imaneconca litaiqui', epi'i'mola' litaiqui' loya'apa locuxepa. Imuc'i'mola' te lo'eyacu jilpe lejut'í LanDios. U'i'mola' litaiqui' licupa, ticua: "To'e, to'e catoc'i'molhuo'". ⁵ Ihe lixanuc' Israel altatahueló illanc' ninc'ijudío. Jouc'a itatahueló Cristo lipajnta fa'a li'a lamats'. I'que Cristo ma' anDios, jahuay ticuxe. Ma' i'que laxc'on'ingotai'e. Ocuena aimi'iya malaxc'on'ingotai'yacu. Ni itsiya ni Locuena Quitine. To'ta'a ti'ila'. Amén.

⁶ Itsiya, ¿te qui'ipa? Tocomma to LanDios aiqenant'hi limipola' ihniya lun Israel. A'i. Ma tenant'hi. Petsi alinca ixanuc' Israel ihniya tepenufyi litaiqui' LanDios. Locuenaye pe aiqilepenufi, tama anuli hitatahuelo, ihe a'i quixanuc' Israel, a'i quixanuc' LanDios. ⁷ Ma to'ta'a li'ipola' linaxque' Abraham. Ihe tama le'a anuli qui'ailli', i'que Abraham, LanDios aiqimetsaicola' jahuay ihniya. Timi Abraham: "Quimetsaico'ma Isaac. I'que ma' o'hua." ⁸ He lataiqui' al'muc'inga' naitsi ihe alinca inaxque' LanDios. Lan xanuc' nomajnlispa fa'a li'a lamats' LanDios aiqimetsaicola' jahuay to quinaxque'. Ma le'a ihniya nomajnliconspá, ihe tipa'a al ts'e lipitine, mal'ne inaxque' LanDios. Ti'on'cospa to Isaac. Abraham a'i quituca' mixpic'e ti'ila' i'que qui'hua. Ma LanDios icupa cataiqui' ti'ila'. ⁹ To'ta'a litaiqui' LanDios limipa Abraham lu'ipa lo'iya, ticua: "Litine laixpic'epa iya' cacuaiyoconno, lopeno Sara tipo'no'ma hi'hua".

¹⁰⁻¹² Ma' anuli li'ipola' linaxque' Rebeca. Ihniya loquexi', lan cuatsi, anuli qui'ailli'. I'que hitatahuelo Isaac. Ihniya mimana' licu'u Rebeca, ai'a timajnlita, aiqil'aic' ni al c'a ni lixcay, ihniya hitiné LanDios timi Rebeca: "Lapepo, i'que lopajnya lijoujma, ticuxe'ma hipima".

Jilpe LanDios timuqui te ts'i'ic' lo'epa. I'que quituca' tixpic'e naitsi ihe ti'itsola' lixanuc'. To'ta'a aimi'iya minesyacu: "Iya' ac'a lai'ejma', tohiya al'huijf'epa LanDios". A'i. LanDios quituca' ti'huijf'e'mola' lixanuc'. I'que aiqipai'i lipicuejma'. Ma' anuli ti'hua ti'ay. ¹³ Al Paxi Linilingiya tuya'e' to'ta'a li'ejma' LanDios, ticua: "Jacob ai'epa capic'a, Esaú ai'epa caipilaic'".

¹⁴ Itsiya, ¿te calnesyacu? ¿Ja'ni a'ij hijca lo'epa LanDios? A'i. Aimi'iya mal'nescoyacu to'ta'a. ¹⁵ LanDios timi Moisés: "Iya' catoc'i'ma petsi aipic'a

catoc'ila'. Caxim'ma cuanuc' petsi aipic'a caxinla' cuanuc'." ¹⁶ Toŧta'a aŧsinyi aimi'iya maŧspic'eyacu te ts'i'ic' caŧ'e'eyaconga' LanDios. Aimi'iya malipa'ayacu caŧxi malulijyacu toŧta'a maŧpaxneyaconga' LanDios. Ma LanDios quituca' tixpic'e naiŧne loxinyacola' acuanuc'la.

¹⁷ Ma' anuli loya'apa al Paxi Linilŧngiya locuapa limipa LanDios cal rey Faraón. Timi:

Iya' camuc'i'mola' lan xanuc' acueca' laif'epa.

Ni petsi lomana' li'a lamats' ti'ila' quilsina' ma' iya' NanDios.

Toŧta'a aifajpo' ima', nepi'ipo' lopenic', aixpic'epa te ts'i'ic' lof'eya.

¹⁸ Jiŧpe aŧsinyi li'ejma' LanDios. Iŧque petsi ipic'a titoc'ila' ma titoc'i'ma. Petsi ipic'a ti'ila' axna lipicuejma' ma ti'i'ma axna.

¹⁹ Itsiya, ¿te aga aŧmi'ma: "Ja'ni toŧta'a li'ejma' LanDios, ¿te co'icopa aimalatenŧcoconga' illanc' laŧejma'? ¿Te illanc' caŧuca' aŧspic'e'me te ts'i'ic' laŧ'iyaconga'? A'i. Aimi'iya."? ²⁰ Aimones'ma toŧta'a. ¿Te totalai'ot'le'ma LanDios ima' ma' unxans? ¿Te ja'ni hilanc'empa ti'i'ma titalai'e'ma iŧque hilanc'epa? A'i. Aimi'iya. ²¹ Lintaŧpa capixú maŧque quituca' tixpic'e te ts'i'ic' mixhuicoya hiŧpixitsqui. Maŧque hiŧpixitsqui tilanc'eco'ma oque' laŧpixú. Anuli acueca' lipitali, locuena ni naiŧsi capixu.

²² Ima' totalai'ot'le'ma LanDios, aimetenŧcocoŧhuo' iŧque li'ejma', iya' camihuo': Ima' aimocueca lo'epa LanDios. Iŧque joupa ixpic'epa titeŧmitsola' iŧne laixtuc'opola'. Joupa ixpic'epa timuj'moxi ma' anDios. Tama joupa ixhuaita acueca' li'epa lixcay, LanDios ti'hua ticoŧi. Aiquecani'ela' nulemma. Tixnet'ŧqui. ²³ Linca aimocueca iŧe lo'epa LanDios. Iŧque jouc'a tipa'a lomuc'iyacola' lan xanuc'. Iŧne lixanuc' loximpola' acuanuc'la. Joupa ixpic'epa titoc'itsola', tilanc'e'e'mola' liŧpicuejma', tilaŧsufcotsola'. Joupa ixpic'epa timetsaicoŧe juaiconapa acueca' CanDios.

²⁴ Iŧe laifnespa: "... lixanuc' LanDios", canescola' jahuay iŧne petsi hiŧoc'ipola' LanDios. Ja'ni ninc'ijudío, ja'ni unc'ocuenaye xanuc', ma' anuli LanDios aŧjoc'iponga'. ²⁵ Jiŧpe lije'e cal profeta Oseas, LanDios tipalaicola' locuenaye xanuc', iŧne a'ij judío, ticua:

Ticuaihuo litine cami'mola' locuenaye xanuc': "Imanc' aixanuc'".

Itsiya litine a'i caixanuc' iŧne.

Itsiya iŧne lan nación aimalatenŧma aicapenufila' liŧxanuc'.

Ticuaihuo litine cami'mola' iŧne locuenaye nación:

"Ca'elhuo' capic'a, capenuf'mola' loŧxanuc'".

²⁶ Jouc'a ticua:

Petsi timila': "Imanc' a'i quixanuc' LanDios",

maŧpiya tecui'im'mola': "Iŧne inaxque' LanDios Limaf'i".

²⁷ Cal profeta Isaías tuya'e' lo'iyacola' lan xanuc' Israel, ticua:

Tama axpela' lan xanuc' Israel,

tama ti'onŧcospola' to cal cuixa ŧopa'a ŧema caja,

ma le'a ahuata lonŧulyacu.

²⁸ LanDios laŧPoujna joupa ixpic'epa ti'e'ma al cueca' fa'a li'a lamats'.

Ma to licuapa, toŧta'a ti'e'ma, ti'e'ma nulemma.

Tixhuai'ni'ma iŧe litaiqui' licuapa.

²⁹ Jiŧpe lije'e Isaías ai'a tuya'a'ma toŧta'a lo'iyaya, ticua:

LanDios, iŧque jahuay ticuxe, aiquijou'ne nulemma laŧnación.

Timanemma to oquexi' afantsi laŧnaxque'.

Ja'ni a'i, coŧa' laŧ'iyaconga' ti'onŧcota to li'ipola' hiŧeloŧya' Sodoma y Gomorra.

Iŧniya hiŧeloŧya' ejac'mola' nulemma jouc'a liŧxanuc'.

³⁰ Itsiya, ¿te calnescoyacu xonca? ¿Te qui'ipola' lan xanuc' a'ij judío? Luyaipa quitiné iñe lan xanuc' aiquiñsina' locuxepa ÆanDios. Aimehueyi te co'iya mixinyacola' ÆanDios to lan c'a xanuc'. Aimecuis'eyoñtsi: “¿Te cal'eyacu añsintsonga' toñta'a?” Itsiya petsi no'huaiyimpá Jesucristo, ÆanDios tepenufla' to ailopa'a quiñjunac'. ³¹ Lan xanuc' judío, iñe lixanuc' Israel, ¿te qui'ipola' iñiya? Iñe iñsina' al c'a locuxe'epola' ÆanDios. Tixhueyi iñe lataiqui'. Tehueyi te co'iya ÆanDios mixinyacola' to ailopa'a quiñjunac', tepenuftsola'. ÆanDios aiquixinnila' toñta'a. Aiquepenufila'. ³² ¿Te qui'icopola' toñta'a? Iñe aimi'huaiyijnyi ÆanDios. Mañpe liñpicuejma' ticuayi: “Iñanc' ninc'ic'a xanuc'. Lanant'hi'me calñuca' iñe lañcuxe'eponga' ÆanDios. Toñta'a ailopa'a calñjunac'. Lapenuf'monga'.”

Iñe imenaj'mola'. Jiñpe litaiqui' ÆanDios, tuya'e' tipa'a “... anuli ñapic loc'uilitsufcopola' lan xanuc’”. Iñe lan judío ñinca uc'ui'e'mola'. ³³ Toñta'a loya'apa al Paxi Linñingiya, ticua:

¡Toñsinñe!

Jiñpe liñya' Siñ capo'no'e anuli ñapic petsi tuc'uilitsufco'mola' lan xanuc'.

Jiñpe cal cueca' capic ñinca tixcai'e'mola'.

Cal xans no'huaiyijmpa iñque, ñinca ailopa'a co'iya, aimixhueñcoconaya.

10

¹ Cunc'aipimaye, jahuary ñainunxajma' cacua: “Tunñul—le lun Israel”. Toñta'a laifxa'huepa ÆanDios. ² Iñe tama tixoqui quileta tihuejyi ÆanDios, aiquiñsina' te ts'i'ic' latencocoya ÆanDios. ³ Aiquiñcueca lu'ipola' ÆanDios. Iñque joupa uya'apa, u'ipola' naitsi iñe lan xanuc' loxinyacola' to ailopa'a quiñjunac', tepenuf'mola'. Ituca' lonespa lun Israel. Ticuayi: “Lanant'hi'me locuxepa ÆanDios. Toñta'a añsim'monga' ninc'ic'a xanuc', lapenuf'monga'.” Totiya aimihuejcoyi ÆanDios. Iñque joupa icuapa lo'eyacu lan xanuc' ja'ni tepenuftsola' to ailopa'a quiñjunac'. ⁴ Ma le'a Jesucristo enant'ñipa lataiqui' loya'apa locuxepa ÆanDios. Lan xanuc' aimi'ña menant'ñiyacu. Totiya petsi no'huaiyijmpá Cristo ma' iñiya ÆanDios tepenufla' to ailopa'a quiñjunac'.

⁵ Jiñpe litaiqui' linñiya Moisés titalai'e cal xans nocuapa: “Canant'hi'ma locuxepa ÆanDios, toñta'a añsinñla' ninc'a xans, lapenuf'ma”. Moisés timi: “Ne', tanant'ñila' locuxepa ÆanDios, toñta'a toyaico'ma al c'a”. ⁶ Cal xans nonespa: “Aimi'ña canant'ñiya, le'a ca'huaiyijm'ma ÆanDios”, ituca' lotal'ai'e'epa Moisés. Timi: “Aimones'ma: ¿Naitsi nof'ajya ticuaita lema'a?” ¿Te ja'ni tolecota Cristo timunni? A'i. Joupa i'huamma fa'a li'a ñamats'. ⁷ Jouc'a timi Moisés: “Ni aimones'ma, ¿Naitsi naimuya, ticuaita pe lomana' lamizhua?” ¿Te ja'ni taipa'ata Cristo jiñpiya? A'i. Joupa imaf'inapa, ipanamma. ⁸ Ja'ni to'huaiyinge ÆanDios, Moisés timihuo': “A'ij culi' iñe lataiqui' lofmihuejya. Jiñpe ñomunxajma' to'ay ñinca. Tonesqui.” Ma iñe lataiqui' illanc' laluya'apa. Lu'iyaleyí: “¡Toñ'huaiyijnle!” ⁹ Lu'iyaleyí: Ja'ni tonesla': “Jesús ma' anDios”, ja'ni jiñpe ñomunxajma' tocua: “Ñinca ÆanDios imaf'i'ina, ipa'anapa pe lomana' lamizhua”, ÆanDios tunñu'e'mo'. ¹⁰ Ticuicomma jahuary ñomunxajma' to'huaiyijnla' ÆanDios. Toñta'a ÆanDios tepenuf'mo', tixim'mo' to ailopa'a cojunac'. Jouc'a ticuicomma tonesla': “Jesús ma' anDios”, tijouñla' ÆanDios tunñu'e'mo'.

¹¹ Al Paxi Linñingiya ticua:

Petsi no'huaiyijmpá, iñiya aimixinyacu calaic'ata, aiminesyacu: “ÆanDios añfel'mipa”.

¹² ÆanDios tixinnila' ma' anuli lan xanuc'. Ja'ni ajudío, ja'ni a'ij judío, ma' iñque iñPoujna jahuary. Acueca' titoc'ila' iñe petsi nojoc'ipá. Aimecuanajyoxi.

¹³ Al ñinca loya'apa lataiqui' locuapa:

Lan xanuc' nojoc'ipá, nomipá: “MaiPoujna, ahtoc'ila’”,
jahuay ihniya tuntu'l'me.

¹⁴ Ja'ni aiquil'huaiyinge Cristo, ¿nai cojoc'iyacu? Ja'ni aiquilsina' naitsi ihque, ¿nai co'huaiyinyacu? Ticuicomma tuya'ale. Ja'ni a'i, ¿te co'iya mi'ya quilsina'? ¹⁵ Ja'ni ailopa'a commenyacola', ¿nai notseyacu, noya'ayacu? Al Paxi Linilingiya tinescola' noya'apá, ticua:

Tixoj'ma calata lapenuf'mola' noya'apá Lataiqui'.

Ihe Lataiqui' tuya'e' ihe al c'a loxpicepa LanDios.

¹⁶ Linca, petsi noquimf'epá Lataiqui' a'i jahuay mihuejcoyi. Tohta'a cal profeta Isaías timi LanDios, ticua:

MaiPoujna, ¿naitsi tepenufpa laluya'apa?

Tocomma to ailopa'a quilepenufi.

¹⁷ Cagua: Ticuicomma ate'a tiquimf'ele Lataiqui', tijoula' ti'huaiyijnle Jesu-cristo. Petsi timetsaicoyi Lataiqui' ma' itaiqui' Cristo, ihniya ti'huaiyijm'me.

¹⁸ Itsiya, ¿te qui'ipola' lun Israel? ¿Ja'ni aicu'innila' ihe? Linca u'im'mola'. Tohiya loya'apa al Paxi Linilingiya, ticua:

Ni petsi li'a lamats' uya'apa Lataiqui'.

Ihe noya'apá, lihtaiqui' icuaita xonca aculi' li'a lamats'.

¹⁹ Cagua: Ihe lun Israel, ¿te aiquilsina' tohta'a lo'iya? Linca ilsina'. Moisés uya'apa lo'iya, tuya'e' lonespa LanDios, ticua:

Itsiya imanc' aicolimetsaicola' locuenaye xanuc'.

Tohnescola', tohuay: “Ihniya amac'ta, aiquil'cueca”.

Pe lohnescompola' tohta'a iya' ca'e'e'mola' al c'a, tijoula' imanc' aimeten'coyacolhuo' laif'eya, tolixtulecu.

²⁰ Isaías xonca al cuajmaica cataiqui' tuya'e' lonespa LanDios, ticua:

Lan xanuc' petsi aimalahuay, ihe alsinnapa.

Petsi aiquilicuitsufi: “¿Pe copa'a LanDios?”,

jilpiya aimuj'moxi, malniya alsinnapa, limetsaiconapa.

²¹ LanDios ituca' lonescopola' lan xanuc' Israel, ticua:

Jahuay litine cajoc'ila' ihniya lan xanuc'.

Ca'niquila' laimane', camila': “¡Tonhouyunca!”

Ihniya aiquil'cuac', aimalihuejma'.

11

¹ Cagua: ¿Te qui'ipola' lun israelita, ihe lixanuc' LanDios? ¿Te ja'ni ecani'epola' nulemma? A'i, tohta'a aimi'iya. Iya' jouc'a nin'israelita, aixinyoxi i'hua Abraham, lixanuc' Benjamín aitatahueló. ² Ihe petsi alinca ixanuc' LanDios imetsaicopola' ai'a timajnlita. Aimi'iya mecani'eyacola'. ¿Ja'ni aicolsina' loya'apa al Paxi Linilingiya? ¿Aicolsina' jilpe lonescopa li'ipa cal profeta Elías micufquila' lixanuc', ihe ixanuc' Israel? Tijoc'i' LanDios, tixa'hue titoc'ila', timi: ³ “MainenDios, maiPoujna, ¡Toxinla' lo'epa ihe lan xanuc'! Ima'apá loprofeta, ummetsaipá lo'altar. Iya' caituca' aimaf'i, iya' lahuenno alma'a'ma.” ⁴ LanDios, ¿te quitalai'eco'ma Elías? Timi: “A'i, aimopa'a cotuca'. Imaf'i' tixhuaispola' ocuenaye acaitsi mil lan xanuc'. Ainaaquila', ihe ai'huexi, a'i quilexc'onhingoaic' cal ídolo Baal.”

⁵ Ma itsiya tohe ti'i. Itsiya pe lomana' lan xanuc' Israel tilmana' hualca ihniya alinca ixanuc' LanDios. LanDios itoc'ipola', i'huif'epola'. ⁶ LanDios quituca' tixpic'e nai lotoc'iyacola', nai lo'huif'eyacola'. Ihe notoc'iyacola' aimicuicomma ate'a mi'e'me al c'a, tijoula' ti'huif'e'mola'. A'i. Ja'ni tohta'a lo'epa LanDios cola' aimitoc'iyacola' lixanuc', ma' le'a ti'najtse'mola' lo'epa al c'a.

⁷ Itsiya, ¿te qui'ipa? Lixanuc' Israel tama tehueyi te co'iya mepenufyacola' LanDios, aiquixim'me. Hualca linca ixim'me. Pe niximpá ihe li'huif'epola'

ŁanDios. Locuenaye i'ipa axna łilunxajma'. ⁸ Li'ipola' ma to loya'apa al Paxi Linilngiya, tuya'e':

ŁanDios i'e'epola' muf lipicuejma', i'e'epola' afohue, atałpe.

Ma tołta'a tuyalaicoyi itsiya litine.

⁹ Cal rey David jouc'a tinescola' łniya, ticua:

Lan xanuc' ni'epá lixcay, łne notel'mipá lił'as xanuc', ma tołta'a ti'e'em'mola' łniya.

Ma mitetsoyi ticuaitsa no'epá laic', ti'nołintsola'.

¹⁰ Timufc'otsola' lił'u', aimixim'me,

tuliquintsola' no'epá laic', ti'hua ticuxenaitkola'.

¹¹ ¿Te ja'ni cacua: łniya lixanuc' Israel joupa imenajpola'? ¿Te ŁanDios ecani'epola' nulemma? A'i tołta'a laifcuapa. Łınca łne aiquilcueca, aiquilhuequi loxc'ai'ipola' ŁanDios. Tołiya ŁanDios epi'ipola' lane locuenaye xanuc' tihuejle, tunłul—le. Tijoułta' łne lixanuc' Israel tixim'me al c'a li'ipola' locuenaye xanuc', ticua'me: “łllanc' jouc'a al'e'entsonga' łe al c'a”. ¹² Lixanuc' Israel aiquilhuequi ŁanDios, tołiya ŁanDios acueca' tipaxnela' lan xanuc' ni petsi lomana' li'a łamats'. Itsiya łne lixanuc' Israel tehue'ela', tołiya acueca' al c'a lulijsa locuenaye lan xanuc'. Tijoułta', ticuaitsi litine ŁanDios tipaxneconatsola' łne lun Israel, tepenufconatsola', ¿te co'iyay? Łınca xonca al c'a lo'iyay.

¹³ Itsiya capalaic'olhuo' imanc' unc'ocuenaye xanuc'. Tołe ca'ay łanic' lalapi'ipa ŁanDios. Iya' ol'apótol. ŁanDios lummepa cu'itsolhuo' Lataiqui'. Cu'itsolhuo' jahuay imanc' a'i cunc'ijudío. Tołta'a laif'epa. ¹⁴ Cacua: Laif'as xanuc' judío ti'ıla' quilsina' te ts'i'ic' li'ipolhuo' imanc', aga tinesle: “łllanc' jouc'a lapenufle łe al c'a”, tijoułta' aimecani'eyacola'. ¹⁵ ŁanDios lecanaipola' łne lan xanuc' Israel, locuenaye lan xanuc', ni petsi lomana' li'a łamats', epi'ipola' lane tiyejmalełe ŁanDios. Itsiya litine łne lun Israel tocomma to lomanapola'. Ticuaitsi litine tepenufconatsola' ŁanDios, łınca timaf'i'ina'mola'.

¹⁶ Łınca ŁanDios tepenufcona'mola'. Ła'i lolanc'ecoyacu cal ts'e trigo ja'ni titsufconłe ŁanDios tutani łax'e, a'i ma le'a łe łax'e i'huexi ŁanDios, łpanemma łax'e jouc'a i'huexi. Anuli al 'ec, ja'ni łime i'huexi ŁanDios łimané łe al 'ec jouc'a i'huexi ŁanDios. ¹⁷ łne lixanuc' Israel, ŁanDios ti'onłicola' to lifapa al 'ec, łe al c'a al 'ec olivo jouc'a łimané. Imanc' unc'ocuenaye xanuc' ti'onłicospolhuo' to łimané al ximalo olivo. ŁanDios łlonc'e'epola' hualca łimané łe li'olivo, ma jilpiya ifinc'ipolhuo' imanc'. Tenef'molhuo' petsi łe al c'a olivo. Itsiya, imanc' jouc'a i'e'epolhuo' łimané al c'a olivo. łe al c'a lime łujay titoc'elhuo'.

¹⁸ Aimolcua'me: “łya' xonca ninc'a. łne łimané olivo łlonc'e'epola' ŁanDios, łne a'ijc'a.” Ja'ni tołta'a tołnesyi tocomma to imanc' tołtoc'eyi lime. A'i. Lime titoc'elhuo' imanc'. ¹⁹ Aga tołcua'me: “ŁanDios łlonc'epola' łimané olivo ipic'a al'finc'ıla', lanef'la' jilpe”. ²⁰ Ne'. ŁanDios łlonc'epola' łniya petsi aimi'huaiyijnyi. Imanc' ifinc'ipolhuo'. Ma' mol'huaiyijnyi tołmanecu jilpiya. Itsiya aimol—lof'e'molłsi. Toł'etsolłsi cuenna. ²¹ ŁanDios itel'mi'mola' łne ma łimané olivo, łne łenef'pá lime. Aiquixinnila' acuanuc'la. Imanc' ja'ni aimi'hua mol'huaiyijnyi, ¿te aimitel'miyacolhuo'? Łınca titel'mi'molhuo' jouc'a.

²² łe lo'epa ŁanDios timuqui te ts'i'ic' lipicuejma'. łque tixina cuanuc', jouc'a ti'i'ma tixtu'hua. Pesti lenajpołłsi, aimihuejconayi, łniya ixtuc'o'mola'. Imanc' a'i. Iximpolhuo' unc'icuanuc'la, itoc'i'molhuo'. Ja'ni ti'hua tolıhuejcoyi ŁanDios, łque pe jousa iximpolhuo' unc'icuanuc'la, małque ŁanDios ti'hua titoc'i'molhuo'. Ja'ni aimolihuejconayi tetec'e'e'molhuo'. ²³ łniya łlonc'epola', ja'ni aimihuejcona'me lixcay cane, ja'ni tehuejcona'me ŁanDios, łque tifinc'icona'mola', tenef'cona'mola'. ŁanDios łınca nipajnya ti'e'ma tołta'a.

²⁴ łne loquej lan olivo ituca' ituca' liłsans. Anuli aximalo, locuena al

c'a olivo. Imanc' ma mi'onłcospolhuo' to łımané al ximalo olivo ŁanDios etec'e'ena'molhuo', ipa'apolhuo', enef'polhuo' jıłpe al c'a olivo. Ja'ni ıle lipime joupa i'epa ŁanDios, ¿te aimi'ıya mi'eya ja'ni a'i quipime? Łınca, ti'i'ma. Ti'i'ma tıfinc'icona'mola' jıłpe li'ec ıhniya ma łımané al c'a olivo.

²⁵ Cunc'aipimaye, ma caltuca' lałpicuejma' aimi'ıya maluhualıyacu ıle lataiqui' lonescopa li'ipola' lixanuc' Israel. ŁanDios łınca alı muc'inga'. Aıpic'a ti'ıla' colıına' te ts'i'ic' li'ipola' ıhne lan xanuc'. Ja'ni a'i, aga tołcua'me: "ıllanc' xonca ac'a lałpicuejma', xonca alıına'".

ıtsıya lixanuc' Israel le'a huata ıhniya ıhsına' te ts'i'ic' lo'eyacu ja'ni tetenłcocola' ŁanDios lo'epa. Locuenaye li'ipola' axna liłpicuejma'. Ticuaiyunni litine tıxhuai'nıtsola' ıhne a'ıj judıo pe no'huaiyijmpá Jesucristo, ıhne lun Israel jouc'a tilanc'e'e'mola' ac'a liłpicuejma', ti'huaiyijm'me. ²⁶ Tołta'a tunłul'me jahuay lixanuc' Israel. Tołta'a loya'apa al Paxı Linıfıngıya, tuya'e' lonespı ŁanDios, ticua:

Łonlu'eyacola' lixanuc' Jacob tipaiyohuo laıpııya' Sıon.

Tipai'i'mola' ıhniya liłpicuejma', alıhuejconama.

²⁷ Tołta'a tenanł'ma laıtaiqui' alımaneconca.

Iya' quılonc'e'ena'mola' liłjunac'.

²⁸ ıhne, ma' aimıhuejyi Lataiqui' loya'apa ıle al c'a lixpıc'epa ŁanDios, ıłque aımepenufila'. Xonca tepenufilhuo' imanc'. Łınca aıquecanai'ıla' nulemma. ŁanDios ti'hua ti'nujuaitsıla' ıhne lixanuc', joupa i'huıj'epola' liıtatahuelo.

²⁹ ŁanDios aimıpai'i lipıcuejma'. Ja'ni joupa icupa cataiqui', ıle lepi'ıpa aimııxic'eya. ıłque petıi'ıjoc'ıpa aımetets'ıya. ³⁰ Imanc', luyaıpa quitine aimolıhuejyi ŁanDios. ıtsıya tolıhuejyi. ıhne lixanuc' Israel aıquılıhuequi. Tołıya ŁanDios xonca ixımpolhuo' unc'ıcuanuc'la, epenufpolhuo'. ³¹ Łınca, ıtsıya litine ıhne lixanuc' Israel aimıhuejyi, tołıya ŁanDios ixımpolhuo' unc'ıcuanuc'la imanc'. Tijoułta' jouc'a ıhniya tıxim'mola' acuanuc'la. ³² Ja'ni lixanuc' Israel, ja'ni locuenaye lan xanuc', jahuay ma' anuli aıquılıhuequi ŁanDios, ıłque joupa ixımpola' jahuay axpennaiqui. Tołta'a ja'ni lixanuc' Israel, ja'ni locuenaye lan xanuc', ma' anuli nıpaınyıa ti'i'ma tıxim'mola' acuanuc'la ŁanDios.

³³ Cacia: ¡Acueca' juaıconapa ŁanDios! ¡Acueca' juaıconapa lipıcuejma'! ¡Acueca' juaıconapa lıxına'! Aımi'ıya mıxınyacu te ts'i'ic' loxpıc'epa, nı mınesıyacu: Tołe, tołe lo'eya. ³⁴ ¿Te anuli cal xans ıxına' te ts'i'ic' lipıcuejma' ŁanDios? ¿Te anuli cal xans i'epoxı lipomxı ŁanDios? ¿Te timuc'ınnı ŁanDios? ³⁵ O ¿te ti'i'ma lapi'ıme ŁanDios, tijoułta' al'ııajıse'e'monga'? A'i aimi'ıya. ³⁶ Jahuay lopa'a ŁanDios ıxpıc'epa ti'ıla', timajıne, jahuay ma' i'ıhuexı, ıłque aPoujna. Ma' ıłque tıx'ıajıtsı'ıne, timetsaıconłe cal Cueca'.

Tołta'a ti'ıla' ıtsıya litine, Locuena Quitine jouc'a. Amén.

12

¹ Cunc'aipimaye, toł'ınujuaisle ŁanDios lixımpolhuo' unc'ıcuanuc'la, ıtoc'ıpolhuo' acueca'. Tołta'a caxa'huelhuo' tołıııufco'mołıtsı ŁanDios. ıtine ıtine ma colımaf'i' tołııım'mołıtsı i'ıhuexı ŁanDios, tolıhuejco'me. Loł'ejma' tetenłcocola' ŁanDios. Tołııuj'me tolıhuejyi jahuay łolunxajma'. Tołta'a, ŁanDios tepenuf'molhuo' molaxc'onłıngolayı. ² Camılıhuo': Aımolıhuej'me lił'ejma' lan xanuc' naihıuejpa quııtıca' liłpicuejma'. Tołııpic'ele tonł'ele ıtuca'. Tołta'a ti'i'ma colıına' te ts'ıpic'a ŁanDios. ıłque tıxpıc'e'ma ma le'a al c'a, tıxpıc'e latentłcocolıya. ıłque aimımenajya.

³ Iya' a'i caituca' laıpicuejma' caxc'ai'ılıhuo'. Ma ŁanDios lapi'ıpa ıle laıpenıc'. ıtsıya camılıhuo': Anuli anuli timetsaıcoxoxı lipıcuejma' li'ejma' te ts'i'ic' mopa'a. Nıj nuli imanc' mıcuama: "ıya' xonca nıncueca'". Moł'huaiyıjnyı ŁanDios tolımetsaıcotołıtsı te ts'i'ic' ıle lołpicuejma' lepi'ıpolhuo' ŁanDios.

⁴ Tama ma' anuli laɬcuerpo axpe' mipa'a. Anuli anuli tipa'a liɬpenic'. ⁵ Toɬta'a illanc'. Tama ninc'xpela', ma' aɬmana' anuli. Illanc' icuerpo Cristo. Aimi'iya malanajyacot̄si anuli anuli. Anuli linca locuenaye iɬ'huexi. Locuenaye linca iɬ'huexi cal nuli. ⁶ LanDios lapi'iponga' anuli anuli laɬ'eyacu, ituca' ituca'.

Ja'ni epi'icopo' lopicuejma' to'itsola' lan xanuc' loxpicepa LanDios, ne' to'i'mola'. Mo'huaiyinge LanDios iɬque tu'i'mo' te ts'i'ic' lofmuc'iyacola' lopimaye. Toɬta'a to'itsola'. ⁷ Ja'ni epi'icopo' lopicuejma' totoc'itsola' lof'as xanuc', ne', totoc'i'mola'. Ja'ni epi'icopo' lopicuejma' tomuc'iyaleɬa', ne', tomuc'i'mola'. ⁸ Ja'ni epi'icopo' lopicuejma' toxc'ai'itsola', ne', toxc'ai'i'mola'. Ja'ni tapi'i'ma pe lahue'epa, ne', jahuay lomunxajma' tapi'i'ma. Ja'ni ifajpo', epi'ipo' copenic' tocuxeɬa', aimo'e'moxi mahui, ma to'eɬa'. Ja'ni epi'ipo' lopicuejma' toxinta' cuanuc', ne', tixojla' meta to'eɬa'.

⁹ Imanc' aimoɬ'e'e'mot̄si le'a. Aɬinca tonɬ'e'etsot̄si capic'a. Tolanaɬtsot̄si jahuay lixcay, tolihuejle al c'a. ¹⁰ Imanc' unc'apimaye toɬta'a tonɬ'e'mot̄si capic'a. Toɬ'nujuait̄sot̄si, toɬtoc'itsot̄si. Aimoɬnes'me: "Iya' xonca ninc'a xans". Toɬnesle: "Iɬque laipima xonca ac'a xans".

¹¹ Iɬe lanic' lepi'ipolhuo' LanDios laɬPoujna, toɬpo'noɬe loɬpicuejma', tonɬ'eɬe. Aimixojtolhuo'.

¹² Toɬ'nujuaisle iɬe al c'a lapi'iyacolhuo' LanDios. Toɬta'a aimijouya loɬpixoɬma cata. Ja'ni toɬteɬcoyi, toɬsnet'ɬe. Ti'hua toɬjoc'ile LanDios. Toɬsa'hueɬe titoc'itsolhuo'.

¹³ Toɬtoc'itsola' loɬpimaye petsi lahue'epola'. Iɬne jouc'a iɬ'huexi LanDios. Tolapenuft̄sola' loɬajut'hi.

¹⁴ Pe naihuetsojpolhuo' toɬpaxnetsola'. Aimoɬnesc'e'mola' quixcay cataiqui'. Toɬpaxne'mola'.

¹⁵ Petsi naixojpa' quileta, imanc' jouc'a tixojla' cumlata. Petsi nohuotsopa' tijolijyi, imanc' jouc'a toɬjolijle.

¹⁶ Aimolatets'i'mot̄si. Tonɬ'eɬe anuli loɬpicuejma'. Aimoɬ'e'e'mot̄si. Aimoɬnes'me: "Illanc' ninc'itsila' xanuc'". Tonɬejmaleɬe loɬpimaye petsi aiq̄uil'huca. Aimoɬnes'me: "Iya' xonca aixina".

¹⁷ Aimoɬ'econa'mola' lixcay petsi li'epolhuo' lixcay. Jahuay loɬ'eyacu ti'ila' ma' al c'a. Tixinɬe toɬta'a iɬne nahuelojmpolhuo'. ¹⁸ Ni petsi loɬtseyacu, ja'ni ti'i'ma, toɬmajnle ac'a. Ja'ni iɬpic'a tifuli'i'molhuo', imanc' aimoɬfuli'icona'mola'. ¹⁹ Maicunc'aipimaye, iya' camilhuo': Ja'ni ixcay li'epolhuo' imanc', aimoɬpai'icona'me. Toɬ'huaicoɬe titeɬ'miɬa' LanDios. Toɬta'a loya'apa al Paxi Linilingiya, ticua:

Ma le'a iya' ti'hua laimane capai'icona'ma.

Petsi no'epa' lixcay ma' iya' ca'najtse'e'mola', cateɬ'mi'mola'.

Toɬta'a locuapa LanDios loɬPoujna.

²⁰ Imanc' tolihuejcoɬe lataiqui' loya'apa:

Ja'ni tumle'e no'epo' laic', ima' totes'miɬa'.

Ja'ni ticui quija', ima' tohui'ila' quija'.

Ima' toɬta'a toteɬ'mi'ma ni'epo' laic'.

²¹ Toɬpo'noɬe loɬpicuejma', toɬnesle: "Iɬe lixcay laɬ'e'epa aimalulijya. Iya' ca'e'e'ma al c'a, toɬta'a culij'ma lixcay."

13

¹ Jahuay imanc' tonɬ'eɬe locuxe'epolhuo' ts'iɬpenic'. Cal xans no'huapa limane ticuxeɬa', ma LanDios epi'ipa iɬque limane. Iɬniya ts'iɬpenic' pe nocuxepolhuo' itsiya, ma LanDios ifajpola'. ² Toɬta'a ja'ni aimolihuejcola' ts'iɬpenic' locuxe'epolhuo' ma' anuli aimolihuejcoyi LanDios lipo'nopola' iɬniya. Cal xans aimihuejma, LanDios tepi'i'ma lijunac'. ³ Iɬne ts'iɬpenic' ipo'nompola'

tilic'mintsola' no'epá lixcay. A'i mīlic'minyacola' no'epá al c'a. Ima' ja'ni aimocua mīlic'minyaco', ne' to'eła' al c'a. Tijouła' timi'mo': "Ac'a ima' lof'epa".

⁴ Itque ts'ipenic' ma LanDios epi'ipa lipenic', ixpic'epa titoc'itso'. Toxpaic'etsi. Aimo'e'ma lixcay. Li'espada a'i ma le'a quitaic'. Ti'hua limane titeł'mitso'.

⁵ Linca ts'ilpenic' nipajnya ti'i'ma titeł'mi'molhuo'. A'i ma le'a tołiya tolihuejco'mola'. Jouc'a toł'nujuaitsa naitsi nipo'nopola'. Małque LanDios ipo'nopola' iłniya. Tołiya tolihuejco'mola'. ⁶ Ma' anuli toł'najtseyi iłe lo'najtsi'ipolhuo'. Ts'ilpenic' ti'eyi lanic' lepi'ipola' LanDios. Itine itine tuyalaicoyi ti'eyi tołta'a.

⁷ Jahuay ts'ilpenic' petsi lo'najtsi'ipolhuo' toł'najtse'e'mola'. Ja'ni ti'najtsi'ilhuo' łolamats', łolajut'li o ts'oltaic' lane, ne' toł'najtse'ete. Tołspaic'etsola', tolimetsaicotsola'.

⁸ Aimołtaiyinc'e'me, ni anuli. Toł'najtse'e'mola' nulemma jahuay. Linca tipa'a iłe petsi aimi'iya moł'najtse'eyacola' nulemma. Aimi'iya mołnesyacu: "Joupa ai'epa capic'a itque łaipima. Aica'econaya capic'a." Linca ticuicomma ti'hua toł'nujuaitsola' lołpimaye, ti'hua tonł'etsola' capic'a. Ja'ni to'ay capic'a lołpima, ałinca menant'łipa locuxepa LanDios. ⁹ LanDios ałcuxe'eponga', lu'inga':

"Aimoxhuico'ma lipeno lof'as xans. Aimoma'ahuale'ma. Aimonantse'ma. Ja'ni topalaicotsola' lof'as xanuc' tonesla' al linca, aimofel'miyale'ma. Aimojanaj'ma li'hueca lof'as xans." Iłiya lataiqui' jouc'a jahuay locuxepa LanDios ti'i'ma alafot'łeco'me, ti'ıta' ma le'a anuli lataiqui' loya'apa: "Ima' to'eyoxi capic'a, ma tołta'a to'eła' capic'a lof'as xans, naitsi loftalecufya". ¹⁰ Ja'ni to'eła' capic'a lołpima aimi'iya mo'e'eya quixcay. Tołta'a tanant'li'ma locuxepa LanDios.

¹¹ Toł'nujuaitsa lo'ıya, tołta'a tonł'e'me to iłe laifxc'ai'ipolhuo'. Joupa icuai'ma al 'hora ałmaf'ıle, ałtsolinanca. Litine lipangopa lał'huaiyijmpa Jesucristo Łalunł'eyaconga' tehue'e' ticuaicoconno itque. Itsiya xonca ahuata tehue'e'.

¹² Joupa tuyaipa lipuqui'. Joupa tilic'e'ma. Aimal'econa'me lixcay, iłe lo'epa iłne noyelocopá lipuqui'. Lihuejle lepalc'o'. Tołta'a ałpa'neco'mołtsi lałpicuejma', aimitsufaiya lixcay.

¹³ Petsi amuf liłpicuejma' tixoqui quileta ti'eyi lixcay juic, timeyoc'ıyołtsi, ti'nołyi lacał'no', ti'eyi nixpiya, tifuleyi, ti'eyołtsi laic'. İllanc' aimaluyalaico'me tołta'a, epalc'o' lałpicuejma'. Ticuicomma ti'ıta' ituca' lał'ejma'. ¹⁴ Aimołcua'me: "¿Te ts'i'ic' latenłcocoya laicuerpo? Capi'ıma lojanajpa." Tonł'ete ma le'a al c'a ma to li'epa Jesucristo. Iłe lonł'eyacu tetenłcocola' Jesucristo, itque ticuanajco'molhuo'.

14

¹ Petsi aiquiłcueca lıtaiqui' Jesucristo, ja'ni ti'huaiyijnyi tolapenuf'mola'. Tijouła' aimołnesco'mola' iłniya lił'ejma'. Nij naitsi nocuaya: "Aicaıpic'a li'ejma' łaipima". ² Anuli xonca ti'huaiyinge, jahuay tite'ma. Locuena aimicueca, titeja ma le'a itamqui, aimiteja lixic'.

³ Itque notepa jahuay aimetets'i'ma petsi notepa pangay quitamqui. Notepa pangay quitamqui aiminesco'ma notepa jahuay. Aimes'ma: "Itque tecani'em'me". A'i. LanDios joupa epenufpa.

⁴ Ima' nofnescopa lołpima, ¿naitsi ima? Ima' a'i quipoujna lołpima. Ma liPoujna tixpic'e ja'ni ti'hua timetsaicoła' o tecani'e'ma. Linca timetsaico'ma. LiPoujna ti'hua limane titoc'i'ma, aimecani'eyacoxi.

⁵ Anuli łapima ticua: "Acueca' litine iłta'a, ıya' aica'eya canic'". Locuena ticua: "A'i, ma' anuli jahuay łitiné". Itque ti'e'ma canic'. ıya' cacua: Anuli anuli, quituca' quituca', tixpic'eła' lipicuejma' lo'eya. Tijouła' ti'eła'. ⁶ Łapima nocuapa: "Acueca' litine iłta'a, aica'eya canic'", itque ipic'a tetenłcocola' LanDios. Locuena nocuapa: "Ma' anuli jahuay łitiné, ca'eta canic'", itque jouc'a ipic'a tetenłcocola' LanDios. Łapima notepa jahuay ipic'a tetenłcocola' LanDios,

toŧta'a joupá ix'najtsi'ipa ŁanDios. Łocuena notepa pangay quitamqui jouc'a ipic'a tetenłcocola' ŁanDios, jouc'a ix'najtsi'ipa ŁanDios.

⁷ Małmana' fa'a li'a łamats' aimalčuxeyołtsi caltuca'. Aimalšpic'eyi ja'ni ti'hua almaf'i'me o ja'ni alma'monga'. ⁸ Ja'ni ts'almaf'i' łalPoujna lapi'inga' łalpitine. Ja'ni almatsonga' ma' anuli łalPoujna tixpic'e ile łal'iyaconga'. Ma' anuli małmana' i'huexi łalPoujna. ⁹ Tołta'a al muc'iponga' ile li'ipa Cristo. Iłque imapa, imaf'inapa, tołta'a i'ipa ilPoujna limanapola' jouc'a ts'ilmaf'i'. Jahuay ticuxela'.

¹⁰ Ima', łte cofnescocopa łopima? Tocua: "Tecani'em'me". Ima', łte cofmetets'icopa łopima? Anuli tołcuaita pu'hua pe lopa'a ŁanDios cal Cuecaj Juez. Jiłpiya jahuay lacaxhuolaita. ¹¹ Tołta'a tuya'e' al Paxi Linilingiya. Ticua ŁanDios: Ma' alinca iya' NanDios, aimaf'i'.

Iya' cacua:

Laxc'onłingolai'ma jahuay lan xanuc'.

Jahuay almi'ma: "Ma' ima' manDios".

¹² Iłe łataiqui' al muc'inga' te ts'i'ic' łal'iyaconga' anuli anuli illanc'. Ima' cotuca', iya' caituca' altalai'eta ŁanDios.

¹³ Itsiya aimalnescocona'mola' łalpimaye. Aimalahueloijncona'mola' te ts'i'ic' lił'ejma'. Najmay tolahueloįntsołtsi coltuca' loł'ejma'. Tołšpic'ełe nulemma tołtoc'itsola' łalpimaye. Aimoł'e'mola' muc'uiyacola'. ¹⁴ Aixina' jahuay ti'i'ma alte'me ja'ni Jesús alPoujna, ja'ni ilque joupá alapenufponga'. Łapima petsi aimicueca ilta'a, ilque nocuapa: "Iłe ixcay. ŁanDios aimalapi'i lane. Aimi'iya cateja", ne', aimite'ma. ¹⁵ Ima' toteja jahuay, tijoułá' łopima tixhuelco'ma, ticua: "Iłe ixcay, łte cotecopa ilque?" Ja'ni tołta'a lo'iya ima' linca aimo'ay capic'a łopima. Cristo icupoxi, imacopa tunłu'etsi łopima jouc'a. Tijoułá', łte ima' tatets'i'ma? Tote'ma, tijoułá' ilque łopima to'e'e'ma coyac'. Aimi huejconaya, tecani'e'moxi. A'i. Aimo'e'ma tołta'a. ¹⁶ Linca ima' xonca to'huaiyinge ŁanDios, tołta'a jahuay toteja. Ma le'a camihuo': Ja'ni łopima tixim'mo' a'ijca loł'ejma' moteja jahuay, najmay aimote'ma ile petsi aimetenłcocoįma łopima.

¹⁷ ŁanDios cal Rey aimicuis'eyacola' lixanuc' te ts'i'ic' łitepa, lixnapa. Iłque timetsaicola' ilne ixanuc' petsi no'epá al c'a, petsi aimifuleyi, petsi cal Espiritu Santo tixoc'ila' quileta. ¹⁸ Ja'ni tołta'a comihuequi łoPoujna Cristo, linca ŁanDios tetenłcocoįma loł'ejma'. Lan xanuc' jouc'a tixim'mo' ac'a loł'epa.

¹⁹ Tołiya, alpo'nołe łalpicueįma' aimal'e'eyacola' coyac' łalpimaye. Alłoc'i'mola' tihueįle Jesucristo. ²⁰ Ima' ts'opic'a tołta' jahuay, to'nujuaitsola' łopimaye. ŁanDios joupá ifa'epola' ilne liłpicueįma', łte ima' tomints'e'mola'? Ailopa'a quixcay łaltepa. Jahuay ti'i'ma alte'me. Ja'ni łoftepa aimetenłcocoįma łopima, ja'ni toc'uılıtsuf'e'ma ilque, jiłpe linca ŁanDios tixina ixcay ilquiya łoftepa.

²¹ Łoftepa lixic' o lołfxnapa vino, o loł'epa, ja'ni tołta'a toc'uılıtsuf'e'ma łopima, najmay aimoxna'ma ile al vino ni aimote'ma ile lixic' ni aimo'e'ma to mo'ay.

²² Ima' oxina' loł'eya, ja'ni ti'i'ma tote'ma, ja'ni aimi'iya. To'nujuaitsi ŁanDios jouc'a ixina'. Tixoqui meta ima' ja'ni taimetsaicoyoxi ac'a loł'epa, ja'ni oxina' tetenłcocoįma ŁanDios. ²³ Łapima nonesya: "Aicaixina' ja'ni ti'i'ma o aimi'iya", tijoułá' tite'ma, linca a'ijc'a ile loł'epa. Titai'ma laįunac'.

Ticuicomma ti'ila' calsina' ja'ni tetenłcocoįma ŁanDios o a'i. Ja'ni aicalsina' najmay aimal'e'me.

15

¹ Illanc', ja'ni alcuca łitaiqui' Jesucristo, ja'ni joupá alsiná' ti'i'ma alte'me ja'huay, ja'ni alsiná' ailopa'a tintsí, iya' cacua: Aimal'e'me lalatenłcocoįyaconga' illanc' caltuca'. Xonca' lahuele te co'iya małtoc'iyacola' łalpimaye, ilne petsi aiqilcuca. Małe al'ełe. ² Al'ełe le'a latenłcocoįyacola' łalpimaye. Licuis'e'mołtsi:

“¿Te caif'eya catoc'ila' laipima? Aipic'a xonca tihuejla' Jesucristo.” ³ Al'nujuaisle li'ejma' Jesucristo. Itque aiquetenlococoyoxi quituca'. Al Paxi Linilingiya tuya'e' lo'ia Cristo. Itque lipalaic'opa LanDios timi: “Ima' iya' atetcopá anuli. Lan xanuc' netets'ipo' ima', mañiya ahescopa jouc'a”.

⁴ He lataiqui', jouc'a jahuay loya'apa al Paxi Linilingiya linihijmpa luyaipa quitine, atoc'inga' illanc' nañmana' itsiya, amuc'inga'. LanDios aimicua mañafqueyaconga' jilpe lañpicuejma'. Ipic'a ti'hua al'huaicole ite lalapi'iyaconga'. Totiya lapi'iponga' litaiqui', itiya al Paxi Linilingiya. Lapi'iponga' atsuefe. Toñta'a lixpi'i'monga' calata, atsnet'i'me lañiyaconga'.

⁵ Linca mañque LanDios atoc'inga' atsnet'He lañiyaconga'. Lixoc'inga' calata. Itque LanDios ti'e'etsolhuo' anuli loñpicuejma', ti'ila' loñejma' to li'ejma' Jesucristo. ⁶ Toñta'a ti'i'ma anuli loñpicuejma', jahuay anuli toñs'najtsi'i'me LanDios, itque enDios, i'Ailli' lañPoujna Jesucristo.

⁷ Cristo joupa epenufpolhuo'. Totiya imanc' unc'apimaye. Tolapenuftsoñtsi. Toñta'a tixinim'me te ts'i'ic' lolanDios. Tixinim'me ac'a lipicuejma'. ⁸ Jesucristo i'huamma fa'a li'a lamats', i'epoxi to calmozo illanc' ninc'ijudío. Toñta'a itinc'ipa linespa LanDios. Enant'itipa lataiqui' LanDios lepi'ipola' lañtatahueló. ⁹ Jouc'a i'huacomma li'a lamats' toñs'najtsi'ite LanDios imanc' a'i cunc'ijudío. Licuai'ma Cristo itque imuc'i'molhuo' te ts'i'ic' LanDios lipicuejma'. Itque LanDios tixinnilhuo' unc'icuanuc'la. Al Paxi Linilingiya tuya'e' toñta'a lo'ia ticua:

Pe lomana' lan xanuc' a'ij judío cax'najtsi'ito', camito': “¡Acueca' ita'a lo'epa!” Mañpiya cunac'ta, camito': “¡Ma' ima' manDios!”

¹⁰ Jouc'a tuya'e':

Unc'ocuenaye xanuc', jouc'a lixanuc' LanDios, tixoñla' cunlata anuli.

¹¹ Jouc'a tuya'e':

Unc'ocuenaye xanuc', toñs'najtsi'ite LanDios.

Imanc' ni petsi loñmana', toñesle: “¡Acueca' lanDios!”

¹² Jouc'a pe liniiya linespa Isaías tuya'e':

Tama joupa imanapa Isaí, (itque i'ailli' cal rey David),

ti'i'ma anuli lanef'eya, ticuxe'mola' locuenaye lan xanuc', itne a'ij judío.

Itniya ti'huaiyijm'me itque.

¹³ Añsa'hueyi LanDios tepi'itsolhuo' colpicuejma' toñ'huaicole al c'a lapi'iyacolhuo', tixoc'itsolhuo' cunlata. Toñta'a toñsim'me acueca' lotoc'ipolhuo' cal Espíritu Santo. Aimixojyacolhuo', ti'hua toñ'huaico'me.

¹⁴ Cunc'aipimaye, joupa aixinnilhuo' te ts'i'ic' loñejma'. Aixinnilhuo' juaiconapa ac'a loñpicuejma'. Aixina' joupa olsina', toñsc'ai'iyotñtsi. ¹⁵ Tama aixinnilhuo' toñta'a ninil'epolhuo' ita'a colje'e. Petsi petsi tocomma to ujfxi laitaiqui'. Aipic'a toñ'nujuaitsa, aimolimenc'eco'me ite al c'a loñsina'. LanDios joupa lapi'ipa laimane catoc'itsolhuo' toñta'a. ¹⁶ LanDios lummepa ni petsi lomana' lan xanuc' a'ij judío. Lummecopa capalaicota Jesucristo. Toñta'a ca'ay lipenic' lañPoujna. Cuya'e' litaiqui' LanDios, Lataiqui' loya'apa ite al c'a loñpic'epa LanDios. Cami LanDios: “Ja'a, toxintsola' itne locuenaye xanuc' a'ij judío. Itne jouc'a o'huexi, joupa epenufpa cal Espíritu Santo. Joupa aitoc'ipola'. Tetenlocotso' ima'. Tapenuftñsola'.”

¹⁷ Iya' tixoqui neta quihuequi Jesucristo. Toñta'a ca'ay lanic' lalapi'ipa LanDios. Ma' itque Jesucristo atoc'i. ¹⁸ Aicapalajma lanic' ite li'epa ocuena calpima. Aicacua: “It laif'epa iya’”. Ma le'a capalaico'ma li'epa Cristo jilpiya laiteshuo'ma iya'. Jilpe petsi lan xanuc' a'ij judío atquim'epa iya' lainuya'apa. Atsimpa lai'epa, lijou'ma ihuejco'me LanDios. ¹⁹ Lainipamma jilpe al cuecaj quitya' Jerusalén aiteshuo'ma aculi' cacuaita lamats' Ilírico, ca'hua cuya'e' Litaiqui' Jesucristo. Ni petsi lomana' lan xanuc' nu'iyalepa Lataiqui' loya'apa

İ̄e al c'a loxpıc'epa ŁanDios. Lan xanuc' ixim'me acueca' lo'epa ŁanDios. İxim'me acueca' lipepaxi cal Espírıtu Santo.

²⁰ İya' cahuela' lan xanuc' petsi aimimetsaicoyi Jesucristo. Pe lomana' İhniya jİlpe cuya'e' Lataiqui' loya'apa İ̄e al c'a lixpıc'epa ŁanDios. Aica'eya canic' petsi ocuena joupa ipangopa. ²¹ Cacua: Ti'İla' ma to micua al Paxi Linİlİngiya loya'apa:

Lan xanuc' petsi aikuİsina' naitsi İlque, petsi aicu'innila', İhniya timetsaico'me. Petsi aikuİcueca, ma' İhniya ti'i'ma quİsina'.

²² Joupa aimipolhuo', aixpic'epa ca'hua'ma pe lomana' lan xanuc' petsi aimimetsaicoyi Jesucristo. Capalaic'otsola' İhniya. Toliya aicaitsec' pe lołmana' imanc'. ²³ İxhuaita axpe' camats' aipic'a ca'huał'. Aipic'a cacuaitsi jİlpiya pe lołmana'. İtsiya cacua: Fa'a pe laifpa'a joupa ijoupa laipenic'. Linca ca'hua'ma. ²⁴ Litine ca'huał' España, İhniya İtiné cuyaicota pe lołmana' imanc', cahuejntolhuo'. Oque' afane' quitine almajnta anuli, tixoj'ma calata. Tijouł' imanc' altoc'ita cuyaita.

²⁵ Ate'a ca'hua'ma Jerusalén. Capi'ıtola' quİtomı lapimaye nomana' jİlpe. İne i'huexi ŁanDios. ²⁶ Lapimaye nomana' İamats' Macedonia, jouc'a nomana' İamats' Acaya, İne ixpic'e'me tefot'İe'me İİtomı, titoc'İconnola' İİlpmaye petsi aikuİ'İhueca, İne i'huexi ŁanDios nomana' Jerusalén. ²⁷ Cacua: İxpıc'epá titoc'İe İİlpmaye İhniya ajudío nomana' Jerusalén. Tołta'a tix'najtsi'im'mola'. İne İİlpmaye ajudío joupa itoc'İmpola'. Aiquicuanac'ennila' Lataiqui' loya'apa İ̄e al c'a lixpıc'epa ŁanDios. Ticuayi: "Tuyalaicotsa al c'a Locuena Quitine". İtsiya İne lapimaye a'ij judío tix'najtsi'im'mola' İİlpmaye. Tumme'ennila' quİtomı. Tuyalaicotsa al c'a İtsiya litine.

²⁸ Toliya ca'hua'ma Jerusalén. Ma' İya' capi'İtsola' lapimaye quİtomı; İ̄e lefot'İepa lapimaye a'ij judío, İne nomana' Macedonia y Acaya. Tijouł' cuyaitsi pu'hua España catsa'aitolhuo' imanc' nołmana' Roma. ²⁹ Jesucristo altoc'İpa. Alpaxnepa juaiconapa. Cacuaitsi İya' pu'hua pe lołmana' ma' anuli altoc'İ'monga', alpaxne'monga'.

³⁰ Cunc'aipimaye, imanc' illanc' anuli İałPoujna, İlque Jesucristo. İlque altoc'İnga'. Jouc'a ma' anuli cal Espírıtu İalapi'İponga' İałpicuejma' ał'etsotısi capic'a. İlque cal Espírıtu Santo. Toliya caxa'huelhuo' tołjoc'İe ŁanDios altoc'İla'. Ti'İhua tołjoc'İme. ³¹ Tołta'a ŁanDios ał'eta cuenna. Lan xanuc' nał'epa laic', İhniya nomana' İamats' Judea aimi'İya mał'e'eya to micuayi. Jouc'a tołsa'huele ŁanDios altoc'İtsi jİlpe Jerusalén. Tetentocotsola' laif'eya lapimaye nomana' jİlpiya, lapenufta al c'a. ³² Tołsa'huele ŁanDios altoc'İla' tixojla' neta cacuaitsi pe lołmana'. Ma' anuli lunxajta. Lixpi'İtołtsi calata.

³³ ŁanDios nipajnya ti'i'ma tipac'e'e'molhuo' lołpicuejma'. İmanc', İlque, tołmajnle anuli. Tołta'a ti'İla'. Amén.

16

¹ Fa'a tipa'a Febe İałpima caca'no'. İlque ti'ay İanic' lepi'İpa ŁanDios, titoc'İla' lapimaye nomana' İİya' Cencrea, İne lafołyomma jİlpiya. İya' nimetsaijma ac'a caca'no'. ² İmanc' i'huexi ŁanDios jouc'a tolimetsaicotsa İałpima, tolapenufle. Ma' anuli İałPoujna. Ja'ni tehue'e' tołapi'İe, tołtoc'İe. İlque itoc'İpola' axpela' lapimaye, İya' jouc'a altoc'İpa.

³ Tolu'İtsola' Aquila y İipeno Priscila: "Pablo tinonİlhuo'". Ma' anuli illanc' ał'eyi İanic' İalapi'İponga' Jesucristo. ⁴ Linca İya' jouc'a jahuay lapimaye a'ij judío, ni petsi lafołyomma, ałs'najtsi'İla' İne Aquila y Priscila. İne ałcuanaıjcopa İya'. Tocomma to aimunı'eyacołtsi İhniya.

⁵ Lapimaye lafołyomma lilejut' Aquila y Priscila, jouc'a cal c'a lai'amigo Epeneto, tolu'itsola': "Pablo tinonilhuo". Jiłpe łamats' Asia Epeneto i'ipa cal te'a lihuejpa Jesucristo.

⁶ Jouc'a tolu'itsa María: "Pablo tinonhuo". Iłque María acueca' itełcopa itoc'ipolhuo'.

⁷ Ma' anuli tolu'itsola' Andrónico y Junias, iłne aipiłya' xanuc'. Iya' iłniya ałtats'emponga' anuli. Iłne alulijpa iya'. Ate'a i'huaiyijmpá Jesucristo. Iłne jouc'a a'apóstole, lummepola' ŁanDios. Ti'eyi acueca' canic'.

⁸ Jouc'a tołta'a tolu'itsa Ampliato. Iłque linca ca'ay capic'a. Tołta'a lapi'ipa laipicuejma' łatPoujna.

⁹ Jouc'a tolu'itsa Urbano. Iłlanc' ałejmale. Ał'eyi lanic' lalapi'iponga' Jesucristo.

Jouc'a tolu'itsa Estaquio, łacaipima.

¹⁰ Jouc'a tolu'itsa Apeles. Jiłque linca imuj'moxi cal c'a ts'ihuequi Jesucristo. Aiquenajyoxi.

Jouc'a tolu'itsola' iłniya nomana' lejut' Aristóbulo.

¹¹ Jouc'a tolu'itsa Herodión. Iłque aipiłya' xans.

Jouc'a tolu'itsola' iłniya nomana' lejut' Narciso, iłne ti'huaiyijnyi łatPoujna Jesucristo, joupa lepenufpola'.

¹² Jouc'a tolu'itsola' Trifena y Trifosa. Iłne ti'eyi lanic' lepi'ipola' łatPoujna Jesucristo.

Jouc'a tolu'itsa łat'amiga Pérsida. Iłque juaiconapa i'epa lanic' lepi'ipa łatPoujna.

¹³ Jouc'a tolu'itsa Rufo. Iłque linca timujyoxi i'huif'epa łatPoujna, ac'a tihuequi. Jouc'a tolu'itsa qui'máma' Rufo. Iya' jouc'a cami: "Ai'máma".

¹⁴ Jouc'a tolu'itsola' iłne Asíncrito, Flegonte, Hermes, Patrobas, Hermas, y jiłpiya nomana' locuenaye capimaye.

¹⁵ Jouc'a tolu'itsola' iłne Filólogo, Julia, Nereo, łipima caca'no' Nereo, Olimpás y jahuay lapimaye i'huexi ŁanDios lafołyomma iłniya.

¹⁶ Jahuay imanc' tołmontsołtsi. Tołtuc'otsołtsi lołpeque to tituc'otsołtsi lapi-maye i'huexi ŁanDios.

Tinonilhuo' imanc' jahuay lapimaye i'huexi Cristo ni petsi lafołyomma.

¹⁷ Cunc'aipimaye, jiłpiya pe lołmana' timana' lan xanuc' nacui'ipołtsi apimaye. Iłne ocuenaj lił'ejma'. Iłne mane tifuli'ilhuo', ti'e'e'molhuo' onłca. Tołta'a anuli anuli ti'hua lipene. Ał' tołta'a limuc'ipolhuo' lataiqui' lolihuc'ipa. Imanc' ti'ila' cołsina' naitsi iłne, tolanajtsołtsi. ¹⁸ Iłne aimihuejyi locuxepa łatPoujna Jesucristo, le'a tehueyi te co'iya mulijyacu quiltomí, titetsołe al c'a. Típalaiyi tocomma ac'a cataiqui', tetentłcocola' lapimaye. Tífel'minnila' iłne lapimaye petsi noximpá jahuay lataiqui' tocomma ma' anuli. Iłne lapimaye aimimetsaicoyi petsi a'ijc'a capicuejma'. ¹⁹ Iya' jouc'a jahuay lapimaye ni petsi lomana' ałsina' imanc' linca tolihuejcoyi. Iłe loł'ejma' lixoc'i neta iya'. Iya' aipic'a ti'ila' cołsina' te ts'i'ic' al c'a. Tolihuejle y toł'ełe tołiya. Ja'ni a'ijc'a, cacua: Ni aimi'i'ma cołsina' te ts'i'ic', amolihuejyacu.

²⁰ ŁanDios łipac'e'eponga' lałpicuejma' aimicołya timuj'moxi acueca' ipujfxi. Tołsim'me joupa i'oc'enapa Satanás, toł'huailetsuf'me. Tijoułta' ailopa'a co'e'econayacolhuo'.

ŁatPoujna Jesucristo titoc'itsolhuo' itine itine.

²¹ Tinonilhuo' Timoteo. Iłque anuli ał'epá lanic' lalapi'iponga' Jesucristo. Lucio, Jasón, Sosípater jouc'a tinonilhuo'. Iłne aipiłya' xanuc'.

²² Iya' ninTercio quinili iłta'a al je'e. Iya' jouc'a nihuequi Jesucristo. Canonilhuo' imanc' unc'aipimaye.

²³ Iya' ninPablo aipanc'ale fa'a lejut'i Gayo. Ique tinonilhuo' jouc'a. Jifa'a lejut'i tefolyomma lapimaye.

Erasto, ique ipenic' ti'huejla' al tomí fa'a liya', jouc'a lajpima Cuarto, tinonilhuo'.

²⁴ Itine itine laPoujna Jesucristo titoc'itsolhuo' jahuay imanc'. Tohta'a ti'ila'. Amén.

²⁵⁻²⁷ Iya' cacua: ¡As'najtsi'ife LanDios! Ique ti'i'ma titoc'i'molhuo'. Tohta'a aimolanajyacoltsi al c'a cane. Mahta'a loya'apa Lataiqui' laifnuya'apa iya'. Ie Lataiqui' tuya'e te ts'i'ic' al c'a loxic'epa LanDios, tipalajma Jesucristo. Iya' cuya'e' naitsi ique.

Iha'a litiné LanDios ałmuc'iponga' al cuajmaica te ts'i'ic' lixic'epa. Ie lixic'epa uya'a'me lam profeta, inil'me. Li'ipa tipanemma to lemiya cataiqui'. Ailopa'a nicuejpa. LanDios, ique aimijouya lipitine, joupá icuxepa ticuejle jahuay lan xanuc' ni petsi lomana', tihuejcole, ti'huaiyijnle. Cacua: Ti'huaiyijnle Jesucristo. Tohta'a timetsaico'me acueca' LanDios. Ma' ique anDios, acueca' lipicuejma'. Timetsaiconle itsiya litine, Locuena Quitine jouc'a. Tohta'a ti'ila'. Amén.

LIJE'E SAN PABLO AL TE'A LINIĒ'EPOLA' LAPIMAYE LEFOT'ĒPOĒTSI LIĒYA' CORINTO

¹ Iya' ninPablo, Jesucristo aĵoc'ipa ca'ēta' lanic' lalapi'ipa. Toĵiya iya' nin'apóstol, epaluc Jesucristo. Toĵta'a lixpíc'epa ĒanDios. ² Iya' jouc'a ĵaipima Sóstenes liniĒ'elhuo', aĵnonilhuo' imanc' lefot'Ēepolhuo' ĒanDios ĵiĵpe liĵya' Corinto. Imanc' joupa epenufpolhuo' Jesucristo. Toĵiya i'ipolhuo' ixanuc' ĒanDios. Īque joupa imetsaicopolhuo' i'huexi. Jahuay laĵpimaye noĵoc'ipá Jesucristo, ni petsi lomana', aĵnonila' jouc'a. Maĵque Jesucristo aĵPoujna, illanc' ĵniya.

³ ĵCaĵ' Ailli' ĒanDios jouc'a laĵPoujna Jesucristo titoc'itsolhuo', tipac'e'etsolhuo' loĵpicuejma'!

⁴ Itine itine cax'najtsi'i ĵainenDios acueca' itoc'ipolhuo', ipaxnepolhuo' imanc' lepenufpolhuo' Jesucristo. ⁵ Cax'najtsi'i xonca ac'a loluyalaicopa imanc' lepenufpolhuo' Cristo. Juaiconapa ac'a loluya'apa litaiqui'. Ac'a olapenuf'me ĵe lataiqui', oĵcuejpa. ⁶ Toĵta'a li'ipolhuo' lijoupa lolapenufpa laĵtaiqui' laĵpalaicopa Cristo. ⁷ ĒanDios ipaxnepolhuo' acueca'. Jahuay lapi'ipola' lixanuc' joupa epi'ipolhuo' imanc'. Itsiya oĵ'huaijma ticuaiconanni laĵPoujna Jesucristo. ⁸ Īque ti'hua titoc'i'molhuo' aimolanajyacoĵtsi al c'a cane. Ticuaiconanni laĵPoujna Jesucristo aimitac'uinyacolhuo' cajunac'. ⁹ Toĵta'a ti'e'ma ĒanDios. Īque tenant'ĵi litaiqui', aimifellaique. Joupa ijoc'ipolhuo' tonĵejmale'me ĵi'Hua, laĵPoujna Jesucristo.

¹⁰ Unc'aipimaye, caxahue'elhuo' toĵspic'ēte ti'ĵta' ac'a loĵ'ejma', tetentĵcocola' Jesucristo. Camilhuo': Aimolĵfuli'i'moltsi cataiqui', aimolixtuc'o'moltsi. Toĵ'etsoltsi anuli loĵpicuejma', anuli loĵtaiqui'. Aimolanajcona'moltsi ocuena ocuena lipicuejma'. ¹¹ Unc'aipimaye, lapimaye nomana' lejut'ĵ Cloé tinescolhuo' imanc', ticuayi toĵfuli'iyoltsi cataiqui'. ¹² Joupa aicuejpa loĵ'ejma'. Hualca imanc' toĵcuayi: "Īllanc' aĵcuxenga' Pablo, ĵque lihuejyi". Ocuenaye ticuayi: "Lihuejyi Apolos". Ocuenaye ticuayi: "Lihuejyi Cefas". (Īque aPedro.) Locuenaye ticuayi: "Īllanc' lihuejyi Cristo".

¹³ Itsiya quicuis'elhuo', camilhuo': ĵTe tipa'a axpela' lan Cristo? ĵTe iya' ninPablo lapaĵts'ingimpa lancruz? ĵTe iya' naiĵonc'e'epolhuo' loĵjunac' imanc'? ĵTe ma maĵ'huaiyinge iya' ninPablo epo'icopolhuo'? ¹⁴ Cax'najtsi'i ĒanDios iya' nij naitsi imanc' ĵainepo'ipa. Ma le'a nepo'ipola' Crispo y Gayo. Locuenaye imanc' aicainepo'ila' iya'. ¹⁵ Toĵta'a aimi'iya molnesyacu imanc': "Iya' nihuequi Pablo, ĵque lapo'ipa". A'i. Nij naitsi nonesya toĵta'a.

¹⁶ Linca nepo'ipola' lapimaye nomana' lejut'ĵ Estéfanos. Aicaixina', aica'nujuaitsi ja'ni nepo'ipola' ocuenaye o'a'i. ¹⁷ Cristo lummecopa cuya'atsi Lataiqui', ĵe loya'apa al c'a lixpíc'epa ĒanDios. Aicalu'ic': "Tapo'iyaletsi". Iya' a'i nincueca' comxi cataiqui'. Cristo aical'e'e toĵta'a. Ipic'a ti'ĵta' quĵisina' te ts'i'ic' al cuecaĵ li'ipa ĵiĵpe lancruz, tixingufcole ĵiĵpe ĵilunxajma'.

¹⁸ Lan xanuc' ts'ĵtaic' liĵjunac' aiquĵcueca li'ipa ĵiĵpe lancruz. Ticuayi: "Amac'ta cataiqui' ĵiya". Īllanc' a'i. ĒanDios alunĵu'enga', toĵta'a aĵsinyi acueca' cataiqui' ĵiya, aĵsingufcoyi al cueca' laĵ'eponga' ĒanDios. ¹⁹ Al Paxi Liniĵingiya tuya'e' lo'iya, ticua:

Timana' lan xanuc' nocuapá: "Acueca' laipicuejma', iya' linca aixina".

ĒanDios ticua: "Iya' camuc'i'mola' te ts'i'ic' liĵpicuejma', aiquĵisina".

Jouc'a timana' nocuapá: "Iya' linca cacueca".

ĒanDios ticua: "Īniya aiquĵcueca, camuc'i'mola' toĵta'a".

²⁰ Itsiya, ¿te qui'ipola' nocuapá: “Acueca' laɬpicuejma”? ¿Te qui'ipola' ihniya nipa'acopá liɬjuac lan tsilaj cataiqui', ihne lomxiye cataiqui'? LanDios joupá imujpa ihne aiqiuksina'. Liɬtaiquí tipa'acoyi maɬpe liɬpicuejma' pangay camac'ta cataiqui'. ²¹ Jifa'a li'a lamats' lan xanuc' naihuejpá quiɬtuca' liɬpicuejma' tama tocomma acueca' liɬpicuejma' ihniya aiqulimetsaijma LanDios. Iɬque hınca acueca' lipicuejma', toɬta'a ixpic'epa tunɬu'etsola' lan xanuc' nepenufpá lataiqui' laluya'apa. Iɬe tocomma to lamac'ta cataiqui', tinescojma li'ipa jilpe lancruz.

²² Lan judío ticuayi: “Ti'eɬa' al cueca' LanDios, aɬsinɬe illanc', tijouɬa' aɬ'huaiyijm'me”. Lan griego ticuayi: “Aɬsinɬe, aɬquimf'eɬe anuli ts'acueca' lipicuejma', acueca' quitaiqui' loya'apa, tijouɬa' aɬ'huaiyijm'me”. ²³ Illanc' ma' aɬnescoyi Cristo, iɬque hummepa LanDios. Luya'ayi: “Iɬque ɬepaɬts'ingimpa lancruz”. Licuejpá toɬta'a lan xanuc' judío ixtulencia. Ticuayi: “Ja'ni ɬepaɬts'ingimpa lancruz aicummaic' LanDios”. Pesti a'ij judío, ihne lan griego, tetets'iyi laluya'apa, ticuayi: “Amac'ta cataiqui' ihniya”. ²⁴ Pesti lojoc'ipola' LanDios, ja'ni ajudío, ja'ni agriego, ihne hınca timetsaicoyi Cristo hummepa LanDios. Jilpe iximpá al cueca' lo'epa LanDios, iximpá acueca' lipicuejma'. ²⁵ Liximpá li'ipa Cristo jilpe lancruz, lan xanuc' ticuayi: “LanDios ailopa'a quipicuejma', ailopa'a co'eya”. A'ij hınca iɬta'a locuapa. Xonca acueca' lipicuejma' LanDios, xonca acueca' lo'epa.

²⁶ Unc'aipimaye, imanc' lojoc'ipolhuo' LanDios, tolimetsaicoyoɬtsi te ts'i'ic' moɬmana'. Imanc' a'i cunc'itsila' xanuc'. Ma le'a oquexi' afantsi imanc' acueca' loɬpicuejma'. Ma le'a oquexi' afantsi ti'hua loɬmane, toɬcuxeyi. Ma le'a oquexi' afantsi loɬ'aillí ts'iɬ'hueca, acueca' quiɬ'huexi. ²⁷ LanDios ixpic'epa tulijsola' ihniya nocuapá: “Iya' aixina', acueca' laipicuejma”. Toɬiya i'huif'epolhuo' imanc' pesti a'ij cueca' colpicuejma', epi'ipolhuo' loɬpicuejma' ti'ila' acueca' colkina'. Ma' anuli ixpic'epa tulijsola' nocuapá: “Acueca' ti'hua laimane, acueca' laif'eya”. I'huif'epolhuo' imanc' pesti aimi'hua colmane, ailopa'a al cueca' loɬ'eyacu. ²⁸ Ixplic'epa tulijsola' lan tsilaj xanuc', ihne limetsaiconnila' fa'a li'a lamats'. Imanc' joupá ti'onɬcospolhuo' to ninaitsi xanuc', etets'impolhuo', tocomma aimoɬmana' fa'a li'a lamats', LanDios i'huif'epolhuo', timetsaico'molhuo'. Ihne lan tsilaj xanuc' aimimetsaiconyacola' toɬta'a. Tejac'e'mola'.

²⁹ Aimi'iyá maɬnesyacu: “LanDios aɬsimpa nincuecaj xans, toɬiya lapenufpa”. A'i. Nij naitsi nonesya toɬta'a. ³⁰ Imanc' coltuca' aicolspic'e. Ma LanDios ixpic'epa tepenuftsolhuo' Jesucristo. Maɬque LanDios ipo'nopa Cristo aɬmuc'itsonga' te ts'i'ic' al cueca' lipicuejma' LanDios. Ja'ni aɬ'huaiyijnyi Cristo LanDios lapenufinga' to ailopa'a caljunac'. Iɬque Cristo aɬ'e'eponga' i'huexi LanDios. Joupá i'najtsepa laɬjunac'. ³¹ Toɬta'a tenant'hi loya'apa al Paxi Linilingiya, ticua: “Ja'ni topalaɬta' al c'a li'ipo', ne', toya'ala' al cueca' li'epa laɬPoujna”.

2

¹ Unc'aipimaye, li'ipa maɬmana' anuli iya' aicai'e'e'moxi. A'i nomxi cataiqui'. Aicai'aic' to tocomma acueca' laipicuejma', le'a nu'i'molhuo' Lataiqui' loya'apa lo'epa LanDios. ² Joupá aixpic'epa te ts'i'ic' lo'iyá lai'ejma'. Cacia: Ma capa'a liɬya' Corinto ca'nujuais'ma ma le'a Jesucristo, iɬque ɬepaɬts'ingimpa lancruz. Capalaico'ma iɬque. ³ Laicuaitsi jilpe loɬpitya' tocomma aɬmajaiquemma. Laipicuejma' cacia: ¿Te cal'iyá? Tiyu caxpaiqui' laicuerpo. ⁴ Imanc' aɬsimpa a'ij cueca' laipicuejma', a'ij cueca' laitaiqui', laifpalaipa. Oɬsimpá ma le'a al cueca' lo'epa cal Espíritu Santo. Iɬe hınca oɬsimpá. ⁵ Toɬta'a

aical'huaiyinge iya'. Aicoñesqui: “Acueca' lipicuejma' Pablo”. Imanc' ma' ol'huaiyimpá ÑanDios, toñcuayi: “Acueca' lo'epa ñque”.

⁶ Ñinca tipa'a lataiqui' xonca acueca', ipime. Ñe lataiqui' camuc'ila' lapimaye ts'ñpicuejma', ñne ticuec'eyi, aimi'onñcospola' to la'uhuay.

Ñe laifnuya'apa ituca' cataiqui', a'i to ññtaiqui' lopalaipa ñne naihuejpá quñtuca' ññpicuejma'. Ñe laifnuya'apa jouc'a a'i to ññtaiqui' ñan tsilaj quñcuxepá, ññiya petsi ÑanDios tijou'ne'mola'. ⁷ Lataiqui' laifnu'iyalepa tuya'e' al cueca' lixpíc'epa ÑanDios, tocomma emiya cataiqui'.

Lipangopa li'a ñamats' ÑanDios jounpa ixina' lo'eya, jounpa ixpic'epa lo'iya. Añ'e'e'monga' pangay c'a ññpicuejma', ti'ñta' to lipicuejma' ÑanDios, aññaisufcotonga'. ⁸ Lincuxepá nomana' fa'a li'a ñamats' aiquñsina', aiquñcúeca toñta'a lixpíc'epa ÑanDios. Ja'ni coña' ñsina' aimepañts'ñnyacu ññPoujna, ñque ma' anDios. ⁹ Ma' al ñinca loya'apa al Paxi Ñinñingiya, ticua:

Lan xanuc' aiquñehuelojm'ma liñ'u', aiquñquimf'ejma liñs'mats'i'.

Jñpe ññpicuejma' aiquñsina' te ts'i'ic' li'hueca ÑanDios.

ÑanDios jounpa ññanc'epa, tepi'i'mola' lixanuc', ñne no'epá capic'a ññenDios.

¹⁰ Illanc' ñinca añsina'. ÑanDios jounpa añmuc'iponga'. Cal Espñritu Santo alu'iponga'. ñque cal Espñritu ixina' lipicuejma' ÑanDios, ixina' jahuay xonca lipime, ixina' xonca lemiya.

¹¹ Anuli cal xans, ¿te ja'ni ixina' te ts'i'ic' lipicuejma' ññ'as xans? A'i. Ma le'a ixina' te ts'i'ic' mixpic'e quñtuca' lipicuejma'. Jouc'a ÑanDios, ma le'a ññEspñritu, ñque cal Espñritu Santo, ixina' te ts'i'ic' lipicuejma' ÑanDios.

¹² Illanc' lapenufpá cal Espñritu Santo, ñalapi'iponga' ÑanDios. A'i calapenufi ñocuenaj espñritu, ñque nocuxepola' ñan xanuc' naihuejpá ññpicuejma'. ÑanDios ipic'a ti'ñta' calsina' te ts'i'ic' ñalapi'iponga', toñiya lapi'iponga' cal Espñritu Santo. ñque añmuc'inga'.

¹³ Lala'ipola' lapimaye, ñe ññtaiqui', aimalipa'acoyi cañtuca' ññpicuejma'. Mañque cal Espñritu Santo añmuc'inga' te ts'i'ic' ññpalaicoyacu. Ñe lonespa cal Espñritu Santo añmuc'ila' lapimaye, ñne pe jounpa nepenufpá ñque cal Espñritu, tñhuejcoyi. ¹⁴ Anuli cal xans ja'ni aiquepenufi cal Espñritu Santo aimicueca te ts'i'ic' malapi'inga' cal Espñritu. Jahuay ññiya tixina to amac'ta cataiqui'. Aimi'iya mñhuic'iya. Ma le'a cal Espñritu Santo ti'i'ma timuc'i'ma. ¹⁵ Ja'ni jounpa mepenufpa cal Espñritu Santo jahuay ññiya tocuca. Cal Espñritu timuc'ñhuo'. Ñinca, ñan xanuc' tixinghuo' ocuena lopticuejma', aimicuec'ehuo', aimixingufhuo'. ¹⁶ Aimi'iya mixingufyaco'. El Paxi Ñinñingiya ticua:

¿Te ja'ni tipa'a nañtsi niximpa te ts'i'ic' lipicuejma' ÑanDios?

¿Te ja'ni ti'i'ma timuc'i'ma ÑanDios?

A'i aimi'iya.

Illanc' ññpicuejma' i'ipa anuli lipicuejma' Cristo. Toñta'a aimañcúec'enyaconga'.

3

¹ Unc'aipimaye, ñañmajmpá anuli jñpiya aicaimuc'ñhuo' lipime cataiqui'. Aiquñ'ic'. Tocomma afule molihuejyi Cristo. Aimolihuejyi cal Espñritu Santo. Xonca toñhúejyi coñtuca' loñpicuejma'. Aiximpoñhuo' ti'onñcospoñhuo' to la'uhuay. ² Toñiya iya' lañtes'mipoñhuo' ti'onñcospa to aleche a'i quixic'. Cacia: Laimuc'ipoñhuo' a'i quipime cataiqui', pangay aiquipime.

Ññiya ññiné aiquñ'ic' colihuc'i lipime cataiqui', itsiya jouc'a aimi'iya. ³ Ma' itsiya toñhúejcoyi coñtuca' loñpicuejma'. Toñ'ejcoyoñtsi laic'. Toñfuli'icoyoñtsi. Tolañajyoñtsi, anuli anuli ti'hua lipene. ¿Te ja'ni toñta'a toñhúejcoyi cal Espñritu Santo? Toñta'a liñ'ejma' ññiya pe aiquñepenufi cal Espñritu Santo. ⁴ Hualca

imanc' tołcuayi: “Illanc' lihuejyi Pablo”. Hualca tołcuayi: “Illanc' lihuejyi Apolos”. Mi'i tołta'a lo'ejma' linca tolihuejcoyi cołtuca' lołpicuejma'.

⁵ Iya' ninPablo, ¿naitsi iya'? Apolos, ¿naitsi itque? Illanc' ma le'a ninc'ixanuc', ał'eyi lanic' lalapi'iponga' ŁanDios. Aluya'ayi litaiqui' ŁanDios. Imanc' oł'huaiyimpá itque. Anuli anuli tipa'a lałpenic' lalapi'iponga' ŁanDios. ⁶ Iya' aifapa, Apolos ic'ejpa, ŁanDios itoc'epa. ⁷ Illanc' ałfapá, ałc'ejpá, a'ij cueca' ite lanic'. Al cueca' xonca lo'epa ŁanDios Notoc'epa. ⁸ Ja'ni ałfayi, ja'ni ałc'ejyi, ma' anuli ał'eyi lanic' lalapi'iponga' ŁanDios. Tijoułta' anuli anuli lulij'me lalapi'iyaconga' ŁanDios. Ituca' ituca' lalapi'iyaconga' ma to lałpenic' lał'epa.

⁹ Ał'eyi canic' anuli ŁanDios. Imanc' ti'onłcospolhuo' to quequeya ŁanDios. Ti'onłcospolhuo' to lajut'ł lolanc'epa ŁanDios. ¹⁰ ŁanDios lapi'ipa laipenic', cuya'atsi litaiqui' Jesucristo. Tołta'a jilpe lai'epa ti'onłcospa to lo'epa łomxi canic' ts'ixina' lo'eya tilanc'ela' al c'a cajut'ł. Tocomma to aipupa camats', aipo'nopa lopo'nof'inyacu łaitał. Itsiya ocuenaye tuyai'eyi łaitał. Camila' ihniya: “Tołpo'nołe cuenna te ts'i'ic' lon'eyacu. ¹¹ Ne', toluyai'etsa łaitał. Aimołpo'nocona'me lopo'nof'inyacu łaitał. Iya' joupa aipo'nopa, itque Jesucristo. Ailopa'a cocuena.”

¹²⁻¹³ Ticuaitsi al Cuecaj Quitine ti'huájta acuajmaica te jale lanic' li'epa itne nolanc'epá łaitał. Jilpe litine tihic'eyo'ma cunga. Łunga tuyaico'ma jahuay, hualca tipi'e'ma nulemma, hualca tipanehuo. Tołta'a ti'huájta te lilanc'ecompa hłpitał, ja'ni a'oro, aplata, apic' juaiconapa ipitali, o ja'ni a'ec, ajaxa, apajac. ¹⁴ Cal xans ja'ni tipanehuo łaitał hipo'nof'ipa, itque tulij'ma lalapi'iya ŁanDios. ¹⁵ Ja'ni tipila' nulemma ailopa'a capenufya. Tope tope tipanehuo. Jahuay li'epa tejac'ma. Ma to afule munł'enyacola' lan xanuc' mipila' hilejut'łi, tołiya afule munłuya itque.

¹⁶ Imanc' nolafot'łepołtsi jilpe, ¿ja'ni aicołsina' ti'onłcospolhuo' to ejut'ł ŁanDios? Jilpe tipanga cal Espíritu Santo. ¹⁷ Cal xans najac'eya lejut'ł ŁanDios, małque ŁanDios tejac'e'ma itque cal xans. Ite lajut'ł apaxi, ma i'huexi ŁanDios. Imanc' nołmana' ejut'ł ŁanDios, imanc' i'huexi itque.

¹⁸ Imanc' aimołfel'mi'mołtsi. Aimoł'onłico'mołtsi to lan xanuc' naihuejpa quiltuca' liłpicuejma'. Aimołnes'me: “Joupa aixina'. Acueca' laipicuejma'.” Ja'ni tonesqui tołta'a najmay taimetsaico'moxi mamac'ta. Tołta'a tapenuf'ma copicuejma'. ¹⁹ Itne naihuejpa quiltuca' liłpicuejma' tama tocomma acueca' quilsina', ŁanDios tixinnila' amac'ta. Tołta'a loya'apa al Paxi Linilingiya, ticua: Itne petsi acueca' liłpicuejma' linca itšina' lixcay.

Ma mi'eyi ite lixpic'epa, ŁanDios tic'aił'mola'.

²⁰ Jouc'a tuya'e':

ŁanDios ixina' te ts'i'ic' liłpicuejma' itne nocuapá: “Iya' aixina’”.

Tixinnila' ailopa'a al c'a lo'eyacu.

²¹ Itsiya imanc' aimołnescona'me: “Itque cal xans tipa'a xonca acueca' lipicuejma', itque nałcuxepa, quihuej'ma”. Ihniya lołpomxiye lepi'icopolhuo' ŁanDios titoc'itsolhuo'. ²² Iya' camilhuo': Imanc' ja'ni ałpalajma iya' ninPablo, o tołpalaicoyi Apolos, o Cefas (itque aPedro), o tołpalaicoyi li'a łamats', o lapajnya, o lamaya, o lopa'a itsiya, o lo'iya locuaicoya quitine, toł'nujuaitsa ŁanDios epi'icopolhuo' jahuay ihna'a titoc'itsolhuo', a'i micuxeyacolhuo'. ²³ Linca tipa'a Nocuxepolhuo', itque Cristo. Małque Cristo tipa'a nicuxepa, itque ŁanDios.

4

¹ Ma Cristo lummeponga' ałtoc'itsolhuo' imanc'. Ite lałpenic'. Camilhuo': Limetsaicotsonga'. ŁanDios lapi'iponga' lałmane lu'itsola' lan xanuc' litaiqui', ite xonca lemiya, luhuałc'e'e'mola'.

² Ja'ni tepi'inle cal xans lipenic' ticuicomma tenant'hila' ile lanic' lapi'impá.
³ Itsiya, ¿te co'ia? ¿Te ja'ni imanc' ti'i'ma ałmi'ma te ts'i'ic' laif'epa ile laipenic', ja'ni ac'a o a'ij c'a? O ¿tipa'a anuli cal juez fa'a li'a lamats' ti'i'ma ałmi'ma tołta'a? A'i, aimi'ia. Ni iya' caituca' canescoyacoxi ac'a laif'epa. ⁴ Tama iya' caituca' caxina ac'a laif'epa laipenic', aicaixina'. Le'a LanDios ixina' ilt'a. Ma' ilque lu'i'ma.

⁵ Aimohnescona'mola' lołpimaye, ja'ni ac'a o a'ijc'a lo'epa. Toł'huaicole ticuaic-oconno łalPoujna. Fa'a li'a lamats' ti'onłcospa to lipuqui'. Axpe' aiqui'huáqui. Ilque łalPoujna tepalc'o'i'ma jahuary. Aimi'ia memiconaya, jahuary tix-inim'me. Jahuary lixpíc'epa lan xanuc' jilpe łilunxajma' tixinim'me. Ja'ni ac'a ał'epá łalpenic' ma LanDios lu'i'monga'. Anuli anuli ałmi'monga'.

⁶ Unc'aipimaye, ja'ni iya' camilhuo': "Tołe tołe łal'ejma' iya' y Apolos", ma le'a aipic'a tołta'a camuc'itsolhuo' aimołcuxecona'mołtsi cołtuca', aimołmiconam'oltsi: "Nij naitsi nałcuxeyaconga' illanc'", aimołfuli'iconam'oltsi. Aimolahuecona'me te co'ia molulijcoyacołtsi.

⁷ Ima', ¿te aimi'onłcospo' lopimaye? ¿Te xonca ts'o'hueca? Ja'ni o'hueca, ¿naitsi lepi'ipo'? Ja'ni LanDios Nepi'ipo', ¿te cołof'ecopoxi? Tocomma cotuca' ima' mepi'ipoxi.

⁸ Imanc' tocomma ixhuaita lołpicuejma'. Ailopa'a cahue'epolhuo'. Ti'i'ma tołcuxe'mołtsi cołtuca' imanc', latets'inga' illanc'. ¿Te tołcuayi: "Joupa lulijpá. Aimałtoc'iconam'onga'?" Iya' cacua: ¡Coła' olulij'me! Tołta'a illanc' jouc'a lunxaj'me.

⁹ Illanc' ninc'apóstole tocomma LanDios ałpo'noponga' fa'a li'a lamats' to ninaitsi xanuc'. Fa'a latets'ininga' to latets'impola' lan xanuc' no'epá acueca' lixcay, ilne ma le'a il'huaijma titeł'mintsola', tima'am'mola'. Ma le'a lixoconga' illanc'. Lapaluc' nomana' lema'a jouc'a lan xanuc' nomana' fa'a li'a lamats' lahuelonginga' lał'iyaconga'.

¹⁰ Imanc' moł'huaiyijnyi Cristo tołsinyołtsi acueca', ac'a lołpicuejma'. Illanc' aimahnescoyacołtsi tołta'a. Mał'eyi lanic' lalapi'iponga' Cristo, lan xanuc' ałnescoponga', ticuayi: "Ilne amacta". Imanc' nipajnya toł'e'me al cueca', illanc' a'i. Nij tintsi mi'ia mał'eyacu. Imanc' timetsaicolhuo' lan xanuc', tixpaic'elhuo'. Illanc' a'i. Latets'ininga'. ¹¹ Illanc' ti'hua ałtelcoyi, lunle'eyi, lahue'enga' calsnayacu, lahue'enga' calpijahua', luntafquina', ailopa'a calajut'ł, ma le'a ałelocoyi. ¹² Ał'ecoyi canic' lałmane', acueca' quixoqui.

Ja'ni ałmiloquina' cataiqui', ałpaxnela'. Ja'ni lihuetsolina', ałsnet'łyi.
¹³ Ja'ni ałnesconga' quixcay, ałtalai'e'mola' al c'a. Illanc' ał'onłcoponga' to cal cueca' łifuc, ilpic'a ma łilonc'etsonga' nulemma. Tołta'a ał'e'enga'.

¹⁴ Laifpalaic'opolhuo' tołta'a aicatalelhuo'. Caxinnilhuo' to cainaxque', ma le'a caxc'ai'ilhuo'. ¹⁵ Imanc' tama ti'ila' axpela' lołpomxiye, tixhuaispola' to imbamaj mil, a'ijxpela' loł'aillí. Ma le'a iya' coł'ailli'. Iya' ma' ca'ay lanic' lalapi'ipa Cristo, nu'ipolhuo' Lataiqui' loya'apa ile al c'a lixpíc'epa LanDios. Imanc' olapenufpá, i'ipolhuo' ainaxque'. ¹⁶ Iya' to oł'ailli' caxa'huelhuo', camilhuo': Lihuejla' iya' lai'ejma'.

¹⁷ Tołta'a tu'itolhuo' Timoteo. Ilque ai'hua, aipic'a. Linca tihuequi łalPoujna. Cumme'ma ti'huala' pu'huanni tixintsolhuo', ti'nujuaitsi'itsolhuo' te ts'i'ic' cainihuequi Cristo, te ts'i'ic' lataiqui' laifmuc'ipola' lapimaye ni petsi lafołyomma.

¹⁸ Jilpe hualca ti'e'eyołtsi, ticuayi: "Ilque Pablo aimicuaiya fa'a. Illanc' ałsina' lał'epa." ¹⁹ Iya' ja'ni ipic'a łaiPoujna Jesucristo aimacołya, ca'hua'ma jilpiya. Cacuaitsi caxinnola' te ts'i'ic' lo'epa ihniya no'e'epołtsi. Ilne linca acueca'

locuapa. Caxinnola' ja'ni acueca' ac'a lo'epa. ²⁰ Petsi LanDios ticuxe a'i ma le'a mipalołaiyi, jouc'a ti'i'ma acueca' ac'a lo'epa.

²¹ Itsiya, ¿te ts'olpic'a? ¿Cacuaitsi quixtu'hua cataletolhuo'? O ¿cacuaitsi tixoque neta, cahuejntolhuo', capalaic'otolhuo' al c'a? Imanc' coltuca' tołsim'me.

5

¹ Iya' aicuejpa lopalaicompolhuo' imanc'. Pe lołmana' tipa'a anuli ixcay lo'epa. Lan xanuc' pe aimimetsaicoyi LanDios aimi'eyi to lo'epa itque. Joupa ilecopa lihuomi'máma'. ² Imanc' aimołsuelmot'leyi, ti'hua tołnescoyołtsi: “Illanc' xonca ac'a lihuejyi”. Coła' olipa'a'me itque ni'epa lixcay.

³ Iya' tama jifa'a capa'a, tocomma ma' anuli to jipu'hua almana'. Iya' joupa aixpic'epa la'e'eyacu itque cal xans ni'epa ite lixcay. ⁴ Tolafot'letsoltsi tołetsa ma to lałcuxe'eponga' lałPoujna. Imanc' jilpiya lołmana'. Iya' tama capa'a fa'a, laipicuejma' ti'hua'ma pu'huanni, tołta'a ti'i'ma to lafot'leyołtsi anuli. Jilpe ti'hua'ma acueca' limane lałPoujna Jesucristo. ⁵ Tołiya laca'nico'me itque cal xans, alcu'me ticuaitsi limane Satanás, titeł'miła'. Titełcoła' licuerpo aimixahue'econa'ma lixcay. Tuntula' hi'alma litine ticuaiyunnit lałPoujna Jesús.

⁶ Imanc' ti'hua tixoque cunlata, tocomma coła' ailopa'a tintsi. A'ijc'a ite loł'ejma'. ¿Ja'ni aicołsina' lo'eya tulcanni cal levadura lohuants'impaxax'e? Tama tucanni titoj'ma jahuaryax'e. ⁷ Ite lixcay lonł'ejma' ti'onłcospa to cal levadura, tonlaca'niłe. Ti'itsolhuo' to cal ts'e harina lax'e pe ailopa'a qui'ic'. La'i lołanc'ecompa cal ts'e harina lax'e titejn-ni al juic Pascua. Jilpe al juic ti'nujuaitsinni li'epa LanDios litine lunlu'epola' lixanuc', ihniya lijoupa ima'apá laca'huaj moł. Illanc' al'nujuaisyi hiMoł LanDios, joupa hima'ampa, itque Cristo. ⁸ Al'nujuaitsa itque, tołta'a al'e'me juic. Jilpe al juic aimixinim'me itque cal levadura. Laifnescopa “cal levadura”, canescojma lixcay. Cacia: Aimal'e'me lixcay. Aimalnescocoona'mola' quixcay lałpimaye. A'i ma le'a mal'e'e'mołtsi to lan c'a xanuc', al linca al'itsonga' ac'a lałpicuejma'.

⁹ Laininił'epolhuo' aimipolhuo': “Tolanajtsołtsi itne no'epá al xujc'a. Aimołhejmale'me itne pe noxhuicopá ocuenaye cacal'no' a'i quiłpenoye.”

¹⁰ Laimipolhuo' tołta'a aicapalaicocola' lan xanuc' pe aimimetsaicoyi LanDios. Linca ihniya tixhuicoyi lacał'no', tijanajyi hił'huexi lił'as xanuc', tifeł'miyaleyi, texic'eyaleyi lił'as xanuc', texc'onłingolaiyi landiosla'. A'i camiyacolhuo' tolanajtsołtsi ihniya. Ja'ni tołta'a lonł'eyacu tolipalcu nulemma jifa'a li'a lamats'.

¹¹ Iya' canescola' lił'ejma' lapimaye. Camilhuo' lonł'eyacu ja'ni anuli lołpima tixhuijma ocuena caca'no' a'i quipeno, ja'ni tijanaca ocuenaj 'huexi, ja'ni texc'onłingai'ila' landiosla', ja'ni tinesc'ela' cataiqui' lapimaye, ja'ni isna, ja'ni tifeł'miła' lipimaye mexic'e'ela' liłtomí. Camilhuo': Ja'ni tołta'a li'ejma' anuli lapima tolanajtsołtsi, ni aimołtetso'me anuli itque.

¹²⁻¹³ Ihniya pe a'i calpimaye, ¿ja'ni iya' iljuez? ¿Ja'ni cateł'mi'mola' ihniya? A'i. Ma LanDios iljuez itne. Lołpimaye nomana' jilpiya, imanc' ti'hua lołmane ti'i'ma tołteł'mi'mola'. Itque ni'epa lixcay, tolipa'ale.

6

¹⁻² Imanc', ja'ni ticuicomma tixanutsi lataiqui', ¿te colpalaic'ocopola' ts'ilpenic', itne pe aimimetsaicoyi LanDios? ¿Te ja'ni aimołsinyi calaic'ata? Aimoł'econa'me tołta'a. Imanc' i'huexi LanDios. Małpiya pe lomana' lołpimaye tołxanu'etsoltsi lołtaiqui'. Imanc' illanc' i'huexi LanDios. ¿Ja'ni aicołsina' te ts'i'ic' laluyalaicoyacu? LanDios lapi'i'monga' lałmane, al'i'monga' iljuez lan xanuc', itne pe aimimetsaicoyi LanDios. Locuaicoya quitine, ja'ni tołta'a acueca' ti'i'ma loł'eyacu, itsiya litine, ¿te aimi'iya monł'eyacu ite a'ij cueca'? ³ ¿Te aicołsina'

lo'iya Locuena Quitine? ÑanDios ałpo'no'monga' iljuez lapaluc' quema'a. Itsiya litine, ¿te aimi'iya mołsanuyacu iñe lo'ipolhuo' jifa'a li'a łamats'?

⁴ Ma muluyalaicoyi lapajnya ja'ni tipa'a lo'ipa jilpiya pe lolafot'leyopoltsi, najmay tołnanc'otsola' ma lołpimaye, iñe tixanule lataiqui', tama tocomma nij naitsi xanuc' iñniya. ⁵ Camilhuo' tołta'a aipic'a tołsintsołtsi te ts'i'ic' lo'ejma', tołsinle calaic'ata. Jilpe, ¿ja'ni ailopa'a ni' anuli łapima ts'ixina'? ¿Ja'ni ailopa'a ni' anuli ti'i'ma ti'e'ma tixanu'e'mola' liłtaiqui' lipimaye? ⁶ Tocomma to ailopa'a. Tołiya lapimaye ticuxecoyołtsi, tiyeyi pe lomana' lan juez, iñe pe aimimetsaicoyi ÑanDios.

⁷ Linca ma mołfuli'iyolołtsi, mołcuxecoyołtsi timenaquilhoo' juaiconapa. Xonca ac'a lonł'eyacu ja'ni tołsnet'ł'me lo'ipolhuo'. Ja'ni a'ijc'a lo'epolhuo', ja'ni ifel'mipolhuo', aimolixtuc'o'mołtsi. ⁸ Imanc' ituca' lo'ejma'. A'ijc'a lonł'epola' lołpimaye, ofel'mipola'. Tama ołpimaye tołta'a lonł'epa.

⁹ ¿Te aicołsina' lo'iyacola' iñe no'epá al xujc'a? Aimitsuflaiyacu pe locuxeyopa ÑanDios. Imanc' aimołfel'mi'mołtsi. Aimołcua'me: “Tama tołiya laif'epa catsufaita”. Iñe nahuepá cacal'no', jouc'a naxc'onłingołaipá landiosla', jouc'a noxhuicopá ocuenaye cacal'no', a'i quılpenoye, jouc'a lan xanuc' no'e'epołtsi to lacał'no', jouc'a nonangołaipolołtsi liłf'as xanuc', ma to li'epa lan xanuc' jilpe liłya' Sodoma, ¹⁰ jouc'a nonantsepá, jouc'a nojanajpá locuenaj 'huexi, jouc'a nox-natsaipá, jouc'a nopalaicopá quixcay, jouc'a nofel'miyalepá mulijyi acueca' quıltomí, jahuay iñniya ÑanDios aimepi'iyacola' lane, aimitsuflaiyacu pe locuxeyopa.

¹¹ Linca, li'ipa tołta'a lonł'epa hualca imanc'. Itsiya a'i. Joupa ołnespá: “Ca'huaiyinge Jesús, ilque aiPoujna”, joupa epo'impolhuo', i'e'epolhuo' limpio, olapenufpá cal Espíritu Santo. Tołta'a i'ipolhuo' i'huexi ÑanDios. Ilque tepenufilhuo' to ailopa'a cołjunac'.

¹² ¿Te ja'ni anuli ticua: “Tipa'a lane. Jahuay ti'i'ma ca'e'ma.”? Linca jahuay ti'i'ma ał'e'me. A'i jahuay metenłcocoya. Cacia: Ja'ni ti'i'ma lulij'ma, iñe aica'eya. ¹³ Tinesyi: “ÑanDios ilanc'epa lałcu'u ti'nijmaispa łatejacu. Jouc'a ilanc'epa łatejacu ti'nijmaitsi lałcu'u.” Linca ma małmana' fa'a li'a łamats' ti'hua ti'nijmaita lałcu'u łatejacu. Ticuaitsi Locuena Quitine iłiya lałcu'u ailopa'a, jouc'a łatejacu ailopa'a. Tołta'a lixpice'epa ÑanDios. ¿Te ÑanDios lapi'iponga' lałcuerpo lahuecotsola' lacał'no'? A'i. Lapi'iponga' ał'ełe lanic', iñe lalapi'iponga' lałPoujna. Ilque iPoujna lałcuerpo jouc'a. ¹⁴ ÑanDios joupa imaf'i'ınapa lałPoujna Jesucristo. Tołta'a ałsim'me al cueca' lo'eya ÑanDios. Ałmaf'i'ına'monga' jouc'a lałcuerpo.

¹⁵ Lałcuerpo joupa i'ipa i'huexi Cristo, tocomma to limane', li'mitsi' ilque. ¿Te aicołsina' iłta'a? ¿Te liłonc'e'e'me li'huexi lałPoujna Jesucristo? ¿Te lapi'i'me anuli łaca'no' notepa licuerpo? Ilque tixhuico'ma ma to mijanaca. A'i, aimi'iya. ¹⁶ Lan xanuc' lacał'no' ja'ni joupa ejonłipołtsi i'epołtsi anuli. Jouc'a ma' anuli cal xans tejonłixoxi łaca'no' notepa licuerpo, ti'i'mola' anuli iñniya. ÑanDios ticua: “Loquexi' tejonłi'mołtsi, ti'i'ma anuli liłcuerpo”. ¿Te aicołsina' iłta'a? ¹⁷ Jouc'a cal xans iñemale lałPoujna Jesucristo, ilque y lałPoujna i'ipołtsi anuli, anuli liłpicuejma' iñniya.

¹⁸ Tołpo'note lołpicuejma', aimoł'noł'mola' lacał'no'. Tolinuc'etsola' iñniya. Ticuanni: “Ja'ni a'ijc'a lał'epá ailopa'a co'iya lałcuerpo, tołe ałmanecu”. Iya' camilhuo': A'i. Naitsi no'nołpa ocuena caca'no' tixis'mecoyoxi, titeł'miyoxi quituca', tecani'e licuerpo. ¹⁹ ¿Te aicołsina' lołcuerpo ti'onłcospa lajut'ł pe lopa'a ÑanDios? Jilpe tipa'a cal Espíritu Santo, ilque lumme'epolhuo' ÑanDios. Itsiya aimi'iya mołcuxeyacołtsi cołtuca'. ²⁰ Acueca' li'najtsecopa ÑanDios, tołta'a

i'epolhuo' i'huexi. Jitpiya lołcuerpo tołs'najtsi'ite LanDios. Tonł'ete ma le'a latentłcocoya.

7

¹⁻² Itsiya quinił'elhuo', catalai'e'elhuo' lalicuis'epa jitpe lołje'e. Licuis'epa, ałmi ja'ni ac'a loxpic'epa anuli cal xans nonespa: "Iya' capajm'ma caituca'. Aicahueya caipeno." Ne'. Tama ac'a loxpic'epa itque cal xans, najmay lan xanuc' anuli anuli temallite. Jouc'a lacał'no' anuli anuli temallite. Tołta'a aimi'eyacu nixpiya.

³ Cal xans aimicuanaj'moxi, ti'e'exoxi anuli lipeno. Jouc'a łaca'no' aimicuanaj'moxi, ti'e'exoxi anuli lipe'ailli'. ⁴ Aimes'ma łaca'no': "Laicuerpo ai'huexi. Ja'ni aipic'a ca'e'e'moxi cuenna." A'i. Licuerpo łaca'no' i'huexi lipe'ailli'. Jouc'a cal xans aimines'ma: "Laicuerpo ai'huexi. Ja'ni aipic'a ca'e'e'moxi cuenna." A'i. Licuerpo cal xans i'huexi lipeno. ⁵ Imanc', aimołcuanac'e'mołtsi. Ma le'a tołcuanac'e'mołtsi ja'ni tołspic'ete loquexi' imanc'. Ja'ni tołnesle: "Alanajle oquej afane' quitine, ałsnet'He, ałpalaic'o'me LanDios. Muyaipá itne łitiné ał'e'e'mołtsi cuenna." Ja'ni tołta'a ołspic'epá, ne', toł'e'etsołtsi cuenna. Tuyaila' itne oquej afane' quitine tonł'e'econatsołtsi anuli. Ja'ni a'i aimołsnet'lyacu. Tijouł'a łonta'a Satanás tehuai'molhuo'.

⁶ He laitaiqui' laifmipolhuo': "Anuli anuli cal xans temaneła'", aicacuxe'elhuo' tołta'a. Ma le'a camilhuo': Tipa'a lane ti'ila' tołta'a lonł'eyacu. ⁷ Iya' xonca aipic'a timajnle quituca' lan xanuc', ał'onłcota to iya'. Iya' capa'a caituca'. Tama tołta'a laifcuapa hualca aimi'iya mi'eyacu. Ituca' ituca' lapi'iponga' lał'ejma' LanDios. Anuli ti'i'ma tixnet'ł'ma, łocuena aimi'iya mixnet'lyacu.

⁸ Imanc' pe aiconlamalliyi, jouc'a ja'ni apotsateya cacał'no', iya' camilhuo': Tołmajnle cołtuca', ma to iya' capa'a caituca'. Tołta'a xonca al c'a tuluyalaico'me. ⁹ Ja'ni tołjanajyołtsi juaiconapa, tocomma tołpi'eyołtsi, najmay tonlamallite.

¹⁰ Imanc' unc'apimaye joupa nolamallipá camilhuo' lonł'eyacu. Iya' a'i caituca' itla'a laifcuxe'epolhuo'. Camilhuo' ma lałcuxe'eponga' łalPoujna.

Imanc' unc'acał'no' camilhuo': Aimainuc'e'ma łope'ailli'. ¹¹ Ja'ni ominuc'epa aimahueta ocuenaj xans. Topajnla' cotuca'. O ja'ni aimi'iya, taihuejnał'a' łope'ailli', tołxanunatssołtsi lataiqui', tolimenc'e'ecotsołtsi loł'epa.

Jouc'a cunc'aipimaye xanuc' camilhuo': Aimaihuescuf'ma łopeno.

¹² Locuenaye imanc' nolamallipá petsi le'a anuli imanc' naihuejcopa Jesucristo, camilhuo' lonł'eyacu. Itla'a laifmipolhuo' aicalmic' łalPoujna. Itque aiquipo'nohuo cataiqui' lonł'eyacu. Ma' iya' caituca' caxc'ai'ilhuo', camilhuo': Unc'apimaye, ja'ni anuli imanc' lipeno, tama aimihuejma Jesucristo, tixpic'e tipajnla', ne', timajnle anuli, aimihuescuf'ma. ¹³ Jouc'a unc'apimaye cacał'no', ja'ni anuli imanc' lipe'ailli', tama aimihuejma Jesucristo, tixpic'e tipajnla', ne', timajnle anuli, aiminuc'e'ma. ¹⁴ Ima' taihuequi Jesucristo, tama łope'ailli' aimihuequi, LanDios joupa imetsaicopa itque to cope'ailli'. Ma' anuli maipima, ima' taihuequi Jesucristo, tama łopeno aimihuequi, LanDios joupa imetsaicopa itque to copeno. Ja'ni a'i tołta'a LanDios coł'a' aiqumetsaicola' lołnaxque' itne i'huexi. Itsiya łınca timetsaicola' itniya. ¹⁵ Itne pe aimihuejyi loquexi' Jesucristo, axans o aca'no', petsi aiqumihuequi ja'ni ipic'a tenaj'moxi, ima' petsi mihuequi tapi'ila' lane. Aimes'ma: "Joupa ałfi'inga'. Aimi'iya malux'masyacołtsi." LanDios ałjoc'iponga' ałmajnle al c'a, aimalfulołque'me.

¹⁶ Ima' maipima caca'no', ja'ni łope'ailli' aimihuequi Jesucristo, mipa'a itque ima' aicoxina' ja'ni ti'i'ma to'e'e'ma tixhuej'menanni, tunł'u'ma. Jouc'a ima'

maipima, ja'ni lopeno aimihuequi, mipa'a itque ima' aicoxina' ja'ni ti'i'ma to'e'e'ma tixhujmenanni, tuntu'ma.

¹⁷ Iya' cacua: Ma to la'ejma' lalapi'iponga' laPoujna, to'ta'a a'ete. Jouc'a ma to qui'ic' la'po'no'ponga' LanDios to'ta'a luyalaico'me lapajnya. To'ta'a laifmuc'ipola' lapimaye ni petsi lafolyomma. ¹⁸ Ite litine lijoc'ipo' LanDios ja'ni joupa etec'empo' lopixic', i'ipa loseña, tipanenni to'ta'a. Aimones'ma: “¿Te caif'eya? Qui'onc'e'e'moxi ite laiseña.” O ja'ni aiquetec'enghuo' lopixic', topanenni to'ta'a. Amones'ma: “Alatec'e'enla' laipixic’”. ¹⁹ Ailopa'a tintsi. Ja'ni etec'empo' lopixic' o a'i, ma' anuli ite. Taihuejla' locuxepa LanDios. To'ta'a linca tetencocoyma LanDios.

²⁰ Jahuay imanc', ma to mipa'a lo'pepajnya litine LanDios lijoc'ipolhuo', ma to'ta'a to'majnle. ²¹ Ima' joupa ijoc'ipo' LanDios, ja'ni ummozo, i'huexi lo'poujna, aimoxhue'mot'le'ma. Ja'ni tixpic'enle tux'masnatso' ima' tones'ma: “A'i. Najmay capanehuo. Fa'a quihuejco'ma Cristo.” ²² Litine lijoc'ipolhuo' LanDios, ite litine Cristo itonc'epolhuo' limane lonta'a. Itsiya, ja'ni ima' ummozo, ima' i'huexi lo'poujna fa'a li'a lamats', o ja'ni ailopa'a copoujna fa'a, ma' itque Cristo lo'Poujna loquexi' imanc'.

²³ To'n'ujuaitsa, LanDios i'najtsepa acueca' ti'etsolhuo' i'huexi Cristo. Aimolihuej'mola' lan xanuc', tunlihuejle Jesucristo. Itque linca lo'Poujna. ²⁴ Unc'aipimaye, ma to mipa'a lo'pepajnya ite litine LanDios lijoc'ipolhuo', ma to'ta'a to'majnle. To qui'ic' ton'ete latencocoya LanDios.

²⁵ Lapimaye cahuats'la jouc'a lamijcanó, laPoujna Jesucristo aicalu'ic' lo'eyacu itniya. Iya' cu'i'molhuo' laifxp'ic'epa iya' caituca' laipicuejma'. Linca LanDios joupa aksanu'epa laipicuejma', aicafel'miyale. ²⁶ Camilhuo': Itsiya ipime lapajnya, afule maluyalaicoyi. Ite lahuats'la o lamijcanó xonca al c'a tualayaico'me ja'ni timajnle to mimana'.

²⁷ Ima' maipima, ¿te fi'ilhuo' lopeno? Aimoxhue'mot'le'ma. Aimahue'ma tolux'mas'mo'tsi. O ima', ¿te ailopa'a copeno? Ne', aimahue'ma copeno. Topajnla' tole. ²⁸ O ja'ni tamane'ma, nipajnya, tamane'la', ailopa'a tintsi. Jouc'a anuli lahuats', ja'ni temane'ma ailopa'a tintsi. Ma' atinca ite namallipá xonca ipime li'pepajnya. Iya' aipic'a aimo'tel'mi'mo'tsi. Totiya cu'ilhuo': Xonca al c'a tuluyalaico'me ite pe aimemalliyi.

²⁹ Itsiya LanDios ipic'a ti'ila' ituca' laluyalaicopa lapajnya. Etec'opa litiné, aimico'ya li'a lamats'. Totiya ite nemallipá ti'on'cotola' li'ejma' to ite pe aiquilemalli. Tixojma quileta ti'e'me lanic' lapi'ipola' LanDios. ³⁰ Jouc'a nohuotsopá, ticuicomma ti'e'ma ma to ailopa'a qui'pihuotsoqueya. Jouc'a noyalaicopá al c'a, aimi'e'me ma le'a li'pixo'jma cata ite qui'tuca', ti'nujuaisle li'pimaye. Jouc'a no'najualepá, tama tipa'a li'hueca aimi'nujuais'me itiya. ³¹ Jouc'a nolijpá qui'tomí fa'a li'a lamats', aimixhuj'me'me ma le'a ite lanic'. Li'a lamats', jahuay la'simpa fa'a itsiya, ti'hua tijaf'que, tijouna'ma.

³² Aipic'a aimo'suet'cocoyacu lapajnya fa'a li'a lamats'. Lapima nopa'a quituca' itine itine ti'nujuaitsi Jesucristo. Tehuay tetencoco'ma itque li'Poujna. ³³ Lapima nemanepa itine itine ti'nujuaitsi lapajnya fa'a li'a lamats'. Tehuay tetencoco'ma lipeno. ³⁴ I'ipa oque' lipicuejma'.

Ma' anuli lo'ipa lapima cahuats'. Itine itine ti'nujuaitsi Jesucristo. Ticua: “Aipic'a a'ila' i'huexi Cristo, lai'alma jouc'a laicuerpo. Le'a itque ai'Poujna.” Lapima caca'no' nemanepa ti'nujuaitsi lapajnya fa'a li'a lamats'. Tehuay tetencoco'ma lipe'ailli'.

³⁵ Laixc'ai'ipolhuo' to'ta'a aipic'a catoc'itsolhuo'. Aicacuxenai'ilhuo'. Aicamilhuo': “Tole, tole ton'ete”. A'i. Ma le'a cacua: “Tetencocola' lo'ejma' LanDios”. To'ta'a itine itine jahuay lo'lunxajma' to'joc'i'me la'Poujna. Ja'ni acueca'

tołsuełcocoyi xonca toł'nujuais'me lapajnya fa'a li'a łamats', aimi'iya mołjoc'iyacu ŁanDios.

³⁶ Cal xans y anuli łahuats', petsi aiquejonłiyotłsi ma le'a tiyejmaleyi mi'eyi łanic' łapi'ipola' łalPoujna Cristo, ja'ni ticuaitłsi litine aimixnet'łqui cal xans, ipic'a ti'e'e'molłsi anuli, ne', temallıe. Ti'e'ma ma to ts'ipic'a. ŁanDios tixina ac'a lo'eya. ³⁷ Jouc'a ac'a lo'epa cal xans joupa ixpic'epa, ticua: “Ma' ałejmale'me, aimalajonłiyacotłsi iya' łahuats'”. Ne', tołta'a tiyejmale'me, ailopa'a tıntsi, aimemallı'me. ³⁸ Iya' cacua: Ac'a lo'eya cal xans nołecoya łahuats', łamallıyacu. Xonca ac'a lo'eya itque petsi aiquilejma, aimemallıyacu.

³⁹ Ma' imaf'i' lıpe'ailli' łaca'no' ifıyiya. Ja'ni timanła' lıpe'ailli' łaca'no' ux'masquenamma. Tipa'a lane temanecona'ma. Ma le'a ti'ıla' cal xans jouc'a i'huexi łalPoujna Jesucristo. ⁴⁰ Tama ti'i'ma temallı'me, łaca'no' ja'ni tipajnlal' quituca' xonca ac'a tuyaico'ma lapajnya. Tołta'a laıfmıpolhuo' iya'. Cacua: Jouc'a iya' cal Espıritu Santo ałcuxe laıfmıpolhuo'.

8

¹ Itsiya ałpalaico'me lotsufcopa landiosla'. Linca jahuay illanc' ŁanDios łapi'iponga' łalpicuejma'. Ałsina' łal'eyacu. Iya' cacua: Tama tipa'a łalpicuejma' ja'ni aimal'nujuaitsila' łalpımaye, łte quıpenic' łalpicuejma'? Tołta'a ma le'a lunfu'eyotłsi łalpicuejma'. Ja'ni jouc'a ał'nujuaitsila' łalpımaye, ja'ni ałtoc'ıla' xonca ałfa'e'molłsi łalpicuejma'.

² Cal xans nocuapa: “Ne', ne', aixina’”, itque aıquixina', ma le'a ticua. ³ Cal xans no'epa capic'a ŁanDios, ŁanDios timetsajjma itque cal xans.

⁴ Ałpalaico'me łotejnyacu joupa hitsufcopa lilendiosla', ja'ni ti'i'ma ałte'me o aimi'iya. Iya' cacua: Illanc' jouspa ałsina' tipa'a anuli ŁanDios. Landiosla' ailopa'a co'eyacu. ⁵ Linca timana' itniya lacui'impola' “andiosla’” o “apoujnalá”. Ja'ni fa'a li'a łamats' o jıłpe lema'a tama ti'ıla' axpela' itne landiosla', ⁶ illanc' tipa'a ma' anuli łalanDios, itque ał'Ailli'. Jahuay lopa'a itque ixpic'epa ti'ıla', małmana' fa'a li'a łamats' ał'ełe latentłcocoya itque. Jouc'a tipa'a le'a anuli łalPoujna, itque Jesucristo. ŁanDios jahuay lixpıc'epa ti'ıla', itque łalPoujna ilanc'epa, łapi'inga' al ts'e łalpitine.

⁷ Timana' lapımaye aimicuec'eyi. Ticuayi: “Itniya lan imagen ma' andiosla'. Cal tejua' hitsufcompola' jouspa i'ıpa it'huexi itniya.” Pe nonespá tołta'a ja'ni titelē hitsufcompola' tıxhuełco'me, tines'me: “Aıjc'a łal'epa”. ⁸ łTe aga łaltepa lapenufco'monga' ŁanDios? Ja'ni ałtełe hitsufcompola' landiosla', łte aga ŁanDios ałsim'monga' xonca acueca' łalpicuejma'? A'i. Ja'ni aimalteji, łte aga ałsim'monga' xonca a'ıjc'a łalpicuejma'? A'i.

⁹ Tama aixina' tołcuec'eyi itla'a, itsiya camilhuo': Tołspic'ełe al c'a lonł'eyacu. Aimoluc'uılıtsuf'e'mola' lapımaye petsi aıquıłcueca. ¹⁰ İma' tocuca, oxina' nı-pajnya tote'ma hitsufcompola' landiosla'. To'hua'ma al juic lo'epa jıłpe lixoute' itque ilendios, tote'ma hitsufcompa. Jıłpe muyaıpa łopıma, itque aimicueca, aimicua miteja, ticua: “Aimi'iya”. Tixıntso' ima' toteja, tipai'i'moxi lipicuejma', ticua'ma: “Ailopa'a tıntsi. Iya' jouc'a cate'ma hitsufcompa ilendios.” İma' łja'ni tołoc'i łopıma? A'i. ¹¹ İma' tocuca, ti'i'ma tote'ma. Łopıma aimicueca tołta'a. Ja'ni titelā' tıxhuełco'ma, tecani'e'moxi. Małque łopıma i'huexi Cristo, itque Cristo itelcopa lamaya tunłu'ela'.

¹² Tołta'a lonł'epa tolatets'ıla' lołpımaye, tołscai'ela' liłpicuejma'. Tołatets'ıla' a'i ma le'a lołpımaye, jouc'a tolatets'ıyi Cristo. ¹³ İya' cacua: Ja'ni łaittepa tuc'uılıtsuf'e'ma łapıma, aıcateconaya itıya.

9

1-3 Jilpe timana' nocuapá: “Ihque Pablo, ¿naitsi ihque?” Iya' catalai'e: ¿Te anuli cal xans aipoujna? ¿Te iya' a'i nin'apóstol? ¿Te aicalummaic' Jesucristo? ¿Te aicaixina' iya' ihque laPoujna? Imanc' no'huaiyijmpá Jesucristo, ¿naitsi nu'ipolhuo' Lataiqui'? ¿Naitsi cummepa Jesucristo ti'etsi lanic' jilpiya? ¿Te a'i iya'? Tama tinesyi ocuenaye: “Pablo a'i apóstol, aimi'hua limane”, imanc' aimi'iya moñesyacu tohiya. Imanc' olapenufpá laitaiqui', o'huaiyijmpá Jesucristo, tohta'a LanDios imuj'ma iya' alinca nin'apóstol.

4 Illanc', ¿te aicalapi'inga' lane malapenufyacu lahtejacu, lahsnayacu lalapi'iyaconga' lapimaye? 5 ¿Te aimi'iya ma'eyacu anuli to lo'epa locuenaye lan apóstole, jouc'a lipimaye laPoujna, jouc'a Pedro? Ihe itejma lipenoye apimaye. 6 Ihiya linca tipa'a lane aimi'e'me canic', ma le'a ti'e'me ite lanic' lepi'ipola' ca'Ailli' Jesucristo. Iya' y Bernabé, ¿te illanc' le'a ailopa'a lane ma'eyacu tohta'a?

7 Cal soldado, ¿te ti'najtse'ma quituca' loteja? Linfapa 'uva, ¿te aimateja hi'uva? O no'epola' cuenna lihuacax, ¿te aimixnaya liñeche? 8 Ihiya lainespa, ¿te ma' iya' caituca' quipa'e laipicuejma'? Lataiqui' locuxepa LanDios, ¿te aimuya'e' tohiya? 9-10 Tohta'a loya'apa licuxepa Moisés, ticua: “Mi'huailletsufyi lan huacax cal trigo, aimof'i'e'mola' lilepu'nañ”. Ihe lataiqui', ¿te LanDios ma ti'nujuaitsila' lan huacax? o ¿a'nujuaitsinga' illanc' na'epá lanic', ite lalapi'iponga'? Linca, a'nujuaitsinga' illanc'. A'oncosponga' to cal xans mepa'ma temats' petsi lofaya cal trigo, o to cal xans mifusma trigo. Ihe tixoc'iyoltsi quileta ti'eyi canic', itesina' tite'me quiltrigo. 11 Illanc' jilpiya a'fapá Lataiqui', tohiya ac'a loluyalaicoyacu imanc' Locuena Quitine. Itsiya litine, illanc' ma'mana' fa'a li'a tamats', ¿te ailopa'a calafot'eyacu? ¿Ja'ni aimalapi'iyaconga' ni cahtejacu? ¿Te tohsinyi ipime ihiya?

12 Iya' cacua: Ja'ni tolimetsaicola' locuenaye ti'hua tohta'a liñmane, tohtes'mila', ¿te aimalimetsaicoyaconga' xonca illanc'? Linca ma'mana' jilpe illanc' luyalaicoyi lapajnya to aimi'hua lañmane. Ailopa'a catsahue'epolhuo' imanc'. Xonca aipic'a tolihuejle Lataiqui'. Aimolixtule'me.

13 ¿Te aicoñsina' te ts'i'ic' loyalaicopá liñepajnya ihiya no'epá canic' al xoute'? Ihe titeji notsufcopá jilpe al xoute'. Ihe petsi lotsufcompola' linneja jilpe al altar, mañiya titeji ite lixic'. 14 LaPoujna illanc' ixpic'epa ma' anuli tuyalaico'me ite noya'apá Lataiqui'. Ixplic'epa aimi'e'me ocuena canic'. Muya'ayi Lataiqui' ihiya, lipimaye tepi'intsola' lotejacu.

15 Iya' linca aicainuyaijma tohta'a. Ni itsiya aicamilhuo': “Imanc' ahtoc'ila’”. A'i. Iya' tixoquei neta culij'ma laiftepa. Ja'ni cola' ti'ila' ituca' lai'ejma' caxhueico'ma juaiconapa. ¡Najmay a'mala'! Iya' caituca' caxpic'e tohta'a lai'ejma'. 16 Linca a'i caituca' laipicuejma' caxpic'e cuya'a'ma Lataiqui'. Ihe lanic' joupa lapi'ipa LanDios. Ja'ni aica'ay caxhueico'ma juaiconapa. Tohta'a a'ijc'a laifnuyaicoya. 17 Ja'ni cola' iya' caituca' aixpic'epa cuya'ala' Lataiqui', aga a'ñajtse'ma. Iya' caituca' aicaxpic'e, ma le'a quihuejcocojma ite lahcuxe'empa. ¿Te ca'ñajtsecoya? 18 Iya' linca aica'ñajtsi'iyale, ma le'a cuya'e' Lataiqui'. Tama ti'hua laimane, tama nipajnya caxahue'ela', aicaxa'hue. Tijoula', ¿te tipa'a laifnulijya? 19 Culij'mola' lan xanuc'.

Ailopa'a caipoujna axans. Tama ailopa'a na'cuxeya aicaitof'eyoxi. Aixpic'epa ca'nujuaitsola' jahuay. Tohta'a ti'i'ma xonca axpela' laifnulijyacola', ite napenufyacu Lataiqui'. 20 Iya' ninjudío ai'onhcopoxi to laif'as judío, tetentocotsola' ihiya lai'ejma'. Alquim'ela', tepenufle Lataiqui'. Itsiya tama aixina' aimalunhu'eya litaiqui' Moisés, iya' ai'onhcopoxi to ihiya naihuejpa ite lataiqui'. Cacua: Tohiya lapenuf'ma iya' laifnuya'apa Lataiqui'.

21 Jouc'a aipic'a tepenufle laifnuya'apa petsi aimimetsaicoyi locuxepa ÑanDios, ihne naihuejcopá quítuca' lipicuejma'. Totiya ai'onñicopoxi to ihniya. Iya' hınca aicainihuequi caituca' laipicuejma', quihuejma Cristo. Totiya canant'hi locuxepa ÑanDios. 22 Jouc'a ai'onñicopoxi to lapimaye pe aimicuec'eyi litaiqui' Jesucristo. Cahuay te co'iya metenñcocoyacola' lan xanuc' ni petsi lomana', ocuena ocuena litraza, li'ejma'. Cacua: Toñta'a cunñu'e'mola' hualca ihniya. 23 Toñta'a laif'epa laipenic', ihne lalapi'ipa ÑanDios. Jahuay lainunxajma' cuya'e' Lataiqui'. Cacua: Ihne Lataiqui' tuya'e' te ts'i'ic' lalapi'iyaconga'. Iya' jouc'a lapimaye lulijle ihne al c'a.

24 ¿Te aicoñsina' lo'ipola' lan xanuc' lalahuaiyacotñsi cainuya? Axpela' nainulpá, anuli nolijya, tepi'inni quipremio. Imanc' tolihuejle Cristo, tepi'itsolhuo' lolulijyacu. 25 Ihne pe notsuflaiyacu lofit'lyacu ti'e'motñsi cuenna, ti'ila' acueca' quipujfxi, tulijle lafit'lyaya. Petsi nolijya tepi'im'me licorona lilanc'ecompa ipela c'ec. Ihne al corona aimixnet'ñqui, tetelquemma. Illanc' ja'ni lulijle, lalapi'inyaconga' aimijouya, ti'hua ticoñi tijauhuamlaicota. 26-27 Cal xans nonespa: “Culij'ma lalahuaiyacotñsi cainuya”, ihque ac'a tinu'ma, tehuelonge pe locuaicoya. Toñta'a iya' cainihuequi Jesucristo. Iya' cacuxeyoxi. Lai'ejma' a'i to li'ejma' cal xans notsufaipa lafit'lyaya tuntafco'motñsi liñmane, tijouñta' ma tuntafque lahua'. Ihque hınca aimulijya. Iya' cateñ'miyoxi. Cacua: Itta'a laicuerpo ti'ila' quixina' ihne a'i caipoujna. Ma' iya' caituca' cacuxe'moxi al c'a. Ja'ni a'i, ¿te co'iya? Iya' coñta' ailopa'a calapi'inya tama nuya'a'ma Lataiqui'. Tope tope capanehuo.

10

1 Unc'aipimaye, camilhuo' aimolimenc'eco'me li'ipola' lañtatahueló. Jahuay ihniya unxamu'ela' ñummahuay lipo'nopa ÑanDios lema'a. Jahuay uyalaico'me ñaja, ÑanDios ilanc'e'epola' lipene. 2 Ihniya lunxamu'epola' ñummahuay, nuyalaicopá ñaja, toñta'a i'ipola' lixanuc' Moisés. Jahuay ilihuequi ihque. 3 Jahuay ihne ma' anuli nitepá ña'i, ihque li'huayomma lema'a. 4 Jahuay ma' anuli noxnapá ñaja' lepi'ipola' ÑanDios. Ihne ñaja' tipayomma ñapic lipo'nopa ÑanDios. Ni petsi loyepa lan xanuc' jouc'a ti'hua'ma ñapic, tiyeyi anuli. Ñapic ma' ihque Cristo. 5 Jahuay ihniya ÑanDios itoc'i'mola' ma' anuli. A'i jahuay letenñcocopa ÑanDios li'ejma'. Imanapola' jilpe hujñ camats'. Toñta'a lileñ'mipola' ÑanDios.

6 Ihne li'ipola' lañtatahueló ÑanDios añ'onñiconga' to illanc' lañ'iyaconga' ja'ni a'ij c'a la'ejma'. Lu'inga': “Toñpo'noñe loñpicuejma' aimoñjanaj'me molihuej'me lixcay to lihuejpa ihniya”. 7 Imanc' aimolaxc'onñingotai'mola' landiosla'. Toñta'a li'epa hualca ihne lan xanuc'. Tuya'e' al Paxi Linihingiya ticua: I'epá liñjuic landiosla', icutsoñai'me, itetso'me, ixna'me. Lijou'ma itsolinanca quixojma cata, i'e'me nixpiya.

8 Jouc'a aimoñ'noñ'mola' lacañ'no'. Hualca ihne lan xanuc' toñta'a li'epa. ÑanDios itel'mi'mola'. Anuli litine imana'mola' anuxans fane' mil lan xanuc'. 9 Jouc'a aimolahuai'me ñañpoujna. Toñta'a li'epa hualca ihniya. ÑanDios umme'mola' lainofat'i. Ihne ima'a'me lan xanuc'. 10 Jouc'a aimoñtac'ui'me cajunac' ÑanDios. Hualca toñta'a li'epa. ÑanDios umme'ma ñepaluc quema'a, ima'a'mola'.

11 Jahuay ihniya li'ipola' lañtatahueló, ÑanDios añ'onñiconga' to illanc' lañ'iyaconga' ja'ni a'ij c'a la'ejma'. Jilpe al Paxi Linihingiya ÑanDios añsc'ai'inga' illanc' lañmana' ihna'a hitiné ma mi'hua mijou'ma li'a ñamats'. Lu'inga' aimañ'e'me to ihniya. 12 Toñnujuaitsa li'ipola' lañtatahueló. Ja'ni tocua: “Iya' ma quihuequi. Ailopa'a cañ'iya”, iya' camihuo': Ne', topo'noñta' cuenna. Aimixcai'mo'. 13 Itsiya toñtelcoyi ma le'a to lañtelcopa mañmana' fa'a li'a ñamats'. ÑanDios joupa lu'ipolhuo': “Iya' catoc'i'molhuo”. Toñta'a lo'eya. Ihque aimipaiya lipicuejma'.

Ja'ni tohsinyi acueca' iŕe loŕtelcopa, ja'ni tohsesle: “Aimi'iya caixnet'ŕconaya”, LanDios timuc'i'molhuo' lonŕ'eyacu. Timuc'i'molhuo' te co'iya moluliyacu. Toŕta'a ti'hua tohsnet'ŕme.

¹⁴ Maicunc'aipimaye, aimolihuej'me landiosla'. Tolanajtsoŕtsi nulemma. ¹⁵ Imanc' a'i cunc'amac'ta. Tipa'a loŕpicuejma'. Itsiya aŕquimf'ela' iŕta'a laifmiyacolhuo'. Tijouŕa' toŕpic'ete al c'a lonŕ'eyacu. ¹⁶ Illanc' ninc'apimaye tipa'a laŕvaso, jiŕpe maŕsnayi aŕ'nujuaisyi li'epa Cristo. Aŕs'najtsi'i'me LanDios, aŕsna'me al vino lopa'a jiŕpe al vaso. Maŕsnayi al vino jahuay anuli aŕ'nujuaisyi lijuats' Cristo. Maŕteji ŕa'i ŕaŕsquejpa jahuay anuli aŕ'nujuaisyi licuerpo Cristo. ¹⁷ E'a'i ŕaŕsquejpa ti'onŕcospa to licuerpo Cristo. Iŕque ŕa'i ma le'a anuli. Toŕta'a timuqui tama ninc'xpela' illanc' ma le'a anuli. Iŕque anuli ŕa'i ahualca ahualca aŕteji jahuay.

¹⁸ Lan xanuc' Israel miteji lixic' litsufcompa jiŕpe al cuecaj xoute', ti'nujuaisyi iŕe al altar pe laipa'ayompa lixic' i'altar LanDios. ¹⁹ Linca aica'onŕicola' ŕalanDios to lilendiosla'. Jouc'a aica'onŕicola' lotsufcompola' lilendiosla' to lotsufcopa LanDios. ²⁰ Mane cacua: Lan xanuc' pe aimimetsaicoyi LanDios aimitsufcoyi LanDios, titsufcoyi lontahue. Cacua: Amoŕtetso'me anuli lontahue, aimoŕtejmale'me anuli iŕniya. ²¹ Imanc' ja'ni tohsnayi livaso ŕaŕPoujna Cristo aimi'iya moŕsnayacu jouc'a liŕvaso iŕne lontahue. Ja'ni toŕtetsoyi jiŕpe lacui'impa “limesa ŕaŕPoujna”, toŕtetsoyi anuli iŕque. Aim'iya moŕtetsoyacu anuli lontahue jiŕpe liŕmesa. ²² O, ¿ja'ni lahuaile ŕaŕPoujna? ¿Ja'ni xonca ti'hua laŕmane?

²³ Linca tama jahuay nipajnya aŕ'e'me, tipa'a latenŕcocoya jouc'a tipa'a pe aimetenŕcocojma. Tama jahuay nipajnya aŕ'e'me a'i jahuay mitoc'iyacola' lapimaye. ²⁴ Imanc', aimoŕ'e'me loŕpic'a coŕtuca'. Toŕ'e'me iŕe lotoc'iyacola' loŕpimaye.

²⁵ Locuquimpa laplaza ti'i'ma toŕ'nata, toŕte'me. Aimoŕsueŕmot'le'me, aimolicuitsuf'me: “¿Te iŕe litsufcompola' landiosla'?” Ma le'a toŕ'natsa.

²⁶ Toŕ'nujuaitsa: “Li'a ŕamats' jouc'a jahuay lopa'a i'huexi ŕaŕPoujna”.

²⁷ Lan xanuc' pe aimimetsaicoyi LanDios, ja'ni tijoc'itsolhuo' toŕtetsota, ja'ni oŕpic'a tonŕete, ne', tonŕe'me. Toŕtetsa ŕapi'inyacolhuo'. Aimoŕsueŕmot'ŕeta, aimolicuitsufoŕ'me: “¿Te iŕta'a itsufcompola' landiosla'?” Ma le'a toŕtetsa.

²⁸ Ja'ni anuli loŕpima timitsolhuo': “Iŕta'a itsufcompola' landiosla', aimi'iya moŕtejacu”, aimoŕte'me. Toŕ'nujuaitsa loŕpima limipolhuo' toŕta'a. Aimoŕscai'e'me iŕque ŕunxajma'. ²⁹⁻³⁰ Imanc' linca aimoŕsueŕcoyacu, ma' iŕque loŕpima tix-hueŕco'ma.

Iya' cacua: Linca nipajnya toŕte'me. Tijouŕa', ¿te co'iya? Loŕpima aga tixim'ma a'ijc'a loŕ'epa, tihuotso'ma. Joupa oŕs'najtsi'ipá LanDios, toŕteji moŕ'nujuaisyi LanDios, loŕpima aiqixoqui queta, ixtuc'opo'. ¿Ja'ni ac'a iŕe li'ipa? A'i.

³¹ Cacua: Ja'ni toŕte'me, ja'ni tohsna'me, jahuay lonŕ'eyacu, tonŕ'ete ma le'a latenŕcocoya LanDios. Toŕta'a lan xanuc' tines'me: “LilenDios iŕniya ma' ac'a lipicuejma’”. ³² Ja'ni ajudío o ja'ni a'ij judío, o ja'ni loŕpimaye ŕefot'ŕepola' LanDios, imanc' aimoluc'uilituf'e'mola'. ³³ Toŕta'a laif'epa iya'. Ca'nujuaitsila' jahuay laif'as xanuc'. Aicacua: “¿Te caif'eya? Aipic'a cuyaila' al c'a iya'.” Ma caxpic'e, camiyoxi: “Iŕe laif'eya, ¿te tetenŕcocojma ŕaipima?” Aipic'a tualaila' al c'a laipimaye, tunŕul—le iŕniya.

11

¹ Toŕta'a cainihuequi Cristo. Imanc' lihuejla' iya'.

² Unc'aipimaye, tixoquei neta iya' aixina' aicalimenc'ecojma. Ti'hua aŕ'nujuaitsi, ma to laŕcuxe'epolhuo' toŕta'a lonŕ'epa. Tonlihuejyi laimuc'ipolhuo'.

³ Jouc'a aipic'a ti'ila' coŕsina' Cristo copa'a Nocuxepa cal xans. Cal xans ti'hua limane ticuxe'ma ŕaca'no', iŕque ŕipeno. LanDios ti'hua limane ticuxe Cristo.

⁴ Cal xans mipalaic'o ÆanDios o mu'iyale lonespa ÆanDios, texijla' hijuac. Ja'ni tetemica hijuac tetets'i Cristo, ilque Nocuxepa. ⁵ Æaca'no' mipalaic'o ÆanDios o mu'iyale lonespa ÆanDios, tetemijla' hijuac. Ja'ni texijla' hijuac tetets'i hipe'ailli', ilque nocuxepa. Ja'ni texijla' hijuac tocomma to isuaf'pa. ⁶ Ja'ni Æaca'no' aimetemijya hijuac, ne', tetec'e'la' hijuac. Ja'ni ticua: "A'i, aimalatec'e'ma Æaijuac, aimalisuaf'ma, catai'ma lalaic'ata", ne' tetemijla' hijuac.

⁷ Cal xans mipalaic'o ÆanDios aimetemij'ma hijuac. Cal xans ti'on'cospa to ÆanDios. Timuqui te ts'i'ic' ilque Æilanc'epa. Æaca'no' ituca', ilque tixhuaicospa hipe'ailli'. ⁸ ÆanDios lolanc'eyacola' lan xanuc' ate'a ilanc'epa cal xans, a'i Æaca'no'. Ilque Æaca'no' aiqupa'e anuli lipeca' lolanc'ecoya cal xans. Ipa'epa lipeca' cal xans ilanc'ecopa Æaca'no'. ⁹ ¿Ja'ni Æaca'no' ehue'epa quipe'ailli' lijoupa ÆanDios ilanc'epa cal xans? A'i. Cal xans ehue'epa quipeno. Lijoupa ÆanDios ilanc'epa Æaca'no'. ¹⁰ To'hiya ticuicomma tetemijla' hijuac Æaca'no'. Timuj'ma a'i micuxeyoxi ilque quituca'. Timuj'ma hipe'ailli' xonca ti'hua limane. To'ta'a teten'coco'mola' lapaluc' quema'a jouc'a. Ine nahuelojmpá lapimaye lafot'lepotsi.

¹¹ Iya' aicatets'ila' laca'no'. Cacia: Ticuicomma loquexi', cal xans jouc'a Æaca'no'. Cal xans ticuicomma quipeno, Æaca'no' ticuicomma quipe'ailli'. To'ta'a lapajnya molihuejyi Æa'Poujna. ¹² To'ta'a a'muc'iponga' ÆanDios: Al te'a ipa'apa Æaca'no' licuerpo cal xans. Lijoupa limajnlita lan xanuc' ine caipalyomma li'cuerpo laca'no'. Jahuay, ma' anuli ÆanDios tepi'ila' li'pitine, axanuc', aca'no'.

¹³ Imanc' co'tuca', ¿te co'tuapa? ¿Te ja'ni ac'a lo'epa Æaca'no' mipalaic'o ÆanDios exiqueya hijuac? ¿Te ja'ni laten'cocoya to'hiya? ¹⁴ Joupa o'sina' a'ij nuli li'sans Æaca'no' y cal xans. Cal xans ja'ni itoqui juaiconapa hijuac, aiquten'ma, alaic'ata. ¹⁵ Æaca'no', ja'ni itoqui juaiconapa hijuac, ma' eten'ma, i'huáqui ac'a juaiconapa. Ilque litoqui hijuac ÆanDios epi'icopa Æaca'no' tipoxc'ixoxi. ¹⁶ To'ta'a iya' laicuapa, lainu'ipolhuo'. Ja'ni anuli aimicueca, ja'ni tinesla': "Laca'no' mipalaic'oyi ÆanDios aimetemij'me hijuac", cami'ma ilque: "Illanc' a'i to'ta'a ma'eyi. Jouc'a aimi'eyi lapimaye lefot'lepola' ÆanDios ni petsi lomana'."

¹⁷ Itsiya capalaico'molhuo' lon'epa pe aicalaten'cocojma. Aicamilhuo': "Ac'a i'le lo'tejma". Munlafot'leyo'tsi aimo'toc'iyot'si, aimo'fa'eyo'tsi lo'picuejma'. Lijou'ma xonca a'ijc'a loluyalaicopa. ¹⁸ Ate'a cu'i'molhuo' i'le lonescompolhuo', a'mimpa: "Lapimaye nomana' li'ya' Corinto mefot'leyo'tsi a'ij nuli li'picuejma', a'ij nuli lonespa". Iya' cacia: Aga al linca i'le lataiqui' lonescompolhuo'. ¹⁹ Linca aimi'ya mo'majnyacu ma le'a anuli capicuejma'. Ticuicomma tolanajtsot'si. To'hiya ti'huájtola' nait'si i'niya laten'cocoya ÆanDios.

²⁰ Imanc' lonlafot'lepotsi anuli aico'pic'e mo'ttetsoyacu Æixmocojma' Æa'Poujna. ²¹ Imanc' aimo'f'huaicoyi anuli anuli, ma to'teji lo'taic'. Tijou'la' anuli lapima tipanehuo tunle'e, lo'cuena timeyoqui. ²² Imanc', ¿te ailopa'a colajut'hi? Jijpiya ti'i'ma to'tetsota, to'snata. Xonca o'pic'a tolatets'itsola' lo'pimaye, i'niya jouc'a lefot'lepola' ÆanDios. Imanc' tolahuelongila' to ninait'si xanuc', tijou'la' i'niya tixinyi calaic'ata juaiconapa.

¿Te caifmiyacolhuo'? ¿Te cami'molhuo': "Ac'a lon'epa"? A'i, aicamiyacolhuo' to'ta'a.

²³ Iya' joupa aimuc'ipolhuo' i'le la'mipa Æa'Poujna. Nu'ipolhuo': Lipuqui' licum'me Æa'Poujna Jesús ilque epef'ma anuli Æa'i. ²⁴ Ix'najtsi'i'ma ÆanDios, ixquej'ma Æa'i, timila' ts'ilihuequi': "I'ta'a aicuerpo. Cacu'moxi, cun'le'e'molhuo'. Ma to'ta'a ton'le'e'me imanc'. To'squej'me Æa'i, to'te'me, a'nujuaisco'ma iya'." ²⁵ Lijoupa lixmocopa Æa'Poujna timila' ts'ilihuequi': "I'ta'a al vaso, al vino lonango, i'le aijuats' laifxcuajaiya. To'hiya ca'inc'i'ma al ts'e

cataiqui' lopo'no'ipolhuo' LanDios, imanc' ixanuc'. Tołsnałe. Ti'hua tonł'e'me tołta'a. Ma mołsnayi ał'nujuaisco'ma.”

²⁶ Mał'eyi tołta'a, małteji ła'i łałsquejpa, małsnayi al vaso, luya'ayi limayopa łałPoujna jilpe lancruz. Ma tołta'a mał'eyi ał'huaijma ticuaiyoconno. ²⁷ Tołiya aimi'iya małtejacu ła'i to nij tintsı ca'i, aimi'iya małsnayacu al vino to nij tintsı vino. Ja'ni tołta'a li'ejma' cal xans, ilque tetets'ila' licuerpo jouc'a lijuats' łałPoujna.

²⁸ Ai'a tołte'me ła'i, ai'a tołsna'me al vino tolimetsaicotsoltsi, te ts'i'ic' loł'ejma', te ts'i'ic' lołpicuejma'. Tijouła' tołtełe ła'i, tołsnałe al vino. ²⁹ Naitsi notepa ła'i, noxnapa al vino, ja'ni aimimetsaijma jilpe licuerpo Cristo, litepa ła'i, lixnapa al vino aimitoc'iya. Titełco'ma lotel'miya LanDios. ³⁰ Tołiya, jilpe pe lołmana' timana' axpela' lapimaye titafquemmola', axpela' textafquila' o joupa imanapola'.

³¹ Limetsaicotsoltsi, ałsintsoltsi te ts'i'ic' lał'ejma'. Ja'ni a'ijc'a lał'ejma' ałsuej'menanca. Tijouła' aimalteł'miyaconga' LanDios. ³² Ja'ni alteł'minga' LanDios ałmuc'inga' aimetenłma lał'ejma', ipic'a ałsuej'menca. Tołta'a aimalacani'eyaconga' to locuenaye naihuejpa' quiltuca' liłpicuejma'.

³³ Unc'aipimaye toł'nujuaitsa ilē laifnu'ipolhuo'. Litine molafot'leyacołtsi, tołtetso'me anuli, tołcuaitsa petsi lolafot'leyacołtsi, toł'huaicota ticuaiyunca lołpimaye, tijouła' tołtetso'me. ³⁴ Łapima lonle'epa juaiconapa, titetsola' jilpe lejut'ł. Tołta'a ac'a tołuyalaico'me jilpe lolafot'lepotsi. LanDios aimiteł'miyacolhuo'.

Litine cacuaitsi jilpiya ałpalaic'otołtsi xonca. Catalai'etolhuo' jahuay lalicuis'epa.

12

¹ Unc'aipimaye aipic'a ti'ila' colłsina' te ts'i'ic' lał'eyacu ja'ni cal Espiritu ałcuxenga', lapi'iponga' lałpicuejma'. ² Imanc' toł'nujuaisyi te ts'i'ic' loł'ejma' ilne hitiné ma' aimolimetsaicoyi LanDios. Icuxe'molhuo' landiosla' pe aimipalaiyi. Unlihuejco'me ilniya. ³ Ilne hitiné aicołsina' litaiqui' cal Espiritu Santo. Itsiya camilhuo': Cal xans nonespa: “Tecaniła' Jesús”, aiminesqui locuapa cal Espiritu Santo. Jouc'a camilhuo': Ma le'a cal xans pe joupa epenufpa cal Espiritu Santo ti'i'ma tuya'a'ma: “Jesús aiPoujna. Małque anDios.” Ja'ni aiquepenufi cal Espiritu Santo aimi'iya muya'aya tołta'a.

⁴ Tama ituca' ituca' lał'eyacu ma to malapi'inga' cal Espiritu, ailopa'a oquexi' afantsi lan Espiritu Santo, ma' anuli le'a. ⁵ Tama ituca' ituca' lałpenic', ilē lałtoc'iyacola' lałpimaye, ma le'a anuli łałPoujna. ⁶ Tama a'ij nuli calapi'inga' lałmane, ilque LanDios ma le'a anuli. Ma' ilque lapi'inga' jahuay iliya. Tołta'a ałpaxnenga' jahuay illanc'.

⁷ Cal Espiritu Santo ałmuc'inga' lał'eyacu anuli anuli illanc'. Tołta'a illanc' ninc'apimaye ti'i'ma ałtoc'i'moltsi. ⁸ Anuli łapima, cal Espiritu Santo tepi'i'ma tuhuał'ma litaiqui' LanDios. Locuena capima, małque cal Espiritu Santo tepi'i'ma tuya'a'ma al cueca' ts'ixina'. ⁹ Locuena capima, małque cal Espiritu Santo tepi'i'ma ti'huaiyijnla' juaiconapa łałPoujna Jesucristo. Locuena capima, małque cal Espiritu tepi'i'ma limane tixał'me'mola' lałcualłay. ¹⁰ Locuena capima, tepi'i'ma ti'ela' al cueca' ma to mi'ay LanDios. Locuena capima, tepi'i'ma ti'ila' quixina' lołpic'epa LanDios, tu'itsola' lapimaye. Locuena, tepi'i'ma timetsaicola' ja'ni ma' ałınca cal Espiritu Santo ticuxe anuli łapima o ja'ni ticuxe ocuena 'espiritu, ilque lixcay. Locuena capima, tepi'i'ma tipalaıla' ipaijma litaiqui' pe aiquixina'. Locuena capima, tepi'i'ma ticuejla' ilē litaiqui'

linespa lipima, tu'itsola' locuenaye capimaye. ¹¹ Jahuay ihiya ti'ay cal Espíritu Santo. Ituca' ituca', ma to lixpíc'epa, lapi'inga' laǵpicuejma' jouc'a laǵeyacu.

¹² Anuli al cuerpo linca axpe' mipa'a. Tama axpe' mipa'a licuerpo cal xans a'i oquej fanej licuerpo, anuli le'a. Toǵta'a Cristo. Illanc' icuerpo iǵque. ¹³ Illanc' ja'ni ninc'ijudío, ja'ni ninc'ocuenaye xanuc', ja'ni fa'a li'a lamats' tipa'a laǵpoujna o ailopa'a caǵpoujna, illanc' nalapolipá aǵ'onǵcosponga' to anuli al cuerpo, iǵe icuerpo Cristo. Ma' anuli joupa aǵsnapá al c'a caja', iǵque cal Espíritu Santo laǵapenufpa.

¹⁴ Linca, anuli al cuerpo mipa'a axpe', a'i anuli ne'a. ¹⁵ Cal xans ja'ni li'mis timixoxi: "Iya' a'i namane, toǵta'a iya' a'i qui'huexi iǵe al cuerpo", ¿te iǵe li'mis a'i qui'huexi al cuerpo? ¹⁶ Jouc'a ja'ni lix'mas timixoxi: "Iya' a'i na'u, toǵta'a iya' a'i qui'huexi iǵe al cuerpo", ¿te iǵe lix'mas a'i qui'huexi al cuerpo?

¹⁷ Ja'ni laǵcuerpo pangay ca'u', ¿te co'iya maǵcuejyacu? Ja'ni laǵcuerpo pangay cax'mats'i', ¿te co'iya malujuenufyacu? ¹⁸ A'i toǵta'a laǵcuerpo. LanDios joupa ixpic'epa lo'eya, ipo'no'ipola' anuli anuli pe lopanc'eya. ¹⁹ Ja'ni a'i coǵa' toǵta'a qui'e'e LanDios, ¿pe copa'a al cuerpo? Ailopa'a.

²⁰ Linca axpe' tipa'a lipo'no'ipola' LanDios, tama anuli le'a laǵcuerpo. ²¹ Toǵiya laǵ'u' aimi'iya mimiya laǵmane': "Aicaxhuicolhuo'. Tonǵenǵe'. Iya' caituca' ca'e'ma lanic'." Jouc'a laǵjuac aimi'iya mimiya cola' laǵmitsi': "Aicaxhuiyacolhuo'. Tonǵenǵe'. Iya' caituca' ca'e'ma lanic'." ²² Jiǵpe laǵcuerpo ticuicomma jahuay lipo'no'ipola' LanDios. Ihiya pe tocomma ailopa'a quiǵpujfxi, iǵne xonca ticuicomma. ²³ Jiǵpe laǵcuerpo tipa'a pe aimalimetsaicoyi xonca, jiǵna'a xonca aǵ'eyi cuenna. Jouc'a iǵna'a petsi ticuicomma temiyaquenni aimalixocoyi iǵniya. ²⁴ Petsi xonca latenǵcoconga' aimalǵsinyi cuanuc', aimalamiyi.

LanDios lilanc'epa laǵcuerpo ixpic'epa petsi lopo'no'iyacola' anuli anuli. Ja'ni ipic'a temiyaquenni, ti'enǵe cuenna, ipo'nopa maǵpe petsi aǵ'e'me cuenna. ²⁵ Toǵta'a, jiǵpe laǵcuerpo anuli aimi'iya miǵof'eyacoxi, locuena mi'oc'eyacoxi. Jahuay tixinyoǵtsi cuanuc', jahuay ti'eyoǵtsi cuenna. ²⁶ Ja'ni laǵcuerpo tipa'a anuli titeǵma, jahuay titeǵcoyi jouc'a. Ja'ni anuli tixoqui queta, jahuay tixojma quileta.

²⁷ Toǵta'a imanc', icuerpo Cristo. Anuli anuli imanc' i'huexi iǵe licuerpo. ²⁸ Jahuay nalafot'ǵeponga' LanDios lapi'iponga' anuli anuli laǵpicuejma', ituca' ituca' laǵpenic'.

Ate'a ipo'nopola' lan apóstole, iǵne lummepola' Cristo tuya'aǵe Lataiqui'. Lijoupa ipo'nopola' lam profeta, iǵne tuya'ayi lataiqui' lomipola' LanDios. Lijoupa ipo'nopola' lomxiye, iǵne tuhuatyi Lataiqui', timuc'iyaleyi. Lijoupa ipo'nopola' iǵne petsi lepi'ipola' liǵmane, ti'e'me ma to lo'epa LanDios. Lijoupa ipo'nopola' iǵne petsi lepi'ipola' liǵmane tixaǵ'meǵe laǵcuallay. Lijoupa ipo'nopola' iǵne pe lepi'ipola' liǵpicuejma' titoc'iǵe liǵpimaye. Jouc'a ipo'nopola' iǵne pe lepi'ipola' liǵpicuejma' ticuxe'me liǵpimaye, tu'i'mola' te co'iya mi'eyacu lanic' lepi'ipola' LanDios. Jouc'a ipo'nopola' iǵne pe lepi'ipola' liǵpicuejma' tipalaǵe ipaijma liǵtaiqui'.

²⁹ ¿Te jahuay illanc' ninc'apóstole? ¿Te jahuay ninc'iprofeta? ¿Te jahuay ninc'omxiye? ¿Te jahuay aǵ'eyi al cueca' ma to lo'epa LanDios? ³⁰ ¿Te jahuay aǵsaǵ'mela' laǵcuallay? ¿Te jahuay aǵpalaiyi ipaijma laǵtaiqui'? ¿Te jahuay nipa-jnya aǵcuj'me loya'apa lapimaye nopalaipá ipaijma lataiqui'? A'i. Ituca' ituca' mi'hua laǵmane, ituca' ituca' laǵpicuejma' lalapi'iponga'. ³¹ Imanc' toǵpo'noǵe loǵpicuejma', toǵsahue'eǵe LanDios tepi'itsolhuo' al c'a juaiconapa.

Itsiya camuc'i'molhuo' te ts'i'ic' aǵ'ejma' xonca al c'a.

13

¹ Iya cacua: Tama ałpalai'me lıtaiqui' lan xanuc' jouc'a lıtaiqui' lapaluc' quema'a, tijoula', ja'ni aimal'ehualeyı capic'a, ıte lałpalaıpa ailopa'a quıpenic'. Tocomma ma le'a luna'anga' to latengołıyi latejma' o latsajnyi loquej latehuaijma'. ² Ja'ni ninc'ıprofeta, lu'iyaleyı lałmıponga' LanDios, ja'ni ałcueca' xonca lipime lıtaiqui' LanDios, ja'ni joupa acueca' i'ıpa całsına', ailopa'a calahue'eponga', ja'ni acueca' ał'huaiyijnyi LanDios, tołta'a ałcuxe'mola' hijualay, ıniya tiye'me lu'hua, tijoula', ja'ni aimal'ehualeyı capic'a, ıte quıpenic' ıhiya? ıllanc' ał'onłcotonga' to nij naıtsı xanuc'. ³ Ja'ni jahuay lał'huexı lapi'i'mola' titetsołe ıne petsı aıquıl'hueca, ja'ni ałcu'mołtsı ałteł'mısonga' acueca', ałma'atsonga', ałpi'etsonga' nulemma, tijoula' ja'ni aimal'ehualeyı capic'a, ıte quıpenic' ıhiya? LanDios aımetenłcocoya lał'epa. Ailopa'a calapi'ınyaconga'.

⁴ ıTe cał'eyacu lał'ejma' ja'ni ał'ehualeyı capic'a? Mał'ehualeyı capic'a ałsnet'ı'me juaiconapa jahuay lał'e'eyaconga', ałpalaıc'o'mola' ał c'a, aimal'eyacola' laic', aimal'nescoyacołtsı ał c'a, aimal—loł'eyacołtsı. ⁵ Aimal'eyacu nıxpiya, aimal'eyacu lalatenłcocoyaconga' illanc' całtuca'. Aimalıxtulecoyacu, aimal'nujuaisyacu ja'ni a'ıjc'a lał'eponga'. ⁶ Aimıxoıya calata ja'ni timenaquila' lapımaye, lıncı tıxoıj'ma calata ja'ni lałpımaye tıhuejcoıyı ał lıncı cataıquı'. ⁷ Tı'hua ał'ela' capic'a, aimal'xoıyaconga'. Ał'huaiyijm'mola'. Ał'huaıcotola' ma tı'ełe ał c'a. Jahuay lał'eyaconga' tı'hua ałsnet'ı'me.

⁸ Ja'ni ał'ela' capic'a, tama ıtsıya lıtine o Locuena Quitine tı'hua ał'e'mola' capic'a. ıte lał'ejma' aımıjouya. Tıjauhuamlaıcota quitine tołta'a ał'e'me.

ıtsıya lıtine lam profeta tu'iyaleyı lu'ıpolı' LanDios, Locuena Quitine a'ı, aımuıya'aconayacu tołta'a. ıtsıya lıtine lapımaye tıpalayı ipaıjma lıtaıquı', Locuena Quitine a'ı, aımıpalaıconayacu tołta'a. ıtsıya tocomma tıpa'a lałsına', Locuena Quitine a'ı. Aimal'nujuaisyacu ıhiya. ⁹ ıtsıya ma le'a a'onłca lałcueca, ma' a'onłca lılu'ıponga' LanDios, tołta'a lu'iyaleyı. ¹⁰ Locuena Quitine a'ı. Jahuay ałsım'me, jahuay lu'ı'monga' LanDios. Petsı joupa lıxhuaita hualca ailopa'a.

¹¹ Tı'i'ma ma to ıya' lał'ıpa. Iya' maj na'hua, ıne lıtiné ma to tıxpıc'eyı laıf'as ca'uhıyay ma' anulı caxpıc'e ıya'. Tołta'a laıpıcuejma', laıtaıquı'. Lıjoupa lałtoıpa aıcainıhuequı ıte laı'ejma' ma na'hua. ¹² ıtsıya afule małcuejıyı. Tocomma to lahuelojnyi anulı lahuejma' catejma', ıte lalahuelojmpa tocomma to cua naıtsı ipunxahua. Afule quı'huáquı. Locuena Quitine a'ı. Ałsım'me acuajmaıca. ıtsıya ma' a'onłca ałsına', ma' a'onłca ałcuec'eyı. Locuena Quitine a'ı. Ma to LanDios lımetısaıconga' ıtsıya, ma tołta'a lımetısaıc'o'me LanDios.

¹³ Lıncı ıtsıya y tıjauhuamlaıcota lıtine, tı'hua ał'huaiyijm'me LanDios, tı'hua ał'huaıc'o'me ał c'a, tı'hua ał'ela' capic'a lałpımaye jouc'a LanDios. Tama jahuay ıte lał'ejma' aımıjouya, tetenłcocoıjma LanDios, ıte mał'ehualeyı capic'a xonca tetenłcocoıjma, LanDios tıxına ıte xonca ał c'a.

14

¹ Tołpo'nołe lołpıcuejma' tonł'etsola' capic'a lołpımaye. Jouc'a tołsahue'ıte cal Espıritu Santo tepı'ıtsolhuo' colmane colpıcuejma'. Xonca tołjanajle, tołsahue'ıte tı'etsolhuo' profeta, tepı'ıtsolhuo' lołpıcuejma' tolu'ıtsola' lapımaye laıtaıquı' lomıyacolhuo' LanDios. ² Łapıma nopalaıpa ipaıjma lıtaıquı', ıte lapi'ıpa cal Espıritu Santo a'ı ma quıtaıquı', ıłque tıpalaıc'o'ma LanDios. Lan xanuc' aımıcuec'e'me. Cal Espıritu Santo tıcuxe lıpıcuejma', ıne pe noquımf'epá aımı'ıya muhualqueıyacu lonespa, aımuhualqueıyacu loıya'apa. ³ Łapıma ja'ni aprofeta, ıłque tıpalaıc'ola' lan xanuc', xonca tıfa'ela' lıpıcuejma', tıxc'ai'ıla', tıxoc'ıla'

quileta. ⁴ Lapima nopalaipa ipaijma litaiqui' xonca tifa'eyoxi quituca' lipicuejma'. Cal profeta lopalaipa xonca tifa'ela' lihpicuejma' lipimaye, jahuay ihniya nafolumma.

⁵ Camilhuo': Ja'ni jahuay imanc' ipaijma ipaijma lohtaiqui' totpalai'me, linca tixoj'ma neta iya'. Xonca tixoj'ma neta ja'ni cola' jahuay unc'iprofeta. Lapima nopalaipa ipaijma litaiqui', ile lepi'ipa cal Espiritu Santo, ja'ni timuc'ila' lapimaye te ts'i'ic' linespa, acueca' al c'a lo'epa, acueca' titoc'ila' lipimaye, tifa'ela' lihpicuejma'. Ja'ni aimi'iya mimuc'iyacola' loya'apa ile linespa, litaiqui' aimitoc'ila' lipimaye. Xonca acueca' al c'a ti'e'ma cal profeta, lapimaye ticuec'eyi ilque. ⁶ Unc'aipimaye, cacuaitsi jilpiya, ja'ni capalay pangay ipaijma litaiqui', ¿te ja'ni catoc'i'molhuo'? A'i. Ticuicomma cu'itsolhuo' lahmuc'ipa LanDios, o cu'itolhuo' laixina', o cu'itolhuo' lahmipa LanDios, o camuc'itolhuo'. Ja'ni tole ca'etsi, linca catoc'itolhuo'.

⁷ Iiya al pito o al 'arpa, tama aiquilmaf'i', ja'ni tifus'minle al pito o tunante al 'arpa tocomma to tipalaiyi. Ticuicomma tifus'minle o tunante al c'a. Ja'ni a'i, aimi'iya micuejyacu te loya'apa.

⁸ Tijoc'intsole' lan soldado ticuaiyunca tifuleta, ja'ni a'i munanni al c'a al trompeta, ¿te ticuec'e'me lan soldado? A'i. Aimicuec'eyacu. ⁹ Jouc'a imanc', ja'ni totpalaiyi ipaijma lohtaiqui' ihne noquimf'epolhuo' aimi'iya quilsina' te ts'i'ic' loluya'apa. Tocomma to totpalaic'oyoltsi coltuca', to totpalaic'oyi lahua' le'a.

¹⁰ Linca, fa'a li'a lamats' tipa'a axpe' quilitaiqui' lan xanuc'. Anuli anuli tipa'a loya'apa. ¹¹ Matpalaic'o'moltsi ja'ni aicalcuc'eyoltsi, ¿te iya' latentcoco'ma ilque linespa? O ilque, ¿te tetentcoco'ma iya' lainespa? A'i, aimalsinc'neyacoltsi. Caxim'ma ilque to aine, ilque aksim'ma to naine. ¹² Imanc' ma tohta'a lo'ipolhuo' jilpe.

Ja'ni juaiconapa totpalanajyi locupa cal Espiritu Santo tohsahue'ele tepi'itsolhuo' colmane, colpicuejma' tohtoc'itsola' lohpimaye, tofa'etsola' lihpicuejma'. ¹³ Lapima nopalaic'opa LanDios, ja'ni tipalay ipaijma litaiqui' jouc'a tixahue'ela' cal Espiritu Santo tepi'ila' lipicuejma' tu'itsola' lapimaye loya'apa ile lonespa.

¹⁴ Iya' ma capalaic'o LanDios ipaijma litaiqui' lalapi'ipa cal Espiritu Santo, linca tama jilpe lainunxajma' aixina' capalaic'o LanDios aicaixina' loya'apa laifnespa, tohta'a aicatoc'ila' laipimaye. ¹⁵ ¿Te caif'eya? Capalaic'o'ma LanDios ipaijma litaiqui', ma to malcuxe cal Espiritu Santo, jouc'a cu'i'mola' laipimaye loya'apa ile laipalaic'opa LanDios. Cunac'co'ma LanDios ipaijma litaiqui', ma to malcuxe cal Espiritu Santo, jouc'a cu'i'mola' laipimaye loya'apa ile lainunac'copa LanDios.

¹⁶ Ima', mox'najtsi'i LanDios ja'ni ma le'a ipaijma lotaiqui', ¿te co'eya cal xans noquimf'epa, ilque pe aimihuequi? Aimicuec'eya lofnespa. ¿Te co'iya minesya: "Amén, tole ti'ila'?" A'i, aimi'iya. ¹⁷ Ima' linca juaiconapa ac'a ox'najtsi'ipa LanDios. Lopima ipanemma ma to mipa'a. Aicofa'e lipicuejma'.

¹⁸ Cax'najtsi'i LanDios iya' culiquilhuo' imanc'. Capalay xonca ipaijma litaiqui'. ¹⁹ ¿Te co'iya? ¿Te ja'ni capalai'ma pangay ipaijma litaiqui' jilpe lalafot'leyopohtsi anuli laipimaye? A'i. Tama nipajnya capalaia' imbamaj mil litaiqui', ile ipaijma litaiqui', xonca aipic'a capalaia' ma le'a amaquej litaiqui' ma le'a lahtaiqui'. Tohta'a alcuc'ec'e'ma lapimaye, camuc'ila'.

²⁰ Unc'aipimaye, aimonlihuej'me li'ejma' la'uhuy. Ihne aiquicuaiya quilpicuejma'. Linca ma to mi'eyi lan tsocay, ihne pe aimihuejyi lixcay, imanc' jouc'a ti'ila' tohta'a lo'ejma'. To'nujuaitsa tipa'a lohpicuejma', tohpic'ete al c'a.

²¹ Petsi linilijmpa loya'apa locuxepa LanDios ticua:

LanDios tuya'e': "Ihne petsi aimepenufyi laifmuc'ipola',

cumme'e'mola' lan xanuc' ocuena quitraza, ituca' quitaqui', iniya tu'innola' laifnuya'apa.

Tijoula', tama tiquimf'e'me ma' anuli tuyalaico'me, aimihuejyacu.”

²² LanDios ipic'a timujla' nulemma naitsi ine aimi'huaiyijnyi. Tohta'a ummepola' nopalaipá ipaijma litaiqui'. Lummepola' a'i mimujyacu naitsi ine no'huaiyijmpá. Lam profeta, ine linca timuc'iyaleyí no'huaiyijmpá, a'i petsi aimi'huaiyijnyi.

²³ Itsiya, ¿te co'ya? Cacia: Pesti lolafot'lepotsi anuli, jahuay tolpalaiyi ipaijma ipaijma lohtaiqui', ile lepi'ipolhuo' cal Espíritu Santo, tijoula' titsufilai ine petsi aimicuec'eyi ile lo'ejma' o petsi aimihuejcoyi LanDios, ¿te cocuayacu? Tines'me: “Ine ma' amac'ta”. ²⁴ Ituca' lo'ya ja'ni jahuay imanc' toluya'ayi ile lu'ipolhuo' LanDios. Titsufaila' anuli pe aimihuejma LanDios, o aimihuequilhuo' imanc' lon'ejma', ilque tiquimf'e'molhuo' anuli anuli imanc' lohespa. Lohtaiqui' titsufai'ma lipicuejma' ilque cal xans. Tohta'a tixhujmenahuo, ti'i'ma quixina' te ts'i'c' li'ejma'. ²⁵ Lemiya jilpe hunxajma' ti'huáta. Tijoula' text'onlquehuo tixpats'huaita lamats', tix'najtsi'i'ma LanDios, tuya'e': “Linca ma fa'a tipa'a LanDios”.

²⁶ Itsiya, cunc'aipimaye, ¿te co'ya? Jilpe molafot'leyotsi, jahuay imanc' anuli anuli tipa'a tolpalaiyacu. Anuli tunac'co'ma LanDios, locuena tipa'a lomuc'iyacola' lapimaye, locuena tu'i'mola' lapimaye te ts'i'ic' ile lu'ipa LanDios, locuena tipalai'ma ipaijma litaiqui', ile lepi'ipa cal Espíritu Santo, locuena tipa'a lipicuejma' tuhual'ma ile lipaijma litaiqui', tuya'a'ma te loya'apa. Ne', jahuay ina'a ti'i'ma tonl'e'me ja'ni tohta'a toltoc'i'mola' lohpimaye, ja'ni tof'a'e'mola' iniya lipicuejma'.

²⁷ Ja'ni tolpalai'me ipaijma lohtaiqui', ile lepi'ipolhuo' cal Espíritu Santo, tolpalai' oquexi' afantsi le'a, xonca a'i. Anuli anuli tolpalai'me. Tijoula' anuli lapima tu'i'mola' lapimaye te loya'apa ile lipaijma litaiqui'. ²⁸ Jilpe, ja'ni ailopa'a anuli no'iyalepa tohta'a, aimolpalaiyacu ipaijma lohtaiqui'. Ma jilpe lohpicuejma' tolpalaic'o'me LanDios.

²⁹ Jouc'a lam profeta, tipalai'me oquexi' afantsi le'a, xonca a'i. Locuenaye lapimaye noquimf'epá tixpif'me, ti'ila' quilsina' ja'ni itaiqui' LanDios o a'i. ³⁰ Mipalaic'olhuo' lapima ja'ni aprofeta, ja'ni LanDios tu'ila' o timuc'ila' locuena capima nocutsuya jilpe, ilque nopalaic'opolhuo' ti-ch'ixco'ma. Tipalaic'otsolhuo' locuena capima, tu'itsolhuo' lu'ipa LanDios. ³¹ Tohta'a jahuay lapimaye tolihuic'i'me, jahuay tixpai'i'mola' cunlata.

Imanc' unc'iprofeta nipajnya tolcuxe'moitsi al c'a, tolpalai'me anuli anuli. Ai' jahuay molpalolai'me. ³² Lapima ja'ni aprofeta ti'hua limane ticuxe'moxi. Ti'i'ma tixpic'e'ma ja'ni tipalaila' o ja'ni aimipalaiya. ³³ LanDios aimal'eyaconga' lahuoc'aitsoitsi. Ilque alpac'e'enga' lapicuejma'. Ja'ni imanc', ja'ni ocuenaye lapimaye, ni petsi lolafot'lepotsi tohta'a li'ejma' LanDios.

³⁴ Molafot'leyotsi anuli aimipalai'me laca'no'. Aimi'onhico'moitsi to lan xanuc'. Tihuejcole. Pe liníya locuxepa LanDios tohta'a tuya'e'. ³⁵ Ine lapimaye cacal'no', ja'ni jilpe kilejut'hi malpiya ti'i'ma ticuis'eta jilpe'aillí. Pe lolafot'lepotsi aimipalai'me laca'no'. He a'ijc'a, aimetenma. ³⁶ Imanc' unc'iCorinto, aimolihuejcola' locuenaye lapimaye li'ejma'. ¿Te ma imanc' coltuca' tolcuxe'moitsi? ¿Te imanc' unc'apoujnalá litaiqui' LanDios? ¿Te jilpe quipangoyopa? ¿Te ma le'a imanc' olapenufpá ile litaiqui'? ¿Te ma le'a icuaita jilpiya?

³⁷ Lapima nonespa: “Iya' ninprofeta”, o “Iya' linca acueca' lalapi'ipa cal Espíritu Santo”, timetsaicola' naitsi lalapi'ipa iya' ile litaiqui' lainini'epolhuo' jifa'a. He a'i caitaiqui', ma litaiqui' lapoujna Cristo, tohta'a ticuxe ilque. ³⁸ Ja'ni aimimetsaicojma tohta'a ilque jouc'a aimimetsaicom'me.

³⁹ Unc'aipimaye, camiconalhuo' lonl'eyacu. Tołjanajle juaiconapa ti'itsolhuo' to lam profeta. Lapimaye nopalaipá ipaijma liłtaiqui', ne', tipalaiıe, aimołcuanac'e'mola'. ⁴⁰ Jiłpiya lonlafot'leyołtsi tonl'ele ma latenłcocoya ŁanDios, tołcuxetsołtsi al c'a.

15

¹ Unc'aipimaye, itsiya cu'icona'molhuo' te ts'i'ic' loya'apa Lataiqui', małe Lataiqui' lainu'ipolhuo'. İe Lataiqui' joupalolapenufpa, małe lonlihuequi. ² Ja'ni tolihuejle Lataiqui' lainu'ipolhuo' małe Lataiqui' tunłu'elhuo'. Ja'ni aimunłu'eyacolhuo' coła' aicolapenufi Lataiqui'.

³ Laipangopa lainuya'apa jiłpe, ate'a nu'ipolhuo' Lataiqui' lainepenufpa, lu'ipa lałPoujna. Aimipolhuo': "Cristo icupoxi tima'anıe, tołta'a liłonc'e'eponga' lałjunac'. Al Paxi Linııingiya joupauya'apa tołta'a lo'iya. ⁴ Lijoupa limanapa, eminnapá. Al fane' quitine imaf'inapa. Al Paxi Linııingiya jouc'a tuya'e' tołta'a. ⁵ Imuj'moxi imaf'i'. Pedro ixim'ma. Lijou'ma ixim'me locuenaye liyejmalepá Cristo. ⁶ Lijou'ma mefot'leyołtsi to amaquej maxnu lapimaye İne jouc'a ixim'me. Hualca İniya itsiya ailomana' fa'a li'a łamats', joupaimanapola'. Axpela' ti'hua ts'İmaf'i'. ⁷ Lijou'ma Jacobo ixim'ma. Lijou'ma ixim'me jahuary lan apóstole."

⁸⁻⁹ İjouco'ma iya' aixim'ma, imuj'moxi pe laifpa'a. Litine lixim'me locuenaye ailopa'a al ts'e laipitine iya'. Tocomma afule caipajnconna. Iya' aica'onlıcoyacoxi to locuenaye lan apóstole. İniya xonca ac'a xanuc'. Iya' caxinyoxi xonca ninaitsi xans. Iya' caituca' aicainepi'iyoxi İta'a laipenic'. Caxinyoxi a'İj'ca laipicuejma', nihuetsopola' lixanuc' ŁanDios lefot'İepola'. ¹⁰ Linca, itsiya ituca' lai'ejma'. Tołta'a li'epa ŁanDios, İque ałpai'ipa iya' laipicuejma', ałtoc'ipa juaiconapa. Tołiya nulııjpolala' locuenaye lan apóstole. Xonca ai'epa canic'. Cax'najtsi'İ ŁanDios, İque ałtoc'ipa. Linca a'İ iya' caituca' ai'epa tołta'a, acueca' ałtoc'ipa ŁanDios. Tołiya İe İanic' lai'epa tocomma to ma li'epa ŁanDios. ¹¹ Ja'ni iya', ja'ni locuenaye lan apóstole, ma' anuli Lataiqui' laluya'apa. Małe Lataiqui' lolapenufpa imanc'.

¹² İllanc', ja'ni luya'ayi: "Cristo imaf'inapa, ipayomma pe lomana' limanapola'", hualca imanc' İte cołnescopa: "Aimimaf'inayacu limanapola'?" ¹³ Iya' camilhuo': Ja'ni limanapola' aimimaf'inayacu jouc'a Cristo aikuımaf'İnghua. ¹⁴ Ja'ni Cristo aikuımaf'İnghua, İllanc' coła' ma le'a ałpalaiyi, Lataiqui' laluya'apa ailopa'a quipenic'. Ma' anuli, tama oł'huaiyijmpá Jesucristo, İque ja'ni coła' timanghua aımi'İya mitoc'iyacolhuo'.

¹⁵ Joupalu'ipolhuo': "Tołe, tołe li'epa ŁanDios, İque imaf'i'İnapa Cristo". Ja'ni coła' ŁanDios aimimaf'i'iyacola' limanapola' jouc'a Cristo aikuımaf'İnghua. İllanc' naınespa li'epa ŁanDios coła' a'İj' linca. Ma le'a ałfel'mipolhuo'. ¹⁶ Linca ja'ni limanapola' aimimaf'İnyacola', Cristo a'İ quımaf'İnghua. ¹⁷ Ja'ni Cristo aikuımaf'İnghua lołjunac' aikuılonge. Tama oł'huaiyijmpá Cristo, ja'ni timanghua, İque aımi'İya mitoc'iyacolhuo'. ¹⁸ Jouc'a lałpimaye limanapola', tama i'huaiyijmpá Cristo İne joupaejac'pola'. Tołta'a li'İpola' ja'ni aikuımaf'İnghua Cristo. ¹⁹ Jouc'a İllanc', itsiya mał'huaiyijnyi Cristo ałtelcoyi. Ticuaitsi Locuena Quitine, ja'ni aimaluyalaıco'me xonca al c'a, İte cal'huaiyijncopa Cristo? Linca ja'ni aimalmaf'iyacu xonca nınc'ıcuanuc'la.

²⁰ Linca, joupaimaf'inapa Cristo. Ticuaihuo litine ŁanDios tefot'İe'mola' limanapola', timaf'i'İna'mola' İniya. Cristo i'İpa cal te'a İniya. ²¹ Li'İpa anuli cal xans aikuıhuejma ŁanDios, tołta'a lamaya i'huajcopa. Tołiya ma' anuli i'huajcopola' lamaya jahuary lan xanuc'. Locuena cal xans İhuejcopa ŁanDios, tołiya tama ałma'monga' ałmaf'i'İna'monga'. ²² İque cal xans Adán İxingufcopa

lamaya, ma' anuli jahuay lan xanuc' tixingufcoyi tołta'a. Cristo, ilque jouc'a i'epoxi xans, imaf'i'inapa ŁanDios, ma' anuli timaf'i'ina'mola' jahuay.

²³ Linca, a'ij nuli lo'iyacola' ilne nomaf'i'inyacola'. Cristo joupa imaf'i'inapa, ilque cal te'a petsi ilne lafot'leyacola' ŁanDios. Tijouła' ticuaicoconno Cristo timaf'ina'me lixanuc'. ²⁴ Tijouła' tixhuaitsi jahuay, Cristo ticu'moxi limane, timi'ma ŁanDios qui'Ailli': "Ma' ima' tocuxela'".

Ate'a tiłonc'ena'mola' liłmane jahuay lan rey, jahuay lincuxepá, jahuay no'huapá liłmane ni petsi lomana'. ²⁵ Cristo ti'hua ticuxe'ma ma miłof'eyołtsi no'epaj laic'. Jahuay ilniya ti'oc'enam'mola'. ²⁶ Tijouła' tiłonc'e'enatsola' liłmane jahuay ilne no'epaj laic', ma le'a tipanehuo lamaya. Ite jouc'a tiłonc'e'ena'ma limane.

²⁷ Tołta'a tuya'e' al Paxi Linilingiya, ticua: "T'oc'enapola' jahuay no'epaj laic'". Ite lataiqui' loya'apa "... jahuay i'oc'enapola'", linca aiminescojma ŁanDios. Małque ŁanDios ixpic'epa ti'ila' tołta'a, ti'oc'em'me jahuay, tihuejco'me Cristo. ²⁸ Ticuaitsi litine ti'oc'enle jahuay, tihuejco'me Cristo, małque Cristo li'Hua ŁanDios ti'oc'ena'moxi. Qui'Ailli' ŁanDios joupa ixpic'epa jahuay tihuejcole Cristo. Ti'oc'ena'moxi Cristo, ma ŁanDios ticuxe'ma, jahuay tihuejco'me.

²⁹ Iya' cacua: Ja'ni aimimaf'iyacu limanapola', ¿te quepo'icompola' ilne napo'impola' muya'ayi liłpuftine liłpimaye limanapola'? Ja'ni ilne imanapola' nulemma, ¿te quipenic' ilne lo'epa liłpimaye ts'ilmaf'i'? ¿Te quepo'icompola' muya'ayi liłpuftine ilne liłpimaye limanapola'? ¿Te quitalai'ecopa tołta'a ŁanDios?

³⁰ Iya' jouc'a lalejmale itine itine ałtełcoyi, ałcuayi: ¿Te xonca cal'iyaconga'? Ja'ni aimaf'ina'ayacu, ¿te calnet'łcopa tołta'a? ³¹ Itine itine tocomma to ałma'ma, ałma'a'ma. Cacua: Ma' al linca ilne laifnespa. Iya' tixoqui neta capalaicolhuo' imanc' unc'aipimaye loł'huaiyijmpa Jesucristo. Tołta'a aimi'iya cafel'miyacolhuo'. ³² Ja'ni aimimaf'iyacu limanapola', ¿te capanehuo fa'a liłya' Efeso małfulecoyołtsi ilne ti'onłcospola' to oyac'la quinneja? Ai. Najmay cuyaicola' lapajnya to ilniya nonespá: "Aga mouqui ałmana'monga'. Itsiya, ma małmana', ałtetsole, ałsnale al c'a."

³³ Imanc' aimołfel'mi'mołtsi. Tolanajtsołtsi ilne nonespá: "Limanapola' aimimaf'iyacu". Al linca lataiqui' lonespa: "Łan c'a xanuc' ja'ni tiyejmalele lixcay xanuc', jouc'a ti'i'mola' ixcay xanuc'". ³⁴ Tołsuej'menca. Tołpai'ile loł'ejma'. Aimol'econa'me ilne pe aimetenłma ŁanDios. Jiłpe timana' ilniya pe aimimetsaicoyi ŁanDios. ¿Te aimołtaiyi calaic'ata mimana' tołniya?

³⁵ Aga tipa'a anuli nonesya: "¿Te co'iya mimaf'inayacu limanapola'? ¿Te co'iya micuaiconayacu? ¿Te co'iya liłcuerpo? Joupa ihuet'łpa." ³⁶ Catalai'e'ma, cami'ma: "Ima' ailopa'a copicuejma'". Cal fanu' lifampa ate'a tihuet'łqui, tijouła' tilamma imaf'i'. ³⁷ Ilque cal fanu' lifampa aimi'onłspa to laifa' lolapa. Ma le'a afanu', ja'ni atrigo o ocuena fanu'. Lolapa ituca' lixans. ³⁸ Ma ŁanDios ti'e'e tilala' cal fanu', jouc'a tixpic'e te ts'i'ic' lixans. Anuli anuli cal fanu' tilala' ituca' ituca' lixans laifa' lolapa. Tołta'a lo'iyacola' limanapola' nomaf'inayacu.

³⁹ Fa'a li'a łamats' liłpixic' lan xanuc', liłpixic' linneja, liłpixic' lacał'hui, liłpixic' latuye, ituca' ituca' ilna'a. ⁴⁰ Małmana' fa'a li'a łamats' tipa'a lałcuerpo. Pu'hua locuenaj quitine jouc'a ti'ita ałcuerpo. Lałcuerpo mipa'a fa'a li'a łamats' aimi'onłya pu'hua locuenaj quitine. ⁴¹ Cal 'ora, cal mut'ła, lan xamna, aimi'onłspola'. Ituca' ituca' liłsans, liłpepalc'o'. Lan xamna aimi'onłspola'. Axamna axamna ituca' ituca'.

⁴² Tołta'a lo'iyacola' limanapola'. Litine leminni jiłpe łamats' ilque limanapa ti'hua tihuet'łqui. Litine timaf'i'inla' ti'i'ma ituca'. Aimihuet'łconaya. ⁴³ Litine leminni tocomma to ninaitsi cuerpo. Litine timaf'inala' tipai'im'me, ti'huájta ac'a juaiconapa. Litine leminni ailopa'a co'eya. Aimi'iya. Litine timaf'i'inale

ti'i'ma acueca' ipujfxi, acueca' ti'e'ma. ⁴⁴ Teminni itque licuerpo lepi'ipa qui'ailli', itque jouc'a axans. Ituca' licuerpo timaf'i'ina'ma, ite lapi'iya ÆanDios. Tipa'a laŕcuerpo lalapi'iponga' la'ailli', tipa'a laŕcuerpo lalapi'iyaconga' ÆanDios.

⁴⁵ Al Paxi Linilingiya tipalajma Adán, itque copa'a cal te'a cal xans. Ticua: ÆanDios epi'ipa lipitine, "... toŕta'a i'ipa imaf'i'". Ituca' li'ipa itque ŕcui'impajoujma Adán. Itque ai'a tipajnta ailopa'a quicuerpo, ma tipa'a lipitine. Maŕque lapi'inga' laŕpitine. ⁴⁶ Jifa'a li'a ŕamats', ¿naitsi licuai'ma cal te'a? ¿Itque nalapi'iponga' laŕpitine? Ai. Ate'a tipa'a fa'a itque lepi'ipa lipitine ÆanDios, lijou'ma icuai'ma itque nalapi'iponga' laŕpitine. ⁴⁷ Itque Adán copa'a cal xans cal te'a, ÆanDios ilanc'epa fa'a li'a ŕamats'. Ma' amats' ilanc'ecopa. Locuenaj cal xans, itque alPoujna, qui'huayomma lema'a. ⁴⁸ Maŕmana' fa'a li'a ŕamats' al'onŕcosponga' to Adán, itque cal te'a laŕtatahuelo, ilanc'ecompa amats'. Locuenaj quitine, illanc' ja'ni ixanuc' itque Li'huayomma lema'a, ma' anuli al'onŕcotonga'. ⁴⁹ Maŕmana' fa'a li'a ŕamats' laŕsans ma' anuli Adán, itque ilanc'ecompa amats'. Locuenaj quitine laŕsans ti'i'ma ma' anuli to lixans itque Li'huayomma lema'a.

⁵⁰ Unc'aipimaye, iya' camilhuo': Alcuaitsa locuenaj quitine ticuicomma ti'itsi ituca' laŕcuerpo. Ma to maŕmana' aimi'iya maŕsuflaiyacu pe locuxeyopa ÆanDios. Ita'a laŕcuerpo tijaf'quinghua, tihuet'ina'ma. ¿Te maŕta'a alŕsuflaicota petsi ailopa'a mijouya, ailopa'a quihuet'iqui? Ai. Aimi'iya. ⁵¹ Cu'i'molhuo' lo'iya. Ita'a lataiqui' laifnu'iyacolhuo' lan xanuc' quituca' aimi'iya quilsina'.

Ai'a ticuaiyoconno Cristo, tama hualca illanc' almana'monga', hualca almanecu. Jahuay alpai'im'monga' laŕsans. ⁵² Ite laŕiyaconga', laŕpai'iyaconga' aimicoŕya. Ma le'a to maŕspot'imi'me laŕ'u', maŕhuiŕfi'me, joupa alpai'imponga'. Toŕta'a laŕiyaconga' munanni al trompeta, ite lijoujma luna'apa. Linca tunam'me al trompeta, limanapola' timaf'i'inam'mola', aimihuet'iconayacola' liŕcuerpo. Illanc' ja'ni almana' alpai'im'monga' laŕsans. ⁵³ Ita'a laicuerpo tijaf'quinghua, tihuet'i'ma, ticuicomma lapi'intsi ocuena caicuerpo, alpo'no'entsi ite pe aimijouya, aimihuet'iconaya. Ita'a laicuerpo ticuicomma tima'ma. Ipic'a alpo'no'entsi locuena pe aimimaconaya. ⁵⁴ Tijouŕa' ti'ila' toŕta'a, ite litine linca ti'i'ma ituca' laŕcuerpo, aimihuet'iconaya, aimimaconaya. Toŕta'a tenan' ma lataiqui' linilingiya, ticua:

¡Joupa lulijpá!

Lamaya joupa ejac'pa, aimalmaconayaconga'.

⁵⁵ Ma' al linca loya'apa lataiqui' lonespa:

Catalai'e'ma lamaya, cami:

“Limanapola', ¿ja'ni ma toŕta'a tilmanemma? Ai.

Ima', ¿ja'ni ti'hua toma'ahualecona'ma? Ai.”

⁵⁶ Linca, mipa'a ita'a laŕcuerpo lixingufcopa lixcay laŕ'epa, ma ti'hua li-mane lamaya, alŕe'minga', alma'a'monga'. Aimi'iya maŕnesyacu: “Ai, aical'aic' quixcay”. Litaiqui' ÆanDios loya'apa locuxepa, ite lataiqui' alcuŕquina'.

⁵⁷ X'najtse'eya ÆanDios, laŕPoujna Jesucristo joupa ulijpa, lamaya aimululijyaconga' nulemma. Illanc' naŕ'huaiyijmpá ÆanDios jouc'a lulijna'me. Toŕta'a lixp'epa ÆanDios, toŕta'a ti'i'ma.

⁵⁸ Unc'aicapimaye, ja'ni toŕta'a laŕiyaconga', ¿te ts'i'ic' laŕ'eyacu itsiya? Cu'i'molhuo': Aimolpai'i'me loŕpicuejma'. Tolihuejle litaiqui' Jesucristo. Aimolcuanac'e'moltsi. Itine itine tonŕ'e'me lanic', ite lepi'ipolhuo' laŕPoujna, a'ujfxi tonŕ'e'me toŕta'a.

Imanc' noŕ'huaiyijmpá laŕPoujna Jesucristo, monŕ'eyi ite lanic' toŕ'nujuaitsa lo'iyacolhuo' locuenaj quitine. Toŕta'a tixojma cunlata tonŕ'e'me lanic'.

16

¹ Itsiya capalaico'ma al tomí lolafot'eyacu lolumme'eyacola' lołpimaye, iñe jouc'a i'huexi ËanDios. Iñe nomana' liya' Jerusalén tehue'ela'. Lapimaye lafołyomma łamats' Galacia joup'a ainu'ipola' lo'eyacu. Imanc' ma' anuli ton'ete. ² Axamano axamano ticuaitsi al te'a quitine, anuli anuli imanc' tolanajle lołtomí. Ja'ni ululijpá acueca' tolanajle acueca'. Ja'ni ululijpá huata, tolanajle huata. Cacuaitsi jilpiya joup'a olafot'lepá al tomí. Aimolafot'le'me aquite'.

³ Cacuaitsi, imanc' toł'huij'etola' lapimaye titaife ike lolapi'iyacola' iñe lołtoc'icoyacola' jilpe Jerusalén. Iya' capi'itola' quijje'e. Cummetola'. ⁴ Ja'ni ticuicomma ca'huala' jouc'a ałejmaleta anuli lapimaye.

⁵ Joup'a aixpic'epa cahuejntola' lapimaye nomana' łamats' Macedonia. Tijoula' cacuaita pe lołmana' imanc'. ⁶ Aicaixina' tojua quitine ałcolta pe lołmana'. Aga capanehuo jilpiya cuyaicota łaxita quitine. Tijoula' cuyaita ni petsi. Imanc' lacanumf'eta cane, ałtoc'ita ca'huanla' al c'a. ⁷ Cacia: Ate'a cuyaicota łamats' Macedonia. Tijoula' cacuaita jilpe pe lołmana' imanc' unc'iCorinto. Jilpe a'i ma le'a cuyaicoya. Ja'ni tixpic'ela' ËanDios ałcolta. ⁸ Jifa'a liya' Efeso capanehuo tuyaila' al juic Pentecostés. Tijoula' ca'huata pe lołmana'. ⁹ Jifa'a ËanDios lapi'ipa acueca' canic'. Axpela' ti'huaiyijnyi łalPoujna. Jouc'a timana' axpela' nał'epa laic'.

¹⁰ Ja'ni jilpiya ticuaitsi Timoteo, tolapenufle. Aimołhuos'mi'me. Ma to ca'ay lanic' lalapi'ipa łalPoujna, iłque Timoteo jouc'a ti'ay. ¹¹ Aimolatets'i'me, ni anuli imanc'. Tipanni ti'huanla' tolacanumf'entsa cane, ti'huananni pe laifpa'a. Iya' ai'huaijma ticuaiyunca anuli lapimaye.

¹² Apolos aimi'huaya itsiya pe lołmana'. Iya' caxc'ai'i juaiconapa, cami: "To'huala' Corinto. Tonlele anuli lapimaye." Aimicua mi'huaya. Tipa'a litine mi'hua'ma.

¹³ Aimołsmi'me jilpe lołpicuejma'. Ti'hua tolihuejle Lataiqui'. Aimołpai'i'me lołpicuejma'. Ton'ete acueca' łolunxajma'. ¹⁴ Jahuay lon'eyacu toł'nujuaitsola' lołpimaye, ja'ni tołta'a tołtoc'i'mola' o a'i.

¹⁵⁻¹⁶ Imanc' olimetsaicola' Estéfanos jouc'a lapimaye nomana' lejut'ł. Jilpe łamats' Acaya iñe ate'a i'huaiyijmpá Jesucristo. Iñe quituca' ixpic'epá titoc'i'me lapimaye, iñiya jouc'a i'huexi ËanDios. Ticuicomma imanc' tolihuejco'mola' iñiya, jouc'a tolihuejco'mola' jahuay lapimaye no'epá lanic' juaiconapa, ike lanic' lalapi'iponga' łalPoujna. Tołta'a caxahue'elhuo' ton'ete, caxc'ai'ilhuo'. ¹⁷ Iya' aixhuełcopolhuo' juaiconapa. Itsiya tixoqui neta. Licuaina'me fa'a Estéfanos, Fortunato y Acaico, tocomma to ołcuai'me imanc'. ¹⁸ Iñe liłonc'e'enapa laipixhuejma'. Itsiya aimatsueł'meconayacu iya' imanc'. Imanc' tolimetsaicotsola' iñiya no'epá tołna'a.

¹⁹ Lapimaye lafołyomma jifa'a łamats' Asia tinonilhuo'.

Aquila y Priscila jouc'a lapimaye lafołyomma lilejut'ł tixoqui quileta tinonilhuo'. Ticuayi: "Łan xanuc' nomana' Corinto ałpimaye, ał'huaiyijnyi anuli łalPoujna Jesucristo".

²⁰ Jahuay lapimaye nomana' fa'a tinonilhuo'. Jahuay imanc' tołnontsołtsi. Tołtuc'otsołtsi lołpeque ma to mituc'o'mołtsi lapimaye, iñe i'huexi ËanDios.

²¹ Iya' ninPablo canonilhuo'. Iłta'a caituca' niniłcopa laimane.

²² Jilpe ja'ni tipa'a anuli pe aimi'ay capic'a łalPoujna Jesucristo, tejac'enle iłque cal xans. ¡Maranatha! Iłta'a lohuałquemma: ¡Ima' małPoujna, tohue', to'huanni!

²³ Ti'hua titoc'itsolhuo' jahuay imanc' łalPoujna Jesucristo.

²⁴ Ti'ila' colsina' ca'elhuo' capic'a imanc' unc'aipimaye, ma' anuli
al'huaiyijnyi Jesucristo. Amén. Tolta'a ti'ila'.

LIJE'E SAN PABLO LOCUENA LINIË'EPOLA' LAPIMAYE LEFOT'LEPOËTSI LIËYA' CORINTO

¹ Iya' ninPablo. Iya' jouc'a laɓpima Timoteo lini'elhuo' imanc' lefot'lepolhuo' ËanDios jilpe liya' Corinto. Jouc'a tixhuele ita'a al je'e laɓpimaye nomana' locuenaye quihelotya' lamats' Acaya, ihe jouc'a i'huexi ËanDios. Iya' ninPablo, nin'apóstol, alummepa Jesucristo. Toŋta'a lixpicepa ËanDios.

² ËanDios ca' Ailli', Jesucristo laɓPoujna titoc'itsolhuo', tipac'e'etsolhuo' loɓpicuejma'.

³ ¡Aks'najtsi'ile ËanDios! Ihe enDios laɓPoujna Jesucristo, jouc'a i'Ailli'. Aŋ'Ailli' jouc'a. Itine itine aŋ'nujuaitsinga'. Ihe alanDios, alixoc'inga' calata. ⁴ Ma maŋtelcoyi alixoc'inga' calata. Toŋta'a lapi'inga' laɓpicuejma' lixoc'itsola' quileta laɓpimaye miteɓcoyi jouc'a.

⁵ Ma calihuequi Cristo aŋtelcoyi, aŋtelcoyi to Cristo liteɓcopa. Ja'ni juaiconapa acueca' ihe laŋtelcopa jouc'a juaiconapa acueca' alixoc'inga' calata Cristo.

⁶ Jahuay la'iponga' illanc' ma titoc'i'molhuo' imanc'. Ja'ni aŋtelcoyi ËanDios alixoc'i'monga' calata. Toŋta'a illanc' lixoc'i'molhuo' imanc', jouc'a tolunɓul'me. Ja'ni ËanDios jupa lixoc'iponga' calata, imanc' jouc'a tolixoc'i'moŋtsi, tolunɓul'me. Toŋta'a titoc'i'molhuo' ËanDios ma moŋsnet'ŋyi lateɓcoya, ihe laŋtelcopa illanc'. ⁷ Illanc' a'i ma le'a aŋcuayi: Jouc'a imanc' toŋsnet'ŋme. Aksina' toŋsnet'ŋme. Ja'ni toŋtelco'me to illanc' maŋtelcoyi, ËanDios tixoc'i'molhuo' cunlata ma to lalixoc'iponga' calata.

⁸ Unc'aipimaye, aipic'a ti'ita' coŋsina' te ts'i'ic' laluyalaicopa illanc' maŋmana' lamats' Asia. Jilpe linca aŋtelcopá. Aŋsimpá juaiconapa ipime laɓpepajnya. Afule maŋ'ommoŋaispá. Aŋcuayi: "Ailopa'a caɓpujfxi. Ma' aŋmana'monga'."

⁹ Laɓcuervo linca ailopa'a quipujfxi. Laluyalaicopá toŋta'a ixpic'epa ËanDios. Aŋmuc'inga' aimal'huaiyijm'moŋtsi illanc' caɓtuca', aŋ'huaiyijnle ËanDios. Ihe ni-pajnya timaf'i'ina'mola' limanapola'. ¹⁰ Alunɓu'eponga' ihe al cueca' laŋtelcopa, a'i caŋmanga'. Ja'ni aŋtelcoconate ocuena'ya alunɓu'econa'monga'. ¹¹ Imanc' jouc'a locuenaye lapimaye toŋsa'huele ËanDios, toŋmiŋe: "Totoc'itsola' Pablo jouc'a lipimaye". Tijouŋa' aŋtoc'itsonga' ti'i'ma axpela' lapimaye tix'najtsi'i'me ËanDios. Toŋta'a lo'iya ja'ni imanc' unc'xpela' toŋsa'hue'me.

¹² Illanc' tixoquei calata aŋcuayi: Jilpe laɓpicuejma' aksina' ac'a la'ejma'. A'i oque' laɓpicuejma', a'i ma le'a maŋ'e'eyoŋtsi ixanuc' ËanDios, aŋlinca lihuejcoyi. Maŋ'eyi lanic' lalapi'iponga' ËanDios aimalihuejyi caɓtuca' laɓpicuejma'. Toŋta'a la'ejma' ni petsi laŋmana' jouc'a pe loŋmana' imanc'. Jilpe loŋmana' xonca aŋ'epá toŋta'a. ¹³ Illanc' lalini'epolhuo' aimifel'micolhuo'. Jilpe lu'ilhuo' al linca, toŋta'a laŋnespa. A'i quipime lataiqui', ti'i'ma tolihuej'me. ¹⁴ Linca hualca imanc' limetsaicoponga'. Cacia: Limetsaicotsonga' jahuay ma' anuli. Toŋta'a, litine ticuaiconanni laɓPoujna Jesucristo tixoj'ma cunlata alimetsaico'monga' illanc' oɓpimaye, jouc'a illanc' alimetsaico'molhuo' imanc' aɓpimaye.

¹⁵⁻¹⁶ Iya' ainespa: "Linca lapenufta lapimaye nomana' liya' Corinto". Toŋta'a aixpic'epa ate'a cahuejntolhuo', tijouŋa' ca'huaŋa' lamats' Macedonia. Capainanni lamats' Macedonia cahuejnconatolhuo'. Tijouŋa' cahuejntolhuo' imanc' lacanumf'enna cane lotsepa lamats' Judea. Toŋta'a oquemma aŋsim'moŋtsi, iya' imanc' noŋmana' jilpe Corinto. ¹⁷ Ihe lainespa: "Cahuejntolhuo'", ¿te ma le'a canesqui? ¿Ja'ni iya' aicaxa'hue ËanDios? ¿Ja'ni aicainicuis'e: "¿Te caif'eya?"? ¿Ja'ni iya' caituca' cacuxeyoxi laipicuejma'? ¿Te caxpic'e ca'huaŋa' jouc'a caxpic'e aica'huaya? ¹⁸ ËanDios linca tenanŋi. Illanc' jouc'a

aimafel'miyaleyi. Litaiqui' laluya'apa ñe a'i cafellaiqueya cataiqui'. ¹⁹ He litaiqui' ÑanDios tipalaijma Jesucristo, ñque i'Hua ÑanDios. Ja'ni iya' ninPablo, ja'ni Silvano, ja'ni Timoteo, ma' anuli laluya'apa. ¿Te anuli litine luya'ayi: “Cristo i'Hua ÑanDios”, y ocuena quitine aÑcuayi: “Cristo a'i qui'hua ÑanDios”? A'i. Aimi'iya mipai'iyacoxi Cristo. MaÑque ÑanDios joupa imujpa Cristo ma' i'Hua. ²⁰ ÑanDios joupa lu'iponga': “ToÑe, toÑe lapi'iyacolhuo”, ñque Cristo aÑmuc'inga' aÑinca ñe lataiqui'. MaÑ'huaiyijnyi Cristo ñque lapi'i'monga'. ToÑta'a tolimetsaico'me acueca' ac'a ÑanDios, ñque ñaÑpalaicopa illanc' maÑ'eyi lanic' jilpiya.

²¹ Illanc' imanc' ma ÑanDios aÑfa'eponga' laÑpicuejma' maÑ'huaiyijnyi Cristo. ToÑta'a aimañpai'iyacoÑsi. MaÑque ÑanDios aÑpaxneponga'. ²² Nulemma limet-saicoponga' ixanuc'. Lapi'iponga' cal Espíritu Santo, toÑiya i'ipa caÑsina' illanc' i'huexi ÑanDios.

²³ Tama aixpic'epa ca'huaÑa' cahuejntsolhuo', aicai'huac'. Aicaifel'milhuo'. ToÑta'a ixina' ÑanDios, ixina' li'ipa. Iya' aiximpolhuo' cuanuc'. Aines'ma: “Ca'huaico'ma tuyaiÑa' oque' afane' quitine. Ja'ni a'i, cacuaÑsi cataletola' ñne laipimaye.” ²⁴ Illanc' a'i coÑpoujnalá. Aimalu'ñlhuo': “ToÑe, toÑe, toÑihuejle Jesucristo”. Ma le'a aÑtoc'ñlhuo' tuluyalaicoÑe tixojla' cunlata. AÑsina' toÑ'huaiyijnyi Cristo, ma ti'hua toÑihuejle.

2

¹ Iya' aixpic'epa, camiyoxi: “Aica'huaconaya liÑya' Corinto. ToÑta'a aiÑuix-tuc'oyacola' laipimaye.” ² Cacia: “Iya', ja'ni cahuos'mitolhuo', ¿naÑsi nal-ixoc'iya neta? Ailopa'a. Ja'ni joupa aihuos'mipolhuo', imanc' aimi'iya malixoc'iconaya neta.” ³ ToÑta'a niniÑ'epolhuo' ñe al je'e lainumme'epolhuo'. Cacia: “Tixanu'itsoÑsi, tijoula' ca'hua'ma. ToÑta'a lixoc'i'ma caineta, aimalapi'iya quixhuejma'.” Cacia: “Ja'ni iya' quixoqui neta, laipimaye jilpe Corinto jouc'a tixoj'ma quileta”. ToÑta'a laif'huaiyijncopolhuo' imanc'.

⁴ Iya' ma quiniÑi ñe coÑje'e cajoqui juaiconapa, tic'equi axpe' cainujuay. Li'ipolhuo' imanc' aÑhuos'mipa acueca'. Unlejpa ñainunxajma'. LaininiÑ'epolhuo' aicaipic'a cahuos'miyacolhuo'. Ma' aipic'a ti'Ña' coÑsina' ca'elhuo' capic'a juaiconapa, toÑta'a laininiÑ'epolhuo'. ⁵ ñque ni'epa aijc'a aicaÑscai'e iya'. Ix-cai'epolhuo' imanc'. Tama toÑta'a laifcuapa jouc'a cacia: ñque aimixin-gufco'ma ujfxi ñe laitaiqui', iya' aicateÑ'miconaya. ⁶ Lanxpela' imanc' joupa oÑspic'epá loÑ'eyacu. Joupa oÑ'epá toÑta'a, oÑteÑ'mipá. MaÑpe tipanenni. ⁷ Itsiya aimoÑteÑ'miconame. Tolimenc'e'ecoÑe lijunac'. Tolixoc'ñe queta. Ja'ni a'i, aga xonca tihuotso'ma, teteÑquehuo lipicuejma' nulemma, tenaj'moxi xonca. ⁸ Caxc'ai'ñlhuo' toÑpalaic'oÑe al c'a, ti'Ña' quixina' tonÑ'eyi capic'a.

⁹ Iya' laininiÑ'epolhuo' ñe loÑje'e aipic'a lihuejcoÑa' iya' laicuxe'epolhuo'. ToÑta'a lonÑ'epa. Joupa oÑteÑ'mipá toÑpima. Itsiya aixina' imanc' aÑcuc'e iya' laifcuxe'epolhuo'. ¹⁰ Camilhuo': Anuli ñapima ja'ni tolimenc'e'ecoyi lijunac', iya' jouc'a quimenc'e'eco'ma lijunac'. Iya' cacia: Peci ñaicuicomma quimenc'e'ecoÑa' lijunac' ma quimenc'e'eco'ma, joupa nimenc'e'ecopa. ToÑta'a cai'ecopa ca'nujuaitsilhuo' imanc', ma' anuli li'epa Cristo. ¹¹ Ticuicomma limenc'e'ecoÑe lijunac' ñaÑpima. Ja'ni a'i ñonta'a Satanás luliÑ'monga'. Joupa limetsaijma te ts'i'ic' lipicuejma' ñque. Tehuay te co'iya maÑc'aicocoyacu.

¹² Litine lai'huapa liÑya' Troas joupa aixpic'epa cuya'ata jilpe litaiqui' Cristo, ñe loya'apa al c'a lixplic'epa ÑanDios. LaicuaitÑsi jilpe ñamats' ñinca tipa'a lane ca'etsi lanic', ñe lalapi'ipa ñaÑpoujna Jesucristo. ¹³ Iya' a'i quixoqui neta. Jilpe Troas ailopa'a ñapima Tito. ñque laÑejmalepa, anuli aÑ'eyi lanic'. Aiquicuaiya.

Iya' caxhuehmot'le. Aicałcohi. Aixc'ai'ina'mola' lapimaye. Nipanni jilpiya ai'hua'ma łamats' Macedonia.

¹⁴ ¡X'najtse'eya ŁanDios! Illanc' pe Cristo lapenufponga', ŁanDios jounpa alulijponga', i'ipa alPoujna, lihuejcoyi ilque. Itine itine alejmaleyi. Ni petsi łaltseyacu lan xanuc' alsinguf'monga' ixanuc' Cristo. Ti'i'ma quilsina' te ts'i'ic' lipicuejma' ilque. Tołta'a tixpic'e ŁanDios. ¹⁵ Ma ŁanDios alłanc'e'enařonga' lałpicuejma', ti'ila' quilsina' lan xanuc' te ts'i'ic' lipicuejma' Cristo. Ja'ni ilne nonłu'eyacola', ja'ni nacaniyacola', ma' anuli alsingufinga' ixanuc' Cristo. ¹⁶ Linca ilne nacaniyacola' aimepenufyi lataiqui' loya'apa: "Cristo imaf'inapa". Ticuayi: "Imanapa nulemma". Ilne aimepi'inyacola' al ts'e quilpitine. Petsi nonłu'enyacola' ilne linca ilsina' Cristo imaf'inapa, tipa'a al ts'e liłpitine.

Anuli cal xans, ¿ja'ni quituca' nipajnya ti'e'ma ilta'a lanic' lał'epa illanc'? Ai, aimi'iya. ¹⁷ Illanc' aimaf'eyi to ilne pe a'ij lija loya'apa litaiqui' ŁanDios. Ilne tihuant's'iyi Lataiqui' y ocuena cataiqui'. Illanc' a'i oque' lałpicuejma'. Alsina' jounpa lapenufponga' Cristo, ŁanDios alquimf'enga'. Al'nujuaisyi ŁanDios lummeponga' luya'ale litaiqui'.

3

¹ Itsiya, illanc' ¿ja'ni alpalacocona'moltsi al c'a? Linca timana' lapimaye notaipá lije'e timuc'itsolhuo', tolapenuftsola'. O ilpic'a tołapi'itsola' quilje'e tepenufintsola' lapimaye nomana' ocuena quilya'. ¿Te ticuicomma tołsinle jouc'a illanc' calje'e? ¿Te tołta'a limetsaico'monga'? ² Ai. Ma' imanc' ti'onłcospolhuo' to alje'e. Li'ipolhuo' imanc' tocomma to jounpa inilngaita łalunxajma'. Ille lałje'e jahuary tixhueyi, ti'i quilsina' li'ipolhuo' imanc'. ³ Ja'ni alcuaitsa pe lomana' lapimaye aimalmuc'iyacola' calje'e linilcompa atinta, ille ailopa'a, aicaltaic'. Ma' imanc' ti'onłcospolhuo' to ille ije'e Cristo lalapi'iponga' illanc', almuc'itsola' lapimaye.

Luyaipa quitine ŁanDios inilpa jilpe loque' lapi' litaiqui' locuxepa. Itsiya cal Espiritu Santo, ilque li'Espiritu Łimaf'i' CanDios, inilpa litaiqui' łolunxajma' imanc'.

⁴ Illanc' alsina' ma le'a Cristo lapi'iponga' lałpicuejma', tołta'a al'eyi lanic', ille lalapi'iponga' ŁanDios. ⁵ Illanc' caltuca', ¿ja'ni acueca' ti'hua lałmane? ¿Acueca' lał'eyacu? Ai. Illanc' caltuca' ailopa'a cal'eyacu, ma' ilque ŁanDios lapi'iponga' lałmane, lałpicuejma'. ⁶ Tołta'a nipajnya al'e'me lanic', luya'ayi Lataiqui', ille al Ts'e Cataiqui' ŁanDios lipo'no'ipola' lixanuc'. Illanc' a'i maluya'ayacu lataiqui' loya'apa locuxepa ŁanDios. Ai tołta'a lałpenic'. Ille lataiqui' aimi'iya malunłu'eyacongá, le'a lacani'e'monga'. Illanc' tipa'a lałpenic' luya'ale lo'epa cal Espiritu Santo. Ilque lapi'inga' al ts'e lałpitine.

⁷ Moisés uya'a'ma łataiqui' liniliya jilpe lapi'. Tama ille loya'apa Moisés tecani'e'mola' lan xanuc', ŁanDios imuc'ipola' acueca' ac'a juaiconapa lanic' lepi'ipa Moisés. I'e'epa tunts'ifqui li'a. Ille lunts'ifpa, tama aimicołya, juaiconapa acueca' tunts'ifqui. Lan xanuc' Israel aimi'iya mi'hua mehuelojnyacu, tunlequi lił'u'.

⁸ Illanc' luya'ayi lo'epa cal Espiritu Santo, ille alpenic'. ¿Te ja'ni ŁanDios aikuimetsaijma xonca acueca', xonca ac'a ille lanic'? ⁹ ŁanDios imetsaicopa acueca' ac'a juaiconapa ille lipenic' Moisés, ilque luya'apa lataiqui' lacani'eyacola' lan xanuc', imuc'i'mola' tipa'a liłjunac'. Itsiya ŁanDios, ¿te aimimetsaijma xonca acueca' ac'a lanic' lał'epa illanc'? Lataiqui' laluya'apa illanc' ticua: "Ja'ni tolihuejcołe, ŁanDios tepenuf'molhuo' to ailopa'a cołjunac'".

¹⁰ ŁanDios limetsaicopa acueca' lipenic' Moisés, limetsaicopa juaiconapa ac'a lataiqui' loya'apa, unts'if'ma li'a Moisés. Itsiya illanc' luliłpá Moisés. Xonca acueca' juaiconapa lałpenic', xonca ac'a lataiqui' luya'ayi, xonca

limetsaico'monga' ÆanDios. ¹¹ He lipenic' Moisés, tama aimicoŷya, ÆanDios imetsaicopa, imujpa acueca', ac'a. Lanic' laŷ'epa illanc' jouc'a lataiqui' laluya'apa, ticoŷ'ma, aimijouya. Ocuena cataiqui' xonca al c'a, ailopa'a. Tijouŷa', ¿te ÆanDios aimalimetsaicoyacongá' illanc' laŷ'penic'? Linca xonca limetsaico'monga', timuj'ma xonca acueca' ac'a lanic' aŷ'eyi.

¹² Aŷsina' ma toŷta'a ti'e'ma ÆanDios. Totiya, ja'ni aŷpalaic'otsolhuo' o lu'itsolhuo', aŷpalai'me acuajmaica cataiqui'. ¹³ Illanc' laŷ'ejma' aimi'onŷspa to li'ejma' Moisés. Itque tiju'e lijahua' jilpe lijuac. Emi'ma li'a. Ticua: “Laipimaye, lixanuc' Israel, aimalahuelonc'e'e'ma lai'a miŷonginghua lonts'ifpa”. Illanc' ailopa'a calamiyacu. Aimijouya illanc' laŷ'penic'.

¹⁴ He lan xanuc' niquimf'epá Moisés aiquiŷcueca lataiqui' loya'apa itque. Joupa i'ipa ata liŷpicuejma'. Ma toŷta'a itsiya. Tama tixhuef'innila' ite lataiqui' liniŷpa Moisés, itne lixanuc' Israel aimicuec'eyi, tocomma afohue, tocomma ifi'ejma' ijahua' jilpe li'u'. Aiquiŷsina' li'epa Cristo. Itque enant'ŷipa ite litaiqui' Moisés, lapi'iponga' al Ts'e Lataiqui'. ¹⁵ Toŷta'a li'ipola' itne lan xanuc', ma' anuli itsiya aiquiŷonc'e'ennila' ite lijahua' lopa'a jilpe li'u'. To afohue, aiquiŷsina'. Miquimf'eyi litaiqui' Moisés aimicuec'eyi. ¹⁶ Lataiqui', ite loya'apa li'ejma' Moisés, ticua: “Lipalaic'ohuo'ma laŷ'Poujna, exijpa li'a, joupa itonc'epa lijahua' jilpe li'a”. Lan xanuc' Israel jouc'a ti'i'ma tiŷojm'ma ite lijahua'. Cua naitsi itniya ja'ni tipai'ila' lipicuejma' timetsaico'ma laŷ'Poujna, tipalaic'o'ma itque. ¹⁷ Lataiqui' locuapa “... laŷ'Poujna”, ite tinescojma cal Espíritu Santo. Ja'ni aŷjmaleyi itque cal Espíritu Santo ailopa'a caŷpa'neyacongá', tipa'a lane aŷpalaic'o'me caŷ'Ailli' ÆanDios.

¹⁸ Maŷpalaic'oyi laŷ'Poujna tocomma lahuelojnyi itque, joupa laxi'emponga' laŷ'picuejma'. Ailopa'a caŷpa'neyacongá' laŷ'u'. Laŷ'as xanuc' lahuelojntsonga' illanc', tixim'me te ts'i'ic' itque laŷ'Poujna. Itine itine laŷ'ejma' ti'hua ti'onŷcospa to li'ejma' Cristo. Toŷta'a lo'epa laŷ'Poujna cal Espíritu Santo, itque ti'hua aŷpai'inga' illanc' laŷ'picuejma'.

4

¹ Illanc' aimasinyi quixoqui maluya'ayi Lataiqui'. Illanc' caŷtuca' aicafajyoŷtsi, ma ÆanDios ixpic'epa, aŷfajponga', aŷpaxneponga', lapi'iponga' laŷ'mane, laŷ'penic'. ² Illanc' aŷpo'nopá laŷ'picuejma' aŷ'eŷe ma le'a al c'a. Aimaŷ'eyacu to lo'epa itne noximpá calaic'ata. Itne aimuya'ayi te ts'i'ic' lo'epa. Itsina' aimetenŷma. Illanc' aimafel'miyaleyi, ni aimathuants'iyi Lataiqui' y ocuena cataiqui'. Luya'ayi ma litaiqui' ÆanDios. Toŷta'a ni petsi laŷ'tseyacu lan xanuc' limetsaicotsonga' aŷ'eyi ma le'a lanic' lalapi'iponga' ÆanDios.

³ Illanc' aŷpalaiyi al cuajmaica cataiqui'. Petsi aimunŷu'enyacola' le'a itniya aimicuec'eyacu. ⁴ Itniya afohue, toŷta'a li'e'epola' Satanás. Itque itpincuxepa petsi naihuejpá quiŷtuca' liŷpicuejma'. Totiya Lataiqui' aimepalc'o'ila' liŷpicuejma'. He Lataiqui' tuya'e te ts'i'ic' Cristo, itque ma' anuli to qui'i'ic' ÆanDios. Itne aimi'iyá mixinyacu toŷta'a.

⁵ Illanc' aimafalaicoyoŷtsi. Aŷpalaicoyi Jesucristo, luya'ayi: “Itque itPoujna lan xanuc’”. Illanc' aŷ'eyi lanic' lalapi'iponga' Jesús, toŷta'a aŷtoc'ilhuo' imanc', tocomma illanc' oŷmozó.

⁶ Lipangopa li'a lamats' ÆanDios icuxe'ma icua'ma: “Jilpe al muf ti'ila' epalc'o’”. Maŷque ÆanDios lapalc'o'iponga' illanc' laŷ'picuejma', limetsaicoyi te ts'i'ic' ÆanDios. Ipic'a alulif'etsola' laŷ'as xanuc', ti'ila' quiŷsina' itne te ts'i'ic' ÆanDios. Maŷque Jesucristo timuc'i'mola' toŷta'a.

⁷ Illanc' linca ma le'a ninc'ixanuc', acueca' lalapi'iponga' ÆanDios. Laŷ'cuerpo ti'onŷcospa to lapixu lilanc'ecompa ixitsqui, liPoujna i'nij'mipa acueca' lipitali. Toŷta'a ja'ni lan xanuc' tixinyi acueca' laŷ'epa ti'ila' quiŷsina' a'i caŷtuca'

mañ'eyi, ñe al cuecaj lo'epa ÑanDios. ⁸ Illanc' ñinca añtantsinga', aicaluxpats'inga' nulemma. Tama aicãsina' te cañ'eyacu, ti'hua añ'huaiyijnyi ÑanDios. ⁹ Tama lan xanuc' alihuetsoquinga', ÑanDios aimãpo'ninga' caltuca'. Tama añscã'enga', aimi'ya malulijyaconga' nulemma, ma' añmaf'i'.

¹⁰ Toñta'a lañteñcõpa illanc'. Mipa'a fa'a li'a ñamats' ñañPoujna Jesús ixingufcõpa lateñcõya jilpe licuerpo, imapa. Jõuc'a illanc', ni petsi lañtsepa añteñcõyi, toñta'a jifa'a lañcuerpo i'huáqui al ts'e lañpitine lalapi'ipõnga' Jesús ñimaf'inapa.

¹¹ Cacia: Mañmana' fa'a li'a ñamats' illanc' mañ'eyi ñanic' lalapi'ipõnga' Jesús, itine itine tocomma añma'a'mõnga', añma'mõnga'. Tama ti'hua tijaf'que lañcuerpo, tama añma'mõnga', ma cañmaf'i' i'huáqui al ts'e lañpitine lalapi'ipõnga' Jesús. ¹² Toñta'a illanc' lañpepajnya. Illanc' añsingufcõyi lamaya, imanc' toñsingufcõyi al ts'e loñpitine.

¹³ Al Paxi Linilingiya tuya'e': "Añ'huaiyijmpa ÑanDios, toñya aipalaic'õpola' lan xanuc'". Toñta'a illanc' lañejma'. Añ'huaiyijnyi ÑanDios, añpalaic'õla' lan xanuc'. ¹⁴ Añsina' lañiyaconga' ti'ima ma' anuli to li'ipa Jesús. ÑanDios ñimaf'i'inapa Jesús jõuc'a añmaf'i'ina'mõnga', lapenufnatõnga' jilpe. Illanc' imanc' lapenufnatõnga'. ¹⁵ ÑanDios lixpicepa lo'ya i'nujuais'mõhuo' imanc'. Ipic'a xõnca toñsinñe te ts'i'ic' litoc'iyalepa. Tijouñ' imanc' unc'xpela' toñs'nañtsi'i'me ÑanDios. Toñta'a tixinim'me acueca' ÑanDios.

¹⁶ Illanc' mañ'huaiyijnyi ÑanDios aimãsosponga'. Lañcuerpo ñinca ti'hua tijaf'que, al ts'e lañpitine lalapi'ipõnga' Jesucristo aimijaf'que. Ñe lañpitine itine itine tepi'im'me quipujfxi. ¹⁷ Lañteñcõpa fa'a xõnca juaiconapa acueca' añtoc'inga'. Mañteñcõyi fa'a lulijyi lalapi'iyaconga' pu'hua locuena capajnya. Lañteñcõpa fa'a li'a ñamats' aimi'onñya to lalapi'iyaconga' pu'hua. Fa'a aimi-cõñya lateñcõya. Jipu'hua al cueca' al c'a lalapi'iyaconga' ÑanDios aimijõuya lojauhuamlaicõya. ¹⁸ Toñya jahuary li'huáqui fa'a li'a ñamats' aimã'nujuaisyi. Añ'nujuaisyi te ts'i'ic' lopa'a jilpe petsi aiqui'huáqui. Jahuary pe ts'i'huáqui aimi-cõñya, ti'hua tijõu'ma. Petsi aiqui'huáqui, ñe aimijõuya.

5

¹ Mañmana' fa'a li'a ñamats' lañcuerpo ti'onñcõspa to anuli calx'huijma', jilpe lopanc'epa ñañ'espíritu. Ma metelquenhuaño ññque ñix'huijma' tipa'a lejut'ñ ñañ'espíritu, ñe lalapi'iyaconga' ÑanDios. Ñe lañjut'ñ lopa'a pu'hua lema'a, aiquiññanc'e lan xanuc'. Aimi'ya metelc'eya. ² Jilpe lañpicuejma' añsina' añinca tipa'a ñe lalajut'ñ. Toñya ma mañmana' fa'a lañ'huijma', ñañ'espíritu afule mixnet'ñqui, aimi-cua mi'huaicõya tetelquenni ñe ñix'huijma', ipic'a ma' itsiya titsufainatsi lejut'ñ. ³ Ti'illa' toñta'a, ñañ'espíritu aimi'hualejma quituca'. Jilpe lejut'ñ titsufainata, tipajnta tijauhuamlaicõya.

⁴ Ñinca mipa'a ñañ'espíritu fa'a lañcuerpo afule mañsnet'ñyi, añsinyi ipime lañiyaconga'. Añcuayi: "Aimetelquehuo ñe lañcuerpo. Aimi-cõ' ma quituca' ñañ'espíritu, titsufaiñ' nulemma locuena lejut'ñ." Ti'illa' toñta'a aimãmaconayaconga', ti'hua cañmaf'i'. ⁵ Ne'. Aixina' añmaf'icona'me. ÑanDios ilanc'e'epa lañpicuejma', lapenuftõnga'. Lapi'ipõnga' cal Espíritu Santo, toñta'a añmuc'ipõnga' añinca añmaf'i'inatõnga'.

⁶ Toñya tixõqui calata luyalaicõyi lapajnya. Ñinca mipa'a ñañ'espíritu fa'a ñix'huijma', ñe lañcuerpo, añsina' lahue'enga', aicãññatsufconga' ñañPoujna Jesús. ⁷ Mañmana' fa'a aimalahuelõjnyi te ts'i'ic' mipa'a pu'huanni. Ma' añ'eyi ñinca lataiqui' lalupõnga'. Toñta'a luyalaicõyi lapajnya.

⁸ Cacia: Añ'eyi ñinca lataiqui' lalupõnga'. Juaiconapa añjanajyi añpo'noñe lañcuerpo, añmajntsa anuli ñañPoujna. ⁹ Toñya añspic'eyi añ'ede al c'a. Tetelñcõcõla' ñañPoujna ñe lañejma'. Ja'ni añmana' fa'a li'a ñamats', ja'ni jõupa añenapã

lu'itsonga' laPoujna: “Ac'a lo'ejma”. ¹⁰ Jahuay ałcuainata pe lopa'a Cristo, iłque ałJuez. Jiłpe linca ti'huájta acuajmaica te ts'i'ic' lałpicuejma', la'ejma'. Ti'huájta te ts'i'ic' li'ipa la'epa anuli anuli małmana' fa'a li'a łamats', mipa'a la'espíritu fa'a lix'huijma', iłe lałcuerpo. Ma to la'epá, ja'ni ac'a o ja'ni a'ijc'a, tołta'a ał'najtse'etonga'.

¹¹ Illanc' lihuejcoyi laPoujna. Ałspic'eyi ał'ete al c'a, limetsaicotsonga' lał'as xanuc', ti'ila' quilsina' ałınca ał'eyi iłe lanic' lalapi'iponga' ŁanDios. Małque ŁanDios joupá limetsaiconga', ixina' te ts'i'ic' lałpicuejma'. Iya' cacua: Jouc'a imanc' ałsininga', limetsaiconga'. ¹² Itsiya, ¿ja'ni ti'hua lu'icona'molhuo': “Illanc' ał'eyi lanic' lalapi'iponga' laPoujna”? A'i. Ma' ałpic'a tixoj'ma cunlata tolu'iyale'me: “Pablo jouc'a liłejmale ałpomxiye”. Tołta'a tołnes'me ja'ni limetsaico'monga' illanc' lummeponga' ŁanDios. Jouc'a ti'i'ma tołtalai'e'mola' iłne naihuejpá li'huáquila' xonca tetentococola'. Iłne aimipo'noyi cuenna te ts'i'ic' lınxajma'. ¹³ Tama ałnesconga', ticuayi: “Iłque Pablo tipalay to łamac'ta”, o ticuayi: “Pablo tocomma acueca' quipicuejma’”; iya' cacua: ¿Te co'iya? Ja'ni tocomma to ninc'amac'ta illanc', tołta'a ał'eyi lanic' lalapi'iponga' ŁanDios. Ja'ni tocomma to acueca' lałpicuejma' lalapi'iponga' ŁanDios, tołta'a ałmuc'ilhuo' imanc'.

¹⁴ Ał'nujuaisyi li'epa Cristo. Iłque ałsimponga' ninc'icuanuc'la, icupoxi tima'anłe. Mał'nujuaisyi iłta'a aimi'iya mał'eyacu lalatenłococoyaconga'. Joupá itsufaipa lałpicuejma' te ts'i'ic' li'ipa iłque Cristo. Limanapa Cristo iłque i'najcuf'mola' liłjunac' jahuay lan xanuc'. Tołiya tocomma to jahuay joupá imanapola' jouc'a. ¹⁵ I'najcuf'mola' liłjunac' jahuay lan xanuc' tuyalaicolė ituca' lapajnya. Ticuicomma aimicuxeyacołtsi quıłtuca', aimihuejyacu quıłtuca' liłpicuejma'. Tihuejcolė iłque limanapa i'najcuf'mola' liłjunac', lijou'ma imaf'ina'ma.

¹⁶ Tołiya illanc' lapenufpola' lan xanuc' a'i to qui'ic' liłsans, liłraza o ja'ni i'hueca o aiqui'hueca. Tołta'a lił'ejma' iłniya pe naihuejcopá quıłtuca' liłpicuejma'. Ja'ni luyaipa quitine tołta'a lałnescopa Cristo, itsiya a'i. ¹⁷ Itsiya linca ipai'ipa nulemma lałpicuejma'. Cristo lapenufponga', lapi'iponga' al ts'e lałpitine, ipangoconapa lałpepajnya. Al te'a la'ejma' joupá ijoupá. Jahuay i'ipa ats'e. Ma' anuli lo'ipola' jahuay iłne lepenufpola' Cristo.

¹⁸ Linca jahuay iłiya li'epa ŁanDios. Iłque i'epa liłpic'epa, ałıtonc'e'e'ponga' lałjunac', ałejmale anuli. Tołiya umme'ma Jesucristo ticuxoxi, timatsi jiłpe lancruz. Małque ŁanDios lapi'iponga' lałmane lu'itsola' lan xanuc': “ŁanDios aimixtuc'olhuo', tepenuf'molhuo’”. ¹⁹ Lu'ila': “Limanapa Cristo jiłpe tipa'a ŁanDios. Jiłpe iłonc'e'epolhuo' jahuay lopa'nepolhuo' imanc' nołmana' fa'a li'a łamats', imanc' pe aimi'iya monłejmaleyacu ŁanDios. Aiquitac'uıłhuo' lołjunac', itac'uipa Cristo. Tołta'a epi'i'molhuo' lane tonłejmalete ŁanDios.”

Małe lałpenic' lu'itsola' tołta'a. ŁanDios lapi'iponga' lataiqui' laluya'apa. Iłe lataiqui' tuya'e': “ŁanDios aimixtuc'olhuo'. Tepenuf'molhuo’.” ²⁰ Illanc' epaluc' Jesucristo. Małpalaiyi illanc' tocomma to ŁanDios tixc'ai'ila' lan xanuc'. Luya'ayi, lu'ila': “Cristo lummeponga'. Ałsahue'elhuo': Tołejmalete ŁanDios.”

²¹ Cristo tama ailopa'a quıjunac', ŁanDios iximpa to ixcay lipicuejma', itel'mipa. Iłque Cristo i'onłicopoxi to illanc', i'najtsepa lałjunac'. Tołta'a, ja'ni Cristo lapenufponga', ŁanDios ał'onłicoponga' to Cristo, ałsininga' to ailopa'a całjunac'.

6

¹ Illanc' ŁanDios ał'eyi lanic' anuli. Ałsc'ai'iyaleyi, lu'ila': “Tıjoułta' titoc'itsolhuo' ŁanDios aimoluyalaico'me to li'ipa”. ² ŁanDios ticua: Litine laıłxp'epa catoc'i'mo', iłe litine aıcujpo'.

Litine lainespa: Cunhu'eyale'ma, mañe litine aitoc'ipo'.

Iya' camilhuo': Litine linescopa ÑanDios "... ñe litine", ma' itsiya. Itsiya ti'hua tunhu'eyale.

³ Mañeyi canic' anuli ÑanDios aimañeyacu lixcay. Añcuayi: "Ja'ni ac'a lañejma' lan xanuc' aimetets'iyacu lañenic'". ⁴ Itine itine añcuayi: "Ti'ila' quilsina' añinca añeyi lanic' anuli ÑanDios". Añ'ommoñaispá jahuay: Ja'ni añteñcoyi, ja'ni lahue'enga', ja'ni tocommma añtants'inga' lapajnya, ⁵ ja'ni añsinc'ue'enniga', ja'ni añtats'enniga', ja'ni alahuoc'huaiyininga', ja'ni añeyi juaiconapa acueca' canic', ja'ni añhaquinga' cahuí, ja'ni añsnet'lyi mañjoc'iyi ÑanDios, jahuay ñna'a añ'ommoñaispá.

⁶ Aimañfel'miyaleyi. Lañpicuejma', lañtaiqui', lañejma' anuli le'a. Limet-saiconayi te loya'apa Lataiqui', añsnet'lyi lañ'emponga', añpalaic'ola' jahuay lan xanuc', añmujiyi lapenufpá cal Espíritu Santo, añ'ela' capic'a lañ'as xanuc', añ'nujuaitsila', a'i ma le'a mañnesyi: Ima' ca'ehuo' capic'a.

⁷ Luya'ayi ma' al ñinca cataiqui', añmujiyi al cueca' lo'epa ÑanDios, añeyi al c'a, toñta'a añcuanajcoyotñsi, aluliquila' lalixtuc'o'ponga'. Toñta'a añmujiyotñsi añinca ÑanDios lapi'iponga' lañenic' lañ'epa.

⁸ Ja'ni al c'a luyalaicoyi, ja'ni a'ijc'a laluyalaicopa, ja'ni al c'a añnesconga', ja'ni a'ijc'a lañescoponga', ja'ni añminga' cataiqui', tñcuayi: "Imanc' toñfel'miyale", o ja'ni añpalaic'onga', añminga': "Toñcuayi ma' al ñinca", ⁹ ja'ni aimalimetsaiconga' o ja'ni limetsaiconga', ma' anuli añmujiyotñsi añeyi lanic' lalapi'iponga' ÑanDios.

Tama tocommma ji'hua añmana'monga', ñalsintsonga'! ñma' añmañ'i! Tama añteñ'minga' a'i cañma'anga'. ¹⁰ Tama añteñcoyi luyalaicoyi tixoquei calata. Tama ailopa'a cañtomí, acueca' lalapi'ila' lañpimaye. Lapi'ila' Lataiqui' laluya'apa. Tama ailopa'a cañhueca, ñinca jahuay añ'huexi.

¹¹ Unc'aipimaye, imanc' noñmana' ñiya' Corinto, capalaic'olhuo', camilhuo' jahuay lopa'a lañpicuejma'. Itine itine acueca' añ'nujuaitsilhuo'. ¹² Illanc' ailopa'a tintñsi. Illanc' jahuay ñalunxajma' añpalaic'olhuo', imanc' a'i. ¹³ Iya' camilhuo': Imanc' jouc'a aimalatets'i'monga', lapenuftsonga' lañtaiqui' lañsc'ai'ipolhuo'. Caxinnilhuo' to ainaxque', toñta'a capalaic'olhuo'.

¹⁴ Iya' camilhuo': Aimot'e'e'motñsi anuli ñne pe aimihuejcoyi ÑanDios. ñniya aimitoc'iyacolhuo'.

Ima', ÑanDios jounpa ñlanc'e'epo' loñpicuejma', ¿te comuc'iyaco' ñque pe aimihuequi locuxepa ÑanDios? Lipuqui' y litine, ¿te tiyejmale'me? ¹⁵ Cristo y Satanás, ñque ñecui'impá Belial, ¿te ñniya anuli ññpicuejma'? Ima' toñhuaiyinge ÑanDios, ñque aimi'huaiyinge, ¿te anuli loluyalaicoyacu? ¹⁶ Lejut'ñ ÑanDios y landiosla', ¿te ti'ima tixinc'ne'motñsi? Imanc' ejut'ñ ÑanDios, ñque ñimañ'i' CanDios. Mañque tñcua:

Pe lomana' ñniya ññpe capajnta, mañpiya añsim'ma aimañ'i', camuj'moxi iya' ñinca ñlenDios, ñniya aixanuc'.

¹⁷ Toñiya: Tolihuejcoñe lomipolhuo' ÑanDios. ñque tñcua:

Tolanajtsoñsi ñne pe aimalihuequi iya', tonñe aculi'.

Aimoliñoc'olai'me ññpe pe lañflaijpa, ñe al xujc'a.

Tijouñta' capenufna'molhuo'.

¹⁸ Imanc' alimetsaico'ma iya' ol'Ailli',

iya' quimetsaico'molhuo' ainaxque' amijcanó, ahuats'la'.

Iya' ÑanDios, toñta'a lañcuapa. Iya' jahuay cacuxe.

7

¹ Maicunc'aipimaye, ac'a juaiconapa ñe licuapa ÑanDios, ñe laluponga'. ñLihuejcoñe! Añ'etsotñsi limpio. Ja'ni lañcuerpo, ja'ni lañpicuejma',

aimaɫxisc'econa'moɫtsi. Ti'ila' le'a al c'a la'eyacu. Lihuejco'me LanDios. Toɫta'a itine itine ti'hua tilajm'ma laɫpicuejma', xonca tetenɫcoco'ma LanDios. La'ejma', jouc'a ti'hua tilajm'ma, tijoula' ti'onɫta to li'ejma' LanDios.

² Unc'aipimaye, aimalatets'i'monga', limetsaicotsonga', illanc' oɫpimaye. Maɫmana' jilpe nij naitsi caɫ'najtsecopa a'ijc'a. Aɫ'epá ma le'a al lijca. Nij naitsi caɫpo'nopa pangay pangay. Nij naitsi caɫfel'mipa. ³ Laifnespa toɫta'a aicatalelhuo'. Joupa aimipolhuo': Itine itine aɫ'nujuaitsilhuo'. Ja'ni oɫmafi' tixoqui calata. Ja'ni joupa imanapolhuo' tocomma jouc'a aɫmanaponga'. ⁴ Iya' juaiconapa ca'huaiyingilhuo'. Acueca' ac'a lainscopolhuo'. Tama aɫteɫcoyi tixoqui neta juaiconapa cuyaijma, joupa lixoc'impa neta.

⁵ Aɫcuaitsa fa'a lamats' Macedonia ti'hua aɫteɫcoyi, aicalunxaqui. Ni petsi lahuelojnyi timana' la'eponga' laic', jouc'a jilpe ɫalunxajma' aɫsueɫcoyi. ⁶ Linca LanDios lixoc'iponga' calata, ummepa ɫaɫpima Tito, aɫsimpɫtsi. Toɫta'a li'ejma' LanDios, ja'ni aɫhuotsoyi lixoc'i'monga' calata. Illanc' tixoqui calata aɫsimpɫtsi Tito. ⁷ Li'ipa caɫsina' imanc' joupa olixoc'ipa queta Tito, xonca tixoqui calata illanc'. Itque lu'iponga': "Lapimaye nomana' liɫya' Corinto juaiconapa tijanajyi tixintso'. Ixhuej'menamma ite li'ipa jilpe, itsiya linca tihuejco'mo'."

⁸ Iya' lijoupa lainumme'epolhuo' coɫje'e, ite laininiɫ'epolhuo', caxhueɫma. Cacia: Ite laije'e aga tihuos'mi'mola' juaiconapa lapimaye. Itsiya aicaxhueɫcocongua. Ite laije'e tama ihuos'mipolhuo' a'i nulemma quitafc'ilhuo'. ⁹ Iya' tixoqui neta. Linca ite laipixojma' cata aicalapi'i ite laihuos'mipolhuo'. Imanc' joupa oɫsuej'menamma al xujc'a li'ipa jilpe, toliya tixoqui neta iya'. Ite loɫsuej'menamma tetenɫcocojma LanDios. Toliya aiximpa ailopa'a qui'e'epolhuo' laije'e. ¹⁰ Petsi liɫpihuotsoqueya tetenɫcocojma LanDios linca ixhuej'menamma li'epa. LanDios tunɫu'e'mola'. Aimipai'iyacu liɫpicuejma'. Timana' nohuotsopá petsi LanDios aimetenɫcocoya li'ejma'. Itne naihuejpa quita'ca' liɫpicuejma', tejac'em'mola'.

¹¹ Linca i'huáqui joupa oɫsuej'menamma. Itsiya toɫpo'noyi cuenna te ts'i'ic' loɫ'epa. Oɫspic'epá oɫɫalai'ecopoɫtsi, olixuc'opá itque ni'epa lixcay, oɫsimpá axpaiqui' lo'iyacolhuo', juaiconapa toɫjanajyi aɫsintsoɫtsi, oɫspic'epá nulemma toɫsanutsoɫtsi cataiqui', joupa oɫ'epá lijca, oɫteɫ'mipá ni'epa lixcay. Joupa aɫmuc'iponga' aicoɫtaic' lajunac', ma le'a anuli jilpe i'epa lixcay.

¹² Iya' jilpe laininiɫ'epolhuo' tama quixtu'hua itque ni'epa lixcay jouc'a aiximpa cuanuc' locuena iteɫcopa, xonca aipic'a tolimetsaicotsoɫtsi te ts'i'ic' loɫpicuejma', aipic'a toɫmuc'ite LanDios, toɫmujtsoɫtsi aɫinca aɫ'nujuaitsinga' illanc'.

¹³ Aɫsimpá toɫta'a lixoc'iponga' calata.

Xonca lixoc'iponga' calata ite lipixojma queta Tito. Imanc' joupa olixoc'ipá queta. ¹⁴ Iya' joupa aimipa Tito: "Laɫpimaye nomana' Corinto ac'a xanuc'. Lihuejco'ma." Itsiya aicaxina' calaic'ata ite lainscopolhuo'. Maɫmana' jilpe aɫpalaic'opolhuo' ma le'a al linca. Jouc'a al linca ite laɫnescopolhuo' aɫmipá Tito. Itsiya toɫta'a i'huáqui, lihuejma. ¹⁵ Itsiya Tito xonca ti'elhuo' capic'a, ti'nujuaitsilhuo' imanc' loɫ'ejma'. Ti'nujuaitsi ac'a olapenufpá, aicoɫ—loɫ'e'moɫtsi. Oɫspic'epá toɫ'oc'etsotsoɫtsi, tetenɫcocoɫa' loɫ'ejma'. ¹⁶ Itsiya iya' tixoqui neta juaiconapa. Aixina' ti'i'ma ca'huaiyijm'molhuo'.

8

¹ Unc'aipimaye, itsiya lu'i'molhuo' te ts'i'ic' li'ejma' laɫpimaye nafaɫyomma lamats' Macedonia. Itniya LanDios acueca' lipaxnepola', epi'ipola' liɫpicuejma' titoc'ite liɫpimaye. ² Itne laɫpimaye nomana' lamats' Macedonia tama titeɫcoyi juaiconapa, tama acueca' tehue'ela', tixoqui quileta efot'lepá acueca' al tomí tumme'me, titoc'ite liɫpimaye. ³ Ma to ts'il'hueca icupa. Lijou'ma, tama

tocomma aimi'iya micuconayacu, icuconapá. Aiquixahue'ennila'. Iñe quiltuca' lipicuejma' ixpic'epá ticufe. ⁴ Ahsahue'eponga' juaiconapa, aħminga': "Lapi'itsonga' lane jouc'a illanc' aħtoc'itsola' laħpimaye, iñe jouc'a i'huexi ĽanDios. Illanc' jouc'a alafot'lele laħtomí." ⁵ Illanc' aħmila': "Ne". Aħcuayi laħpicuejma': "Iñe tefot'le'me liħtomí". Ľinca, xonca acueca' i'epá. A'i ma le'a efot'lepá liħtomí. Ate'a icu'moħtsi laħPoujna, lijoupa aħmiponga': "Lihuejco'molhuo' imanc". Toħta'a lixpicepa ĽanDios.

⁶ Illanc' laħsimpa li'epa laħpimaye nomana' Ľamats' Macedonia aħcuapá: "Laħpimaye nomana' Corinto jouc'a tefot'lele nulemma al tomí locuyacu". Tito joupa ehuejnhuo'molhuo' anulemma. Imihuo'molhuo': "Toħpangote tolafot'lele al tomí, iħe lolapi'iyacola' loħpimaye". Itsiya lumme'econa'molhuo' Tito tipalaic'otolhuo' tolafot'leconħe al tomí. Jouc'a timiconatolhuo': "Imanc' joupa oħpangopá tolafot'leyi al tomí, itsiya toħjou'neħe iħe lonħ'epa". ⁷ Imanc' toluliquila' loħpimaye nomana' ocuenaye quihelolħya'. Xonca toħ'huaiyijnyi ĽanDios, xonca al c'a toħmuc'iyaleyi Ľitaiqui', xonca oħsina', xonca toħihuejcoyi, xonca toħ'nujuaisyi ĽanDios, jouc'a xonca toħ'nujuaitsila' loħ'as xanuc', tonħ'ela' capic'a. Toħta'a olapejpá Ľitaiqui' laħmuc'ipolhuo'. Itsiya camilhuo': "Ne". Xonca toħtoc'itsola' loħpimaye."

⁸ Aicacuxelhuo'. Aipic'a toħmujtsoħtsi aħinca toħ'nujuaisyi ĽanDios jouc'a tonħ'ela' capic'a loħpimaye, toħiya canescola' ac'a li'epa laħpimaye nomana' Ľamats' Macedonia, cu'ilhuo'. ⁹ Imanc' oħsina' li'epa laħPoujna Jesucristo. Mipa'a lema'a jahuay i'hueca, aimehue'e'. Ixpicepa titoc'itsolhuo'. Ipic'a imanc' jouc'a aimehue'e'molhuo'. I'epoxi to cal xans pe aiqui'hueca. Ipo'nopa iħe Ľi'huexi, toħta'a toħapenuħta acueca' coħ'huexi.

¹⁰ Iya' cacua aimicuicomma cacuxeyacolhuo'. Aicamiyacolhuo': "Tolafot'ħetsa al tomí". Xonca tetenħma caxc'ai'i'molhuo'. Imanc' Ľinca olulijpola' laħpimaye nomana' Macedonia. Ixhuaita anuli camats' Ľipangopa lolafot'ħepa al tomí. Imanc' a'i ma le'a ate'a oħpangopá tolafot'leyi al tomí, jouc'a ate'a oħspicepá toħ'ħetsa toħta'a. ¹¹ Itsiya toħsuai'nitsa iħe lolafot'ħepa al tomí. Toħta'a a'i ma le'a toħnes'me: "Ne', ne', joupa aħspicepá", jouc'a toħanant'ħi'me iħe loħtaiqui'. Ma to ts'oħ'hueca toħta'a toħcuta. ¹² Petsi ahuata ts'i'hueca ĽanDios aimimiya: "Tapi'ħħa' acueca". Ts'i'hueca acueca' tepi'i'ma acueca'. Ts'i'hueca ahuata tepi'i'ma ahuata. Ja'ni ahuata o acueca' locuya cal xans, ja'ni tixoqui queta tucu'ma, iħque lo'eya tetenħcocojma ĽanDios.

¹³ Iya' laixc'ai'ipolhuo': "Toħtoc'itsola' loħpimaye", Ľte ja'ni aipic'a ma le'a iħne loħpimaye xonca al c'a tuyalaicotsa, tijouħa' tehue'etsolhuo' imanc'? A'i. Toħta'a aicaipic'a. ¹⁴ Iya' cacua: Jahuay anuli toħuyalaico'me al c'a. Itsiya imanc' aimehue'elhuo'. Loħpimaye aiqui'hueca. Imanc' toħtoc'i'mola'. Tijouħa', mouqui o pitsu, ja'ni tehue'etsolhuo' imanc', iħniya titoc'i'molhuo'. Toħta'a toħuyalaico'me al c'a jahuay imanc'. ¹⁵ Ma to Ľoya'apa al Paxi Ľinħingiya toħta'a lo'iyacolhuo':

Iñe nefot'ħepá xonca axpe' aiquipanenni,
petsi nefot'ħepá huata aiquehue'e'mola'.

¹⁶ Cax'najtsi'i ĽanDios ipo'no'ipa Ľipicuejma' Tito titoc'itsolhuo', tixc'ai'itsolhuo'. Toħta'a i'ipa anuli laħpicuejma', iya' y Tito. ¹⁷ Iħque Ľinca epenuħpa laħmipa: "To'ħua'ma, tahuejntola' laħpimaye nomana' Ľiħya' Corinto". Iħque Ľi'huapa a'i ma le'a Ľihuejco'monga' laħsahue'epa illanc'. Maħque quituca' ixpic'epa ti'ħuaħa'.

¹⁸ Alummeysi jouc'a ocuena caħpima, tiyejmale'me Tito. Ni petsi lafoħyomma, laħpimaye tipalaicoyi al c'a iħque laħpima. Timetsaicoyi tuya'e' Ľitaiqui'. ¹⁹ Laħpimaye nafot'ħepoħtsi Ľamats' Macedonia i'ħuij'epá iħque laħpima aħejmaleħe,

alacantsa lahtoc'iyacola' lahpimaye pe nahue'epola'. Illanc' caltuca' aimaleyacu, aimicuicomma. Alpic'a tixinle acueca' ac'a lahpoujna, jouc'a alsinintsonga' ac'a la'ejma', alsinintsonga' alinca altoc'ila' lahpimaye, aimalipa'ayi al tomí, ile la'hua'ayacu. Ja'ni alpalaicom'monga' a'ijc'a jouc'a tetets'i'me lahpoujna. ²⁰ Illanc' alpo'noyi cuenna. Acueca' al tomí, ile lahtaiyacu, tohiya alcuayi: "Alpo'no'me cuenna". Ja'ni a'i ti'i'ma alcu'f'monga', almi'monga': "Imanc' oltepá al tomí". ²¹ Ni petsi lahtseyacu, jahuay la'eyacu, alpo'noyi cuenna, alcuayi: "Alsintsonga' lan xanuc', jouc'a LanDios alsintsonga', al'eyi al c'a".

²² Lummela' afantsi lapimaye, ihniya Tito, jouc'a locuena capima, jouc'a ocuena'ya lahpima. Ique lahpima jahuay locux'e'empa tixoqui queta ti'e'ma. Tohta'a almuc'iponga' axpe' mi'ay. Itsiya xonca tixoqui queta ti'hua'ma jilpiya, tipalaic'otolhuo' imanc'. Ti'huaiyingilhuo' juaiconapa. ²³ Tito al'ejmalepá. Ma' anuli al'eyi lanic' lalapi'iponga' LanDios. Iya' ma capanehuo fa'a, ique ti'hua'ma jilpe pe lohmana'.

Loquexi' lapimaye ihne ummempola' lapimaye nafolyomma ocuenaye quitelotya', ihne linca timujyi acueca' ac'a hlpoujna Cristo. ²⁴ Tolapenuftsola' lam fantsi lapimaye. Tohmuc'itsola' imanc' al'nujuaitsinga'. Illanc' joupa ahnescopolhuo' al c'a. Tohmuc'itsola' ahnca lahnespa. Tijoula' tohta'a ti'i'ma quilina' lapimaye nafolyomma locuenaye quitelotya', tuya'ata ihniya lummempola'.

9

¹ Tohe laixc'ai'ipolhuo': "Tolapenuftsola' lapimaye". Aicamiyacolhuo' xonca. Joupa olsina' lonf'eyacu, tohtoc'i'mola'. ² Imanc' tixoqui cunlata tohtoc'ila' lohpimaye. Tohta'a laifpalaicopolhuo'. Joupa nu'ipola' lapimaye nomana' Macedonia, aimipola': "Luyaipa camats' ihne lapimaye nomana' lamats' Acaya joupa efot'lepá al tomí. Ma le'a tehue'ela' tummetsa." Licuej'me tohta'a axpela' ihniya icua'me: "Illanc' jouc'a altoc'i'mola' lahpimaye". ³ Itsiya cumme'e'molhuo' lam fantsi lapimaye, tixintsolhuo' ja'ni olafot'lepá al tomí. Ja'ni a'i, ile lainscopolhuo' al c'a ti'i'ma ma le'a ataiqui'. ⁴ Luyaicotsa jilpe iya' jouc'a oquexi' afantsi lapimaye lun Macedonia, alcuaita ja'ni aicoljou'ne colafot'le al tomí, linca alsinna calaic'ata. Illanc' joupa alpalaicopolhuo': Joupa olafot'lepá al tomí. Ja'ni aicolafot'le, ¿te imanc' aimolsinyacu calaic'ata jouc'a? ⁵ Tohiya cumme'e'molhuo' lapimaye. Joupa aixc'ai'ipola' lo'eyacu. Ihne tiye'me jilpe pe lohmana'. Tu'itolhuo' tolsuai'nile al tomí lolafot'leyacu. Tijoula' ca'hua'ma iya'. Imanc' joupa olpo'nopá cataiqui', tolcu'me acueca'. Ne', tolafot'lele nulemma. Ja'ni a'i cacuaiti iya' ticuicomma caxahue'etolhuo'. Tohta'a aicaipic'a. Aipic'a imanc' coltuca' tolcu'me.

⁶ To'nujuaita: Nofapa ahuata tefot'le'ma ahuata. Nofapa acueca' tefot'le'ma acueca'. ⁷ Ja'ni afule mocu'ma, o ja'ni to'huijma ticuxe'entso', ile lo'ejma' aimetenma LanDios. Cal xans ja'ni tixoqui queta ticu'ma litomí ile lo'epa tetencocojma LanDios. ⁸ Ma'que LanDios acueca' nipajnya titoc'i'molhuo'. Jahuay litiné nipajnya tepi'i'molhuo' laicuicomma, xonca tepi'i'molhuo'. Tohta'a aimi'i'ma cahue'eyacolhuo'. Tijoula' ti'ila' col'huexi, ti'hua tonf'e'me al c'a, ti'hua tohtoc'i'mola' lohpimaye. ⁹ Al Paxi Linilingiya tipalajma cal xans no'epa ile al c'a, ticua:

Tica'nela' li'hueca, titoc'ila' pe lahue'epola'.

Ile al c'a li'ejma' aimimenc'econyacu.

¹⁰ Lam fanu' lofapa lan xanuc', lepi'ipola' LanDios. Ma' anuli la'i lotepa, LanDios lepi'ipola'. Ma'que LanDios tepi'i'molhuo' ile lolapi'iyacola' lohpimaye. Tijoula' xonca acueca' tepi'i'molhuo'. Ja'ni ac'a lonf'e'epola' lohpimaye, xonca

al c'a tepi'innolhuo'. ¹¹ Imanc' aimehue'eyacolhuo', ti'i'ma tołtoc'icona'mola' acueca' lołpimaye.

Lapimaye napenufyacu lałtaiyacu illanc', ihe lolapi'iyacola', tix'najtsi'i'me ŁanDios, timuj'me acueca' iłque. ¹² Linca lolapi'iyacola' lapimaye titoc'i'mola', aimehue'econa'mola'. Tijouł'a' xonca acueca' lo'iya. Iłniya lanxpela' tix'najtsi'i'me ŁanDios. ¹³ Lepenuftsa lolapi'iyacola', lapimaye tixim'me acueca' ac'a lo'epa ŁanDios, tix'najtsi'i'me. Tix'najtsi'i'me, imanc' ołspic'epá tołtoc'itsola'. Tix'najtsi'i'me, ałınca tolıhuejcoyi Lataiqui', ihe Litaiqui' Cristo. A'i ma le'a ołnespá: "Lihuejco'me". Tix'najtsi'i'me, imanc' a'i cunc'afts'ile, acueca' tołtoc'ila' iłniya jouc'a jahuay lapimaye. ¹⁴ Tixim'me acueca' lipaxnepolhuo' ŁanDios, ipo'no'ipolhuo' lołpicuejma' tołtoc'itsola'. Toliya ti'nujuais'molhuo' juaiconapa, tixahue'e'me ŁanDios titoc'itsolhuo' jouc'a.

¹⁵ X'najtse'eya ŁanDios, jounpa lapi'iponga' iłque xonca acueca'. Iłque lałapi'iponga' ŁanDios aılopa'a co'onłcoya.

10

¹ Iya' ninPablo caxa'huelhuo' lihuejcotsonga'. Toł'nujuaitsa li'ejma' lałPoujna Cristo. Iłque amanxu. Aiquiłof'eyoxi, i'ommaita lił'ejma' lan xanuc'. Timana' jilpe nałnescopa, ticuayi: "Iłque Pablo małmana' anuli tocomma to ninaitsi xans. Mipa'a ocuena quıłya' jilpe lixtuc'onga', linił'enga', ałtalenga'. Fa'a a'i."

² Linca ti'i'ma quixtuc'o'mola' hualca nomana' jilpe, iłne nonespá: "Pablo y liłejmale tihuejyi ma quıłtuca' liłpicuejma'". Caxa'hueconalhuo': Lihuejcotsonga'. Tołta'a aimalixtuc'oyacołtsi. ³ Iya' camilhuo': Tama ninc'ixanuc' aimalihuejyi całtuca' lałpicuejma'. A'i tołta'a małcuanajcoyołtsi. ⁴ Linca ŁanDios lapi'iponga' lałpa'necoyacołtsi. A'i tołta'a mepi'iyacola' lan xanuc' naihuejpa quıłtuca' liłpicuejma'. Illanc' xonca acueca' lałmane lałapi'iponga' ŁanDios, ał'oc'enatsola' iłne petsi tocomma aimi'iya muliquinyacola'. Ti'i'ma lulij'mola' nopalaipá, iłniya atsila' liłtaiquí, ⁵ jouc'a pe nołof'epołtsi, nocuapá: "Jounpa aixina". Iłne tetets'iyi ŁanDios, aiquiłsina' te ts'i'ic' lipicuejma'. Ti'i'ma ałmuc'i'mola' timenaquila' iłniya pe nołpic'epá lo'eyacu iłne quıłtuca', tihuejcołe Cristo. ⁶ Tołta'a camilhuo': Lihuejcotsonga' illanc'. Tijouł'a' ja'ni hualca aimalihuejcoyacongá' ałtel'mitola'. Jounpa ałspic'epá ihe lał'eyacu.

⁷ Imanc', ¿te limetsaiconga' le'a to lał'ejma' małmana' anuli jilpe? Aga timana' jilpiya nocuapá: "Illanc' linca lapenufponga' Cristo". Iya camila' iłniya: "Tołspic'econale imanc' cołtuca' lołpicuejma'. Tołta'a limetsaico'monga' illanc' jouc'a lapenufponga' Cristo, a'i ma le'a imanc'." ⁸ Iya' jounpa aimipolhuo': "ŁanDios lapi'iponga' lałmane". Ja'ni capalaicocona'ma tołta'a ma' al linca laıfnuya'aya. Aicaxinya calaic'ata.

Ihe lałmane lapi'iponga' lałPoujna. Iłque ixpic'epa ałtoc'itsolhuo', tifayıł'a' xonca' lołpicuejma', aimalajac'eyacolhuo'. ⁹ Cacia: Ihe laininił'epola' laıpimaye, ¿ja'ni tixpaic'e'mola'? Toliya aimipolhuo': Aimalajac'eyacolhuo'. ¹⁰ Linca jilpiya timana' nocuapá: "Pablo, jilpe lije'e atsila' lałtaiquí linespa. Minił'ma acueca' ałcuxenga'. Micuaihuo fa'a ałsinyi ni mipalay c'a." ¹¹ Iya' cacia: Ne', ti'ıł'a' quıłsina' iłniya jounpa imenajpola'. Ma to muya'e' lałje'e laliniłpa fa'a, ma' anuli lał'eyacu jilpe.

¹² Jilpiya timana' nonescopołtsi al c'a, ticuayi: "Illanc' linca ał'eyi lanił' lalapi'iponga' ŁanDios". Iłne tehuelojnyołtsi ma quıłtuca'. Toliya tixinyołtsi to lan c'a xanuc'. Illanc' aimi'iya mał'onliyacongá' to iłniya. Tocomma xonca lan tsila' xanuc'. Ne', tipajnlá'. Ma le'a cacia: Petsi acueca' lipicuejma' aimi'eya to iłniya. ¹³ Illanc' ja'ni ałpalaico'mołtsi ałspij'me lałtaiqui'. Ałpalaico'me li'ipa mał'eyi lanił', ihe lałpenic' lalapi'iponga' ŁanDios. Ma' iłque ŁanDios lu'iponga'

petsi la'eyacu lanic'. Tohiya cahtsecohuo'me pe lołmana', jilpe ał'etsa lanic'.
¹⁴ Ja'ni coła' aicahsec' pe lołmana', ja'ni coła' aicai'aic' canic' jilpiya, ¿te ti'i'ma cacuxe'molhuo'? ¿Te ti'i'ma camimolhuo': "Lihuejco'monga"? A'i, aimi'iyá. Illanc' alinca ninc'itet'la ahtsehuo'me jilpiya. Jilpe joupa luya'ahuo'me Lataiqui'.

¹⁵ Aimalpalaicoyi lo'epa locuenaye. LanDios joupa ixpicufpa lamats' la'eyoyacu lanic' illanc'. Jilpe ał'epá lanic'. Alpalaicoyi li'ipa malpiya.

Alcuayi: Lalpimaye nomana' Corinto ti'hua ti'huaiyijnyi Jesucristo. Ti'ila' xonca acueca' li'huaiyijmpa, xonca limetsaico'monga'. Tołta'a xonca ał'eta lanic' petsi LanDios lixpicufpa ał'etsa. Aimaltsuflaiyacu locuenaye liipenic'.

¹⁶ Tijoula', le'me xonca aculi', a'i ma le'a pe lołmana' imanc'. Le'me petsi LanDios lalumme'eyaconga'. Pu'huanni ał'eta canic'. Tijoula' alpalaico'me ile lanic' la'epa illanc', a'i lanic' li'epa locuenaye.

¹⁷ Iya' cacua: Cal xans ts'ipic'a tipalaicoła' al cueca', ne', tipalaicoła' lałPoujna. ¹⁸ Cal xans nopalaicopoxi quituca', ja'ni tinesla': "LanDios alum-mepa", ilque aimi'iyá mepenufnyacu. Ja'ni LanDios timujla' lummepe, linca ti'i'ma tepenufim'me.

11

¹ Aga capalay to lamac'ta. Imanc' toł'ommołaitsa laifmipolhuo'. Alquimf'ela'. Aixina' toł'ommołaita. Ne', ti'hua toł'ommołaitsa. ² Linca ca'elhuo' capic'a juaiconapa, ile laipicuejma' joupa lapi'ipa LanDios. Litine imanc' loł'huaiyijmpa Jesucristo aimipa ilque: "Ti'itso' to quilpe'Ailli' ihniya. Tołta'a litine tocuaicoconanni cacutsola', toxim'mola' to anuli cal c'a cahuats'. Tapenuf'mola' tołta'a." ³ Itsiya caxhuełma. Ca'nujuaiti li'ipa Eva, ifel'mipa lainofal, acueca' a'ijc'a lipicuejma' ilque. Cacua: Lalpimaye nomana' Corinto aga tifel'mim'mola' jouc'a. Tijoula' tihuej'me ocuena, a'i le'a Cristo. ⁴ Joupa aiximpolhuo' imanc' loł'ejma'. Ja'ni ticuaita jilpe ilne nopalaicopá tocomma ocuenaj Jesús, a'i to lałpalaicopa illanc', o ja'ni mepi'innilhuo' ocuena' espíritu, a'i to joupa lolapenufpa, o ja'ni ocuena cataiqui' loya'apa, a'i to joupa lolapejpa, imanc' tixoquei cunlata tołquimf'eyi, toł'ommołaispá.

⁵ Ilne nomuc'ipolhuo', imanc' tołsinnila' to xonca lan tsila' apóstole. Ilne, ¿ja'ni luliqi iya'? Cacua: A'i. ⁶ Iya' tama a'i nomxi cataiqui', linca LanDios lapi'ipa laipicuejma'. Jouc'a tipa'a laixina'. Aixina' cuhuałma Lataiqui'. Malmana' jilpe tołta'a al muc'iyaleyi.

⁷ Iya' capa'a jilpe ca'e'eyoxi to ninaiti xans. Ailopa'a cainepenufpa. Ma cuya'e' Lataiqui' aica'najtsi'ilhuo'. ¿Te a'ijc'a ile laif'epa? ¿Te tohiya latets'ipa imanc'? ⁸ Lai'epa lanic' jilpe pe lołmana' imanc', lume'e caitomí lapimaye lafolyomma ocuenaye quihelolya'. Tocomma to ca'najtsi'ila' ilne lapimaye, tijoula' catoc'ilhuo' imanc'. ⁹ Capa'a pe lołmana' tama lahue'epa aicaixa'hue'molhuo' imanc'. Aimi'moxi: "Aicaxoc'iyacola' laipimaye nomana' liya' Corinto". Ma' anuli itsiya, tołta'a laifnespa. ¹⁰ Ile lai'ejma' caxina ac'a. Jahuay lamats' Acaya ailopa'a nalpai'iyá laipicuejma'. Laifcuapa tołta'a aicafel'milhuo', iya' quihuequi Cristo. ¹¹ ¿Te caifcuacopa tołta'a? ¿Te ja'ni aica'elhuo' capic'a? ¿Te catets'ilhuo'? A'i. LanDios ixina' ca'elhuo' capic'a. ¹² Tama ca'elhuo' capic'a ti'hua ca'e'ma to ca'ay. Tołta'a alcuanaajco'moltsi iya' y lalejmale. Tołta'a ti'i'ma lałtalai'e'eyacola' ilne pe no'e'epoltsi to lan tsila' apóstole, ilne ti'e'eyoltsi anuli illanc'. Almuj'me a'ij linca lonespa.

¹³ Ilne a'i apóstole, pangay infel'miyale. Ile lanic' lo'epa aiquepi'ila' LanDios. Ma le'a ti'e'eyoltsi. Cristo aicummela'. ¹⁴ ¿Te cołcuapa: "A'i tołta'a mi'i"? Camilhuo': Ti'i. Lonta'a Satanás, qui'huayomma al muf, ilque ti'e'eyoxi to lałaluc quema'a. Ti'e'eyoxi to qui'huayomma pe lopa'a pangay quepalc'o'.

15 Ja'ni ñonta'a ti'e'eyoxi to quepaluc ÑanDios, ñque lo'epa le'a al c'a, ñinca ma' anuli ti'e'e'moñtsi ñne lummepola' ñonta'a. Itsiya toñta'a lo'epa, tijoula' ti'ñajtsi'im'mola' ñe li'epa lixcay.

16 Camiconalhuo': Añ'ommañtsi. Aimoñ'nes'me: “Amac'ta ñque Pablo”. O ja'ni toñesle toñta'a, ne', toñesle. Le'a añquimf'eñla' laifmiyacolhuo'. Tama acuej namac'ta, capalaico'moxi huata, cu'i'molhuo' te ts'i'ic' lainuyaicopa. 17 Ñe laifmiyacolhuo' capalaic'o'molhuo' a'i to anuli ts'ihuequi Cristo. Ma le'a laipemac'ta capalaico'moxi. 18 Ñinca axpela' tipalaicoyoñtsi ñne quñtuca'. Iya' jouc'a ca'e'ma to ñniya, capalaico'moxi.

19 Ja'ni capalaijma laipemac'ta aixina' añquimf'e'ma. Imanc' acueca' juaiconapa colpicuejma', toñiya tixoqui cunlata toñ'ommañtsi'pola' lan mac'ta. 20 Ja'ni ti'e'etsolñtsi colpoujnalá, ja'ni texic'e'etsolhuo' loñ'huexi, ja'ni tifeñ'mitsolhuo', ja'ni ti'e'etsolñtsi to lan tsila' xanuc', tetets'ñlhuo', ja'ni titañetsolhuo', tuntaf'e'etsolhuo' loñ'a, ñinca jahuary ñna'a toñ'ommañtsi'pá. 21 Illanc' mañmana' jñpe ñinca ailopa'a toñta'a acueca' cañpujñxi. Toñiya, ¿te añsim'me calaic'ata?

Imanc', ¿te olpic'a ñne pe nopalaicoñoñtsi quñtuca'? Ne'. Jouc'a iya' capalaico'moxi caituca'. Itsiya ñinca capalay to ñamac'ta. 22 Ñne ticuayi: “Illanc' ñinca xonca ixanuc' ÑanDios. Illanc' ñinc'hebreo, illanc' ixanuc' Israel, Abraham añtatahuelo.” Ne'. Iya' jouc'a ti'i'ma canesco'moxi toñta'a. 23 ¿Te ticuayi: “Illanc' añ'eyi ñanic' lalapi'iponga' Cristo, ñque alummeponga'”? ¡Ne'! Iya' jouc'a ca'ay ñanic' lalapi'ipa Cristo. (Itsiya capalay to ñejac'pa quipicuejma'.) Cacia: Iya' joupa nulijpola' jahuary ñniya. Xonca acueca' canic' iya' lai'epa, xonca añtats'empa, xonca añsinc'ue'empa. Axpej añ'ipa tocomma añma'a'ma, afule nunñupa. 24 Ma to mi'eyi lan xanuc' judío añsinc'ue'e'ma anuxans quimbamaj pella. Amaquemma añ'e'empa toñta'a. 25 Afanemma lan xanuc' romano añsinc'ue'ecom'ma añ'ix'ec. Anulemma lipaf'quim'ma capic, ñpic'a añma'añña'. Afanemma ma caquie ñaja if'acai'ma al barco. Anulemma aipanenni anuli quipuqui', anuli quitine jñpe ñaja, lijou'ma lipa'ana'ma, lunñu'enapa. 26 Axpe' ca'hua lane, ma cuya'e' Lataiqui', aiteñcopa. Ja'ni lan tsilaj panay, ja'ni lan namats', ja'ni laif'as xanuc' judío, ja'ni locuenaye xanuc' pe aimimetsaicoyi ÑanDios, ja'ni capa'a liñya', ja'ni capa'a cal 'ec, ja'ni caquie ñaja, ja'ni capa'a pe lomana' ñne nonescopoñtsi “apimaye”, y a'i capimaye, ma' anuli cateñma. 27 Juaiconapa ca'ay canic', caxina ixoqui, juaiconapa aññacoli cahuí, axpej mañ'i cunle'e, ticuimma caija', juaiconapa caxnet'ñqui, aicatesma, juaiconapa añ'aiqui, caxina caxita, lahue'e' caipijahua', ailopa'a caifpoxya.

28 Jahuary ñiya cateñma. Jouc'a itine itine caxhueñma jñpe laipicuejma', aicunxaqui. Ca'nujuaitisila' laipimaye ni petsi lafoñyomma. 29 Anuli ñapima ja'ni a'ij cueca' ñunxajma', ¿te aicaxhueñma? Ñinca caxhueñma. Tocomma to ma' anuli a'ij cueca' ñalunxajma'. Locuena ñapima, ja'ni ic'uñlitsuf'empá, ¿ja'ni iya' aiquixtuya? Ñinca quixtu'hua juaiconapa.

30 Ja'ni ticuicomma capalaicoconaxoxi, ne', capalaicocona'moxi. Aicanesya al cueca' lai'epa iya'. Cuya'a'ma lañ'ipa, ñe añ'e'e to ñinañtsi xans, tocomma to ailopa'a caif'eya. 31 ÑanDios ixina' al ñinca laifnescoyacoxi, ixina' aicafel'miyacolhuo'. Mañque ÑanDios enDios y i'Añlli' ñañPoujna Jesús. ¡Jahuary ñitine tijauhuamlaicota añ'ñajtsi'ñe!

32 Luyaipa quitine capa'a liñya' Damasco tocomma to aicunñuya. Jñpe ts'ipenic', ñque ñifajpa cal rey Aretas, ixpic'e'ma cola' añ'noñ'ma. Ecaxu'mola' no'epá cuenna ñipuerta liñya'. Toñta'a aimi'iya quipaya iya'. 33 Lapimaye añcus'mi'ma anuli al tsiquihuiñ. Alipa'acom'ma al ventana, lacangim'ma lixpula caitañ liñya'. Toñta'a lunñu'empa limane cal rey.

12

¹ Tama latets'i'ma ti'hua capalaico'moxi la'ipa iya'. Capalaico'ma ile laifx-impá jilpe laipicuejma', ile la'muc'ipa la'Poujna. ² Ma capalaicoyoxi cacua: To'ta'a liximpa anuli cal xans lepenufpa Cristo. Ixhuaita imbamaj malpu'camats' itque cal xans if'ajpa lema'a xonca al toncay. (Ja'ni if'ajpa jouc'a licuerpo, o ja'ni ipanemma licuerpo fa'a li'a lamats', ma le'a lipicuejma' if'ajpa al toncay, aicaixina'. LanDios ixina'.) ³⁻⁴ Aixina' if'ajpa itque cal xans, icuaita pu'hua al toncay pe lacui'impá al Paraíso. (Ja'ni if'ajpa jouc'a licuerpo, o ja'ni ipanemma licuerpo fa'a li'a lamats', ma le'a lipicuejma' if'ajpa al toncay, aicaixina'. LanDios ixina'.) Jipu'hua al toncay, jilpe al Paraíso, icuej'ma tipalquinni. Ite licuej'ma aimi'iya mu'inyacu. LanDios aiquepi'ila' lan xanuc' to'ta'a li'mane, aimuya'ayacu. ⁵ Linca capalaico'ma al cueca' li'ipa itque cal xans. Aicuya'e': Acueca' lai'epa iya'. Cuya'a'ma laitelcopa, al'onlcota to ninaitsi xans. ⁶ Ja'ni aipic'a capalaicoxoxi, ma ti'i'ma, a'i mi'iya camac'ta cataiqui'. Aicafel'miyale'ma. Linca aicapalaicoyoxi. Aicaipic'a. Cacua: Limetsaico'la' ma to ma'sina'. Lahuelojnla' te ts'i'ic' laif'epa, alquim'ela' laitaiqui'.

⁷ Linca, tama al'muc'ipa ile al cueca' juaiconapa, LanDios ipic'a aicalof'e'moxi. To'ta'a lapi'ipa laiftelcopa. Jifa'a laicuerpo ixingufcopa to lanaispa litac. Epi'ipa Satanás limane, itque lume'epa anuli liponta'a luntaf'la', ti'hua luntafqui. ⁸ Afanemma caxa'hue la'Poujna, cami: "Ti'huanla' itque, aimaluntafcona'ma". ⁹ La'Poujna al'mipa nulemma: "A'i. Ma to'le tipajnla'. Iya' catoc'i'mo' to'ommaitsi, linca to'ommaita. Ihe pe ailopa'a co'eyacu, xonca timujyi acueca' laimane, acueca' laif'epa."

To'ta'a aicaxa'hueconghua LanDios. Itsiya tixoqui neta capenufi ile laiftelcopa. Aicatets'i. Ma capalaicoyoxi cacua: Ac'a laifnuyaicopa. Ma cate'ma caxina acueca' altoc'i Cristo, caxingufi al cueca' lo'epa itque. ¹⁰ Cacua: Tetentcocola' Cristo lai'ejma'. To'ta'a tixoqui neta capenufi jahuay. Ja'ni al'tafquemma, ja'ni al'miloqui cataiqui', ja'ni lahue'e', ja'ni lihuetsokinno, ja'ni tocomma atansca laipene, laifnuyaicopa, jahuay capenufi, aicahuos'miyacoxi. Ja'ni ailopa'a caipujfxi, ja'ni aimi'iya ca'eya, Cristo altoc'i, ca'e'ma acueca'.

¹¹ To'ta'a laipalaicopoxi. Tocomma nintonno. Imanc' to'taiyi lajunac'. Nipajnya al'palaico'ma ac'a, aicolcuac'. Ihe no'e'epoltsi to lan tsila' apóstole, licuaita pe lo'mana', ¿te xonca canic' qui'epa ihniya? Linca aicaluliqui tama iya' ninaitsi xans. ¹² Ma'mana' anuli jilpe aimatsospa, itine itine ca'enghua lanic' lalapi'ipa LanDios. Itque imuc'ipolhuo' alinca iya' nin'apóstol. Ihniya litiné ma'que LanDios imuj'moxi, i'e'ma al cueca' juaiconapa. Acueca' juaiconapa ipaxnepolhuo'. ¹³ Laitsehuo'ma locuenaye quitelolya', ¿te xonca ac'a lai'ejma' petsi lafolyomma locuenaye lapimaye? Linca ituca' lai'ejma' pu'huanni, capenufi al tomí lalapi'ipa ihe. Ma'mana' anuli imanc' ailopa'a cainepenufpa. Caxa'huelhuo': ¡Limenc'e'ecola' ile lalimenajpa!

¹⁴ Joupa aixpic'epa cahuejnconatolhuo'. Caculaicotsi jilpe ti'i'ma afanemma. Al'majnta anuli aicaxa'hueyacolhuo', aicamiyacolhuo': "Altoc'ila'". ¿Te aipic'a lo'huexi? A'i. Imanc' linca ca'elhuo' capic'a. ¿Te la'uhuy ti'huej'me hi'huexi titoc'ile qui'aili'? A'i. Qui'aili' linca ti'huej'ma hi'huexi titoc'itsola' linaxque'. ¹⁵ Iya' to col'aili' tixoquij neta cacu'ma jahuay lai'hueca catoc'icotsolhuo'. Cacu'moxi jouc'a. Cacua: Tijoutsí laipujfxi, tuntul—le laipimaye.

Cacua: ¿Ja'ni ca'elhuo' capic'a juaiconapa, to'hiya imanc' ahuata le'a al'ay capic'a? ¹⁶ Ne', to'le tipajnla'. Jilpe timana' na'nescopa, ticuayi: "Acueca' lipicuejma' Pablo. Mipa'a fa'a tama aiquepenufi tomí ixina' tifel'miyale.

Lijou'ma linca epenuf'ma.” ¹⁷ A'ij linca ile lilitaiqui' ilne nonespá to'ta'a. Lainum-mepola' pu'huanni, ¿te anuli ilniya ifel'mipolhuo'? A'i. ¹⁸ Aixa'huepa Tito ti'huala' tehuejntsolhuo'. Jouc'a nummepa lapima tiyejmalele Tito. ¿Ja'ni Tito ifel'mipolhuo'? A'i. Imanc' joupá a'lsimponga' ma' anuli la'picuejma', la'epa.

¹⁹ Aga to'cuayi: “To'ta'a a'talai'e'enga' Pablo y lilejmale, ticuanajcoyo'tsi”. A'i. Aimalcuanajcoyo'tsi. A'sinyi LanDios a'ljuez. Ma'palaiyi a'nujuaisyi Cristo joupá lapenufponga'. A'pic'a a'toc'itsolhuo' imanc' laicalpimaye. A'pic'a a'fa'etsolhuo' xonca lo'picuejma', to'ta'a linit'elhuo'. ²⁰ Cacuaitsi jilpiya a'pic'a latentcoco'tsi lo'ejma', jouc'a imanc' tetentcoco'tsolhuo' iya' lai'ejma', aimalixtuc'oto'tsi.

Itsiya caxhue'ma. Cacia: Laipimaye nomana' litya' Corinto, ¿te ts'i'ic' muyalaicoyi? ¿Te tifuleyi, o ti'eyo'tsi laic', o tixtulemma, o a'ij nuli lipicuejma', o timiyot'si cataiqui', o tinescoyo'tsi, o tilof'eyo'tsi? ²¹ O cacuaitsi aga tilmana' ilne petsi ti'econayi al xujc'a, tixhuicoyi laca'no', ti'econayi loxahue'epola' lihcuerpo. Ja'ni to'ta'a milmana', linca LanDios a'loc'eta, ti'i'ma acueca' laipihuot-soqueya. Cajojcumletola' ilne lanxpela' no'econapa al xujc'a. Aiquilsuej'meya nulemma li'epa lixcay.

13

¹ Cacuaitsi jilpiya pe lo'mana' ti'ico'ma afanemma cahuejn-nilhuo'. Cacuaitsi ja'ni tipa'a li'ipolhuo' ticuicomma afantsi, o ja'ni aimi'ia afantsi le'a oquexi', ti'ila' anuli lonesyacu. Tijoula' a'sanuta i'ia. ² Caciacontsi jilpe ca'eta ma to joupá laimipolhuo' ma'mana' anuli. Al te'a laitsehuo'ma aicainu'ilhuo' to'ta'a. Lihuequi laitsecohuona'ma linca nu'ipolhuo'. Itsiya ma capa'a fa'a cu'iconalhuo'. Cu'ila' ilne ni'epá quixcay, ilne petsi aiquilsuej'meya, jouc'a locuenaye pe aimalihuejma, camila': Caciaiconatsi ja'ni ti'hua ti'econayi nixpiya aiquimenc'e'econayacola'. Cate'lmitola'.

³ Imanc', ¿te o'l'huaijma Cristo timuc'itsolhuo' alummepa, alcuxe'e laitaiqui' laifpalaipa? Ne'. To'sim'me te ts'i'ic' ilque Cristo. Ilque a'i ninait'si xans, acueca' limane ilque. ⁴ Lepa'ts'ingimpa Cristo lancruz tocomma to ninait'si xans. Limaf'i'ina' LanDios epi'ipa acueca' limane. Illanc' ts'alihuequi ilque Cristo tocomma to ninait'si xanuc'. A'cuait'sa jilpe a'sinnonga' linca a'maf'i'. A'muc'itolhuo' acueca' la'mane alapi'iponga' LanDios.

⁵ Imanc' to'sintso'tsi co'tuca' te ts'i'ic' lo'picuejma'. Tolicuis'etsot'si imanc' co'tuca', ¿ja'ni to'l'huaijny'i Cristo o a'i? ¿Ja'ni aico'sina' jilpe tipa'a Jesucristo, anuli lo'mana'? O, ¿aga ailopa'a, aimo'l'huaijny'i? ⁶ Iya' cacia: A'sintsonga' illanc' a'linca a'l'huaijny'i, aima'fel'miyaleyi.

⁷ Jifa'a a'sahue'eyi LanDios titoc'itsolhuo', aimo'l'econa'me quixcay. Ma'sahue'eyi to'ta'a aima'nesyi: “La'pimaye tihuejcole lataiqui' lal'ipola' illanc', to'ta'a lan xanuc' limetsaico'monga', tines'me: A'linca Cristo lumme'pola' ilniya.” Tama aimalimetsaiconyaconga' illanc', a'pic'a ton'lele al c'a imanc'. ⁸ LanDios lapi'iponga' la'mane a'toc'itsolhuo' tolihuejle Lataiqui'. Ja'ni tolihuejcoyi aimi'ia malixtuc'oyacolhuo'. ⁹ Linca tixoqui calata luyalaico'me ja'ni imanc' acueca' lo'pufxi, ja'ni a'linca tolihuejyi Cristo. Tama illanc' tocomma to ninait'si xanuc' aima'sue'mot'leyacu. A'sahue'eyi LanDios ti'ila' to'ta'a lo'ejma'. ¹⁰ To'sanutso'tsi nulemma. Ja'ni aimo'sanuyaco'tsi cacuaicontsi jilpe cataletolhuo'. Cacia: Aimi'i'ma to'ta'a. To'hiya ma capa'a fa'a quini'l'elhuo' ilta'a lo'je'e. LanDios alapi'ipa laimane cafa'etsolhuo' xonca lo'picuejma', a'i cate'l'eyacolhuo'.

¹¹ Cunc'aipimaye, ti'hua tijou'ma laifnini'l'epolhuo'. Itsiya cu'ilhuo': To'sanutso'tsi cataiqui'. Aimo'huotso'me. Ti'ila' ma' anuli lo'picuejma'. Aimo'fuli'i'mo'tsi. Ja'ni ti'ila' to'ta'a lo'ejma' ma LanDios titoc'i'molhuo',

tołmajnta anuli. Małque ŁanDios lapi'inga' lałpicuejma' al'etsoltsi capic'a, ałejmalete al c'a. ¹² Tolu'itsola' lapimaye: “Pablo tinonilhuo”. Tołtuc'otsołtsi lołpeque ma to mituc'o'moltsi lapimaye, iłne i'huexi ŁanDios. ¹³ Lapimaye nomana' fa'a, iłne jouc'a i'huexi ŁanDios, jahuay iłniya tinonilhuo'.

¹⁴ Jahuay imanc' ti'ila' colłsina': ŁałPoujna Jesucristo titoc'ilhuo', cał'Ailli' ŁanDios ti'nujuaitsilhuo', cal Espıritu Santo efot'lepolhuo', tołejmaleyi anuli iłque.

LIJE'E SAN PABLO LINIĒ'EPOLA' LAPIMAYE LEFOT'LEPOĒTSI ŁAMATS' GALACIA

¹ Iya' ninPablo, nin'apóstol, epaluc Jesucristo. Iya' laif'as xanuc' a'i calfaqui ita'a laipenic'. A'i ihniya calumme'e. Maĕ laipenic' lapi'ipa Jesucristo y ŁanDios cał'Ailli'. Itque ŁanDios imaf'i'inapa Jesús, ipa'anapa pe lomana' limanapola'. ² Iya' jouc'a lapimaye nałmana' fa'a ałnonilhuo'. Linił'elhuo' imanc' unc'ałpimaye nolafot'lepołtsi ni petsi łamats' Galacia. Imanc' ŁanDios efot'lepolhuo'. ³ Ihniya, ŁanDios cał'Ailli' y łalPoujna Jesucristo titoc'itsolhuo', tipac'e'etsolhuo' lołpicuejma'. ⁴ Itque Jesús icupoxi tima'anĕ. I'najtsepa lał'epa quixcay. Tołta'a lunł'u'eponga'. Aimi'ya malulijaconga' lixcay lopa'a li'a łamats'. It li'epa Jesús ma lixcic'epa ŁanDios, itque ał'Ailli'.

⁵ ¿Lojauhuamlaicoya quitine timetsaiconĕ anDios! Amĕn. Tołta'a ti'ila'.

⁶ It lo'ipolhuo' ałspaic'epa. Afule cacuec'e. Imanc' ma quite' tolihuejyi Lataiqui' loya'apa ite al c'a loxpice'epa ŁanDios. Ołsingufco'me Cristo litoc'ipolhuo', ŁanDios ijoc'ipolhuo'. Itsiya tołpo'noyi ŁanDios, aimołejmaleyi. Tolapejyi ocuena cataiqui'. ⁷ It lolihuejpa itsiya tecui'inni: "Ocuena cataiqui' lonł'u'eyacolhuo'". A'ij linca ite lecui'impa. It ituca' cataiqui'. Aimi'ya munł'u'eyacolhuo'. Itne noya'apá ite "ocuena cataiqui'" ma le'a itpic'a tepi'itsolhuo' quixhuejma'. Tipai'iyi Lataiqui', ite ma Litaiqui' Cristo. ⁸ Illanc' joupá lu'ipolhuo' Lataiqui'. Ja'ni lu'iconatsolhuo' ipaijma cataiqui', a'i to lijoupa lalul'ipolhuo', iya' cacua: "Lacani'etsonga' ŁanDios". Tama apaluc quema'a lu'itsolhuo' tołta'a, ma' anuli cacua: "Tecani'etsi ŁanDios". ⁹ Illanc' li'ipa lu'ipolhuo' tołta'a. Itsiya camiconalhuo'. Imanc' joupá olapenufpa maĕ Lataiqui'. Ja'ni cua naitsi tu'iconatsolhuo' ipaijma cataiqui': Tecanił'a nulemma.

¹⁰ Imanc', ¿te colcuayacu? ¿Te cahuela' lan xanuc' limetsaicoł'a ca'ay lipenic' ŁanDios? O ¿te cahuy limetsaicoł'a tołta'a ŁanDios? ¿Te cahuy latentłocoyacola' lan xanuc'? Cacua: Ja'ni cahuy tetentłocotsola' lan xanuc', col'a aica'eya lipenic' Cristo.

¹¹ Unc'aipimaye, ite Lataiqui' lainuya'apa jilpe, a'i quilitaiqui' lan xanuc'. Ma tołta'a ołsina'. Itsiya cu'iconalhuo'. ¹² It lataiqui' aicalu'ic' cal xans. Ni aicalmuc'inno. Małque Jesucristo imujpoxi, alu'ipa.

¹³ Imanc' ołcuejpa te ts'i'ic' li'ipa lai'ejma' ma cainihuequi lił'ejma' laif'as xanuc' judío. Jiłne litiné juaiconapa cateł'mila' lapimaye lefot'lepolá' ŁanDios. Cacua: Tijoutsola' nulemma. ¹⁴ Iya' culiquila' axpela' itne laif'as xanuc' judío nomana' ihniya litiné, xonca nihuejcopa lataiqui' lałmuc'iponga'. Itne linca tihuejyi to mi'eyi lałtatahueló. Iya' xonca nihuejcopa to mi'eyi laitatahueló.

¹⁵ Linca, ma capa'a licu'u cai'máma', ŁanDios ał'huij'epa. Lijou'ma, tama a'ijc'a laif'epa, ałpaxnĕpa, ałjoc'ipa. ¹⁶ ŁanDios joupá ixina' litine małmuc'iya te ts'i'ic' li'Hua. Ti'ila' caixina' te ts'i'ic' lipicuejma' itque, cuya'atsi Litaiqui' pe lomana' lan xanuc' a'ij judío. Ixhuaitsi ite litine, ałmuc'ipa li'Hua. Lijoupa aicaipalaic'ola' lan xanuc'. A'ij naitsi cainicuis'epa. Joupá aixina' laif'eya. ¹⁷ Aicai'huac' liłya' Jerusalĕn pe lomana' lapimaye, itne ate'a i'ipola' apóstole. Ai'huapa łamats' Arabia. Lijou'ma aipainanni, aicuaiyocontsi liłya' Damasco.

¹⁸ Lixhuaitsi afane' camats' aif'aj'ma liłya' Jerusalĕn, cahuejnta Pedro. Aixintsi. Imbamaj maque' quitine ałmajntsa anuli. ¹⁹ Locuenaye lan apóstole aicaixim'mola'. Aiximpa ma le'a Jacobo, itque lipima łalPoujna. ²⁰ It lainił'epolhuo' ma' al linca. Aicafelłaique. Tołta'a ixina' ŁanDios.

21 Lijou'ma ai'hua'ma lamats' Siria, jouc'a lamats' Cilicia. 22 Jilpe lamats' Judea lapimaye lefot'lepola' LanDios, ihe lepenufpola' Cristo, aicalimetsaijma. 23 Ma le'a icuej'me ahescopa iya'. Tuya'anni: "Ihque Pablo li'ipa lihuetsou- quinga', aitel'minga', ipic'a tejac'la' nulemma Lataiqui', ihe lataiqui' loya'apa: Toi'huaiyjnle Jesucristo. Itsiya ma'que Pablo tuya'e' Lataiqui'."

24 Ihe li'nujuaitsa la'ipa iya', ix'najtsi'i'me LanDios. Iximpá acueca' lo'epa ihque.

2

1 Lixhuaitsi imbamaj malpu' camats' aitsehuona'ma Jerusalén. Alepá iya', Bernabé y Tito, ihque ahoc'iponga'. 2 Nij naitsi xans nahcuxe'epa. Ma LanDios ahmipa: "To'huala". Toita'a aitsecohuona'ma. Jilpiya Jerusalén aixinhuo'mola' lapimaye naimetsaicompola' xonca lan tsila'. Nu'i'mola' te ts'i'ic' Lataiqui' laifnuya'apa pe lomana' lan xanuc' a'ij judío, ihe pe aimimetsaicoyi LanDios. Cacia: Lan tsila' lapimaye limetsaico'la' iya', jouc'a timetsaico'le laifnuya'apa. Ja'ni a'i locuenaye lapimaye aga tixim'me to ninaitsi cataiqui' ihe laifnuya'apa, tetets'i'me. Tijoula' aimipammaiya laipenic'.

3-4 Linca jilpe Jerusalén imajm'me hualca pe no'e'epo'hsi capimaye. Ihe itsuflaipá a-ch'ixc'a. Ma le'a tehueyi te co'iya mixinyacu te ts'i'ic' la'ejma'. Illanc' joupá ahinyo'hsi luhualquem'monga'. Aima'cuxeconayaconga' lataiqui' loya'apa: "Toi'etso'hsi circuncidar, tijoula' tepenuf'molhuo' LanDios". Ihe pe nahahue'ecoponga', ihpic'a ahcuxe'etsonga' lihuejconale ihe lataiqui'. Ihpic'a ti'ete circuncidar la'ejmale Tito, ihque agriego. Illanc' ahcuayi: "A'i. To'le tipanenni." 5 Aicalapenufela' li'ita'iqui'. Aicalihuejcola' ihniya ni toita'a. 6 Lan tsila' lapimaye nomana' Jerusalén ailopa'a ahmipa. (Linca, tama atsila' xanuc' aicaixina' caxpaiqui'. LanDios ahsinninga' ma' anuli.) Cacia: Ihniya lan tsila' lapimaye nij tintsi ahmic'. 7 Limetsaicopa. Ixim'me ma LanDios alapi'ipa laipenic', ma to lepi'ipa Pedro lipenic'. Iya' pe lomana' lan xanuc' a'ij judío cuya'e' Lataiqui' loya'apa ihe al c'a lixp'ic'epa LanDios. Cu'ila' lan xanuc' pe aiqui'eyo'hsi circuncidar. Pedro tu'ila' la'f'as judío, ihe petsi joupá i'epo'hsi circuncidar. 8 LanDios epi'ipa Pedro limane, ummepa tu'itsola' lan xanuc' judío. Jouc'a alapi'ipa iya' laimane, lummepa cu'itsola' lan xanuc' pe a'ij judío. Toita'a ma' anuli ninc'apóstole.

9 Jacobo, Pedro y Juan ixim'me toita'a lah'paxnepa LanDios, ahsimpa nin'apóstol, ah'not'le'eponga' al c'a ahmane iya' y Bernabé. Ihe lam fantsi ti'on'ahcospola' to himule' caital, acueca' titoc'innila' lapimaye, ihe lefot'lepola' LanDios jilpe li'ya' Jerusalén. Ma'niya ahmiponga': "Ne', imanc' tolu'ialeta pe lomana' lan xanuc' a'ij judío. Illanc' lu'i'mola' la'f'as xanuc' judío, ihe joupá i'epo'hsi circuncidar."

10 Ma le'a ahmiponga', ahsc'ai'iponga': "Toi'nujuaitsola' lan cuanuc'la, ihe pe ailopa'a qui'hueca". Iya' linca ma toita'a lai'ejma'. Tixoqui neta catoc'ila' ihniya.

11 Lijou'ma, ma'mana' li'ya' Antioquía Pedro itseh'uo'ma jilpe. Ihniya hitiné iya' aitale'ma Pedro. Nu'i'ma lijunac'. Linca tipa'a lijunac'. 12 Ma' a'i mi'mana' lif'as xanuc' judío, ihe lommeyacola' Jacobo, Pedro titetsoyi anuli lapimaye pe a'ij judío. Licuaitsa lummepola' Jacobo, Pedro enaj'moxi pe lapimaye a'ij judío. Aits'itetsocona'me. Ticua: "Ihe lan judío ticuayi: Aimi'iya ma'tetsoyacu anuli pe aiqui'eyo'hsi circuncidar. ¿Te ah'palaico'ma iya' ja'ni ah'tetsole anuli?"

13 Pedro ixina' te ts'i'ic' Lataiqui' loya'apa ihe al c'a lixp'ic'epa LanDios. Ma le'a i'epoxi to aiquixina'. Ma' anuli i'epo'hsi locuenaye capimaye judío nomana' jilpe. Bernabé jouc'a. Liximpola' li'ejma' icupoxi tileco'le, ihuej'pola' ihniya.

14 Iya' aiximpola' aimihuejyi al hijca Lataiqui' loya'apa ihe al c'a lixp'ic'epa LanDios. A'i toita'a Lataiqui'. Pesti lalafot'leyopo'hsi ah'palaic'opa Pedro, cami:

“Ima' tama unjudío aimaihuequi li'ejma' lof'as judío, xonca taihuequi to lapimaye a'i judío. Itsiya, ¿te cofcuxe'ecopola' iñe pe a'ij judío? ¿Te comuc'ico'mola' tihuejle li'ejma' lun judío?

¹⁵ 'Illanc' ninc'ijudío tole lałmajnlita. Linca aicalihuequi al xujc'a to iñe pe a'ij judío. Iñe pe aimimetsaicoyi LanDios aimihuejyi locuxepa. ¹⁶ Illanc' tama lihuejyi locuxepa LanDios, iñe linilijmpa Moisés, ałsina' a'i tołta'a malapenufyaconga' LanDios. Lapenuftonga' ja'ni ał'huaiyijnle Jesucristo. Toliya illanc', tama ninc'ijudío, jouc'a ał'huaiyijmpá Jesucristo. Itsiya ałsina' LanDios lapenufinga', ałsinninga' to ailopa'a caljunac'. Aimahnesconayacu: Iya' quihuequi locuxepa LanDios, tijoula' ałsim'ma to ailopa'a caijunac'. A'i. Tama lihuejyi locuxepa, LanDios aimahnesconayacu tołta'a, ni illanc' ni locuenaye lan xanuc'.

¹⁷ 'Mał'huaiyijnyi Jesucristo limetsaicoyołtsi ma' anuli to iñiya petsi aimihuejyi locuxepa LanDios. Limetsaicoyołtsi a'ijc'a lałpicuejma'. Tijoula', ¿te calnesyacu? ¿Te Cristo ałmints'eponga' tołta'a lałpicuejma'? A'i. Aimi'iya małnesyacu iłta'a. Li'ipa joupá a'ijc'a lałpicuejma', ma' aicalsina'. ¹⁸ Iya' joupá aiximpa aimi'iya calanc'eyacoxi laipicuejma'. Aimi'iya canesconaya: Canant'hi'ma linilpa Moisés, tijoula' LanDios ałsim'ma to ailopa'a caijunac', lapenufta. Itsiya ja'ni capi'ixoxi laipicuejma', ja'ni capangocona'ma quihuejcona'ma to li'ipa, ma le'a camuj'moxi aicainenant'hi iñe linilpa Moisés. ¹⁹ Li'ipa coła' canant'hi'ma jahuay lataiqui' linilpa Moisés. Lijou'ma aiximpa aimi'iya canant'hiya. Małe lataiqui' lacani'epa, ałma'apa. Itsiya linca aimaf'i', LanDios lapi'ipa al ts'e laipitine. ²⁰ Caxinyoxi joupá lapalts'ingimpa lancruz. Iya' y Cristo lapalts'ingimponga' jilpe. Laifnuyaicopa a'i to li'ipa. Itsiya tipa'a al ts'e laipitine iñe lipitine Cristo. Ca'huaiyinge hi'Hua LanDios. Iñe ał'nujuaispa, icupoxi tima'anle, i'najtsepa laijunac'. ²¹ LanDios joupá ałpaxnepa tołta'a. Aicatets'iya iñe al ts'e laipitine lalapi'ipa. Aicapo'noya anuli liju'. Ja'ni coła' ti'i'ma lanant'hi'me nulemma linilpa Moisés, ja'ni coła' tołta'a ti'i'ma ac'a lałpicuejma', ¿te quicucopoxi Cristo? Coła' aiquicu'moxi.”

3

¹ Imanc' unc'aipimaye nołmana' łamats' Galacia, ¿te qui'ipolhuo'? Tonl'eyi to ailopa'a colpicuejma'. Lu'ila', ¿naitsi nimints'epolhuo' lołpicuejma'? ¿Naitsi lifel'mipolhuo'? Iñiya litiné lołquimf'epa Lataiqui', mu'innilhuo' li'ipa Cristo, tocomma to imanc' ołsimpá iñe lepałts'ingimpa jilpe lancruz. ² Quicuis'e'molhuo' ma le'a anuli lataiqui', lu'ila': Litine lolapenufpa cal Espíritu Santo, ¿te ts'i'ic' conl'epa molapenuf'me cal Espíritu Santo? ¿Te ja'ni oł'huaiyijmpá Lataiqui', iñe lu'impolhuo'? O ¿te olihuejpa locuxepa Moisés? ³ Lołpangopa lolihuejpa oł'huaiyijmpá cal Espíritu. Itsiya, ¿te coł'huaiyijncoptołtsi coltuca' lonl'epa? ¿Te colnescopa: “Tołta'a ti'i'ma ixhueya lałpicuejma', lapenuftonga' LanDios”? ¿Te qui'icopolhuo' ma tołta'a to lamac'ta?

⁴ Imanc' lolapenufpa Lataiqui' acueca' ołtelcopá. Itsiya, ¿te quipenic' iłta'a li'ipolhuo'? Ja'ni tolihuej'me ocuena cataiqui', coła' aicoltelco'me tołta'a. ⁵ LanDios lepi'ipolhuo' hi'Espíritu o i'epa al cueca' pe lołmana', ¿te conl'epa imanc'? ¿Te tonlihuejcoyi locuxepa Moisés? O ¿toł'huaiyijnyi Lataiqui' lu'impolhuo'? ⁶ Linca oł'huaiyijm'me Lataiqui' lu'impolhuo'. Toł'nujuaisa li'ipa Abraham. “Iñe i'huaiyijmpa LanDios limipa. Tołta'a LanDios iximpa ac'a xans, to ailopa'a quijunac'.”

⁷ Tołta'a ołsina' naitsi iñe limetsaicopola' LanDios to ixanuc' Abraham, naitsi iñe lepenuffpola'. Imetsaicopola' ma le'a iñiya lo'huaiyijmpa to li'huaiyijmpa Abraham. ⁸ LanDios joupá ixina' lo'iya. Ixina' tepenuf'mola' lan xanuc' a'ij judío. Tepenuf'mola' iñe lan xanuc' no'huaiyijmpá. Tixim'mola' to ailopa'a

quijunac'. Toliya ma mehue'e' mi'iya toŧta'a, LanDios u'ipa Abraham iŧe al c'a lo'iya. Jiŧpe al Paxi Linilingiya tuya'e' limipa Abraham. Timi:

Lan xanuc' nomana' jahuay lan nación, ja'ni liŧ'ejma' ti'onŧcospa to lo'ejma' ima',

caxim'mola' to loxanuc', capaxne'mola' jouc'a.

⁹ Toliya aŧsinyi naitsi iŧne nopaxneyacola' LanDios to lipaxnepa Abraham. Abraham i'huaiyijmpa limipa LanDios, ipaxnepa. Jouc'a iŧniya no'huaiyijmpá tipaxne'mola' toŧta'a.

¹⁰ Ituca' lo'iyacola' iŧne petsi nonespá: “Quihuejma lataiqui' locuxepa Moisés, toliya LanDios aŧsim'ma ninc'a xans, lapenuf'ma”. Iŧniya jounpa ejac'pola'. Toŧta'a tuya'e' al Paxi Linilingiya ticua:

Ticuicomma tihuejcoŧe jahuay lataiqui' liliŧpa jiŧpe lije'e Moisés,

ni anuli aimehue'e'ma tenant'iŧe.

Naitsi iŧque aimi'ay toŧta'a, tecani'em'me.

¹¹ Acujajmaica aŧsinyi, tama lihuejcoyi locuxepa Moisés, a'i toŧta'a LanDios maŧsinyaconga' to ailopa'a caŧjunac'. Toliya tuya'e' al Paxi Linilingiya, ticua:

Cal xans no'huaiyijmpa tulijta lipitine,

LanDios iximpa to ailopa'a quijunac', tepenufi.

¹² Litaiqui' locuxepa Moisés aimuya'e': “Cal xans no'huaiyijmpa tulijta lipitine”. Xonca ticua: “Iŧne no'epá locuxe'epola', iŧniya linca tulijta liŧpitine”.

¹³ Iŧe laŧcuxe'eponga' aicalanant'i. Toŧta'a lulijpá lalacani'eyaconga'. Linca aimalacani'eyaconga'. Cristo i'najtsepa laŧjunac'. Maŧque Cristo ecani'empa litine lepáŧs'ingimpá lancruz. Toŧta'a loya'apa al Paxi Linilingiya, ticua: “Cal xans lojunginyacu anuli al 'ec, tecani'em'me”.

¹⁴ Cristo epi'impá laŧjunac', ecani'empa. Toŧta'a jahuay illanc', ja'ni ninc'ijudío o ja'ni a'i, ti'i'ma lapenuf'me laŧpaxneconyaconga'. Iŧe linescoba LanDios mipalaic'o Abraham. Jouc'a jahuay ma' anuli petsi naŧ'huaiyijmpá lapi'inga' cal Espíritu Santo. Toŧta'a jounpa icupa cataiqui' lapi'itsonga'.

¹⁵ Cunc'aipimaye, itsiya ca'onŧico'mola' lan xanuc' liŧ'ejma'. Iŧne ja'ni jounpa icupá cataiqui', tama ma le'a axanuc', iŧe lataiqui' tihuejco'me, tenant'i'me. Aimi'iya mipo'noyacu iju'. Aimi'iya metonc'iyacu ocuena cataiqui'. ¹⁶ LanDios mipalaic'o Abraham icupa cataiqui'. Iŧe lataiqui' tepenuf'me iŧque Abraham y lihuenŧe locuaicoya. Al Paxi Linilingiya aiminescola' axpela' lihuentila'. Tinescojma ma le'a anuli. Mipalaic'o Abraham timi: “Ima' lihuenthuo'...”, jiŧpe tipalaijma Cristo. ¹⁷ Linca, lixhuaitsi amalpuj maxnu nuxans quimbama' camats' quipalaic'o Abraham, LanDios u'i'ma Moisés litaiqui' locuxepa. Iya' cacua: Tama toŧta'a li'ipa, lataiqui' liliŧpa Moisés aimi'iya mulijya locuena lataiqui'. Iŧe litaiqui' LanDios licupa, limipa Abraham, lataiqui' lepi'ipa Abraham aimipaiya. ¹⁸ Linca, ja'ni aŧnesle: “Lanant'i'me locuxepa Moisés, tijouŧa' LanDios lapi'itonga' caŧ'huexi”, iŧe laŧnesyacu ocuena cataiqui', a'i litaiqui' licupa LanDios, iŧe limipa Abraham. LanDios mipalaic'o Abraham aiqumic': “Tanant'hiŧa' laŧcuxe'epo', tijouŧa' capi'i'mo' co'huexi”. Ticua: “Jounpa aicupa cataiqui', capi'i'mo' co'huexi”.

¹⁹ Tijouŧa', LanDios ja'ni jounpa toŧta'a icupa cataiqui', epi'ipa Abraham, ŧte comicopa Moisés locuxepa? LanDios ipic'a ti'ila' quiliŧina' lan xanuc' te ts'i'ic' lo'epa, ja'ni tetentcocojma LanDios o aimetentma. Toliya ipalaic'oconapa Moisés, u'ipa ocuena cataiqui', iŧe locuxe'epola' lan xanuc'. U'ipola' te lo'eyacu. Mi'huaicoyi ticuaiyunní lihuenŧe, maŧque Cristo, ma iŧe lataiqui' tihuejco'me.

Maŧe lataiqui' locuxepa LanDios lapaluc' quema'a uya'apá. Moisés u'icona'mola' lan xanuc'. Fa'a li'a lamats' Moisés i'e'ma canic' to epaluc.

Epenuf'ma litaiqui' LanDios, u'icona'mola' lan xanuc'. ²⁰ Ai to'ta'a li'epa LanDios litine licupa cataiqui' lepi'ipa Abraham. Jilpe litine aicummaic' quepaluc. Ma'que LanDios, il'que quituca', icupa cataiqui', epi'ipa Abraham.

²¹ Itsiya, ¿te cañesyacu? Lataiqui' locuxepa LanDios jouc'a lataiqui' licupa, il'e lepi'ipa Abraham, ¿te ja'ni tifuli'iyot'si jil'na'a lataiqui'? ¡Aimañes'me to'ta'a! Lataiqui' locuxepa LanDios aimi'iya mepi'iyacola' lan xanuc' li'pitine aimi-jouya. Ja'ni cola' tihuejconle jahuay locuxepa LanDios, il'que tixim'mola' to ailopa'a qui'junac', tepenufna'mola'. Aimi'iya mihuejyacu to'ta'a. ²² Totiya al Paxi Linilingiya tuya'e' jahuay anuli i'epá a'ijc'a. Tocomma itats'ila', il'hua'ijma tecanitsola' nulemma. Aimi'iya mun'u'eyaco'tsi. To'ta'a ma le'a pe no'huaiyimpá Jesucristo tepi'im'mola' qui'l'huexi, ma to loya'apa lataiqui' licupa LanDios.

²³ Ai'a ticuaihuo Jesucristo fa'a li'a lamats', il'e litaiqui' LanDios locuxepa Moisés ti'hua alcuxeconga'. Tocomma atats'eninga'. Al'huaicopá LanDios al'muc'itsonga' nait'si il'que Cal'huaiyinyacu. ²⁴ Itsiya al'sina' te ts'i'ic' lipenic' lataiqui' locuxepa Moisés. Il'e lataiqui' ti'on'cospa to no'epola' cuenna la'uhuay. Ticuxela' al'c'a. Li'ipa, to'ta'a la'cuxeponga' litaiqui' LanDios locuxepa. Al'eponga' cuenna ma cal'huaijma ticuaiyunni Cristo, al'huaiyijnle, al'sintsonga' LanDios to ailopa'a cal'junac', lapenuftsonga'. Ticuaitsi il'que al'huaiyijnle. ²⁵ Itsiya linca al'huaiyimpá Jesucristo. Ailopa'a cocuena na'l'eponga' cuenna. Aimal'on'cosponga' to la'uhuay. ²⁶ Petsi na'l'huaiyimpá Jesucristo illanc' inaxque' cal'Ailli' LanDios joupa al'silojponga'.

²⁷ Jahuay imanc' petsi joupa epo'icompohuo', ma' i'ipohuo' anuli Cristo. Jilpe litine, il'e lafane lo'pijahua' o'po'nonapá anuli liju', o'tatscocopá Cristo. ²⁸ Totiya aimolatets'i'mo'tsi. Aimoñes'me: "Iya' ninjudío, ima' ungriego". Ni moñes'me: "Iya' ninmozo, ima' mapoujna". Ni: "Iya' ninxans, ima' ma le'a maca'no". To'ta'a aimi'iya. Joupa i'ipohuo' anuli. Epenufpolhuo' il'que Cristo.

²⁹ Ja'ni Cristo epenufpolhuo' imanc' inaxque' Abraham. Tepi'im'molhuo' col'huexi. To'ta'a linescopa lataiqui' licupa LanDios, il'e limipa Abraham.

4

¹ Iya' cacua: Lahuac'hua ai'a titoj'ma aimepi'inyacu li'huexi. Tama ticuxe'ma jahuay li'hueca qui'ailli', lahuac'hua ai'a titoj'ma ti'on'cospa to lajmozo. ² Timana' no'epá cuenna lahuac'hua. Il'ne ticuxe'me lahuac'hua, jouc'a ticuxe'me li'huexi. To'ta'a loyaicoya ma mi'huaijma ticuaiyunni litine tepi'im'me quimane ticuxela', tepenuf'ma li'huexi. Qui'ailli' joupa ixpic'epa te quitine mi'iya to'ta'a.

³ Ma' anuli to'ta'a li'ipola' lan xanuc' ai'a ticuaihuo Cristo fa'a li'a lamats'. Ai'a ticuaihuo Cristo LanDios al'simponga' to la'uhuay. Alcuxenga', al'sc'ai'inga': "To'etsi il'ta'a", o "To'ela' i'iya". Lanant'iyi ma to mi'enni fa'a li'a lamats'.

⁴ Liximpa LanDios ixhuaita al' hora, ummepa li'Hua, ticuaiyunni fa'a li'a lamats'. Ma to mimajnlita la'uhuay to'ta'a lipajnta il'que. Anuli la'ca'no' nipo'nopa. Ipajnta ajudío. Li'ailli' tihuejcoyi locuxepa LanDios, il'que jouc'a.

⁵ To'ta'a li'ipa ti'najcuftsola' li'junac' jahuay lan xanuc' naihuejpá locuxepa LanDios. Tijoula' LanDios ti'i'ma limetsaico'monga' inaxque', lapi'i'monga' cal'huexi.

⁶ Imanc' ma' anuli imetsaicopolhuo' inaxque'. Totiya jilpe lolunxajma' tipa'a cal Espíritu Santo, il'que li'Espíritu li'Hua LanDios. To'ta'a al'miyi: "Ima' mai'Ailli'".

⁷ Ja'ni joupa omepenufpa cal Espíritu, ima' a'i cum-mozo. Ima' i'hua CanDios. Ja'ni ima' i'hua tipa'a lo'huexi lapi'iyaco'. To'ta'a lixp'ic'epa, lo'epa LanDios.

⁸ Li'ipa aimolimetsaicoyi LanDios. Imanc' tolihuejyi il'ne landiosla'. Toluyalaicoyi to il'mozó i'niya. Il'ne tama tecui'innila' "andiosla'", ailopa'a

quilpitine. ⁹ Itsiya tolimetsaicoyi ÑanDios. Xonca cacua: ÑanDios timetsaicolhuo' imanc'. Itsiya, ¿te colpai'icopa lo'picuejma'? ¿Te col'econapołtsi to lam mozó? ¿Te colfi'ecopoltsi lataiqui' locuxepolhuo'? ¿Te colananłcopa to mi'enni fa'a li'a łamats'? Jiłpe ailopa'a cotoc'iyacolhuo'. Joupá ołsina' pe copa'a al C'a Cane. ¹⁰ Tonłeyi ocuena cane. Tolimetsaicoyi łitiné, lam mut'łá, cal juicoł jouc'a łamáts'. Tonł'eyi cuenna iłna'a, tolanant'łiyi. ¹¹ Iya' caxhuełma. Acueca' canic' ai'epa pe lołmana'. Itsiya cacua: Aga ailopa'a quipammaic'.

¹²⁻¹³ Unc'aipimaye, caxa'huelhuo', camilhuo': Imanc' toł'e'etsoltsi to iya'. Iya' joupá aipai'ipa lai'ejma'. Itsiya aicainihuequi lił'ejma' lan xanuc' judío. Xonca quihuequi loł'ejma' imanc'. Imanc' ailopa'a cał'e'epa. Joupá ołsina' lał'ipa jiłpe pe lołmana'. He al te'a laitsehúo'ma laicuaita jiłpe iya' laxtafpa. Tołiya aipanemma, nu'i'molhuo' Lataiqui'. ¹⁴ Linca iłniya łitiné ÑanDios ehuaipolhuo'. Tama laxtafpa aicalatets'i. Aical'aic' laic'. Ac'a juaiconapa alapenufpa, tocomma napaluc quema'a alummepa ÑanDios. Tołta'a tolapenuf'me Jesucristo. ¹⁵ Itsiya, ¿te qui'ipolhuo'? Iłniya łitiné tixoqui cunlata alapenuf'ma. Iya' ti'hua ca'nujuaitsilhuo' imanc' loł'ejma'. Juaiconapa ałsimpa cuanuc'. Tocomma tołcuayi: “Cołá' lipa'a'mola' lał'u', lapi'i'me Pablo”. ¹⁶ Itsiya joupá ołpai'ipoltsi lo'picuejma'. Ał'e'e laic'. Ma le'a nu'ipolhuo' al linca, lijoupá ał'epa laic'.

¹⁷ Linca timana' jiłpe nehuepá cołá' tonłejmalełe anuli. Iłne a'ijc'a liłpicuejma'. Ma le'a iłpic'a tenajtsolhuo'. ¹⁸ Iłpic'a tolıhuejtsola' ma iłniya. Linca ja'ni al c'a timuc'i'molhuo', iya' cacua: Ne', tolıhuejtsola'. Cacua: Cołá' timuc'itsolhuo' al c'a. Ti'hua timuc'iconatsolhuo' tołta'a. Cołá' a'i ma le'a capa'a iya'.

¹⁹ Unc'ainaxque', acueca' aitełco'ma jiłpe pe lołmana'. Ma catełma cacua: “Tepenufle iłe al ts'e liłpitine”. Ma tołta'a li'ipolhuo'. Itsiya catełcocojma. Caxhuełma, cacua: “Iłne laipimaye lun Galacia joupá epenufpa Cristo. Itsiya tocomma a'ij linca iłe li'ipola'. Cołá' ałmuc'iconła' acuajmaica iłne ałinca epenufpa iłque Cristo. Tijoułá' aicaxhuełcoconaya tołta'a.” ²⁰ Cacua: Cołá' jiłpe całfpa'a. Cołá' capalaic'ocona'molhuo' ituca', a'i to itsiya. Itsiya linca caxhuełma. Aimi'iya caxingufyacolhuo' lo'picuejma'.

²¹ Imanc' nołnespá: “Ałcuxetsonga' lataiqui' linilpa Moisés. Ałpic'a.” Iya' quicuis'e'molhuo' imanc': ¿Te col'cueca iłe lataiqui'? ¿Te ołsina' loya'apa? Tocomma aicołsina'. ²² He linilpa Moisés tinescojma li'ipa Abraham. Timana' oquexi' linaxque'. Anuli iłne qui'máma' acriada. Tipa'a lipoujna caca'no'. Aımicuxeyoxi' quituca'. Łocuena li'hua qui'máma' apoujna, iłque ipeno Abraham. ²³ Łapoujna caca'no' ma le'a ÑanDios ixpic'epa titai'ma. Iłque joupá icupa cataiqui' ti'ila' tołta'a. Łocuena, iłque łicriada, ÑanDios aiquicuc' cataiqui'. Ma le'a itaipa.

²⁴ Iłne loquexi' lacał'no' ti'onłcospola' to iłna'a loquej cataiqui' ÑanDios lipo'no'ipola' lixanuc'. Agar, iłque cal criada, ti'onłcospa to anuli iłna'a lataiqui'. Ti'onłcospa to lataiqui' ÑanDios lipo'no'ipola' lixanuc', mimana' iłne jiłpe łijuala Sinaí. He lataiqui' linilpa Moisés. Iłque Agar tocomma to quil'máma' iłne petsi naihuejpa iłe lataiqui'. Iłne aimi'hua liłmane. Aimi'iya micuxeyacołtsi quil'tuca'. Mane ti'onłcospola' to lam mozó. ²⁵ He łijuala Sinaí jiłpe łamats' Arabia tecui'inni “Agar”. Agar y Jerusalén, ma to mipa'a itsiya fa'a li'a łamats', ti'onłiyoltsi. Jiłpe Jerusalén ts'iłpenic' aimixpic'eyi quil'tuca' lo'eyacu. Lataiqui' linilpa Moisés tocomma to quil'poujna. He lataiqui' ticuxela' jouc'a liłxanuc'. ²⁶ Liłya' Jerusalén lopa'a lema'a ituca' lo'ipa. Jiłpe aımicuxe tołta'a lataiqui' linilpa Moisés. He linca ałpıłya'. Tocomma to cał'máma', illanc' inaxque'.

²⁷ Joupá i'ipa ma to loya'apa Linilgingiya lonescopa liłya' Jerusalén lopa'a lema'a. Tuya'e':

Ima' mijuiqui' caca'no', ailopa'a co'hua, ¡tixojla' cometa!
 Ima' tama aicoxina' te ts'i'ic' mipajnta ¡ahuac'hua, ¡tonac'la' acueca!
 Ima' tama toxinyoxi etets'impo', joupá eca'nicompo', ti'i'ma conaxque' xonca
 axpela'.

Tofta'a tolijna'ma itque lejonliyoltsi lope'ailli'.

²⁸ Unc'aipimaye, imanc' ti'onlocopolhuo' to li'hua Sara, itque Isaac. Licupa cataiqui' LanDios, itque ipajnta. Lataiqui' licupa LanDios jout'a inescopolhuo' imanc'. Toftiya i'ipolhuo' inaxque' Abraham. Itque ot'ailli'.

²⁹ Loquexi' linaxque' Abraham aimiyejmaleyí. Anuli ihniya, cal Espíritu Santo itoc'ipola' qui'ailli' qui'máma'. Tofta'a itaipa qui'máma', ipajnta qui'hua. Locuena a'i. Ma le'a ipajnta axans. Itque i'epa laic' lipima, ihuetsojma. Itsiya tofta'a lo'ipola' ihniya pe cal Espíritu Santo epi'ipola' al ts'e lipitine. Liff'as xanuc', ihne pe ailopa'a tofta'a lipitine, ti'eyi laic'. ³⁰ ¿Te co'iya? ¿Te cocuapa al Paxi Linilingiya? Ticua:

Taipa'atsola' locriada jout'a li'hua, aimapi'iyacola' lo'hueca.

Lo'hueca tapi'i'ma locuena lo'hua, itque li'hua lapoujna.

³¹ Unc'aipimaye, ita'a lataiqui' alescoponga' illanc'. Illanc' a'i quinaxque' itque cal criada. Almana' inaxque' lapoujna caca'no'.

5

¹ Linca, Cristo joupá luhualnaponga', ipic'a luyalaicote tofta'a. Toftiya tofto'nofto loftpicuejma'. Aimolft'econa'moltsi litaiqui' locuxepa Moisés.

² Alcuac'ela'. Iya' ninPablo camilhuo': Ja'ni ti'e'em'molhuo' circuncidar, ja'ni toftuayi: “Tofta'a lapenuf'monga' LanDios”, tocomma to aimol'huaiyijnyi Cristo. Itque aimitoc'iconayacolhuo'. ³ Camiconamolhuo': Ihne petsi no'empola' circuncidar, anuli anuli ihniya ticuxe'ennila' tenant'ite jahuay locuxepa Moisés.

⁴ Imanc' noftespá: “Al'e'me locuxepa Moisés, tofta'a lapenuftonga' LanDios, alsim'monga' to ailopa'a caljunac’”, imanc' joupá olanajpoftsi Cristo. Joupá olatets'ipá LanDios litoc'ipolhuo', lipaxnepolhuo'. Olatec'e'epoftsi. ⁵ Illanc' a'i tofta'a laftespa. Joupá al'huaiyimpá Jesucristo, cal Espíritu Santo altoc'inga'. Tofta'a tixoqui calata al'huaiicoyi LanDios alftintsonga' to ailopa'a caljunac', lapenuftonga'. ⁶ Ja'ni joupá lapenufponga' Cristo ticuicomma almuftsoftsi al'huaiyijnyi, al'etsoftsi capic'a. Ja'ni al'emponga' circuncidar, o aical'enninga' circuncidar, ailopa'a co'eya.

⁷ Li'ipa olihuejpa' al c'a. Itsiya, ¿te qui'ipolhuo'? Aimolihuejconna al Linca Cataiqui'. ¿Naitsi nipa'nepolhuo'? ⁸ It'e lataiqui' lomuc'impolhuo' a'i quitaiqui' LanDios, itque Nijoc'ipolhuo'. ⁹ Tipa'a lataiqui' loya'apa: “Tohuants'íta' tuca'a licuxqui cax'e, tijoufta' tumfumma jahuay lax'e lolanc'enyacu la'i”. Al linca it'e lataiqui'.

¹⁰ Iya' ca'huaiyinge laftPoujna tepi'itsolhuo' loftpicuejma' alcuac'ela' it'e laifmipolhuo'. Itque nopa'nepolhuo', ni cua naitsi no'epa, tepi'im'me lijunac', titeft'mim'me.

¹¹ Ticuanni: “Pablo tu'ila' lan xanuc' ti'entsola' circuncidar. Ticua tofta'a LanDios tepenuf'mola'.” Aicainuya'e' tofta'a. Ja'ni tofta'a laifnespa aimal-ihuetsojya. Tama cuya'e': “Toft'huaiyijnle Cristo, itque lepatft'ingimpa jilpe lancruz”, jout'a cola' cuya'afa': “Toft'etsoftsi circuncidar”, ailopa'a cal'enya. Aimalixtuc'onya. ¹² Iya' cacua: Lan xanuc' nateft'epolhuo' loftpicuejma', ihne quilftuca' titeft'e'etsoftsi, ti'etsoftsi capú.

¹³ Unc'aipimaye imanc' nijoc'ipolhuo' LanDios, itque joupá uhuat'epolhuo'. Aimolihuejconayacu lift'ejma' locuena lan xanuc'. Linca, aimolftesyacu: “Joupá luhualquenamma, ca'e'ma to ts'aipic'a”. Xonca toftsintsoftsi to

unc'imozó. Toŧta'a toŧ'etsotŧsi capic'a, toŧ'nujUaitsoŧsi. ¹⁴ Tipa'a lataiqui' loya'apa:

Ima' to'eyoxi capic'a,

ma toŧta'a to'eŧa' capic'a loŧ'as xans, naitŧi loŧtalecufya.

Petsi naihuejcopá iŧe lataiqui', iŧniya linca tenant'hiyi jahuary locuxepa LanDios.

¹⁵ Toŧpo'noŧe cuenna. Ja'ni ti'hua toŧfuli'iyotŧsi, ja'ni ti'hua toŧŧcai'eyotŧsi, ma le'a toŧajac'e'motŧsi nulemma.

¹⁶ Iya' cacua: Tolapi'iŧe lane ticuxetsolhuo' cal Espíritu Santo. Toŧta'a aimoli-huejyacu loŧjanajpa coŧtuca' loŧcuerpo. ¹⁷ Iŧe laŧjanajpa caŧtuca' aimi'onŧŧpa to lojanajpa cal Espíritu Santo. Ituca' ituca' iŧna'a, tocomma tifuli'iyotŧsi. Toŧta'a aimi'iya monŧ'eyacu loŧŧpic'eyacu. ¹⁸ Jouc'a cacua: Ja'ni cal Espíritu Santo ti'hua'jme'elhuo' aimi'onŧcospolhuo' to iŧne pe ma le'a naihuejcopá locuxepa Moisés. Iŧe lataiqui' aimi'iya micuxecoyacolhuo'.

¹⁹ Petsi naihuejcopá quiŧtuca' lojanajpa, iŧne acuajmaica timujyotŧsi lo'epa. Fa'a cu'ilhuo' te ts'i'ic' iŧne lo'epa:

Iŧne tehueyi quileca'no', jouc'a laca'no' tehueyi quiŧxanuc'. Ti'eyi al xujc'a, ti'eyi nixpiya, ²⁰ Tihuejcoyi landiosla', tilotsocoyotŧsi, ti'eyotŧsi laic', tifuli'iyi cataiqui', acueca' tijaŧajyi lixcay, tijaic'oyotŧsi lixtulepa, tehueyi quiŧtuca' ts'iŧpic'a, aimi'eyi anuli liŧpicuejma', tenajyotŧsi, ²¹ ti'ehualeyí laic', tima'ahualeyí, timeyoquila', ti'eyi nixpiya juicoŧ. Jahuary toŧna'a y nixpiya xonca lixcay ti'eyi.

Joupa nu'ipolhuo' lo'iyacola' iŧniya petsi toŧta'a lo'epa. Itsiya cu'icona'molhuo', camilhuo': Petsi toŧta'a lo'epa aimitsuflaiyacu pe locuxeyopa LanDios, ailopa'a quiŧ'huexi jiŧpe.

²² Ituca' laipammaiya liŧpepajnya iŧne petsi naihuejcopá cal Espíritu Santo. Iŧne: Ti'eyotŧsi capic'a, tixoqui quileta tuyalaicoyi, cal Espíritu Santo ti'hua tipac'e'ela' liŧpicuejma', tixnet'i'me, tipalaic'oyi al c'a liŧ'as xanuc'.

Iŧne naihuejcopá cal Espíritu Santo aŧinca lan c'a xanuc'. Tenant'hiyi liŧtaiqui' lonespa. ²³ Iŧne amaxú, aimi'nof'eyotŧsi, ticuxeyotŧsi al c'a.

Ja'ni toŧta'a lonŧ'epa aimi'iya mecani'eyacolhuo' lataiqui' locuxepa Moisés.

²⁴ Iŧne pe li'ipola' i'huexi Cristo, joupa iximpotŧsi epaŧts'ingimpola' anuli Cristo. Toŧta'a joupa imapa iŧe lafane liŧpicuejma', iŧe ituca' latenŧcocoya, lojanajya.

²⁵ Ja'ni cal Espíritu Santo joupa lapi'iponga' al ts'e laŧpitine, itsiya ti'ila' al ts'e laluyalaicoyacu laŧpepajnya. Lihuejcoŧe cal Espíritu Santo. ²⁶ Aimaŧsim'motŧsi, aimaŧnesco'motŧsi: Illanc' xonca ninc'ic'a xanuc'. Ja'ni aŧsinyotŧsi toŧta'a ma le'a lapi'i'motŧsi coyac', aŧ'e'motŧsi laic'.

6

¹ Unc'aipimaye, ja'ni oŧŧimpá anuli laŧpima nixpiya lo'epa, imanc' petsi onlihuejcopá cal Espíritu Santo, toŧpalaic'ole, toŧmuc'iconŧe al c'a cane. Toŧnanc'ole. Toŧpo'noŧe cuenna anuli anuli. Aga tehuaiyim'molhuo' jouc'a.

² Maluyalaicoyi laŧpajnya tocomma aŧtaiyi acumta caitay. Camilhuo': Toŧtoc'itsoŧsi. Toŧtac'huetsotŧsi loŧitay. Toŧta'a aŧinca tonŧ'e'me locuxe'epolhuo' Cristo.

³ Petsi nonescopoxi: "Iya' xonca limetsaicoŧa'", ja'ni iŧque ninaitŧsi xans, ma le'a tifel'miyoxi. ⁴ Anuli anuli timetsaicoxoxi te ts'i'ic' lo'epa. Toŧta'a ti'i'ma tixoc'i'moxi queta quiŧtuca' li'epa. Ti'onŧi'moxi quiŧtuca', aimi'onŧicoyacoŧsi locuenaye. ⁵ Linca fa'a laŧpajnya anuli anuli tipa'a litaic'. Iŧe quiŧtuca' titai'ma. Ocuena aimi'iya.

⁶ Cua naitŧsi mimuxejma Lataiqui' titoc'ila' liŧpomxi. Ja'ni tipa'a al c'a li'hueca tepi'ila' jouc'a.

⁷ Imanc' cohtuca' aimofel'mi'mohtsi. Ihe lofapa cal xans, male tefot'le'ma. Aimi'iya malatets'iyacu LanDios lixp'epa. ⁸ Petsi no'epá lojanajpa quihuca' lihcuerpo, tefot'le'me, tulij'me ma le'a lamaya. Tohta'a tipammaispa al cuerpo. Petsi no'epá lojanajpa cal Espíritu Santo, ihe tefot'le'me, tulij'me lihpitine aimijouya.

⁹ Aimahtojtonga'. Ti'hua ahele ma le'a al c'a. Ja'ni aimahafquemonga', ticuaiyunní litine lixp'epa LanDios, lafot'le'me, lulij'me al c'a. ¹⁰ Totiya iya' camilhuo': Itsiya tocomma to litine cafaya. Ahele al c'a. Ahoc'itsola' jahuay lah'as xanuc'. Xonca ahoc'itsola' lah'pimaye no'huaiyijmpá Jesucristo.

¹¹ ¡Totsinle laipinila! Linca atsila' ihna'a quinili iya' caituca'.

¹² Iya' aicahuay te co'iya metentocoyacola' lan xanuc'. Ihe petsi locux-enai'ipolhuo' tohetsohtsi circuncidar, ihe ihpic'a tetentocotsola' lan xanuc'. Ihe noxc'ai'ipolhuo' tohta'a ihpic'a tualaicole al c'a, aimihuetsoquim'mola'. Ja'ni tuya'ale: "Ma le'a to'huaiyijnle Jesucristo", ihe ihcina' tixtuc'om'mola' lah'as xanuc' judío. Tohta'a ti'ninc'iyi lataiqui', tuya'ayi: "Jouc'a tonhetsohtsi circuncidar". ¹³ Ni ihe no'epohtsi circuncidar aimihuejcoyi jahuay locuxepa Moisés. Ihe mane ihpic'a tinesle: "¡Totsinle! Ihe joupa lihuejcoponga' illanc' lah'cuxe'epola'. Joupa i'empola' circuncidar. I'empola' quihseña jilpe lihpixic'." Tohta'a tixoc'i'mohtsi quileta. ¹⁴ Iya' aimi'iya quixoc'iyacoxi toiya. Ma le'a tixoj'ma neta li'epa Cristo jilpe lancruz. Ihta'a li'a lamats' jouc'a jahuay lopa'a, caxina jouc'a epahts'ingimpá jilpe lancruz. Ma' anuli iya' lapahts'ingimpa, joupa ahma'ayompa jilpe lancruz. Lopa'a li'a lamats' ailopa'a cahe'eya, aicajanaca ihya.

¹⁵ Linca, ja'ni joupa i'empolhuo' circuncidar o aqui'ennilhuo' circuncidar, ¿te co'iya? Xonca ticuicomma tepi'intsolhuo' al ts'e colpicuejma'. ¹⁶ Pe naihuejcopá ihe lataiqui', tipac'e'etsola' lihpicuejma' LanDios, tixintsola' acuanuc'la. Ma ihe ti'onhospola' to lun Israel. Ihniya al linca ixanuc' LanDios.

¹⁷ Lipangopa itsiya aimahsueh'miconama. Ma' iya', a'i ihe locuenaye xanuc', jifa'a laicuerpo aitaic' lainepelot'la'. Ihna'a tuya'ayi ma Jesús aiPoujna, iheque lummepa.

¹⁸ Cunc'aipimaye, titoc'itsolhuo' lah'Poujna Jesucristo. Totsingufle iheque lopaxnepolhuo' jilpe lolunxajma'. Tohta'a ti'ila'. Amén.

LIJE'E SAN PABLO LINIĒ'EPOLA' LAPIMAYE LEFOT'ĒPOĒTSI LIĒYA' ÉFESO

¹ Iya' ninPablo, nin'apóstol, Jesucristo alummepa. Toġta'a ixpic'epa LanDios. Iya' quiniġ'elhuo' imanc', unc'aipimaye noġmana' liġya' Éfeso. Imanc' noġ'huaiyijmpá LanDios, i'huexi iġque. Jesucristo joupa epenufpolhuo'.

² LanDios cal'Ailli' y laġPoujna Jesucristo titoc'itsolhuo', tipaxnetsolhuo', tipac'e'etsolhuo' loġpicuejma'.

³ Aġs'najtsi'ile LanDios, iġque enDios i'Ailli' laġPoujna Jesucristo. Iġque joupa aġpaxneponga'. Cal Espíritu Santo lapi'inga' jahuay al c'a lopa'a lema'a. Iġe al c'a LanDios tixina joupa i'ipa aġ'huexi illanc' naġ'huaiyijmpá Jesucristo.

⁴ Cacia: LanDios aġpaxneponga'. Ai'a tilanc'e'ma li'a lamats' LanDios aġ'huijfeponga', limetsaicoponga' to joupa lapenufponga' Cristo. Ixpicepa laġ'iyaconga'. Ixpicepa te ts'i'ic' maġsinyaconga' litine lacaxhuoġaitsa jilpe pe lopa'a. Jilpe litine aġmujtoġtsi aġinca i'huexi LanDios. Aġmujtoġtsi joupa i'ipa pangay c'a laġpicuejma', ailopa'a caljunac', acueca' aġ'eta capic'a LanDios.

⁵ LanDios aġ'eponga' capic'a. Toliya ixpic'epa aġ'itsonga' inaxque', iġque ti'ila' aġ'Ailli'. Ixpicepa toġta'a lapenuftonga' illanc' naġ'huaiyijmpá Jesucristo. Iġe lixpicepa ma letenġcocopa maġque quituca'. ⁶ Toġta'a tixinim'me acueca' LanDios. Aġsininnonga' acueca' laġpaxneponga', acueca' laġtoc'iponga' illanc' lapenufponga' Cristo, iġque i'Hua LanDios ġpic'a.

⁷ Iġque li'Hua LanDios joupa lapenufponga'. Toġta'a LanDios limenc'e'ecoponga' lixcay laġ'epa. Aġsimponga' joupa i'najtsempa laġjunac'. Cristo, litine lixcuajaipa lijuats', i'najtsepa. Linca a'i huata iġe laġtoc'iponga' LanDios. Acueca' juaiconapa ac'a laġ'eponga'. ⁸ Acueca' lipicuejma' LanDios. Ixina' lo'eya, lo'epa. Ailopa'a calcuanac'eponga', acueca' laġpaxneponga'.

⁹ Joupa aġmuc'iponga' te ts'i'ic' lixpicepa. Li'ipa tocomma to emiya lataiqui'. Itsiya a'i. Icuaitsi litine letenġcocopa LanDios iġque aġmuc'iponga'.

¹⁰ Aġmuc'iponga' te lo'iya Cristo, iġe joupa ixpic'epa LanDios. Ma mi'hua menant'hi litine tixhuaitsi jahuay, ti'hua tuya'am'me iġe lataiqui'. Tijouġa' jahuay tihuejco'me Cristo, jahuay lopa'a lema'a, jahuay lopa'a li'a lamats'.

¹¹ Linca, jahuay tihuejco'me Cristo. Maġque Cristo nalapenufponga'. Toġta'a LanDios aġsinninga' ixanuc', i'huexi. Iġque joupa aġ'huijfeponga' aġ'itsonga' toġta'a. LanDios ja'ni tixpic'eġa' ti'ila', ma toġta'a ti'i'ma. Iġque tixhuai'ni'ma jahuay lipic'a. ¹² Ipic'a timetsaiconte anDios. Tixinninte acueca' lipicuejma' jouc'a lo'epa. Tix'najtsi'ile. Toliya aġ'huijfeponga' illanc' petsi luyaipa quitine aġ'huaicoyi ticuaiyunni cal Cristo.

¹³ Imanc' jouc'a oġ'huaiyijmpá Cristo. Ate'a oġquimf'epá al Linca Cataiqui'. Maġe Lataiqui' loya'apa iġe al c'a lixpicepa LanDios, tuya'e' te ts'i'ic' monġ'eyacu ja'ni tolunġul'me. Lijou'ma oġ'huaiyijmpá Cristo, LanDios epi'ipolhuo' li'Espíritu ma to lijoupa licupa cataiqui' tepi'itsolhuo'. Iġque li'Espíritu ġepi'ipolhuo' maġque cal Espíritu Santo. Toġta'a i'huáquilhuo' imanc' ma' aġinca ixanuc' LanDios, i'huexi iġque. ¹⁴ Maġmana' fa'a li'a lamats' illanc' ma' i'huexi LanDios. Tijouġa' lunġu'etsonga', lapenuftonga' nulemma. Joupa aġmuc'iponga' aġinca toġta'a laġ'iyaconga'. Aġmuc'iponga' aimafel'miyaconga'. Toliya lapi'iponga' cal Espíritu Santo. Litine lapenuftsonga' timetsaicom'me ma' anDios, acueca' lo'epa.

¹⁵⁻¹⁶ Toliya iya' cax'najtsi'i LanDios. Aġmimpa: "Iġne lun Éfeso ti'huaiyijnyi laġPoujna Jesús, ti'eyi capic'a liġpimaye, iġne jouc'a i'huexi LanDios". Aimafesopa. Ti'hua cax'najtsi'i. Ma capalaic'o LanDios caxahue'e titoc'itsolhuo'. ¹⁷ Cacia:

Caxahue'e LanDios titoc'itsolhuo', tipaxnetsołhuo' cal Espíritu Santo. Iłque tepi'itsolhuo' colpicuejma', ti'ila' colšina' te ts'i'ic' LanDios lipicuejma', xonca tolimetsaico'me iłque. Iłque LanDios ma' enDios łalPoujna Jesucristo jouc'a i'Ailli'. Tołta'a iłque Jesús imuj'moxi ituca'. Imuj'moxi ma' anDios.

¹⁸ Ja'ni tepi'itsolhuo' tołta'a lołpicuejma' jouc'a tepalc'o'i'molhuo'. Tołta'a a'i ma le'a moł'huaicoyacu tolapenuftsa al c'a, jouc'a ti'i'ma colšina' te ts'i'ic' lapi'iyacolhuo' LanDios. Ti'i'ma colšina' te ts'i'ic' al cueca' al c'a tolapenufta. He linca acueca' ac'a juaiconapa. Ailopa'a co'onłcoya. Linca imanc' tolapenufta. Jouc'a jahuay iłniya pe LanDios i'epola' i'huexi, tepenufta lapi'iyacola' LanDios linaxque'. ¹⁹ Jouc'a ti'i'ma colšina' te ts'i'ic' al cueca' lo'epa LanDios. Ti'i'ma colšina' icueya limane. Tołsinguf'me acueca' titoc'i'molhuo', acueca' tipaxne'molhuo' ma moł'huaiyijnyi.

²⁰ Linca, LanDios joup'a imujpa acueca' juaiconapa lo'epa. Joup'a i'epa acueca', imaf'i'inapa Cristo. Ipa'anapa pe lomana' limanapola'. If'ac'enapa al toncay lema'a. Icutsupa al c'a camane. ²¹ Ailopa'a co'onłcoya to iłque Cristo. Iłque xonca acueca', xonca acueca' ti'hua limane, xonca acueca' lo'epa, xonca acueca' locuxepa, xonca acueca' lipuftine. Ja'ni itsiya litine o locuaicoya locuena quitine, małque Cristo tuliqui jahuay. ²²⁻²³ LanDios joup'a ixpic'epa jahuay tihuejcole Cristo, iłque Incuxepa, ticuxe jahuay. LanDios epi'ipa lixanuc', iłne lefot'łepola'. Iłque copa'a iłjuac, ticuxela' iłne icuerpo. Jiłpe timujyoxi LanDios. Linca LanDios ni petsi tipa'a, timujyoxi. Jiłpe lixanuc', iłne icuerpo Cristo, xonca timujyoxi.

2

¹ Imanc' ai'a tolapenuf'me al ts'e lołpitine joup'a ejac'polhuo'. Aimonł'eyi locuxepa LanDios. Tonł'eyi lixcay. ² Toluyalaicoyi anuli iłne locuenaye xanuc' nomana' fa'a li'a łamats'. Olihuejco'me iłpincuxepa contahue. Iłne lontahue nomana' jiłpe lema'a xonca a'ojca, a'i pe lopa'a LanDios, ticuxeyi iłpicuejma' lan xanuc' petsi aimihuejcoyi LanDios. ³ LanDios ałsimponga' illanc' ma' anuli aicalihuequi. Imanc' illanc', luyaipa quitine luyalaicoyi lapajnya mał'eyi łaljanajpa. Lihuejcoyi lojanajpa łaluerpo. Illanc' caluca' ałspic'eyi łal'eyacu. Małmana' tołta'a ailopa'a al ts'e łalpitine. Ma' anuli locuenaye petsi aimihuejcoyi ałtelmi'monga' LanDios.

⁴ Linca, LanDios juaiconapa ac'a lipicuejma'. Ałsimponga' ninc'icuanuc'la. Acueca' juaiconapa ał'eponga' capic'a. ⁵ Illanc' ma aimalihuejcoyi, joup'a lajac'epołtsi. Tama tołta'a łal'ejma' iłque lapi'iponga' al ts'e łalpitine. Ałmaf'i'inaponga' anuli Cristo. Tołta'a łalłoc'iponga' LanDios, łalpxneponga', joup'a lunłu'eponga'. ⁶ Ma' anuli Cristo lacaxunaponga', lipa'aponga' pe lomana' lomanapola'. Ma' anuli iłque ałcutsunaponga' jiłpe lema'a. Lapenufponga' Jesucristo, tołiya ał'iponga' tołta'a. ⁷ Ticuaitsi Locuaicoya Quitine LanDios timuj'ma acueca' juaiconapa ałłoc'iponga', acueca' ałpxneponga' illanc' ixanuc' Cristo, lapenufponga' iłque. ⁸ Cacia: "LanDios joup'a itoc'ipolhuo', ipaxnepolhuo', unłu'epolhuo'". Linca imanc' aimi'iya molunłu'eyacołtsi. Ma LanDios imetsaicopolhuo' toł'huaiyijnyi. Tołta'a ma' iłque unłu'epolhuo'. ⁹ Linca ailopa'a cal'eyacu, ni illanc' ni imanc'. Aimi'iya małnesyacu: "Joup'a ai'epa al c'a, tołiya LanDios lunłu'e'ma. Iya'ninc'a." Ailopa'a conescoyacoxi tołta'a.

¹⁰ Cristo joup'a lapenufponga'. Tołta'a LanDios ałłanc'e'eponga' łalpicuejma', lapi'iponga' al ts'e łalpitine. Tołiya ti'i'ma ał'e'me al c'a. Ał'e'me małe al c'a lixp'ic'epa LanDios ał'e'e. Tołta'a ixpic'epa luyalaicołe.

¹¹ Toliya aimolimenc'eco'me te ts'i'ic' lipaxnepolhuo' ËanDios. Toľ'nujuaisle te ts'i'ic' li'ipa li'ipolhuo'. Imanc' a'i cunc'ijudío, ituca' loľnación. Aiquetec'ennilhuo' loľpoxic'. Toľta'a lan xanuc' judío tetets'ilhuo', tecui'ilhuo': "İne petsi ailopa'a quılseña, petsi aiqui'ennila' circuncidar". İne lan judío joupa i'empola' circuncidar, joupa etec'empola' liľpoxic'. ¹² İniya litiné aicunľejmale Cristo. Lan xanuc' Israel imetsaiconnila' ixanuc' ËanDios, imanc' a'i, imanc' unc'ocuenaye xanuc'. İne lun Israel ËanDios joupa imaneconca cataiqui'. Nulemma icupa cataiqui' tepi'i'mola' al c'a. Imanc' aicolapenufi ile lataiqui'. İniya litiné imanc' ailopa'a coľ'huaicoyacu. Fa'a li'a ľamats' ma toluyalaicoyi lapajnya. Aicolimetsajma ËanDios.

¹³ İtsiya joupa ipaicopa ile loľpepajnya. Joupa epenufpolhuo' Jesucristo. Li'ipa tocomma to toľmana' aculi', aimi'iya moli—loc'oľaiyacu ËanDios. Cristo joupa ixcuajaipa lijuats' i'najtsepa loľjunac'. Toľta'a iloc'ai'epolhuo' ËanDios. ¹⁴ Maľque Cristo ipac'epa lafuleya. İtsiya illanc' ninc'ijudío jouc'a imanc' a'i cunc'ijudío ma maľmana' anuli. Ailopa'a tintsı. Li'ipa tipa'a laľpa'neponga'. İniya litiné aicalejmale, aiqui'ic'. Licupoxi Cristo tepaľts'ijnle licuerpo jilpe lancruz, ilque eteľpa ile laľpa'neponga', ilonc'epa nulemma.

¹⁵ İe laľpa'neponga' itaiqui' Moısés licuxepa. Jilpe inilijmpa anuli anuli te ts'i'ic' malihuejcoyacu ËanDios. Limapa jilpe lancruz Cristo ilonc'epa limane ile lataiqui'. İtsiya aimi'iya maľpa'neconayaconga'. Imanc' illanc' aľ'e'eponga' to anuli cal ts'e xans. Lapi'iponga' al ts'e laľpicuejma'. Toľta'a ipac'epa lafuleya. ¹⁶ İtsiya aimal'econayacoľtsı laic'. İe lixcay laľpicuejma' Cristo ima'apa ile litine lepaľts'ingimpa jilpe lancruz. Ma maľsinyoľtsı ituca' ituca' laľpicuejma' aimi'iya maľejmaleyacu ËanDios. Cristo aľ'e'eponga' anuli. Ma aľmana' icuerpo ilque. Toľta'a aľejmale ËanDios.

¹⁷ Li'huamma Cristo uya'apa joupa ipac'epa lafuleya. I'huamma ti'ila' coľsina' imanc' noľmana' aculi', jouc'a ti'ila' quılsina' petsi xonca ahuejnca ËanDios, itsiya ailopa'a tintsı. ËanDios tepenufila' jahuay lan xanuc' ma' anuli. ¹⁸ Ma' ilque Cristo ticu lane aľpalaic'ole ËanDios cal'Ailli', li—loc'oľai'me imanc' y illanc'. Joupa lapenufpá cal Espıritu Santo. Toliya lapenufinga' ËanDios.

¹⁹ İtsiya aimi'iya mecui'inyacolhuo' "aine", o "ilne ocuenaye xanuc'". İtsiya imanc' illanc', jouc'a jahuay laľpimaye, joupa aľ'e'eponga' i'huexi ËanDios. Tipa'a laľpiya' pu'hua lema'a. Ma ËanDios aľ'Ailli'. ²⁰ Ma to lipangopa lo'huaiyijmpa lan apóstole, lam profeta, ma' anuli oľpango'me imanc'. Maľ cataiqui' olapejpá.

To anuli cal cueca' capic lipo'nof'impá ľaitaľ cajut'ľ, ilque ľapic nolanc'epa lajut'ľ aimecangeya, toľta'a lo'onľcospa Jesucristo. ²¹ Petsi lepenufpola' ilque laľPoujna Cristo, ilne ti'onľcospa to anuli al paxi cajut'ľ tilanc'econni apic'. İna'a lapic' tipo'nof'inni anuli anuli pe lo'eya quipenic'. Maľque Cristo, to cal Cueca' Capic, ipulaic' ľaitaľ. ²² Jouc'a imanc' lepenufpolhuo' Cristo, tipo'no'innilhuo' pe lonľ'eyacu canic'. Toľta'a tilanc'enni lejut'ľ ËanDios. Jilpe copa'a cal Espıritu Santo, ilque ma' anDios.

3

¹ İtsiya ca'nujuaitsi'ilhuo' ile al cueca' lipaxnepolhuo', al cueca' li'e'epolhuo' ËanDios. İya' ninPablo aitoc'i'molhuo' imanc' pe a'i cunc'ijudío. Nu'i'molhuo' naitsi cal Cristo, ilque Jesús. İe aipenic'. Toliya itsiya aľtats'iya.

² Joupa oľsina' toľta'a laipenic'. ËanDios aľpaxnepa, alapi'ipa laipenic', cuya'aľa' Lataiqui' ni petsi loľmana' imanc' pe a'i cunc'ijudío. ³ Oľsina' ma ËanDios aľmuc'ipa Lemiya Cataiqui'. İľta'a coľje'e joupa niniľ'epolhuo' oque'

afane' lataiqui' lonescopa iŕe Lataiqui' lemiya. ⁴ Moŕsuef'yi iŕe laininiŕ'epolhuo' ti'ila' coŕsina' aŕinca cacueca Lemiya Cataiqui', iŕe lonescopa Cristo.

⁵ Luyaipa quitine lan xanuc' aiquiŕsina' iŕe lataiqui'. Itsiya LanDios joupa imuc'ipola' li'apóŕtole jouc'a liprofeta, iŕne i'huexi. Cal Espíritu Santo aŕmuc'iponga'. ⁶ Aŕmuc'iponga' te ts'i'ic' lo'iyacolhuo' imanc' a'i cunc'ijudío pe noŕ'epá linca Lataiqui', joupa epenufpolhuo' Cristo. Imanc' illanc', LanDios limetsaiconga' inaxque'. Aŕsinninga' joupa aŕ'iponga' to anuli al cuerpo. LanDios joupa icupa cataiqui', aŕmiponga' aŕtoc'i'monga' illanc' ninc'ijudío. Itsiya maŕe lataiqui' timilhuo' imanc', ma' anuli aŕtoc'i'monga' illanc' imanc'. Ma' anuli lalapi'iyaconga'.

⁷ Iya', LanDios lapi'ipa laipenic' cuya'aŕa' Lataiqui' loya'apa iŕe al c'a lixpic'epa LanDios. Aŕpaxnepa, lapi'ipa laipicuejma'. Laŕpaxnepa toŕta'a aixinguf'ma acueca' icueya limane LanDios. ⁸ A'i ca'onŕicoyacoxi to laipimaye, iŕne jouc'a i'huexi LanDios. Ja'ni anuli iŕniya tixinyoxi aca'hua xans iya' cacua: Iya' ajna'hua capima xonca. Ma LanDios aŕpaxnepa, lapi'ipa laipenic' ca'huaŕa' pe lomana' lan xanuc' a'ij judío, jiŕpe capalaicotsi Cristo, cuya'atsi te ts'i'ic' iŕque lipicuejma'. Linca juaiconapa xonca acueca' ac'a lipicuejma', ailopa'a co'onŕcoya. Aimi'iya micuec'eyacu nulemma.

⁹ LanDios lapi'ipa laipenic' camuc'itsola' acuajmaica Lemiya Cataiqui'. Ti'ila' quiŕsina' lan xanuc' te ts'i'ic' menant'hiya Lataiqui' lonescopa. Lipan-gopa liŕanc'epa li'a ŕamats', Lemiya Cataiqui' joupa tipa'a jiŕpe lipicuejma' LanDios. Iŕque joupa ixpic'epa lo'eya. Maŕque LanDios ilanc'epa jahuay. ¹⁰ Cacua: LanDios lapi'ipa laipenic'. Toŕta'a tefot'ŕela' lixanuc'. Tixintsa lapaluc' quema'a te ts'i'ic' lipicuejma'. Iŕne lan tsila' capaluc' nomana' lema'a, pe acueca' icueya liŕmane, ticuxeyi jiŕpe, maŕniya itsiya tehuelonginnila' lixanuc' LanDios lefot'ŕepola'. Mehuelojnyi ti'i'ma quiŕsina' te ts'i'ic' litoc'ipola', lipaxnepola' LanDios lixanuc'. Iŕne lixanuc' anuli anuli ocuena ocuena liŕpicuejma' lepi'ipola' LanDios. Toŕta'a ma quefoŕya timujyi te ts'i'ic' al cueca' lipicuejma' LanDios.

¹¹ LanDios al coŕta ixpic'epa ti'ila' quiŕsina' toŕta'a lapaluc' quema'a, toŕiya' lepi'ipa lipenic' Jesucristo, iŕque aŕPoujna. ¹² Cristo joupa lapenufponga'. Toŕta'a tixoqui calata aŕŕoc'oŕaiyi LanDios. Ma maŕ'huaiyijnyi Cristo aimasueŕmot'ŕeyi, ailopa'a calpa'neyaconga'. LanDios lapenufinga'.

¹³ Linca acueca' iŕe lataiqui' laifnuya'apa. Toŕiya caxa'huelhuo', camilhuo': Aimosueŕmot'ŕeco'me. Aimosnes'me: "Acuanuc' Pablo, acueca' juaiconapa lotelcopa". Aimolpai'i'molŕsi lolpicuejma'. Toŕ'nujuaisle: Ja'ni coŕa' iya' aicateŕma, coŕa' ailopa'a mipaxneyacolhuo' LanDios.

¹⁴ Ma ca'nujuaitsilhuo' al cueca' lipaxnepolhuo' LanDios, iya' caxc'onŕingay cal'Ailli'. ¹⁵ Fa'a li'a ŕamats' lanaxque' mecui'innila' quiŕtatá "aŕ'ailli'", o mecui'iyolŕsi toŕta'a iŕne nomana' lema'a, ¿pe qui'huayomma iŕe lataiqui' o iŕe liŕ'ejma'? ¿Te qui'ipa limetsaicopolŕsi toŕta'a? Toŕta'a maŕque LanDios ecui'ipoxi.

¹⁶ Iŕque linca ma' anDios. Aimehue'e'. Ixhueya lipicuejma', acueca' icueya limane. Toŕiya caxahue'e titoc'itsolhuo'. Caxahue'e titoc'itsolhuo' hi'Espíritu, ti'ila' acueca' lolpicuejma', jouc'a tonŕ'e'me al cueca'. ¹⁷ Ja'ni toŕta'a lotoc'ipolhuo' itine itine toŕ'huaiyijm'me cal Cristo, iŕque tipajm'ma lolunxajma'. Tepi'i'molhuo' colpicuejma' toŕ'etsolŕsi capic'a. Tifa'e'molhuo' lolpicuejma'. ¹⁸ Toŕta'a aimimajaiqueyacolhuo'. Imanc' jouc'a jahuay lixanuc' LanDios, iŕne i'huexi iŕque, ti'i'ma coŕsina' nulemma te ts'i'ic' litoc'ipolhuo' LanDios. Ja'ni to'huaŕa' lexpats'qui o lipitoqui li'a ŕamats', o taimutsi al 'ocay, o tof'ajla' al toncay, ni petŕsi loŕtŕeya aimoxinya Lataiqui' xonca' acueca', ailopa'a.

¹⁹ Caxahue'e tolimetsaicole te ts'i'ic' mi'nujuaitsilhuo' Cristo. Linca, aimi'iya mołcuejyacu nulemma. Juaiconapa acueca' ti'elhuo' capic'a.

Ja'ni tołta'a lotoc'ipolhuo' ŁanDios ti'hua ti'i'ma ixhueya lołpicuejma'. Ti'i'ma to lipicuejma' ŁanDios. ²⁰ Iłque ŁanDios ti'ay al cueca'. Aimi'iya małsinyacu nulemma lo'eya. Ja'ni ałsa'huele o jilpe lałpicuejma' ałnesle: "Aipic'a ałtoc'ila' acueca'", linca xonca acueca' ałtoc'i'monga'. Tołta'a ałtoc'inga' cal Espıritu Santo, iłque łalapenufpa.

²¹ ¡Małque ŁanDios ałs'najtsi'ile! Cristo timuqui te ts'i'ic' ŁanDios lipicuejma'. Ma' anuli timujyi lixanuc' ŁanDios lefot'łepola'. Amats' amats' ti'i'ma tołta'a. Jouc'a Locuaicoya Quitine ti'hua ti'i'ma, aimijouya. Tołta'a ti'ila'. Amén.

4

¹ Iya', ma ca'ay lanic' lalapi'ipa łaiPoujna, ał'nołimpa. Itsiya capa'a ałtats'iya. Fa'a caxc'ai'ılhuo' lonł'eyacu. Imanc' joupa ijoc'ipolhuo' ŁanDios, imanc' ixanuc' iłque. Camilhuo': Tołmułtsotłsi ixanuc' ŁanDios. ² Aimoł'nof'e'mołtsi. Aimołtalai'otł'e'me ŁanDios ni mołtalai'ot'le'mola' lan xanuc'. Tołsnet'He lo'e'epolhuo'. Amolixtuc'o'mołtsi, toł'etsotłsi capic'a. ³ Cal Espıritu Santo joupa i'e'epolhuo' anuli. Tołpo'nołe lołpicuejma' ti'hua toł'e'mołtsi tołta'a. Ja'ni aimołfuleyi linca tołuyalaico'me anuli lołpicuejma'.

⁴ Illanc' petsi nał'huaiyijmpá Cristo ał'onłcosponga' to licuerpo. Iłque licuerpo anuli le'a. Anuli cal Espıritu mipa'a jilpe, iłque cal Espıritu Santo.

ŁanDios ałjoc'iponga' ał'huaicołe ile lalapi'iyaconga'. Ma' anuli lapi'itonga' jahuay illanc'. ⁵ Anuli łalPoujna, ma' anuli lataiqui' lał'huaiyijmpa, anuli lalapocopa. ⁶ Anuli łalanDios, iłque ił'Ailli' jahuay. Iłque xonca cal Cueca', jahuay tixhuai'niyi lixpicepa, jahuay illanc' ałmana' pe lipanga.

⁷ Linca tama jahuay illanc' ałmana' pe lipanga ŁanDios a'ij nuli ile lałpaxneponga'. Ituca' ituca' lałpaxneponga' Cristo. Iłque tixpiquei. Anuli anuli lapi'iponga' lałpenic'. ⁸ Tołta'a loya'apa ŁanDios jilpe al Paxi Linilingiya, ticua: If'ajnapa lema'a, mif'aquinghua ilecopola' lixanuc', iłne li'ipa litats'ila' joupa ux'masquem'mola'.

Lijou'ma ica'ne'mola' lixanuc' lapi'iyacola', tepenufle.

⁹ Joupa ałcuapá: "If'ajnapa". Ai'a tif'aj'ma imumma, imuyomma jilpe al 'ocay li'a łamats'. Lijou'ma if'ajna'ma, icuaita pe lopa'a al te'a. ¹⁰ Iłque nimumma, nif'ajnapa ma' anuli iłque. If'ajnapa lema'a xonca al toncay. Tołta'a aimi'iya minesquinyacu: "Fa'a ailopa'a". Ni petsi, ja'ni lema'a, ja'ni li'a łamats', iłque tipa'a, ticuxe.

¹¹ Lijoupa lif'ajnapa al toncay lema'a, Cristo epi'ipola' lixanuc' ituca' ituca' liłpenic'. Tołta'a timana' lan apóstole, timana' lam profeta, timana' lan evangelista, iłne noya'apá Lataiqui', timana' lam pastor, iłne no'epá cuenna liłpimaye, timana' lomxiye, iłne tuhuałyi Lataiqui', timuc'iyaleyi.

Jahuay iłniya Cristo epi'icopola' lixanuc', titoc'itsola' iłne lefot'łepola' ŁanDios. ¹² Iłne no'epá lanic' ti'hua titoc'innila' liłpimaye, tifa'ennila' liłpicuejma'. Tijoułta' jahuay lapimaye, iłne i'huexi ŁanDios, ti'i'ma pangay c'a liłpicuejma', aimehue'eyacola'. ¹³ Tołta'a jahuay illanc' nał'huaiyijmpá Lataiqui', ałcuc'e'me nulemma loya'apa ile Lataiqui', limetsaico'me nulemma te ts'i'ic' lipicuejma' hi'Hua ŁanDios. Tijoułta' ałnesco'mołtsi: "Joupa ałtołpa". Iłne litine lałpicuejma' ti'i'ma pangay c'a, joupa ilajmpa. Cristo mane ac'a lipicuejma', aimehue'e'. Jouc'a aimalahue'eyaconga'. ¹⁴ ŁanDios joupa lapi'iponga' iłne lałtoc'iponga', ałmuc'itsonga' lihuejle. ŁanDios aimicua maluyalaicoyacu mał'onłcoyaconga' to la'uhuyay, iłne liłpicuejma' tife'ne'mola' ni cua tintsı cataiqui'. Aimicua małfel'miyaconga' lan xanuc' petsi acueca' quixcay liłpicuejma'. Iłmał'i' iłniya, iłsina' lo'eyacu tifel'miyale'me. Iłne joupa imenajpola'. Tihuejyi ituca'

cataiqui'. ¹⁵ ŁanDios xonca ipic'a lihuejle al Linca Cataiqui'. Ma'ela' capic'a lařpimaye, ma' iře Lataiqui' luya'a'me. Tořta'a ti'hua tilajm'ma lařpicuejma', ti'i'ma pangay c'a, ti'onřcota to Cristo lipicuejma'. Iřque ařjuac, illanc' icuerpo.

¹⁶ Cristo lařjuac ařtoc'enga' illanc' icuerpo. Anuli al cuerpo axpe' mipa'a. Iřne aimitoqui anuli anuli. Jahuay iřniya titojyola' pe lomana'. Litornillo lařonřyopola' jahuay. Tořta'a tites'miyotřsi, titoc'iyotřsi. Iřiya al'onřponga' illanc' icuerpo Cristo. Ma'eyotřsi capic'a ařtoc'iyotřsi, ařfa'e'motřsi lařpicuejma'.

¹⁷ Joupa aixc'ai'ipolhuo', aimipolhuo': "Tořmujtřotřsi ixanuc' ŁanDios". Illanc' ninc'apimaye, ma' anuli lařPoujna. Tořiya caxc'ai'icona'molhuo', camilhuo': Ma monluyalaicoyi lapajnya aimotř'e'me to mi'eyi iřne petsi aimimetsaicoyi ŁanDios, iřne naihuejpá latentřocopola' quilituca'. Aimihuejyi latentřocopa ŁanDios. ¹⁸ I'ipa muf liřpicuejma'. Aimicuec'eyi, tořta'a enaj'motřsi ŁanDios. Joupa ejac'epotřsi. Liřpicuejma' i'ipa to lařpic. ¹⁹ Aimi'iya mixinyacu calaic'ata. Icupotřsi ti'eře al xujc'a, ti'eře niřpiya. Aimicuayi: "Aimař'econa'me tořta'a". Ma ti'hua tehueyi xonca niřpiya lo'eyacu.

²⁰ A'i tořta'a lipalaic'ocompolhuo' Cristo. A'i tořta'a lipicuejma' iřque. ²¹ ¿Te aicořcueca litaiqui'? O ¿aiquepenuřilhuo' iřque? Mařmuc'ilhuo', mařpalaicoyi iřque Cristo, ¿te aicařnesqui al linca? ²² Ai'a ti'i'ma al ts'e lořpitine tořlihuejcoyi cořtuca' lořpicuejma'. Jiřniya litiné ti'hua tořlajac'eyotřsi, ti'hua tořfel'miyotřsi, tořřanajyi tonř'eře niřpiya. Tořta'a tořlihuejyi. Joupa lu'ipolhuo': "Iře lonř'epa li'ipa, tořpo'noře nulemma". ²³ Itsiya tipa'a al ts'e lořpitine. Cal Espřritu Santo tipa'a jiřpe lořpicuejma'. Itine itine tořlapenuřfle cořpuřfxi lapi'ipolhuo' iřque. ²⁴ Tořřpic'eře nulemma tořlihuejcoře al ts'e lořpicuejma'. Iře to lipicuejma' ŁanDios tixpic'e ma le'a al c'a, tihuejco'ma ma le'a ŁanDios, iřque cal Paxi. Tořta'a ate'a ilanc'empa lipicuejma' cal xans. Iřque lipicuejma' mane ac'a. Ti'onřcospa to lipicuejma' ŁanDios, iřque aimifel'miyale.

²⁵ Joupa ořřpic'epá aimotřfel'miyaleconayacu. Ne'. Mořpalaic'oyotřsi tořnesle ma le'a al linca. Anuli anuli tipalaic'ola' tořta'a lipima. Aimotřfel'miconayacořsi. ŁanDios joupa lařotř'eponga' to anuli al cuerpo. Illanc' ninc'apimaye. ²⁶ Ja'ni oliřtulepá aimi'hua molixtule'me. Ai'a tipo'nof'caita cal 'ora tořpac'eře lořpoyac'. Ja'ni a'i ŁanDios aimetenřcocoya iře lonř'epa, tixim'ma a'ijc'a. ²⁷ Ja'ni ti'hua molixtuleyi ma le'a tořlapi'iyi lane řonta'a Satanás.

²⁸ Łapima pe joupa ihuiyipa, ti'hua tinantse, aiminantsecona'ma. Ituca' tixhuico'mola' limane', ti'etřsi al c'a lanic'. Tořta'a ti'i'ma ti'huej'ma. Ti'i'ma tepi'i'ma petsi aiqui'hueca.

²⁹ Aimotřnes'me camac'ta cataiqui', ni anuli. Tořřpic'eře al c'a lořnesyacu. Tořmi'motřsi: "¿Te cahue'epola' lařpimaye?" Lijou'ma tořnesle lataiqui' lořa'eyacola' liřpicuejma'. Xonca ticuec'e'me. Jouc'a ŁanDios tetentřcoco'ma lořnespa. Titoc'i'mola', tipaxne'mola' noquimf'epolhuo'. ³⁰ Ja'ni tořnesle camac'ta cataiqui' tořřuosmi'me cal Espřritu Santo, iřque liřpaxi Espřritu ŁanDios. Aimontř'e'me tořta'a. Imanc' joupa olapenuřpá cal Espřritu. ŁanDios imuc'ipolhuo' imanc' alinca ixanuc'. Tocomma ipo'ninc'e'epolhuo' řisello, iřque ořPoujna. Ticuaitřsi al Cueca' Quitine tepenuřftolhuo' nulemma, tunřu'etolhuo'.

³¹ Ja'ni tipa'a al cuaj jiřpe lořpicuejma' tořlipa'aře. Aimolixtuc'ocona'motřsi. Aimotřnujuaiscona'me iře li'ipa lolixtulepa. Aimotřjaic'o'motřsi. Aimotřnesco'motřsi a'ijc'a. Tořřpic'eře nulemma aimotř'econa'me tořta'a. Jouc'a jiřpe lořpicuejma' aimolatets'icona'motřsi. ³² Tořpalaic'otřotřsi al c'a, tořtoc'itřotřsi, tořlimenc'e'ecotřotřsi. Imanc' lepenuřfpolhuo' Cristo, ŁanDios joupa imenc'e'ecopolhuo' lonř'epa. Tořta'a imanc' tořlimenc'e'ecotřotřsi lonř'e'epotřsi.

5

¹ Camilhuo': Ti'itsolhuo' lo'ejma' to li'ejma' ÆanDios. Tołmujtsotłsi to caiquinaxque' iłque. ² Itine itine toł'nujuaitsotłsi ma to Cristo li'nujuaispolhuo'. Iłque icupoxi tima'anle i'najtsepa lałjunac'. Iłque litsufcopoxi etenłcospa ÆanDios. Tołiya limenc'e'ecoponga' lał'epa.

³ Imanc' jounpa i'huexi ÆanDios, tołmujtsotłsi tołta'a. Aimolahue'mola' cacal'no'. Aimonł'e'me nixpiya. Ni monł'e'me to lo'epa iłniya petsi ti'hua tijana-jyi. Aiminesyi: "Aimal'econa'me tołta'a". Ma ti'hua tehueyi xonca nixpiya lo'eyacu. Imanc' ni mołpalaico'mola' iłniya lo'epa. ⁴ Aimonł'e'me ni mołnes'me al xujc'a. Aimolilotsoco'mołtsi. Aimołpalaic'oco'mołtsi lołpema'c'ta. Iłna'a aimetenłma. Xonca ticuicomma tołs'najtsi'ile ÆanDios. ⁵ Iłne petsi nahuepá cacal'no', jouc'a petsi axujc'a liłpicuejma', jouc'a petsi ti'hua tijanajyi xonca, małniya ti'onłcospola' to naxc'onłingołaipá lilendiosla', imanc' jounpa ołsina' lo'iyacola'. Nij naitsi iłniya notsufaiya pe locuxeyopa Cristo, jilpe locuxeyopa ÆanDios.

⁶ Lan xanuc' no'epá tołta'a tepi'iyi coyac' ÆanDios. Iłque titeł'mila' iłne lin-cuejlocale. Imanc' aimołfel'mi'mołtsi. Aimołquimf'e'mola' nocuapá: "Ailopa'a tintsı. Tonł'ele ma ts'ołpic'a." Iłne mane tipalołaiyi. A'ij linca lonespa. ⁷ Jounpa aimipolhuo': Iłne lixcay xanuc' tepi'iyi coyac' ÆanDios. Imanc' aimonł'e'me tołta'a.

⁸ Li'ipa, imanc' lołpicuejma' mane amuf. Ti'onłcospolhuo' to lipuqui'. Itsiya a'i. LałPoujna jounpa epenufpolhuo', epalc'o'ipolhuo'. Moluyalaicoyi lapajnya tolapalc'o'itsola' locuenaye. ⁹ Petsi ÆanDios jounpa epalc'o'ipola' liłpicuejma', iłne timuj'mołtsi pangay c'a xanuc'. Ti'eyi ma le'a al lija, tihuejyi al linca. ¹⁰ Imanc' tolahuele latenłcocoya ÆanDios, małe tonł'ele. ¹¹ Iłne petsi amuf liłpicuejma', lo'epa iłniya ailopa'a al c'a caipammaispa. To iłniya aimonł'e'me. Tolana'j'mołtsi. Xonca tołtale'mola', tołmujle a'ijc'a lo'epa. ¹² Iłniya juaiconapa axujc'a ile lo'epa lemiya, ni aimi'iya małnescoyacu.

¹³ Ja'ni lepalc'o' tepalc'o'ila' lemiya, ile ti'huájta, timuj'moxi te ts'i'ic' mipa'a. Tołta'a lo'iya ja'ni ałtale'mola' iłne no'epá al xujc'a. Iłne lixcay timuj'moxi te ts'i'ic' mipa'a. ¹⁴ Mane lepalc'o' tepalc'o'i'ma lemiya. Tołiya al Paxi Linilıngiya tuya'e':

Aimi'hua moxmai'ma, tomaf'ila'.

Totsahuenni, taipanni, topo'notsola' lof'as xanuc', iłne no'onłcospola' to li-manapola'.

Tijoula' Cristo tepalc'o'i'mo'.

¹⁵ Tołpo'nołe cuenna, moluyalaicoyi lapajnya tolihuejle al c'a. Jounpa epi'impolhuo' lołpicuejma', aimoł'e'mołtsi to lan mac'ta. ¹⁶ Iłna'a litiné ipime. Ja'ni ti'i'ma tonł'e'me al c'a, ne' tonł'ele. Aimoł'huaico'me. ¹⁷ Aimonł'e'mołtsi to lan tonno. Ti'ila' cołsina' te ts'ipic'a lałPoujna. Tołta'a tonł'e'me.

¹⁸ Aimołsnatsai'me vino. Ja'ni tołsnatsaiyi timeyoj'molhuo'. Tijoula' tonł'e'me nixpiya. Xonca tołapi'ile lane cal Espıritu Santo ti'hua micuxel-huo' lołpicuejma'. ¹⁹ Tołta'a tołpalaic'o'mołtsi al c'a. Tołnes'me lan salmo, lan himno, lan alabanza. Jilpe łolunxajma' tołunac'me, tołunac'co'me lałPoujna. ²⁰ Itine itine moł'huaiyijnyi Jesucristo lałPoujna, ma mołnesyi iłque lipuftine, tołs'najtsi'ile ÆanDios, iłque oł'Ailli'. Ja'ni ac'a lo'ipolhuo', ja'ni a'ijc'a, ma' anuli tołs'najtsi'ile.

²¹ Imanc' tołcuc'eyi Cristo. Jouc'a tołcuc'etsotłsi. ²² Imanc' unc'apenoye, anuli anuli tolihuejcole lołpe'ailli'. Tołta'a tolihuejco'me lałPoujna. ²³ Łaca'no' hipe'ailli' tocomma to ijuac. Tołta'a cal xans ti'onłcospa to Cristo. Illanc' nalafot'leponga' ÆanDios, Cristo ałjuac. Iłque alunłu'eponga' illanc' icuerpo.

²⁴ Tohiya lihuejcoyi, ałcuxenga'. Ma' anuli lałpimaye cacal'no', ticuicomma anuli anuli tihuejcola' łipe'ailli'.

²⁵ Illanc' nalafot'leponga' ŁanDios, Cristo ał'eponga' capic'a. Ma' anuli imanc' cunc'ape'ailli, tonł'etsola' capic'a lołpenoye. Cristo mał'enga' capic'a icupoxi tima'anłe, i'najtsepa lałjunac'. ²⁶ Ipic'a ał'e'etsonga' ma' i'huexi ŁanDios. Tołta'a latufc'eponga' lałpicuejma' iłe litine lalapo'icomponga' aja' mał'eyi linca litaiqui' ŁanDios. ²⁷ Tołta'a ałanc'e'enga' lałpicuejma'. Ti'ila' pangay c'a. Ma to anuli cal xans tixoj'ma queta tepenuf'ma quipeno mipa'a ac'a lipicuejma', tołta'a lapenuftonga' Cristo, illanc' nalafot'leponga' ŁanDios.

Anuli cal ts'e cahuats', licuerpo jouc'a lipicuejma' ailopa'a qui'ic', aimi'iya minesconyacu. Tołta'a ał'onłcotonga', lapenuftonga'.

²⁸ Imanc' cunc'ape'ailli, ma to tołsinyi acuanuc' lołcuerpo, ma tołta'a tonł'etsola' capic'a lołpenoye. Tołsintsola' acuanuc'la. Cal xans noximpa acuanuc' łipeno, ma' anuli tixinyoxi acuanuc'. ²⁹ Anuli cal xans, łte ja'ni ti'e'maj laic' licuerpo? A'i. Aimi'iya. Altes'miyi lałcuerpo, ał'eyi cuenna. Ma tołta'a ał'enga' cuenna Cristo, illanc' nalafot'leponga' ŁanDios. ³⁰ Illanc' icuerpo Cristo. Ał'onłcosponga' to limane', li'mitsi', y tojua mipa'a lałcuerpo. Anuli lałpixic', lałpecał. ³¹ Tohiya al Paxi Linilingiya tuya'e':

Cal xans tipo'no'mola' quiltuca' qui'ailli' qui'máma', tejonlı'mołtsi anuli łipeno. Iłne loquexi' ti'i'mola' ma' anuli, anuli al cuerpo.

³² Ałınca acueca' ipime iłe lataiqui'. A'i ma le'a anuli loya'apa. Iłe lataiqui' ałnesconga' illanc' petsi nalafot'leponga' ŁanDios, illanc' icuerpo Cristo.

³³ Linca iłta'a laifxc'ai'ipolhuo' a'i quipime cataiqui'. Camilhuo': Imanc' jouc'a, anuli anuli, tonł'etsola' capic'a lołpenoye. Ma to tonł'eyołtsi cuenna imanc' coltuca', ma tołta'a tonł'etsola' cuenna iłniya. Imanc' cunc'apenoye, tolihuejcolsola' lołpe'ailli'.

6

¹ Imanc' unc'a'uhuyay, tołcuec'etsola' loł'ailli'. Iłe ac'a cataiqui'. Ma moł'huaiyijnyi lałPoujna ipic'a tonł'ełe tołta'a. ²⁻³ ŁanDios ticuxe: "Taihuejco'mola' co'ailli', co'máma'. Totoc'i'mola'." Jouc'a icupa cataiqui' ticua: "Ja'ni to'ełta' tołta'a toyaico'ma al c'a. Ticoł'mo' axpe' camats' topajm'ma fa'a li'a łamats'." A'i a tines'ma tołta'a ŁanDios ailopa'a quicuapa: "Ja'ni to'ełta' iłe laifcuxe'epo' toyaico'ma al c'a". Iłe lataiqui' al te'a loya'apa tołta'a.

⁴ Imanc' unc'a'ailli aimolapi'i'mola' coyac' lołnaxque'. Toł'etsola' cuenna, tołsc'ai'itsola', tolu'itsola' te ts'i'ic' al c'a lo'eyacu. Ja'ni a'ijc'a lo'epa, tołtaletsola'. Tołmi'mołtsi: "ŁałPoujna, łte co'eya? O łte conesyá iłque?" Tołta'a tonł'e'me.

⁵ Imanc' cunc'imozó, tolihuejcolsola' lołpoujnalá. Tama iłne ołf'as xanuc' aimoł'nof'e'mołtsi. Tolahue'me latenłcoyacola'. Aimołfel'mi'mola', tołcuec'etsola'. Ma to mołcuec'eyi Cristo, ma tołta'a tołcuec'e'mola' iłniya lołpoujnalá. Tołmi'mołtsi: "Ma cacuec'e iłque łaipoujna tocomma to cacuec'e Cristo".

⁶⁻⁷ Tama tipa'a lołpoujnalá fa'a li'a łamats' imanc' imozó Cristo, tonł'eyi loxpicepa ŁanDios. Tohiya aimoł'onlıco'mołtsi to iłniya lo'eyacu canic' ma le'a mehuelongila' łipoujna. Iłne tifellaiqueyi, aimi'eyi latenłcocopa łipoujna. Imanc' jahuyay łolunxajma' tixojla' cunlata tonł'ełe canic', tonł'ełe latenłcocoya lałPoujna. ⁸ Imanc' joupá ołsina' lo'iyá. Petsi no'epá al c'a, ja'ni amozó o ja'ni apoujnalá, małe al c'a, acueca' o ahuata, tepi'icona'mola' lałPoujna.

⁹ Joupá aixc'ai'ipola' lam mozó, ti'ila' lił'ejma' to lo'iyá lił'ejma' lan c'a mozó. Ma' anuli laifxc'ai'ipolhuo' imanc' unc'apoujnalá. Camilhuo': Ti'ila' loł'ejma' to lo'iyá lił'ejma' lan c'a capoujnalá. Aimołjaic'ocona'mola', tołsnet'ıłe.

Toł'nujuaitsa łəPoujna, itque Nopa'a jilpe lema'a. Itque ołPoujna imanc' jouc'a ihniya. Tixinnilhuo' jahuay anuli, ja'ni amozó ja'ni apoujnalá.

¹⁰ Jahuay imanc' camilhuo': Tipangoła' itsiya aimitafqueconayacolhuo'. Joupa epenufpolhuo' łəPoujna, acueca' icueya limane itque, acueca' lo'epa.

¹¹ Toł'onlicotsoltsi to lan soldado, itne lisoldado ŁanDios. Tołpo'notsoltsi lołpa'necoyacoltsi, ite lapi'ipolhuo' ŁanDios. Tołta'a tołcuanajco'moltsi, łonta'a Satanás aimi'iyā mulijyacolhuo'. Tama juaiconapa a'ijc'a lipicuejma', tama tehuay te co'e'eyacolhuo', aimi'iyā mi'eyacolhuo'.

¹² Jilpe lema'a, xonca al 'ocay, timana' lixcay contahue. Itne icueya liłmane, ticuxeyi. Ticuxennila' lan tsila' quincuxepa nomana' fa'a li'a łamats', itne lincuxepá petsi amuf liłpicuejma'. Al'onhiyołtsi caxi lontahue, a'i lał'as xanuc'.

¹³ Toliya camilhuo': Tolapenufle jahuay lapi'ipolhuo' ŁanDios, tołpo'no'itsoltsi. Ticuaitsi litine xonca ipime tołcuanajco'moltsi. Aimulijconayacolhuo'. Tijouła' lafuleya ti'hua tołcuanajco'moltsi.

¹⁴ Camilhuo': Ate'a tołpo'no'itsoltsi jahuay lapi'ipolhuo' ŁanDios. Tola-caxołaite, tołcuanajcotsoltsi. Tołpo'no'itsoltsi jahuay itna'a laicuicomma cal soldado. Itque ipic'a tifi'ecoxoxi. Ite lohuocopoxi tepi'i lipujfxi. Imanc' lołnespa al linca ti'onłcospa to lołhuocoyołtsi, lapi'ipolhuo' lołpufjxi.

Jouc'a tipa'a licoraza. Ma' anuli imanc' tipa'a lołcoraza. Ite al łijca lonł'epa, tipa'ne lołunxajma'.

¹⁵ Tipa'a lic'ejí, ti'huała' o tecaxla' al c'a. Aimixcaiya, aimipai'quiya. Jouc'a imanc' tocomma to tipa'a al c'a lołc'ejí. Imanc' Lataiqui' lolapenufpa, ite tuya'e': "Aimoltsuel'mecona'me. ŁanDios aimixtuc'oconayacolhuo'." Ite Lataiqui' joupa ifa'epolhuo' lołpicuejma'. Łonta'a Satanás aimipai'eyacolhuo'.

¹⁶ Jahuay itna'a cal soldado tixhuico'ma. Jouc'a ticuicomma ti'nołła' li'escudo, tipa'neco'moxi al c'a. Imanc' ite loł'huaiyijmpa Jesucristo ti'onłcospa to coł'escudo. Teca'nitsola' łepof' lonajpola' lixcay conta'a Satanás, ite loł'escudo tipic'e'mola'. Tijouła' ailopa'a co'eyacolhuo'.

¹⁷ Jouc'a tipa'a licasco, lopa'necopa łijuac. Imanc' moł'nujuaisyi tunłu'e'molhuo' Cristo tocomma to tipa'a lołcasco.

Jouc'a tipa'a loł'espada. Ite Litaiqui' ŁanDios, lołhuicopa cal Espíritu Santo.

¹⁸ Camilhuo': Tołta'a tołacaxołaite, tołcuanajcotsoltsi, ti'hua tołpalaic'ole ŁanDios. Ti'hua tołsa'huefe titoc'itsolhuo'. Ja'ni tołuyalaicoyi al c'a o a'ijc'a loluyalaicopa, tołpalaic'ole ŁanDios. Tołmife lomipolhuo' cal Espíritu Santo. Tołpo'nołe cuenna. Aimixojtolhuo', ti'hua tołpalaic'ole ŁanDios. Tołsahue'efe titoc'itsola' jahuay lołpimaye, itne jouc'a i'huexi ŁanDios.

¹⁹ Mołsa'hueyi tołta'a, tołsa'huefe ŁanDios altoc'ila' iya'. Lapi'ila' laifnesya. Tołta'a ma cuya'e' aimalahue'eya lataiqui'. Tixoj'ma neta cuhuałna'ma Lataiqui'. Lan xanuc' ti'ila' quilsina' te ts'i'ic' loya'apa ite lemiya jilpe Lataiqui'. ²⁰ Iya' epaluc Jesucristo. Alummepa cuya'ala' ite lataiqui'. Pesti aiquetenłcocola' ite laifnuya'apa altats'ecopa. Toliya alfi'ecompa atejma'. Cacia: Tołsahue'efe ŁanDios lapi'ila' laifnesya. Tołta'a aicaxinya calaic'ata. Ma to ts'ipic'a ŁanDios, tołta'a capalaifa'.

²¹ Cacia: Ti'ila' colsina' jouc'a te ts'i'ic' iya' laifnuyaicopa fa'a. Toliya ti'hua'ma Tíquico. Itque łacaipima, ac'a ti'ay lanic' lepi'ipa łəPoujna, tu'itolhuo' jahuay lał'ipa. ²² Cumme'ma tu'itsolhuo' te ts'i'ic' małmana'. Tixpai'itsolhuo' cunłata.

²³ ŁanDios cal'Ailli', jouc'a łəPoujna Jesucristo tipac'e'etsola' liłpicuejma' lapi-maye nomana' jilpiya. Titoc'itsola' ti'entsoltsi capic'a, ti'hua ti'huaiyijnle.

²⁴ Itne petsi aimipai'iyoltsi, ti'hua ti'eyi capic'a łəPoujna Jesucristo, ŁanDios tipaxnetsola', titoc'itsola' jahuay ihniya.

LIJE'E SAN PABLO LINIĒ'EPOLA' LAPIMAYE LEFOT'ĒPOĒTSI LIĒYA' FILIPOS

¹ Illanc', iya' ninPablo y Timoteo, aġ'eyi lipenic' ħaġPoujna Jesucristo. Itsiya liniġ'elhuo' imanc' unc'aġpimaye noġmana' liġya' Filipos. Imanc' i'huexi Jesucristo. Ma' anuli liniġ'ela' loġpimaye noxpipá lataiqui' ġiġpiya, jouc'a lapimaye notoc'impola'.

² ĒanDios caġ'Ailli', y Jesucristo ħaġPoujna, tipaxnetsolhuo', tipac'e'etsolhuo' loġpicuejma'.

³ Ma ca'nujuaitsilhuo' iya' ninPablo cax'najtsi'i ĒanDios. ⁴ Ma capalaic'o ĒanDios aicainimenc'ecolhuo'. Tixoqui neta ti'hua caxahue'e titoc'itsolhuo'. ⁵ Tixoqui neta ca'nujuaitsilhuo' imanc'. Ma colihuejyi Lataiqui' loya'apa loxpicepa ĒanDios toġjmaleyi al c'a. Toġta'a ipangopa lonġ'epa maġe litine lolapenufpa Lataiqui'. Itsiya ma' anuli tonġ'eyi. ⁶ ĒanDios joupa ipangopa tilanc'e'elhuo' imanc' loġpicuejma', ti'ġla' ac'a. Iya' ca'huaiyinge ġtque. Cacia: Ma ti'hua tilanc'e'elhuo' loġpicuejma'. Ticuaiconanni Jesucristo, ġe al Cueva' Quitine, ti'huáġta joupa i'ipa nulemma ac'a loġpicuejma'. ⁷ Aixina' alinca titoc'i'molhuo' toġta'a ĒanDios. Aicafel'miyoxi. Itine itine ca'nujuaitsilhuo'. Tocomma aġmana' anuli. Tama aġtats'iya ĒanDios aġtoc'i, aġtoc'i ma catalai'ejma Lataiqui', camuqui ma' al linca ġe Lataiqui'. Aġtoc'inga' anuli, iya' imanc'. ⁸ ĒanDios ixina' te ts'i'ic' laipicuejma'. Ixina' ca'nujuaitsilhuo' juaiconapa. Ma to Jesucristo ti'elhuo' capic'a, ma toġta'a iya' ca'elhuo' capic'a. ⁹ Ma capalaic'o ĒanDios caxahue'e titoc'itsolhuo', itine itine ti'etsoltsi capic'a xonca, ti'ġla' xonca acueca' loġpicuejma', xonca toġcuc'eġe. ¹⁰ Toġta'a aimolapenufyacu jahuay ma' anuli. Ti'i'ma coġsina' petsi al c'a petsi a'ijc'a. Ja'ni toġta'a titoc'i'molhuo' ĒanDios a'ġ ma le'a monġ'e'eyacoġtsi, alinca tonġ'e'me pangay al c'a. Aimi'iya mitac'uinyacolhuo' cajunac'. Toġta'a tixim'molhuo' litine ticuaicohuananni Jesucristo. ¹¹ ġiġpe litine toġmuj'moġtsi ac'a loġpicuejma' lilanc'enapa Jesucristo. Toġmuj'moġtsi juaiconapa ac'a lonġ'epa moġmana' fa'a li'a ġamats'. Tixinim'me juaiconapa ac'a ĒanDios, tix'najtsi'i'me.

¹² Cunc'aipimaye, aipic'a ti'ġla' coġsina' te ts'i'ic' li'ipa fa'a. Ma cateġma ipammaita al c'a. Xonca axpela' lan xanuc' icuejpa Lataiqui'. ¹³ Jifa'a jahuay lisoldado cal cuecaj quincuxepa, jouc'a locuenaye xanuc', ġsina' te calfi'ecompa ġe cadena catejma'. ġsina' iya' cuya'e' litaiqui' Jesucristo. ¹⁴ Jouc'a lapimaye nomana' fa'a liġya', ġne no'huaiyijmpá ħaġPoujna, laġsimpa iya' aġfi'ecompa acadena catejma', xonca axpela' ġniya ipo'no'me liġpicuejma', tuya'ayi Lataiqui'. Aiquiġsina' caxpaiqui'.

¹⁵ Linca tilmana' nalixtuc'opa tuya'ayi Lataiqui'. ġniya mane aġ'e'e laic'. ġpic'a lulijla'. Locuenaye a'ġ toġta'a liġ'ejma'. ġne tehueyi latentġcocopa. ġpic'a aġtoc'ġla'. ¹⁶ ġne aġ'ay capic'a. ġsina' ma ĒanDios lapi'ipa laimane cuya'aġa' Lataiqui'. Limetsaijma toġta'a laipenic'. ¹⁷ Lalixtuc'opa ituca' ġne liġ'ejma'. ġpic'a ti'e'etsoltsi to xonca lan tsila'. ġne a'ij nuli liġpicuejma'. Aimi'eyi ma le'a lipenic' ĒanDios. Aġsimpa aġfi'ecompa acadena catejma', tehueyi te co'iya mi'eyacu ti'ġla' xonca acueca' laifteġcoya.

¹⁸ Itsiya, ġte caifcuaya? Ja'ni ma le'a ti'e'eyoġtsi o ja'ni ma ti'eyi lipenic' ĒanDios, jahuay ġniya tipalaicoyi Cristo. Toliya iya' tixoqui neta. Linca aicaxhueġmot'ġeconaya iya'. ¹⁹ Imanc' toġsahue'eyi ĒanDios aġtoc'ġla', toliya itine itine caxingufi ġi'Espġritu Jesucristo, lapi'i caipujfxi. Toliya aixina' ĒanDios aġpaxne'ma, alunġu'e'ma. Tama ti'i'ma laġ'e'eny aailopa'a caġ'iya. ²⁰ Ma capa'a

fa'a li'a lamats' aipic'a camuj'ma acuajmaica te ts'i'ic' lipicuejma' Cristo. Cacia: Lahuelojnla' iya' laiejma', timetsaicole naitsi itque Cristo. Linca, tofta'a li'ipa. Cacia: Ti'hua ti'ila'. Ca'huaiyinge LanDios, aixina' ti'i'ma tofta'a. Ja'ni ti'hua capajnla' o alma'anla', ma' anuli camuj'ma te ts'i'ic' Cristo lipicuejma'. Tofta'a aicataiya calaic'ata. ²¹ Ma caimaf'i fa'a li'a lamats' ma le'a Cristo atcuxe laipepajnya. Ja'ni almalá', xonca al c'a cuyaico'ma.

²² Linca, ja'ni ti'hua capa'a fa'a li'a lamats' ca'e'ma al c'a xonca. Itsiya, ¿te caifcuaya? ²³ Caxhuehma, oque' laipicuejma'. Aipic'a ca'huanla', capajn-nata pe lopa'a Cristo. Jilpe cuyaicota xonca al c'a. ²⁴ Tama tofta'a laipic'a, aixina' xonca ticuicomma capajnla' fa'a li'a lamats'. Ma capa'a ti'i'ma catoc'i'molhuo' xonca imanc'. ²⁵ Ne', aixina' tofta'a ticuicomma. Toftiya cacua: Capanenni fa'a li'a lamats'. Ti'hua al'e'me canic' anuli. Tofta'a xonca tixoj'ma cunlata molihuejyi Lataiqui', xonca toftuec'e'me. ²⁶ Juaiconapa tixoj'ma cunlata lapenufta cacuaicontsi pe loimana' imanc'. Tols'najtsi'i'me Jesucristo.

²⁷ Ma capa'a fa'a ma le'a anuli lataiqui' caxc'ai'i'molhuo', camilhuo': Ti'ila' al c'a lofejma'. Toft'nujuaisle tolihuejyi Lataiqui', ite itaiqui' Jesucristo. Tijoula', ja'ni cacuaicontsi cahuejnconatsolhuo' jilpe, o ja'ni ti'hua fa'a caifpa'a, ti'i'ma caixina' imanc' aicofpai'i lofpicuejma', cal Espiritu Santo i'epolhuo' anuli, ma' anuli lofpicuejma'. Ti'i'ma caixina' tipa'a lofpujfxi, tofta'necoyi Lataiqui', ite lataiqui' loft'huaiyijmpa. ²⁸ Ja'ni tofta'a lonf'epa, ite no'epolhuo' laic' aimi'iya mixpaic'eyacolhuo'. Ma mi'elhuo' laic' LanDios timuqui te ts'i'ic' lo'iyacola' ite. Jouc'a timuc'ilhuo' imanc' te lo'iyacolhuo'. Itniya tecani'em'mola'. Imanc' tuntu'em'molhuo'.

²⁹ Alinca LanDios ipaxnepolhuo'. Tofta'a a'i ma le'a toft'huaiyijnyi Cristo, jouc'a toftelcoyi ma colihuequi itque. Tofta'a toft'sinyi alinca tuntu'e'molhuo'.

³⁰ Imanc' iya' altelcoyi. Capa'a jilpe alsimpa laiftelcopa. Itsiya tama aimalsina toftcujyi ma ti'hua catehma.

2

¹ Cristo joupa lapenufponga', toftiya atsc'ai'inga', alixpi'inga' calata mal'enga' capic'a. Cal Espiritu Santo al'eponga' anuli lafpicuejma', al'nujuaitsila' lafpimaye, alsinnila' acuanuc'la. ² Itsiya camilhuo': Ja'ni tofta'a lofpicuejma', imanc' aimolixtuc'o'moltsi, toft'etsoltsi capic'a, ti'itsolhuo' anuli lofpicuejma'. Iya' toftiya lixoc'i'ma neta nulemma. ³ Aimolspic'e'me monf'e'me to lofpic'a. Aimolcua'me: "Alsinla' iya' xonca ninc'a xans". Toft'oc'e'moltsi. Xonca toftcua'me: "Iya' ninaitsi, itque laipima xonca ac'a xans".

⁴ Tolahuefe te co'iya moltoc'iyacoltsi. Aimolcua'me: "¿Te co'iya catoc'iyacoxi iya' caituca'?" ⁵ Imanc' lofpicuejma' ti'ila' to lipicuejma' Jesucristo. ⁶ Ai'a tipango'ma li'a lamats', ma tipa'a Cristo. Itque i'Hua LanDios. LanDios qui'Ailli' ma' anuli litsans. Itque Cristo aikuinesqui: "Iya' ma NanDios. Matpe capanehuo'." ⁷ Ai' tofta'a licuapa. Itque i'oc'e'moxi, ipai'i'moxi lixans. I'e'e'moxi imozo LanDios, i'onfico'moxi to illanc' ninc'ixanuc'. ⁸ Limuj'moxi axans, xonca i'oc'e'moxi. Ti'hua tihuejcojma LanDios jahuay locuxe'epa. Aiquicuanajyoxi. Icu'moxi tima'anle jilpe lancruz. He a'i al c'a camaya, tofta'a loma'acompolá' lixcay xanuc'. ⁹ Toftiya LanDios if'ac'e'ma xonca al toncay. Epi'i'ma nulemma lipuftine. Acueca' ite laftine. Xonca acueca' o xonca ac'a laftine ailopa'a. ¹⁰ Tofta'a lecui'ipa LanDios ticua: "Jahuay timetsaicole naitsi itque Jesús. Itne nomana' lema'a, itne nomana' li'a lamats', itne nomana' joupa lemimpola' lamats', ¹¹ jahuay tinesle: Jesucristo alinca alPoujna." Ti'ila' tofta'a tixinim'me acueca' LanDios cal'Ailli', tixinim'me acueca' ac'a lo'epa.

¹² Cristo alinca ihuejco'ma LanDios. Imanc', cunc'aipimaye, jouc'a tolihuejco'me. Ti'hua tolihuejco'me. Toftiya LanDios tuntu'e'molhuo'. Tonf'etsoltsi

cuenna, acueca' tołspaic'ete ŁanDios. Ti'ila' tołta'a ma małmana' anuli, jouc'a tama ailaifpa'a jilpe, tonł'ete iłiya. ¹³ Łınca, imanc' cołtuca' aimi'ıya molihuej-coyacu ŁanDios. Małque ŁanDios tilanc'e lołpicuejma', timuc'i'molhuo' te ts'i'ic' latenłcocoya, tepi'i'molhuo' lołpujfxi tonł'ete tołta'a.

¹⁴ Ja'ni ticuxe'entsolhuo', timitsolhuo': "Tonł'ete", tonł'ete nulemma tixo-jla' cunlata. Aimolixtulecu, aimołfuleco'me cataiqui'. Aimołtalai'ot'le'me. Aimołcua'me: "¿Te caif'ecoya tołta'a?"

¹⁵ Ja'ni tolıhuejle iłe laimipolhuo' ti'i'ma ma le'a ac'a lonł'ejma', aimi'ıya micufquinyacolhuo'. Tołmuj'mołtsi imanc' inaxque' ŁanDios. Aimi'onłcoyacolhuo' loł'as xanuc', iłne a'ij hijca lo'epa, etełquemma liłpicuejma'. Xonca ti'onłcotolhuo' to lan xamna. Mi'i'ma lipuqui' iłiya tulif'eyi pu'hua lema'a. ¹⁶ Tołta'a lo'onłcospolhuo' moluya'ayi, molu'ıyaleyi Lataiqui'. Iłe Lataiqui' tuya'e' te ts'i'ic' mulijyacu liłpitine aimijouya. Ja'ni ti'ila' tołta'a loł'ejma', tixoj'ma neta capalaico'molhuo' al c'a iłe litine ticuaiconanni Cristo. Jilpe litine caxim'ma ałınca ipammaita laipenic', laitełcopa.

¹⁷ Fa'a li'a łamats' ma ca'ay lipenic' ŁanDios tipa'a laiftsufcoya. Iłe laiftsufcoya imanc' nolapenufpá Lataiqui' lainuya'apa jilpe. Cami ŁanDios: "Toxinł'a, iłna'a oxanuc'".

Ja'ni ticuicomma catsufcoxoxi jouc'a, ja'ni ticuicomma ałma'anł'a, ne', tołta'a ti'ila'. Ma mixcuajaiquemma laijuats' cax'najtsi'i'ma ŁanDios, ca'nujuaistolhuo' imanc' lolapenufpa Lataiqui'. Cami'molhuo': Ac'a iłe lonł'epa. ¹⁸ Imanc' jouc'a tołs'najtsi'i'me ŁanDios, ma' anuli ałs'najtsi'i'me.

¹⁹ Itsiya ma ca'huaiyinge łalPoujna Jesús, cacua: "Lapi'i'ma lane cumme'ma Timoteo". Aimicoł'ma ti'huał'a pe lołmana'. Iłque ticuainanni fa'a alu'i'ma te ts'i'ic' mołmana'. Tołta'a aicaxhuełmot'leconaya, tixpi'i'ma neta. ²⁰ Jifa'a ailopa'a cocuena capima lo'onłcoya to Timoteo. Iłque łınca ti'nujuaitsilhuo'. Ipic'a tuluyalaıte al c'a jahuay imanc'. ²¹ Locuenaye nomana' fa'a, ituca' iłne liłpicuejma'. Xonca ti'nujuaisyołtsi iłne quıłtuca'. Aimi'nujuaisyi Jesucristo lipenic'. ²² Imanc' joupa olimetsaijma Timoteo. Iłque joupa imujpoxi te ts'i'ic' li'ejma'. Iya' ma to i'ailli', iłque to ai'hua, ałejmalepa. Al'epá canic' anuli, aluya'apá Lataiqui'. ²³ Tołiya cumme'ma Timoteo. Cacua: Ate'a ca'huaico'ma caxim'ma te ts'i'ic' laifnuyaicoya fa'a. Tijouł'a ti'hua'ma iłque.

²⁴ Tama camilhuo': "Aimicołya cumme'ma Timoteo", ca'huaiyinge ŁanDios lapi'i'ma lane iya' jouc'a ca'hua'ma jilpe pe lołmana'. ²⁵ Itsiya cummena'ma Epafrodito, ti'huanł'a jilpe. Illanc' ałınca ninc'apimaye. Ma' anuli al'eyi lanic'. Illanc' al'onłcosponga' to isoldado Cristo. Illanc' ałfuli'ıyi lixcay. Iłque Epafrodito łolapaluc, olummepá fa'a ałtoc'ıł'a, lapi'ıł'a lalahue'epa. ²⁶ Iłque juaiconapa ti'nujuaitsilhuo'. Ipic'a tixintsolhuo'. Tixhuełmot'le. Ixina' joupa imimpolhuo': "Extafpa lołpima Epafrodito". ²⁷ Łınca extafpa. Coł'a tima'ma. ŁanDios ixim'ma acuanuc', aikuimac'. A'i ma le'a iłque ixim'ma acuanuc' ŁanDios, jouc'a al'nujuaitsi iya'. Ałsimpa catełma fa'a, tołiya ałtoc'ıpa. Ticua: "Aimixhuełmot'lecona'ma Pablo". ²⁸ Epafrodito ticuaitsi jilpe tołsinnatsołtsi imanc' tixojnata cunlata. Iya' jouc'a a'ij tine caxhuełmot'leconaya. Tołiya xonca aipic'a cummena'ma. Cacua: Aimicoł'ma. Ti'huanł'a.

²⁹ Camilhuo': Tolapenufnałe ixojma cata. Iłque jouc'a ołpima. Ma' anuli toł'huaijnyı łalPoujna Cristo. Tolimetsaicołe. Jouc'a tolimetsaicotsola' jahuay iłne no'onłcospola' to Epafrodito. ³⁰ Iłque coł'a tima'ma. Aiquixina' acuanuc' lipitine, ałtoc'ıpa. Imanc' lumme'epa caitomi. Imanc' aiqui'ic' cunłouya. Tołiya Epafrodito ticua: "Iya caituca' catoc'i'ma łaipima Pablo".

3

¹ Cunc'aipimaye, itsiya ti'hua tícula'a'ma ìle colje'e. Camilhuo': Toł'nujuaisle lałPoujna li'epa. Tołta'a tolixoc'i'moltsi cunlata. Ma caxc'ai'ilhuo' tołta'a iya' aicaixina' juisquitine. Imanc' ja'ni tolihuejle ìle laitaiqui' aimimenajyacolhuo'. ² Caxc'ai'ilhuo': Tołpo'nołe cuenna lixcay xanuc', ìne no'onłcospola' to lan xujc'a quinneja. Ticuxe'enai'ilhuo' tolısuac'etsoltsi. Tu'ilhuo': "Toł'etsoltsi circuncidar, tołta'a tepenuf'molhuo' ŁanDios". Camiconam'olhuo': Tołpo'nołe cuenna ìniya. ³ Li'Espíritu ŁanDios almuc'inga' te ts'i'ic' malihuejyacu. Tixoqui calata ał'nujuaisyi li'epa Cristo. Aimal'nujuaisyi ja'ni latec'emponga' lałpixic' o a'i. ŁanDios joupa lapenufponga', ałsinninga' ixanuc'.

⁴ Iya' ìnca nipajnya canesla': "Joupa latec'empa laipixic'. Ał'empa circuncidar." ìne pe nocuapá tołta'a ti'huaiyijnyi ìle li'empola' jìpe liłpixic'. Ne', iya' nipajnya culij'mola'. ⁵ Iya' laipajntsi lixhuaitsi apaico quitine ał'enghuo'ma circuncidar. Laitatahueló ixanuc' Israel. Benjamín i'hua Israel ìtatahuelo ìniya. Lai'aillí a'hebreo, tipalaiyi liłtaiqui' a'hebreo, iya' jouc'a nin'hebreo. Ma to quilihuequi licuxepa Moisés ìne lan xanuc' fariseo, iya' jouc'a nihuejpa ìle laitaiqui', jouc'a ninfariseo. ⁶ Iya' acueca' aijanaj'ma ca'eła' lipenic' ŁanDios, tołiya aiteł'mi'mola' lan xanuc' lefot'łepola' ŁanDios. Jahuay locuxepa litaiqui' Moisés ainihuequi, jìpe ailopa'a caijunac'. ⁷ Tołta'a aiximpoxi ninc'a xans. Cacua: "Iya' canant'li. ŁanDios lapenufi." Lijoupa lainimetsaicopa Cristo aiximpa aimalłoc'iya ni anuli laif'huaiyijmpa. Aixpic'epa nimenc'ecopa jahuay ìniya. ⁸ Ma' anuli itsiya, ti'hua quimenc'ejma, ti'hua caxina aimalłoc'iya ni anuli ìniya. Aimi'iya mi'onłicoya to al cueca' al c'a lał'ipa, lainimetsaicopa Cristo. Lainihuejpa ìłque nejac'epa jahuay. Iya' cacua: Tejac'la' nulemma. ìiya li'ipa lalatenłcocopa, itsiya caxina to cal cueca' quifuc. Ma le'a aipic'a ałejmale'me Cristo, ìłque aiPoujna. ⁹ Cacua: "Ałsinła' ŁanDios joupa lapenufpa Cristo". Aicanesconaya: "Iya' ninc'a xans, canant'li locuxepa ŁanDios, tołta'a limetsaico'ma". A'i. Xonca cacua: Ałsinła' ŁanDios ca'huaiyinge Cristo, tołta'a limetsaico'ma, lapenuf'ma to ailopa'a caijunac'. ¹⁰ Cacua: Quimetsaicoła' xonca te ts'i'ic' Cristo lipicuejma'. Caxingufcoła' fa'a laicuerpo al cueca' li'ipa ìle litine limaf'i'ınapa ŁanDios, lipa'anapa pe lomana' limanapola'. Jouc'a caxingufcoła' te ts'i'ic' liłłcopa Cristo. Ma catełma iya' cacua: Lai'ejma' ti'ila' to li'ejma' Cristo mima jìpe lancruz. ¹¹ Cacua: Catełcoła'. Litine timaf'ınłe, titsolinanca limanapola', lapi'ınła' laipitine aimijouya.

¹² ìnca, ìle laifpalaicopa aiqenanłi. Aicaixingufi jahuay ìłta'a. A'i quixhueya nulemma laipicuejma', lahue'e'. Mane ti'hua quipa'e laipujfxi. Cristo joupa ixpic'epa ti'ila' tołta'a laipicuejma'. Tołta'a lahuepa. Icuai'ma pe laifpa'a. Alulijpa. Iya' cacua: "Ne', ti'ila' ìle lixpic'epa Cristo".

¹³ Maicunc'aipimaye, iya' aicacua: "Joupa i'ipa". Ma le'a cahuy ti'ila'. Aica'nujuaitsi luyaipa li'ipa. Ma capa'a fa'a li'a łamats' ca'onłicoyoxi to cal xans nainupa lane. Iya' ma quinu ca'nujuaitsi lopa'a jìpe lema'a. Ca'nujuaitsi lał'iya tijouła' laininupa. ¹⁴ Quipa'e laipujfxi, cacua: "Cacula'ala'. Cajou'ne'ma laipenic', ìle lalapi'ipa ŁanDios Nopa'a lema'a." Litine lai'huaiyijmpa Jesucristo, ŁanDios ałjoc'ipa ca'eła' ìle lanic'. Cajou'neła', lapi'ita ìle laifnulijya.

¹⁵ Imanc' iya' ja'ni ŁanDios joupa lapi'iponga' lałpicuejma', ja'ni joupa ałcuc'epá, ałspic'ełe ti'ila' tołta'a lałpicuejma', lał'ejma', to joupa laimipolhuo'. Imanc' petsi ituca' lołpicuejma', ma ŁanDios timuc'i'molhuo' te ts'i'ic' al c'a lonłeyacu, ma to lijoupa lainu'ipolhuo' jìpe laipalaicopoxi iya' lai'ejma'. ¹⁶ Ma le'a cacua: "Ja'ni joupa ałcuc'eyi, ma tołta'a ał'ełe".

¹⁷ Cunc'aipimaye, jahuay imanc' tołspic'ełe nulemma lihuejla' iya'. Iya' quihuequi Cristo. Ołsina' lał'ejma' illanc', iya' y laif'as lin'epá canic'. To-

lahuelojntsola' ihne no'epá tołta'a. Tolihuejtsola'. ¹⁸ Joupa axpe' ainu'ipolhuo' timana' petsi ituca' li'ejma'. Itsiya capalaicocona'mola'. Ma ca'nujuaitsila' ihniya cajoqui. Ihne muyalaicoyi lapajnya aimi'nujuaisyi Cristo litecopa jilpe lancruz. Tocomma ti'eyi laic' lencruz. ¹⁹ Ihne aimunłulyacu, tecani'mola' nulemma. Aimihuejcoyi ŁanDios, mane tihuejcoyi liłcu'u lojanajpa. Aquitsina' calaic'ata ile li'ejma'. Xonca tixoqui quileta tuyalaicoyi tołta'a. Ma le'a ti'nujuaisyi lopa'a fa'a li'a łamats'.

²⁰ Illanc' ituca' la'ejma'. Ał'nujuaisyi lałpiya' lopa'a lema'a. Jilpe ti'huayohuo Nalunłueyaconga', ilque Jesucristo. Ał'huaicoyi ticuaiyunnı. ²¹ Ałpai'i'monga' illanc' lałcuerpo. Małmana' fa'a li'a łamats' ałtełcoyi jouc'a lałcuerpo. Cristo, Nopa'a lema'a, ilque licuerpo i'ipa ituca'. Tołta'a timujyoxi acueca' icueya limane lepi'ipa ŁanDios. Ti'hua limane ticuxela' jahuay. Jahuay tixinguf'me ilta'a limane, tihuejco'me. Tołta'a ti'i'ma ałpai'i'monga', lałcuerpo ti'ila' to licuerpo ilque.

4

¹ Ma ca'nujuaitsi tołta'a lał'iyaconga', caxc'ai'iconalhuo'. Joupa aimipolhuo' te ts'i'ic' monlihuejyacu lałPoujna Jesucristo. Itsiya camilhuo': Tołpo'note lołpicuejma' ti'ila' tołta'a lonlihuejyacu. Ałınca ca'elhuo' capic'a, imanc' illanc' ninc'apimaye. Ca'nujuaitsilhuo' juaiconapa. Litine ticuaicoconanni lałPoujna ałmajnta anuli, ¿te xonca al c'a lalapi'iya ŁanDios? Ma' imanc' lixoc'i'ma neta.

² Cunc'aipimaye Evodia y Síntique, camilhuo': Imanc' unc'oquexi', ma' anuli lołPoujna. Itsiya caxa'huelhuo': Tonł'ele ma' anuli lołpicuejma'. ³ Jouc'a ima' macaipima, illanc' ałınca ninc'apimaye, ał'epá canic' anuli. Itsiya camihuo': Totoc'itsola' ihne lałpimaye cacał'no'. Li'ipa capa'a jilpe lołpiya' ihne lacał'no' ma' anuli ał'eyi canic', luya'ayi Lataiqui'. Jouc'a lałpima Clemente y locuenaye lałejmalepá ał'epá canic' jilpe. Ihniya nałtoc'ipa liłpuftine inilingiya jilpiya al je'e. Ite al je'e inilingiya liłpuftine petsi nolijyacu liłpitine aimijouya.

⁴ Toł'nujuaisle lałPoujna li'epa. Tołta'a tolixoc'i'mołtsi cunlata. Camiconalhuo': Tolixoc'itsołtsi cunlata. ⁵ Tołsintsola' acuanuc'la jahuay loł'as xanuc'. Tołta'a tixinim'me ac'a lołpicuejma'. LałPoujna aimicołconaya, ticuaicoconno.

⁶ Aimołsuelmot'le'me ni anulemma. Ja'ni al c'a, ja'ni a'ijc'a lo'ipolhuo', tołsahue'ele ŁanDios titoc'itsolhuo'. Tołpalaic'ole, tolu'ile lahue'epolhuo', tołs'najtsi'ile. ⁷ Ja'ni tołta'a loł'ejma' ma moł'huaijnyı Jesucristo, ŁanDios tipac'e'e'molhuo' lołpicuejma'. Aimołsuelmot'leconayacu. Tołta'a aimi'iya małpac'eyaconga' lałpicuejma' illanc' całtuca'. ŁanDios linca nipajnya.

⁸ Cunc'aipimaye, ai'a ticula'a'ma cołje'e caxc'ai'icona'molhuo', cu'ilhuo' te ts'i'ic' moł'nujuaisyacu: Jilpe lołpicuejma' toł'nujuaisle lataiqui' ja'ni al linca, ja'ni aimilosma, ja'ni lonescopa al lija, ja'ni pangay c'a, a'ij xujc'a, ja'ni latentłcocoya, ja'ni lonesconyacu al c'a. Toł'nujuaisle lataiqui' pe lonescopa al c'a lonł'eyacu, jouc'a lataiqui' petsi tixoc'i'molhuo' cunlata. Tołmi'me ŁanDios: "Ałs'najtsi'ihuo' ile lataiqui'". Ma ihniya lataiqui' toł'nujuaitsa.

⁹ Tołta'a aimuc'ipolhuo' małmana' anuli jilpe. Joupa ołsina' tołta'a lai'ejma'. Ma' anuli ołcuejpa laifnescopa, ałsimpa laif'epa. Imanc' jouc'a tolihuejle tołta'a. Ma tohiya tołmajm'me anuli ŁanDios. Ilque tipac'e'e'molhuo' lołpicuejma'.

¹⁰ Iya' tixoqui neta cax'najtsi'i lałPoujna. Cami: "Laipimaye nomana' liłya' Filipos joupa ałtoc'iconapa". Linca aixina' imanc' li'ipa aicalimenc'ecojma, ma le'a aiqui'ic' całtoc'i. ¹¹ Iya' lainespa: "Ałtoc'iconapa", aicanescoyoxi nincuanuc'. Iya' ja'ni ac'a capa'a o ja'ni a'ijc'a, tixoqui neta cuyaijma lapajnya. Joupa nepenufpa tołta'a laipicuejma'. ¹² Ja'ni latets'i, ja'ni limetsaicojma, tixoqui neta cuyaijma. Joupa ałmuc'impa tixojco'ma neta ma caxnet'łqui jahuay.

Ja'ni tuyaf'la' laifteja, ja'ni cunle'eta', ja'ni acueca' ai'hueca, ja'ni aicai'hueca, lahue'e', ma' anuli tixojco'ma neta. ¹³ Ma cainihuequi Nalapenufpa, nipajnya ca'e'ma jahuay. Maŕque Cristo lapi'i caipujfxi.

¹⁴ Tama toŕta'a canescoyoxi, jouc'a camilhuo': Joupá on'epá al c'a. Iŕe lalumme'epa aŕmuc'ipa imanc' aŕ'nujuaitsi iya' laifteŕcopa fa'a. Aŕsingufcoyi anuli. ¹⁵ Ca'nujuaitsi te ts'i'ic' lonŕ'e'me li'i'ma, iŕne hitiné lipangopa lolapenufpa Lataiqui'. Lainipayonni jiŕpe loŕpiŕya' ma capa'a ŕamats' Macedonia, ca'hua'ma ocuena camats', ma le'a imanc' unc'aipimaye noŕmana' jiŕpe liŕya' Filipos, alapi'ipa. Nepenuf'ma lalumme'epa imanc', iŕe aŕtoc'ipa. Locuenaye lapimaye nafaŕyomma hiteloŕya' aicaŕtoc'i. Toŕta'a oŕsina'. ¹⁶ Aicuaitsi liŕya' Tesalónica, ma capa'a jiŕpe, imanc' alumme'epa laŕtoc'iya. Toŕta'a lonŕ'epa oquemma, a'i ma le'a anulemma.

¹⁷ Linca, iŕe laipalaicopolhuo' imanc' laŕtoc'ipa aica'nujuaisyoxi iya' caituca'. Ca'nujuaitsilhuo' imanc'. Cacia: Ti'hua tuyaf'la' lo'epa al c'a iŕne laipimaye. LanDios tixinnola' i'ipa pangay c'a liŕpicuejma'.

¹⁸ Joupá nepenufpa lalumme'epa imanc'. Epafrodito lapi'ipa. It-siya aicalahue'e'. Ailopa'a caifxahue'econyacolhuo'. Aixina' xonca axpe' lai'hueca. Iŕe lonŕ'epa etenŕcocopa LanDios. Toco'ma joupá oŕtsufcopá al c'a. ¹⁹ Linca, imanc' jouc'a aimehue'eyacolhuo'. LainenDios tepi'i'molhuo' jahuay. Iŕque aimehue'e', ixhueya. Imanc' jouc'a ti'hua tixhuai'ni'molhuo', ti'onŕcotoŕhuo' to Jesucristo.

²⁰ Aŕs'najtsi'iŕe LanDios, iŕque aŕ'Ailli'. Ni Locuena Quitine aimijouya illanc' laŕs'najtsi'ipa. Ti'hua limetsaico'me acueca' iŕque, acueca' ac'a lo'epa. Amén. Toŕta'a ti'iŕa'.

²¹ Toŕmontsola' anuli anuli laŕpimaye nomana' jiŕpe. Iŕne i'huexi LanDios. Ma' anuli aŕ'huaiyjnyi Jesucristo. Toŕmitsola': "Pablo tinonilhuo'".

Lapimaye nomana' fa'a pe laifpa'a tinonilhuo'. ²² Jouc'a tinonilhuo' jahuay lapimaye nomana' fa'a liŕya' Roma, iŕne i'huexi LanDios. Xonca ti'nujuaitsilhuo', tinonilhuo' lapimaye nomana' lejut'ŕ cal cuecaj quincuxepa César.

²³ Jiŕpe lolunxajma' toŕsingufle lotoc'ipolhuo' laŕPoujna Jesucristo.

LIJE'E SAN PABLO LINIĒ'EPOLA' LAPIMAYE LEFOT'ĒPOĒTSI LIĒYA' COLOSAS

¹⁻² Iya' ninPablo, nin'apóstol, alummepa Jesucristo. Toġta'a ixpic'epa LanDios. Illanc', iya' y ħaġpima Timoteo, aliniġ'elhuo' imanc' i'huexi Cristo noġmana' liġya' Colosas. Imanc' alinca unc'apimaye.

LanDios caġ'Ailli' tipaxnetsolhuo', titoc'itsolhuo', tipac'e'etsolhuo' loġpicuejma'.

³ Aġs'najtsi'iyi LanDios, iġque i'Ailli' ħaġPoujna Jesucristo. Maġpalaic'oyi ma' aġ'nujuaitsilhuo' imanc'. ⁴ Toġta'a ħaġpanc'mecopa laġs'najtsi'ipa LanDios iġe litine laġcuejpa imanc' toġ'huaiyijnyi Jesucristo, jouc'a aġcuejpa tonġ'ela' capic'a jahuay lapimaye, iġne jouc'a i'huexi LanDios. ⁵ Anuli toġ'huaicoyi tepi'intsolhuo' iġe al c'a li'hueca LanDios jilpe lema'a. Toġiya toġ'eyoġtsi capic'a. Imanc' joupa oġsina' tipa'a iġe al c'a lapi'inyacolhuo'. Illanc' lu'ipolhuo' moġquimf'eyi al Linca Cataiqui', iġe Lataiqui' loya'apa al c'a lixp'ic'epa LanDios. ⁶ Iġe Lataiqui' icuaita pe loġmana'. Ma' itsiya tipa'a jilpe. Aġi ma' le'a pe loġmana' imanc', icuaita jouc'a ni petsi li'a ħamats'. Ni petsi loya'ampa Lataiqui' ipammaita. Ti'hua tixpe'ela' lan xanuc' naihuejcopá. Al te'a quitine loġquimf'epa Lataiqui' toġta'a li'ipa, ti'hua ti'i. Joupa i'ipa coġsina' te ts'i'ic' loya'apa al Linca Cataiqui'. Iġe Lataiqui' inescopa LanDios te ts'i'ic' mitoc'ilhuo', mipaxnelhuo' imanc' noġ'huaiyijmpá. ⁷ Toġta'a limuc'ipolhuo' ħaġpima Epafras. Iġque, illanc' aġ'eyi lanic' lalapi'imponga'. Aġ'huaiyijnyi Epafras. Litine litsehuo'ma jilpe illanc' lummejá. Ma' anuli lanic' lo'epa, iġe lalapi'iponga' Cristo. ⁸ Maġque Epafras lu'iponga': "Lapimaye nomana' liġya' Colosas, alinca epenufpa cal Espíritu Santo. Ti'eyi capic'a." ⁹ Laġcuejpa toġta'a aġpango'me aġsahue'e'me LanDios titoc'itsolhuo' xonca. Aicaġsojtonga'. Ti'hua aġsahue'eyi LanDios ti'ġta' acueca' loġpicuejma', tonġ'eġe ma latenġcocoya cal Espíritu Santo. Toġta'a ti'i'ma coġsina' te ts'ipic'a LanDios. Aimoġnesyacu: "Iġe laif'epa, ġja'ni ac'a o a'ijc'a?" Aimi'i'ma oque' loġpicuejma'. ¹⁰ Loġ'ejma' ti'onġcota to li'ejma' ħaġPoujna mipa'a fa'a li'a ħamats'. Toġta'a toluyalaico'me. Tonġ'e'me ma le'a latenġcocoya LanDios. Toġmuj'moġtsi imanc' ixanuc' LanDios. Tonġ'e'me al c'a. Imanc' joupa oġsina' te ts'i'ic' lipicuejma' LanDios, ti'hua tonlimetsaicoyi. Ti'hua ti'i'ma xonca acueca' iġe loġsina'. ¹¹ Monġ'eyi al c'a, LanDios titoc'i'molhuo', tepi'i'molhuo' coġpujfxi. Iġque cal Cueva' CanDios juaiconapa acueca' lo'epa. Ti'e'e'molhuo' acueca' ħolunxajma'. Toġta'a toġsnet'ġe lo'iyacolhuo'. Aimolixtuleyacu, tixoj'ma cunlata toġsnet'ġ'me. ¹² Toġs'najtsi'i'me LanDios, iġque i'Ailli' ħaġPoujna Jesucristo. Joupa aġħanc'eponga' laġpicuejma'. Toġta'a anuli jahuay lapimaye, iġne i'huexi LanDios, aġsufłaita jilpe petsi lopa'a pangay epalc'o'. Alapi'itonga' cal c'a ħaġ'huexi.

¹³ Li'ipa, ma luyalaicoyi to iġniya pe amuf liġpicuejma', aiquepalc'o'innila'. Ma' anuli ħaġpincuxepa. Itsiya ituca' aluyalaicoyi. LanDios lunġu'eponga'. Ocuena aġcuxenga'. Aġcuxenga' hi'Hua LanDios, iġque ġetenġcocopa, ti'ay capic'a. ¹⁴ Maġque hi'Hua LanDios aġ'najcufponga' laġjunac'. Toġiya LanDios alimenc'e'ecoponga' laġ'epa lixcay.

¹⁵ LanDios, iġque i'Ailli' Jesucristo, aici'huáqui. Aimi'iyi mixininyacu. Li'hua timuqui te ts'i'ic' qui'Ailli'. Ai'a tilanc'e'ma LanDios lema'a, li'a ħamats', lan xanuc', ma tipa'a hi'Hua. Toġiya ecui'ipa Cal Te'a. ¹⁶ Jahuay lixp'ic'epa LanDios tilajnlá, hi'Hua ilanc'epa, jahuay lopa'a lema'a, jahuay lopa'a li'a ħamats', ja'ni i'huáqui o aici'huáqui. Iġne petsi aici'huáquila', ja'ni lo'epa to lan rey, o lan tsila' capoujnalá, o lan tsila' quincuxepá, o ti'hua liġmane, ticuxeyi, jahuay

ihniya petsi aiqui'huáquila' jouc'a petsi li'huáquila', hilanc'epola' li'Hua ÆanDios. Małque ihPoujna jahuary. ¹⁷ Ai'a tilajm'ma jahuary ihna'a itque tipa'a. Ti'hua limane aimetelqueya lema'a ni li'a łamats' ni lopa'a jilpiya. ¹⁸ Itque copa'a aljuac, illanc', nalafot'leponga' ÆanDios, icuerpo. Itque itsahuenamma, ipanamma pe lomana' limanapola', aimimaconaya. Copa'a Cal Te'a li'ipa tołta'a. Illanc' licuerpo ma' anuli lał'iyaconga', lapi'iponga' lałpitine aimijouya. Linca ailopa'a co'onłcospa. Itque xonca cal Cueca', jahuary tuliqui. ¹⁹ Ixhueya lipicuejma'. Tołta'a ÆanDios etentłcocopa. Ma' anuli liłpicuejma'. ²⁰ Li'ipa, ÆanDios icuaj'ma lilanc'epa. Tołta'a tocomma tifuli'iyotłsi, aimimana' anuli. Ixplic'epa tipac'ela' lafuleya tołiya ummecopa li'Hua timayotłsi lancruz, tixcuajaitłsi lijuats'. Tołta'a ixanupa lataiqui', joupa ihjmpa. Ticuaihuo litine jahuary tetentłcoco'ma ÆanDios. Ja'ni lema'a ja'ni li'a łamats', ma' anuli tetentłcoco'ma ÆanDios.

²¹ Li'ipa, jouc'a imanc' aimontejmaleyi ÆanDios. Jilpe lołpicuejma' onł'epaj laic' ÆanDios. Aicołcueca, onł'epá quixcay. ²² Itsiya a'i. Tonłejmaleyi ÆanDios. Tołta'a lołpicuejma' lepi'ipolhuo' imanc' pe noł'huaiyijmpá Jesucristo, itque lima'ampa itelcopa jouc'a licuerpo, jilpe lipixic', lipecał. ÆanDios ixpic'epa tixinintłsolhuo' ma le'a i'huexi itque. Ixplic'epa tixinintłsolhuo' joupa i'ipolhuo' pangay c'a lołpicuejma'. Tołta'a aimitac'uinycolhuo' cajunac', ailopa'a. ÆanDios tepen- uftolhuo' jilpe pe lopa'a.

²³ Tołta'a lo'iyacolhuo' ja'ni ti'hua tonł'e'me linca Lataiqui', ite loya'apa lixplic'epa ÆanDios. Ticuicomma tołfale lołpicuejma'. Tołspic'ele tolihuejle. Toł'huaicołe ite al c'a lapi'iyacolhuo' ÆanDios. Lataiqui' lołcujpa imanc' tinesco- jma maliya al c'a. Ite Lataiqui' lołcujpa joupa uya'ampa ni petsi li'a łamats'. Jouc'a iya' ninPablo cuya'e'. Tołta'a laipenic' lainepenufpa.

²⁴ Itsiya tixoquei neta catełma. Ca'nujuaitłsilhuo' imanc'. Cacia: Itta'a laiftełcopa titoc'itłola' laipimaye xonca ti'huaiyijnle Cristo.

Illanc' nalafot'leponga' ÆanDios icuerpo Cristo. Małtelcoyi jouc'a titełma Cristo. Ma tehue'e' ite latełcoya. Małtelcoyi panca panca alsuai'niyi ite latełcoya. Tołta'a laif'epa itsiya ma caxingufcojma catełma jifa'a laicuerpo.

²⁵ Iya' catoc'ila' lapimaye lefot'lepola' ÆanDios. Tołta'a lixplic'epa itque ÆanDios. Ma' itque lapi'ipa laipenic' cuya'ala' Lataiqui' pe lołmana' imanc' a'i cunc'ijudío. Lummepe cu'itłsolhuo' jahuary loya'apa litaiqui' ÆanDios. ²⁶ Cuhualque lipime cataiqui' loya'apa. Ite li'ipa luyaipa axpe' camats' emiya lataiqui'. Lan xanuc' muyalaicoyi liłpepajnya aquilłsina' lemiya cataiqui'. Itsiya itłsina'. ÆanDios timuc'ila' lixanuc', itne i'huexi. ²⁷ ÆanDios joupa ix- pic'epa ti'itla' quilłsina' acueca' juaiconapa ac'a loya'apa, lo'eya, ite lataiqui' li'ipa lemiya. Ite Lataiqui' tinescolhuo' imanc' a'i cunc'ijudío. Imanc' li'ipa aicolimetsaijma ÆanDios. Itsiya Cristo tipa'a pe lołmana'. Itque epi'ipolhuo' lołpicuejma'. Tołiya toł'huaicoyi tepenuftłsolhuo' ÆanDios, tilaitłsufcotolhuo'.

²⁸ Maluya'ayi Lataiqui' alpalacoysi Cristo. Jahuary lan xanuc' lu'ila' te ts'i'ic' mi'eyacu ja'ni tetentłcocoła' ÆanDios lo'epa. ÆanDios alłanc'e'e'ponga' lałpicuejma', tołta'a luhualqueyi Lataiqui', alłmuc'ila'. Tijoułta' alłmita ÆanDios: "Toxintłola' ihna'a lałpimaye, ihna'a lepenufpola' Cristo. Joupa i'ipa ixhueya liłpicuejma'. Ailopa'a mehue'ela'." ²⁹ Tołiya ca'ay canic' juaiconapa. Joupa aipo'nopa laipicuejma', cacua: Tama catełma catoc'i'mola' laipimaye.

Cristo acueca' alłtoc'i. Lapi'i caipujfxi. Caxingufi acueca' lo'epa itque.

2

¹ Iya' cacua: Ti'itla' colłsina' iya' acueca' ca'nujuaitłsilhuo' imanc'. Ma' anuli ca'nujuaitłsila' lapimaye nomana' liłya' Laodicea, jouc'a jahuary locuenaye lapimaye petsi aicalimetsaijma. Acueca' quihuejnyoxi, caxahue'e ÆanDios

titoc'itsolhuo'. ² Caxa'hue: Tixpi'itsolhuo' cunlata. Tonl'etsoltsi capic'a. Tołta'a ti'i'ma ma' anuli lołpicuejma'. Aimoltsinyacołtsi to ilne lan cuanuc'la pe ailopa'a quif'huexi. Tołsim'moltsi to ilne acueca' ts'il'hueca. Tołcuc'e'me litaiqui' LanDios. Tolapejna'me nulemma lipime cataiqui' li'ipa emipa LanDios. ³ Jiłpe ilne lipime cataiqui' alsinna'me jahuay al c'a juaiconapa. Alsinna'me to jipu'hua acueca' lipitali. Ja'ni lahueyi ti'ila' xonca acueca' ac'a lałpicuejma', o lahueyi ti'ila' xonca calsina', jiłpe lataiqui' alsinna'me jahuay ilna'a. Tocomma emiya. Lan xanuc' aimicuec'eyi.

⁴ Laifcuapa tołta'a caxhuelcocolhuo' imanc'. Cacia: Aga tifel'mi'molhuo' ilne petsi tocomma to ac'a lopalaipa, ilne ilsinna' te ts'i'ic' mifel'miyaleyacu. ⁵ Linca tama aicapa'a jiłpe, tocomma almana' nuli. Tocomma cahuelongilhuo'. Tixoque neta caxinnilhuo' tolihuejcoyoltsi. Tołmuji alinca toł'huaiyijnyi Jesucristo.

⁶ Joupá imuc'impolhuo' naitsi ilque Jesucristo lałPoujna. Tołta'a olapenufpá. Itsiya camilhuo': Ma' anuli ti'hua tolihuejco'me. ⁷ Imanc' lołpicuejma' joupá ifacaipa Cristo. Itsiya ti'hua toł'nujuaisle ilque. Tołta'a ti'hua tołfa'e'moltsi lołpicuejma'. Xonca tolimetsaico'me ma' alinca lataiqui' limuc'impolhuo', małe lataiqui' lolapenufpa. Aimixojyacolhuo'. Juaiconapa ti'hua tołs'najtsi'i'me LanDios.

⁸ Camilhuo': Tołpo'nołe cuenna. Ja'ni a'i aga tileco'molhuo' ocuenaj comxi. Tifel'mim'molhuo'. Ilne no'epá tołta'a tipalaiyi tocomma atsilá cataiqui', ma le'a tipa'ayi quilituca' liłpicuejma'. Tipalaicoyi liłtaiqui' lan xanuc'. Ilpic'a tolihuejle lił'ejma' lan xanuc' nomana' fa'a li'a lamats'. Ilne a'i litaiqui' Cristo.

⁹ Cacia: Cristo aimehue'e'. Ma' anDios i'epoxi xans. LanDios y Cristo ma' anuli liłpicuejma', ixhueya. ¹⁰ Imanc' joupá epenufpolhuo' Cristo, jouc'a aimehue'elhuo'. Ilne locuenaye lomxiye, ¿te xonca capi'iyacolhuo'? Ailopa'a capi'iyacolhuo'. Lan tsilá capaluc' quema'a tama acueca' icueya liłmane, acueca ticuxeyi, Cristo tuliquila' jahuay. Ticuxela' ilniya.

¹¹ Aimicuicomma mi'enyacolhuo' circuncidar. Cristo joupá epenufpolhuo', tołta'a tocomma joupá i'empolhuo' circuncidar. LanDios tepenuftolhuo'. Linca ailopa'a quetec'elhuo' lan xanuc' lołpoxic'. Imanc' ituca' li'ipolhuo'. Joupá ołpo'nopá lołpicuejma', olatec'opá loł'epa a'ijc'a, tołcuanajyołtsi loxahue'epolhuo' lołcuerpo, aimolihuejcoyi ilta'a. Jahuay petsi lepenufpola' Cristo, ma' anuli li'ipola'.

¹² Lijoupá limapa Cristo emimpa. Imanc' lepo'impolhuo' tocomma emimpolhuo' jouc'a. Lijoupá lemimpa Cristo ipanamma pe lomana' limanapola'. Imanc' lolipalumma laja' tocomma olipalumma jouc'a pe lomana' limanapola'. Imanc' oł'huaiyijmpá LanDios, tołcuayi: "Joupá imaf'i'inape Cristo, ipa'anapa pe lomana' limanapola'"; tołta'a jouc'a ołmaf'i', tipa'a al ts'e lołpitine. ¹³ Li'ipa, imanc' ti'onłcospolhuo' to limanapola'. Joupá ejac'epolhuo' ilne lonł'epa lixcay. Ilniya litiné ti'onłcospolhuo' to lan xanuc' pe ailopa'a quifseña. LanDios aiqumetsaicolhuo' ixanuc'. Mołmana' tołta'a LanDios imaf'i'inaapolhuo' anuli Cristo. Linca imanc' y illanc' limenc'e'ecoponga' jahuay lał'epa a'ijc'a. ¹⁴ Aicalihuequi locuxepa LanDios, ilne lataiqui' linilijmpa. Tołiya ilne lataiqui' alcuxeconga', alacani'enga'. Itsiya aimal'cuxecoconayaconga'. LanDios joupá ilonc'epa, epal'ingimpa jiłpe lancruz. ¹⁵ Tołta'a acuajmaica imuj'ma xonca acueca' Cristo. Ilque ticuxela' lan tsilá lapaluc' quema'a, ilne no'huapa acueca' liłmane. Li'ipa, ilniya lapaluc' imuc'i'me te ts'i'ic' LanDios. Itsiya a'i, tihuejcoyi Cristo.

¹⁶ Tołiya aimol'suelmot'le'me ilniya nocuapá: "Aimote'ma ilta'a, aimoxna'ma ilniya". Ni aimol'suelmot'le'me ilne locuxe'epolhuo'. Ilne ticuxe'elhuo' tonł'ełe cuenna litiné, ti'ila'ajuic, ti'ila' cal ts'e mut'la o ti'ila' itine conxajya. ¹⁷ Jahuay

ihna'a ti'onkospa to lipunxahua cal xans. A'ij cuajmaica mimuqui te ts'i'ic' ihe al c'a lapi'iyacola' ËanDios lixanuc'. Itsiya joupa almuc'imponga' te ts'i'ic'. Ma' ihque Cristo cal C'a. Hque a'i cunxahua.

¹⁸ Aimolihuejco'mola' pe no'e'epołtsi to ninaitsi xanuc', ihne ti'oc'eyołtsi juaiconapa. Ihne naxc'onkingołai'pá lapaluc' quema'a. Ja'ni tolihuejle, imanc' aimolulijyacu al c'a, ihe lapi'iyacola' lixanuc' ËanDios. Ma tołta'a ihpic'a ihniya. Ihne tihuejyi loximpa to al paiyo. Tixinyołtsi acueca' ihpicuejma', timuc'iyołtsi quituca'. Lataiqui' lomuc'iyalepa aiqumuc'ila' cal Espiritu Santo. ¹⁹ Ihne joupa enajpołtsi Cristo, ihque ałjuac, illanc' icuerpo.

Al cuerpo tama tipa'a limef'la licoyuntura tejontinala' anuli, ticuicomma hijuac. Ja'ni a'i ailopa'a co'eya. Tołe illanc' licuerpo Cristo, ihque ałjuac ałtes'minga' illanc' icuerpo. Licuerpo ti'hua titoqui, ma to ËanDios tixpic'e titojla'.

²⁰ Imanc' ja'ni joupa imapolhuo' anuli Cristo, ja'ni tipa'a ituca' lołpitine, ¿te qui'icopa lołejma' to liłejma' locuenaye xanuc' nomana' fa'a li'a łamats'? ¿Te coluyalaicopa tołta'a? Imanc' tocomma ailopa'a ihe lołpitine. ¿Te colihuejcopopola' ihne locuxe'epolhuo'? ²¹ Tixc'ai'ilhuo': "¡Aimoł'noł'me ita'a! ¡Aimołte'me ihque! ¡Aimoliłoc'olai'me moł—laf'me jilcu'hua!" ²² Ihna'a lonescopa aimicołya. Ti'hua tijaf'quinghua. Locuaicoya quitine ailopa'a. Ihna'a łataiqui' lan xanuc' tipa'ayi quituca' ihpicuejma'. A'i tołta'a locuxe'epolhuo' ËanDios. ²³ Ełłtaiqui' tocomma juaiconapa mixingufyi. Naihuejcopá ihna'a łataiqui' ihne quituca' tixpic'eyi textc'onkingołai'me juaiconapa, acueca' ti'oc'eyołtsi, acueca' titeł'miyołtsi ihcuerpo. Tołta'a aimi'eyi lipic'a ËanDios. Hque ipic'a ał'e'mołtsi cuenna lałcuerpo, ałcuxe'mołtsi al c'a. Ja'ni tolihuej'me ita'a ituca' cataiqui' ma le'a tonł'e'me lipic'a lołcuerpo, ihe ticuxe'molhuo' lonł'eyacu.

3

¹ Imanc', ja'ni ËanDios joupa imaf'i'inalpolhuo' anuli Cristo tolahuełe lapi'inyacolhuo', ihe lopa'a lema'a. Jilpe tipa'a Cristo ticutsuya al c'a camane ËanDios. ² Toł'nujuaisle lopa'a lema'a, a'i lopa'a fa'a li'a łamats'. ³ Imanc' mołmana' a'i to li'ipa. Joupa imapolhuo', i'ipa ats'e lołpitine. Jilpe pe lopa'a ËanDios tipa'a Cristo imaf'i'. Ma to ihque lipitine, tołta'a lołpitine. Linca itsiya aicołsina' nulemma te ts'i'ic' ihe lołpitine. Tocomma emiya. ⁴ Małque Cristo ałpitine. Litine timujxoxi Cristo, imanc' jouc'a jahuay lixanuc' tołmuj'mołtsi. Jilpe litine ałinca tixinnim'me acuajmaica te ts'i'ic' ihe lałpitine. Ałsim'monga' joupa i'epa pangay c'a lałpicuejma'. Ał'onkotong'a' to Cristo.

⁵ Tołiya, ma mołmana' fa'a li'a łamats' toł'e'mołtsi cuenna. Ihiya lołcuerpo tołcuxełe. Tihuejcotsołhuo' lołmane', loł'mitsi', jahuay ihe lołcuerpo. Camilhuo': Aimolahue'mola' cacal'no', aimoł'e'me al xujc'a, aimolahuelojm'mola' lacał'no' mołsuico'mola', aimołjanaj'me lixcay, aimoł'e'mołtsi to ihniya petsi aimicuayacu: "Joupa tipa'a". Ihne ma ti'hua tehueyi xonca. Ja'ni tołta'a loł'ejma' ËanDios ti'onkicolhuo' to ihniya naihuej'pá locuenaye candiosla'. ⁶ Petsi tołta'a lił'ejma' ËanDios tixtuc'ola', titeł'mila'.

⁷ Li'ipa ailopa'a al ts'e lołpitine, imanc' tonł'eyi tołna'a. Tołta'a tonluyalaicoyi lapajnya. ⁸ Itsiya tołpo'nołe lołpicuejma', aimoł'e'coname to li'ipa, aimolixtutsai'me, aimolixtule'me, aimolahue'me monł'e'mola' quixcay loł'as xanuc', aimołnesco'mola' a'ijc'a, aimołnesc'e'e'mola' cataiqui', aimi'i'ma tołta'a lołnesyacu.

⁹ Aimołfel'mi'mołtsi. Imanc' aimi'iya moł'onkicoyacołtsi to li'ipa. Joupa ołpo'nopá lafane cołpicuejma'. Ołpo'nopá li'ejma' ihiya. ¹⁰ Joupa ołspic'epá tolihuejle al ts'e lołpicuejma'. Ihiya lołpicuejma' ti'hua tilajmna'ma. Tijouła'

ti'onkocota to lipicuejma' ŁanDios. Ique Nolanc'enapa al ts'e lołpicuejma'. Tołta'a ihiya lałpicuejma' aimehue'eya. ŁanDios lipicuejma' aimehue'e'. Tołta'a ti'i'ma illanc' lałpicuejma' aimalahue'eyaconga'.

¹¹ Ihe petsi tipa'a al ts'e liłpicuejma', aiminesyacu: “Iya' ninjudío, iłque a'i. Ique agriego, ninaitsi xans.” Aiminesyacu: “Iya' joupa at'empa circuncidar, iłque a'i. Ique ŁanDios aimepenufya.” Aiminesyacu: “Ique aikuimuxejma”; o “Ique xonca atonno”; o “Ique amozo, i'huexi lipoujna”; o “Ique ailopa'a quipoujna, quituca' ticuxeyoxi”. Ihe petsi al ts'e liłpicuejma' tixim'mołtsi ma' anuli. Xonca ti'nujuaisyi Cristo, iłque łepenufpola' jahuay ihiya ja'ni ti'huaiyijnyi.

¹² Imanc' joupa i'huif'epolhuo' ŁanDios. Imanc' i'huexi iłque, ti'elhuo' capic'a. Tołiya tołsintsola' to acuanuc'la lołpimaye, tołpalaic'otsola' al c'a, aimoł'e'e'mołtsi tsila', aimoł'nof'e'e'mołtsi. Tołsnet'He lo'epolhuo'.

¹³ Aimolixtuc'o'mołtsi. Ja'ni a'ijc'a li'epolhuo', tolimenc'e'eco'mołtsi. ŁałPoujna joupa imenc'e'ecopolhuo' lonł'epa, ma' anuli tolimenc'e'eco'mołtsi.

¹⁴ Monł'eyi jahuay tołna'a jouc'a tonł'etsoltsi capic'a ma to mi'eyi lapi-maye. Tołta'a lonł'epa al c'a tetenłcoco'ma ŁanDios. Ja'ni aimoł'eyacołtsi capic'a tixim'molhuo' to tehue'elhuo'. ¹⁵ ŁanDios ijoc'icopolhuo' tipac'e'etsolhuo' lołpicuejma' Cristo. Camilhuo': Tołmajncote tołta'a. Małta'a lipic'a ŁanDios. Ijoc'ipolhuo' ti'itsolhuo' to anuli cal xans. Ti'onłcotsolhuo' to anuli al cuerpo. Jouc'a tołs'najtsi'ile ŁanDios.

¹⁶ Anuli anuli toł'nujuaisle litaiqui' Jesucristo. Tolihuejle jahuay. Tołta'a tepi'im'molhuo' lołpicuejma' tołmuc'i'mołtsi. Tołsc'ai'itsoltsi ti'ila' ac'a lonł'eyacu. Tołpalaic'ocotsoltsi lan salmo, lan himno, lan alabanza. Imanc' tolapenufyi lotoc'ipolhuo' Cristo. Tołiya jilpe łolunxajma' tolunac'co'me ŁanDios. ¹⁷ Ja'ni tołpalaiyi, ja'ni tonł'eyi canic', jahuay lonł'epa, ma monł'eyi toł'nujuaisle lałPoujna Jesús lipuftine. Tołs'najtsi'ile ŁanDios cal'Aillí'. Ique tepenufta lołs'najtsi'ipa, toł'huaiyijnyi Jesús.

¹⁸ Imanc' unc'apenoye, tolihuejcotsola' lołpe'aillí. Tołta'a ticuicomma lonł'eyacu imanc' noł'huaiyijmpá lałPoujna. ¹⁹ Imanc' unc'ape'aillí, tonł'etsola' capic'a lołpenoye. Aimołcuxenai'mola'. ²⁰ Imanc' unc'a'uhuy, tolihuejcotsola' loł'aillí. Tonł'ete jahuay loxc'ai'ipolhuo'. Tołta'a tetenłma, imanc' noł'huaiyijmpá lałPoujna.

²¹ Imanc' unc'a'aillí, aimołsc'ai'ot'li'mola' juaiconapa lołnaxque'. Ja'ni tołsc'ai'ot'łitsola' aimixnet'lyacu. Titafquecola'. ²² Imanc' unc'imozó tolihuejcotsola' jahuay loxc'ai'ipolhuo' lołpoujnalá nomana' fa'a li'a łamats'. Aimoł'onlico'mołtsi to lan xanuc' petsi oque' liłpicuejma'. Ihe ti'e'me canic' ma le'a mehuelongila' liłpoujna. Tijouł'a aimi'econayi. Tołspaic'ete ŁanDios. Tołta'a aimołfel'miyacola' lołpoujnalá. ²³ Jahuay lonł'eyacu tixoj'ma cunlata tonł'ete. Toł'nujuaitsa ma molihuejcola' lołpoujnalá, ihe axanuc', xonca tolihuejcoyi lałPoujna. ²⁴ Imanc' joupa ołsina' ti'najtsetolhuo' lałPoujna. Ique tepi'itolhuo' al hijca, tepi'itolhuo' coł'huexi. Imanc', ma Cristo ołPoujna, tolihuejcole iłque. ²⁵ Toł'nujuaitsa: Ihe pe no'epá a'ij hijca jouc'a tipa'a lapi'inyacola'. Ma to li'epa ma tołta'a tepi'innola' quiljunac'. ŁanDios tixinnila' ma' anuli jahuay. Ihe lapoujnalá, ja'ni a'ijc'a lo'epa, jouc'a tepi'innola' quiljunac'.

4

¹ Imanc' unc'apoujnalá aimolatets'i'mola' lołmozó. Toł'etsoltsi hijca loł'ejma'. Tołmułtsoltsi al c'a lołpicuejma'. Joupa ołsina', a'i ma le'a ihiya jouc'a imanc', tipa'a lołPoujna jilpe lema'a.

² Jahuay imanc' ti'hua tolpalaic'ole ÑanDios, aimixojtolhuo'. Ti'hua tols'najtsi'ile ÑanDios. ³ Ma moľpalaic'oyi ÑanDios toľsahue'e'me altoc'itsonga' illanc'. Lapi'itsonga' lane luya'ale Lataiqui' ile lopalaicopa Cristo. Linca luyaipa quitine li'ipa emiya, itsiya a'i. Maľe lataiqui' caifnuya'apa iya'. Toľiya al'noľimpa, altats'iya fa'a. ⁴ Ja'ni ÑanDios lapi'itsonga' lane luya'ale, alinca ca'econa'ma ile laipenic'. Cu'iyale'ma ma' acuajmaica ile lataiqui'.

⁵ Ma moľmana' petsi ilne a'i capimaye, toľpic'ele al c'a te ts'i'ic' lonľ'eyacu, loľpalaicoyacu. Itine itine tipa'a al c'a lonľ'eyacu. Ne', tonľ'ele toľta'a. ⁶ Ma moľpalaic'oyotłsi toľ'nujuaitsa ľalPoujna litoc'ipolhuo', lipaxnepolhuo'. Ti'ila' loľtaiqui' ma latencocoya lataiqui', a'i ninaiti cataiqui'. Toľta'a ÑanDios tepi'i'molhuo' loľpicuejma', toľtalai'e'mola' jahuay.

⁷⁻⁸ Cumme'ma Tíquico. Ticuaiti jilpe pe loľmana' ilque tu'itolhuo' te ts'i'ic' laifnuyaicopa. Ilque Tíquico acaipima. Aiquenajyoxi, ti'hua ti'ay lanic'. Ma'anuli al'eyi lipenic' ľalPoujna.

Cacua: Cumme'ma ti'ila' quixina' te ts'i'ic' moľmana'. Tixpi'itsolhuo' cunlata. ⁹ Tíquico tiyejmale'me Onésimo. Juaiconapa al'huaiyijnyi ilque ľacaľpima. Ilque oľpiľya' xans. Ilne tu'itolhuo' jahuay lo'ipa fa'a.

¹⁰ Tinonilhuo' Aristarco, iya' ilque altats'emponga' anuli. Tinonilhuo' Marcos. Ilque ipepo Bernabé. Oľsina' te ts'i'ic' loľpalaic'ocoyacu Marcos. Joupa u'impolhuo'. Ja'ni ticuaiti jilpiya toľapenufle. ¹¹ Tinonilhuo' Jesús, ilque ľacui'impa Justo. Petsi lan xanuc' judío no'huaiyijmpá Cristo, ma le'a ilniya laľejmale. Maľejmaleyi al'eyi canic'. Luya'ayi te ts'i'ic' mitsuflaiyacu pe locuxeyopa ÑanDios. Ilne lixpi'ipa neta.

¹² Tinonilhuo' Epafra, ilque oľpiľya' xans, imozo Cristo. Acueca' ti'nujuaitsilhuo'. Tocomma joupa tipanno ľunxajma'. Itine itine tixahue'e ÑanDios titoc'itsolhuo', tixhuai'nitsolhuo' loľpicuejma'. Aimoľpai'imołtsi. Itine itine ti'ila' coľsina' te ts'i'ic' lipic'a ÑanDios, ti'hua tonľ'e'me toľta'a.

¹³ Nimetsaijma Epafra li'ejma'. Aixina' acueca' titeľ'miyoxi, titoc'itsolhuo' imanc' noľmana' jilpe liľya' Colosas. Ma'anuli ti'nujuaitsila' lapimaye nomana' liľya' Laodicea, jouc'a nomana' liľya' Hierápolis.

¹⁴ Tinonilhuo' Lucas ľacaľpima, ilque ľin'ehuale cafxi. Jouc'a Demas tinonilhuo'.

¹⁵ Lapimaye nomana' liľya' Laodicea, ilne Ninfa y lapimaye nafot'ľepołtsi lejut'ľ, ilniya toľmitsola': "Pablo tinonilhuo'".

¹⁶ Ilta'a coľje'e toľsuef'itsola' lapimaye. Tijouľa' toľuyai'ele pu'hua Laodicea. Jouc'a tixhuef'quinta meľot'ľeyołtsi lapimaye. Ille liľje'e lapimaye nomana' Laodicea, toľahuetsa toľsuef'itsola' lapimaye meľot'ľeyołtsi jilpe Colosas.

¹⁷ Toľpalaic'otsa Arquipo. Toľsc'ai'itsa, toľmitsa: "ľalPoujna joupa epi'ipo' loľpenic'. Ti'hua to'ela' ile lanic'. Topo'noľa' loľpicuejma' tanant'liľa'."

¹⁸ Iya' ninPablo canonilhuo'. Toľta'a ma laimane quinili fa'a: "NinPablo". Aimalimenc'eco'ma. Al'nujuaisla' alfi'iya fa'a.

Titoc'itsolhuo', tipaxnetsolhuo' ÑanDios.

LIJE'E SAN PABLO AL TE'A LINIĒ'EPOLA' LAPIMAYE LEFOT'ĒPOĒTSI LIĒYA' TESALÓNICA

¹ Illanc' ninPablo, Silvano y Timoteo aliniĒ'elhuo' imanc' unc'atpimaye nolafot'epoĒtsi liĒya' Tesalónica. Imanc' iĒxanuc' caĒ'Ailli' ĒanDios y laĒPoujna Jesucristo. IĒniya joupā epenufpolhuo'.

Titoc'itsolhuo' ĒanDios, tipaxnetsolhuo'. Tipac'e'etsolhuo' loĒpicuejma'.

² Itine itine ma maĒ'nujuaitsilhuo' aĒs'najtsi'iyi ĒanDios. MaĒpalaic'oyi aĒnescolhuo' jahuay imanc'. ³ AĒ'nujuaitsilhuo' te ts'i'ic' loĒ'ejma'. Ma moĒ'huaijnyĒi ĒanDios ton'eyi al c'a. Ma monĒ'ela' capic'a lapimaye toĒtoc'ila'. ToĒsnet'lyi jahuay lo'ipolhuo'. ToĒta'a lonĒ'epa ma coĒ'huaijma ticuaiconanni laĒPoujna Jesucristo.

⁴ Unc'atpimaye, aĒsina' ĒanDios i'huĒijf'epolhuo', ti'elhuo' capic'a. Toliya aĒ'nujuaitsilhuo' ma maĒpalaic'oyi ĒanDios. ⁵ Litine laluya'ahuo'me jĒĒpe Lataiqui', iĒe loya'apa al c'a lixpic'epa ĒanDios, imanc' aĒquimf'eponga' a'i ma le'a illanc' laĒtaiqui', jouc'a oĒsingufco'me lipepaxi cal EspĒritu Santo. Ma maluya'ayi Lataiqui' acueca' aĒ'huaijnyĒi ĒanDios. ToĒta'a oĒsina'. OĒsina' te ts'i'ic' laĒpicuejma'. OĒsina' ma ĒanDios lapi'iponga' laĒpenic' aĒtoc'itsolhuo' imanc'.

⁶ Lijoupa lolapenufpa Lataiqui', ma moĒteĒcoyi juaiconapa, ixoc'i'molhuo' cunlata cal EspĒritu Santo. Tixoquei cunlata tolihuejyi ĒanDios. ToĒta'a aĒ'onĒcosponga' to illanc', jouc'a ti'onĒcospolhuo' to laĒPoujna Jesucristo.

⁷ Lapimaye nomana' jĒĒpiya Ēamats' Macedonia, jouc'a nomana' Ēamats' Acaya, jahuay iĒniya ixim'molhuo' ac'a loĒ'ejma'. ToĒta'a oĒmuc'ipola' te ts'i'ic' lo'eyacu lan xanuc' ja'ni ti'huaijnyĒi Jesucristo. ⁸ Imanc' jĒĒpe liĒya' Tesalónica ate'a olapenufpa Lataiqui', lijou'ma maĒe Lataiqui' icuaitsi locuenaye ĒileloĒya' lopa'a Ēamats' Macedonia jouc'a Ēamats' Acaya. A'i ma le'a Ēamats' Macedonia jouc'a Ēamats' Acaya icuaitsi Lataiqui'. Ni petsi lomana' lan xanuc' i'i'ma quĒsina' imanc' toĒ'huaijnyĒi ĒanDios. Ailopa'a calu'iyacola' toĒta'a.

⁹ MaĒne lan xanuc' lu'inga' li'ipolhuo' iĒniya Ēitiné laĒtsehuo'me loĒpiĒya' Tesalónica. AĒminga': "Ēan xanuc' nomana' Tesalónica epenufpolhuo'. IpaĒ'i'moĒtsi liĒpicuejma'. Eca'nipá Ēilendiosla' tihuejcoyi ĒanDios. Itsiya ti'eyi Ēipenic' ĒanDios. IĒque ma' aĒinca anDios. IĒque a'i quimac', ma' imaf'i'."

¹⁰ Itsiya toĒ'huaicoyi ticuaicoconno Ēi'Hua ĒanDios Nopa'a lema'a. ĒanDios joupā imaf'i'inapa, ipa'anapa pe lomana' limanapola'. Litine ĒanDios timuc'itsola' lan xanuc' Ēipoyac' aĒmaĒteĒ'miyaconga'. Ēi'Hua aĒcuanajco'monga'.

2

¹ Cunc'atpimaye, imanc' oĒsina' te ts'i'ic' li'ipa maĒmana' jĒĒpe. Ēinca Lataiqui' laluya'apa i'epa canic'. ² MaĒmana' liĒya' Filipos aĒteĒcopá juaiconapa, aĒmiloquinghuo'monga' cataiqui'. Joupā oĒsina' toĒta'a laluyalaicopa. LaĒcuaitsa loĒpiĒya' aĒcaĒsina' caxpaiqui', tama ixtuleconanca jĒĒpe. Ma maluya'ayi Ēitaiqui' ĒanDios aĒ'huaijnyĒi. IĒe Lataiqui' tuya'e' iĒe al c'a lixpic'epa ĒanDios. ³ Illanc' a'i oque' laĒpicuejma'. AĒ'eyi ma le'a Ēipenic' ĒanDios. Lu'ilhuo' Lataiqui'. Aimalu'ilhuo' ocuena cataiqui'. AĒmaĒfel'milhuo'. ⁴ Ma ĒanDios joupā lapi'iponga' iĒe laĒpenic'. AĒ'huaijnyĒi luya'aĒe Lataiqui', toliya luya'ayi Lataiqui'. Lahueyi tetenĒcocola' ĒanDios. AĒmalahueyi te co'iya metenĒcocoacola' lan xanuc'. MaĒque ĒanDios tixina te ts'i'ic' laĒpicuejma'.

⁵ Aimalahueyi całtomí coła' lapi'itsonga'. Tołta'a aicalapahuilhuo'. LanDios ixina' a'i tołta'a la'ejma'. ⁶ Jouc'a aimañesy: “Nomana' Tesalónica jouc'a locuenaye lan xanuc', limetsaicotsonga', limetsaicotsonga' acueca' lanic' ał'eyi”. Aimañesy iłiya, tama ninc'apóstole lummeponga' Jesucristo.

⁷ Aimałpalaic'olhuo' a'ujfxi. Małmana' anuli ałpalaic'olhuo' al c'a. Ma to mipalaic'o'mola' łaca'no' laiquinaxque' mitoc'ela' iłniya, ma tołta'a ałpalaic'olhuo' imanc'. ⁸ Jahuay łalunxajma' ał'epolhuo' capic'a. Tołiya a'i ma le'a lu'ipolhuo' Lataiqui'. Ałspic'epá ałtoc'itsolhuo' xonca. Tixoqui calata ałcuayi: “Ne', ałma'atsonga' lalixtuc'oponga', le'a tuyalaife al c'a lałpimaye nomana' Tesalónica”. Linca acueca' ał'nujuaitsilhuo' imanc'. ⁹ Cacia: Acueca' ał'elhuo' capic'a. Tołta'a ałmuc'ipolhuo' małmana' jilpe lołpiłya'. Imanc' ałpimaye ał'nujuaitsinga' la'epa. Ał'eyi lanic' juaiconapa, ałsosponga'. Ipuqui' itine ał'eyi lanic'. Tołta'a lulijyi całtomí. Ałcuayi: “Lałpimaye nomana' liłya' Tesalónica aimañsa'hueyacola' małtoc'iyaconga'. Aimał'e'mola' quipime liłpepajnya.” Tołta'a la'epa ma malu'ılhuo' litaiqui' LanDios, iłe loya'apa al c'a lixpicepa.

¹⁰ Imanc' noł'huaiyijmpá Jesucristo ołsimpá la'ejma' małmana' jilpe. Ałsimponga' ma' alinca alihuejyi LanDios. Ałsimponga' alijca la'epa. Ailopa'a całtac'uiyaconga' lajunac', aimi'iyā mañesc'eyaconga'. Jouc'a LanDios ixina' tołta'a la'ejma'. ¹¹ Imanc' ołsina' ałpalaic'opolhuo' to cal xans tipalaic'o'mola' linaxque'. Alu'ipolhuo': “Ti'ıta' ac'a lon'eyacu”. Alixpi'ipolhuo' cunlata, ałsc'ai'ipolhuo', ałmipolhuo': ¹² “Tetenłcocola' LanDios loł'ejma'”. Małque LanDios joupa ijoc'ipolhuo' tołtsulfołaitsa pe locuxeyopa, timetsaicotolhuo' ixanuc'.

¹³ Itine itine illanc' jouc'a ałs'nałtsi'iyi LanDios Lijoc'ipolhuo'. Imanc' a'i ma le'a ałquimf'eponga' ma maluya'ayi litaiqui' LanDios, olapenufpá. Iłe Lataiqui' olimetsaicopá itaiqui' LanDios, a'i całtaiqui' illanc' ninc'ixanuc'. Małe litaiqui' ti'ay canic' jilpe lołpicuejma' imanc' noł'huaiyijmpá LanDios.

¹⁴ Tołta'a imanc' oluyalaico'me to iłne lapimaye nafolyomma łamats' Judea luyalaicopa, iłne jouc'a ixanuc' LanDios, łepenufpola' Jesucristo. Ołsnet'ı'me lo'epolhuo' lołpiłya' xanuc'. Tołta'a iłniya lołpimaye nomana' łamats' Judea ixnet'ı'me lo'empola' liłpiłya' xanuc', iłne ajudío. ¹⁵ Iłniya lan xanuc' judío ima'apá łalPoujna Jesucristo, jouc'a ima'a'me lam profeta, jouc'a alihuetsojponga' illanc'. Aimi'eyi lipic'a LanDios, jouc'a tipa'neyi jahuay lił'as xanuc'. ¹⁶ Jouc'a aimalapi'inga' lane malu'i'mola' Lataiqui' lan xanuc' pe aimimetsaicoyi LanDios. Iłne lan xanuc' judío xonca tetenłcocola' aimunłul'me iłniya lan xanuc'. Tołta'a iłne tixhuai'niyi lo'epa lixcay. Tijouł' aimi'iyā mi'eyacu. LanDios joupa ixpic'epa titeł'mi'mola' nulemma, tijou'ne'ma lipoyac'.

¹⁷ Cunc'ałpimaye, ałinca ał'elhuo' capic'a imanc'. Ti'hua ał'nujuaitsilhuo', tama aimañmana' anuli. Li'ıpa, al quite' małmana' anuli juaiconapa ał'nujuaispolhuo'. Juaiconapa ałpic'a ałsingonatsołtsi. Lahueyi te co'iyā małcuaiconayacu jilpiya. ¹⁸ Joupa ałspic'epá łe'me. Ma' iya' ninPablo, a'i ma le'a anulemma, oquemma aixpic'epa tołta'a. Lijoupa aiqui'ic'. Satanás ałpa'neponga'. Aicaltec'.

¹⁹ Linca acueca' ałpic'a ałsingonatsołtsi. ¿Te cołcuapa? ¿Te imanc' ołsina' la'huaijma? ¿Te ołsina' nałtsi nalixoc'iyaconga' calata? ¿Nałtsi nomujya ja'ni ipammaita lałpenic'? Linca ma le'a imanc'. Ał'huaicoyi tixininłe tołta'a litine ticuaicoconanni łalPoujna Jesucristo. ²⁰ Imanc' linca tołmuji lipammaita lałpenic'. Imanc' lixoc'inga' calata.

3

¹ Juaiconapa acueca' lałsueł'mecopolhuo'. Icuaitsi litine aimi'iyā małsnet'ıconayacu. Ałspic'epá ałmanenca całtuca' liłya' Atenas. ² Ałcuxe'epá Timoteo ti'huala' jilpiya lołpiłya'. Ałmpá Timoteo: “Tofa'etsola' lapimaye

lihpicuejma'. Toxc'ai'itsola' ti'hua ti'huaiyijnle Jesucristo.” Itque Timoteo alpima, itejmale LanDios. Itque lipenic' tuya'ala' Lataiqui'. ³ Alcuayi: “Aimoſuehmo't'e'me ni anuli imanc', tama toſtecoyi”. Imanc' oſsina' LanDios joupa ixpic'epa aluyalaico'me toſta'a. ⁴ Maſmana' anuli jilpe loſpiya' lu'ipolhuo' laſ'iyaconga'. Almpolhuo': “Atelco'me”. Ma toſta'a li'ipa. Joupa oſsingufpa'.

⁵ Laicuejpa lipangopa loſtecopa aicaixina' te ts'i'ic' moluyalaicoyi. Caxhuelma, cacua: “Aga Satanás ehuaipolhuo' acueca'. Aga iminscopolhuo' loſpicuejma'. Tijoula', tama acueca' lanic' aſ'epá jilpe tijouna'ma jahuay. Aimipanehuo ni toſta'a.” Licuai'ma litine aimi'iya caxnet'conaya laifxueſ'mepa, nummepa Timoteo titsetsi. Cacua: Tipainanni lu'i'ma ja'ni ti'hua toſ'huaiyijnyi Jesucristo.

⁶ Itsiya icuaina'ma fa'a itque Timoteo. Joupa itsehuc'ma loſpiya'. Alsimpá ac'a lataiqui' ite laluponga'. Alminga': “Laſpimaye nomana' Tesalónica ti'hua ti'huaiyijnyi Jesucristo. Ti'hua aſ'enga' capic'a. Itine itine aſ'nujuaitsinga'. Juaiconapa itpic'a alſingonatsonga', ma to illanc' alpic'a alſingonatsola' itne.” ⁷ Laſcuejpa toſta'a loluyalaicopa imanc' lixoc'ipoſtsi calata. Tama lahue'enga', atelcoyi, tocomma ailopa'a tintsu. Joupa i'ipa caſsina' imanc' ti'hua toſ'huaiyijnyi Jesucristo. ⁸ Ja'ni aimipaiyumma loſpicuejma', ja'ni ti'hua toſ'huaiyijnyi Jesucristo, illanc' aimatſafqueyacongá. Ti'i'ma caſpujfxi luyalaico'me lapajnya.

⁹ Maſ'nujuaitsilhuo' imanc' aſ'najtsi'iyi LanDios. Alinca imanc' lixoc'iponga' calata juaiconapa. Maſpalaic'oyi LanDios tixoquei calata aſ'najtsi'iyi toſta'a. Tocomma aimi'iya maſuai'niyacu ite laſ'najtsi'ipa LanDios. Ailopa'a caſtaiqui'. ¹⁰ Ipuqui' itine aſa'hueyi juaiconapa. Almiyi: “Lapi'itsonga' lane alſecontsa lahuejntola' laſpimaye nomana' Tesalónica”. Alnesyi: “Moſ'huaiyijnyi Jesucristo te aga tipa'a petſi aimoſcuc'eyi. Alſoc'itolhuo', almuc'itolhuo'.”

¹¹ Iniya, caſ'Ailli' LanDios y laſPoujna Jesucristo alſoc'itsonga'. Lapi'itsonga' lane alcuaicontsa jilpiya pe loſmana'. ¹² Caſ'Ailli' titoc'itsolhuo' imanc'. Il-lanc' alinca aſ'elhuo' capic'a juaiconapa. Aſa'hueyi LanDios tepi'itsolhuo' loſpicuejma', toſ'etsolſi capic'a juaiconapa. Jouc'a toſ'etsola' capic'a jahuay loſ'as xanuc'. ¹³ Ja'ni titoc'itsolhuo' toſta'a LanDios jouc'a tifa'e'molhuo' loſpicuejma'. Litine ticuaiconanca laſPoujna Jesucristo y jahuay itne li'huexi, LanDios caſ'Ailli' aimetac'ui'yacolhuo' cajunac'. Timetſaico'molhuo' joupa i'ipa pangay c'a loſpicuejma'.

4

¹ Cunc'alpimaye, ai'a ticula'ala' ita'a coſje'e tipa'a xonca laifmiyacolhuo'. Joupa alu'ipolhuo' te ts'i'ic' molihuejyacu LanDios. Alu'ipolhuo' te ts'i'ic' monſ'eyacu ja'ni tetentcocola' LanDios. Alinca, ma toſta'a tolihuejyi. Illanc' aſ'eyi lipenic' laſPoujna Jesús toſiya aſa'huelhuo', alſc'ai'ilhuo': “Ti'ita' xonca ac'a ite lolihuejpa”. ² Ma to laſcuxe'eponga' laſPoujna Jesús, ma toſta'a laſcuxe'epolhuo'. Joupa oſsina' te ts'i'ic' laſc'ai'ipolhuo'. ³ Alſcuxe'epolhuo' tonſ'ete ma lixpijma' LanDios. Tolanajſolſi al xujc'a, ti'itsolhuo' qui'huexi LanDios. Aimont'e'me to itne lan xanuc' pe nahuepá quilecaſ'no'. ⁴ Jahuay imanc' toſmuc'itſolſi toſcuxetſolſi al c'a. Tejonſi'molſi anuli anuli quipeno. Ma le'a itque lipeno tixhuico'ma. Timetſaicoſa' jouc'a i'huexi LanDios. Aimetets'i'ma. ⁵ Aimont'e'me to lo'epa lan xanuc' petſi aimimetſaicoyi LanDios. Itne tihuejcoyi ma le'a lojanajpa liſcuerpo. Iniya aimixinyi acuanuc'la liſpenoye, tixhuicoyi lonaiſpa lihpicuejma'.

⁶ Tonl'e'me iŕe laifcuxe'epolhuo'. Ni' anuli imanc' metets'i'ma hipima ni mifel'mi'ma toŕta'a. Aimolaxic'e'moŕtsi loŕpenoye. Tonl'etsoltsi cuenna. LanDios ti'e'ma hijca. Ti'najtse'e'mola' iŕne pe no'epá toŕta'a. Titeŕ'mi'mola'. Joupa alu'ipolhuo' toŕta'a. Aŕsc'ai'ipolhuo' juaiconapa. ⁷ LanDios aŕjoc'iponga', a'i maŕ'e'me al xujc'a. Laŕjoc'iponga' joupa aŕsimponga' i'huexi. ⁸ Pe aimalihuejcongá' illanc' iŕe laŕsc'ai'ipolhuo' iŕque aimalatets'inga' illanc' ninc'ixanuc', tetets'i LanDios iŕque tepi'ilhuo' hi'Espíritu Santo.

⁹ Ita'a coŕje'e aimalçuxe'eyacolhuo': Tonl'etsoltsi capic'a lapimaye. Imanc' LanDios joupa imuc'ipolhuo' tonl'etsoltsi capic'a. ¹⁰ Linca olihuic'ipá iŕe limuc'impolhuo'. Toŕ'nujuaitsila' loŕpimaye ni petŕi lomana' ŕamats' Macedonia. Toŕtoc'ila'. Itsiya aŕsc'ai'ilhuo', aŕmilhuo': Xonca toŕ'nujuaitsola' loŕpimaye. Xonca toŕtoc'itsola'.

¹¹ Tolahue'me te co'iya moluyalaicoyacu al c'a. Tonl'e'me canic'. Anuli anuli, quituca' quituca', ti'e'ma ma le'a lipenic'. Toŕsuicoŕe loŕmane' tonl'eŕe canic'. Toŕta'a joupa aŕcuxe'epolhuo'. ¹² Toŕta'a iŕne petŕi aimi'huaiyijnyi LanDios tixim'molhuo' ac'a lonl'epa. Imanc' jouc'a toluyalaico'me al c'a. Aimehue'eyacolhuo'.

¹³ Cunc'aŕpimaye, ti'ila' coŕsina' te lo'iyacola' iŕne laŕpimaye lijoupa limanapola', iŕne aŕnescopola' "tixmaiŕi". Ja'ni aicoŕsina' lo'iyacola' iŕniya, aga imanc' toŕhuotŕo'me ma to mi'eyi locuenaye xanuc', iŕne petŕi aiqui'huaijma litine lomaf'i'inyacola'. ¹⁴ Joupa aŕ'epá linca li'ipa Jesús. Iŕque imanapa, imaf'inapa, ipanamma pe lomana' limanapola'. Jouc'a aŕcuayi: Litine LanDios tummeconata Jesús jouc'a ticuaicu iŕniya limanapola'. Iŕne i'huaiyijmpá Jesús, aŕnescopola' "tixmaiŕi". Toŕta'a laŕ'huaiyijmpa. ¹⁵ Cu'i'molhuo' lo'iya. Ita'a itaŕqui' laŕPoujna Jesús. Ticuaiconanni Jesús ja'ni ts'aŕmaf'i' o joupa aŕsmaipá, cacua aŕmanaponga', ma' anuli aŕhecona'monga'. Ja'ni aŕmaf'i' aimatŕecoyacongá' ate'a. ¹⁶ Ticuequim'me ticuxem'me. Ma miŕja'e' cal Cuecaj Capaluc Quema'a, muna'e' litrompeta LanDios, laŕPoujna Nopa'a lema'a timuyohuo. Ticuaŕiyoconno fa'a li'a ŕamats'. Limanapola' petŕi ni'huaiyijmpá Jesucristo ate'a titsolinacu. ¹⁷ Tijouŕa' illanc', ja'ni aŕmana' jifa'a li'a ŕamats', aŕ'nof'em'monga', aŕtai'monga' ŕummahuay. Illanc' y laŕpimaye ma' anuli aŕtalecufta laŕPoujna mimumma lema'a. Toŕta'a aŕmajnta nulemma anuli laŕPoujna. ¹⁸ Iŕe lataŕqui' tolu'itsola' loŕpimaye. Tolixoc'itŕoltsi cunlata.

5

¹⁻² Cunc'aŕpimaye, jifa'a coŕje'e aimalu'iyacolhuo' al 'hora ticuaŕiyoconno laŕPoujna. Aimi'iya malu'iyacolhuo'. Iŕe lixpijma' LanDios. Aicaŕsina' ja'ni ahuata o axpe' lahue'epa aŕsinte iŕe al Cuecaj Quitine. Imanc' joupa oŕsina' aimi'iya maŕnesyacu: "Mouqui o pitsu o locuena camats' ti'i'ma". Cal namas no'huapa ipuqui' aimuya'e' te 'hora micuaiya lajut'ŕ. Toŕiya micuaiya iŕe al Cuecaj Quitine. ³ Minesyi lan xanuc': "Ailopa'a tintŕi. Luyalaico'me al c'a"; ma iŕniya litiné tixim'me ŕumla. Litaŕpa ŕaca'no' joupa li'ipa hipumla aiquixinaic' lo'iya. Ma toŕta'a tixim'me locuaicoya iŕe al cueca' cateŕcoya. Titeŕ'mim'mola' nulemma. Aimi'iya munŕulyacu. ⁴ Imanc' cunc'aŕpimaye aimoluyalaicoyi al muf. Toŕta'a, litine aimi'iya mixpaic'eyacolhuo' tama ticuaŕtsi to micuaita cal namas. ⁵ Jahuay imanc' joupa epalc'o'ipolhuo'. Ti'onŕcosopolhuo' to litine. Imanc' illanc' a'i muf laŕpicuejma', aimal'onŕcosoponga' to lipuqui'. ⁶ Toŕiya aimuluyalaico'me lapajnya to iŕne noyalaicopá to noxmaipá. Ti'hua aŕmaf'i'e. Aŕsuicoŕe al c'a laŕpicuejma'. ⁷ Noxmaipá tixmaiŕi lipuqui'. Lisnaye timeyoquila' lipuqui'. ⁸ Illanc', ja'ni aŕ'onŕcosoponga' to litine, ja'ni joupa lapalc'o'iponga', aŕsuicoŕe laŕpicuejma'. Aŕpa'neco'moŕtsi, aimalulij'monga' Satanás. Jahuay ŕalunxajma' aŕ'huaiyijnle Jesucristo, aŕ'eŕe capic'a. Aŕpo'noŕe

laɫpicuejma' aɫ'huaicole iɫque Nocuaicoya, lunɫu'e'monga'. ⁹ Ma nipajnya aɫ'huaico'me lunɫu'e'monga'. LanDios Naɫ'huijfeponga' ixpic'epa lunɫu'e'monga' illanc' naɫ'huiyijmpá Jesucristo. Toɫta'a aiami'ya maɫel'miyaconga'. ¹⁰ Maɫque Jesucristo icupoxi tima'anɫe, i'najtsepa laɫjunac'. Toɫiya iɫe litine ticuaiconanni aɫmajm'me anuli iɫque. Ma toɫta'a laɫ'iyaconga' ja'ni aɫmaf'i', jouc'a ja'ni tocomma to aɫsmayi, cacua joupa aɫmanaponga'. ¹¹ Toɫ'nujuaitsa iɫta'a al c'a lo'iyacolhuo'. Toɫta'a tolixoc'i'moɫsi cunlata, toɫfa'e'moɫsi loɫpicuejma'. Linca ma tonɫ'eyi toɫta'a. Ti'hua tonɫ'ete.

¹² Cunc'aɫpimaye, jilpiya pe loɫmana' timana' lapimaye no'epá lipenic' LanDios. Iɫniya tixc'ai'ilhuo', tu'ilhuo' te ts'i'ic' molihuejyacu iɫque laɫPoujna. Aɫsahue'elhuo': Tolimetsaicotsola' iɫniya. ¹³ Tolimetsaicotsola' liɫpenic' lo'epa. Toɫ'etsola' capic'a juaiconapa. Tonɫejmaleɫe al c'a. Aimolfuli'i'moɫsi cataiqui'.

¹⁴ Cunc'aɫpimaye aɫsc'ai'iconalhuo': Iɫne petsi aiami'eyi canic', toɫtaletsola'. Ja'ni titafquemmola', toɫpalaic'otsola' al c'a. Petsi ailopa'a quitpujfxi, toɫtoc'itsola'. Toɫsnet'i'me liɫ'ejma' lan xanuc'. Aimolixtuc'o'mola'.

¹⁵ Toɫpo'nole cuenna loɫ'eyacu. Ja'ni ixcay li'epolhuo' aimonɫ'econa'me toɫta'a, ni anuli imanc'. Tonɫ'e'me ma le'a al c'a. Ja'ni apimaye, ja'ni ocuenaye lan xanuc', ma' anuli toɫtoc'itsola'.

¹⁶ Aimolɫsuelmot'le'me. Itine itine tixojla' cunlata. ¹⁷ Moluyalaicoyi lapajnya ti'hua toɫpalaic'o'me LanDios. ¹⁸ Ja'ni al c'a ja'ni a'ijc'a lo'ipolhuo', toɫs'najtsi'ile LanDios. Toɫta'a lonɫ'eyacu imanc' noɫ'huiyijmpá Jesucristo. Joupa ixpic'epa LanDios.

¹⁹ Aimolpa'ne'me cal Espíritu Santo. Tolapi'ile lane ti'eɫa' ma lipic'a.

²⁰ Aimolatets'i'mola' loɫprofeta lonespa. ²¹ Aimolapenuf'me jahuay lataiqui' loɫquimf'epa. Toɫspijle. Tolimetsaicoɫe ja'ni al c'a o a'ijc'a. ²² Tolapenufle al c'a. Ja'ni a'ijc'a tolanajtsoltsi. Aimolapenuf'me.

²³ LanDios tipaxnetsolhuo'. Ma iɫque ti'i'ma tipac'e'e'molhuo' loɫpicuejma'. Ti'e'etsolhuo' nulemma i'huexi. Toɫta'a, ticuaiyunni Jesucristo tixim'molhuo' pangay c'a loɫpicuejma', loɫ'alma, loɫcuerpo. Aimetac'uinyacolhuo' cajunac', ailopa'a. ²⁴ LanDios ijoc'ipolhuo'. Iɫque aimifel'miyale. Joupa ipo'nopa cataiqui'. Ma ti'e'ma to joupa laimipolhuo'.

²⁵ Cunc'aɫpimaye, toɫsahue'ete LanDios aɫtoc'itsonga' illanc'. ²⁶ Toɫmitsola' laɫpimaye nomana' jilpiya: “Tinonilhuo' laɫpimaye Pablo, Silvano jouc'a Timoteo”. Toɫtuc'otsoltsi loɫpeque ma to mituc'oyoɫtsi lapimaye, iɫne i'huexi LanDios.

²⁷ Cacuxe'elhuo' toɫsuef'le iɫta'a colje'e petsi lafoɫyomma laɫpimaye. A'i ma le'a iya' caituca' cacuxe'elhuo' toɫta'a. Jouc'a ma' anuli toɫiya licuxe'epolhuo' iɫque laɫPoujna.

²⁸ LaɫPoujna Jesucristo tipaxnetsolhuo', titoc'itsolhuo' jahuay imanc'.

LIJE'E SAN PABLO LOCUENA LINIĒ'EPOLA' LAPIMAYE LEFOT'ĒPOĒTSI LIĒYA' TESALÓNICA

¹ Illanc' ninPablo, Silvano y Timoteo aliniĒ'elhuo' imanc' unc'aġpimaye olafot'ĒpoĒtsi liĒya' Tesalónica. Imanc' iġxanuc' ĒanDios caġ'Ailli' y ġaġPoujna Jesucristo. Iġniya joupā epenuġpolhuo'. ² ĒanDios caġ'Ailli' y ġaġPoujna Jesucristo titoc'itsolhuo', tipac'e'etsolhuo' loġpicuejma'.

³ Aicalimenc'ecolhuo' imanc' loġ'ejma'. Itine itine xonca toġ'huaiyijnyi ĒanDios, itine itine xonca tonġ'eyoġtsi capic'a. Anuli anuli imanc' toġta'a loġ'ejma'. Toġiya aġs'najtsi'iyi ĒanDios, ticuicomma. ⁴ Maġ'nujuaitsilhuo' toġta'a loġ'ejma' illanc' jouc'a aġpalaicolhuo'. Maġpalaic'ola' locuenaye lapimaye ġefot'Ēepola' ĒanDios, lu'ila': "Laġpimaye nomana' Tesalónica, mihuetsoquinnila' iġne ti'hua tixnet'ġyi. Tama titeġcoyi ti'hua ti'huaiyijnyi ĒanDios, aimixospola'." ⁵ Moġsnet'ġyi loġteġcopa, ĒanDios tilanc'e'elhuo' loġpicuejma'. Tijouġa' toġtsulfoġaita pe locuxeyopa iġque. Toġta'a timujyoxi ac'a lipicuejma' ĒanDios. Timujyoxi tixpic'e ma le'a al c'a.

⁶ Cacia: ĒanDios tixpic'e al c'a. Ti'ay ma le'a al ġjca. Ti'najtse'e'mola' iġniya noteġ'mipolhuo' itsiya, titeġ'mi'mola'. ⁷ Imanc' ituca' lo'iyacolhuo'. Itsiya toġteġcoyi, tijouġa' tolunxajta. Ma' anuli lunxajta. Toġta'a laġ'iyaconga' litine ticuaiconanni ġaġPoujna Jesús. ġiġpe litine timuj'moxi ġaġPoujna to qui'ic'. Iġque ġinca juaiconapa icueya limane, toġiya ticuxela' lepaluc' quema'a. Iġniya ġaġPoujna y lepaluc' timulcu. ⁸ ġiġpe mimulumma tunaita ġunga. ġiġpe litine ti'e'ma al ġjca. Titeġ'mi'mola' nulemma iġniya pe aimimetsaicoyi ĒanDios jouc'a pe aimihuejcoyi Lataiqui', iġe litaiqui' ġaġPoujna Jesucristo. ⁹ Iġne tepenuġ'me liġjunac'. Tecani'e'mola' nulemma. Aimitsulfoġaiyacu pe lopa'a ġaġPoujna. ġiġpe lomujyoyacoxi acueca' juaiconapa. Timuj'moxi ma' anDios. ¹⁰ Toġta'a lo'iya litine ticuaiconanni ġaġPoujna. ġiġpe litine timuj'moxi ma' anDios. Jouc'a aġmuj'moġtsi alinca i'huexi iġquiya. Iġe litine lahueloġjtsonga' jahuay illanc' naġ'huaiyijmpā ĒanDios, tines'me: "Iġque Jesús ġinca apaxi. Joupā ipai'ipola' iġne." Laġnespa: "... jahuay illanc' naġ'huaiyijmpā", aġnescopolhuo' jouc'a imanc', joupā olapenuġfpā Lataiqui' lalū'ipolhuo'.

¹¹ Aġ'nujuaisyi iġe al cueca' al c'a laġ'iyaconga' ġiġpe al Cueca' Quitine locuaicoya. Toġiya itine itine aġsa'hueyi ĒanDios titoc'itsolhuo', ti'hua toġihuejle ĒanDios, iġque ijoc'ipolhuo'. Ja'ni ti'ila' toġta'a loġ'ejma' aimixhueġcoya ĒanDios te quiġjoc'icopolhuo'. Aġsahue'eyi ĒanDios ti'ila' acueca' lo'eya. Tenant'ġila' jahuay al c'a loġspic'epa tonġ'eġe. Tenant'ġila' jahuay iġe al c'a lopo'nopa ĒanDios ġiġpe loġpicuejma' ma moġ'huaiyijnyi iġque. ¹² Ja'ni toġta'a lotoc'iyacolhuo' ġalanDios y ġaġPoujna Jesucristo, lan xanuc' tixim'me acueca' ġaġPoujna Jesús, tipalaico'me al c'a. Imanc' epenuġpolhuo' ġaġPoujna tixim'molhuo' ti'onġcospolhuo' to iġque.

2

¹⁻² Cunc'aġpimaye joupā oġsina' ticuaicoconno ġaġPoujna Jesucristo. Oġsina' lafot'ġe'monga', ġiġpe litine aġmajnta anuli iġque.

Itsiya caxc'ai'ilhuo', camilhuo': Aga tu'i'molhuo': "Joupā icuai'ma al Cueca' Quitine. Icuaicona'ma ġaġPoujna, cal Espiritu Santo alu'iponga'." O tu'itsolhuo': "Ēinca icuaicona'ma. Iġne Pablo jouc'a liyejmalepa alumme'eponga' caġje'e tuya'e' toġta'a." Ja'ni tu'itsolhuo' toġta'a, imanc' aimimufc'o'molhuo' loġpicuejma', aimonġ'e'me ġinca. ³ Ja'ni toġta'a tehueġe

tifel'mitsolhuo', o ja'ni ituca' li'ejma', aimolapenuf'e'mola' litaiqui'. To'po'no'e lo'picuejma', aimifel'mi'molhuo'. I'ne nonespá to'ta'a infel'miyale, a'i to'ta'a lo'ya micuaiconaya la'Poujna. Ate'a lan xanuc' titaleco'me litaiqui' LanDios. Tipai'i'moltsi li'picuejma'. Tihuejco'me ocuena cataiqui'. Tijoula' ti'ila' to'ta'a timuj'moxi anuli cal xans ma le'a ixcay lo'epa. Tetets'i'ma jahuay locuxepa LanDios. I'que aimunhuya, tejac'ma. ⁴ I'que ti'nof'e'moxi. Ti'ay quipilaic' LanDios, jouc'a ti'ela' quipilaic' jahuay lilendiosla' lan xanuc'. Ticua: "Ma le'a iya' laxc'on'gingai'ma". Ti'on'fico'moxi to LanDios. To'ta'a ticutshuai'ma jipe lixoute' LanDios. ⁵ Imanc', ¿te joupa olimenc'ecopa i'e lainu'ipolhuo' ma'mana' anuli?

⁶ Imanc' joupa o'sina' tipa'a lopa'necopa i'que lixcay xans. LanDios joupa ixpic'epa litine timuj'moxi i'que. ⁷ Itsiya linca ma tipa'a anuli petsi aimasinyi. I'que ma le'a ixcay lo'epa, tetets'i jahuay locuxepa LanDios. Jouc'a tipa'a petsi ti'hua limane tipa'neco'ma i'que. Ti'hua tipa'ne, tijoula' ti'ojm'ma. ⁸ Ti'ojnla' i'que nopa'nepa, timuj'moxi lixcay xans, i'que tetets'i locuxepa LanDios. I'que aimipaneya to'ta'a. Ticuaicoconno la'Poujna tifusco'ma, tima'a'ma. I'que cal xans aimixnet'ya ticuaicohuananni la'Poujna. Aimi'ya mehuelojnya, tejac'e'ma. ⁹ Ma Satanás lummepa i'que lixcay xans. Ma'que Satanás tepi'i'ma acueca' icueya limane. To'ta'a ti'e'ma al cueca'. Lo'eya tocomma to lo'eya ma le'a LanDios. I'que a'i andios, ma' afellaiqueya litaiqui', afellaiqueya lo'epa.

¹⁰ I'que no'epa lixcay tifel'mi'mola' lan xanuc', i'ne petsi ti'hua tejac'eyo'lti. I'ne aiquirepenufi al Linca Cataiqui'. I'e'me capilaic', tohiya aimunhuyacu. ¹¹ LanDios ticua: "Tifel'mitsoltsi". Pe lomana' joupa ipo'nopa lafellaiqueya cataiqui', tepenufle ita'a. ¹² To'ta'a titel'mi'mola' nulemma i'ne petsi aiquire'aic' linca al Linca Cataiqui'. I'ne petsi xonca i'pic'a lo'epa lixcay, tetets'iyi locuxepa LanDios.

¹³ Imanc' aimi'on'coto'lhuo' to i'niya pe natets'ipá LanDios. Toliya a's'najtsi'iyi LanDios, ticuicomma. Imanc' unc'al'pimaye. La'Poujna ti'elhuo' capic'a. Li-pangopa li'a lamats' LanDios joupa i'huij'fecopolhuo' tun'u'etsolhuo'. Linca tun'u'e'molhuo'. Cal Espíritu Santo ti'hua tilanc'e'e'molhuo' lo'picuejma', ti'itsolhuo' ma i'huexi LanDios. To'ta'a lo'iyacolhuo' ma molihuejcoyi al Linca Cataiqui'. ¹⁴ Litine lo'quim'epa Lataiqui' lal'ipolhuo', LanDios ijoc'ipolhuo' toluyalaico'e to'ta'a. Tijoula' to'cuxeta anuli la'Poujna Jesucristo.

¹⁵ Toliya, cunc'al'pimaye, to'po'no'e lo'picuejma', tolihuejco'cona'me lataiqui' la'muc'ipolhuo'. Ja'ni illanc' ca'tuca' alu'ipolhuo', ja'ni lini'epolhuo' ita'a co'je'e, ma' anuli i'e lataiqui', tolihuejco'e.

¹⁶ Titoc'itsolhuo' i'niya la'Poujna Jesucristo y LanDios. LanDios, i'que ca'l'Ailli', al'nujuaisponga', ixpic'epa a'toc'itsonga'. Toliya lixpi'iponga' calata nulemma. Itsiya aimasue'mot'leyi te ts'i'ic' ma'iyaconga' Locuaicoya Quitine. A'sina' lapenuftonga'. ¹⁷ Ja'ni to'sue'mot'leyi, LanDios tixpi'itsolhuo' cunlata. Ma mon'eyi al c'a o mo'palaic'oyi al c'a tifa'etsolhuo' lo'picuejma'.

3

¹ Cunc'al'pimaye, ai'a ticula'a'ma ita'a co'je'e, tipa'a laifmiyacolhuo': To'sahue'ete LanDios a'toc'itsonga'. To'ta'a aimipa'necoyacu litaiqui' LanDios. Ma to imanc' joupa olapenufpá, olimetsaicopá ma' itaiqui' LanDios, to'ta'a tepenuf'me, timetsaico'me lan xanuc' nomana' locuenaye litelo'ya'. ² To'sahue'ete LanDios al'cuanajcotsonga', amalulij'monga' i'ne pe liminscopola' li'picuejma', i'ne pe no'epá lixcay. A'i jahuay mi'huaiyijnyi Jesucristo to la'huaiyijmpa. ³ I'que la'Poujna linca aimifel'miyale. Tifa'e'molhuo' lo'picuejma', ticuanajco'molhuo'. Toliya aimi'i'ma co'eyacolhuo' lixcay conta'a.

⁴ Illanc' al'huaiyingilhuo'. Alcuayi: "Ihne lapimaye nomana' Tesalónica jouc'a ti'huaiyinyi laPoujna. Tohiya ti'eyi to laisc'ai'ipola', ti'hua ti'e'me."

⁵ LaPoujna ti'hua tilanc'e'etsolhuo' lo'picuejma', xonca to'lingufle lo'epolhuo' capic'a LanDios. Titoc'itsolhuo' ti'hua to'snet'i'me ma to ihque Cristo lixnet'ipa. Aimixojtolhuo'.

⁶ Cunc'alpimaye: Aimonlejmalecona'me ihne lapimaye pe aimi'eyi canic', petsi nohuinajpola'. Tolanajtso'ltsi ihniya. To'po'notsola' quiltuca'. Illanc' epaluc' laPoujna Jesucristo, to'ta'a laisc'ai'ipolhuo'. Lo'epa ihne nohuinajpola' a'i to illanc' jouna al'muc'ipolhuo'. ⁷ Imanc' jouna o'sina' lon'eyacu. Imanc' al'on'tsonga' to illanc' la'ejma'. Illanc' ma'mana' jil'piya aimahuaquinga'. ⁸ Aima'sa'hueyi ca'tejacu. Ipuqui' itine al'eyi canic', al'tel'miyol'tsi, alcuayi: "Ma'mana' li'pitya' lapimaye nomana' Tesalónica, aimixingufco'me ihniya".

⁹ Linca tipa'a la'mane. Nipajnya a'sahue'etsolhuo'. Aicalcuac'. Xonca al'pic'a al'muc'itsolhuo' lon'eyacu, al'on'tsonga' to illanc' la'ejma'. Ton't'e'me lanic' ma to illanc' la'epa. ¹⁰ Ma'mana' jil'pe lo'pitya' ma'sc'ai'ilhuo' lu'ilhuo': "Petsi aimicua mi'ay canic', aimitetso'ma". ¹¹ Itsiya al'cuejpa' lonescompolhuo' imanc', ticuayi: "Ihne lapimaye nomana' Tesalónica, hualca tihuinaquila'. Aimi'eyi canic'. Ma le'a tiyelocoyi, tehuelojnyi lo'epa locuenaye." ¹² Illanc' epaluc' Jesucristo al'cuxe'ela' ihniya no'epa to'ta'a, aisc'ai'ila': "Aimon'teloco'me le'a, ton't'ete canic'. To'ta'a to'na'me co'tuca' cola'i."

¹³ Cunc'alpimaye, ja'ni ton't'eyi canic', ja'ni to'ta'a toluyalaicoyi lapajnya, ton't'eyi al c'a. Aimixojtolhuo'. Aimo'pai'i'mol'tsi lo'picuejma'. Aimo'nes'me: "Aimi'iya ca'econaya to'ta'a". ¹⁴ Ja'ni anuli lo'pima aimihuejma' la'taiqui' lalini'epolhuo' il'ta'a co'je'e, tolimetsaicotsa naitsi ihque. Aimo'lejmalecona'me. Tolanajtso'ltsi. Ihque tixin'ta' calaic'ata, tixhuej'menanni. ¹⁵ Linca aimon't'e'me capilaic'. Ihque o'pima. To'sc'ai'i'me, tolu'i'me: "Aimo'econa'ma to'ta'a".

¹⁶ Ma le'a laPoujna ti'i'ma al'pac'e'e'monga' la'picuejma'. Ma to'ta'a ti'e'etsolhuo' imanc'. Itine itine tipac'e'e'molhuo' lo'picuejma'. To'majnle al c'a, aimo'sue'lmot'lecona'me. Pe lo'mana', jahuay imanc', to'majnle anuli laPoujna.

¹⁷ Iya' ninPablo caituca' laimane quiniki fa'a laipuftine. To'ta'a locula'acoya jahuay lai'je'e laifnumme'epola' lapimaye. Imanc' y locuenaye capimaye ti'ila' co'sina' ma' ai'je'e.

¹⁸ LaPoujna Jesucristo ti'hua titoc'iconatsolhuo' jahuay imanc'.

LIJE'E SAN PABLO AL TE'A LINIŁ'EPA TIMOTEO

¹ Iya' ninPablo, nin'apóstol, epaluc Jesucristo. ŁalanDios y łapPoujna Jesucristo alfajpa iłiya laipenic'. Małque ŁanDios Łalunłu'eponga'. Illanc' joupa lapenufpá Jesucristo, tołta'a alłina' ma' alinca alunłu'ena'monga' nulemma.

² Quinił'ehuo' cumTimoteo. Ima' ma' ai'hua. Lihuequi iya'. Ma' anuli lihuejyi Jesucristo. ŁanDios cał'Ailli' y Jesucristo łapPoujna titoc'itso'. Ti'nujuaitso', tipac'e'etso' lopicuejma'.

³ Małmana' liłya' Éfeso aimipo': "Ca'huahuanłta' łamats' Macedonia. Ima' topanenni fa'a liłya' Éfeso. Toxc'ai'i'mola' nomuc'ipá łapimaye. Tomitsola': Aimołmuc'i'mola' ituca' cataiqui'. ⁴ Aimołquimf'e'mola' lan xanuc' loya'apa, ilne mane tipalaicoyi petsi a'ij linca. Aimołquimf'e'mola' ilne nonescopá liłpuftine liłtatahueló." Ilne lonescopa aimijouya. Petsi noquimf'epá iłiya lataiqui', ¿te ti'i'ma quılısina' te ts'i'ic' lixpıc'epa ŁanDios? A'i. Ma le'a ti'hua tixhuelcoyi, ticuayi: "¿Pe copa'a al Linca Cataiqui'? ¿Te ts'i'ic' iłiya?" Ticuicomma ti'huaiyijnle ŁanDios, ti'ełe linca litaiqui'. Tołta'a timetsaico'me te ts'i'ic' lixpıc'epa ŁanDios.

⁵ Ilne petsi alinca naihuejcopá locuxepa ŁanDios ti'eyołtsi capic'a. Ilne joupa i'ipola' ac'a liłpicuejma'. Aimi'nujuaisyołtsi ilne quılıtuca', ti'nujuaitsila' liłpimaye. Jiłpe liłpicuejma' ilłsina' ŁanDios joupa imenc'e'ecopola' li'epa. Tołta'a aimi'econayacu al xujc'a. Ma ti'huaiyijnnyi ŁanDios, a'i ma le'a minesyi. ⁶ Petsi aimihuejyi tołta'a ilne joupa ecanujpá al C'a Cane. Mane tipalołaiyi. Ilne loya'apa aimitoc'ila' liłpimaye. ⁷ Ticuayi: "Illanc' linca ninc'omxiye. Almuc'iyaleyi ma locuxepa ŁanDios, ilne lataiqui' linilijmpa Moisés." Ilne ma le'a tipalołaiyi. Ni aiquılısina' te ts'i'ic' locuxepa ŁanDios.

⁸ Illanc' aicalatets'iyi ilne lataiqui' linilpa Moisés, alłinyi ac'a cataiqui'. Le'a cacua: Ilne lomxiye ticuicomma ti'ila' quılısina' tuhuałc'ele ilne lataiqui'. Timuc'iyalełe ma to ts'ipic'a ŁanDios. ⁹ Ticuicomma ti'ila' quılısina' naitsi ilne nahue'epola' tiquimf'ele litaiqui' Moisés. Aimehue'ela' ilne lataiqui' ilne petsi ŁanDios joupa epenufpola', petsi joupa iximpola' to ailopa'a quılıjunac'. Ilniya joupa ilłsina' te ts'i'ic' locuxepa ŁanDios. Ticuicomma timuc'intsola' lan xanuc' petsi aimihuejcoyi locuxepa ŁanDios, ilne lin-cuejlocale. Timuc'intsola' petsi natets'ipá ŁanDios, ilne no'epá al xujc'a. Timuc'intsola' petsi lixcay liłpicuejma', ilne tixhuelcoyi ma le'a iłiya lopa'a fa'a li'a łamats'. Timuc'intsola' petsi noma'apá quılı'ailli', quılı'máma'. Timuc'intsola' noma'apá liłf'as xanuc'. ¹⁰⁻¹¹ Timuc'intsola' petsi nahuepá quilecał'no', petsi noxhuicopá liłf'as xanuc' to cacał'no', petsi no'nołpá liłf'as xanuc' ticuj'me, petsi nofelłaiquepá, petsi aimentant'hiyi lataiqui' locupa, petsi no'epá nixpiya. Ticuicomma timuc'intsola' jahuay no'epá lixcay, pe aimihuejcoyi Lataiqui' loya'apa lixpıc'epa ŁanDios. Ilne Lataiqui' tixc'ai'iyale ma le'a al c'a, tuya'e' te ts'i'ic' ŁanDios lipicuejma'. Ilque tixoqui queta alunłu'enga'. Małe Lataiqui' lapi'ipa iya', al'huaiyijmpa cuya'ala'.

¹² Cax'najtsi'i Jesucristo łapPoujna. Ilque alłoc'ipa, alapi'ipa laipicuejma'. Cami: "Cax'najtsi'ihuo' ima' al'huaiyijmpa, lapi'ipa laipenic'". ¹³ Li'ipa, iya ixcay capalaijma ilque Cristo. Cateł'mila' lixanuc', camiloquila' cataiqui'. Ilniya litiné aicainihuequi Jesucristo. Tołhiya aicainimetsaicola' lixanuc' Jesucristo, aicaixina' ja'ni ixanuc' ŁanDios o a'i. Tołta'a ŁanDios aicalaca'ni'e. ¹⁴ Juaiiconapa acueca' łapaxnepa łapPoujna. Lijoupa lainepenufpa Jesucristo jiłpe linca ai'huaiyijmpa ŁanDios, ca'ela' capic'a lapimaye.

¹⁵ Tipa'a lataiqui' ma' al linca loya'apa. Tepenufle jahuay lan xanuc'. He lataiqui' tuya'e': "Jesucristo icuaiyoco'ma jifa'a li'a lamats' tunlu'etsola' no'epá lixcay". Jilpe loya'apa "... tunlu'etsola' ihe no'epá lixcay", jouc'a iya' ahescojma. Iya' xonca nixcay xans, ailopa'a nalulijya. ¹⁶ Ihe petsi no'huaiyijnyacu, Jesucristo ipic'a timuc'itsola' te ts'i'ic' lipicuejma'. Ti'ila' quilsina', tama acueca' juaiconapa lijunac', Cristo tepenuf'mola'. Tepi'i'mola' al ts'e liipitine aimijouya. Tofta'a ate'a alsimpa nincuanuc'. Alsnet'ipa iya' lai'ejma'. ¹⁷ ¡Als'najtsi'ile LanDios cal Rey! Als'najtsi'ile aimijouya licuxejma', aimimaya, aiqui'huáqui. Ma quituca' anDios. Ma le'a ilquiya nipajnya texc'onlingotai'me. Ma le'a ilque timinte: "Ima' manDios". Ma tofta'a lo'iya, aimipaiya. Tofta'a ti'ila'. Amén.

¹⁸ Mai'hua Timoteo, LanDios joupa imetsaicopo', epi'ipo' lopenic'. Itsiya caxc'ai'ihuo': Ma to'eta' jiliya lanic'. To'nujuaitsi linespa lapimaye noya'apá lixpicepa LanDios, lamiponga': "Ti'eta' Timoteo lipenic' LanDios". Itsiya taipa'ala' lopujfxi, taihuejla' LanDios. ¹⁹ Ti'hua to'huaiyinge Jesucristo. To'nujuaitsi imenc'e'ecopo' lo'epa lixcay. Aimo'econa'ma. Petsi aimi'nujuaisyi limenc'e'ecompolá' li'epa, aiquilcuac', ihe ti'econayi lixcay. Aimi'hua mi'huaiyijnyi Jesucristo. Joupa ejac'epotsi. ²⁰ Tofta'a li'ipola' Hime-neo y Alejandro. Ihe iya' joupa aicupola'. Nepi'ipa lane Satanás titef'mitsola'. Tihuic'ile aimetets'icona'me Jesucristo.

2

¹ Itsiya caxc'ai'i'mo'. Ate'a camihuo': "Toxc'ai'itsola' lapimaye nafaoyomma jilpiya, tomitsola': Imanc' mołpalaic'oyi LanDios to'nujuaitsola' lołf'as xanuc' ni petsi lomana'. Tolsahue'ete LanDios titoc'itsola', tepi'itsola' lahue'epola'. Ja'ni joupa epi'impola' tołs'najtsi'ile LanDios. ² To'nujuaitsola' lan rey jouc'a jahuay ts'ipenic'. Tolsahue'ete LanDios titoc'itsola' ihniya. Tofta'a aimałpa'neyaconga', luyalaico'me al c'a, aimalsuełmot'leyacu, al'e'me ma latentcocoaya LanDios, aimał'eyacu nixpiya. ³ Ja'ni tofta'a tołsa'hueyi LanDios linca tonf'eyi al c'a. He lonf'epa tetentcocojma LanDios Łaluntu'eponga'."

⁴ Ihe ipic'a tunlu—le lan xanuc' ni petsi lomana'. Ipic'a ti'ila' quilsina' te ts'i'ic' al Linca Cataiqui' loya'apa. ⁵ Tipa'a ma le'a anuli LanDios. Jouc'a tipa'a ma le'a anuli łalaPaluc. Ihe ti'i'ma tipalaic'o'ma LanDios jipu'hua lema'a. Tixahue'e ałtoc'itsonga' illanc' ninc'ixanuc'. Jesucristo alaPaluc, jouc'a axans. ⁶ Ihe icupoxi tima'anle. Inajtsepa lałjunac' illanc'. Jouc'a inajtsepa liłjunac' lałf'as xanuc' ni petsi lomana'. LanDios joupa ixpic'epa te quitine tuya'atsa ihe li'ipa. Joupa icuai'ma al 'hora. Lataiqui' illanc' lalupola' lan xanuc' tuya'e' ihe li'epa Cristo. ⁷ Ma tofta'a laipenic' lalapi'ipa LanDios. Iya' nin'apóstol cuya'e' ihe lataiqui'. Iya' laifnescopoxi al linca. Aicafel'miyale. Alummeпа ca'huata', camuc'itsola' lan xanuc', ihe petsi aimimetsaicoyi LanDios.

⁸ Aipic'a tipalaic'ote LanDios lan xanuc' ni petsi lafot'leyołtsi lapimaye. Ihniya ja'ni al c'a lo'epa, liłmane' lo'nof'epa tetentcoco'ma LanDios. Mi-palaic'oyi LanDios, aimixtule'me jilpe liłpicuejma', aimifuleco'me cataiqui'. ⁹ Jouc'a aipic'a ti'ila' ac'a li'ejma' lapimaye cacal'no'. Ai' metej'mołtsi juaiconapa. Aimicoł'i'mołtsi milanc'e'me juaiconapa liłjuac, ma mipo'noyi jilpe lił'oro, ma mixc'uininc'iyi liłjune' aperla. Aimehue'me juaiconapa lipitali quilpijahuał. Aimines'me: "Alahuelołntsonga' lan xanuc'". Ti'ila' liłpijahuał ma latentcocoaya LanDios. Jilpe liłpicuejma' tijanajle ti'ete al c'a. ¹⁰ Lacał'no' naihuejpa LanDios tucuicomma timujtsołtsi mi'eyi al c'a. Aimimuc'iyale'me te ts'i'ic' liłpijahuał, ja'ni ac'a o' ai.

¹¹ Laca'no' miquimf'e nomuc'iyalepa, ma tiquimf'eta'. Aimitalai'e'ma. Tihuejcoła'. ¹² Iya' ai' capi'ila' lane lacał'no' mimuc'inyacola' lan xanuc'

ni micuxenyacola'. Ma tiquimf'ele. ¹³ LanDios ate'a ilanc'e'ma cal xans, itque Adán. Lijou'ma ilanc'epa laca'no' Eva. ¹⁴ Tama loquexi' aiqulihuequi locuxe'epola' LanDios, ma le'a Eva ifel'mimpa. Adán a'i. Toliya camilhuo': Laca'no' aimimuc'i'me lan xanuc', aimicuxe'me. ¹⁵ Ihiya laca'no' itaic' lijunac'. Ti'hua tixinyi lumla litine mipo'no'me linaxque'. Tama tohta'a lo'ipola' ti'i'ma tuntu'l'me. Ticuicomma ti'hua ti'huaiyijne LanDios, ti'hua ti'etsola' capic'a lapimaye, ti'hua timetsaicotsotsi ma' i'huexi LanDios, tenajtsotsi al xujc'a, ti'hua ti'ele al c'a. Ja'ni tohta'a li'ejma' tuntu'l'me.

3

¹ Ticuayi: "Pe ts'ipic'a ticuxetsola' lipimaye, ac'a lanic' ile lojanajpa lo'eya". Iya' cacua: Al linca lataiqui' ihiya. ² Toliya ticuicomma anuli lapima petsi joupá imetsaicompa ac'a xans, ts'anuli quipeno, ticuxeyoxi ac'a, ac'a lipicuejma', a'i caxpennaiqui, tepenufla' lapimaye jilpe lejut'l, tepi'ila' lomanc'eyacu. Jouc'a ticuicomma ts'ixina' lomuc'iyalepa. Ja'ni tohta'a li'ejma', itque linca ti'i'ma ticuxe'mola' lipimaye. ³ Aimofaj'ma lapima ja'ni tixnatsay o himfule o tixtumma. Tofaj'ma lapima ja'ni tixnet'l'ma, ja'ni tipalaic'ola' al c'a lipimaye. Aimofaj'ma ja'ni ipic'a tulijla' quitomí. ⁴ Ja'ni ticuxela' al c'a nomana' lejut'l, ja'ni linaxque' tihuejcoyi, aimi'eyi nixpiya, itque tofaj'ma. ⁵ Lapima petsi aiqixina' micuxeyacola' nomana' lejut'l, ¿te ti'i'ma ti'e'mola' cuenna lipimaye, lefot'lepola' LanDios? A'i. Aimi'iyá. ⁶ Ticuicomma tofajya i'ipa axpe' camats' quihuequi Jesucristo. Ja'ni quite' mihuequi aga tines'ma: "Iya' xonca nincueca". Tijoula' ma' anuli Satanás tecani'em'me. ⁷ Ja'ni lan xanuc' petsi aimimetsaicoyi LanDios timetsaicoyi ac'a xans ti'i'ma tofaj'ma. Ja'ni a'i tinesco'me cataiqui', tijoula' lapima tic'aitquehuo ma to ts'ipic'a Satanás.

⁸ Ma' anuli lapimaye notoc'iyacu hipima micuxeyale. Ja'ni aimilotsoyi, ja'ni ma' anuli litaiqui', a'i oque', tofaj'mola' ihiya. Aimofaj'mola' ja'ni tixnatsołayi ni ja'ni ts'ipic'a tulijle quitomí. ⁹ He Lataiqui' lalapenufla' illanc' ticuicomma ticuec'ele lipime xonca jouc'a tihuejle lataiqui'. ¹⁰ Ai'a tofaj'mola' taimetsaicotsola' te ts'i'ic' li'ejma' jouc'a lipicuejma'. Ja'ni a'linca ac'a xanuc' tapi'itsola' quilpenic'. Titoc'ile hipima ma micuxela' lapimaye.

¹¹ Laca'no' notoc'iyacu jouc'a ticuicomma petsi ac'a lipicuejma', aimix-ahualeyi, ticuxeyotsi al c'a, tenant'iyi litaiqui', aimifellayqueyi.

¹² Lan xanuc' notoc'iyacu ticuicomma anuli anuli ti'ila' hipeno, a'i oquexi' afantsi. Ticuicomma ticuxentsola' al c'a linaxque' y jahuay nomana' lilejut'l. ¹³ Ihe notoc'iyacu, acueca' ile lanic' lo'eyacu. Ja'ni tixhuai'nile lipenic', lipimaye timetsaico'me. Ihe quituca' timetsaico'moltsi a'linca ti'huaiyijnyi Jesucristo.

¹⁴ Iya' cacua aimatcolconaya fa'a. Ca'hua'ma jilpe. Atsintsołtsi. Ma capa'a fa'a quini'ehuo', cu'ihuo' lof'eya. ¹⁵ Tijoula', ja'ni atcol'ma fa'a joupá i'ipa colcina' te ts'i'ic' lonf'eyacu, ima' y lapimaye nomana' jilpiya. Imanc' ixanuc' LanDios, matque limaf'i' CanDios. Ma' itque efot'lepolhuo', ipo'nocopolhuo' toluya'ate al Linca Cataiqui'. Ipo'nocopolhuo' tonf'ele cuenna ile Lataiqui', tołsinle aimipai'im'me, aimimuc'iyale'me ituca'. ¹⁶ Linca acueca' ipime Lataiqui' lalihuejcopa illanc'. He lataiqui' tipalaijma Cristo, tuya'e':
Ihe i'epoxi xans, icuai'ma fa'a li'a lamats'.

Cal Espíritu Santo imetsaicopa pangay c'a lipicuejma'.

Lapaluc' quema'a ehuelojmpá.

Pe lomana' ihe petsi aiqulimetsaijma LanDios, jilpiya uya'ampá te ts'i'ic' li'ipa, li'epa itque.

Fa'a li'a lamats' i'huaiyijmpá,

pu'hua lema'a epenufinnana, imetsaicompa anDios.

4

¹ Cal Espíritu Santo joupá inespá lo'iyá, ticuá: “Ticúaiti lijoujma quitine lan xanuc' aimihuejconayacu al Linca Cataiqui'. Tiquimf'e'me locuapa locuenaye lan espíritu, ilne nofelaiquepá. Tihuej'me lomuc'iyalepa lontahue.” ² Ilne petsi naihuejpá ituca' cataiqui' ti'e'eyo'tsi to lan c'a xanuc'. Ticuayi: “Illanc' almuc'iyaleyi al Linca Cataiqui'”. Ma le'a ticuayi to'ta'a, tifel'miyaleyi. Ni aimimetsaicoyo'tsi ixcay lo'epa. Joupá iminscopa li'picuejma', i'ipa capeme, aimixingufcoyi. ³ Ticuayi: “Timajnle quituca' lan xanuc'. Jouc'a laca'no' timajnle to'ta'a. Aimejoni'mo'tsi.” Jouc'a ticuayi: “Ita'a o jihu'hua aimo'te'me. LanDios aimepi'ilhuo' lane.” Ilne nonescopá to'ta'a tinescoyi ma lilanc'epa LanDios. Ja'ni a'huaiyijmpá, alcuec'eyi al Linca Cataiqui', LanDios ipic'a als'najtsi'ile, altele. ⁴ Jahuay lilanc'epa LanDios ma ac'a. Ailopa'a calatets'iyacu. Als'najtsi'ile LanDios, alte'me. ⁵ Litaiqui' LanDios joupá lu'iponga' ac'a lilanc'epa LanDios. Ja'ni alsahue'ete ilque tipaxne'ma latejacu.

⁶ Ja'ni to'ta'a lo'xc'ai'iyacola' lapimaye alinca to'e'ma lipenic' Jesucristo. Tomuj'moxi te ts'i'ic' litoc'empo'. Tomuj'moxi joupá imuc'impo' te ts'i'ic' Lataiqui' lalihuequi', te ts'i'ic' al c'a lomuc'iyalepa. Tomuj'moxi ma ti'hua taihuequi.

⁷ Tipa'a lataiqui' ti'on'cospa to li'taiqui' laca'no' joupá itojnapola', ile lataiqui' tipa'ayi quituca' li'picuejma'. Aij linca lataiqui', tuya'e' nixpiya. Aimapenuf'ma ni aimoquimf'e'ma. Xonca taipa'ala' lopujfxi tanant'hila' locuxepa LanDios. ⁸ Ja'ni taipa'ala' lopujfxi pe lafil'ya tepi'im'mo' lofmulijya. Ja'ni taipa'ala' lopujfxi tanant'hila' locuxepa LanDios xonca acueca' tolij'ma. LanDios joupá icupa cataiqui'. Toxim'ma al c'a mopa'a fa'a li'a lamats' jouc'a Locuena Quitine toxinna al c'a. ⁹⁻¹⁰ Ticuayi: “Toliya a'eyi lanic', lipa'ayi acueca' la'pufxi, alte'miyot'si. Joupá a'huaiyijmpá LanDios, ilque Limaf'i' CanDios. Ma le'a ilque ti'i'ma tunhu'e'mola' lan xanuc' ni petsi lomana'. Alinca lunhu'e'monga' illanc' petsi joupá a'huaiyijmpá.” Ilne lataiqui' tuya'e' al linca. Tepenufle jahuay lan xanuc'.

¹¹ Ima' toxc'ai'itsola' lapimaye jilpe nomana'. Tomuc'itsola' laifmipo', ile lainini'epo'. ¹² Tama mamijcano aimetets'i'mo', ni'anuli. Topalaila' al c'a, to'ela' al c'a, to'etsola' capic'a lopimaye, tanant'hila' lopenic' jahuay, tanajxoxi al xujc'a. Ja'ni lapimaye tihuejhuo' to'ta'a lo'ejma' ilne jouc'a ti'i'ma al c'a li'ejma'.

¹³ Ca'hua'ma pu'hua, cahuejnto'. Ma mopa'a cotuca' ti'hua toxhuef'itsola' lapimaye litaiqui' LanDios, ti'hua toxc'ai'itsola', tomuc'itsola'. ¹⁴ To'nujuait'sola' li'taiqui' pe noya'apá li'pic'ejma' LanDios. Ilniya uya'apá, imi'me lan ts'ilaj capimaye: “Timoteo ti'ela' lipenic' Jesucristo. To'po'nof'ile lo'lane' hijuac.” Jilpe litine LanDios epi'ipo' lopicuejma', to'ela' lipenic'. Itsiya aimatets'i'ma lepi'ipo' LanDios. To'ela' lanic'.

¹⁵ Topo'not'si cuenna ile lainini'epo', aimaimenc'eco'ma. To'etsi ma to laixc'ai'ipo'. To'ta'a ti'hua ti'i'ma xonca al c'a lopicuejma'. Jahuay lapimaye tixim'mo' ile li'ipo'. ¹⁶ Ti'hua taicuis'exoxi ja'ni ac'a lo'ejma', ja'ni ac'a lofmuc'iyalepa. To'ta'a tonhu'e'moxi jouc'a tunhu'l'me ilne noquimf'epo'.

5

¹ Anuli hitojpa xans aimotale'ma, topalaic'o'ma al c'a, ma le'a tomi'a'. Taimetsaico'la' to co'ailli'. Lof'as camijcanó, taimetsaico'mola' to copimaye.

2 Litojpola' cacal'no' taimetsaico'mola' to co'máma'. Lahuats'la taimetsaico'mola' to copimaye cacal'no'. Aimopalaic'o'mola' quixcay cataiqui', aimailotsojnco'mola' cataiqui'. Jahuay ihniya, aimotale'mola', le'a tomi'mola'.

3 Tomitsola' lapimaye nomana' jilpiya: “Tołtoc'itsola' lam potsateya cacal'no', ihniya petsi ma' alinca quiltuca”.

4 Anuli cal potsate caca'no', ja'ni timana' linaxque' o liniető, titoc'ile ihniya. Ate'a ti'ele al c'a quiltuca' lipimaye. Tihuic'ile titoc'ile quil'ailli', quil'máma'. Tołta'a lipic'a LanDios, tetenłma.

5 Iya' cacua: Cal potsate caca'no' petsi joupa i'huaiyimpa LanDios, mipa'a quituca' ja'ni ilque ti'hua ti'huaiyinge, ipuqui' itine tipalaic'o'ma LanDios, tixahue'e'ma titoc'ila'. Ja'ni tołta'a li'ejma' ilque alinca apotsate.

6 Timana' ocuenaye lam potsateya cacal'no' ituca' li'ejma'. Ihe tehueyi te co'iya muyalaicoyacu al c'a lipitine. Tehueyi lipixojma cata. Tołta'a, tama ilmaf'i', LanDios tixinnila' to limac'la, to nenajpołtsi LanDios.

7 To'itsola' lapimaye laifmipo'. Tomitsola': “Tolihuejle ile lałmiponga' lałpima Pablo”. Ja'ni ti'ele tołta'a locuenaye lan xanuc' aiminescoyacu a'ijc'a.

8 Lapimaye ticuicomma titoc'intsola' liłxanuc'. Lapima xonca titoc'i'mola' nomana' lejutł. Ja'ni aimi'eyi tołta'a, acueca' a'ijc'a li'ejma', aimihuejyi Lataiqui' loya'apa ile al c'a lixplic'epa LanDios. Petsi aimimetsaicoyi LanDios ihniya titoc'innila' liłxanuc'.

9 To'itsola' lapimaye: “Cal potsate caca'no' petsi aikuixhuaiya afane' nuxans lemats', aimolinilijnc'e'me lipuftine. Tolinilijnc'eta lipuftine ja'ni loxhuaiya afane' nuxans lemats', ja'ni imajmpá ma le'a anuli lipe'ailli', aikuehuaic' ocuenaj xans,

10 ja'ni imetsaicompá i'epa al c'a, ja'ni ac'a itoc'epola' linaxque', ja'ni epi'ipola' lejutł tunxac'ele noyepá al culi' cane, ja'ni epac'epola' liłmitsi' lipimaye, ihe jouc'a i'huexi LanDios, ja'ni itoc'ipola' notelcopá, ja'ni itine itine tehuay te co'iya mi'eya al c'a. Ma le'a tołniya tolinilijnc'etsola' lipuftine.”

11 Lam potsateya cacal'no' petsi aikuixhuaiya afane' nuxans hilemats' aimolinilijnc'e'mola' lipuftine. Ihe tipango'me ti'e'me lipenic' Cristo, tijoula' tixojtola', ticuanaj'mołtsi, tijanaj'me temallicona'me.

12 Ate'a ticuayi: “Ne' ne', linilijnc'eta' laipuftine, ca'e'ma ma le'a lipenic' Cristo”. A'ij linca locuapa. Aimentant'liyacu. Tijanaj'me temallicona'me, tijoula' titai'me lajunac', tipo'no'me ile lipenic' Cristo.

13 Ihe lacał'no' lijoupa lolinilijmpola' lipuftine tihuinaj'mola'. Aimi'eyacu canic', ma le'a tehuengaleta ajutł ajutł. Xonca lixcay ti'e'me, tixahuale'me, tehuelaifyi, tehuejmaleyi lił'as cacal'no', tipalaiyi lataiqui' aimentenłma.

14 Iya' cacua: Temalliconle lam potsateya cacal'no' petsi aikuitoquila'. Tixingon-na'me quilmaxque', ti'e'me cuenna hilejut'hi. Ja'ni tołta'a lo'epa naixtulepá aimi'iyá minesyacu: “Xinla', ixcay lo'epa ihe lacał'no' petsi nepenufpá Cristo”.

15 Timana' hualca lam potsateya cacal'no' joupa ipo'nopá al C'a Cane, tihuejcoyi łonta'a Satanás. Tołiya laifcuapa: Lapimaye lam potsateya temalliconle.

16 Lapimaye cacal'no' ja'ni timana' lipimaye apotsateya titoc'intsola'. Aimines'me: “Ihe lapimaye titoc'ile laipima”. Linca titoc'im'mola' lam potsateya cacal'no' petsi ma quiltuca'.

17 Lapimaye litojpola', ihe noxpipjá lataiqui', ja'ni al c'a ti'eyi lipenic', xonca timetsaicontsola', xonca ti'najtse'entsola'. Xonca timetsaicontsola' tołta'a petsi no'epá lanic' tuya'ayi o timuc'iyaleyi Litaiqui' LanDios.

18 Tołta'a tuya'e' al Paxi Linilijngiya, ticua: “Cal huacax mi'huailiqui cal trigo, titela'. Aimolfi'e'me lipu'nal.” Jouc'a tuya'e': “Cal xans no'epa lanic' ticuicomma ti'najtsenle”.

19 Ja'ni anuli ticufla' litojpa capima noxpipja cataiqui', ja'ni tuya'ala': “Iłque i'epa quixcay”, ima' aimoquimf'e'ma nonespa tołta'a. Ja'ni oquexi' o afantsi

lapimaye tu'ihuo': "Illanc' ałsina' ma i'epa lixcay, ałsimpá li'epa", jilpe linca toquimf'e'mola'.

²⁰ Petsi no'epá lixcay toxc'ai'itsola' pe lefołya lapimaye. Tołta'a tixpailijtsola' lapimaye noquimf'epá, aimi'eyacu lixcay jouc'a.

²¹ Iya' cacuxe'ehuo': To'ełá' ile laifnu'ipo'. To'nujuaitsola' naitsi ilne nahuelojmpo', małniya ŁanDios, Jesucristo y lapaluc' quema'a li'huijf'epola' ŁanDios. Aimocua'ma nulemma: "Iłque a'ijc'a li'epa". Ate'a ti'ila' coxina' te qui'ipa. Tijoułá' to'ełá' ma to laimipo'. Ni aimocua'ma: "Iłque itojpa xans, tixpic'e lataiqui', aimi'ya cateł'miya". Ima' to'ełá' al łijca. ²² Ja'ni topo'nof'i'ma lomane' łijuac anuli łapima, ticuxetsola' lipimaye, ate'a ti'ila' coxina' te ts'i'ic' lipicuejma', li'ejma' łapima, tijoułá' topo'nof'i'ma lomane'. Ja'ni a'i, aga ti'e'ma' quixcay łapima pe joupá opo'nof'ipa lomane', tołta'a ima' jouc'a ojunac'. Aimoxisc'e'moxi tołta'a.

²³ Aimoxnacona'ma ma le'a caja'. Itine itine textafhuo'. Toxnałá' tutani laj vino. Ti'ina'ma locu'u.

²⁴ Iya' camihuo': Timana' petsi aimi'ya memiyacu lixcay lo'epa. Tama ilne quiltuca' aimuya'ayi te ts'i'ic' lo'epa, aimicołya ti'i'ma coxina', taimet-saico'mola' ixcay xanuc'. Ocuenaye xonca iłsina' mifelłaiqueyi. Tocomma ac'a xanuc', tijoułá' timuj'mołtsi ituca', taimetsaico'mola' a'ijc'a liłpicuejma'.

²⁵ Ma' anuli lo'ipola' no'epá al c'a. Hualca tocomma a'ijc'a xanuc', tijoułá' taimetsaico'mola' ac'a liłpicuejma'. Ja'ni ac'a lo'epa li'ejma' cal xans, iłque aimi'ya memiconayacoxi li'ejma', ticuaita litine ti'huájnata.

6

¹ Lapimaye amozó, petsi liłpoujna i'nampola', tixpaic'ele liłpoujna ticuec'ele. Ja'ni tołta'a ti'e'me lapimaye, lan xanuc' tixim'me ac'a łalanDios, aimetets'iyacu litaiqui' lomuc'iyalepa. ² Petsi liłpoujnalá apimaye, aimi'onlıco'mołtsi, xonca ticuec'entsola'. Timetsaicontsola' liłpoujnalá jouc'a ti'huaiyijnyi ŁanDios, ma' anuli ti'ela' capic'a iłque. Ima', cumTimoteo, tomuc'itsola', toxc'ai'itsola' tołta'a.

³⁻⁴ Tołta'a loya'apa litaiqui' łalPoujna Jesucristo, ile ma le'a ac'a Cataiqui'. Ja'ni lihuejcoyi ile lomuc'iyalepa, al'e'me ma latenłcocopa ŁanDios. Petsi ituca' lomuc'iyalepa ailopa'a quıłsina', joupá i'ipola' amac'ta, ilne quiltuca' i'e'epołtsi to lan tsila' lomxiye. Ma le'a tifulecoyi cataiqui', iłta'a o ile lataiqui' aiquiłpic'a, tixtuleyi. Tijoułá' petsi naihuejpa tołta'a ilniya ti'eyołtsi laic', tixtuc'oyołtsi, tinescoyołtsi, jilpe liłpicuejma' ticufcoyołtsi a'ijc'a. ⁵ Ti'hua tifuli'iyolołtsi, aimi'eyi anuli liłpicuejma'. Ilne lan xanuc' liłpicuejma' joupá etelquemma, aimi'ya mixpic'eyacu al c'a, tihuejyi lafelłaiqueya cataiqui'. Ticuayi: "Lihuejle ŁanDios, tołta'a lulijle acueca' tomı́". ⁶ A'i, tołiya aimi'ya małcuayacu. Ti'ila' lalapi'iyaconga' o aicalapi'i'monga', ma' anuli aimalsuełmot'leyacu. Ja'ni ma lihuejcoyi ŁanDios, joupá i'ipa acueca' lalulijnapa. ⁷ Lałmajnlita fa'a li'a łamats' ni tołta'a aicaltaic'. Almatsonga' jouc'a ni tołta'a aimalıayacu. ⁸ Ja'ni tipa'a łaltejacu jouc'a łalpijahualı łalpo'noyacu, linca tixoj'ma calata, aimalıjanajyacu xonca, aimalsuełmot'leconayacu. ⁹ Pe ts'iłpic'a tulijle acueca' al tomı́, a'ijc'a muyalaicoyacu lapajnya, tehuaiyim'mola' acueca', tic'aiłcolecú, tihuej'me liłpema'ca, tołta'a tehueyi latełcoya. Petsi naihuejcopá tołta'a li'ejma', ilne aimunłulyacu, tocomma quiltuca' tunxalac'ila', tijoułá' tejac'mola'. ¹⁰ Al te'a iłpic'a tulijle acueca' tomı́, tijoułá' ti'e'me lixcay. Tołta'a li'ipola' hualca, ilne nojanajpa quiltomı́, enajpołtsi al C'a Cane. Ilne quiltuca' itel'mipołtsi, i'ipa acueca' liłpixhujma'.

¹¹ Ima', cumTimoteo, to'ay lipenic' ŁanDios, topo'nołá' lopicuejma' aimalıhuj'ma ile lixcay cane. Toxpic'ełá' to'econa'ma al c'a, to'econa'ma ma

latenlocopa ÆanDios, ti'hua to'huaiyijnla', ti'hua to'etsola' capic'a lapimaye, ti'hua toxnet'Ha' jahuay, aimaxtu'ma, aimo'e'moxi moyac'. ¹² Ima' joupá mepenufpa Cristo, ti'hua taihuequi litaiqui'. Itsiya taipa'ala' lopujfxi tolijla' al c'a. Tołta'a tepi'inno' lopitine aimijouya. Ma tołta'a ijoc'icopo' ÆanDios, tepi'itso' lopitine. Ite joupá oximpa litine onespa: “Ne', iya' nihuequi Jesucristo”. Ite litine miquimf'ehuo' axpela', ima' aicoxina' calaic'ata. ¹³ Itsiya caxc'ai'ihuo', aimehuelojnhuo' lan xanuc', tehuelojnhuo' ÆanDios, itque timaf'i'ila' jahuay. Jouc'a tehuelojnhuo' Jesucristo, itque jouc'a aiquitaic' calaic'ata, ac'a litalai'e'epa Poncio Pilato, u'ipa al linca. ¹⁴ Caxc'ai'ihuo': Ma ti'hua co'huaijma ticuaiconanni laPoujna Jesucristo, taihuejcola' litaiqui' locuxe'epo'. Ja'ni ima' minnaihuejcopa, tixinim'me ma le'a ac'a litaiqui' Jesucristo. Aiminesc'eyacu, aimicuayacu a'ijc'a ite litaiqui' Jesucristo. ¹⁵ ÆanDios joupá ixina' jale litine ticuaicoconno Jesucristo. Ma to lixplic'epa ÆanDios, ma tołta'a ti'i'ma. Itque ÆanDios jahuay nipajnya ti'e'ma. Itque xonca acueca' Incuxepa, ma itque ticuxe jahuay. Itque linca apaxi, tixoqui queta. Itque aRey, ticuxela' jahuay lan rey. Itque aPoujna, itPoujna jahuay lapoujnalá. ¹⁶ Ma le'a itque aimimaya. Pe lopa'a tipa'a pangay quepalc'o', acueca' laxpaiqui' ite lepalc'o', aimi'iya mitoc'huaiyacu. Itque nij naitsi nahuelojmpa, aimi'iya mehuelojnyacu. Ma tołta'a ÆanDios, itque xonca cal Cueca', xonca icueya limane. Tołta'a timetsaicole lan xanuc', ti'hua timetsaicona'me aimijouya litine. Ma tołta'a ti'ila'. Amén.

¹⁷ Toxc'ai'itsola' lan xanuc' pe ts'it'hueca acueca'. Tomitsola': “Aimont'e'e'mołtsi to lan tsila' xanuc'. Aimolatets'i'mola' lołpimaye. Aimolcua'me: Ai'hueca juaiconapa acueca'. Itta'a linca ałtoc'i'ma laifnuyaicoya laipitine. Imanc' aicol'sina' ja'ni ticol'ma loł'hueca o ja'ni aimijucoya. Xonca toł'huaiyijnle ÆanDios. Itque itine itine lapi'inga' jahuay lalahue'eponga'. Ipic'a tixojla' calata itsiya, aimalsuelmot'le'me.” ¹⁸ Jouc'a tomitsola' lan xanuc' pe ts'it'hueca: “Ima' o'hueca juaiconapa. To'ela' juaiconapa al c'a. Aimi'i'mo' mafts'ile. Totoc'itsola' lopimaye pe nahue'epola'. ¹⁹ Ja'ni tołta'a lof'eya aimixpaic'eyaco' Locuena' Quitine. Ti'i'mo' coxina' tipa'a loł'hueca jipu'hua, tepi'inno' nulemma al ts'e lopitine.”

²⁰ CumTimoteo, joupá epi'impo' lopenic'. To'ela' al c'a. Al c'a tomuc'iyalela' Lataiqui', ite loya'apa lixplic'epa ÆanDios. Iłniya limpalaipá aimo'onłico'moxi. Topo'no'mola' quiltuca', aimoquimf'e'mola'. Iłne ailopa'a quimuc'iyalepa, lonespa ma le'a laipa'apa quiltuca' liłpicuejma', ti'hua tifulecoyi cataiqui', ma micuayi: “Illanc' alsina'”. A'ij linca locuapa, aiquil'sina'. ²¹ Petsi naihuejcopá itniya joupá imenajpola'. Aimihuejconayi Lataiqui' illanc' lał'huaiyijmpa.

ÆanDios titoc'itsolhuo' jahuay imanc'.

LIJE'E SAN PABLO LOCUENA LINIĒ'EPA TIMOTEO

¹ Iya' ninPablo, nin'apóstol, epaluc Jesucristo. Toġta'a lixpíc'epa ÑanDios. Iya' nin'apóstol laifnuya'apa ticua: “Ja'ni toġ'huaiyjnle Jesucristo, tepi'im'molhuo' al ts'e loġpitine aimijouya”. ² Quiniġ'ehuo' coje'e, ima' cumTimoteo. Ima' ai'hua aipic'a. ÑanDios caġ'Ailli' y Jesucristo ġaġPoujna, titoc'itso', ti'nujuaitso', tipac'e'etso' loġpicuejma'.

³ Iya' cax'najtsi'i ÑanDios, ilenDios cai'ailli' jouc'a lai'ahueló. Ĥniya ihue-jcopá, ma' anuli iya' quihuequi jahuay laipicuejma'. Cacia: Cax'najtsi'i ÑanDios. Itine ipuqui' ma' capalaic'o ca'nujuaihuo' ima', caxa'hue ÑanDios titoc'itso'. ⁴ Ca'nujuaihuo' ojojpa. Toġiya juaiconapa aipic'a caxingontso', toġta' tixoj'ma neta. ⁵ Ca'nujuaihuo' ma' al linca mepenufpa Jesucristo. Toġta'a epenufpa ate'a lo'ahuela Loida jouc'a co'máma' Eunice. Ĥne a'i ma' le'a mi'e'eyoġtsi, al linca ihuej'me Jesucristo. Iya' cacia ima' jouc'a taihuequi.

⁶ Toġiya camihuo': Tomaf'i'ixoxi. Ĥe litine laipo'nof'ipo' laimane' ġojuac, ÑanDios epi'ipo' loġpicuejma' to'eġa' lanic' lepi'ipo'. Itsiya aimixojto'. ⁷ Aimixpaij'mo'. Cal Espíritu Santo, ġalapi'iponga' ÑanDios aimal'e'eyacongá maġsinyacu calaic'ata. Cal Espíritu lapi'iponga' ġaġpicuejma' aġ'eġe al cueca', aġ'etsola' capic'a ġaġ'as xanuc', aġsc'ai'itsola' al c'a. ⁸ Itsiya camihuo': Ti'hua topalaico'ma ġaġPoujna Jesucristo, aimotaġ'ma calaic'ata. Ni aimalatets'i'ma iya'. Jouc'a capalaicojma ġaġPoujna, toġiya aġ'noġpa, aġtats'iya. Ja'ni toya'a'ma Lataiqui', loya'apa ġe al c'a lixpíc'epa ÑanDios, ma' totelco'ma. Toxpíc'eġa' aġtelcoġe anuli. ÑanDios, ġġque No'epa al cueca', tepi'i'mo' copujfxi toxnet'Ĥa'. ⁹ Maġque ÑanDios lunġu'eponga', aġjoc'iponga' lanajtsoġtsi lixcay, aġ'itsonga' i'huexi ÑanDios.

Ai'a tilajm'ma li'a ġamats' ÑanDios aġpalaicoponga', ticua: “Ĥniya Jesucristo tepenuf'mola'. Iya' catoc'i'mola', capaxne'mola'.” ÑanDios aġqui'huaijma mixinya te ts'i'ic' ġaġ'eyacu, ja'ni ti'ġa' al c'a o ti'ġa' lixcay. Ma' quituca' ixpíc'epa aġtoc'itsonga', aġpaxnetsonga'. ¹⁰ Itsiya joupa aġsina' ma' al linca ġi'ya lixpíc'epa ÑanDios. Ĥque joupa aġtoc'iponga', aġpaxneponga'. Cristo, ġġque Ñalunġu'eponga', joupa imujpa toġta'a. Licuai'ma fa'a li'a ġamats' ulij'ma lamaya, aġpo'no'iponga' litaiqui', ġe lataiqui' laluya'apa. Luya'ayi: “Cristo tepi'ilhuo' al ts'e loġpitine aimijouya. Aimimayacolhuo' nulemma.”

¹¹ Ma' ġe Lataiqui' caya'e', camuc'ila' lan xanuc', toġta'a laipenic', iya' nin'apóstol. ¹² Tama cateġma aicaxhueġmot'ġe. Aicaixina' calaic'ata. Quimet-saijma naitsi ġġque ġai'huaiyijmpa, ca'huaiyinge ÑanDios. Joupa aicupoxi ticuaita limane. Aixina' aġ'e'ma cuenna. Ticuaitsi al Cuecaj Quitine alapenufna'ma.

¹³ Ĥe laimipo' ac'a lataiqui', aimeteġquila'. Joupa oxina' toġta'a lataiqui' lainu'ipo'. Al c'a mepenuf'ma ġi'ya laitaiqui', o'epa capic'a juaiconapa. Toġta'a loġpicuejma' lepi'ipo' Jesucristo. Itsiya to'nujuaisla' te ts'i'ic' ġi'ya lataiqui'. ¹⁴ Acueca' al c'a ġe lopenic' lepi'ipo' ÑanDios, ġġque ti'huaiyijnhuo' tomuc'iyaleġa' al c'a ġe Lataiqui'. Ne', toġe to'eġa', aimopaġ'i'ma. Cal Espíritu Santo ġalapenufpa illanc' naġ'huaiyijmpá Jesucristo, ġġque titoc'i'mo', aġmana' anuli ġġque.

¹⁵ Ima' joupa oxina' aicalimetsaicocongħua lapimaye nomana' ġamats' Asia. Toġta'a ġaġ'e'epa Figelo y Hermógenes. ¹⁶ Onesíforo ituca' li'ejma'. Ĥque ti'hua lixoc'i neta. Tama aġtats'iya, aġfijncompa acadena catejma', ma' aġejmalepá. Aiquixina' calaic'ata. Iya' caxa'hue ġaġPoujna titoc'itsola' lixanuc' Onesíforo.

17 Cagua: Onesíforo aikuixina' calaic'ata. Licuai'ma fa'a liya' Roma ti'hua lahuay. Aimesqui: "Aimi'ya cahuejnya Pablo, aicaixina' pe lopa'a".

18 Małmana' lipi'ya' Éfeso altoc'ipa juaiconapa. Tołta'a oxina'. Caxa'hue łatPoujna titoc'ila'. Ticuaitsi al Cuecaj Quitine łatPoujna aimecani'e'ma.

2

1 Mai'hua Timoteo, aimitafqueco'. Ti'hua taihuejcola' Jesucristo. Tołta'a ŁanDios ti'hua titoc'i'mo', tepi'i'mo' copujfxi. 2 To'nujuaisla' te ts'i'ic' laimipo' iłe litine lolafot'łepołtsi imanc', ima' y lanxpela' lapimaye. Iłe litine nu'ipo' te ts'i'ic' lofmuc'iyaleya. Iłe lataiqui' tomuc'i'mola' lapimaye lof'huif'eyacola'. To'huif'e'mola' petsi ac'a naihuejpá, petsi joupa epi'impola' liłpicuejma' timuc'iyalełe, iłniya timuc'icona'mola' lapimaye.

3 Fa'a catełma. Jiłpe ima' aimi'ya moyaicoya ma le'a al c'a. Totelco'ma jouc'a. Ma to mixnet'łyi lan soldado ima' jouc'a toxnet'łtsi. Cristo ticuxehuo', taihuejcola'. 4 Mifule cal soldado aimesya: "¿Te caifnuyaicoya al c'a lapajnya?" A'i. Joupa ipo'nopa lipicuejma' ti'eł'a' ma le'a latenłcocopa lipincuxepa. 5 Ma' anuli lo'epa lan xanuc' nocuicalepá laipa'apa cafxi. Iłne ma tihuejcoyi lataiqui' locuxepola'. Ja'ni aimihuejma, aimulijya lapi'inyacu. 6 Cal xans no'epa canic', tefot'łe łaipammaispa jiłpe łemats', iłque ti'i'ma cal te'a tite'ma lafot'łepa. 7 Topo'noł'a' cuenna laitaiqui' laifmipo'. ŁatPoujna tepi'i'mo' lopicuejma' tocuec'eł'a' taihuic'ila' jahuay. 8 To'nujuaisla' li'ipa Jesucristo, iłque lipajnta fa'a li'a łamats' ibisnieto cal rey David. Lijoupa limapa, ŁanDios imaf'i'ina'pa. Tołta'a loya'apa Lataiqui' iłe laifnuya'apa, iłe lataiqui' tuya'e' al c'a lixpicepa ŁanDios. 9 Timana' petsi aimetenłcocola' iłe lataiqui' laifnuya'apa. Tołiya catełma itsiya. Al'onliconno to lixcay xans, altełminno. Tama iya' alfi'empa, litaiqui' ŁanDios aikuifiyiya. Iłiya lataiqui' tuya'aleyı, tepenufyı. 10 Iya' ma caxnet'łqui jahuay ca'nujuaitsila' lapimaye iłne ło'huif'epola' ŁanDios. Cagua: Ma mi'huaiyijnyi Jesucristo iłniya jouc'a ti'ila' quilsina' tunłu'ela', ti'ila' quilsina' ałınca tilaitsufcotola' ŁanDios, timetsaicotola' nulemma ixanuc'.

11 Al linca lataiqui' loya'apa:

Ja'ni joupa ałmanaponga' anuli Cristo, jouc'a ałmaf'i'im'monga', anuli ałmajnta pu'hua.

12 Ja'ni ałsnet'łe to lixnet'łpa Cristo, jouc'a ałcuxeta anuli.

Ja'ni aimalimetsaicoyı, jouc'a aimalimetsaicoyaconga'.

13 Ja'ni aimaf'eyı linca, ŁanDios tenant'li'ma litaiqui', aimafel'miyaconga'.

Ja'ni joupa icupa cataiqui' aimesya: "Iłe lataiqui' a'i caicuc'".

14 Laitaiqui' laifmipo' ima' to'icona'mola' lapimaye nomana' jiłpiya. Aimimenc'eco'me laitaiqui'. Tomitsola': "Toł'etsoltsi cuenna. ŁatPoujna tehuelongilhuo', ixina' te ts'i'ic' lo'ejma'. Aimonł'e'e'moltsi to iłniya petsi ja'ni aikuilpic'a o aimetenłcocola' anuli lataiqui' tixtulecu. Petsi tołta'a lił'ejma' aimuyalaicoyacu al c'a. Jouc'a pe noquimf'epá timints'ela' liłpicuejma'."

15 Ima' cumTimoteo, tahueł'a' latenłcocoya ŁanDios. Timitso': "Iya' nimetsaicohuo' ac'a lo'epa". Al c'a to'eł'a' lanic' lepi'ipo' ŁanDios. Toxpijla' al c'a al Linca Cataiqui'. Tomuc'iyaleł'a' tołta'a. Ja'ni tołta'a lof'epa, litine tacaxingaitsi ŁanDios aimoxinya calaic'ata. 16 Aimonłejmale'me petsi juaiconapa nopalaipá. Iłne ailopa'a quilmuc'iyale, lonespa tipa'acoyı quiltuca' liłpicuejma'. Iłne ti'hua ti'e'e'moltsi xonca lixcay xanuc', xonca aimihuejconayacu ŁanDios.

17 Lomuc'iyalepa iłniya ti'onłcospa to al cuana. Tetelquiyaleyı, tima'ahualeyı. Tołta'a lomuc'iyalepa Himeneo y Fileto. 18 Iłne joupa imenajpola'. Aimihuejconayi al Linca Cataiqui'. Ticuayi: "Ja'ni joupa lapenufpá al ts'e lałpitine, tocomma to joupa ałmaf'i'iponga'. Tijouł'a' ałmatsonga' ailopa'a xonca. ŁanDios

aimaɬmaf'i'iyaconga'." Iñiya lomuc'iyalepa timenac'ila' lapimaye, hualca aimihuejconayi to li'ipa. ¹⁹ Petsi ŁanDios ifa'epola' liɬpicuejma' aimi'iya mimenac'inyacola'. Iñe linca i'huexi ŁanDios. Tołta'a loya'apa lataiqui', ticua: "ŁałPoujna timetsaicola' naitsi iñe lixanuc". Jouc'a tuya'e': "Iñe pe nocuapá: ŁanDios aiPoujna, aimi'econa'me al xujc'a, tipalunca nulemma lixcay cane."

²⁰ Al cueca' cajut'i tipa'a axpe' capixú, ituca' ituca'. Tipa'a lilanc'ecompa a'oro o aplata. Jouc'a tipa'a lilanc'ecompa a'ec o ixitsqui. Tipa'a łapixú petsi lo'e'epa cuenna juaiconapa, ma le'a al c'a lo'nicoya. Ocuenaye a'i. Tixhuicoyi nij naitsi lanic'. ²¹ Tołna'a lapimaye. Łapima ja'ni tenajxoxi lixcay, ti'onłcospa to al c'a capixu, tetenłcoco'ma liPoujna, iłque timetsaico'ma i'huexi. Iximpa joupa ilanc'e'empa lipicuejma'. ŁaPoujna litine tixpic'ełá' ti'ełá' al c'a tepi'i'ma łapima lipenic', iłque ti'e'ma tołta'a.

²² Ima' aimaihuej'mola' lof'as camijcanó li'ejma'. Iñe tihuejco'me lojana-jpa iñe quilituca' liɬpicuejma'. Ima' topo'nołá' lopicuejma' taihuejla' al hijca, ti'hua to'huaiyijnla' ŁanDios, ti'hua to'etsola' capic'a lapimaye. Tonłejmalełe lapimaye nojoc'ipá łalPoujna Cristo, iñe naihuejcopá, aimolixtuc'o'mołtsi.

²³ Aimonłejmale'me petsi nofulecopá lamac'ta cataiqui'. Petsi tołta'a li'ejma' ma le'a tixtuc'o'mołtsi, tifuli'i'mołtsi. ²⁴ Łapima no'epa lipenic' łalPoujna aimifuli'i'mola' lipimaye. Iłque tipalaic'o'mola' al c'a jahuay lapimaye, timuc'i'mola' al c'a. Ja'ni ti'ełá' a'ijc'a anuli lipima, iłque pe no'epa lipenic' ŁanDios aimixtuc'o'ma. ²⁵ Panca panca tixc'ai'i'mola' iñe pe aimihuejcoyi. Aimijaic'o'mola'. Aga ŁanDios titoc'i'mola' tixhuej'menacu. Ti'ila' quilsina' te ts'i'ic' al Linca Cataiqui'. ²⁶ Tołta'a tilanc'e'ena'mola' liɬpicuejma'. Aimimanecu petsi lic'aiłpola' łonta'a, tunłul'me. Iłque łonta'a joupa li'e'epola' to lixic'epa, i'nołpola', itats'epola'.

3

¹ To'nujuaisla', tocuiec'ełá' lo'iya lijoujma quitine. To'nujuaisla' ti'i'ma ipime lapajnya. ² Lan xanuc' ti'e'mołtsi capic'a ma le'a quilituca', tixim'me acuanuc' liłtomí, tipalaico'mołtsi acueca' al c'a, tetets'i'me liłf'as xanuc', tinesc'e'me cataiqui'. Aimicuec'eyacu li'ailí, aimix'najtsi'iyacu iñe pe notoc'ipá. Ti'i'ma ma lixcay liɬpicuejma'. ³ La'aillí liñaxque' aimi'eyacołtsi capic'a. Aimi-menc'e'econayacu ja'ni lixcay li'empola', ti'hua tixtuc'oyi. Tixahuale'me, aimicuxeyacołtsi al c'a, timuj'mołtsi oyac'la juaiconapa, tixtuc'o'me petsi no'epá al c'a. ⁴ Ticufquim'mola' loyemalepá. Aimixpic'eyacu al c'a lo'eyacu, tołta'a ti'e'me pangay nixpiya. Ti'e'e'mołtsi to acueca' liɬpicuejma'. Aimicuaispa quilpic'a ŁanDios, xonca iłpic'a lixo'jma cata. ⁵ Iñe tama ti'hua texc'onłngolaiyi joupa etets'ipá ŁanDios, aimihuejcoyi. Xonca tihuejco'me lojanajyacu jilpe liɬpicuejma'.

Aimaihuej'mola' iñe lan xanuc'. Aimonłejmale'me, tanajxoxi. ⁶⁻⁷ Lan xanuc' li'ejma' to laifmipo' iñe ma infel'miyale. Tehueyi te co'iya mitsuflaiyacu łajut'li. Jilpiya tifel'mi'me lacał'no' petsi aimixpic'eyi liɬpicuejma'. Iñiya lacał'no' iłtaic' acueca' quiljunac'. Tihuejcoyi ni tintsí cataiqui', iñiya lataiqui' petsi iñiya quilituca' tijanajyi, tixinyi tetenłcocola'. Ti'hua tiquimf'eyi jahuay lomuc'impola', aimicuec'eyi. Ni micuec'eyi te ts'i'ic' al Linca Cataiqui'. ⁸ Iñiya lan xanuc' petsi ituca' lomuc'iyalepa ti'onłcospola' to Janes y Jambres. Iña'a loquexi' ipa'ne'me litaiqui' Moisés. Tołta'a li'ejma' iñiya lomxiye, tipa'neyi litaiqui' ŁanDios. Iñe iminscola' liɬpicuejma'. Joupa imujpołtsi aimi'huaiyijnny ŁanDios, iłque aimimetsaicola'. ⁹ Linca, itsiya tocomma ti'hua tulijyi. A'i. Aimi'iya mulijconayacu. Iñe Janes y Jambres imetsaicompola' liłpamac'ta. Ma' anuli timetsaicom'mola' iñiya lan xanuc' lainscopola'.

10-11 Ima' a'i tohta'a lof'epa. Joupa mepenufpa laitaiqui' laifmuc'iyalepa. Tohta'a taihuequi. Ima joupa alsimpa lai'ejma', alsimpa te ts'i'ic' laifxpic'epa, alsimpa te ts'i'ic' lai'huaiyijmpa LanDios. Alsimpa aiqixtumma, alsimpa ca'ehuale capic'a ma to ca'ay capic'a LanDios. Alsimpa caxnet'lqui jahuay ma lahuenno a'lenla' quixcay. Alsimpa laiftelcopa, alsimpa te ts'i'ic' lainuyaicopa jilpiya lilelo'ya' Antioquia, Iconio y Listra. Alsimpa lahuenno, lihuetsuquimpa. Linca laPoujna alunlu'epa jahuay ihiya. 12 Itsiya camihuo': Pesi joupa nepenufpa Jesucristo, ixpic'epa tihuejco'me LanDios, ihniya linca tehuem'mola', ti'entsola' quixcay. 13 Lixcay xanuc' jouc'a linfel'miyale jahuay ihniya ti'e'mo'ltsi xonca axujc'a xanuc'. Ti'hua tifel'miyale'me, ti'hua tifel'mi'mo'ltsi.

14 Ima' cumTimoteo joupa omihuc'ipa Lataiqui', joupa o'epa linca. Ti'hua taihuejla' tohta'a, aimanaj'moxi. Ima' oxina' naitsi ihne limuc'ipo' ile Lataiqui'. Omimetsaicola' ac'a lilepicuejma'. 15 To'nujuaisla' lomuyaicopa. Maj ma'hua omimetsaicopa al Paxi Linilingiya. Ihe linilingiya linca ti'hua tepi'ihuo' lopicuejma', tunlu'e'mo'. Tohta'a ti'i'mo' ja'ni ti'hua to'huaiyinge Jesucristo.

16 Ihe al Paxi Linilingiya lan xanuc' aiqulipa'e quilituca' lilepicuejma'. Ma minilyi, li'Espiritu LanDios timuc'ila' te lainilyacu. Toliya ile a'i ninaitsi cataiqui', mane itaiqui' LanDios. Ja'ni tomuc'itsola' lapimaye, ja'ni toxc'ai'itsola', ja'ni totaletsola', ja'ni to'itsola' te ts'i'ic' al c'a lo'eyacu, jilpe litaiqui' LanDios taipa'a'ma lofmuc'iyacola'. 17 Toliya ma mo'ey lanic' lepi'ipo' LanDios ti'i'ma to'e'ma al c'a. Ma' o'hueca litaiqui' LanDios ailopa'a quehue'epo'. Ac'a ti'i'ma totoc'i'mola' lapimaye.

4

1 Itsiya caxc'ai'ihuo', camihuo' lof'eya. To'nujuaitsola' ca'Ailli' LanDios y Jesucristo laPoujna, ihne tehuelojnhuo'. LaPoujna ticuaiyunni ticuxela' timuj'moxi iljuez jahuay lan xanuc'. Ja'ni ts'ilmaf'i', ja'ni joupa imanapola', jahuay tixim'me tohta'a. 2 Camihuo': Ti'hua toya'ala' Lataiqui'. Ti'hua to'ela' lanic' lepi'ipo' LanDios. Aimocua'ma: "Aimi'iya". Toxc'ai'i'mola' lapimaye, topalaic'o'mola', ti'ila' quilsina' ja'ni a'ijc'a lo'epa. Ja'ni oxina' a'ijc'a lo'epa, totale'mola'. To'itsola' te ts'i'ic' al c'a lo'eyacu. Tohta'a taixpi'i'mola' quileta. Topalaic'otsola' al c'a. Panca panca tomuc'itsola'. 3 Iya' camihuo' ti'hua tomuc'itsola'. Ticuaihuo' litine lan xanuc' aimicuayacu. Ti'e'me laic' al c'a lomuc'iyalepa. Quilituca' tehue'me quilpomxiye, ihne latentcocoyacola'. Tefot'lem'mola' axpela' lomxiye. Ipic'a tiquimf'ele ituca' ituca' cataiqui', aimicuaicospa quilpic'a nulemma. 4 Al Linca Cataiqui' tetets'i'me. Ihe aimiquimf'eyacu, ti'e'mo'ltsi atalpe. Xonca ilpic'a tiquimf'ele ni tintsu cataiqui' loya'apa lan xanuc'. 5 Ima' aimoxhue'lot'le'ma. To'huijla' lopicuejma'. Toxnet'ha' jahuay late'coya. To'ela' lopenic' ile lepi'ipo' LanDios. Toya'ala', tomuc'iyale'la' Lataiqui'.

6 Iya' aixina' aimatco'ya fa'a li'a lamats'. Tocomma ma' itsiya tic'equi laijuats', catsufcoyoxi LanDios. Ma le'a lahue'e' alma'anla'. 7 Joupa nipa'apa laipujfxi, joupa nulijpa. Aijou'nepa laipenic', ile lanic' lalapi'ipa LanDios. Lataiqui' lai'epa linca, male Lataiqui' ti'hua ca'ay linca, ti'hua cuya'e'. 8 Itsiya, ¿te xonca caif'huaicoya? Linca pu'hua tipa'a lalapi'inya. Ticuaitsi al Cuecaj Quitine al'najtseta laPoujna, ilque cal Cuecaj Juez, alijca lo'epa. Ique alimetsaicota lai'epa al c'a. A'i ma le'a iya'. Limetsaicotonga' jahuay petsi al'huaicoyi ticuaiconanni Cristo. Tixoj'ma calata lapenufta.

9 Ima' cumTimoteo, aimico'ltso' jilpiya. To'huanni, alsim'mo'ltsi. 10 Demas joupa i'huanapa, alpo'nopa fa'a caituca'. Ique aiqicuac' mi'hua mite'coconaya. Xonca ipic'a tuyaico'la' al c'a capajnya fa'a li'a lamats'. Ihuapa

liya' Tesalónica. Crescens i'huapa lamats' Galacia. Tito i'huapa lamats' Dalmacia. ¹¹ Caituca' almana' fa'a iya' y Lucas. Tahueła' Marcos. Toleconni fa'a. Itque altoc'i'ma. Al'e'me lipenic' LanDios. ¹² Tíquico jouc'a ailopa'a. Nummepa liya' Éfeso. ¹³ Ima' litine to'huanni altaic'uenanni laipoxa laipo'nopa liya' Troas, lejut'i Carpo. Altaic'ue'enni jouc'a laije'e, ilne lilanc'ecompa ixmi. Ilne xonca ticuicomma.

¹⁴ Alejandro, itquiya linlanc'ot'lepa tixhuijma acobre, itque al'e'epa juaiconapa quixcay. Ille lixcay la'e'epa, nuli ti'najtsi'ina'ma laPoujna. ¹⁵ To'exoxi cuenna itquiya cal xans. Aimo'huaiyijm'ma. Juaiconapa alpa'neponga' illanc' laitaiqui'. Aimicuaicospa quipic'a.

¹⁶ Ate'a lajoc'impa catalai'e'etsola' petsi lafcufpa, nij naitsi lafcoc'ipa. Lalejmale inulna'me, alpo'nopa caituca'. Caxahue'e LanDios timenc'e'ecotsola' ita'a la'e'epa. ¹⁷ Tama iniya alpo'nopa caituca' aicalpo'nohua laPoujna Jesús. Itque altoc'ipa, lapi'ipa caipujfxi. Ixplic'epa ti'hua cuya'ala' Lataiqui', cax-huai'nila' ile laipenic'. Ni petsi lomana' lan xanuc' pe aimimetsaicoyi LanDios, ti'ila' quilsina' te ts'i'ic' Lataiqui'. Tama tocomma joupa al'noipa calxmu, alma'a'ma, altejn-na'ma, LanDios lunhu'epa. Ti'hua ca'ela' lipenic'. ¹⁸ La'e'epa lan xanuc' aimalulijya. LaPoujna Nopa'a lema'a ti'hua lunhu'e'ma. Al'econa'ma cuenna. Almajnta anuli ile litine tixinim'me locuxeya. Ma' itque timetsaiconte anDios. Tix'najtsi'inle itsiya litine jouc'a Locuena Quitine. Tohta'a ti'ila'. Amén.

¹⁹ Tomitsola' Priscila, Aquila, jouc'a lixanuc' Onesíforo: "Pablo tinonghuo".

²⁰ Erasto ipanemma liya' Corinto. Trófimo textafque. Aipo'nopa liya' Mileto.

²¹ Aimicohto' jilpiya pe lofpa'a. To'huanni ai'a ti'i'ma laxita quitine. Tinonghuo' Eúbolo, Pudente, Lino, Claudia, jouc'a jahuay lapimaye nomana' fa'a.

²² Ti'ila' coxina' laPoujna Jesucristo tipa'a pe lofpa'a. LanDios titoc'itso', tipaxnetsolhuo' jahuay imanc'.

LIJE'E SAN PABLO LINIŁ'EPa TITO

¹ Iya' ninPablo ca'ey lałcuxe'epa ŁanDios. Iya' nin'apóstol, epaluc Jesucristo, iłque lummepa. Lummepa pe lomana' li'huij'epola'. Iłniya tepenufle. Ti'ila' quilsina' te ts'i'ic' al Łınca Cataiqui'. Tihuejcołe ŁanDios. ² Ti'ila' quilsina' ŁanDios tepi'i'mola' liłpitine aimijouya. Ai'a tilanc'e'ma li'a łamats' ŁanDios inespa: “Capi'i'mola' laixanuc' liłpitine aimijouya”. Ma' ałınca tołta'a lo'epa ŁanDios, iłque aimi'iya mifelłaiqueya. ³ Icuapa: “Ticuaisi litine laixpic'epa, camuc'i'mola' laixanuc' iłe laitaiqui' lainespa”. Joupa icuai'ma iłta'a litine. Iya' cuya'e' lataiqui' linespa ŁanDios. Iłta'a aipenic'. Iłque ŁanDios Łalunł'eyacongala' lapi'ipa iłta'a laipenic', ałcuxe'epa ca'eta'.

⁴ Iya' ninPablo quinił'ehuo' ima' cumTito. Illanc' ninc'oquexi' ał'huaiyijnyi Cristo. Toliya ima' ai'hua. ŁanDios cał'Ailli' y Jesucristo Łalunł'eyacongala' tipaxnetso', titoc'itso', tipac'e'etso' lopicuejma'.

⁵ Laipo'no'mo' jilpiya łamats' Creta nu'i'mo' lof'eya. Aimi'mo': “Jifa'a tipa'a lahue'epa. Aiquifaquila' lapimaye litsilojpola' xanuc', iłne tixpic'e'me lataiqui'. Ima' tofaj'mola'. Iłya' iłya' petsi lafołyomma lapimaye, ima' tofaj'tola' iłne litsilojpola' xanuc'.” Tołta'a laimipo'. Itsiya ma to'eta'. ⁶ Ima' tofaj'tola' iłne limetsaiconnila' ac'a xanuc'. Iłniya ts'anuli quılpeno, iłne ts'ihnaxque' naihuejcopá locuxepa ŁanDios. Tołta'a aiminesyacu lan xanuc': “Iłque cal xans linaxque' aimihuejcoyi, ti'eyi nixpiya”.

⁷ Lapimaye litsilojpola' xanuc' ti'e'me cuenna lixanuc' ŁanDios, toliya ticuicomma tofajtsola' petsi limetsaiconnila' ac'a xanuc'. Aimofaj'ma petsi ma le'a quituca' tixpic'e lipicuejma'. Jouc'a aimofaj'ma łaixtumma, ni łoxnatsaipa, ni linfule, ni lonesya: “Culijco'ma caitomí”. ⁸ Tofaj'ma petsi łaixojpa queta tepenufila' lipimaye quiyoyomma aculi', tepi'ila' quilejut'ł tunxajle. Tofaj'ma iłque petsi letenłcocopa al c'a a'i lixcay, petsi aimilosma, ti'ay al łijca, tenaj'moxi al xujc'a, tihuequi ŁanDios, timuj'moxi ma' i'huexi ŁanDios, ticuxeyoxi al c'a. ⁹ Tofaj'ma petsi ti'hua tihuequi lataiqui' limuc'impa, iłe lataiqui' aimifelłaique. Tołta'a ti'i'ma tu'i'mola' lapimaye. Timi'mola': “Tołta'a tuya'e' Lataiqui'. Tołcuc'ełe.” Jouc'a titalai'e'mola' lan xanuc' pe aimihuejcoyi ŁanDios. Timuc'i'mola' a'ij łınca lonespa.

¹⁰ Itsiya timana' axpela' lan xanuc' aimihuejcoyi locuxe'empola'. Iłne tipalaicoyi quıltauca' liłpicuejma'. Tifel'miyaleyi. Iłne linfel'miyale xonca axpela' iłniya axanuc' judío. ¹¹ Ticuicomma ti-ch'ixc'entsola'. Iłne iłpic'a tulijle quıltołmí, tołiya timuc'iyaleyi pe aimetenłma. Timana' łajut'li petsi jahuay lapimaye naihuejcopá ŁanDios joupa imenac'impola' liłpicuejma'.

¹² Anuli cal xans acueca' ts'ixina', lipajnyota jilpe łamats' Creta, icuf'mola' lipiłya' xanuc', ticua: “Iłna'a laixanuc' nomana' Creta infel'miyale, ailopa'a quılpicuejma', ti'onłcospola' to linneja, intetsopá, ahuiye”. ¹³ Ma' al łınca linespa iłque cal xans. Ma tołta'a lił'ejma' iłniya nomana' Creta. Toliya toxc'ai'itsola' a'ujfxi lapimaye nomana' jilpiya. Tomitsola': “Aimolihuej'me iłe lixcay cane. Tolihuejle al Łınca Cataiqui'. ¹⁴ Aimolquimf'e'mola' loya'apa iłne lan xanuc' judío. Aimolihuej'me locuxe'epolhuo' iłniya. Iłiya liłtaiqui' tipa'acoyi quıltauca' liłpicuejma'. Tetets'iyi al Łınca Cataiqui'.”

¹⁵ Petsi joupa li'ipola' limpio liłpicuejma', iłne tixinyi ac'a jahuay lipo'nopa ŁanDios jifa'a li'a łamats'. Ituca' liłpicuejma' lan xanuc' pe aimihuejcoyi Jesucristo. Iłniya a'ij limpio liłpicuejma', tixinyi jahuay axujc'a. ¹⁶ Micuayi:

“Alimetsaicoyi ËanDios”, mañe ti'eyi lixcay, ti'eyi pe aimetenñma ËanDios. Ìne ixcay ìñpicuejma', incuejlocale, aimi'iya mi'eyacu al c'a.

2

¹ Ima' conTito, aimomuc'iyale'ma to lomuc'iyalepa ìne lan xanuc'. Pan-gay c'a litaiqui' Jesucristo. Petsi naihuejpá ìe lataiqui' jouc'a ti'ele al c'a. Toñta'a tomuc'itsola'. ² Momuc'ila' litsilojpolá' xanuc' toxc'ai'itsola', tomitsola': “Imanc' toñcuxetsoñtsi al c'a. Aimolilotso'me. Toñcuc'ele Lataiqui', toñhuele. Tonñ'etsoñtsi capic'a, imanc' unc'apimaye. Aimixojtolhuo', toñ'ommoñaitsa jahuay lo'iyacolhuo'.”

³ Momuc'ila' litsilojpolá' lacañ'no' toxc'ai'itsola', tomitsola': “Imanc' noñspaic'epá ËanDios ti'ila' ac'a loñ'ejma'. Aimoñsahuale'me. Aimoñsnatoñai'me vino. Toñmuc'iyaleñe al c'a. ⁴ Toñsc'ai'itsola' anuli anuli loñ'as cacañ'no' petsi ts'atesca quilemats', toñmitsola': To'ela' capic'a loñe'ailli', to'etsola' capic'a lonaxque'. ⁵ Aimailotso'ma. Tanajxoxi lixcay. To'e'ma cuenna lomejutñ. Tonanc'otsola' lopimaye. Taihuejcoñá' loñe'ailli'. Ja'ni aimo'ay al c'a lan xanuc' tines'me: Ah, a'ijc'a litaiqui' ËanDios.”

⁶ Momuc'ila' lamijcanó, toxc'ai'itsola', tomitsola': “Toñcuxetsoñtsi al c'a”. ⁷ Ima' cumTito jouc'a to'ela' al c'a. Tixintso' toñta'a loñ'epa tihuej'mo' to mo'ay. Tomuc'iyaleñá' al hijca Lataiqui'. Ìe acueca' cataiqui', toñta'a tomuc'iyaleñá', a'ì to ninañtsi cataiqui'. ⁸ Momuc'iyale ti'ila' ma le'a ac'a loñpalaiya, toñta'a ìne petsi aimihuejcoyi aimi'iya minesyacu: “Ìe axujc'a cataiqui'”. Tama ìñpic'a añnescotsonga', aimi'iya mañnescoyaconga'. Tixim'me calaic'ata.

⁹ Toxc'ai'itsola' lam mozó, ìne li'nampola', tomitsola': “Taihuejcoñá' loñpoujna. To'ela' jahuay locuxe'epo'. Aimotalai'ot'le'ma. ¹⁰ Aimaminai'ma ni toñta'a. Toñiya ti'huañijm'mo' loñpoujna. Ja'ni ima' ac'a loñ'ejma', lan xanuc' tixim'me ac'a juaiconapa lataiqui' loñmihuejpa. Ìe litaiqui' ËanDios Ëalunñu'eponga'.”

¹¹ ËanDios joupa añmuc'iponga' ac'a lipicuejma'. Ni petsi lomana' lan xanuc', ËanDios ipic'a titoc'itsola', tunñu'etsola'. ¹² Illanc' inaxque' cañ'Ailli' añsc'ai'inga', añteñ'minga'. Toñta'a añmuc'inga' aimalihuej'me loñanajpa lañpicuejma', to mi-huejyi ìne pe aimimetsaicoyi ËanDios. Añmuc'inga' alihuejle ma latencocopa ËanDios. Mañmana' fa'a li'a lamats' añspic'ele al c'a, añ'ele al hijca, lihuejcoñe ËanDios. ¹³ Ma luyalaicoyi toñta'a aññujuaisyi te ts'i'ic' ìe al cueca' al c'a lañ'iyaconga'. Ma le'a añ'huañjma timujxoxi Jesucristo Ëalunñu'eyaconga'. Jiñpe litine timuj'moxi ma' anDios. Toñta'a añsim'me te ts'i'ic' ìñque cal Cuecaj CanDios.

¹⁴ Jesucristo mipa'a fa'a li'a lamats' aiquicuanajyoxi. Icupoxi i'najtsepa jahuay lañjunac' petsi aicalihuequi locuxepa ËanDios. Toñta'a añ'e'ponga' limpio, ma' i'huexi, ma' ixanuc' Jesucristo. Lapi'iponga' lañpicuejma' tixojla' calata añ'ele al c'a.

¹⁵ Fa'a loñe'e nu'ipo' lo'eyacu lapimaye nomana' jiñpiya. Ima' toxc'ai'itsola', tomitsola' toñta'a. Ja'ni cua nañtsi ocuena qui'ejma', totaleñá'. Aimixpaij'mo', tipa'a lomane. Ti'ila' ac'a loñcuapa, loñ'epa, aimetets'i'mo' ni' anuli.

3

¹ Tomitsola' lapimaye: “Imanc' aimolimenc'eco'me lañmipolhuo'. Toñhuelej-cotsola' lan tsilaj xanuc' ìne nocuxepolhuo', jouc'a toñhuelej-cotsola' ts'ìñpenic'. Ja'ni ticuxe'ennilhuo' tonñ'ele lanic', ja'ni ac'a lanic', tixoj'ma cunlata tonñ'ele. ² Nij nañtsi moñnesc'e'me cataiqui'. Aimoñfuli'i'me cataiqui'. Toñsnet'He, aimoñtalai'ot'le'me. Ti'ila' toñta'a lonñ'eyacu ni petsi loñtseyacu.”

³ Al colta illanc' la'ejma' ti'onlcospa to li'ejma' lan xanuc' petsi aimimet-saicoyi LanDios. Ailopa'a calpicuejma', aicalihuejma, a'fel'mimponga', lihuejcoyi lalatenlcocoponga' la'janajpa. Luyalaicoyi lapajnya a'e'ela' laic' laf'as xanuc'. Lahueyi te co'iya ma'e'eyacola' lixcay laf'as xanuc'. Laf'as xanuc' a'faiquina', illanc' jouc'a a'faiquila' i'niya.

⁴ Tama to'la'a la'ejma' LanDios Lalunhu'eyaconga' imuj'moxi. Imujpoxi ac'a lipicuejma', ti'nujuaitsila' jahuay lan xanuc'. ⁵ A'lsimponga' ninc'icuanuc'la. Tama aical'aic' al c'a, lunhu'eponga'. Lapajponga', lapi'iponga' al ts'e la'pitine. Cal Espíritu Santo a'fanc'e'enaponga' la'picuejma'. ⁶ Aicalcuanac'enga' cal Espíritu Santo. Lijoupa lixhuai'nipa lipenic' Jesucristo Lalunhu'eponga', LanDios tixoqui queta lapi'iponga' cal Espíritu.

⁷ LanDios ipic'a a'ltoc'itsonga', lapenuftsonga' to ailopa'a caljunac', a'itsonga' inaxque'. Ipic'a a'huaicote locuenaj capajnya aimijouya petsi a'faisufcotonga', to'liya lapi'iponga' cal Espíritu Santo. ⁸ He lataiqui' ma' al linca.

Joupa aimipo' lo'xc'ai'iyacola' lapimaye nomana' jilpiya. Aipic'a ti'hua toxc'ai'itsola' i'ne naihuejcopá LanDios. To'la'a tipo'no'me li'picuejma' tixpic'e'me ti'e'me ma le'a al c'a. He lainu'ipo' ac'a cataiqui'. Cacia: Lan xanuc' tihuejcole, tijoula' jahuay i'niya tuyalaico'me al c'a. ⁹ Timana' lan xanuc' no'fulecopá lamac'ta cataiqui'. Tepauyi li'tatahueló, tixhuej'meyi axpela' li'puftine. Tifulecoyi lataiqui' licuxepa Moisés, tixtuleyi, tifuleyi. I'ne mane tipalo'aiyi. To'la'a aimitoc'iyaleyi. Ima' aimapenuf'ma li'taiqui', tanajxoxi.

¹⁰ Anuli lapima ja'ni tihuequi ituca' cataiqui' a'ij linca, tomitsi: "Ima' timenajhuo". Ja'ni aimicuec'ehuo' tomicontsi. Tijoula' ja'ni aimicuec'ehuo' aimon'ejmalecona'me. Aimaimetsaico'ma to copima. ¹¹ Petsi naihuejpa to'la'a joupa iminscopola' li'picuejma'. Titai'me li'junac'. Tecani'eyoltsi quituca'. I'niya ima' taimetsaico'mola' te ts'i'ic' li'picuejma', aimoxim'mola' acuanuc'la.

¹² Cumme'e'mo' Artemas o Tíquico. Anuli i'niya ticuaitsi jilpiya, aimicol'mo', to'huala' li'ya' Nicópolis. Jilpiya capajnta iya' cuyaicota laxita quitine. ¹³ Ima' pe lo'fpa'a tahuela' te co'iya motoc'iyacola' lomxi Zenas y Apolos. Tapi'itsola' laicuicomma. Tiyete al c'a li'pene. Aimehue'e'mola'.

¹⁴ Tomuc'itsola' jilpiya la'xanuc', i'niya nepenufpá Cristo. To'itsola': "Itine itine ton'ete al c'a. To'ltoc'itsola' lo'pimaye, i'ne lahue'epola'." Ja'ni to'la'a lo'eyacu aimi'on'iyacola' to lamats' petsi aimipammaispa.

¹⁵ Lapimaye jifa'a nomana' tinonghuo'. To'itsola' lapimaye nomana' jilpiya: "Pablo tinonilhuo". I'ne jouc'a tihuejyi al Linca Cataiqui', to'liya a'enga' capic'a.

LanDios titoc'itsolhuo' jahuay imanc'.

LIJE'E SAN PABLO LINIË'EPA FILEMÓN

¹ Iya' ninPablo, iya' i'huexi Jesucristo, alfi'ecompa acadena catejma'. Illanc', iya' y łapima Timoteo, alinił'ehuo' umFilemón, ima' ałpima. Ima' jouc'a illanc' al'eyi lipenic' Jesucristo. ² Jouc'a alinił'ehuo' ima' małpima caca'no' Apia. Ma 'anuli alinił'ehuo' ima' małpima Arquipo. Illanc' jouc'a ima' um'Arquipo lihuejyi Jesucristo. Iłque ałcuxenga' to całCapitán. Jouc'a linił'ela' lapimaye nafotjomma lomejut'ł umFilemón. ³ ŁanDios cał'Ailli' y łapoujna Jesucristo titoc'itsolhuo', tipac'e'etsolhuo' lołpicuejma'.

⁴⁻⁶ Ałminno: “Filemón ma' al linca ti'huaiyinge łapoujna Jesucristo, ti'ela' capic'a lapimaye, ilne jouc'a i'huexi ŁanDios”. Toliya ma capalaic'o ŁanDios, ilque ainenDios, cax'najtsi'i, ca'nujuaishuo' ima' umFilemón. Cami ŁanDios: “Cax'najtsi'ihuo', Filemón timujyoxi ti'huaiyinge Jesucristo. Titoc'ila' lipimaye. Mi'ay tołta'a łapima limetsaico'me xonca acuajmaica jahuay al c'a lalapi'imponga'. Tołta'a tixinim'me acueca' łapoujna Jesucristo, tixinim'me ac'a lo'epa ilque.”

⁷ Maipima Filemón, iya' camihuo': Ałcuejpá lof'epa ima'. Toliya illanc' ixocumma calata. Alu'imponga' ima' to'ela' capic'a lixanuc' ŁanDios, micuaita lomejut'ł, tapenufla'. Iłniya tunxac'eyi, tuyalainayi tixoqui quileta.

⁸ Itsiya caxa'huehuo' to'ela' xonca. Linca Cristo lapi'ipa laimane, nipajnya cacuxe'mo', itsiya aicacuxeyaco', ma le'a caxa'huehuo' to'ela' to laifmiyaco'.

⁹ Iya' ninPablo joupá altojpa xans, alfi'ecompa acadena catejma', iya' i'huexi Jesucristo. Ja'ni ima' al'ay capic'a, to'ela' ma to laifxa'huepo'. ¹⁰ Caxa'huehuo' tapenufnał' ilca'a łai'hua Onésimo. Ma calfi'iya fa'a, aipalaic'ocopa łapoujna Jesucristo. Toliya i'ipa ats'e lipepajnya ilca'a Onésimo, cacua: “Iłque ai'hua”.

¹¹ Li'ipa, ilca'a aiqui'ic' quitoc'ihuo'. Itsiya linca ipaicopa. Iya' ałtoc'i. Ima' jouc'a titoc'ito' jilpiya. ¹² Itsiya cummenghua, ticuainatsi pe lołpa'a. Iłca'a laifnummenapa ti'onłcospa to łainunxajma'. Tapenufnał'. ¹³ Iya' cuya'e' Lataiqui', ilē loya'apa al c'a lixpice'epa ŁanDios. Toliya al'nołcompa, alfi'enko. Ima' aimi'iya mocuaiya małtoc'iya. Iya' nipajnya canes'ma: Tipanenni Onésimo, ałtoc'i'ma. ¹⁴ Iya' a'i tołta'a caicuac'. Iya' caituca' aicaxpic'e tołta'a laif'eya. Ma' ima' toxpice'ma, aicacuxe'ehuo'. Toxpice'ela' ima' conFilemón. Iya' aimi'iya cacuxe'eyaco' to'ela' ilē al c'a. Ima' cotuca' toxpice'ma lof'eya. ¹⁵ Tama oque' afane' quitine ima' ejac'yopa lomane Onésimo, iya' cacua tołta'a ixpic'epa ŁanDios. Itsiya tipainahuo. Ticuainatsi jilpe, ima' tapenufnał' nulemma. ¹⁶ Tapenufnał'. Itsiya a'i ma le'a comozo, ilca'a opima. To'ela' capic'a juaiconapa. Iya' linca ca'ay capic'a. Ima' opoujna, xonca to'ela' capic'a. Imanc' unc'oquexi' itsiya ma' anuli łapoujna.

¹⁷ Iya' camihuo': Ja'ni ma' ałinca ima' ałejmalepá, ja'ni ima' alimetsaijma anuli łapicuejma', ma to malapenufi iya' tołe tapenufnał' Onésimo.

¹⁸ Ja'ni inantsejpo' o itaiyinc'ehuo', tapulijnla', tainiłta', tonesla': “Iłta'a, Pablo ałtaiyinc'e”. ¹⁹ Iya' caituca' quiniłi: “Iya' ninPablo ca'najtse'ena'mo'”. Ima' ałtaiyinc'e lomulijcopa lopitine, ilē al ts'e lopitine lepi'ipo' ŁanDios. Aicamiyaco' al'najtse'ela' ilē lopitine. Linca aimi'iya mał'najtse'eya. Ma le'a caxa'huehuo': Tapenufnał' Onésimo.

²⁰ Maipima Filemón, aimocuanaj'moxi. Ninc'oquexi' al'huaiyijnyi Jesucristo. To'nujuaisla' lał'e'eponga' łapoujna. Tołta'a to'e'ma ma to laifxa'huepo'. Tijouł'a aicaxhuełconaya.

²¹ Iya' ca'huaiyijnhuo' juaiconapa. Cacia: "Łaipima Filemón lihuejco'ma, ti'e'ma to laimipa. Ti'e'ma xonca." Tołiya iya' quinił'ehuo'. ²² Jouc'a camihuo', caxa'huehuo': Lapi'ita laifpanc'eya. Aixina' imanc' tołsa'hueyi ŁanDios ałtoc'ıta'. Tołiya cacia: ŁanDios łux'masna'ma. Lapi'i'ma lane cacuaitsi pe lołmana'.

²³ Tinonghuo' Epafra, iłque iya' ałtats'eninga' anuli, lihuejyi anuli Jesucristo. ²⁴ Jouc'a tinonghuo' Marcos, Aristarco, Demas y Lucas. Ał'eyi anuli lipenic' łalPoujna Jesucristo.

²⁵ Jesucristo titoc'itsolhuo', tipaxnetsolhuo' lołpicuejma'.

AL JE'E LINIŁ'EMPOLA' LAPIMAYE LUN HEBREO

¹ Luyaipa quitine, ŁanDios ipalaic'o'mola' lam profeta. Axpe' ipalaic'ocona'mola'. Axpe' li'ejma' timuc'itsola'. Imuc'i'mola' te ts'i'ic' lipicuejma'. Ihe lam profeta u'i'me, lałtatahueló iquimf'e'me liłtaiqui'. ² Iha'a hitiné ma mi'hua mijoujma li'a lamats' ŁanDios joupa ałmuc'iponga' nulemma te ts'i'ic' lipicuejma'. Imujpoxi. Ma li'Hua ŁanDios timuqui te ts'i'ic' lipicuejma' ŁanDios.

ŁanDios joupa ifaquimpa li'Hua ticuxela' jahuay, jahuay ti'ila' i'huexi. Jouc'a epi'ipa limane tilanc'ela' li'a łamats', lema'a, jahuay lopa'a. Ma tołta'a li'epa. ³ Cal'Ailli' ŁanDios temiyoxi jilpiya petsi acueca' juaiconapa epalc'o'. Aimi'iya małsinyacu. Li'Hua acuajmaica ałmuc'inga' te ts'i'ic' ŁanDios. Cal'Ailli' ŁanDios y li'Hua ma' anuli mimana'. Li'hua timuqui ma' al linca ŁanDios i'Ailli' ilque.

Acueca' icueya limane li'Hua ŁanDios. Tixpic'e aimijou'mola' łamats' lema'a jahuay lopa'a. Tołta'a aimijoucola'. Litine tinesla': "¡Ixhuaita!", jahuay tijouna'ma.

Małque li'Hua ŁanDios aliłonc'e'eponga' lałjunac', alatufc'e'eponga'. Lijoupa li'epa tołta'a icutsainapa jilpe al c'a camane cal Cueca' CanDios Nopa'a al toncay lema'a. ⁴ Tołta'a imetsaicom'me acueca'. Ulijpola' lapaluc' quema'a. Ihe lecu'i'impola' "lapaluc'", ilque a'i. Xonca acueca', xonca ac'a ile lecu'i'impola' ilque, ma' ipuftine. ⁵ Lipalaic'opa ŁanDios anuli łapaluc' quema'a, łte aga limipa: "Ima' ai'Hua. Itsiya quimetsaicohuo', iya' o'Ailli'?" O lipalaicopa łapaluc', łte luya'apa: "Iya' i'Ailli', ilque ai'Hua?" A'i.

⁶ ŁanDios mipalaic'o' li'Hua, ilque łacui'impola' Cal Te'a, ti'nujuaitsi litine tum-mecona'ma li'a łamats', ticua:

Texc'onłingolaile jahuay lapaluc' quema'a.

⁷ Lipalaico'mola' lapaluc' quema'a tuya'e':

ŁanDios ixpic'epa lepaluc' quema'a ti'onłcospola' to łahua'.

Ihe epaluc' no'epá lipenic', ixpic'epa ti'onłcospola' to łipał cunga.

⁸ Lipalaico'ma li'Hua ŁanDios tuya'e':

Locuxejma manDios, aimijouya.

Ma al łijca lo'ejma', al łijca tocuxe.

⁹ Ima' mihuequi al łijca, tetenłcoco'huo'.

Petsi aimihuejyi to'ela' laic' li'ejma',

tohya manDios, xonca ifac'epo' łomenDios, xonca imetsaicopo'.

Joupa mulijpola' lopimaye.

Tołta'a i'e'epo' tixojma meta juaiconapa.

¹⁰ Jouc'a tuya'e':

Lipangopa li'a łamats' ma ima', manDios, opo'nopa ile li'a łamats'.

Ma' ima' olanc'epa lema'a.

¹¹ Linca lema'a tijouna'ma, ima' a'i.

Ima' topa'a tijauhuamlaicota, ti'hua topa'a.

Lema'a ti'hua tijaf'que, ti'i'ma ma to lo'iya lotsamalo.

¹² Ma to cal xans tijuis'ma lipuquiya, tołta'a tojuis'ma lema'a, tipaico'ma.

Ima' a'i mopałiyacoxi, aimijouya lopitine.

¹³ ŁanDios, łte aga imipa anuli łapaluc' quema'a: "Tocutshuai'ma jifa'a al c'a camane. Topanehuo fa'a, iya' mi'hua culiquila' lo'epo' laic'. Tijoula' ima' tocuxena'mola'." Tołta'a ŁanDios limipa ma le'a li'Hua. ¹⁴ Ituca' lapaluc' quema'a. Jahuay ilniya tama ilmaf'i' ailopa'a quilcuerpo. Jilpiya lema'a

ti'eyi lanic' lepi'ipola' LanDios. Itque tummela' titoc'intsole' lixanuc', itne nonlu'eyacola'.

2

¹ Linca xonca acueca' Lalunlu'eyacongá'. Lapaluc' quema'a aimi'onlspola' to itque. Toliya ticuicomma xonca alpo'no'me cuenna, xonca lihuejco'me lataiqui' laluponga'. Ja'ni a'i lunas'mim'monga' ocuena cane. ² Luyaipa quitine lapaluc' quema'a uya'apá litaiqui' LanDios. He Lataiqui' aimi'ya mipai'inyacu. Tofta'a lan xanuc' no'epá nixpiya, pe aimihuejcoyi, epi'im'mola' lijunac'. Al hijca itel'mim'mola'. ³ Itsiya illanc', LanDios joupá almpionga' lunlu'e'monga' nulemma, ja'ni latets'ite, ¿te aimatet'miyacongá'? Linca xonca atet'mi'monga'.

Lataiqui' laluponga' te ts'i'ic' malunlu'yacu, ite lataiqui' lalPoujna Jesucristo uya'apa ate'a. Lijou'ma pe niquimf'epá aluponga' illanc'. Imuj'me ma' al linca ite lataiqui'. ⁴ Jouc'a LanDios itinc'i'ma litaiqui'. Imuj'ma a'i itaiqui' lan xanuc'. Ma muya'ayi litaiqui', LanDios imuj'moxi acueca' icueya limane. Jiipe i'e'ma acueca' to aimi'ya mi'eyacu lan xanuc'. Pesti nepenufpá lataiqui' cal Espiritu Santo ipaxnepola', epi'ipola' anuli anuli lipicuejma' ma to loxpicepa LanDios.

⁵ Joupá alnespá lo'ya. Tijou'nem'mola' lema'a li'a lamats'. Ti'ila' ats'e jahuay, a'i lapaluc' quema'a micuxeyacu jiipe. Joupá ixpic'epa LanDios. ⁶ Toliya jiipe al Paxi Linilingiya anuli mipalaic'o LanDios ticua:

Ima', ¿te cal'nujuaiscoponga' illanc' ninc'ixanuc'? ¿Te caltoc'icoponga'?

⁷ Jiipe litine lolanc'epa cal xans omepi'ipa acueca' limane, ti'onlcospa to ima', mandios.

Ma le'a lapaluc' quema'a ni huata xonca atsila'.

⁸ Tomi cal xans: "Tocuxe'ma lailanc'epa, jahuay tihuejco'mo".

LanDios licuapa: "... jahuay tihuejco'mo", jiipe tuya'e' ailopa'a petsi aimatcuc'eyacongá' illanc' ninc'ixanuc'. Alcuxe'me jahuay. Itsiya a'i tofta'a maluyalaicoyi. Ai' jahuay malihuejcongá'. Ailopa'a tofta'a calmane. ⁹ Linca alsinyi Jesús, itque icueya limane tofta'a. Itque i'epoxi xans. Mipa'a fa'a li'a lamats' itne "... lapaluc' quema'a ni huata xonca atsila'". Itsiya itque ticuxe jahuay. Lijoupa limapa, imaf'ina, LanDios i'najtse'epa nulemma. Imetsaiconapa i'Hua, ma' anDios.

Li'epoxi xans itque ixingufcropa lamaya, tunlu'etsola' lan xanuc' cua naitsi litraza, ni petsi lomanc'eyacu. Tofta'a lixpicepa LanDios. Itque al'nujuaisponga', ipic'a altoc'itsonga'. ¹⁰ Matque LanDios aPoujna jahuay. Jahuay ticuxe. Pangay c'a lipicuejma' jouc'a ac'a lixpicejma'. Ipic'a timetsaicotsola' axpela' inaxque'. Ipic'a ti'onlcotsola' to li'Hua, itque Jesús. Toliya ticua: "Ate'a titelcola' itque Lonlu'eyacola'. Tijoula' al cuajmaica quimetsaico'ma itque ai'Hua. Quimetsaico'ma joupá ixhuaita lipenic' li'a lamats'."

¹¹ Cacia: "LanDios timetsaico'mola' to linaxque". Ti'i'ma timetsaico'mola' tofta'a. Jesús ti'hua tilanc'e'e'mola' lipicuejma' itne lixanuc', tenajtsołtsi nulemma al xujc'a. Jesús y lixanuc' ma' anuli quif'Ailli', itque LanDios. Toliya Jesús li'Hua LanDios tinescola "aipimaye". Aimetets'ila'. Tixoqui queta tinescola' tofta'a. ¹² Tofta'a loya'apa al Paxi Linilingiya. Tuya'e' linespa Cristo lipalaic'opa LanDios, ticua:

Pe lomana' laipimaye cuya'a'ma lopuftine.

Pesti lalafot'leyoyacołtsi cunac'co'mo'.

¹³ Jouc'a tuya'e':

Iya' ca'huaiyijm'ma LanDios.

Jouc'a tuya'e':

¡Totsinté! Ma fa'a ałmana', iya' jouc'a lanaxque', iñe lalapi'ipa ŁanDios.

¹⁴ Illanc' inaxque' lan xanuc', tipa'a lałpıxıc', lałjuats'. Jouc'a Cristo i'epoxi xans, tipa'a lijuats', lipıxıc'. Tołta'a itsufco'moxi tima'ante. İñonc'e'epa limane nocuxepa lamaya, iłque Satanás. ¹⁵ Ux'masnapola' pe noyalaicopá lapajnya to litats'ila', tıxpaıc'eyi lamaya.

¹⁶ Licuai'ma Cristo aimitoc'ila' lapaluc' quema'a. Joupa ałsına' icuaicoco'ma titoc'itsola' lan xanuc', iñe ixanuc' Abraham, iłque itatahuelo. ¹⁷ Tołiya ticuicomma ti'exoxi ma' anuli to lipimaye, ti'onłcotsola' to iñniya. Tołta'a tixim'mola' acuanuc'la. Ac'a ti'e'ma iñe lanic' lepi'ipa ŁanDios, iñe lipenic' cal Cuecaj Ca'Aıllı'. İpac'epa lipoyac' ŁanDios, iñonc'e'epola' liłjunac' iñe lixanuc'.

¹⁸ Mıpa'a fa'a li'a łamats' Jesús mıtełma ixingufco'ma lahuaicompa. Tołiya ti'i'ma titoc'i'mola' lixanuc', iñe noxingufcopá lahuaicompola'.

3

¹ Unc'aipimaye, imanc' jouc'a i'huexi ŁanDios. İłque Nopa'a lema'a ijoc'ıpolhuo' tołcuaitsa jıłpiya pe lopa'a. İtsiya caxc'ai'ılhuo', camılhuo': Toł'nujuaisle Jesucristo, małque lałCuecaj Ca'Aıllı' ŁanDios łummepa. Aimolımenc'eco'me li'ejma' Jesús, iłque Lał'huaiyijmpa. ² Jesús ac'a li'epa lanic' lepi'ipa ŁanDios. Tołta'a ti'onłcospa to Moısés. İłque jouc'a ac'a li'epa lanic' lepi'ipa ŁanDios jıłpe lejut'ı. ³ İncıa Jesús tuliqui Moısés, imetsaicompa xonca acueca'. Moısés le'a anuli cal xans nolojmay lixanuc' ŁanDios, iñe lecuı'ımpola' "lejut'ı ŁanDios". İtuca' Cristo. İłque nilanc'epa lajut'ı, aPoujna. ⁴ Łajut'ı, anuli anuli, tipa'a naitsi ticuxe'ma jıłpe, iłque tıxpıc'e tilanc'ente lajut'ı. Małque ipoujna. Ma ŁanDios aPoujna jahuay, iłque nilanc'epa. ⁵ Moısés İncıa ac'a li'epa lanic' jıłpe lejut'ı ŁanDios, ti'onłcospa to cal mozo no'epa lanic' lepi'ipa lipoujna. Jahuay li'epa Moısés imuj'ma te ts'i'ic' lo'ıya. İñe ŁanDios tuya'a'ma. ⁶ İtuca' Cristo. İłque i'Hua ŁaPoujna Cajut'ı. Ticuxela' lixanuc' ŁanDios. Ja'ni aimalılailınamma ni małspailij'monga' illanc' ixanuc' ŁanDios. Ticuicomma tıxoıla' calata ał'huaiyijnle iłque. Ałnesle: Ałıncıa lunł'ena'monga'. ⁷ Ticuicomma tonlıhuejcołe loya'apa cal Espıritu Santo. İłque tuya'e': İtsiya ja'ni ŁanDios tıpalaıc'olhuo' tołquımfele.

⁸ Aımi'i'ma ata łolunxajma'.

Tołta'a i'e'me lıncuejlocale xanuc' mımana' pe aılopa'a quııya', ehuaiyoł'me ŁanDios.

⁹ Mı'hua oquej nuxans camats' ixım'me laıf'epa jıłpe pe aılopa'a quııya'.

Iya' ma NanDios, iñe lołtatahuelő lahuaiyołpá, tıcuayi: "ŁanDios, ¿ja'ni ti'e'ma to lałmıponga'?"

¹⁰ Tołiya iya' nıxtunni, iñe lan xanuc' li'epa aıcalatentłcocojma.

Cacua: Aıquıłcuc'e laıcuxe'epola', tımenaquila', aimalıhuequi.

¹¹ İñe lan xanuc' lapi'ipa coyac', ai'epa jurar.

Aımıpolá: "Aımołtsufılayacu łamats' laınepı'ıpolhuo', aımolunxajyacu jıłpe".

¹² Unc'aipimaye: Tołpo'nołe cuenna. Tonlıhuejle Łımaf'i' CanDios. Aımi'i'ma a'ıjc'a lołpicuejma', ni anuli imanc'. Pesi no'eya tołta'a, aımi'eya İncıa łımpa Łımaf'i' CanDios, tıpıno cane. ¹³ İtine itine tołsc'ai'ıtsołtsı ma mımiłhuo' ŁanDios: "İtsiya ałquımfele". Ja'ni a'i, aga hualca imanc' tolıhuej'me lıxcay cane, tołta'a tołfel'mı'mołtsı, ti'i'ma ata łolunxajma'. ¹⁴ Ja'ni ti'hua ał'huaiyijnıya jahuay lałpitine, ja'ni aimalılai'yacu lałpicuejma', aıncıa joupa lapenufpá Cristo. ¹⁵ Tołiya tuya'e':

İtsiya ja'ni ŁanDios tıpalaıc'olhuo', tołquımfele.

Aımi'i'ma ata łolunxajma' to li'epa iñe lıncuejlocale xanuc'.

¹⁶ ¿Naitsi iñe nıquımfe'epá ŁanDios, lijou'ma i'e'epołtsı lıncuejlocale xanuc'? Tołta'a li'ıpolá' jahuay iñniya lipa'apola' Moısés jıłpe łamats' Egipto.

¹⁷ ¿Naitsi iñe nepi'ipá coyac' ÑanDios oquej nuxans camats'? Mañiya lan xanuc', iñe ni'epá quixcay. Iñe epi'impola' liñjunac', imapola' jilpe ñamats' pe ailopa'a quilya'.

¹⁸ ¿Naitsi iñe lipalaic'opola' ÑanDios iñe litine li'epa jurar, limipola': "Aimoñtsuflaiyacu ñamats' lainepi'ipolhuo', aimolunxajyacu jilpe"? Toñta'a lu'ipola' lan xanuc' petsi aiqulihuejma. ¹⁹ Jilpe añsina' te ts'i'ic' liñpicuejma' iñe lan xanuc'. Iñiya aiqul'aic' ñinca limipola' ÑanDios, toñiya aiqulñtsuflaic' ñamats'.

4

¹ Itsiya ÑanDios tuya'e': "Toñtsuflai'me, alunxaj'me anuli". Iya' camilhuo': Añpo'noñe cuenna juaiconapa. Ja'ni a'i, aga tixinim'mola' a'ijc'a liñpicuejma' anuli oquexi' imanc'. Tijouñta' aimi'iya mitsuflaiyacu. ² Aimi'i'molhuo' to li'ipola' iñiya lan xanuc', ni anuli imanc'. Illanc' ma' anuli iñiya lu'imponga': "ÑanDios tepi'i'molhuo' al c'a". Iñe lataiqui' lu'impola' iñiya aiquitoc'ila'. Aiqulihuequi limipola' ÑanDios. Ma le'a tiqumf'eyi. ³ Illanc' ja'ni lihuejyi litaiqui' ÑanDios, iñe lataiqui' lañmiponga', ñinca añtsuflaita, alunxajta. Iñe lonxajya ÑanDios lonescopa jilpe petsi tuya'e':

Iñe lan xanuc' lapi'ipa coyac', ai'epa jurar.

Aimipola': "Aimoñtsuflaiyacu, aimalunxajyacu anuli".

Ñinca, ÑanDios joupa unxajpa. Ilanc'epa li'a ñamats', toñta'a ijou'nepa lanic'.

⁴ Tipa'a ñinliya loya'apa li'ipa lixhuaita acamts'us quitine. Inescopa lihuequi litine. Ticua:

Lixhuaita acamts'us quitine, icuaitsi lihuequi litine ÑanDios unxajpa.

Joupa ijou'nepa lo'eya.

⁵ Locuena ñinliya ticua:

Aimipola': "Aimoñtsuflaiyacu, aimalunxajyacu anuli".

⁶ Toñta'a li'ipa. Lan xanuc' niqumf'epá ate'a aiqulihuequi limipola' ÑanDios. Aiqulñtsuflaic'. Tijouñta', ¿te co'iya? Litaiqui' ÑanDios aimipaicoya. Iñque tipalaic'o'mola' locuenaye, timi'mola': "Toñtsuflaiñe". ⁷ Toñe li'ipa. Luyaiconapa axpe' camats', ÑanDios inescoconapa "itsiya". Tuya'e': "Ma mi'i itsiya litine lan xanuc' nipajnya añqumf'e'ma, lihuejco'ma". Jilpe lije'e David ÑanDios tuya'e':

Itsiya, ja'ni ÑanDios tipalaic'olhuo', toñqumf'ete.

Aimi'i'ma ata ñolunxajma'.

⁸ Ñinca Josué itsufai'epola' lixanuc' jilpe ñamats' lepi'ipola' ÑanDios. Ni iñiya aiqulunxaqui nulemma. Toñiya ÑanDios ipalaicoconapa ocuena quitine.

⁹ Tipa'a petsi lixanuc' ÑanDios titsuflaita tunxajta nulemma. Jilpe aimijouya litine conxajya. ¹⁰ Ñinca tipa'a Anuli joupa ulijpa lonxajya. Joupa itsufaipa jilpe. Joupa ixhuai'nipa lipenic'. Tunxajyi anuli ÑanDios. ¹¹ Lipa'ate cañxi. Añesle: Lulij'me lonxajya. Alunxaj'me anuli ÑanDios. Ja'ni a'i, aga lihuej'me liñ'ejma' iñiya petsi aimihuejcoyi limipola' ÑanDios. Aimañ'e'me toñta'a. Ni anuli illanc'.

¹² Aimi'iya malatets'iyacu linespa ÑanDios, iñe lataiqui' laluponga'. Linespa ÑanDios imaf'i' cataiqui'. Acueca' lo'epa. Ti'onñcospa to al cutsilo oquej lipix'ay. Iñe litaiqui' ÑanDios xonca lo'epa. Ailopa'a lopa'neya. Texi'e'mo' lopicuejma', ñomunxajma'. Jilpe lopicuejma', ñomunxajma' ti'huájta xonca icu'u. Litaiqui' ÑanDios timuj'ma te ts'i'ic' lopicuejma', loñjanajpa. ¹³ Petsi lilanc'epa ÑanDios ailopa'a quemiyoxi. Mehuelonge ÑanDios jilque tixina jahuy acuajmaica. Tocomma ailopa'a quipoxa. Toñta'a li'ejma' ñalanDios. Mañque Lañtalai'eyacu Lijoujma Quitine.

¹⁴ Illanc' joupa añ'huaiyimpá Jesús. Aimañpai'i'moñtsi lañpicuejma'. Jesús li'Hua ÑanDios if'ajnapa lema'a. Itsufaipa pe lopa'a ÑanDios. Iñque Jesús añCuecaj

Ca'Ailli', lihuejco'me. ¹⁵ Aimañesyacu: “ŁaŁCuecaj Ca'Ailli' aikuixina' te ts'i'ic' laluyalaicopa illanc' ninc'ixanuc’”. Ixina'. I'ipa xans. ToŁta'a ehua iyimpa to malahuaiyininga' illanc'. Ma le'a aikuiaic' quixcay. ¹⁶ Ja'ni toŁta'a li'ejma' iŁque łaŁCuecaj Ca'Ailli' Nopa'a lema'a, ¿te caŁpaic'eyacongá' maŁjoc'iyacu ŁanDios? A'i. Tipa'a lane. AŁjoc'i'me ŁanDios. JiŁque łaŁJuez ac'a łalŁpalaic'oyacongá', aŁsim'monga' ninc'icuanuc'la, aŁtoc'i'monga'.

5

¹ Li'ipa, cal cuecaj ca'ailli' lifajpa ŁanDios ti'onŁcospola' to lipimaye. Jouc'a axans. Tepi'inni limane tipalaic'ola' ŁanDios. Tinescotsola' lipimaye. Tixahue'eŁa' titoc'itsola'. IŁque cal cuecaj ca'ailli' tepi'i'ma ŁanDios łotsufcoya. TiŁonc'e'etsola' liŁjunac' lipimaye. ² IŁque ła'ailli' tixim'mola' acuanuc'la lipimaye, iŁniya pe ailopa'a quĩsina' o timenaquila'. Timetsaicoyoxi jouc'a axans. Ixina' aikuixhueya lipicuejma', jouc'a ti'i'ma timenaj'ma. ³ ToŁiya a'i ma le'a mitsufco'ma ŁanDios tiŁonc'e'etsola' lipimaye liŁjunac'. Titsufco'ma ŁanDios tiŁonc'e'Ła' iŁque liŁjunac' jouc'a.

⁴ Anuli cal xans a'i quituca' mepi'iyacoxi toŁta'a quimane. Aiminesya: “Iya' ca'e'moxi cal cuecaj ca'ailli'”. A'i. Ma ŁanDios tepi'i'ma lipenic'. ToŁta'a li'ipa Aarón, iŁque cal te'a cal cuecaj ca'ailli'. ⁵ Ma' anuli li'ipa Cristo, iŁque łalCuecaj Ca'Ailli'. IŁque a'i quituca' quifajyoxi. Ma ŁanDios Nifajpa. MaŁque ŁanDios imipa:

Ima' ai'Hua, itsiya quimetsaicohuo', iya' o'Ailli'.

⁶ Jouc'a uya'acona'ma, ticua:

Ima' ma'Ailli', ti'onŁcospo' to Melquisedec.

Jouc'alemma i'ipo' ma'Ailli'.

⁷ Cristo mipa'a fa'a li'a łamats' titełma. Tijoqui uŁfxi. Tinu łujuay li'u'. Tijoc'i ŁanDios, iŁque nipajnya tunŁu'e'ma, aimima'ma nulemma. Tixahue'e titoc'ila'. IŁhuejcopa ŁanDios qui'Ailli'. ToŁiya ŁanDios iquimf'epa, icuej'ma. ⁸ Tama i'Hua ŁanDios ihuic'i'ma te ts'i'ic' mihuejcaya. Ma mitełma ihuic'i'ma toŁta'a. ⁹ Lijoupa lixhuaita lihuic'ipa, ŁanDios epi'ipa limane, tunŁu'e'mola' nulemma jahuay pe naihuejcopá. ¹⁰ ŁanDios imetsaiconapa Acueca' Ca'Ailli'. Timi: “Ima' ma'Ailli' to Melquisedec”.

¹¹ Tipa'a axpe' ti'i'ma łalŁpalaicoyacu Melquisedec. Itsiya aimi'iya. Imanc' aimi'iya muluhuaŁqueyacu iŁe lataiqui' xonca ipime. Joupa i'ipa ata loŁpicuejma'. AicoŁcueca. ¹² I'ipa axpe' camats' colapenufi litaiqui' ŁanDios. Ticuicomma toŁmuc'itsola' ocuenaye xanuc'. Aimi'iya. OŁpic'a timuc'icona'molhuo', tu'icona'molhuo' litaiqui' ŁanDios petsi a'i quipime. Imanc' ti'onŁcospolhuo' to lapilmi noxnapá ma le'a aleche. IŁne aimi'iya mitejacu łoteja. ¹³ Pe ts'ipic'a ma le'a aleche aimi'iya mepenufya litaiqui' loya'apa te ts'i'ic' al łijca lipicuejma' ŁanDios, ti'onŁcospa to łapimi'. ¹⁴ Petsi lijoupa litojpola', iŁniya łinca titeji łotejacu. IŁne coŁta tixhuicoyi liŁpicuejma'. Joupa iŁsina' timetsaico'me te ts'i'ic' lataiqui', ja'ni ac'a o ja'ni a'ijc'a.

6

¹⁻³ Lipangopa łal'huaiyijmpa Jesucristo aŁ'onŁcosponga' to la'uhuay. AŁmuc'iponga' lataiqui' petsi aikuipime. Joupa lapenufpa lataiqui' loya'apa: “Ailopa'a con'eyacu, aimi'iya molunŁu'eyacoŁtsi. ToŁsuej'menca. ToŁ'huaiyijnle ŁanDios.” ¿Te aga aŁmuc'icona'monga' toŁta'a? A'i. Joupa aŁmuc'imponga' te ts'i'ic' maŁeyacu ja'ni ŁanDios limetsaico'monga' joupa latufc'e'emponga'. AŁmuc'imponga' te ts'i'ic' locuajmaispa lo'epa lapimaye, iŁne mixpayof'me liŁmane' liŁjuac liŁpimaye. Joupa aŁmuc'imponga' lo'iyacola' limanapola'. IŁne timaf'ina'me. ŁanDios cal Juez tu'i'mola' nulemma te ts'i'ic' lo'iyacola'. Jahuay

ilita'a alsina'. Joupa almuc'imponga'. Ticuicomma ti'hua altojtsonga', ti'ila' xonca acueca' lapicuejma'. Alihuic'ite xonca. Ja'ni LanDios altoc'itsonga' ma' atinca al'e'me tohta'a.

⁴ Cacia alihuic'ite xonca. Lan xanuc' pe LanDios joupa ulif'epola' aimi'iya mimuc'iconayacola' lataqui' limuc'impola'. Ine joupa ixingufpá te ts'i'ic al c'a lalapi'iponga' LanDios, ma' anuli lapimaye ixingufpá lipaxnepola' cal Espiritu Santo, ⁵ iximpá ac'a cataiqui' ite linespa LanDios, iximpá al cueca' lo'epa LanDios itsiya hitiné. (Li'ipa inescompola' ina'a hitiné, ecui'impá "locuaicoya quitine".) ⁶ Iniya ja'ni tipailiconamma, aimi'iya mixhuj'neconayacu, tama timuc'iconatsola'. Ine quiltuca' tepalts'ijnconayi lencruz hi'Hua LanDios, lan xanuc' titalunts'e'e, tetets'iné. ⁷ Anuli lamats' lixnapa lacui petsi axpe' licui'epa, ja'ni tix'najtsi'i lacui, jilpe tila'ma cal fanu', tipammaita. Tite'me lan xanuc' ni'epá canic'. Itque lamats' linca tetenlcocojma LanDios, tipaxne'ma. ⁸ Ja'ni jilpe lamats' titoqui ma le'a hitac' jouc'a acua quitonqui pe aimitejnyacu, itque lamats' ailopa'a quipenic', timujyoxi a'ijc'a camats'. LanDios ticuaj'ma, tijoula' tipi'em'me nulemma.

⁹ Unc'aipimaye, tama capalaicola' tohta'a iniya petsi lajac'yacola', aicapalaicolhuo' tohta'a imanc'. Aicuayi: Lapimaye, ine a'hebreo, xonca al c'a tuyalaico'me, ine tunlu'em'mola'. ¹⁰ LanDios ac'a lipicuejma', alijca lo'epa, aimimenc'ecoya al c'a lonl'epa imanc'. Ixina' tonl'eyi capic'a, toliya oltoc'ipola' lo'pimaye, ine jouc'a i'huexi LanDios, ti'hua toltoc'ila'. ¹¹ Linca tixoqui cunlata toltoc'ila' lo'pimaye, itsiya alsca'ailhuo', almilhuo': Jouc'a to'po'no'e lo'picuejma' aimolimenc'eco'me te ts'i'ic' lo'huaijma. Imanc' joupa alsina'. Aimolcuayi: Aga ti'i'ma o aimi'iya. Mol'huaicoyi ticuaicohuananni Jesucristo itine itine ti'hua to'nujuaisle tohta'a. ¹² Ja'ni tohta'a to'po'no'me lo'picuejma' aimicuiya colahuí. Tonlihuej'mola' li'ejma' petsi ti'hua ti'huaijnyí LanDios, tixnet'lyi. Ine linca titsufaita petsi LanDios tepi'itola' ma to joupa lu'ipola'.

¹³ Litine lepi'ipa cataiqui' Abraham, LanDios i'epa jurar, icuaj'mi'moxi. Xonca cal cueca' ailopa'a, toliya LanDios icuaj'mi'ma lipuftine. ¹⁴ Timi Abraham:

Iya' ca'ay jurar, camihuo': Linca capaxne'mo',
ca'e'mo' quiltatahuelo axpela' lan xanuc'.

Aimopaneya cotuca' ima', timajnlita coxanuc'.

¹⁵ Abraham lepenufpa litaiqui' LanDios limipa, ti'hua tixnet'iqui. Lijou'ma iximpa li'ipa ma to linespa LanDios.

¹⁶ Lan xanuc' ti'etsa jurar ticuaj'mi'me lipuftine petsi loximpa xonca acueca'. Ja'ni joupa i'epá jurar aimi'iya micuanac'eyacu litaiqui', tenant'hi'me. ¹⁷ Ma tohta'a li'epa LanDios, i'epa jurar. Iximpola' acuanuc'la lixanuc' Abraham, ine nonescopola' jilpe litaiqui' limipa Abraham. Ipic'a nulemma ti'ila' quiltsina' LanDios aimipai'i lipicuejma'. To lonespa, ma tohta'a lo'eya.

¹⁸ LanDios ja'ni joupa epi'ipa cataiqui', ja'ni joupa i'epa jurar, aimi'iya mipai'iya linespa, aimafel'miyaconga'. Tohta'a li'epa ti'ila' alsina' tenant'hi'ma litaiqui'. Itsiya aimi'iya ma'nesyacu: ¿Te lapi'i'monga' ma to laluponga' o a'i? Tixoqui calata ti'hua al'huaicoyi a'haitsufcotonga' pu'huanni. Joupa li—loc'olapá LanDios, alsahue'epá lunlu'etsonga'. ¹⁹ Mal'huaijnyí tohta'a LanDios, tocomma to joupa a'haitsufcoponga'. Tocomma to joupa almana' anuli malpe lopa'a LanDios. Aimalaca'ni'eyaconga'. Aimi'iya. ²⁰ Jilpiya joupa itsufaipa Jesús. Itque lal'huaj'meponga'. Illanc' alenc'eyi, alcuaita. Jesús i'ipa cal Cuecaj Ca'Ailli'. Ti'onlcospa to Melquisedec, aimexic'e'enyacu lipenic'.

7

¹ Itque Melquisedec arey Salem, e'ailli' ÆanDios Nopa'a xonca al toncay lema'a. Litine Abraham lulijpola' lan rey pe naixtuc'opá, lipainanni italecuf'mołtsi Melquisedec. Itque ipaxne'ma Abraham. ² Abraham pe lenajpola' lexic'enapola' lan rey, amaxnu amaxnu ipa'a'ma imbama' epi'i'ma Melquisedec.

Itque Melquisedec lipuftine tuhualquemma ticua “cal Æijca Rey”. Lecui'impá “aRey Salem”. Itte ticuajmaispa: Cal Rey łopac'epa lafuleya. ³ Itque jouc'alemma i'ipa a'ailli'. Ailopa'a qui'máma' ni qui'ailli'. Jouc'a quitatahueló ailopa'a. Aimi'iya minesyacu: “Jilpe litine ipangopa lipitine”. Jouc'a aimi'iya minesyacu: “Jilpe litine ijounapa lipitine”. Ti'onłcospa to hi'Hua ÆanDios.

⁴ Æinca acueca' xans Melquisedec. Tołta'a łatatahuelo Abraham imetsaicopa. Epi'ipa locuaiya quimane, ite xonca al c'a lexic'enapola' lan rey. ⁵ (Litaiqui' Moisés aimicuxe mepi'inyacola' micuaiya quilmene lan xanuc' ja'ni ocuena quitraza.) Æinca linaxque' Leví, itne nepenufpá liłpenic' to a'ailli', icuxe'empola' ti'najtsi'i'me lan xanuc' to loya'apa litaiqui' Moisés linilijmpa. Linaxque' Leví y lan xanuc' no'najtsi'impola' apimaye. Anuli łitatahuelo, itque Abraham. ⁶ Melquisedec y linaxque' Leví a'i capimaye. Tama ituca' liraza Melquisedec, Abraham epi'ipa locuaiya quimane. Melquisedec ipaxnepa Abraham, małque Abraham pe joupá epenufpá lataiqui' licupa ÆanDios. ⁷ Tołta'a ałsinyi Melquisedec xonca acueca' xans. Tołhiya ipaxnepa Abraham. Cal xans xonca acueca' tipaxne'ma locuena pe aijcueca'. ⁸ Jifa'a li'a łamats' petsi napenufpá locuaiya quilmene ma' axanuc' nomayacola'. Al Paxi Linilijngiya lonescopa Melquisedec tuya'e': “Itque ti'hua timaf'i”. ⁹ A'i ma le'a Abraham nepi'ipa Melquisedec locuaiya quimane, jouc'a Leví epi'ipa. Małque Leví łapenufya locuaiya quimane lapi'iyacu lipimaye. ¹⁰ Litine litalecuf'mołtsi Abraham y Melquisedec tama aiquipanga Leví tocomma to tipa'a jilpe. Abraham ti'i'ma itatahuelo Leví, itaic' cal fanu'.

¹¹ Aarón y lif'as ca'aillí, itne ixanuc' Leví, acueca' liłpenic'. Itne ja'ni tołta'a aimi'eyacu canic', liłpimaye aimi'iya mihuejcoyacu litaiqui' Moisés, ite locuxepa ÆanDios. Tama juaiconapa ac'a liłpenic', tołta'a aimi'iya mixhuai'niyacu nulemma jahuay lixplic'epa ÆanDios. Ja'ni ti'i'ma tixhuai'ni'me nulemma, łte quipicuicoya ti'ila' ocuena ca'Ailli' ło'onłcoya to Melquisedec a'i to Aarón? ¹² Æinca, ja'ni tiłonc'e'em'mola' liłmane lixanuc' Leví, itne no'epá canic' a'aillí, liłf'as xanuc' aimi'iya mihuejyacu to li'ipa litaiqui' Moisés locuxepa, ticuicomma tipai'inle. ¹³ Lataiqui' loya'apa: “Ima' ma'Ailli' to Melquisedec”, ite lataiqui' aiminescojma anuli cal xans i'hua Leví. Tinescojma anuli petsi ni anuli quipima qui'aic' canic' a'ailli'. ¹⁴ Tinescojma łatPoujna. Itque lipajnta li'a łamats' łitatahuelo Judá, a'i Leví. Tołta'a jahuay iłsina'. Moisés aiquicuxe, aimi'eyi lanic' to a'aillí linaxque' Judá.

¹⁵ Xonca acuajmaica ałsinyi ti'i'ma ituca' lalanant'hiyacu licuxepa Moisés. Itsiya ti'ay lanic' a'ailli' itque ło'onłcospa to Melquisedec, a'i to Aarón. ¹⁶ Itque a'Ailli', a'i pe lifajcompa cal xans lihuequi licuxe'empa. Itque ti'hua imaf'i', lipitine aimijouya. Tołhiya ifaquimpa a'Ailli'. ¹⁷ Ma ÆanDios tuya'e' ti'hua imaf'i', ticua:

Ima' ma'Ailli', ti'onłcospo' to Melquisedec, jouc'alemma i'ipo' a'Ailli'.

¹⁸⁻¹⁹ Lataiqui' locuxepa ate'a tuya'e': “Ti'itsola' a'aillí linaxque' Leví”. Petsi naihuejpá ite lataiqui' itne aimi'iya mixhuai'niyacu nulemma lixplic'epa ÆanDios. Itte lataiqui' ailopa'a quipuifxi, aimi'iya mi'eya canic'. Tołhiya iłojn-napa. Lijou'ma ÆanDios icupa cataiqui' ticuaihuo ła'Ailli', itque xonca' ac'a lanic' lo'eya. Ja'ni ał'huaijinyi itque ałinca li—loc'olaiyi ÆanDios.

²⁰ Locuenaye la'aillí, iñe ixanuc' Leví, lepenufpa liñpenic' ailopa'a ni'epa jurar. Jesús ituca' i'ipa. ²¹ Lepenufpa lipenic' ÑanDios i'epa jurar, timi: Iya' NanDios, aicupa cataiqui', aicapai'ya laipicuejma'.

Camihuo': "Ima' ma'Ailli', ti'onłcospo' to Melquisedec, jouc'alemma i'ipo' a'Ailli'".

²² He li'epa jurar ÑanDios timuqui xonca ac'a lataiqui' ÑanDios lopo'no'iyacola' lixanuc'. Ifac'epa Jesús lala'Ailli' ti'ila' calsina' ÑanDios tenant'li'ma iñe litaiqui'.

²³ Lifaquimpola' lixanuc' Leví ti'etsa lanic' a'aillí, iñe li'ipola' axpela'. Timala' anuli titsufaitsi locuena ti'etsa lanic'. Toliya ticuicomma axpela'.

²⁴ Jesús aimimaya. Ti'hua imaf'i'. Iñque lipenic' ocuena aimi'eya. Mañque Jesús a'Ailli' jouc'alemma. ²⁵ Tołta'a tunñu'e'mola' nulemma naimetsaicopá ile'Ailli', mi'huayijnyi tiłoc'olaiyi ÑanDios. Iñque Jesús ñile'Ailli' ti'hua imaf'i', ti'hua tixa'hue ÑanDios titoc'itsola' lixanuc'.

²⁶ Illanc' ninc'ixanuc' ticuicomma tołta'a lañCuecaj ca'Ailli'. Iñque linca ihuejco'ma ÑanDios, aiqui'aic' quixcay, ailopa'a quijunac'. Itsiya a'i mipa'a petsi lan xanuc' no'epá quixcay, joupa enaquiya. Joupa if'ac'empa xonca al toncay lema'a. ²⁷ Locuenaye lan tsila' ca'aillí ticuicomma ate'a tiñonc'e'entsola' iñniya liñjunac'. Tijouñta', tiñonc'e'e'me liñjunac' lan xanuc'. Itine itine titsufcoyi ÑanDios. LañCuecaj ca'Ailli' a'i, iñque anulemma itsufcopoxi ÑanDios, tołta'a iñonc'e'enapola' nulemma liñjunac' lixanuc'. ²⁸ Litaiqui' Moisés locuxepa ticuxe tific'entsola' lan tsila' ca'aillí ma le'a axanuc' pe naimenajpola', tima'mola'. Tołta'a li'ipa ate'a. Lijou'ma ÑanDios i'epa jurar, ifajpa ocuena ca'Ailli', iñque ma li'Hua. Mipa'a fa'a li'a lamats' ixhuai'nipa nulemma lipenic'. Tołta'a limetsaicopa ÑanDios, ilaitsufconghua nulemma jiñpe lema'a.

8

¹ He lañespa xonca tipalaijma lañCueca' ca'Ailli', tuya'e' te ts'i'ic' iñque. Joupa if'ajnapa lema'a icutshuaipa al c'a camane ÑanDios, iñque cal Cueca' CanDios Nopa'a lema'a. ² Itsufainapa mañpe pe lopa'a ÑanDios, jiñpe xonca al paxi. Jiñpe ti'ay canic' a'Ailli'. Lejut'ł a'i lajut'ł lilanc'ecompa ijahua', lipo'nopa anuli cal xans. A'i. Lejut'ł jiñpiya mane ejut'ł ÑanDios. Iñque lipo'nopa.

³ Fa'a li'a lamats' lifaquimpa cal Cueca' ca'Ailli' iñque titsufco'ma ÑanDios, tima'a'mola' linneja, titsufco'mola'. Tołta'a lipenic'. Cristo, ja'ni ti'ila' cal Cueca' ca'Ailli' ticuicomma cołta' titsufco'ma jouc'a. ⁴ Linca, ja'ni cołta' tipa'a fa'a li'a lamats', iñque a'i ca'ailli'. Fa'a timana' la'aillí titsufcoyi ÑanDios, tihuejcoyi locuxepa Moisés. ⁵ Jiñpe lo'eyopa canic' iñniya a'i mañpe copanc'epa ÑanDios. He lilejut'ł ma le'a ti'onłcospa to lopanc'epa ÑanDios. Ti'onłcospa to lipunxahua lejut'ł ÑanDios. Toliya, litine lolanc'eya Moisés lajut'ł lolanc'ecoya ijahua', ÑanDios timi:

Iya' joupa ai'onłcicopa lainejut'ł, aimuc'ipo' jiñpe liñjuala.

Ma tołta'a tolanc'e'ma, jahuy anuli.

⁶ Illanc' lañCueca' ca'Ailli' xonca ac'a lipenic'. Iñque ałcuai'esponga' lataiqui' xonca ac'a, iñe al ts'e cataiqui' ÑanDios lañpo'no'iponga' illanc' ixanuc'. He lataiqui' tipalaijma lalapi'iyaconga' ÑanDios, iñe xonca al c'a.

⁷ Li'ipa, lixanuc' ÑanDios ihuej'me lataiqui' lipo'no'ipola' ate'a. Ja'ni tołta'a tixhuai'ni'me jahuy lixplic'epa ÑanDios cołta' aimañpo'no'iyaconga' ocuena cataiqui'. ⁸ Linca, aimixhuai'niyacuc tołta'a. Ma ÑanDios timuqui tehue'e' iñe al te'a cataiqui', iñe lipo'no'ipola' lixanuc', toliya ticua:

Iya' NanDios, NaPoujna, cacua:

Ticuaihuo litine capo'no'icona'mola' cataiqui' laixanuc', iñe al ts'e cataiqui'.

Iñe laixanuc' ixanuc' Judá, jouc'a ixanuc' Israel.

9 He al ts'e cataiqui' laifpo'no'iyacola' a'i male lataiqui' laipo'no'ipola' litatahueló

ile litine ainexat'le'epola' lilmane, ainipa'apola' jilpe lamats' Egipto.

Ihne aiqul'aic' laicuxe'epola' etets'ipá laitaiqui' laipo'no'ipola', toliya neca'nicopola'.

10-12 Tijoula' capenufcona'mola', capo'no'icona'mola' cataiqui' ihniya ixanuc' Israel.

Iya' NanDios, iya' NaPoujna,

jilpe lilpicuejma' capo'no'i'mola' laitaiqui' laifcuxe'epola',

quini'e'mola' jilpe lilunxajma',

ihniya nulemma limetsaico'ma iya' ilenDios, iya' quimetsaico'mola' aixanuc'.

Jilpe litine lipi'ya' xanuc' o lipimaye, aimiminyacola': "Ima' taimetsaico'la' LanDios".

Jahuay ihne limetsaicona'ma.

Ti'ila' xonca aca'hua o ti'ila' xonca acueca', jahuay limetsaicona'ma.

Tama aiqulihuequi laitaiqui' ile laicuxe'epola', caxim'mola' acuanuc'la,

aica'nujuaisconaya li'epa quixcay, ni anuli.

To'la'a laitaiqui' capo'no'i'mola' laixanuc'.

13 He linespa LanDios: "Capo'no'i'mola' al ts'e cataiqui'", timuqui joupa i'ipa cafane al te'a cataiqui' lipo'no'ipola'. He li'ipa cafane, aimi'econaya canic', aimipanehuo.

9

1 Al te'a cataiqui' lipo'no'ipola' LanDios lixanuc' ile lataiqui' icuxe'mola' la'ailli. Tu'ila' lo'eyacu mi'eyi lanic' lepi'ipola' LanDios. Ihne la'ailli i'e'me lanic' jilpe lajut'l ilanc'ecompa ijahua'. 2 He lajut'l lexpats'qui tijuynya licortina. Lehuoc'ocojma ile al cortina tipa'a lacui'impá "al Paxi Cajut'l". Jilpe tipa'a al candelero acaitsi lipepalc'o'. Jouc'a tipa'a al mesa, jilpe tipo'nof'ya la'i i'huexi LanDios. 3 Lixpula' al cortina tipa'a ocuena cajut'l ile lacui'impá "Xonca al Paxi Cajut'l". 4 Lajut'l tipa'a lopi'eyompa incienso, lilanc'ecompa a'oro. Jouc'a tipa'a licaxax, lilanc'ecompa a'ec ijui'icoya a'oro. He al caxax lecu'impá "Licaxax litaiqui' LanDios lipo'no'ipola' lixanuc'". Jilpe al caxax tipa'a lapixu lilanc'ecompa a'oro. Jilpe lapixu ti'nico al maná. Jouc'a jilpe al caxax tipa'a lif'ix'ec Aarón, ile lenef'pa quipela. Jouc'a tilmana' lapic' linilingiya litaiqui' LanDios lipo'no'ipola' lixanuc'. 5 Al caxax ipo'nof'impá laxma lecu'impá "Petsi LanDios tixinnila' acuanuc'la lixanuc'". Jilpe, iju' iju', tecaxolanna oquexi' lan querubine lilanc'ecompa' a'oro. Ihne hixala' tunxahue'eyi laxma. Nolojmay ihniya imuj'moxi LanDios. Limuj'moxi ti'on'cospa to lummahuay tepalc'o'i'juaiconapa. Itsiya aimi'iya ma'palaiconayacu ihna'a lopa'a jilpe lajut'l. He lajut'l xonca al Paxi Cajut'l.

6 Jilpe al Paxi Cajut'l lijoupa lilajmpa jahuay, itine itine titsulfo'layi la'ailli, ti'eyi lanic' lepi'ipola' LanDios. 7 Lixpula' al cortina, jilpe lajut'l xonca al Paxi, titsufai'ma quituca' cal cueca' ca'ailli'. A'i itine itine mitsufaiya jilpe cal cueca' ca'ailli', ma le'a anulemma amats' amats' titsufai'ma. Itaic' lijuats' quinneja titsufco'ma LanDios. To'la'a LanDios timenc'e'eco'ma limenajpa cal cuecaj ca'ailli', jouc'a timenc'e'eco'mola' laimenajpola' lipimaye. 8 Ma mi'ay to'la'a cal Espíritu Santo tuya'e': "Ma mipa'a ile al te'a cajut'l lopa'a lehuoc'ocojma al cortina, LanDios aimu'ila' acuajmaica te ts'i'ic' micuaiyacu jilpe lajut'l xonca al Paxi, ma pe lopa'a LanDios". 9 He lo'epa luyaipa quitine ma le'a ti'on'cospa to lo'eya LanDios, ile la'simpa itsiya. Ihne notaipá lotsufcoyacu, ja'ni inneja loma'anyacola', ja'ni ocuenaye lotsufconyacu, tijoula' titsufcotsa ti'hua tixhue'coyi. Ihne lotsufcopá aimi'iya mipac'e'eyacola' lilpicuejma'. 10 Ihne

ma le'a tenant'hiyi, ti'eyi cuenna te ts'i'ic' lotejacu, loxnayacu. Tepo'iyoltsi to lu'ipola' LanDios, tijoula' ixim'moltsi alimpio ma le'a jilpe litcuerpo, litpicuejma' a'i. Tohta'a lihuej'me mi'huaicoyi LanDios tipo'no'itsola' al Ts'e Cataiqui', tipai'ila' jahuay.

¹¹ Itsiya joupá i'ipa. LanDios ipo'no'ipola' lixanuc' al Ts'e Cataiqui'. Cristo joupá imujpoxi laCuecaj ca'Ailli', ilque lapi'i'monga' xonca' al c'a.

La'aillí no'epá lanic' fa'a li'a lamats', li'ipa tipa'a lilejut'í lilanc'ecompa ijahua'. LaCuecaj ca'Ailli' xonca ac'a lejut'í. Xonca ixhueya. Ilque lejut'í aiqumanc'e lan xanuc', aimi'onlcospa to lopa'a fa'a li'a lamats'. ¹² Litsufcompa ilque jouc'a ituca'. Locuenaye lan tsila' ca'aillí, litsufilaipa lajut'í xonca al Paxi, itaic' lijuats' quinneja, ilne achivo jouc'a anaxque huacax. LaCuecaj ca'Ailli' a'i. Ituca' litaic' ilque. Itaic' ma lijuats', tohta'a itsufainapa nulemma lajut'í xonca al Paxi, ilne lopa'a lema'a. Tohiya LanDios imetsaicopa joupá i'najtsepa lajunac', aimi'ya malacani'eyacongá'. ¹³ Luyaipa quitine tijuitsafinnila' lijuats' lan toro, lan chivo. Jouc'a tijuitsafinnila' laja', ilne ilanc'ecompa lepi la'hua huacax caca'no' lijoupá litsufcompa LanDios, hipi'empa. Lijoupá li'empola' tohta'a ilne lan xanuc' ixim'mola' alimpio jilpe litcuerpo. ¹⁴ Linca itsiya lijuats' Cristo xonca acueca' lo'epa. Ilque aimi'onlcospa to ilne linneja litsufcompola'. Cristo aimijaf'que lipitine, aimi'ya mima'anyacu nulemma. Maque quituca' jilpe lipicuejma' ixpic'epa titsufcoxoxi. Lijoupá itsufcopoxi.

LanDios joupá inespá: “Laitsufcoya ti'ila' ac'a quinneja petsi a'i quicuana, nij tintsí qui'ic'”. Ma tohta'a Cristo. Pangay ac'a lipicuejma'. Lijuats' latufc'enga' lapicuejma'. Li'ipa alsueicoyi, alcuayi: “¿Te lacani'e'monga' LanDios?” Itsiya a'i. Itsiya to e'aillí LanDios al'e'me lanic' lalapi'iponga' LanDios, ilque limaf'i' CanDios.

¹⁵ Cristo, lijoupá litsufcopoxi LanDios, itsufaipa lajut'í xonca al Paxi, lopa'a lema'a. Tohta'a ilque alCuecaj ca'Ailli', alcuai'esponga' LanDios, illanc' pe nalapen-ufpá al Ts'e Cataiqui'. Ilne lataiqui' alpo'no'iponga' illanc' ixanuc' LanDios.

Litsufcopoxi Cristo jouc'a i'najtsepa lajunac' petsi aiqumanc' licuxe'epola' LanDios. Aiqumanc' loya'apa jilpe al te'a cataiqui' lipo'no'ipola' lixanuc'.

Tijoula' jahuay lijoc'ipola' LanDios tepi'i'mola' to joupá limipola'. Maque LanDios tilaitsufcotola' nulemma. ¹⁶ Petsi lan xanuc' inefocopá ticuicomma tima'ante linneja titsufcote LanDios. ¹⁷ Ja'ni tima'ante linneja tipanecohuo lataiqui'. Ma quimaf'i' linneja loma'anyacu nipajnya tipai'i'me lataiqui'. Ja'ni joupá ima'ampá linneja aimi'ya mipai'inyacu lataiqui'. Joupá ifayipa.

¹⁸ Tohta'a mi'enni lepenufim'me al te'a cataiqui' lipo'no'ma LanDios. Lan xanuc' ima'a'me linneja, ixcuajaiquenni lijuats'. ¹⁹ Ate'a Moisés u'i'mola' ataiqui' ataiqui' te lixic'epa LanDios lo'eyacu. Lijou'ma i'no'ima cal orégano, ifi'icoya unxali cocui lana. Lijuats' lanaxque' huacax y lan chivó lima'ampola' lohuants'ipa aja' ijac'eco'ma cal orégano. Lijou'ma ijuitsijm'ma al je'e lainijnya litaiqui' LanDios lipo'no'ipola' lixanuc'. Ijuitsijm'mola' jouc'a lan xanuc', jahuay ilniya. ²⁰ Mi'ay tohta'a timila': “Ita'a lajuats' tifyi'ma litaiqui' LanDios lipo'no'ipolhuo”. ²¹ Jouc'a ijuitsijm'ma lajut'í lilanc'ecompa ijahua' y jahuay lo'nico jilpiya, ilniya loxhuicoyacu la'aillí no'epá lipenic' LanDios. ²² Jilpe litaiqui' Moisés locuxepa tocomma jahuay tijuitsijnle cajuats'. Ja'ni a'i, aimi'ya mimenc'e'econyacola' lan xanuc' li'epa.

²³ Ima'a'me linneja la'aillí, itsufco'me lijuats', tohta'a i'i'ma limpio ilniya lilanc'epa lan xanuc'. Jahuay ilne lilanc'epa lan xanuc' ma le'a timuqui te ts'i'ic' lopa'a lema'a. Lopa'a jilpe ticuicomma ituca' lotsufcoya, ilne xonca al c'a.

²⁴ Tohiya Cristo aiqumanc' al Paxi Cajut'í lilanc'epa lan xanuc'. Jilpe lajut'í mipa'a li'a lamats' ma le'a ti'onlcospa to lajut'í lopa'a lema'a. Cristo itsufaipa

ma pe lopa'a ÑanDios. Jilpiya tipa'a itsiya. Timujyoxi cal Cuecaj ca'Ailli'. Ti'hua tixa'hue ÑanDios altoc'itsonga'.

²⁵ Lijoupa litsufaipa jilpiya Cristo aimitsufcoconyacoxti. Fa'a li'a lamats' cal cuecaj ca'ailli' amats' amats' ti'hua titsufay lajut'i xonca al Paxi. Itaic' lijjuats' quinnejá a'i ma quituca' lijuats'. ²⁶ Ja'ni cola' tohta'a li'epa Cristo cola' ti'i'ma axpe' mitsufcoyacoxti. Lipangopa li'a lamats' cola' jouc'a tipangoco'ma iñe lotelcoya Cristo, itsiya cola' ti'hua titelma. A'i tohta'a li'ipa.

Iña'a lijoucola' quitiné Cristo imuj'moxi fa'a li'a lamats'. Itsufcopoxi ÑanDios, liñonc'e'eponga' lañjunac'. Tohta'a li'epa anulemma. Aimi'econaya. ²⁷ ÑanDios joupa ixpic'epa lo'iyacola' lan xanuc'. Ixplic'epa tima'mola' anulemma, ti-joula' mañque ÑanDios cal Juez tu'itola' te ts'i'ic' muyalaicoyacu. ²⁸ Jouc'a Cristo imapa anulemma, itsufcopoxi ÑanDios, itaipa liñjunac' axpela' lan xanuc'. Litine timujcona'xoxi aimitaiconaya lañjunac'. Joupa i'epa tohta'a. Iñe litine tunhu'e'mola' lixanuc', iñe ti'huaicoyi ticuaicocono.

10

¹ Litaiqui' Moisés locuxepa a'i cuajmaica muya'e' te ts'i'ic' xonca al c'a lapi'iyacola' ÑanDios lixanuc'. Jilpe lañsimpa tocomma to ipunxahua. Mihuejcoyi iñe litaiqui' lan xanuc' aimi'ia minesyacu: “Joupa ainenant'lipa lixplic'epa ÑanDios”. Amats' amats' ti'hua titsufcoyi ma' anuli. ² Iñe not-sufcopá ja'ni nulemma enant'lipá, ¿te ti'hua titsufco'me? A'i. Ja'ni ixingufcopá joupa iñonc'e'enapola' nulemma liñjunac', ja'ni joupa i'ipola' limpio, aimitsufconayacu. ³ Iñsina' aiqñiñonc'e'enila' nulemma liñjunac'. Amats' amats' ti'nujuaisyi li'epa lixcay. Amats' amats' tima'annila' linneja. ⁴ Lijjuats' linneja lima'ampola', iñe lan toro y lan chivo, aimiñonc'e'eyacola' nulemma liñjunac' lan xanuc'. Aimi'ia. ⁵ Toñiya licuai'ma fa'a li'a lamats' Jesucristo timi qui'Ailli': Aicañcuxe'e catsufcoyaco' linneja lima'ampola', ni locuena cañtsufcoyaco'.

Lapi'ipa iya' laicuerpo catsufco'moxi.

⁶ Iñe petsi noxingufcopá liñjunac', ja'ni titsufcoyi linneja lima'ampola' lopi'empola', o ja'ni titsufcoyi lijjuats' linneja, ima' aiqñetenñcocohuo' nulemma iña'a lotsufcopo'.

⁷ Iya' lainepenufpa laicuerpo aimipo':

“Ne', fa'a capa'a.

Jilpe al je'e linñiya añpalaijma iya' laif'eya, tohta'a ca'e'ma.

Aicuaicoco'ma ca'eñá lofxcpic'epa ima' manDios.”

⁸ Cristo linespa tohta'a ate'a ticua: “Linneja lima'ampola' o locuena lañtsufcoyaco' a'i tohta'a cañcuxe'e. Jouc'a linneja lopi'empola' o lijjuats' linneja lotsufcopa iñe petsi loxingufcopa liñjunac', a'i tohta'a catsufcoyaco'. Aicañcuxe'e. Iña'a lotsufcopo' aiqñetenñcocohuo' nulemma.”

⁹ Ti'hua tipalaic'o ÑanDios timi: “Aicuaicoco'ma ca'eñá lofxcpic'epa”. Cristo minesqui tohta'a ipo'nopa iju' iñe al te'a litaiqui', iñe locuxe'epola' lan xanuc' titsufcoñe ÑanDios. Locuena litaiqui' loya'apa: “Aicuaicoco'ma ca'eñá lofxcpic'epa”, iñe linca joupa ifayipa. ¹⁰ ÑanDios ixpic'epa añ'itsonga' ma i'huexi iñque. Tohta'a añ'e'eponga' Cristo litine licupa licuerpo, itsufcopoxi nulemma.

¹¹ Locuena ca'ailli' itine itine ti'eyi laniñ' lepi'ipola' ÑanDios. Titsufcoyi linneja ma to licuxe'epola' titsufcoñe. Iña'a lotsufcopa aimi'ia miñonc'e'eyacola' liñjunac' lan xanuc'. ¹² Ituca' li'epa lañCuecaj ca'Ailli'. Iñque itsufcopoxi ma le'a anulemma. Tohta'a iñojmpa nulemma lañjunac'. Lijou'ma icuñsingai'ma al c'a camane ÑanDios. ¹³ Micutsu jilpe al c'a camane ÑanDios i'huaijma ticuañsi litine ticuec'eñe naixtuc'opá. I'huaijma timetsaicoñe Incuxepa.

14 Aimitsufconayacoxi. Joupa itsufcopoxi nulemma. Lixanuc' joupa i'e'epola' i'huexi ÆanDios. Ti'hua tilanc'e'ela' lihpicejma'.

15 Cal Espíritu Santo jouc'a lu'inga' toŧta'a. Ate'a ticua:

16 Tijouŧa' capenufcona'mola' capo'no'icona'mola' cataiqui'.

Jilpe lilunxajma' capo'no'i'mola' laitaiqui' laifcuxe'epola'.

Quiniŧ'e'mola' jilpe lihpicejma'.

17 Lijou'ma ticua:

Lixcay li'epa petsi aiqulihuequi laitaiqui' laifcuxe'epola' aica'nujuaisconaya, quimenc'eco'ma nulemma.

18 Petsi joupa limenc'e'ecopola' lixcay li'epa, iŧne aimitsufconayacu. Joupa iŧojm-napa liŧjunac'.

19 Unc'aipimaye, itsiya aimatsueŧmot'ŧeconayi. Jesús joupa itsufcopoxi ÆanDios, itsufcopa lijuats'. Totiya tixoquei calata ti'i'ma aŧsuflai'me jilpe Xonca al Paxi pe lopa'a ÆanDios, aŧpalaic'o'me iŧque. 20 Laŧpene itsiya ituca', imaf'i'. Cristo litsufcopoxi licuerpo, ÆanDios exi'epa nulemma laŧsuflaicoyacu jilpe Xonca al Paxi. Lijahua' lojujnya joupa iŧojm-napa.

21 Illanc' ixanuc' ÆanDios juaiconapa acueca' ŧala'Ailli'. 22 Totiya aimatsim'me calaic'ata, tixojma calata laxc'onŧingolai'me ÆanDios. Joupa aŧjuitsijmponga' illanc' laŧpicuejma', aimatsueŧmot'ŧecoyacu laŧjunac', joupa iŧojmpa. Laŧcuerpo lapo'imponga' al c'a caja'. Itsiya a'i oquej laŧpicuejma'. Aŧsinyoŧsi ma latufnaponga'. Ti'i'ma aliŧoc'olai'me ÆanDios illanc' caltuca', aŧpalaic'o'me iŧque.

23 Joupa aluya'apá: Aŧ'huaiyijnyi ÆanDios, iŧque lunŧu'e'monga'. Aimaŧpai'i'moŧsi laŧpicuejma'. Ti'hua aŧ'huaiyijnle. Iŧque joupa icupa cataiqui', aimi'iya mipai'iya. Ma to linespa toŧta'a lo'eya. 24 Lahuele te co'iya maŧ'nujuaisyacola' xonca laŧpimaye, ti'ila' xonca axpe' laŧ'epa al c'a. 25 Iŧne lapimaye pe aimefot'ŧeconayoŧsi aimalihuej'me liŧ'ejma'. Laŧot'ŧe'moŧsi alixpi'i'mola' quileta laŧpimaye. Toŧsinyi ticuaihuo al Cuecaj Quitine, totiya xonca toŧpo'noŧe loŧpicuejma' tonŧ'ele toŧta'a.

26 Illanc' petsi joupa aŧsina' te ts'i'ic' al Linca Cataiqui', ja'ni xonca aŧpic'a al xujc'a cane, ja'ni ti'hua aŧ'econa'me lixcay, ticuaŧsi al Cuecaj Quitine aŧsim'moŧsi joupa lacaniponga'. Iŧe li'epa Cristo litsufcopoxi, aimaliŧonc'e'eyaconga' laŧjunac'. 27 Ma le'a aŧ'huaico'me lapi'intsonga' laŧjunac'. Acueca' caxpaiqui' iŧe laŧŧe'minyaconga'. Aŧsingufco'me to ŧunga lipoyac' ÆanDios. Ma to lojou'neyacola' naixtulepá, ma' anuli aŧjou'ne'monga' illanc' ja'ni aimalihuejcoyacu. 28 Li'ipa, cal xans netets'ipa litaiqui' Moisés, pe aiŧqui'aic' locuxe'epa, titeŧ'mim'me. Ti'ila' oquexi' afantsi joupa ixingopá liŧ'u' lixcay li'epa, tijouŧa' aimixininyacu cuanuc', titeŧ'minte. 29 Itsiya, ŧte aimiteŧ'minyacu xonca petsi netets'ipa Cristo, tocomma to i'huailletsufpa li'Hua ÆanDios? Jouc'a lijuats' Cristo etets'ipa, iximpa to ninaiŧsi cajuats'. Iŧe lijuats' Cristo lixcua-jaicopa tifayila' nulemma al Ts'e Cataiqui' lipo'no'ipola' ÆanDios lixanuc'. Maŧe lajuats' i'e'epa cal xans ma' i'huexi ÆanDios. Iŧque pe netets'ipa Cristo inesc'epa cataiqui' cal Espíritu Santo, iŧque Notoc'iyalepa. Linca xonca acueca' lo'iya iŧque cal xans. 30 Limetsaicoyi Nocuapa:

Ma' iya' icueya laimane ca'e'ma al ŧijca.

Iya' ca'najtse'e'mola' pe no'epá lixcay.

Jouc'a ticua:

ÆanDios copa'a iŧjuez lixanuc'.

31 Linca aimalulijyacu iŧque Limaf'i' CanDios. Acueca' axpaiqui' iŧque. Acueca' lo'eya.

32 Imanc' joupa oŧmujpoŧsi toŧ'huaiyijnyi Jesucristo. Aimolimenc'eco'me loluyalaicopa. Ti'hua toŧ'nujuaisle li'ipolhuo'. Iŧniya litiné ma quite' ÆanDios

epalc'o'ipolhuo'. Jilne litiné ołsnet'i'me al cueca' latełcoya. Aicołpai'i lołpicuejma'. ³³ Iłniya litiné tołtelcoyi mixoconnilhuo' loł'as xanuc', mi'ennilhuo' lixcay, mimiloquilhuo' cataiqui'. Jouc'a tołtelcoyi ma mitełcoyi tołna'a lołpimaye. ³⁴ Oł'e'e'mołtsi anuli lołpimaye litats'empola', jouc'a tołtelcoyi, tunlequi lołunxajma'. Mexic'elhuo' imanc' loł'huexi, tixoqui cunlata tolihuejyi Jesucristo. Aicolixtuc'ola'. Toł'nujuaisyi tipa'a loł'huexi xonca al c'a. Ite aimi'iya mexic'enyacolhuo'.

³⁵ Joup'a i'ipa cołsina' LanDios tepi'i'molhuo' xonca al c'a. Aimolatets'i'me. Ja'ni ti'hua toł'huaiyijnyi acueca' al c'a ti'najtse'e'molhuo'. ³⁶ Ne'. Ti'hua tołsnet'ł—le. Tołta'a tonł'e'me lixpice'epa LanDios. Tepi'i'molhuo' al c'a. Joup'a icupa cataiqui'. ³⁷ Jilpe al Paxi Linilngiya tuya'e':

Le'a huata tehue'e', ma icuaico'ma Nocuaicoya.

³⁸ Cal xans nał'huaiyijmpa tulijta lipitine aimijouya.

Aiximpa to ailopa'a quijunac', capenufi.

Ja'ni tipai'inla' lipicuejma' aimalatenłcoconaya.

³⁹ Linca, a'i tołta'a lał'ejma'. Aimalpailiconamma. Aimalacani'enyaconga'. Ti'hua ał'huaiyijm'me LanDios. Iłque lunł'u'e'monga'.

11

¹ Ja'ni ał'huaiyijnyi LanDios, łte ts'i'ic' lał'ejma'? Mał'huaiyijnyi tixoqui calata ał'huaicoyi LanDios lapi'itsonga' pe joup'a ałmiponga': "Capi'i'molhuo'". Aimalnesyi: "łAga lapi'i'monga' o aimalapi'iyaconga'?" Mał'huaiyijnyi tama axpe' aimi'iya małsinyacu, pe LanDios joup'a icuapa: "Tipa'a", ałsina' ma tipa'a. ² Tołta'a luyalaicopa lałtatahueló. Tołiya al Paxi Linilngiya tipalaicola', inescopola' al c'a.

³ Mał'huaiyijnyi LanDios ałsina' te ts'i'ic' li'ipa lilanc'epa lema'a, li'a łamats', jahuary lopa'a. Ai'a tilanc'e'ma LanDios lema'a y li'a łamats' aici'huáqui colanc'ecoya, ailopa'a. LanDios ma le'a icuxepa ti'ila'. Lijoupa, ma tołta'a li'ipa.

⁴ Abel mi'huaiyinge LanDios, litsufcopa ac'a itsufcopa. Całn, ipima Abel, LanDios aiqutenłcocojma litsufcopa. Mi'huaiyinge Abel, LanDios iximpa iłque ac'a xans, epenufpa litsufcopa. Mi'huaiyinge LanDios, ima'ampa. Tołiya tama joup'a imanapa tocomma to ti'hua tipalay.

⁵ Enoc mi'huaiyinge, LanDios iłonc'enapa fa'a li'a łamats'. Tołta'a aiqixina' lamaya. LanDios ilecona'ma, aiqixingona'me. Ałsina' Enoc i'huaiyijmpa LanDios. Al Paxi Linilngiya tuya'e': "Mipa'a li'a łamats' Enoc etenłcocoja LanDios". ⁶ Pesti aimi'huaiyijnyi, iłniya lił'ejma' aimetenłcocoja LanDios. Cal xans naxc'onłngaiya LanDios ticuicomma ti'ila' quixina' tipa'a LanDios. Jouc'a ti'ila' quixina' LanDios tepi'i'ma al c'a ja'ni tehueł'a'.

⁷ Noé mi'huaiyinge LanDios, ilanc'epa al arca. LanDios joup'a u'ipa Noé te ts'i'ic' lo'iya. Tama ailopa'a tintsi, Noé aiqetets'i limipa LanDios. Iłhuejcopa, ilanc'epa al arca, unł'u'epola' lixanuc'. Noé mi'ay tołta'a imuj'ma a'ijc'a liłpicuejma' locuenaye lan xanuc', iłne nomana' li'a łamats' iłniya litiné. LanDios imetsaicopa ti'huaiyinge Noé. Epenufpa to ailopa'a quijunac'.

⁸ Abraham mi'huaiyinge, iłhuejcopa licuxe'epa LanDios. Iłque ijoc'ipa Abraham tipanni, ti'huanla' locuena camats' tepi'ita. Ite łamats' Abraham aiqixina'. Ni aiqixina' pe lopa'a. Ma' ipanamma, i'huanapa. ⁹ Icuaitsi jilpe łamats' linescopa LanDios, aiqepenafi nulemma. Mi'huaiyinge ipajmpa jilpe to lin'huaya. Ipajmpa lejut'ł ilanc'ecompa ijahua'. Ma' anuli tołiya lipajmpa Isaac, iłque i'hua Abraham. Jouc'a ma' anuli lipajmpa Jacob i'hua Isaac. Iłniya i'huaico'me LanDios tepi'itsola' nulemma quilemats', ma to limipa quil'ailli'.

¹⁰ Mipa'a tołta'a Abraham ixnet'i'ma. I'huaijma ticuaitsi anuli liłya' xonca lifaiya łajut'hi. Jiłpe liłya' łajut'hi aimi'onłyacola' łajut'hi lilanc'ecompa ijahua'. Iłe liłya' ŁanDios ixpic'epa te ts'i'c' mi'ıya, iłque lilanc'epa.

¹¹ Sara mi'huaiyinge ŁanDios, epenufpa lipujfxi, i'ipa quinnay. ŁanDios joupa icuapa: “Sara tipo'no'ma qui'hua”. Ticua Sara: “ŁanDios aimifel'miyale. Linca ti'i'ma.” Tołta'a li'ipa. Tama joupa itojpa caca'no', Sara ipo'nopa hi'hua. ¹² Tołta'a anuli cal xans i'ipa quilitatahuelo axpela' lan xanuc'. Iłque tama tocomma to joupa imanapa iłepa hi'hua. Ijou'ma i'ipola' axpela' lixanuc'. Aimi'ıya mixhuej'meyacola'. Ti'onłcospola' to lan xamna nomana' lema'a, o cal cuixa łopa'a lema'caja.

¹³ Jahuay iłniya, litine lima'mola', ma ti'huaiyijnyi ŁanDios. Iłniya aiqiluliqui linescopa ŁanDios mimila': “Capi'i'molhuo”. Iłniya ma ti'onłcospola' to nahuejlojmpá. Iłne afule mixinyi al c'a łopa'a aculi'. Tixoqui quileta ticuayi: “Linca, ma tipa'a. Juaiconapa ac'a jiliya lalapi'ıyaconga'.” Ma mi'huaiyijnyi ŁanDios ticuayi: “Iłlanc', ma' aluyalaıcoyi fa'a li'a łamats'. Al'onłcosponga' to hi'huaya.” ¹⁴ Lonespa tołta'a alinca ti'huaiyijnyi ŁanDios. Acujmaıca timujyołtsi tıjanajyi ticuaitsa jiłpiya mane liłpiya'. ¹⁵ Iłne aimi'hua mi'nujuaisyi iłe łamats' lipalyonamma. Ja'ni coła' i'nujuais'me, ja'ni ixhuełco'me, ŁanDios coła' timuc'i'mola' te ts'i'ic' mi'eyacu mipailiyacu. ¹⁶ Iłne a'i tołta'a lił'ejma'. Tıjanajyi ticuaitsa pu'hua lema'a, petsi xonca al c'a. Tołıya ŁanDios aiqıetets'ila' iłne lixanuc'. Tixoqui queta tecui'ıyoxi: “Iya' NanDios, ilenDios iłniya laixanuc'”. Ma' iłque lilanc'e'epola' liłpiya' łopa'a pu'huanni.

¹⁷⁻¹⁸ Abraham mi'huaiyinge ŁanDios, ihuejcopa licuxe'epa litine lehuaıcopa. Tıtsufco'ma cal nuli hi'hua, iłque Isaac. Ai'a tipajnta Isaac ŁanDios joupa u'ıpa Abraham, timi: “Iłque lo'ıya lo'hua Isaac ti'i'ma quilitatahuelo lan xanuc' petsi laımetsaıconyacola' to loxanuc'”. Abraham, tama joupa i'epa hi'ca iłe limipa ŁanDios, aiqıucuanac'e hi'hua, iłque Isaac. Coła' łotsufcoya. ¹⁹ Ticua: “ŁanDios ti'i'ma timaf'i'ina'mola' limanapola'. Timaf'i'ina'ma łai'hua.” Ma mima'aya hi'hua, ŁanDios imuc'ıpa tipa'a jiłpe anuli cal moł. Iłque cal moł Abraham ima'apa, itsufcopa ŁanDios, a'i hi'hua. Tołıya Isaac ti'onłcospa to cal moł lima'apa qui'ailli'. Abraham lepenufnapa hi'hua iximpa to ŁanDios joupa imaf'i'ınapa. Tocomma i'ıpa to linespa Abraham.

²⁰ Isaac mi'huaiyinge ŁanDios, ipaxne'mola' linaxque', iłniya Jacob y Esaú. Ai' ma le'a ipaxne'mola', jouc'a u'i'mola' te ts'i'ic' lo'ıyacola'.

²¹ Jacob mi'huaiyinge ŁanDios, mima ipaxne'mola' loquexi' linieto, iłne linaxque' José. Mıpaxnela', iłe loya'apa, a'i lonespa quıtıca' lipıcuejma', tuya'e' ma lixpıc'epa ŁanDios. Mi'huaiyinge ŁanDios, ummejc'oyoxi lipaluc, ic'ommai'ma, tıx'najtsi'i ŁanDios.

²² José mi'huaiyinge ŁanDios, tıxhuainatsi lipitine, ipalaıc'o'mola' lipımaye, iłne jouc'a ixanuc' Israel. U'i'mola' te lo'ıyacola'. Tuya'e' tipalnacı jiłpe łamats' Egipto. İcuxe'e'mola' lo'e'eyacu lipıcal.

²³ Qui'ailli', qui'máma' Moısés, mi'huaiyijnyi ŁanDios aimıxpailıquıla'. Aiqıılıhuequi litaiqui' licuxe'eyalepa cal rey nocuxepa Egipto. Lıxim'me juaıconapa ac'a łahuac'hua, emi'me afane' mut'ła. Aimıma'am'me.

²⁴ Moısés mi'huaiyinge ŁanDios, lijoupa lıtojpa, aimımetsaıcoyoxi to inıeto cal rey Faraón. Aimıcuıa, tama itoc'epa hi'hua caca'no' cal rey. ²⁵ Ticua: “Ja'ni aimetenłcocoyı ŁanDios laıf'eya, tama cıyaıco'ma al c'a ma capa'a li'a łamats', iłe laıxojcopa neta, aimıcołya”. Tołıya ixpic'epa tıtełcoła' to lixanuc' ŁanDios mıtełcoyi. ²⁶ Tama cal rey Faraón, iłque nocuxepa Egipto, acueca' al c'a lapi'ıya Moısés, iłque aiqıucıac'. İxına' xonca ac'a loyaıcoya ja'ni lan xanuc' tetets'iłe.

Xonca ipic'a ti'huaicola' LanDios ti'najtse'ela'. Mitełcoyi tołta'a lixanuc' LanDios ma' anuli Cristo titełcoyi, iłque hi'Huij'epa LanDios.

²⁷ Mi'huaiyinge LanDios, Moisés ipanni jilpe łamats' Egipto. Aimixpaic'e lipoyac' cal rey. Tama aici'huáqui LanDios, tocomma to Moisés tehue-longe. Toliya ixnet'ł' ma jahuay. ²⁸ Mi'huaiyinge LanDios, icuxe'epola' lixanuc' tima'ante lam mot'ł, tijuitsijnle lajuats' liłpuerta. Tołta'a tuyaicola' łapaluc quema'a, noma'ayacola' lan tet'ła lanaxque' camijcanó, iłne lun Egipto. Ailopa'a co'e'eyacola' lixanuc' Moisés. ²⁹ Moisés jouc'a lixanuc', mi'huaiyijnyi LanDios jilpe Lunxali Caja, etełnuf'moxi łaja i'ł' ma lane, uyalaico'me nolojmay. Icuaitsa lan xanuc' egipcio, jouc'a itsulfołai'me iłpic'a tuyalaite jilpiya. Aiqui'ic'. Łaja inutse'mola', unxalac'mola'.

³⁰ Lan xanuc' Israel mi'huaiyijnyi LanDios, acaitsi quitine ipaiyummi' me liłya' Jericó. Jilpe lixpula' leti'icoya quiłya' ipaiyummi' me. Tijoułta' acamts'us quitine, lihuequi litine ecangenni leti'icoya liłya'.

³¹ Rahab, łaca'no' łitepa licuerpo, mi'huaiyinge LanDios epenufpola' loquexi' lan xanuc', iłniya nicuaicota tehuelojm'me łamats'. Toliya unłu'ma łaca'no'. Lun Israel litsufłai'me Jericó ima'a'me lan xanuc' nomana' jilpiya, iłne petsi aiquilhuequi LanDios. Rahab aiquima'a'me.

³² Itsiya, łte xonca caifnesya? Mi'huaiyijnyi LanDios jouc'a i'e'me al cueca' iłne Gedeón, Barac, Sansón, Jefte, David, Samuel jouc'a lam profeta. Aimi'ommaispa capalaicoyacola' li'epa anuli anuli iłniya. Axpe' alcol'ma. ³³ Locuenaye, mi'huaiyijnyi LanDios tulijyi lan tsilaj quincuxepá jouc'a liłxanuc'. Locuenaye ticuxeyaleyi łijca. Locuenaye epenuf'me iłte al c'a limipola' LanDios lapi'iyacola'. Locuenaye mimana' nolojmay lanx-muhua ti'huaiyijnyi LanDios, tołta'a ailopa'a qui'e'e'mola'. ³⁴ Locuenaye, mi'huaiyijnyi LanDios ipac'e'me lipoyac' łunga. Ailopa'a qui'e'e'mola' iłte łunga. Locuenaye unłul'me, aimima'acom'mola' acutsilo. Locuenaye, joupa itafquemmola' epenufcona'me liłpujfxi. Locuenaye, acueca' li'epa mifuleyi naixtulepá. Locuenaye, ihuescufi'me lan xanuc' nofulepá, iłne ocuena quilraza.

³⁵ Laca'no' mi'huaiyijnyi LanDios, iłne liłxanuc' limapola', epenufna'me joupa imaf'i'ınapola'. Locuenaye ixnet'ł'me miteł'minnila' juaiconapa, ima'am'mola'. Aicunłu'eyołtsi, aiquilcuac'. Iłpic'a tulijnatsa lapajnya xonca al c'a, timaf'i'ınatsola' LanDios Locuaicoya Litine. ³⁶ Locuenaye, itełco'me mitalunts'ennila' o muntafquim'mola' o mifi'econnila' acadena, itats'em'mola'. ³⁷ Locuenaye ima'acom'mola' apic', ehuiyim'mola'. Ma quimaf'ila' etequim'mola' onłca liłcuerpo, ima'acom'mola' acutsilo.

Locuenaye, mi'huaiyijnyi LanDios tiyelocoyi iłtatsma lipixmi' moł o lipixmi chivo. Acueca' lahue'epola', titełcoyi, juaiconapa acuanuc'la. ³⁸ Iłniya xonca lan c'a xanuc'. Toliya liłf'as xanuc' aimi'ıya mimetsaicoyacola', etets'im'mola'. Iłne, ma mi'huaiyijnyi LanDios, inulnapá, tiyelocoyi petsi ailopa'a quiłya'. Jouc'a tiyelocoyi lijualay. Tiłmana' łunts'ęja' o lipihuo camats'.

³⁹ Jahuay iłniya, tama LanDios imetsaico'mola' ti'huaiyijnyi, aiquiluliqui linescopa LanDios, iłte lapi'iyacola' lixanuc'. Ni aiquilłsina' te ts'i'ic'. ⁴⁰ LanDios joupa iłpic'epa luyalaico'me xonca al c'a illanc'. Iłpic'epa ti'ıta' calłsina' te ts'i'ic' lapi'iyacola' lixanuc'. Li'ıpa, iłniya aiquilłsina'. Ti'hua mehue'ela' mi'huaicoyi al'huaiyijnle illanc'.

12

¹ Iłne lałpimaye joupa imuj'mołtsi ni'huaiyijmpá LanDios. Tama joupa iyenapá timana' anujnca, canumicay pe lałmana' illanc', lahuelonginga'.

Axpela' ihniya. Itsiya, ¿te co'iyá? Ticuicomma alpo'note la'picuejma' luliya i'le lalapi'inyacongá'. Al'itsongá' to i'ne lainulpá. I'ne lic' tinul'me, aimitaiyacuj cumta copa'neyacola'. Jouc'a illanc', laca'ni'me la'pa'neyaconga', aimal'ihuej'me al xujc'a lopa'a la'picuejma', al'snet'l'me jahuay la'iyaconga'. ² Ti'hua al'nujuaitsa Jesús li'ejma'. Ma'que Jesús al'muc'iponga' te ts'i'ic' ma'l'huaiyijnyacu LanDios. I'que nulemma i'huaiyijmpa LanDios, ai'quipai'i lipicuejma'. I'que al'toc'i'monga' ti'hua al'huaiyijne, tijou'la' LanDios al'un'u'e'monga'. Jesús i'nujuaitsi lo'iyá jil'pe lema'a. Toliya ma ite'copa lepa'ts'ingimpa lancruz. Tama iximpá to lixcay xans ai'quixim'moxi acuanuc'. Ticua: "Jipu'hua lema'a tixoj'ma neta cuyaicota". Itsiya joupá ulijpa. Ticutsuya al c'a camane LanDios cal Cuecaj Quincuxepa.

³ Camilhuo': To'l'nujuaitsa Jesús te ts'i'ic' luyaicopa, lile'copa. To'l'nujuaisle lixnet'ipa ma mi'e'eyi acueca' quixcay ihniya lan xanuc' pe aimihuejcoyi LanDios. To'ta'a aimixojyacolhuo', ti'hua to'l'huaiyijm'me. ⁴ Imanc' lolipa'apa cafxi tolulijle al xujc'a, ¿te ol'scuajaipa lo'juats'? A'i to'ta'a qui'ilhuo'. ⁵ Tocomma joupá olimenc'ecopa loya'apa al Paxi Linihingiya. Jil'pe LanDios tixc'ai'ilhuo'. To'ta'a la'ailli' mixc'ai'i'mola' linaxque'. LanDios ticua:

Mai'hua, topo'no'la' lopicuejma' tapenufla' laifmuc'ipo' iya' oPoujna. Ja'ni cu'itso', aimitafqueco'.

⁶ Petsi laif'epola' capic'a camuc'i'mola' to'ta'a iya' il'Poujna.

Petsi lainimetsaicopola' ainaxque' cate'l'mila'.

⁷ LanDios aimixtuc'olhuo'. To'l'snet'He lo'ipolhuo'. Ma to la'ailli' timuc'ila' linaxque' to'ta'a timuc'ilhuo' LanDios. ⁸ Jahuay linaxque' LanDios timuc'ila', tite'l'mila'. Ja'ni aimol'xingufcoyi to'ta'a mimuc'ilhuo' LanDios, imanc' a'i quinaxque'. I'que ai'quimetsaicolhuo', ocuena co'l'ailli' imanc'.

⁹ Li'ipa ma'l'mana' ninc'a'uhuy la'ailli' al'te'l'minga'. Aicalixtuc'ola'. Tama le'a axanuc' limetsaicopola' to'ta'a icueya li'mane. Lapajnya fa'a li'a lamats' lapi'iponga' ihniya. LanDios ca'l'Ailli' Nopa'a lema'a tepi'ila' jahuay li'pitine. Xonca ticuicomma limetsaicole i'que. To'ta'a lapi'i'monga' la'pitine aimi'jouya. ¹⁰ I'ne la'ailli' nomana' fa'a li'a lamats', i'le licueya quitmane ai'quico'i. Tama icueya li'mane aimi'hua ma'l'cuxeyaconga'. Tijou'la' al'tojtsonga' aimi'hua ma'l'te'l'miyaconga'. I'ne ma to licuapa li'picuejma' to'ta'a la'te'l'miponga'. Ca'l'Ailli' Nopa'a lema'a ituca' li'ejma'. I'pic'a luyalaicole al c'a, a'i ma le'a fa'a li'a lamats', ticua: "Toluyalaicotsa al c'a Locuenaj Quitine jouc'a". I'pic'epa ti'ila' nulemma pangay c'a la'picuejma', ma to lipicuejma' LanDios. ¹¹ Linca ma'l'te'l'minga' a'i mixoqui calata, al'sinyi acumta lapajnya. Ma'l'tecoyi al'snet'lyi. Tijou'la' lihuic'ile ti'i'ma ac'a la'picuejma'. Al'pac'em'monga' la'picuejma'.

¹² Toliya camilhuo': Ja'ni itafquemmolhuo' aimoluyalaicona'me to'ta'a. Lo'l'mane', lo'l'mitsi' tolapi'itsola' li'pujfxi. ¹³ Ma tolihuejle litaiqui' LanDios. To'ta'a petsi lo'on'ocospola' to lan coxo, i'ne petsi afule miyeyi, ihniya jouc'a tihuej'me, aimejac'eyacu al c'a cane.

¹⁴ To'po'note lo'picuejma' to'ejmale'le al c'a lo'pimaye, jahuay ihniya. Tolahue'le te co'iyá mon't'eyacu ti'ila' pangay c'a lo'picuejma'. Ma le'a ihniya pe to'ta'a li'picuejma' tixinna'me ca'l'Ailli' LanDios. ¹⁵ LanDios ti'hua titoc'ilhuo'. To'l'etsot'si cuenna, ni anuli menaj'moxi. Ni anuli mi'i'moxi to lixcay quitamqui, tixhue'l'mi'molhuo'. I'que li'pommaya tita'l'molhuo', nij nait'si non'huya. ¹⁶ Ni' anuli mi'i'moxi innahuepa cacal'no', ni mi'i'moxi to cal xans Esaú. I'que ehue'ma ma le'a lopa'a fa'a li'a lamats'. I'que Esaú cal te'a timi li'pepo: "Lapi'ila' i'le lo'fecopa, cate'ma iya'. Ca'l'ailli' tipaxne'mo' ima', iya' nin te'a aimal'paxne'ma." To'ta'a etets'i'ma lopaxnecoya qui'ailli'. Xonca i'pic'a titetso'la', tama ma le'a anulij pime. ¹⁷ Joupá ol'sina' li'ipa. Lijou'ma, Esaú i'pic'a qui'ailli' tipaxne'la',

timetsaicoła' to cal te'a qui'hua. Aimi'iya. Ixhuełmot'le'ma juaiconapa, ijoj'ma. Aimi'iya mipai'iya. Joupa i'ipa.

¹⁸ Imanc' moli—loc'olaiyi LanDios aimolacaxhuołanna lehuoc'ocojma hijuala ma le'a amats'. Jiłpiya tecaxhuołanna lixanuc' Moisés. Ihe hijuala tocomma tipi, ixim'me acueca' lipal' cunga. Ixim'me acueca' cummahuay, amuf le'a, juaiconapa ti'hua łahua'. ¹⁹ Jiłpe icuej'me tifus'minni al trompeta. Icuejpá anuli tipalay, tixc'ai'ila'. Lan xanuc' noquimf'epá iximpá acueca' caxpaiqui', tixahue'eyi aimipalaic'ocona'mola'. ²⁰ Lataiqui' loxc'ai'ipola' iximpá juaiconapa acueca' cataiqui'. Ticua: “Tama anuli linneja ti'huałtsijnla' hijuala tima'aconfe apic’”. ²¹ Jouc'a Moisés iximpa acueca' caxpaiqui' ihe lehuelojmpa jiłpe. Ticua: “Tiyu laicuerpo”.

²² Imanc' joupa oli—loc'olai'pá hijuala Sión jiłpe liłya' Jerusalén lopa'a lema'a, lipiłya' LanDios Limaf'i'. Jiłpe lefot'leyołtsi lapaluc' quema'a tixoqui quileta. Juaiconapa axpela' iłniya, aimi'iya mixhuej'menyacola'. ²³ Oli—loc'olai'pá pe lomana' jahuay lixanuc' lefot'lepola' LanDios jiłpe lema'a. Małpiya iłpiłya'. Ma to cal te'a qui'hua tepenuf'ma li'huexi lapi'iya qui'ailli' ma tołta'a iłniya tepenuf'me li'huexi lapi'iyacola' LanDios.

Oli—loc'olai'pá pe lopa'a LanDios, iłque iłjuez jahuay lan xanuc'. Oli—loc'olai'pá pe lomana' li'espíritu lan c'a xanuc' ni'epá al liłca, iłniya nulemma i'ipa pangay c'a liłpicuejma', ailopa'a quehue'epola'. ²⁴ Joupa oli—loc'olai'pá pe lopa'a Jesús iłque Nałcuai'esponga' LanDios illanc' nalapenuf'pá el Ts'e Cataiqui', ihe lataiqui' alpo'no'iponga' illanc' ixanuc' LanDios. Jiłpe loli—loc'olai'yopa tocomma tipalaic'o LanDios lijuats' lixcuajaipa Jesús, ihe lałjuitsijmponga'. Loy'apa aimi'onłspa to luya'apa lijuats' Abel, iłque Caın hima'apa. Xonca ac'a loya'apa lijuats' Jesús.

²⁵ Itsiya tołpo'note cuenna. Aimolatets'i'me Nopalaic'opolhuo'. Lipalaipa fa'a li'a łamats' aicunłul'me pe netets'ipá lixc'ai'ipola', iteł'mim'mola'. Itsiya iłque tipalay pu'hua lema'a. Ja'ni latets'ile, ja'ni aimalihuejcoyi, łte aga lunłu'e'monga'? Linca xonca acueca' alteł'mi'monga'. ²⁶ Li'ipa, mipalay LanDios tife'ne li'a łamats'. Małque LanDios ticua: “Xonca al cueca' ti'i'ma”. Tuya'e':

Cafe'necona'ma łamats', tifenna nulemma.

Tifenna a'i ma le'a li'a łamats', jouc'a tifenna lema'a.

²⁷ Ihe lataiqui' “nulemma”, ticuajmaispa lo'eya LanDios. Iłque tife'nela' lilanc'epa tiłojm'ma. Tijouła' petsi aimi'iya mife'nemyacu, tipanehuo.

²⁸ LanDios joupa ixpic'epa alcxeta anuli. Jiłpe aimi'iya mife'nemyacu. Aimaliłonc'e'eyaconga' licueya lałmane. Tołiya al's'najtsi'ile LanDios, tołta'a tetenłcoco'ma laxc'onłingolai'me. Malaxc'onłingolaiyi al'nujuaitsa te ts'i'ic' LanDios. Iłque apaxi, acueca' axpaiqui'. Lihuejco'me. ²⁹ Aimalimenc'eco'me: ŁalanDios ti'onłcospa to łunga lopi'eya al xisca.

13

¹ Imanc' ti'hua tonł'etsoltsi capic'a to capimaye. ² Aimolimenc'eco'me lonł'e'eyacola' pe noyepá cane locuaiyumma. Tolapenuf'sola'. Aimixojtolhuo'. Pe tołta'a no'epá epenuf'me lapaluc' quema'a. Linca, lepenufimpola' ai'ic' quilsina' ja'ni apaluc' quema'a. ³ Toł'nujuaitsola' litats'ila'. Totsingufcote to itats'ennilhuo' jouc'a. Toł'nujuaitsola' lołpimaye notelcopá. Imanc' jouc'a tipa'a lołcuerpo. Anuli iłniya tołsingufcote al tilca.

⁴ Ja'ni onlamaliłpá tonł'e'le ma le'a al c'a. Tonł'etsoltsi cuenna. Aimonł'e'me nixpiya. Pe nahuepá cacal'no' o nołecopá ocuena caca'no', iłniya titeł'mi'mola' LanDios cal Juez.

⁵ Aimonl'e'me to lan xanuc' ts'ihpic'a xonca quiltomí. Tetenl̄cocsolhuo' ile loł'hueca itsiya. LanDios timihuo': "Aicapo'noyaco' cotuca', aicacanujyaco'".

⁶ Toliya tixoqui calata ahnes'me: "ŁaiPoujna LanDios altoc'i'ma. Iya' aimalspaiqui. ¿Te cal'e'eya lan xanuc'?"

⁷ Aimolimenc'eco'mola' lołpomxiye, ihne nimuc'ipolhuo' litaiqui' LanDios. Toł'nujuaisle te ts'i'ic' lijoucopa liłpepajnya fa'a li'a lamats'. Ihne imaco'mola' mi'huaiyijnyi LanDios. Tołta'a ti'ila' imanc' lonł'ejma'. Jouc'a ti'hua toł'huaiyijnle LanDios.

⁸ Jesucristo aimipai'iyoxi. Tsumjma, itsiya, locuaicoya quitine, ma' anuli lipicuejma'. ⁹ Imanc' ti'hua toł'huaiyijnle Jesucristo. Aimolihuej'me ocuena ocuena cataiqui' pe aimi'onłspa to limuc'impolhuo'. Ti'hua tolihuej'me lataiqui' limuc'impolhuo'. Mał'huaiyijnyi LanDios ma ilque altoc'inga', alfa'enga' lałpicuejma'. Tołta'a aluyalaico'me al c'a. Ja'ni lihuejle lataiqui' loya'apa te ts'i'ic' lałtejacu, te ts'i'ic' aimaltejacu, a'i tołta'a małfa'eyacołtsi lałpicuejma'. Ihne petsi naihuejpa ile lataiqui' ma' anuli mimanemma, aimi'i'ma xonca al c'a liłpicuejma'.

¹⁰ Illanc' lał'altar ituca'. Aimi'onłspa to ile al altar li'ipa lipajmpa jilpe lajut'ł lilanc'ecompa ijahua'. Ihne naihuejcopá to li'eyompa jilpe lajut'ł lilanc'ecompa ijahua', aimi'iya mitejacu lopa'a lał'altar. ¹¹ Li'ipa, mipa'a lajut'ł lilanc'ecompa ijahua', cal cuecaj ca'ailli' itai'ma liłjuats' quinnejá, titsufai'e jilpe Xonca al Paxi. LanDios liximpa ile lajuats' imenc'e'eco'mola' lan xanuc' al xujc'a li'epa. Ihne linneja aimitejnyacu. Ti'hua'annila' jilpe limuc'o' pe a'ij pangiya. Jilpe tipi'enspola'. ¹² Tołta'a jouc'a Cristo i'hua'am'me lema quilya'. Jilpe itelco'ma, itsufco'ma lijuats', ał'e'eponga' ixanuc' LanDios. ¹³ ¡Lihuejle Cristo! Aimalihuej'me li'epa jilpe lajut'ł lilanc'ecompa ijahua'. Altelcołe to Cristo litelcopa. Latets'intsonga' jouc'a. ¹⁴ Jifa'a li'a lamats' lałpilya' tijou'ma. Al'huaicoyi, aljanajyi locuaicoya locuena lałpilya'. ¹⁵ Mał'huaiyijnyi Jesús jouc'a altsufco'me LanDios. Illanc' lałtsufcoyacu a'i quinnejá. Altsufco'me lałtaiqui'. Itine itine al's'najtsi'i'me LanDios, ilque łalanDios. ¹⁶ A'i ma le'a ataiqui' tolihuejle LanDios. Tonł'ele al c'a. Tołtoc'itsola' lołpimaye. Tolapi'itsola' ja'ni tehue'ela'. Ti'ila' tołta'a lonł'epa tetenl̄cocojma LanDios. Tocomma to tołtsufcoyi.

¹⁷ Tolihuejle lomuc'ipolhuo' lołpomxiye. Ihne ti'eyi cuenna loł'alma. Hsina' LanDios ticuis'etola', timitola': "¿Te o'epa al c'a ile lanic' lainepi'ipo'?" Imanc' tołcuc'etsola' ihne lołpomxiye. Tołta'a tixoqui quileta ti'e'me lanic'. Ja'ni aimołcuc'ela' tixhuełmot'le'me ihniya. Tijoułta' imanc' jouc'a aimoluyalaicoyacu al c'a.

¹⁸ Tołsa'huele LanDios altoc'itsonga'. Joupa alspic'epá ał'ele ma le'a al c'a, tołta'a aimalsuełmot'leyi. Ailopa'a tintsí. ¹⁹ Camiconamolhuo': Tołsa'huele LanDios altoc'ila'. Tołta'a aimalcołconaya fa'a. Caculaiconata jilpe pe lołmana'.

²⁰ Litsufcopoxi lałPoujna Jesucristo, lijuats' lixcuajaipa ihinc'ico'ma lataiqui' LanDios lipo'no'ipola' lixanuc'. Ie lataiqui' joupa liłinc'ipa aimipaiya, ma tipa'a. LanDios liximpa Jesús lixcuajaipa lijuats', imaf'i'inapa if'ac'enapa lema'a. Ilque i'ipa cal Cuecaj lałPoujna, illanc' imot'ł. Małque LanDios alpac'e'enga' lałpicuejma'. ²¹ Caxa'hue titoc'itsolhuo' tołsuai'nile jahuay al c'a lonł'epa. Tołta'a tolanant'li'me lixpice'epa LanDios. Mał'huaiyijnyi Jesucristo ma tołta'a lo'epa LanDios. Altoc'i'monga' ał'ele ma le'a latenl̄cocolpa ilque.

¡Jahuay litiné timetsaiconle anDios! ¡Texc'onlingołai'me ma le'a ilque!

Amén. Tołta'a ti'ila'.

²² Cunc'aipimaye, caxa'huelhuo' tolapenufle laifxc'ai'ipolhuo'. A'i axpe' cataiqui' ile laininił'epolhuo'. ²³ Ti'ila' col'sina' te ts'i'ic' li'ipa lałpima Timoteo. Itsiya aiquitats'iya. Joupa ux'masquinnapa. Ja'ni ticuaiyunni ma capa'a fa'a ałe'me, ałejmale'me, al'sinnolhuo'.

²⁴Loꝓomxiye jouc'a loꝓimaye jilꝓiya nomana', toꝓmitsola' iya' canonna'. Ihe no'huaiyimpá Cristo jouc'a i'huexi LanDios. Lapimaye nomana' lamats' Italia jouc'a tinonna' imanc'. ²⁵LanDios ti'nujuaitzilhuo', titoc'itsolhuo'.
Toꝓta'a ti'ila'. Amén.

LIJE'E SANTIAGO LINIŁ'EPOLA' LAPIMAYE

¹ Iya' ninSantiago ca'ay liĥpenic' ŁanDios y łalPoujna Jesucristo.

Quinił'elhuo' imanc' unc'aipimaye, imanc' inaxque' łattet'ła xanuc', iniya limbamaj coquexi' linaxque' łattatahuelo Israel. Itsiya tołmana' ni petsi lołca'nepołtsi.

² Unc'aipimaye, ja'ni tołsinle ipime lapajnya iya' camilhuo': Aimołsuelmot'le'me. ĩTixojla' cunlata! ³ Imanc' jounpa ołsina' lo'epa ŁanDios. Itque tehuaiyilhuo', ti'ila' cołsina' ja'ni toł'huaiyijnyi o a'i. Ja'ni toł'huaiyijnyi tołsnet'ł'me lo'ipolhuo'. ⁴ Tijouł'a aimixojtolhuo', ti'hua tołsnet'ł'cona'me. Tołta'a ŁanDios tixhuai'ni'ma, ti'e'e'ma pangay c'a lołpicuejma'. Aimehue'econayacolhuo' lołpicuejma'.

⁵ Anuli imanc' ja'ni tinesla': "Ahuata laipicuejma'", cami'ma itque: Tox-ahue'eł'a' ŁanDios tepi'itso' lołpicuejma'. ŁanDios a'i całtsile. Ma tixoqui queta ticu. Aimixtuc'ola' pe noxa'huepá. ⁶ Jahuay lołpicuejma' toxa'hueł'a', to'huaiyijnla' ŁanDios. Aimones'ma: "¿Ja'ni ti'i'ma o aimi'iyá?" Petsi tołta'a li'ejma' ti'onłcospa lipicuejma' to łaja mi'hua'e łahua'. Tummay łahua'. Ti'huala' pu'hua, texał'uhua fa'a. Ma ti'hua tifenna. ⁷ Aimines'ma itque: "It'e laifx-ahue'epa ŁanDios lapi'i'ma". A'i. Aimepi'iyá. ⁸ Cal xans petsi oque' lipicuejma', ma ti'hua tipai'iyoxi.

⁹ Anuli łapima ja'ni ailopa'a qui'hueca, tixojla' queta tix'najtsi'ila' ŁanDios. Itque tixina acueca' ts'i'hueca. Timetsaijma. ¹⁰ Petsi tixoqui queta ti'nujuaitsi al cueca' li'huexi, ŁanDios tixina to aiqui'hueca. Ti'onłcospa to cua naitsi lipa' lopa'a jipu'hua łimuc'o'. Aimicołya. ¹¹ Linca itne lipa' aimixnet'lyi. I'huáquila' juaiconapa ac'a. Tijouł'a tif'ajla' cal 'ora, lipinu' tipi'e, tijułi lipela, lipipa' tecangemma łamats'. Ate'a i'huáqui ac'a, mijou'ma tejac'a. Tołta'a tuyaico'ma petsi ts'i'hueca acueca'. Muyaicojma lapajnya ma ti'hua tejac'eyoxi.

¹² Cal xans noxnnet'łpa lahuaipa, itque linca tuyaijma al c'a. Tijouł'a lahuaiy-impá, ŁanDios timetsaicota. Tulijnata nulemma lipitine aimijouya. Tołta'a jounpa licupa cataiqui' ŁanDios, tepi'i'mola' pe no'epá capic'a.

¹³ Anuli imanc' ja'ni tixingufcojma lahuaipa aimines'ma: "Ma ŁanDios ummepa ite lalahuaipa. Ca'el'a' lixcay." ŁanDios lipicuejma' ailopa'a quixcay. Itque ailopa'a comiya: "To'el'a' lixcay". ¹⁴ Itne pe ĩłpe liłpicuejma' timiyołtsi: "To'el'a' lixcay", itne ma quilituca' tijanajyi ti'ełe tołta'a. Ite lixcay lopa'a liłpicuejma' tifel'mila', ti'hua'ala' lixcay cane. ¹⁵ Titojla' lixcay lopa'a liłpicuejma', ti'e'me tołta'a. Tijouł'a ja'ni ti'hua ti'eyi lixcay, ma tejac'e'mola'.

¹⁶ Maicunc'aipimaye, aimimenaj'molhuo'. ¹⁷ Ma jipu'hua lema'a lumme'eninga' jahuay al c'a. Ite lalapi'iponga', ĩłpe qui'huayomma juaiconapa ac'a, ailopa'a tintsı. Małque cał'Ailli' ŁanDios lumme'enga'. ĩłque nilanc'epa lepalalc'o' nomana' lema'a. Itne lepalalc'o' tipai'iyi liłpepalc'o'. Ti'i'ma huata, ti'i'ma acueca' lapalc'o'inga'. Jouc'a tipailoyi. Mił'acai'ma cal 'ora, ałpo'nonga' lunxahua, limufc'o'. A'i tołta'a ŁanDios. Itque aiquipaiya, ma' anuli tipa'a. Aimipailo, ipuqui', itine alulif'enga'. ¹⁸ Małque ŁanDios i'epa ma to lixpıc'epa itque quituca'. ĩłpe lałpicuejma' ifapa al Linca Cataiqui'. Tołta'a lapi'iponga' al ts'e lałpitine, ał'e'eponga' inaxque', itque cał'Ailli' ŁanDios. Ał'onłcosponga' to itna'a lafot'łenyacu ate'a, lotsufcoyacu ŁanDios ai'a ticuaihuo litine cafot'łeya. Ticuaiyunni al Cueva' Quitine tixinim'me jahuay lilanc'epa ŁanDios i'huexi itque. Illanc' jounpa ał'e'eponga' tołta'a. Illanc' ma' i'huexi ŁanDios.

¹⁹ Maicunc'aipimaye, tołta'a joupá ołsina'. Tołiya jahuay imanc', anuli anuli, tołpo'nołe lołpicuejma', tołquimf'ele al c'a. Ai'a tołpalai'me tołspic'e'me te ts'i'ic' mołpalaicoyacu. Aimolixtulecu. ²⁰ Liłpoyac' lan xanuc' aimipam-maispa. Aimi'iya mi'eyacu tołta'a al c'a latenłcocoya ŁanDios. ²¹ Tołiya, tołpo'nołe lołpicuejma' aimonł'econa'me al xujc'a. Li'ipa, acueca' olatets'ipołtsi, juaiconapa oł'epołtsi laic'. Itsiya aimoł'econa'me tołta'a. Tolana'j'mołtsi nulemma jahuay ikna'a lixcay. Aimoł'nof'e'mołtsi. Tolihuejle lataiqui' lifayipa jilpe lołpicuejma'. Tołta'a ille lataiqui' tunłu'e'molhuo' nulemma.

²² Imanc' tolihuejle lataiqui', tonł'ele to loya'apa. Ai' ma le'a mołquimf'e'me. Ja'ni ma le'a tołquimf'eyi, ma tołfel'miyoltsi. Ai' tołta'a molunłulyacu. ²³ Anuli łapima noquimf'epa lataiqui', ja'ni aimihuequi ti'onłcospa to cal xans mehuelongehuejma'. Jilpe tehuelongehuejma' li'a, te ts'i'ic' lixans. ²⁴ Tijoułta' tixinłta' li'a, ti'hua'ma, timenc'eco'ma te ts'i'ic' lixans, ille lijoupa liximpa. ²⁵ Ticuicomma ai' tołta'a mixhue'me litaiqui' ŁanDios. Jilpe tipa'a lataiqui' lałcuxeponga' illanc' pe joupá luhuałquenam'monga' lał'epa a'ijc'a. Ille Lataiqui' aimehue'e'. Cal xans noxhuepa al c'a ille lataiqui' jouc'a tepequi, ilque aimimenc'ecoya loquimf'epa. Mi'ay tołta'a tixoqui queta tuyaico'ma.

²⁶ Ja'ni anuli imanc' timiyoxi: "Iya' linca nihuequi ŁanDios", tijoułta' aimicuxe al c'a lipał, ilque tifel'miyoxi. Ai' mihuequi ŁanDios, ma le'a tinesqui. ²⁷ Ilne nahuejmpá lecaniya jouc'a lampotsateya notelcopá acueca', pe no'epołtsi cuenna, aimixis'meco'mola' ille lixcay lopa'a fa'a li'a łamats', ilniya ma ti'eyi latenłcocopa ŁanDios, ilque cal'Ailli'. Ilque tixim'mola' ac'a lilihuequi.

2

¹ Unc'aipimaye, ja'ni tolihuejyi litaiqui' lałPoujna Jesucristo, ilque ma' an-Dios, aimolatets'i'mola' hualca lołpimaye. Ma' anuli tołpalaic'otsola'. ² Iya' cacua: Imanc' ma mefot'leyoltsi, ja'ni titsulfołaiłe oquexi' lan xanuc', anuli lipuf'c'ihue iltaic' lił'anillo a'oro, juaiconapa ac'a lipijahua'. Łocuena ailopa'a qui'hueca. Ijoutsoqui laquipijahua'. ³ ¿Te ts'i'ic' mołpalaic'oyacola'? ¿Te ituca' ituca' lołpalaic'oyacola'? Ilque ts'ipo'nohua ac'a lipijahua', ¿te tołmi'me: "To'huanni fa'a. Tocutshuaıłta' al c'a"? Tijoułta' łocuena, ilque pe ailopa'a qui'hueca, ¿te tołmi'me: "Ima' tacaxla' jiluhua, o tocutshuaıłta' łainitas laifpo'nof'ipa lai'mitsi'"? ⁴ Linca, ja'ni tołta'a lonł'epa tołmujoyoltsi oquej lołpicuejma'. Tołta'a tonł'eyoltsi to lan juez. Ti'onłcospolhuo' to lan juez petsi aimixpic'eyi al c'a, a'ijc'a ilne liłpicuejma'.

⁵ Unc'aipimaye, ałquimf'ela' laifmiyacolhuo'. ¿Ja'ni aicołsina' naitsi ilne pe aiquil'hueca? Fa'a li'a łamats', ilne pe aiquil'hueca i'huij'epola' ŁanDios. Ilque i'huij'epola' ti'huaiyijnle. Tołta'a alinca tepenufta quıl'huexi. Tepi'innola' quılmane ticuxeta. ŁanDios joupá icupa cataiqui' tepi'itola' tołta'a ilne petsi no'epá capic'a.

⁶ Tołta'a liximpola' ŁanDios ilne pe aiquil'hueca. Imanc' ai' tołta'a mołsinnila'. Jilpe lafołyom'molhuo' joupá olatets'ipá pe aiquil'hueca.

Ilne pe ts'il'hueca, ¿te aimicuxena'ilhuo'? ¿Ai' małniya texat'ulhuo', lo'hua'apolhuo' jilpe pe lopa'a cal juez? ⁷ Imanc' joupá ecui'impolhuo': Ixanuc' Cristo. Ille Laftine xonca al c'a. ¿Te ilne pe ts'il'hueca aiminescoyi a'ijc'a ille Laftine?

⁸ Ina'a litaiquí ŁanDios lałcuxe'eponga', ille al cueca' xonca tuya'e': "Ima' to'eyoxi capic'a, ma tołta'a to'ela' capic'a loł'as xans, cua naitsi lołtalecufya".

Ja'ni joupá ołspic'epá tolanant'li'me ille lataiqui', ne', joupá ołspic'epá tonł'e'me al c'a. ⁹ Tijoułta', ja'ni ituca' ituca' tołpalaic'oco'mola' lapimaye, a'ijc'a ille lonł'eyacu. Aimolihuejyi loya'apa lataiqui' lałcuxeponga'. Małe lataiqui' tecani'elhuo'.

¹⁰ Linca ticuicomma lihuejcofe jahuay lataiqui' lafcuxeponga' LanDios. Ja'ni a'i, tama ma le'a anuli lataiqui' aimalihuejcoyi, tipa'a lajunac'.

¹¹ LanDios ticuxe: "Aimoxhuico'ma lipeno lof'as xans". Jouc'a ticuxe: "Aimoma'ahuale'ma". A'i oquexi' candiosla' nocuapá tofta'a. Nonespa ma' anuli LanDios. Tofta'a, tama aimoxhuijma lipeno lof'as xans, ja'ni toma'ahuale aicomihuequi LanDios locuxepa. Tipa'a lojunac'.

¹² Illanc' petsi joupa luhualquem'monga' la'epa a'ijc'a, jilpe Lataiqui' tipa'a lafcuxeponga'. Mafe lataiqui' timuj'ma ja'ni ac'a o a'ijc'a la'ejma'. Toliya camilhuo': Ja'ni totpalaife, ja'ni tonf'ete, ti'ifa' to locuxe'epolhuo' ife Lataiqui'.

¹³ Ifne pe aimixiñyi cuanuc', acueca' titef'minnola'. Petsi tixiñyi cuanuc' tuyaicota al c'a.

¹⁴ Cunc'aipimaye, ja'ni cal xans tinesla': "Ca'huaiyinge LanDios", tijoufa' aimihuejma, ¿te quipenic' ife linespa? ¿Te ifque cal xans tuntu'ma ts'i'ejma' tofta'a? Ifque ma le'a ataiqui' ti'huaiyinge. ¹⁵⁻¹⁶ Iya' cacua: Ja'ni anuli imanc' tipalaic'ofa' al c'a lapima axans o aca'no' pe ailopa'a quipijahua' ni coteja, ja'ni timifa': "Ne', to'huanfa', aimoxhuefmot'fecona'ma. Toxmainatsi afunca, totetsotsi al c'a", tijoufa' aimepi'i, aimitoc'i muyaijma lapajnya. ¿Te quipenic' ife limipa? ¹⁷ Ma' anuli lof'huaiyijmpa LanDios. Ja'ni ma le'a tofcuayi: "Ca'huaiyinge", tijoufa' aimolihuejyi, ¿te quipenic' ife lofnespa "ca'huaiyinge"? Ife lofnespa tocomma to imac' cataiqui'. Aimipammaispa.

¹⁸ Ja'ni tofta'a lof'ejma' ti'i'ma timim'molhuo': "Ima' to'huaiyinge, iya' quihuejma. Ne', tama ailopa'a cof'epa al c'a, ahmuc'ifa' lof'huaiyijmpa. Tijoufa' iya' camuc'i'mo' laifnihuejcopa. Tofta'a ahsim'ma ca'huaiyinge." ¹⁹ Ima' tonesqui: "Aixina' tipa'a ma' anuli LanDios, ifque ca'huaiyinge". Ne'. Ma' ac'a ife lofnespa. Jouc'a lontahue ifsina' tofta'a. Ifne tiyula' tixpailiquila'.

²⁰ Ima' conxans, tocomma ailopa'a copicuejma'. Ja'ni ma tocuca: "Ca'huaiyinge", tijoufa' aimaihuejma, ife lof'huaiyijmpa ailopa'a quipenic'. Aimitoc'iyaco'. ¿Te aicoxina' ifta'a? ²¹ ¿Te qui'ipa laftatahuelo Abraham? ¿Ja'ni ifque ma le'a ines'ma: "Ca'huaiyinge LanDios"? ¿Tofta'a LanDios iximpa to ailopa'a quijunac', epenufpa? A'i. Abraham jouc'a i'epa al c'a. Ihuejcopa LanDios limipa. Li'hua cuftine Isaac, ipo'nof'ipa jilpe al altar, titsufcofa' LanDios.

²² Jilpe toxina li'ipa: Ma mi'huaiyinge LanDios, Abraham ihuejcopa. I'epa to limipa. Tofta'a ifinc'ipa linespa. Imujpa ti'huaiyinge LanDios. ²³ Tofta'a enantpa al Paxi Linifingiya loya'apa: "Abraham i'huaiyijmpa LanDios, tofta'a iximpa to ailopa'a quijunac', epenufpa".

Toliya Abraham ecui'impa: "Ts'ifejmale LanDios".

²⁴ Tofta'a tofsinyi te ts'i'ic' li'ejma' cal xans pe LanDios tixim'ma to ailopa'a quijunac', tepenuf'ma. Ifque cal xans a'i ma le'a ticua: "Ca'huaiyinge LanDios". Jouc'a tihuejma, ti'e'ma ma locuxe'empa.

²⁵ Ma' anuli li'ipa laca'no' Rahab, ifque titejyoxi licuerpo. Ifque jouc'a i'epa al c'a. Epenuf'mola' loquexi' lan xanuc', ifne icuaitsa tehuelojnle fa'a lamats'. Lijou'ma ummena'mola' tiyente ocuenaj cane. Aimixim'me ifne no'ehualepá laic'. LanDios imetsaicopa ife li'epa Rahab. Iximpa to ailopa'a quijunac', epenufpa.

²⁶ Al cuerpo, ja'ni ailopa'a quipitine, joupa imac'. Ailopa'a co'epa. Ma' anuli ifne ni'huaiyijmpa pe nonespá: "Ca'huaiyinge LanDios", tijoufa' aimihuejcoyi. Ife lonespa tocomma imac' cataiqui'.

3

¹ Unc'aipimaye, jahuay imanc' aimolmuc'iyale'me. Ti'efe oquexi' afantsi le'a. Ja'ni ninc'omxiye xonca ipime ife lafpenic'. Ja'ni limenajtsonga' xonca

atɛl'mi'monga' LanDios. ² Linca itque pe aimimenaca ailopa'a. Axpe' malime-
naquinga' jahuay anuli. Pe nopalaipe ma le'a al c'a, ja'ni aimimenaca toɬta'a,
itque linca ac'a xans, ixhueya lipicuejma'. Itque ticuxeyoxi al c'a.

³ Laihuale aɬpo'no'ila' liico anuli al freno catejma'. Toɬta'a lihuejcongá',
aɬpai'e'mola' laihuale jahuay liɬcuerpo. ⁴ Jouc'a lam barco itaic' aca'hua cate-
jma' o aca'hua c'ec lipuftine atimón. No'hua'apa al barco, ja'ni ipic'a ticuxela'
al barco, tife'ne'ma ite al timón. Tijoula', tama acuecaj barco o tummetsai
hujfxi cahua', tihuejco'ma no'hua'apa. Ti'hua'ma petsi ipic'a itque.

⁵ Jouc'a ɬaɬpaɬ, tama aca'hua ti'i'ma tinesco'moxi acueca', lo'epa. Cacia:
ɬaca'hua cunga acueca' cal'ec' tunai'i. ⁶ Toɬta'a ɬaɬpaɬ ti'onɬcospa to ɬunga. Jahuay
al xujc'a lopa'a fa'a li'a ɬamats' ti'i'ma tines'ma ɬaɬpaɬ. Toɬta'a tixis'me'ma
jahuay ɬaɬcuerpo. ɬunga nopa'a al muf tunai'i ɬaɬpaɬ. Tijoula' tunai'i'ma jahuay
lopa'a hijuaihua, ti'hua'ma xonca aculi'. Ailopa'a cunɬuya.

⁷ Jahuay linneja nomana' fa'a li'a ɬamats' ocuena ocuena liɬ'ejma' o
liɬpicuejma', jouc'a lacat'hui, jouc'a lainofatɬ, jouc'a nomana' jilpe laja, lan
xanuc' joupa imanxuc'empola', ti'hua timanxuc'eyi. ⁸ Ituca' ɬaɬpaɬ. Aimi'iya
mimanxuc'enyacu. Aimihuejma. Ti'hua ti'ay al xujc'a to loxpice'eya. Imanna
ɬafxí camaya.

⁹ ɬaɬpaɬ a'ij nuli le'a lo'epa. Maɬpalaiyi aɬs'najtsi'iyi LanDios, itque caɬ'Ailli',
aɬsuicoyi ɬaɬpaɬ. Ma' anuli aɬsuicoyi ɬaɬpaɬ aɬcuajcola' ɬaɬ'as xanuc', itne jouc'a
ɬilanc'epola' LanDios, ti'onɬcospá to itque. ¹⁰ Ite ɬaɬs'najtsi'icopa LanDios, ma' anuli
ɬaɬcuajcopola', quipalyomma jilpe ɬaɬco.

Unc'aipimaye, toɬta'a aimetenɬcocojma. ¹¹ Jilpe laipalyomma laja', maɬpe
tipayomma ma' anuli caja'. ¿Te tipahuo oque' laja', al ni'i laja' jouc'a al cua
caja? Ai, aimi'iya. ¹² Unc'aipimaye, al'ec' icux, ¿te ti'as'ma aceituna? O al
'ec' uva, ¿te ti'as'ma icux? Ai, aimi'iya. Toɬta'a ma' anuli ti'i'ma laja'. Jilpe
lipayomma al cua caja' aimi'iya mipayoya al ni'i caja'.

¹³ Jilpe pe loɬmana', ja'ni tipa'a nonespa: "Iya' xonca ts'aipicuejma'. Linca
aixina'." Ne'. Ti'ila' itque ac'a li'ejma', ti'ela' al c'a. Timujxoxi ts'ipicuejma',
aimi'e'e'moxi le'a. ¹⁴ Ja'ni acuá loɬpicuejma', ja'ni tonlahueyi tolulijtsoɬtsi,
aimolixoc'i'moɬtsi cunlata. Ja'ni toɬta'a loɬ'ejma', aimolihuejcoyi al Linca
Cataiqui', ma le'a toɬfel'miyaleyi.

¹⁵ Ja'ni toɬta'a loɬpicuejma', a'i LanDios mepi'ilhuo'. Ite ma' ilpicuejma' locue-
naye lan xanuc' nomana' fa'a li'a ɬamats', itne nahuepá quituca' lojanajpa.
Ite liɬpicuejma' ti'onɬcospa to lipicuejma' ɬonta'a Satanás. ¹⁶ Ja'ni ti'eyoɬtsi
laic', tehueyi tulijtsoɬtsi, mijou'ma tifuli'i'moɬtsi, ti'e'moɬtsi nixpiya. ¹⁷ Itne
pe LanDios lepi'ipola' liɬpicuejma', itne ailopa'a quixcay liɬpicuejma'. Toɬiya
aimifuli'iyoytsi, aimixtuc'oyacoɬtsi. Tihuejcoyoɬtsi, ma tixinyoytsi acuanuc'la,
ti'eyi mane al c'a, titoc'iyoytsi, ma' anuli liɬpicuejma', tepenufyoytsi, ma' alinca
lan c'a xanuc' itne, a'i mi'e'eyoytsi le'a. ¹⁸ Itne pe lo'eya xonca pangay c'a
liɬpicuejma', ticutomma ti'ila' ac'a liɬ'ejma' ma' itsiya. Itne aimehuoc'aiyoytsi,
ma tipac'eyi lafuleya.

4

¹ Imanc' tolixtuc'oyoytsi, toɬfuli'iyoytsi, ¿naitsi nomuc'ipolhuo' toɬta'a? Linca
ailopa'a nomuc'ipolhuo' toɬta'a. Imanc' coɬtuca' toɬjanajyi xonca toɬ'huejle,
toɬta'a toɬfuli'iyoytsi. ² Tama acueca' toɬjanajyi, aimolulijyi ite loɬjanajpa. Mi-
jou'ma toɬma'ahualeyi, toɬ'eyoytsi laic', tolixtuc'oyoytsi, toɬfuli'iyoytsi. Aicoɬsahue'e
LanDios, toɬta'a aimolulijyi ite loɬjanajpa. ³ Imanc' moɬsahue'e'me aimepi'ilhuo'.
Aimoɬsahue'eyi al c'a. LanDios joupa ixina' loɬ'eyacu. Ja'ni tepi'itsolhuo'
loɬsahue'epa toɬsuico'me ma coɬtuca' ts'oɬpic'a.

⁴ Imanc' ti'onłcospolhuo' to lacał'no', tama namallipá tihuejnaiyi xanuc'. Imanc' olpo'nopá lołpe'Ailli', ilque ma ŁanDios. Ma mołcuayi: "Ałejmaleyi ŁanDios", tołjanajyi lopa'a fa'a li'a łamats'. Jouc'a tolihuejyi coltuca' lołpicuejma', to ilne pe aimimetsaicoyi ŁanDios. Ma tołfuli'iyi ŁanDios. ¿Te aicołsina' ilta'a? Cal xans ja'ni tixpic'ela' tihuejla' to ilne pe aimimetsaicoyi ŁanDios, ja'ni tixpic'ela' tiyejmalele ilniya, ilque ti'ej laic' ŁanDios, aimi'iya miyejmaleyacu.

⁵ Al Paxi Linilingiya ticua: "Cal Espíritu Santo łalpo'no'iponga' ŁanDios jilpe łalunxajma', ilque Espíritu al'enga' cuenna juaiconapa, alšininga' ma i'huexi ŁanDios".

¿Te colcuapa a'ij linca ille lataiqui'? O ¿colcuapa ma le'a ataiqui'? ⁶ Linca illanc' całtuca' aimi'iya malihuejyacu. Ma le'a ŁanDios xonca alłoc'inga', to tuya'e': "Pe no'nof'e'epołtsi, ŁanDios tipa'nela'. Lam manxu, ilne no'oc'epołtsi, ŁanDios titoc'ila'."

⁷ Tołiya camilhuo': Toł'oc'etsołtsi, tolihuejcołe ŁanDios. Tołpa'nele łonta'a Satanás, tijoula' tinuna'ma ilque. Tipo'no'molhuo' coltuca'. ⁸ Toli—loc'olaiłe ŁanDios, tijoula' ilque tiloc'ai'molhuo'. Imanc' nonł'epá a'ijc'a aimonł'econa'me tołta'a. ¿Tolapajle lołpicuejma'! Ja'ni oque' lołpicuejma', ja'ni lołspic'epa lixcay jouc'a al łijca, tonł'ele anuli lołpicuejma'. Tołta'a ti'i'ma pangay c'a lołpicuejma'. ⁹ Tołsuelcołe juaiconapa, tołsingufcołe lołpixhuejma'. Tołjolijle. Tolatec'ole ille lołpinoxjma cata, tołsingufcołe lołpihuotsoqueya. Aimolšim'me mafca łolunxajma'. Tołsinle acueca' calaic'ata. ¹⁰ Tonł'oc'etsołtsi ŁanDios, tijoula' ilque ti'nof'e'molhuo'.

¹¹ Cunc'aipimaye, aimolnesco'mołtsi a'ijc'a. Pe nonescopá liłpimaye o tecani'eyi, ilne tetets'iyi lataiqui' lałcuxeponga'. Ima' ja'ni tatets'i ille lataiqui' lałcuxeponga', aimanant'li lataiqui', joupa o'epoxi unjuez. ¹² Tipa'a ma' anuli lałjuez, ilque lapi'iponga' lataiqui' lałcuxeponga'. Ilque ti'i'ma tunł'eyale'ma, ti'i'ma tejac'eyale'ma. Ima' aimi'iya macani'eya łopima. ¿Te ima' unjuez?

¹³ Alquimf'ela' imanc' nołcuapá: "Itsiya o mouqui le'me ille liłya'. Jilpiya almajnta anuli camats'. Alcucaleta, al'najualeta, al'eta canic'. Tołta'a lulijta całtomí." ¹⁴ Iya' camilhuo': Imanc' aicołsina' te ts'i'ic' mi'iya mouqui. ¿Te ts'i'ic' lołpitine? Imanc' ti'onłcospolhuo' to łummahuay. Ilque łummahuay ti'huaspa ahuata aimicoli, tejac'inghua. ¹⁵ Ticuicomma tołcuale: "Ja'ni ŁanDios lałPoujna ipic'a ti'hua almajnle, al'e'me ille o ilta'a". ¹⁶ Itsiya ma le'a toł—loł'e'eyołtsi. Tołiya tuluyalaicoyi lapajnya tixoqui cunlata. A'ijc'a ille lonł'ejma'.

¹⁷ Camilhuo': Cal xans ts'ixina' te ts'i'ic' al c'a, tijoula' aimi'ay, ilque tipa'a lijunac'.

5

¹ Alquimf'ela' imanc' ts'ol'hueca juaiconapa. ¿Tołjolijle! ¿Tołja'ale! Juaiconapa al cueca' tołtełco'me. ² Ticuaihuo litine tołsim'me joupa iminscopa loł'hueca. Łacaca joupa enai'ot'lenapá lołpijagua'. ³ Loł'oro, lołplata tołsim'me joupa unxilaipa. Ilque łunxilaic' timuqui lixcay lonł'epa. Almana' łitiné lecui'impa lijoucola'. Imanc' ti'hua tolafot'leyi col'oro, colplata. Linca ilque łunxilaic' titeja latejma', ma tołta'a łunga tite'molhuo' lołpixic'.

⁴ Ille lołtomí tija'e', ticuxecolhuo'. Ille ma ilłtomí lołmozó, ilne i'e'me canic' łitiné lefot'le'me jilpe łolamats'. Imanc' aicoł'natse'ela'. Ilne ni'epá lanic' tija'ayi. Joupa iquimf'epola' ŁanDios, małque ŁanDios ticuxe jahuay. ⁵ Imanc' oluyalaicopá juaiconapa xonca al c'a. Ol'epá nixpiya. Olfunc'epołtsi, tołsinyi mafca łolunxajma'. Ti'onłcospolhuo' to loma'anyacola' linneja. ⁶ Olacani'e'mola' lan łijca xanuc', olma'apola'. Ilne aikuicuanajyołtsi.

⁷ Tołta'a loł'ipolhuo' imanc' unc'aipimaye. Camilhuo': Tołsnet'He. Ticuaihuo lałPoujna. Toł'nujuaisle li'ejma' lin'eya nic' jilpiya łilemats'. Ti'huaico'me

litine cafot'leya. Hsina' ja'ni tipammaitsi ticuaicota acueca' quipic'a. Tołta'a ti'hua mixnet'lyi. Ti'huaico'me ticuila', tijoula' ti'huaicocona'me ticuiconla'.
⁸ Imanc' ticuicomma jouc'a tołsnet'He tołta'a. Tołfa'etsotsi talay łolunxajma'. Joupa ticuaihuo łalPoujna. ⁹ Unc'aipimaye, aimołtac'ui'mołtsi lajunac'. Tołta'a aimitac'uinyacolhuo' jouc'a. ¡Tołsinle! Cal Juez joupa icuai'ma, ma tipa'a jilpe al puerta. ¹⁰ Unc'aipimaye, toł'nujuaitsa li'ejma' lam profeta, ilne nuya'apá litaiqui' łalPoujna. Ilne ma mitelcoyi tixnet'lyi.

¹¹ Linca, petsi joupá nixnet'łpá ańescola', alcuayi: “Ac'a li'ejma' ilne. Joupá ulijnapá.” Joupá ołsina' te ts'i'ic' li'ejma' Job. Ilque ixnet'łpa juaiconapa. Jouc'a ołsina' te ts'i'ic' li'e'epa ŁanDios lijoupa lehuai'impá. Jilpe tołsinyi a'ij ta łunxajma' łalPoujna. Ilque juaiconapa tixinyale acuanuc'la.

¹² Unc'aipimaye, xonca tołpo'nołe cuenna, aimoł'e'me jurar. Aimołnes'me: “Mixinnale lema'a”. Ni mołnes'me: “Mixinnale li'a łamats’”. Aimołnes'me nij tintsí cataiqui' tołna'a. Ja'ni tołnes'me: “Ne, tołta'a”, ma le'a tołnesle: “Ne', tołta'a”. Ja'ni tołnes'me: “A'i”, ma le'a tołnesle: “A'i”. Aimoł—lof'i'me cataiqui'. Tołta'a aimecani'enyacolhuo'.

¹³ Pe lołmana', ja'ni anuli titełma, tixahue'ełá' ŁanDios titoc'ila'. Ja'ni anuli tixoqui queta, tunac'cołá' ŁanDios, tix'najtsi'ila'. ¹⁴ Ja'ni anuli textafque, tijoc'itsola' litsilojpola' capimaye, ilne noxpıjpá lataiqui'. Ticuaitsa ilne pe łonouya łafcuana, małpiya tijoc'ile ŁanDios. Ti'huaf'i'me caceite łafcuana ma minescoyi lipuftine łalPoujna. ¹⁵ Ilne mijoc'iyi ŁanDios ti'huaiyijnyi, ticuayi: “Linca tixał'mena'ma”. Tołta'a tipammaispa ilne loxa'huepa. Łafcuana tunłu'ma. ŁalPoujna tixał'mena'ma. Tama joupá i'epa lixcay, ŁanDios imenc'e'ecopa ilne li'epa, tixał'mena'ma.

¹⁶ Unc'aipimaye, ja'ni onł'epá lixcay tolu'inatsołtsi. Tołsahue'ełe ŁanDios titoc'itsolhuo'. Tołta'a tixał'mena'molhuo'.

Ja'ni cal łıjca xans tixa'huełá' ŁanDios, acueca' tipammaispa. ¹⁷ Cal profeta Elías al'onłcosponga', ilque jouc'a ma le'a axans. Ilque ijoc'i'ma ŁanDios. Ixa'hue'ma aimicui'ma. Lijou'ma aikuic'ic'. Icoł'ma afane' camats' y onłca aikuic'ic'. ¹⁸ Lijou'ma ijoc'icona'ma, ixa'huecona'ma. Jilpe lema'a i'huayonni laja'. Icu'i'ma jilpe łamats'. Łaifa ilapa.

¹⁹⁻²⁰ Unc'aipimaye, petsi anuli imanc' ifel'mimpá joupá ux'maspa al Linca Cataiqui', ja'ni łocuena łapima tinanc'onłá', titsufai'econala' al C'a Cane, ti'ila' quixina' joupá i'epa al c'a.

Łapima nonanc'onaiya tołta'a pe a'ijc'a no'epa, tunłu'e'ma łipima. Ilque ni'epa a'ijc'a aimejac'ya, tama acueca' li'epa aimitac'uinyacu lajunac'.

LIJE'E SAN PEDRO AL TE'A LINIĒ'EPOLA' LAPIMAYE

¹ Iya' ninPedro, nin'apóstol, epaluc Jesucristo. Canonilhuo' imanc' ixanuc' LanDios, imanc' pe aimoĥmana' ĥolamats', joupa olaca'nepoĥtsi. Imanc' noĥmana' ĥamats' Ponto, jouc'a noĥmana' ĥamats' Galacia, jouc'a noĥmana' ĥamats' Capadocia, jouc'a noĥmana' ĥamats' Asia, jouc'a noĥmana' ĥamats' Bitinia, canonilhuo' quiniĥ'elhuo'.

² Li'ipa lipangopa LanDios cal'Ailli' joupa ixina' lo'eya, joupa ixpic'epa i'huif'epolhuo' imanc'. I'huif'epolhuo' ti'itsolhuo' mane i'huexi LanDios. Toĥta'a ti'ay cal Espíritu Santo. LanDios i'huif'epolhuo' tolihuejcoĥe. I'huif'epolhuo' ti'itsolhuo' limpio. Toĥta'a ti'ay lijuats' lixcuajaipa Jesucristo jilpe lancruz.

Caxa'hue LanDios ti'hua titoc'itsolhuo', ti'hua tipac'e'etsolhuo' loĥpicuejma'. Caxa'hue toĥta'a tipaxnetsolhuo' juaiconapa.

³ Aĥs'najtsi'ile LanDios, enDios, i'Ailli' ĥaĥPoujna Jesucristo. Iĥque LanDios juaiconapa ac'a lipicuejma', aĥsimponga' ninc'icuanuc'la juaiconapa. Toĥta'a lapi'iponga' al ts'e laĥpitine. Tixoqui calata aĥ'huaicoyi Locuena Quitine, jilpe aimijouya al ts'e laĥpitine. LanDios joupa imaf'i'inapa Jesucristo, ipa'anapa pe lomana' limanapola'. Toliya aĥsina' ma' anuli aĥmaf'i'ina'monga'. ⁴ Jilpe tepi'itolhuo' coĥ'huexi pe aimiminscoya, pangay al c'a. Ma to mipa'a aimipaicoya. Iĥque loĥ'huexi ma LanDios i'hueca pu'hua lema'a. ⁵ Tepi'innolhuo' imanc' noĥ'huaiyimpá LanDios. Ma moĥ'huaiyijnyi LanDios ti'elhuo' cuenna, icueya limane ti'eĥa' toĥta'a. Tunĥu'e'molhuo'. LanDios joupa ixina' te ts'i'ic' malunĥu'eyacongá, joupa ilajmpa jahuay. Ticuaitsi lijoujma quitine aĥmuc'i'monga'.

⁶ Ma' moĥ'nujuaisyi iĥe lo'iyacolhuo' toluyalaicoyi tixoqui cunlata. Aga itsiya ticuicomma toĥteĥcoĥe, toĥteĥcoyi ma mehuaiyinnilhuo' acueca', iĥe loĥteĥcopa aimicoĥya. Ticuaitsi Lijoujma Quitine toĥsim'me joupa uyaipa. ⁷ Ja'ni tehuaiyinnilhuo', iĥta'a lo'ipolhuo' ti'onĥcospa to lo'ipa al 'oro. Iĥe al 'oro tixhuicoyi ma le'a fa'a li'a ĥamats'. Tama aimicoĥya nulemma, tehuaiyinni, tuyaijma ĥunga, jilpe tipi'e al xisca, tipanehuo mane al c'a 'oro. Iĥe laĥ'huaiyijmpa, LanDios aimi'onĥcojma to al 'oro, xonca ipitali, aimijouya ni Locuena Quitine. Tijouĥa' lahuaiyintsonga' aĥmuj'me ma' alinca aĥ'huaiyijnyi LanDios. Ticuaityunni Jesucristo LanDios aĥmi'monga': "Onĥ'epá al c'a". Limetsaico'monga' joupa i'epa pangay c'a laĥpicuejma', limetsaico'monga' ixanuc', lapenuftonga' nulemma.

⁸ Imanc' tama aicolahuelonge Jesucristo, tonĥ'eyi capic'a. Jouc'a itsiya litine tama aimolahuelojnyi, toĥ'huaiyijnyi. Toĥta'a ĥinca tixojma cunlata, ni aimi'iya moluya'ayacu te ts'i'ic' loĥpioxjma cata. Iĥe lo'onĥcospa to jipu'hua lema'a liĥpioxjma cata. ⁹ Toĥta'a ma' itsiya tipammaispa loĥ'huaiyijmpa, LanDios tunĥu'elhuo'.

¹⁰ Cacia: "LanDios tunĥu'elhuo'". Lam profeta nomana' luyaipa quitine inesco'me LanDios lotoc'iyacolhuo', lopaxneyacolhuo' imanc'. Ipo'no'me cuenna, ehue'me, ti'hua ehue'me, ¹¹ ticuec'eĥe limipola' li'Espíritu Cristo nopa'a jilpe liĥpicuejma'. Iĥque cal Espíritu u'i'mola' titeĥco'ma cal Cristo, tijouĥa' acueca' al c'a tuyaicota. Iĥne lam profeta ipo'no'me cuenna iĥe lu'ipola', tixhuej'meyi, tehueyi, ticuayi: "¿Te quitine ti'i'ma? ¿Te co'iyá mi'iyá toĥta'a?"

¹² Li'Espíritu Cristo jouc'a imuc'ipola' ti'ila' iĥiya linescopa aimimajnyacu iĥniya lam profeta. I'ipa quilsina' ma' imanc' toĥcuc'e'me acuajmaica iĥe lataiqui', a'i iĥniya. Iĥne lam profeta lipalaicopa maĥe lataiqui' loya'apa iĥe al c'a lixpice'epa

ŁanDios, iŁe Lataiqui' joupá uya'ampá pe lołmana'. IŁne nu'ipolhuo' tołta'a lepi'ipola' liłmane cal Espíritu Santo łummempa lema'a. Lapaluc' quema'a iłsina' juaiconapa acueca' iŁe lataiqui'. Ticuayi: "Iłlanc' jouc'a cola' ałcuc'ete".

¹³ Tołiya, imanc' ja'ni joupá olapenufpá Lataiqui', tołpo'nołe nulemma lołpicuejma' tołcuxetsołtsi al c'a. Itine itine toł'nujuaisle lo'iyacolhuo' litine ticuaicoconno timuj'moxi Jesucristo. IŁe litine linca tołsinguf'me acueca' juaiconapa lipaxnepolhuo' ŁanDios. ¹⁴ Itsiya imanc' tolihuejcoyi coł'Ailli' ŁanDios, tołiya aimi'iconame loł'ejma' to li'ipa. Iłniya litiné imanc' aimolimetsaicoyi ŁanDios, tolihuejyi ma lołjanajpa coltuca'. ¹⁵ Cal Paxi ŁanDios joupá ijoc'ipolhuo' tolihuejle. Iłque pangay c'a lipicuejma', lo'epa. Ti'ila' lonł'ejma' to iłque li'ejma'. Tonł'ete ma le'a al c'a. ¹⁶ Al Paxi Linilingiya ticua: "Iya' NanDios, NinPaxi. Ca'ay ma le'a al c'a. Imanc' jouc'a tonł'ete al c'a."

¹⁷ Imanc' mołpalaic'oyi ŁanDios ja'ni tołmife: "Mai'Ailli'", tołpo'nołe cuenna. Iłque ma' anuli tixinnila' lan xanuc', ja'ni ts'ił'hueca ja'ni ailopa'a quił'hueca. ŁanDios aŁuez. Tixina te ts'i'ic li'epa lan xanuc', tołta'a titeł'mi'mola' o aimateł'miyacola'. Imanc' tołspaic'ete. Ma mołmana' fa'a li'a łamats' tolihuejcole.

¹⁸ Imanc' joupá ołsina' te li'ipa litine li'najtsempa lołjunac'. Jiłpe litine tonł'eyi nixpiya. Toluyalaicoyi lapajnya tonł'eyi ma to mi'eyi lonł'aillí, tolihuejyi lomuc'impolhuo'. Li'najtsempa lołjunac' licumpa a'i lopa'a fa'a li'a łamats'. Aiquicuc' tomí aplata, ni a'oro. ¹⁹ I'najtsecopa ma lijuats' Cristo, iłque lo'onłcospa to łaca'hua moł pangay c'a, ailopa'a tintsí. IŁe lajuats' xonca juaiconapa acueca' lipitali.

²⁰ Ai'a tilajm'ma li'a łamats' ŁanDios ixpic'epa tołta'a lo'eya Cristo. Ti'hua ticoli, aiqui'ic'. Icuaitsa iłna'a litiné lecui'impa lijoucola', linca Cristo imu-jpoxi, icuaicoco'ma fa'a li'a łamats' tipaxnetsolhuo' ŁanDios. ²¹ Cristo joupá epi'ipolhuo' lołpicuejma', tonł'eyi linca li'epa ŁanDios limaf'i'inaŁa Cristo, lipa'anapa pe lomana' limanapola', limetsaicopa li'epa, epenufnapa nulemma pu'hua lema'a. Tołta'a toł'huaiyijnyi ŁanDios, toł'huaicoyi tepenuftolhuo'.

²² Imanc' itsiya a'i colihuequi al xujc'a capicuejma', tolihuejcoyi al Linca Cataiqui', tołta'a joupá i'ipa ac'a lołpicuejma', alimpio. Ti'i'ma tonł'e'mola' capic'a lołpimaye. Itsiya camilhuo': Ne'. Tonł'etsoltsi capic'a, toł'nujuaitsołtsi talay łolunxajma', a'i ma le'a ataiqui'. ²³ Imanc', ŁanDios joupá epi'ipolhuo' al ts'e lołpitine, tocomma to ołmajnliconna. Iłta'a al ts'e lołpitine aimi'onłspa locuena lołpitine. IŁe ti'hua tijou'ma. Iłta'a a'i, aimijouya. Tołta'a li'e'epolhuo' lolapenufpa litaiqui' ŁanDios. IŁe imaf'i' cataiqui'. Aimi'iya miłonc'enyacu.

²⁴ Tołta'a loya'apa al Paxi Linilingiya, ticua:

Lan xanuc' ti'onłcospola' to liłamqui c'ec.

Tama juaiconapa ac'a i'huáquila', etejyołtsi, jahuay iłta'a ti'onłcospa to lipipa' liłamqui c'ec.

¡Tołsinłe! Joupá ijulpa liłamqui c'ec, lipipa' ecangemma nulemma.

²⁵ Litaiqui' łalPoujna a'i tołta'a lo'iya, iłque litaiqui' aimecangemma.

Małe lataiqui' u'impolhuo' imanc', iŁe lataiqui' loya'apa al c'a lixpíc'epa ŁanDios.

2

¹ Ja'ni tipa'a al ts'e lołpitine jouc'a ti'ila' al ts'e lołpicuejma'. Aimol'econa'mołtsi lixcay. Aimol'fel'miconam'oltsi. Tolihuejcole, aimol'e'e'mołtsi le'a, aimol'econa'mołtsi laic', aimol'nescona'mołtsi. ² Imanc' joupá ołmajnliconna, ti'onłcospolhuo' to lan ts'e capiłmi. Toł'ete colpic'a lołheche, pangay al c'a leche. Tites'mi'molhuo', ti'ila' quipujfxi al ts'e lołpitine. Tołta'a tuntul'molhuo'. (Iya' laifnescopa "lołheche", canescojma litaiqui' ŁanDios.) ³ Linca tołta'a tonł'e'me ja'ni joupá ołsingufpá te ts'i'ic' łalPoujna, iłque pangay c'a.

⁴ Ti'hua toli—loc'olai'me pe łecui'impá “Łimaf'i' Capic”. Lan xanuc' linca iximpá to ninaitsi capic, etets'ipá. ŁanDios ituca' iximpa. Iłque i'huijf'epa, imetsaicopa xonca ac'a. ⁵ Imanc' jouc'a ti'onłcospolhuo' to łapic', iłne ts'ılmaf'i'. Ja'ni toli—loc'olai'me łalPoujna, ŁanDios tipo'no'molhuo' anuli anuli pe latenłcocoaya, ti'i'molhuo' epic', tixhuico'molhuo' tilanc'eco'ma lejut'ł, iłe lixoute'. Tixim'molhuo' to e'aillí ŁanDios. To e'aillí tipa'a lołtsufcoya ŁanDios. Tołpo'no'me lołpicuejma' tołcu'mołtsi. ŁanDios timetsaicolhuo' toł'huaiyijnyi Jesucristo, tołta'a tetenłcoco'ma lołtsufcopoltsi, tepenuf'molhuo'.

⁶ Al Paxi Linilngiya tuya'e' ŁanDios lonescopa iłque Łapic, ticua:
;Tolsinłe! Jilpe liłya' Sión cafa'ma anulij cal Cueca' Capic, iłque łopo'nof'inyacu łaital.

Iłque łapic ma' iya' ai'huijf'epa, caxina juaiconapa ac'a, xonca acueca' lipitali. Pe no'huaiyijmpá iłque łacui'impá Łapic, małniya aimixinyacu calaic'ata, aiminesyacu: “ŁanDios ałfel'mipa”.

⁷ Ja'ni toł'huaiyijnyi Cristo, “... iłque łacui'impá Łapic”, ŁanDios timetsaicotolhuo'. Locuenaye lan xanuc' ituca' lo'iyacola'. Iłne pe aimihuejcoyi, tixinyi Cristo to “... łapic łetets'ipa nolanc'epá lajut'ł”. Jouc'a tixim'me joupa i'ipa łapic xonca łaicuicoya. Iłque “... łapic xonca tilanc'e łaital, aimecangeya lajut'ł”. ⁸ Jouc'a tixinguf'me to “... łapic łoc'ui'eyacola' lan xanuc’”. Jilque cal cueca' capic tixcai'e'mola'. Aimihuejcoyi Lataiqui', tołiya tixcai'e'mola'. Joupa ixpic'epa ŁanDios iłe loyalaicoyacu.

⁹ Imanc' ŁanDios joupa i'huijf'epolhuo', i'epolhuo' e'aillí, anuli tołcuxeta. Tix-innilhuo' to anuli al nación apaxi, ma' i'huexi. I'e'epolhuo' ma' ixanuc'. Tołta'a li'e'ecopolhuo' tołuya'ałe, tołmujtsołtsi te ts'i'ic' al c'a lipicuejma', li'ejma' ŁanDios.

Małque ŁanDios ijoc'ipolhuo' mipa'a pangay muf lołpicuejma'. Iłque epalc'o', ulif'epolhuo' lołpicuejma'. Ołsimpá juaiconapa ac'a iłe lepalc'o'. ¹⁰ Li'ipa, imanc' a'i quixanuc' ŁanDios, itsiya ma' ixanuc'. Li'ipa, ŁanDios ixtuc'opolhuo', itsiya a'i. Joupa iximpolhuo' unc'icuanuc'la, itoc'ipolhuo', ipaxnepolhuo'.

¹¹ Maicunc'aipimaye, caxa'huelhuo', cu'ilhuo': Aimolihuej'me lafane cołpicuejma'. Iłe ma tipa'nelhuo', tijouła' aimolihuejyacu ŁanDios. Toł'nujuaisle: Ma le'a tolyalaicoyi jifa'a li'a łamats', aimicołyacolhuo'. ¹² Tołmana' petsi lan xanuc' aimimetsaicoyi ŁanDios. Ma molihuejcoyi ŁanDios tinescolhuo' a'ijc'a. Camilhuo': Ti'ıla' mane ac'a loł'ejma', ma latenłcocoaya. Tołta'a tehuelojm'molhuo' monł'eyi al c'a. Tijouła' ticuaitsi litine timujxoxi jilpiya ŁanDios, iłne timetsaico'me ma' anDios.

¹³ Ma' moł'nujuaisyi łalPoujna tolihuejcotsola' lincuxepá, iłne nomana' fa'a li'a łamats'. Ja'ni cal rey, iłque xonca cal cuecaj quincuxepa, ¹⁴ ja'ni pe lifajpola' cal rey, tolihuejcotsola'. Iłniya łommepola' titeł'mintsola' petsi no'epá lixcay, jouc'a tixoc'innila' quileta petsi no'epá al c'a. ¹⁵ Camilhuo': Tolihuejcotsola' lincuxepá. Tołta'a tonł'e'me lipic'a ŁanDios, tonł'e'me ma le'a al c'a, toł-ch'ixc'e'mola' lan tonno petsi aiqulłcueca.

¹⁶ Tama imanc' a'i quił'huexi loł'as xanuc' nomana' fa'a li'a łamats', aimołnes'me: “Ailopa'a nałcuxeya, ca'e'ma nixpiya”. A'i. Xonca tolihuejco'me ŁanDios locuxe'epolhuo'. Ma' iłque ołPoujna. ¹⁷ Jahuay ts'ılpenic' tolimetsaicotsola'. Nij naitsi colatets'iyacu. Ti'hua monł'e'ela' capic'a lapimaye, ti'hua tulummoc'ole ŁanDios, ti'hua tolihuejcołe cal rey.

¹⁸ Imanc' unc'imozó: Tolihuejco'me locuxe'epolhuo' lołpoujnalá. Toli-huejcotsola' jahuay iłniya. Ja'ni lan c'a xanuc' petsi aimixtuleyacu, ja'ni a'ijc'a liłpicuejma', ma' anuli tolihuejcotsola'. ¹⁹ Ma molihuejcoyi ŁanDios, ja'ni tołtełcoyi tama ailopa'a conł'epa, ti'ıla' cołsina' ti'najtse'molhuo' małque ŁanDios. ²⁰ Ja'ni tołsnet'lyi lontafpolhuo' ma mołtełcoyi cołtuca' lołjunac',

¿te ÑanDios tixinnilhuo' xonca ac'a lo'ejma'? Ai. Mon'eyi al c'a, ja'ni to'nsnet'lyi mite'lmilhuo', linca ÑanDios tixim'molhuo' xonca ac'a lo'ejma', ti'najtse'molhuo'.

²¹ ÑanDios ijoc'ipolhuo' to'telco'e to'ta'a. Ma to'ta'a lite'copa Cristo lepi'empa la'junac'. To'ta'a a'hmuc'iponga' te ts'i'ic' al c'a al'e'me. Alihuejle Cristo. ²² Cristo ai'qui'aic' quixcay. Ai'quinesqui lafel'laiqueya cataiqui'. ²³ Limilojpa' cataiqui' aimimiconala' to'ta'a. Mite'lma, aimitalai'e. Epi'ipa quimane ÑanDios, it'que copa'a cal Juez No'epa al hijca.

²⁴ Ji'pe lancruz lilanc'ecompa a'ec, itaic' la'junac'. Ma quituca' licuerpo ixingufcopa lite'mimpa. To'ta'a lun'u'eponga' la'epa lixcay, ite lixcay li-joupa lacani'eponga'. ÑanDios lapi'iponga' al c'a la'picuejma', to'ta'a tipa'a al ts'e la'pitine. Li'ipa, imanc' extafpolhuo' cajunac'. Lixcai'empa Cristo, it'que ite'copa lo'junac'. To'ta'a ÑanDios ixal'menapolhuo'. ²⁵ Li'ipa, imanc' ti'on'cospolhuo' to lam mot'i, it'ne tiyelocoyi ni cua petsi lo'pic'epa. Itsiya a'i to'ta'a lo'ejma'. Joupa o'pailinamma, olimetsaicopá la'Poujna. It'que ti'elhuo' cuenna, aimejac'yacolhuo'.

3

¹ Iya' aimipolhuo': Ja'ni unc'imo'zó tolihuejco'tsola' lo'poujnalá. Itsiya cu'ilhuo' unc'aca'no', ma' anuli tolihuejco'e lo'pe'aillí. To'ta'a, tama it'niya aimihuejcoyi Lataiqui' ti'i'ma tolulij'mola'. Aimot'sc'ai'iyacola', ma le'a lo'ejma' tolulijco'mola'. ² Tixim'molhuo' joupa olanajpo'tsi lixcay. Tixim'molhuo' tolihuecoyi it'ne lo'pe'aillí.

³⁻⁴ Imanc' unc'aca'no', aimolatej'mot'si, aimot'sue'lmot'le'me te ts'i'ic' lo'huaf'i'mot'si lo'juac o te co'po'noyacu lo'june' a'oro o te co'po'noyacu xonca al c'a co'pijahuá'. Jahuay ite loximpa lan xanuc' ti'hua tijou'ma, aimico'lya. Imanc' tipa'a lo'adorno petsi ai'qui'huáqui ni aimijouya, ite al ts'e lo'pitine. Ma moluyalaicoyi amanxu a'i coyac'la, to'lmuyi al c'a lo'picuejma'. ⁵ To'ta'a li'adorno lam paxi caca'no' no'huaiyijmpá ÑanDios nimajmpá luyaipa quitine, it'ne tihuejcoyi li'pe'aillí. ⁶ To'ta'a li'ejma' Sara. It'que ihuejco'ma Abraham, timi: "Maipoujna". Imanc' jouc'a i'ipolhuo' to inaxque' Sara. It'que o' máma' ja'ni ton'eyi al c'a, ja'ni aimot'sinyi caxpaiqui'.

⁷ Imanc' unc'ape'aillí, aimolimenc'eco'me, it'ne lo'penoye ahuata li'pufxi. To'nujuaitsola' to'ta'a, to'lmajm'me al c'a. Joupa aimipolhuo': Ni' anuli molatets'i'me. Jouc'a lo'penoye, aimolatets'i'mola'. Tolimetsaicola', it'ne ma' anuli imanc' tipa'a al ts'e lo'pitine. ÑanDios ma' anuli tepi'itolhuo' lo'huexi. Ja'ni to'nujuaitsila' to'ta'a aimi'iya mipa'neyacolhuo', ti'i'ma to'palaic'o'me ÑanDios.

⁸ Jahuay imanc' camilhuo': To'etsot'si anuli lo'picuejma'. Ja'ni lo'pimaye tite'coyi, imanc' jouc'a to'sintso'tsi to to'telcoyi. To'etsola' capic'a jahuay lapimaye, to'palaic'otso'tsi al c'a, aimo'e'mot'si acueca' lo'picuejma'. ⁹ Ja'ni a'ijc'a li'empolhuo', aimo'e'cona'mola' jouc'a. Ja'ni timilhuo' cataiqui', aimo'miconamola' to'ta'a, xonca to'imi'mola': "ÑanDios tipaxnetsolhuo'". Imanc' joupa o'sina' ÑanDios ijoc'icopolhuo' tipaxnetsolhuo'. To'ta'a o'huexi lapi'iyacolhuo'. To'liya camilhuo' to'imi'mola': "Tipaxnetsolhuo' ÑanDios". ¹⁰ Al Paxi Linilingiya tuya'e':

Imanc' ja'ni teten'cocotsolhuo' lapajnya, ja'ni toluyalaico'e al c'a, camilhuo': To'cuxete lo'pa', aimo'palai'me quixcay.

Ji'pe lo'co aimipahuo lafel'laiqueya cataiqui'.

¹¹ Aimo'e'cona'me quixcay, ton'ete al c'a.

Tolahue'te te co'iyá mo'pac'eyacu loyac', tijou'la' to'po'no'e lo'picuejma' tolihuejle to'ta'a.

¹² La'Poujna tehuelongila' pe no'epá al hijca, tiquimf'ela' mixa'hueyi.

Pe no'epá quixcay, jouc'a tixinnila', tixtuc'ola'.

¹³ Ja'ni tixoqui cunlata monl'eyi al c'a, ¿naitsi no'eyacolhuo' quixcay? Aimi'iya. ¹⁴ Ja'ni toltelcoyi tama alijca lonl'epa, linca toluyalaicoyi al c'a. LanDios tipaxnelhuo'. Aimotsuehmo'te'me. Ine notel'mipolhuo' aimi'iya mixpaic'eyacolhuo'. ¹⁵ To'l'nujuaisle Cristo jilpe lołpicuejma'. Itque ol'Poujna. ToHanc'e'e'moltsi lołpicuejma'. Tołta'a tołtalai'e'me naicuis'eyacolhuo'. Tołtalai'e'me nomiyacolhuo': “¿Te capi'inyacolhuo'?” Aimolixtulecu. Aimolatets'i'me naicuis'eyacolhuo'. ¹⁶ Jilpe lołpicuejma' joupá ol'sina' te ts'i'ic' latenłcocopa LanDios. Ti'ila' ma tołta'a lonl'ejma'. Linca timana' pe nonescopá colihuequi Cristo. Tinescoyi a'ijc'a. Iya' camilhuo': Ma moł'huaiyijnyi Cristo ti'hua tolihuejcole. Tołta'a tixim'me calaic'ata ine linfel'miyale.

¹⁷ Aimolnes'me: “Ał'ełe al c'a, ał'ełe a'ijc'a, ma' anuli atelco'me”. Cacia: Xonca al c'a luyalaico'me ja'ni ał'eyi al c'a, tama atelcoyi, ja'ni tołta'a tixpic'e LanDios.

¹⁸ Tołta'a lilełcopa Cristo. Itque ailopa'a quijunac'. Ma lałjunac' itaif'pa. Itque cal Eijca Xans. Illanc' a'ij hijca lał'epa. Itque i'najtsepa lałjunac'. Tołta'a aliloc'huai'iponga' LanDios. Jilpe lancruz ima'ayompa, LanDios epi'iconapa lipitine. ¹⁹ Ipo'no'ma licuerpo jilpe al pu'hua. Itsehuo'ma pe lomana' nomanapola', ine itats'ila'. Jilpe uya'atsi Lataiqui'. ²⁰ U'i'mola' ine pe aimihuejcoyi LanDios. Ma milanc'e Noé al arca LanDios tixnet'iqui lił'ejma' ine lincuejlocale. Aiquitel'mila'. Lijou'ma, ma le'a lam paico lan xanuc' nitsulfołaipá al arca aicunxalac'ila'. Ine lam paico unlu'e'mola' laja', jilpe texpef'que al barco. ²¹ Tołta'a LanDios ti'onlıcojma lalapo'imponga' laja'. Oluyalaico'me jilpe laja' jouc'a olunłulpá imanc' noł'huaiyijmpá Jesucristo, itque limaf'i'napa LanDios, ipa'anapa pe lomana' nomanapola'. Jilpe malapo'ininga' a'i ma le'a quepaqueya lałcuerpo. Aljoc'iyi LanDios latufc'e'etsonga' lałpicuejma', ti'ila' calsina' joupá liłonc'e'eponga' lałjunac'. ²² Jesucristo, małque ał'huaiyijnyi, joupá if'ajnapa lema'a, ticutsu al c'a camane LanDios. Jilpe lapaluc' quema'a, tama acueca' ti'hua liłmane, acueca' micuxeyi, jahuay iniya nomana' pu'hua tihuejcoyi Cristo.

4

¹ Cristo mipa'a fa'a li'a lamats' itelco'ma. Imanc' jouc'a tołpo'nołe lołpicuejma', ma mołmana' fa'a li'a lamats' toltelco'me. Tołspic'ele tołta'a. Tijouła' aimi'iya mołpai'yacu lołpicuejma'. Linca, ticuicomma atelcole, tołta'a tetec'om'me nulemma lał'epa a'ijc'a. ² Ja'ni tołpo'no'me tołta'a lołpicuejma', ma mołmana' fa'a li'a lamats' aimi'iya molihuejyacu lojanajpa locuenaye xanuc'. Ma colmaf'i' tolihuej'me LanDios lołpic'epa.

³ Iya' cacia: Joupá ixhuaita lonl'epa a'ijc'a. Axpe' camats' tonl'eyi ma latenłcocopola' loł'as xanuc', ine pe aimimetsaicoyi LanDios. Iniya litiné tonl'eyi al xujc'a, tolanant'liyi lixcay lołjanajpa, timeyoquilhuo', tonl'eyi cal juicoł pe juaiconapa a'ijc'a, tonlafot'leyołtsi loł'as xanuc', tołsnayi, jouc'a tonlaxc'onlıngolaiyila' landiosla'. Xonca acueca' quixcay ite lonl'epa. ⁴ Itsiya loł'as xanuc' pe aimimetsaicoyi LanDios, aiquilcueca te co'ipolhuo'. Tixinnilhuo' ituca' loł'ejma'. Iniya ti'hua tixis'mecoyołtsi ma mi'eyi acueca' nixpiya. Imanc' a'i. Tołiya tinescolhuo' a'ijc'a lonl'epa. ⁵ Ine titalai'eta cal Cuecaj Juez. Itque joupá ixpic'epa lo'eya. Petsi no'epá a'ijc'a, ja'ni ts'ilmaf'i', ja'ni joupá imanapola', ma' anuli titel'mi'mola'. ⁶ Tołiya u'impola' nomanapola' Lataiqui' loya'apa ite al c'a liłpic'epa LanDios. Tepenufle al ts'e quitpitine, ite locuya LanDios, tama joupá i'ınapola' to mi'ila' lan xanuc' ts'itai' cajunac', imanapola'.

7 Jounpa icuaico'me lijoucola' quitiné. Jahuay tijou'ma, aimicoŷa. Tohiya toŷuicoŷe loŷpicuejma', toŷcuxe'moŷtsi al c'a, ti'hua toŷjoc'i'me LanDios. 8 Aimolimenc'eco'me, ti'hua tonŷ'econa'moŷtsi capic'a. Iŷe xonca al c'a capicuejma'. Petsi lapimaye ti'eyoŷtsi capic'a, tama jilpe timenaquila' acueca', aiminescoyacoŷtsi, aimi'nujuaiscoyacu li'epa liŷpimaye, tama a'ijc'a. Timenc'e'eco'moŷtsi.

9 Tolapenuftsola' loŷpimaye loŷajut'li. Toŷtes'mitsola'. Aimoŷsim'me acuanuc' lolapi'ipola'. 10 Jahuay imanc', anuli anuli, ituca' ituca', LanDios epi'ipolhuo' loŷpicuejma' o loŷmane. Epi'icopolhuo' toŷtoc'itsoŷtsi. Itsiya toŷuicoŷe al c'a lepi'ipolhuo' LanDios, toŷtoc'itsoŷtsi. 11 Ja'ni epi'ipo' loŷpicuejma' toya'ala' o tomuc'iyaleŷa', iŷe loŷmuya'aya ti'ila' mane litaiqui' LanDios, toŷta'a topalaŷa'. Ja'ni tipa'a lopenic' totoc'itsola' lapimaye, toxahue'eŷa' LanDios titoc'itso' ima', totoc'itsola' al c'a. Jahuay lonŷ'epa tonŷ'eŷe al c'a. Ja'ni toŷta'a tolihuejyi Jesucristo tixinim'me acueca' LanDios.

Ma' iŷque anDios. Iŷque xonca ti'hua limane. Toŷta'a timetsaicoŷe lan xanuc'. Ti'hua timetsaicona'me aimijouya. Ma toŷta'a ti'ila'. Amén.

12 Maicunc'aipimaye, ma moluyalaicoyi lahuaicompolhuo', moŷsingufcoyi umla lateŷcoya, aimoŷsueŷmot'le'me, aimoŷnes'me: “¿Te caŷ'icoponga' toŷta'a?” Toŷcuc'eŷe iŷe lo'ipolhuo'. 13 Xonca tixojla' cunlata. Ma moŷteŷcoyi tolyualaicoyi to luyaicopa Cristo, to liteŷcopa iŷque. Toŷta'a tixoj'ma cunlata juaiconapa jilpe litine ticuaiyinni Cristo, timuj'moxi ma' anDios.

14 Imanc' ma molihuejyi Cristo, ja'ni timinnilhuo' cataiqui', linca tolyualaicoyi al c'a. LanDios tipaxnelhuo'. Li'Espíritu titoc'ilhuo', xonca timuc'ilhuo' naitsi iŷque Cristo. 15 Linca petsi tima'ahualeyi o tinantseyi, o ti'eyi lixcay, o titsufiyoŷtsi lo'epa locuenaye lan xanuc', iŷne jouc'a titeŷcoyi, titeŷ'minnila'. Imanc' a'i toŷta'a miteŷ'minyacolhuo'. 16 Ja'ni titeŷ'milhuo' ma molihuejyi Cristo, aimoŷsim'me calaic'ata. Xonca toŷmuj'moŷtsi aŷinca olihuequi Cristo. Toŷta'a toŷmuj'me acueca' LanDios.

17 Camilhuo': Toŷmujle acueca' LanDios. Jounpa icuai'ma litine LanDios tipango'ma titeŷ'mi'mola' lixanuc'. Ja'ni tipango'ma pe laŷmana', ¿te co'iyacola' petsi aimihuejcoyi Lataiqui' loya'apa iŷe al c'a lixpicepa LanDios? 18 Ja'ni afule malunŷul'me illanc', tama aŷijca laŷ'epa, ¿te co'iyacola' petsi aimihuejcoyi locuxepa LanDios, iŷne tetets'iyi? ¿Petsi comanc'eyacu iŷniya? 19 Tohiya camilhuo': Imanc' monŷ'eyi loxpicepa LanDios, ja'ni toŷteŷcoyi, toŷ'huaiyijnle LanDios. Iŷque ti'e'molhuo' cuenna loŷpitine. Iŷque aŷanc'eponga', aimalatets'iyaconga'. Ma ti'hua tonŷ'e'me al c'a.

5

1-2 Toŷta'a laifsc'ai'ipolhuo' jouc'a imanc' litsilojpolhuo' xanuc' noŷpijpa lataiqui'. Iya' jouc'a nitojpa xans. Miteŷma Cristo capa'a, aiximpa. Ticuaitsi litine timuj'moxi ma' anDios, iya' jouc'a capajm'ma, limetsaico'ma.

Camilhuo' imanc' litsilojpolhuo' xanuc': Tonŷ'etsola' cuenna loŷpimaye no-mana' jilpe. Iŷne ixanuc' LanDios. To liŷpoujna mot'ŷ ti'ela' cuenna limot'ŷ, toŷta'a tonŷ'e'mola' cuenna lapimaye. Tixoj'ma cunlata tonŷ'e'me iŷe loŷpenic'. Aimoŷcua'me: “Iŷe aipenic', ticohuaŷa' ca'e'ma”. Ni moŷcua'me: “Toŷta'a culij'ma caitomí”. Ma toŷpo'noŷe loŷpicuejma' toŷtoc'itsola' loŷpimaye. 3 Imanc' epi'impolhuo' loŷpimaye tonŷ'etsola' cuenna, a'i moŷcuxenai'mola'. Toŷmuc'i'mola' jahuay lapimaye al c'a lonŷ'ejma'. Toŷta'a iŷne jouc'a tihuej'me al c'a. 4 Ticuaitsi litine timuj'moxi cal Cueva' caPoujna mot'ŷ, iŷque timetsaiconnolhuo' ac'a lonŷ'epa loŷpenic'. Tepi'innolhuo' loluliyacu. Toŷmajnta anuli Cristo aimijouya.

⁵ Imanc' cunc'amijcanó, jouc'a tipa'a lonh'eyacu al c'a. Tolihuejcotsola' litsilojpola' xanuc' noxpijpá lataiqui'. Éinca jahuary imanc' unc'apimaye. Ti'onkotsolhuo' to lam mozó, tohtoc'itsoltsi.

Petsi no'nof'epohtsi, ÉanDios tipa'nela'.

Lam manxu, ihne no'oc'epohtsi, ÉanDios titoc'i'mola'.

⁶ Itsiya ja'ni tohsingufyi acumta limane ÉanDios, xonca tof'oc'e'mohtsi. Ticuaiti litine loxpicepa ÉanDios, ma' ihque ti'nof'e'molhuo'. ⁷ Ja'ni tohsingufyi ipime lapajnya, ja'ni tocomma to acueca' ohtaic' lolitay, totpo'note lixaye lahPoujna. Ihque aimimenc'ecoyacolhuo'. Ti'hua ti'nujuaitsilhuo'.

⁸ Tohtpic'ete al c'a lohtpicuejma'. Tohtcuxe'mohtsi al c'a. Tohtpo'note cuenna. Ti'hualejma naixtuc'opolhuo', ihque lonta'a Satanás. Ti'onkospa to calxmu. Tija'e' tumle'e. Tehuay naiti loma'aya, tite'ma nulemma. ⁹ Tohtpa'nele ihque Satanás. Ma mi'hua molihuejyi Lataiqui', ih loya'apa lixpicepa ÉanDios, lonta'a aimi'ya mimenac'iyacolhuo'. Toht'nujuaisle lo'ipola' lohtpimaye, ihniya jouc'a nomana' fa'a li'a lamats'. Ihne tuyalaicoyi nuli to imanc'. Ma' anuli tohtelcoyi ma mixhuaispa lohtelcopa. ¹⁰ ÉanDios itine itine ahtoc'inga', ahpaxnenga'. Imanc' peti noht'huaiyijmpá Jesucristo, ÉanDios joupa ijoc'icopolhuo' tohtcuaita pe lopa'a. Ate'a tohtelco'me, tama tocomma to ahuata litiné, tijoula' tilaitsufcotolhuo', timetsaicotolhuo' nulemma imanc' ixanuc'. Tohtmajnta aimijouya.

Mahtque ÉanDios tilanc'e'e'molhuo' lohtpicuejma', ti'ila' ma le'a al c'a. Tepi'i'molhuo' cohtpicuejma' tolihuejle, aimolanaj'mohtsi, tepi'i'molhuo' xonca cohtpufxi, tifayi'molhuo'.

¹¹ Ma ÉanDios xonca icueya limane, tohta'a timetsaicom'me. Ti'hua timetsaicom'me aimijouya. Ma tohta'a ti'ila'. Amén.

¹² Jifa'a tipa'a lahPima Silvano, tinihi ihla'a cohte'e. Cumme'ma ti'huala' titai'ma cohte'e, ticuai'etolhuo'. Ihque caxina to cal c'a capima. Ca'huaiyinge.

Ihta'a cohte'e a'hi qitoqui, oque' afane' cataiqui' le'a. Jifa'a aixc'ai'ipolhuo', nu'ipolhuo' te ts'i'ic' lahtoc'iponga', lahPaxneponga' ÉanDios. Aimolanaj'mohtsi.

¹³ LahPima caca'no' nopa'a liya' Babilonia, tinonilhuo'. Ihque jouc'a imanc' i'huif'epolhuo' ÉanDios. Ma' anuli tinonilhuo' lai'hua Marcos.

¹⁴ Tohtnontsoltsi, tohtuc'o'mohtsi lohtpeque. Tohta'a tohtmuc'i'mohtsi tonh'eyohtsi capic'a.

Tipac'e'entsolhuo' lohtpicuejma' jahuary imanc' peti joupa epenufpolhuo' Cristo.

LIJE'E SAN PEDRO LOCUENA LINIŁ'EPOLA' LAPIMAYE

¹ Iya' ninSimón Pedro, imozo Jesucristo. Iya' nin'apóstol, epaluc Jesucristo. Jifa'a quinił'elhuo' cołje'e imanc' noł'huaiyijmpá ŁanDios cał'Ailli' y Jesucristo Łalunł'u'eponga'. Iłne ma' ałjca lił'ejma', tołta'a epi'ipolhuo' lołpicuejma' toł'huaiyijnle. Imanc', illanc' ma' anuli lał'huaiyijmpa. Ma' anuli Lataiqui' lalapi'iponga' illanc' jouc'a imanc'. ² Ma mi'hua molimetsaicola' ŁanDios y Jesús lał'Poujna, ti'ila' cołsina' acueca' titoc'ilhuo', tipaxnelhuo'. Xonca ti'ila' cołsina' tipac'e'elhuo' lołpicuejma'.

³ ŁanDios iłque ma' anDios, acueca' ac'a li'ejma', ałjoc'icoponga' lihuejle. Iłque limane xonca juaiconapa acueca'. Aimi'onłspa lałmane illanc' ninc'ixanuc'. Joupa lapi'iponga' jahuay laicuicoya al ts'e lałpitine. Aimalahue'eyacongá'. Lapi'iponga' lałpicuejma' ał'ete ma le'a latenłcocoya ŁanDios. Ma molimetsaicoyi ŁanDios tołsinguf'me iłta'a. ⁴ Mipa'a tołta'a lipicuejma', li'ejma' ŁanDios icupa cataiqui'. Iłe lataiqui' licupa acueca' cataiqui', juaiconapa ac'a. Jiłpe lu'iponga' te ts'i'ic' lalapi'iponga'. Imanc' nolapenufpá iłe lataiqui' jouc'a ti'hua tilanc'e'e'molhuo' lołpicuejma', ti'onłcota to al c'a lipicuejma' ŁanDios. Jifa'a li'a łamats' lan xanuc' tijanajyi lixcay. Iłe lojanajpa tijou'nela' iłne liłpitine, tejac'e'mola'. Ai tołta'a mi'iyacolhuo', joupa unłu'empolhuo'.

⁵ Łınca, ŁanDios acueca' li'epa, acueca' lepi'ipolhuo'. Imanc' jouc'a tipa'a lonł'eyacu. Aimolnes'me: "Ailopa'a caif'econaya". Tołmaf'ile. Ma monł'eyi łınca litaiqui' ŁanDios jouc'a ti'ila' ac'a lonł'ejma'; mipa'a ac'a lonł'ejma' jouc'a tołcuc'e'le; ⁶ ma mołcuc'e'eyi jouc'a tołcuxe'moltsi al c'a; ma mołcuxeyoltsi al c'a jouc'a tołsnet'ł'me lo'ipolhuo'; ma mołsnet'łyi jouc'a tonł'ete latenłcocoya ŁanDios; ⁷ ma monł'eyi latenłcocoya ŁanDios jouc'a tonł'etsola' capic'a lapimaye; ma monł'ela' capic'a lapimaye toł'nujuaitsola' jahuay loł'as xanuc'.

⁸ Ja'ni tołta'a lonł'ejma', ja'ni toluyalaicoyi monł'eyi tołta'a, ałınca ti'hua tolimetsaicoyi xonca Jesucristo, iłque ał'Poujna. Aimi'onłyacolhuo' to iłne nocuapá: "Joupa ai'huaiyijmpa ŁanDios. Ailopa'a caif'econaya." ⁹ Iłque petsi aimi'ay to lainu'ipolhuo' ti'onłcospa to cal fo'. Aimixina al culi'. Luyaipa quitine acueca' ixis'mepoxi li'epa quixcay. Itsiya joupa imenc'ecopa litine lepac'empa. Litine ŁanDios liximpa alimpio imenc'ecopa.

¹⁰ Tołiya cunc'aipimaye, tołmaf'ile. ŁanDios joupa ijoc'ipolhuo', joupa i'huif'epolhuo'. Toł—linc'ile iłe li'epa ŁanDios. Ja'ni tonł'eyi lainu'ipolhuo' aimejac'yacolhuo'. ¹¹ Tołcuaita petsi aimijouya licuxejma lał'Poujna Jesucristo. Jiłpe tixoj'ma cunlata tołtsuflaita.

¹² Cacia: Ticuicomma tonł'ete to lainu'ipolhuo'. Tołiya joupa aixpic'epa ti'hua ca'nujuaits'i'itolhuo' iłiya lataiqui'. Aiacua: Aicołsina'. Łınca, joupa ołsina' lainu'ipolhuo'. Joupa imuc'impolhuo' al c'a al Łınca Cataiqui', tolihuejyi. ¹³ Ma mipa'a łai'espíritu fa'a laicuerpo, iłca'a łaix'huijma', iya' cacua ca'e'ma al c'a, camaf'i'i'molhuo'. Ma ca'nujuaits'i'icona'molhuo' lainu'ipolhuo'. ¹⁴ Tijoułá' capo'nołá' nulemma laicuerpo aimi'iya ca'nujuaits'i'iconayacolhuo'. Aixina' aimicołya małmaya. Lał'Poujna Jesucristo joupa lu'ipa.

¹⁵ Jouc'a cacua: Tijoułá' ałmałá' iya', imanc' ti'hua toł'nujuaitsa laifnu'ipolhuo'. Tołiya capi'i'moxi caipujfxi, cahuay te co'iya catoc'iyacolhuo', tołta'a aimolimenc'ecoyacu.

16 Illanc' joupá lu'ipolhuo' te ts'i'ic li'epa, lo'eya łáPoujna Jesucristo. Lu'ipolhuo' acueca' ti'hua limane itque. Lu'ipolhuo' ticuaiyoconno. He łátaiqui' a'i ma le'a całtaiquí illanc'. Illanc' joupá ałsimpá limujpoxi cal Cueca'. Ma łá'u' lahuelojmpá. 17 Malahuelojnyi łáPoujna, ŁanDios imet-saicopa, epalc'o'ipa acueca' lipepalc'o'. Jiłpe ałcuj'me tipalay ŁanDios, itque cal Cueca' juaiconapa. Małque tuya'e': "Itca'a ai'Hua, juaiconapa caipic'a, latentłma lipicuejma". 18 He łataiqui' lopalaipa ałcujmpá ma co'huayomma lema'a. Łálcujmpá tołta'a ałmana' cal paxi quijuala ałejmale Jesucristo.

19 ŁanDios jouc'a łapi'iponga' liłtaiqui' lam profeta, tołta'a xonca ał'huaiyijnyi Cristo. Iłne liłtaiqui' tocomma to lepalc'o' lolif'epa jiłpe petši pangay muf. Ticuicomma tołpo'nołe cuenna iłe łataiqui', tolihuejle. Tijoułá' jiłpe łolunxajma' tołsinguf'me titsahuehuo cal Xamna Quilic'ejma, iłe tuya'e': "Joupa icuaico'ma litine". Tołsinguf'me acueca' epalc'o'ipolhuo' lołpicuejma'. 20 Xonca ticuicomma ti'itá' cołsina' te ts'i'ic' liłtaiqui' lipalaipa lam profeta. Aimipa'acoyi iłne łataiqui' liłpicuejma'. 21 Ni anulemma quilspic'e quiltuca' te ts'i'ic' loya'ayacu. Iłne lam paxi profeta uya'a'me ma le'a lu'ipola' ŁanDios. Cal Espiritu Santo ujfxi icuxe'mola' jiłpe liłpicuejma'.

2

1 Li'ipa pe limajmpá lan xanuc' Israel jouc'a imajmpá locuenaye profeta. Iłne a'i cummela' ŁanDios, mane infel'miyale. Pe lołmana' imanc' jouc'a ti'i'ma tołta'a. Ticuaicu lomxiye ts'itpic'a tifel'mitsolhuo'. Timuc'i'molhuo' ituca' cataiqui', iłe mane tejac'eyale. Iłne tetets'iyi łıłPoujna, itque joupá i'najtsepa liłjunac'. Tołta'a tejac'eyołtsi. Litine mejac'eyacola' aimicołya. 2 Linca, axpela' tihuej'me. Ti'e'me nixpiya to lo'epa iłne linfel'miyale. Tołta'a tinesc'em'me al Linca Cane. 3 Iłne lomxiye mane itpic'a tulijle quiltomí. Quiltuca' liłpicuejma' tipa'a'me łataiqui' lopalaiyacu, coła' tifel'mitsolhuo'. Linca, axpe' camats' ti'hua ticue iłe lotel'miyacola'. Tama ticołi ma ti'huaijma. Tijoułá' tecani'e'mola' nulemma.

4 Cacua: Tecani'e'mola'. Linca ni quimenc'e'econnila' lapaluc' quema'a, ni'epá quixcay. Ecajm'mimpola' al pu'hua al muf. Jiłpe i'huequimpola' ticuaitši litine titeł'mim'mola'. 5 Jouc'a a'i cunłu'e li'a łamats' li'ipa al te'a. Ni quimenc'e'ecola' li'epa lan xanuc' limajmpá. Ma le'a unłu'e'mola' apaico lan xanuc'. Anuli Noé jouc'a locuenaye lan caitsi. Itque Noé uya'a'ma: "ŁanDios ałijca lo'epa". Locuenaye lan xanuc' pe aimihuejcoyi ŁanDios, iłne ima'a'mola' laja', litine licui'ma łaxpaiqui' cacui. 6 Jouc'a ecani'e'mola' łilelołya' Sodoma y Gomorra. Ipi'e'mola' nulemma. Ipanenni ma le'a api'. Jiłpe tama joupá i'ipa, ma ti'hua timuqui te ts'i'ic' lo'iyacola' iłne petši aimihuejcoyi ŁanDios.

7 Linca, unłupa Lot. Itque ac'a xans, iximpa ipime lapajnya jiłpe liłya' petši nixpiya lo'epa lan xanuc' pe aimihuejcoyi locuxepa ŁanDios. 8 Lot ałijca xans, mipa'a liłya' Sodoma itine itine iximpola' lo'epa lan xanuc' pe aimihuejcoyi ŁanDios. Iquimf'e'mola' lonespa. Itque al c'a lipicuejma' aimetenłma loximpa, loquimf'epa. Tocomma to quituca' titeł'miyoxi.

9 Iłiya li'ipa ałmuc'inga' te ts'i'ic' li'ejma' łáPoujna. Itque ixina' lo'eya. Pe nohuejcopá, tama tehuaiyingila', tunłu'e'mola'. Locuenaye pe a'ij łijca lo'epa, ituca' lo'iyacola'. Iłniya ti'huequila' mitełcoyi, ti'huaicoyi ticuaitši litine timit-sola' te ts'i'ic' lo'iyacola'.

10 Pe a'ij łijca lo'epa, iłne no'epá ma lojanajpa łafane capicuejma', tixis'meyołtsi tołta'a, tetets'innila' lincuxepá nomana' lema'a, xonca titeł'mi'mola'. Iłne lixcay xanuc' aimixpailiquila', ma quiltuca' tixpic'eyi liłpicuejma'. Tetets'innila' lan tsila' lapaluc' quema'a. Tinescoyi a'ijca.

11 Lapaluc' quema'a, iñe xonca lan tsila' juaiconapa, tama xonca acueca' lihpufxi, aimicufquinnila' iñiya no'epá quixcay. Aimija'ayi, aimu'iyi ÑanDios, aimimiyi: “Tołta'a, tołta'a lo'epa iñe lan xanuc”.

12 Iñe lixcay xanuc' aimicuec'eyi. Ti'onłcospola' to linneja petsi ailopa'a quipicuejma'. Imajnicota ti'nołintsola' tima'antsola'. Iñe tama aiqulsina' lonescopa ti'hua tipalaicoyi, tetets'iyi. Ma mi'eyi iłta'a lixcay tecani'em'mola' nulemma. 13 Tołta'a lolijyacu. Ti'najitse'em'mola' iñe pe a'ij lija lo'epa.

Iñe ma tetencocoyołtsi quilituca'. Mane tehueyi lopa'a fa'a li'a łamats', iñe aimicołya, ti'hua tijou'ma. Aiqulsina' calaic'ata, tama infel'miyale. Tixoqui quileta titsufłai'me pe lołmana'. Tołtets'o'me anuli jilpe lołjuic. Iñe ma le'a tixis'meco'molhuo', timints'e'e'molhuo' lołjuic.

14 Tehuelaifinnila' lacał'no'. Ja'ni aimetenłma ÑanDios ti'hua ti'eyi tołta'a, aimixospola'. Tifel'minnila' petsi a'i quifayiya lihpicuejma'. Aimicuayi: “Joupa ixhuaita”. Ti'hua tijanajconayi. Ihueyipá tołta'a lił'ejma'. ÑanDios joupa icuajpola'.

15 Iñe joupa enajpołtsi al Lijca Cane, ejac'pola'. Tihuejyi li'ejma' Balaam i'hua Beor. Iñe ticua: “Aiquihuejcoya ÑanDios. Tołta'a culij'ma caitomí. Ał'najitse'ma.” 16 Iñe ma' aimihuejma ÑanDios italempa, imuc'im'me a'ijc'a li'ejma'. Liburro, inneja aimi'iyia mipalaiya, ipalai'ma to cal xans. Tołta'a etequenni lipemac'ta cal profeta Balaam.

17 Pe naihuejpa li'ejma' Balaam ti'onłcospola' to al pu'hua caja' joupa ijułpa. Ti'onłcospola' to łummahuay ti'hua tinulyi mi'hua łahua' juaiconapa. Iñe łummahuay aimicui'e. Joupa ilanc'empa petsi locuaiyacu iñe lan xanuc'. Jilpe ailopa'a quepalc'o', pangay muf. 18 Liłtaiqui' lopalaipá iñiya atsila' juaiconapa. Aimi'iyia muhuałc'enyacu. Tifel'miyaleyi, tu'iyaleyi: “Ailopa'a tintsí. Iñe nixpiya lołjanajpa, ne', tonł'e'me.” Tołta'a timinnila' tifel'minnila' iñe petsi al quite' enajpołtsi lił'as xanuc' laimenajpola'. 19 Lomxiye nocuapá: “Tołihuejle łaiłtaiqui'. Tołta'a aimi'iyia micuxenyacolhuo”, a'ij linca iłta'a lonespa. Małniya aimicuxeyołtsi quilituca'. Mane tihuejcoyi lixcay lopa'a jilpe lihpicuejma', iñe ticuxela'. Cal xans pe joupa uliquimpa ti'onłcospa to cal mozo. Iñe locuxepa tocomma to ipoujna. Tołta'a cacua: Aimicuxeyołtsi iñe.

20 Petsi joupa imetsaicopá łalPoujna Jesucristo Łalunłu'eponga', joupa enajpołtsi lixcay lopa'a fa'a li'a łamats', ticuicomma ti'hua tihuejle al c'a. Ja'ni titsufłaiconałe lixcay cane, ja'ni tulijconatsola' nulemma iłta'a lixcay, acueca' a'ijc'a lo'iyacola'. Linca, tama al te'a a'ijc'a lo'iyacola', itsiya xonca acueca' lo'iyacola'. 21 Iñe coła' aiqulimetsajma al C'a Cane. Tołta'a aij tine lo'iyacola'. Iñe ma' imetsaicopá iñe Lane, lijoupa ipailinamma. Etets'ipá al Paxi Cataiqui' locuxepola', iñe li'ipa lepenufpa. 22 Li'ipola' to minesqui lataiqui', ti'onłcospola' to: “Cal tsiqui joupa icuaicona'ma petsi linajhuo'ma, titeconghua”. Jouc'a tuya'e': “Łijna mijou'ma mepo'im'me timelfaiconghua lixitsqui”. Ma' al linca loya'apa iñe lataiqui'.

3

1 Maicunc'aipimaye, joupa ninił'epolhuo' anuli lołje'e. Itsiya quinił'elhuo' ocuena cołje'e. Iñe loque' lołje'e ma' anuli cu'ilhuo'. Imanc' joupa i'ipa ac'a lołpicuejma', a'i ma le'a moł'e'eyołtsi. Quinił'econalhuo' caxc'ai'ilhuo' tołsuicołe al c'a iñe lołpicuejma'. 2 Camilhuo': Toł'nujuaisle liłtaiqui' lam paxi profeta, iñe lataiqui' linespa luyaipa quitine. Toł'nujuaisle jouc'a lataiqui' licuxepa łalPoujna, iñe Łalunłu'eponga'. Małe liłtaiqui' łalPoujna joupa lu'ipolhuo' iñe lan apóstole icuaita pe lołmana'.

³ Xonca ticuicomma toľ'nujuaisle lo'iya lijoucola' quitiné. Iľniya ĩtiné tic-
uaicu lıntaluntseyale. Titaluntse'me ma mi'eyi lixcay lojanajpa ĩne quĩtuca'.
⁴ Tines'me: "Joupa icumpa cataiqui' ticuaihuo cal Cristo, timuj'moxi fa'a li'a
ľamats'. Aiqui'ic' toľta'a. Joupa imanapola' ľatatahueló. Ailopa'a qui'ipa. Ma to
mipa'a litine lilanc'empa li'a ľamats', ma' anuli ipanemma."

⁵ Iľne nonespá toľta'a aiquiľ'nujuaitsi te li'ipa. Ma quĩtuca' i'epá imenc'ecopa.
Li'ipa timana' lema'a jouc'a li'a ľamats'. Jiľe ľamats' ipayonge laja'. Maľe laja'
titoc'i ľamats' aimeteľquehuo. ŁanDios ma linespa, toľta'a i'ipa. ⁶ Maľe laja',
iľe lopa'a al 'ocay quema'a jouc'a iľe al toncay, eteľpa li'a ľamats'. Łamats'
imanna caja'. ⁷ Lema'a jouc'a li'a ľamats' ľalsimpa itsiya, tiľmana' iľ'huaijma
ľocuaicoya ľunga, tipi'em'mola'. Litaiqui' lonespa ŁanDios ti'huejc'ela' ticuaitsi al
Cueca' Quitine. Jiľe Litine cal Juez titeľ'mi'mola' lan xanuc' petsi aimihuejcoyi,
tejac'e'mola'.

⁸ Maicunc'aipimaye, xonca toľ'nujuaisle iľca'a ľataiqui': Ja'ni ti'ĩľa' imbamaj
maxnu camats', ja'ni ti'ĩľa' ma le'a anuli quitine, ľaľPoujna tixina'ma ma' anuli.

⁹ Linca timana' nocuapá: "Joupa uyaiconapa litine. ŁanDios aimi'eya to
licuapa." A'ij linca lonespa iľniya. Ma ticuaitsi litine lixpicepa ŁanDios,
ľaľPoujna tenant'ĩ'ma ľitaiqui' lijoupa licupa. Aimicoľcoconaya. Iľque tix-
innilhuo' unc'icuanuc'la. Ipic'a jahuay tixhvej'menanca al xujc'a lo'epa.
Aimixpic'e mejac'eyacola'. Ticua: "Ni' anuli mejac'ya".

¹⁰ Ma' aľınca ticuaihuo iľe al Cueca' Quitine lecui'impá: Litine ľaľPoujna.
Cal namas no'huapa ipuqui' aimuya'e', aimu'iyale'ma: "Mouqui o pitsu
cacuaita". Toľta'a ticuaihuo al Cueca' Quitine. Iľe litine ma muna'e'
juaiconapa, lema'a tejac'ma. Łepalaľc'o' nomana' lema'a acueca' tepat'ľmatola',
tįjana'mola'. Ma' anuli li'a ľamats', ľunga tipi'e'ma jouc'a jahuay lilanc'empa
lopa'a jiľpe. ¹¹ Toľta'a tejac'na'mola' jahuay ľalsimpa itsiya.

Ja'ni toľcuec'eyi iľe lo'iya, toľspic'e'me toľimetsaicotsoltsi ma' i'huexi ŁanDios,
toluyalaico'me toľta'a. Tonľ'e'me ma latentcocolhua ŁanDios. ¹² Tixoqui cunlata
toľ'huaico'me locuaicoya al Cueca' Quitine, timujxoxi ŁanDios. Ja'ni tonľ'eyi
latentcocolhua ŁanDios, iľe Litine aimicoľya locuaicoya. Ticuaitsi jiľe Litine
lema'a tunaita, tįja'ma. Iľe ľunga juaiconapa tepat'ľmatola' ľepalaľc'o', toľta'a
tįja'mola'. ¹³ Illanc' jouc'a imanc' aľ'huaicoyi a'ĩ ma le'a tipitsola' lema'a y
li'a ľamats'. Xonca aľ'huaicoyi ti'ĩľa' ma to loya'apa ľitaiqui' ŁanDios licupa.
Aľ'huaicoyi ti'ĩľa' al ts'e lema'a, ti'ĩľa' al ts'e li'a ľamats'. Jiľpiya ti'e'me ma le'a
al ĩjca.

¹⁴ Cunc'aipimaye, ja'ni toľ'huaicoyi toľta'a lo'iya, toľmaf'ile, toľpo'noľe
loľpicuejma' ti'ĩľa' ac'a loľ'ejma'. Tįjouľa' ticuaiconanni ľaľPoujna
aimoľsueľmot'ľeyacu. Iľque tixim'molhuo' ailopa'a coľxis'mecoyoľtsi.
¹⁵ Toľ'nujuaisle te cocoľcopa ľaľPoujna. Iľque ti'hua tixnet'ľqui. Aimixtuc'ola'
nulemma pe no'epá lixcay. Ticua: "Tunľu'entsola' axpela". Ma toľta'a
u'ipolhuo' ľacaľpima Pablo jiľpe loľje'e liniľ'epolhuo'. Jiľpe imuj'moxi acueca'
lipicuejma' lepi'ipa ŁanDios. ¹⁶ Pablo jahuay ĩje'e ma' anuli tinescojma lo'iya.
Jiľpe ĩje'e tįpa'a ľataiqui' acueca' ipime, afule maľcuec'eyi. Iľne lan xanuc' pe a'ij
cueca' quĩpicuejma', aiquiľmuxejma, aiquifayiya ĩľpicuejma', iľne aiquiľcueca
ľitaiqui' Pablo, xonca tixnic'eyi. Ma' anuli aimuhuaľyi locuenaye ľataiqui'
liniľijmpa jiľpe al Paxi Liniľingiya. Ma mi'eyi tejac'e'moľtsi.

¹⁷ Imanc' unc'aipimaye, joupa oľsina' iľe lo'iya. Toľpo'noľe cuenna. Ja'ni
tetenľcocolhuo' ľaimenac'iyale cataiqui', toľpai'i'moľtsi loľpicuejma' tama ĩ-
siya joupa ifayipolhuo'. Tileco'molhuo' pe aimihuejcoyi locuxepa ŁanDios.

¹⁸ Imanc' a'ĩ mi'ĩ'molhuo' toľta'a. Xonca ti'hua toľapenuf'me lotoc'ipolhuo',

lopaxnepolhuo' laPoujna Jesucristo, ilque Laluntu'eponga'. Ti'hua tolimet-saico'me, tohta'a xonca tolihuej'me.

Ma' ilque anDios, itsiya tohta'a mipa'a, tijauhuamlaicota ma anuli mipa'a. Tohta'a ti'ila'. Amén.

AL TE'A LIJE'E SAN JUAN LINIŁ'EPOLA' LAPIMAYE

¹ Lipangopa jahuay, itque tipa'a. Illanc' joupá ałquimf'epá lałpalaic'oponga', joupá ałsingopá lał'u', lahuelojimpá, limetsaicopá naitsi itque. Lałmane' joupá ał'noł'e'epá limane'. Illanc' maluya'ayi, ałpalaicoyi itque łacui'impá: Lataiqui'. Itque Lataiqui' imaf'i'. Lipitine aimijouya. Małe litine tepi'iyale. ² Itque imujpoxi. Illanc' joupá ałsimpá, luya'ayi, lu'ilhuo' imanc' te ts'i'ic' lipitine pe aimijouya. Itque petsi aimijouya lipitine tiłmana' anuli qui'Ailli' ŁanDios, imujpoxi, ałsimpá. ³ Itsiya jouc'a lu'ilhuo' imanc' te ts'i'ic' lałsimpa, lałquimf'epa. Ja'ni tołapenuf'me ite lałtaiqui' ałınca ałejmale'me. Illanc' ałejmale ŁanDios cał'Ailli' y Jesucristo, itque łi'Hua ŁanDios. Imanc' jouc'a ti'i'ma tonłejmale'me tołta'a. ⁴ Ałcuayi: Tenanłła' laıxojcopa calata. Toliya alinił'elhuo' itta'a cołje'e.

⁵ Jesucristo joupá lu'iponga' laluya'ayacu. Itsiya cu'ilhuo' imanc', ticua: "ŁanDios lipicuejma' pangay epalc'o', ailopa'a quixcay". ⁶ Toliya, ma małnesyi: "Illanc' ałejmale ŁanDios", ja'ni ti'hua ał'eyi quixcay a'ij łınca ite lałnespa. Ałfelłaiqueyi. ⁷ Pe lopa'a ŁanDios jilpiya pangay epalc'o', ailopa'a quixcay. Ja'ni tołta'a lałpepajnya, ałınca ałejmale lałpimaye. Tijoułá, ja'ni a'ijc'a lał'epa aimalmanecu nulemma. Lijuats' lixcuajaipa Jesucristo łi'Hua ŁanDios ti'hua alapac'enga'.

⁸ Aimi'ıya małnesyacu: "Iya' aıcai'aic' quixcay. Ailopa'a caijunac'." Ja'ni tołta'a ałnesyi ałfel'miyoltsi. Al Łınca Cataiqui' aıquitsufaic' lałpicuejma'. ⁹ Ja'ni ałmiyi ŁanDios: "Łınca, tipa'a laıjunac'", itque limenc'e'eco'monga' itna'a lał'epa. Lapac'e'monga' al xujc'a. Tołta'a li'ejma' ŁanDios. Itque ti'e'ma ma to linespa. Ti'e'ma al łıjca. ¹⁰ ŁanDios joupá lu'iponga': "O'epa quixcay". Ja'ni ałcuayi: "Aıcai'aic' quixcay", lıtaiqui' aıquitsufaic' lałpicuejma'. Tocomma to ałcuayi: "ŁanDios infel'miyale".

2

¹ Imanc' unc'ainaxque' itta'a caıfninił'ecopolhuo' cołje'e aimol'econa'me lixcay. Ja'ni limenajponga', ja'ni joupá ał'epá lixcay, jilpe pe lopa'a cał'Ailli' ŁanDios tipa'a Jesucristo Nałtalai'ecoponga'. Itque ailopa'a quıjunac', ma' ałıjca li'epa. ² Itque i'najtsepa lałjunac'. Tołta'a ipac'epa lipoyac' ŁanDios. I'najtsepa lałjunac', jouc'a i'najtsepa liłjunac' jahuay lan xanuc' nomana' ni petsi li'a łamats'.

³ Ja'ni ał'eyi lałcuxe'eponga' ŁanDios, ałsina' ałınca limetsaijma. ⁴ Pe nocuapa: "Nımetsaijma ŁanDios", tijoułá' aımi'ay locuxe'epa, itque cal xans tifelłaique. Al Łınca Cataiqui' aıquitsufaic' lipicuejma'. ⁵ Ja'ni ał'ete lałcuxe'eponga' ŁanDios, ałınca ał'eyi capic'a itque. Tołta'a ałsina' ŁanDios lapenufponga'. ⁶ Pe nocuapa: "Iya', ŁanDios lapenufpa", ticuicomma ti'ıta' li'ejma' to li'ejma' Cristo.

⁷ Maıcunc'aıpimaye, itta'a łaininił'epolhuo', laıfxc'ai'ıpolhuo' a'ij ts'e cataiqui'. Imanc' joupá olcuejpá lataiqui', olapenufpá jilpe litine loł'huaiyijmpa Jesucristo. Małe lataiqui' cu'ilhuo', caxc'ai'ilhuo' itsiya. ⁸ Ite lataiqui' laıfxc'ai'ıpolhuo' jouc'a canescojma to ats'e cataiqui'. Tołta'a imuj'ma Cristo. Uya'apa mipa'a fa'a li'a łamats'. Ma' anuli tołmuji imanc'. Li'ıpa pangay muf lołpicuejma', itsiya a'i. Fa'a li'a łamats' ti'hua tuyaijma al muf, lepalc'o' joupá ipangopa tepalc'o'iyale. Ite lataiqui' ałınca epalc'o'.

⁹ Pe nonespa: "Iya', lepalc'o' alulif'e", tijoułá' ja'ni ti'ay quıpılaic' łıpıma, a'ij łınca ite linespa. Lipicuejma' tıpanemma muf. ¹⁰ Naitsi no'epa quıpic'a łıpıma itque łınca aımenajyoxi lepalc'o', ailopa'a cuc'uılıtsufeya. ¹¹ Pe no'epa

quipilaic' hipima itque lipicuejma' amuf. Toŧta'a tuyaijma lapajnya. Aiquixina' te ts'i'ic' lipene lo'huapa. Aiquixina' pe cotseya. Al muf lopa'a lipicuejma' i'e'epa afo'.

¹² Imanc' unc'ainaxque', LanDios joupa imenc'e'ecopolhuo' lo'epa lixcay, imetsaicopolhuo' olihuequi itque ŧecui'impa Jesucristo. Toŧiya quiniŧ'elhuo' ita'a coŧje'e. ¹³ Imanc' unc'a'aillí, olimetsaijma itque Nopa'a lipangopa li'a ŧamats'. Toŧiya quiniŧ'elhuo' ita'a coŧje'e. Imanc' unc'amijcanó, joupa olulijpá lixcay xans, itque ŧonta'a. Toŧiya quiniŧ'elhuo' ita'a coŧje'e.

Imanc' inaxque' LanDios, joupa olimetsaicopá caŧ'Ailli'. Toŧiya quiniŧ'elhuo' ita'a coŧje'e. ¹⁴ Imanc' unc'a'aillí, olimetsaijma itque Nopa'a lipangopa li'a ŧamats'. Toŧiya quiniŧ'elhuo' ita'a coŧje'e. Imanc' unc'amijcanó tipa'a loŧpujfxi. Joupa olapenufpá litaiqui' LanDios. He lataiqui' copa'a loŧpicuejma'. Joupa olulijpá lixcay xans, itque ŧonta'a. Toŧiya quiniŧ'elhuo' ita'a coŧje'e.

¹⁵ Cunc'aipimaye, aimoŧjanaj'me moluyalaico'me to lan xanuc' nomana' fa'a li'a ŧamats', iŧne naihuejpá quituca' liŧpicuejma'. Aimoŧjanaj'me lopa'a fa'a. Naitsi ti'onŧicoyoxi toŧniya o tijanaca toŧna'a, itque aimi'ay capic'a LanDios, xonca ti'ay capic'a lopa'a fa'a li'a ŧamats'. ¹⁶ Lan xanuc' pe aimimetsaicoyi LanDios iŧne ticuxeyoŧsi quituca'. A'ijc'a lojanajpa iŧniya. Tehuelojnyi, tijanajyi. Tinescoyoŧsi xonca ac'a liŧ'hueca, xonca' ac'a lo'epa. He liŧ'ejma' aiqui'huayoya LanDios. Heque aimimuc'iyale toŧta'a. He iŧ'ejma' liŧ'as xanuc' nomana' li'a ŧamats'. ¹⁷ Iŧca'a ŧamats' aimicoŧya. Ti'hua tuyaipa. Jouc'a tijouna'ma jahuay lojanajpa iŧniya pe aimimetsaicoyi LanDios. Petsi no'epá lixpicejma' LanDios, iŧniya aimijouya liŧpitine.

¹⁸ Cunc'ainaxque' camilhuo': Joupa icuai'me lijoucola' quitiné. Joupa oŧcuejpá limimpolhuo': “Ticuaihuo cal Anticristo. Heque naixtuc'opa cal Cristo.” Itsiya timana' axpela' lan anticristo. Toŧiya oŧsina' joupa icuai'me hijoujma quitiné. ¹⁹ Iŧne lan anticristo enajpoŧsi, aŧpo'noponga' caŧuca'. Tama li'ipa aŧejmalepá, iŧne a'i capimaye. Ja'ni apimaye coŧa' aŧmana' anuli itsiya. Joupa aŧpo'noponga' caŧuca'. Toŧta'a aŧmuc'iponga' te ts'i'ic' liŧpicuejma' iŧniya. Tama anuli lalafot'hepoŧsi timana' petsi ituca' liŧpicuejma', a'ij nuli illanc'.

²⁰ Imanc' a'i to iŧniya. Cal Paxi li'Hua LanDios joupa ipaxnepolhuo'. Epi'ipolhuo' cal Espíritu Santo. Toŧta'a ti'i'ma toŧcuc'e'me jahuay litaiqui' LanDios, aimoŧnesyacu: “Aicaicueca”. ²¹ Itsiya ma quiniŧ'elhuo' coŧje'e aicacua: “Iŧne laipimaye aiquilimetsaijma al Linca Cataiqui’”. A'i. Joupa oŧsina' al Linca Cataiqui' te ts'i'ic'. Oŧsina' te ts'i'ic' loya'apa petsi naihuejpá al Linca Cataiqui'. Iŧniya aimuya'ayacu lafelŧaiqueya cataiqui'. Aimi'iya.

²² ¿Naitsi itque noya'apa lafelŧaiqueya cataiqui'? Heque noya'apa toŧta'a ticua: “Jesús, itque a'ij Cristo. A'i itque munŧu'eyale.” Petsi nocuapa toŧta'a copa'a cal Anticristo. Heque tetets'i caŧ'Ailli' LanDios, jouc'a tetets'i li'Hua LanDios. ²³ Petsi natets'ipá li'Hua caŧ'Ailli' LanDios, nocuapá: “Heque a'ij Cristo”, iŧniya aiquilepenufi caŧ'Ailli' jouc'a. Petsi naimetsaicopá li'Hua, nocuapá: “Heque linca aCristo”, iŧniya joupa epenufpá caŧ'Ailli' LanDios jouc'a.

²⁴ Imanc' aimolihuej'me ocuena cataiqui'. Lipangopa loŧ'huaiyijmpa Jesucristo olapenufpá al Linca Cataiqui', tipanenni iŧe lataiqui' jilpe loŧpicuejma'. Mipa'a iŧe lataiqui' jilpe loŧpicuejma' aimolanajyacoŧsi li'Hua caŧ'Ailli' LanDios, ni aimolanajyacoŧsi caŧ'Ailli' LanDios. ²⁵ Cristo joupa icupa cataiqui'. Icuapa: “Capi'i'mola' liŧpitine aimijouya”. He laŧpitine lapi'i'monga' ja'ni aimalana-jyoŧsi.

²⁶ Toŧta'a laininiŧ'epolhuo'. Capalaicola' iŧniya pe ts'iŧpic'a tifel'miyaleŧe. ²⁷ Imanc' ituca' loŧpicuejma'. Cristo joupa ipaxnepolhuo', olapenufpá cal Espíritu Santo. Toŧta'a aimicuicomma comxi mimuc'iyacolhuo'. Heque pe

lepi'impolhuo', jahuay timuc'ilhuo'. Hque timuc'iyale al linca. Aimifel'miyale. Cristo joupá imuc'ipolhuo'. Aimolanaj'moltsi ilque.

²⁸ Cunc'ainaxque', itsiya camilhuo': Aimolanaj'moltsi Cristo. Tofta'a ticuaiconanni ilque aimalsinyacu calaic'ata. Tixoj'ma calata limetsaico'me.

²⁹ Imanc'olsina' te ts'i'ic' li'ejma' LanDios. Hque ti'ay ma le'a al hijca. Ja'ni tofta'a olsina', jouc'a olsina' te ts'i'ic' li'ejma' petsi alinca inaxque' LanDios. Hne jouc'a ti'eyi al hijca.

3

¹ Juaiconapa acueca' al'eponga' capic'a cañ'Ailli' LanDios. Alacui'iponga': "Inaxque' LanDios". Ma' alinca illanc' inaxque' LanDios. Locuenaye lan xanuc' nomana' fa'a li'a lamats' aicalimetsaiconinga' tofta'a. Aimi'iya. Hne aimimetsaicoyi LanDios. ² Maicunc'aipimaye, itsiya alsina' illanc' inaxque' LanDios. Tama tofta'a alsina', aicalsina' te ts'i'ic' mi'iya lalsans, lałpicuejma' tipaicotsi pu'hua. Aicalmuc'inninga'. Linca litine timujxoxi LanDios alsim'me ilque ma to qui'ic'. He lalsina' almuc'inga' alsim'moltsi pangay c'a lałpicuejma' ma to lipicuejma' ilque. Ja'ni a'i coła' aimalsinyacu to qui'ic'. ³ Hne petsi jouc'a no'huaiyimpá tofta'a, jahuay ihniya, tenaj'moltsi lixcay, ti'i'moltsi limpio, to LanDios pangay limpio lipicuejma'.

⁴ Ja'ni aimalihuejcoyi LanDios locuxepa, ile la'epa ma' ixgay. Jahuay lo'epa ja'ni a'i to micuxe LanDios, ile ma le'a ixgay. ⁵ Imanc' joupá olsina' te quicuaicoco'ma Jesucristo fa'a li'a lamats'. Icuacoco'ma liñonc'e'etsonga' la'epa lixcay. Jouc'a olsina' ilque linca aiqúi'aic' quixcay. ⁶ Tofta'a petsi aimenajyołtsi Cristo, pe joupá lepenufpola', ihniya aimi'eyi lixcay. Petsi no'epá lixcay hne aimimetsaicoyi Cristo. Aiquilsina' te ts'i'ic' lipicuejma'.

⁷ Imanc' unc'ainaxque', tołpo'note cuenna. Tofta'a aimifel'miyacolhuo'. Hne petsi no'epá al hijca ma le'a ihniya lan hijca xanuc'. Hne liłpicuejma' ahijca to al hijca lipicuejma' LanDios. ⁸ Petsi no'epá lixcay ihniya ixanuc' lonta'a Satanás. Lipangopa li'a lamats' ilque Satanás joupá ixgay lo'epa. Li'Hua LanDios icuacoco'ma fa'a li'a lamats' tejac'eła' ile lo'epa Satanás, aimale'coname tofta'a.

⁹ Petsi alinca inaxque' LanDios hne aimi'eyi lixcay. Jiłpe liłpicuejma' LanDios joupá ifapa Litaiqui'. Joupá epi'ipola' al ts'e liłpitine. Tofta'a aimi'iya mi'econayacu lixcay.

¹⁰ Tofta'a ti'i'ma tolimetsaico'mola' lan xanuc' te ts'i'ic' liłpicuejma'. Ihniya quiltuca' timuj'moltsi ja'ni inaxque' LanDios, ja'ni inaxque' lonta'a. Petsi aimi'eyi al hijca hne a'i quinoxque' LanDios. Jouc'a petsi aimi'eyi capic'a liłpimaye a'i quinoxque' LanDios.

¹¹ Lipangopa loł'huaiyimpá Jesucristo u'impolhuo' tofta'a. Ixc'ai'impolhuo': "Al'etsoltsi capic'a". ¹² A'i tofta'a li'ejma' Cañ. Ilque i'hua lonta'a. Lonta'a lo'epa ma le'a al xujc'a. Cañ ima'apa lipima. ¿Te quima'acopa? Lipima ac'a li'ejma', Cañ li'ejma' ixgay. Tofta'a ima'apa lipima.

¹³ Cunc'aipimaye, lan xanuc' petsi aimimetsaicoyi LanDios tama ti'ennilhuo' capilaic', aimolsuełmot'le'coname. ¹⁴ Illanc' al'eyi capic'a lałpimaye, tofta'a alsinyi lapi'iponga' al ts'e lałpitine LanDios. Li'ipa, anuli locuenaye lan xanuc' lajac'ponga'. Itsiya a'i. I'ipa ituca' lałpepajnya. Petsi aimi'eyi capic'a liłpimaye, hne linca ailopa'a al ts'e liłpitine, ejac'pola'. ¹⁵ Naitsi no'epa laic' lipima, ilque inma'ahuale. Linma'ahuale ailopa'a al ts'e quilpitine.

¹⁶ Illanc' joupá alsina' te ts'i'ic' la'eyacu ja'ni alinca' al'ela' capic'a lałpimaye. Cristo ma'enga' capic'a icupoxi tima'anle. Tofta'a lunlu'eponga'. Illanc' jouc'a alcutsoltsi, alcuanajcotsola' lałpimaye. ¹⁷ Cal xans ts'i'hueca, loyaicopa lapajnya ja'ni tixinla' lipima tehue'e', ¿te co'eya? Ja'ni aimixina acuanuc', aimitoc'i, ilque

cal xans ¿ja'ni tołta'a ti'ay capic'a ŁanDios? A'i. Aimi'ay capic'a. ¹⁸ Imanc' unc'ainaxque', camilhuo': Īhe mał'ehualeyı capic'a aimi'i'ma le'a ataiqui'. A'i ma le'a ałnes'me: "Ca'ela' capic'a". Ałınca ał'etsola' capic'a. Ałtoc'itsola' lałpimaye.

¹⁹ Tołta'a ałpac'e'e'mołtsi lałpicuejma'. Aimałsuełmot'leconayacu, aimałmiconayacołtsi: "¿Te iya' i'hua ŁanDios o a'i?" Ti'i'ma całsina' joupa ifapa al Īınca Cataiqui' jilpe lałpicuejma'. ²⁰ Tijoułta' ja'ni ałsuełmot'lecona'me, ja'ni ałmiconam' mołtsi: "¿Te iya' i'hua ŁanDios o a'i?", jouc'a ał'nujuaitsa xonca ixina' cal Cueva' CanDios. Īhque ixina' jahuay lał'epa. İxina' jahuay lopa'a jilpe lałpicuejma', lałunxajma'. ²¹ Maicunc'aipimaye, ja'ni aimałsuełmot'leyi tołta'a, ja'ni ałsinyołtsi ałınca illanc' inaxque' ŁanDios, tixoj'ma calata ałpalaic'o'me ŁanDios. ²² Tijoułta' pe lałsahue'epa ĩłque lapi'i'monga'. Ałsim'monga' lihuejcoyi lałcuxe'eponga'. Tetentococojma lał'epa. ²³ Ałcuxe'eponga' ał'huaiyijnle hi'Hua, ĩłque Jesucristo. Jouc'a ałcuxe'eponga' ał'etsołtsi capic'a. Ma' anuli tołiya lałcuxe'eponga' Jesucristo. ²⁴ Ja'ni alihuejcoyi ŁanDios locuxepa, aimalanajyacołtsi ŁanDios. Jouc'a ŁanDios aimenajyacoxi, luyalaico'me anuli. Ałsinguf'mołtsi tipa'a cal Espıritu Santo, ĩłque Łalapi'iponga' ŁanDios. Tołta'a ałsim'me aiquenajyoxi ŁanDios. Ałsim'me luyalaicoyi anuli.

4

¹ Maicunc'aipimaye, aimonł'e'mola' ĩınca jahuay lam profeta nocuapá: "İya' cuya'e' lalı'ipa cal Espıritu Santo". Tołpo'nołe cuenna. Ti'ıla' cołsina' ja'ni umme'epola' ŁanDios o a'i. İtsiya fa'a li'a lałmats' timana' axpela' ĩnfeł'miyale. Joupa ummempola' ti'ełe tołta'a. ² Imanc' joupa ołsina' te ts'i'ic' lonespa pe noya'apá lomipola' hi'Espıritu ŁanDios. Īhne ticuayi: "Jesús aCristo. İ'epoxi xans. İcuai'ma fa'a li'a lałmats'." ³ Pesti aimimetsaicoyi tołta'a Jesús, ĩhne aimuya'ayi lonespa hi'Espıritu ŁanDios. Īhne tu'iyaleyı loya'apa hi'espıritu cal Anticristo. İmanc' joupa ołcujepá ticuaihuo ĩłque cal espıritu. Camilhuo': "Joupa icuai'ma. Tipa'a fa'a li'a lałmats'."

⁴ Imanc' unc'ainaxque', joupa olulijpola' ĩniya lam profeta. Īhne aimi'ıya mifeł'miyacolhuo'. İmanc' joupa olapenufpá hi'Espıritu ŁanDios. Īhque xonca acueca'. Łonta'a nopa'a li'a lałmats' aimi'onłcospa. ⁵ Īhne ĩnfeł'miyale profeta ti'onłcospá to ĩıf'as xanuc' nomana' li'a lałmats'. Ma' anuli ĩłpicuejma', lopalaıpa. Tołiya ĩıf'as xanuc' tiquimf'eyi, tihuejcoyi. ⁶ İllanc' inaxque' ŁanDios ituca' lałpicuejma'. Pesti ilimetsaijma ŁanDios, ĩhne ałquimf'enga'. Pesti a'i quınaxque' ŁanDios, ĩhne aimałquimf'enga'. Tołta'a ałsina' naıtsi ĩhne noya'apá al Īınca Cataiqui'. Ałsina' naıtsi noya'apa a'ij ĩınca.

⁷ Maicunc'aipimaye, ał'etsołtsi capic'a. Ma ŁanDios alapi'icoponga' lałpicuejma' ał'etsołtsi capic'a. Naıtsi no'epa capic'a, ĩłque ĩınca i'hua ŁanDios, imetsaijma ŁanDios. ⁸ ŁanDios ti'nujuaitsila' jahuay lan xanuc', aimi'elaj laic'. Tołiya ja'ni cal xans aimi'nujuaitsila' ĩıf'as xanuc', ja'ni ti'ela' laic', ĩłque aiquimetsaijma ŁanDios. ⁹ ŁanDios ałmuc'iponga' ma' ałınca ał'nujuaitsinga'. Ummepa hi'Hua, ĩłque cal Nuli. Ummepa quicuaicoco'ma fa'a li'a lałmats', lapi'itsonga' al ts'e lałpitine. ¹⁰ Ja'ni ałınca ał'e'mola' capic'a lałpimaye, ticuicomma ał'nujuaitsola' ĩniya, ma to ŁanDios ał'nujuaitsinga' illanc'. Li'ıpa aimał'nujuaisyi ŁanDios. Małniya ĩtiné ĩłque ał'nujuaisponga', ummepa hi'Hua. Īhque hi'Hua i'najtsepa lałjunac', ipac'epa lipoyac' ŁanDios.

¹¹ Maicunc'aipimaye, ja'ni tołta'a ał'nujuaisponga' ŁanDios, illanc' jouc'a ał'etsola' capic'a lałpimaye. Ticuicomma ał'etsola' capic'a. ¹² ŁanDios ni naıtsi niximpa. Ja'ni ał'eyołtsi capic'a jouc'a ał'eyi capic'a ŁanDios. Tołta'a ĩłque tipa'a

pe laimana', aicalanajyołtsi. ¹³ LanDios joupá lapi'iponga' hi'Espíritu. Tołiya ałsina' alapenufponga', ałsina' lapenufpá itque.

¹⁴ Illanc' joupá ałsimpá li'epa cal'Ailli' LanDios. Itque ummecopa li'Hua tunłu'etsola' lan xanuc' nomana' ni petsi fa'a li'a łamats'. Tołta'a luya'ayi.

¹⁵ Pesti nonespá: “Jesús ma' i'Hua LanDios”, ihniya joupá epenufpá LanDios. LanDios epenufpola'.

¹⁶ Joupá i'ipa całsina' LanDios ał'enga' capic'a. Ałsina' ał'nujuaitsinga'. LanDios pangay c'a lipicuejma', ti'nujuaitsila' jahuay lan xanuc', aimi'elaj laic'. Pesti no'epá capic'a ihne aimi'eyi laic'. Ihne linca LanDios epenufpola', aiquenajyoxi. Pe lomana' jilpe tipa'a LanDios, tuyalaicoyi anuli. ¹⁷ Ja'ni ał'eyi capic'a aimalpaic'eyacu locuaicoya al Cueca' Quitine. Ma małmana' fa'a li'a łamats' ałsinyołtsi ninc'ihjca, ał'onłcosponga' to Cristo, itque copa'a cal Lijca. ¹⁸ Ja'ni ał'eyi capic'a ailopa'a całpaic'eyacongá'. Ma mał'eyi capic'a łaxpaiqui' aimi'iya mipa'neya lałpicuejma'. Ja'ni ałnesyi: “Aga lateł'mi'ma LanDios”, tocomma to LanDios alteł'minga'. Małnesyi tołta'a ałmujoyołtsi aiqixhueya lałpicuejma', lahue'enga'. A'i tołta'a mał'eyi capic'a.

¹⁹ LanDios ał'nujuaisponga', ał'eponga' capic'a, tołiya illanc' jouc'a ał'eyi capic'a.

²⁰ Pesti nocuapa: “Iya' ca'ay capic'a LanDios”, ja'ni ti'ay quipilaic' lipima, itque no'epa ita'a infellaiquepa. Ja'ni aimi'ay capic'a lipima petsi łahuelojmpa, itque jouc'a i'hua LanDios, łte ti'i'ma ti'e'ma capic'a LanDios, itque petsi aimehue-longe? A'i. Aimi'iya. ²¹ Małque LanDios joupá ałcuxe'eponga' lał'eyacu, ałminga': “Naitsi no'epa capic'a LanDios jouc'a ti'ełá' capic'a lipima”.

5

¹ Pesti no'huaiyijmpá Jesús, nonespá: “Itque cal Cristo”, ihne linca inaxque' LanDios. Itque epi'ipola' al ts'e liłpitine. Pesti lepi'impola' al ts'e liłpitine ti'eyi capic'a LanDios quił'Ailli'. Ma' anuli ti'eyi capic'a liłpimaye, ihne jouc'a inaxque' LanDios. ² Ja'ni ał'eyi capic'a LanDios, ja'ni ał'eyi ma to lałcuxe'eponga', tołta'a ałsina' ał'nujuaitsila' lałpimaye, ał'eyi capic'a. ³ łTe ts'i'ic' mał'eyacu capic'a LanDios? Ał'ełe ma to lałcuxe'eponga', tołta'a ał'e'me capic'a LanDios. A'i quipime iłe lałcuxe'eponga' LanDios. ⁴ Illanc' linca inaxque' LanDios ja'ni itque lapi'iponga' al ts'e lałpitine. Alulijyi lixcay lopa'a fa'a li'a łamats'. Tołiya ałsinyi a'i quipime lałcuxe'eponga'. Illanc' inaxque' LanDios, łte ts'i'ic' malulijyacu lixcay lopa'a fa'a li'a łamats'? Ma mał'huaiyijnyi LanDios tołta'a alulij'me. ⁵ łNaitsi itque nolijpa lixcay lopa'a fa'a li'a łamats'? Pesti no'huaiyijmpa Jesús, nocuapa: “Jesús ma i'Hua LanDios”, itque tuliqui.

⁶ Jesús mipa'a fa'a li'a łamats' epo'icom'me aja', ixcuajaipa lijuats'. A'i ma le'a epo'icom'me aja', epo'icom'me aja' jouc'a ixcuajaipa lijuats'. Tołta'a ałsina' małque Jesús aCristo, hi'Hua LanDios. Ma' anuli loya'apa cal Espíritu Santo. Itque tuya'e' ma le'a al linca. ⁷ Jilpe lema'a timana' afantsi tuya'ayi: “Jesús i'Hua LanDios, aCristo”. Ihniya comana' cal'Ailli' LanDios, jouc'a Jesús, itque łecui'impa “Litaiqui' LanDios”, jouc'a cal Espíritu Santo. Ihne lam fantsi ma' anuli LanDios. ⁸ Fa'a li'a łamats' timana' afantsi nonescopá Jesús, tuya'ayi naitsi itque, ma' anuli loya'apa. Cal Espíritu Santo, itque anuli, laja' lepo'icompa Jesús, iłe i'ipa oque', lijuats' lixcuajaipa, iłe i'ipa afane'.

⁹ Ja'ni ał'huaiyijm'me loya'apa lan xanuc', łte aimal'huaiyijnyacu loya'apa LanDios? Linca itque loya'apa xonca acueca'. LanDios joupá inescopa al c'a itque hi'Hua. Tołta'a luya'apa LanDios, ał'huaiyijmpá. ¹⁰ Pesti no'huaiyijmpá Jesús joupá epenufpá iłe luya'apa LanDios. Pesti aimi'eyi linca LanDios iłe linescopa hi'Hua, ihniya joupá etets'ipá licuapa LanDios, iximpá to infel'miyale, aimi'eyi linca LanDios linescopa hi'Hua. ¹¹ Pe nał'huaiyijmpá ałsina' al linca luya'apa

ŁanDios. Ałsina' lapi'iponga' al ts'e lałpitine aimijouya, małe lipitine Jesús hi'Hua ŁanDios. ¹² Petsi joupa nepenufpá hi'Hua ŁanDios, ihniya tipa'a al ts'e liłpitine. Ja'ni aikuilepenufi hi'Hua jouc'a ailopa'a al ts'e liłpitine.

¹³ Tołta'a laininił'epolhuo' imanc' noł'huaiyijmpá Jesús, iłque hi'Hua ŁanDios. Cacua: Ti'ila' colłsina' joupa olapenufpá lołpitine aimijouya.

¹⁴ Mał'huaiyijnyi ŁanDios ałsina' ti'i'ma ałsahue'e'me ałtoc'itsonga' o ałsahue'e'me lapi'itsonga' lalahue'eponga'. Ałsa'hue'me aimalsinyacu calaic'ata. Ja'ni iłe lałsahue'epa tetentłcocojma ałsina' ałquimf'enga'. ¹⁵ Ma małsa'hueyi, ja'ni ałsina' ałquimf'enga' jouc'a ałsina' joupa ałtalai'eponga', joupa lapi'iponga' lałsahue'epa.

¹⁶ Anuli imanc' ja'ni toxim'ma łopima lo'epa aimetenłma ŁanDios, ja'ni iłe lo'epa ti'i'ma timenc'e'ecom'me, toxa'hueł' ŁanDios, tołta'a tepi'i'ma lipitine. Łınca tipa'a lixcay lacani'eyacola' lan xanuc'. Aimi'iya mimenc'e'ecoyacola' no'epá tołta'a. Iłne ti'hua titai'me liłjunac', tejac'em'mola'. Aicamilhuo': Tołsa'huełe timenc'e'ecotsola'. Ai. Aimi'iya. ¹⁷ Lan xanuc' ja'ni aimihuejcoyi ŁanDios iłque ixim'mola' ixcay lo'epa. Ixim'mola' titaiyi cajunac'. Tipa'a iłe lixcay lo'epa ti'i'ma timenc'e'ecom'mola'. Tipa'a petsi aimi'iya, tejac'em'mola' nulemma.

¹⁸ Ałsina' petsi ŁanDios lepi'ipola' al ts'e liłpitine iłne aimi'hua mi'econayi lixcay. Iłne tipa'a al ts'e liłpitine lepi'ipola' ŁanDios. Iłe al ts'e liłpitine ti'ela' cuenna. Tołiya ailopa'a co'e'eyacola' łonta'a. Iłque ma' ixcay lipicuejma'. ¹⁹ Ałsinyołtsi illanc' inaxque' ŁanDios. Iłque lapi'iponga' lałpitine. Petsi aimimetsaicoyi ŁanDios, iłque lixcay conta'a ti'hua ticuxela'. ²⁰ Jouc'a ałsina' te ts'i'ic' li'epa hi'Hua ŁanDios. Iłque icuai'ma fa'a li'a łamats'. Lapi'iponga' lałpicuejma'. Tołiya limetsaicoyi ŁanDios, iłque ma' anDios. Ja'ni lapenufponga' hi'Hua ŁanDios, iłque Jesucristo, ma' anuli lapenufponga' ŁanDios. Iłque ma' anDios, aimijouya lipitine. Ja'ni limetsaicoyi tołta'a jouc'a lapi'inga' al ts'e lałpitine aimijouya.

²¹ Imanc' caxinnilhuo' to cainaxque', tołta'a camilhuo': Toł'etsołtsi cuenna. Ti'hua tolıhuejco'me iłque petsi ałınca anDios. Tołta'a aimonlıhuejyacu lándiosla'.

LOCUENA LIJE'E SAN JUAN LINIĒ'EPĀ ĽIPIMA CACA'NO'

¹ Iya' nitojpa xans. QuiniĒ'elhuo' ima' maipima caca'no' jouc'a lonaxque'. Ima' i'huijf'epo' ĽanDios. Ma' anuli lihuejcoyi al Ľinca Cataiqui', toliya ca'elhuo' capic'a. A'i ma le'a iya' ca'elhuo' capic'a. Jahuay lapimaye petsi limet-saicopá al Ľinca Cataiqui' jouc'a ti'elhuo' capic'a. ² Ľe al Ľinca Cataiqui' jounpa ifayiya laĽpicuejma'. Aimi'iya malitonc'e'enyaconga'. Lihuejcoyi Lataiqui' toliya aĽ'elhuo' capic'a.

³ Ma malihuejcoyi al Ľinca Cataiqui', ma maĽ'ela' capic'a laĽpimaye, ĽanDios caĽ'Ailli' y Jesucristo Ľi'Hua ĽanDios aĽtoc'i'monga', aĽ'nujuais'monga', aĽsim'monga' nin'icuanuc'la. AĽpac'e'e'monga' laĽpicuejma'.

⁴ Juaiconapa tixoqui neta aixim'mola' lonaxque' tihuejcoyi al Ľinca Cataiqui'. Ma to caĽ'Ailli' ĽanDios laĽcuxe'eponga' aĽ'ele, ma toĽta'a ti'eyi Ľniya.

⁵ Maipima caca'no', itsiya tipa'a laifxahue'eyacolhuo'. Ľe laifxc'ai'iyacolhuo' a'i ituca' cataiqui' ni ts'e cataiqui'. Caxc'ai'i'molhuo' tonĽ'ele ma to jounpa laĽcuxe'eponga'. Al coĽta aĽquimf'epá Ľta'a lataiqui'. Itsiya caxa'huelhuo', caxc'ai'Ľhuo': Ľllanc' ninc'apimaye, aĽ'etsoltsi capic'a. ⁶ Ja'ni aĽ'eyi laĽcuxe'eponga' ĽanDios, ĽiĽpe Ľinca aĽ'eyoltsi capic'a. Jounpa oĽquimf'epá toĽta'a. Al coĽta icuxe'empolhuo' te ts'i'ic' loluyalaicoyacu lapajnya. Ľxc'ai'impolhuo': "TonĽ'etsoltsi capic'a".

⁷ Ja'ni tonĽ'eyoltsi capic'a ti'hua tolihuejco'me toĽta'a al Ľinca Cataiqui'. Ja'ni tonĽ'eyoltsi capic'a aimifel'miyacolhuo'. Timana' axpela' Ľinfel'miyale jounpa aĽpo'noponga' caĽtuca'. Tiyelocoyi fa'a Ľi'a Ľamats'. Ľne Ľinfel'miyale aimi'eyi Ľinca Jesucristo i'huamma fa'a Ľi'a Ľamats'. Aimi'eyi Ľinca i'epoxi xans, ticuayi: "Aimi'iya mi'eya toĽta'a". Ľne nocuapá toĽta'a ixanuc' cal cueca' quinfel'miyale Ľecui'impá: cal Anticristo.

⁸ Imanc' tonĽ'etsoltsi cuenna. Ti'hua tolihuejco'me Ľe laĽmuc'ipolhuo' ĽiĽpiya. AimoĽpai'i'moltsi. ToĽta'a toĽliĽ'ne nulemma lapi'iyacolhuo' ĽanDios.

⁹ Petsi no'epoltsi omxiye, ja'ni aimihuejconayi lataiqui' Ľimuc'iyalepa Jesucristo, Ľne aimiyeyi anuli ĽanDios. Petsi ti'hua tihuejcoyi Ľimuc'iyalepa Jesucristo, Ľne aimenajyoĽtsi, tiyeyi anuli caĽ'Ailli' ĽanDios. Jouc'a tiyeyi anuli Ľi'Hua, Ľque Jesucristo.

¹⁰ ĽiĽpe lolajut'Ľ ja'ni ticuaitsi petsi ituca' lomuc'iyalepa, a'i Ľe Ľimuc'iyalepa Jesucristo, aimolapenuf'me lolajut'Ľ. AimoĽnom'me to coĽpima. ¹¹ Ja'ni tonona to copima ima' to'onĽico'moxi to Ľquiya. Tocomma to ima' jouc'a Ľxcay lof'epa.

¹² Ti'hua tehue'e' laifnu'iyacolhuo'. Itsiya aimi'hua quiniĒ'eyacolhuo'. Cacia: Cahuejntolhuo', aĽsinnoĽtsi. AĽpalaic'otoĽtsi, iya' imanc'. ToĽta'a ten-anĽ'ma laĽpixoĽma cata.

¹³ Tinonghuo' Ľinaxque' Ľopima caca'no'. Ľque jouc'a i'huijf'epa ĽanDios.

LOCUENA LIJE'E SAN JUAN LINIĒ'EPA ĽIPIMA GAYO

¹ Iya' nitojpa xans. QuiniĒ'ehuo' ima' unGayo macaĽpima. Ma' anuli lihuej-coyi al Linca Cataiqui', toĽiya ca'ehuo' capic'a.

² Maipima, joupā aixina' ti'hua taihuequi. Iya' caxa'hue ĽanDios titoc'itso', toyaicoĽa' al c'a lapajnya fa'a li'a Ľamats', aimi'i'mo' cocuana.

³ Licuai'me fa'a ĽaĽpimaye iĽne inesco'mo' al c'a. Ticuayi: Ľinca omihuequi al Linca Cataiqui', tomuĽyoxi tipa'a iĽe Ľataiqui' ifaiyiya ĽiĽpe loĽicuejma'. Li'ipa caixina' toĽta'a tixoqui neta iya'. ⁴ Ja'ni aĽminĽa': "Ima' lonaxque' tihuejyi al Linca Cataiqui'", iĽe Ľataiqui' Ľalu'impa lixoc'i'ma neta juaiconapa. Ailopa'a caĽminya miĽojya neta xonca.

⁵ MacaĽpima, ima' tomuĽyoxi aĽinca taihuequi Ľataiqui'. Totoc'ila' ĽaĽpimaye noyepā aculi' lane. ⁶ Malafot'ĽeyoĽtsi fa'a, iĽne ĽaĽpimaye nitsehuo'me ĽiĽpiya, licuainanca alu'iponga' iĽe loĽ'epa. Alu'iponga' te ts'i'ic' loĽ'epola' capic'a. Linca to'ay al c'a ma motoc'ila' lapimaye, tapi'ila' lahue'epola'. ToĽta'a tetenĽcocojma ĽanDios. ⁷ IĽne ipo'nopā ĽiĽpiya', tiyeyi tuya'ayi naitsi Jeſús, iĽque Ľecui'impa cal Cristo. Lan xanuc' petſi aimimetsaicoyi ĽanDios, ja'ni coĽa' tepi'intſola' quiltomí iĽne aikuilepenufi. ToĽe liĽ'ejma'. ⁸ Illanc' iĽpimaye ticuicomma aĽtoc'itſola' no'epā toĽta'a. Ticuicomma lapi'itſola'. ToĽta'a aĽtoc'i'mola' ti'hua tuya'atsa al Linca Cataiqui'.

⁹ Joupā niniĽ'epola' lapimaye lafoĽyomma ĽiĽpiya loĽpiya'. ĽiĽpe tipa'a Diótfrefes. IĽque aimalapenufinga' laĽsc'ai'ipola' lapimaye. Ma' iĽque ti'eyoxi cal te'a. Ipic'a ticuxetsola' lapimaye. ¹⁰ Cacuaitsi ĽiĽpe capalaic'ocotola' lapimaye lo'epa iĽque. ĽiĽpe iĽque aĽpalaiconga' a'ijc'a. Ai maĽe le'a co'epa. Xonca acueca' lixcay ti'ay. Aimepenufila' lapimaye nocuaispā ĽiĽpiya. Lapimaye nomana' ĽiĽpe ticuxela', timila': "Aimolapenuf'mola' iĽne nocuaispā". Petſi nocuapā: "Ľapenuf'mola'. ĽaĽpic'a", iĽque Diótfrefes tixtuc'o'mola' acueca', timi'mola': "TonĽenĽe. AimoĽtsuĽlaiconā'me pe lalafoĽ'ĽeyopoĽtsi." ¹¹ Macaipima, aimo'onĽico'mola' to iĽne no'epā lixcay. To'onĽicoxoxi petſi ac'a lo'epa. Ja'ni ac'a lo'epa, iĽque Ľinca i'hua CanDios, ĽanDios ummepa. Petſi ixcay lo'epa iĽque aikuimetsaijma ĽanDios, aikuixina' te ts'i'ic' li'ejma'.

¹² Minescoyi Demetrio jahuay ticuayi: "IĽque ac'a xans". Ma to loya'apa al Linca Cataiqui' ma toĽta'a li'ejma' Demetrio. Jouc'a illanc' fa'a aĽcuayi: "Demetrio ac'a xans". Illanc' aimalĽellaiqueyi, aĽcuayi ma le'a al Ľinca. ToĽta'a oxina'.

¹³ Tehue'e' axpe' laifmiyaco'. Itsiya aikuiniĽ'eyaco'. ¹⁴ Cacia: AimalcoĽya fa'a. Ca'hua'ma. Cacuaitsi ĽiĽpe aĽſinnoĽtsi. ĽaĽpalaic'otoĽtsi iya' ima'.

¹⁵ AimoxhueĽmot'Ľe'ma.

ĽalimetsaicoyoĽtsi nomana' fa'a tinonghuo'. Ima' tomitsola' anuli anuli ĽalimetsaicoyoĽtsi nomana' ĽiĽpiya: "Juan tinonghuo".

LIJE'E SAN JUDAS LINIŁ'EPOLA' LAPIMAYE

¹ Iya' ninJudas ca'ay lipenic' łaiPoujna Jesucristo. Santiago aipima. Quinił'elhuo' imanc' lihoc'ipolhuo' ŁanDios.

Cał'Ailli' ŁanDios ti'elhuo' capic'a, Jesucristo ti'elhuo' cuenna. ² Itine itine xonca tołcujle ti'nujuaitsilhuo' ŁanDios, xonca tołcujle tipac'e'elhuo' lołpicuejma', xonca tołcujle ti'elhuo' capic'a.

³ Unc'aipimaye, iya' joupa aipo'nopa laipicuejma', cacua: Quinił'e'mola' laipimaye. Ihe colje'e colá' cu'icona'molhuo' te ts'i'ic' munł'u'enyacolhuo'. Linca ma' anuli lalunł'u'enyaconga' illanc' imanc'.

Itsiya aiximpa tucuicomma quinił'e'molhuo' ituca' colje'e. Tucuicomma caxc'ai'i'molhuo' tolipa'ale cafxi tołcuanajcole litaiqui' ŁanDios. Imanc' joupa olapenufpá iłe Lataiqui', ol'huaiyijmpá, ołsimpá te ts'i'ic' mipa'a. Małe litaiqui' ŁanDios ipo'nopa nulemma tepenufle, ti'ele cuenna jahuay iłne petsi i'huexi ŁanDios. ⁴ Camilhuo': Tucuicomma ton'ele cuenna, tołcuanajcole litaiqui' ŁanDios. Jiłpe pe lołmana' ihuants'ipołtsi lan xanuc' iłne ituca' liłpicuejma'. Linca ate'a a'i mu'iyacolhuo' tołta'a. Jiłpe al Paxi Linilingiya joupa inescopola' iłniya lan xanuc'. Joupa uya'apa aimunł'u'enyacola', tejac'em'mola'. Iłne aimihuejcoyi ŁanDios locuxe'epola'. Iximpołtsi joupa itoc'ipola', ipaxnepola' ŁanDios. Iximpołtsi joupa unłulpá. Iłne ti'hua ti'eyi nixpiya. Ticuayi: "Aimalacani'enyaconga". Tołta'a tetets'iyi cal Cuecaj Quincuxepa, iłque cal Nuli Quincuxepa. Jouc'a tetets'iyi łaiPoujna Jesucristo.

⁵ Imanc' joupa ołsina' jahuay li'ipa luyaipa quitine. Itsiya ca'nujuaits'i'i'molhuo' li'epa ŁanDios. Iłque ipa'a'mola' lixanuc' jiłpe łamats' Egipto, unł'u'epola', aikuima'annila' lin'ehuale laic'. Lijou'ma iłne pe lipa'apola' petsi aikuil'huaiyinge, ecani'epola'. ⁶ Jouc'a toł'nujuaitsa li'ipola' lapaluc' quema'a. Iłne incuxepá, ipo'no'me liłpenic' lepi'ipola' ŁanDios. Ipalyonca petsi ŁanDios joupa ixpic'epa timajnle. Iłne lapaluc' quema'a ŁanDios i'huequila' joupa ifingiyicola' acadena catejma', aimi'iya mits'alqueya. Jiłpe petsi lomana' ja'ni tehuelojnle al toncay tixim'me amuf. Jiłpe ti'huaicoyi tucuaiyunni al Cuecaj Quitine. ŁanDios tepi'i'mola' liłjunac'. ⁷ Jouc'a toł'nujuaitsa li'ipola' liłelołya' Sodoma y Gomorra jouc'a liłelołya' lomana' anujnca. Lan xanuc' nomana' iłniya liłelołya' ixhuico'mołtsi liłcuerpo ma mi'eyi al xujc'a. Jouc'a i'e'me a'i to joupa ixpic'epa ŁanDios. Iłhuej'me ocuena 'ejma'. Tołta'a ti'onłcospola' to iłne lixcay lapaluc' quema'a. Li'ipola' iłne liłelołya' ałmuc'inga' lo'iyacola' iłne petsi no'epá lixcay. Iłne liłelołya' ŁanDios iłel'mico'mola' unga. Jiłe łunga aimipijya.

⁸ To li'epa iłne lixcay xanuc' mimana' jiłpe liłelołya' Sodoma y Gomorra, ma tołta'a ti'eyi iłna'a lixcay xanuc' iya' laifnescopola' iłta'a lołje'e. Iłne jiłpe liłpicuejma' tijanajyi ti'ele lixcay. Mijou'ma tixhuicoyołtsi liłcuerpo mi'eyi al xujc'a, tixis'mecoyołtsi tołta'a. Jouc'a tetets'innila' lincuxepá nomana' lema'a. A'ijc'a tinesconnila' lan tsila' lapaluc' quema'a. ⁹ Cal cuecaj łapaluc' quema'a, iłque Miguel, ni tołta'a mipalaic'o' łonta'a Satanás. Iłque Miguel ixina' lo'iya licuerpo Moisés. Satanás ituca' lipicuejma'. Ipic'a tilecola'. Iłne tipalaic'oyołtsi. Miłfuli'iyolołtsi cataiqui' Miguel ixim'ma caxpaiqui', aikuimiloqui cataiqui' Satanás. Ma le'a timi: "Titaletso' łaiPoujna". ¹⁰ Iłne lixcay xanuc' laifpalaicopola' aimixpailiquila'. Tama aikuil'cueca, aikuil'sina' te ts'i'ila' iłne lan tsila' capaluc' quema'a, tetets'iyi, tinescoyi. Iłne ti'onłcospola' to linneja petsi ailopa'a quilpicuejma'. Linca tama inneja tipa'a lojanajpa. Tołta'a iłniya, ti'hua tixhuai'niyi lojanajpa. Tołta'a ma quiltuca' tecani'eyołtsi.

¹¹ Linca, juaiconapa a'ijc'a lo'iyacola' ihniya. Ihe tihuejyi Caín lipicuejma'. Imenajpola' to Balaam. Ipo'nopá lihpicejma' tulijle quiltomí. Tołta'a aimihuejyi LanDios. Ti'onłcospá to Coré. Li'ipa, iłque timiloquila' cataiqui' petsi no'epá lihpenc' lepi'ipola' LanDios. Iłque Coré ejac'pa. Ihniya jouc'a tejac'mola'. ¹² Ihe lixcay xanuc' ti'onłcospá to lix'ay capic quemiya. Jiłpe tixcai'e'molhuo'. Imanc' tolafot'leyołtsi, tołtetsoyi anuli, tołta'a tołmujyołtsi apimaye. Mimana' ihniya lołpaxi juic tixis'me'me, aimetenłcocoya LanDios. Jiłpe ihe xanuc' titetsoyi, tixnayi, aimixpailiquila'. Ma quiltuca' ti'eyołtsi cuenna. Ti'onłcospola' to hijuł cummahuay tummetsai łahua'. Ti'onłcospola' to cal 'ec' micuaita litine caxita tocomma tijulyi, ailopa'a qui'as. Tocomma to aikuimaf'ila'. A'i ma le'a tocomma aikuimaf'ila', ałinca joupa imapola', joupa iyaxquimpola'. ¹³ Ihe lixcay xanuc' ti'onłcospá to loyac' quitsilo caja petsi pangay quico' to axujc'a quifuc. Aiquiłsina' calaic'ata, ti'hua timujyi lo'epa lixcay. Ti'onłcospola' to lan xamna laipalumma lihpene, ihe aimepalc'o'iyaley. Tiyeyi petsi lomanc'eyacu nulemma, iłpe al muf. Małpe copa'a liłpanga.

¹⁴ Jouc'a Enoc inescopola' ihe lixcay xanuc'. Tipanc'nicola' Adán, iłque cal te'a łatatahuelo, iłque Enoc ixhuaicota acaitsi. Enoc uya'apa lo'iya, ticua: ¡Ałquimf'eł! laifnuya'aya!
Aiximpa licuai'me łatPoujna y lam paxi quepaluc' quema'a, ihniya juaiconapa lanxpela'.

¹⁵ ŁatPoujna icuai'ma timuj'moxi cal Cuecaj Juez, timuj'moxi iłJuez jahuay lan xanuc'.

Ihe petsi aimihuejcoyi ticuf'mola'.

Ticuf'mola' jahuay li'epa, jahuay lipalaipa.

Ticuf'mola' li'epa nixpiya, ihe petsi aimihuejcoyi, petsi aimixpailiquila'.

Ihe lixcay xanuc' petsi aimihuejcoyi, jouc'a ticuf'mola' limilojpa LanDios lan tsila' cataiquí.

¹⁶ Ihe lixcay xanuc' pangay tipalołaicoyi. Ticuayi: “Ihe a'i caipic'a”. Aimimajncoyi quixojma cata. Lojanajpa ihe quiltuca' ma ihe tihuejyi. Tipalaiyi lan tsila' cataiquí juaiconapa. Pe latentłcocopola', ma le'a ihniya tipalaic'onnola' al c'a. Ticuayi: “Iłque ałtoc'i'ma”.

¹⁷⁻¹⁸ Unc'aipimaye, imanc' aimolihuej'mola' ihniya. Toł'nujuaitsa liłtaiqui' lan apóstole, ihe epaluc' łatPoujna Jesucristo. Ihe imipolhuo' lo'iya. Imipolhuo': “Ti'ila' lijoucola' quitiné ticuaicu lintaluntseyale xanuc'. Lojanajpa ihe quiltuca' ma ihe tihuejyi, aimihuejcoyi LanDios.” ¹⁹ Ihe tifel'minnila' lapimaye, tenaquinnila'. Tihuejyi lojanajpa ma quiltuca' lihpicejma'. Aiquilepenufi cal Espíritu Santo.

²⁰ Imanc', unc'aipimaye, aimonł'onli'mołtsi to ihniya. Imanc' joupa oł'huaijimpá al Paxi Cataiqui'. Ti'hua tołpalaic'ote LanDios to mu'ilhuo' cal Espíritu Santo. Tołiya tifayi'molhuo' lołpicuejma'.

²¹ Ma moł'huaicoyi ticuaicohuananni łatPoujna Jesucristo, ti'hua toł'nujuaitsa lo'epolhuo' capic'a LanDios. Tonł'etsołtsi cuenna aimolanaj'mołtsi. Tołta'a, ticuaicohuananni iłque łatPoujna tixim'molhuo' unc'icuanuc'la. Iłque lipitine aimijouya, imanc' jouc'a aimijouya lołpitine.

²² Lapimaye petsi oquej lihpicejma' tołsintsola' acuanuc'la. ²³ Ihe petsi to joupa ejac'pola' tolahuetsola', tołunłu'etsola', aimiye'me łunga. Locuenaye, tama tołsim'mola' acuanuc'la, jouc'a tołsim'me laxpaiqui'. Aimoli—loc'ai'e'mołtsi. Tołsintsola' joupa ixis'mecopołtsi jouc'a liłpijahuaki.

²⁴ ¡Ałs'najtsi'ile LanDios! Ma' iłque xonca ti'hua limane. Nipajnya ti'e'molhuo' cuenna, tołta'a ma tolihuej'me. Nipajnya ti'e'molhuo' tołacaxhuołaita pe

lopa'a. Tołta'a ti'i'ma iłe litine timujxoxi te ts'i'ic' mipa'a. He litine tix-inim'molhuo' pangay c'a lołpicuejma', ailopa'a tintsi. Tixoj'ma cunlata juaiconapa.

²⁵ ¡Ałs'najtsi'ile cal Nuli CanDios, iłque Łalunłu'eponga'! Tołta'a lipenic' lepi'ipa łalPoujna Jesucristo. Ma' iłque anDios, iłque xonca cal Cueca', xonca ticuxe, xonca ti'hua limane. Ai'a tipango'ma tilanc'em'me li'a łamats' tołta'a mipa'a. Ma tołta'a mipa'a itsiya. Ma anuli mipa'a tijauhuamlaicota ticuaitsi Locuenaj Quitine. Tołta'a ti'ila'. Amén.

LIJE'E SAN JUAN LINIŁPA LIMUC'IPA JESUCRISTO

¹ Jifa'a tuya'e' te ts'i'ic' ŁanDios limuc'ipa Jesucristo. Limuc'ipa te lo'iya. Aimicołya ti'ila' tołta'a. ŁanDios quimuc'icopa Jesucristo timuc'itsola' lixanuc'. Małque Jesucristo ummepa łepaluc. Timi: "To'huał'a pe lopa'a łaimozo Juan. Iłque ti'ay lanic' lainepi'ipa. To'itsi, tomuc'itsi, ile łalmuc'ipa ŁanDios." ² Iya' ninJuan aininiłpa jifa'a jahuay laiximpa. Ihe ma' itaiqui' ŁanDios, luya'apa Jesucristo. ³ Lataiqui' laininiłpa jifa'a tuya'e' te ts'i'ic' lixpice'pa ŁanDios. Tixoqui queta łapima noxhuef'iyacola' lipimaye iłta'a al je'e. Jouc'a lapimaye noquimf'eyacu, iłniya naihuejcoyacu, tixoj'ma quileta iłniya. ŁanDios tipaxne'mola'. Aimicołya. Ti'i'ma to liniliłjma fa'a.

⁴ Iya' ninJuan quinił'elhuo' imanc' aipimaye nołmana' lan caitsi quilełołya'. Imanc' ixanuc' ŁanDios, iłque efot'łepolhuo'. Tolafot'łeyołtsi jilpe łolpilololoy'a'.

ŁanDios timilhuo': "Capaxne'molhuo', catoc'i'molhuo', capac'e'e'molhuo' łolpicuejma'". Iłque ŁanDios li'ipa ma tipa'a, itsiya tipa'a, ma' anuli iłque łocuaiya.

Ma' anuli timilhuo' lan caitsi Espíritu, łehuoc'ocoyołtsi locutsuya ŁanDios Łałcuxeponga'.

⁵ Jouc'a timilhuo' Jesucristo. Iłque tuya'e' ma le'a al linca. Iłquiya imapa, imaf'inapa, aimimacónaya. Tołta'a i'ipa iłpima iłniya petsi jouc'a timaf'ina'me. Iłque cal Te'a łimaf'inapa tołta'a. Ticuxela' lan tsilaj quincuxepá nomana' fa'a li'a łamats'.

Jesucristo ał'enga' capic'a. Ixcuajaipa lijuats', i'najtsecopa lałjunac'. Tołta'a aluhuałłponga' lixcay lał'epa, ile ałfi'eponga'. ⁶ Ał'eponga' ixanuc' ŁanDios Łałcuxeponga', iłquiya' i'Ailli' Jesucristo. Ał'eponga' e'ailli' ŁanDios, ał'eyi lipenic'.

Iłque Jesucristo ma' anDios. Ma' iłque ticuxe jahuay. ¡Ma tołta'a ti'ila'! Amén.

⁷ ¡Tołsinłe! Iłque icuaico'ma jouc'a łummahuay. Tixim'me iłniya lixcai'epá jouc'a jahuay lan xanuc'. Ihe petsi naihuejpa' quiltuca' liłpicuejma' tijolij'me caxpaiqui'. Ticuis'e'mołtsi: ¿Te cał'iyaconga'?

Ne'. Ma tołta'a ti'ila'. Amén.

⁸ Minescoyoxi łalPoujna ŁanDios ticua: "Iya' cacui'iyoxi A, cacui'iyoxi Z. Jahuay iya' aipangopa, jahuay iya' cajou'ne'ma. Iya' capa'a itsiya, li'ipa ma' anuli capa'a, ma' iya' łafcuaiya. Ailopa'a cał'onłcoya, jahuay cacuxe."

⁹ Iya' ninJuan ołpima, ma' anuli lihuejyi Jesús. Ma' anuli ałtelcoyi. Imanc' illanc' ma' anuli ixanuc' Łałcuxeponga', iłque Jesús. Małmana' fa'a li'a łamats' ma' anuli ałsnet'lyi imanc' illanc'.

Iya' capa'a jifa'a al isla Patmos. Alixtuc'opa, alummepa jifa'a al isla. Alixtuc'opa lainuya'apa litaiqui' ŁanDios, lainu'iyalepa naitsi iłque Jesucristo.

¹⁰ Fa'a łamats' Patmos icuaitsi al domingo, ile litine lacui'impa "Itine łalPoujna", cal Espíritu Santo ałcuxe iya' laipicuejma'. Jilpe laixpula' aicuej'ma ałpalaic'o. Ujfxi tipalay. Ti'onłcospa to mifus'mim'me anuli al trompeta. ¹¹ Ałmi: "Iłta'a lofximpa tainikijnla'. Topu'nijnla' jilpe loje'e. Tijouł'a tomme'etsola' lopimaye iłta'a al je'e. Ihe nafot'łepołtsi lan caitsi quilełołya' lomana' łamats' Asia. Tomme'etsola' lapimaye nafot'łepołtsi liłya' Éfeso, jouc'a nafot'łepołtsi liłya' Esmirna, jouc'a nafot'łepołtsi liłya' Pérgamo, jouc'a nafot'łepołtsi liłya' Tiatira, jouc'a nafot'łepołtsi liłya' Sardis, jouc'a nafot'łepołtsi liłya' Filadelfia, jouc'a nafot'łepołtsi liłya' Laodicea."

¹² Cacia: "¿Naitsi iłque nałpalaic'opa?" Aipai'e'moxi. Aixim'ma acaitsi lan candelero lilanc'ecompa a'oro. ¹³ Jilpe nolojmay lan caitsi candelero

tipa'a anuli ti'onłcospa to cal xans. Itoqui lipijahua' ticuaispa mane li'mitsi'. Lofi'ecopa łunxajma' a'oro. ¹⁴ Lijuac afujca, ti'onłcospa to al moł, o ti'onłcospa to cal nieve. Li'u' ti'onłcospa to lipał cunga. ¹⁵ Li'mitsi' tepalc'o'i, ti'onłcospa to mipi'em'me łatejma' iłe acobre lopi'empa. Lipalaijma cacueca to muna'e', to axpe' panay. ¹⁶ Jiłpe al c'a quimane ti'nołi acaitsi lan xamna. Lico tipamma litoqui cutsilo oque' lipix'ay juaiconapa ix'aic'iya. Li'a ti'onłcospa to cal 'ora micuaita menac'o, tepalc'o'i juaiconapa.

¹⁷ Laiximpa tołta'a iya' ninJuan ałspajma juaiconapa. Necangenni li'mitsi' to joupa ałmapa. Iłque ałspayaf'pa al c'a quimane. Ałmi: "Aimixpaij'mo'. Iya' NinTe'a. Iya' NiJoujma. Lipangopa lema'a li'a łamats' ma capa'a. Tijou'mola' ma' anuli capajm'ma. ¹⁸ Ma' iya' NanDios, Nimaf'i'. Iya' łınca' ałma'apa, ałmapa. Itsiya ałsınła', ma' aimaf'i'. Aimաmaconaya. Iya' cacuxe lamaya, cacuxe pe lomana' limanapola'.

¹⁹ "Joupa aimuc'ipo' naitsi iya' capalaic'ohuo'. Tołiya tainiłła' loximpa, topu'nijnla' loya'apa iłiya, jouc'a tainiłła' lo'iya.

²⁰ "Iłniya lan caitsi lan xamna loximpola' jiłpe al c'a caimane, jouc'a iłniya lan caitsi candelero loximpola' aicoxina' te loya'apa iłe loximpa. Iłne lan caitsi lan xamna ti'onłcospola' to lilepaluc' lapimaye łefot'łepola' ŁanDios, iłne nafot'łepołtsi lan caitsi quilełołya'. Lan caitsi candelero ti'onłcospola' to lapimaye nafot'łepołtsi jiłpe lan caitsi quilełołya'.

2

Ita'a iłje'e lapimaye nomana' liłya' Éfeso

¹ "Ima' tainił'ela' łilepaluc lapimaye nafot'łepołtsi jiłpe Éfeso. To'ila': 'Tipalaic'ohuo' iłque ts'i'nołila' lan caitsi lan xamna jiłpe al c'a quimane. Iłque no'huapa nolojmay lan caitsi candelero. Iłque timihuo': ² Quimetsaicohuo' te ts'i'ic' lof'epa. Aixina' to'ay laipenic', toxnet'łqui jahuay lo'ipo'. Toxina ipime lapajnya jiłpe pe lomana' lixcay xanuc'. Joupa oxingufpola' pe nonescopołtsi: Illanc' ninc'apóstole. Iłne a'i apóstole. Joupa oximpola' mane infel'miyale. ³ Tama toxina ipime lapajnya, ał'nujuaitsi iya', ti'hua toxnet'łqui, aiqixojhuo'. ⁴ Łınca tipa'a lof'epa aimalatenłma. Al te'a ał'epa capic'a juaiconapa. Itsiya a'i. Xonca aijtine mał'ay capic'a. ⁵ Camihuo': Tocomma acueca' mecangemma. To'nujuaitsi lo'ejma' al te'a. Toxhuej'menanni. Iłe lo'epa li'ipa to'econła'. Ja'ni aimoxhuej'menamma aimաcołya cacuaiconno ma pe lofpa'a. Quilonc'e'e'mo' locandelero. Aimipajnconaya pe lopa'a. ⁶ Łınca tipa'a al c'a lof'epa. Pe lecu'i'impola' lan nicolaita to'ay copilaic' lo'epa iłniya. Iya' jouc'a ca'ay capilaic' lo'epa. ⁷ Naitsi nocuejpa tiquimf'ela' iłe lataiqui' loya'apa cal Espíritu Santo ma mipalaic'ola' lapimaye iłne ixanuc' ŁanDios, iłque łefot'łepola'. Małniya lapimaye nafołyomma lan caitsi quilełołya'. Naitsi nolijya capi'i'ma lane titeta łi'as al 'ec lopa'a nolojmay łequeya ŁanDios. Iłe łaqueya łecui'impa al Paraíso. Naitsi noteja iłe łi'as aimimaya nulemma.'

Ita'a iłje'e lapimaye nomana' liłya' Esmirna

⁸ "Jouc'a tainił'ela' łilepaluc lapimaye nafot'łepołtsi Esmirna. To'ila': 'Fa'a tipa'a laifnespa iya' ninTe'a, niJoujma. Iya' ałma'apa, ałmapa, aimaf'inapa, itsiya aimaf'i'. ⁹ Iya' quimetsaicohuo' te ts'i'ic' lof'epa, te ts'i'ic' lofłecopa, te ts'i'ic' lopepajnya. Aixina' ailopa'a co'huexi fa'a li'a łamats'. Tama ailopa'a co'huexi caxinghuo' acueca' o'hueca. Jouc'a aixina' te ts'i'ic' lonesc'epo' lan judío nocuapá: Ma' illanc' ixanuc' ŁanDios. Iłne a'i quixanuc' ŁanDios, mane łefot'łepola' Satanás. ¹⁰ Łınca xonca tołełcocona'ma. Aimixpaij'mo'. Łonta'a joupa ixpic'epa lo'eya. Hualca lopimaye tummem'mola' łacarza,

tehuai'im'mola'. Imbama' quitine titełcota. Ima' ti'hua lihuejla'. Tama timitso': Alma'a'mo', aimopai'i'moxi lopicuejma'. Tijoula' quimetsaico'mo' i'hua cal Cuecaj Rey. Capi'icona'mo' lopitine aimijouya. ¹¹ Naitsi nocuejpa tiquimf'ela' iłe lataiqui' loya'apa cal Espiritu Santo ma mipalaic'ola' lapimaye, iłne ixanuc' LanDios, iłque łefot'łepola'. Małniya lapimaye nafolyomma lan caitsi quilełoıya'. Naitsi nolijya aimimaconaya. Iłe al Cueca' Camaya ailopa'a co'e'eya iłque.'

Ita'a itje'e lapimaye nomana' liıya' Pėrgamo

¹² "Jouc'a tainiı'ela' hilepaluc lapimaye nafot'łepołtsi Pėrgamo. To'ıla': 'Fa'a tipa'a laifmipo' iya' ts'ai'hueca laicutsilo oque' lipix'ay ix'aic'ıya. ¹³ Iya' quimetsaicohuo' te ts'i'ic' lof'epa. Nimetsaijma te ts'i'ic' jilpe lofpa'a. Jilpe ma ticuxe Satanás. Aixina' ima' ti'hua lihuequi, ti'hua aı'huaiyinge, aicom-enajyoxi. Jilpe petsi ticuxe Satanás ima'ampa łopima Antipas, iłque ma' ałınca uya'a'ma laitaiqui', u'iyale'ma naitsi iya'. Jilpe litinė aıquixpaijhuo', aicopai'i lopicuejma'. ¹⁴ Linca tipa'a oque' afane' lof'epa aimalatenłcocojma. Tolafot'łeyołtsi anuli lan xanuc' ituca' lomuc'iyalepa, liı'ejma' ituca'. Iłne lan xanuc' tihuejyi litaiqui' Balaam, iłque imuc'i'ma Balac lo'eya ja'ni tuc'uılıtsufe'mola' lan xanuc' Israel. Tołta'a iłne lan xanuc' Israel ite'me lixic' joupa itsufcompola' landiosla', jouc'a ehue'me lacał'no'. ¹⁵ Ma' anuli tolafot'łeyołtsi iłniya petsi lecui'impola' lan nicolaita. ¹⁶ Camihuo': ;Tox-huej'menni! Ja'ni a'i aimalcoıya, cacuaita pe lofpa'a. Cafuli'icotola' iłniya lan xanuc'. Caxcai'ecotola' ita'a laicutsilo laipayomma laico. ¹⁷ Naitsi nocuejpa tiquimf'ela' iłe lataiqui' loya'apa cal Espiritu Santo ma mipalaic'ola' lapimaye, iłne ixanuc' LanDios, iłque łefot'łepola'. Małniya lapimaye nafolyomma lan caitsi quilełoıya'. Naitsi nolijya capi'i'ma lane titeła' ła'i LanDios łocupa, łacui'impa cal maná. Iłque łemiya ca'i, locuenaye xanuc' aıquıłsina' pe lopa'a iłque cal maná. Iłque nolijya capi'i'ma jouc'a cal fujca capic. Iłque łapic tınıhijnya al ts'e caftine. Naitsi łapenufya cal fujca capic iłque linca timetsaico'ma linıııya iłe al ts'e caftine, locuenaye aimixinyacu.'

Ita'a itje'e lapimaye nomana' liıya' Tiatira

¹⁸ "Tainiı'ela' hilepaluc lapimaye nafot'łepołtsi liıya' Tiatira. To'ıla': 'Fa'a tipa'a laifnespa iya' i'Hua LanDios. Iya' lai'u' ti'onłcospa to lipal'cunga, lai'mitsi' ti'onłcospa to mipi'em'me łatejma' iłe acobre. ¹⁹ Iya' quimetsaicohuo' te ts'i'ic' lof'epa. Aixina' to'ehuale capic'a, aixina' loftoc'iyalepa, aixina' toxnet'łqui jahuay lo'ipo'. Aixina' li'ipa o'e'ma al c'a. Itsiya xonca acueca' al c'a lof'epa. ²⁰ Linca tipa'a lof'epa aimalatenłcocojma iya'. Jilpe tapi'i' lane łaca'no' Jezabel, iłquiya inescopoxi aprofeta. Ticua: Cuya'e' linespa LanDios. Iłque mimuc'ila' laixanuc' tıfel'mila', tołta'a iłne tehueyi lacał'no', titeji lixic' joupa itsufcompola' landiosla'. ²¹ Iya' joupa ai'huaicopa tıxhuej'menanni lo'epa nıxpiya. Aıquıxhuej'meya. Aıquıcuac'. ²² ;Toxinła'! Acueca' cateł'mi'ma łaca'no', ti'i'ma quıcuana. Tipanehuo jilpe lihualfa, aımi'ıya mıtahueya. Iłque łaca'no' lo'epa ti'onłcospa to lan xanuc' Israel li'epa. Iłne li'ipa enajpołtsi hilenDios, ihuej'me landiosla'. Jilpe pe lofpa'a, petsi aimıxtuc'oyacu iłque łaca'no' lo'epa, iłniya cateł'mi'mola' acueca'. Tołta'a laif'e'eyacola' iłniya ja'ni aimıxhuej'menamıma, ja'ni aimımetısaıcoyi lixcay lo'epa iłquiya łaca'no'. ²³ Linaxque' łaca'no', iłne ts'ılıhuequi, cama'a'mola' nulemma. Tołta'a limetsaico'ma iya' jahuay lapimaye ni petsi lafolyomma. Ti'i'ma quıłsina' naitsi iya', iya' linca caxina te ts'i'ic' cal xans lipicuejma'. Petsi xonca lemiya iya' caxina. Ma to lonı'epa tołta'a ca'najtse'e'molhuo' anuli anuli. ²⁴ Imanc' unc'ocuenaye nołmana' jilpe liıya' Tiatira, ituca' laifmiyacolhuo'. Imanc' aıcolihuequi lomuc'iyalepa

haca'no'. Aicolapenufi lataiqui' lacui'impá: Lataiqui' ipime xom. He ma litaiqui' Satanás. Imanc' joupa olsina' te ts'i'ic' licuxe'empolhuo', ailopa'a xonca caifcuxeyacolhuo'. ²⁵ Ma le'a camilhuo': Imanc' joupa olapenufpá Lataiqui'. Ma tolihuejle. Aimolanaj'mołtsi. Tama iya' ailai'fpa'a ti'hua lihuejla', cacuaiconno. ²⁶ Naitsi nolijya, naitsi jahuay lipepajnya ti'hua ti'ay lalatenłcocoaya iya', itque capi'i'ma limane ticuxe'mola' locuenaye xanuc', itne petsi aimimetsaicoyi ŁanDios. ²⁷ ŁanDios ujfxi ticuxe'mola' itniya lan xanuc'. Ti'onłcotola' to lapixu. Tepaco'mola' anuli lapaluc ilanc'ecompa atejma'. Ti'em'mola' epi' epi'. Tołta'a laimane joupa alapi'ipa cai'Ailli', ma tołta'a limane capi'i'ma cal xans nolijya. ²⁸ Jouc'a capi'i'ma cal xamna quihic'ejma'. ²⁹ Naitsi nocuejpa, tiquimf'ela' itla'a lataiqui' loya'apa cal Espiritu Santo ma mipalaic'ola' lapimaye, itne ixanuc' ŁanDios łefot'łepola'. Małniya lapimaye nafotłyomma lan caitsi quitelotłya'.

3

Ita'a itje'e lapimaye nomana' liya' Sardis

¹ "Taini'ł'ela' hilepaluc lapimaye nafot'łepołtsi liya' Sardis. To'ila': 'Fa'a tipa'a laifnespa iya' ts'ai'hueca lan caitsi li'Espiritu ŁanDios, jouc'a ai'notila' lan caitsi lan xamna. Iya' quimetsaicohuo' te ts'i'ic' lof'epa. Ticuanni ima' omaf'i'. Iya' caxingufhuo' joupa imapo'. ² Ima' tomaf'i'ixoxi, topo'noła' cuenna. Tofaxoxi lopicuejma', to'econa'ma al c'a. Ja'ni a'i, aimi'iya mo'econaya. Jahuay lo'epa aixina' ailopa'a quetenłcocojma ŁanDios, ni anuli. Jahuay lo'epa tehue'e'. ³ Camihuo': To'nujuaitsi te ts'i'ic' lataiqui' lomepenufpa, ite joupa oquimf'epa. Taihuejla'. Toxhuej'menni. Ja'ni aimopo'nohuo cuenna iya' cacuaihuo to micuaihuo cal namas no'huapa lipuqui'. Toxim'ma łaxpaiqui'. ⁴ Linca jilpe Sardis timana' oquexi' afantsi loxanuc' aiqixis'mecoyołtsi. Itne mane afujca liłpijahua'. Latenłcocojma. Le'me anuli. ⁵ Naitsi nolijya tipo'no'im'me al fujca lipijahua'. Lipuftine tipanehuo jilpe al je'e petsi liniłingila' liłpuftine itne limaf'ila'. Aicatufc'eya lipuftine. Pe lomana' cai'Ailli' y lepaluc' quema'a iya' cu'itola': Itque cal xans tołta'a lipuftine, linca lihuequi. ⁶ Naitsi nocuejpa, tiquimf'ela' ite lataiqui' loya'apa cal Espiritu Santo ma mipalaic'ola' lapimaye itne ixanuc' ŁanDios, itque łefot'łepola'. Małniya lapimaye nafotłyomma lan caitsi quitelotłya'.

Ita'a itje'e lapimaye nomana' liya' Filadelfia

⁷ "Taini'ł'ela' hilepaluc lapimaye nafot'łepołtsi Filadelfia. To'ila': 'Fa'a tipa'a laifnespa iya' ninLinca, nimPaxi. Iya' ai'hueca liyahui cal rey David. Iya' ti'hua laimane caxi'e'ma, tijouła' ailopa'a noxnifcoya. Jouc'a ti'hua laimane caxnifco'ma, tijouła' ailopa'a naxi'eya. ⁸ Iya' quimetsaicohuo' te ts'i'ic' lof'epa. Aiximpo' ite litine, tama a'ij cueca' lopujfxi, ma ti'hua taihuejcojma laitaiqui'. Ima' aicomenjoxi, ti'hua lihuequi. Tołta'a jilpe lołi'ya' ainexi'epa anuli al puerta. He al puerta ailopa'a noxnifcoya. ⁹ Ałcujla', cu'ilhuo' laif'eya. Joupa' aixpic'epa lo'iyacola' itne łefot'łepola' Satanás, itniya infel'miyale judío, itne lonespa a'ij linca. Tinesyi: Ma le'a illanc' ixanuc' ŁanDios. Itniya a'i quixanuc' ŁanDios. Itne ticuaita pe lofpa'a, text'onłingolai'mo' jilpe lo'mitsi'. Timetsaico'mo' iya' ai'epo' capic'a. ¹⁰ Ima' linca oxnet'łpa, omihuequi laitaiqui' lałpalaicopa iya' laixnet'łpa. Tuya'e' toxnet'ła' jouc'a. Tołiya ca'e'mo' cuenna ticuaita al cueca' catełcoya locuaicoya. He latełcoya tixingufco'me lan xanuc' nomana' ni petsi li'a łamats', tehuai'i'mola'. ¹¹ ¡Ałcujla'! Iya' aimatłcołya, cacuaicoconno. Ima' tipa'a ts'o'hueca, ite lainepi'ipo'. To'e'ela' cuenna. Ja'ni a'i aimimetsaiconyaco' ima' i'hua ŁanDios, itque cal Cuecaj Rey. ¹² Naitsi

nolijya capo'no'ma nulemma jilpiya lixoute' lainenDios. Jilpe ti'onlcota to limula joupa lifayipa. Maŕpe al xoute' tipanehuo, aimipaya. Iŕque cal xans quiniŕinc'e'ma afane' laftine. Quiniŕinc'e'ma lipuŕtine lainenDios. Quiniŕinc'e'ma lipuŕtine lipiŕya' lainenDios, iŕiya liŕya' al ts'e quiŕya' Jerusalén laimuyoya lema'a pe lopa'a lainenDios. Jouc'a quiniŕinc'e'ma al ts'e laipuŕtine. ¹³ Naitsi nocuejpa, tiquimf'ela' iŕta'a lataiqui' loya'apa cal Espíritu Santo ma mipalaic'ola' lapimaye iŕne ixanuc' LanDios, iŕque ŕefot'ŕepola'. Maŕniya lapimaye nafotŕyomma lan caitsi quiŕelotŕya'.

Ita'a iŕje'e lapimaye nomana' liŕya' Laodicea

¹⁴ "Tainiŕ'ela' hilepaluc lapimaye nafot'lepoltŕi liŕya' Laodicea. To'ŕta': 'Fa'a tipa'a laifnespa iya'. Iya' ninAmén. Caŕinc'i jahuay loxpíc'epa LanDios. Iya' cuya'e' al linca, aica'eyoxi ma le'a laipicuejma'. Jahuay LanDios lixpíc'epa tilanc'ente ma' iya' aipangopa, ailanc'epa. ¹⁵ Iya' quimetsaicohuo' te ts'i'ic' lof'epa. Aixina' lo'ejma'. Ma' afule malihuequi. Iya' ca'onŕicohuo' to laja' a'i quinu' a'i quitinuhua. ¹⁶ Ca'onŕicohuo' to laja' huata caquinu'. Toŕta'a caxits'ehuo', aicaxnet'ŕconaya, canajcuf'mo'. ¹⁷ Tocua: Iya' ai'hueca. Acueca' iŕe lainulijpa, ailopa'a calahue'epa. Ima' aicoxina' te ts'i'ihuo'. Ima' a'ijc'a juaiconapa lofmuyaicopa. Ima' uncueca' cuanuc', ailopa'a co'hueca, ima' umfo', tocomma um-mila. ¹⁸ Cu'ihuo' lof'eya: To'naŕa' iya laifcujpa. To'naŕa' co'oro joupa ipi'empa lipifuc, ma ipa'ampa lunga. Toŕta'a ti'i'mo' ts'o'hueca. To'naŕa' copijahua', iŕe al fujca lopijahua', topo'noŕa'. Toŕta'a aimi'conaya cum-mila. Aimotaiya calaic'ata. To'naŕa' comeŕxi, tomet'ŕta' lo'u', tijouŕa' al c'a tahuetsale'ma. ¹⁹ Jahuay laif'epola' capic'a, ja'ni ixcay lo'epa, iya' catale'mola', caxc'ai'i'mola', tipai'itsoŕtsi li'ejma'. Ti'ete al c'a. Toŕta'a camilhuo' anuli anuli imanc': Toxpíc'ela' lihuejla' al c'a. Toxhuej'menanni li'ipa lo'ejma'. ²⁰ ¡Aŕcujla! Joupa aicuai'ma, caja'e' fa'a al puerta. Cal xans naŕquimf'eya iya' laifpalaipa, laxi'ela' al puerta, iya' catsufai'ma jilpe lejut'ŕ, aŕsmoco'me nuli. ²¹ Naitsi nolijya capi'i'ma lane aŕcutsoŕai'me fa'a pe laifcut-suya, aŕcuxe'me nuli. Iŕque lo'iya ti'i'ma to iya' laŕ'ipa. Iya' ate'a ainulijpa, lijoupa aicutsingai'pa pe locutsuya cai'Ailli', aŕcuxeyi. ²² Naitsi nocuejpa, tiquimf'ela' iŕta'a lataiqui' loya'apa cal Espíritu Santo ma mipalaic'ola' lapimaye iŕne ixanuc' LanDios, iŕque ŕefot'ŕepola'. Maŕniya lapimaye lafotŕyomma lan caitsi quiŕelotŕya'."

4

¹ Lijoupa laŕmipa toŕta'a aiximpa jilpe lema'a tipa'a al puerta exi'ya. Aicuejcona'ma aŕpalaic'o. Iŕque lopalaipa ti'onŕcospa to mifus'mim'me al trompeta. Iŕque aŕmi: "Tof'acunni. To'huanni fa'a. Camuc'i'mo' lo'iya. Iŕe laifmuc'iyaco' al linca, ma ti'i'ma." ² Maŕpe 'hora aixingufcopa cal Espíritu Santo aŕcuxe jilpe laipicuejma'. Jilpe lema'a aiximpa lexpats'qui li'nofquiya. Jilpe tipa'a al 'asiento acueca' to liŕ'asiento lan rey. Iŕe al 'asiento tipa'a naitsi nocutsafya. ³ Iŕque Nocutsuya li'a tocomma mane epalc'o', to lepalc'opa lapic' liŕpuŕtine ajaspe y acornalino. Jilpe lexpats'qui li'nofquiya canumicay tipa'a lupaje. Iŕe lupaje tepalc'o'i axhuaica to lepalc'opa lapic' cuŕtine esmeralda. ⁴ Aixim'mola' anuxans malpu' lan tsilaj asiento. Ticutsafcolanna anuxans malujxi' lan tsilaj xanuc' noxpíjpá lataiqui'. Lexpats'qui li'nofquiya lopa'a nolojmay iŕniya. Iŕne anuxans malujxi' lan tsilaj xanuc' afujca liŕpijahua'. Jilpe liŕjuac anuli anuli itaic' licorona ilanc'ecompa a'oro.

⁵ Jilpe lexpats'qui li'nofquiya tixcafi, tipaloŕaiyi, tuna'e'. Lihuec'ocojma lexpats'qui li'nofquiya tunaqui acaitsi lepalatc'o', iŕne lan caitsi li'Espíritu LanDios. ⁶ Lihuec'ocojma lexpats'qui li'nofquiya tipa'a tocomma to laja

lilanc'ecompa apulu, al c'a vidrio cuftine acristal. He al vidrio ti'i'ma tixim'ma acajm'maica. Pe lopa'a lexpats'qui li'nofquiya, ihniya lam malpu' qui'esquina, nolojmay jilpe aixim'mola' amalujxi' lam paxi quinneja. Ihe imanna ca'u'. Ihe liłspula' jouc'a liłcu'u imanna pangay ca'u'.

⁷ Cal te'a linneja ti'onłcospa to calxmu. Locuena ti'onłcospa to cal toro. Locuena'ya li'a ti'onłcospa to li'a cal xans. Locuena'ya ti'onłcospa to cal cuecaj cui łaiyupa. ⁸ Lam malujxi' quinneja anuli anuli tipa'a acamts'us łixala'. Ihiya łixala' imanna pangay ca'u'. Jilpe lixpula' quiłxala' lijuihuay tipa'a pangay ca'u'. Jouc'a licu'u quiłxala' tipa'a pangay ca'u'. Ihiya linneja aimixospola'. Itine ipuqui' tuya'ayi:

“Apaxi, apaxi, apaxi łalPoujna ŁanDios,
iłquiya cal Cuecaj Rey, jahuay ticuxe.

Li'ipa ma tipa'a, itsiya tipa'a, ma' anuli iłque locuaiya.”

⁹ Ihiya lam malujxi' quinneja tołta'a lopalaicopa ŁanDios. Timetsaicoyi anDios, timetsaicoyi cal Cueca'. Tix'najtsi'iyi małquiya Nocutsuya jilpe lexpats'qui li'nofquiya. Iłquiya ti'hua imaf'i', aimimaya. ¹⁰ Mipalaiyi tołta'a ihniya linneja, lan nuxans malujxi' lan tsilaj xanuc' noxpilpá lataiqui', texc'onłingolaiyi łamats' ehuoc'oco'me Nocutsuya jilpiya lexpats'qui li'nofquiya. Iłquiya imaf'i', aimimaya. Tipa'ayi liłcorona, tipo'noyi małpe huejnca lexpats'qui li'nofquiya. Timiyi Nocutsuya jilpe:

¹¹ “Ma' ima' małPoujna, ma' ima' malanDios.

Ma' ima' jahuay nipajnya to'e'ma.

Ailopa'a cocuena camescoyacu tołta'a, aimi'iyi.

Ima' olanc'epola' jahuay.

Al te'a ailopa'a, ma' ima' oxpic'epa ti'ila', oxpic'epa tilanc'em'me.”

5

¹ Aixim'ma anuli al je'e ijuisquiya i'noł'ma al c'a quimane iłque Nocutsuya jilpe lexpats'qui li'nofquiya. He al je'e inilingiya jilpe licu'u jouc'a lixpula', acaitsi cal sello enantsi'icoya. ² Aixim'ma anuli cal cuecaj capaluc quema'a, tipalay ujfxi, ticua: “¿Naitsi ti'i'ma tits'ał'ma lan sello, tuxpalaif'ma lunts'iquiya al je'e?” ³ Ailopa'a nots'alya lan sello, muxpalaif'ya al je'e. Ni jilpe lema'a ni li'a łamats' ni al 'ocay camats'. ⁴ Aijoj'ma juaiconapa. Ailopa'a noxpalaif'ya al je'e mixhueya, ni mehuelojnya. Ni anuli mi'iyi. ⁵ Anuli ihniya lan tsilaj xanuc' ałpalaic'opa, ałmi: “Aimojoj'ma. Toxinłta', jifa'a tipa'a iłque łecui'impa calXmu. Cal te'a łitatahuelo cuftine Judá. Iłquiya Judá jouc'a itatahuelo David. Iłque łecui'impa calXmu joupa ulijpa. Totłta'a ti'i'ma tits'ał'ma lan caitsi sello, tuxpalaif'ma lijuisquiya al je'e.”

⁶ Aixim'ma anuli Ła'huaj Moł tecaxu jilpiya. Iłque ti'onłcospa to ła'huaj moł łima'ampa, łitsufcompa ŁanDios. Tecaxu mane ehuoc'ocojma lexpats'qui li'nofquiya. Lijuihuay timana' lam malujxi' lam paxi quinneja jouc'a lan nuxans malujxi' lan tsilaj xanuc'. Iłque Ła'huaj Moł tipa'a acaitsi łipecala, acaitsi li'u'. Ihe li'u' lan caitsi li'Espíritu ŁanDios, joupa ummempola' tiyełe ni petsi li'a łamats'. ⁷ Ła'hua Moł i'hua'ma, i'noł'ma lijuisquiya al je'e, ile li'noł'ma al c'a quimane iłque Nocutsuya jilpe lexpats'qui li'nofquiya.

⁸ Lijou'ma li'noł'pa al je'e Ła'huaj Moł, epatshuołai'me lam malujxi' lam paxi quinneja jouc'a lan nuxans malujxi' lan tsilaj xanuc', tummoc'oyi Ła'hua Moł. Ihiya lan tsilaj xanuc' anuli anuli tipa'a lił'harpa jouc'a iłtaic' liłtaza lilanc'ecompa a'oro, imanna łipac'ec, ile locuajmaispa loxahue'epa lixanuc' ŁanDios, ihniya i'huexi ŁanDios. ⁹⁻¹⁰ Ihe lan tsilaj xanuc' ats'e lonac'copa. Litaiqui' tuya'e':

“Ima' jounpa ima'ampo', otsufcopa lojuats', o'najtsepa lijunac' lan xanuc' ni petsi liyouyomma.

Ihne lan xanuc' ituca' ituca' lihtaiqui', ituca' ituca' lihpitya', ituca' ituca' lihnación.

O'epola' ixanuc' hlanDios, ihque cal Cuecaj Rey.

O'epola' a'aillí, mepi'ipola' lihtane, ticuxeta li'a lamats'.

Tohiya icueya lomane, o'nohpa lijuisquiya al je'e, ti'i'ma tots'al'ma lisello.”

¹¹ Lijou'ma aixim'mola' axpela' lapaluc' quema'a. Ihniya timana' canumicay lan tsilaj xanuc' petsi al canumicaica lam paxi quinneja, ihniya linneja tecaxhuolanna lam malpu' qui'esquina lexpats'qui li'nofquiya. Tohta'a lexpats'qui li'nofquiya lopa'a nolojmay jahuay ihniya. Axpela' axpela' ihniya lapaluc' quema'a nomana' jilpiya. Aimi'iya moxhuj'meyacola'. Aicuej'ma tipalquinni. ¹² Tipalaiyi ujfxi, ticuayi:

“La'hua Moł, ihque ima'ampa, itsufcompa, małque ti'i'ma tepenuf'ma la'alabanza.

Ihque nipajnya ti'e'ma jahuay, jahuay i'hueca, ailopa'a cahue'epa,

xonca acueca' lipicuejma', ailopa'a nolijya tohta'a.

Ihque xonca ipujfxi, xonca timetsaicom'me,

timetsaicoyi al Cueca' Xonca.

Ihque ma' anDios.

¡Ałs'najtsi'ite!”

¹³ Lijou'ma aicuej'mola' tipalquinni jahuay ts'ihmaf'i' lilanc'epola' LanDios. Ihniya nomana' lema'a, nomana' li'a lamats', nomana' al 'ocay lamats', nomana' łaja. Ni petsi ticuayi:

“Ałs'najtsi'ite ihque Nocutsuya lexpats'qui li'nofquiya, alimetsaicote cal Cueca' Xonca.

Ihque ma' anDios, jahuay ticuxe.

Ma' anuli ałs'najtsi'ite La'hua Moł.

Tijauhuamlaicota litine tohta'a ti'ila'.”

¹⁴ Lam malujxi' lam paxi quinneja ticuayi: “Tohta'a ti'ila'. Amén.”

Lan tsilaj xanuc' exc'onłingołai'me, tummoc'oyi Nocutsuya lexpats'qui li'nofquiya, jouc'a tummoc'oyi La'hua Moł.

6

¹ Iya' cahuelonge, aixim'ma La'hua Moł lits'al'ma anuli ihniya lan caitsi sello. Aicuej'ma tipalay anuli ihne lam malujxi' lam paxi quinneja, tocomma to muna'a'ma. Ticua: “¡To'huanni!” ² Lijou'ma aixim'ma jounpa icuai'ma anuli cal fujca caihuala. Locutsafya łaihuala i'nołi lomf'ants'. Epi'im'me licorona, ipanni tulijcale. Linca ti'hua tulijcalecona'ma.

³ La'hua Moł lits'al'cona'ma łocuena sello, aicuej'ma tipalay łocuena ihne lam malujxi' lam paxi quinneja. Ticua: “¡To'huanni!”

⁴ Icuai'ma łocuena caihuala. Ihque łaihuala ma' unxali. Ihque locutsafya epi'im'me limane ti'e'ma tifulele lan xanuc' nomana' li'a lamats', tima'a'mołtsi anuli anuli. Epi'im'me juaiconapa itoqui licutsilo.

⁵ Lijou'ma La'hua Moł its'al'cona'ma łocuena sello. Tohta'a i'ipa afane' lan sello lits'al'pola'. Aicuej'ma tipalay łocuena ihne lam malujxi' lam paxi quinneja. Ticua: “¡To'huanni!”

Aixim'ma icuai'ma łumi caihuala. Ihque locutsafya łaihuala i'nołi calxpicołma.

⁶ Aicuej'ma tocomma tipalquinni jilpe nolojmay pe lomana' ihne lam malujxi' lam paxi quinneja. Ticuayi: “Linca ti'i'mola' huata cal trigo, lan cebada. Tiłof'ma liłpitali. Anuli kilo cal trigo liłpitali lolijpa anuli quitine cal xans. Afane' kilo lan cebada liłpitali lolijpa anuli quitine cal xans. Timanecu lan

oliva laipamma caceite, jouc'a lan 'uva laipamma al vino. Ihniya aimomints'e'mola'."

⁷ Lijou'ma La'hua Moł its'alcona'ma locuena sello. Tołta'a i'ipa amalpu' lan sello lits'atpola'. Aicuej'ma tipalay locuena quinneja, ticua: "iTo'huanni!"

⁸ Aixim'ma icuai'ma łefouc'o łaihuala. Tocomma ailopa'a quijuats'. Iłque locutsafya łaihuala lipuftine Lamaya. Ihuequi anuli cuftine Hades. (Tołta'a lecui'impa jilpe pe lomana' lamizhua.)

Iłque locutsafya łaihuala epi'im'me limane ticuxe'ma hualca li'a łamats'. Petsi petsi ticuxe'ma hualca. Ni petsi locuxeya iłque tima'a'mola' lan xanuc'. Hualca tima'aco'mola' acutsilo. Hualca tima'aco'mola' cumemma. Hualca tima'aco'mola' al cuana. Locuenaye tima'a'me lan ximalo quinneja.

⁹ La'hua Moł its'alcona'ma locuenaj sello. Tołta'a i'ipa amaque' lan sello lits'atpola'. Aixim'mola' lił'alma lapimaye nimanapola'. Ihniya nepenufpá litaiqui' LanDios, uya'a'me, ihuej'me ile lataiqui'. Tołhiya ixtuc'om'mola', ima'am'mola'. Ihniya lił'alma timana' al 'ocay jilpe al altar. Iłe al altar ti'onłcospa to al altar petsi titsufcoyi LanDios. ¹⁰ Ihniya tija'ayi ujfxi, ticuis'eyi, timiyi LanDios: "Ima' małPoujna, illanc' omozó. Ima' umPaxi, ima' unLinca, aimofel'miyale. ¿Te ti'hua ticol'mo'? ¿Te aimal—linc'iyaconga'? ¿Te aimotel'miyacola' iłne nałma'aponga'? Iłne jouc'a lił'as xanuc' nomana' li'a łamats', ma' anuli lił'ejma'."

¹¹ Anuli anuli ihniya nopalai pá tołta'a, umim'mola' afujca liłpijehua'. Timila': "Tehue'e huata. Ti'hua tulunxajle. Tixhuai'ni'mola' lołpimaye, ihniya jouc'a imozó LanDios liłPoujna. Ihniya jouc'a tima'am'mola'. Tijouła' tima'antsola' linca cateł'mi'mola' iłne ninma'ahualepá, jouc'a ihniya nima'apolhuo' imanc'."

¹² Aixim'ma La'hua Moł its'alcona'ma locuena sello. Tołta'a i'ipa acamts'us lan sello lits'atpola'. Iłe'ne'ma acueca' cunanto. Cal 'ora i'i'ma umi umi, tocomma to lijahua' mipo'noyi nohuotsopá. Łitojpa mut'ła i'i'ma cunxali to lajuats'.

¹³ Lan xamna nomana' lema'a ecangołenca łamats'. Iłe li'ipola' lan xamna ti'onłcospa to lo'iya li'as 'icux mi'hua'ma ujfxi cahua', tife'ne łimané al 'ec, łaxhuaica qui'as tecangołecu. ¹⁴ Lema'a ijuis'moxi to anuli al je'e, ijuisquim'me, ejac'e'moxi. Lijualay jouc'a łamats' isla, jahuary ihniya iłonc'em'me. Ailopa'a quipaneya pe lopa'a al te'a. ¹⁵ Li'ipa tołta'a jahuary lan xanuc' inulna'me. Emi'mołtsi lunts'ejay, jouc'a emi'mołtsi lijualay pe lopa'a lan tsilaj capic'. Iłne lan xanuc', ja'ni lan rey nocuxepá fa'a li'a łamats', ja'ni lan tsilaj xanuc', ja'ni lan tsilaj soldado nocuxepá lił'as soldado, ja'ni lan xanuc' ts'il'hueca acueca', ja'ni acueca' quiłpujfxi, ja'ni notahuaicopá tipa'a liłpoujnalá, ja'ni ailopa'a quiłpoujna, jahuary ma' anuli emi'mołtsi. ¹⁶ Tipalaic'oyi lijualay jouc'a lan tsilaj capic', timiyi: "Tonlacangołenca, alamitsonga'. Aimal sim'monga' iłque Nocutsuya jilpe lexpats'qui li'nof'quiya. Aimal tel'mi'monga' La'hua Moł. Iłque ixtunni. ¹⁷ Joupa icuai'ma al Cuecaj Quitine. Iłne nulemma timuj'me liłpoyac'. ¿Te naitsi noxnet'łya?"

7

¹ Lijou'ma aixim'mola' amalujxi' lapaluc' quema'a tecaxołanna jilpe lam malpu' quiju' łamats'. Ihniya tipa'neyi łahua', aimitsufai'ma ni anuli quiju' łamats'. Aimi'hua'ma cahua' łamats'. Aimi'hua'ma cahua' łaja. Aimi'hua'ma, aimifenna ni anuli al 'ec. ² Aixim'ma icuaico'ma ocuena capaluc' quema'a. Iłque ti'faqui pe łaipammaiyomma cal 'ora. Itaic' lisello Łimaf'i' CanDios. Tijoc'ila' lam malujxi' capaluc' quema'a, ihniya petsi joupa epenufpá liłmane timints'ele łamats', jouc'a timints'ele lopa'a jilpiya. Timints'ele łaja jouc'a lopa'a jilpiya. Tipalaic'ola' ujfxi, ³ timila': "Toł'huaicołe. Aimolmints'e'me łamats' ni lopa'a jilpiya. Aimolmints'e'me ni anuli al 'ec. Ate'a lunanc'i'mola' cal sello

hilepali ihniya no'epá lipenic' ŁanDios, iłque iłPoujna. Tijouła' tołteł'mi'mola' locuenaye xanuc'."

⁴ Lijou'ma aicuej'ma tojua mimana' ihniya nepenufpá cal sello. Ixhuaitsola' amaxnuj oquej nuxans malujxij mil lan xanuc'. Liłtatahueló ihniya inaxque' cal xans Israel. ⁵ Ihniya lunanc'impola' quilsello, limbamaj coquej mil iłne liłtatahuelo cuftine Judá. Locuenaye imbamaj coquej mil liłtatahuelo cuftine Rubén. Locuenaye imbamaj coquej mil liłtatahuelo cuftine Gad. ⁶ Locuenaye imbamaj coquej mil liłtatahuelo cuftine Aser. Locuenaye imbamaj coquej mil liłtatahuelo cuftine Neftalí. Locuenaye imbamaj coquej mil liłtatahuelo cuftine Manasés. ⁷ Locuenaye imbamaj coquej mil liłtatahuelo cuftine Simeón. Locuenaye imbamaj coquej mil liłtatahuelo cuftine Leví. Locuenaye imbamaj coquej mil liłtatahuelo cuftine Isacar. ⁸ Locuenaye imbamaj coquej mil liłtatahuelo cuftine Zabulón. Locuenaye imbamaj coquej mil liłtatahuelo cuftine José. Locuenaye imbamaj coquej mil liłtatahuelo cuftine Benjamín.

⁹ Lijou'ma aixim'mola' axpela' lan xanuc' efołya jilpiya. Axpela' juaiconapa, aimi'ya moxhuej'meyacola'. Ihniya quiyoyomma jahuay lan nación lomana' li'a łamats', jahuay hilełoya'. Ituca' ituca' liłtatahueló, ituca' ituca' liłtaiqui'. Ihniya tecaxingołanna tehuelojnyi lexpats'qui li'nofquiya, tehuelojnyi Ła'huaj Moł. Afujca itoqui liłpijahuá', ił'nołi liłxanghue. ¹⁰ Tipalaiyi ujfxi, ticuayi:

"ŁanDios, Nocutsuya jilpe lexpats'qui li'nofquiya,
jouc'a Ła'hua Moł, ma' ihniya alunłu'eponga'."

¹¹ Jilpe lexpats'qui li'nofquiya, canumicay, timana' jahuay lapaluc' quema'a jouc'a lan tsilaj xanuc', jouc'a lam malujxi' lam paxi quinnejá. Ihniya ixpats'colenca ilimetsaijma ŁanDios. ¹² Ticuayi:

"Tołta'a ti'ila', amén.

Ma' łalanDios limetsaico'me cal Cueca', ma' iłque ałmi'me:

'Ima' oxina' jahuay, ima' malanDios, ałs'najtsi'ihuo',

ima' unCueca' Xonca, jahuay ti'ima' to'e'ma, ima' xonca opujfxi, ima' aimopai'iyoxi.

Itsiya litine jouc'a locuaicoya quitine, tołta'a mopa'a.'

Tołta'a ti'ila', amén."

¹³ Anuli iłne lan tsilaj xanuc' alicuis'epa, ałmi: "Ihniya lan xanuc' afujca itoqui liłpijahuá', ¿naitsi iłne? ¿Petsi quiyoyomma?" ¹⁴ Aitalai'e'e'ma, cami: "Maipoujna, ima' oxina'". Iłque ałmi'ma: "Ihniya lipalyomma al cueca' catełcoya. Epajcopa liłpijahuá' lijuats' lixcuajaipa Ła'huaj Moł. Tołta'a i'ipa afujca liłpijahuá', aicunxalaic'.

¹⁵ "Tołta'a itsiya tecaxingołanna tehuelojnyi lexpats'qui li'nofquiya pe łocutsuya ŁanDios.

Iłne itine ipuqui' ti'eyi lipenic' ŁanDios jilpe lipaxi quejut'ł.

Timanecu anuli ŁanDios, iłque Nocutsuya li'nofquiya, iłque ti'hua ti'e'mola' cuenna.

¹⁶ Aimunle'econayacu, aimicuiconaya quilja'.

Cal 'ora aimipi'econayacola', aimixinyacu ni tołta'a quinu'.

¹⁷ Ła'hua Moł, iłque Nopa'a nolojmay laquiju' lexpats'qui li'nofquiya,

iłque ti'e'mola' cuenna, tixinnola' to imot'ł, iłque iłPoujna.

Tileco'mola' petsi laipayomma laja', iłiya laja' tepi'ila' liłpitine aimijouya.

ŁanDios tetufc'ena'mola' lilujay iłne lixanuc', aimijojconayacu."

8

¹ Ła'huaj Moł its'ałcona'ma hijoujma sello. Joupa its'ałpola' lan caitsi sello. Li-jou'ma jilpiya lema'a i-ch'ixco'mola'. Icoł'ma to nolojmay 'hora. ² Aixim'mola' acaitsi lapaluc' quema'a. Ihniya tecaxołanna tehuelojnyi jilpe pe lopa'a ŁanDios.

Ini'im'mola' acaitsi litrompeta. Anuli anuli i'noli litrompeta. ³ Icuaiyunni ocuena capaluc quema'a. Ecaxingai'ma jilpe al altar pe lopi'eyompa hipac'ec. He al altar ehuoc'ocojma lexpats'qui li'nof'quiya. Lapaluc quema'a i'noli lopi'ecompa hipac'ec, lilanc'ecompa a'oro. Epi'im'me acuecaj hipac'ec. Lepi'im'me tipi'eła' ma mixa'hueyi LanDios ihniya i'huexi. Ine noxa'huepá, hitaiquí ihniya jouc'a hipac'ec lopipa, tif'ajyomma jilpe al altar lilanc'ecompa a'oro. ⁴ Lapaluc quema'a mejuaf'i'ma hipac'ec licuxis tif'aqui, jouc'a tif'aqui hitaiquí lixanuc' LanDios, ine noxa'huepá. ⁵ Lijou'ma lapaluc quema'a i'nof'ma lopi'ecompa hipac'ec, ima'ne'ma cunsuac' lopa'a jilpe al altar, eca'ni'ma jilta'a lunsuac', ecangolenca lamats'. Lijou'ma tunalequi, tija'anni, tuxcuafi, ife'ne'ma inu'ma lunanto.

⁶ Lan caitsi lapaluc' quema'a, ihniya petsi anuli anuli tipa'a litrompeta, i'nof'me litrompeta, tuna'me lan caitsi. ⁷ Cal te'a lapaluc quema'a tunay litrompeta. Iyuj'ma hi'ay cacui, jouc'a lunga ihuants'i cajuats'. Itque hi'ay cacui itel'mi'ma lamats'. Lamats' jouc'a cal 'ec' etelnufila' afane'. Anuli ipina'ma, tipanemma oque'. Laixhuaica pajac ipina'ma.

⁸ Locuenaj lapaluc quema'a tunay litrompeta. Tocomma to anuli hijuala lonajpa i'nijm'maitsi laja. Tołta'a anuli parte laja i'i'ma cajuats', oquej parte a'i.

⁹ Jilpe laja ts'ilmaf'i' nomana' jilpe lajuats' caja imana'mola'. Nomana' jilpe al c'a caja timanemma ilmaf'i'. Ma tołta'a ejac'pola' lan tsilaj barco lomana' laja.

¹⁰ Locuena lapaluc quema'a tunay litrompeta. Joupa i'ipa afantsi nunapa. Anuli cal cuecaj xamna ecangenni lema'a. Itque cal xamna tunaqui, tocomma oli, ecangaf'caita cal panay jouc'a petsi laipayomma lajay. Tipa'a petsi licajm'maitsi, petsi a'i. (Tołta'a ja'ni anuli al pana' ixim'ma lonajpa, timanemma oque' cal panay petsi aikuixim'me tołta'a.) ¹¹ Itque cal xamna cuftine Acuaj Ajenjo. (La'hua c'ec ajenjo, itque acuá juaiconapa.) Ni petsi lechangaf'caita lonajpa cal xamna, laja' i'ipa acuá to ajenjo. Lan xanuc' lixna'me al cua caja' imana'mola'.

¹² Locuenaj lapaluc quema'a tunay litrompeta. Joupa i'ipa amalujxi' nunapa. Luna'apa litrompeta iminscom'mola' cal 'ora, cal mut'ła, lan xamna. Cal 'ora tocomma etelnufila' afane', anuli aiquepalc'o'. Jouc'a cal mut'ła etelnufila' afane'. Anuli aiquepalc'o', oque' epalc'ola'. Jouc'a lan xamna, ja'ni anuli aiquepalc'o' oque' ti'hua tepalc'ola'. Tołta'a ma micoli litine amalpuj hora i'ipa pangay muf. Ma' anuli lipuqui'. Tipa'a amalpuj hora joupa imufc'opa, aiquepalc'ola' cal mut'ła ni lan xamna.

¹³ Lijou'ma aixim'ma anuli cal cui tiyu lema'a. Tiyu malpe pe lo'iyoya cal 'ora menac'o. Aicuejpa loya'apa, ticua: "Aijc'a lo'iya, aijc'a lo'iya, aijc'a lo'iya. Linca acuanuc'la lan xanuc' nomana' li'a lamats'. Muna'me litrompeta locuenaye lam fantsi lapaluc' quema'a acueca' juaiconapa lo'eyacola' lan xanuc', acueca' titełco'me."

9

¹ Locuena lapaluc quema'a tunay litrompeta. Joupa i'ipa amajxi' nunapá. Aiximpa anuli cal xamna joupa ecangeyomma lema'a icuai'ma li'a lamats'. Itque cal xamna epi'impá liyahui al cuecaj pu'hua cuftine al Abismo. Jilpiya timana' lontahue. ² Exi'e'ma al cuecaj pu'hua. Lijoupa lexi'epa tif'aqui hipicuxis ti'onłcospa to hipicuxis al cueca' capa. Itque licuxis tipa'ne cal 'ora, imufc'o' li'a lamats'. ³ Malpe licuxis tipalumma lan xa'mut'ł. Ni petsi li'a lamats' icuaiyunca ihniya lan xa'mut'ł. Epi'impola' litmane ti'ete to lo'epa linnaispo lomana' li'a lamats'. ⁴ U'im'mola': "Ma le'a tołtel'mitsola' lan xanuc' petsi aikuiltaic' hilepali lisello LanDios. Al pajac, jouc'a laxhuaica lilapola, jouc'a cal ec', aimołtel'mi'mola' ilna'a."

⁵ Toſta'a ihniya lan xa'mut'i epi'impola' liſmane titeſ'mile lan xanuc' petſi aiquiſtaic' hilepali liſello LanDios. Lan xa'mut'i aimima'a'me, ma titeſ'mi'me. Amaque' mut'la ti'hua titeſ'mi'me lan xanuc', tummi'i'me hiſpitac'. Anuli anuli ihya lipitac tumlej'ma to lipumla lipitac ſinnaiſpo. ⁶ Ihniya ſitiné lan xanuc' notecopá toſta'a tehue'me te co'iya mimayacola'. Aimixinyacu. Aimi'iya mimayacola'.

⁷ Ihniya lan xa'mut'i ti'onſcospola' to laiſhualé joupa itats'empola' tiye'me lafuleya. Itaic' hiſjuac tocomma acorona lilanc'ecompa a'oro. Liſ'a ti'onſcospa to li'a cal xans. ⁸ Liſjuac ti'onſcospa to liſjuac lacaſ'no', liſ'ay ti'onſcospa to li'ay calxmu. ⁹ Itaic' liſcoraza tocomma to lilanc'ecompa atejma'. Liſxala' tuna'e' to lona'apa axpej carro minul'me, to mexat'hu'me laiſhualé tinulyi tifuléta. ¹⁰ Tipa'a liſpo ti'onſcospa to lipo ſinnaiſpo, itaic' lipitac titeſ'mico'me lan xanuc'. Ti'hua titeſ'mi'me lan xanuc' amaquej mut'la. ¹¹ Tipa'a hiſrey ticuxela'. Iſque epaluc al cuecaj pu'hua. Lipuſtine ataiqui' hebreo ticua: Abadón. Ataiqui' griego ticua: Apolión. Iſe laſtine lohuaſquemma tuya'e': Iſque tejac'eyale.

¹² Toſta'a liſteſcopa lan xanuc' lunapa liſtrompeta ſapaluc quema'a, iſque cal majxi. Tehue'e' locuenaye oquexi' ſapaluc' quema'a tunaſe liſtrompeta, titeſcocona'me lan xanuc'.

¹³ Locuena ſapaluc quema'a tunay liſtrompeta. Joupa i'ipa acamts'us nunapá. Aicuej'ma tipalquinni. Iſe lataiqui' qui'huayomma jiſpe lam malpu' liju' al altar lilanc'ecompa a'oro, ihya al altar ehuoc'ocojma pe lopa'a LanDios.

¹⁴ Tipalaic'o ſapaluc quema'a ts'i'noſi liſtrompeta, iſque cal camts'us, timi: "Tox'maſtola' lam malujxi' capaluc' quema'a iſne liſingohila' jiſpe al cuecaj pana' cuſtine Éufrates".

¹⁵ LanDios joupa ixpic'epa tej hora, te quitine, te mut'la, te camats' tux'mas'mola' ihniya ſapaluc' quema'a. Iſne ti'huaicoyi. Itsiya joupa ixhuaita al 'hora. Ux'maſquim'mola' tima'antsola' lan xanuc'. Aimima'anyacola' jahuay. Petſi tima'a'me anuli timanecu ts'iſmaſ'i' oquexi'. ¹⁶ Iſne ſapaluc' quema'a timana' liſsoldado ilenaſcoſaic' laiſhualé. Uya'am'me tojua mimana', aicuej'ma. Timana' oquej maxnu millón.

¹⁷ Toſta'a laſmuc'ipa LanDios. Aixim'mola' laiſhualé jouc'a nocuſaſcoſanna. Ihniya iſjojma liſcoraza. Timana' liſjojma liſcoraza unxali to ſunga, jouc'a petſi liſjojma umi azul, jouc'a liſjojma ata'enca to ſazufre. Liſjuac laiſhualé toco'ma to hiſjuac lanxmuhua. Liſco tipamma cunga, quicuxis, jouc'a ſazufre. ¹⁸ Iſe laipayomma liſco laiſhualé, ihya ſunga, ticuxis jouc'a ſazufre ima'a'mola' lan xanuc'. Pe lima'am'me anuli timanecu oquexi' ts'iſmaſ'i'. ¹⁹ Ihniya laiſhualé liſpo tipa'a hiſjuac to hiſjuac ſainoſaſ. Iſe hiſjuac tipa'a liſco ticaconnila' lan xanuc'. Toſta'a acueca' lo'epa iſna'a liſco quiſpo, titeſ'miyaley iſuaiconapa.

²⁰ Lan xanuc' lomanemma ts'iſmaſ'i', ihniya petſi aiquima'ala' ſunga ni ſicuxis ni ſazufre, ihniya aiquiſuej'meya li'epa. Aiquiſneſqui: "Aſ'epa a'ijc'a. Aſhanc'epola' lalandioſla'." Iſne lan xanuc' ti'hua tihuejyi lonſahue. Ti'hua teſc'onſingohaiyi landioſla' lilanc'ecompa' a'oro, aplata, abronce, apic o a'ec. Iſna'a lacui'impola' landioſla' aimi'iya mixinyacu, aimi'iya miſquimf'eyacu, aimi'iya miyeyacu. ²¹ Jouc'a ti'hua tima'ahualey i, ti'hua tiſocoyoſti, ti'hua tehueyi quilecaſ'no', ti'hua tinantſeyi. Iſne aiquiſuej'meya li'epa toſta'a.

10

¹ Aixim'ma ocuena capaluc quema'a, xonca ipujfxi, timuyomma lema'a. Iju'icoya cummahuay. Tipo'nof'iya hiſjuac anuli lupaje. Li'a ti'onſcospa to cal 'ora tunts'ifqui. Li'miſi' tocomma to hiſpaſ cunga to munaj'ma al puc'o c'ec.

² I'noſi liſmane to la'hua je'e uxmalaiſ'quiya. Al c'a camane li'miſ tecaxc'o ſaja,

lipoxa camane qui'mis tecaxu łamats'. ³ Ipalai'ma ujfxi tocomma to mija'a'ma calxmu. Lipalai'ma jouc'a una'a'mola' lan caitsi quetumi. ⁴ Luna'apola' lan caitsi quetumi coła' quinił'ma loya'apa iłniya. Aicaininili. Aicuej'ma tipalay anuli nopa'a lema'a. Ałmi: "Aimainiłijm'ma linespa lan caitsi letumi. Aimo'itola' lan xanuc'."

⁵ Lijou'ma łapaluc quema'a, małque łaiximpa tecaxc'o łaja tecaxu łamats', i'nif'ma al toncay al c'a quimane, enas'ma lema'a. ⁶ Icuaj'mi'ma lipuftine Łimaf'i' CanDios, iłque aimimaya, małque Nilanc'epa lema'a y jahuay lopa'a jilpiya. Jouc'a ilanc'epa li'a łamats', łaja y jahuay lopa'a. Ticua łapaluc quema'a: "Aimicołconaya. ⁷ Ai'a tuna'a'ma litrompeta łijoujma capaluc quema'a, iłque cal caitsi, ti'i'ma to loya'apa lemiya cataiqui' iłe lonescopa lixpıc'epa ŁanDios. Iłe lataiqui' ŁanDios joupa u'ipola' liprofeta, iłniya no'epá lipenic' iłque łilPoujna."

⁸ Iłque tipalay jilpe lema'a joupa aicuej'ma tipalqui. Małque ałpalaic'oonapa, ałmi: "To'huala'. To'nołta al je'e loxmalaif'quiya jilpe limane łapaluc quema'a, iłque tecaxc'o łaja tecaxu łamats'." ⁹ Ai'huahuo'ma. Cacuaitsi pe lopa'a łapaluc quema'a, cami: "Ałni'ila' la'hua je'e". Ałmi: "To'nołta', totela'. Moteja toxim'ma ani'i to al kujua. Ticuaitsi locu'u ti'i'ma acuá." ¹⁰ Ai'noł'ma la'huaj je'e lopa'a limane łapaluc quema'a. Ai'nico'ma laico, aite'ma. Laico i'i'ma ani'i to al kujua. Lijou'ma lainuc'ma laicu'u i'i'ma acuá. ¹¹ Lijou'ma ałmim'ma: "Toya'acona'ma loxpıc'epa ŁanDios. Tonesco'mola' lan xanuc' ituca' ituca' hılelołya', ituca' ituca' liłnación, ituca' ituca' liłtaiqui'. Jouc'a topalaico'mola' axpela' lan rey."

11

¹ Ałnim'ma al jaxa to al 'ec loxpıjcompa. Ałmi: "Totsahuenni. Toxpıjta lipaxi quejut'ł ŁanDios. Toxpıjta jouc'a jilpe al altar lopi'eyompa lipac'ec. Toxhuej'metola' jilpiya laxc'onłingolanna. ² Łipuna jilpe lipaxi quejut'ł ŁanDios aimoxpıjta. Łuna a'ij paxi, iłe ił'huexi locuenaye lan xanuc'. Iłniya tetets'i'me al Paxi Quiłya', ticuxenai'i'me lixanuc' iłe liłya' oquej nuxans coquej mut'ła. ³ Oquexi' laixanuc' łalpalaicopa iya', capi'i'ımola' quılmane tuya'a'me laitaiqui'. Tipo'no'me liłpijahua' umi. Imbamaj coquej maxnu afanej nuxans quitiné tuya'a'me al cueca' laixpic'epa ca'e'ma."

⁴ Iłniya ti'onłcospola' to loque' lan 'ec' olivo, jouc'a ti'onłcospola' to loque' lepalc'o lacaxolanna pe lopa'a ŁanDios iłque aPoujna jahuay li'a łamats'. ⁵ Ja'ni naitsi tıxpıc'ełta' tıxcai'etsola' iłniya loquexi' lan xanuc', tipahuo cunga liłco, iłque łunga tima'a'ma no'eya lixcay. Tołta'a titeł'mim'mola', tima'am'mola' petsi naıxtuc'opá. ⁶ Iłniya loquexi' lan xanuc' epi'impola' liłmane teti'i'me lema'a, aimicuiconaya. Łitiné muya'ayi iłiya lixpıc'epa ŁanDios, muya'ayi lo'eya, jahuay iłne litiné aimicuiconaya. Jouc'a epi'impola' liłmane tipai'ıle łaja', ti'ila' ajuats'. Jouc'a titeł'mıle łamats', tepi'inle ni tıntsi cuana. Iłniya, litine tıxpıc'ełe ti'ełe tołta'a, ti'i'ma ti'e'me, tijoułta' ti'econa'me.

⁷ Iłniya loquexi' nopalaicopá Jesucristo, tijou'nela' loya'apa ticuaihuo cal Cuecaj Quinneja łaipayomma al cuecaj pu'hua lacui'ımpa al Abismo. Iłe łınneja tifule'ma, tulij'mola', tima'a'mola'. ⁸ Liłcuerpo timanecu jilpe łaneyya al Cuecaj Quiłya'. Jilpe liłya' jouc'a tecui'inni liłya' Sodoma, o łamats' Egipto. Lixanuc' li'ejma' ti'onłcospa to li'ejma' lan xanuc' nimajmpá liłya' Sodoma jouc'a łamats' Egipto. Małpiya liłya' jouc'a ima'a'me łalPoujna, epałts'ijmpa lancruz. ⁹ Jilpiya timana' lan xanuc' quıyouyomma ni petsi li'a łamats', ituca' ituca' liłtatahueló, ituca' ituca' liłtaiqui', ituca' ituca' liłnación. Iłniya lan xanuc' afane' quitine y onłca tehuelojnyi iłniya nomapola'. Ticua: "Aimalapi'iyacola' lane meminyacola". ¹⁰ Lan xanuc' nomana' li'a łamats' tıxoc'ıyołtsi quileta.

Ti'eyi lijuic, tepi'iyoltsi. Ticuayi: “Joupa imapola' ihniya loquexi' lam profeta. Aimalte' miconayaconga'. Aimalmiconayaconga': Tohta'a lixpica'epa LanDios.”

¹¹ Tijoutsi lam fane' quitine y onlca LanDios imaf'i'ina'mola' ihne loquexi' nomapola', ecaxol'cona'me. Petsi nehuelojmpá ixpailij'mola' juaiconapa. ¹² Ihne loquexi' limaf'i'ina'polo' icuej'me tipalay ujfxi pu'hua lema'a, timila': “Toh'ajcunca fa'a”. Ma mehuelojnyi naixtulepá anuli hummahuay if'ac'e'mola' lema'a. ¹³ Ma'e 'hora inu'ma acueca' cunanto. Etehnufipa li'ya' imbama'. Anuli ecangenni. I'que hunanto ima'a'mola' acaitsij mil lan xanuc'. Petsi nomanemma ts'ihmaf'i' ihniya ixpailij'mola' juaiconapa. Imetsaicoco'me ma' acueca' LanDios Nopa'a lema'a. ¹⁴ Tohta'a lite'copa lan xanuc' luna'apa litrompeta locuena lapaluc quema'a, i'que cal camts'us. Tehue'e' locuena'ya lapaluc quema'a tuna'ala' litrompeta, tite'cocona'me lan xanuc'. He lo'iya aimico'ya.

¹⁵ Locuena lapaluc quema'a tunay litrompeta, i'que cal caitsi. Ji'pe lema'a tipalaiyinni ujfxi, ticuayi:

“Itsiya i'ipa, itsiya lalanDios y hCristo ticuxeyi jahuay li'a lamats'. Cristo ti'hua ticuxe'ma, aimijouya locuxeya.”

¹⁶ Lan nuxans malujxi' lan tsilaj xanuc' nomana' lehuoc'ocojma LanDios ticutso'anna. Anuli anuli ticutsu lipexpats'qui li'nofquiya, jahuay ihniya ixpats'olai'me, imetsaico'me LanDios cal Cueca' Xonca. ¹⁷ Timiyi:

“Ima' manDios, ima' ma'Poujna, ima' xonca uncueca', tocuxe jahuay.

Ima' ma' itsiya topa'a, topa'a li'ipa.

Itsiya als'najtsi'ihuo', ima' almuc'iponga' acueca' lomane, tocuxe jahuay.

¹⁸ Lan xanuc' pe aiquimetsaico'huo' tixtuc'ohuo', icuai'ma litine tote'l'mi'mola'. Limanapola' tefot'le'moltsi pe lofpa'a ima' ih'uez, tepi'i'mola' li'junac'.

Jouc'a lam profeta ihne ni'epá lopenic' ima' ih'Poujna, tapi'i'mola' lolijyacu.

Ma' anuli tapi'i'mola' loxanuc' ihne o'huexi ima', ma'ne petsi naihuejcopo' tapi'i'mola' lolijyacu.

Ja'ni lan tsocay, ja'ni lan tsilaj xanuc', tapi'i'mola' lolijyacu.

Petsi netel'pa lamats' tote'l'mi'mola' tejac'em'mola'.”

¹⁹ Exi'em'me al Paxi Lugar pu'hua lema'a pe lopa'a LanDios. I'huáqui ji'piya al caxax. Ji'pe al caxax ipo'nompá lopic' linil'ingiya lataiqui' lixpica'epa LanDios lo'eyacu lixanuc'. Ma'e 'hora ipango'ma tixcaflay, iquimf'em'me tipalquinni, tunalequi. Inu'ma hunanto. Juaiconapa icui'ma qui'ay cacui.

12

¹ Lijou'ma i'huá'jtsi ji'pe lema'a acueca' y axpaiqui'. Ji'pe imaxcaita anuli laca'no', ijui'icoya lipepa' cal 'ora. Cal mut'la tipa'a al 'ocay li'mitsi'. Lijuac tipa'a licorona imbamaj coque' lan xamna. ² Innay laca'no'. Joupa tumlec'o, tipo'no'ma li'hua. Tija'e'. ³ Lijou'ma i'huá'jtsi ji'pe lema'a ocuena'ya acueca' caxpaiqui'. I'piya tipa'a anuli cal cuecaj coyac' quinnejá to cal cuecaj caimu. Tipa'a l'ixala'. Linneja cuftine cal Dragón. I'que cal dragón unxali to hunga. Tipa'a acaitsi hijuac, imbama' lipecala'. Lijuac tipa'a acaitsi lan tsocay quicorona. ⁴ Lipo texat'hucola' lan xamna nomana' lema'a. Afantsi lan xamna texat'huhua anuli. Teca'níla' lamats'.

Cal dragón ecaxingai'ma laca'no' nopo'noya qui'hua. Tipajntsi li'hua tite'ma.

⁵ Laca'no' umof'ma. Ipajntsi li'hua amijcano. I'que ticuxe'mola' lan xanuc' nomana' li'a lamats'. Ipujfxi ticuxe'mola'.

Li'hua laca'no' exic'e'empa, ilecom'me al toncay lema'a pe lopa'a LanDios, ilecom'me ji'pe pe lopa'a lexpats'qui li'nof'quiya. ⁶ Laca'no' inu'ma pe ailopa'a qui'ya. Ji'pe LanDios lilanc'epa lopanc'eya. Tipajnta imbamaj coque maxnu afanej nuxans quitine. Ji'pe tites'minna.

⁷ Lijou'ma jilpe lema'a aixim'ma lipango'ma al cuecaj cafuleya. Cal cuecaj capaluc quema'a cuftine Miguel y lif'as capaluc' quema'a jouc'a cal dragón y lipontahue tifuli'iyotsti. ⁸ Cal dragón y lipontahue ailopa'a quipujfxi, aiculij'me. Ipiya lema'a aimimajnconayacu. ⁹ Ipa'am'me jilpiya cal cuecaj dragón, lainofal nopa'a al te'a. Ique hecui'impa loque' lipuftine: Lonta'a, jouc'a Satanás. Tifel'mila' lan xanuc' ni petsi nomana' li'a lamats'. Ihe cal dragón y lipontahue eca'nim'mola', icuaitsa li'a lamats'. ¹⁰ Aicuej'ma tipalquinni ujfxi jilpiya lema'a, ticua:

“Itsiya linca imuj'moxi nulemma lalanDios, małque Łalunlu'eponga', ique acueca' lo'epa, ticuxe.

Jouc'a liCristo imuj'moxi icueya limane.

Joupa eca'nimpa lonta'a Satanás, ticufquila' lapimaye.

Ipuqui' itine tipalaic'o ŁanDios, ticuxecola'.

¹¹ Ła'huaj Mołjoupa ixcuajaipa lijuats', tołta'a lapimaye joupa ulijpá.

ŁanDios aikuquimf'e lonescopola' lonta'a.

Joupa ilaitsufcola' ihe nuya'apá litaiqui',

ihe aikuixim'me acuanuc' lipitine, icu'motsti, ima'am'mola'.

¹² Tixojla' cunlata jahuay imanc' nołmana' lema'a, jilpiya ailopa'a lonta'a y lipontahue.

Linca ituca' lo'iyoya lamats' y laja.

Jilpiya ti'i'ma acueca' latełcoya, lonta'a joupa imumma,

juaiconapa tixtu'hua, ixina' ahuata ticol'ma.

¹³ Cal dragón liximpxi joupa ecangemma, tipa'a li'a lamats', ipango'ma ihuejtsoj'ma łaca'no', ique nipo'nopa lamijcano. ¹⁴ Ipo'no'im'me łaca'no' oque' łixala' to łixala' cal cuecaj cui, tiyuł'a' pe lopanc'eya, jilpiya pe ailopa'a quilya'. Jilpe tites'minni afanej y onłca camats'. Łainofal aimixinya. ¹⁵ Lixpula' łaca'no' inacafipa caja' lainofal, tocomma acuecaj pana', ticua: “Iliya al pana' nulemma tinus'ma łaca'no'”. ¹⁶ Lamats' itoc'i'ma łaca'no'. Epanni lamats', inuc'ma laja' laipamma lico lainofal. ¹⁷ Cal dragón, ixtuc'o'ma łaca'no'. I'hua'ma ehuet-sola' locuenaye linaxque' łaca'no', ihe nocuec'epá locuxepa ŁanDios, tuya'ayi litaiqui' Jesús, ihuej'me ique.

¹⁸ Cal dragón ecaxhuai'ma łema caja.

13

¹ Aixim'ma anuli cal cuecaj coyac' quinneja ipamma jilpe laja. Tipa'a acaitsi hijuac, imbama' lipecala'. Lipecala' timana' imbama' lan tsocay corona. Anuli anuli hijuac inilingiya anuli laftine. Ihe laftine tetets'iyi ŁanDios. ² Ique cal cuecaj coyac' quinneja laixim'ma ti'onłcospa to cal tigre. Li'mitsi' ti'onłcospa to li'mitsi' cal oso, lico ti'onłcospa to lico calxmu. Cal dragón łacaxuya łema caja epi'i'ma acueca' quimane cal cuecaj coyac' quinneja. Tepi'i' lane ti'i'ma ti'e'ma al cueca', a'ujfxi ticuxe'ma.

³ Aixim'ma cal cuecaj coyac' quinneja anuli hijuac tocomma imac', to ima'acompa acutsilo. Lijou'ma lixcaipa ixalconapa, imaf'inapa iliya hijuac. Jahuay lan xanuc' nomana' li'a lamats' ticuayi acueca' li'ipa cal cuecaj coyac' quinneja, tihuejyi. ⁴ Texc'onłngolaiyi cal dragón, ique łepi'ipa limane cal cuecaj coyac' quinneja. Jouc'a texc'onłngolaiyi cal cuecaj coyac' quinneja, ticuayi: “Ailopa'a co'onłcoya cal cuecaj quinneja. Aimi'iya mulijyacu.”

⁵ Cal cuecaj quinneja epi'im'me lane tipalaıta' atsilaj cataiquı, tinesla' latets'icopa ŁanDios. Epi'impa lane ticuxe'ma oquej nuxans coque' mut'la.

⁶ Ipango'ma inesc'e'ma ŁanDios. Tetets'i lipuftine ŁanDios, tetets'i pe lopa'a

ŁanDios, tetets'ila' nomana' jilpe lema'a. ⁷ Epi'impá lane tifuli'itsola' lix-anuc' ŁanDios, ihniya i'huexi ŁanDios, tulij'mola'. Epi'im'me limane ticuxet-sola' jahuay locuenaye lan xanuc', ilne ituca' ituca' litatahueló, ituca' ituca' litaiqui', ituca' ituca' lilmación. ⁸ Ihniya lan xanuc' nomana' ni petsi li'a łamats' text'onlingotai'me cal cuecaj quinnejá. Ihniya petsi naxc'onlingotaiyacú lilmputine aiqunilingiya lije'e Ła'huaj Moł. Iłque Ła'huaj Moł lilajmpa li'a łamats' tocomma to joupa ima'ampa, itsufcompa.

⁹ Naitsi nocuejpa tiquimf'ela' lataiqui' loya'apa: ¹⁰ “Ja'ni joupa ixpic'empa titats'entso' o tima'aconto' acutsilo, ma titats'enno', tima'aconno' acutsilo”.

Mitełcoyi tołta'a ilne petsi i'huexi ŁanDios, ihniya timujyotši ti'huaijinyi ŁanDios, tixnet'ime.

¹¹ Aixim'ma ocuena cal cuecaj coyac' quinnejá, tipayomma łamats'. Tipa'a oquej lipecala' to lipecala' ła'huaj moł. Tipalay to cal dragón. ¹² Tipa'a acueca' limane to limane cal te'a' cal cuecaj coyac' quinnejá. Mehuelonge cal te'a' quinnejá ma' anuli lo'epa łocuena. Ticuxela' nomana' li'a łamats' text'onlingotai' cal te'a' cal cuecaj coyac' quinnejá, ilque lixałconapa lixaipa, imaf'ina. ¹³ Timuc'ila' lan xanuc' al cueca' lo'epa. Tijoc'i' tecangenni łunga lema'a, ticuaiyunni łamats'. ¹⁴ Lijoupa lepi'icompá limane ti'ela' al cueca'. Tołta'a ti'ay ma mehuelonge lif'as quinnejá. Tifel'mila' lan xanuc' nomana' li'a łamats'. Timila': “Tołhanc'ele anuli łolandios, ti'onłcota to ilque cal cuecaj coyac' quinnejá. Iłque ima'acompá acutsilo, ijou'ma imaf'ina'ma.” ¹⁵ Ilanc'epá ilendios. Lijou'ma epi'impá limane łocuena' cal coyac' quinnejá timaf'i'ila' ilendios, tipala'ila', ticuxela'. Ticua: “Petsi aimexc'onlingotaiyi cal cuecaj coyac' quinnejá tima'antsola”.

¹⁶ Łocuena quinnejá ticuxe'ela' jahuay lan xanuc' tepenufle quilseña al c'a quilmane o hilepali. Ticuxe ti'e'entsola' jahuay lan xanuc', lan tsoçay jouc'a lan tsila', petsi ts'il'huca jouc'a petsi aiqul'huca, petsi ailopa'a quilpoujna, ti'eyi canic' quiluca', jouc'a lam mozó ilne tipa'a hlpoujna. Ma' anuli ipo'ninc'e'em'mola' quilseña. ¹⁷ He lilmseña tepi'ila' lane ti'na'me, ticuj'me. Petsi ailopa'a quilseña aimi'iya mi'najacu, aimi'iya micujyacu. He al seña ipuftine cal coyac' quinnejá o linúmero.

¹⁸ ¡Tołcuc'ele! Naitsi ilque ts'ipicuejma' tixhuj'mela' linúmero cal cuecaj coyac' quinnejá. He al número inúmero xans, a'i quinúmero ŁanDios. Acamts'us maxnu afanej nuxans camts'us, 666, ilne linúmero cal cuecaj coyac' quinnejá.

14

¹ Lijou'ma aixim'mola' Ła'hua Moł jouc'a anulij maxnu oquej nuxans malujxij mil lan xanuc' tecaxhuołanna jilpe hjuala cuftine Sión. Ilne lam maxnu oquej nuxans malujxij mil lan xanuc' tinilijnya hilepali iltaic' lipuftine Ła'huaj Moł jouc'a lipuftine qui'Ailli'. ² Aicuej'ma jilpe lema'a petsi lonapa lilmharpa. Aicuej'ma tuna'e' juaiconapa to mipahuo laja' axpe' cal panay o to muna'a'ma łetumi. ³ Ilne petsi nonapá lilmharpa timana' jilpe lehuoc'ocojma' lexpats'qui li'nof'quiya, lehuoc'ocojma' pe lomana' lam malujxi' lam paxi quinnejá, lehuoc'ocojma' pe lomana' lan tsilaj xanuc'. Jilpe tunac'yi al ts'e canción, ituca'. A'i jahuay lan xanuc' mihuic'iyacu ihniya al ts'e canción. Tihuic'i'me ma le'a lam maxnu oquej nuxans malujxij mil lan xanuc', ilne lilmnapola' ŁanDios, i'epola' ixanuc'. ⁴ Ilne aiqulixis'mecoyotši, aiqulihuequi lacał'no'. Ti'onłcospola' to lamijcanó, ma tihuejyi Ła'huaj Moł ni petsi lotseya. I'napola', joupa ixanuc' ŁanDios. Aimi'onłspola' to locuenaye lan xanuc' nomana' li'a łamats'. ŁanDios jouc'a Ła'huaj Moł epenuf'mola' to cal te'a hpanmaita litsufcompa. ⁵ Ihniya aimifel'miyaleyí. Tinesyi ma le'a al linca. Ailopa'a quiljunac'.

⁶ Aixim'ma anuli łapaluc quema'a tiyu małpe locuaiya cal 'ora ti'ila' menac'o. Iłque tuya'e' Lataiqui' loya'apa ile al c'a lixpica'epa ŁanDios. Małe Lataiqui' aimipaicoya. Tuya'e' ticuejle jahuay lan xanuc' nomana' ni petsi li'a łamats'. Iłne lan xanuc' ituca' ituca' liłnación, ituca' ituca' liłtatahueló, tipalaiyi ituca' ituca' liłtaiqui', ituca' ituca' liłpifelolaya'. ⁷ Łapaluc quema'a tipalay ujfxi, timila': "Imanc', tolimetsaicołe ŁanDios. Tołmite: Ma' ima' cotuca' manDios. Joupa icuai'ma litine, tipango'ma lipenic' cal Cuecaj Juez. Iłque ilanc'epa lema'a, li'a łamats', łaja, jouc'a ilanc'epa laipayomma łajay. ¡Tolaxc'onłingołaitel!"

⁸ Ihuequi łocuena capaluc quema'a ticua: "Al cuecaj quilya' Babilonia joupa ecangemma nulemma etelquemma. Liłya' ti'onłcospa to liłcay caca'no', tifel'mila' lan xanuc' ni petsi liłnación. Iłne lan xanuc' tihuejyi to lamac'ta quisnaye. Linca ŁanDios joupa itel'mipa liłya'."

⁹⁻¹⁰ Tihuequi łocuena capaluc quema'a, lo'icoya afantsi. Tipalay ujfxi, ticua: "Lan xanuc' joupa exc'onłingołaipá cal cuecaj coyac' quinnejá jouc'a cal imagen ilanc'epa lan xanuc'. Iłque cal imagen lo'onłcospa to iłque liłneja. Małniya lan xanuc' nexc'onłingołaipá tołta'a iłtaic' liłepali o liłmane quiliłseña. Iłniya a'i munłu'enyacola'. Tixim'me ma tixtuc'ola' cal Cuecaj CanDios. Aimixinyacola' acuanuc'la. Titel'mico'mola' ipał cunga y azufre. Lam paxi capaluc' quema'a jouc'a Ła'huaj Moł tixinim'mola' mitelcoyi. Aimitoc'inyacola'. ¹¹ Iłpiya lotelcoyopa ile łunga liłpicuxis ti'hua tif'aqui, aimipica łunga. Petsi notelcopá liłpiya aimunxajyi, ipuqui' itine ti'hua titelcoyi. Tołta'a titelco'me petsi naxc'onłingołaipá cal cuecaj coyac' quinnejá, jouc'a naxc'onłingołaipá cal imagen, iłque lo'onłcospa to iłque liłneja. Małniya lan xanuc' epenufpá liłseña, ile liłnúmero cal cuecaj coyac' quinnejá." ¹² Linca liłxanuc' ŁanDios, iłne li'huexi, ituca' lo'eyacu. Iłne tihuejcoyi locuxepa ŁanDios, ti'hua ti'huaiyijnyi Jesús.

¹³ Aicuej'ma anuli tipalay jipu'hua lema'a, ałmi: "Tainiłła' laifmipo': Itsiya ipangocopa tixoj'ma quileta jilne limanapola' mi'huaiyijnyi łalPoujna Jesús." Cal Espiritu Santo ticua: "Al linca locuapa. Iłne aimi'econayacu canic'. Tunxajyi. ŁanDios ti'nujuaitsila' al c'a li'epa mimana' li'a łamats'."

¹⁴ Ma cahuelonge aixim'ma anuli cal fujca cummahuay. Jiłpe łummahuay ticutsafya anuli ti'onłcospa to cal xans. Iłpe liłjuac itaic' licorona ilanc'ecompa a'oro. Liłmane inic' li'hoz juaiconapa ix'ay. ¹⁵ Łocuenaj capaluc quema'a qui-payonni al paxi quejut'ł ŁanDios. Tipalay ujfxi. Tipalaic'o łocutsafya łummahuay, timi: "Iłpe łamats' tacanc'ola' lo'hoz. Tatejla' cal trigo. Cal trigo łopa'a li'a łamats' joupa unta'amma, ixhuaita litine cafot'leya, tatejla'." ¹⁶ Łocutsafya łummahuay tecanc'o' li'hoz, tetequi cal trigo łopa'a liłpiya li'a łamats'.

¹⁷ Iłpanni łocuena capaluc quema'a qui'huayomma al paxi quejut'ł ŁanDios, ile lajut'ł łopa'a lema'a. Jouc'a inic' li'hoz juaiconapa ix'ay. ¹⁸ Łocuena capaluc quema'a iłpanni jiłpe pe łopa'a al altar. Iłque łapaluc quema'a ticuxe łunga. Tipalay ujfxi, tipalaic'o lił'as capaluc quema'a, iłque inic' li'hoz. Timi: "Tacanc'ola' lo'hoz, ile ix'ay. Tatejla' liłcala' uva łopa'a jiłpe li'a łamats'. Joupa imajpa."

¹⁹ Łapaluc quema'a tecanc'o' li'hoz jiłpe li'a łamats'. Tetequi iłne liłcala' uva, tefot'le lan uva, ti'nił'mi liłpiya al cueca' loxojyoya, tipa'am'me liłjya'. Jiłpiya loxojyoya timuj'ma lipoyac' ŁanDios. ²⁰ Tipa'a lema quilya' petsi loxojyoya lan uva. Iłpe i'huaiłeyompa. Iłpanni lajuats' to al cuecaj pana'. Lipitoqui linu'ma iłiya lajuats' tixhuaispa anulij mil acamts'us maxnu estadio. (Iłiya al estadio loxpajcopa lan xanuc' mimana' iłniya liłtiné. Anulij mil acamts'us maxnu lan estadio tixhuaispa to oquej maxnu malpuj nuxans paico lan kilómetro.) Lipiculhuo iłpe lajuats' tuntsac'aispa liłco laiłhuale.

15

¹ Aixingona'ma ite al cueca' caxpaiqui' jilpe lema'a. Timana' acaitsi lapaluc' quema'a itaic' lan caitsi catecoya. Itne lijoucola' latecoya. Tjoutsola' ina'a latecoya, LanDios jounpa ixhuai'nipa lipoyac'. ² Aixim'ma tocomma to laja ilanc'ecompa apulu ihuants'i' cunga. Itpe laja lilanc'ecompa apulu tecaxolanna lan xanuc' nulijpa cal cuecaj coyac' quinneja. Itne aikuexc'onlingolai'me cal imagen lilanc'epa lan xanuc', itque ti'onlcospa to linneja. Itne aikuiltaic' quitseña. Ite al seña inúmero cal cuecaj coyac' quinneja. Tuya'e' te ts'i'ic' lipuftine. Itaic' li'harpa lepi'ipola' LanDios. ³ Tunac'yi ihiya lunac'pa Moisés, itque i'epa lipenic' lipoujna LanDios. Ite al canción ma' anuli licación La'huaj Moł. Timiyi LanDios:

“Acuecaj y axpaiqui' lof'epa ima' malanDios.

Ima' małPoujna, ima' unCuecaj, tocuxela' jahuay lan xanuc'.

Ima' to'ay ma le'a al c'a, ma le'a al hijca.

⁴ ¿Ja'ni tipa'a petsi aimixpaic'eyaco'?

¿Ja'ni tipa'a petsi aimixinyaco' unCuecaj, ima' manDios?

Ailopa'a.

Linca ma' ima' cotuca' umPaxi, omujpxoxi ac'a, ahijca lofxpic'epa.

Jahuay timetsaicoco'mo', texc'onlingai'mo'.”

⁵ Lijou'ma aixim'ma jilpe lema'a exiya al Paxi Lugar pe lopa'a LanDios. Jilpe ti'onlcospa to li'huec'empa lan tsilaj capic' linilingimpola' laitaiquí loya'apa locuxepa LanDios. ⁶ Jilpe al Paxi Lugar ipalunca acaitsi lapaluc' quema'a. Itne lan caitsi lapaluc' quema'a epi'impola' liłmane titeł'mim'mola' lan xanuc'. Liłpijhua' lilanc'ecompa alino afujca, aicunxalaic'. Tipa'a ts'ifijma hilunxajma', ilanc'ecompa a'oro. ⁷ Anuli lam malujxi' lam paxi quinneja tepi'ila' lan caitsi capaluc' quema'a quiltaza lilanc'ecompa a'oro. Itne lan taza imanna lipoyac' LanDios. Itque Limaf'i' CanDios, aimimaya. (Tixcua'ate anuli anuli lan taza lan xanuc' tixim'me lipoyac' LanDios.) ⁸ Lipalumma lapaluc' quema'a jilpe al Paxi Lugar, LanDios imuj'moxi ma' anDios, imuj'moxi acueca' lo'epa. Tołiya al Paxi Lugar imantsi quicuxis. Ma miteł'minnila' lan xanuc' lan caitsi lapaluc' quema'a, aimi'iya mitsulfaiconayacu jilpe.

16

¹ Aicuej'ma tipalquinni ujfxi jilpe al Paxi Lugar. Timila' lan caitsi capaluc' quema'a: “Tonlete. Toluhualte lołtazá itne imanna lipoyac' LanDios. Tołscujaitsa jilpe li'a lamats'.”

² Cal te'a capaluc' quema'a ipanni, ixcuajaitsi itpe lamats'. Lan xanuc' ts'itaic' liseña cal cuecaj coyac' quinneja, małniya nexc'onlingolai'pa cal imagen, itque ti'onlcospa to linneja, ihniya i'i'mola' quilehui, etefcai'itsola' quixcay cahui acueca' cumla.

³ Locuena capaluc' quema'a tixcuajay ixcuafipa laja. Laja i'i'ma cajuats', tocomma to limac' xans lijuats'. Jahuay nomana' jilpe laja ima'mola'.

⁴ Locuena capaluc' quema'a ixcuamipa cal panay jouc'a laipayomma lajay. Jilpiya cal panay y lajay i'i'ma cajuats'. ⁵ Aicuej'ma tipalay lapaluc' quema'a nocuxepa lajay, timi:

“Ima' manDios, ima' topa'a itsiya, topa'a li'ipa.

Ima' ahijca lof'epa, ahijca toteł'mila' lan xanuc'.

⁶ Itne nima'apá loxanuc' o'huexi.

Ima'a'me loprofeta nuya'apá lofxpic'epa.

Ixc'ai'e'me loxanuc', ic'ejai'epa liłjuats'.

Ima' o'epa hijca, laja' jounpa ipaicopa, i'ipa cajuats'.

Itniya tixnałe ihiya lajuats'.”

⁷ Aicuej'ma tipalquinni jilpiya al altar. Timiyi ÆanDios:
 “Ima' manDios, ima' alPoujna.

Mane ac'a lof'epa, mane alijca totef'miyale.”

⁸ Locuena capaluc quema'a ixcua'fipa cal 'ora. Tofta'a cal 'ora tipi'e'mola' lan xanuc' to mipi'ennila' lunga. ⁹ I'i'ma quinu' juaiconapa, ipi'e'mola' lan xanuc', emix'mola'. Lan xanuc' inesc'e'me quixcay cataiqui' ÆanDios. Timetsaicoyi ma' ilque ticuxe'e titef'mintsola' tofta'a. Aimilsuej'memma, ni mimiya ÆanDios: “Al'epá quixcay. Ima' manDios, ima' unCueca'.”

¹⁰ Locuena capaluc quema'a, ilque cal majxi, ixcua'fipa pe lopa'a cal cueca' coyac' quinnejaja micutsuya ticuxe. Petsi locuxeyopa imufc'o'ma, i'ipa muf juaiconapa. Lan xanuc' jilpe nomana' titef'coyi juaiconapa. Aimixnet'lyi. Titeji htpal. ¹¹ Tixinyi acueca' cumla, acueca' titef'mila' lilehui. Toftiya tinesc'eyi quixcay cataiqui' ÆanDios. Aimilsuej'memma, ti'hua ti'eyi quixcay.

¹² Locuena capaluc quema'a, ilque cal camts'us, ixcua'fipa ilpe al cuecaj pana' cuftine Éufrates. Ixnaj'ma laja'. I'i'ma to lane. Htpiya tiye'me lan tsilaj rey naipalyomma liyuf'ma 'ora.

¹³ Lijou'ma aixim'mola' afantsi lan talcue. Hniya ontahue. Anuli cal tacue ipanni lico cal dragón. Locuena ipanni lico cal cuecaj coyac' quinnejaja. Locuena ipanni lico cal profeta nofelhtaquepa. (Ilque cal profeta copa'a locuena cal cuecaj coyac' quinnejaja.) ¹⁴ Hne lontanacue ontahue. Epi'impola' litmane ti'ete al cueca'. Tipalumma, tiyeyi ni petsi li'a lamats', tefot'fela' lan rey. Ticuaitsi al Cuecaj Quitine hne lan rey tifuli'i'me ÆanDios. Ma' ilque cal Cuecaj Ts'ipenic'.

¹⁵ “¡Toftcuejle! Litine aima'huaijma lan xanuc' iya' cacuaihuo. Ma to micuaihuo hin-nantsepa tofta'a iya' cacuaiya. Al c'a lo'iya cal xans ja'ni ti'hua timaf'i', ja'ni aimipa'e lipijahuati. Cacuaiysi iya' tixoj'ma queta ilque. Ja'ni a'i, ja'ni tixmay, tixim'ma calaic'ata, tixinguf'moxi to amila.”

¹⁶ Lontanacue efot'lem'mola' lan rey petsi cuftine Armagedón. Tofta'a lipuftine ataiqui' hebreo.

¹⁷ Locuenaj capaluc quema'a, ilque cal caitsi, ixcua'fipa lahua'. Lijou'ma tipalquinni ujfxi jilpe al Paxi Lugar. Tipalquinni ma jilpe lexpats'qui li'nof'quiya, ticua: “Joupa ixhuaita”.

¹⁸ Tixcaflay, tunalequi, tija'ayi, inu'ma acuecaj cunanto. Lan xanuc' nomana' li'a lamats' aiqulhsina' ni anulemma tofta'a cunanto. ¹⁹ Lamats' petsi lila-jnyopa al cuecaj quilya' epanni. I'i'ma afane'. Lan tsilaj quitelolya' lan nación ecangenni, etelquenni nulemma. He al cuecaj quilya' cuftine “Al Cuecaj Babilonia”, ÆanDios i'nujuaitsi lixcay li'epa jilpiya. Aiquimenc'ejma. Ticuxe'ela' lan xanuc' tixnate lopa'a ihya litaza, tixnate lipoyac' ÆanDios. Tama aimicuayi, ÆanDios tixnai'i'mola'. ²⁰ Jahuay lamats' isla ejac'pola', aits'ihuajtsola' ni anuli hjuala. ²¹ Iyuj'ma acueca' qui'ay cacui. Anuli anuli li'ay cacui lipicumta oquej nuxans kilo. Ecangaf'caitsola' lan xanuc'. Hne ixingufco'me acueca' juaiconapa ilte latefcoya, toftiya inesc'e'me quixcay cataiqui' ÆanDios.

17

¹ Icuai'ma pe laifpa'a anuli lapaluc quema'a. Hque anuli hne lan caitsi hiluhuaic' litaza. Alpalaic'o'ma, almi: “Lepá. Camuc'ito' lo'iya laca'no' xonca cal xujc'a, malque nocutsafya jilpe laja. ÆanDios titef'mi'ma. ² Lan tsilaj rey nocuxepá li'a lamats' ihuej'me laca'no'. Ihuej'me jouc'a lan xanuc' nomana' ni petsi li'a lamats'. Tijanaj'me juaiconapa, i'ipola' camac'ta to lisnaye.”

³ Iya' i'huapa laipicuejma'. Lapaluc quema'a al'hua'e petsi ailopa'a quilya'. Htpiya aiximpa laca'no' ticutsafya cal cuecaj coyac' quinnejaja. Hque linneja unxali. Jahuay licuerpo inilingiya laftiné. Hne laftiné tetets'iyi ÆanDios. Tipa'a

acaitsi lijuac, imbama' lipecala'. ⁴ Lipijahua' łaca'no' unxali cumi jouc'a unxali. Tipa'a lila'acoyoxi ilanc'ecompa a'oro jouc'a apic' acueca' lipitali, jouc'a aperla. Limane i'nohi anuli al taza lilanc'ecompa a'oro. Ihiya al taza imanna jahuay al xujc'a, ihe lo'epa iłque cal xujc'a caca'no', imanna jahuay laxits'epa. ⁵ Łepali inilingiya lipuiftine, ihe ticua: "Iya' ninBabilonia. Nincuecaj quiłya'. Iya' ił'máma' jahuay lacał'no' no'epá quixcay, ił'máma' jahuay iłniya petsi no'epá laxits'epa ŁanDios." Ihe linilingiya emiya cataiqui'. Ticuicomma tuhuałc'inle.

⁶ Aixim'ma imeyojpa łaca'no'. Iłque ima'apola' lixanuc' ŁanDios, iłne i'huexi. Ima'apola' ts'ilihuequi Jesús, noya'apá litaiqui'. Ixnapa liłjuats'.

Laixim'ma łaca'no' ałspaijma juaiconapa. Aines'ma: "¿Te cocuajmaispa ihe laiximpa?" ⁷ Łapaluc quema'a ałmi: "¿Te coxpaijcopo'? Iya' cuhuałc'e'e'mo' ihe lemiya cataiqui'. Cami'mo' te ts'i'ic' lo'onłcospola' łaca'no' y cal cuecaj coyac' quinneja ts'itaic' acaitsi lijuac, imbamaj lipecala'.

⁸ "Joupa oximpa cal cuecaj coyac' quinneja. Małque copa'a luyaipa quitine, itsiya ailopa'a, ticuaiconno, tif'ajyohuo al cuecaj pu'hua lacui'impa al Abismo. Tijouła' tima'am'me nulemma. Lan xanuc' nomana' li'a łamats' tixim'me linneja łocuaiconaya. Iłque nopa'a luyaipa quitine, itsiya ailopa'a. Tixim'me laxpaiqui'. Tołta'a ti'i'mola' iłne petsi liłpuiftine aiquinilingiya al je'e. Ihe al je'e petsi linilingiya liłpuiftine pe napenufpá al c'a liłpitine aimijouya. Lilajmpa li'a łamats' iłna'a łaftiné joupa inilingiya jiliya al je'e.

⁹ "Pe ts'ac'a liłpicuejma' iłne ticuec'e'me laifmipo'. Lan caitsi lijuac linneja, iłne acaitsi lijualay. Iłpe ticutsafya łaca'no'. Lan caitsi lijualay jouc'a ti'onłcospola' acaitsi lan rey. ¹⁰ Iłniya lan rey, amajxi' joupa iłonc'empola' micuxeyi. Anuli ticuxe itsiya. Łocuena ticuaihuo, ticuxe'ma. Iłque locuxeya aimicołya.

¹¹ "Cal cuecaj coyac' quinneja nopa'a luyaipa quitine, itsiya ailopa'a, ticuaiconno, iłque ocuenaj rey, cal paico. Tijouła' ticuxele iłne lan caitsij rey, iłque ticuaihuo, ticuxe'ma. Tijouła' tejac'ma nulemma.

¹² "Limbamaj quecala' loximpa, iłne locuenaye lan rey. Iłniya aiquirepenufi locuxeyacu, tepenuf'me. Iłne y cal cuecaj coyac' quinneja tepi'im'mola' liłmane. Ticuxe'me to anuli 'hora. Aimicołyacola'. ¹³ Iłne lan rey, anuli liłpicuejma'. Tixpic'e'me, ticuayi: 'Aimałcuxeyacu illanc' całtuca'. Tołiya timet-saicom'me cal cuecaj quinneja. Tihuejcom'me iłque.'

¹⁴ "Tijouła' jahuay iłniya tixtuc'o'me, tifule'me Ła'huaj Moł. Iłque Ła'huaj Moł iłPoujna jahuay lapoujnalá, iłRey jahuay lan rey. Tołiya tulij'mola' laixtuc'opá. Petsi noyemalepá, joupa ijoc'ipola', i'huif'epola', iłniya aimenajyacołsi, ti'hua tiyejmaleyi."

¹⁵ Łapaluc quema'a ałpalaic'ocona'ma, ałmi: "Łaja loximpa pe łocutsafya łaca'no', iłiya ti'onłcospa to lanxpela' xanuc', ituca' ituca' liłnación, lopalaipa ituca' ituca' liłtaiqui'. ¹⁶ Cal cuecaj coyac' quinneja jouc'a limbamaj quecala' loximpa iłne tixtuc'o'me lixcay caca'no'. Tetets'i'me, texit'e'me limane, tipo'no'me quituca', amila. Tehuaitsoj'me liłpixic', tite'me. Tipi'e'me lipecal.

¹⁷ "Ma ŁanDios nicuxepola' liłpicuejma' iłne limbama' lan rey. Tołta'a i'e'me loxpice'epa ŁanDios, ihuejco'me cal cuecaj coyac' quinneja. Iłque ticuxela'. Tijouła' tenanłła' jahuay loya'apa litaiqui' ŁanDios, loyac' quinneja aimicuxeconaya. (Ma mehue'e' menanłi loya'apa litaiqui' ŁanDios, ti'hua ticuxe iłque loyac' quinneja. Tijouła' tenanłła' aimicuxeconaya.)

¹⁸ "Łaca'no' loximpa ti'onłcospa to al cuecaj quiłya', ihe liłya' incuxepa, ticuxela' lan rey nomana' ni petsi li'a łamats'."

18

¹ Lijou'ma aixim'ma locuena capaluc quema'a imuyonni lema'a. Acueca' apaxi ilque. Epalc'o'i'ma jahuary li'a lamats'. ² Acueca' y axpaiqui' lipalai'ma. Ipalai'ma ujfxi, tuya'e':

“¡Joupa ecangemma, i'ipa camats' al cuecaj quilya' Babilonia!

Itsiya ailopa'a xanuc' ilpiya, timana' ma le'a lontahue.

Ilpiya timana' lan xujc'a contahue, timana' lan xujc'a cacal'hui naiyulpá, ilniya pe lan xanuc' textits'eyi.

³ Luyaipa quitine tixoqui quileta lan xanuc' quiyoyomma lan nación tiyeyi títulfolaiyi jilpe al cuecaj quilya'.

Ihiya liya' ti'onlcospa to quixcay caca'no', i'e'mola' lan xanuc' camac'ta to lisnaye.

Lan rey nomana' li'a lamats' tihuejyi liya' to mihuejyi lixcay caca'no'.

Nocucalépá ti'najnujyi locujyacu, ticujconayi ulij'me acuecaj quil'huexi.”

⁴ Aicuej'ma locuena tipalay pu'hua lema'a, timila' lixanuc' LanDios:

“Imanc' aixanuc' tolipalunca jilpiya liya'.

Ja'ni aimolipalumma toni'e'me lixcay to lo'epa ilpiya.

Tijoula' imanc' jouc'a lan xanuc' nomana' jilpe liya' titei'mim'molhuo' anuli.

⁵ Axpe' camats' ti'eyi juaiconapa lixcay.

Ile ilpixcay i'ipa to anuli cal cuecaj quijuala, icula'apa icuaita lema'a.

Itsiya linca, LanDios aimilonc'e'eyacola' liljunac'.

⁶ Ihiya liya' ma to li'e'epolhuo' imanc' to'i'e'econtsa xonca.

Ile lixcay li'epa, tolpai'iconle oquemma.

Ihuants'i lixcay loisnapa, imanc' toihuants'i'me xonca lixcay loxnaya.

⁷ Ihiya liya' i'epoxi to acuecaj caca'no', ilque nipajmpa ac'a, tenant'li jahuary lojanajpa.

Itsiya imanc' toitei'mile juaiconapa, tixinla' acuecaj cumla, tixhueico'a, tijojla'.

Luyaipa quitine ticua: ‘Jifa'a cacutsu, cacuxe to cal cuecaj quincuxepa.

Iya' a'i nimpotsate, jouc'a aimal'iya toita'a.

Aicaxhueicoya ni cajojya, ni anulemma.’

⁸ Ile linespa aikuixpic'e LanDios, toliya icuaico'ma lateicoya.

Ile litine jilpe liya' lan xanuc' tixim'me lamaya, tixim'me lumemma, tixhueimot'le'me, tijojhualque'me.

Lipal'cunga tipi'e'ma nulemma liya', ti'i'ma capi', tejac'e'ma.

Tipa'a acueca' lipujfxi halPoujna LanDios, ilque Notei'miya ile liya'.”

⁹ Lan rey nomana' li'a lamats' tixim'me tif'aqui licuxis mepi liya'. Luyaipa quitine ilne lan rey ac'a lomajmpa jilpe al cuecaj quilya'. To cal xujc'a caca'no' ilque liya' tepi'ila' lojanajpa. Itsiya ilniya tijolijyi, tija'ayi. ¹⁰ Tecaxolyi aculi'. Tixpailiquila'. Lunga tipi'enni jiliya liya', timiyi:

“¡Babilonia, ima' uncuecaj quilya'!

¡Ima' mujfxi quilya'!

Joupa ixcaiyo'po', uncuanuc', aikuico'i lotecopa.

Tijoula' ma le'a to anuli 'hora joupa etelquemmo'.”

¹¹ Nocucalépá nomana' li'a lamats' jouc'a tijolijyi, tixhueicoyi acueca' quihuotsoqueya. Itsiya, ¿naiti no'najá ts'itai'c' ilniya? Ailopa'a no'najá. Joupa etelquemma liya'. ¹² Ilniya nocucalépá itaic' al 'oro, al plata, lapi'c' acueca' quipitali, jouc'a lam perla. Itaic' al c'a quijahua' al fujca, jiliya cuftine lino, jouc'a lijahua' ummangaic' unxal'cumi jouc'a unxali. Jouc'a itaic' lijahua' aseda. Itaic' al c'a c'ec, tujuej c'a, itaic' lilajncopa amárfil, itaic' lilajncopa al c'a c'ec acueca' quipitali, itaic' lilajncopa abronce, lilajncopa atejma', itaic'

lilajncopa lapic cuftine mármol. ¹³ Itaic' cal canela, jouca' lupa c'ec lojuepa c'a, jouc'a lipa' c'ec, jouc'a licat'la al 'ec cuftine mirra, jouc'a al 'ec cuftine olíbano. Itaic' al vino, laceite, jouc'a cal 'harina trigo, jouc'a lan trigo. Itecola' lam mot'í, jouc'a locuenaye quinneja. Jouc'a itecola' laihuale, itecola' lan carro jouc'a litxanuc' joupá i'nampola'. Jouc'a itecola' locuenaye lan xanuc' ticuj'me.

¹⁴ Nocucalépá timiyi liya':

“Ité lofjanajpa aimapenufconaya, jahuay al c'a loftepa joupá ailopa'a. Al c'a lopijahua', jahuay tola'acoyoxi, joupá ejac'pa nulemma, aimoxingonaya.”

¹⁵ Nocucalépá jouc'a no'najualepá itne nolijpá juaiconapa jilpe al cuecaj quilya', itniya tecaxolaiyi aculi'. Tixpailiquila' lunga. Tipi'enni liya'. Tijolijyi, tixhuelcoyi acueca' quihuotsoqueya. ¹⁶ Ticuayi:

“Ay, acuanuc' ita'a al cuecaj quilya'.

Li'ipa i'huáqui to laca'no' letejyoxi al c'a, lipijahua' ilajncopa lan c'a quijahuati, to al fujca quijahua' cuftine lino.

Jouc'a ilajncopa lunxatcumi quijahua', jouc'a lunxali quijahua'.

Ipo'no'ma hila'acoyoxi ilajncopa a'oro, ilajncopa apic' acueca' quipitali, jouc'a lam perla.

¹⁷ Icol'ma ma le'a anulij hora lite'l'mim'me.

Luyaipa quitine acueca' h'hueca, itsiya joupá ijounapa.”

Tecaxolanna aculi' lan xanuc' nocuxepá lihbarco, jouc'a noyepá lam barco, jouc'a jahuay no'epá canic' jilpe laja. ¹⁸ Lixim'me licuxis pe itpe lepipa al cuecaj quilya' tija'ayi, ticuayi: “¿Te tipa'a acueca' quilya' lo'onlcospa to itiya al cuecaj quilya'? A'i. Ailopa'a co'onlcoya.” ¹⁹ Tija'ayi, tijolijyi, tixhuelcoyi acueca' quihuotsoqueya. Tejuaf'iyotl'si capi' lihuac'. Ticuayi:

“Ay, acuanuc' juaiconapa jiliya al cuecaj quilya' Babilonia.

Luyaipa quitine acuecaj tomí tipa'a jilpiya.

Lilpoujnalá jilne lam barco loyepá laja tulijyi juaiconapa.

Jilpe liya' ti'naji hitaic' lihbarco.

Itsiya joupá ejac'pa; ma le'a anuli 'hora icol'ma lite'l'mimpa.

²⁰ ¡Tixojla' cunlata imanc' nohmana' lema'a!

Imanc' ixanuc' LanDios, imanc' unlihuequi Jesús, imanc' unc'iprofeta noluya'apá loxpicepa LanDios, jahuay imanc': ¡Tixojla' cunlata!

Joupá etelquemma al cuecaj quilya', ite liya' ite'l'mipolhuo', itsiya LanDios ite'l'miconapa, i'epa h'jca li'e'epolhuo'.”

²¹ Anuli cal cuecaj capaluc quema'a ipulaf'ma cal cuecaj caxpehui capic, eajm'mi'ma laja, ticua:

“Itque cal cuecaj capic nulemma necajm'mipa laja, if'acaipa, aimipajnconaya, aimixingonayacu.

Ma tohta'a etelquemma al cuecaj quilya' Babilonia, if'acaipa, aimipajnconaya.

²² Luyaipa quitine jilpe liya' tunayi li'harpa, tunac'liyi, tifus'miyi lihflauta, tifus'miyi liltrompeta.

Itsiya a'i, ilpiya aimunaconayacu.

Luyaipa quitine ilpiya timana' lan xanuc' acuecaj lihpicejma', tilanc'eyi al c'a.

Itsiya a'i, ilpiya aimixingonayacu ni anuli cal xans ts'ipicejma'.

Luyaipa quitine jilpe ticuequinni hilepic molino, titaijyi lan trigo.

Itsiya a'i, joupá i-ch'ixcopa, aimicuejconayacu.

²³ Luyaipa quitine jilpe ulif'iya epalac'o' lajut'li.

Itsiya a'i, i'ipa pangay muf, jilpe aimulif'iconaya, ni anuli lepalc'o'.

Luyaipa quitine jilpe tixoqui quileta tipalac'oyotl'si, temalliyi, ti'eyi lihuic.

Cal xans tipalaic'o lipeno, łaca'no' tipalaic'o lıpe'ailli'.
 Itsiya a'i, aimicuejconayacu tołta'a, aimipalaic'oconayołtsi.
 Luyaipa quitine ipalunca jahuay li'a łamats', tiłcuaiyumma jilpiya lan tsilaj
 xanuc' nocucalepá, ticujyi liłtaic'.
 Itsiya aimi'econayacu tołta'a.
 Ima' cumBabilonia, to cal bruja tofel'mila' jahuay lan xanuc' nomana' li'a
 łamats'.”
 24 İpe al cuecaj quiłya' Babilonia ixim'me lixcuajaiquemma liłjuats' iłne lam
 profeta, lixcuajaiquemma liłjuats' lixanuc' ŁanDios, iłne i'huexi ŁanDios. Ma
 jilpe liłya' ixim'me jouc'a lixcuajaiquemma liłjuats' jahuay noma'ampola', iłne
 lan xanuc' naihuejpá ŁanDios. İe liłya' itaiyinge lajunac'.

19

1 Lijou'ma aicuej'ma tipalaiyi ujfxi axpela' lan xanuc' pu'hua lema'a, ticuayi:

“İAleluya! İX'najtse'eya łalPoujna ŁanDios! İłque joupá ulijpa.
 Timetsaiconłe anDios, ma le'a iłque cal Cueca', iłque quituca' nipajnya ti'ay.

2 No'epá quixcay a'i munłu'enyacola',
 ŁanDios titeł'mi'mola', ałijca titeł'mi'mola', aimuyaipa xpijma.
 Itsiya joupá iteł'mipa łaca'no' no'epa acuecaj quixcay.
 Ni petsi li'a łamats' iyu'iyalepa lipixcay qui'ejma', itac'uiyalepa ti'ełe tołta'a.
 Ima'apola' lixanuc' ŁanDios pe no'epá lipenic'.

ŁanDios joupá iteł'mipa lixcay caca'no', ipai'iconapa li'e'eyalepa.”

3 Tinesconayi:

“İAleluya! İX'najtse'eya łalanDios!
 Liłya' ti'hua tipi, aimipica, ti'hua tif'aqui lipicuxis.”

4 Lan nuxans malujxi' lan tsilaj xanuc' noxpıjpa łataiqui', jouc'a lam malujxi'
 lam paxi quinnejá, exc'onłingołai'me ŁanDios Nocutsuya pe li'nof'quiya. Ticuayi:

“Amén, tołta'a ti'ila'.
 İAleluya! İX'najtse'eya ŁanDios!”

5 Tipamma łataiqui' pe lopa'a li'nof'quiya, timila' lan xanuc':
 “Jahuay imanc' nonł'epá lipenic' ŁanDios łolPoujna, imanc' nołsimpá acueca'
 ŁanDios,

ja'ni unc'atsocay xanuc', ja'ni unc'atsilaj xanuc',
 itioxjla' cunlata, tołs'najtsi'ile ŁanDios!”

6 Aicuej'mola' tocomma to juaiconapa axpela' lan xanuc' tipalaiyi.
 Aicuej'ma lopalaipa tocomma to ti'nixma axpe' caja', tocomma tunalequi
 juaiconapa. Ticuayi:

“İAleluya, x'najtse'eya ŁanDios!
 İłque alPoujna, ticuxela' jahuay, ma le'a iłque alRey, ma le'a iłque ticuxe.

7 İTioxjla' calata alunac'liłe!

Almiłe: ‘Ma' ima' manDios’.

İtsiya ijuic Ła'huaj Moł, ilejma lipeno.

İłque łahuats' joupá imetsaiconpa, ailopa'a quehue'e'.

8 Joupá epi'impá lipijahua' juaiconapa tunts'ifqui, iłe alino afujca.

Tołta'a liłpijahua' lepi'impola' petsi i'huexi ŁanDios,

iłniya mimana' li'a łamats' i'epá al c'a.”

9 Łapaluc quema'a almi: “Tainiłła!: Ti'e'ela' juic Ła'huaj Moł, tilecoła' lipeno.
 İxojma quileta lan xanuc' lijoc'impola' iłiya al juic.” Jouc'a almi: “Al łınca
 laimipo'. Małiya itaiqui' ŁanDios.”

¹⁰ Iya' cola' nexc'onlingai'ma lapaluc quema'a. Itque ałmi: "A'i. Aimo'e'me tołta'a. Ma' anuli lałpenic' iya' ima' jouc'a lopimaye noya'apá litaiqui' Jesús. Taxc'onlingaiłta' ma le'a ŁanDios. Illanc' naluya'apá litaiqui' Jesús, jahuay ninc'iprofeta, ałmuc'inga' cal Espíritu Santo."

¹¹ Aixingonapa exiya lema'a. Jilpe tipa'a anuli cal fujca caihuala. Itque łenafcaic' laihuala cuftine: Itque Aimixospa. Itque Noya'apa al Linca. Itque mitel'mila' lan xanuc' ti'ay al hijca, jouc'a ahijca tifulicojma. ¹² Li'u' tocomma to lipal cunga. Lijuac tipa'a axpe' corona. Jilpiya tiniłijnnya lipuftine. Itque linca ticuec'e iłiya laftine, locuenaye aimicuec'eyi. ¹³ Ipoxqui unxali lipijahua', ummanc'ecompa ajuats'. Itque ipuftine: Litaiqui' ŁanDios. ¹⁴ Axpela' itejmale, itne nomana' lema'a, lif'as soldado. İlenafcaic' jouc'a lan fujca caihuale. İtponohua lıłpijahua' ilajncopa al c'a quijahua' cuftine alino. İhiya lijahua' afujca juaiconapa, tunts'ifqui. ¹⁵ Lico tipamma al cuecaj cutsilo juaiconapa quix'ay, tixcai'eco'mola' lan xanuc' nomana' li'a lamats'. Acueca' ipujfxi ticuxe'mola'. Timuc'i'mola' lan xanuc' lipoyac' ŁanDios, itque cal Cuecaj Ts'ipenic' Nocuxepola' jahuay, ixtupa. Titełmi'mola', ti'huailletsuf'mola' to mi'huailequi'me lan uva, tipa'anni lijya'. ¹⁶ Lipijahua' jouc'a litungu li'mis inilingiya lipuftine ticua: Iya' xonca cacuxela' jahuay lan rey. Iya' itPoujna jahuay lapoujnalá.

¹⁷ Aixim'ma anuli lapaluc quema'a tecaxijnnya pe łopa'a cal 'ora. Tipalaic'ola' jahuay lan tsilaj cacal'hui miyulyi nolojmay lema'a. Timila': "Tonłouyunca. Tolafot'letsołtsi petsi ŁanDios lo'eyopa licuecaj juic. ¹⁸ Tołtele lıłpixic' lan rey jouc'a lıłpixic' lincuxepá soldado, jouc'a lıłpixic' lan soldado, jouc'a lıłpixic' laihuale jouc'a lıłpixic' lilenafcaic'. Tołtele lıłpixic' jahuay lan xanuc'. Ja'ni quıłtuca' nocuxepołtsi, ja'ni lıłpoujnalá ticuxela', ma' anuli tołtele lıłpixic'. Tołtele lıłpixic' lan tsocay, lan tsila' jouc'a."

¹⁹ Aixim'mola' cal cuecaj coyac' quinneja y lan rey nomana' li'a lamats', jouc'a lıksoldado. Joupa efołumma tifuli'i'me łenafcaic' cal fujca caihuala, jouc'a tifuli'i'mołtsi lisoldado. ²⁰ İ'nołim'me cal cuecaj coyac' quinneja jouc'a lıprofeta nofel'miyalepa. Itque lıprofeta li'ipa epi'ımpa quımane cal cuecaj coyac' quinneja ti'ełta' al cueca'. Tołta'a ifel'mi'mola' pe nepenufpá lisello cal cuecaj coyac' quinneja. İtne lan xanuc' exc'onlıngołai'me cal imagen, itque lo'onłcospa to linneja. İtne loquexi', ma quıłmaf'i', i'nij'mim'mola' al cuecaj capa imanna cunga, tipi łazufre. ²¹ İlenafcaic' quıpihuala pe łaipaiyomma lico al cuecaj cutsilo, tima'ala' locuenaye lixanuc' al cuecaj coyac' quinneja, tima'acola' iłiya al cutsilo. Lan tsilaj cacal'hui naiyulpá lema'a titejn-ııla' lıłpixic'. Ti'hua titeji tıxhuaitsola'.

20

¹ Aixingo'ma ocuena lapaluc quema'a. Timuyomma lema'a. İnic' liyahui al cuecaj pu'hua. Jouc'a limane inic' al cuecaj cadena catejma'. ²⁻³ Łapaluc quema'a ti'nołi cal dragón, itque łainofal nopa'a al te'a, łacui'ımpa Łonta'a Satanás. İfi'e'ma. İ'nij'mi'ma al cuecaj pu'hua. Tipajnlá imbamaj maxnu camats'. İtałinc'i'ma cal sello. Aimıpahuo cal dragón. Aimıfel'miconayacola' lan xanuc' nomana' li'a lamats'. Tıxhuaitsi limbamaj maxnu camats' tux'masquım'me huata.

⁴ Aixim'ma axpe' lan tsilaj asiento. Nocutshuołanna jilpiya epi'ımpola' lıłmane ticuxete. İtne aikuexc'onlıngołaic' cal cuecaj coyac' quinneja, aikuexc'onlıngołaic' cal imagen lo'onłcospa linneja, aikuılepenufı lisello linneja, aikuınilingiya łılepali ni lıłmane. İłniya naihuejpa Jesús, noya'apá litaiqui' ŁanDios, tołiya ima'ampola'. Tama ima'ampola', lıł'alma imaf'i'. Tımana' pe łopa'a Cristo. İmbamaj maxnu camats' anuli Cristo ticuxeyi.

⁵ Iñiya lan tet'la himaf'i'napola'. Tijoula' limbamaj maxnu camats' locuenaye limanapola' timaf'ina'me. ⁶ Tixoqui quileta lan tet'la himaf'i'napola'. Iñe linca ixanuc' LanDios, i'huexi itque, aimimaconayacola' oquemma. Lamaya aimima'aconayacola' nulemma. Iñe e'aillí LanDios, e'aillí Cristo, ti'eyi lipenic'. Limbamaj maxnu camats' tiyejmale'me Cristo, ticuxe'me anuli.

⁷ Tixhuaitsi limbamaj maxnu camats' tux'masquim'me Satanás. Jilpe lifingiya tif'ajnahuo, tipahuo. ⁸ Ni petsi li'a lamats' ti'hua tifel'mila' lan xanuc', lan nación, iñe pe aimihuejyi LanDios.

Lan xanuc' lacui'impola' Magog, nocuxepola' lacui'impá Gog, Satanás tefot'hela' tifule'me. To axpe' cal cuixa lopa'a lema caja, tohta'a axpela' iñiya, aimi'ya mixhuej'menyacola'. Tifule'me. ⁹ Tipalyomma ni petsi li'a lamats'. Icuaiyunca pe lefoya lixanuc' LanDios. Jilpe al cuecaj quilya' pe ts'ipic'a LanDios, malpe lomanc'epa lixanuc', if'em'mijpá. Aiximpa ilpe ecangemma cunga lema'a, tipi'ela'. Joupa i'ipola' capi' lan xanuc' pe aimicuec'eyi LanDios. ¹⁰ Cal Satanás nifel'miyalepa, i'nij'mim'me al cuecaj capa imanna cunga, tipi lazufre. Malpe lapa ti'nij'minni, joupa i'nij'mimpola' cal cuecaj coyac' quinneja jouc'a hiprofeťa hinfel'miyale. Itine ipuqui' tixinte acuecaj cumla. Aimijouya latełcoya, ti'hua ticoli.

¹¹ Lijou'ma aixim'ma anuli al cueca' quexpats'qui li'nof'quiya afujca. Aixim'ma naitsi jilpe locutsuya. Lema'a y lamats' aimi'ya micołyacola' pe lopa'a jilque, tejac'mola'. Aimixinconayacola'. ¹² Aixim'mola' limanapola', lan tsila' y lan tsocay. Tecaxołanna jilpiya. Lan je'e pe linifingiya li'epa joupa uxpalaifquimpa. Ilpe aixim'ma locuenaj je'e uxpalaifcona'me. Jilpe inifingiya liłpuftine petsi nepenufpá liłpitine aimijouya. Cal Juez tixhue lan je'e linifingiya li'epa limanapola'. Lijou'ma timila' lo'iyacola'. ¹³ Iñe lomanapola' nomana' łaja ipalyonca. Jouc'a ipalunca petsi cuftine Hades, petsi Lamaya ummepola'. Limanapola', ma' anuli to li'epa, ti'i'ma lo'iyacola'. Tohta'a lomipola' cal Juez. ¹⁴ Jilpiya al cuecaj capa imanna cunga ti'nij'minnila' Lamaya jouc'a ilpe al lugar cuftine Hades. ¹⁵ Jilpe al cuecaj capa imanna cunga, ti'nij'minnila' jouc'a jahuay petsi aiquinifingiya liłpuftine jilpe al je'e. Iñiya petsi ninifingiya liłpuftine, pe joupa nepenufpá liłpitine aimijouya, aici'nij'minnila'.

21

¹ Aixim'ma al ts'e quema'a y ats'e lamats'. Ailopa'a caja. Lomana' itsiya lema'a y li'a lamats' joupa ejac'pola'. ² Aixim'ma al Paxi Quilya', ilpe al ts'e Jerusalén imuyomma lema'a pe lopa'a LanDios. Iñiya al cuecaj quilya' etejyoxi juaiconapa al c'a, ma to metej'moxi łahuats' namaneya, litine tilecoła' ilpe'ailli'.

³ Aicuej'ma anuli tipalay, itque lopa'a jilpe lexpats'qui li'nof'quiya. Tipalay ujfxi, ticua:

“¡Toxinła!, icuaico'me LanDios y lixanuc', itsiya timajm'me anuli!

LanDios tines'ma: ‘Iñe linca aixanuc', iya' ilenDios’.

Itque hilenDios aimecanujyacola' quilituca'.

⁴ LanDios tetufc'ena'mola' lilujay lixanuc', aimijolijconayacu.

Ilpe litine aimi'ya camaya, tijouna'ma nulemma.

Aimixhuełmot'leconayacu, aimijolijconayacu, aimitelconayacu cumla.

Ti'ila' tohta'a joupa ipaicopa jahuay.”

⁵ Nocutsafya lexpats'qui li'nof'quiya ticua: “¡Toxinła! Ca'e'econghua ats'e.” Alpalaic'opa, ałmi: “Tainihjnla' laifmipo' itsiya. Al linca laitaiqui', aimipaicoya.”

⁶ Ti'hua alpalaic'o, ałmi: “Joupa enantpa jahuay laimipo'. Iya' al'onłcospa to łainila cal A, jouc'a al'onłcospa to łainila cal Z. Iya' aipangopa jahuay, iya' jouc'a cajou'ne'ma jahuay. Pe łaicuipa quija' iya' cuhui'i'ma quija', tixnala'

petsi laipayomma laja', iŕe lapi'iya lipitine aimijouya. Aica'najtsi'iya, ma le'a cuhui'i'ma tixnala'.

⁷ "Cal xans nolijya, toŕta'a ti'i'ma, toŕta'a tepenuf'ma. Itque ai'hua, iya' enDios, aicacanuŕya. ⁸ Ituca' lo'iyacola' pe notaipá calaic'ata, iŕne aimali-huequi. Jouc'a ituca' lo'iyacola' pe aimal'huaiyinge, jouc'a iŕniya lan xujc'a xanuc', jouc'a noma'ahualepá, jouc'a nahuepá quilecal'no', jouc'a lam brujo, jouc'a naxc'onŕingolaipá lilendiosla', jouc'a linfel'miyalepá. Jahuay iŕniya tepenuf'me lapi'iyacola'. Tecajm'mim'mola' al cuecaj capa imanna cunga, tipi lazufre. Toŕta'a lo'iyacola' pe nomaconayacola' oquemma."

⁹ Jiŕpe lema'a lan caitsi capaluc' quema'a liluhuaic' liŕtaza, iŕne imanotiŕa' lan caitsi lijoucola' cateŕcoya, anuli iŕniya lapaluc' quema'a alpalaic'o, almi: "To'huanni. Lepá. Camuc'ito' lahuats' namaneya. La'huaj Moŕ tileco'ma."

¹⁰ Lijou'ma aixim'ma to i'hua'ma laipicuejma', aŕeco'ma al toncay anuli cal cuecaj quijuala itoqui. Aixim'ma al Paxi Quiŕya' Jerusalén timuyomma lema'a pe lopa'a LanDios. ¹¹ Ita'a liŕya' epalc'o'. Lipepalc'o' maŕe lipepalc'o' LanDios. Ma to munts'ifqui lapic acueca' quipitali, ma toŕe tepalc'o'i al Cuecaj Quiŕya', tunts'ifqui to lapic cuftine jaspe, cangufca i'huáqui.

¹² Canumicay liŕya' tipa'a cal cuecaj quitoqui caital. Iŕiya laital tipa'a imbamaj coque' lipuertá. Jiŕpe cal puertá tecaxola'anna lapaluc' quema'a, anuli anuli al puerta. Iŕpe cal puertá inŕingiya liŕpuftine limbamaj coquexi' linaxque' cal xans Israel, iŕne laŕtatahueló. Apuerta apuerta tipa'a lipuŕtine.

¹³ Iŕpe laital lehuoc'ocojma laipammaiyomma cal 'ora tipa'a afane' cal puertá. Lehuoc'ocojma lo'huayomma huŕfxi cahua' tipa'a afane' cal puertá. Lehuoc'ocojma lo'huayomma lahua' quema' caja tipa'a afane' cal puertá. Lehuoc'ocojma lof'acaiyopa cal 'ora tipa'a afane' cal puertá. ¹⁴ Iŕpe lipital liŕya' itsahuecomma imbamaj coque' lapic'. Anuli anuli lapic tiniŕijnya anuli laŕtine. Liŕpuftine iŕne limbamaj coquexi' lan apóstole, iŕne ts'ilihuequi La'huaj Moŕ.

¹⁵ Lapaluc quema'a lapalaic'o'ma itaic' loxpijcompa. Tocomma al laj-jaxa, ilajncopa a'oro. Tixpijta iŕpe liŕya' jouc'a lipuertá, jouc'a lipital. ¹⁶ Liŕya' ma' anuli lipitoqui lipexpats'qui. Lapaluc quema'a tixpicufi liŕya'. Lixpicufpa imbamaj coquej mil estadio. Liŕya' lipitoqui, li'nofquiya, lipexpats'qui ma' anuli lixpicufpa. Iŕne limbamaj coquej mil estadio ixhuaitsi to oquej mil, oquej maxnu kilómetro. ¹⁷ Tixpicufi laital ma to mixpicufyi lan xanuc', ma toŕe tixpicufi lapaluc quema'a. Itque laital tixhuaispa anuli maxnu oquej nuxans malpu codo. (Tocomma to afane' nuxans y amaque' metro.)

¹⁸ Laital ilajncopa lapic cuftine ajaspe. Liŕya' ilajncopa a'oro xonca al c'a. Tunts'ifqui to al pulu lepaquiya.

¹⁹ Pe lipanc'micopa lipital liŕya' i'huáqui ac'a juaiconapa, ilanc'empa al c'a. Iŕpiya timana' imbamaj coque' lapic', acueca' ipitali iŕniya lapic'. Cal te'a capic ajaspe, hihuequi azafiro, locuena a'ágata, locuena a'esmeralda, ²⁰ locuena asardónica, (iŕque a'onix), locuena acornalina, locuena acrisólito, locuena aberilo, locuena atopacio, locuena acrisoprada, locuena ajacinto, lijoujma capic a'amatista. ²¹ Limbamaj coque' lipuertá ilajncopa aperla. Anuli anuli lipuerta ilajncopa anuli cal perla. Al cuecaj cane liŕya' ilajncopa a'oro xonca al c'a. Tunts'ifqui to lepaquiya al pulu.

²² Iŕpiya aicaixim'ma xoute'. Ailopa'a. Iŕpiya liŕya' tipa'a laŕPoujna LanDios, ticuxe jahuay. Lan xanuc' text'onŕingolaŕyi LanDios, text'onŕingolaŕyi La'huaj Moŕ. ²³ Ni cal 'ora ni cal mut'la aimepalc'o'i liŕya'. Aimicuicomma. Ma LanDios lipepalc'o' tepalc'o'i, La'huaj Moŕ jouc'a epalc'o'. ²⁴ Iŕe lipepalc'o' iŕpe liŕya' tepalc'o'ila' lan nación, tiyeŕe al c'a lan xanuc'. Iŕpiya liŕya' tiŕcuaispa lan tsila' quincuxepá nomana' li'a lamats'. Itaic' cal cueca' quili'huexi tipo'nota

jilpe. ²⁵ Cal puertá timanemma exiliya. Ilpe pangay quitine. Aimimufc'o'. Ailopa'a quipuqui', aimixnif'miya cal puertá. ²⁶ Ilpe tilcuaispa lan xanuc' quiyouyomma jahuary lan nación. Tilcuai'espera al cueca' quih'huexi, jahuary al c'a li'huca. ²⁷ Jilpe titsulfaiyi ma le'a lan xanuc' liniñgiya lilpuftine lije'e La'huaj Moł, ile al je'e petsi liniñgiya lilpuftine pe nepenufpá lilpitine aimijouya. Aimitsufaiya jilpiya petsi aimetenłma LanDios. Jouc'a aimitsuflaiyacu pe no'epá al xujc'a, ni nofel'miyalepá.

22

¹⁻² Lapaluc quema'a al muc'i'ma al pana'. Jilpe al pana' a'i quijuel laja', tunts'ifqui to lepaquiya al pulu. Al pana' tipayomma lexpats'qui li'nof'quiya pe lomana' LanDios y La'huaj Moł. Tinu al cuecaj cane liya'. Jahuary noxnapá jile laja' ti'hua ts'ilmaf'i'. Lema lema al pana' tipa'a al 'ec. Notepá hi'as ile al 'ec tepenufyi lilpitine aimijouya. Amut'la amut'la al 'ec ti'atsi. Tixhuaiti anuli camats' jouna i'aspa imbamaj coquemma. Afxi lipela, tixał'mela' lan xanuc' nomana' lan nación. ³ Jilpe tipa'a ma le'a letenłcocopa LanDios. Licuajquimpa ailopa'a. Małpe liya' tipa'a lexpats'qui li'nof'quiya pe lomana' LanDios y La'huaj Moł. Lan xanuc' naimetsaicopá LanDios to quih'Poujna, ilpiya ti'eyi lipenic', text'onłngolaiyi pe lopa'a. ⁴ Tehuelojnyi li'a La'huaj Moł, lipuftine tiniñjnya hilepali. ⁵ Ilpe ailopa'a quipuqui'. Aimicuicomma quepalc'o', ni lepał 'ora ni ocuena quepalc'o' to lapalc'o'ipa lamats'. Lil'Poujna, ilque LanDios, tepalc'o'ila'. Lixanuc' ticuxe'me, aimijouya lilcuxejma.

⁶ Lapaluc quema'a al mi: "Al linca jile lataiqui' laifmipo'. Ma tołta'a ti'i'ma. LanDios, ilque lil'Poujna lam profeta, alummepa iya' epaluc. Al muc'ipa lo'iya. Lixanuc' no'epá lipenic', LanDios ipic'a ti'ila' quilsina' ile lo'iya."

⁷ "¡Toxinla! Aimałcołya. Ma cacuaihuo. Tixoquei queta naiti nopo'nopa cuenna loya'apa LanDios, ile litaiqui' liniñgiya fa'a ilta'a al je'e."

⁸ Iya' ninJuan jouna aicuejpa ilniya lataiqui', jouna aiximpa li'ipa. Totiya nexc'onłngai'ma li'mitsi' lapaluc quema'a, ilque lamuc'ipa tołta'a, ile jouna niniłpa fa'a al je'e. ⁹ Lapaluc al mi: "A'i. Aimo'e'ma tołta'a. Jahuary al'eyi lipenic' łal'Poujna LanDios, ima' jouc'a lapimaye lam profeta, jouc'a no'epá cuenna lominiñjmpa fa'a ilta'a al je'e. Taxc'onłngaiłta' LanDios." ¹⁰ Jouc'a al mi: "Ilta'a al je'e aimoxpats'ijm'ma lisello. Jifa'a tiniñjnya lixpicepa LanDios. Itsiya aimicołya, ma ti'i'ma. ¹¹ Cal xans latenłcocopa lixcay lo'epa, ti'hua ti'econłta' lixcay. Cal xans latenłcocopa al xujc'a lo'epa, ti'hua ti'econłta' al xujc'a. Cal xans latenłcocopa al c'a lo'epa, ti'hua ti'econłta' al c'a. Cal xans pe i'huexi LanDios ti'hua tihuejla' LanDios, aimenaj'moxi."

¹² "¡Toxinla! Aimałcołya. Cacuaicoconno. Lan xanuc' to lo'epa, ma' anuli tepenufcona'me. Cacuaiyunni, lan c'a xanuc' tepenuf'me al c'a. Lixcay xanuc' tepenuf'me lixcay. ¹³ Iya' al'onłcospa to łainila cal A, jouc'a al'onłcospa to łainila cal Z. Aipangopa jahuary, jouc'a jahuary cajou'ne'ma. Iya' ninTe'a jouc'a niJoujma."

¹⁴ Tixoj'ma quileta petsi jouna epajpa lilpijahua', LanDios tixim'mola' limpio. Ilniya tepi'i'mola' lilmane titele hi'as al 'ec lapi'iyacola' lilpitine aimijouya. Titsuflai'me cal puertá, timajnta jilpe al Paxi Liya'. ¹⁵ Luna timana' lan xujc'a xanuc' lo'onłcospola' to lan tsilqui. Jouc'a timana' lam brujo, jouc'a pe nahuepá quilecał'no', jouc'a noma'ahualepá, jouc'a pe naxc'onłngolai'pá lilendiosla', jouc'a pe natets'ipá al linca, jouc'a linfel'miyale.

¹⁶ "Iya' ninJesús nummepa łainepaluc. Ile laitaiqui' lomuc'impo' cu'ila' jahuary lapimaye lolafot'łepołtsi. Iya' lanef'epa cal rey David, ilque aitatahuelo. Iya' capalc'o'i acueca', tołta'a lacui'impá ninXamna Quilic'ejma'."

¹⁷ Cal Espíritu Santo jouc'a Lipeno cal Moł timiyi: “¡To'huanni!”

Naitsi nocuejpa ìe lataiqui' jouc'a timiła': “¡To'huanni!”

Imanc', ja'ni ticui conĵa', toliłoc'olaiyunca. Laja' lapi'iyacolhuo' lołpitine aimijouya, tołsnałe. Ìe laja' tepi'im'molhuo', aimi'najtsi'inyacolhuo'.

¹⁸ Lataiqui' liniiya fa'a al je'e ma' itaiqui' ŁanDios, tuya'e' lixic'epa. Iya' camilhuo' jahuay imanc' nołquimf'epá: Aimolatonc'i'me. Ja'ni tolatonc'i'me ŁanDios xonca' titeł'mi'molhuo'. Titeł'mi'molhuo' to linilingiya jilta'a al je'e, ìe tuya'e' lixic'epa ŁanDios. ¹⁹ Jouc'a aimoliłonc'e'me anuli lataiqui'. Ja'ni toliłonc'e'me anuli jilta'a lataiqui' ŁanDios tiłonc'e'e'molhuo' lapi'ipola' lixanuc', ìe loya'apa ilta'a al je'e. Tołta'a aimepi'inyacolhuo' lane mołtejacu hi'as jile al 'ec lapi'ipola' lan xanuc' liłpitine aimijouya. Aimołsulfaiyacu al Paxi Quiłya'.

²⁰ Lataiqui' liniiya fa'a al je'e itaiqui' Nopalaipa itsiya, ticua: “Łinca cacuaiy-oconno. Aimałcołya.”

Amén. Tołta'a ti'ila'. Ima' maiPoujna Jesús: ¡To'huanni!

²¹ ŁałPoujna Jesús mouqui mouqui titoc'itsolhuo' jahuay imanc'. Amén. Tołta'a ti'ila'.